

四庫全書存目叢書編纂委員會編

齊魯書社


四庫全書存目叢書

四庫全書存目叢書編纂委員會編

齊魯書社


四庫全書存目叢書

史部
第一一三冊



責任編輯：孫言誠 賀 偉

ISBN 7-5333-0535-3



9 787533 305352 >

ZB100/56

四庫全書存目叢書·史部一一三

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 51.875 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價：87600 圓

史部第一一三冊目次

史部·傳記類

兩浙名賢錄五十四卷外錄八卷(外錄卷八配鈔本)(一)

(明)徐象梅撰

北京大學圖書館藏明天啓徐氏光碧堂刻本

.....
一

兩浙名賢錄五十四卷外錄
八卷（外錄卷八配鈔本）

（一）

〔明〕徐象梅撰

北京大學圖書館藏明天啓徐氏光碧
堂刻本

兩浙名賢錄序

纂撰出心風儆奏目
光注睫受譬彼日星
是以國史如日見古
猶今方志若星聚明
序
作照吾浙地分牛斗
一躔山鏡東西二目
而漢占帝座晉驗少
微氣值漸江虹流構
李丙宜與之爭耀酉

必不忍長藏合數千
百年輝山灼海之精
茫不得不借一名士
手於今日之徐君仲
和使昭垂之也惟是

序

昔情常存繫此殘冊
今代不往住彼貽編
浙有紀載如謝鍾虞
吳會稽錢塘先後賢
傳典錄地記咸用沈

湮靡從檢擷特恃郡
邑記乘及省會通志
而已顧郡縣必睭情
而詳猥通總每戒濫
而節縮猥甚則俚縮

序

三

極則晦或去史而炫
異或逞情而失實休
顯售名易窮陋附見
難集媿浮聲篇掛漏
德以故骨憎錢某

摘野聞傳虞米乞別
思祕橐殆謂單帙時
存真是非外撰曾無
過毀讚也徐君於是
就史徵信搜乘摘誣

序

四

論久乍歸碣方出地
一甘瓠借五探車廻
聲削浮士之譽名採
正人之譏與天下所
公是提人心之未醒

人於一生揭其特重
事有兩大衡其所至
故或使之居彼而適
稱出此而陡輕不作
應聲蟲斥彼碧雲馭

序

五

今所必怒後當見量
不令位置違其恒素
則於儒理孝忠二十
餘則所爲匡廓台蕩
江海間已灰之靈明

欲飛之情想者乎余
惟兩浙產無媿千古
今每用一人綱維一
世東京節義實始子
陵江左再安繫惟謝
傳遜國忠希古之灰
良知啟伯安之脉黃
忠簡之處父子不殊
忠定內禪于忠肅之
稱再造奚翅宣公奉

天是歷代有故浙必
有人爲天下先也又
如程巽隱之殉建文
項襄毅之平陝亂屠
康僖之請寬恤鄭端
簡之編吾學沈司馬
之論綱常是
朝家有故嘉亦有人爲
浙士先也徐君自表
兩浙士重於今天下

余更表嘉所產且以
重兩浙併光數千載
昭爲一星紀使之拱
北輝離用之增明今
日之日者也余昔在

詞林檢繙地志下邑
必推德涵武功名郡
則稱穀峰充乘若總
撰則蜀無過升菴藝
文荆獨許玄素楚紀

但楚紀外及仕轍游
軒去此則徐君浙錄
矩矱近之然廖窺中
秘採撰易成登穀富
徐雖腹笥据撫難爲

集翠工矣未易君臣
允稱兄弟讀此未可
謂浙無人也

賜進士及第光祿大夫
柱國少傅兼太子太

傳戶部尚書武英殿

大學士同知

制誥

經筵


日講

序

玉牒提調

實錄總裁繡水朱國祚

譔



兩浙名賢錄序

今夫世之有名賢天之有
日星地之有河嶽而鳥獸
之有麟鳳也宇宙精英蔚
為世儀况以吾浙天目鳳

黃序

山之所鬱盤大海長江之
所鼓盪鍾靈毓秀歷代挺
生豈少名世英賢邁往古
而駕方內哉惟是籍無專
錄士希逖覽聞見局於隔

世行事清于月旦或并姓
氏邑里而堙沒之若魯兩
生漢吳公然者蓋論世知
人若斯之難也余以人徐
生仲和高才負奇困頓諸

黃序

二

生間不耐為比偶之業踰
壯昂棄去雅意不朽乃取
浙賢而徧蒐之遠遡唐虞
近訖
世穆上下四千年網羅十

一郡為門二十有二為卷
五十有四首儒碩終寓賢
而浙之為浙燦乎備矣錄
成題之曰兩浙名賢而以
索予序余覽竟喟然嘆曰

黃序

三

甚矣獻之不可以無文也
賢者之有功于世而徐生
之有功于賢以張浙也殆
有五善焉夫千載以來賢
哲如林國史郡邑志釋官

家乘散漫篇幅而乃以代
隸人以人隸品潛見殊軌
盛美嗣傳吾取其統紀一
忠節勲敵爛然朝列而巖
穴顯奇閭巷標異吾取其

東序

四

幽隱竅不以王霸先儒碩
不以經濟先忠孝才節仕
隱各從其至文武德業韜
列其倫吾取其品目誅善
善欲長惡惡欲短所紀惟

賢否者弗錄芳規可隨節
夫內媿吾取其激揚微高
山景行千載非遙楷模在
前興起未艾吾取其風厲
遠然則是錄也倣春秋編

東序

五

年之法而考其世約遷固
列傳之體而概其人似名
臣紀而逮微賤似獻徵錄
而溯前古若楚國先賢襄
陽著舊簡冊垂休日月俱

遠取其足以張浙而已是
史氏之勞臣而文士之鴻
裁也論世知人何可一日
無此書哉今

國家弘文纂史徵天下博

洽瑰璋之士搜山林之逸

而如生者挾筴而從簪筆

之後討論潤色必有可觀


寔不賢于一青衫老手不

然者文苑高隱之間仲和

必有以自處矣

天啟甲子秋寓生黃汝亨

謨并書



兩浙名賢錄序

天地非虛位不發於人文則精神不
靈古今非陳迹不托於斯文則耳目
不開後人之耳目即前人之精神是
也前人之精神即後人之耳目是也
孔子以是此開春秋之耳目子與氏

楊序一

以仁義開戰國之耳目子與氏以
記傳開二千二百六十餘年之耳目
班掾父子以述作開一代之耳目迄
今尚友者低徊千古構讓一堂如親
見其人履其事開卷指掌即可以啓
後人之聳矚者之浙東西為天地具

區山川蒼蔚江海磅礴鍾為人文世
代濟美肩背相望其表其前代者無
具論即我

朝之宏巨者首開國則青田擅其謀
定內難則東甬表其節職巨逆則文
成帝其勲此程處會風雲各見其奇

楊序二

然亦無乃鍾英地靈則傑耳仲和徐
子英朗秀博洽淹通以文園瑞鳳
甘為東海醉龍俗身天地緬懷千古
釐泮代之興圖鍾情桑梓控東西之
巨壑夢探名賢首標門額系以賞翁
鍾金行藏廣之傳論由經常以及述

數自紫閣以逮茅山臣不遺閭閻
無外三四異稿十載編纂透龍飛鳳
舞之精神開揚日攀雲之耳目蓋瑰
意奇行世遠而易湮達士高人隱跡
而埋耀名山大川能使其精神自完
不能文其耳目閱世後生景行必藉

卷三

高山達士指南惟循鍼路然精神能
通於上世而耳目易隔於面牆如彼
優孟衣冠傳奇史千載心惺猶能
令人願解舌喬校指源下耳目開心
初生嬰孺未識父面異地長成壯經
指引覲面路人耳目未開也以故欲

振上世之精神以接今人耳目必不
可無此書欲醒今人之耳目以透上
世精神亦必不可無此書此仲和翁
崇抱環學古論世拳拳之素志也且
才擅三長識窺二酉脩然世外一片
虛公不倚世局開偕潛之端不私素

卷四

見鑒好惡之心書成將及天台雁蕩
增秀五泄兩目添潤八月江湖千尋
海闊尚能自致其奇哉大中丞石水
蘓公雅志慕玄潛心典故嘉占其事
不佞開門多暇視為道德千言錄云
刻俸未即脫板尚賴北開賀民部斗

靈海監樊大尹紫臺以成斯美嗟
耳目既開精神必振方今東晉建
藩南苦安蒲安得如青田亦肅文宋
華奮袂而起相与建北宮之業以清
茲材疆哉然以祝兩浙山川且拭目
俟之矣

楊序五

告

天威癸亥小春月之吉

都水使臣冷然楊師孔頓首漢



兩浙名貴錄序

壬戌之槐司權常林得嘗聞大
中丞后水蘊公緒論每商確古
今如權稱物不爽絲髮一日書
來云錢唐諸生徐象極仲鮪真
名士也學窺二酉品邁霍南所
序

此州淵名賢錄典雅高潔有良
史才乃從來未育之書關繫地
方甚大余因得讀其初刻成僅
十之二三嘗鼎一臠已知全味
五蘊之稭雖曳兕手調莫美於
是物色者久之始得覩其廡貌

序
其辯論始見過於閭遠甚余
不覺化而歎曰嗟乎天以靈異
之氣鍾於兩洲山川篤生古來
諸名賢復鍾于今日生仲樞
表章之其功昇緇維人物幹旋
宇宙者等則仲樞所爲默承冥

二

意遠振陳蹤合芳輓叭掃不同
之軌一身之關繫受大宜乎脫
履功名潛心潛化古不存味頸
微授穎十有餘年所書始成其
爲力詎不艱哉蓋其艾潤古史
一虎鑽仕之足矣至若檢方志

序
於不說不脩之時固否感于若
存若亡之際庠家藥則莫壞此
機搜墓碣則諛骨皆香到於今
而是非之淆極已又安所憑以
爲去取乎乃仲樞獨能剝外飾
叭抉中藏略驪黃所賞神駿論

三

一之必要本末替一更渡槩始
終位置不易其恒品顯不違其
繁是正以瑩瑩研雖無瑕不探
也是珠必握魚目雖無類不擬
也故其刺畫描画賸質授形若
鏡之照人妍媸自獻水之流

地所負直成令讀之者恍然
如對其多舛之笑語也如當其
皆與之指讓也又如親見其行
吏所具佐之拮据不能心代之
籌算不及也彼執鞭之愚吏駕
之僉鬱鬱然勃然勤於誦讀

序

四

之餘所溢于心目之表非坐精
孰能若是咎張僧繇画鷹鸞側
目所鳩鵲改極吳潛子化地獄
變相所屠沽從業画之通靈昇
亥之勤物一也間仲樞善画得
微以張吳鈔心辨之馬莊鴻奉

故無須益類上之毛拂眼中之
粉讀暗啼叱咤者航項藉渡生
攬循髮撫環香衣李陵欲絕也
哉大中承定系從來未育之書
非欺我矣又昔仲鮪貧斥產殺
青瑤不盈十冷然楊水韶割瘠

序

五

幾半所叭代去余隄水韶勦系
之又未覩厥成所以病去豈坐
川之靈秘不欲盡洩雪抑何某
多故也雖際海內同志不乏是
又肯踵余兩公盡傾書廩榆莢
叭終某吏所仲和之硯田齋矣

吾知穰、淵簞汚邪滿車不火
假豚蹄斗酒以彘祀將有壺
其毛不盡者即斥產奚靳焉嗟
并使无下耒畊之士皆力穡若
仲蘇又思吾不穫之歎哉

告

序

中

天啓三年癸亥陽月之吉

滄陽賀君恩謨并書



友游名吳錄叙

自來名矣溪沒而不傳其不
可勝數故理名錄衆者勿以
卽如澤河南有吳公史克史
其名其子亦克其可致僅存
與古傳一可也而已夫子好
其友叙之禮而克其子又敘
之其淑其錄之亦可已也第
出自私家外名爲史若錄自
私義不潤雲極最爲之爲語
錄衆名爲解友然其人有子
終賴以不朽也其國先矣其慕

楊耆瘠工傳則示可以解友
少之七輔唐後生象極李仲
和素為名法生而竟僣毫棘
困浮沉于一紙書形乃發懷
著及以舒字證示乎之氣當
思其心之光於他日豈可致因
據重遷予勸宋一象片題為
東淑名矣錄而曰叙予來仲和
父來及四淑淑人才如衡書
田之胡運于世蒲之宅能王文
宋之蕭運功名予業文日月而
光其它以叙予文章懷行才語


名為隱治各分輝已壞而未
有宋及執為實錄以表年之
晚乎仲和意言深是夫其人
乃北魏求子故名而後苑者
而致之沈之世傳即七史公四
伯夷子富強矣而夫子而名著
氣偏令其後大漢小者其氣單
墨東家其不文而家黑夫同而
富乎乎且禮失而求諸野第一
史氏為不遺書是錄又可補
其難照強語仲和為史氏之
功也也第是錄將將副名

山而進退既寬何說者謂
 此錄可羽翼心史庶不負一
 片苦心不然則為違好惡之
 節家之謂又不然則得老子
 又韓非同傳後失之是也松
 不謂五難坤和公堂之吾因志
 其不然也錄乃一二十卷一為卷
 五十五四為儒碩而終之以窮
 矣云

震旦齋校壁錄



兩浙名賢錄序



纂錄家有三種洞見天人之理
 其評論足以俟百世志追先哲
 緝前言往行以定一尊胸中有
 所憤懣不平偕古人以發之此
 皆賢者事也武林徐生象梅少
 博學嗜古工為詩賦襍文中年
 頗棄弗賢猷有味於論世知人
 之旨錄兩浙名賢凡若干卷其
 所紀事舉其大者以概見其詞
 簡而挾其意有所會論而贊之
 生固雅自愛不肯曳裾貴人之

門獨攜其書走當路謁序余宰
鹽邑生舊附籍西鄉亦以序問
余讀其書而謂之曰生賢乎哉
今士燦髮授一經白首醉其中
期以決策黷科鮮能窮及文史
即叩以兩漢三國尚多若存若

樂序

二

亡何況後世已入仕途又拘嫌
疑避忌諱弗敢輕作稗官小說
襍以恢諧雖同於警世而傳信
者少君子弗賢生於一方不以
里閭自域其見能求古先聞達
士而上下之此其志量殆甚濶

非淺、爲章句訓詁者比也聞
生屢困場屋而不悶亦不輟學
其抱負當有不輕者壯季曾挾
策走京師欲干諸侯王而懷刺
不投竟貂敝而返此其中侶不
忘當世知猷不愆於碌、之知

樂序

三

耳今天下方多事生何不一出
而吐其奇還僭章句爲媒起壯
天子之猷掃嫌疑忌諱獨暢其
所欲言乎雖然生於三者亦遜
弗居所述皆嘉言懿行可令人
觀感必不忍嫉世俗而抗高志

又安肯藏名山而飲谷水也余
謂生始繼獲麟而軼司馬以兩
淵槩天下乎生自此遠矣其抱
三長之才不遂志而發之此耶
安知此錄之不以金紫易乎哉
時

樂序

天啓二年歲次壬戌十月之望

黃國樊維城撰



兩浙名賢錄序



名賢錄刻既成客有過余者而言曰古史
紀言紀動左右各有專局史而不史曰溺
非史而史曰侵無史而史曰僭所舍者腐毫
而擬柱下之簪筆所裹者螢火而希太乙
之然藜人之稱是錄也其謂之何余曰唯
否子之所謂言者史也非錄也史書一人之

序一

言動以立大法於天下錄紀諸賢之言動
以上承一人而法其法於後世此史與錄之
所繇分也吾嘗因是而譬之一人若天也天
無言而化不動而變懸日月星辰以昭回
之而鼓之以風雷宣之以雨露其備以時
其應以節無愆無伏不驕不亢簪筆者
即敬以書之如是而已其職尊其事重

其為力則約而不繁其用心則甘而不苦諸
賢者萬物也其大如四靈或鳴於朝或游於
園或藏太廟或雨下土依末光為昭回而并
含生之倫共鼓盪於風雷雨露之下適時
而言乘勢而動昭然在人耳目者其錄之
猶易也至若棲枳之鸞繫谷之駒監服之
驥海窖之羝在藻之鱗專域之雉或如晦以

四序二

表貞或嚶鳴以求友或吸風餐露以振其
清或飲泉食壤以埋其潔或挺荒歲之特
苗或挾寒年之纖纊或揚孤芳於空谷或
結九房於糞壤或胎明月以沉於淵或抱
痼疾而蘊於璞不依聲以為言此逐響
者之所不收也每越繩以為動又拘方者之
所不採也自非擴無方之識馳域外之觀

又安知梧絲竹而取希聲卻邯鄲而收故步
哉錄至於是其力倍狠而其心更苦矣古之
論史僅曰三長而已以余而觀是錄不獨
三長而且兼有十難上下千古邐迥而淵
一氣所貫百節皆靈吾難其博自為去取
不泥是非無旁撓無曲貸吾難其任丹鉛
在手描画以神繁者芟之槁者澤之字之

四序五

有根篇之可誦吾難其工賢者雖卑賤必甄
不肖者即尊賢弗取吾難其嚴不為勢惕
不為利回不為誹譽而易慮吾難其勇書一
言之美重於錚駟紀一事之善信若著蔡
意在表章不為刻覈吾難其恕遇方聞
之士必咨必詢吾難其虛雖一家之乘必搜
必採吾難其勤本吾儒而外佛老吾難其心

尊王佐而卑霸跡先忠孝獨行而後功業文章吾難其排衆好以伸獨嗜蓋本志以立言則其言不苟因言以標志則其志不磨所謂存一王之法於萬世懃兩浙之表於四方即謂史氏之功臣可也而顧以爲侵耶僭耶吾知由是而縣之國門吉光復陶不足方其古轡文鐙來不足茲其雅金鏗石鐫不足比其

陸序

音豈非名教之丹青人倫之藻鑑哉余當參訂是錄行披句櫛奪目醉心之日久矣故能言其彷彿若是若曰阿私所好以欺龍瞽則安所解於吾子乎客不覺蹶然而起離席而頓顙曰吾過矣吾過矣沈井堦而溷蛙黷又安知四海之大觀哉非吾子孰發吾覆願次其言以曉世之不知是錄而輕爲訾議者

余曰唯：有是哉子之賢乎既勇於任過而復欲振天下之耳目而昭明之其意當与是錄並傳矣余謝不敏遂次其語以附於諸君子序言之末

天啓三年歲次癸亥十一月長至日

當湖陸澄原兩端氏誤



陸序

兩浙名賢錄凡例

一是錄上遡唐虞下終世穆擬兩浙之嶽懿樹四海之典型人依代綴做傳體而寓編年事屬類分總志林而標論世文雖因舊義則表微蓋非賢不錄是以有去取而無褒譏第合格則書詎敢以刪潤而希作者知我罪我聽之後賢

一國史麗志指趣不同史以傳信貴詳志則紀賢尚覈若夫詳而不穢覈而不疎則史志之善物也今

凡例

光碧堂

是錄準志立程收於去取外者十僅二三攷史修辭裁之筆削間者十逾五六惟是芟繁就簡以核其真不敢飾回爲美以離其質雖曰妄作實亦苦心

一志之爲書頗稱繁猥在守土者每修之以貢職方而操觚家多束之以度高閣卽有博雅未必披尋試舉國賢一一質之能矢口而譚如朱育之對濮陽興夏統之答賈公問蓋亦鮮矣愚懼其久而或

湮也故臚列其人區分其事使尚論者不必憮然一展卷而如親炙其人焉所不動敬止思齊之念者非夫矣興起後學於此似有微功

一近代傳誌不稱名而稱公此諛墓之辭非史體也非惟文不淳古且使讀者數行而後不復知稱述何人愚槩易公稱名以存書法惟理學敘目加先生二字者明師承之自尊道統也

一錄曰名賢重儀世也不賢而無儀卽爵祿奚重焉

凡例

二

光碧堂

故凡國史之所傳麗志之所紀與夫家乘之所載止稱官閥而言行無足採者悉削而不錄

一海鹽秦屬會稽舊城最廣自唐析北境爲華亭乃并屬於吳焉故凡海鹽所產前史悉書吳人華亭志類收之而海鹽反遺華亭者未之考也海鹽之收華亭自徐泰始泰之言曰志人物於華亭未析之前者放宋陶岳零陵志俾其子孫可攷也可謂有良史之識矣愚仍而錄之以補前史之缺

一按陸道瞻吳地記云海鹽東北二百里長谷陸遜陸抗居之谷東二里崑山父祖葬焉故陸機詩云髣髴谷水陽婉孌崑山陰則陸氏固海鹽人也陸氏之居長谷自康始故收陸氏於海鹽亦自康始云

一理學止稱某先生不書官閥者人爵非其所貴爾若夫攷其師授雖有別宗統之道真原無殊趣如關閭漁洛之學偶以地分而周程張朱之道不緣人異况纔有源流便分門戶故是錄一槩不敘師承者所以剴意見之藩籬關性真之閫奧也

一孝爲百行之原吾夫子行在孝經而以不敢毀傷爲孝始則孝之爲孝可知矣廬墓且非而况刳股剝肝哉雖曰以父母之遺體還救父母倘一割不起父母未瞑而先自殘誰肩後事者先儒以爲非孝也安常處順以色養爲難顛沛流離以自致爲重非是者不錄

九

三

光碧堂

一吳大帝傳業四世發跡富春陳孝武垂統三朝肇基吳郡至於南渡八龍半多浙產不敢槩錄者帝紀之尊難同列傳也惟以破虜父子吳越五王定爲開霸而以一時共事之臣稱霸佐以附之明英雄崛起不難化家爲國是豈常人之所能效哉故立例書之以志事始若夫句踐失國再興難云先業禹迹不泯繫諸大夫是賴居然霸首夫復何疑

一明興攀附元勳大都生於濠泗惟文學四先生產於東浙當時戡定大業藉其謀畫居多愚故稱四先生爲翊運而以國初徵辟薦諸賢附之明經綸於草昧者與休明之鼓吹不同重王佐也

一吏治以紀政績政之寬猛雖殊總以宜民爲上民之所宜頌聲斯作故以是官起舉卽以是官標目前後之所履不重焉使考治者知所自始也紀武功亦然

一寓賢止迄本身所生子孫卽爲土著以易世而後

九

四

光碧堂

既食斯土之毛難稱舊籍耳如王羲之稱山陰窮公而獻之卽收爲會稽清正其他以是爲例

一爲邦不常厥邑之民離焉是以富室克閭豪宗翬輦舊玉旣改新版自占其他或以戍遣或以宦遊濕東則異幹或可同枚境恬則他鄉洵美吾土故新豐移而雞犬自識棧楠銅柱標而馬流仍依營壘至於畏壘之尸逃其俎豆桐鄉之祀綿於子孫若此之儔指難數屈第數世而後率穢墓田此綏

九例

五

光碧堂

狐之思首丘雖雉之雄專域此而不知惡物甚矣愚故不隔古今大搜譜牒悉令轉徙之賢復還舊籍蓋挽良江之萬里歸諸濫觴總若木之千枝芘其浮梗是不待歌楚些以招之而九原之魂無不欣然來返者若原非浙產雖寓茲數世而復他徙者不敢繫錄以滋援附之誚

一列女必稱某人妻某人女者示所從也一醮不改兩髭之常惟當事勢兩難之際情禮俱迫之時或

委曲以全名或慷慨以盡節始爲難能愚故錄其尤異者以爲尋常嫠婦之法

一分門各從所重非曰尚武者無文修辭者寡業也孔門身通六藝者七十二人仲尼獨稱曾閔爲孝豈二子鮮他長而餘賢俱不知色養哉品人以所重爲衡大都若此至於意之所存寓於園點一篇竅要從○情事從○文法從、使披卷者曉然不必指授俱爲解人

九例

六

光碧堂

一俎豆鄉賢與旌表孝烈乃朝家風世重典古昔公論尚嚴濫與者百無一二晚近世風逾薄俎豆止祀甲科旌表第增門閥布素單簞之賢與者有幾卽使節如嚴光孝如董黯行如陳鄴執義如戴就臨難潔身如五烈生當今日觀風者未必知其姓字安望表厥宅里崇彼几筵所謂賢者未必與與者未必賢也公論之不存雖重典亦輕矣愚槩削而不書以爲未祀未旌者解

一仙釋兩家與吾儒並立爲三就其所執亦自有不可磨滅者矧以彼出世法游戲世間亦可稍化導之所不及辯之無益滅之不能則姑存之云爾標曰外錄以別異端

一生匪同時居皆異地以後學議前賢誠虞不逮從遺文徵往蹟傳或未真凡所臚分豈皆契合第志在表章法難刻覈一言可頌卽是楷模寧使受減不使受增此則論述之初意也識者幸毋以濫收

爲誚

一是錄自摘鉛以逮脫槧閱歲者五易稿者四雖云勞止詎敢自多蓋識既陋於覆醢學更淺於窺豹上下四千年世邈則考信甚難迴迴十一馳地遶則搜羅不易矧巖穴之奇閨房之秀爲傳志之所略耳目之所遺者更不少也則是錄未爲全書拾遺補缺敬以俟後之君子

天啓元年辛酉七月天孫渡河日徐象樹識

敘目

二儀並立匪儒莫三一中不倚萬化所含闢道之門揀道之柄經綸非奇孝友爲政錄儒頭第一

駸麟載道息鉏殞宗霸儒舌戰微言是攻績緒者誰

實維濂洛開先永嘉聖功始廓錄理學第二

勲華聖神拓真孝友啓百行原綜萬化紐赤子不失

大人是儀經天緯地惟庸故奇錄孝友第三

守身者孝致之卽忠曰啓手足乃竭股肱赤膽旣輸

白刃可蹈匪曰能忠而始克孝錄忠烈第四

視肉聚肉有目無足塊然不行君子所惡處爲衆父

出則世師窮達匪二惟獨是持錄獨行第五

王業未啓誰開霸圖不甘後起而奮先驅聚蟻以殲

檻獸以肉人發殺機天地反覆錄開霸第六

眞主龍飛孽胡魚爛陰瞋欲開啓明乃旦啓明者何

厥維四公永清大定鷹揚是同錄翊運第七

元首股肱誼曰一體乃翼乃爲是篤是恭造珥綴鷺

漸陸起鴻斷斷無技休休有容錄輔弼第八

山川降靈篤生碩輔砥九曲瀾奠萬世土闔闢在手

陰陽在心經之緯之乃武乃文錄經濟第九

雖有衆鷺不如一鶚曲木之繩美玉之錯補牘啓悟

折檻霽威屋漏無疚天只可回錄謹直第十

半通甫挂百里是司不矜子獨而恃母慈內之匪懷

哺之匪粟因其固然水火自足錄吏治第十一

佳兵不祥武緣戈止師貞在中帥以長子大旱之雨

敬

九

光碧堂

至仁之兵不擾自長不戰自平錄武功第十二

大人經世無方不圖一物失所時曰已辜業有所圉

德無不至自鄉徂國以垂百世錄德業第十三

魄濯水壺身褪玉尺不澄自清既方且直昵空微睨

點絕纖塵生死靡二寵辱不驚錄清正第十四

草特爲英才奇乃傑千羣亦空萬倫匪堦帝現是寶

國工所尊顯承前烈陰啓後昆錄才望第十五

身遊無競地處不爭悠悠玩世漠漠養神位匪冀尊

祿詎嫌薄勇退急流名徽解縛錄恬裕第十六

介石莫轉苦節可貞士固有志身豈易名抱石自沉

投疏立稿烈日澄江同鮮竝鼎錄風節第十七

莘耕出鼎礪釣起璜得雄亦飛遇雌則藏考槃弗諼

療饑泌水亡身與名孰顯與晦錄高隱第十八

六經緒解裂爲百家文矜霧豹筆咤江花繡虎七步

雕蟲萬言淳樸既散枝葉乃繁錄文苑第十九

雖曰小道亦有可觀大匠不棄榱桷乃完巧心所攻

敬

十

光碧堂

奇聞始破百世之名一日之誤錄方技第二十

女德無終古誌所誠彼貞者娥終天一戴臨危不變

矢死靡他彤管是煒孰齒若華錄列女第二十一

達士曠觀神安則止何必首丘而同狐死高山流水

賞會以心啓茲樂土昌彼後人錄寓賢第二十二



總目	
第一卷	第二卷
儒碩	儒碩
第三卷	第四卷
理學	理學
第五卷	第六卷
孝友	孝友
第七卷	第八卷
忠烈	忠烈
第九卷	第十卷
獨行	獨行
第十一卷	第十二卷
開霸 霸佐附	翊運 微辟貢薦附
第十三卷	第十四卷
輔弼	輔弼
第十五卷	第十六卷

經濟	經濟
第十七卷	第十八卷
經濟	經濟
第十九卷	第二十卷
經濟	經濟
第二十一卷	第二十二卷
讜直	讜直
第二十三卷	第二十四卷
讜直	讜直
第二十五卷	第二十六卷
吏治	吏治
第二十七卷	第二十八卷
吏治	吏治
第二十九卷	第三十卷
吏治	武功
第三十一卷	第三十二卷

武功	德業
第三十三卷	第三十四卷
德業	清正
第三十五卷	第三十六卷
清正	清正
第三十七卷	第三十八卷
清正	清正
第三十九卷	第四十卷
才望	才望
第四十一卷	第四十二卷
恬裕	恬裕
第四十三卷	第四十四卷
風節	高隱
第四十五卷	第四十六卷
文苑	文苑
第四十七卷	第四十八卷

十
光
君
堂

文苑	方技
第四十九卷	第五十卷
方技	列女
第五十一卷	第五十二卷
列女	列女
第五十三卷	第五十四卷
寓賢	寓賢
附外錄	
第一卷	第二卷
玄玄	玄玄
第三卷	第四卷
空空	空空
第五卷	第六卷
空空	空空
第七卷	第八卷
空空	空空 詩僧附

十
光
君
堂

參閱諸名人姓氏爵里

馬欵

字季聲晉安人貢元任湖廣興國州別駕

薛圖

字千仞四明人文學

姚士麟

字叔祥海鹽人上舍

吳念祖

字用脩歸安人文學

宋守一

字化卿仁和人官生

鍾祖述

字君明海鹽人上舍

吳慧龍

字仲飛錢塘人山人

沈鳳舉

字靈翼四明人上舍

許士奇

字稚正海鹽人癸丑進士任四川成都府知府

袁升聞

字德玄錢塘人文學

陸錫命

字仲敬平湖人官文華殿中書

錢陞

字西乘海鹽人戊午科舉人

鄭忠材

字孝標海鹽人上舍

孫叔呂

字冲和嘉善人上舍

馮洪業

字茂遠平湖人乙卯科舉人

鄭端胤

字思孟海鹽人文學

阮維岳

字爾鎮黃岡人戊午科舉人

茅維

字孝若歸安人上舍

丘遂

字叔遂嘉善人文學

何閔中

朱氏書單

光碧堂

字問卿黃岡人壬戌進士任鎮江府推官

茅元贖

字公良歸安人官文華殿中書

屠中孚

字德胤嘉興人文學

呂澹

字巨源平湖人丙辰進士任南京工部主事

許儋

字叔魯海寧人文學

陳昌懋

字仲脩海鹽人貢士

嚴調御

字印持餘杭人文學

朱祖昌

字令回海鹽人文學

翁望之

朱氏書單

十八

光碧堂

字在遺錢塘人文學

陳梁

字則梁海鹽人上舍

查允亮

字具卿海寧人文學

陸鍾良

字登之平湖人上舍

陳義道

字林道錢塘人文學

陸澄原

字嗣端平湖人己酉科舉人

徐元星

字遠之海鹽人文學

楊文驄

字龍友貴州籍江西人戊午科舉人

馮玉鳳

姓氏壽望

寧宣士錢塘人文學

樊齊宏

字謙終黃岡人文學

賀應旂

字士以肥鄉人文學

陸濬原

字嗣哲平湖人文學

陳彩

字效彬莆田人上舍

沈延鈞

字秀納海鹽人文學

賀應旂

字義之肥鄉人文學

何履貞

字仲方 黃岡人文學

陸深原

姓大角里

字嗣長平湖人文學

張
熙

字玄朗錢塘人文學

支如璫

字小白嘉善人文學

何振鷺

字于西錢塘人文學

屠懋昭

字用明嘉興人文學

方外三人

智 彪

字輩如住嘉興黃葉庵

大 原

字道岍住海鹽慶壽寺

方 覺

字遽然住錢塘靈隱寺

姓氏錄里

王

光碧堂

兩浙名賢錄卷之一目次

儒碩

漢

功曹王仲任克

有道趙長君畢

太常方聖明儲

三國吳

侍御虞仲翔翻

太子太傅闕德潤澤

鬱林太守陸公紀績

微子和崇

文正先生范子安平

子輿咸泉
孫蔚附

儒碩目次

卷之一

一

光碧堂

晉

河間相虞世龍聳

散騎常侍虞叔寧預

太子太傅賀彥光循

高梁太守楊公回方

著作郎謝行思沉

宋齊梁陳

樓季玉幼瑜

國子助教虞僧誕

儀曹孔世遠遐

通事舍人孔子祉

通事舍人沈士嵩峻

都官尚書孔慶緒休源

祠部郎賀承業德基

學博賀德璉瑒

朝散大夫鄭茂昭灼

中散大夫龔益舒

散騎常侍沈國衛文阿

南郡太守賀文明華

弟季子微附

五經博士孔僉

子淑玄兄子玄素附

五經博士孔子雲

尚書左丞賀國寶琛

子朗附

太學博士戚公文哀

國子助教太史叔明

黃門侍郎顧允南越

散騎常侍沈弘道洙

咨議參軍全綏

尚書左丞沈孝和不害

散騎常侍杜子大之偉

五經學士沈懷遠德威

五經博士沈子厚重

唐

儒類目次

卷之一

二

光碧堂

陸德明元朗

子孫曾玄附

禮部尚書褚弘度無量

宗正少卿康子元

修文館學士沈伯儀

宋

鴻臚卿慎知禮

子從吉附

東鹿主簿盧叔微禎

陸元象滋

持正先生施彥執德操

謹獨先生楊子平璿

胡牧之謨

弟諱附

屯田員外郎于房

子世封正封附

光祿寺丞朱臨

稽山長石季平待旦

杜隱君醇

杜仁翁汝霖

曾孫五高附

吳教授師仁

大理評士樓子文郁

將仕郎蔣造之至

大學士汪德溫洙

子思溫忠齋附

尚書右丞陸農師佃

莫君陳

子砥孫伯虛附

太常少卿江彥文緯

張適道堅

太常博士湛若

錢起錢演附

崔文學廷碩

殿中丞祝履中常

工部侍郎龔深之源

子楫附

夏元肅俱

周升穆景仁附

方性夫慤

知常先生周南仲南

經行先生丁昌期

子寬夫庶夫志夫附

奉直大夫方伯冶鎔

鄭熙績汝諧

秘書少監戴彥肅良齊

儒類目次

卷之一

三

光碧堂

王蘊文賁

龍圖閣學士葉秀發時

唐與政仲友

父堯封附

張忠父淳

杏溪先生傅同叔寅

安撫參議戴文子栢

禮部侍郎高抑崇閏

寧海簿毛叔度宏

祖通彥父微兄宜附

太學博士關子東注

茂陵先生馬師文之純

都官員外郎唐進道閏

博士邵萬宗困

王子安用亨

瀏陽丞胡浚明宗級

眉州通判趙周錫彥秬

子附

復齋先生趙子欽彥肅

僊居尉傅升可芷

李國紀元綱

章升道樵

林奇卿椅

國子博士戚少白如琥

朝議大夫虞從道復

工部侍郎張子宓處

石晉卿一麓子定附

大理卿黃新之蛻

國子博士施景文郁從子南一附

太常寺丞梁子奇椅

太府卿何巖叟臺桂

南康僉判呂冲之從兄聲之附

洪正字揚祖

南陵先生王威仲炎澤

學諭陸德甫震發

張葆光

中書舍人何文淵逢原

舒平江通叟津弟計附

張潤之

儒碩目次

卷之一

四

光碧堂

人齊先生胡德夫一桂

高山先生許子瑜瑾兄薦附

兩浙名賢錄卷之一目次終

兩浙名賢錄卷之一

東海徐象梅仲和氏譔

當湖陸澄原嗣端氏閱

儒碩

共三人

功曹王仲任克

王克字仲任上虞人少孤鄉里稱孝既長卒業太學師

事班彪家貧無書嘗游市肆閱書一見輒能誦憶遂博

通百家言後歸鄉里屏居教授仕郡為功曹以數諫諍

儒碩

卷之一

光碧堂

不合去廼閉門潛思絕慶弔之禮戶牖牆壁各著刀筆

著論衡八十五篇破經傳宿疑解當世盤結蔡邕至吳

始得之恒秘之帳中以為談助同郡謝夷吾上書薦之

特詔公車徵不行時年七十餘矣復作養性書十六篇

永元中卒

有道趙長君畢

趙畢字長君山陰人少嘗為縣吏奉檄迎督郵畢耻之

遂棄車馬去到健為詣杜撫授韓詩究竟其術積二十

年絕問不還家為發喪制服畢卒業乃歸州召補從事

不就後舉有道卒於家著吳越春秋詩細歷神淵蔡邕至會稽讀詩細而歎息以爲長於論衡既還京師爲學者誦而傳之

太常方聖明儲

方儲字聖明丹陽郡人

即今淳安縣

嘗講孟氏易旁精圖識

建初四年舉孝廉召見試解夢絲儲曰凡亂必剪之而後理遂拔劔斬斷天子壯之除郎中出令句章歷阜陵陽翟二縣遭母喪負土成墳哀毀過禮致寫鳳紫芝白兔之瑞元和初舉賢良方正對策第一拜議郎轉洛陽

儒術

卷之一

二

光碧堂

令加太常永元五年郊祀儲言天將有變宜更擇日和帝不從其日風景明淑詔責其欺因飲鴆自殺須臾電如斗死者千計使召儲已死矣追贈尚書令封縣侯爲歸其喪宋明帝祀以太牢加贈龍驤將軍洛陽郡公三國吳共九人

侍御史虞仲翔翻

虞翻字仲翔會稽餘姚人也少好學有高氣年十二客有候其兄者不過翻翻追與書曰僕聞雅珎不取腐芥磁石不受曲鍼過而不存不亦宜乎客得書奇之由是

見稱孫策取會稽翻歸策以爲功曹翻好諫策多用之

已乃出翻爲富春長策薨州舉茂才漢召爲侍御史不行曹操雅重翻辟之罵曰盜賊乃欲以餘財汚良家邪孫權統會稽拜騎都尉翻數犯顏諫諍權不能悅又性不協俗多見謗毀坐徙丹陽未幾放還拜侍御史孫權既爲吳王歡宴之末自起行酒翻伏地陽醉不持權去翻起坐權大怒手劔欲擊之侍坐者莫不遑遽惟大司農劉基抱權極諫以免權嘗與張昭論及神仙翻指昭曰彼皆死人而語神仙世豈有仙人也權積怒非一遂徙翻交州翻自恨疏節骨體不媚犯上獲罪當長沒海隅生無可與語死當以青蠅爲弔客使天下一人知己者足以不恨竟卒于徙所聞者憐之翻在交州十餘年講學不倦門徒常數百人翻高祖零陵太守光魯祖平與令成祖鳳父日南太守歆及翻五世傳易翻所著書甚衆而於易尤精以宋氏解玄頗有繆錯更爲立法并著明楊釋宋以理其滯孔融見而歎曰觀仲翔之易則東南之美豈徒會稽之竹箭邪翻有十一子紀與忠最知名別有傳

儒術

卷之一

三

光碧堂

徒翻交州翻自恨疏節骨體不媚犯上獲罪當長沒海隅生無可與語死當以青蠅爲弔客使天下一人知己者足以不恨竟卒于徙所聞者憐之翻在交州十餘年講學不倦門徒常數百人翻高祖零陵太守光魯祖平與令成祖鳳父日南太守歆及翻五世傳易翻所著書甚衆而於易尤精以宋氏解玄頗有繆錯更爲立法并著明楊釋宋以理其滯孔融見而歎曰觀仲翔之易則東南之美豈徒會稽之竹箭邪翻有十一子紀與忠最知名別有傳

太子太傅關德潤澤

關澤字德潤山陰人家世農夫至澤好學居貧無書嘗爲傭書以供紙筆所寫既畢誦讀亦過追思論講究覽羣籍兼通歷數孫樞稱尊號以澤爲尚書遷中書令加侍中亦烏五年拜太子太傅澤以經傳文多難得盡閱乃斟酌諸家刊約禮文及諸註說以授二官又註乾象曆以正時日每朝廷大議經典所疑必咨訪之以儒學勤勞封都鄉侯性謙恭篤慎官府小吏亦與抗禮人有非短口未嘗及容貌似不足者虞翻稱澤曰關生矯傑

儒碩

卷之一

四

光碧堂

鬱林太守陸公紀績

陸績字公紀康之子也六歲見袁術術出橘績懷之拜辭墮地術曰陸郎作賓客而懷橘乎績跪曰欲歸遺母術大奇之孫策在吳張昭張紘秦松爲上賓共論四海未泰須用武平之績年少未坐遙大聲言曰昔夷吾相桓公九合諸侯一匡天下不以兵車孔子曰遠人不服

則修文德以來之今不務道德懷携之術而維尚武績

鍾童蒙未喻也昭等異之績容貌雄壯博學多識星曆算數無不該覽虞翻龐統皆忘年與績友善孫樞辟爲曹掾以直道見倖出守鬱林加偏將軍雖時有兵事而著述不廢嘗作渾天圖註易釋玄皆傳於世績豫知死日爲辭訣曰有漢志士吳郡陸績幼敦詩書長玩禮易受命南征邁疾遇厄遭命不幸嗚呼悲隔又曰從今已去六十年之外車同軌書同文恨不及見也年三十二卒

儒碩

卷之一

五

光碧堂

徵子和崇

徵崇字子和隱於會稽治易春秋左氏傳兼善內術本姓李遭亂易姓遂躬耕以求其志有從游者則以所學授之然所教不過數人輒止欲令其業必有成也太子太傅嚴陵薦崇行足以厲俗學足以爲師初見太子登以疾賜不拜東宮官僚皆從咨詢太子數訪以異同年七十卒

文正先生范子安平 子與咸泉孫蔚附

范平字子安錢唐人其先銓侯穆避王莽適吳因家焉

平研窮典墳。遍該百氏。舉茂材累遷臨海太守。有異政。孫皓時。謝病還家。吳平。頻召不起。卒。詔謚文正先生。賀循勒碑紀其德行。三子爽。咸泉。並以文學知名。泉子蔚。關內侯。好學。有書七千餘卷。遠近來讀者常百餘人。蔚並以衣食資給之。

晉 共五人

河間相虞世龍

虞聳字世龍。翻第六子也。清虛無欲。進退以禮。在吳歷清官。入晉。除河間相。王素聞聳名。厚敬禮之。聳抽引人

物。附在幽隱。孤陋之中。時王岐難聳以高士所達。必合

卷之一

六 光碧堂

秀異。聳書與俗子。蔡曰。世之取士。曾不招未齒於丘園。索良才於總猥。所譽依已成。所毀依已敗。此吾所以歎息也。聳疾俗。喪祭無度。弟昂卒。祭以少牢酒飯而已。當時族黨並遵行之。

散騎常侍虞叔寧

虞預字叔寧。喜之弟也。少孤。好學。太守庾琛紀瞻並以爲主簿。轉功曹。諸葛恢庾寬交薦。召爲著作佐郎。應詔上書。論防寇之術。宜得良將。因言壽春無鎮。祖逖孤立。

前有勁虜。後無繫援。宜加獎勵。以奮士心。累遷散騎常侍。領著作。從平蕞。峻進爵平康縣侯。預雅好經史。憎疾玄虛。其論阮籍。裸袒比之伊川披髮。所以胡虜過於中國。以爲過衰周之時。著晉書四十餘卷。會稽典錄二十篇。并詩賦碑誄論難數十篇。行於世。

太子太傅賀彥先

賀循字彥先。山陰人。齊之魯孫也。父邵。事吳爲中書令。以忠諫死。循童。亂不羣。進止必以禮。歷武康令。政教大行。以陸機薦。補太子舍人。陳敏之亂。詐詔書授循丹陽

循

卷之一

七 光碧堂

內史。不屈。元帝爲晉王。以爲軍諮祭酒。稱疾固辭。帝親幸其舟。就加朝服。賜與甚厚。一無所受。轉太常。領太子太傅。廷尉。張閭將奪左右近宅。以廣其居。作都門。早閉。夜開。民患焉。因詣循質之。閭聞遽詣循謝。而毀其門。其爲人敬服如此。時朝廷初建。動有疑滯。宗廟制度。皆循所定。朝野咨詢。爲當世儒宗。疾篤。上親幸。執手流涕。太子親臨者三。卒。贈司空。謚穆子。隰官至臨海太守。

高梁太守楊公回方

楊方字公回。會稽人。少好學。有異才。初爲郡鈴下。威儀。

公事之暇輒讀五經諸史諸葛恢見而奇之待以門人之禮由是始得周旋貴人間時虞喜兄弟以儒學立名雅愛方爲之延舉恢嘗遣方爲文薦郡功曹主簿虞預稱美之送示賀循循報書曰此子開拔有志意只言異於凡猥耳不圖備才如此世衰道喪人物凋弊每聞一介之徒有向道之志異之願之如方者乃荒萊之特苗鹵田之善秀資質已良但沾染未足耳移植豐壤必成嘉穀昔許子將拔樊仲昭於賈豎郭林宗成龐德公於猷祗足下志隆此業二賢之功不爲難及也循遂稱方

僧預

卷之一

人

光澤堂

於京師司徒王導辟爲掾轉東安太守遷司徒參軍自以地寒不願久居京華求補遠郡欲閒居著述導從之上補高梁太守在郡積年著五經鈞沉更撰吳越春秋并雜文筆皆行於世以年老棄郡歸導將進之臺閣固辭還鄉里卒於家

著作郎謝行思沉

謝沉字行思山陰人吳翼正都尉秀之子少孤事母至孝博學多識綜練經史內史何克引爲參軍母老去職閒居養親不交人事畊耘之暇研精墳籍康帝卽位朝

議疑七廟迭毀徵爲太學博士以質疑滯遷著作郎沉撰後漢書百卷及毛詩漢書外傳及他詩賦文論皆行於世其學在虞預之右云

宋齊梁陳 共二十九人

樓季玉幼瑜

樓幼瑜字季玉義烏人吳侍中玄六世孫也聚徒教授不應徵辟爲臨川王映所賞異著禮記括拾三十卷又撰禮記據遺別記一卷文集六十六卷

國子助教虞僧誕

僧預

卷之一

九

光澤堂

虞僧誕餘姚人爲國子助教以左氏傳教授學者常數百人時博士崔靈恩先習左氏服解不爲江東學者所好乃改說杜義每文句常申服難杜僧誕窮精杜學因作申杜難服世多傳之

儀曹孔世遠遏

孔遏字世遠山陰人好典故學與王儉交昇明中爲齊尚書儀曹郎屢歲闕禮多見信納上謂王儉曰遏真儀曹可謂不忝厥職儉爲宰相遏常謀議帷幄儉嘗從容啓上曰臣有孔遏猶陛下之有臣永明中爲太子家令

卒

通事舍人孔子祛

孔子祛山陰人少孤好學耕耘樵採常懷書自隨投閒誦讀勤苦自勵遂通經術尤明古文尚書爲國子助教累遷中書通事舍人武帝撰五經講疏及孔子正言子祛常考閱羣書以爲義證事竟勅子祛與右衛朱异左丞賀琛於士林館通日執經尋加通直員外郎卒官凡著尚書義二十卷集註尚書二十卷集註周易一百卷續何承天集禮論一百五十卷

儒類

卷之一

十

光碧堂

通事舍人沈士嵩峻

沈峻字士嵩武康人也師事宗人麟士晝夜自課睡則以杖自擊遂博通五經尤長三禮仕梁爲國子助教兼五經博士於館講授聽者常數百人及中書舍人賀琛奉勅撰梁官乃啓峻補西省學士助撰錄成兼中書通事舍人出爲本縣令卒於官子文阿自有傳

都官尚書孔慶緒休源

孔休源字慶緒山陰人舉秀才徐孝嗣省其策深善之謂同坐曰董仲舒華令思何以尚此梁臺初建爲太學

儒士一時名士如范雲沈約皆虛襟接之武帝嘗問吏

部尚書徐勉求有學藝解朝儀者勉以休源對卽且除尚書儀曹郎時多所改作每逮訪前事休源卽以所記誦隨機斷決無少疑滯任昉常謂之孔獨誦歷都官尚書金紫光祿大夫車駕臨幸常以軍國事委之昭明太子薨有勅夜召休源入宴居殿參定謀議立晉安王綱爲皇太子自公卿珥貂捧筆奏決於前休源怡然無媿及卒帝流涕顧謝舉曰休源居職清忠方欲共康政道奄至捐沒朕甚痛之舉曰此人清介彌直臣亦爲陛下

儒類

卷之一

十

光碧堂

惜謚曰貞子

祠部郎賀承業德基

祖文發父淹附

賀德基字承業會稽人世傳禮樂祖文發父淹仕梁俱爲祠部郎並有名當世德基少游學都下積年不歸衣資罄乏又耻服故弊盛冬止衣夾襦袴嘗於白馬寺前逢一婦人容服甚盛呼德基入寺門脫白綸巾以贈之仍謂曰君方爲重器不久貧寒故以此相遺耳問姓名不荅而去德基於禮記稱爲精明位尚書祠部郎雖不至大官而三世儒學俱爲祠部時論美其不墜

學博賀德璉瑒

賀瑒字德璉山陰人。晉司空循之玄孫也。少聰敏。齊時沛國劉獻爲會稽府丞。見瑒深器異之。嘗與俱造吳郡張融。指瑒謂曰。此生將來爲儒者宗矣。薦之國子生。舉明經。授太學博士。梁天監初。爲太常丞。有司舉修實禮。召見說禮義。武帝異之。詔朝朔望與華林講。四年。初開五館。以瑒兼五經博士。別詔爲皇太子定禮。撰五經義。時武帝方創定禮樂。瑒所建議多見施行。所著禮易老莊講疏。朝廷博士議數百篇。賓禮儀註一百四十五卷。瑒於禮尤精。館中生徒常數百。弟子明經對策者至數十人。

儋頌

卷之一

主

光緒堂

朝散大夫鄭茂昭灼

鄭灼字茂昭東陽信安人。敏而好學。嘗夢與皇侃遇。侃曰。鄭郎開口遂唾之。自後文思益進。家貧。手抄義疏。夜以繼日。每筆毫盡。則削而用之。常蔬食。講授多苦心。熱若火時。輒偃卧以爪鎮心。起便讀誦。其刻志如此。梁簡文在東官時。雅好經術。引爲西省義學士。後仕陳。終朝散大夫。

中散大夫龔孟舒

龔孟舒金華人也。通毛詩。善談名理。仕梁。爲潯陽郡丞。元帝在江州。師事之。陳天嘉中。官至中大夫。

散騎常侍沈國衛文阿

沈文阿字國衛。峻之子。性剛強。有膂力。少習父業。研精章句。通三禮。三傳。任五經博士。梁簡文引爲東宮學士。及撰長春義記。多使文阿撮異聞。以廣之。及侯景寇逆。簡文別遣文阿募士卒。援都臺城。陷。與張顥保吳興。與敗。文阿竄於山野。景素聞其名。求之甚急。文阿窮迫。登

儒頌

卷之二

主

光緒堂

樹自縊。遇有所親。揀之自投。而下折其左臂。及景平。陳武帝以文阿鄉里。表爲原鄉令。監江陰郡。紹泰元年。入爲國子博士。尋領步兵校尉。兼掌儀禮。一時典章多所裁定。及陳武帝受禪。文阿輒弃官歸。武康武帝大怒。發使往誅。時文阿宗人沈恪爲郡。請使者寬其死。卽面縛鎖頸。致於上前。上視而笑之。曰。腐儒復何爲者。遂赦之。尋遷通直散騎常侍。兼國子博士。領羽林監。仍令於東官講孝經論語。卒。贈廷尉卿。所撰儀禮八十餘條。春秋禮記孝經論語義記七十餘卷。經其大義十八卷。並行。

於時儒者多傳其學

南郡太守賀文明華 弟季子徽附

賀華字文明。瑒之子也。少以家貧躬畊供養。年二十始輟。未就父受業。精力不怠。有六尺方牀。思義未達。則橫臥其上。不盡其義。終不肯食。通三禮及長。徧修孝經。論語。毛詩。左傳。官太學博士。長七尺八寸。雍容都雅。吐納蘊藉。勅於永福省。爲邵陵湘東武陵三王講禮。講授生徒。常數百人。出爲湘東王諮議參軍。王於州置學。以革頌儒林祭酒。講三禮。荆楚衣冠聽者甚衆。官終南郡太守。華至孝。常恨食祿代耕不及。爲養。歷官俸秩不及妻孥。專以還鄉造士。以申感恩。子徽美風儀。能吐談。深爲華愛。先華卒。華哭之因。遘疾不起。弟季亦明三禮。位中書黃門郎。兼著作。

五經博士孔奩 子淑玄兄子玄素附

孔奩山陰人。通五經。尤明三禮。孝經。論語。生徒數百人。三爲五經博士。值太清之亂。卒於家。子淑玄亦以文學有聲。官太學博士。兄子玄素善承家學。亦以三禮名於時。

五經博士孔子雲

孔子雲山陰人也。師事吳興沈峻。峻始爲國子助教。吏部郎陸陞言於僕射徐勉。以爲周官一書。羣經源本。學絕不傳。已歷年世。惟峻獨精。宜卽用其人。使專此學。勉於是奏。峻兼五經博士。於館講授。子雲實傳峻業。官亦至五經博士焉。

尚書左丞賀國寶琛 子翊附

賀琛字國寶。幼孤。伯父瑒授其經業。一聞便通。義理瑒異之。常曰。此兒當以明經致貴。家貧。往還諸暨。販粟以養母。雖自執丹楫。閒則習業。尤精三禮。初瑒聚徒教授。四方受業者三千餘人。瑒亡。散去。至是復集。琛門時湘東王年幼。臨郡。彭城到溉爲行事。聞琛美名。命駕相造。會琛正講學。侶滿筵。既聞上佐忽來。莫不傾動。琛說經無輟。曾不降意。溉下車欣然就席。便申問難。往復從容。義理該洽。溉歎曰。通儒碩學。復見賀生。因薦爲郡功曹。琛辭以母老。不就。年四十餘。始應辟。歷官尚書左丞。參禮儀事。凡郊廟諸儀。多所創定。每見帝語。常移晷刻。省中語曰。上殿不下有賀雅。琛容止閒雅。故云。所撰三禮

儒頌

卷之一

十四 光碧堂

儒頌

卷之一

十五 光碧堂

講疏五經滯義及新謚法諸儀注凡百餘篇子翊官至

巴山太守

太學博士戚公文哀

戚哀字公文吳郡鹽官人也少聰慧游學都下受三禮於國子助教劉文紹年十九梁武帝策問秀茂周禮禮記義哀對高第除揚州祭酒從事使就國子博士宋懷芳質儀禮義懷芳比人自魏携儀禮禮記疏秘惜不傳及將亡謂家人曰吾死後戚生若赴便以儀禮禮記本付之若其不來卽隨屍而殯爲儒者推許如此尋兼太

學博士

卷之一

十六

尤碧堂

學博士簡文在東宮召哀講論又嘗置宴集玄儒之士先令道學互相質難次令中庶子徐摘馳聘大義問以劇談窮辭辯縱橫難以答抗諸儒懾氣獨哀與摘往復摘采自若頃答如流簡文深加歎賞官終江州長史始興王錄事參軍所著有禮記義四十卷行於世

國子助教太史叔明

太史叔明烏程人吳太史慈之後也少善莊老兼通孝經論語每講說聽者常數百人爲國子助教邵陵王好其學及出爲江郢二州皆携叔明之鎮所至輒講授士

皆傳其學一時以爲儒宗

黃門侍郎顧允南越

顧越字允南鹽官人祖道望齊散騎侍郎父仲誠梁護軍司馬豫章王府諮議參軍家傳儒學並專門教授越少孤勤苦自立勵精學業小舍晝夜遂博通羣籍咸盡其精微時太子詹事周捨一見歎賞越初仕梁爲南平王偉右常侍編綜經旨深明毛詩傍通異議善莊老尤長論難兼工綴文閑尺牘長七尺三寸美鬚眉武帝嘗於重雲殿自講老子僕射徐勉舉越論議越抗首而請

儒碩

卷之一

十七

尤碧堂

音嚮若鐘容止可觀帝深贊美之由是擢爲中軍宣城王記室參軍領五經博士侯景之亂與沈文阿等逃難東歸賊黨數授以爵位越誓死不受因歸隱於武丘山與吳興沈炯同郡張種會稽孔奐等每爲文會紹泰元年復召爲國子博士陳天嘉中詔侍東宮講除東中郎鄱陽王府諮議參軍尋領羽林監遷給事中黃門侍郎國子博士侍讀如故時朝廷草創疑義多所取決以太子仁弱宣帝有奪嫡之意疏言宜慎輔弼之選廢帝卽位拜散騎常侍兼中書舍人黃門侍郎如故領天保博

士掌儀禮。宣帝輔政。越因請假免官。卒年七十七。所著喪禮毛詩老子孝經論語等義疏四十餘卷。詩頌碑製。賡表凡二百餘篇。

散騎常侍沈弘道洙

沈洙字弘道。吳興武康人。少方雅。好學。不妄交游。通三禮春秋左氏傳。精識強記。五經章句。諸子史書。問無不答。仕梁爲尚書祠部郎。時學者多涉獵文史。不爲章句。而洙獨積思經術。吳郡朱异會稽賀琛。其嘉之。及异琛於士林館。講制旨義。常使洙爲都講。侯景之亂。洙竄於臨安。時陳文帝在焉。親就習業。及陳武帝入輔。除國子博士。與沈文阿同掌儀禮。武帝受禪。加員外散騎常侍。位揚州別駕。從事史。以太建元年卒。

儒碩

卷之一

十八 光碧堂

諮議參軍全緩

全緩錢唐人。幼受學於博士。褚仲都篤志研玩。得其精微。梁太清初。歷王國侍郎。國子助教。兼司議郎。緩通周易老莊。時人言玄者咸推之。入陳。累遷紹興王府諮議參軍。

尚書左丞沈孝和不害

沈不害字孝和。吳興武康人。幼孤而修立好學。陳天嘉初。除衡陽府中記室參軍。義嘉德殿學士。自梁季喪亂。至是國學未立。不害上書請崇建儒官。帝優詔答之。又表改定樂章。使製三朝樂歌詞八首。合二十出行之樂。府後爲國子博士。領羽林監。勅修五禮。掌策文。謚議等事。太建中。位光祿卿。通直散騎常侍。兼尚書左丞。卒。不害通經術。善屬文。雖博綜經典。而家無卷軸。每製文造筆。立成。曾無尋檢。所著五經議一百卷。文集十四卷。行於世。

儒碩

卷之一

十九 光碧堂

散騎常侍杜子大之偉

父規附

杜之偉字子大。錢唐人家。世以三禮專門。父規奉朝請。與濟陽江革會稽孔休源友善。之偉少精敏。有逸才。七歲受尚書十五篇。徧觀文史。及儀禮故事。時輩稱其早成。僕射徐勉嘗見其文。重其有筆力。梁武帝幸同泰寺。捨身。勅勉撰儀注。勉以先無此禮。召之偉。草具其儀。及補東宮學士。皇太子釋奠於國學。時樂府無孔子顏子登歌詞。令子偉撰文。伶人傳習。以爲故事。之偉年位甚卑。特以強識俊才。頗有名當世。吏部尚書張纘。所知之。

以爲廊廟之器。陳武帝爲丞相，素重其名，召補記室參軍。遷中書侍郎，領大著作，及受禪，除鴻臚卿，餘並如故。再遷大中大夫，仍勅撰梁史，卒於官。文集十七卷。

五經學士沈德遠德威

沈德威字德遠，興興人。少有操行，梁太清末，遁於天目山，築室以居。雖處亂離，篤學無倦。天嘉元年，徵爲國子助教，每自學還私室，講授道俗，受業數百人。遷太常丞。兼五禮學士，後爲尚書祠部郎。陳亡入隋，官至秦王府主簿。

儒類

卷之一

丰

光緒堂

五經博士沈子厚重

沈重字子厚，武康人。性警敏，博覽尤明。詩左氏春秋，梁天監中補國子助教。五經博士，討論五經，考定鍾律。隋開皇二年卒。文帝遣使祭以少牢，贈開府儀同三司。著周禮三十一卷，儀禮三十五卷，禮記義三十卷，毛詩義二十八卷，喪服經義五卷，周禮音一卷，詩音十卷。

唐共八人

陸德明元朗

子敦信，孫齊望，曾孫灝，玄孫侃，附。

陸元朗字德明，嘉興人。善言玄理。陳大建中，集名儒入

講。元朗始冠，與下坐國子祭酒徐孝克，倚貴縱辯，衆多下之。元朗獨屢奪其說。陳亡，歸鄉閭。隋大建中，大召明經。元朗與魯達孔褒共會門下省，遷國子助教。王世克僭號，封子玄恕爲漢王，以元朗爲師。元朗恥之，遂移疾去。世克平，秦王辟爲文學館學士。高祖釋奠，召博士徐文遠等講論儒釋諸書。元朗隨方立義，徧析其要。帝大喜曰：「諸人誠辯過德明，輒敵矣。」遷國子博士，封具縣男。子敦信，麟德中，由左侍極檢校左相，封嘉興縣子，致仕。終大司成。敦信子齊望，官至秘書少監。年二十二，階貂蟬。齊望子灝，吏部郎中。灝子侃，溧陽尉，卒于官。民祀之。

儒類

卷之一

丰

光緒堂

禮部尚書褚弘度無量

褚無量字弘度，鹽官人。刻意墳典，以明經擢第。除國子博士，兼司業，修文館學士。中宗將南郊，詔定儀典。時祝欽明建言：「皇后爲巫獻，無量固爭以爲郊祀國之大事，其折衷莫如周禮。」周禮冬至祭天圓丘，不以地配，唯以始祖爲主，不以妣配。故后無與祭之文。惟漢有天地合祭，皇后參草事，末代黷神事，不經見，不可爲法。時左僕射常巨源佐欽明，無量議格。玄宗爲太子，釋奠國學，令

講經建端樹義博敏而辯進銀青光祿大夫及卽位遷左散騎常侍兼國子祭酒封舒國公無量以內府舊書自高宗時藏官中甲乙藁倒請繕錄補第以廣秘籍詔於東都乾元殿東廂部彙整比無量爲之使又詔秘書省司經局昭文崇文二館更相檢讐采天下遺書以益闕文不數年四庫繁治帝詔羣臣觀書賜無量等帛有差未幾徙書麗正殿復詔無量就麗正殿纂修前功皇太子及四王未就學無量以孝經論語五通進帝曰朕知之矣乃遷都常亨等爲太子諸王侍讀七年太子

僑

卷之十

主

光緒堂

宗正少卿康子元

康子元會稽人仕獻陵令開元初詔舉能治易老莊者張說以子元聞累擢秘書少監兼集賢侍講學士玄宗東之泰山說引子元等商裁封禪儀初高宗之封中書

令許敬宗議周人尚臭故前祭而後燔子元奏周官樂六變天神降是降神以樂非緣燔也宋齊以來皆先噀福酒乃燎請先祭後燔如貞觀禮便候行果與趙冬曦議以爲先燎降神尚矣若祭已而燔神無由降子元議挺不從說曰康子獨出蒙輪以當一隊耶詔卒從後燔乘輿自岱還減從官先次東都唯子元與母嬰韋述以學士從久乃徙宗正少卿以疾授秘書監致仕卒贈汴州刺史帝嘗製贊賜說子元命工圖其像詔冬曦述哭分爲之傳當世以爲榮

僑

卷之一

主

光緒堂

修文館學士沈伯儀

沈伯儀吳興人武后時爲太子右諭德初韋萬石議明堂大饗事上言鄭玄說祀五天帝王肅謂祀五行帝貞觀禮從玄至顯慶禮祀昊天上帝乾封詔書祀五行帝兼祀昊天上帝詔書從貞觀禮儀鳳初詔祀事一用周制今應何從高宗乃集諸儒議未定於是大饗參用貞觀顯慶二禮垂拱元年成均助教孔立義奏嚴父莫大於配天天於萬物爲最大推父配天孝之大尊之極也易稱先王作樂崇德薦之上帝以配祖考上帝天也吳

天之祭宜祖考並配請以太帝高宗配上帝於圓丘神
堯皇帝配感帝南郊伯儀曰鄭玄曰禘郊祖宗皆配食
也祭昊天圓丘曰禘祭上帝南郊曰郊祭五神明堂曰
祖宗請以高祖配圓丘方澤太宗配南北郊高宗配五
天帝元萬頃等議今禮昊天上帝等五祀咸奉高祖太
宗兼配以申孝也易薦上帝配祖考有兼配義高祖太
宗既兼祀五帝當如舊請奉高宗歷配焉自是郊丘三
帝並配云伯儀歷祭酒修文館學士

宋共九十一人

儒類

卷之一

三

光緒堂

鴻臚卿慎知禮子從吉附

慎知禮西安人仕錢俶爲掌書記從俶歸宋累官鴻臚
卿時母年八十餘懇求歸養退處十年縉紳稱其孝知
禮自少至老歲讀五經一遍每開卷必正襟危坐未嘗
少懈子從吉真宗朝爲太子詹事權知開封以勤敏稱
東鹿主簿盧叔微禎

盧禎字叔微杭州人自幼穎悟及長曉五經大義酷嗜
周易孟子端拱初登進士第調補真定東鹿主簿未上
卒年二十七嘗著五帝皇極志孺子問翼善書數十篇

陸元象滋

陸滋字元象世家於杭滋通毛鄭二詩易春秋既冠以
文詞試於鄉一舉而售以母病不行後三年復在選察
母有難色亦不忍行陳堯佐時使兩浙與滋書強之行
滋謝不受博極羣書或引以答客問必章解句析卒不
差一字問者輒服謂終年讀書不如與陸先生一日語
皇祐四年詔錄先朝遺士郡以滋應詔得杭州文學嘉
祐六年卒滋好古篤信且性寬厚嘗治居材已具隣有
以侵地紿之者滋笑曰吾忍以券白汝妄耶卽爲縮其
材里俗襲異越僞禮多僭忒滋爲援典制家矯而戶正
之敝俗頓革自就學至垂沒未嘗去書所著詩賦文論
合二十卷

儒類

卷之一

三

光緒堂

持正先生施彥執德操

施德操字彥執監官人學有本末孟子而排釋氏曰
絕人倫漫等級弃禮樂仁義不用謂能躐造空無此其
勝處槩之以道尚自倒易况又飾荒幻報應誑愚取資
則尤爲世蠹因著論以曉未悟其學可謂強立不惑者
矣學者稱爲持正先生

謹獨先生楊子平璿

楊璿字子平，鹽官人。安貧樂道，不妄取與，尤嚴謹獨之操。居暗室，猶在康衢，學者稱爲謹獨先生。與同里施德操皆力行好修，里人向慕。邑令魏伯恂開祠合張九成施德操祀之。

胡牧之謙 弟誼附

胡謙字牧之，奉化人。與弟誼師事袁燮，傳陸象山學。著易說易林若干卷，誼字正之，號觀省，佚翁，著尚書釋疑十卷，觀省雜著三十卷，兄弟文學爲鄉表儀。

儒類

卷之一

光緒堂

屯田員外郎于房 子世封正封附

于房，浦江人。其先自河南來遷，父嵩有學行，尤長於文辭。會五季之亂，抗志不仕，房爲文有父風，而精簡過之。遠邇學者視爲典型。中嘉祐四年進士第，官至尚書屯田員外郎，通判應天府，南京留守司。子世封正封，亦舉進士。世封晚乃著易詩書四十卷，正封著春秋三傳是非二十卷，當時稱以經學世其家者，必曰浦江二封。

光祿寺丞朱臨

朱臨，浦江人。其先家吳興，五季避亂遷浦陽，遂家焉。臨

少穎悟，從安定胡瑗以明體適用之學教東南人士，臨乃受春秋。瑗嘗著春秋辯要，唯臨所得爲精。臨晚年好唐陸淳學，謂孔子歿千有餘年，說春秋者無出淳書之右。以丞相呂公著薦入官，歷宣德郎守光祿寺丞，以著作佐郎致仕。所著春秋說二百餘篇。

稽山長石季平待旦

石待旦字季平，新昌人。登進士，志操不凡，隱居石溪，首闢義塾三區，以上中下爲別，身自督教。衣廩之所成就多爲當代名臣。范仲淹知越州，聘爲稽山書院山長，四

儒類

卷之一

光緒堂

方受業者甚衆，後以子貴，贈開府儀同三司，刑部尚書。

杜隱君醇

杜醇，越之隱君子也。居慈谿，學以爲己，隱約不求人知。孝友稱於鄉里，耕桑釣牧以養其親，經明行修，學者以爲楷模。慶曆中，鄞始建學，縣令王安石請爲之師，不起。再書強起之，醇始就焉。慈谿令林肇立學，又起醇爲師。亦固辭。安石又作師說以勉之，二邑文風之盛自醇始。

杜仁翁汝霖 曾孫五高附

杜汝霖字仁翁，蘭谿人。受業胡安定之門，六經皆通，尤

精於易學者宗爲人師至曾孫旌伯高旌仲高旌叔高旌季高旌幼高皆世家學工古文人稱金華五高

吳教授師仁

吳師仁錢塘人陳襄爲郡守薦於朝充教授履行醇正器識高遠嘗肄業太學名聞縉紳應舉不第退居田里甘貧守道每授學者以誠明義理之學而不爲異端之說士習爲之嚮風

大理評士樓子文郁

樓郁字子文自奉化徙鄞志操高厲學以窮理爲先屢

爲

卷之一

宋

光緒堂

空自樂慶曆中詔郡縣立學延致鄉里有文學行義者爲之師郁掌教郡邑庠者前後三十年學行篤美信於士友一時英俊皆在門牆最知名者如豐稷袁穀羅適其人並爲一世鉅儒既登進士第調廬江主簿自以祿不及親絕仕進意以大理評士終於家有遺集三十卷子孫皆踵世科五世孫鑰德行文章爲時名臣仕至參知政事自有傳

將仕郎蔣造之至

蔣至字造之臨海人有學行家居講授從游者衆母張

氏年八十抄經典以助之大中祥符六年詔舉德行遺逸章守德象及部使者以名聞詔索所著經解以進授將仕郎本府助教賜其母帛慶曆大水城墳子孫掖之往避至曰死生命也吾何逃焉正冠危坐而逝

大學士汪德溫洙

子思溫思齊附

汪洙字德溫鄞人也少雋異九歲能詩稱神童稍長淹貫經史無書不覽登元符進士第授明州教授著春秋訓詁召陞宮教拜大宗正卿至觀文殿大學士提舉台州崇道觀築室西山日集諸儒講學以教授族間之子

傳

卷之一

宋

光緒堂

弟鄉稱崇儒館卒謚文莊平生稟性仁厚忠孝著聞子思溫觀文殿大學士思齊端明殿大學士孫大猷敷文殿大學士自有傳

尚書右丞陸農師佃

陸佃字農師山陰人居貧苦學夜無燈映月光讀書躡屨從師不遠千里過金陵受經於王安石熙寧三年應舉入京適安石當國首問新政佃曰法非不善但推行不能如初意還爲擾民如青苗是也安石不悅尋禮部舉首擢甲科授蔡州推官召補國子監直講安石以佃

不附已專付之經術不復容以政事安石子隼用事好進者全其門至崇以師禮佃侍之如常同子韶修定說文入見神宗問大喪襲衮佃考禮以對神宗悅用為詳定郊廟禮文官時同列皆侍從佃獨以光祿丞居其間每有所議神宗輒曰自王鄭以來言禮未有如佃者加集賢校理崇政殿說書同修起居注元豐定官制權中書舍人給事中哲宗立更議先朝法度去安石之黨事多諱變所從安石卒佃獨率諸生哭而祭之識者嘉其無向背以修撰神宗實錄徙禮部與史官范祖禹黃僎頌

僎頌

卷之一

手

光君堂

莫君陳子陳孫伯虛附

莫君陳與興歸安人也少從胡安定學篤志力行登嘉祐進士第不赴調御家嚴整無大小對之如神明子砥知永嘉惠愛及民民立祠祀之孫伯虛知常州有甘露嘉禾之瑞

太常少卿江彥文緯

江緯字彥文常山人元符三年以太學內舍生上封事哲宗召對稱旨賜進士及第緯精於經學口授諸生皆能發前儒未發之旨當時從子少虞少齊漢皆從受業若負笈而至者則汪藻程俱李處業趙子畫作者七人僎頌

卷之一

手

光君堂

張適道堅

張堅字適道諸暨人家貧篤學力以聖賢自任聞胡安定教授湖州負笈徒步往從之旦夕研味至忘寢食不暮年盡得六經之奧辟歸鄉里開門受徒從游者甚眾每語諸弟子曰人皆可以為堯舜自信得過則精一之傳在我後以八行舉得官尋改京秩貧不能給吟唱自若當時稱為醇儒

太常博士湛若 錢起錢演附

湛若餘姚人博雅以鴻碩稱時舉子各占一經或詞賦便足若於六經詞賦無不通解同邑呂次姚建義學聘若爲師諸生常數百人每執經問難辯若懸河汎濫百家諸子然後折衷聖經諸生無不解願官終太常博士時有錢起及其子錢演亦相繼教授學徒常與若等

崔文學廷碩貢

崔貢字廷碩仁和人端重有識內行淳備大觀中詔舉八行郡邑以貢應授密州文學卒鄉人尊曰八行先生

儒碩

卷之一

圭

光緒堂

殿中丞祝履中常

祝常字履中常山人從胡安定學搢履端毅未嘗以辭色借人登進士第王安石深器之時有詔解三經義常出正義反覆辯論者是之遂忤安石意出令平陽終殿中丞有蓬山類苑元詒正謨諸論及清高集行於世

工部侍郎龔深之源 子楫附

龔原字深之遂昌人由進士爲太常博士國子司業遷起居舍人給事中工部侍郎初邑人未知原篤志明經致身通顯著易解等書行於世由是龔化之凡永

嘉先輩以經學鳴者淵源皆出於此嘗謫和州金人據其子楫率家僮往襲之金掠兵至楫麾其衆曰今日聞死亦足爲義士遂死之

夏元肅侯 周升繆景仁附

夏侯字元肅龍游人與周升繆景仁爲師友皆以明經教授時號三俊俱舉進士侯嘗語其徒曰古之學者下學上達今文雖小伎自有上達之理但爲科目所累故判本末爲兩途耳聞者悚服所著有柯山書解

方性夫慤

儒碩

卷之一

圭

光緒堂

方慤字性夫桐廬人家世業儒慤性至孝父死廬墓飲食寢處皆如禮三年喪畢猶不肯歸單思積年註禮記集解政和三年領鄉薦至京師表進記解於朝詔賜上舍釋褐而頒其書於天下學者宗之及居官所至以剛廉稱家置萬卷書堂雖老手不釋卷朱文公嘗曰方氏禮記解儘有說得好處不可以其新學而黜之也

知常先生周南仲南

周南字南仲自號知常叟遂昌人也壯歲讀書游四方將求所以應世者及見李易作卦元遂無任進意悉弃

其所學受潘子醇忘筌書以歸日聚邑士子以易言講授之其講易也由靜極生動乾生於坤因歸其說於坤之六二大抵皆祖忘筌而暗合於歸藏時人稱之爲知常先生

經行先生丁昌期 子寬夫 廬夫志夫附

丁昌期永嘉人以明經篤行師表後進嘗作醉經堂鄉人尊之曰經行先生三子寬夫三舉鄉貢廬夫舉八行志失登紹興進士第俱好古力學日侍父側弟兄商論如師友不爲苟且曰此理天下所共不可爲家庭屈比

信順

卷之一

光緒堂

親親喪斥去浮屠歲時祭享一遵古禮時多法之

奉直大夫方伯治銘

方銘字伯治淳安人少以詞章名兩魁郡試後棄去盡心聖賢知行之學每曰人與天地對立者文藝云乎哉日訓諸子所講明必以窮理盡性爲先至於應事接物則以持敬實踐爲功其教不言而躬行不見其有的然之迹而家庭日用起居無非六經之道暨二子逢辰逢振前後及第乃曰吾昔以爲不足爲者今吾兒爲之爾曹勿謂足也及第後授宜教郎歷官奉直大夫兩淮制

置司參謀官

鄭熙績汝諧

鄭汝諧字熙績平陽人擄行純固言動必謹於禮博學強記老不釋卷經史百氏器數刑名之書無所不覽舉輒成誦時號武庫紹興中入太學會東朝稱壽覃恩封其母乃曰吾母爲命婦吾復何求於是歸隱後格當推恩卒不就

秘書少監戴彥肅良齊

戴良齊字彥肅黃岩人嘉熙進士累官秘書少監以古

俞有

卷之一

光緒堂

文鳴而允精性理之學所著有中說辯妄通鑑前紀曾子遺書論語外書孔子年譜世譜七十子說林公輔答徐始豐書有曰當今經書雖皆完具而禮經獨爲殘闕加以漢儒之記有不能也郡先哲戴大監嘗力爲之辨草廬吳文正公師之得其說於今未大行也觀此則其學之源委可見矣

王蘊文賁

王賁字蘊文天台人介特有守鄉俗化之不敢爲非王賁翁創上蔡書院金華王魯齋爲堂長賁具古冠服來

謁及魯齋歸乃敦請代理其事既卒無以歛門人爭經理其喪至於葬道有兩岐一大而遠一狹而近門人請於其婦婦曰先夫平日不曾由徑不可以死而違其志聞者歎息曰有是夫宜有是婦

龍圖閣學士葉秀發時

葉時字秀發仁和人第進士歷事四朝官終龍圖閣學士擢展端方博學善屬文尤邃於周禮爲學者所宗晚居嘉興著禮經會元及竹塹詩集行於世卒謚文康

唐與政仲友

父堯封附

儒碩

卷之一

三

光碧堂

唐仲友字與政御史堯封之子堯封遇事敢言不避權貴劾王之望錢端禮驟進不報輒棄官歸死之日無以爲歛仲友少承父訓博涉羣書登紹興進士復中宏詞科累官判建康府轉知台州典利除害政聲煒然俄爲同官所忌以劾罷主管建寧武夷山冲道觀開席授徒學者雲集仲友史學精絕尤邃於諸經下至天文地理王霸兵農禮樂刑政陰陽度數郊廟學校并野叢彊莫不窮探力索而會通其故精粗本末兼該並舉與呂子同居於婺而獨尚經制之學然天性蕪直與物多忤仕

未通顯托之論述而終所著有六經解九經發題經史難答孝經解愚書諸史精義帝王經世圖譜乾道秘府羣書新錄天文地理詳辯故事備要詞科雜錄說齋文集其後諸孫懷敬復集爲文粹蘓伯衡爲之序

張忠父淳

張淳字忠父永嘉人嚴重深博工古文尤習冠婚喪祭古禮其器制儀節損益考訂纖悉無遺校讐儀理爲之句讀欲考禮者必請正焉朱子通解首引用其說試特奏得初品官不出仕朝廷知其賢屢命監南嶽廟凡五任竟不食其祿人問之曰國家養賢豈俟請邪卒隱約以終尚論者至今高其志

儒碩

卷之一

三

光碧堂

杏溪先生傅同叔寅

傅寅字同叔義烏人幼嗜學經史百家悉能成誦比長益求異書而讀之間從唐仲友質疑問難仲友喜曰吾益友也及聞其升陝分陝之說語門人曰職方與地盡在同叔腹中矣寅於天文地理明堂封建井田律曆兵制之類世儒置而不講者靡不窮究根穴訂其僞繆號曰羣書百考呂大愚閱其禹貢圖攷曰可謂集諸家之

大成矣。黃文叔欲與同列。秦補以官知其不可屈。乃止。學者因其居稱之曰杏溪先生。卒年六十八。

安撫恭議戴文子棚

戴棚字文子。永嘉人。溪之族子也。登嘉定第。爲太學博士。遷秘書郎。出知臨江軍。改知衡州。俱不赴。久之起爲湖南安撫恭議官。卒。棚少師水心。葉適得其旨要。故明經之外。亦工於文。嘗曰。詩壞於衛宏之序。春秋誤於公羊之傳。易由於三聖繁。及象象之互入。書失於孔壁序傳。簡編之相亂。周禮特周公大約之書。當時有未必盡

備

卷之一

光

劉堂

行者。識者是之。所著有五經說。諸子辯論。東都要略。

禮部侍郎高抑崇閣

高閣字抑崇。鄞人。弱冠入太學。見楊時。授以伊洛之學。宜和間。文體駢弱。閣力變之。紹興元年。賜進士第。執政交章稱閣議論簡正。明於治體。可居經筵。勸講。五年。授秘書正字。高宗手書中庸儒行。以賜進士。閣言儒行多漢儒雜記。中庸實子思所傳。乞罷。賜儒行。兼禮部侍郎。遷國子司業。三舍學法。皆閣所更定。以忤秦檜。致政歸。絕口不言時事。作春秋集註。推明程子本旨。又集厚終

禮一卷。行於世。累官禮部侍郎。贈少師。謚憲敏。

寧海簿毛叔度宏

祖通。彥父。徽兄。宜附。

毛宏字叔度。其先括蒼人。大父通。彥元祐間。以經術詞賦。三與計偕。後徙樂清。父徽有文行。受詩學。試爲上舍優等。以久謁告。不及貢。居鄉以賢德稱。與邑大夫交。雖毫髮不干以私。縣起新學。徽治其事。學成。邑令俾爲之長。以表率後進。宏資稟不凡。幼與兄宜俱有儒聲。俱能世其家學。當時目之曰二毛公。入太學。繼試禮部。以春秋魁天下士。中紹興第。授寧海簿。沉毅有守。民莫敢犯。

儒

卷之一

光

碧堂

太學博士關子東注

關注字子東。世爲錢塘人。登紹興五年進士第。調教授湖州。與胡瑗之孫滌。瑗遺書得易解。中庸義藏之學。官意在美風俗。新人材也。仕至太學博士。卒。自號香巖居士。有關博士集二十卷。行於世。

茂陵先生馬師文之純

馬之純字師文。東陽人。登隆興元年進士第。初爲嚴州比較務。終於沅倅。受知張栻。潛心經籍。學者多從而受。

業焉常以大任期弟子齋行簡卒如其言著尚書論語中庸說周禮有隨釋類編春秋左傳有紀事綱年詩文若干卷學者稱之曰茂陵先生

都官員外郎唐進道閣

唐閱字進道山陰人少爲學刻苦夜未嘗卧舉進士屢遷都官員外郎乾道間兩浙飢詔爲浙東檢察賑濟州縣所全活甚衆嘗以左氏春秋放遷固史例以周爲紀列國爲傳又爲表志贊合五十一卷號左史傳行於世

博士邵萬宗困

儒類

卷之一

卑

光碧堂

邵困字萬宗蘭谿人淳熙八年進士授郴州教授改潭州朱子帥湖南以學行薦遷楚州倅奉祠家居名其堂曰今是所著有曲禮王制樂記大學中庸解五篇及讀易管見今是堂遺稿等書朱子曰長沙博士邵君困得吾亡友敬夫所次三家禮範而刻之學官蓋欲吾黨之士相與深考而力行之以厚彝倫而新陋俗其意美矣其爲名儒所推重如此

王子安用亨

王用亨字子安崇德人舉淳熙進士好讀書手抄口誦

至忘寢食鄉人多從之游遠方學者亦聞風而至悉隨其氣質優游而啓迪之類爲聞人分教襄陽表倡士類嘗作二記置諸左右悲世自警其行已蓋有實云

瀏陽丞胡浚明宗伋

胡宗伋字浚明餘姚人童時便如成人其父呼曰老子及長刻意于學元符間試禮部不第歸益市書築室教授鄉里學者多從之游宗伋性至孝跬步未嘗忘親賑人之急必窮其力建炎之亂士人避地明越者多以宗伋爲歸依宗伋雖窮老而學不倦會孝宗御極恩宗伋

儒類

卷之一

卑

光碧堂

五上禮部矣例授房州文學調瀏陽丞用薦監嚴州比較務最進一官丐祠監南嶽廟宗伋挾行方軌篤於道德性命之旨其交游子弟非是莫取史稱宗伋爲醇儒眉州通判趙周錫彥柅

子塗夫附

趙彥柅字周錫東陽人師事呂祖謙擢取應科授右選非其志也精春秋左氏作發微一百篇以進上嘉之特循一資旋借和州觀察使金吾上將軍克接伴副使事訖撰虜使問答一篇上之特轉一官隆興元年登進士擢宣義郎累遷眉州通判卒彥柅好學有文著述不倦

有詩凡數百篇名西征隨筆子淦夫尤工於詩

復齋先生趙子欽彥肅

趙彥肅字子欽建德人天資孝友留意聖賢之學窮理盡性弗深造自得弗措也登乾道進士第會尤皇遣劔輟三年不仕宰臣周必大薦之孝廟甚力彥肅益以近名爲嫌仕至寧海軍節度推官所著有易說及廣學雜辯士冠士婚饋食圖行於世朱文公觀其書歎曰近世未有如此看文字者學者稱爲復齋先生

倦居尉傳升可正

歸順

卷之一

聖

光碧堂

傅正字升可義烏人六經俱通尤精史學從游之士戶屢常滿登淳祐五年進士第授倦居尉未上而卒所註有六經講義及南園詩文雜稿二十卷

李國紀元綱

李元綱字國紀錢塘人號百鍊真隱乾道間以上庠賢士寄居吳興之新市力學好古雖困窮撻履益堅怡然自得不爲外物異端之所挫奪撰聖賢事業圖集說三先生西銘解厚德錄言行編諸書

章升道樵

章樵字升道昌化人嘉定元年進士歷海州高郵山陽教官習知海徵事再上時相書力陳李全必叛劉瑄不可任重後全果亂郡縣官多被禍樵率諸生盛服坐堂上講誦賊至歛刃而退擢宰吳判常州皆以薦著御史洪咨夔舉擢監登聞鼓院尋以疾乞歸授知處州樵學宗伊洛所著有集曾子十八篇章氏家訓七卷補註董仲舒春秋繁露十八卷古文苑二十卷

林奇卿椅

歸順

卷之一

聖

光碧堂

林椅字奇卿麗水人登紹熙進士淹貫經術而於周禮尤精以周禮爲周公經世之書凡民極所由立日用之常誠僞之變莫不區別纖悉畢備椅乃隨類條列之名曰周禮綱目調紹興府教授時翰林學士樓鑰禮部尚書倪思表其所著進奏除刑工二部架閣以壽卒

國子博士戚少白如琥

戚如琥字少白金華人自幼力學長游呂東萊之門其學務以修身齊家而見諸實用不爲空言東萊每歎異之紹熙元年登進士丙科授郴州教授遷國子博士時相欲用爲諫官諷使贊啓確然不屑且乞外補出知台

州尋改袁州政績大著及卒門人私謚曰貞白先生

朝議大夫虞從道復

虞復字從道義烏人師事倪千里傳永嘉春秋之學由太學登進士第以楊村酒官上緝熙殿四十八規理宗大喜累官太常博士大宗正丞出知信州時史嵩之開督府以御札盡收列郡利權因上表進愛養根本之說大忤史意有旨除都官郎官御史金淵承風旨奏寢新命遂奉祠歸祠滿差知興化軍不赴嵩之雖去而鄭清之再相復亦其所忌退居東巖十有五年清之罷董丞

儒類

卷之一

學四

光碧堂

工部侍郎張子宓處

張處字子宓慈谿人唐建中宰相鑑之裔也習詩易工辭賦登慶元進士教授臨江榜宣慰見而器之尋爲浙東安撫使屬官帥微處督遺剡縣處謝不往除太學正

叙遷傳學時金將亡上疏言昔聞其衰則喜今聞其衰當懼蓋雖足偷一時之安而所當深防者實在於自治遷秘書丞以疾出守南康改處州政多惠利性澹泊奉祠家居端平元年天子遴選經筵官以國子司業兼侍講召處講月令至孟秋決疑訟反覆數百言復成月令解十二卷以進陞國子祭酒工部侍郎麗眉冠帶諸生望之肅如也壽八十卒謚文靖

石晉卿一麓

子子定附

石一麓字晉卿義烏人景定甲子鄉貢進士少從王世

儒類

卷之一

學五

光碧堂

酬得徐僑之端緒學茂而聲遠嘗典教邑庠從學數百人多取高第故名愈振晚年覃思於易著互言總論十卷子子定字安叔端敏純孝繼母朱性嚴毅子定奉養不倦無愠色閱三十年未屬續之前謂之曰汝善事我汝子孫世世皆如汝我之願也里人多稱其孝至元四年卒

大理卿黃新之蛻

黃蛻字新之淳安人淳祐七年廷試進士第二蛻學博而正著作不留稿人得其片紙隻字必珍藏之自建昌

軍僉判遷大理卿所至以文學知名未幾歸老卒學者稱之於石峽書院徐夢高贊之曰巍科早掇魁業開先進不汲汲退亦恬然水蘂之搵金石之堅身修不貳體受歸全

國子博士施景文郁從子南一附

施郁字景文義烏人由太學內舍登高第擢國子博士從子南一字與之咸淳龍飛第六人亦官太學博士與石一麓黃潛同時並以文學教授從游者以百數名人科士多出其門所著有石氏易五言總論春秋經傳記儒類
卷上
史
光碧堂

太常寺丞梁子奇椅

梁椅字子奇麗水人登嘉熙進士第時甫弱冠耳蚤脫場屋遂得潛心講貫肆力爲文晚歲慕程朱之學編輯遺論名曰論語翼除太常寺丞權禮部郎官

太府卿何巖叟夢桂

何夢桂字巖叟淳安人登咸淳元年廷試進士第三授台州軍判官改太學錄遷博士添倅吉州時廂軍不受令鼓譟而起夢桂與疾往諭遂帖然除太常博士監察

御史抗疏言守避之計大略謂今之言守者以守爲守不若以戰爲守以避爲避不若以守爲避書上報聞而省符遷軍器監以歸尋轉太府卿時事已不可爲矣元初御史程文海薦之朝授江西儒學提舉以疾辭不赴築室小有源不復與世接著書自娛有易衍大學說中庸致用等書而於易尤精解釋圖象發揮奧妙有先儒所未言者學者因其自號稱爲潛齋先生

南康僉判呂冲之從兄聲之附

呂冲之新昌人與從兄聲之同師陳傳良友蔡行之在

儒類

卷之一

史

光碧堂

太學有聲冲之博學精思研究經史尤工詩文傳良深器之舉進士歷南康軍僉判集諸生講道於白鹿洞未幾引疾歸表正鄉閭家無餘資所著壁經宗旨及詩文墨妙世傳之

洪正字揚祖

洪揚祖鎮東節度判官璞之子也嘗從袁甫錢時講貫義理之學以切直忤時調寧浦教授辟廣西帥幕論嶺南買塩及橫山以錢易馬事多所建置裨益遷京教除太博置登善錄書諸生之善言善行而不及其過惡一

時士多嚮風。召試館職。除正字。輪對者三。懇懇以講學。正心誠意。啓沃君心。自號錢溪。有文集若干卷。藏於家。

南陵先生王威仲炎澤

王炎澤字威仲。義烏人。父齊景。定二年。國子免解進士。炎澤少嗜書。稍長。治舉子業。有聲鄉邦。當宋運去。物改之後。而場屋事廢。因得專意探索聖賢之微旨。家庭所授。竟得其素。又從徐僑門人。傳考亭之學。風聲氣習之所存。感發尤多。而操行愈堅。窮居約處。開門授徒。絕口不言仕進。學者尊爲南陵先生。炎澤待人一本於誠。言論磊落。無所隱蔽。莫不敬服。爲諸生講說。務推明大義。不事支離穿鑿。爲文簡質。而主於理。詩極渾厚。而間出奇語。不屑以雕刻求工。所著有南陵類稿二十卷。

學諭陸德甫震發

陸震發字德甫。淳安人。少聰敏。書多淹洽。而尤明於春秋。淳祐中。知州王必知縣。虞執力薦之。朝以親老乞鄉校就養。乃授學諭。嘗擬修學記。有云。人之一心。本自虛明。本自廣大。無賢不肖。均具至理。特患物於物而不能物。物耳。其修已教人一本諸此。所著有春秋講義。聚志

一卷

張葆光

張葆光。嘉興人。市居。讀易。一目睛突出。乃用蓍葉熨眼。且熨且讀。遂超然有得。見黃冕仲。黃曰。如師卦。初長子師師。二弟與尸。三在師中。吉。極分曉。光曰。作如此說。宜其易也。乃削簡盈箱。布算縱橫。所謂八陣圖。五花陣。諸法。無一不出於此。冕仲駭服。

中書舍人何文淵逢原

何逢原字文淵。分水人。咸淳中。累官中書舍人。嘗因輪

僧頤

卷之一

吳光碧堂

對陳時政十事。言甚剴切。已而知時事不可爲。遂引疾去。至元中。御史程文海薦之。朝授福建儒學提舉。辭不赴。卒於家。逢原專究經史。旁通陰陽星曆醫藥之書。至於佛老之說。亦必辯其所以背於吾儒者。所著有易詩書通旨。四書解說。玉華集若干卷。藏於家。

舒平江通叟津弟許附

舒津字通叟。奉化人。讀書續學。期至古人。登景德三年進士第。遷太學博士。知平江蒞事。勤敏雅志。澹如膏。傅采傳記著續蒙求。尚書解。春秋集註。十七史綱目。從弟

許字平叟清苦獨立景定元年入太學諸明正學雖寒暑弗懈著易釋二十卷繫辭釋三卷讀書隨筆五卷心書六卷一門經學人謂得於文靖之傳

張潤之

張潤之金華人自號思誠子篤實清介專心問學宋李避地長山摘其幽勝爲十詠一時名士多賦詠之元學士黃潛爲之跋云先生之微言奧旨世莫得聞尚賴此詩之存其高風雅韻猶可樂見云

人齋先生胡德夫一桂

儒類

卷之一

辛

光碧堂

胡一桂字德夫永嘉人咸淳庚午領鄉薦辛未上春宮不第歸闕家塾授經自號人齋學者皆以人齋先生稱之會郡政有得失隨事敢言一時守丞僚佐枉車問字詩酒外語不及私德祐乙亥上丞相書幾萬言忠誠懇切莫能行之未幾元兵至溫一桂屹坐家廟不以生死動其心董左丞俾攝郡文學自是研究周公經國制度參訂互考至忘寢食故六官錯簡一旦貫通遂成補正古周禮一百卷又有四書提綱孝經傳贊子義口義講義存稿學者並傳之

高山先生許子瑜瑾

兄薦附

許瑾字子瑜玄慶之後世居剡之東林博極經史嘗從朱子游明於理學鄉先生俞漸狀其行曰子瑜學博而正行峻而和文麗而則君子人也學者從之隨其資稟皆厭足所欲稱爲高山先生宋運旣改徵辟不就所著有春秋經傳十卷文稿若干卷兄薦亦以詩文名稱高士

兩浙名賢錄卷之一終

儒類

卷之一

壬

光碧堂

兩浙名賢錄卷之二目次

儒碩

元

侍講學士鄭景歐孫弟附 繆天隱主一

杭州學正劉應龜 孫若純庚

侍講學士黃晉卿潛 丁性初存

國子編修胡履信助 寶峯先生趙子永偕

孟長文慶桐 鹿皮子陳君采樵父取附

蔣敬之宗簡 凝熙先生聞人應之夢吉

儒碩目次 卷之二 十 沈碧堂

純節先生字文子貞公諱瑞安州同知葉書言謹介

丹溪先生朱存修震亨 西山夫子陳成甫紹大

潘喬先生陳公潛剛 徐南夫時

黃清遠景昌 史文瑞伯華

楊元慶璉元葉京瑞 馬德珍道貫

松江同知丘子正世良 敦進士慈台

申屠敬仲汝元 木石先生劉仲愚希賢

陳希理大倫 潘育中伯修

需學掾景洪元兵欽 方以慈道經

巴陵薄葉世傑子青 榮陽外史鄭真

王如淵淵 學正俞觀光長儒

翰林校書王子謙受益附 桂教授同德

陳訓導與廷 吳訓導元亮

陳履中端禮附 退密先生傅淳

汪師道與立 教授趙文祐思盛

黃廷 柿庄先生鄭元亨嘉

翰林學士王景彰景 翰林檢討鄭叔美棠

儒碩目次 卷之二 二 尤碧堂

李訓導孟璠附 楊九瞻範

衛府長史金用興附 羅儀甫頌祖緒父

國子學錄朱叔龍文淵附 朱克粹純附

葉士冕繡 湖廣按察使黃孟清潤王

趙長史季通 鄭孔明仇

贊善徐好古善述 駱則民象賢

徐光岳壽卿 學正周士亨衡

東谷先生鄭世昌延 進士盧舜用璣

教諭包希賢瑜 司訓陳敬佐善

楚府教授詹朝宗源	教諭吾景瑞	靖安令朱天錫祚	慎徽先生黃季崇源	司訓宋用儀鴻	徐公允晟	學正方景銜銓	王司與文轅	教授朱日章冕	邵事裘天爵仁	光澤令徐子元泰	海陽令毛時正仲	野橋先生戴秉誠圭	仇教授彩	訓導李孟昭達	張蘊之琛	樂城教諭俞汝誠子良	翰林孔目支中夫立	國子助教洪廷器禹	胡惟一純	昌平知州蔣引之經	典山令王汝珩儒	同安令許元夫仁	貞一先生陸順德贊	光祿寺署正譚諫	攸縣令孫成叔景時	長史張廷光景明	黔陽訓導凌時東震	朱陽仲應鍾	處士范廷潤確	布政司都事沈一之槃	工部侍郎蔡汝楠	孝肅陳獻可言	徐通判文和	訓導葉尚文素	周府紀善凌德容翰
----------	-------	---------	----------	--------	------	--------	-------	--------	--------	---------	---------	----------	------	--------	------	-----------	----------	----------	------	----------	---------	---------	----------	---------	----------	---------	----------	-------	--------	-----------	---------	--------	-------	--------	----------

文學許長聖聞至	僉事鍾仁卿繼元	信豐令何思仁燾	文定先生王世庶文祿	司訓許來鳳梧	子燾孫應遠附	南川先生呂程	邵武同知諸子相燮	劉大聲鏜	子振宗附	教授施一元乾	鶴洲先生黃子重裳	學正魯元承烈	教授戚元輔	弟元弼元佐附	朱汝賢賢	子建辰孫廷益附	教授卜宗周鎬	子相附	姚坦之履道	子思仁附	訓導朱汝明愚	父鳳附	文莊先生吳希華榮	福建僉士	汝學宗聖	海屋先生姚翹卿翼	兩浙名賢錄卷之二目次終
---------	---------	---------	-----------	--------	--------	--------	----------	------	------	--------	----------	--------	-------	--------	------	---------	--------	-----	-------	------	--------	-----	----------	------	------	----------	-------------

東海徐象璣字和氏漢

武原鄭端龍字孟氏周

儒碩

元 共三十七人

侍講學士鄭景歐除孫

字景歐處州人宋景定間登進士第知溫州象

清縣累官宗正丞禮部郎官至元三十年有以除孫名

薦者世祖召見授集賢直學士尋陞侍講學士乞致仕

歸弟陶孫亦登進士第監西嶽祠先陶孫徵至闕奏對

稱旨授翰林國史院編修官會纂修國史至德祐末年

事陶孫曰臣嘗事宋宋是年亡義不忍書書之非義矣

終不書世祖嘉之歷陞奉翰林文字後出為江西儒學

提舉除孫兄弟在當時最號博洽儒學之士翕然推之

隆福宮以其前朝士乃製衣親賜人以為異遇焉除孫

所著有太易法象通贊周易玩記等書陶孫有文集若

干卷

繆天隱主一

繆主一號天隱永嘉人從西山葉味道游博學強記西

山深器之後補國學生陞內舍通易書禮三經宋末賈

似道蕪湖之敗主一與同舍生伏闕上書攻之德祐初

以疾告歸未幾宋亡遂隱居教授晚歲雙目皆瞽大德

間郡守蕭希憲延為郡庠經師每日肩輿至齋時初製

大成樂禮器祭服制度儀式必諮詢之主一雖瞽而諳

練典故記憶不衰與人言亶亶無倦人有問者必答曰

在某書某帙人視之果然年八十餘卒於家有易精蘊

論學軌範尚書說禮記通考天隱集

儒碩

卷之十一

二 光碧堂

杭州學正劉應龜

劉應龜義烏人潛心義理之學每以古人自期咸淳間

游於太學丞相馬驥高其才將以女娶之應龜不可乃

止由是名稱籍甚元至正初起為月泉書院山長改杭

州學正以身為教士遵架樓所著有夢稿痴稿聰雨留

稿共二十卷

孫居純庚

孫庚字居純慈谿人生而穎悟志操端謹孝友稱於鄉

里嘗從師力學同舍生以其貧斥遠之庚不動容色益

刻苦磨礪夜讀申且由是問學淹貫論議宏博及門之士若桂彥良王桓陳恭皆以學行著聲其他執經請益者遠近相踵庚循循善誘雖愚蒙陋劣必使知所趨向貧不能具束修者且資給之使有成業學者人人感激以爲父師邑長也其不花天澤普化咸以師禮禮之及卒貧不能飲門人爲執喪葬禮者數百人所著有雪磯集若干卷

侍講學士黃晉卿潛

黃潛字晉卿義烏人幼俊異善文嘗著吊諸葛武侯辭

卷之二

王 九碧堂

登延祐二年進士第累官江浙等處儒學提舉上納祿侍親之請以秘書少監致仕未幾召除翰林直學士知制誥同修國史尋兼經筵官陞侍講學士上章求歸不俟報而行帝聞之遣使者追還京師復爲前官久之得謝而歸卒贈中奉大夫江西等處行中書省叅知政事護軍追封江夏郡公謚文獻危素稱潛之論著如澄湖不波一碧萬頃蛟龍百怪潛伏不動淵然之光自不可犯宋濂贊其肇開科舉卽以儒學自奮毅然獨任斯道之重上承朱呂道統天下學士咸知師法云

丁性初存

丁存字性初義烏人性質樸不外撓博洽群書爲文尤長於詩賦屢徵明經不就嘗游宗文何先生門相與關明理學以適金許之傳晚年優游盤谷四方學者慕趨之所著有雲崖雜稿若干卷藏於家

國子編修胡履信助

胡助字履信一字古愚東陽人刻志問學悉究經史百氏大旨舉茂才授建康路儒學錄吳徵過金陵見助詩文大加賞異用薦改翰林國史院編修官至順間再轉

卷之二

四 九碧堂

國子編修助狀貌清古平生誠實無僞見人有善亟稱之素薄勢利故與人無怨惡嘗作大拙小拙傳以寓意所著有純白類稿三十卷

寶峯先生趙子永偕

趙偕字子永慈谿人少立志不凡初業舉子嘗讀楊文元公所著書恭默自得乃悉棄舊業尊崇之雖處山林恒有愛世之色邑令陳文昭親至門受學平居躬行孝友日舉聖賢之言以裁小子子狂簡學者稱爲寶峯先生

孟長文夢陶

孟夢恂字長文黃巖人師事楊珏陳天瑞講解經旨體認精切用薦署本郡學錄至正中以設策禦寇功授宜興州判官未受命而卒賜諡康靖所著有性理本旨四書辯疑漢唐會要七政解及筆海雜錄等書

鹿皮子陳君采樵 父取青附

陳樵字君采東陽人父取青慷慨負志節從石一燈與聞考亭之學樵幼承家訓長受經於李直方書無不讀因研覃遺經思一洗支離穿鑿之病逾四十年乃入東白山太霞洞中著書其微詞與義多前儒未經道者宋儒

儒

卷之二

五

光碧堂

樵稱其以超絕之資曠視千古若一旦暮期以孔子爲師而折衷羣言之是非可謂特立獨行而無畏懼者也爲文自出機軸嘗言文章舍六籍弗講而事浮詞綺語何哉所著古賦十餘篇絕似魏晉一時名士如虞集黃潛歐陽玄等皆向慕以爲不可及樵性至孝父病痰咯咯不能吐樵親以口吸之母歿樵不及識見遺衣輒奉之而泣生平未嘗言利家雖素饒終其身惡衣菲食澹如也遇歲饑竭廩粟以賑里閭自取來牟續食好衣鹿皮因自號鹿皮子有鹿皮子集飛霞觀稿合數卷年八

十八卒

蔣敬之宗簡

蔣宗簡字敬之鄞人幼爽敏有雋聲程端禮歸自江東宗簡以弟子禮謁見留門下數歲凡天人性命之本古今治亂得失之迹靡不參究乃束書入山中盡取易詩春秋諸家之說而折衷焉試有司不偶輒棄去或謂宗簡不以壯盛挾所長取青紫獨用古文自造矣益宗簡笑曰使吾理明氣克於爲文決科何有得不得命也文有古今之異耶既而遇臨川危素於金陵語洽欲偕至

儒

卷之二

六

光碧堂

京師以母老乃市所未見書數百卷以歸益折節讀書種學織文爲世名儒翰林柳貫見其文擊節賞異方具薦牘而宗簡已屬疾不起年三十有二人以顏子方之

凝熙先生聞人應之夢吉 父詵老附

聞人夢吉字應之金華人父詵老嘗游王魯齋之門夢吉受學家庭父子自爲師友手抄七經傳疏深究義理閉戶十年悉通與吉學者爭趨之以鄉貢授校官累遷泉州教授前後學徒著籍者毋慮二千人隨其資質而裁補之多爲成材至正戊戌治書侍御史李國鳳經略

江南承制授福建等處儒學提舉。辭不上。晚年避地。永康之魁山。卒年七十。平生信道。既篤。函養益純。識與不識。莫不稱之爲有德之君子。門人宋燕等謂其執醇而不變。含和而有耀。私謚曰凝熙先生。

純節先生字文子貞公諒

字文公諒。字子貞。興典人。通經史百家。弱冠卽有操行。登至順四年進士。自高郵司理除國子助教。六館之士資其甄陶者。性出爲名臣。調國史院編修。以病得告。後召爲國子監丞。除江浙儒學提舉。改食嶺南。燕訪司事。以疾請老。卒。公諒平居雖暗室。必正衣冠端坐。嘗撰手記一冊。識其首曰。晝有所爲。暮則書之。其不可書。卽不敢爲。天地鬼神實聞斯言。其檢飭之嚴如此。所著有折桂集數十卷。學者私謚爲純節先生。

瑞安州同知葉審言謹翁

葉謹翁。字審言。金華人。性明達。於書無不讀。由家傳之端緒。沂儒先之源委。卓然自立。許謙柳貫張樞黃潛咸樂與爲友。歷官浦江義烏二縣教諭。調簿晉江。授瑞安州同知。致仕卒。謹翁天性孝友治家有法。吉凶慶吊一

儒履

卷之二

七

九君堂

遵呂氏家範曰。吾有所受之也。所爲詩文和易平實。無纖麗之態。有四勿齋稿若干卷。藏於家。

丹溪先生朱彥修震亨

朱震亨。字彥修。義烏之赤岸人也。天資爽朗。讀書卽了。大義爲聲之賦。刻燭而成。豪邁負俠。聞許謙之學。卽振衣至門。而師事之。謙爲開明聖賢大旨。震亨心解。抑其豪宕。歸於粹夷。不以一毫苟且自恕。而欲見之踐履。嘗應試不利。歎曰。不仕固無義。然得失則有命焉。苟推一家之政。以達於鄉黨州閭。寧非仕乎。其家故有祭田。而

儒履

卷之二

八

九君堂

祭無恒所。乃建祠堂。以奉先世神主。講行朱子家禮。屏釋老之教。罷濟神之祀。持公平以服衆心。排紛難以安閭里。人多德之。俄母病延醫。因自悟曰。人子而不知醫。或委之庸人。寧無失乎。於是研究醫學。傳求名師。得羅知悌之傳。治症多獲奇效。嘗著宋論格致餘論。局方發揮。傷寒論辨。外科精要。發揮。本草衍義補遺。丹溪心法。學者因其所居。稱爲丹溪先生。

西山夫子陳成甫紹大

陳紹大。字成甫。黃岩人。以儒學名家。元初學者爲文。競

循聲律紹大獨以性理之學自任爲文章必傳經義治
尚書作四書辯疑生徒至二百餘人並稱之曰西山夫
子。

潛齋先生陳公潛剛

陳剛字公潛平陽人受業胡石塘先生之門晝夜研索
遂通易詩書三經旨要嘗著五經問難四書通辯述歷
代正閏圖說渾天儀說歷代官制說再貢洪範手抄爲
文章學西京爲詩賦效魏晉每應試累不就乃曰吾學
豈不如今人吾才豈不逮古人吾之不得命也父母皆
儒類

卷之二

九 光碧堂

徐南夫晦

徐晦字南夫一字叔範蘭谿人自少穎敏絕倫力學好
修兼明春秋戴記而於易尤造其微嘗言人出而仕必
行道濟時求不負其君處而隱必立身行善求不負其
先否則碌碌耳其居家孝友處朋友鄉黨一於義正直
不阿爲文雅瞻有法隱居教授學者稱爲天民詔以賢

良徵郡邑敦請固辭不起或勸之仕曰以經淑人得之
而仕是亦仕也所著有周易解微三卷禮記心法二十
卷文集若干卷

黃清遠景昌

黃景昌字清遠浦江人四歲入小學十二歲能屬文長
從方鳳吳思齊謝翱游益通五經諸子詩賦百家之言
尤極意尚書春秋之學三傳異說學者莫知所從景昌
據經爲斷作春秋舉傳論又作周正如傳考蔡氏傳正
誤古詩考晚自號田居子述田間古調辭九章重紀至
儒類

卷之二

十 光碧堂

元二年卒

史文璣伯璿

史伯璿字文璣平陽人自幼嗜學強記博通經史及諸
子有家之說精究四書深得朱子之旨時饒氏輯講許
氏藁說胡氏通旨陳氏發明與朱子背馳者乃著四書
管窺以辯明之又著管窺外編論諸經史天文地理古
今制度名物學者傳誦焉人勸之仕則曰讀書本以善
身爲仕而學豈吾志也遂隱居不仕卒年五十六

馬德珍道貫

馬道貫字德珍金華人弱冠時偕弟德瑋師事許文懿於八華山得瀛洛之學文懿以詩期勉之甚至文懿歿哭臨制服如親喪學者稱之所著有尚書疏義六卷詩文若干卷自號一得叟性恬退非公事不入城府棲遲衡泌裕如也說者以爲有古高尚之風

楊元度瑱

兄瑛弟瑒孫軾同附

楊瑱字元度餘姚人也喜學問師事柳待制貫與海內博洽者談數困服之以是名重一時註詩傳名物類考待御史姚勣上於朝後以歲貢歷寧海縉雲及本州學官值南北盜起避地邑之梅川以著述終兄瑛弟瑒孫軾同並有名而軾同尤以詩顯於景泰天順之間

松江同知丘子正世良

丘世良字子正父璠由台州徙錢塘良幼穎悟讀書過目輒解父喪奉母以姑日益貧教授市中經傳子史百家之言靡不蒐究用薦爲海鹽州教授後學田千餘畝秩滿除杭州路教授既代授慶元路總管府知事良所定文牘吏不敢舞文法爲奸仕終松江府同知所著有梯雲集六卷隨筆二卷

敖進士繼翁

敖繼翁烏程人少長遂於經術冬不爐夏不扇日讀必至夜分而寢雞鳴卽興以爲常由是目無不覽之書每與人談論今古滾滾如黃河之東注然未嘗以學驕人對僕隸亦辭色溫和平進止出入皆有常度初任定成尉以父任當補京官讓於弟尋擢進士對策忤時相遂不仕益精計經學於六經皆有疏說發爲文章春金夏玉以大家稱於東南有文集二十卷

申屠敬仲徵

兄溶附

倫頌

卷之十

士

光緒堂

申屠敬字敬仲諸暨人父性受業黃文獻公之門徵與兄溶得其淵源謹言端行並爲鄉里所重而徵尤寡合望之容色毅然至有所請則溫煦和婉辯析必盡工古文辭春容簡奧精篆籀小楷咄咄秦晉辟本路教授辟疾不行晚節益堅有遺世獨立之意所著有孝全撥言數卷藏於家

木石先生劉仲愚希賢

劉希賢字仲愚鄞人少嗜學長從鄉先生薛觥學春秋博習強記爲文敏疾舉進士第授太平路天門書院山

長講論經傳得其旨歸後改會稽教諭見雅樂啟弛明
然歎曰聖人制樂所以格神人和上下定民志詎可缺
哉乃捐俸率諸生命工修飭秩滿陞江浙儒學副提舉
致仕所著有春秋比事辨竒類稿自號曰木石子人因
稱爲木石先生

陳彥理大倫

陳大倫字彥理諸暨人也始學於從兄洙後事吳淵穎
先生絕意仕進以教授爲業元末避兵流于里作晚香
亭日與賓客暢飲高歌舉座絕倒嘗語人曰吾平生無
他嗜唯攻文成癖孳孳乞乞垂四十年昔之人如此者
何限今皆安在哉每搔首自傷識者亦共傷之所著有
春秋手鏡尚雅集

潘省中伯修

潘伯修字省中黃巖人嘗三舉於鄉至春官輒不偶遂
決志隱居教授以著書爲事旁通天文地理律曆之學
爲詩文皆寓微意曰文章不關世教雖工無益也方國
珎寇海上浙江參政叅兒只班總兵至將盡屠邊海之
民伯修挺身率父老詣軍前力爭之曰倡亂者獨國珎

儒類

卷之二

主

光緒堂

爾吾民無非也乃得免後竟爲國珎所害黃雲泉有言
潘先生莫邪大劒也其情光足以動星斗其鋒鏘足以
破堅珉而不保其缺折之患雖然不害其爲千金之寶
也嗟夫寧爲玉碎毋爲瓦全其潘先生之謂與

儒學提舉洪元成欽

洪欽字元成溫州人博學能文詞平居議論必依名節
至正中爲長州縣學教諭會張士誠陷平江欲用之欽
抗節不屈居數日乘間脫走見丞相達識帖睦爾言其
耿至相重歎以爲臨難不撓真師儒也用承制授將仕
郎江浙儒學副提舉雖當亂世化導不衰元亡歸卒於
家

儒類

卷之二

主

光緒堂

方以愚道庵

方道庵字以愚淳安人蛟峯先生之曾孫也從同里吳
朝陽先生游以春秋名當世登至順二年進士第授翰
林編修官所撰后妃功臣諸列傳筆削大義獨斷於心
無能議者調嘉興推官凡讞獄囚必脫其桎梏賜之飲
食溫言和氣以探真情再調杭州判官遂引疾以歸洪
武初兩被召俱不赴所著有春秋集釋十卷愚泉詩稿

十卷詩說一卷文說二卷選唐詩一卷
明 共一百四人

巴陵簿葉世傑子奇

葉子奇字世傑龍泉人至正庚寅以薦試方州中第四人退隱不仕國初浙江行中書省復以學行薦廷試高
等授岳州巴陵簿尋致仕卒子奇少極穎悟壯遊王剛叔門聞理一分殊之旨乃知聖賢之學不貴多聞以靜為主因自號曰靜齋所著有範通玄理草木子等書

榮陽外史鄭真

儒類

卷之二

十五

光緒堂

鄭真慈谿人博極羣書在鄉里恂恂然不以才藝矜人嘗取諸家格言著為集傳集說集論洪武初試浙闈居首選授廣信府教授號榮陽外史

王如淵

王淵字如淵永嘉儒志先生之九世孫也通詩書二經洪武三年舉進士以疾告歸淵性急直人有過必面折之毅然以作興後學為己任循循誘掖寒暑晨昏無倦色貧而末學者輒以衣糧資給之所著有詩書題斷道

塘稿

學正俞觀光長儒

俞長儒字觀光新昌人歷諸暨州學正治經敦行刻勵好修晚年所造益深其教門人務以反身自約遠近嚮之所著有心學淵源及詩文共數十卷

翰林校書王子謙受益

王受益字子謙山陰人洪武中舉明經為山陰訓導淹貫經史尤邃於春秋善指授多所發明嘗病傳註繁蕪或失作者本旨乃取諸家疏義折衷之哀為春秋集說後召入翰林校書受益與韓宜可薛正言先後典學於

儒類

卷之三

十六

光緒堂

鄉至今鄉校頌述之稱三先生而不名

桂教授同德

孫視附

桂同德慈谿人謹厚敦樸篤信好學於經史無不淹貫身若不勝衣喲焉似不能言者坦坦無競學行聞於遠邇經生學士過從請益者無虛日教授郡庠以德行為本立諸生講下懇懇言曰窮經究史固學者事而入孝出悌尤所當先今日之孝即他日之忠忠孝兩全人道備矣苟規規章句而踳屢不力此為人之學非聖賢之學也故一時親炙其教者咸有成立所著有容齊集喬

孫槐以知兵拜錦衣百戶篤於人倫而僮僕好施有古學士風

陳訓導與延

陳與延名延以字行鄞人也記覽該博而尤熟於春秋當元季盜起人不聊生悉散貲產以贍諸親舊之貧者僅存周廬田數十畝朝耕暮讀雖際屢空裕如也洪武二十七年邑大夫多其賢薦授本邑訓導開誘諄諄先義後利一言一行唯恐或後古人故當時從游之士接其模範者率知敦尚古道云

儒類

卷之二

七

光緒堂

吳訓導元亮

吳元亮仙居人洪武中爲嵎縣訓導沉靜方嚴動必以禮講明正學以開後進及卒與僚友諸弟子訣整衣拱手端坐而逝

陳履中端禮

弟治從子憲附

陳端禮字履中定海人志操古雅博究羣籍動不踰矩壺閫整肅不聞內言集子弟講明經術謂聖賢之學自修身齊家以達於天下寧拘拘章句邪弟治從子憲相繼登第爲御史端禮作廉說以規之嘗曰汝輩盡忠朝

廷不負子教則子得肆情泉石矣乃築室別墅遠心於世時鄭瑒爲郡守始行鄉飲禮以敦崇齒德親詣端禮之門迎之說者謂賓主俱賢有裨風教云所著有表祭禮儀註解

退密先生傅淳

父時告附

傅淳慈谿人家世業儒父時偕以道學鳴於鄉淳能傳其家學鄉人稱爲退密先生有洪範數言性理叢說大學補略視志稿藏於家

汪師道與立

儒類

卷之二

八

光緒堂

汪與立字師道金華人受業於范祖幹其德行與何壽朋齊名而文學似爲過之嘗謂學者當視古人爲不足毋視今人爲有餘人以爲名言隱居教授不求聞達優游林泉以高壽終

教授趙文祐思盛

子世麟附

趙思盛字文祐鄞人也博物洽聞涉獵羣經而尤邃於春秋洪武初訓導郡庠八年遷教授啓迪不踰矩矱生徒景慕後引年歸里雖在耆耄書不去手時稱達於文學子世麟克紹先志十五年聘上春官擢監察御史以

清白名

黃珏

黃珏餘姚人初學春秋後見四明黃彥實說尚書心好之乃更受尚書隱居教授浙之言尚書者多宗事之居恒對人喜談邵子皇極經世書旨趣淵妙貫徹天人有以自樂

柿庄先生鄭元亨嘉

鄭嘉字元亨山陰人篤行寡言性至孝母病嘗糞甘苦衣不解帶母未復初卧不就枕窮經好古而於詩尤工

儒碩

卷之二

十九

光碧堂

與錙續唐之淳相上下是時柯亭王佑爲侍郎方貴顯與嘉同里而里中無少長皆輕佑而重嘉見輒曰此柿庄先生

翰林學士王景彰景

王景字景彰松陽人修癯美髯平居好挾策矢口成章時稱其文章上繼屈宋下並班馬洪武間與楊宜同舉鄉試初授懷遠令歷官山西右叅政下吏以棖撓法累謫雲南靖難師起赦至京師與修高廟實錄以吏部尚書張紱薦陞禮部右侍郎兼翰林侍講克總裁官

成祖入繼大統擢翰林學士時言建文君崩上問景葬禮景頓首言宜用天子禮上從之一時詔勅皆出

於景景居官立朝不變鄉語一日上欲出師值大雨上不懌景從旁語曰此乃上天爲陛下洗干戈耳左右不辯其云何獨永嘉衛士竊笑而奏之上大悅卽擢爲親軍指揮使後徙居銅陵有詩文集若干卷

翰林檢討鄭叔美棠

從兄楷弟恒附

鄭棠字叔美浦江人也與從兄楷弟恒俱受業宋景濂之門以文學稱永樂初用禮部尚書李至剛薦入翰林

詹順

卷之二

手

光碧堂

與修大典書成吏部銓試第一除翰林院典籍仁宗爲太子監國南京選儒臣進講與王汝玉等九人在選敷陳從容眷待殊渥秩滿陞翰林檢討以疾告歸所著有金史評及道山集二十卷從兄楷字叔度蜀王問其賢奏除王府教授賜號醇翁陞長史致仕著有鳳鳴集弟恒字叔瑞隱居著書或以其名達之蜀王王每顧楷曰叔瑞可謂清逸之士人遂以清逸處士稱之所著有聖朝文纂文章正宗續文章正宗金華賢達傳進德齋稿

李訓導孟璿 弟仲璿 李衡附

李孟璿海鹽人。祖元白。以賢良方正起家。官嘉興副總管。清白有吏績。璿永樂中以經明行修。被薦。歷嘉興汝寧訓導。教養有法。士風蔚起。所著有南庄集。弟仲璿。李衡皆有文行。聲譽重於一時。

楊九疇範

楊範字九疇。鄞人。踐履誠確。雖燕居恒盛服端坐。讀書至夜分不懈。教授里中。視世之毀譽榮辱漠如也。永樂間有巫稱龍神道人禍福人如影響。家趨戶迎。官不能

儲頌

卷之二

主 光碧堂

禁範作文喻之弗止。躬性見巫。梓其首。匍匐於地。時擁巫羅拜者百數十人。皆驚悟散去。郡守鄭瑤。邑令張鐸咸賓致以訪政事。所著有四書直說。道統言行集。孫守陳守隨守隅守吐魯孫茂元茂仁皆登顯仕。各有傳。

衛府長史金用誠實

金實字用誠。衢之開化人。自幼穎悟絕人。書過目輒成誦。屏去浮靡。專意經傳。弱冠補博士弟子。識者目爲重器。歲壬午。太宗入繼大統。實稱布衣詣闕。上書。太宗善其言。復覲策之。對稱旨。命入翰林。與修太祖

皇帝實錄。書成。擢翰林典籍。修永樂大典。未幾。選爲東

宮講官。以外艱去。服除。陞左春坊司直。即日侍經筵。講說詳明。有良佐之褒。復以內艱去。哀毀成疾。踰十年始起任職。仁宗登極。簡官僚爲諸王輔導。乃授衛府左長史。復召入西掖。纂先正格言。以備顧問。丙午。歸謁先塋。恩賜優厚。拜奠既畢。日召鄉黨宗戚相與燕樂。以榮上賜。正統嗣位。郊祀謁陵。悉以命王。左右之力居多。未幾。王薨。哀感成疾。上疏乞骸。命下而卒。年六十九。實天性孝友。少肄業學官。以不得奉旦夕。惟朔望歸省。必奉

倫頌

卷之二

主 光碧堂

賜上壽。以悅親心。愛季弟老而彌篤。周貧恤難。不吝所有。故人林文節卒於京。親爲殯。歛歸其喪。閱經史。口有程限。或有事妨。夜必補之。不以寒暑少廢。故諸經子史悉能探其賾。而知其非。嘗曰。人不能無非。覺而正之。斯善矣。遂伯玉行年五十而知四十九年之非。仲尼以爲君子。因以覺非名齋。爲文章。春容暢達。理與氣俱。詩則和平冲淡。無雕琢之病。有集若干卷。藏於家。

羅儀甫頌 祖紘父新附

羅頌字儀甫。山陰人。祖紘。父新。並以儒學名於時。頌性

淳樸鮮嗜欲力敦古道能讀祖父書過目輒成誦當其
會意時雖食寢亦不自覺經史百家古今載記及佛老
諸書裨官小說罔不攬奇鉤玄著之篇章爛然成一家
言弟子及其門者各有所就褒衣博帶從容曳履見貴
勢無加禮人亦不敢以貴勢加之太守戴琥崇禮隱逸
於頤猶注敬焉嘗聘修郡志未成而歿然文獻賴以有
徵所著有易齋札記及諸所訓詁詩話二百餘卷稱梅
山藁書羅氏三世隱梅山各以文學鳴於時卓爲越之
儒宗云

儒類

卷之二

三

光緒堂

國子學錄朱叔龍文淵

子宜附

朱文淵字叔龍山陰人洪武間以太學生詣闕陳時政
忤旨謫戍雖歷顛沛而志行益堅宜德丙午大臣薦其
直節宜錄用授滑縣訓導講學行禮以身先多士化及
齊民擢國子學錄尋致仕歸年已大耄猶手不釋卷郡
大夫政有所疑輒造其廬問焉不敢以呵導先其爲隆
禮如此子宜亦世其春秋學以孝義聞

朱克粹純

孫節附

朱純字克粹山陰人博雅有儒行以明經教授鄉里能

詩風格高古與邑人羅頤張鼎輩結鑑湖吟社太守戴
琥深敬禮焉所著有陶鉛驢背自怡等集其孫節起家
進士官監察御史按山東振舉憲綱統兵勦賊卒于師
朝廷憫其死事贈光祿寺少卿

葉士冕黼

葉黼字士冕太平人博通經史真知實踐以古道自持
貧而好施授徒所得束修恒均鄉族之貧者嘗折衷學
庸衆說撝取朱子語錄及黃超然通義相發明者附周
易本義繕錄未終而卒學者惜之

儒類

卷之二

三

光緒堂

湖廣按察使黃孟清潤玉

黃潤玉字孟清世爲鄞人永樂初徙江南富民實比京
父良嘗行玉時年十三詣官請代官少之對曰父去日
益老兄去日益長官異而從之抵京受廬北城外十里
所沙漠茫無人烟玉與同役築室而居傾貲給僮役
墾闢甯蔬以爲生稍隙輒肆力於學以已心爲嚴師而
靳造於聖賢擇然後語揆然後動間爲文辭不作組麗
嶄刻之語而理致淵永補郡庠生以禮經魁比閩會試
乙榜授建昌府學訓導改南昌以薦拜行在吏趾道監

察御史出按湖廣威望赫然正統初薦陞廣西按察提學僉事屏浮薄獎賢俊士風丕變改湖廣按察司使以不肯屈節上官被誣劾不諳刑律左遷含山知縣請老致仕歸以子隆貴封南京刑部主事居家簡出日惟玩味經義無厭足平生著述甚富以朱子嘗欲編禮記附儀禮迺取儀禮分爲四卷而以禮記比類附之又以五禮獨缺軍禮因取周官大田禮補之而以禮記諸篇載田事者附焉別爲一卷通爲之註釋總曰儀禮戴記附註以小學四書諸經註家武遺或誤撰經書補註以大

禮類

卷之二

圭

先聖堂

趙長史季通

趙季通天台人力學篤行稱名儒由教官知永豐龍溪二縣寬厚愛民以最召與修高皇帝實錄累遷國子博士進司業與董子莊同被選爲趙府左右長史二人皆端平有操守隨事規益不肯詭隨以希寵遇每侍講

讀多所開悟王重之折節降禮稱之必曰先生當時論親藩輔導之良以二人爲極選云

鄭孔明伉

鄭伉字孔明常山人性穎異負志不羣博通五經諸書尤長於易初補郡博士弟子員既歷游丁息軒吳康齋之門遂棄時學務求實踐確然以聖賢自期事父母存殁盡禮立義塾義廩以教贍其族黨孝義之稱內外無間督學使者屢辟應試終不出所著有讀易管見易通發明觀物餘論卦贊蛙鳴諸稿藏於家

備類

卷之二

圭

先聖堂

贊善徐好古善述

徐善述字好古天台人邃於經學工爲詩以薦授桂陽州學正持身肅慎士子欽之陞國子監助教同官侯復性剛急善述婉曲諭之復自是忿戾消沮每遇善述曰我見公心輒慙然如飲醇公真今之叔度也仁宗在東宮簡入爲官僚授左春坊司直郎每作詩使善述指摘數過乃已多自書磨製以賜之善述亦夙夜匪懈於文事多所啓沃仁宗每見聽納陞右贊善以疾卒於官善述爲人淳厚質實學術端正耿介恬靜不爲阿附

仁宗即位追念輔導之良贈太子少保謚文肅命有司立祠墓側歲以春秋祀之

駱則民象賢

駱象賢字則民諸暨人篤行好學於書無所不窺爲文直述事情不求華緻時嘗斟酌六禮要表節俗鄉人化之爲園於楓溪之上圖書滿屋至老玩讀不輟家素饒值歲飢出粟千石以賑朝廷賜勅旌異仍復其家所著有羊棗集篤終易覽溪園遺稿歸全集等書

徐光岳壽卿

喬願

卷之二

光碧堂

徐光岳字壽卿新昌人郎中志文之子也自幼聰敏好學尚氣節不妄交游請於父曰兒不能爲舉子業取科第願盡讀天下書使行已無媿古人可乎父許之乃結如斯亭藏修其中日夜研究羣書至忘寢食既而克然有得乃從父友陳獻章莊泉輩出聞見踐履益到年方壯人卽目爲巨儒泉尤加愛重春風亭以居之其詩文輒唱往還載泉集中

學正周士亨衢

周衢字士亨平湖人篤學慕古樸雅弗事華靡景泰元

年領鄉薦任膠州學正以禮率人訓迪無倦諸生有衣食弗給無力喪葬者出俸助之致仕歸肆力經史所著詩文追躅古人立心行已無不可對人言者

東谷先生鄭世昌延

鄭延字世昌海鹽人其先有元璠元琰者俱以學行顯延性孝友方正博學能詩文以尚書教授門人以其業顯者三十餘人皆尊之曰東谷先生天順壬午貢太學成化乙未授廣東市舶司副提舉諸番無敢以方物及門者白沙陳獻章贈詩曰溪魚海舶各歸去明月自照芙蓉峯黃門張寧稱曰力學能文通知典故吾邑未之或先歷仕二考以疾卒於任

進士盧舜用璣

盧璣字舜用松陽人家貧力學懷抱甚高天順甲申第進士廷策近萬言皆切中時弊李賢當國欲羅致之不屈遂上疏請正宮闈名分及闡寺引浮屠圖煽惑事言甚剴切執政外忌萬妃內短璣入不報未幾復詆權奸謫戍銅鼓汪直臨邊諷使見之許其入朝璣曰此膝不屈於人久矣益厲志理學辯論古今未定之說其闢元

劉謫三教平心論可與佛骨表並稱作真字補遺十月其圖說深得聖賢之旨其雜論責宋舊臣遺工不應仕元異端不生於天地之前與訂誣諸說俱出人意表孝宗皇帝在東宮已聞其名即位首詔起之已不可復作矣

教諭包希賢瑜

包瑜字希賢青田人窮經博古篤學力行一言一動無不以聖賢爲法由舉人任教諭非其好也准王聞其賢脩書幣聘進講便殿輒稱先生所著通鑑事類一百二

卷之二

光緒堂

手

光緒堂

十卷左傳事類四十卷王閔之喜甚遂梓行仍命工肖瑜像親爲之贊曰見道之真履道之正咳唾古今瘡痍賢聖傳獵經蒐回瓢點詠衣冠肅如後學企敬君七年告歸授老撰述甚多以壽卒

司訓陳敬佐善

陳善字敬佐海鹽人天資穎悟性豪邁與方洲張寧同時相伯仲銳志勤學攻古文辭每飲酒半酣捉筆立就數千言文不加點意味深長辭調高古屢試不售以貢卒業成均安貧自樂不以仕進爲念邑令李雲造門敦

勸始出就崇陽司訓未幾致仕歸性潔亢與止寡傳儲粟屢空未嘗苟取一介求詩文者非其人雖里幣不受人以是益高之

楚府教授詹朝宗源

詹源字朝宗松陽人任湖廣楚府教授初見王無所餽獻以二帝三王之道上啓王喜其言及掌簿正司出入却分例王益賢之常語其世子曰詹先生學行近古剛方正直汝宜師之幾三年辭歸構屋一區與子姪業儒者居之及定房籍請書契源曰汝居之卽爲汝屋焉用

詹源

卷之二

手

光緒堂

契爲平居足跡不入公門邑大夫重其儒行數就見請益見所居庠陋請撤而新之源固謝不許或問之源曰此先世所遺可庇風雨足矣且吾生於斯長於斯朝夕饘粥於斯亦將正寢於斯以待盡而已無事而更新之令子孫何以師先世之儉邑大夫聞而嚴重之終其任不敢輕以寸幣相餉

教諭吾景端暉

吾暉字景端開化人方正端嚴動由規矩中鄉魁教諭江浦乞歸講學自怡弟子千餘人隨其分量咸有所得

皆成名士。主事林沂潘府。常同陳獻章。章懋薦之。謂醇儒。可大用。聞望顯著。人咸以不得見爲歎。與章懋獎望尤契厚。年七十卒。門人方豪狀其行。章懋表其墓。有曰。君之所詣。茂叔伯淳人之所惜。何蕃劉賈所著有朱子讀書法。還山稿。五箴解等書行於世。

靖安令朱天錫祚

朱祚字天錫。海鹽人。生而警敏。七歲日誦數千言。甫成童。學爲古文詞。遍訪士大夫家遺書讀之。惟日不足。成化丙午。以尚書領浙薦。一試禮部。弗售。以母老不再行。

儒類

卷之二

三

光緒堂

授尤溪令。有惠政。改江西靖安。治靖安如尤溪。民皆稱之。曰。豈弟甫二年。疽發背卒。祚氣宇冲融。尤喜獎引後進。其學以五經爲本。發之詞章。春容麗靡。一理要嘗慕司馬溫公爲人。歲置一冊。動必書之以自警。所著有拙齋漫稿。雲谷集若干卷。

慎徽先生黃季榮頤

黃頤字季榮。遂昌人。博學自淑。不樂仕進。人多與之遊。嘗語人曰。爲學大要在慎徽五典而已。舍此皆贅麗也。有慎徽遺稿。言多簡要。門人私謚爲慎徽先生。

司訓宋用儀鴻

宋鴻字用儀。開化人。夙負異稟。致力遠大。學務深潛。每事必求實踐。嘗受易於吾嘒。爲所器重。爲文典雅有則。四方從遊者甚衆。端本正業。多所造就。鄉人敬信。皆呼先生。有疑必咨。有過惟恐其或聞焉。應貢司訓。宜興以道自尊。身爲模範。士民愛慕。人人以爲父師。居恒手不釋卷。對妻子如嚴賓。至於聲利泊然。若遺人不得而窺其際也。卒於官。士民奔走痛哭。雖深山窮谷。耆夫稚子。亦嘒吁泣下。所著有白石漁溪慈石金音諸稿。藏於家。

儒類

卷之二

三

光緒堂

徐公允晟

徐晟字公允。海鹽人。資性穎敏。經史墳典靡不周覽。與朱祚俱以博洽稱。每相遇坐。談古今佚事。移日不去。嘗曰。聖人之教達於中國。釋氏之教達於四夷。孔子欲居九夷者。殆化夷乎。其得悟而言類如此。王大參衡按海上。命取韻府考事得之眉間。註云。出漢雋。詢知晟。命延入禮敬之。問漢書數事。詳對無失。稱曰。徐漢書所著有左傳摘事。燕石存稿。

學正方景衡銓

方銓字景衡新城縣人成化中山舉人任湖廣安陸州學正奉父之官更爲創寢室於學署且具衣冠至寢所問省與居或燕飲歸雖丙夜不釋衣冠必往侍左右俟其寢而後退易學通明時授諸生課業講習不怠業他經者則延訪隣郡經術通洽之士爲之師一時成材特盛如孫父劉洪其最著士也及丁外艱歸諸生泣送不忍別服闋改汝州卒

王司輿文輅

王司輿字山陰人七歲時拾遺金一鏰坐待失者歸之其人欲界以半却不受既長多病遂習靜隱居勵志力行鄉人咸樂親之每讀書多自得不主陳言故其說多與時左惟王文成與之友莫逆也文成領南嶺之命文輅語其門人曰陽明此行必立事功問其故曰吾觸之不動矣及文輅歿文成講學時多訕之者歎曰安得王司輿復作乎所著有茹澹稿皇極經世律呂諸書

教授朱日章冕

朱冕字日章嘉興人以鄉貢授崑山教諭經學舉業皆有師承課子弟嚴而有法以故多所成就崑山自冕爲

教後其徒鄭文康及葉盛輩始振高科刻文爲程至今稱善教者必曰冕尋遷鎮海衛學教授其教亦如崑山

都事裘天爵仁

裘仁字天爵處州衛人也嚴毅端方言笑不苟居常授徒克敦師道括郡名士多出其門諸生侍立終日不敢傾側有程門立雪之風中弘治己酉鄉試任北京都察院都事以乞養歸仁事二親備極恭順每母但怒即夫婦長跪席前必得歡心方起造謁有司並無請託其持身以正見得恩義至老不衰

儒類

卷之十二

書

光澤堂

光澤令徐子元泰

徐泰字子元海鹽人聰敏豪邁領弘治甲子鄉薦授桐城學諭師道克尊士風興起癸酉典江右文衡得雋爲多進蓬州學正蓬去鄉萬餘里山川險隔豁然大觀置生死於度外登臨弔古文章益進陞光澤令歸晚攻古文詩詞識者以爲雄健過於張寧華藻超於朱祚所著有玉池稿玉池談屑春秋鄙見女學詩談海鹽志梓行

海陽令毛時正仲

毛仲字時正松陽人學有源委好關異端尤精圖學實

誦節孝徐先生三善之言以自砥礪篤行孝友以窮貢

授海陽令仗忠信敦教化吏民不忍欺然素性耿介當

道不合甫暮月遂謝事歸所著有常道異端論及理數

啓論

野橋先生戴秉誠圭

戴圭字秉誠鄞人潛心易學踐履篤實居常語人曰學

要謹獨誠意以修身不怨天不尤人久之則與天一嘗

揭諸屋楹曰人中合下渾無我地上元來都是天張尚

書邦奇見而亟稱之其徒汪中丞玉嘗言曰吾執業戴

儒類

卷之二

圭

光緒堂

先生門時先生年甫三十餘貌甚莊氣甚和言甚簡重

動止甚矩度讀書能精思其所造可謂深且微矣時所

業不過時業而能不屑屑焉每題玉古入之道至於今

思其言不忘云圭性謹厚言動雍默衣冠儼然至時時

與親友高會談道理論當世事竟日不休未嘗出一時

俗語至易簣之日語子乾曰大學語孟首章皆是天命

之性聖賢之言一轍也又曰我平日所著書却是有用

後來必有知者所著有易經大旨四書要略及要說等

書藏於家人稱為野橋先生

仇教授彰子俊卿附

仇彰海鹽人少穎異書過目輒成誦爲文慷慨理要十

舉不第始勉就貢授硤江教一遵胡安定教授龜湖遺

軌士多成就其子俊卿博古好學任南成均修海鹽志

當嘉靖時海塘圯令子原叟疏奏部覆修築迄今頌其

功不衰

訓導李孟昭進

李進字孟昭嘉興人力學至忘寢食比長通五經尤深

於春秋傳極羣書爲文章春容宏辯尤工楷隸行草母

儒類

卷之二

圭

光緒堂

喪哀毀致眇一目不復求仕太守齊政起爲郡學訓導

造士之功爲多

張蘊之璫

張璫字蘊之八人也天性孝友父跛不能行背負終身

弟亦病癰贍之至老嘗從羅紘學經史一覽不忘爲詩

文捺筆立就所著有騷齋集二十卷擬騷二十章大爲

詞家所膾炙云

樂城教諭俞汝誠子良

俞子良字汝誠山陰人領順天鄉薦潛心聖學力敦古

道平若無戲言議論侃侃務砥礪名檢未嘗以一事干
有司初教諭樂城樂俗不知有禮則諄諄以禮誨之未
冠者躬爲之冠有婚喪者爲之品式使遵行焉樂人感
而化之雖婦女亦呼之爲俞夫子遷肅寧令治邑事如
其家甫臨年百廢具舉臺使者待以殊等然竟以勞瘁
卒樞還之日蕭然敝篋所著明學錄通禮節要專親錄
樂居司牧二集

翰林孔目支中夫立 子高孫祿曾孫大綸附

儒類
支立字中夫嘉興人舉母以孝聞舉鄉試歷官翰林孔
目與羅倫相友善務教本爲己之學爲詩文多有關世
教語尤深於經學號支五經子高孫祿皆貢爲學博曾
孫大綸舉甲戌進士以經學世其家

國子助教洪廷器傳
洪鶴字廷器壽昌人天資穎悟年數歲父口授尚書過
耳不忘稍長博綜子史百家下筆爲文如川涌波騰數
千言立就父早喪哀毀成疾自肖小像於室旦夕饋食
如事生領正德庚午鄉薦授福建邵武縣學教諭其俗
尚鬼而佞佛鶴至卽移文執政革之捐俸廣置學舍館

諸生之貧者而衣食給之故一時多所造就薦推
監助教踞時宜八事出判鳳陽以不能諧俗歸乃築室
蓮谷精研理學貫通六經妙粹一中之旨毅然以明道
爲任士類宗之所著有讀易索隱大學參義中庸通旨
八詠析言等書行於世

胡惟一純

胡純字惟一會稽人少從陽明先生學天性孝友家貧
無書每假抄以誦晝夜不輟遂以明經稱執贄弟子
者常數十人藉束脩以供甘旨父母安其養如大烹對

儒類
書終日危坐不妄言笑動止必飭其教人必率以規矩
歌詩習禮不從事章句諸弟子且夕供使令至禮藝滌
浣皆欣欣任之不辭師弟之間庶幾復見古道以故出
其門者多知名士所著有雙溪稿詩禮抄泗州志崇安
志及卒都守洪珠高其行題其碣曰明逸士朱純墓

昌平知州蔣引之經

蔣經字引之開化人事繼母篤孝繼母待之益嚴而經
之孝敬益不衰卒化繼母爲慈母甘苦茹辛刻意問學
端重沉默自危坐一室與聖賢爲伍非其人不妄接一

言領鄉薦會試不第益閉戶誦習不輕以片刺投郡邑郡邑嚴重之已而謁選知順天昌平州董七陵祀事清慎不阿綽有政績以疾乞南竟卒於京邸士大夫咸惜之所著有性理集解易經講義

興山令王汝珩儒

王儒字汝珩嘉興人篤學力行鄉邦稱為宿儒正德丙子舉於鄉初令星子再令崇陽聲績茂著以艱歸服闋不樂簿書告改順天府學教授北地鮮學加意造就一時弟子如嚴滋李身楊君璽等俱成進士滋初居塞外徙置學傍教之後任本府太守所以報師之誠極篤而儒益自重未嘗以尺一干之轉興山令致仕歸以詩文自娛優游林下者三十餘年

同安令許元夫仁

許仁字元夫仁和人明經篤學開門授徒方嚴介特翕然爲時所宗正德庚辰以舉人授巢縣教諭權河南鄆城令勤於撫字稱循吏以狷執不能事上官調德化德化瘴鄉民獮悍難治仁一以簡重鎮之調同安治同未幾屬德化豪右以舊憾騰謗遂罷歸仁襟茂質直多介

儒類

卷之二

无

光緒堂

少通執義而性率多齟齬然遠於經學毅然以崇正闢邪爲已任諸所論著皆折衷六經多發前人所未發云

貞一先生陸順德贊

陸贊字順德海鹽人雅好文學博集羣書巧思溢發爲文章以多能見稱目就雅望凡縉紳道出是州者必問其名行已嚴毅莊重晚年益自持暇日則杖屨徜徉林園間平居燕坐輒復尋討圖史嘗以世俗湮於佛老悖禮文之難而喪不成葬者居喪撮要一書以訓世平生文字思緩筆精無急就之作年八十三卒鄉人誄之曰貞一先生

儒類

卷之二

甲

光緒堂

光祿寺署正譚諫

譚諫嘉興人博學篤志稱明經以貢謁選時司選曹郎諫門下士也欲授判泉州力辭之乃調南京光祿寺署正散局可以著書自公之暇手不釋卷四方從游者戶屢常滿相與剖析疑奧當食每爲不舉欣如也卒於官貧無以殮諸門人共襄其事云

攸縣令孫成叔景時

孫景時字成叔杭之右衛人也性耿介於世寡諧與越

人汪應軫仁和邵銳江輝錢塘吳尚為友慕章文德胡
端敏之為人師事陽明甘泉二先生學成正德丙子舉
於鄉筮仕長洲教諭遷攸縣令却覬騰詐常例雪貧民
唐如景吳伯先冤狀逮豪右易滔發其奸賊論如法人
多稱之無何解官歸乃蒐輯故典証以長老舊聞質諸
鄉評作武林文獻錄杭州府志欲勒成郡乘副在名山
惜有志未究而卒

長史張廷光景明 弟景賜附

張景明字廷光山陰人舉弘治進士第以經術選克典

儒

卷之二

甲

光緒堂

府長史事 獻帝於藩邸忠慎不渝嘗敷陳六事 帝

悅命揭諸宮門 世宗入嗣大統以輔導 先帝功召

赴京將大用之會病卒贈太子太保禮部尚書文淵閣

大學士謚恭僖錄其子元藩元恕弟景賜亦以進士為

御史當 武宗駕留宣大率諸御史疏請回鑾忤旨廷

杖又劾江彬許泰冒封伯爵非制人多其直後出知潮

州尋罷歸

黔陽訓導凌時東震

凌震字時東歸安人少有俊才博綜羣籍曉析百家言

長游郡庠試輒冠軍及科場輒不利若有尼之者儕伍
多咤惜而震恬然不以動其心久以廩次貢於南宮選

授黔陽縣學訓導當路重其學行到官月餘即命提督

寶山書院選拔名流俾授學焉震嚴立科條陳說倫理

之懿啓題性命之微勸能懲惰率以身為切劘文章規

格親為點竄造就士類一時多成材震念黔陽去吳興

八千里遠遠墳墓非孝子心遂以老乞歸震初以鈎索

富聞稱比中歲幡然守約務實一其歸趣嘗曰道學不

在多言只人倫日用之間盡吾心焉耳故其事父母先

儒

卷之二

聖

光緒堂

意周旋甘旨之具不煩二兄居常坦坦不為町畦而與

之接者鄙吝之心自消善古文尤工於詩涵蓄積密清

婉悲壯一時名士未識面輒已誦其篇什有練溪集若

千卷藏於家

朱陽仲應鐘

朱應鍾字陽仲遂昌人天資警敏篤學勵行嘗結青山

白雲樓讀書其中家故饒一妾之兄弟修用廢業不問

也聞王陽明先生倡道稽山徒步往從之深為器重一

時名人士如開化方象青田陳中州輩皆與之遊著聲

吳越間年三十二而卒士林痛惜之

處士范廷潤

范璣字廷潤會稽人少從王文成游卓然以古聖賢自期晚歲所造益深家貧無旦夕儲蓄詠自若人莫能窺其際嘗謂人曰天下有至寶得而玩之可以忘貧作古詩二十章歷叙道統及太極之說以自見幼孤事母至孝教授於鄉以供甘麗二兄早喪竭力葬之撫其子如已子平居無戲言步趨不越尺寸里中人無老幼皆以范聖人呼之與人煦煦無倨容士大夫咸樂從之遊或僦車

僦車

卷之十

聖

光碧堂

布政司都事沈一之

沈一之字一之嘉善麟瑞鄉人少負奇穎年十二就試省闈爲八校之魁盛氣潤步縱視無前已而師事東溟張先生福友善魏莊渠校邵端峯銳諸名士晚卒業於五清劉夫子瑞德義漸涵日與之化閑如退如頓非舊念何之縱視無前者今而反觀不見有已也蓋自淬勵盡

夜研討諸經盡發諸儒未發之秘屢試不售卒以貢授

江西布政司都事非其好也竟拂衣歸時烏夷寇暴三吳祭抱宗祀祭器避之郡城無何疾作卒於嘉禾寓舍年七十有二祭細大之德無不篤慎槩獲而事父母尤以孝聞生平口不非俗而行亦不染俗急義輕財有如飢渴羸業晚隱自安無營著布萊翁傳以見志其於豐約盛衰之際蓋有得於易而無繫心故超脫乃爾文章非有關風教不漫作所著有鄉約釋義筆思記時務議詩文集若干卷藏於家

僦車

卷之二

聖

光碧堂

濮大川

濮淮字大川嘉興人少爲名諸生爲學好脩以名節自喜數奇不售貢授延平教諭身先範士吟佩之間無變色而人自濯磨時值倭寇與其令孽盡城守民恃以生時稱有用真儒致仕歸閉門讀易深明畫前之理年八十五豫知死日先期告廟與知友別賦詩端坐而逝

孝廉陳獻可

陳言字獻可雁州處士謙之子生而秀穎稱神童稍長以尚書爲諸生祭酒試輒冠軍徐太守盈推爲七校之

選遣幣使從吳南溪先生游。吳門多俊士而尤器重言。每歎曰：此子海上鳳麟也。辛卯以選貢卒業南雅。丁酉領應天鄉薦。旋罹外艱。辛丑計偕不第。辛丑年僅四十。有一言性孝友。痛母陸早世。遇蒸嘗輒流涕。鳴咽不食。飲者數日事。繼母如生母。撫異母弟如同胞。時提耳曰：吾家世孝友。毋忘雙雁之什。故弟亦任事之說者。謂陳氏世不乏二難。接人夷易。無猜容。無傲辭。至見義必爲。則英氣勃發。里中有二三守節婦。有司莫聞倡義。白之竟得歲時存問。以終厥志。其慷慨好義類如此。

儒類

卷之二

聖

元碧堂

官雄篤志舉子業。然博綜經傳。探索子史。凡所研解。卽馳書於眉間。眉透髓。厥人服其精作五經疑。若干卷。出入傳註。酌以己裁。多先儒所未發。端居墓古。慨然以經濟爲己任。作策百餘篇。歎曰：假令吾得與大廷執此往耳。所著論。馳驟橫絕。殆逼蘓氏而理趣一歸於伊洛粹如也。王孝廉文祿評之曰：獻可論如古剎精廬。迥廊傑構。鞏宇重門。變與曲折。纖悉畢備。而顰密無痕。又如臯陶聽獄。剖析疑隱。如伏生授書。佶屈聲牙。如良平運謀。發機透穎。時以爲知言。以子所學貴。贈中書舍人。所學

字行父。嘉靖丙辰進士。以中翰拜工科給事中。內艱服闋。補吏科。改戶科。右前後上章凡二十餘。皆當世要務。同官所不敢言者。爲權貴所忌。出守河間。摘發如神明。諸豪右畏縮。不得逞。遂噤臺使者以誣劾歸。未幾而新鄭相起。道出河間。問父老知故。太守賢折簡爲之勸駕。默不應。按浙者。輒欲得其罷官狀。白之朝。所學笑謝曰：仕者嘗鼎一臠足矣。奚所屬厭也。竟不得其狀而罷。買一椽西居。名其山與亭爲一笑。因自稱一笑生。作一笑生傳。以見志。卒年六十有四。

儒類

卷之二

聖

元碧堂

徐通判文和

徐文和嘉興人。領嘉靖丁酉鄉薦。任揚州管馬通判。以樣實不善逢迎上官。論罷歸家。杜門不入公府。躬督耕耘。究心理學。臨終語其子曰：我死之後。皇極經世之學不傳矣。親操算子與諸子講究。講畢而逝。

訓導葉尚文素

葉素字尚文。青田人。由選貢任訓導。以禮致仕。事父母以色。養兄弟白首不二。內外無間言。身若不勝衣。而是非可否有義存焉。與陳中州同學。亦同志趣。素每言曰：

氣節文章。吾畏陳子。至其間。然自修。渾然無迹。吾視陳子。似有微長。聞者信之。所著有四書節釋。易經義記。宋元綱目。斷隙觀集。

周府紀善凌德容瀚

凌瀚字德容。蘭谿人。性端方。沉毅。弱冠卽負大志。不規規科舉之業。早游楓山先生之門。得其標的。言行必期信果。步趨必由規矩。閒居正襟坐。雖盛者不去巾襪。封妻子如嚴君。終日無惰容。遽色與學者言。尤嚴義利之辨。嘉靖乙酉。以易經魁兩浙。益肆力學問。凡天文地理。

循類

卷之二

聖

光緒堂

名物度數。以至禮樂兵刑。漕運水利之類。無不究心。四方從遊者日衆。各因其材而成。就之。謁選得奉寧教諭。是學僻處山中。士子多朴少文。瀚日與諸生講明理學。且立爲條約。以正其趨。貧不能自給者。則分俸資之。九年如一日。諸生皆敬之。如神明。親之如父母。陞周府紀善。諸生揮涕送之者數百人。至則剛直自持。輔王以禮。其所上崇德講學等書。辭嚴義正。王甚敬焉。以疾卒於官。所著有羣書類考。太平策略。邵武奉寧等志。金華正祠錄等書。

文學許長聖聞至

許聞至字長聖。海鹽人。七歲洞了易經大義。十三補弟子員。一黌稱雋。弱冠聞從父九杞山人。聞發陽明先生良知之旨。豁然悟入。因殫精性命之學。視舉子業。意殊不屑也。事父母備極色養。時倭寇海上。一夕倚其父從邑中歸。遇賊於途。同行者皆被害。聞至舍舟登陸。急負其父。跣足遁行。數十里。歷血未輟。得免於禍。及居喪哀毀骨立。經紀葬事。露宿者數月。弟求析薪。器物田廬。自取其敵。匿者悉以腴業讓弟。終身代其役。至破家不恤。

循類

卷之二

聖

光緒堂

處宗族鄉黨。執謙守下。未嘗見疾言遽色。有犯而不校之風。督撫阮山峯鶚相與有世誼。且同研席者數年。先後貽書招之。終不肯一見。曰。吾媿夫青衿。而曳裾者。其介節如此。所著有易經微言若干卷。明自成弘以來。祀於鄉者。朝貴封公。而外無布衣。聞至歿後。數十年。懿行益著。學使者來公論。而尸祝之以諸生。入祀自聞至始。

俞事鍾仁卿繼元

鍾繼元字仁卿。桐鄉人。窮經博古。於書無所不窺。而尤精於易理數之學。妙悟得於畫前。以嘉靖壬戌進士。歷

官嶺南僉憲以最後楚積勞遘疾卒所著有易窳易罕
易老易占易原子史雜著道德要覽羣書選要京房康
節啓蒙畫前錄渾象析觀定性演義陰符經註

信豐令何思仁素

何素字思仁麗水人也少聰睿端凝加以父格教導之
嚴自志學即毅然以聖賢事業自期雖習舉業而洞究
性命本原不爲捷取計以鄉薦授新喻教諭教人務底
實用士多成材聘主湖廣鄉試號爲得人令信豐以寬
仁爲理民常見思居家孝友出諸天性府縣改歲一謁
嘯東臯篇滄螺錄青桂軒集若干卷藏於家

文定先生王世廉文祿

王文祿字世廉海寧衛世將軍之胃生負奇質喜讀書
好舞劍自六經廿一史諸子百家以至天官地志貝函
並笈龍韜虎鈴無不騰之舌抄而置之腹每抵掌天
下事口哆喻如縣河意所不合輒拔劍而舞人皆以爲
戲文祿亦因而置之不校也嘉靖癸丑島夷蹂海上武
備積衰人心惶怯寇未至而先清野爭門死者數十人

信豐

卷之二

晃

九碧堂

信豐

卷之二

手

九碧堂

文祿聞之惻然乃佩劍詣軍門說大將軍背城一戰
寇魄以壯士氣然後危城可守大將軍然其計列陣於
野寇不敢攻而城守乃完萬曆辛巳均田之議起權
貴家且有嚙嗜文祿聞之勃然復佩劍躋公堂謁邑大
夫畫地指天道所以均田狀遇不均處輒拔劍而舞曰
吾以三尺底小民有勢挾者請以劍擊之諸權貴皆抑
首莫敢撓鄉人蒙其利至今文祿之蚩大都如此年三
十與計偕迄八十無弗與者愈不售而愈發憤愈毫而
愈精進讀書徹日夜不止家人憐而尼之則曰汝何知
我讀來世書耳聞者絕倒文祿則正襟危坐而論之曰
生死且暮耳不讀書聞道則虛生浪死吾孳孳屹屹庶
幾或聞寧爲聲名勞七尺耶卒之日手不廢書邑大夫
奔而訣執手問後事但笑無所言三問之則曰此不足
計遂拱而逝文祿生平樂善尤喜成就後生有所聞見
輒諄復相告八十九年如一日若乃真心瀝氣直往無
前妙辨疾書以爲已任則又非公不至非正不由發憤
所爲頑譏辯易嘗謂佛老二氏宜共一家教本互傳道
無二也嘗論述未成而竟齋志以歿也歿而無子文

多散佚者。惟百陵學山王生藝草行於世。歿後三十餘年。鄉人思之不置。歲時伏臘。往往釀金奠墓下。洒泣而歎曰。今安得復有。如王先生者。爲吾儕造福也。因相與私謚之曰文定先生。

司訓許來鳳梧

子燦孫應達附

許梧字來鳳。嘉興人。事父母孝。父嘗病疽。額天乞以身代。濱危而竟獲全。人以爲孝感。苦志博學。窮年矻矻。不以寒暑輟其功。屢試不售。僅以鄉貢司訓通州。出其所學以教士。士多彬彬。會第四子燦成嘉靖庚戌進士。喜曰。吾平生未竟之志。付之兒曹足矣。奈何復以一儒官踴躍人隸下。耶。即疏病乞歸。杜門吟咏。歲賓鄉飲者。凡十三年。以孫應達貴。贈中大夫。

南川先生呂程

呂程秀水人。登嘉靖癸丑進士第。真幸簡易。惟務讀書。既釋褐。初授司理。不樂。爰書甫三日。即解綬歸。受徒講學。足未嘗一履公庭。時人稱爲南川先生。

劉大聲鍾

子振宗附

劉鍾字大聲。嘉興人。弱冠有聲聲序。食貧資廩。以供

甘旨。弟程未娶。積脩金與締婚。入其家。怡怡然。或勸之仕。喟然曰。我不能及親。而仕。今胡爲五斗折腰。惟杜門著書。教子若孫。躬修澹泊。享年八十有三。子振宗。儒官。人稱爲古君子。

邵武同知諸子相燮

諸燮字子相。餘姚人。少卓穎。負奇氣。稍長。下帷究經義。爲舉子業。雅馴超邁。一洗陳言。登嘉靖乙未進士。授兵部主事。守山海。以簡亢忤巡邊大僚。竟爲所中。謫茶陵同知。不上事。南歸。居錢塘。遠近士慕燮經學。執贄受業。儒類

卷之二

壬

光緒堂

者百餘人。燮喜。因不復有仕進意。踰年。朝議誦之。量移潮州通判。所知皆致書勸駕。始隨牒往。三年。晉邵武同知。兩倅郡。皆寬簡。御下勤於勸學。氓士胥懷之。及以艱歸。有自閩粵負笈來學者。輒館穀之不靳也。以是從遊者。益衆。開化諸士。走請傳經於其邑。六月返棹。過嚴陵。濯足灘上。溺水死。歸柩錢塘。弟子皆失聲哭。葬錢塘石崖山。子孫遂爲錢塘人。燮深於經學。耻立門戶。指取高第。有進用階。而脫略自喜。恬於華寵。標度不耐羈縛。恒布素行街市中。若無名秩者。歷官五品。惟以授經給生。

計其介守可知

教授施一元乾

施乾字一元桐鄉人少愿樣不好弄補博士弟子員試
輒異等應歲薦上禮部初授懷遠司訓轉晉陵再轉濮
州教授能慎取與辨析名義諸弟子然領化在漢時
守相多故人一切避影無所援繫監司檄視平陰篆乾
一再辭不獲輒引疾人服其能守官以殉義云

鶴洲先生黃子重裳

黃裳字子重錢塘人爲諸生祭酒勤學博聞於六經諸

儒

卷之二

七

光緒堂

史無所不窺而發爲文章務沃實造雅耻襲浮艷以爲
工四方之士執經問義者屢戶爲滿性淳介而家亦貧
古耕所獲竭力甘肅喪祭外與兄弟共之母事贅嫂而
子畜從子汝淳與子汝亨等敦信篤行里中化之有不
軌於行者咸閉匿自訟曰幸毋使黃先生知論者以爲
王彥方司馬德操之流辛卯汝亨舉於鄉裳不色喜顧
語之曰吾家儒素而世積德必有以文學顯者然吾困
諸生以老而孺子復以晚成雖然閱歷多矣今而後不
以吾憂者非吾子也汝亨益刻勵德學與譽望益隆執

其稱弟子者半天下每攝臯比聽講者常數百人裳乃
竊竊然喜曰吾兒以游刃治寬體政業在一時吾兒以
木鐸振聾瞶學業在後世今而後果以吾憂者真吾子
也目可以瞑矣遂卒年七十學者稱爲鶴洲先生

學正魯元承烈

魯烈字元承平湖人事父孝待宗族有恩任吳江訓導
諸生貧者輒周之遇荒設粥救飢仍捐俸糴米有石以
助賑當世重其行薦剡交上陞澧州學正駁駁獨用矣
而烈乃浩然有歸志遂引年日以詩文陶寫於勢利然
如也平生所置田僅六十畝仕後割其半以贍兄弟茹
苦若甘終身靡憚人稱篤行君子

儒

卷之二

七

光緒堂

教授戚元輔弟元弼元佐附

戚元輔秀水人以春秋登嘉靖癸丑進士與弟元弼元
佐相切磅元佐亦成進士遂以世經名其堂元輔性質
愿與世齟齬不合獨抱一經自娛官終撫州教授遺孤
淪落不偶人共惜之

朱汝賢子建侯孫廷益附

朱賢字汝賢自嘉善徙居秀水幼通經術弱冠補博士

弟子試輒高等已需貢念其儕貧老而格小沮避之使
自爲計越四年乃貢歷校官二十年積俸貲僅二百金
有田爲宗人所市持金去賢笑而弗問爲焚其券蕭比
部嘗從賢受經以讞獄至有大姓坐法論死行數百金
求末減賢力却之蕭意將因事以報終不得其間而別
其清恭類如此享年九十有七子建侯生而敏慧韶年
籍爲諸生有文譽隨廩於學官爲人剛方動依尺度以
歲薦遷寧國司訓遷六合正身執士謝絕脩脯富道重
之性至孝母病徒步數十里求醫夜蓆藥床下聞聲卽

儒類

卷之二

聖

光碧堂

起調漿糜進以爲常及卒毀瘠踰禮晚居父喪猶蒸燕
孺慕訓子廷益成進士歷南京通政司通議卒於官

教授卜宗周鎬

子相附

卜鎬字宗周秀水人少篤志好學弱冠廩於學宮文譽
蔚起執經問義者無不北面稱弟子鎬隨方辯析各厭
所欲而去藉其餘以成進士者十餘人獨鎬屢試弗售
至嘉靖丙寅始以歲薦除定遠訓導歷青田教諭擢教
授九江所至出其自易者以勗諸生諸生翕然歸之
居九江甫半載嚙然興尊鹽之恩當道慰留再三不變

也會其子相任雲南叅議賁捧便道迎歸里門隨乞蒲
封比部郎稱封公者十餘年以壽卒

姚坦之履道

姚履道字坦之秀水人天性孝友通今博古工文辭弱
冠補弟子員試輒冠軍從游者如市食廩餼三十餘年
砥礪苦節如一日道傍有遺金俟其主還之鄉評稱其
長者每與門人講性理之學多發先儒之所未發課子
思仁成進士臨歿諄諄勉子以忠報國旣而思仁爲御
史有直聲歷官大司空朝野推重者皆云思孝之賢得

儒類

卷之二

聖

光碧堂

之庭訓爲多

訓導朱汝明愚

父鳳附

朱愚字汝明嘉善人父鳳司訓興化歷官邵武教授坐
無寒瑾終身澹泊愚博學善詩文少負氣節曾上書規
郭縣令郭爲謝過且表其書於門平生議論侃侃不苟
言笑後任松江府訓導不受餽遺清操凜然說者稱愚
能不頹父風卒年七十有八

文莊先生胡希華榮

胡榮字希華浦江人居家孝友名動鄉閭蒐獵百家旁

通九藝樂潛味道王立於風塵之表日擁書萬卷反覆披尋更不知人世南面百城之貴也守令高其行無不造門請益年七十以微疾終門人私謚之曰文莊先生所著有徽州漁唱集

福建僉事王汝學宗聖

王宗聖字汝學義烏人由進士授興化府教授陞國子監助教累官福建按察司僉事倭寇猖獗調遣有功急流勇退再疏乞休歸築室繡湖之濱四方學者多就之質疑問難各厭所欲而去督學使者禮聘講學於明倫堂與邑令趙大河發明經權忠恕之義聞者稱服所著有濱河稿五十卷推政記十五卷太極圖跋等書

儒類

卷之二

七

光緒堂

海屋先生姚翔卿翼

姚翼字翔卿高郵州判官旭之子少爲名諸生從歸安武進兩唐先生游兩先生者許爲入室弟子以故歸試輒冠其首顧數奇屢省試屢不售年四十九始及貢授新淦縣學訓導輒出故所師事兩先生者砥諸生諸生皆然以故特從黃州府學教授未幾遷廣濟縣知縣即移故所訓新淦者奮袂其間而孤行一意惟民之利病

是視他所齒而齒之與岸而視之者胥不顧也縣之俗

類類

卷之二

七

光緒堂

數以族屬相婚姻翼下教曰同姓婚姻百世不通周公之教也族屬爲嫌人而禽矣除故婚魯及產男若女者免科餘不得違教違者並坐罪以差已而又聞布衣具自守稍能服行古之禮者也於是單車就其廬風勵百姓百姓大悅吏無遺牘庭無留獄翼數以垂午退食而臥故扁其署曰臥齋當是時翼之聲滿楚上諸州郡聞然翼之氣多岸楚賢諸二千石稔知翼故數並書翼之治與行以聞而他岸視翼者亦或陰以睚眦翼楚之賢士大夫若耿中丞輩相與分庭抗禮爲莫逆交徧爲聲稱諸公卿間而他相異同者亦啾啾焉郵翼矣翼於是亦倦宦游卽上書免官去歸來乎若上僅傍南城屋數楹圖書數卷客或過之蕭然四壁立時脫故袍帶貰酒間或藉請文者之橐以技轄爲歡耳其事高郵公及母仰孺人以孝稱沒而寢苦枕塊毀且骨立傾家營葬不敢以貧故儉其親其他冠婚及春秋蒸嘗並綿最占曲禮其財行古道類如此卒年六十有九所纂有歷朝文選所著有師友淵源錄晚尤好易題其讀書處曰玩書

齊學者因其自號稱之曰海屋先生

兩浙名賢錄卷之二終

高貞

卷之二

七

兩浙名賢錄卷三目次
宋理學

儒志王景山先生

謙靖劉必明先生

奧塘林介夫先生

劉質夫先生

周恭叔先生

大劉先生

戴明仲先生

弟迅附

蔡君濟先生

徐八行先生

小劉先生

草堂張子克先生

嘉慶沈彬老先生

從弟琪附

宋廷佐先生

橫塘許少伊先生

華學印次

卷之三

光緒

鮑商霖先生

徐季節先生

喻子才先生

王文季先生

無垢張子韶先生

香溪范茂明先生

石子重先生

東萊呂伯恭先生

潘叔度先生

詹體仁先生

錢子是先生

徐誠叟先生

南溪柴與之先生

柴元振先生

江邦直先生

陳少南先生

鄭景望先生

弟伯英伯海附

薛士龍先生

王龜齡先生	俞季淵先生
黃仲庸先生	陳叔向先生
陳止齋先生	慈湖楊敬仲先生
袁和叔先生 <small>子甫附</small>	沈晦叔先生
藝堂湯達可先生	林景文先生
南坡葉茂叔先生	艮隱戴少望先生
葉水心先生	周子靖先生
郎晦之先生	劉子宣先生
舒元質先生	山堂章俊卿先生
李從仲先生	船山楊子權先生
傅貽輔漢卿先生	徐崇甫先生
葉成父先生	西山葉知道先生
西山真希元先生	潛室陳器之先生 <small>後水之徐 器之容附</small>
北山何子恭先生	王會之先生
徑畝徐景說先生	趙德父先生
車清臣先生	康敏黃立道先生
庶善翁如山先生	張伯誠先生
仁山金吉父先生	劉習父先生

聖學日大 卷之三 二 光碧堂

黃東發先生	蛟峯方君錫先生 <small>弟達 振附</small>
兩浙名賢錄卷三目次終	

聖學日大 卷之三 三 光碧堂

兩浙名賢錄卷之三

東海徐象梅仲和氏撰

海鹽姚士彝叔祥氏閱

理學

宋 共七十九人

儒志王景山先生

王開祖字景山永嘉人少敏悟書經目輒成誦登皇祐進士不調而歸杜門讀書從學嘗數百人後召試賢良方正未行而卒年三十一故著書多無傳惟儒志一編

理學

卷之三

光緒堂

門人傳習其首章言復者性之宅無妄者性之原又言學者離性而言情矣情之不惡又曰使孔子用於當時六經之道不若今之著矣末章言由孟子以來道學不明吾欲述堯舜之道論文武之治杜淫邪之路闢皇極之門吾畏諸天者也吾何敢已哉青意大都類此富慶曆皇祐間宋興未百年經術道微伊洛諸儒宗作景山獨能研窮經蘊發明道學二字此吾浙理學大淵源也後四十餘年伊洛道學備宗始出君之諸儒從游遠邇轉以授受而理學盛行矣楊守疇立儒志坊以表其始

學者至今稱儒志先生

謙靖劉必明先生

劉愚字必明龍游人幼警敏力學弱冠入太學有聲從游者甚衆上舍釋褐第一調江陵府教授歲滿帥王蘭致書剡辟因辭貧不能歸移安鄉縣令邑通賦萬計愚覈其實數寬其限期民不見吏而賦自足會歲歉出常平米賑貸俵佐不可愚曰有罪不以相累出緡錢數千萬召糴米價頓減因積米數千石以備荒諸司交薦改秩愚雅不樂仕進遂致仕歸結廬城南頽垣蓬戶蕭然自適閒居二十年著述不輟書禮語孟皆有解削蕪芟異務以發明理學之奧年八十三卒其門人私謚曰謙靖先生

輿塘林介夫先生

林石字介夫瑞安人少有志操初習進士聲律既而曰古人之學不如是也遂刻意諸經聞括蒼管師常明春秋往從之師常與之反覆辯難自以爲不逮遭父喪廬墓三年不茹草木之滋臨川王氏三經行石獨不趨斯學以春秋教授鄉里既而春秋爲時所禁乃絕意仕進

卷之三

光緒堂

築室躬畊作萱草堂以養母或勸以仕不答講論古今必先行實而後文藝曰本之不立末於何有邑官初至率上謁執弟子禮未幾母卒年九十餘白首終喪人以爲難建中靖國元年無疾而逝周行已爲沈子正墓銘云河南程正叔京兆呂與叔括蒼龔深之與介夫皆傳古道名世宗師惟是書成弗以示人故世無傳焉學者至今皆稱與塘先生

劉質夫先生

劉絢字質夫常山人從游程氏之門力學不倦程子每語人曰他人之學敏則有矣未易係也若絢者吾無疑焉歸而教授羔鴈成羣理學之明於衢者絢力也

周恭叔先生

周行已字恭叔永嘉人祖豫父泳皆中第行已風儀秀整語音如鐘讀書十行俱下入太學以文行著作齋堦文同舍進行之豐司業稷騶從闕敦化堂下行已移書親切之稷愧謝由是名重京師時新學行獨之伊洛從程伊川二劉許趙繼至皆散下之作頤子不二過論有曰過不必大毫末萌於心而天地爲之應悟不必久斯

聖學

卷之三

三

光緒堂

聖學

卷之三

四

光緒堂

頤著於心而天下歸其仁或以呈伊川伊川可之曰是子達早然亦憂其退速登元祐第時大學九人中行已最先進京師貴人爭欲妻之行已曰吾姨母貧其女贅未適吾母雖不言意已有屬養志可也辭昏歸娶之伊川語人曰某年未三十亦做不得此事崇寧行舍法選師儒除太學博士行已請於朝願分教鄉里以便親養詔許之仍帶舊官於是行已始也宣和初除秘書丞後進吾浙之有洛學者是行已始也

大劉先生

劉安節字元承永嘉人幼有遠度比長嗜學有所未達夜以繼日必得乃止與從弟安上同游太學復之洛師程氏所聞最多今河南語錄第十八卷凡二百五十條皆安節手編也登元符第初調諸暨簿萊州教授宰相薦召對便殿稱旨除監察御史連決大獄多所平反知饒州發廩賑飢悉除民害徙知宣州饒民遮道涕泣

謂吾州自范文正公以後一人而已至宣值大水躬督
拯採賑給遠近一無所失復際大疫分醫治療所活不
可計安節亦得疾卒年四十九終承議郎部使者表其
勤民至死狀有旨官其子誠安節天資近道望之知其
爲君子講學嘗指其要使人廓然知聖賢岐轍可進學
者稱爲大劉先生

戴明仲先生 弟迅附

戴述字明仲永嘉九曲人孝友直諒爲文操筆立成入
京師試廣文館趙丞相主文柄得其文謂爲老儒擢異

卷之三

五 光碧堂

等而述未冠也由是知名述以科舉口耳之學爾走伊
洛求所謂爲已者俄遭父喪哀毀不茹菜果廬墓終喪
登元符三年進士第調東陽簿州徙監銀冶以法弊不
獲賦歸去來十章投檄而歸會州選學官爲臨江教授
以母憂去職得疾於倚廬醫曰是疾不可以風盍遷諸
內述不可曰疇昔之夜吾夢有告以死生之說者吾其
亡此乎蓋六日而卒大觀四年三月也周博士志其墓
曰明仲資稟剛明少而有立嘗從程氏學問知聖人之
道近在吾身退而隱於心合於聖人之言者若有自得

方沉涵充擴日進未已朋友鄉黨期以有爲於世而年
纔三十有七奄至大故可謂不幸也已弟迅字幾仲亦
以文學著世稱二戴先生

蔡君濟先生

蔡元康字君濟平陽人資稟剛峻學識過人既冠入太
學見同舍從事文藝慨然曰科舉所須耳學止是耶賢
有德者一言一行孜孜訪之惟恐不及其學一以正心
誠意爲本優游涵養日趣自得一時賢士大夫若鄭浩
陳瓘楊時皆敬愛之鄒陳在謫元康從之鄒病革盡吐
平生所欲言者性命之理死生之說見於問答云在京
師逆旅失金或得諸同舍篋中者以告元康曰此非吾
金也嘗曰古之人全交非一道也必欲伸已以求名人
將何望往來京師朋友病爲之醫藥同處處無倦色死
則主其後事或護其喪以歸前後以十數七上禮部不
中會以八行取士郡條其應令者數十事上諸朝未報
卒

卷之三

六 光碧堂

徐八行先生

徐中行臨海人始聞安定胡瑗講明道學從其徒劉彝

得所授經熟讀精思踰年乃歸葺一小室竟日危坐幾於解悟父死既足廬墓躬耕養母教授學者必自澠掃應對格物致知以達於治國平天下俾不失其性不亂其倫而後已崇寧中章恭竊國柄竄逐善類且盡每一聞命未嘗不淚下州守李諤舉應八行科中行間之盡毀其所爲文入黃巖委羽山中避焉或問之曰人而無行與禽獸等使吾得以八行應科則彼之不被舉者非人類與既歿陳忠肅公璫錄其行事謂與山陽徐積齊名呼爲八行先生

聖學

卷之三

七

光碧堂

小劉先生

劉安上字元禮生有淑質端重嗜學與從兄安節俱以學行爲鄉望所推聯薦於鄉同游太學一時賢士大夫慕與之交號二劉竝走洛從程氏登紹聖四年進士調錢唐尉登州教授崇寧舍法選除太學博士遷提舉兩浙學事陞舜進對稱旨上顧近臣稱其蘊藉有大臣體卽日拜監察御史朝廷有推鞠多以屬安上持法尤審而根於誠恕多所平反遷殿中侍御史不弛擿日爲去計安上性謹密凡風聞事皆反覆詢究或遣親信參驗

必實始論列舉無不當一日奏事退上目送之曰劉某言事可謂詳審矣屬蔡京權政竊弄威福黨與蟠結無敢撓其鋒安上抗章極言其罪數十條未報復與中丞石公弼率同列廷劾之京以太乙宮使罷相遂致仕安上遷右諫議大夫母憂服闋除中書舍人給事中會京落致仕三日至都堂治事安上乞補外以徽制知壽春論罷奉祠再起知夔州移邢州以祖母年九十丐歸養服闋再知壽春百姓扶迎屬路歲飢活民以殿賦降官罷再起知舒州以疾致仕未幾卒安上有至性事親孝居喪幾至委頓先達豐稷徐處仁薦之恐後未嘗私謝在御史不爲訐直名論事退削榮有詩五百篇制誥雜文三十卷學者稱小劉先生

聖學

卷之三

八

光碧堂

草堂張子克先生

張輝字子克永嘉城南人天資謹飭喜問學自六經諸子書歷代史記下至百家之說皆通習其辯析精微旁引證據論議鏗鏘雖老儒先生莫能屈也游太學屢先多士傳誦其文以爲式親喪廬墓作霜露堂以享有甘露降於庭人以爲孝感所致請以甘露易扁輝曰吾自

衙。耶復築室墓傍。日從事于誠正之學。學者從之益衆。至無地以處之。州舉八行不就。政和二年。上舍擢第。調泰興簿。三舍法選。洪州教授。被召爲國子學錄。供職逾月卒。嘗據古人行事。斷以已意。曰草堂語錄。鄉人稱之曰草堂先生。

嘉慶沈彬老先生 從弟琪附

沈躬行字彬老永嘉人自幼力學有家法非義弗蹈甫冠游太學同輩以時文相尚躬行獨爲古學居父憂哀毀骨立以近世喪葬禮廢陋俗至用夷狄法始倣古正

聖學

卷之三

七

光緒堂

棺衾饋奠衰服之制斥佛事不用雖州里族黨羣非之不顧也始從與塘林氏後從伊川程氏藍田呂氏其學以中庸大學爲本篤信而力行之故能卓然以聖賢爲依歸平居色夷氣和似不能言及辯是非則毅然不可奪族姻貧無歸者無不收恤鄉人矜式焉從弟琪字東美以行義著稱聚族而居寢舍飲食皆倣古制鄉人尊之曰嘉慶先生

宋廷佐先生

宋之才字廷佐遂安人學於楊時遂祖程氏登重和第

教授京兆每言士負卓犖奇材皆可入聖賢之域患遠售爾故深務翦養積十八年不易初官執政薦召試除正字丁母憂服除入爲校書郎遷考功論南北雖已通和願勿忘警戒舉廢墜拔滯淹寬民力總兵權益固基圖爲進取計遷司業權禮部侍郎會妻子俱喪乞去除敷文閣待制奉祠起知衢州卒之才性恬靜寡欲操履潔白難進易退仕五十年屏處之日三居二焉

橫塘許少伊先生

許景衡字少伊瑞安人器質端重幼如成人既冠入太

聖學

卷之三

十

光緒堂

學三經義行景衡衡之洛師程氏得其肯綮登紹聖第由通判福州除監察御史遷殿中侍御史有論童貫大罪數十譴積罪大罰輕且言今三省關長官樞密又虛位軍政不立邊防未肅宜選忠良以任政府王黼惡其多言以他事逐之靖康初召試中書舍人會李光程瑀俱以臺諫忤耿南仲斥景衡封還不行請祠去高宗卽位除給事中遷御史中丞初兩河失守宰相李綱建議議幸南陽廷論未決景衡言南陽無城池漕運不繼乞幸東南據天險疏十上從之復上十事皆繫國安危上

知其可任拜尚書右丞金兵迫京師時相請降詔還京
景衡中前議請幸建康言者希旨沮之遂乞罷政以資
政殿學士提舉洞霄宮去國之明日聞下還京之詔拊
膺駭歎遂以憂成疾行至瓜州卒贈正奉大夫瑞安縣
開國男謚忠簡胡文定安國銘其墓略云踐修厥德勁
直而溫先事而謀措國於安又云邪說盛行徒得公重
和而不同仁者之勇學者至今稱橫塘先生

鮑商霖先生

鮑若雨字商霖永嘉人從伊川程先生學有問答六章

程學

卷之三

光緒堂

構橋亭於所居宅前之雁池扁曰敬亭張思叔爲之記
云鮑君商霖自永嘉來學於伊川先生勤苦自勵蚤夜
孜孜不舍於是吾先生之門以君爲畏友其見稱於伊
洛諸儒如此後居鄉教授值宣和方寇之亂率鄉人捍
禦有司奏功第一不受賞擢會三舍法行嘗兩貢該免
郡上之至汴京未拜命卒

徐季節先生

徐庭筠字季節八行先生子也其學以誠敬爲主夜必
就榻而後脫巾平居無惰容無戲色雖僦屋以居而未

嘗戚戚孝友天至既免喪猶不忍娶者十餘年秦檜當
國試題問中興歌頌庭筠歎曰今日豈歌頌時耶因踞
其未足爲中興者五且曰吾不忍欺君也縣尉鄭伯熊
當代去請益庭筠曰富貴易得名節難守願安時處順
主張世道伯熊受其言訖爲名臣時有詔舉人五上春
官者予岳祠庭筠應格所親勸之行庭筠曰吾嘗草封
事謂岳廟冗祿無用既心非之可躬蹈邪卒不就淳熙
間朱文公熹行部拜墓下大書以表之曰有宋高士二
徐先生之墓又題詩云道學傳千古東甌說二徐門清

程學

卷之三

光緒堂

一壺水家富五車書其見景慕如此

喻子才先生

喻樗字子才建德人受業楊龜山聰明穎悟博通經史
嘗據一巨石以校書因名硯石登建炎進士第趙忠簡
公崇尚洛學薦除正字告詞有曰頃窮西洛之淵源遂
見古人之大體雖爲衆所嫉而忠簡知之益信累官工
部員外郎知蘄州孝宗卽位用爲提舉浙東常平以治
績聞樗爲人質直好議論尤善識鑒嘗言沈晦張九成
進士當第一後果然有二女富人文請婚不許及見汪

應辰張孝祥曰佳婿也遂以妻之所著有中庸大學論語解及玉泉語錄行於世

王文李先生

王光祖字文季官大理評事精於理學朱文公提舉時邂逅松陽之福安僧舍文季拱立規掌如太極狀公卽異之曰王子胷中自有太極間以傳註質之文季曰公註中庸不使滋長於隱微之中愚意當加潛暗二字公深然之後數以詩文往復有寄孫竹湖書曰吾到括止得士友王文季一人而已

聖學

卷之三

主

光緒堂

無垢張子韶先生

張九成字子韶錢唐人徙監官八歲默誦六經十四鄉貢從楊時學權貴託人致幣曰游吾門當薦之館閣九成笑而却之紹興二年策士詔以直言置高等九成所對謂禍亂之作天所以開聖人上及二聖忠憤激烈下及閭閻無所顧避高宗感動擢置第一楊時遺九成書曰廷對自中興以來未之有非剛大之氣不爲得喪同屈不能爲僉判鎮東軍大書屋壁曰此身苟一日之閒百姓罹無涯之苦趙鼎薦之召入著庭時樊光遠首南

官汪應辰魁大對帝語九成曰殿省居首皆卿門人對曰臣不敢以利祿之說誘門人惟知講明經術庶盡忠幸尋除浙東提刑力辭詔與小郡又辭乃與祠未幾召

除宗正少卿遷禮部侍郎尋兼侍講進讀春秋因言日食之變本於惡氣惡氣之萌本於惡念惡氣所觸則日月薄蝕五星失序災及五穀恠妖迭見爲兵爲火札瘥並至願陛下正心術以格天高宗聳然曰當爲卿戒之又論齊宣王不忍一牛之死仁心發見爲王道端倪推此心以往則華夏蠻貊根莖鱗介皆在陛下仁政高宗

聖學

卷之三

光緒堂

問和議九成言虜情多詐不可不察秦檜惡之九成以趙鼎黨求去謫守邵州落職詹大方論其謗訕謫居南安軍凡十四年談經自樂因自號橫塘居士檜死以秘檣起知溫州惠利及民民至感泣丐祠卒上嗟悼復敷文待制官其弟子四人學者稱無垢先生有尚書中庸大學孝經語孟說無垢錄行于世理宗以九成有明道之功特贈太師封崇國公謚文忠

香溪范茂明先生

范浚字茂明蘭谿人家世業儒父祖昆季皆顯宦浚獨

不近榮利紹興間嘗舉賢良方正以秦檜當國不起閉門講學篤志求道危坐一室貌恭心泰學者稱之曰香溪先生有文集二十四卷行於世晦庵朱子獨表章其心箴云邑令唐君韶有言曰先生之文誦習者心箴而已他蓋罕有知者今觀其言如以耻爲入道之端以古之聖賢未有不由悔而成又謂學者覺也心且不存何覺之有皆超然自得於學極有警發不獨心箴爲可取也故朱子有不知從誰學之語先輩謂其得於孟子者爲多嘉靖初世廟御註心箴與四箴註並頒布天下

聖學

卷之三

三

光緒堂

學官而范氏之學愈爲顯焉

石子重先生

石整字子重新昌人幼端慈警悟博覽羣書以發明聖學爲已任登紹興己丑進士授桂陽簿遷同安丞歲饑白府請蠲租酌以便宜民德其惠改知武進縣有訟數年不失一訊立辨郡守欲爲寓客治第屬役於縣費鉅萬整執不可曰剝民膏血以媚人吾不忍也守怒欲中以法民數千人相與請郡俟守出遮道號訴至有說其襁帷者守不能禁因更調尤溪縣時學校久廢整延其

友古田林用中來掌教事旦夕率佐史賓客往論之開陳理道諸生莫不感奮他郡士有裹糧來學者至不能容乃爲拓地廣齋舍置田數百畝贍之更考古制舉行鄉飲酒禮於是士咸知學而民俗大變監察御史陳舉善丞相史浩先後薦於朝有旨召對首陳君道與天地準言甚剴切上嘉納之累遷太常主簿代朱熹知南康軍未行熹使浙東聞新剝饑民轉入台境亟以屬整整毅然任之不辭勞劇所全活甚衆熹曰此儒者康濟之效也整天資高邁究心理學與熹友益講明經傳宗旨

聖學

卷之三

三

光緒堂

東萊呂伯恭先生

呂祖謙字伯恭金華人宋尚書右丞好問之孫也其上世文靖公夷簡居壽州至右丞從駕南渡始居金華諱

之學本諸家庭得中原文獻之傳長從林之奇汪應辰胡憲游既又友張栻朱熹講索益精初陰補入官後舉進士復中博學宏詞科調宗學教授丁內艱居明招山四方之士多歸之除太學博士添差教授嚴州尋復召爲博士兼國史院編修實錄院檢討官輪對勸孝宗留意聖學及恢復大事召試館職嘗讀陸九淵文喜之而未識其人考試禮部得一卷曰此必江西小陸之文也揭示果然人服其精鑒父憂免喪主管台州崇道觀尋除秘書郎國史院編修實錄院檢討官以李燾薦重修徽宗實錄書成進秩面對以治道體統及國家未備之制多所匡益以疾請祠歸先是奉詔編類皇朝文鑑至是書成除直秘閣主管武夷山冲祐觀明年除著作郎兼國史院編修官不就添差兩浙東路安撫司叅議官亦不就改主管亳州明道官卒年四十五其學以開洛爲宗而旁稽載籍不見涯涘心氣平和不立崖異一時英偉卓犖之士皆歸心爲少稊急一日誦孔子言躬自厚而薄責於人不覺平時忿憶渙然水釋朱晦庵嘗言學如伯恭方是能變化氣質其所講畫將以開物成務

聖學

卷之三

王

光緒堂

既卧病而任重道遠之意不衰居家之政皆可爲後世法所註考定古周易書說闡範官箴辨志錄顧陽公本末呂氏家塾讀書大事記若干卷弟祖儉編其雜文爲呂太史集及別集外集凡三十餘卷本其郡望東萊學者稱爲東萊先生

潘叔度先生

潘景憲字叔度金華人幼穎異日誦數萬言九歲以童子貢京師通念十三書說六經大義作三體字詔特試禮部賜東帛後入太學一時學官如汪應辰芮燾王十朋皆推重焉登隆興元年進士調荆門軍學教授不行請爲南岳祠官秩滿宰相知其賢欲留官中都力請太平州學教授宰相問故景憲曰二親俱老得遠次尚可日從容其側他非所望宰相歎以爲不可及與呂祖謙同榜而齒長聞其論說行身探道之意慨然感悟遂弃所學而學焉遭父喪廬墓三年服除遂不復仕日游呂氏門躬執弟子禮誦詩讀書旁貫諸史而於程氏易尤盡心焉既又因祖謙以交於朱熹往來講論志同道合遂以女妻其子塾及卒熹爲銘其墓所著有記纂淵海

聖學

卷之三

王

光緒堂

詹體仁先生

詹儀之字體仁遂安人登紹興進士第乾道間張宣公守鄉郡呂成公分教儀之方家食日以問學爲事淳熙二年知信州時朱文公呂成公俱在鵲湖往復問辯無虛日及帥廣東首以漁溪舊治立祠曲江上張宣公爲之記後論廣益官幣之弊孝宗題之除吏部侍郎知靜江府在任六年官幣弊革未幾代者中以飛語遂有袁州之行光宗登極念儀之故官僚許自便既歸而歿公論惜之

理學

卷之三

七

光緒堂

錢子是先生

錢時字子是淳安人游楊慈湖之門音偉不羣讀書不爲世儒之習以易冠漕司既而絕意科舉究明理學江東提刑袁甫作象山書院招主講席學者興起政事多所裨益其學大抵發明人心論議宏偉指摘痛快聞者皆有得焉丞相喬行簡知其賢特薦之朝且曰時夙負才識尤通世務田里之休戚利病當世之是非得失莫不詳究而熟知之不但通詩書守陳言而已授秘閣校勘詔守臣以時所著書來上未幾出佐浙東倉幕太史

李心傳奏召史館檢閱轉對敷陳剴切皆聖賢之精微旋以國史宏綱未畢求去授江東帥屬歸其書有周易釋傳尚書演義學詩管見春秋大旨四書管見兩漢筆記蜀阜集冠婚記百行冠冕集

徐誠叟先生

徐存字誠叟江山人未冠從楊龜山游隱居教授執經門下者千餘人秦檜欲識之不能得朱熹少時相與講明理學著有六經講義中庸論孟解其門人如周賁周孚柴衡西安鄭雍陸律常山江泳皆著名當時云

理學

卷之三

三

光緒堂

南溪柴與之先生

柴中行字與之以儒學顯登紹興庚戌進士慶元中調撫州推官時有司薦舉以伊洛爲儒學中行獨云自幼習讀程氏易傳如以爲僞不願考校士論壯之後爲太學博士屢遷至知贛州軍事踰年請老以歸與弟中守中立講學南溪之上時從游若東渭楊伯紀雙峯饒伯與等數百人因稱之曰南溪先生卒贈通議大夫寶章閣待制謚曰憲肅

柴元振先生

柴禹聲字元振長臺人宣和辛丑同徐存受業於楊龜山學於毘陵時有潛心室伊川門人鄒柄爲之記推其師友淵源遠有端緒屢魁鄉薦學者宗焉紹興間高閑擢國子司業以禹聲堪克史館特薦於朝兄禹功晚亦游楊門扁其堂曰世學云

江邦直先生

江介字邦直開化人少穎異治舉子業一日讀程子書至水清性善之說大有感悟至衢從徐誠叟學復與朱晦翁相講明初任興國司戶叅軍陞進賢令歷官廣昌

聖學

卷之三

三

光緒堂

安普數郡皆稱惠愛民爭繪像立祠未幾轉奉議郎卒於途所臨兩邑老稚涕泣羅拜道左或越境而後返晦翁志其墓

陳少南先生

陳鵬飛字少南永嘉人幼孤專志問學性簡重言動有則以經術教生徒常數百人其學不爲章句新說必本入倫正論而趨於深厚兩舉於鄉俱爲第一登紹興第調鄞簿召對爲太學博士改秩兼崇政殿說書遷禮部郎初秦檜子燔在永嘉從鵬飛學至是燔爲侍郎所下

文案多臆決不應令鵬飛每批其後還之燔浸不平及經筵講天王來歸惠公仲子之贈高宗忽問母以子貴何如鵬飛從容以正對謂公羊之說非是高宗愕然時檜欲尊崇太母以效容悅大怒諷言者劾鵬飛議慈寧典禮遂罷去繼以待御史汪勃言謫惠州後四年卒淳熙末留正始爲開陳詔官其孫載有詩書解行於世羅浮集十卷

鄭景望先生

弟伯英伯海附

聖學

卷之三

三

光緒堂

鄭伯熊字景望永嘉人德行夙成經學尤邃無一指不本於仁義無一言不關於教化紹興十五年登第歷黃巖尉婺州司戶尤溪丞隆興初召試正字除太常博士稍遷吏部侍郎出爲福建提舉魏王判宣州南面坐受屬吏進謁幕府進劄子亦坐而可否之及伯熊除府司馬遂以劄子開說謙德未光嫌疑之際或駭問又判罷吏羊綰再後伯熊引吏人年滿歸農不得再應募條法屢啓不從因自劾免朝廷知之改江西提刑奉祠起知婺州除吏部郎兼太子侍讀國子司業宗正少卿乞外以直龍圖閣知寧國府改建寧卒諡文肅伯熊自爲

館職不自陳年勞以求磨勘紹興末伊洛之學稍息學者復於伯熊得之有六經口義拾遺有題語若干卷皆究極本原達於事物有記聞若干卷前輩楷模及時人美惡凡涉理道者畢載由是永嘉之學宗鄭氏

弟伯英字景元剛介果決論事駿發隆興廷對第四人調秀州判官俄上印綬歸養三十年其學優於經濟見義必爲鄉里利病倡率興除不遂其志不止也

弟伯海字彥容紹興進士第授海門尉歷官制置司參議授朝奉大夫卒於官伯海持身嚴慎家居立義塾延

理學

卷之三

主

光緒堂

師訓生徒五百餘人至今名其里曰學堂前所居距文肅百餘步時人稱東西二鄭云

薛士龍先生

薛季宣字士龍永嘉人六歲而孤從世父弼宦游及見故老聞災輿初將相趙張韓岳諸公事遂有當世志每樂道其人年十七判師孫汝翼諗其才辟機宜文字妻以女孫氏家多書一志繙繹隱君子袁沈授以伊川程氏學益自歛制克養紹興末調武昌令金人敗盟有端季宣先事而薦訪求河北陝西弓箭手保甲制度行之

縣境訓練賞罰皆有法則由是武昌保甲爲勝兵後著

訣親友誓以死守金兵自襄還圍蔣州甚急樞密汪澈

宣諭上流召季宣問策曰以蔡州要害得蔡蔣圍自解

果如其言其東道兵薄合肥二三大將退却復建議自

蔡乘勝拔許昌向陳汝則廬兵不戰可屈亦如其言召

對除大理簿與丞相虞允文議多不合奏遣奉使淮西

措置流民將還復命覆麥田又命視鐵冶歸還兩官除

寺正入對所薦士多旌擢大臣滋不悅丐外守湖州七

日卽自免餽餽若雨故宅以居起知常州未上卒年四

理學

卷之三

主

光緒堂

十終奉議郎後謚文憲其學本於六經講明堯舜三代

治法本末甚詳士不可以經學爲公談自季宣始有詩

性情說書古文訓春秋經解青要大學說論語小學通

鑑約說漢兵制九州圖志及校讐陰符山海經等書

王龜齡先生

王十朋字龜齡樂清人少穎悟日誦數千言稍長操筆已有憂世拯民之志通六經尤長於春秋聚徒梅溪從游以百數入太學名譽藉甚紹興丁巳以上舍廷對萬言高宗覽而異之親擢爲第一宸翰褒之曰經學淹通

議論醇正是日詔天下毋得以金翠爲飾遠方所獻翠羽悉燔之用對策語也。簽書鎮東軍判官除校書郎兼建王府小學教授。金人敗盟入對言禦戎莫急於用人。人莫先於人望。乞急用張浚劉鋹。又論楊存中以管軍領三公名器濫極清資。加於增伍高爵。濫於醫門。統師剝下賂上結怨。三軍道路捕人爲卒。結怨百姓。上大感悟。及金兵入境。卒起浚鋹如其言。孝宗卽位。屢遷起居舍人。兼侍講。尋除侍御史。力贊北征之計。沮於異議。徙吏部侍郎。不拜。出知饒州。究心撫字。恩惠周流。鎮饒州。饒民丐留。不可。至斷橋截路。十朋從間道去。治夔期年。改知湖州。去。夔如去。饒戶部責虛逋三十四萬。告不可。卽丐祠。州人送越境涕泣。而返。起知泉州。以治績進敷文閣直學士。泉民爲立祠。凡四郡之政。光絕一時。召爲太子詹事。既至。對選德殿。以足弱。給扶。減拜。賜坐。從容。就賜鞶帶。俄疾作。連章告老。以龍圖閣學士致仕。有大星隕於故居。命下而卒。命潛臣典喪事。諡忠文。十朋之學一出於正。自孔孟而下。惟韓文公歐陽公司馬公是師。故其文粹然有春秋尚書論語解。梅溪集。

俞季淵先生

俞浙字季淵。新昌人。登進士。歷監察御史。三疏時事。皆忤旨。不報。改大理少卿。不就。乃浩然歸。閉門著述。有六經審問。離騷審問。及韓文舉隅諸集。浙爲人寡言。篤行。端矩。獲肅衣冠。不喜馳騫。與石整黃度先後發明。以學尤崇。尚朱熹傳註。所得良多。晚年深察而拓克之。以求合中庸之旨。自號致曲老人。

黃仲庸先生

黃中字仲庸。平陽人。學以開洛爲宗。錢文子一見期以國士。登紹興第。歷館閣。累遷起居舍人。兼侍講。出知袁州。泉州。以右文殿修撰。卒。中以進士第三。人中第。越三十載。居官僅十考。故得大肆其力於學。與朱晦庵往復講論。欲於實地用工。不徒託之空言而已。嘗校藝漕闡。時學禁方嚴。中發策有云。平居不以利祿入其心。而培植涵養如水有根。水有源。用之則迴。旣倒之任。淵不用。則唱和寂寞之濱。亦足以名世。任此責者。誰與晦庵後見之。曰。近年若此等議論。令人歎服。初入經筵。寧宗曰。朕正賴卿輔佐。語之再三。中前後三十餘疏。傾心忠梗。

無所回撓魏了翁以爲古之遺直

陳叔向先生

陳葵字叔向青田人自少篤學至老不倦舉隆興進士知平陽縣居官廉介父病不解衣數月兄弟相友愛師事魏益之因教以盡弃所懷獨立於物之表未久忽大悟洪纖大小高下曲直若有見焉且疑呂伯恭讀書徒多朱元晦修方不療時政又嘗自言用功益難進道愈遠古人今人皆未可輕議晦翁每重其學術士有志者必使往從之曰可以寡過又與其子在書曰過青田不可不見陳叔向也其爲時所欽嚮如此

陳止齋先生

陳傅良字君舉瑞安人年未三十心思挺出新語懋長學者駭未會有由是文名擅天下授徒仙巖四方景從薛季宣訪之問以所安傅良曰毋不敬季宣曰比參倚何如傅良釋然有省乃謝去舊學從季宣於漏上閱數歲盡得其本末遂以斯文爲已任乾道八年廷對文逼西漢議論過之殿臚定爲第一既而不果調泰州教授未上除太學錄因議科舉法不合出通判福州知桂陽

聖學

卷之三

主

光緒堂

軍召爲吏部郎入見光宗迎勞曰卿昔安在朕思見卿

久矣其以所著書示朕退以周禮說上除秘書監兼嘉

王府贊讀遷左史兼中書舍人會光宗疾作久闕南內

定省中外切諫一日得旨過官百僚班俟光宗已出御

屏慈懿后復挽入傅良引裾請母入至御屏後后叱之

傅良哭於庭后遣人問之曰此何理也對曰以子諫父

不聽則號泣而隨之后益怒傅良下殿不返舍徑出國

門寧宗卽位召爲中書舍人會黨論起遂奉祠久之起

知泉州以疾辭除寶謨閣待制卒謚文節傅良既受學

聖學

卷之三

主

光緒堂

於薛季宣已而入太學尚友張呂凡諸儒所講克已兢

畏敏德氣義之說及文獻相承所以垂世立國者傅良

得之猶蒐斷簡采異聞一事一物必稽其極而後止千

載之上珠貫繩聯若目見而身折旋其間呂伯恭以爲

長不獨在文字也其操術精而致用遠施爲不竟惜哉

所著有周禮說春秋後傳左氏章旨毛氏詩解詁讀書

譜建隆編止齋文集學者至今稱止齋先生

慈湖楊敬仲先生

楊簡字敬仲慈谿人清明純一非禮不動燕私儼恪如

臨君師學以古聖爲的人太學第進士主高陽簿日坐公堂輒誦論孝經不動聲色而民自化陸九淵道其邑齒長二歲指以心學之要遂北面師事焉調紹興府理掾朱熹持庾節首薦之每稱簡學有爲已功夫宰饒之樂平謂教養茲邑欲使邑人皆爲君子況學者乎誨之諄諄不倦爲講堂訓曰學者孝而已矣時有古今道無古今性無古今聞者興起以國子博士召講易乾卦發人心固有之妙趙汝愚免相祭酒李祥抗疏辯之簡上書亦以學黨斥簡居十三年以秘書召遷著作將

聖學

卷之三

三

九碧堂

作少監守温州訪賢者禮致之崇孝養明宗族相恤之令首行鄉舉倣周官敬敏任恤之類書善不書惡除工部郎將作監告老奉祠召不起終教文閣直學士以寶謨閣學士致仕壽八十六謚曰文元有詩易春秋論語古文孝經傳孔子閒居解簡至誠篤敬期功之賦不洎總麻一以經禮爲則而容色稱之平居接物從容和樂未始苟異於人而高遠自不可及比方傳誦其文曰此江南楊夫子也

袁和叔先生

子甫附

袁燮字和叔鄞人生而端粹專靜乳媼置藥水其前玩視終日夜卧常惺然稍長讀東都黨錮傳輒以名節自期入太學見陸九齡遂師事之同里沈煥楊簡舒璘皆聚於學朝夕以道義切磨第進士爲太學正時名儒朱熹輩皆斥燮知不爲時所容尋以學黨去更歷外服入朝至太常丞兼考功郎知江州提舉江西常平以都官郎召遷司封又遷國子司業祭酒延見諸生廼以切己之學聞者興起以秘書監兼崇政殿說書遷禮部侍郎待講兼祭酒每講必託義以諷立朝守正不阿議者指

聖學

卷之三

三

九碧堂

爲好名遂奉祠以歸著述弗倦或勸宜少休曰吾以此爲笙鏞管磬不知其勞也終顯謨閣學士贈龍圖閣學士謚曰正獻嘗曰此心存則雖賤而可貴不存則雖貴而可賤吾心與天地一本精思以得之兢業以守之則與天地相似每謂爲學當以聖賢自期仕宦當以將相自任其所講明體用兼綜於詩禮論說尤詳成就後學甚衆子甫進士第一爲兵部尚書國子祭酒亦稱名儒

沈晦叔先生

沈煥字晦叔自定海徙鄞偉儀觀尊瞻觀音吐鴻暢羣

居鄉校以嚴見憚入太學行藝優諸生始與臨川陸九齡爲友一日盡舍所學師事焉晝夜鞭策務本趨實不自矜銜第進士講學不倦自以資稟剛勁非所以懼庭闈大書深愛和氣愉色婉容數語於壁日觀省焉門人弟子決疑請益者自遠而至啓告簡嚴中心悅服師道益尊爲太學錄修教養洪士爭歸之不詭隨苟容以取光寵遂補外終於舒州通判煥非聖哲書未嘗誦習與朱文公呂成公問辯凡世變推移治道體統明君賢臣經綸事業孳孳講求日益深廣追贈直文華閣特謚曰

卷之三

主

光碧堂

瑞獻

藝堂湯達可先生

湯建字達可樂清人少爲陳傳良所知天文地理古今制度考覈精詳洞達本末遂棄舉子業篤意皖省深造理窟始以其學授徒名儒達宦多受業焉尊曰藝堂先生每夙興必齋沐讀易一卦退與友朋商論欣欣自得有古瑟嘗鼓以自娛年踰八十卒所著有詩衍義論語道德經解

林景文先生

林武字景文永嘉人少勤敏力學博通經史斟酌理學淵源朱晦庵講道武夷武徒步往從之親受中庸衣錦之旨歸而扁其堂曰尚綱且輯平日所聞爲語錄數帙後以恩科入官授河池縣尉考滿廣漕文辟不就性度冲約出於自然父老跬步不離親前中衣躬掖卧起既艱毀瘠幾不能終喪歲數以私惠及遠邇鄉曲期以其後必大旣而子賀孫終相繼登科說者以爲天道有知云

南坡葉茂叔先生

祖學

卷之三

主

光碧堂

葉秀發字茂叔金華人師事呂祖謙深於性理之學擢慶元丙辰進士授福州長溪簿轉慶元府學教授嘗著論語講義發越新意以誨諸弟子一時鉅儒如樓煥史彌鞏龔昉鄭性之袁燮楊簡皆相器重願與之交而於簡問難尤詳簡每自謂得所啓發秩滿調桐城至金人犯蘄黃桐爲隣壤人凜凜不自保騎兵將迫家人號泣求避秀發叱之曰此正臣子竭力致身之日也雖死何憾苟先去之如一城生聚何修城濬濠日爲備禦計會金人使諜者至秀發擒之亟斬以徇金人計沮不敢近

邑賴以完制。閫忌其功不自已出。上其擅斬貶秋未幾。論奪秀發。退居十餘年。無一毫歛望。意史彌遠當國。有自桐城來者。歷言秀發撫綏安定之詳。且言某等得保首領至今。皆葉丞之賜。不然已無桐城矣。夫遂摧知揚子縣。遷知高郵軍。高郵爲淮東緊治。時尚驛騷。秀發上五策。曰防海道。審邊備。擇武守。練軍實。蓄財用。而以作人心。正士氣。爲之本。所言多聽。築高沙三十六湖。建石礮以疏水勢。濬洩有恒。無乾溢之患。其後馬光祖來爲守。行礮上思秀發之功。構堂樊泮之隄。以祀焉。卒年七十餘。所著有易說。周禮說。論語講義。行於世。學者尊曰南坡先生。

崑隱戴少望先生

戴溪字少望。永嘉人。少築精舍崑岡。與王柵讀書其中。盡通諸經聲名。日起江浙之士。從游者數百人。登淳熙策。敷歷中外。最後由大司成。登從寮。遂兼詹事。以經學輔景獻太子家。有明經堂。太子親書其扁。終工部尚書。以翼贊恩。贈端明殿學士。謚文端。溪性行純明。平實簡易。求聖賢用心。不爲新奇可喜之說。而識者服其爲理。

事學

卷之三

三

光緒堂

到之言。嘗與朱晦庵遇於旅邸。時從晦庵行者衆。溪謂之曰。不畏鉤黨之禍乎。晦庵矍然。散遣之。嘉定更化。朝論將取。嚙音奸黨。盡投嶺海。溪獨援紹興往事。恐貽君子小人翻覆之禍。議遂寢。所著有易詩春秋說。語孟答問。通鑑筆議。將繼復讐對。崑隱文集。學者至今稱崑隱先生。

葉水心先生

葉適字正則。其先括蒼人。徙永嘉。資稟茂異。風度澄肅。卅角記誦如流。十歲能屬文。淳熙廷對第二人。除太學正。遷博士。朱晦庵爲林栗所論。適上疏言栗非是。知衢州。一以靜治處士李之翰。若中州通性。命之學。適每款門相與切劘。入爲吏部郎。孝宗升遐。光宗以疾不能執喪。適贊趙汝愚請嘉王參決。宗社底定。遷司業。兩學相慶。得師除淮西總領。罷知泉州。久之。以工部侍郎召。徙吏部。兼直院。不拜。以寶謨閣待制守金陵。引疾請祠。里居十有五年。累進寶文閣學士。卒年七十四。謚文定。適生平喜讀書。不以世務縈懷。考論古今品藻人物。自成一家。言名重當世。四方學者仰之如山斗。咸謂水心先。

事學

卷之三

三

光緒堂

生遠而高句麗捐金帛購求其文有習學記言苟楊問答外慕有水心進卷並行於世

周子靖先生

周端朝字子靖行已族孫仲父去非登科爲張南軒高弟端朝少淹貫爲業適所知繼從朱氏於武夷而業益進紹熙中入太學趙汝愚爲李沐所攻罷相端朝與同舍生楊宏中等上疏救之得罪羈信州久之放便時號六君子登嘉定第調桂陽軍教授首立濂溪祠於學以示標準秩滿除太學錄遷博士入對言人主之學與士

程學

卷之三

五

光碧堂

大夫之學不同士大夫一心之存亡繫於一身之是非人主一念操舍驟關天下之休戚除太常兼司封郎父之以軍器監兼司業居數月遷秘書少監兼侍講復言近歲經筵例成兼職令抱道篤學之士列在庶官守道不苟之賢栖置散地乞廣加收召以備其選於是蔣重珍徐清叟葉味道相繼進用端平初時相休於浮議遠與三京之師端朝力言其不可旣而師徒撓敗卒如所料除權刑部侍郎卒謚文忠端朝儀容莊靜心事和平內行純備居喪執禮黃冠釋子未嘗及門有田半頃盡

歸其兄一室蕭然不顧也寶紹間權門熏灼端朝侃侃守正不可親晚方進用未得少行其志士論惜之

郎晦之先生

郎晦字晦之錢塘人從學於張九成嘗編橫浦日新錄以儒學知名或謂晦世系與侍郎郎簡同譜晦曰我家白屋豈可妄扳華貴識者許之淳熙十四年特奏得官未任卒

劉子宣先生

劉炎字子宣少侍父遜齋先生習聞庭訓專事程朱之學因慶元黨藉隱居不仕從真文忠游著劉子通言十

程學

卷之三

五

光碧堂

二卷其略謂中天地而立與天地參者人也人之性天地之性也孔子以爲貴孟子以爲善天地予人之正也君子保天命之性之謂仁成天命之性之謂學其言行於世

舒元質先生

舒璘字元質奉化人雅有大志耻以一善自名篤實不欺無毫髮矯僞入太學師張栻又從陸九淵朱熹及呂祖謙兄弟講習力於躬行嘗曰非能一蹴入其域刻苦

磨厲改過遷善日有新得亦可以勿畔云爾第進士教授徽州以身率多士日詣學寒暑不懈暮夜亦間往勸誘啓迪質或不美未嘗忿疾需其自新作詩禮講解以授諸生徽人追思之曰吾鄉學問之源室而復通者先生實開之因祠於學璘信其篤利祿之念不萌宰平陽臨政聽斷人服其平終於宜州通判淳祐中特謚曰文靖

山堂章俊卿先生

章如愚字俊卿金華人自幼穎悟潛心理學登慶元丙

理學

卷之三

三

光緒堂

辰進士與真德秀同榜累官國子博士未幾改知貴州政績大著開禧初被召上疏極陳時政因忤韓侂冑罷秩歸結草堂山中與士子講學遠近咸師尊之稱曰山堂先生所著有羣書考索六十六卷文集若干卷

李從仲先生

李大同字從仲東陽人學於朱熹之門鄉貢入太學年六十講學益力登嘉定進士第由郡教授爲國子博士輪對詞意激烈上嘉獎之累遷右正言兼侍講首陳謹獨之戒謂人主燕閒敬畏之心易縱莊敬之容易弛情

飲一肆如水橫流而莫之遏况復有宦寺之屬窺伺歟

娛導淫勸侈以蠱上心竊弄威福上爲之改容遷太常

少卿除侍御史其言不激不隨斥去黨論善類皆推其

深識與真德秀同在經筵德秀進講大學言此心當如

明鏡止水不可作槁木死灰大同謂不可二字未安蓋

此心自是活物豈當作槁木死灰德秀歎服時喬行簡

獨當國以親嫌累疏乞外遷刑部侍郎兼修國史進工

部尚書以寶謨閣直學士知平江府乞祠提舉太平興

國官卒年八十七大同資稟純厚神氣清和端行拱立

理學

卷之三

三

光緒堂

望之使人意消至於忠言嘉謨上裨緝熙下濟蒼生嘉熙端平之治大同之助爲多所著有詩文十五卷奏議十卷羣書就正六卷羣經講議十五卷通鑑隨錄六卷唐事類編二卷

松山楊子權先生

楊興立字子權本蒲城人受業朱子之門嘗知遂昌縣因家於蘭谿以道淑人學者多宗之稱爲松山先生所輯有朱子語略二十卷其幽居詩云柴門閑寂少人過盡日觀書口自哦餘地不妨栽竹木放教啼鳥往來多

溪頭詩云溪頭石磴坐盤桓時見脩鱗自往還可是水深思極樂不須妄意要投竿吳師道云有道之言意象自別頗與禽語相關窓草不除意同北山何基魯齋王栢皆嘗訪道於先生先生一見北山而稱許之由是盤溪之從游始盛魯齋亦有就正於樞堂船山麓譏伊洛淵源之語

傳貽輔漢卿先生

輔廣字漢卿崇德人淳謹勤恪少讀濂洛書慨然願學從呂祖謙游復師事朱熹與黃幹竝稱偽學禁興蔡元

理學

朱之三

手九

光緒堂

定貶死廣獨侍熹不去入京師居太學南集同志講學不輟堅忍篤信終始不渝主崇德學事以師友淵源倡率其徒膏肓其堂曰傳貽學者稱傳貽先生所著有論孟答問六經集解詩傳童子問通鑑集義日新雜文子大章舉進上

徐崇甫先生

徐僑字崇甫其先諸暨人有祖官吳越爲常侍始遷於義烏之龍陂從學於呂祖謙門人葉邦登厚熙進士第調上饒簿始受業朱熹之門熹稱其明白剛直命以毅

名齋歷紹興南康司法皆以憂去服除累官提舉江南東路常平茶鹽事上書極言朝廷時政請詔大臣以正已之道正人憂家之意憂國庶幾致安於已危迺治於將亂丞相史彌遠怒令言者劾罷之理宗卽位禮部侍郎真德秀奏寬直敢言如徐僑者願置之言地時彌遠猶在相位不報爲洪喬行簡代爲請祠迄不受祿遂引年告老紹定六年朝廷更化收用老成除直寶謨閣江東提刑尋除秘書少監改太常少卿屢辭逾年始入觀手疏數千言皆感憤慨切上爲竦聽顧見其衣垢屨弊愀然謂曰卿何貧甚耶對曰臣不貧陛下乃貧耳上曰朕何謂貧對曰陛下國本未建疆宇日感權倖用事將帥非材早蝗相仍盜賊竝起經用無藝帑藏空虛民困於橫歛軍怨於指剋羣臣養高而天子孤立國勢貼危而陛下不悟臣不貧陛下乃貧耳又言女謁閹宦表裏用事帝爲之感動改容咨嗟明日手詔罷邊帥之尤無狀者申徹羣臣以朋黨爲之戒命有司裁節中外浮費而賜僑金帛甚厚僑固辭不受除兼侍講尋兼權國子祭酒勸講之際開陳陳友愛大義遂復皇子竑爵且建言

理學

朱之三

甲

光緒堂

子思宜配享孔子。二程子宜列從祀。王安石宜廢勿祀。趙汝愚宜配享。宗帝皆如其請。論王概使事。僑以既無國書。則非正使。宜館之於外。如晉叔向辭鄭故事。與時宰論不合。力求去。帝諭留甚勤。遷工部侍郎。求去益堅。陞集英殿修撰。提舉佑神觀。兼侍讀。僑奏領祠勳讀。乃體貌重臣之殊禮。力辭不敢當。遂以寶謨閣待制奉祠。卒。年七十八。謚文靖。所著有讀易記三卷。讀詩記詠一卷。雜說一卷。文集若干卷。子鉢鈞。鈞皆傳其家學。以世實入官。

雜學

卷之三

早

光緒堂

葉成父先生

葉由庚。字成父。義烏人。生而口吃。嗜讀書。習春秋。爲舉子業。試有司。不中。遂絕意進取。時徐僑倡明朱熹之學。由庚執經從之。僑授以中誠仁命性心六字之說。由庚晝夜磨礪。探窮經旨。驗之於躬。行期凝合。而無間。僑謂人曰。成父從僑最久。靜慮無他。好講學意。趣殊深。吾道爲有所託矣。遂以通名其齋。且戒之曰。心體之流行。卽天運之流行也。無乎不通。而塞之人其物矣。由庚佩之終身。金華何基王相皆宗於熹學。次第相傳。遠有端緒。

皆慕由庚造詣真切。想與貽書辯析。至無虛月。基相皆深服其言。嘗謂古人知行並進。聞一善言。見一善行。未之能行。唯恐有聞。若繼蔽於文字間。待其知至。而後行。是終無可行之日也。人以爲名言。平生不務著書。惟研濬洛諸儒之說。以教人。僅有論語纂遺若干卷。詩文若干卷。瘞臾自誌一卷。藏於家。

西山葉知道先生

葉味道。字知道。初名賀孫。自括蒼徙永嘉。早從朱晦庵。於武夷山中。學禁開。登嘉定進士。理宗朝。遷宗學教授。

理學

卷之三

早

光緒堂

上言人主之務。學天下之福也。必堅志氣。以守所學。謹幾微。以驗所學。正綱常。以勸所學。用忠言。以克所學。又述帝王傳心之要。與四代作歌作銘之旨。帝一日忽問伯有之事。味道對曰。陰陽二氣之聚散。一定而不易者。其常也。不得其死。而鬱結不散者。其變也。伯有得罪而死。其氣不散。於是爲之立子汲。以奉其後。蓋諷皇子竑之事。云味道在經筵。凡所講說。敷陳無一言不切君身。無一事不關治道。議者推服。除秘書郎。兼工部郎。卒。景定間。門人范東叟爲請謚曰文修。學者尊爲西山先生。

著有四書說儀禮解經筵講議輯次朱氏語錄四十三卷

西山真希元先生

真德秀字希元。生於西山。既壯。徙浦城。由進士博學宏詞。科累官起居舍人。史彌遠得政。力乞補外。除秘閣修撰。江東運副。改知泉州。歷知隆興。江西湖南安撫。理宗立。召爲中書舍人。兼侍讀。擢禮部侍郎直學士。兼國史院修撰。嘗因經筵進說曰。惟學可以明此心。惟敬可以存此心。惟親君子可以維持此心。每進鯁言。上皆虛受。

聖學

卷之三

聖主

光霽堂

彌遠諷言官論罷之。紹定中。起爲徽猷閣待制。知泉州。改福建安撫使。知福州事。尋召爲戶部尚書。辭不允。除翰林學士。知制誥。兼侍讀。拜參知政事。踰月。以疾丐祠。以資政殿學士。提舉萬壽宮。卒。謚文忠。學者至今稱西山先生。邇其所生也。

潛室陳器之先生

錢木之徐寓徐容附

陳埴字器之。永嘉人。父埴字民表。工屬文。善持論。爲水心葉適所推。三子增。埴止。善皆登科。埴少穎悟。久從朱氏於武夷。所見超卓。紹定間。江淮制置趙善湘建明道

書院。辟埴幹辦公事。兼主講席。四方學者從游數百人。尊爲潛室先生。後以通直郎致仕。卒。同時郡人若錢木之徐寓與弟容俱從。朱氏學而臯比之尊。輒以推埴焉。著有禹貢辨洪範解王制章句木鐘集。

北山何子恭先生

何基字子恭。金華人。賦性端凝。夙有遠志。少從鄉先達陳震習舉子業。課程若不得已。而潛心義理之功居多。既冠。侍其父伯慧爲臨川丞。適勉齋黃幹爲令。遂師事焉。幹教以必有真實心地。刻苦工夫。而後可。基悚然受。

聖學

卷之三

聖主

光霽堂

命始聞伊洛淵源之懿。臨別告以熟讀四書。使習次。決治道理。自見。遂終身服膺。頃刻不忘。一室危坐。萬卷橫陳。每於聖賢微辭。與義有疑。而未釋者。必平心易氣。勿忘勿助。待其自然貫通。不立異以爲高。不徇人而少變。克其所知而反之於身。無不允踐。其實船山楊與立。一見推服。由是學者爭趨焉。王相既執贄爲弟子。基謙抑。不以師道自處。相高明絕識。序正諸經。弘論英辯。質其難疑。或一事至十往返。基終不變。以待其定。嘗曰。治經當謹守精玩。不必多起疑論。有欲爲後學言者。謹之又

謹可也。平生聞一善言，見一善行，喜形於色。若已有之，或聞朝有闕政，四方有警，輒惻然不樂，至忘寢食。隱居求志，不願人知。真無媿古人爲己之學。郡守趙汝勝、蔡招、楊棟相繼聘主麗澤書院，皆辭不就。景定五年，與廷人徐幾同被特薦，添差婺州教授，兼麗澤山長，力辭度。宗立，授史館校勘，兼崇政殿說書，又頒詔劄，敦勉備至，辭益力。特改承務郎，主管南嶽廟，使食其祿，以遂高志。然亦終不受也。咸平四年卒，年八十一。平生不著述，惟研究考亭之遺書而已。居北山盤溪之上，學者稱爲北山先生。國子祭酒楊文仲請於朝，賜諡文定。

聖學

卷之三

聖學

光緒堂

王會之先生

王栢字會之，金華人。祖師愈從楊時受易論語，後與朱熹、張栻、呂祖謙游。父瀚與其叔季執經朱呂之門。栢生稟高明，抱身宏偉，少慕諸葛武侯之爲人，自號長孺。年踰三十，始知家學之原，慨然捐去俗學，以求道與其友。汪開之讀四書取論孟集義，別以鉛黃朱墨以求文公去取之意，著論語通旨，至居處恭、執事敬、愾然歎曰：「長孺非聖門持敬之道，亟更以魯恭歷造楊龜山、劉橋堂。」

聖學

卷之三

聖學

光緒堂

而卒業北山焉。北山授以立志居敬之旨，且作魯齋箴，勉以質實堅苦之學。有疑必從北山質之，自著敬齋箴，圖畫出一敬字爲日用躬行之則。夙興見廟，治家嚴飭，當暑閉閣靜坐，子弟白事非衣冠不見也。四方來學者衆，隨其所學，淺深引誘，啓迪以開其適道之門，提綱鉤目，折殊會一，未嘗不竭盡無餘。又編朱子指要示之士大夫，叩請者每語之曰：「士生天地間，以萬物皆備之身，而不以古今自任，經綸自期者，皆自遏其躬而已。」郡守趙汝勝、蔡抗、楊棟相繼聘主麗澤講席，台守謝景緯又聘爲上蔡書院師，首講謝子大居敬貴窮理之旨，敷暢瑩白，聽者悚然，意融心服。雖鄉之耆德亦執弟子禮來謁，既歸講道於家。學子懷慕不遠數百里相從，弗置。晚年積厚養固，精強清勁，雖少壯勿逮。孜孜述作，殆不知老之將至。咸淳十年七月一夕無疾而終，年七十有八。其爲人學博而義精，心平而謙遠，考訂羣書如于將莫邪，所向肯綮迎刃而解。凡朱子發端而未竟疑而未決，與諸儒先闡明之未及者，莫不該攝融會，權衡裁斷，如論河圖洛書、九疇洪範及詩、大學格致章中庸古本，皆

卓識獨見至天文地志律曆井田旁及文章字學莫不各有論著多不備載國子祭酒楊文仲請於朝謚曰文憲

徑取徐景說先生

徐霖字景說西安人幼穎異年十三卽有志聖人之道研精六經以探其要淳祐試南省第一人及第後授沅州教未赴時宰臣史嵩之姦邪顯國霖上疏力言之無何嵩之以父喪去上思霖言召試館職論國大計甚激切除秘書省正字再除校書郎以言不行去朝廷再三

題學

卷之三

甲子

光緒

挽留不可歸借屋以居讀書養親裕如也郡守游鈞買田築學舍請霖講學遠近之士裹糧來游者三千餘人朝旨特改官通判常州除秘書著作左郎通判信州皆不赴未幾除兼國史編脩官實錄院檢討拜命引見奏言萬化之本在心存心之法在敬上獎諭再三除崇政殿說書上嘉其直有大用意是月兼權左司自是小人中以巧計而設言入矣乞補外差知撫州獎士類寬民力誅悍將人情悅服視事未一月以讒黜士民攀臥車幾不行寶祐改元差知衡州二年改劔南皆不起又改

袁州丁父憂哀毀過制疾作卒年四十八霖天質既高學力又到由尸居以達日用本末具備平居與人言低聲下氣至於處官立朝則忠肝義膽奮不顧身賁育不能奪晚年閒居既久涵養益深不及大用以死命也有太極圖說遺稿五十卷學者稱爲徑取先生

趙德父先生

趙景緯字德父於潛人少勤學弱冠得周程諸書讀之後往來葉味道度正之間以求放心爲本所索益精登淳祐進士第授江陰軍教授丁母憂以祿不逮養服闋

題學

卷之三

甲子

光緒

不調作讀書庵懸甯山每進華秩必固辭歷知台州兩縣不赴趙命益嚴至郡以化民成俗爲先務取陳述古論俗文書示諸邑及孝經庶人章爲四言詠贊其義使朝夕歌之至有爲之感泣者建黃巖社倉六十有六其諸善政不可殫載進考功郎四辭新命且乞於赤城桐栢之間採藥著書不許御批兼崇政殿說書三辭而後造朝待緝熙殿以易進講又論監司守令舉刺不當不足以服天下之心等出於柳應詔上封事拜大府參卿以直敷文閣知嘉興府辭乞奉祠不許拜宗正少卿兼

侍講乞祠還家御筆趣行除兼樞工部侍郎又命兼權中書舍人三辭不許封還溫恩詞頭帝從之進權禮部侍郎兼修玉牒再辭不許進聖學四箴授集賢殿修撰知建寧府召爲中書舍人進顯文閣待制乞祠遂差提舉王隆萬壽宮未幾疾作謝譬却藥口使我清心以順天命毋重惱我懷拱手三揖而卒詔特贈四官至中奉大夫謚文安

車清臣先生

車若水字清臣黃巖人初事陳實憲者卿學古文其祖

車學

卷之三

早

光緒堂

隘軒先生不悅也乃從清獻杜公游始大有得遂潛心性理之學嘗欲取大學知止有定一節合聽訟章爲格物致知傳金華王魯齋聞之以爲洞照千古之錯簡使朱子聞之亦嘗爲之莞爾一笑又嘗著道統錄宇宙略記與冗繁諸書皆行於世

康敏黃立道先生

黃超然字立道號壽雲黃巖人與車王峯往來金華王魯齋之門得理學之傳而尤精於易晚卒賜謚康敏其謚議曰故壽雲先生黃超然以文辭學詩禮名家學

貫六經尤邃於易安居恬靜不以貧窶動其心性謙高明不以功名易其志以博達之才道德之化漸於鄉里也遠淵源之學仁義之教被於後人也深故既歿而名益彰所著周易通義等書皆能羽翼程朱開明後進是宜於設教之所錫以書院之號禮所謂鄉先生沒而可祭於社者公實有焉定議易名國有令典按謚法壽考且寧曰康好古不怠曰敏請謚康敏

庶善翁如山先生

翁巖壽字如山初名夔永嘉人登淳祐第調永州教授

聖學

卷之三

早

光緒堂

未上丁母憂服闋授寧國軍書記除太常博士遷國子丞知興化軍卒巖壽性行純固德容粹然從陳垣最久微言與義盡得其傳退而私淑其里學者日衆常令諸生讀近思錄曰此讀書之梯級也又令觀言行錄曰此爲人之標準也其學以修身勵行爲務不專在言語文字學者尊稱曰庶善先生

張伯誠先生

張潤之字伯誠蘭谿王益人游北山何文定公之門餘三十年盡得北山之學北山之藝也潤之爲定士禮不

用品官之儀以成其志北山輯近思錄發揮未就而卒
仁山金履祥繼成其書每條皆質於澗之而後定晚歲
避亂居金華山中盖有桃源之思焉白雲許謙稱之曰
先生之德篤實清介問學專力於經其季龍泉公蚤世
訓其遺孤而經紀其家且衣食之先生長仁山二十年
爲同門先達平居商略討論情好最密他人不及也先
生被服襟略人視之巖谷一叟耳而天機駿利襟度融
朗有浴沂詠歸氣象彼以貌觀先生者豈知德哉

仁山金吉父先生

通學

卷之三

壬子

光碧堂

金履祥字吉父蘭谿人少而好學有經世志凡天文地
形禮樂刑法田乘兵謀陰陽律曆之書靡不研究其微
而克極於用年十九知向濂洛之學遂棄舉子業師魯
齋王文憲公問爲學之要魯齋舉何文定公立志居敬
之說問讀書之目曰自四書始又從魯齋登北山之門
北山曰會之屢言賢者之賢便自今日截斷爲人田是
言貫愈精造詣益遠往來二公間何示以省察克治王
示以涵養克拓語雖甚約履祥服之終身嘗若有未盡
焉當時議者謂何之清介純實似尹和靖王之高明剛

正似謝上蔡履祥則親得之二氏而並克於已者也履
祥在宋季嘗以布衣游公卿間問進牽制摶虛之策時
不能用及國勢以危始思其言以史館編校召之已不
及於用矣旁郡嚴陵有鈞臺書院郡守以文憲上蔡故
事聘爲之一出舉子陵懷仁輔義之說摘發仁義之蘊
學者始知有義理之學晚歲築居仁山之下講道著書
以淑後進諄諄不倦言論風旨皆可誦法學者不敢字
之稱仁山先生所著有尚書表註大學指義疏義論孟
考證通鑑前編行於世

通學

卷之三

壬子

光碧堂

劉習甫先生

劉漢傳字習甫上虞人少孤力學弱冠貢於鄉以祿弗
逮親絕意仕進沉潛伊洛之旨徃見雲源何先生得建
安二蔡易洪範之學先生授以奧旨且勉之仕年四十
六始舉進士主黃梅簿三仕至監都進奏院陞對條列
廣聖學闢異端伸直氣恤民隱四事又遷司農丞守南
康知吉州皆有善政及兼江西提舉時大江失險虜兵
逼境人心震搖漢傳嚴設警備簡精銳遮要害民賴以
安制書嘉獎除直寶謨閣尋知處州累遷兩浙運使吏

部郎官典尚書右銓進司農卿皆力辭自是閒居十一載篤學守道嘗著止善集通鑑會評洪範與旨若干卷臨終索筆書生爲宋民死爲宋鬼樂哉斯丘北足行矣之句遺二子遂暝年七十六

黃東發先生

黃震字東發慈谿人中進士第爲吳縣尉有能名後爲史館檢閱入對言危亡災異在旦夕而緇黃出入官禁無節失朝廷體度宗大怒批降三秩卽出國門斥諫官言得通判廣德軍時社倉法大弊衆以始自朱熹不敢

理學

卷之三

聖

光緒堂

議震曰法出於聖人猶有變通安有先儒爲法遂不得救其弊邪爲別買田六百畝以其租代社倉息非凶年不得輒貸貸不取息定爲法時郡將賈得世以權相從子驕縱不法震數與爭論是非蕃世積不堪疏震拂政解官尋別紹興撫州飢起震知其州單車疾馳中道約富人耆老以某日集城中過期者罰至則大書閉糶者藉強糶者斬揭於市不抑米價價爲日損坐驛舍署文書不入州治親煮粥食餓者請於朝給賞賞旌勞者而後入視州事善政種種不可殫述陞提舉常平倉司改

輿學

卷之三

聖

光緒堂

先生

蛟峯方君錫淳先生 弟逢振附

方逢辰字君錫淳安人初名夢魁淳祐十年舉進士第一理宗御筆改今名故字曰君錫累官兵部侍郎國史修撰兼侍讀除吏禮部尚書俱不拜先是丞相鄭清之賈似道擅權逢辰叩闕言時事弊旨激烈忤權相意乃稱疾以歸元世祖詔御史中丞崔彥起之辭不起卒於家逢辰天稟卓絕人物魁岸聲如洪鐘自幼刻苦同學夜誦徹旦無書不讀而會極於周程朱子之學以格物

爲窮理之本。篤行爲修己之要。自居幕職。至秉旄節。所至以教化爲先。務暇日。輒從容庠序間。授學者以求。端用力之方。東陽士聞義塾以迎之。從游者數百人。尋創家塾。授其徒。後以從官入侍經帷。度宗問其講授之所。御書石峽書院四字爲扁。仍賜手詔曰。近進士一科文章盛而古意衰。卿以儒碩創家塾。以程朱之學淑其徒。朕甚嘉之。其眷遇如此。所著有孝經解。易外傳。尚書釋傳。大學中庸註。釋格物入門諸書。行於世。學者因其所居。稱爲蛟峯先生。肖像於石峽書院以祠之。

龜亭

朱子

孝

光緒堂

弟達振字君玉。登嘉定進士第。歷國史實錄院檢閱文字。遷太府寺簿。宋亡。退隱於家。元世祖詔御史程文海起爲淮西北道按察僉事。辭不赴。聚徒講學於石峽書院。以終學者。稱爲山房先生。以之配祀蛟峯。其遺像贊曰。金春王應絕學。是續派宗紫陽。規修白鹿。以身衛道。障川迴瀾。大節匪虧。進退可觀。

兩浙名賢錄卷之三終

兩浙名賢錄卷四目次

理學

元

胡汲仲先生 西山王叔恭先生

許白雲先生 程時叔先生 凡端禮附

吳正傳先生 戚朝陽先生

韓明善先生 邵春叟先生

夏自然先生 靜正牟仲裴先生

陳則善先生

理學目次

朱子

一

光緒堂

明

葉景翰先生 純孝范景先先生

唐思誠先生 退密傅伯厚先生

倪汝新先生 楓山章德懋先生

賀醫閭先生 子士諱附 陽明王伯安先生

俞本素先生 敬齋鄭孔明先生

梓溪舒國蒙先生 黃宗賢先生

周以善先生 應天彝先生

徐曰仁先生 龍溪王汝中先生

周元峯先生

李明德先生

從吾董子濤先生

甌東項遷之先生

李侯璧先生

一山王體仁先生

東山張伸衡先生

徐仲章先生

金汝白先生

東白先生應德夫瑋

陸元靜先生

一庵唐子正先生

張子蓋先生

陳思敬先生

子植槐附

敬庵許孟中先生

理學目次

卷之四

二

先哲堂

兩浙名賢錄卷四目次終

兩浙名賢錄卷之四

東海徐象梅仲和氏誤

武原許士奇稚正氏閱

理學

元共十二人

胡汲仲先生

胡長孺字汲仲永康人潛心理學直窺性之微事至照如懸鏡儀居不動而以誠意御之雖紛糾無不立解以

銓試第一授廸功郎歷官福州倅宋亡退居永康山中

理學

卷之四

一

先哲堂

元初以賢才徵拜集賢修撰與宰相議不合改教授揚州尋轉台州路軍海主簿時浙東大侵明年復無麥民相枕死宜慰同知脫歡察議行振荒之令歛富人錢一百五十萬給之至縣以餘錢二十五萬屬長孺藏去乃行旁州長孺察其有乾沒意悉散於民閱月再至索其錢長孺抱成案進曰錢在是矣脫歡察怒曰汝膽如山耶何所受命而敢若此長孺曰民一日不食富有死者誠不及以聞然官書具在可徵也脫歡察雖怒不敢問長孺雖儒者所至輒以吏幹稱然真心愛民慈祥溢於

法外。每日。一民失所。便非君子學道之實。故所至發摘如神明。而善柔之民。無不樂業者。歷遷兩浙都轉。並運使司丞。未上。以病辭。不復仕。隱杭之虎林山。以終。長孺初師青田余學古。學古師王夢松。傳龍泉葉味道之學。味道則朱文公熹之弟子也。淵源既正。長孺益行四方。訪求其肯綮。始知涵養用敬。爲最切。默證靜觀。超然自得。故其爲人。光明宏偉。專務心學。以孟子自許。惟恐斯道之失其傳。誘引不倦。一時學者慕之。有如飢渴之於飲食。方岳大臣與郡二千石。聘至庠序。敷繹經義。環聽者數百人。長孺爲言。人雖最靈。與同產初無二本。皆躍躍興起。至有太息者。爲辭章有精魄。金春玉撞。壹發其和平之音。海內來求者。如購拱壁。碑版焜煌。照耀四裔。苟非其人。雖一金易一字。毅然不與。鄉閭取士。屢司文衡。責實賤華。文風爲之一變。晚寓武林。病喘上氣者頗久。一旦具酒食。與比隣別云。將返故鄉。門人有識其微意者。問曰。先生精神不衰。何爲遽欲觀化。長孺曰。精神與死生。初無相涉也。至夜半喘止。其子駒排戶視之。則正衣冠坐逝矣。年七十五。所著書有瓦缶編。南昌集。寧

學

卷之四

二

光緒堂

海漫抄樂齋稿行於世

許白雲先生子元附

許謙字益之。金華人。父觥。淳祐進士。無子。以仲兄曰宣之子爲嗣。卽謙也。謙天資高嶷。甫能言。世母陶氏口授孝經論語。人耳輒不忘。五歲就學。凝重如成人。稍長。受業金履祥之門。履祥語之曰。士之爲學。若五味之在和。醢醢既加。則酸鹹煩異。子來見我。已三日矣。而猶夫人也。豈吾之學。無以感發子耶。謙聞之。惕然。由是履祥告之曰。吾儒之學。理一而分殊。理不患其不一。所難者。分殊耳。謙由是致其辯於分之殊。而要其歸於理之一。又曰。聖人之道。中而已矣。謙由是事。事求夫中者。而用之。履祥歿。益肆克闢。多所自得。自謂吾非有大過人爲學之功。無間斷耳。謙制行甚嚴。而所以應世者。不膠於古。不流於俗。介而不矯。通而不隨。身在草萊。而心存當世。素志冲澹。以道自樂。嘗作自省編。晝之所爲。夜必書之。其他若天文地理。典章制度。食貨刑法。字學音韻。醫經術數。釋老之說。靡不該貫洞究。又嘗句讀九經儀禮。及春秋三傳。其宏綱要領。錯簡衍文。悉別以鉛黃朱墨。其

理學

卷之四

三

光緒堂

選舉

卷之四

四

光緒堂

後吳師道購得呂祖謙點校儀禮視讀本不同者十有三條而已。性不喜於露所爲詩文非扶翼經義張維世教者不苟作也。浙東憲府聞讀名碑以爲掾辭弗就。肅政廉訪使劉庭直舉茂才具等副使趙宏偉舉遺逸亦皆固辭。宏偉在南臺除舍館迎致讀將使衆條多士有所矜式。讀欣然爲之起而不久留也。讀從東歸屏跡八華山中。學者翕然從之。遠而幽冀齊魯近而襄陽吳越皆百舍重趼而至。其教以五性人倫爲本以開明心術變化氣質爲先以爲己爲立心之要以分辯義利爲處事之制。至誠詳悉內外殫甚。獨不以科舉之文授人曰。此義利所由分也。爲學者師垂四十年。四方之士以不及門爲耻。縉紳先生每就問或訪以典禮政事讀觀其會通而爲之折衷莫不佩服。臺省監司先後列其行義於朝。郡以遺逸應詔終不爲動。晚年尤以涵養本原爲事。齋居靜定不出里閭者四十年。既老尤艱痺。僦屋以居。田不足以具饘粥處之裕如。歲大侵讀類加瘠或問之曰。今公私匱竭道殣相望吾能獨飽耶。其處心類如此。卒年六十八謚文懿。所著有四書纂說詩名物鈔多

補先儒所未備。書輯傳纂說與蔡氏不必盡合。春秋有溫故管窺觀史有治忽幾微行於世。子元從葉儀范祖幹學。

高皇帝初定金華訪求白雲之後召之見未至而駕還金陵。驛召赴京與語大悅。命爲京學教授官至祭酒。程時叔先生 兄端禮附

程端學字時叔鄞人至治甲子會試第二授仙居丞未上尋改國子助教陞翰林國史院編修官每論撰爲學士虞伯生所推服南宋間四明學者多宗陸氏惟黃東

選舉

卷之四

五

光緒堂

發史蒙卿獨宗朱氏端學與其兄端禮師蒙卿盡得朱子明體適用之旨二難自爲師友端禮色莊氣和善誘學者使之日改月化而端學方毅剛正一舉動必合禮法人以比河南程氏兩夫子云在國學時慨春秋在六籍中獨未有一定之論乃取前代百三十家折衷異同著春秋本義三十卷三傳辯疑二十卷或問十卷用經筵官請命有司取其書板行天下以授來學

吳正傳先生

吳師道字正傳蘭谿人自幼穎異不羣善記覽工詞章

弱冠因閱真西山讀書記。幡然有志於爲己之學。刮磨淬礪。日長月益。嘗以持敬致知之說。質於許謙。謙復以理一分殊之旨。由是往復詰問。造詣益深。元至治初。登進士。歷官丞令。皆卓有善政。用大臣薦爲國子助教。陞博士。其教人一本朱子之訓。而遵許衡之成法。六館諸生咸自以爲得師。丁內艱。歸以奉議大夫禮部郎中致仕。黃潛稱其以道自任。晚益遠於文。剖析之精。援據之博。議論之公。視古人可以無媿。其所推明者。無非紫陽朱氏之學。宋濂稱其緒餘施於郡邑。咸足以利濟生民。

理學

卷之四

六

光碧堂

威仲咸永康人。父象祖。信州道一書院山長。仲咸從許謙問道。潛心性理之說。旁通諸子百氏。同門推爲高弟。衣粗食淡。克已勵行。爲人所難。不徇時尚。而改其度。嘗言人知富貴之可欲。而不知貧賤之可樂也。呂氏創義學。延仲咸主其教事。師法嚴謹。學者敬憚之。扁其書室曰朝陽人尊之爲朝陽先生。所著有春秋纂例等書。

威朝陽先生

西山王叔恭先生

王文煥一名子敬。字叔恭。少負雅操。夙承家學。以胡元之亂。不屑仕進。遂取孔孟諸儒緒言。研極精微。著道學發明。大學發明。中庸孟子解。及心鏡圖。治心銘。諸作。叔恭以心爲明鏡。毋自欺爲藥物。畏敬恐懼克復省察爲工夫。巍然負泰山北斗之望。學者宗之。稱爲西山先生。

韓明善先生

理學

卷之四

七

光碧堂

韓性字明善。會稽人。魏公琦八世孫。高祖膺胄。始家於越。性天資警敏。七歲讀書。數行俱下。日記萬言。九歲通小戴禮。作大義。搦筆立就。文意蒼古。老宿驚異。及長。博綜羣書。尤明性理之學。四方學者輻輳其門。延祐初。以科舉取士。學者多以文法爲請。性語之曰。今之貢舉。悉本朱熹私議。爲貢舉之文。不知朱氏之學可乎。四書六經。千載不傳之學。自程氏至朱氏發明。無餘蘊矣。顧力行何如。爾有德者必有言。施之場屋。直其末事。豈有他法哉。其指授不爲甚高論。而義理自融。見人有一善。必爲之延譽。及辯析是非。則毅然不可犯。出無輿馬。僕御所過。負者息肩。行者避道。田夫野叟。至於童稚。廝役咸

稱之曰韓先生。韓先生云：薦辟皆不就，務自韜晦，緝紳大夫有事於越者，必先造其廬，得所論述，卽以爲繩準。天曆中，門人李齊爲御史，力舉其行義，而性已卒矣。時年七十有六，賜謚莊節先生。所著有禮記說四卷、詩音釋一卷、書辨疑一卷、郡志八卷、文集十二卷。

邵春叟先生

邵大椿，字春叟，壽昌人。景定甲子年甫十二，卽領鄉薦，爲書經魁。既赴南省，不利歸，益勵志，明於理學。至元戊寅，郡庠延聘講書，歷壽昌龍游教諭，婺源晦庵書院山長。元初，士子溺於詞章之習，大椿倡明理學，以淑人心。學者始知所趨，獨所著有四書講義若干卷。

夏自然先生

夏希賢，淳安人。究明性理，洞詣本原，而會其極於象山慈湖之要。杜門不出者三十餘年，家雖貧，其泰然自如。有君子風，學者稱之曰自然先生。子清之大之潛之皆承家學。

靜正牟仲裴先生

牟楷，字仲裴，黃岩人。刻志正心誠意之學，早喪父，以待

母疾，不仕，教授生徒，至數百人。爲文章，凡以性命爲先，詞華爲後。有九書辨疑、河圖洛書說、春秋建正辯源、衣刊誤、定武成錯簡、管仲子糾辯、致中和議、桐葉封弟辯、四書疑義篇，門人名其書爲理窟。尊之曰靜正先生。

陳則善先生

陳宏啓，字則善，瑞安人。性至孝，事父母，事諸父母，若一動靜端謹。年十七，獨樓居讀書其上，非有故不下。衣冠常儼若就寢，始脫一日得龜山南軒二先生語錄，玩味日久，豁然若有所見，志於力行，自號惺惺藁，大抵言體

聖學

卷之四

九 光霽堂

道觀化之趣。至正戊子七月，忽得疾，父母視之，見其衣冠肅整，不知其有疾也。及革，求父扶之，曰：宏啓願死，父手，父問若死將何之，曰：如爐中火，然消則自無耳。遂歌朱子感興詩，崑崙大無外一章，溘然而逝。年二十三，明共二十四人。

葉景翰先生

葉儀，字景翰，金華人。受學於白雲許謙，謙語以學者必以五性人倫爲本，以開明心術變化氣質爲先。儀朝夕惕厲，研究奧旨，已而授徒講學，士爭趨焉。其語學者曰：

聖賢言行盡於六經四書其微辭奧義則近世先儒之說備矣由其言以求其心涵詠從容久自得之不可先立已意而妄有是非也

王師下金華召儀爲五經師以老疾辭隱居養親所著書曰南陽雜藁等集吳沉稱其理明識精一介不苟安貧樂道死而不變

純孝范景先先生

范祖幹字景先受業許白雲之門久之遂悉得其旨趣其學以誠意爲主而嚴之以慎獨持守之功引誘學者

聖學

卷之四

光緒堂

倦倦真切惟恐其不入於善嘗曰君子之所不可及者其惟人之所不見乎四方士夫嘗問安否爲斯文重輕戊戌天兵下婺與葉儀以大學進尋辟爲咨議以親老辭李文忠時守嚴郡特加敬禮恒稱師而不字性孝至篤郡守王宗顯立純孝坊以表之學者稱爲純孝先生所著有羣經指要讀詩記大學中庸發微樞軒集若干卷藏於家

唐思誠先生

唐懷德字思誠仲友七世孫也性敏好學受業許謙六

經百家之言無不研究其學以濂洛爲宗粹然一出於正庶訪副使暢篤聘諱淮陰聞者傾服武威余闕持節海右或請闕書揚雄九州箴未知所出懷德卽援筆寫之不遺一字嘗與宋濂宿錢唐辯諸子是非凡九十餘種歷誦其文以對如撞巨鐘隨叩而應濂推其博懷德曰徒傳陸澄之書耳吾則藉之以窮理而施諸事也用部使者薦擢金華縣學教諭遷衢州學錄未上卒所著有破萬總錄六經問答鈎玄集書學指南存齋稿總百有餘卷

聖學

卷之四

光緒堂

退密傅伯厚先生

傅淳字伯厚鄞人世業儒父時以道學名淳幼有成人志稍長知自奮嘗業舉子試不利卽取所業藁焚之益究經史百家言正以濂洛諸儒之說以窮性命道德之奧讀易至繫辭曰聖人以此洗心退藏於密拱手立曰淵乎休哉遂顏其室爲退密鄉人以退密先生稱之問學淳正不求人知守令聞其賢每訪以治道必參酌古今以對至老不廢書一夕讀周禮漏下三鼓不置侍者詰問淳曰吾樂此不知疲也就寢而逝所著有洪範敷

言性理叢說大學補略視志彙藏於家

倪汝新先生

倪復字汝新鄞人性端謹嚴毅少力學無間寒暑且勤劄記讀書不摘章摘句而窮索幽眇務得指歸嘗曰士生程朱後已幸有坦途矣更欲立門戶與抗邪故其說經談理止按先儒成法會而通之如辯大學親民恭之金縢新述及析周程主敬主靜之說非徒言也爲門人講易及正蒙諸書詞旨洞達聽者莫不悟解尤邃於鍾律辨析名數鑒鑒中理潛思默會超然獨得故見人輒

重學

卷之四

王

光緒堂

舉與義不啻懸河之注也平生篤於孝友親喪哭泣遂成目疾弟子束脩之饋不入私室盡以資弟檢身以禮市肆優場不一履其足人嚴憚之或羣居談謔復至則寂然無聲師道甚尊而善引進名士若通政余本遂理學有聲此其一也所著有易繫辭解中庸解正蒙發微皇極經世書通解鐘律通考閒居漫讀記東巢雜著壺齋問答救災集議禘祫議見聞欄楯觀古錄畏庵存稿藏於家

楓山章德懋先生

章懋字德懋自號闇然居士學者因其講學楓木山中

稱曰楓山先生幼穎異隨師所授書無多寡皆成誦比

成童則已博綜羣籍其學根據六經而尤邃於易天順

壬午以易魁薦於鄉成化丙戌會試禮部第一進士釋

褐改翰林庶吉士授編修甫踰月有旨元宵張燈翰

林賦詩懋具疏率同官黃仲昭莊景上諫忤旨杖於

廷謫臨武知縣未行有論救者改南京大理評事一考

陞福建按察僉事盜起泰寧托以清軍行部出其不意

遂擒之沙尤饑民嘯聚將爲變急發廩粟賑濟迄以無

重學

卷之四

王

光緒堂

事因觸瘴成疾懼貽親憂滿考奏課遂疏乞致仕歸時年僅四十有一杜門養親四方之士爭來就學執經者常數十人土大夫東西行過縣者必造其廬以考德問業如餘干胡居仁南海林緝熙嘗不遠數千里而至貧無供具則刈蔬脫粟餉之無不飽者廷臣屢薦力辭不起弘治十二年召爲祭酒南監時遭父喪力辭詔增司業員懋終制赴官十六年服闋上任明教化飭矩矱勵廉耻開示近裏諸生翕然向風增城湛若水旣得舉業儒而隱聞懋蒞監特往卒業焉正德元年應詔陳言

治道要務五事再疏乞休不允任滿三載疏引年不待報歸未幾逆瑾怙權公卿多遭斥辱者人乃服慙先幾云五年陞南太常卿辭六年陞南禮部侍郎嘉靖初進南禮部尚書致仕懋懋懷坦蕩不修城府望之龐朴即之和厚聽其言開心見誠人與之交則親與之言則信或以不情處之亦不億逆也居常無甚異同及語道理談經義窮深入微如寸莛撞鐘迎手而應論天下古今事若生其時履其地處分其成虧然後知其於書無所不讀於理無所不會衣服飲食官室器用隨寓而安凡

聖學

卷之四

十

九

百嗜好一不以入其心筮仕九轉至八座居官不過十年歷俸僅滿三考其難進易退之節世尤高之姜僉事麟贊之曰喜怒不形於色恩怨不繫於心矜伐不出諸口驕泰不措於身碩膚不自見小疵不自掩以闇然自命可謂稱情矣楊文恪贊曰儒雅如黃木軒豪邁如莊定山公欽華就實獨立其間風節如羅一峯習靜如陳白沙公既博復約自成一家至於收四海無瑕之譽膺五福無疆之年此則同時諸老未有或之先者也嗚呼在漢東都不爲危言之叔度在宋鵞湖不立異論之伯

恭公之謂矣卒年八十八贈太子少保謚文懿子孫皆天晚有子接特恩與國子生從子拯歷官工部尚書有才行褒公遺稿若干卷藏於家極自有傳

賀醫間先生 子士諸附

賀欽字克恭世家走海其先成廣寧後屯爲遼西人少穎敏沉厚好學偶得近思錄朝夕玩讀得其旨要遂厭俗學成化二年舉進士爲戶科給事中見白沙論學歎曰至性不顯寶藏猶霾世卽用我而我奚以爲用卽日上疏解官去執弟子禮事白沙既別肖其像懸室中事

聖學

卷之四

五

此

之甚謹泰陵初薦授陝西參議撫治商洛以老病母憂上疏懇辭且陳四事一曰資真儒以講聖學謂今日急務莫先於講學而經筵勸講之官所謂師友之臣尤當訪求真儒以克其任不宜苟以俗儒廁其間二曰薦賢才以輔治道謂新會縣歷事監生陳獻章天性高明學術純正誠當世之大賢爲士夫之矜式宜以非常之禮起之或任內閣俾參大政或任經筵使養 君德三曰導祖訓以處內官謂內府監司局庫衙門載之 祖訓內官條其職掌不過洒掃供養關防出入等事而已近

年如王振喜寧舒良王誠曹吉祥牛玉汪直尚銘梁方陳喜輩或陷主虜廷身叛賊境或主易儲君禁錮南內或謀爲不軌賄易后妃或邀功啓釁流毒邊徼或恃寵招權納賂不貲或引用左道蠱惑上心或導進淫巧盜虎府庫此其陷君誤國蠹政殃民昭昭在人耳目者也宜深鑒已往之弊永絕方來之禍內不可使職掌奏牘得預大政外不可使鎮守地方掌握兵權則非惟爲國家無疆之福亦宦官無疆之福也四曰典禮樂以化天下謂陛下紹基之初罷黜浮屠妄誕之邪術舉行

聖學

卷之四

志

光緒堂

朱子喪葬之正禮真所謂守成業而致盛治也但初政之施方發其端而頹敗之俗尚仍其舊禮讓之化未行淫穢之風日甚乞申明正禮之當行革去教坊之俗樂則國不異政家不殊俗而風俗自美民心自善疏人報聞允辭四年逆瑾括田東人驚疑思亂義州以守臣貪故遂先發聚衆縱火劫財大擾然相戒曰毋入東街驚賀黃門欽往諭曰渠輩既知悔卽不殺人可解鎮城當有人至爾輩直拜跪求生慎毋殺人已而鎮撫人果至須臾又言軍至且勦衆復呼噪曰賀黃門無謾語又趨

跪欽里門欽曰城中擾亂至此鎮城焉得不發兵兵雖至爾等第不殺人必宥爾無恐衆遂定城中不傷一人欽不務博覽專讀五經四書小學靜思默識反身實踐冠婚喪祭遵用家禮每教人讀白鹿洞規小學鄉人由是興於行義老更好易究心象數手不釋卷卒鄉人祠之凌溪釣臺子士諮鄉貢士博學篤行嘗陳十二事論主政不報辭疾歸終身不仕

陽明王伯安先生

王守仁字伯安餘姚人父華成化十七年進士第一人

聖學

卷之四

志

光緒堂

歷官南吏部尚書守仁少有才名弘治五年與胡端敏孫忠烈同舉鄉試中弘治十二年二甲授刑部主事日事案牘夜歸必然燈讀經史過勞苦得疾歸闕陽明洞與山人王文祿許璋輩靜坐爲養生久之漸悟外求之非甲子聘考山東鄉試改兵部職方主事正德初逆瑾亂政守仁首抗疏論其罪狀瑾怒杖之關下謫貴州龍場驛丞始至爰聚棘間夷氓相與伐木爲何陋軒玩易窩以居日夜端居默坐澄心內觀一夕忽大悟踊躍若狂以所記憶五經之言一一脗合遂卓然自信以致良

知爲聖門秘旨。體究日精益求精。洞朗無礙。四年起令廬陵。是年瑾誅。歷遷吏部主事。日與士大夫孜孜問學。有僚友執弟子禮者。尋遷南鴻臚卿。門人日進。南贛賊起。朝廷議用兵。兵部尚書王瓊力薦之。拜食都御史。往撫南贛。汀漳等處。當是時。宸濠久蓄異謀。結羣盜爲爪牙。四出標掠。聚衆至數十萬。諸撫臣相視莫敢誰何。守仁至。贛日夜練兵。教射名計。洞賊實以備濠。因自請提督軍務。得便宜行事。王瓊素奇守仁。以爲不如是不辯。請上。卽與守仁兵符。改提督。由是進攻橫水。左溪。桶岡。荆

理學

卷之四

本

九

頭諸洞。臭悉平之。軍威大振。班師至贛。開書院。日進諸生講學。不輟。又設社學。立保甲。弦誦之聲。徧於嶺北。十四年六月。宸濠反。守仁道勘事福建。道經豐城。縣令顧泌告守仁。宸濠反狀。守仁指心籲天。誓不與賊俱生。急走小舸。至吉安。與知府伍文定謀起兵。討賊。發檄召江西知府邢珣等兵。又密遣謀四出。投檄言京師及湖廣廣東西南。各發兵共數十萬。以疑宸濠。使不敢出南昌。賊果疑四路兵至。不敢出。遲回半月。日乃出南昌。攻南康。九江安慶。而守仁兵則已大集矣。卽傳

檄罵宸濠。賊遣人密書與賊心腹李士實劉養正及閔廿四吳十三。若有約。內應者。宸濠得致書人及書。遂疑士實等。士實勸宸濠去安慶。直趨南京。否。徑出斬黃超。京師宸濠不聽。守仁遂進兵攻南昌。擒其居守宜春王拱條及宸濠子三哥四哥。宸濠時攻安慶。聞而解圍。回顧巢穴。守仁迎戰。樵舍縱火。急攻。大破之。擒宸濠及其子大哥。當是時。南京大震。非守仁在上。流疑賊賊不犯南京。必走斬黃守仁。旣擒宸濠。諸奸佞江彬等導上南巡。下詔親征。諸奸佞巧言詭譎。百計欲去守仁。是時

理學

卷之四

九

光

宸濠未死。諸奸佞素通宸濠。得金錢者多在。上左右頗有異謀。畏守仁不敢發。守仁深機曲筭。內戢凶佞。外防賊黨。撫定瘡痍。激勵將士。日夜如對敵。宸濠旣得伏誅。內閣大臣素惡王瓊。因忌守仁。以提督軍務得專制。召兵平賊。歸功瓊。久之。不賞嘉靖。改元詔錄守仁功。封新建伯。兼南京兵部尚書。恭贊機務。遣使迎至京。宴勞。諸忌者又以賜宴勞費爲辭。嗾言官論沮之。不使至。京。壬午丁外艱。居越六年。竟不召。四方從遊之士輻輳於稽山。所在官利幾滿。時論益哄。然詆爲僞學。亦不顧

常語諸生曰。不患言謗。唯患以身謗。岑猛之叛。兩廣聚兵討猛。猛死。田州而其黨蘓盧王受相結再叛。益發四省兵。嶺南大困。起守仁以代姚鏌。守仁至。開示恩信。班師。撤旅。蘓受等自縛來歸。守仁薄示懲遣。歸農。刻石勒銘。以示後人。乃諭蘓等。朝廷宥爾。宜有以報皇恩。衆皆頓首願效死。守仁因八寨反側。又毒嶺表。密與蘓等約。期日去。又先因永樂保靖土兵。自嶺南還。密與領兵官約。過八寨。與蘓受等兵相犄角。徑搗其巢。或遏其前。或截其後。或張左右翼夾擊之。誅斬萬計。而八寨亦平。桂

聖學

卷之四

三

光緒堂

文襄素忌守仁。言守仁挾詐專兵。時守仁已病。乞致仕。至南安卒。桂又言守仁擒宸濠。攻城紀律不減。奏捷誇張已甚。及斥守仁學術不端。壞士習。乞削奪官爵。上憐守仁功。但停卹典。子不得嗣封而已。隆慶改元。廷臣以請。乃追贈新建侯。賜祭葬。謚文成。給券世襲。萬曆甲申。採廷議。祀孔廟。守仁天資超絕。少喜任俠。長好詞章。仙釋既而以斯道爲己任。以聖人爲必可至。平生無一時一念不在於學。雖軍旅勦勦中。每與諸生相對。笑談指揮。不動聲色。經歷危變。益信良知真足以忘患難。出

生死。故晚年時時舉以示人曰。吾此學。從百死千難中得來。豈可易說。或言以守仁氣節文章政事勲業足蓋一世。只除却講學一事。便是完人。守仁答曰。某但願從事講學。不願其他。人謂守仁豪傑之才。聖賢之學。國朝理學諸臣。無出其右。所著有陽明集。居夷集。五經臆說。大學古本旁註。及門人所記傳習錄。所纂則言行於世。鄭端簡曉曰。王公才高學邃。兼資文武。近世名卿。鮮能及之。特以講學故。衆口交訾。蓋公功名昭揭。不可蓋覆。唯學術邪正未易銓測。以是指斥。則讒說易行。媚心稱

聖學

卷之四

三

光緒堂

俞本素先生

俞繪。字本素。越人。少負意氣。爲父兄服里正役。輸糧後海。時有閩寇。給統民兵。有斬艾功。不自敘。年方二十有

理學

卷之四

三

光緒堂

七狀貌甚偉邑大夫見輒奇之曰此非凡夫乃命補校
官弟子員始習文字邑少俊以其晚學頗易之繪不校
益自奮不數載薦於鄉爲養就款訓導時郡有閭經歷
者薛文清公高弟也名禹錫由國子監丞以言事落職
繪日與講明正學陳督學士賢方以古道勵士於繪雅
相愛重每稱之曰若人體用之學非章句學究與識時
措大而已特章薦之沮於時例弗召以年資遷崇陽學
教諭身教益嚴崇陽俗信浮屠繪著閑道錄具述求福
田淨土之無益於得者開化之幸士人習文公家禮邑
俗大變致政家居者四十年未嘗苟出謁間以讀法乞
言一至郡城老少男婦爭聚觀之莫不額手致敬曰俞
先生俞先生其爲舉子時赴禮部試貸沛令同邑馮公
千金繪官歿時馮公下世矣遺金還其子珏珏以無券
弗受繪曰貸金無券馮信我也若遂弗償貸馮多矣使
馮復生其謂我何爲文告其墓固與珏乃受官雖司教
聞朝政得失未嘗不憂喜憲廟時羅倫章林以言被
謫繪在欽抗疏請以已官贖倫等罪天下壯之其孝弟
友愛尤出天性達於家邦至死無瑕曩云

敬齋鄭孔明先生

理學

卷之四

三

光緒堂

鄭侂字孔明世家常山之象湖三歲聞父母哭而知哀
五歲誦故事十三讀書治舉子業文理蔚然二十爲博
士弟子員及省試一再不合弃之曰顯親揚名恐不在
是也乃走豐城拜於丁潛軒之門求踐履實學乃復見
吳康齋先生於崇仁康齋曰此間工夫非朝夕可得恐
誤子遠來對曰此心放逸已久求先生收之耳敢欲速
乎因受小學日自驗於身心徐得聞四子六籍之要久
之於道若有見焉乃歸築室於龍池之上日取諸儒論
議一切折衷於朱子凡古載籍靡不讀但不讀佛老之
書嘗謂其毀肢體滅人倫卽不容誅又何待讀其書而
後辨其謬哉一時名儒若蘭谿章楓山開化吾文山南
昌張東白皆相與可否所著有易義發明卦贊讀史管
見觀物餘論蛙鳴集凡十餘萬言惜以燬燼其所存者
僅十之一云侂執喪極哀祠墓殯葬一本之家禮談義
學立社倉事事皆着實地上做要非所謂瑣屑破碎者
故自號曰敬齋又曰斷迷子蓋有得於康齋者學者稱
之曰敬齋先生

梓溪舒國裳先生

舒芬字國裳其先爲東陽人自東陽三遷至梓溪學者稱爲梓溪先生以詩經領正德丁卯鄉薦明年卒業南宮嘗夜分不寐於書無所不讀而實勵志於聖賢之學最喜濂溪嘗稱爲中興之聖因著太極釋義通書釋義又作易箋問七十餘條一時深於理學者無不推服焉丁丑中會試第十一名廷對御賜第一甲第一名授官翰林院修撰疏乞終養不許時車駕議以三月十九日警道東巡祀岱宗歷徐楊抵南京下蘓杭復沂江漢登理學
春之印
太嶽且遍中土繁麗先是宸濠又蓄異謀又結陸完錢寧輩爲內應而帝星又明於江漢間士大夫非忠義素定者輒懷疑貳故一聞駕出人情洶洶懼禍不測以爲天下之事不可爲矣芬乃慷慨首議曰車駕出必不利此社稷安危之所繫也十五日早疏先入乞留駕言甚激烈有曰痛哭泣血不忍爲陛下言者江右有親王之變大臣懷馮道之心以祿位爲故物以朝署爲市廛以陛下爲奕棋以革除年間事爲故事也復刺閣中謂一切危亡之跡不苦言以拯而聽主之自壞又邀夏

考功良勝萬儀制朝陳太常九門至邸中酌以酒贊之曰匹夫不可奪志今日之事當先諫無二是夕遂連疏入時號江西四君子且以告諸同志明日吏部郎張衍瑞等兵部黃鞏陸震等刑部陸偉等疏俱入又明日禮部姜龍等兵部孫鳳等行人司余廷瓚等疏俱入又有太醫院醫士徐鑒以醫諫車駕遂不果出乃二十日天威震怒命舒芬等百有七人於午門外跪五日未辰而入終酉而退分嚴整無異平時二十五日戊午命舒芬等於午門外褫衣杖三十芬以疏首杖特甚惟口呼高廟之靈冀以感動上心杖畢幾死卧院中掌院者懼禍至使人標出之芬屹不爲動曰吾官於此當死於此又命爲首者調外任遂謫福建市泊副提舉卽裹瘡就道或勸俟痊曰死吾分也敢少留邪是時死而復蘇相傳爲野祭既至布德宣威遠夷心服暇則講學不倦生徒日衆未幾宸濠果反芬時以外艱歸而鄉多宸濠餘黨抄掠未已。有請避之者芬泣曰父柩在堂避將焉往堅卧苦塊間不爲動辛巳夏世宗皇帝入繼大統諸竄謫者皆詔起復官翰林陞俸一級三年乞致仕以

便就養。疏四上不允。乞改選以便養。又不允時。世宗欲尊。典獻王爲皇帝。爲皇考。命下羣臣議。芬執議。謂爲人後者。爲之子。不得顧私親。疏凡三上。固爭不得。乃率朝紳痛哭於廟。皇帝震怒。杖如前。幾死。奪俸三月。明年以內艱歸。生平酷好周禮。詳加訂正。作五官序辨五卷。六官圖釋一卷。別爲一卷。既乃校定正經六卷。總之十有三卷。題曰周禮定本。未幾以微疾卒。芬幼卽以聖賢自期。不屑爲博物洽聞之士。嘗悼異學之謬曰。是大亂真而善惑人者也。空言辨之。無如修其本以勝之。

聖學
卷之四
手
光緒堂

因取周子聖學有要數語。書之座右。顧謾而力行之曰。此可以邇洙泗之源矣。嘗謂太極圖亦則河圖與伏羲同功。而不滿先儒本於易之說。又謂漁溪得斯道之正脉。而直責程正叔之外師。至於周禮一書。嘗責漢儒多附會之罪。宋儒乏表章之功。謂周禮與儀禮載記。猶蜀之於吳魏也。賈氏以儀禮爲本。周禮爲末。謬妄已甚。朱子不一正之。何也。五經嘗疏論數萬言。闢其幽趣。大抵皆有功於聖門。而周禮尤爲有賴。非確然見道之真者。不能也。端居終日讀書治事。未嘗晝寢。夜必計過。自訟。

凡視聽言動。必準諸禮。而不敢少失尺寸。居常溫清定省。出於誠篤。比列侍從。卽委身於國。曰。此太史公教也。至於以犯顏諍君。爲悅親之實。以不媿屋漏。爲無忝所生之實。凡宗社大計。如諫南巡之類。綱常大禮。如議大禮之類。勤勤懇懇。必要諸大道。而不敢以末世苟且之說雜焉。通籍十年。義氣激發。諫而杖。杖而竄。又復諫。又復杖。而絕無一毫得失之心。死生利害之念。與朋友相劇切。無幾微矯飾。尤善成就後學。與之講論。事理慊慊於心術之正。嘗語人曰。爵祿不入於心。溝壑不忘於念。

聖學
卷之四
手
光緒堂

以故門下之士。恪守其教。多爲世名卿者。居疾中。矩度毫髮不踰臨終。沐浴自告於廟。入室少坐。曰。此非廳也。卽徐步至廳。自整衣冠。端嚴不動。長子泣問疾。不答。問家事。不答。跪請所欲言。乃瞪目謂曰。六經大明於世。惟周禮未獲表章。子生平精力。用在此書。近年重加校定。幸成全經。知我罪我。我不敢知。第未及進爲歎爾。爾其無忘乃父之志。言畢而逝。年僅四十有四。葬於新建象山之原。

黃宗賢先生

黃綰字宗賢黃岩人幼承祖廕弱冠優通詩義尤善古詩文一日因感橫渠論廕襲語遂棄舉子業師謝文肅鐸毅然以聖賢自期揭座右曰窮師孔孟達法伊周隱紫霄山中歷寒暑十餘年勤讀苦思學益克裕以母命強出仕授後軍都事三疏乞養歸與王陽明湛甘泉二先生訂終身盟講明絕學共扶世教一意恬退家居幾十年嘉靖改元詔徵遺逸以薦起爲南京都察院經歷適大禮議起上用何淵議欲以獻帝入祀太廟舉朝莫敢沮綰特疏諫而寢歷陞光祿寺少卿纂修明倫大

聖學

卷之四

五

光緒堂

典時王陽明江右功成忌者議奪綰力疏辨之乃明陞大理少卿選入翰林改少詹兼侍講學士充講官上曰爾以不羣之才卓越之見故超資寵用以圖弘功大典書成陞詹事仍兼侍讀學士晉南京禮部右侍郎帶管操江事未幾轉左道大同倡亂奉勅往撫計擒首惡張玉等二百餘名而一方之人遂靖明年乙未知貢舉甫竣事以憂去服闋時有安南之亂起爲禮部尚書兼翰林院學士克安南正使其區處事宜歷有章疏啓行間朝指樞相賍私遂攝令閒住歸抵家遷居翠屏山中

杜門謝客布衣草屨超然於塵壒之表遠近學者爭趨事之切劘討論終夕不倦所著有四書五經原本明道編石龍集石龍奏議思古堂筆記家訓等書卒年七十有五

周以善先生

周積字以善號二峯天性篤誠潛心理學專務實踐動準古人蚤師章楓山繼受易於蔡虛齋舉鄉薦師王陽明其友王龍谿綴序其文集曰君子之學貴於聞道君於楓山得其曠於虛齋得其博於先師得立誠之旨多

聖學

卷之四

五

光緒堂

所發明可謂信道有聞者也著讀易管見啓沃錄山中目錄圖說二峯摘藁諸集歷南安推官沅州知州皆有惠愛於民民爲立石頌德仕至長史

應天壽先生

應典字天壽性沉篤刻志問學登正德甲戌進士授職方司主事與江山周文典論學有悟遂引疾歸與僊居應良黃岩黃綰過從講切又師餘姚王守仁受致良知之旨建書院於壽山集諸生講學四方會者常百餘人再起兵部車駕司主事念母病目無見復引疾歸養而

母目針療忽明人謂孝感朝紳多論薦不赴自釋褐至
啓手足名在仕籍三十年前後兩任僅一考而已

徐曰仁先生

徐愛字曰仁餘姚人正德戊辰進士出知祁州還南京
工部員外歷郎中愛娶於王蓋文成之妹婿也弱冠領
鄉薦適文成自龍場歸論學稽山愛深契之遂執贄稱
弟子奮然以聖學爲已任後數年壬申文成自考功還
南太僕愛亦自祁還南工部同舟歸越論大學宗旨益
踴躍痛快如醉如醒者數日傳習錄卽是時所編也其

卷之四

三

光緒

自叙云愛因舊說汨沒始聞先生之教實駭愕不定無
入頭處其後聞之既久漸知反身實踐然後始信先生
之學爲孔門嫡傳舍是皆旁蹊小徑斷港絕河矣如說
格物是誠意工夫明善是誠身工夫窮理是盡性工夫
道問學是尊德性工夫博文是約禮工夫惟精是惟一
工夫諸如此類皆落落難合其後思之既久不覺手舞
足蹈既而與文成同官南都愛性最警敏聞言卽悟又
善發其旨時四方同志雲集文成至不能應每令愛分
接之咸得所欲而去文成有南頓之命愛亦請告歸方

與諸門人謀畊膏上之田以待其歸而竟以疾終矣年
財三十有一也計聞文成哭之慟愛嘗遊南嶽夢一瞿
曇撫其背曰爾與顏子同德亦與顏子同壽文成每語
輒傷之在祁值劉六劉七之亂有保障功嘗疏陳十事
多見採納居南工庶勤克舉其職其墓在山陰之大峯
山而子孫微矣

龍溪王汝中先生

王畿字汝中山陰人學者稱龍溪先生正德嘉靖間王
文成倡明理學以致良知爲宗郡人駭而不信畿首往

卷之四

三

光緒

受業焉弱冠以高才領鄉薦士望之爲去就及是以所
聞出爲諸士言願從者日衆嘉靖癸未試禮部不第立
焚傳歸卒業於師門文成爲治靜室居之踰年大悟曰
致良知三字誰不聞信得及者唯我也丙戌復當會試
文成命往不答文成曰吾非欲以一第榮子顧吾之學
疑信者半而吾及門士朴厚者未通解穎慧者乏沉毅
能闡明之者無踰子今宦學者咸集都門子盍往焉畿
曰諾抵都歐陽南野魏水洲王璠湖泊郡縣入覲諸同
志爭迎畿與相辯證大爲推服入場屋所爲文直寫已

見不數數於時格識者謂此非可以文士伎倆較也。援置高等而同門錢緒山亦在選時閣部大臣多不喜學。畿語緒山曰此非吾輩仕時也不就廷試而還時師門來學者衆文成不能徧指授則屬畿與緒山分教之而畿所興起爲多文成論學每提四句爲教法無善無惡心之體有善有惡意之動知善知惡是良知爲善去惡是格物緒山謂此是師門定本不可更易畿謂夫子隨時立教謂之權法未可執定體用顯微只是一機心意知物只是一事若悟心是無善無惡之心意即是無善

聖學

卷之四

王

光緒堂

無惡之意知即是無善無惡之知物即是無善無惡之物蓋無心之心則藏密無意之意則應圓無知之知則體寂無物之物則用神天命之性神感神應惡固本無善亦不得而有也是謂無善無惡若有善有惡則意動於物非自然之流行著於有矣自性流行者動而無動著於有者動而動也意是心之所發若有善有惡之意則知與物一齊皆有心亦不可謂之無矣緒山曰若是是壞師門教法非善學也畿曰學須自證自悟若執權法以爲定本未免滯於言詮亦非善學也時文成將

有兩廣之行緒山曰吾二人所見不同盡相與就正焉晚坐天泉橋上因各以所見請質文成曰正要二子有此一問吾教法原有此兩種四無之說爲上根人立教四有之說爲中根以下人立教上根之人悟得無善無惡之體便是無處立根基意與知物皆從無生一了百當即是本體便是工夫頓悟之學也中根以下之人未悟本體未免在有善有惡上立根基意與知物皆從有生須用爲善去惡工夫隨處對治使之微微入悟從有歸無復還本體及其成功一也汝中所見是接上根人

聖學

卷之四

王

光緒堂

教法德洪所見是接中根以下人教法汝中所見我久欲發恐人信不及徒爲躐等今既說破亦是天機該發洩時但吾人凡心未了雖已得悟不妨隨時用漸修工夫不如此不足以超凡聖所謂上乘兼修中下也德洪資性沉毅汝中資性明朗故其學亦因其所近若互相取益使吾教法上下皆通始爲善學耳自此海內相傳天泉相證道脉始歸於一云文成至洪都鄒東郭暨水洲南野率門人三百餘人請益文成曰吾雖出山汝中與同志里居究竟此事諸君只裏糧往浙相與質之當

聖學

卷之四

三

光緒堂

有證也。明年文成平思田歸卒於南安。畿方借緒山赴廷試，聞變渡江復返，迎至嚴灘，與緒山議服制。緒山以爲父母在麻衣布絰，不敢加焉。畿請服斬衰，以從於是。其奔至廣信，成喪扶輿歸，越經紀喪事，廬於墓，定服心喪三年。建天真書院於省，省文成像其中，且以館四方來學者。歲舉春秋仲丁之祭，無間及門私淑，胥以期集祭畢，分席講堂，各呈所見，以取正焉。心喪畢，壬辰始起，延對授南職方主事，尋以病乞歸，病已待補，時相夏桂溪言議選官僚，其姪吳儀制春畿門生也，首以畿薦。桂溪曰：「吾亦聞之，但爲文選所阻，一往投刺，乃可。」畿謝曰：「補官僚而求之，非所願也。」貴溪怒曰：「人投汝懷，乃敢却耶？」若負道學名，視吾爲何如人？遂大恨。畿補南武選會三殿災，詔求直言，六科疏薦王畿，學有淵源，宜列清班。備顧問，貴溪票旨詆爲僞學，而罷薦。首都給事戚賢官畿再疏乞休，銓司報予告矣。竟以大察去，畿名雖高，仕竟不達，然終不以其動其心，而孽孽以講學爲務所至，接引無倦色。自兩都吳楚閩粵，皆有講舍，江浙尤盛，會常數百人，年八十餘，猶不廢出游，嘗曰：「吾百念已灰而」

聖學

卷之四

三

光緒堂

耿耿於心，不容自己者有二：師門宗說，幸有所聞，常年出游，思得一二法器，相與証明，衍此一脉，天壤悠悠，誰當負荷？六經四書之文，厄於後儒之臆測附會，道晦學荒，蓋千百年於茲矣。先師首倡良知之旨，千聖學脉，賴以復續，不肖晨夕參侍，謬承受記，時舉六經疑義，面相指授，欣然有辨，稽諸遺編，所可徵者，十纔一二。衰年日力有限，若復秘而不傳，後將復晦師門之罪人也。思得偕同志數輩，相與辯析折衷，問舉所聞，編摩纂輯，勒爲成典，戴之名山，以俟後聖於無窮，豈惟道脉足徵，亦將以圖報師門於萬一也。萬曆癸未卒，年八十六。

周元峯先生

周任，衡之江山人，與弟積師事章文懿公，講明理學，潛心體究，登弘治乙丑進士，預修孝廟實錄，時逆瑾用事，誘以殊擢，不聽，乃補莆田縣令，陞刑部主事。武宗南巡，陸震以直諫下獄，抗疏拯之，後出守梧州，地方多事，以勞瘁致疾卒於官。其平生師友畫一時名賢如王陽明、耿敷夫、魏莊渠，講明理學，務求真是，直欲追古聖賢而後已。有元峯文集若干卷，藏於家。

季明德先生

季本字明德會稽人少受春秋於其兄本遂以經名諸生中弱冠舉於鄉尋丁父母憂自是家居者十二年未嘗一日釋卷於書無所不讀每讀一書必究其顛末乃已已而師事新建獲聞致良知之旨乃悉悔其舊學而一意六經潛心體究久之既浸淫懼學者驚於空虛則欲身挽其弊著書數百萬言大都精考索務實踐以究王文成未發之旨歷仕與處從游者數百人時講學者多以自然爲宗而厭拘檢因爲龍惕說以反之大旨以龍喻心以龍之驚惕而主變化喻心之主宰常惺其要歸于自然而用功則有所先間以質諸同志或然或否卒自信其說不爲動始以進士理建寧務在平反無成心及召爲御史以言事謫升沉者二十年止長沙守其爲政急大節略小嫌絕不知有世情卒以是詎歸歸二十餘年家徒四壁立借居禪林以著書談道爲樂卒之年七十有九矣疾且革猶進門人於榻前講易孳孳如平時其爲人表裏洞達無城府人人樂親之歿既十餘年而鄉人士益思慕不已相與建祠禹蹟寺西林顏

曰景賢又買田若干畝以供祭祀所著有廟制考義春秋私考讀禮疑圖四書私存孔孟圖譜樂律纂要律呂別書著法別傳說理會編詩說解順易學四同凡百二十卷藏祠中

從吾董子濤先生

董濤字子濤號蘿石塩官人以能詩名海內與其鄉之業詩者十數輩爲詩社旦夕吟詠至廢寢食遺生業時俗共非之不顧以爲是天下之至樂也比游會稽時年六十有八矣聞王文成講學山中以杖肩其瓢笠詩卷訪之入門長揖踞止坐交成異其氣宇且年老矣禮敬之又詢知其董蘿石也與之語連日夜蘿石退謂何生泰曰吾見世之儒者支離瑣屑修飾邊幅若木偶人其下者貪鬻爭奪於富貴利欲之場而常不屑其所爲以爲世豈真有所謂聖賢之學乎直假道於是以求濟其私耳故遂篤志於詩而放浪於山水今吾聞夫子良知之說而忽若大寐之得醒然後知吾向之所爲日夜弊精勞力者其與世之營營利祿之徒特清濁之分而其間不能以寸也幸哉吾非至於夫子之門則幾於虛此

生矣。吾將北面夫子而終身焉。得無以既老而有所不可乎。秦起拜賀曰：先生之年則老矣，先生之志何壯哉！入以請於文成，文成喟然嘆曰：有是哉！吾未或見此翁也。雖然，齒長於我矣，師友一也。苟吾言之見信，奚必北面而後爲禮乎？蘿石聞之曰：夫子殆以予誠之未積與？辭歸兩月，棄其瓢笠，持一縑而來，謂秦曰：此吾老妻之所織也。吾之誠積若茲縑矣。夫子其許我乎？秦入以請。文成曰：有是哉！吾未或見此翁也。今之後生晚進，苟知執筆爲文辭，稍記習訓誥，則已倏然自大，不復知有從

聖學

卷之四

五

光碧堂

師學問之事，今翁以能詩訓後進，從之遊者遍江湖，蓋居然先輩矣。一旦聞予言而棄去，數十年之成業如弊屣，遂求北面而屈禮焉。非天下之大勇，其孰能與於此？則如蘿石固吾之師也，而吾豈足以師蘿石乎？蘿石曰：甚哉！夫子之拒我也，吾不能以俟請矣。入而強納拜焉。文成固辭不獲，則許之。以師友之間，與之探禹穴，登廬峯，陟秦望，尋蘭亭之遺跡，徜徉於雲門若耶，鑑湖剡曲，蘿石日有聞益，竟然自得，欣然樂而忘歸也。其鄉黨之子弟親友，與其平日之爲社者，或笑而非之，或爲詩而

招之，遂且曰：翁老矣，何自苦若是？蘿石笑曰：吾方幸逃於苦海，方知閔若之自苦也。顧以吾爲苦耶？吾方揚鬚於渤海，而振羽於雲霄之上，安能復投網罟而入樊籠乎？去矣！吾將從吾之所好，自號曰從吾道人。子穀仕至漢陽太守，亦精於名理，有四存稿行於世，穀自有傳。

甌東項遷之先生

項喬字遷之，永嘉人。其學以實行爲主，而輔以理義。其始於傳註文義，專而有聲，已而博極經史，融液理奧，不主一家。當於心，雖下士所言，世之詆毀厭惡者，不敢忽。

聖學

卷之四

五

光碧堂

不當於心。雖大儒所言，世之嚴奉尊信者，不敢從其意，以爲必當於心，而後可以措之行，以成吾身。不然，是所言者皆浮辭也。研窮探索，向慕甚遠，恂恂慙慙，動有準繩，自起居食息服器之用，父子兄弟鄉黨親族之間，靡不檢飭，務合於古人之簡朴敦厚而後已。以進士官郎署，出爲撫廬河間三郡，旣擢湖廣按察副使，以誣誤例謫州郡，稍起還舊復，以誣構下詔獄，未幾得復職旋陞廣東布政司左叅議，素爲同郡張文忠相公所知，試進士，數欲推轂不聽，以故不得上第。選庶吉士，避不赴考。

部察以南北散要爲輕重始除主事卽得南京工部比調北會舉主事改御史編修兩不與名又將自武選調吏部考功三辭乃免顧益感激數上書言時事其後自郡至藩省十有八年淹矣故舊滿銓館多移書相勞苦裁答忠亮不一及已私勢利所在若執熱就深不敢滿過至於蒞政臨民慮遠防漸不啻治家無絲髮漏算起廢祛蠹雖要途名人不避所至以文學飭治務與士民相休息而一以實心煦燠之跡其治行卽在漢世循吏傳中已爲稱潤罕見世之肅靜退抑者衆矣類限於才

聖學

卷之四

聖

光緒堂

請求過不暇或巧避職任爾使其力足以振功伐文足以張譽望卽校僕矜飭競勝嗜進不遑孰甘黜闇人後耶以喬之修習卽無宦業一時鮮與相亞而所歷又復磊磊若此可不謂難哉蓋其所學雖不必有所師承而一本於心之精思其所言雖不必有所專主而一據夫身之歷試永嘉自有宋以來專門理學者數十人如林塘與之介二劉之厚陳說書之直周文忠之毅林景文之質許橫塘之政事皆足表著使喬生當其時上下議論固不知孰爲低昂明與薛吳之後絕學復倡至白沙

陽明兩夫子出而道一光學者苟無先入皆有窺覷喬獨崛起孤立不肯輕徇以爲黨援卽其著書滿家亦不肯輕出視人以立門戶至與同志者論議稍異必往復辨析弗明弗止自儒生以至顯貴自平居以至行役未嘗一日去書亦未嘗一日不札記其意以爲措之行則亦可筆之書以質於人不然其所行者皆億中也故其視天下無一不可處之地亦無不可爲之時凡衆之所難堪與俗之所甚忌者一不以戚其心而回其意蓋自考其學者有在也卒年六十學者稱爲甌東先生

聖學

卷之四

聖

光緒堂

李侯璧先生

李珙字侯璧永康人由歲貢授東鄉訓導陞淑浦教諭嘉靖乙丑詔拔異材以風羣吏當道薦珙擢大理評事珙蚤有志理學徒步見陽明先生於越先生授以致良知之訣珙悟獨居精思盡得其旨於是同門錢緒山王龍溪輩推重之在東鄉當道聘主豫章書院教事及澈浦日與同志訂會所至發明師訓聽從者衆平居不事生業死之日惟曰只此見在良知吾今緊密受用性命皆了古所謂得正而斃者珙之謂與所著有質疑稿若

千卷

一山王體仁先生

王愛字體仁秀水人父朴爲徐聞令有德政年五十始舉體仁因名之曰愛愛羹墻父訓以聖賢自期已而聞一庵唐先生講學君中負笈從之遊得聞討真心之說已又受業於王龍溪先生盡聞王文成致良知之旨愛往來吳越間以兩先生言相印可益悟良知不察情識卽是真心一落情識卽非真心兩家互相發明初無抵牾自是學益有進癸卯舉於鄉凡五上南宮輒不售愛

聖學

卷之四

聖

光緒堂

不爲動好言學如諸生時公車往來益徧交海內諸名流相與推明師說已未舉進士場中得其文驚歎以爲陸子靜之流請教職將行所聞以淑後進得順天府學日夕與諸生講究以身示之鵠蹈星履繩都人士瞿然顧化時稱人師未幾遷國子監丞陶鑄六館如所以教京兆者擢刑部山西司主事以遷葬得請歸遂不復出歸凡十年好學不倦時與吳越兩先生及諸同志研討日益精嘗語學者曰學以自檢檢人則隘學以容人自容則舛君子以爲名言堂中懸八戒以自警守徐聞故

業室不益棧田不拓畔蕭然寒素卽饘粥不給晏如也

至於急人之難慷慨赴義又奮身不辭上虞同門生徐學詩以論劾分宜削籍貧甚不能爲子娶婦愛傾橐中百金以完其婚他行多類是性朗豁溫夷絕無城府人遇之者如坐春風中及卒神色不亂顧謂諸子曰我生平無善狀惟於此學稍有窺見庶幾得全歸以無負爾祖命名之意從容詠黃鶴詩而逝學者因其自號稱之曰一山先生

東山張仲衡先生

聖學

卷之四

聖

光緒堂

張時宜字仲衡先世爲寧波人宣德間名洪者爲鶴慶司理貧不能歸遂占籍劍川之上和村時宜幼穎敏善屬文弱冠廩於學官嘉靖壬辰升入太學時監丞傅士閱其文深嘉歎羨惜其不遇一解及部試廷試皆列名上等除四川崇慶州學正尋遷貴州程蕃府學教授時宜以師傳自重以講學明道爲業諸生有志率循者盡革其舊習而不能者亦勉強不敢後在職數年惓惓以古道教士行冠禮以化椎髻倡學田以贍貧士人多從之時宜爲人方正不阿鄉飲司正席與主並太守欲抑

之時宜曰。此坐於教職。何榮著在令甲。不可易也。竟不能奪監司諸大夫。見其法古。初謂其迂。既而有成。皆翕然敬而愛之。丁內艱。歸服闋。補江西建昌教授。郡本文獻士多馴雅。蒞職未幾。從學者日至。時宜益砥礪。勉修職業。冬。士覲感爲之丕變。數月之內。卽駸駸乎有鄒魯風。郡人羅汝芳。倡明道學。與時宜周旋。日不足而繼之以夜。每同遊丹霞麻姑諸山。討論忘歸。嘯歌自得。望之悠然如神仙中人。每登講席。同官侍聽。雖盛暑不敢揮扇。有不覺揮扇者。茫然自失。扇忽墜地。終講竟不敢拾。

聖學 卷之四 光緒堂

取。其爲僚友敬俾如此。一日自思家在萬里。年踰六旬。遂致其事而歸。諸生留程無問老少。皆哭失聲。有追送五六百里者。比歸故山。舊宅蕩沒。乃擇里於鶴之孝廬。村深衣大帶。環堵蕭然。而一家男女皆習白沙陳先生之歌。洋洋乎聲滿閭里。過者起敬。澳之有歌。自時宜始。道逢鄉中老少。諭以孝弟忠信。俗爲之化。有不然者。其父兄必訴於時宜。時宜召而諭之。其人慙服。有誤犯者。悔曰。切莫聞於張先生。東民爲盜。時宜挺身論之。盜卧弓於地。稽首謝而去。卒年七十有六。所著有蘆園子東。

山語錄。東山詩草。詩教等集。行於世。學者稱爲東山先生。

徐仲章先生

徐袍。字仲章。蘭谿人。性英敏。年十二爲邑諸生。初慕左騷史。漢古文辭。所排綴。逼真名家。既而悔曰。雕蟲小技。壯夫不爲。顧顯慕尚正學。當時學瀛洛者。矩范有章。楓山先生在不。敢越步武。新建說出羣隊。爭攻爲異端。袍獨幽探密証。深嗜其旨。手傳習錄。爲贊。稱說以自勉。迪人常恨不得親炙。受業門墻。稱私淑焉。時尊新建者。又

聖學 卷之四 光緒堂

高步騖談。多遺行。而袍內事父母。志物咸備。事伯兄友愛。二弟。卽古三荆。二方不啻也。日取家禮及諸典章儀制。令其族人習行之。又序之譜。以別其嫌。申之禮。以文其陋。族於是彬彬敬讓之風。年未三十。應貢。更以讓其次者。憐其貧也。時華亭徐文貞督學兩浙。標其行爲士林鵠。甲午。領鄉薦。未幾卒。袍早歲以文雄。意不可一世。及潛心聖學。剴落文采。一意力行。內外純白。如夜光之在璞。或爲琬琰。或爲瑚璉。卽良工對之。無得而名。恒與門弟子言曰。所謂儒學者。不失其自然而已。自然者。

天天即理也。理本如是學亦如是。故君子順天學者奉為格訓。以子用光貴贈承德郎工部都水司主事以孫學聚貴晉贈通奉大夫福建右布政使所著有誦餘錄意求錄五經旁註洪範圖楓山實紀仁山年譜各若干卷行於世。

金汝白先生

金賁亨字汝白台州人舉進士第歷官江西提學副使天性剛介力明理學毅然以聖人爲必可至動作語默務與學俱嘗愛橫渠一時放下德性有懈初學當以心

理

非

六

光

爲嚴師及伊川整齊嚴肅則心便一之語日用工夫莊敬嚴密言動有紀細過必錄當留曹謁告時屏居數月取明道延平二先生書反覆潛玩若有會於心一夕夢明道伊川二先生在坐賁亨請前拱揖伊川起謂曰家兄最好工夫覺而大悟乃知前日工夫用意過苦責效太迫反入於銳進助長之病其於澄然真體似未有悟入處由是爲學一以明道爲宗默坐澄心體認天理久之端倪呈露靈明畢照隨處順應不加觀帖真趣日融內外合一於明道所謂不須防檢不須窮索延平所謂

洒然永解凍釋處不覺已優人之矣故其教人必先之

端已範物由身以達諸言其所建立章程施置規模不

爲彌文末務而推明先賢之道以繼前哲表章先儒之

言以淑後人意惻如也在楊舉行四禮斥大僚之冒祀

鄉賢者在貴陽未久而遐邇丕變在閩發明晦庵之學

本之延平豫章龜山明道具有本末端緒闢道南書院

以崇祀五先生由是閩士始知晦庵之學師承之自在

江右選屬郡志行之士羣之白鹿書院親與講論聖賢

爲學次第所以開發成就之者極其懇切士人多所嚮

學

學

卷之四

聖

光

風而惜其不久也賁亨天性孝友自筮仕以至掛冠未嘗一日離父母側居繼母陳安人艱時年已五十餘矣執喪愈謹三年不入私室置於田殿祀事遇其日雖嚴冬甚寒必沐浴齋戒薄田數十畝僅給饘粥皆先世所遺未嘗輕受人一介之餽居鄉非大禮不入公門而於民間利病先哲道脉則孜孜盡心晚尤好易因書其所自得爲學易說至論晦庵之學原其三變象山之學明其非禪尤近世儒者之所未及所著有學易記學書記道南錄大學中庸議象山白沙要語台學源流之集

東白先生應德夫璋

應璋字德夫永康人宋少師孟明九世孫嘗學於楓山先生一見語以黃勉齋所云真實心地刻苦工夫璋佩服不懈先生稱其純篤後膺貢授徽學訓導補長樂再遷羅源教諭正己率人人皆樂從致仕年九十卒學者稱爲東白先生所著有四書索微尚書要略若干卷

陸元靜先生

陸澄字元靜歸安人始謁文成於留都月一至已益親後請掃庠下之堂而且暮侍焉性故豪邁後日雍熙自

聖學

卷之四

聖人

光碧堂

持慊慊自以爲不足也其記文成語首云持志如心痛一心在痛上豈有工夫說閒話管閒事蓋其篤也已欲屏絕文字專於學文成曰此恐志不堅定爲世習所撓之故而云然使在我果無功利之心雖錢穀兵甲搬柴運水何往而非實學何事而非天理況子史詩文之類乎使在我尚存功利之心雖日談道德仁義亦直功利之事況子史詩文之類乎願一洗俗見還復初志當釋然融解矣其後以多病從事於養生文成曰養德養身只是一事果能戒謹不覿恐懼不聞而專制志於是則

仙家所謂神住氣住亦在其中矣堯舜湯文周孔其萬物一體之心當無所不至苟可以長生久視者亦何惜以示人如老子彭錢之徒乃其稟賦實然非可學而至後世如白玉蟾丘長春皆彼學中祖述以爲師者得壽皆不過五六十則所謂長生之說亦必有所指矣元靜但當遺棄聲名清心寡慾一意聖賢不當輕信異道弊精神靡歲月爲也文成於澄最屬意謂曰仁沒吾道益孤致望元靜者不淺澄執父喪毀失明矯湖俗於禮文成爲表其父墓仕至尚書郎

聖學

卷之四

聖人

光碧堂

菴唐子正先生

唐樞字子正歸安人自爲諸生時即有志聖賢之學及舉於鄉卒業南雍遂師事南海湛澤民先生既登制科官比部立朝數月即以建言削籍歸閉門講學信從者衆時慕王文成先生不及見也湛先生稱隨處體認天理王先生稱致良知樞乃兩存而精究之卒標討真心三言爲的時語學者曰夫真心者即虞廷之所謂道心也曰討者學問思辨行之功即虞廷之所謂精一也隨處體認天理其旨該矣而學者或昧於反身尋討致良

知其幾約矣。而學者或失於直任靈明。此討真心之言。不得已而立誠明得真心在我。不二不雜。即所謂體認天理。與致良知之說。渾然合一。如月落萬川。而萬川之月。以一月攝之。澄湛圓明。照徹天地。千古而上。有聖人焉。以真心實之。而無疑千古而下。有聖人焉。以真心候之。而不悖所謂堯舜之心。至今在者。此也。所謂個個人心。有仲尼者。此也。蓋樞合下。識得此心。一念合真。即是天命之性。但於探討處。得親切之味。則六經皆我註脚。故於字內。名理靡不窺念。念合真。即是率性之道。但於

理學

卷之四

五

光緒堂

經綸處。克拓得盡。則萬物皆我一體。故於國家機務。靡不講。又以討真心工夫。不必外求。只在當身。不必遠驚。只於日用。故於辭受。取予。出處。進退。以及衣冠言動。起居飲食之節。靡不嚴。其宗旨領要。具在木鐘臺二集。讀其書。可以想見其爲人。已。學者稱爲一菴先生。

張子蓋先生

張元忬字子蓋。其先蜀之縣竹人。宋相忠獻公之後也。從家越之山陰。代有聞。父天復。以進士官至甘肅行太僕寺卿。忬生而魁岸。總角時。嶽嶽負意氣。數矢口談時

政得失。人物臧否。太僕故抑之。不答也。會楊忠愍以諫死。忬逞爲詠詞。慷慨泣下沾襟。太僕乃色喜。大奇之。嘗讀書至朱子格致篇。輒乙其處。而沉思之。已聞王文成良知之說。遂潛心理學。嘉靖戊午。舉於鄉。數上公車。不第。下帷龍山之陽。喟然歎曰。聖賢學。自有真曲士。抱龜蛙之見。不務卽心證聖。而猥踵其下。風壹何陋也。戊辰。歸自京師。而太僕有滇難。蓋太僕故嘗副滇臬。擊武定。叛夷有功。忌者中以蜚語。卒從吏訊。忬身披太僕萬里。赴捷於滇。已復馳如京。白狀當事者。比有詔。免太僕官。歸越。復馳如越。履及門。血縷縷滅趾。天下聞而哀之。庚午。游太學。明年舉南宮射策。賜第一甲第一人。授翰林修撰。忬自以遭逢聖明。釋蹻取上第。廩廩期有以自樹。日橐筆守官。下蒐羅金匱憲典。而研究之。隆慶改元。疏請進講。列女傳於兩宮。以修二南之化。不報。戊寅。免太僕喪。起家奉旨教習內書堂。忬曰。若曹星近。皇位不可去。可使習爲善。勃邪管蠡。非人乎。乃取中鑑錄。自爲條解。又作訓忠諸吟。令歌之。尋管理諄勅。直起居館會。皇子生。奉書告楚藩。丁亥。起家。用詞林。久次。超爲

理學

卷之四

五

光緒堂

左春坊左諭學士翰林院侍讀尋克經延講官既入侍金華退而歎曰明主方孳孳嚮學臨諭受講臣風勸而講臣不竭忠畢智以迺宸聽非夫也每明鵬然盟心待對期有所感乎焉神宗皇帝御曆單恩時忤即疏白太僕冤狀請以恩及已者移太僕冠服至是復申前請忤旨格不行忤仰天泣曰吾不可以下見吾父矣武定之後吾父躬擐甲胄斬首虜千級口碑其在乃今幸事明主而不能爲父洗沉冤長負君親吾死爲後蓋居常深念兩世登朝父建功不讐志以歿願以身

聖學 卷之四 聖 光緒堂

代父報國而卒且微國恩報父故終其身有緹縈之恨竟以此鬱鬱致疾疾革顧弟子呼陛下者再父曰朝廷亦多有人乃瞑忤平生雅志聖賢之學宗王文成然不空事口耳顛務以實踐爲基嘗曰知善知惡是良知爲善去惡是格物近世學者徒剽竊文成之外郭耳又謂朱陸同源而未流乃岐之非是手摘考亭所論者與文成意符者彙集之題曰朱子摘編以祛世儒之惑特標端介絕不喜姘姘事人然坦焉躡中庸之庭亦不欲以奇行自見里居數年私刺不及公門然事關公義則

侃侃無少避如議賦法議不毀兩賢祠議祀四先生於學越人至今誦爲美談天性孝友侍父母疾湯藥非口所嘗弗進居喪毀瘠祭葬悉遵古禮撫異母弟恩義隆備居常飯脫粟衣浣補而賑施宗黨若弗及蓋忤之行誼力追古人其文章春容爾雅粹然一出於正初太僕作山陰縣志未竟忤續成之又創紹興府志會稽縣志義嚴褒鉞足稱一方信史他所著有雲門志略山游漫稿槎間漫筆行於世又有不二齋稿志學錄讀尚書考讀詩考讀史膚評皇明大政記藏於家

聖學 卷之四 聖 光緒堂

陳思敬先生 子植槐附

陳善字思敬錢塘人父荆獻博洽端方從王文成游以貢司訓崑山善幼穎異從父游文成門文成以任道器許之稍長即潛心性命之學弱冠成進士三令岩邑擢宗伯郎督學滇越梓經史密課程崇行誼士蒸蒸向風所至俎豆之仕至雲南左布政使疏止採金貢象諸大後無寸札通政府當大計纔上規勸數十言而已當時多其抗直未六十引年獲予告歸講明理學郡中推爲主教賦性端樸步中規矩危坐終日無疾言遽色家範

整肅庭屏悉書古人嘉言懿行可以爲子弟法者冠婚喪祭悉遵古禮衣粗食糲而性樂施閭里族黨待以舉火者數十家壬午民亂縱焚官舍十燬其九獨相戒曰毋入後市街驚陳布政其孚重於時如此纂修杭州府志子植槐太學生端介有父風孝友尚義父歿二十年私居不釋衰絰竟以遷葬哀毀卒所著有自微新編藏於家

敬庵許孟中先生

許孚遠字孟中德清人少負大志既領鄉薦復從唐一

聖學

卷之四

聖

光緒堂

庵先生講聖賢之學舉嘉靖四十一年進士授南虞衡主事調考功在南都三年日與諸同志講明正學學者多從之未幾調北考功而胡選郎汝桂者自附講學時時引孚遠款語先是選君嚴重不輕與後進交一談胡獨乃爾諸僚皆驚以爲必議流品各使人竊聽無所得滿署爲之側目會冢宰楊襄毅雅不喜講學又與胡選君不合而諸講學者亦少橫臺諫俱爲之羽翼閭巷喧傳謂將盡易置諸大臣襄毅心憤之比大計吏京官黜者科甲共四十一人而浙人幾半孚遠不平因移病歸

聖學

卷之四

聖

光緒堂

後三年新鄭高文襄起掌吏部以與華亭有隙痛抑講學者起孚遠考功卽出爲廣東僉事時廣有倭警而大盜李茂許俊美復張猷海上助爲聲勢孚遠發十策大約以水陸夾攻爲要務卽身督二軍薄賊壘二魁大懼孚遠卒使人諭降之使縛倭寇以自效又建善後十二策迄安堵以功移閩臬銜者復忌之以閩察謫兩淮運司判官孚遠拂衣歸將遂終隱爲啓迪後學計因往見一庵先生請焉先生曰我二十九建言歸今七十四矣此四十六年中未嘗一日忘記也惟枉已則不可耳今汝雖暫挫然前途自平坦但踏實地行何害異日追悔晚矣孚遠遂之官三年擢南太僕丞明年遷南文選郎中未幾丁內艱服闋補北車駕郎中是時江陵當軸前銜者乃其門人方佐都察院益用事揚人如掖摧人如擲天下從風而靡孚遠悠然自如不少屈銜者益恨之而南昌之命下矣孚遠明於經濟之大體沉細有斷事至必究極纖微而持之以蕩平正直其守南昌也務廉謹而敦尚教化雖簿書旁午不廢講學二年以特薦遷陝西提學副使以身範訓士考校肅然三年擢應天府

丞請築當塗隄，饒獲者數千家。會都御史李材以滇事被逮，孚遠與李同年，且以講學相知，因刻揭投諸司，申救爲南道所彈，詔降二級調外。歸，會父死，服終起，廣東僉事轉廣西副使，尋擢右通政。晉右僉都御史，巡撫福建。時倭擾朝鮮，挾請封貢，兵部議許之而未定也。孚遠以爲不可，比至鎮，募募死士往偵，而躬練兵，儲糗以俟。已而偵者來，悉得彼詭謀，并諸島酋相讐殺狀，遂疏聞於朝，謂發兵擊之上策，禦之中策，不可輕許封貢，以啓小夷輕中國心。朝議聽之，卒罷封貢，而倭患得息者用。理學

卷之四

朱

光碧堂

孚遠中策也。鎮閩二年，擢南大理卿，尋晉兵部右侍郎。時倭尚未平，以孚遠得要領，遂改北兵左。孚遠在南都，以閒曹日事講學，與楊禮部起元俱以部堂爲領袖，持論不同，傍觀者頗起口語。至是外計復借講學造端，謀去之。孚遠遂決意歸。五請始得允。旣歸，不殖生產，亦不如二疏行樂，惟孜孜以講學爲務。於近世學者，獨服膺陽明。然所講非良知派也。講學者多黨，孚遠獨不黨。守建昌時，有講學而負高名者，孚遠雅重之，及以事囑，則謝不與交。李都憲布衣交，且同年，向以救之見中，及戍

閩中，仍以開府禮見衛官。孚遠弗善也。諸葛武侯曰：吾心如秤，孚遠近之矣。生平質直，不藻飾之委曲，事至立斷身所行，如所講，常以身驗學。遇人無厚薄，咸吐誠磊落可喜。蓋自謂學所得如此。

兩浙名賢錄卷之四終

光碧堂

兩浙名賢錄卷五目次

孝友

秦

顏孝子烏

漢

董徵君黯

孫鍾

沈瑜

弟儵附

三國吳

晉

楊武將軍朱朗

新教

高山令夏文正方

夏孝光

遜昌長潘綜

宋齊梁陳

沈侍中文叔

郭世通

顯親都尉賈恩

弟文季子昭明附

長水校尉聞人夏

郭長恭原平

何海虞子平

朱處光議之

兄遜之附

韓靈敏

兄靈真附

褚記室修

散騎侍郎虞山披荔

丘傑

陳太碣

唐

張萬和

子孝祥附

沈景筠

和州刺史張君遷無擇

章從事成綰

徐知新

徐惠謹附

孝門陳君和侃

孫教授寶著

孫長者

子式附

沈昭光

從子曇亮附

國子學士杜栖

太子洗馬沈思整崇僚

王文殊

朱敬達文濟

錢延慶

朝奉請徐雄

丁興

許傅士伯會

俞僅

戴元益

明經鄭崇義

杜通判誼

仰天脫忻

劉承詔

子師常附

<p>朱進士環 <small>附子元</small></p> <p>唐轅 <small>附弟載</small></p> <p>朱虎磯泰</p>	<p>鄭傳士憲</p> <p>吳處仁 <small>附弟因</small></p> <p>鄭傳士憲</p> <p>蘭谿三孝 <small>陳天隱董少寄金景文</small></p>	<p>陳漢州思孝</p> <p>趙孟傳商弼</p> <p>呂蒙 <small>附子瑛</small></p>	<p>王公衮</p> <p>錢國材興祖</p> <p>喻伯大京 <small>父夢炎世父綱弟高附</small></p>	<p>呂子賜皓 <small>附弟源</small></p> <p>喻伯大京 <small>父夢炎世父綱弟高附</small></p>	<p>鍾宅 <small>從子明滿子文厚文廣附</small></p> <p>樓季發繼</p>	<p>連世瑜 <small>妻方氏子士表士則附</small></p> <p>楊富老</p>	<p>楊文脩</p> <p>蔡元應定</p>	<p>章廷仲永</p> <p>鄭從革鼎之</p>	<p>徐亨</p> <p>錢孝蕪堯卿 <small>周奇趙文澤附</small></p>	<p>毛蕃八 <small>兄攀龍附</small></p> <p>麗水孝童周慧卿智</p>	<p>毛勿齋存</p>	<p>范元亨鍾</p>	<p>陳傅巖汝楫 <small>妻徐氏附</small></p>	<p>石孝子</p>	<p>係文舉之翰</p>
---	--	--	--	---	---	--	------------------------	--------------------------	--	--	-------------	-------------	--------------------------------------	------------	--------------

金松一	胡景莊忠	姜大民蕪	余丙	陳斗龍	周仲良驥	王君傳貴翁	黃孟蘆義貞	過宗一	文學掾戚秉肅敬	李友月次	林甲乙	王泰	兩浙名賢錄卷五目次終
		子慈附					六世孫 濟之附						
丁祥一	周樂	張子用觀僧	蔣伯玉珏	潘應定	胡野廬	周士威	魏保	陳孔英杲	卷之五	光碧堂			
						兄士 行附		弟多 遜附					

兩浙名賢錄卷之五

東海徐象梅仲和氏撰

武原鍾祖述君明氏閱

孝友

秦凡一人

顏孝子烏

顏烏，烏傷人也。事親孝。父亡，負土成墳。羣烏啣土助之。烏吻皆傷。因以名。縣墓在縣東四里。乾道中，邑令林元仲盡逐民侵地而修其塋域。邑人何格為誥碑記。且繫

孝友

卷之五

十 光碧堂

之詞曰：由漢迄今餘千春，銅錮斯漆，知幾墳陵谷變遷，不可尋。顏氏有阡巍然存。孝肉順骨，世所尊。馬鬣蓬顯，幾何分。烏兮，無知猶能馴。肯有襟裾忘其親，因以名。縣淑其民，為之長者宜益敦。一本抔土，或見侵。曾禽不如何。是人淳祐元年，魏學士了翁為篆題表之曰：秦顏氏烏傷墓。

董徵君黯

董黯，字叔達，鄞人。漢江都相仲舒六世孫也。家貧，早失

怙事。母盡孝。母疾，嗜大隱溪水，遠不能常致，黯築室溪濱，板輿就養。厥疾遂瘳。隣王寄家甚富，縱酒無行。二母相見，各言其子寄聞而啗之。何黯出，歐其母，黯還而母在牀，黯跪而言曰：黯不孝及母之憂乎？曰：非也。我失言致王寄辱耳。後竟不起。黯哀毀，負土既葬，廬於墓枕戈不言。俟王母卒，畢葬事，乃新營母墓，自囚以告有司。事聞，和帝詔釋其罪，且旌其異。行召拜郎中，不就而卒。由是以慈名。溪以溪名。縣吳虞翻稱之云：盡心色養，喪致其哀，單身林野，烏獸歸懷。怨親之辱，白日報讐。海

孝友

卷之五

二 光碧堂

內聞名。照然光著。宋祥符間，錫號純德徵君。

王孝廉談

王談，烏程人。年十歲，父為隣人竇度所殺。談有復讐志，密市利錘，伺度卒殺度而歸罪。有司太守孔巖義其孝，勇列上宥之。和帝元興中，舉孝廉，不應終於家。

孫鍾

孫鍾，富春人。堅父也。性至孝。種瓜為業，以養母。忽有三年少，容服妍麗，詣鍾乞瓜。鍾為設瓜，具飲。三人臨去，曰：我等司命郎也。重君之孝，將以佳地相與。欲連世封侯。

然數世天子鍾曰數世天子故當所樂因爲鍾定其出門悉化爲白雀飛去遂葬其母已而生堅堅生策權權改建國爲吳傳亮休皓凡四世五十九年卒如司命之言

張孝廉武

張武由拳人武幼時父蒙爲郡掾送太守妻子還鄉至河內遇盜戰死武少長奉遺劍求父死所祭祀頗絕悲感路人太守第五倫嘉其行舉孝廉遭母喪過毀尋

沈瑜弟儀附

孝友

卷之五

王

光碧堂

沈瑜烏程人與弟儀少有志行瑜十歲儀九歲父亡居喪毀瘠過於成人外祖盛孝章撫慰之曰汝竝黃中通理終成奇器何遽逾制自取毀滅耶瑜竟以毀故早夭儀博學有雅才以儒素自業守道不移

費蕭令汎

子鳳附

費汎吳興人以孝友聞歷官至蕭令在邑多善政蚬不入境子願言不失典術行不越矩度安帝時舉孝廉拜郎中義行卓然爲一世所宗

三國吳

共四人

斯敦

斯敦烏傷人父偉爲廷尉失議當坐死敦叩閣泣血請以身代吳王嘉其孝敬偉罪仍旌其門後俗因呼敦葬處爲孝義塋

始平長丁孝連覽

子固附

丁覽字孝連山陰人八歲而孤家素微清身立行用意不苟推財從弟以義讓稱補郡功曹守始平長門無雜賓孫權深貴重之未及進用會病卒子固字子賤少喪父而家貧養母孝敬備至族弟孤弱與同寒溫嘗夢松

孝友

卷之五

四

光碧堂

生腹上自謂後十八年當爲公竟歷顯位遷司徒時孫皓恃虐固與陸凱孟宗同心憂國年七十六卒

楊武將軍朱朗

朱朗永興人性至孝父爲烏傷長陳頹所殺朗志在報讐未間頹死朗至其家刺其子殺之魏聞其勇擢爲揚

武將軍

晉

共九人

高山令夏文正方

夏文正永興八年十四家遭疾癘父母伯叔羣從

死者十三人方夜則號哭晝則負土凡十七年而葬畢因廬於墓鳥獸馴擾其旁吳時拜仁義都尉累遷五官中郎將朝會未嘗乘車行必讓路入晉除高山令百姓有罪方向之涕泣而不加杖大小莫敢犯焉

許季義孜子生附

許孜字季義東陽人從豫章太守會稽孔冲受易詩書禮孝經論語冲亡孜爲制服三年二親歿摧毀骨立杖而後起建墓於縣之東山躬自負土每一悲號禽鳥翔集手植松柏亘五里時有鹿犯松栽孜長號悲歎曰

孝友

卷之五

五 光緒堂

鹿獨不念我乎詰旦忽見鹿爲猛獸搏死於所犯松下孜悵惋瘞之猛獸復至孜前自撲而死孜益歎息又取猛獸埋之自是林木滋茂而無犯者積二十年立宅墓次朝夕奉亡如存元康中郡察孝廉不起卒年八十餘邑人號其居曰孝順里咸康中太守張虞疏聞於朝詔旌門閭蠲其賦後子生有孝行家於墓側圖孜象於堂朝夕奉焉

夏孝先

夏孝先桐廬人父亡負土成墳廬其側一夕野火燎山

將及塋城孝先遙墓號哭忽羣鳥飛集濡其羽沃之火卽滅尋於火處進泉一穴味極甘冽溉田數百畝縣令李師旦名之曰孝子泉號孝先所居曰孝泉鄉

丘昂二弟夷矩附

丘昂與興人也家貧好學織畚以自給與弟給事中夷太守矩並以孝行著聞當時謂之三丘

遂昌長潘綜

潘綜烏程人孫恩之亂綜與父驃共走避驃困乏綜迎賊叩頭曰父年老乞賜生命賊砍驃綜抱驃賊砍綜凡

孝友

卷之五

五 光緒堂

國創有一賊謂曰殺孝子不祥父子俱得免後以薦累官遂昌縣長宋元嘉中改其里曰純孝蠲租布三世

孫法宗

孫法宗興興人父隨孫恩入海被害屍骨不收母兄並餓死幼而流離至十六得還鄉里勤苦營生積有餘資母兄儉而中禮聞人言父子以血漚骨當爲冷人乃權刀沿海見枯骸輒割肉瀝血經十卷年終無完片終不能遇遂求經居墓所終身不娶亦不仕以終

沈侍中文叔 弟文季子昭明附

沈文叔武康人慶之子也慶之被殺文叔時位侍中謂其弟中書郎文季曰我能死汝能報遂自殺文季揮刀馳馬去收者不敢追遂免升明初沈攸之起兵討蕭道成道成加文季冠軍將軍督吳興錢唐軍事初慶之之死攸之求行至是文季收殺攸之弟登之誅其宗族官至郢州刺史卒贈侍中司空謚忠憲方文叔之殉父而死也子昭明爲秘書閣閣之曰吾何忍獨生亦自經死

卷之五

七 光緒堂

顯親都尉賈恩 妻柏氏附

賈恩諸暨人少有至行母亡水葬爲隣火所逼恩與妻柏氏號哭奔救隣近赴助棺槨得免恩夫婦竟化於火事聞表其里爲孝義鄉程三世元嘉中連降大水鄉顯親都尉

郭世通

郭世通永興人生而失母父更娶世通爲其母氏也孝年十四父又亡居喪過哀家貧傭力以養母氏

負土成墳親戚或共賄助微有所受并畢備貨遂直仁孝之風及鄉黨人皆不忍呼其名元嘉四年散騎常侍袁愉表其至行詔旌其門改所居爲楓里爲孝行里長水校尉聞人夏

聞人夏與興人年十七父爲仇家所殺遂散財結客手刃父仇斬頭以祭自繫縣獄有司上其事齊高帝覽而賞之赦其罪官至長水校尉

郭長恭原平

郭原平字長恭世通子也傭作養親義不獨飽父篤疾

卷之五

八 光緒堂

彌年原平未嘗解帶父亡慟絕方纔躬自營墓喪終遂不復肉高陽許瑤之自建安歸以綿一筋遺之不受瑤之往謂曰今歲過寒而建安綿好故以奉尊親爾原平乃拜而受之及母亡毀瘠彌甚既葬墓前有田數十畝不屬原平畊者每裸袒褻其墳墓原平輒往哭之乃竭貲貴買其田農月必冠帶垂泣以畊宅嘗種竹或盜其筍原平見盜者常墜溝乃作橋溝上又採筍置籬外鄉里乃慙愧無復盜者宋文帝崩原平號痛日食麥餅一枚如此五日或曰誰非王臣何獨如此原平泣曰吾家

見其先朝不能報恩私心感動爾太守蔡典宗嘗以俸米百斛餉之原平不受典宗復表其殊行舉爲太學博士會典宗卒不果

沈昭光 從子曇亮附

沈昭光昭明之季弟也仲兄昭略爲齊廢帝所殺遣兵至家人勸之逃光不忍舍母執母手悲泣遂見殺時昭明子曇亮已得逃去聞昭光死乃曰家門屠滅獨生何爲亦絕吮而死時人歎其一門忠孝

何海虞子平

孝友

卷之五

七

光緒堂

何子平山陰人少有至行爲揚州從事月俸得白米輒易粟麥以食人問之答曰尊老在東不辦得米何心獨餐每有饋餅有者若難以寄親則不肯受元嘉中除海鹽令縣祿唯以養母不及妻子人或疑其儉薄子平日希祿本以養親不在爲已及母喪去官哀毀踰禮每哭踊頓絕方輒屬大明末東土飢荒繼以師旅八年不得營葬晝夜號哭常如袒括之日所居屋敗不蔽風雨兄子伯典欲爲葺理子平不肯曰我情事未伸天地一罪人爾屋何宜覆太守蔡典宗甚加矜賞爲營冢墓

國子學士杜栖

杜栖上虞人京產之子也善清言能彈琴齊時爲國子學士以父老歸養父卒水漿不入口者七日既殯晨夕慟哭不進鹽菜每遇朔望節歲必慟絕而藕啞血數升何胤謝朓並貽書敦譬戒以滅性至祥禪夢見其父一慟而絕初胤兄黜見栖歎曰卿風韻如此必獲嘉譽但恐不永年耳卒年三十六

朱處光謙之 兄遜之附

孝友

卷之五

十

光緒堂

朱謙之字處光錢唐人父昭之以學解稱於鄉里謙之年數歲所生母亡昭之假葬田側爲族人朱幼方燎火所焚同產姊密語之謙之雖小便哀戚如持喪年長不娶永明中手刃幼方詣獄自繫縣令申靈勉表上別駕孔稚珪兼記室劉璉司徒左西掾張融箋與刺史豫章王曰禮開報讐之典以申孝義之情法斷相殺之條以表權時之制謙之既申私禮又明公法今殺之則成罪人宥之卽爲孝子殺一罪人亦足弘寬活一孝子實廣風德豫章王言之世祖世祖嘉其義慮相復報乃遣謙之隨曹虎西行幼方子憚於津陽門伺殺謙之謙之

兄選之又刺殺憚有司以聞世祖曰此皆義事不可問
悉赦之與沈顥聞而歎曰弟死於孝兄殉於義孝友
之節萃此一門

太子洗馬沈思整崇僚

沈崇僚字思整懷明子也六歲喪父哭踊過禮及長事
母至孝家貧傭書以養梁天監二年太守柳憚辟為主
簿崇僚從憚到郡還迎其母未至而母卒崇僚自以不
及侍疾悔恨欲死水漿不入口晝夜號哭者旬日母權
屢去家數里哀至輒往哭不避雨雪仰天號顥飛鳥翔

孝友

孝友

孝友

光緒堂

家貧無以遷厝乃行乞經年始獲葬廬於墓側以初
喪禮不備復於葬後更持服三年久食麥屑不啖鹽
鼓坐卧一單薦骨立不能起郡縣舉至孝武帝遣中書
舍人慰勉之令釋服擢補太子洗馬旌其門

韓靈敏

兄靈真附

韓靈敏刺人早孤與兄靈真並有孝行母亡無以營葬
種瓜半畝朝採暮生遂得辦葬事會靈真亡妻胡氏守
節應其家奪已志未嘗歸寧靈敏事之如母以終

王文殊

王文殊故鄞人父死于魏文殊哀慕不勝每北望則長
號雨泣如是者三十年晡食麻衣終身不易太守孔琇
之貳表其門名為孝行里

褚記室修

褚修錢唐人少受易學於其父仲都善尺牘辨文章武
陵王為揚州引為宣惠參軍帳內記室性至孝父喪毀
痛過禮及丁母艱水漿不入口二十三日氣絕復蘇每
號哭啞血竟以毀卒

朱敬達文濟

孝友

孝友

孝友

光緒堂

朱文濟字敬達吳興人早孤事母克孝母卒家貧無以
襄事乃賣身以營馬鬣葬畢執作主家無難色太守謝
潘解俸贖之命為儒林不就

散騎侍郎虞山披荔

虞荔字山披慈谿人幼聰敏有志操年九歲候太常陸
倕倕問五經十事荔對無遺倕甚異之又嘗詣徵士何
胤時太守衡陽王亦造之胤言於王王欲見荔荔辭曰
未有板刺無容拜詣王以荔有高尚之志雅粗飲重還
郡即辟為主簿荔辭以年少不就及長美風儀博覽善

屬文梁武帝用爲士林館學士屢遷中書舍人時左右之任多參樞軸惟蒨與顧協靖退但以文史見知號爲清白侯景之亂蒨率親屬入臺母與蒨俱而卒於臺中時值喪亂情禮不申遂終身䟽素不聽音樂陳文帝深器之以爲中庶子引備顧問多所獻替時弟寄在陳寶應所蒨每言輒流涕文帝哀之乃勅寶應求寄寶應終不遣蒨因感疾帝欲數臨視令家口入省蒨以禁中非私居之所乞停城外帝不許乃令住蘭臺乘輿再三臨問手勅中使相望於道又以蔬食積久非羸疾所堪乃

孝友

卷之三

十一

光碧堂

錢延慶

勅曰卿年事已多氣力稍減方欲仗委良須克壯今給卿魚肉不得固所執蒨終不從卒贈侍中謚曰德子子世基世南竝少知名各有傳

丘傑

錢延慶烏程人泰始元年其父仲期爲吳興所殺時延慶屬役在都聞之馳還於庾浦埭逢慶恩手刃殺之自繫烏程獄吳興太守郗願憐其孝烈表不加罪許之丘傑烏程人年十四遭母喪止啖生菜歲餘得腹疾每

發動痛楚不可言忽夢母曰死止是分別耳何爾徒苦汝噉生菜遇蝦蟇毒靈牀前有三丸藥可取服之傑驚起果得藥服之下科斗數升疾頓愈後徵爲留陵郡守不就

朝奉請徐雄

徐雄唐徐雄文伯之子也亦傳家業工彫竈位朝奉請能清言多爲貴游所賞事母孝謹母終毀瘠幾至自滅俄而兄亡扶杖臨喪撫膺一慟而卒

唐 共十三人

孝友

卷之三

十四

光碧堂

陳太竭

陳太竭浦江人武肅之子也事父母孝謹二親併亡哀毀不欲生廬于墓側手藝松柏終身哀麻哭泣弗少輟毋奠果肴烏鳥不啄

丁興

丁興會稽人家近荒野野火延燒興廬母老病倉卒不及扶抱乃濕衣覆母身死母全

張萬和 子孝祥附

張萬和諸暨人性至孝神龍間舉明經以親老不仕遭

父喪負土成墳與弟廬墓二十年萬和卒子孝祥亦廬墓二十餘年墓傍芝草生醴泉出事聞詔旌其門名其里曰孝感

許博士伯會

許伯會蕭山人詢之十二世孫也舉孝廉爲衡陽博士遭父喪負土成墳不御絮帛不嘗滋味野火將逮坐樹悲號于天俄而大雨火滅歲旱泉湧廬前靈芝瑞獸生於墓側

沈景筠

孝友

卷之五

五

光緒堂

沈景筠爲程人生有至性隱居獨善以孝事母母畏雷及卒葬於宅西每雷發聲卽奔至墓所號哭曰景筠在此賀知章爲之立傳名曰孝德

俞僅

俞僅蕭山人一門四代兄弟十五人老幼八十餘口並經術貞廉僅遭親喪哀毀骨立爲鄉里所稱觀察使孟簡書於圖經以勵風俗

和州刺史張君遷無擇

張無擇字君遷慈谿人由進士舉明經調醴泉尉改汴

州參軍以從討李敬業贊畫有功遷華陰令時羅織獄起吏以刻覈爲能無擇獨尚寬簡未嘗私附黨民賴以寧監察御史郭翰薦於朝召爲司刑丞轉卿司農適魏元忠與張昌宗廷辯獲罪無擇上疏申理元忠之枉易之惡之謫嶺表移和州刺史以父艱奉喪歸葬負土結廬七日絕漿三年不櫛感醴泉芝草之瑞服禪辟祿廬墓以壽終

戴元益

戴元益桐廬人五世同居庭木紫微枝生連理咸通八年刺史張蒸以聞詔以嘉木呈祥宜蠲徭役旌其門閭仍付史館書之以垂不朽

孝友

卷之五

五

光緒堂

章從事成綱

章成綱於潛人喪母廬墓手植松柏墳側生紫芝十三莖烏鵲來巢麋鹿共處長吏以聞勅旌表門閭人稱爲章孝標家貧篤學仕爲山南東道從事

明經鄭崇義

鄭崇義西安人爲郡學士讀書序中忽心痛不可忍崇義曰得無母有故乎奔歸而母果以病告比卒結廬躬

墓田以供時薦郡境有蝗獨不食其苗含南木生連理處置使崔文上其事詔旌表門閭後以明經中第謝而不仕郡邑屢薦其孝弟廉遜終不受徵

徐知新 徐惠謹附

徐知新西安人性孝葬父後灑掃墓所者十年產金芝叩之有聲同邑徐惠謹五世同居父母亡哀毀過制墓生靈芝十莖連理御史大夫宇文融為勸農使以實聞與徐知新同被旌表名其里曰孝義

宋 共五十三人

孝友

卷之五

光碧堂

孝門陳君和侃

陳侃字君和永嘉之建牙鄉人也事親至孝親有疾省膳嘗藥衣不解帶執喪盡禮五世同居家無異爨郡守上其事太宗嘉之詔旌表其門曰孝門陳君賜其母李氏束帛杭米祥符七年侃卒至今建牙鄉猶稱其家曰陳孝門

杜通判誼

杜誼黃巖人孝友敦信鄉人重之康定中二親繼喪晝夜哭踊負土成墳廬於墓側時山水夜溢民居田畜多

漂沒而誼之故業宛然事聞旌表仕終梓州通判以壽卒

孫教授寶著

孫寶著字天休蕭山人少孤事母至孝母寢疾思悔及鳩秋月不可得仰天而號忽得青梅於樹鳩自飛墜取以奉母大觀初行部使者以聞賜進士第任杭衢二州教授

仰天貺忻 子師常師尹附

仰忻字天貺其先吳興人也高祖仁讓從錢氏歸國以

孝友

卷之五

太

光碧堂

太子中舍知永嘉卒因家焉忻力學以篤行稱年五十餘執母喪躬自負土為墳遂廬於墓側有慈烏白竹之異元祐七年郡守郝亶奏忻純孝之誠出於天性母林氏以壽終今二十年孺慕不衰臣聞其風際幸僚屬親至其所忻僻居巖壑衣食踈素儀骨嶮嶮深可慨嗟臣已准勅優賜果帛訖欲乞別加旌異大觀二年以八行取士郡以忻應詔未上卒三年勅仰忻惟爾事親盡孝行孚於鄉朕將寵以爵祿俾為風俗之勸曷云其亡宜加追賚錫命告第尚鑒茲哉可特贈將仕郎子師常師

尹皆業儒有聲富族欲求婚忻著同姓圖曰姬周鄭江與仰同姓百世不通婚姻蓋後世論氏而不及姓故忻始倡焉所著有訓童規鑑十二卷

孫長者 子式附

孫長者史佚其名世家富春之臨江鄉性寬厚言悅行篤信於其鄉隣里有訟不之官皆云當見孫長者至則爲陳事理白其所以枉直之狀人人服而去以是臨江鄉人經歲不識長吏云母病躬視藥物目不交睫衣不解帶及母死身已病將葬竟死臨終語諸子曰吾生不能送母於穴死欲吾以衰經庶盡吾孝於土中時皇祐間也有子名式登進士第

孝友

卷之五

五

光緒堂

劉承詔

劉承詔唐襄公德威之後德威五世孫愉因避黃巢亂自河南徙居越之上虞至承詔十世義居聚族四百餘人內外無間言和氣致祥下及犬豕一犬不至衆犬不食號孝義劉家熙寧中趙抃帥越嘉之聞於朝詔旌其門免其徭役以寵異之抃爲作義門記

楊慶

楊慶鄞人父病貧不能召醫乃剖股肉啖之又嘗剖肝及乳爲親饋者五最後母病不能食慶取右乳燒灰和藥以進入口遂瘥父之乳復生每勝月輒以籃輿載母禱於阿育王山宣和中郡守樓昇表其坊曰崇孝紹興十二年始被詔旌表門閭

孫文舉之翰

孫之翰字文舉慈谿人少志學孝友本乎天性母病草刲體取肝爲粥以進越夕母如醉自醒乃底於寧里人上其事於郡守趙伯圭將聞於朝之翰曰本心揅母他無所覲力止之以壽終

孝友

卷之五

五

光緒堂

石孝子

石孝子者四明山農也家世貧賤古屋數楹隱隱藁薄中孝子早喪父獨與母居一日以事出則告其母曰兒出母無侍養者幸徃依女氏待兒之歸母諾其女氏家去母甚邇孝子謂母可卽至遂行後二日歸首過女氏而母未嘗至也孝子卽心動倉皇抵舍忽見壁間一巨竇覘之則虎子三據其榻處爲穴孝子知母已葬虎腹卽大慟盡殺虎子復磨一斧立竇內頃之母虎循竇入

卽砍其首碎之。取肝腦磔諸庭。復大慟。以斧指天曰。吾雖殺四虎。而母讐未足報也。乃更跡壯虎所行路。持斧阻崖石待之。壯虎果咆哮過崖下。孝子奮而前。當虎首連砍數斧。卽斃。孝子亦隨死。僵立不仆。張兩目如生。而手所持斧。悍不可奪。鄉隣走吊。咸凜凜欲亡去。獨嘗捕虎者相率拜祭而神之。

陳傳嚴汝楫 妻徐氏附

陳汝楫字傳嚴。象山人也。事親至孝。親歿未葬。隣家失火。將及家人。爭負篋篋汝楫不顧。與妻徐氏伏柩號慟。

孝友

卷之五

三

光緒堂

誓不獨存。旣而風送火息。柩乃獲。全人皆驚歎。以爲孝感所致。從弟汝舟疾且死。以幼子爲託。汝楫泣曰。而子卽吾子。忍異視邪。汝舟死。育其子長。爲受室。舉其遺物畀之。

范元亨鍾

范鍾字元亨。臨安人。父居市肆。貨巾幘。蓄婢生鍾。婢滿去。不復聞。鍾浸長。讀書取科第。授某縣尉。常欲訪母。無從。偶經雪川。見渡口草屋中。嫗單身齎餅餌甚苦。鍾感之。詢其往跡。皆母事也。且云。少傭臨安巾肆中。膏生子。

今傳已作官。恐貧賤不相認。故獨勞耳。鍾微其子所生年月日。皆與已合。鍾大悲喜。卽拜認之。嫗倉卒未敢當。鍾曰。阿母無棄兒也。遂具衣冠迎歸。後鍾結郡符。持使節登華要。嫗皆及享其養云。

余元卿

余元卿黃巖人。父死。元卿始生。母曰。我不見夫。何忍見子。自剔其目。誓不他適。宣和寇亂。元卿負母而逃。力弱不勝。仰天誓曰。天若助我。全母願焚身以報寇定。欲償前誓。母力止之。遂燃一指以謝天。貺間里重之。欲上其

孝友

卷之五

三

光緒堂

事。則曰。吾非干名者也。旋居母喪。哀毀不離墓側。縣上之郡。立碣以記其事。

毛勿齋存

毛存錢唐人。父伯益坐流嶺表死。存間關跋涉數千里。函骨歸葬。先隴時人稱其篤孝。善畫墨竹水石。如楊中齊。裴德游諸公高其行。皆宗之。號勿齋。

毛蕃八

兄攀龍附

毛蕃八江山之棠峯人。膂力絕人。曉武藝。猶長於連珠箭。父信叔遭賊執。欲刃之。蕃八聞之。直衝賊陣。力戰於

經堂山賊悍釋其父且語之曰所過鄉邑破竹而下若公者驍悍善射吾師也能以牛酒勞我即去番八大罵復前搏戰數十合遂遇害死石塘泥坳中是日土石掩埋若神爲焉有識者歎曰烈哉行人所不能行也夫死父之難孝也屬賊不屈烈也孝且烈善之則也天其以六丁葬之乎兄攀龍從徑販徐霖學遭母喪廬墓三年邑令程郇作孝子記以表之弟兄之孝蓋稱二難云

麗水孝童周慧卿智

周奇趙文澤附

周智字慧卿六歲喪父廬墓有紫芝一莖七葉之瑞事

孝友

卷之五

圭

光緒堂

聞於朝會成均策試多士以商山節婦麗水孝童爲問徽宗覽之命編入時政記勅賜孝童出身終從政郎嚴州建德丞先是同邑周奇九歲喪母卧墳側二年有赤雀十數巢其傍可俯而窺也崇寧中詔賜粟帛又趙文澤六歲喪父廬墓有羣鼠銜花白雀來巢之異大觀中賜帛五十疋

徐亨

徐亨桐廬人宣和中方臘寇亂其黨號五虎將者執亨兄裳欲殺之亨叩頭泣告曰家有老母兄能養之願身

代兄以活老母賊遂舍裳而殺亨

錢孝蕙竟卿

錢竟卿字熙載樂清人數歲居父喪如成人廬墓終制遂以孝稱母老不仕色養唯謹及卒哀毀過禮水漿三日不入口屏聲色却滋味者三年奉寡嫂如事母撫諸姪如已子閩族同居三十年無間言歲歉損穀償以濟飢民不能償者焚其券紹興間詔舉孝蕙郡以名上未幾卒

章廷仲永

孝友

卷之五

圭

光緒堂

章永字廷仲平陽人世居浦源父亡事母尤謹比母卒執喪如禮俗飯佛老以爲冥資永獨晨昏跪誦孝經曰吾聖人所以教孝者比舉葬渡浦中流風濤陡作永伏柩長號曰罪逆應殞吾親何辜乎願天地神明鑒之言未脫口而風息迄濟焉嗚呼孝感之速如鼓之答桴也如此

鄭從革鼎之

鄭鼎之字從革會稽人事親至孝建炎初金人寇越士女悉奔竄鼎之獨衣冠事父湯藥不去賊至斥曰衆皆

逃死而敢獨留。不畏死耶。鼎之曰。豈不畏死。顧老父年七十餘。病且革。不能負與俱逃。若弃父逃。生心尤不忍。死雖痛乎。奈獨父何。言與淚俱。賊爲感泣。捨去。且戒其黨勿更入孝子門。以是父子俱免於難。

楊文脩

楊文脩。諸暨人有至性。母病。刲股以進。病遂愈。母歿。負土成墳。慈烏數十隨之。往返鄉間。欲止其事。罔止之。文脩故病癯。道遇異人。以手摩之。癯移於背。居鄉德惠及人。皆不忍名呼曰佛子。常平使者朱熹。每行部至縣。必造廬與談論。久之乃去。

孝友

卷之五

主

光緒堂

蔡元應定

蔡定字元應。山陰人家。世貧寒。父革。依獄吏傭書以資定。定得游鄉校。業進士有聲。後獄吏坐舞文革連坐。時年七十餘。法當免。繫鞫。胥削革年籍。議罪與獄吏等。案具府。奏上之。方待命於朝。定痛父非辜陷狂。誓以身贖數。詣府號訴。請代弗許。請効命於戎行。弗許。請隸伍符爲兵。又弗許。定知父終不可贖。仰而呼曰。天乎。使定坐視父死乎。父老且傭書。罪固宜釋。而無以告。懸使父

果受刑。定何以生爲。乃豫爲誌銘其墓。又爲訴牒置懷中。陳其所以死者。冀免父刑罪也。趣府橋河自投死。太守聞而大驚。亟命出其父。且給資以葬之。紹興三年。郡守王絢上其事。立廟祀焉。賜額曰愍孝。

連世瑜

妻方氏。子士表。士則附。

連世瑜。樂清人。同妻方氏。事母至孝。母死。刻木肖像。奉事益恭。里人王十朋親詣其家。詢諸比隣。咸曰。世瑜事亡如存。晨昏饋食。出告反面。經今十年矣。而孝敬不衰。太守張九成饋酒禮之。未幾。世瑜死。方氏年踰七十。率其子士表。士則。供事母像。益虔。世以之比丁蘭云。

孝友

卷之五

主

沈帶堂

楊富老

楊富老。麗水人。七歲喪父。葬於蘓弄塢廬墓。三年不返。烏鵲來巢。木生。連理。紹興中。太守葉顥延入郡庠。奏於朝。賜粟帛。錄付國史。

鍾宅

從子明。滿子文厚。文廣附。

鍾宅。浦江人。淳熙中。母病。宅剔肝和藥以進。病尋愈。從子明亦刲股療母。及明有疾。明弟滿又刲股療明。皆瘳。邑令李知退義其事。爲代輸稅賦。三年宅家嘗三世同

居宅之子文厚文廣尤極友愛文廣妻求分文廣恐傷兄之心卽出之宅有至行其事親出於天性而非矯揉所致當時有金智深者母得危疾亦剔肝爲餌而後安議者謂宅之所化也

樓季發墓

樓蘊字季發義烏人性至孝母喪廢櫛沐盥醑不入口結廬墓左遠塚哀號塚下畊者爲之墮淚負土築塚日自課三十肩塚高數仞鄉人合辭請於郡邑刺史遣從事勞之且問狀固謝曰此人子之常事也不願賞隣里

孝友

孝友

孝友

光緒堂

強之不可歲時祭享不用釋老楮幣終其世巫祝不至

呂子賜

弟源附

呂皓字子賜永康人自少負志節學於林大中而友陳亮呂祖謙以出粟賑濟受知於倉使朱熹薦諸朝補郡文學淳熙中舉上禮部會父兄爲怨家誣構逮繫大理獄皓叩歷上書理其冤願納所得官以贖罪且言無使聖世男子不及漢一緹索女子爲沒身恨明日下都堂議宰相白無例孝宗曰此義事安用例由是其父兄與

孝友

孝友

孝友

光緒堂

郡邑以孝弟聞於朝贈通直郎詔旌其門

論伯太京

父夢炎世父綱弟高附

謝京字伯大義烏人弟曰高字仲明其父夢炎與兄綱極友愛皆以治周禮得雋聲炎先兄薦於鄉輒推故不競試以族綱越六年而綱始獲薦乃同赴禮部未至而道屬疾扶歸竟遇抑弗振以死綱亦念弟之湮沒以已故遂絕意進取用蔭補官終焉夢炎二子事母有氏以孝聞石氏守節善持家政家素饒於貲遭兵戈亂離石氏以白金千餘兩窖藏之父之京他適高不及告取而

有之石氏意不平京歸語其故京曰母所有將以遺吾兄弟也兄弟義同一體弟有即吾有爾母何憐焉石氏重嘉歎即取他所窖白金二十錠以遺京京受其二復推以與高其後石與京相繼沒並殯於堂會寧海寇起抄掠旁縣家人咸逃匿山谷中高傍徨不能去號哭竟日夜乃歛金帛置兩柩間寇至奉以爲質告之曰吾所以不恩死而捐此者爲丐以全死者耳情辭懇切寇相顧駭愕弗爲取且以善言慰撫之而去家人返惟其人與柩俱無恙而白金故在莫知何以致然也高後以壽終人稱其長者

孝友

卷之五 九鼎堂

王公衮

王公衮山陰人佐之弟也母墓爲盜所發盜既捕得司簿其罪公衮手斬盜首報母警諸獄自繫佐請納所居官以贖弟永嘉王十朋時爲僉判賦詩美之且載其事於風俗賦中

錢國材典祖

錢典祖字國材上虞人少類成人長探理學母疾二年竭力致養及終貧不能葬孺子泣者五年既葬白烏千

百集墓木上一大鳥類鵲馴擾墓傍卒百日而後去

陳濮州思孝

陳思孝黃巖人宋季元兵擾攘其母被掠而北莫知所之思孝日夜號泣與家人訣誓不見母不還行七年至濮州得焉遂與母歸侍養益篤及卒居喪三年常在苦塊負土以葬鄉里驚歎因其濮州得母咸呼爲陳濮州而不名

趙孟傳商弼

趙商弼字孟傳家於上虞年十六隨父武顯之官池陽

孝友

卷之五

孝 九鼎堂

趙通趙武顯殯於池陽以邀金帛孟傳以身蔽父號呼而言曰寧殺我勿傷吾父賊砍孟傳數刃衣破而體不傷賊相顧曰此孝子也殺之不祥竟釋去孟傳嘗謂人子不可不知醫乃博覽古方書盡知其要人以疾告必爲盡誠救療說者謂孟傳爲錫類之孝

吳處仁弟困附

吳處仁世籍僊居父爲元兵所驅巡山呼其子索銀以贖死處仁聞父聲急出語之曰銀吾所藏也容吾歸取以贖父及發窖則已爲人所得矣乃告兵曰銀無存者

吾戴吾頭來以代父死耳其弟困又欲代兄衆兵愕然義之俱獲免

呂蒙 子瑛附

呂蒙新昌人葬父集縣北三十里杜潭廬墓久不返子瑛憂懼築室龍巖迎蒙居之蒙遂蔬食終身哀慕四十年如一日及蒙卒瑛哀慕亦如之

鄭博士憲

鄭憲僊居人舉景定進士第歷官太學博士德祐間元兵壓境憲奉母以逃歷深山中遇兵欲刃其母憲抱持號泣以身翼之曰寧殺我遂俱遇害

卷之五

主 光緒堂

蘭谿三孝 陳天隱董少舒金景文

陳天隱字君舉端重好學父兄早喪事其母馮以篤孝稱母卒將葬於三峯之陽時六月赤日如焚天隱先期虔禱乞雲霧覆棺已而果然葬畢雲散人皆異之董少舒字思仲世業儒篤行著於鄉黨父亡負土築塋廬於左靈芝生塚上有紫幹黃蓋之祥

金景文字唐佐少有大志力學而不求聞事父母極孝母喪廬墓見天光下燭五色爛然後廬父墓烏鼠馴其

傍無怖色風雹環四隣獨不入其舍鄉人遇旱曰旱無苦金公禱必雨隨禱而應咸淳四年邑令沈應龍以景文及天隱少舒名請于朝建祠學官之右名三賢堂又以其德應人行作八行碑

朱虎殘泰

朱泰武康人家貧粥薪養母常適數十里外易甘旨以進戒妻子常候母顏色一日雞初鳴入山爲虎所攫負之而去泰已瞋眩忽少甦厲聲曰虎爲暴食我恨母無託耳虎忽弃泰於地貼耳走如人疾驅狀泰前旬而歸母持以泣泰亦強舉動踰月而後如平時鄉里聞其孝感以金帛遺之目爲虎殘

元 共三十一人

唐轅弟較附

唐轅唐毅鄞人也父復禮以擅匿官廳事被陷且執拘以歸於京轅詣吏請代父命不省乃叩頭流血繼之以死吏憫其情脫父桎而梏之行至越州時毅自杭回遇諸途挽轅袂哭曰兄爲冢子宗嗣所託不可以死弟請代兄行轅不從較給之曰兄訥於言往必不免弟有一

計可生。幸無苦竟奪其枯槁已手。吏亦憫而從之。較抵京。繫獄旬日。近臣奏其非辜得免。人以比古之伋齊云。

裴尚

裴尚。會稽之義門也。晉義熙中。自婺女徙居會稽之雲門。世勤畊桑。習絃誦。越五代。至宋。踰六百年。無異。裴大中祥符四年。州縣以聞。詔旌其門。蠲其課調。是時裴氏義居已十九世矣。其族長曰承詢。至嘉泰初。又五六世。蓋二十四五世。猶如故。聚族日繁。嘗有饋瓜者。族長聚小兒十三歲以下百餘人。自取各相推遜。以長幼持去。其習爲燕遜如此。至和中。李待制允有詩云。夫何於會稽卓然有裴氏。同居六百年。相聚三千指。昔賢欽義方。列奏聞天子。恩詔表門閭。光輝映棠梓。

朱進士環

子元附

朱環。字君玉。義烏人。仲父桂。無嗣。養之爲子。後桂生子璧。因外環。環益孝謹。凡勞事皆服行。不知有寒暑時境。內多盜。白晝出道上。徵人財。桂有金數百兩。與璧謀。匿窖中。璧夜發之。反以誣環。桂怒。視環襦袴立之雪中。一日夜不使去。環恂恂謝過。無一言辯其冤。及桂死。遇璧

李友

卷之五

李

光碧堂

益厚。璧子慶多暴。或駕以殺人罪。環憂不能食。竭私財救之。慶獲免。環善讀書。寶祐間。嘗舉進士。年八十六。終

於家。子元字子初。至元末。有盜數千。起縉雲。過永康。置砦峽源山。山抵元家。甚逼。盜將劫元。父環爲謀。帥元聞。遽歸告環。環速避。寇不聽。復涕泣諫。環罵曰。豎子不解事。江南內附。又誰敢畔者。設有寇。不過鼠竊狗偷。何足病元。自度賊若縛父去。則是父從賊。反官坐以法。雖有百喙莫能白。爲今計者。孰若殺賊。以自明。乃與役夫傅參謀。挾刀伏垣下。或止之曰。賊勢張甚。汝不畏作。趙醢邪。元曰。吾知有父。爾若得白父。以無罪。雖萬死不恨。會賊偵騎至。竟砍殺二人。梟首市中。以血手入示父負之。北逃。賊平。父得無罪。

鄭宗文綺

鄭綺。字宗文。浦江人。通春秋穀梁學。事父母孝。父照以非罪繫獄。當死。鄭上書請代。竟白其冤。母張病。擊綺。保持若嬰兒。三十年如一日。合族同居。家無異榮。曾孫德璋。爲仇家傾以死罪。械送楊州。兄德珪毅然代其行。德璋泣隨之。爭欲赴吏。德珪以計沮其行。從間道逸去。竟

代弟死德珪生文嗣自縊至文嗣同居六世矣歷二百年咸如終在時文嗣生鑑鑑生渭渭生挺皆善守家法合數千指無異心至大中郡守上其事准助莊表門閭至元冬太常博士柳貫與鄉校羣士又上狀請如故事復其家從之初文嗣既沒德璋子大和司家事嚴而有恩雖家庭中凜如公府子弟小有過頒白者猶鞭之每遇歲時大和坐堂上羣從子皆盛服衣冠雁行立左序下以次進拜跪奉觴上壽畢皆肅容拱手自右趨出足武相銜無敢參差者見者喑喑嗟歎謂有三代遺風名

孝友

卷之五

孝友

光緒堂

聞天下自大丞相及臺省海內名公卿多賦詩美其行部使者行縣以其孝友七郡莫之或先復書東浙第一家以褒寵之大和喜學禮不奉老子浮屠經像冠婚喪祭必稽古乃行子公從化馴行孝謹不識廬市嬉戲事執親喪哀戚甚三年不御酒肉田賦之屬各有所司纖毫出納咸有文可覆浹日則會不公則監視發之諸子晝各趨事夜輒合坐棣華軒中溫溫笑語至更餘始休雖多列顯仕不敢挾諸婦惟事女紅不使預家政宗族間里以恩懷之各有差內外極嚴與臺通傳不敢越堂

限家畜兩馬一出則一爲之不食人以爲行義所感存家範二卷傳於世

金松一

金松一蕭山人至正間以家貧傭工養母凡遇魚肉必持歸以奉一日母病篤思魚時天大寒江水皆冰計無所出乃往漁浦渡頭叩拜祈天湏臾鴈自西來墮雙鯉於前持歸供母病即愈

胡景莊忠

胡忠字景莊餘姚人宋尚書沂六世孫也弱冠哭父耳鼻出血事母至孝與庶弟明府同居共產有瑞榆之徵時州郡新附多盜賊忠出資募鄉夫掩捕之元貞間饑疫忠貸錢穀以賑閭里而葬其死者明年大穰里人齎錢穀酬約忠歎曰饑民近得一飽吾忍取其宿逋耶悉取券對衆焚之其孝義爲鄉邦所推

孝友

卷之五

孝友

光緒堂

姜大民燕

姜燕字大民淳安人弱冠有志古道經史諸子靡不窺究工詩文詩法陶彭澤文法韓昌黎每云吾詩文得山水之助爲多故能力追作者天性篤孝七歲而孤隱居

養母屢辟不就居喪哀毀幾絕結廬墓側朝夕哭臨蔬水哀麻寒暑不易也居傍小阜突起宛類釣臺終喪之後旦暮登躋遙望隔浦松楸向墓號痛表其名曰思臺有思臺集若干卷行於世

丁祥一

丁祥一諸暨人也家貧母老行傭以養母病目無以為藥焚香露禱每旦盥漱祗目去賒暮亦如之逾三年而母目復明事上旌其門邑人楊維禎為詩贈之曰孝子蘭刻木肖母顏木有神痛相關況我孝子有母上堂問

孝友

卷之五

孝友

光緒堂

安否母胡為目雙瞽母瞽捫壁行行聽孝子聲孝子泣母祗母目何時仰見天日星朝祗瞽暮祗瞽一日二日百里程母瞽豁然而月明隣里來賀母如長夜再生孝子名上達天聰華表柱為孝子旌

余丙

子慈附

余丙遂安人幼喪母泣血成病父亡不忍葬結廬殯於古山下閉戶守視適牧豎遺火延及廬廬丙與子慈投身火中欲與極俱焚忽暴雨火滅父子無恙人以為孝感所致

周樂

周樂瑞安人宋狀元坦之後也父展通經能文方氏竊據溫州拘展置海舟上樂隨往事其父甚謹一日賊酋令沉展於水樂泣請曰我有祖母幸留父侍養請以已代父死不聽樂抱父不忍捨遂同死

陳斗龍

陳斗龍昌化之西眉川人也父天澤娶盛氏無子求宜子者於錢唐清湖王氏生斗龍未一歲王氏與盛不合謝還至元丁丑天澤病斗龍年十三能奉粥藥禱於神

孝友

卷之五

孝友

光緒堂

乞減年以延父壽弗效母盛亦以病卒斗龍居喪極哀感羣鳥集其舍飛鳴三日夜而後去或告之曰盛母非母也而母錢唐王氏生而數月而盛母遺之去盛母非母也斗龍大驚哭即日與妻訣不見母不還至錢唐無知者有老嫗曰而母嫁江東去矣即渡江踰淮走徽饒及廣德寧國凡六年於永豐禮賢鎮得焉為施氏婦老矣施憐而還之至家徽寇犯邑斗龍負母入百丈山命妻擁其後未及山遇賊乃置母平處稽首告賊曰幼不知母求六年方得歸又相遭如此吾夫婦死無恨但母

老無養者賊谷嗟捨去且戒其徒勿更至山以驚其母人亦賴以免達魯花赤阿思蘭也奴銳請旌表斗龍固止之胡長孺爲之傳

張子用觀僧 姪懷邦附

張觀僧字子用新昌人幼穎悟讀書知大義父患瞽不能行觀僧躬自扶持寢處必視寒煖飲食必極甘旨至正中寇亂居人皆驚走骨肉不相顧觀僧謂其姪懷邦曰吾父失明若父病吾與汝家貲不暇顧救父爲急脫存不幸當以身代懷邦曰諾乃相與各負其父逃避鷗

孝友

卷本五

孝友 光緒堂

端山中俄而賊至揮白刃索金帛無所有將殺之二人叩頭流血請以身代父賊感而釋之父子遂得俱全父歿廬墓三年人皆稱張孝子云

周仲良驥

周驥字仲良新城人性至孝父早世事母備至飲食起居唯母意是適纖毫無敢忤依戀若嬰兒然候母所常止輒手一卷從傍伊吾或少出而返母離常所止處則感額不安必見母乃喜家貧試吏他郡資其祿以供肥腴時方尚吏吏權倖於上官以他郡遠母克謝去隱桐

廬山力畊以養母喪旦夕號哭過閭者不忍聞有兄瘋疾不能行嫂喪明無子驥事之如父母元季兵亂難兄嫂避難既歿卜地以葬鄉人稱孝友焉

蔣伯玉珏

蔣珏字伯玉開化人事父芹澗先生篤盡孝愛芹澗歿嘗謁墓念親嗜魚傍徨河側忽雙鯉躍出因取以祭當道異之薦舉不受

王君傳貴翁

王貴翁字君傳瑞安人家貧授徒養母至正丙申山寇

孝友

卷本五

孝友 光緒堂

至貴翁不顧妻子負母避北湖山爲賊所執裸而捶之求貲弗獲疏其母衣貴翁哀懇弗聽遂抱母而泣賊怒殺之越三日母亦卒

潘應定

潘應定嘉興人事母至孝母喪廬墓有白雀翔集黃桂素花之異周伯琦榜其墓所曰雙禪

黃孟廉義貞

六世孫濟之附

黃義貞字孟廉餘姚人篤學好修事親以孝聞大德間徵拜博士辭不就隱居鳳亭壽一百五歲其六世孫濟

之能修義貞之孝失慈於繼母構於父而出之益承順無忤及父母歿復廬於墓鄉人稱其世孝云

胡野廬

胡野廬永嘉人父義爲縣胥事添設縣令劉公源至正戊戌公源弟公寬以兵襲方氏弗克越三日方氏盡捕劉氏黨於是義被執野廬時年二十一曰事劉尹者我也執父奚爲遂釋其父斬野廬於市聞者爲之隕涕

過宗一

過宗一海鹽人蚤喪父獨與母居至正間張士誠陷姑

孝友

卷之五

卑

光緒堂

蕪略地至海上宗一負母逃與寇遇欲殺之以身蔽母中數創賊舍而去既返益困備以給食母卒六年不克葬寢苦服衰不變與人語輒泣下白燕巢其室東西相向及葬燕不復來

周士威

兄士行附

周士威永嘉人與兄士行俱幼喪父母藉外祖母夏氏撫育以至成人士行業針工以爲養至正戊戌方明善據郡若干佛寺置柵自衛俾市民守之九月十日夜劉公寬率義兵砍柵入寺明善遂逃三日方明善復入罪

守柵者四家而士行與焉遂囚於獄時士威年十九詣獄吏請曰吾兄弟皆孤藉外祖母以存今外祖母年八十六矣幸兄以求食養之吾無能焉若兄死則皆無託矣願以身代兄死因悲咽不自勝獄吏憐而易之士威遂遇害

文學掾戚秉肅敬

戚敬字秉肅嘉興人母病醫藥弗效剖股肉以進母不能食而死敬痛絕再三既葬廬墓產白芝五本又欲像母事之工弗能也敬伏墓號哭三晝夜不輟聲母忽見

孝友

卷之五

卑

光緒堂

夢於工明日工省而像爲敬奉之如事生張士誠陷吳將逼橋里人皆遁敬曰吾忍舍父母墳墓耶乃散財集子弟保鄉里寇至多所焚掠敬所居白亭鄉獨完有司論其功謝曰敬爲墳墓計敢希賞乎後自使者薦爲文學掾十年不調

魏保

魏保永嘉人劉公寬之變保父忠亦以守門故爲方明善所執將斬之保時年二十至行刑所以身蔽父曰是夕守門者保也請自當罪伸頸死於刃下父遂得釋

林甲乙

林甲乙樂清人蚤喪父嘗傭作養母亡家貧不能美觀以薄棺歛之越數日屍腐流液淋漓弗能止穢聞於外居隣皆惡之甲乙因以器承其液捧之仰天痛哭自咎曰此吾親之遺也何復矣若是哉遂盡飲之流液遂止穢氣亦息鄉人異之以爲孝感所致

陳孔英杲 弟多遜附

陳杲字孔英台州人兩峯先生叔夏之子也至正壬辰夏四月方谷珍寇亂知州趙宜浩率民兵禦之敗賊遂

孝友

卷之五

聖

光緒

奔潰四出叔夏被執抽刃將殺之杲伏父身上願代死賊碎殺之弟多遜肉袒馳至請代兄死身被數創死而復蘊後爲山東運使

王泰

王泰永嘉人宋提刑九初之後也幼失怙恃鞠於伯父丁未冬兵大至伯父爲兵所執求財物不得將殺之刀方加頸泰時年十五匿藁薄中躍出給兵曰兒知瘞物所伯父遂得釋而遁兵監掘數穴皆無所有乃涕泣告兵曰兒實不知瘞處恐伯父被害故出願以身代伯父

死兵怒斬之仆地兵旣去伯父哀而視之則頸骨已斷

而其喉未殊遂捧其首合於頸適人家有修船油灰因取以塗其瘡試以水滴口中稍稍能嚙至暮昇至家越七日始甦言曰方斬時若風冷然過頸良久熱痛悶暈若有數人過指曰此兒甚孝且不當死卽令一人以藥傅其頸冷然若冰雪痛遂止凡八易月其瘡始合而首竟偏

兩浙名賢錄卷之五終

孝友

卷之五

聖

光緒

兩浙名賢錄卷六目次

孝友

明

胡惟輔剛

國子博士王仲緒紳

姚封公伯華

劉謙

丁文彥美

黃彥甫附

王公亮晃

謝原規矩

祝潛山崑

父大昌附

李景恭恭

盛本源

樂枏

弟稅附

葉琮

筆友目次

卷之六

光緒

沈原懋壽康

夏道昌

秦汝清涇

貞孝處士鄭仲涵淵

從弟湛淵附

姚文

顧孝子薇

青槌居士鄭子敬欽

高珣

馬叔良純

光化知縣張伯樗壽祖

朱士貞助

吳克素希汴

彭水知縣盧祥卿

子顯敬附

鄭伯規壁

陳敬

朱煦

陳錫玄圭

江浦教諭祝廷心金

李仕開

三子孝滿梯瀟忠瀟附

文學貞駟

趙以行紳

葉文榮

繆燕

喻祿孫

許廷璧瓏

子元祥附

徐恩

馬孝子扇

蔣孔志鵠

鮑孟彝倫

檀孝子郁

黃仲信鐸

祖原照附

崔彥齡永

何永年良

鄒昊

丁允中微

趙文學初

與伯昭牛通附

筆友目次

卷之六

光緒

夏正寅寅

二子煥灼附

張處重

妻周氏附

楊上舍鐸

孫梁附

廣州守沈公禮琮

弟璋附

桂恭

周應麟廷瑞

馬琮

季彥良養

杜孝子澧

孫經

弟紹附

朱仲穆子堯

弟子理附

孫仲文宗駁

章希盛葦

潘沆

子葉附

方貫

趙司訓夔

毛士忠葵

瀘州知州宗濟才祉

翁世宏浩	馮文學圻
虞靜之灌	虞仲賢紳
王珥	魏尚敬忠
陳德茂滋	李邦貢僊
何養仁訥	梁祚
孫都昌文原	孟春
何邦直兢	陳廷章璋 <small>妻錢氏附</small>
樊迺	樂子仁惠
桐宗道倫	喻文學孜
太常寺少卿潘府	感恩知縣董道卿遵 <small>孫子附</small>
董宗順淑	周豪
唐布衣熊	朱文學泰 <small>妻吳氏附</small>
劉晉	凌太守立
沈良十	陳受益謙 <small>弟讓附</small>
王教授錦	向文學叙
童景文暉	馮文學履祥
陳曷 <small>子九德一德孫懿典附</small>	贈侍郎張汝誠懋 <small>四子二孫附</small>
陸尚質	提學僉事江子望圻

吳叔良人驥 <small>妻談氏附</small>	何士明倫
順昌令孫天會朝宗	刑部郎中鄭叔平履準
王孝子伯化	趙川先生朱寅取陳範
尚實司卿孫塤	龔汝霖曇
潘時循珩	何兆三
虞國賓舜卿	戴孝子華
兩浙名賢錄卷六目次終	

兩浙名賢錄卷之六

東海徐象梅仲和氏誤

當湖陸錫命仲敬氏閔

孝友

明共一百四十人

胡惟輔剛

胡剛字惟輔新昌人生有至性洪武初其父謫役泗上以逃役當刑勅附馬都尉梅伯殷監斬時剛往省侍役於待渡間聞之遂裸跣泗河而渡奔走哀訴請以身代

孝友

卷之六

光緒堂

言與淚俱情甚懇迫梅憐而奏宥其父同坐者八十二人俱免死淮人至今傳頌云

國子博士王仲緒紳

王紳字仲緒學士禕之子也年十三讀政過人宋濂一見奇之曰華川有子洪武十五年蜀王禮聘教授蜀府紳痛父遺體未返丘隴白王走雲南勸哭行求不能得即莫死所仰天一號絕而復寢漢人感悅稱王孝子建文即位以薦召爲國子博士預修高皇帝錄與方孝孺友善嘗尊孝儒爲百代儒宗建文元年紳上言父死

節狀且曰陛下方隆孝治而明詔又有旌表節義之條

正微臣得展情事之時先臣志節獲伸之日也下翰林

定議降制特贈補翰林學士奉議大夫諡文節開國以

來文臣有諡自補始也時寒義被拔擢而好與時浮沉

紳上書劾之曰執事方負天下重望苟不安危實繫於

進退去取之是非而所任非其所長所賦非其所事位

高於器則有覆餗之患才過於職則有積薪之識非其

才而強委之至於債事則是執事欲爲尋常無聞之人

而不可得況敢望其逸樂優游而與時俗上下乎義得

孝友

卷之六

光緒堂

曹極憾之建文二年卒年四十有一子稔字叔豐少有志行壯力學問性至孝紳痛念父歿食不兼味稔遵教子孫相承數十年不變父母喪三年酒肉不入口卒年五十九門人私諡曰孝莊先生餘在獨行錄中

姚封公伯華

姚伯華桐廬人年二十未娶事父母極孝晨昏定省未嘗去左右元末兵亂桐廬在浙上游客避於校獨當其衝寇盜旁午肆剽掠民不聊生父母妻子各避匿山澤不相顧伯華父母時年俱六十餘家頗溫厚度不能存

奉親匿闔原山中各挾貲以行倉卒爲羣盜所迫技策
莽間散失不知所在盜過父不虞後盜之至也出呼其
子遂爲盜所得妻聞知責所挾物馳救其夫盜併驅以
去至一山澗路崎嶇險夫婦老不能步哀訴乞免盜怒並
推崖下墜石死明日盜稍退伯華遍野追求不可得哭
聲徹天忽有指示曰爾親在崖下起視之則皆死矣伯
華計盜來未已用絳紬被二裹其父母以肩擔之乘夜
由間道奔桐江時江無舟躊躇間忽漁人棹小舟向岸
來伯華出銀鐲一隻付之載以渡南岸復肩擔二骸至

孝友

卷之六

三

光緒堂

姚家山祖墳之右採樹葉掩之徐用木椎挖土飢寒無
力又虞他盜之窺覲也晝伏夜作二晝夜穴成深可丈
餘負二骸殯於穴仍負土築壘高三尺痛哭嘔血而出
未幾明興四海大定民各復業於是伯華歸卽舊基而
屋之孑然一身形影相弔乃因其族嫂宋氏聘錢唐楊
氏爲婦生三子家業漸饒伯華痛二親死非其所每一
念至悲不自勝計其遇難時二月也不知其死之日故
每臨二月則終月絕酒食不茹葷不接賓客獨擁爐自
泣手持杖畫灰隱痛裂肺肝淚傾注灰盡濕不已或問

之故不答勸之益鳴咽弗已進飲食輒推去奉祭祀執
爵哀哀呼父母如在膝下時聞者無不感動伯華記逃
難日乏草履幾不免尋以銀釵購得之始獲濟遂終身
手織草屨以施貧乏弗取直三子生八孫顯者曰夔吏
部尚書龍河南左叅政子孫男女不下七百指伯華壽
七十卒贈通議大夫禮部右侍郎

劉謙

劉謙山陰人洪武中父謫戍雲南伯兄又以督運死京
師謙甫六歲輒知痛父一日問家人曰雲南在越何方

孝友

卷之六

四

光緒堂

家人以西南指之輒朝夕向西南遙拜年十四歲豐然
曰雲南雖萬里天下豈有無父之子哉治裝爲尋父計
時滇夷初服道路荆楚歷六月抵雲南艱辛萬狀遇父
於逆旅相持號痛行道傷悲俄而父患瘋癲欲以身代
戍冀得歸父而國法戍邊者惟十六以上孺長男始得
更替於是復歸携伯兄子往而伯兄子亦尚孱弱又復
歸悉罄家資以往蓋三返雲南始得歸其父也父歸家
徒四壁幾不能爲生謙力供菽水晨昏必極其歡督學
使者張倬爲傳其事

丁文彥美 黃彥甫附

丁美字文彥諸暨人兄進洪武初邁誣被逮美度兄孺且訥必不免白於官請代行進曰事在我汝何與焉進方欲往美已赴逮所矣竟編之徒官以死同時有黃彥輔者其從兄彥實坐誣州司追遣將行彥輔慨然就械以徃而其事卒白鄉人皆義之而於美之死尤加悼惜焉

王公亮晃

王晃字公亮東陽人居貧養親曲盡誠愛母卒廬墓三年邑令張立嘗雪夜往祭之藉苦單薄晃僵卧其上齒相擊有聲而鳴咽號哭不自禁立大加歎賞割俸助之聲稱大著太守劉淮大書孝行之門旌之仍復其家

孝友

卷之六

五

光啓堂

謝原規矩

謝矩字原規鄞人父思恭生員與矩矩以父命爲人後員以博士弟子員辟郡從事轉臬掾裁革起赴京師改四川徙臨洮坐事謫戍留守復調涼州橋遷有年而道途梗遠非計月日可至矩常裹糧走萬里資送終其身不衰後以例藉父及妻子俱赴戍所獨矩以別籍免矩

曰奈何使父與嫂姪獨困苦邪力請與偕抵吳門父以憂憤卒矩哀毀幾絕或勸火之輒號泣曰此未俗偷風雖倉卒吾何忍乎乃以父柩權厝旅舍相嫂姪抵京師適遇例以家屬放還遂復至吳門迎觀歸葬明年兄歿成所計聞矩又問關數千里函骨歸附先隴撫其遺孤益至先人田廬悉以畀之薦紳大夫高其行謂孝友篤至君子也因扁其堂曰孝友

祝潛山崑 父大昌附

孝友

卷之六

六

光啓堂

祝崑麗水祝大昌之子也大昌隱居養親以孝稱母沒柩在堂家人失火力不能撲伏棺而號其火自滅復塑二親像於堂朝夕事之如事生崑之事大昌一如大昌之事母洪武初盜賊未靖崑奉母避亂山中母被賊逼投崖下崑大驚呼擲身赴抹忽雷雨大震賊衆驚潰一時避難者俱得脫母悶絕崖下崑掛樹枝得不死卒救母全活說者謂崑之震雷與大昌之滅火同一寔感父子之至行上通于天矣洪武七年舉孝廉潛山縣知縣未幾卽陳情養母該部移文翰林院修錄入史

李景參

李恭字景恭，括之麗水人也。博覽羣書，以能詩名。弱冠詣京師，應制賦鐘山曉霽詩，稱旨，賜宴光祿寺，命需次錄用。而恭意殊不屑屑也。乃曰：古人不以三公易一日之養，吾顧以老母易升斗乎？遂以母老丐歸，日修政於家事。母如事嚴君，屏著之間肅如也。子弟化之，三世無異爨云。

盛本源

盛本源，金華人。洪武中，兄本道被鄉里誣誤，罪當死。本源謂其兄曰：兄未有嗣，理不可死。我子女四人願以身代。兄在我猶不死也。如兄死而無後，則我遂無兄矣。竟毅然就吏代其死。聞者莫不歎異以爲難。

樂枏弟稅附

樂枏者，明之定海人也。性孝友。家以亭戶籍官，枏承其役。弗替。洪武十二年春，會稽錢清高氏許從兄弟歲輸鹽，痛自縮，迫小民倍其輸以掩已之數。事上聞，上以浙河以東，亭戶大家皆罔上賤，下如一律，卽遣使緝各倉，覆鹽有損常數者，悉起赴京鞫訊。咸承罪，坐輸作而枏亦在逮中。方治行，其仲氏稅願代往。枏曰：吾之往也，

孝友

卷之六

光緒堂

生死未可知，設死焉。吾有三子，爾尚無後，其可哉？稅又詣縣庭請代。枏枌白於官曰：枌之名固不可易，服力塩事皆枌也。稅罔知使往而被鞫，必失對。縣因不敢遣及枌行，可一里許，稅又追及之。枌叱之去，不聽。卽乘堦垣以塊提稅垣之塊去者，半稅度伯氏心不可回，痛哭而返。十三年夏，枌果死京役中。年三十有六。說者曰：枌之就禍，稅之請代，皆知有不免而乃毅然爭先，非友愛之篤者能之乎？稅雖不死，昔固分其死矣。枌雖死，猶不死也。世之兄弟有較小利害相仇虐者，聞其風當何如。

孝友

卷之六

光緒堂

葉琮

葉琮，麗水人也。幼失怙恃，事叔嬸如事父母。叔亡，嬸陳氏性偏常，伴狂逐之。琮盡讓田宅自居外舍，每旦暮必歸定省。如此者十餘年，陳歿，其子珣以前田宅讓還於兄自葬其母而和睦之風藹然。

沈原懋壽康

沈壽康，字原懋，海鹽人。早歲爲州吏，事親至孝。親歿，葬祭如禮，廬於墓側，蔬食布衣，終其身。晚習經學，有解悟，信道甚篤，識度絕人。南臺論薦官之，不就。洪武初，知縣

王文表其鄉曰孝隱

夏道昌

夏道昌世居鄞之月湖以漁爲業道昌幼孤聽母教唯謹既長而漁日所得魚擇巨者以奉母餘以供薪水之費所寒暑雨未嘗廢業母得瘁疾日在申而大作非沸湯沃之弗止道昌出必申歸以供湯沐無後時者鄞俗上元則燒燈以祈歲季秋則賽神以報成道昌至時必奉母出遊母倦行則襁負而進母或不愜意嚙其背出血卽長跪祈請得怒解復負之行一日道昌漁于新庄之河得巨鱗里人厚與之直堅弗與里人怒遂毆之老人恠而問故曰歸以奉母老人禮而遣之由是名益著尚寶袁珙異焉歲時伏臘必爲酒餚以燕勞躬爲執爵舉案及母卒道昌哀毀如不欲生會有詔錫民孝弟力田者粟帛有差道昌力辭弗受

秦汝清涇

秦涇字汝清平湖人幼喪母哀毀不勝服除慘事之如生及事繼母失愛涇事之益謹撫異母弟尤篤卒回母心父卧病隣火及卧所拱屏不及涇但叩頭籲天風反

火滅父歿廬墓終喪知府鄧登高履實上聞未報而卒

貞孝處士鄭仲涵淵

從弟瀛洪涇附

鄭淵字仲涵德璋之曾孫也天性至孝母疾侍湯藥年餘弗離病革思食西瓜既食而卒後見瓜輒泣終身不忍食之因念母得贖疾繼喪父哀毀骨立服除猶哀痛遇忌日哭奠如初喪歿身不變從學宋太史瀛以古文知名於時及卒宋太史表其墓曰貞孝處士

從弟瀛字仲德性寬默喜怒不形人稱長者主家政二十年子孫從化諸婦寡必守節一家同居歷宋元至洪

孝友

卷之六

九

光緒堂

孝友

卷之六

十

光緒堂

武十四年有以寄鈔事誣其家者從弟湜代詣吏瀛謂曰我家長當罪於是兄弟爭就獄事聞太祖慰諭之且問以治家長久之道瀛以謹守家規對上嘉賜酒饌遂命除湜福建布政司叅政後復有以盜糧誣其家者太祖曰鄭氏義門焉作此事宥之後瀛以事坐死弟洧代就吏死於京人哀之私諡曰貞義處士

姚文

姚文杭之前衛左所軍也早喪父事母盡孝身隸戎伍每晨出趨役必拜母而往暮還亦如之母卒擇葬地玉

泉山下詰旦有數虎聚其地相跑成穴遂舉棺葬焉其
孝感如此

顧孝子薇

顧薇海鹽人性至孝童時父母有小疾卽憂形於色湯
藥必嘗年十八母李死哀慟頓絕良久乃甦水漿不
入口者三日潛刻一木肖母像事之如生出入必涕泣以
告一日號呼不已木母忽作聲呼其名家人聞之大驚
比隣失火將延及伏棺痛哭火回棺卒無恙又繼母盛
不善視薇薇事之如李不少違母卒化爲慈人稱爲顧

孝友

卷之六

七

光緒堂

孝子

青槐居士鄭子敬欽

鄭欽字子敬太和弟文厚子也太和無子立爲後孝友
天至年十七生父得羸疾醫言人血可治輒刺膚瀝血
以和藥既沒痛悼終身母病凡三瘳頂灼臂以顧天撫
弟妹極盡恩義視一宗如一身資婚嫁有嘉禮庄遇疎
族有饋食栗饌寒衾恤異姓周窮匱嘗續完太和所著
家規共七十三則自號曰青槐居士

高珣

高珣山陰人農家子也性朴魯蚤孤而貧行傭以供母
母卒葬刑塘下以母生時畏靜每夕往墓所措苦薄以
卧四無墻壁地沮洳多虺蛇珣不以為患歷三載不輟
當近寒時有物夜來暖珣足以爲常珣初意其猫也或
以告人人審覘之始知其爲狐郡邑上其事於朝學士
大夫多爲詩歌以傳之

馬叔良純

馬純字叔良其先西域人也元末父景華避亂居於錢
唐叔良弱冠景華沒每一號慟輒頓絕景華臨終時屬

孝友

卷之六

七

光緒堂

叔良曰我葬後當十日一墓省叔良如期必往哭哀會
稽張天民狷介少許可特爲賦馬孝子慶椿詩一時士
大夫多著述以彰其事奉母復備至飲食必躬調以進
得一美物或出外見一新果必歸奉母承顏順色未嘗
輕去左右或勸之仕曰吾忍一日離吾母乎母疾徬徨
營救形爲枯瘁母沒號泣勺水不入口者三日旣葬廬
墓三年作哭母詩懷母賦以寫其哀鄉人誦之咸稱爲
馬孝子與人交尚風義其師沒無子爲營塚奉神主於
家塾朔望必束帶拜謁春秋祭奠必以時致恪焉

光化知縣張伯樗壽祖

張壽祖字伯樗浦江人性孝父早喪母患乳核在背二十年成癰勿潰壽祖親吮之而愈祖齊賢年九十餘寢疾累歲壽祖侍湯藥無倦色母後亡毀瘠如不勝貧不化知縣以壽終

朱士貞助

朱助字士貞婺之湯溪人也天性孝友母卒廬墓孝感三異家毀於火而師萊堂扁出煨燼若新盆柏蒼枝致

孝友

卷之六

三

光緒堂

黃鳥知育馴而不驚家有母犬老瘠病瘡其兒啣食食之聞者歎未曾有其兄士安謫戍麻陽歲具衣錢走戍所資給之每歲飢輒出粟貸貧而不收其息里中有貧舉富人錢而力不能償者代償之其他善行多類此

吳克素希汴

吳希汴字克素新昌人性柔順事父宗信務得其惟心洪武初民斷指者法戍邊宗信以疾失將指之半里正希汴補之希汴憂形於色會有善接指者人弗之信希汴心喜乃截右足小指接父將指彼此血出淋漓月餘

瘡愈指果續已而瘡復潰指斷如故希汴額天誠禱復截左足小指接如前法血交氣貫一指宛然如生鄉里驚異以爲孝感所致

彭水知縣盧祥卿子顯敬附

盧祥卿名景德以字行郵人也嘗隸金陵尺籍洪武初以勝國世職漕運命督造海運船已而船破運折坐侵漁逮獄將就戮其二子顯敬匍匐詣闕請代顯泣訴曰督造雖臣父名而侵漁實臣顯臣罪當死敬曰兄顯佐父周旋運事造船之謀臣敬獨知之臣罪當死上矜

孝友

卷之六

四

光緒堂

之庶得其寃遂兩釋焉祥卿竟以賢良舉於朝授四府彭水縣知縣九載考績坐註誤謫戍雲南左衛顯復哀訴乞代上曰真孝子也祥卿有子如是着冠帶寧家既歸與伯兄雲卿相友愛有古棠棣風

鄭伯規壁

鄭壁字伯規仁和人讀書好古天性至孝父沒方歛隣不戒火相剝於廬壁披髮稽首額天號泣以身捍棺欲與俱焚天爲反風息火居喪三年不內不疊母崔沒亦如之父友姑蘇陸璘元進士也家貧無子父嘗許以葬

地。父沒後。璘亦亡。璧購地以葬。曰。無使先人食言地下。鄭太史益爲作鄭孝子傳。璧所著有完軒集。藏於家。

陳敬

陳敬。奉化人。年十三。家貧業樵。一日隨父入山。虎攫其父去。敬卽撲臂大呼疾追。及之。乃屣其尾。而以杖擊。虎怒。舍其父。嚙敬。啖之。父尸賴以得全。鄉之名士哀兩作誄者數十人。

朱煦

朱煦者。僊居人。福州太守朱季用子也。性至孝。母楊氏。

孝友

卷之六

先賢堂

性嚴難事。諸子稍不如指。笞之不已。煦事之盡恭。洪武中。詔天下盡革今歲以上積歲官吏爲民害者。季用任福州。僅五月。例逮赴京。亦論罪輸役。時城役嚴。日用錢數十緡。季用又病痢。被楚不能堪。謂子煦曰。吾貧力豈足任此。吾旦夕死已矣。無爲汝累。但取吾骨歸葬爾。煦惶懼不敢離。左右季用不得死。時在役。告枉令嚴甚。告而謫極邊者三人。被極刑者四人。已煦奮曰。吾無術以脫吾父。訴不訴等死。萬有一吾父以訴獲免。卽萬錢死。無憾。父僚同役者交阻不聽。具告枉狀上。上悲傷其。

意。乃赦季用復其官。時以煦訴得復官者十四人。皆拜季用謝曰。微君有孝子。吾儕骨肉皆爲城下土矣。而煦以憂勞過當死。十四人者哭臨猶已。子焉福州痛子之死也。疾益甚。未幾亦死。

陳錫玄圭

陳圭。字錫玄。黃巖人。洪武初。父叔弘爲仇家所訐。罪當死。圭自陳願代父死。使得自新。通政司以聞。上大喜。曰。不意今日乃復有孝子。宜赦其罪。爲天下勸。刑部尙書開濟奏曰。罪有常刑。不宜屈法以開僥倖之路。遂聽。

孝友

卷之六

先賢堂

圭代死。而謫其父隸兵雲南。

江浦教諭祝廷心金

祝金字廷心。麗水人。資性純厚。幼不妄語。年十八。負笈師事金華宋景濂。四年學成始歸。洪武甲寅。父彥方同知安陸。與郡守郁斌偕坐累。謫役鳳陽。金卽脫絁掖衣。短後衣。負貲裝往代勞。役明年疫癘大作。死者相枕藉。郁無他子弟侍側。疾革。託以身後事。旣沒。金爲經紀歸。其喪已而父亦遘厲。金日奉湯藥。夜則懸天酒泣。請以身代。父瀕死者數四。氣纔屬續。夜半忽大呼曰。吾兒安。

在於是絕而復甦已而父遇寬恤思得復原官遂引年致仕既歸而疾作弗能起金盡心湯藥衣不解帶者七年未幾父歿擗踊不欲生恐傷母心扶杖啜粥治喪綰苦三年夜伏塊飲泣比曉扶淚以事母備極甘旨時時強笑以求母惟未幾母復歿哀毀如其喪父凡父母平生所嗜終身不忍食遇忌辰必先期齋沐致祭畢慟哭不食者累日弟仲嘗求異居室廬田園從所擇無難色郡邑兩舉不就築室白溪山中有終焉之志久之與仲俱徵仲應詔授秦府紀善金以疾固辭已旬郡邑屢造其門請分教麗水不獲已乃就力以典起斯文爲已任改江浦教諭乞致仕歸金學問該洽操履端方教學者必以持敬爲主雖謝事家居筋力漸衰晨必冠帶詣家廟肅揖一月之朔望必造先塋祭掃鄉黨宗戚相顧者未嘗以耄疾辭所著詩文若干卷皆溫純雅正類其爲人

李仕開 三子孝瀟佛瀟忠瀟附

李仕開鄞人操履方正州曲有爭必往質之三子長孝瀟次佛瀟次忠瀟少孝友根於天性依依親側弗忍斯

孝友

卷之六

七 法第堂

瀟去兄弟怡怡有事兄必先弟而弟恒代兄行親戚感額聚謀分走東西求醫藥旦夕迭侍床下親食後食親或旬日未食則水飲克腹而已終弗御七箸洪武初郡國例造戰艦官以仕開富室率衆編戶成之既成使者驗艦苦窳坐法送讞秋官時孝瀟弱冠請代父囚曰父老我壯宜往佛瀟甫十八已出爲從伯後亦曰兄素多疾弗能任勞願留養親且親所愛也我當往使者恐其非情兩械之而偵其所以兄弟終不易辭遂囚其長者孝瀟至秋官論輸作都門涉冰雪負土石手足疫瘰流血艱險備嘗凡一閱歲會赦免歸居十年仕開又以富室主料量米耗法當大辟忠瀟生十九年卽荷械詣官曰盜米者囚罪在囚身幸釋老父官趨其氣貌許之送御史院有旨免死黥而戍竟沒遼東父卒二千號哭幾絕者數四永樂中屢舉孝瀟明經俱以母老乞終養辭不起比母卒二千哀毀如喪父已亥詔天下纂修圖志太守汪旭起孝瀟總裁郡乘書成而卒後七年佛瀟亦卒孝瀟性行仁厚遇卑窶者必賑給而不使之知隣有

孝友

卷之六

八 先德堂

不掩解。解衣爲贈。歲大侵。斛米可易金二十四銖。乃曰。吾豈乘時射利者耶。環宅種竹。夜遇盜。盜者急避之。而復採笋。置籬外。其行事多類此。所著有經書問難。通鑑考證。急就章解。四明文獻錄。四明名賢記。長律英雄。中林集。藏於家。悌。灑勁峭。不阿。而折人過人。亦服其公。

危文學貞昉

危貞昉。臨海人。以周易占郡庠有聲。工詩。而性剛直。每讀書。至古人忠孝事。輒歛衽久之。曰。使貞昉生其時。亦當如此。爾。洪武中。其父孝先。以進士爲陵州丞。坐法謫。

孝友

卷之六

十九

光緒堂

役浦江。貞昉奔訴於郡守。願走代父。役守難之。遂號泣於庭。曰。人孰無父。哉。守感動。聽之。遂卽日上道。伏闕疏奏。上惻然。聽以身代。貞昉卽日解儒衣。欣欣就役。無難色。然體質尪弱。不勝任負之苦。越七月。竟以役死。

趙以行紳

趙紳。字以行。諸暨人。父秩。工詩文。精篆隸。永樂時。任高郵州學正。入京。舟次武城。偶墮水。紳卽從身水中。抱持之。河流悍急。俱不能出。明日。官爲出其屍。尚以手持父臂。不解事。聞旌其門。

葉文榮

葉文榮。海寧所軍餘也。性勇慤。而孝友。天至有弟文龍。醉毆殺人。官司訊服。其母鍾愛。飲泣不食。文榮痛弟無知犯法。恐母成疾。一旦奮然辭母。而訣曰。我年長有子。願代弟罪。以奉母。暮年遂詣官。自暴毆殺之由。釋弟歸。文榮竟坐法。臨刑笑曰。吾以一死。而全母弟。所得孰多。雖飲刃。何恨。說者曰。世之君子。兄弟不能容。往往以細故。相訐如寇讐。文榮不學武夫。篤於孝義。從容就死。如此。可以激千古之頹風矣。

孝友

卷之六

二十

光緒堂

繆薰

繆薰。定海人。兄弟七人。至老同居。聚族近百口。自祖保障父永宗。至孫蘭計五世。耕讀各職。其業欽散。需賓事各有條。鄉人義之。

喻祿孫

喻祿孫。嵊人也。事嫡母至孝。母死。結廬墓傍。晨夕哭奠。冬夜。虎忽入廬。祿孫號泣呼母。虎弭耳去。若有爲之驅者。西溪張胃爲之傳。

許廷璧聰

丁元祥附

許瓏字廷璧鄞人也。仁孝出於天性。少孤依其母。慈戀無頃刻。舍時出外。或就塾師歸。必歷舉所見聞告母。母輒喜。有所使唯唯而趨。長極奉養。罔母欲必極力供具。至城市有時熟鮮好味。必急致之。或向夜必携一燈走三十里抵家。親烹飪以進。因復歷歷舉城市中事告母。伺母安寢始退。嘗夜歸燈滅。遇神火於道。瓏就廟俯伏乞罪。已而神火復送之抵家。平居恒言孔門以色養爲難。此不假外求。不費貲貨。立易耳。故其母常言兒愛我卽就乳時無二態。惟願子孫亦復如是。居恒言動不苟。室中有婢二十六而嫁。仍處子也。里中有大姓相構。積不能解。瓏一言卽跪謝散去。至今茅山之陽稱淳孝篤行者必歸焉。子元祥成進士。以才俊名。

徐恩

徐恩山陰人家貧不甚知書。而孝友出天性。與兄文刈薪項里嶺日未午一虎從藁篠中出噬文牙貫肩項恩急顧得一木棓趨擊虎數十下持不可奪則蹶文足自後擊之虎乃釋文走。恩度虎必復來於是曳文首前何立跨屍以待。且大呼曰天乎吾與虎何讐虎殺吾兄天

孝友

卷之六

主

光緒堂

尚相與殺此虎復兄讐少選虎迂行負上勢奔突而下恩側身承勢橫扼而擗之虎輒失足殉逸若是者數四隣族聞者或匿林薄間呼恩弃屍自脫恩厲聲曰汝能助我不能毋撓我今日斷無弃兄理我不與虎俱生矣虎欲施不得復奔突如前垂至則人立不動亦若出奇設疑意在乘間以逞者恩直前批之適中其鼻虎創甚始卻步徐行而去然猶數回視焉旣而救者咸至共舉尸以歸恩力竭病累月死方恩病時有以義士譽之者恩怡然涕曰吾恨力止此不能喋此虎以祭吾兄吾乃以是得衆人譽吾獨何心哉。邑大夫蕭鳴鳳傳其事而爲之贊。

孝友

卷之六

主

光緒堂

馬孝子扁

馬扁者城西外僑也。生而篤孝。日賃傭養母。時時問母所欲。不計有無。難易輒竭力致之。無以供鮮。新常夜漁以饌母。得危疾不能具醫藥。則中夜額天。斷一小指煮湯飲母。母遂愈。人稱爲馬孝子云。

蔣孔志鵠

蔣鵠字孔志青田人。幼而喪母。哭泣如成人。年十六侍

父宦游京師父卒扶柩歸葬廬墓三年數有虎咆哮馴
遶若爲之衛者墓木產白鳩鵲每哭鳩鵲卽應聲悲鳴哭
止而鳩鳴亦止喪終飛去聞者以爲奇著有喪親記菊
菴稿若干卷藏於家

鮑孟彝倫

鮑倫字孟彝鄞人甫七歲父鱗游學吳楚莫知所向母
孫氏撫倫稍長服賈養母務盡其惟朔望焚香額天願
父子終相見如是者二十年忽有老人自慈谿來謂倫
曰汝父曩與我客湖廣至漢陽東塢授徒贅婦生二女

孝友

卷之六

圭 光緒堂

不幸死矣盡往歸其棺倫大號急假裝走漢陽如老人
指踪跡之良是婦家懼有他意訟於縣倫情弗卽白繫
獄數年縣上府府上之監司監司謂疑獄錄有刺血驗
骸事親按墓所發棺令倫咬指滴血直入枯骨其事乃
決倫卽買棺歛以已附體之衣訴乞歸葬監司許之表
其空穴曰孝子塚倫歸家人感陰陽家言弗聽扶柩入
堂倫不爲尼卒停棺正寢苦塊哀毀朝夕臨哭如初喪
不踰旬妻妾子女死者七人無有子遺倫心靡悔卜兆
葬焉越數年復生子女各一人倫性慈好施歲飢里嫗

市布爲僞銀所紿號泣求死倫憫之易其銀投江中個
穫有弗給者反助之俟明秋來償不取其息甬東路衝
漁鹽卽大旱斥鹵亦汚人衣履倫捐金伐石甃成坦途
已而所甃之石隱隱有齧障松竹若圖畫然觀者如市
咸謂倫仁孝所徵云

檀孝子郁

檀孝子名郁桐鄉人家貧少孤母孀不二郁事之極孝
晨昏定省愉色悅容言動兢兢恒以辱親爲懼母疾郁
晝夜扶持湯藥不解帶者數月母竟不起哀毀踰禮卜

孝友

卷之六

圭 光緒堂

葬某山多石不可以穴郁傍徨悲泣焚香叩天曰郁不
孝使吾母葬無處所罪莫大焉惟天憫之越四夕忽夢
一衣冠偉人語之曰穴在湧泉可丈餘耳毋苦也驚覺
徧詢堪輿家無所謂湧泉穴者一醫士聞之曰吾醫家
有湧泉穴在足心意者山之麓乎因求之果得土僅容
棺母既葬廬於墓側晝夜哀哭如初喪初山無泉每食
必汲於山下往返甚艱後忽有泉自石罅湧出流於坎
色瑩而味甘郁資之以炊免下汲喪終而泉隨竭人始
驚歎曰天定其穴地錫以泉此孝之爲天經爲地義也

人不敢名俱稱之爲檀孝子孝子嘗作家訓七十篇其論子職者二十有五其餘皆修身正家事也若孝子者可謂以身教非徒以言者矣身教者從故傳之至今

黃仲信鐸 祖原照附

黃鐸字仲信遂昌人曾祖道俊丞襄陽以註誤下大理獄祖原照擊登聞鼓撾死被下鐸痛祖之以孝死也乃建望雲菴肖像於中終身哭泣不輟嘗自題像贊有學聖賢學不能成道聖賢道道不能行儒衣儒冠空負虛名惟孝惟友無辱無榮之語故以孝友名其堂至今人稱孝友黃家

崔彥齡永

崔永字彥齡海鹽人七歲喪父其母韓氏更事里人桑慎慎仕于朝爲翰林編修遷御史洪武間以事謫戍海南韓氏與偕往永思母不置遂徒步走海南行次瓊州得見母會慎沒永求歸母所司以配屬不許永哀請於朝許之歸舟遭風母失水永入水負母得活而永竟以寒疾死江西布政使茹大素葬祭之海南人至今稱崔孝子云

何永年良

何良字永年富陽人年十四母疾刲股以進父病露禱於天乞以身代父嗜鱸魚臨終思之歿後每祭必市鱸魚居後水中忽有鱸生取之供祭以爲常又夢母思鹿肉號哭入山覓之忽有一鹿馴伏就縛載歸以祭人皆歎其孝感

鄒昊

鄒昊嘉善人母年七十因夫死故哀慟喪明昊延醫治之不愈昊朝夕泣禱於天嗽水舐之俄而母兩目中各重生一瞳復明如故

丁允中徵

丁徵字允中新昌人天性篤實少習舉子業稍長弃去力行孝弟衣冠言動必以禮諸大家爭聘爲弟子師弊曰親在不敢遠離乃就近舍授學每旦必具衣冠揖父母而後去得一珍珠必携歸奉親晨昏定省夜必兩起至寢室外潛候動靜雖甚寒不廢途遇諸族父負擔必拱而立恂恂應對惟謹蚤歲妻亡不再娶見內人必擁面避之宗戚憐其貧或賙給之謝不受邑令欲賓致之

屢辭不可後乃徒步走百里至城老幼聚觀若神物然
所著有四書講義詩易註解從吾心說

趙文學初 吳伯昭牛通附

趙初括之麗水人也少游邑庠家貧力學事父母以孝
聞宣德間父以疾卒初哀毀骨立杖而後起苦無葬地
友人吳伯昭割地與之躬負土成穴遂成疾日長號大
呼曰天乎使吾親入土雖死無憾奈何未襄事而遺疾
耶雖病猶匍匐舂鍾間無何竟不起其友牛通憐初之
死於孝也并其親葬焉

孝友

卷之六

主

光緒堂

夏正寅寅 二子煥灼附

夏寅字正寅山陰人性至孝父殘而葬恨家貧不能豐
馬鬣言輒淚下一夕洪水湧上積塚上高七尺窪然若
堂寅學無所不窺雅好吟詠咸評其詩云淡如陶令霜
中菊清似王維雪後蕉一時名士皆宗之二子煥灼煥
字堯章灼字孔章並以孝友能詩世其家人以擬元方
季方云

張處重 妻周氏附

張處重景寧人也天性篤孝父伯澄以註誤被逮檄至

度不能免欲自經四子皆徇徃無措處重時年甫二十
獨毅然曰事雖難脫寧可坐視父刑囑其妻周氏曰我
往必死汝當善事吾親撫幼子也言訖就逮竟死於獄
周氏刻苦自耐終全晚節人稱其夫婦孝節兩全

楊上舍鎔 孫梁附

西安楊鎔添之曾孫也兒戲即習爲定省儀長事父母
曲盡誠孝在曹監時忽心悸過歸而父吳果疾越十日
死後以母老不赴選侍病三年非迎醫未嘗頃刻去左
右及卒以哀毀不勝喪而沒孫梁登進士以政事稱

孝友

卷之六

主

光緒堂

廣州守沈公禮琮 弟琿附

沈琮字公禮平湖人與弟琿同舉進士琮少穎悟兄弟
齊名而琿稱奇童舉鄉試第一琮家居奉先事親情文
俱備教子弟有儀範鄉人化之父母喪兄弟廬墓六年
不茹葷有馴禽瑞草之異事聞有司琿既卒例不得旌
獨旌琮門時表願以旌及亡弟事雖弗果聞者義之官
終廣州守琿終監察御史以風力稱有集若干卷藏於
家

桂恭

桂恭慈谿人天性至孝。父宗蕃卧疾恭甫八歲卽能承順顏色侍奉湯藥頃刻不離左右。洎長有室孝事益恭。凡親所欲必先意迎合來問疾者見語意相得輒具饌延欸以悅親心。宗蕃性嚴重操急稍不適意輒怒不食。恭夫婦跪床下候怒解得意方敢起溷厠溷浴未嘗妾之婢僕四十年如一日。正統丁卯東隣火迫宗蕃疾劇不能起恭抱父號慟頃臾風止火滅父獲以安成化己丑恭得疾類其父忽有老人欸門授以丸藥遂辭去。酌以金卻之出門不知所往已而服所授藥病遂起人以爲純孝之報。

卷之六

沈君堂

周應麟廷瑞

周廷瑞字應麟山陰人少有孝行一日他出忽心動馳歸而父疾正劇廷瑞侍湯藥晝夜不就寢正統間流賊鄧茂七亂於閩朝廷發兵討之其父隸尺籍當往廷瑞悲號請代有司憐而更之欣然荷戈無悔色已而力學須鄉薦聞父計哀慟幾絕喪終以母老不忍離遂絕意仕進母歿廬於墓有白兔之祥年七十一卒。

馮璵

馮璵慈谿人父景祚年老失明病卧床蓆者十五年璵事之始終惟謹家雖素貧每食必備甘旨惟所欲進之里人王公子鐸輕財好義素重璵延之家塾每有吟咏璵輒不食鐸覺之必先餉其父然後饌璵始食父有老婢卧病爲奉湯藥如事父或訝之曰是嘗視吾父病如身病竭力扶持不憚艱苦吾安得不視彼病如父病哉忘之是忘吾父矣聞者嗟歎當路者重其行欲疏以聞璵曰此子行之常若以希褒錫是市名也力辭之。

李彥良養

卷之六

沈君堂

李養字彥良瑞安人性篤孝親歿結廬墓側手值松柏終身不飲酒每忌日輒不食以先世月泉遺文散逸購得之奔走燕冀閩洛間求以表章與人言輒流涕人哀其志。

杜孝子灃

杜灃上虞人也始生而父卽遠遊久不歸灃年七歲卽知痛父旦夕念之不去口及總角受室纔一月卽涕泣告母曰父久不歸兒何以爲子誓將尋之雖千萬里必得父而後返第兒以幼不識父計今父亦老矣又將以

毫不識兒縱使交臂或恐失之計必如何而後可母乃審父形貌模爲圖以授澣澣遂負圖於背單步訪尋至雲南金齒驛見一人質貿然而來聞其聲似鄉語也澣心動披圖按之良肖急前持父臂一一訊其鄉里妻子又良是於是父子相抱大哭已而大喜未幾父死復大慟扶輓以歸依新昌梁州同渡鄱陽湖風浪大作舟將覆澣長號籲天曰澣萬里尋親僅以輓歸顧忍葬之魚腹乎天何不念澣至此風浪應聲而息乃克歸葬人稱之曰真孝子

孝友

孫經 弟緯附

卷之六

主

光緒堂

孫經海昌農家子也父早歿與其弟緯奉母以孝聞於鄉里其母忽得一疾醫莫能療常時忽思食一物卽得無恙稍緩則疾作矣由是二人竭力營辦諸品咸備俟其需而卽納焉嘗思大蝦作羹值二子農事方亟卽輟工過行河港凡數里并諸坊市俱無所覓二子憂之驚惶無措方少頃於門見水際忽動脫解衣入水求之却得數尾既巨且鮮喜不自勝急調羹進母而病已賴二子之孝存活數年

朱仲穆子堯 弟子理附

朱子堯字仲穆世居遂昌之獨山讀書好古以義舉自持鄉人有聞者就子堯質其是非一言而解其弟子理少有孝行長敦詩書事子堯如事父正統間宜平寇入境慕其德義以劍書其門曰積善之家相戒不得犯一鄉賴以獲全

孫仲文宗敵

孝友

卷之六

主

光緒堂

孫宗敵字仲文錢唐人幼有至性六歲喪父卽知哀慕母楊鞠之宗敵瞻依寡母相倚爲命寒暑朝夕未嘗暫離及長益竭誠奉母每旦必具衣冠問起居及請所欲食既得請卽治具以進雖資給不克而甘脆必致豐腆母或不應則皇皇如有所失長跪請故深自引慝必得命而後起時物未經供親不以入口母或感微疾衣不袍帶以待湯藥奔走禱祠無所不至及母以大耋終哀毀晝夜不輟君喪三年廬於墓側旣免喪猶日操一舟携一飯一蔬至墓所展哭屬墓之左右有以墓址來售者宗敵慨然曰吾欲廣吾親墓此而後若輩無葬地可子厚加稱貸而謝之地得不售人謂孫孝子於足乎能

錫類矣。及年逾八十，病既革，猶扶掖至母旌節坊下，稽首謝國恩寵，亦以示終身不敢忘母氏云。

章希盛墓

章壽字希盛，新昌人。三歲喪母，卽悲啼不食。既長，事繼母如事所生。父感風疾，痛痒異常，壽爬搔撫摩，終夜弗寢。如是者十數年。父將卒，謂族人曰：「壽真孝子也。」願其子孫克似之。既而居父喪，哀毀具至，督學鄭瓊造廬存問，載之學記以勵諸生。

潘沈

子渠附

孝友

卷之六

光緒堂

潘沈，景寧人也。謙厚業儒，凡詩文過目輒成誦。事母甚孝，冬必以身溫被。母卒，家寒，跣足營葬，結巢於樹而守之。子渠字舜絃，博學能古文，登天順進士第，歷官興化府知府。未老引年，作招鶴詞以寓意。卒年九十，離莆陽四十年，故治民猶時時移書問安否。聞其卒，士大夫無不識，皆寄哀挽以悼之。所著有竹軒集、咏史和唐詩行於世。

方貫

方貫，淳安人也。家貧，採薪以養父母。父歿，負土爲墳，廬

於墓側。三年母歿，亦然。時多虎患，虎至貫所，每舂與相遇，亦不爲暴。人皆異焉。終喪後，繪二親像，凡事必告飲，食必薦如親在。時終身不娶，以死時人憐之。

趙司訓墓

趙夔字舜臣，世家江山之文溪里。童孺事親，卽知承顏順志。凡飲食必後，父母怒則負罪俯伏，必豫親而後已。弱冠補邑庠弟子，時奉學規，終歲必官齋肄業。念違定省，輒垂涕泣，嘗乞假歸侍。父母強之就途中道而返者數四。比至庠，念泣如初。當時稱爲趙孝子。以歲貢

孝友

卷之六

光緒堂

司訓高郵，未幾母死，哀毀骨立，服除補興化平海衛學德教。如高郵，致政家居，足跡不入城市。結詩社，課子孫，著龜懿德，遠邇儀刑。有不平者，咸就質焉。嘗咏武侯寧靜致遠之言，遂以寧靜名齋。弟子稱爲靜遠先生。

王士忠墓

王葵字士忠，杭州右衛人。少業儒，不就乃博觀羣籍，肆爲古詩歌。又能推其大旨，以自力於孝弟。旦夕養必躬行，出必告所如。歸必詣膝下，肅揖親常怡色。卽喜否，卽懼戒。家人無敢出聲。伯兄歲行役京師，葵請往，父母

曰吾固適爾爾代兄勞執與遺親安也。葬卒留治家。裝不容一私錢。母憐之。與五金。管兒女費。葵受不辭。暨父母亡。伯兄求析居。業已均產。葵顧妻取篋中七十五金。來仍兩均之。兄愕問安所得金。曰是某年月日阿母與吾五金。爲兒女費者也。吾息之幾年。得此義當與兄共。其出納具有時日不與云。

澶州知州宗濟才社

宗社字濟才。金華人。性至孝。父疾。竭力就養。及歿。廬墓三年。母目雙瞽。社每旦出郭汲溪流爲母洗滌。復含漱。

孝友

卷之六

圭

光緒堂

以舌舐之。目遂復明。未幾母卒。葬日陰雨。幾不克襄事。社號泣呼天天。忽開霽。禮成。復陰雨。如初。天順中有司上其事。詔旌其門。曰孝行。以國子生授知澶州。

翁世宏浩

翁浩字世宏。錢唐人。自弱冠至耄齒。未嘗有僞言過行。事父母至孝。昏定晨省。出告反面。不以有急廢其禮。一日屢出。亦屢告不已。既沒。告於祠堂。少壯老猶一日。嘗入京師。母家居感疾。兩日愈。此兩日在舟中。反側不能寐。少寐。卽見母病狀。驚寤。復少寐。復夢見如初。當與伯。

兄從子析產時。有故往吳郡。是時胤子廣平太守相甫。十歲。還書誠之曰。吾誠耻是爾。無取均焉。廣平奉教。祇取一二粗敝衣。與宗嫺處。抵老無纖芥嫌。人俱稱其長者。

馮文學圻

馮圻字叔京。少爲邑庠生。性至孝。父病痰痿。晝夜扶掖。湯藥必親嘗。及卒。廬墓泣血。骨立。有芝產於墓側。因名其山曰芝山。告歸養。終母喪。如其父所著有芝山稿。

虞靜之灌

孝友

卷之六

圭

光緒堂

虞灌字靜之。鄞人。卽依父母。父母行輒抱持。不忍捨。總髮就外傳讀詩。至明發有懷。蘊蘊隕涕。尚書楊文懿公見而撫其首曰。篤孝兒。篤孝兒。既長。迎顏承志。惟謹。從兄謙之籍富民。亡歸。有司逮捕甚急。父憐其衰且老。命灌代之。輒承之。無難色。既就役。文懿公爲之請。得免歸。既而父遘病。醫禱備至。每夜稽顙北辰。求代。類爲墳赤血。縷縷見。及卒。慟絕復甦。三日水漿不入口。嘗念其父好老氏家言。日誦道德經一遍。畢乃哭。淚下。寢塋塋爲毀裂。喪畢。懸像置器。如其生。及母病逝。哭歛。

哀莫一如其父遠其內子非祭不相接非病不入問如此者十五年孝子體貌壯偉至是哀毀骨立不復舊容因自號曰瘦齋里中人稱曰虞孝子先是月朔哭有白鵲來巢寢室馴若依人聞哭聲則鳴鳴鳴喪終而去

虞仲賢紳

虞紳字仲賢義烏人性醇厚好讀書與邑人王汝相友善以古道自持不追時好居父母喪哀毀致疾遇忌辰竟日悲號事伯兄如事父稟命惟謹逾十年兄喪紳效鄭義門家規欽族同居內外無間言居家以正倫理重孝友

卷之六

孝友

祭祀訓子孫爲事晚年尤嗜學手不釋卷發爲詩章多有關於世教平生至積梳髮二十餘斤遺命殉葬其教慎類如此

王瑁

王瑁桐廬人幼而失父事母至孝居喪哀毀骨立負土營葬廬墓三年慈鴉數百集於塚水瑁朝夕哭鴉亦哀鳴與相應喪畢瑁歸鴉亦散去木枝遂折人以爲孝感所致

魏尚敬忠

魏忠字尚敬處州衛人也自幼岐嶷豪邁過人十五歲補郡庠苦心竭力研究經史年二十領鄉薦第二事親以孝聞母病衣不解帶湯藥必先嘗以進及終葬祭盡禮發明忠孝二經字說又制喪禮一書爲士林翹楚剛正之節至今猶在人口

陳德茂滋

陳滋字德茂義烏人天資強記言動不妄尤篤於孝友居親之喪執禮過謹幾成毀滅事繼母如事所生出太學父當選人勸之行歎曰吾惟不忍遠親以至今日今

卷之六

孝友

吾母老矣復何忍更離哉築小園優游其中事親之暇日以孝弟訓其子孫鄉縉紳稱之曰古君子

李鄉貢偲

縉雲李偲侍郎崇之子也事父母承顏怡志竭盡其誠以父撫廣西侍母左右頃刻不忍離及應貢母固遣赴部家宰王鄒欲授京職以母老辭曰願歸養不願仕也乃與金華教授又辭鄒曰有此父乃有此子既居喪疏食三年足跡不履私閭叔父瘵劇病偲就其室飲食之以便省視者三年繼祖母楊氏久患痰每疾作喉中格

格不能通。僂常以口親吸之。無難色。時稱爲孝子。順孫云。

何養仁訥

何訥字養仁。富陽之方郭人也。事父母盡孝。依膝下。如嬰兒。或他出。雖雨雪必歸。不忍一宿於外。父歿。負土營葬。結廬墓傍。以居。終制之日。羣鴉飛繞墓所。徊翔竟日乃去。

梁祚

梁祚。景寧人。世居溪濱。母終未葬。洪水暴至。衆挈資具。

梁祚

梁祚

梁祚

以避。祚獨念母。櫬未舉。號泣徒跣。攀而扶之。漸水深。足不能踰。類踏幾沉溺者數四。祚乃盡力以必濟。爲期既而水勢盤旋。若有人推而助之者。漸入堂奧。得依樓梯爲固。乃號於人曰。吾在此。母櫬可以無慮矣。既而檢其家具。所漂沒視他家獨少。潘榮爲作孝感記。

孫都昌文原

孫文原字宗道。慈谿人。經明行修。母王氏沒。時授經於語溪。不限晝夜。徒步而歸。哀毀骨立。父耄病痢。文原嘗其糞。舐之。不可生。額天求代。剖股肉以進。疾遂愈。文原

孝心純至。唯恐人知。或見其股痕。卽掩覆曰。膏病瘡耳。領鄉薦。官都昌。輒號哭曰。祿不逮養。食寧下咽耶。清德懿行人多稱之。

孟春

孟春。錢唐鍛工也。貧無本業。受傭於人。得其直以養母。母出傭。必數日一歸省。隣人不戒於火。燎迫其居。春聞馳歸。而母老方酣卧不覺。春不顧烟燄。入負母。或止之不聽。遂與母俱焚死。明日出二屍。煨燼中。春猶抱母不脫也。見者無不爲之隕涕。

何邦直兢

何邦直兢

何邦直兢

何邦直兢

何兢字邦直。蕭山人。父舜賓。舉成化己丑進士。爲御史。坐事謫戍慶遠。後以赦歸。會當奎鄉魯。亦以御史謫蕭山。令性鷙悍。無所顧忌。舜賓嘗有小忤。魯嚙之。詭言舜賓赦歸無驗。械送戍所。囑解者屏其食飲。侵辱之。至餘于夜。掩殺於昌國寺。又欲捕兢。兢逃匿蘇州。父友王恭政。畝家。痛憤激切。終夜不寐。臂以誓復仇。久之。魯遷山西。僉事兢乃潛歸。募死士數十人。扼之於途。窘辱萬狀。眇其雙目。殺送憲司。累奏於朝。兩遣官卹。訊坐魯死。

以就復讐之孝止擬徒朝議以唐梁悅例編成福寧正德改元赦還閩志紀其孝曰復讐編成云

陳廷章璋妻錢氏附

陳璋字廷章仁和人早遊郡庠以貢入太學天性純孝不以貧故儉甘脆之供父文貴年老癱卧便液數下璋晝夜不離側衣不解帶假寐以須父欲興卽扶掖頸不授枕者十餘年妻錢氏成夫之孝篤誠事姑患疽滌口吮之而愈已復患腸結危在瞬息錢氏親以指導之竟得瘳未幾父母相繼歿夫婦竭力營殯絞衾棺槨哭泣擗踊俱如禮當時稱璋之孝者以爲能刑其妻

樊迪

樊迪縉雲人也性至孝事父母承順溫清悉與禮合雖薄味必親饌以進母年九十而終苦塊三年柴毀骨立事父益謹同寢處垂三十年父時百有三歲每延賓客親扶杖履孺然侍側怡如也未幾父歿哀毀如喪母天性之孝老而彌篤人以比之老萊

樂子仁惠

樂惠字子仁西安人師事王文成潛心理學事父母曲

盡孝道母嘗患瘋疾手足拘攣者十三年惠溫衾扇枕飲食撫摩必躬必親始終不怠及父母相繼卒與妻吳氏負土襄事廬墓三載朝夕哭奠衰經頃刻不去身一夜風雨虎入其廬馴擾若畜犬然服闋南甯移書請爲六堂學長辭不赴時龍濟水北梗化郡邑申之監司請惠往布行鄉約梗化者革心自是深居寡出而四方學者雲集無慮數百人以壽卒於家

何宗道倫

何倫字宗道江山縣人天性至孝居父憂哀毀踰禮忘

孝友

卷之六

聖先聖堂

日輒咨嗟涕泣如初喪時事母毛氏尤謹溫清定省事必如禮家雖貧而甘旨不缺衣服必備或營辦不足輒借貸於人曰不若是何以慰吾母心及母亡願歛一如古禮三年廝食如一日喪畢猶不釋服不入內鄉飲亦不赴曰吾親在淺土吾其忍乎郡邑守令重其行咸貽之葬賻對使者拜受於家終不造謝曰吾罪人不敢至公庭也孝子貧幼失學年二十七始發憤讀書闕陽明先生講學於越徒步千里受業其門及有得則徧游江湖求友於四方以證所學抱璞掩瑜日臻於造

之日不二不亂孝子無子一女婿柴惟道亦高士云
趙先生鏗曰余髫時猶及見孝子今屢過孝子巷門猶
低徊景慕不忍去因詢其遺事知孝子和而介人也一
邑令欲見孝子孝子不屈適族人有重役令曰孝子見
我可免也孝子薄其人竟不往族人怨且冒不顧也有
酹酒者擠孝子於溝同行者欲毆之孝子曰此飄瓦觸
舟者類也笑毆爲又一日盜入其室竊器物而出孝子
覺其人而不呼將取金始言曰盜留此備吾母晨炊盜
赧然盡還其器物大聲曰盜孝子者不祥自是其人不
孝友

卷之六

聖 光緒堂

後爲盜隱若孝子者將非王彥方之流也與

喻文學政

喻孜字景修山陰人補邑庠生嘉靖初其父華以里役
解流徒徐鐸赴口外防範過嚴鐸銜之投毒於羹華一
夕暴死都下孜聞訃號慟往扶柩歸殯者必報警時警
已脫走徒蹤跡歷數十郡聞已歸越匿其甥安城楊
參一家乃結力士數人伴爲賣魚者往來偵伺迄無所
獲乃卜諸城隍得渙之三益悲痛欲死是夜夢神語之
曰若以渙爲不祥獨未知一喚即在目前乎孜驚寤詰

旦詣郡乞勅郡守南大吉壯之益以機兵夜半至安城
驟入楊氏呼徐鐸鐸應聲就繫卒置極典孜遂不復應
舉養繼母以老鄉里學校間共稱爲復讐喻孝子

太常寺少卿潘府

潘府上虞人以進士仕至提學副使乞身終養遂不起
後以薦陞太僕少卿改太常寺卿致仕嘉靖五年以徵
疾卒府性至孝居喪倚廬終身孺慕嘗上疏請行三年
之喪又上聖學淵源中興治要諸疏言言誠懇有致君
堯舜之意後孝作忠府實有焉居家有篤行愛人以德
孝友

卷之六

聖 光緒堂

鄉里少年有不善其父兄必提耳誨之曰爾不畏潘太
常知邪其爲鄉評乎重又如此旣卒巡按御史潘倣請
乞祭葬禮部復言四品文臣例有祭無葬上以府孝
行可嘉特令有司管葬以風縉紳之爲子者

感恩縣知縣董道卿遵從子聲附

董遵字道卿受學章文懿公篤志力行貢入禮部試居
首選授南昌府學司訓正身率物士多向風轉溧陽教
諭陞知江浦縣立積散法爲備荒計在任一年百廢具
舉因跪乞近地便養得旨道意既知廣東感恩縣授檄

歸養家居不蔽風雨，擔石寡儲而事親，曲盡孝道。從子
聲篤學力行，事父母及生母以孝。養聞三喪九年，不御
酒肉，不入內寢。雖衰經已除，而哀慕不替。邑令疏其事
於朝，以資格異等授恩南府推官。思南故夷服地，聲以
禮義訓化之。水漿之搯六年如一日，人以一門二孝廉
稱焉。

董宗順淑

董淑，字宗順，鄞人也。父舉人鍾，早世。淑以遺腹生，稍有
知見，母感泣，輒共其泣。黠黠繫母膝，無須臾離。稍長，就

孝友

卷之六

聖
光善堂

外傳：歸鄉後，繫母膝作嬰兒戲，讀書夜央，必入伺母寢。
撫食，稱安暖，始即睡。母疾不解，衣帶飢粥湯藥，不以他
屬事。兄如父，未嘗不取食，勞必先承出納，必受命。二姊
俱有疾，視飮粥湯藥一如母。長姊卒，卹其養子如親甥。
居恒以不得繼父業及無以表揚母節為恨，隣有相侮
者，每以德報，族黨無不傾心。及疾候者，屢滿其戶，皆屏
息踏足而入，恐驚淑寢也。其為人敬愛如此。時年四十
二，竟先母卒，至今人猶能道其事。

周豪

周豪，縉雲人家。貧，父久病，醫藥勿效。豪祝天，斷葷飲三
年，每夕焚香拜斗，所代忽一夜夢中，若有告曰：「後園有
肉，可療父病。」起索，果得一鳥，為羹而進。父疾頓差。發而
為赤，豪日夜抑搔之不離左右。妻屢以治生為言，生怒
出之。父疾復作，斷葷祈禱如初。疾又愈。後數年父卒，無
葬具，備身取直以葬。廬於墓側，朝夕哭臨如初喪形骸。
骨立，越墓而死。鄉人憐而葬之，過其墓者無不為之墮
淚。

唐布衣熊

孝友

卷之六

聖
光善堂

唐熊，蘭谿布衣士也。性澹泊，恭修孝友。母鄭夫人年老
喪明，起居必敬扶持之，不離左右。伯兄漁石公以刑部
尚書乞養歸，熊恭謹承意代勞。母夫人殊安之，視祿養
之不如色養也。家貧幾不自給，而處之裕如。雖兄陟上
卿，益自勵所守，終其身不殖家產，蓋無於陵之避而有
仲子之風者矣。

朱文學恭妻吳氏附

朱泰，會稽邑庠生也。甘貧力學，母病痿不能起，泰與妻
吳氏日侍左右，親扶掖之。夫婦日飯粗糲，布褐常不完。

而母之服。極鮮腴。母性頗暴。異常號受。箠已輒起。進飲食。婉婉如初。秦死無嗣。或勸異他適。輒號踊欲絕。曰。我之不遽死。以從夫地下者。以姑在也。設有貳心。姑將何依。何以見夫於九泉乎。卒奉姑至。致辛苦。備至。不以廢故。薄姑之飲。絞衾棺梓。祭葬無不如禮。陶文傳大。臨重其孝節。為白於官。捐已俸。建祠祀之。已而詔旌其門。

劉晉

劉晉。昌國人也。嘉靖間。倭寇入城。其祖老疾不能行。家

孝友

卷之六

光緒

人各舉妻。示走。惟晉奔妻子。不顧。獨負其祖而逃。賊將及。祖曰。我老甘死。汝宜急去。晉抱祖痛哭曰。寧忍捨祖。以伴生乎。卒不忍去。遂俱被殺。

凌太守立

凌立。錢唐人也。孤事母以孝聞。登嘉靖三十二年。陳璘榜進士。官比部。明允有聲。遷建武太守。多惠政。為僚黨所忌。罷歸。為人爽朗明辨。語多幹略。奉節母色養。備至。老而彌篤。母歿。一痛骨立。數月竟卒。人謂終身之慕立。無愧云。

沈良十

沈良十。鄞人也。嘉靖乙卯四月。倭賊至鳴鶴鎮。男女逃避。巷無留人。良十時年已七十矣。而母年九十餘。足弱不能起。良十急負母。至五里外。力竭不能行。息山舍中。賊追至。乃拜跪請死。願代其母。賊見母子俱鬚髮頹老。舍之而去。賊繼至者。又舍之。良十憐母飢渴。方圖食飲。而賊又至。或舉刀欲砍其母。良十以身覆蔽。號哭。遂被殺。而母竟得全。

陳受益謙

弟謙附

孝友

卷之六

光緒

陳謙。字受益。海鹽人。天性孝友。父璵。視甥沈秋官疾。殲於京邸。謙稱貸。重跣走數千里。扶柩歸葬。哀毀逾制。寡母在堂。遭家旁落。衣食每不繼。謙與弟謙。藉毛錫協力勉。承意志。母欣然忘其貧。謙有心計。善料理。謙委以家政。悉心經紀。不數年而置田及頃。構屋二所。兄弟食則同。案即則同榻。共爨五十七載。怡怡無間。言謙號雁洲。謙號雁渚。因扁其所居之堂曰雙雁。士大夫咸稱慕面。詠歌之。謙無子。初子內甥。謙曰。昔人游鄞。春秋所識。猶子。子也。孟子吾子。命季子策。與情同嗣。謙仍斥妻。養。

置產分給之族黨以爲宜謙少爲諸生薄舉子業并勿事而讓以家貧推擇爲吏性堅正修潔每執法與邑長爭長怒將笞之讓撫而泣曰奈何虧體以辱親止弗服遂閉門讀書兄弟自相師友與至則填篋更和以自適海上諸名士詩筒往來無虛日皆稱之曰陳家二難

王教授錦

王錦錢唐人性至孝奉養必竭甘旨二親寢疾湯藥必親嘗及卒哀毀骨立幾不勝嘗習業山寺中一日家僮曝無身石首魚數十枚時翁廣平與共學怪而問之曰供大人朝夕之餘耳廣平稱爲純孝以解貢仕終廣府教授

向文學叙

向叙字叔禮慈谿人憲令七世孫也幼慧而有高志舉動與衆不同年十六入府庠文藻驟發而持履端謹人益器之嘉靖丙辰海寇突入縣叙被母而逃遇寇東渡歸叙仆地直前欲其母叙急起抱母嗟疾呼曰孽殺我等殺我賊舍其母殺叙而去

童景文輝

童暉字景文海鹽人痛母早歿事父孝養備至爲諸生時往嘉禾赴考途遇鮮經買之冒雨跣足走回京以奉父方赴考父或怒伏地受杖怒解命之起始起年七十猶戀戀如嬰兒然或問曰公純孝天有報乎曰吾自盡心耳何卒於天嘗乏炊鋤地得瓦甕中有錢千餘盡以奉父膳殆天賜也

馮文學履祥

馮履祥字君德慈谿人生七歲卽穎悟好讀書弱冠補邑庠弟子員嘉靖丙辰倭賊卒犯縣履祥隨父出奔賊逼斷父左手且裂其背履祥以身蔽之泣訴曰此吾父也願無加害寧殺我賊竟刃之死其妻袁氏遁於靈山時孕將臨蓐夜夢一赤面神語之曰爾夫爲父死不可使無後吾當與爾一子產時無恐次日婦果生一子又值倭寇將入賊馬皆止策之亦不前賊不越境而去二方稍寧人謂靈山驃騎大將軍神威之庇與得見夢符蓋履祥孝感所致云

陳昂 子九德一德孫懿典附

陳昂秀水人也事母盡孝母邁危疾晨夕奉藥裹侍牀

幕間母忽思食鯉時昏夜入市不可得乃秉炬循溪行俄聞水躍聲解衣浚水得巨鱗爲羹奉母疾隨愈迨居喪廬墓三年以誕辰祀母有一雁從天而下舒頸鼓翼馴擾庭中祀畢始去里人繪二異圖詠歌之事具姚公綬傳中後子孫多剛行孝謹九德甲子順天中式令潛江一德生子懿興官翰林院編修一德以子貴稱封公贈吏部侍郎張汝誠懋子時敏時孜時敬時孫邦奇曾孫子珩附張懋字汝誠鄆人八歲失父卽刻苦於學雖一飲一食且誦且吟終不釋卷學詩卽能詩學文卽工爲文卽諸

孝友

卷之六

孝

光緒堂

名家莫能相雄長者諸長老乃更勸之仕懋然曰吾母笑寢寢居保抱不肯以有今日卽青紫可拾得忍爲絕裾行邪休矣乃棲遲衡門旦暮上堂問所疾苦浹衣裳羞甘肯煦煦如也旣而仲氏客死則終日涕泣瞿瞿恤恤不復謀戶外事行義篤至惇睦宗族潔度享祀人無間言嘗書其壁曰不同乎今之人我之樂不及乎古之人我之愛子四時敏以子貴封吏部侍郎時孜舉進士仕終洋鄉令時政時敬皆隱德弗仕孫舉進士者一人曰邦奇仕終南京兵部尚書曾孫舉進士者一人曰

子珩官刑部郎中懋以邦奇貴累贈吏部侍郎

陸尚質

陸尚質世家山陰海濱之丈午村其父一中以庠生教於鄉塾陸慶已巳秋八月七日東書渡海口風濤拍天舟東瀉將入洋質從厓上號慟躍身濤中擬拉其舟時觀者傾落謂父子且並魚矣俄而舟或逆濤上若有絆者一中遂濟質竟死濤中鄉人憐之求其屍不得且謂質死水與曹娥無異而其父得生事尤奇乃名其渡處曰陸郎渡

孝友

卷之六

孝

光緒堂

提學僉事江子望圻

江圻字子望仁和人曉之子也登隆慶戊辰進士歷官廣西提學僉事品鑒精核無不服其公明獨有侵其職守者遂抗疏解官歸蟬蛻軒冕高視一世卽當路力挽留之不顧也圻爲人純孝天植父母病憂形色詞嘗藥舐糞衣不解帶行不正履居父之喪泣血三年席苦枕塊食淡茹素不入燕室三年一日也每過其內目必俯不一視婦過亦如之嘗路高其行欲以孝旌廬圻力辭謝曰奈何以父死爲名高哉力行古邇至人以是稱之

則恐懼思逃焉。議恭篤厚生爲貴家子。父祖皆至六卿。身又弱冠。拾魁京國。其所被服。僅如寒士。遇閭里親故。至貧賤者。輒卑身敬事之。以是賢聲溢於衆間。郡中與臺里。媼亦知其爲君子也。方承天。每稱之曰。江子望之。居喪。有古人所罕聞。今人所未見者。人以爲信然。門人私謚圻爲端孝先生。子鐸別有傳。

吳叔良人驥妻談氏附

吳人驥字叔良。歸安人。太平應守一儒之季子。弱冠舉於學官。稱一時之雋。方太平未上時。里有盜魁太平。

孝友

卷之六

孝

光緒

發其奸於當路。置之法。及太平卒。官歸。索如洗。盜魁之子欲得當以報父讐。且妄意室中之藏。乃聚黨排戶入。執母錢恭人而劫之。驥聞母被執。升屋而號。盜懼。執至連發二矢中驥。股及顙。墜於地。驥力啗矢。鏃去。匍匐走。母所以身捍刃。急令家人盡搜。索中裝以啗之。得首飾數事而已。盜大失望。徐登屋去。復發一勁矢中驥脅。越三日。以劍甚死。將死呼妻談氏囑之曰。善事吾母。又指談談曰。是遺者若男也。并二孤善教之。遂瞑。談哭殮。驥甫四月而遺孤念祖生。念祖稍長。索父而啼。稍語之故。

則大啼。談阿曰。阿母在。奈何。傷老者心。則母子相向。吞聲泣。念祖益發憤。與伯兄相繼以文學起。而念祖尤有聲。稱海內方聞之士。談壽七十餘去。驥死幾五十年。水霜之操老而彌厲。三老上其事。與旌例合。當事者尤行之矣。忽爲健者所壓。削其牘。念祖奔走哀祈之不聽。遂哭於庭。晝夜不絕聲。當事重其孝。列上得請。旌其門曰。孝節。論者曰。不有叔良之死。孰使濱死之母得生。不有念祖之生。孰使既死之父不死。叔良之孝死孝也。念祖之孝生孝也。一死一生各行其是。而念祖之孝至矣。君

孝友

卷之六

孝

光緒

子以爲知言

何士明倫

何倫字士明。錢唐豐寧里人。天性孝友。方四五歲時。得所分鮭炙。不食而藏。至夕更薦父母。稍長讀書。至古人忠孝大節。輒撫几而歎。父病不解衣。侍湯藥者五閱月。及卒。哭踊不欲生。凡附於棺者。必竭盡其力。不敢以貧故。儉其親及葬。負土成墳。與傭伍雜作。晨夕攀柏而號。哀感行路。以母氏病。弗克應。晨往暮歸。蹙蹙道路間。嘗衡雪而僵。遇所知掖之返。又嘗警於虎。不爲動。歲大侵。

與妻子雜採湖中菱芡共米菽而飯三時上食列簋如故母不知其爲侵歲蓋甘倫之養者三十年開八袞乃終而倫亦白首矣猶孺泣如喪父不少衰伯兄死無嗣俾其子兼稱世父事丘嫂如事母買二地而封樹之以歸父母族之貧死者家故有甘井開汲道以與鄉里共義聲與孝譽人人無間言倫雖奪於養不獲究經術然往往能涉獵大槩有所得發爲聲詩直寫性靈不顧工藻績嘗懷思其親賦烏夜啼成而自歌之泣數行下隣里爲之悽惻邑人有訐其令去官者倫歎曰是不可長

孝友

卷之六

聖

先朝堂

也父母雖不慈子不可以不孝乃爲正俗八議上於監司郡邑衆聽其議而莫能行論者惜之倫老而益篤於學有家規心訓二書并雜詩文若干卷總名之曰何孝子集督學蘇濬序而刻之其略曰蓋不佞觀風吳越之間而得何子倫者越之獨行隱君子也當其埋首蓬蒿之閒結茅窺窻之側夢寐悲號皓首孺慕斯已奇矣乃其所脩說大旨以孝義相睦爲先期以尺寸其身無玷數而諸所裁定又能因時爲吐茹高不駭下里通不倍先民殆非詹詹然迂言無當也今特如漢故事以孝弟

賢良比於甲乙當無忤容而乃黃髮編萌間徒以君陳之政修之門內不得隴州郡以見所長可勝惜哉然其爲布衣高行有聲不忤恣以老且往者至上厯天子之重臣爲之別其井里世世稱曰善人斯亦足以風矣

順昌令孫天會朝宗

孫朝宗字天會嘉善人性篤孝事父百歲翁嵐暨母鍾曲盡其誠飲食卧起必躬與偕而以其餘博綜羣籍蔚起爲時聞人隆慶丁卯領鄉薦每上公車輒戀戀膝下不能去已而母歿因泣而廢書欲絕意仕進百歲翁彊

孝友

卷之六

聖

先朝堂

之曰非仕無以行德也始謁選得順昌令嚴毅平恕色有沉獄不白者下車卽爲平反歲適大侵悉心以賑公廩不足捐俸佐之境內竹忽結實如米取以糴廉飢者更不瘠而朕人以爲循吏之感朝宗居恒恨祿不逮母百歲翁時春秋高且去家二千里而遙卒有不諱何以爲子亟告歸歸而事翁歡意承色十八年如一日及百歲翁謝世朝宗擗踊不欲生三年不內宿不外飲喪葬必如禮言及必鳴咽流淚竟以不勝卒朝宗少游甘泉龍溪兩先生門學有源本伯兄以疾瘵死哭之慟啓

其食與同卧曰吾今而後恨不復與兄共此被也其孝友篤摯如此自奉簡素食無兼味衣取澣濯冬日常以敗絮自擁性尤不喜干謁然聞人有冤者必侃然白之而後已公府以此嚴重之卒年七十有五

南京刑部郎中鄭叔平履準

鄭履準字叔平端簡公曉之仲子生而神駿稱汗血駒爲諸生試輒冠軍端簡奇愛之中外數歷必携之自隨端簡既以寒謬忤分宜失上旨禍且叵測準外虞玉碎而內又不欲瓦全苦心調劑以承端簡之志荷上

孝友

卷之六

孝

光緒堂

明聖以執法賜罷歸途舟覆孟河端簡方浮沉洪波中準叩心長號擲身於水洒而出之雖幸無恙而病瘳下殊甚準多方調治衣結者月餘端簡愀然歎曰趙涓死孝吾兒生孝可謂不媿古人未幾疾作竟不起準一痛幾絕含歛如禮已念端簡之功未白乃衝凌冒雪徒步數千里伏闕上書穆皇帝爲之惻然乃遣官祭葬進階錫諡并錄平倭功廕一子入監讀書準性篤孝自端簡沒恐傷母顧宜人心朝夕膝下戀戀如嬰兒顧宜人知其意不忍去母以事君也雪涕鮑之目見以父廕得

官是不死死父也而又可藉手以報生君奈何不務其大者準敬應曰諾遂謁選得都察院照磨未匝月而顧宜人之訃聞矣準舉聲一號嘔血丹地策蹇疾驅望國而哀入門而慟復嘔血數升崩痛慘裂以不得視含歛哭輒血與淚下三年苦塊不內不葷既免喪從政未嘗色喜每逢忌日卽不食哭臨辭踊如初喪血輒嘔不可止復聞兄弟之遺孤有相繼死者卽移疾歸撫棺而號輒嘔血殯殮時時神泣不可藥竟死先是端簡公艱於子夢漢壽亭侯携二兒授之曰一爲忠臣一爲孝子未幾舉光祿卿履準繼舉準光祿以上書杖闕下有直聲而準卒以孝死殆天之所命也邪準以任子歷官南京比部郎所至多政績卒年僅五十壽不究其才世共惜之

孝友

卷之六

孝

光緒堂

孝子王伯化

王伯化慈谿人少績學工文章稍博士弟子事父母篤孝內外無間言父禱病卧晨夕定省行則躡步止則屏氣默伺聲色以進湯藥夜則兀坐床側衣不脫帶者數旬父愈而後卽安父以析著事兄弟有違言伯化往返

調和務以天機動之父不聽則長跼終日父悟友愛如初已而父死哀毀如禮事母虞視父在婉順有加丙辰孟夏倭夷突入縣治士民老稚倉皇出走伯化腹母出郭外鄉隣有同行者曰賊迫矣曷求活計伯化曰母活我活安用求爲隣人蹊水田亟遁去僕再告曰賊迫甚子母恐不相顧矣僕亦舍去伯化持初心愈堅腹母前母曰子母同死無益汝棘去詰朝可收吾骸伯化號泣腋之如初望賊而號曰吾饋汝金母傷吾母賊方揮刀向母伯化以身承之遂遇害賊見伯化死掠其金不兵

孝友

卷之六

孝

先聖堂

其母而去至隆慶壬申母虞以壽終萬曆丙午督學使者李作舟捐俸立坊以旌之而劉尚璽世龍爲之傳論略曰風霜以別草木之性危亂而見忠貞之節伯化爲母排戈刃赴戕折其心見矣某於嘉靖間以言得罪家居抱疾以老近有詔賞前罪更進之秩以旌直實出望外也伯化之事安知後無白於朝者乎書之以附司馬子長不虛美之義

迴川先生朱寅叔陳範

朱陳範字寅叔海鹽人裔出紫陽元末有仕爲海鹽倅

者因家焉弱冠爲名諸生喜臨池工詩文詞壇推爲祭酒性極孝父癯老有五子範獨任色養不以甘脆煩弟兄至出入扶持調劑湯藥一以躬親之不一命婢僕妻子以勞爲請範曰吾心安親心始安雖勞不病也子學顏舉於鄉當北上瑣念其幼命範與偕範不肯曰兄安能去父左右爲小子作計耶父強之再三範不得已挾子而北比至都忽夜夢父心動棄子試不顧急策衛衛水雪走七日夜抵家時父果以思範得疾及範歸而卽霍然人以爲孝感伯仲兩兄俱無子範子宜嗣乃并祖

孝友

卷之六

孝

先聖堂

業推與二弟曰弟子皆子也何必子吾子且吾子已成名安敢復求多造物使兩弟抱不均之嘆乎於是兩弟遂擁高貲稱素封而諸阮輩復時時出錢椎子母於鄉之貧者值歲凶人多不能時償範歎曰兒曹珍視阿堵將無有加於人乎乃出已貲代諸鄉人償收其券沉於河姻黨倚以舉火者數十家貧不能葬者輒削札佐之然未嘗輕以語人曰豈可令受者無色哉邑有冤獄範詰當事者以一言解之受誣者得不死一夜獻五百金爲壽範慨然曰母汚吾耳父母忌辰輒號泣不食如初

喪擬管窺喪於墓傍或言乾成氣重者範潛然曰生且
廬此死將焉往泉路無雲望親何所後人遵治命不放
他卜也範生平無疾言遽色溽暑未裸袒易簣之日早
起沐浴更衣冠拜家紫陽祠招親友承訣一語不及私
惟索筆大書儉用勿貪勉學勿競子孝臣忠弟恭煩順
邇老絕筆二十字而逝年八十有二子二長即學顏舉
進士官終潛山知縣李學斌字幼恩博聞強記以古文
辭雄視一世晚得寒疾匡坐讀書不輟竟以勤學死詞
林士至今惜之

孝友

卷之六

李

光緒堂

尚寶司卿孫墀

孫墀忠烈公燧之仲子與伯兄都督堪李弟少宰陞海
內稱孫氏三賢云墀少敏慧過目千言輒成誦弱冠工
爲古文辭然弗事構思伸紙走筆俄頃立就先達見之
者咸噴噴嘆爲倚馬才正德乙卯忠烈公爲都御史巡
撫江西罵賊死墀聞變乃偕伯季各礪霜刃徒跣赴營
會賊平扶櫬歸葬結廬墓側者三年時五色芝生塚上
白兔繞廬人皆謂孝感所致忠烈公有子以孝繼忠而
又高才能文章三賢之名因而益著既終制備服墨衰

懇辭取應嘉靖己丑詔下選貢之格督學使者首以墀
應計偕北上適值纂修祀典選入史局授中書舍人稍
遷大理寺正改尚寶司丞所居綸緯文翰之司刻意著
作士林雅重閱三考晉尚寶司卿先是墀兄弟奉其母
楊太夫人就祿京邸朝夕承惟靡不竭清墀年已六十
餘孫魯滿前而舞綵詠歌出告反問老而彌篤及是楊
太夫人棄養伯堪以衰年過毀死而墀與季陞扶二櫬
歸哀慟頓號屏絕饋餽及封丘寢廬枕塊如喪忠烈公
時甫終制而竟以過毀致疾卒蓋墀自己卯之變抱恨

孝友

卷之六

李

光緒堂

終天客有語及忠烈公事者輒悲愴不任曰吾兄弟強
顏天地所欠一死者爲老母也故登堂奉母備極歡娛
退而燕居哀憤不置卽間發爲詞章意慘語悃令讀者
酸鼻宜其以身殉母也孫之先世自後唐明宗時由睦
徙姚道脉儒風巍科顯仕代不乏人至忠烈身植綱常
儀表百世而墀兄弟三賢力敦孝友文武齊名益昌大
其門閥云

龔汝霖墓

龔墓字汝霖義烏人幼有至性年十七父演病將調湯

葉衣不解帶。比卒哀毀。殯葬如禮。事母尤謹。承顏順旨。凡四十年。母卒。廬墓。寢苦枕塊。日飲薄糜。一小器莫獻。悲號三年。如一日。有司以孝聞。詔旌表其門。賜八品官。復其家。

潘時循瑒

潘瑒字時循。蘭溪人。性孝友。不私妻子。父喪。毀瘠骨立。酒肉不入口者三年。母患瘋癲。瑒衣不解帶。痒疴痛楚。隨意搔摩。梳洗水火皆身理之。母久卧。思起。乃制軟輿。與弟昇之。惟母意所適。與之游衍。如此者七年。母歿。哀

孝友

卷之六

李

光緒堂

痛幾死。既葬。廬墓九年。人皆稱之曰潘家兒。克盡子道。古人之所未見也。有司延爲鄉飲大賓。扁其門曰孝行。

何兆三

何兆三。山陰馬塢里人。弟出採薪。虎突至。啗其首。兆三呼號奔救。以絛擊虎。虎遽舍之去。弟乃得生。兄弟爲樵。十餘年。稍有所儲。兆三曰。我老矣。當爲弟娶。以延宗祀。若有子。卽吾子也。於是弟遂娶生子。而弟死。弟婦悍。不能奉事其伯。兆三不免凍餒。亦無悔云。

戴孝子華

戴華字君寔。嘉興人。故有兄夭死。獨身與父母居。弱冠

不欲娶。曰。吾在民間。卽汲爨。可自任。奈何以井日故。舍二親與兒女子處。居久之。父病。家赤貧。不能辦饘粥藥餌。費乃痛哭奔走市中。所以拮据者甚力。晝夜扶持。衣不解帶。櫛沐都廢。父卒不起。華痛哭仆地。垂絕者數四。已。仰見母髮垂垂白也。勉自抑。或獨身之野。外。痛哭歸。而以款顏對母。隣父老見者。竊傷之。又十餘年。母病。所以拮据藥餌。饘粥。費如其父病時。而母亦竟不起。先是母病。華晝夜哭甚。哀聲達於巷。是日忽聞然無聲。戶竟

孝友

卷之六

李

光緒堂

日不起。隣父老驚相與排闥入。視其母已死。華伏母傍。面覆着床上。候其息甚微。似已絕者。則又大驚。急灌以湯藥。得稍蘇。乃張目謝隣父老曰。母死。華不獨生。何以傾公等復痛哭。聞者皆不能仰視。隣父老既已無可奈何。遂切責以大義曰。毀不滅性。若徒死無益。若卽死。鬼其餒而於是不得已。勉進米。日一剝柴。毀骨立至。無復人色。朝夕設奠。輒痛哭。嘔血。三年一日也。既免喪。隣父老共來相慰。且語華曰。前子之不肯娶者。欲一意以養父母耳。今父母既歿。所重在祀矣。不孝有三。無後爲大。

子誠思其犬者遂相與求里中得賢女曰是可以配孝子華遂有室是時華貧甚炊烟屢斷啖粗糲不能飽而歲時伏臘上食几筵必極豐潔上食時又痛哭嘔血如初喪路人聞之無不揮涕皆稱之曰戴孝子戴孝子孝子有二子其事華亦如華之事父母云海內諸名家以詩贈孝子成帙而長水項貞之烏啼篇最佳其詞曰城邊月黑烏啼起明星高高啼未已雙翩擢頰尾畢連啼聲夜慘行人耳東家蝴蝶西鴛鴦汝何單飛不成行白頭一雙向巢墮悲啼繞枝心內傷可憐傷心聲轉迫啼

孝友

卷之六

李

光碧堂

虞國賓舜卿

虞舜卿字國賓錢塘人少爲諸生厭薄舉子業竟棄去日以古文詩歌自娛其於技射方術書畫多通而尤篤於孝友養母及母所愛子代兄漕瀆死不怨酬以沃田轉授諸姪一日哭父墓聞空中語曰有虎言至再前及下山而塚有蹠跡矣夜奔視母疾雙燈自移引路人以

爲孝感所致有雜集握奇經註

兩浙名賢錄卷之六終

孝友

卷之六

李

光碧堂

兩浙名賢錄卷七目次

忠烈

漢

鄧傳任景升光

廬江太守陸季寧康

三國吳

偏將軍董元代襲

丞相張巨先悌

宜都太守虞世方忠

偏將軍鍾離恂

晉

侍中嵇延祖紹

會稽內史謝瑗度琰

唐

卷之七

光緒

吳國內史張偉康茂

弟益妻陸氏附

吳興太守謝茂度邈

冠軍長史沈世堅勁

宋齊梁陳

冠軍長史孔琇之

祠部尚書虞景豫棕

會稽郡公王子珩琳

征東將軍張四山嶸

東揚州刺史張彪

弟貞齡妻楊附

廣威將軍卜天與

附

散騎侍郎沈攸之

子文和附

給事中丘道玄冠先

附

沈茂隆昭略

御史中丞沈叔源浚

章華

隋

折衝郎將沈光

唐

臨海丞駱賓王

太子少師顏魯公真卿

睢陽太守許遠

五代

睦州刺史薛溫

內都監使水丘昭叅

宋

婺州教授胡塾

戶部尚書梅和聖執禮

唐

卷之七

光緒

工部侍郎滕頌秀茂實

項鷄子德

秉義郎許世英瓊

先鋒董伯強公健

陳德固

子岩附

中書侍郎陳賓王過庭

蔣煜

太常少卿吳鎮卿安國

士曹毛叔縝巢

制置司叅謀黃龍友友

太原府判劉士英

石礪王稟附

安撫使徐徽言

子嗣從孫適附

縉雲尉詹良臣

子大方大猷附

青溪尉翁開

休寧知縣鞠嗣復

忠翊郎姜綬

子特立附

開封少尹夏元茂承

開封令劉夢澤倚友

穎昌守何彥時志同

進士吳樞

雲和柳味道

太學徐宅卿揆

蓋縣簿祝公明

子陶附

通直郎劉平甫晏

司農少卿史徽

子龜年均年奉年附

鄉貢鄭季厚單

兄章妻董孫齊多附

統制姚興

錢唐令朱躍

何東附

防城保甲於琳

承信郎李彥和觀

右僕射魏南夫杞

衛士唐琦

沈提舉瑄

龔生

戶部侍郎梁貴全總

子綸紘附

利東安撫使劉師文甲

忠烈目次

卷之七

三

光緒堂

海州通判侯道子昌

陳提刑壽孫

兵部侍郎應純之

蘄州知州李誠之

妻許子士允從子士宏附

太府少卿楊叔鎮九鼎

定城尉張欽甫愆

太平倅豐公茂存芳

辛方義附

饒州知州唐景實震

兄椿附

通判池州趙卯發

妻雍氏附

建康統制吳從龍

弟從虎附

均州錄事朱不塵光

弟時中附

霍丘尉徐耀史梅龜

子尚古附

金部員外吳德洪

弟維附

樊守張漢英

大理丞馮德父驥

弟驥附

吏部尚書劉敞

休解氏妻林氏附

浙西提刑徐道隆

知州趙良淳附

司農卿杜貲卿許

權知台州王珏

姓貢附

承議郎陳雲翁虞之

史館編校葉德平偁祖

太學徐應鑣

子琦孫女元娘劉汝錫附

王小觀

徐梧叔夢魁

姓亨附

林提刑融

鄭季華采翁

姓天錫附

行軍司馬陳與可自中

朝請大夫唐元章

從子良嗣附

軍器監簿趙平甫良坦

進士袁天與鑄

趙孟崧

吳叔大觀

陳非熊三弟三子二廷附

朱吉父光

張幹附

太學林達龍

弟廷龍友齊應魁附

張哲齋

忠烈目次

卷之七

四

光緒堂

兩浙名賢錄卷七目次終

兩浙名賢錄卷之七

東海徐象梅仲和氏謨

夜郎楊文驄龍友氏閔

忠烈

漢共二人

鄧簿任景升光

任光字景升鄧人爲縣主簿時海寇作孽縣長朱嘉節衆出戰爲流矢所傷賊突嘉前揮刀斫之光奮身捍嘉力戰而死嘉獲免歸治出俸厚葬之爲之改服

忠烈

卷之七

光緒堂

廬江太守陸季寧康

陸康字季寧續少子張之子也少悻孝弟勤修操行太守李肅察孝廉肅後坐事伏誅康歛尸送喪還潁川行服禮終舉茂才除高城令高城邊陲長令至輒發民繕城又令戶一人具弓弩備不虞康皆罷遣民大悅康以恩信爲治盜亦屏息州郡上狀遷武陵太守轉桂陽樂安二郡所至稱之靈帝欲鑄銅人詔欽民田畝十錢時水旱荐臻百姓貧苦康抗疏論諫免歸後徵拜廬江太守申明賞罰擊破賊黨黃穰獻帝時天下亂康遣孝廉

言吏豪陰奉貢詔書嘉勞拜忠義將軍秩中二千石時

袁術屯壽春糧絕遣求兵甲康以其畔逆閉門不納設備待之術怒遣孫策攻康圍城數重康固守受敵二年力屈城陷不辱而死朝廷憫其節拜子儻爲郎少子續自有傳

三國吳共四人

偏將軍董元代襲

董襲字元代餘姚人身長八尺英烈過人從孫策討平山寇拜別駕司馬策薨事權以平彭虎功拜威越校尉

忠烈

卷之七

光緒堂

遷偏將軍從討黃祖祖橫兩鰲衝夾守沔口以枘擱大經繫石爲釘上屯千人强弩交發飛矢雨下軍不得前襲與凌統各將死士百人人被兩鎧乘大舸突入鰲衝間襲以刀斷兩鰲大軍繼之遂斬黃祖功第一曹操出濡涓口襲從權赴之其夜暴風襲所督五樓船皆傾衆驚潰乞襲亟出襲厲聲曰將軍令備賊可委去耶義有俱死耳敢言者斬於是莫敢言者船敗襲死權哀痛改服臨殯供應甚厚陸機曰吳大帝之能割據山川跨制荆吳與天下爭衡者襲有殺身衛主之功云

丞相張巨先悌

張悌字巨先臨海人少爲諸葛恪所賞由是知名歷官軍師拜丞相天紀四年晉師來伐孫皓使悌督沔瑩諸葛說帥衆三萬渡江逆之至牛渚沔瑩曰晉治水軍於蜀久矣今傾國大舉萬衆齊力必悉益州之衆浮江而下我上游諸軍無有戒備名將皆死幼少當任恐邊江諸城盡莫能禦也晉之水軍必至於此宜蓄衆力待來一戰若勝之則江西自清上方雖壞可還取之今渡江逆戰勝不可保若或摧喪則大事去矣悌曰吳之將亡

忠烈

卷之七

三

光緒堂

賢愚所知非今日也吾恐蜀兵來至此衆心必駭懼不可復整今宜渡江可用夾戰力爭若其喪敗則同死社稷無所復恨若其克勝則北敵奔走兵勢萬倍便當乘威南上逆之中道不憂不破也若如子計恐行散盡相與坐待敵到君臣俱降無復一人死難者不亦辟乎遂渡江戰吳軍大敗諸葛說與五百人退走使人迎悌悌不肯去親自往牽之謂曰天下存亡自有大數豈卿一人所支如何故自取死爲悌垂涕曰仲思今日是我死日也且我作童兒時便爲卿家丞相所拔常恐不得其

死負名賢知顧今以身殉社稷復何道邪莫牽連之如是觀流涕放之去百餘步以見爲晉軍所殺
宜都太守虞世方忠

虞忠字世方翻第五子也貞固幹事好識人物造吳郡陸機於童亂之中稱上虞魏遷於無名之初終皆遠致爲著聞之士交同縣王岐於孤宦之族仕進先至宜都太守忠乃代之時吳事日非民心携貳忠盡心撫輯不至糜沸晉兵攻圍與夷道監陸晏弟中夏督京殘力堅守城潰不屈死子譚自有傳

忠烈

卷之七

四

光緒堂

偏將軍鍾離猷

鍾離猷山陰人牧之子也拜偏將軍戍西陵與監軍康盛論地形勢謂宜城信陵爲建平援不然敵將先入盛以建平守將施績有智略而不言信陵當城弗從猷計後晉兵果修信陵城建平遂危盛孱脫歎曰不用猷言致有今日及晉兵入猷率水軍臨陳督戰死

晉共五人

侍中嵇延祖紹

嵇紹字延祖魏中散大夫康之子也以父得罪靜居杜

門山清領選啓武帝曰康誥有言父子罪不相及稽紹賢侔卻缺宜加旌命請爲秘書郎帝曰如卿所言乃堪爲丞何但郎也乃發詔徵之起家爲秘書郎紹始入洛或謂王戎曰時於稠人中始見紹紹昂然如野雀之在雞群戎曰君復未見其父耳裴頠亦深器之每日使延祖爲吏部尚書可使天下無復遺才惠帝復作選侍中嘗詣齊王冏諮事遇冏燕會召董艾等共論時政艾言於冏曰嵇侍中善於絲竹可令操之左右進琴紹推不受冏曰今日爲懽卿何若此耶紹對曰公匡復社稷

忠烈

卷之七

五

光緒堂

當軌物作則垂之於後紹雖虛鄙忝備常伯腰綬冠冕鳴玉殿省豈可操執絲竹以爲伶人之事若釋公服從私宴所不敢辭也冏大慙艾等不自得而退及朝廷有北征之役天子蒙塵王師敗績於蕩陰百官侍衛莫不散潰唯紹儼然端冕以身捍衛兵交御筆飛矢由集紹遂被害於帝側血濺御服天子深哀歎之及事定左右欲浣衣帝曰此嵇侍中血弗去初紹之行也侍中泰準謂曰今日向難卿有佳馬否紹正色曰大駕親征以正伐逆理必有征無戰若使皇與失守臣節有在駿馬何

爲聞者莫不歎息贈太尉諡曰忠穆紹沒於行已不飾小節然曠而有檢通而不雜與從子含等五人共居撫卹如所同生門人故吏思慕遺愛行服墓次畢三年者三十餘人

會稽內史謝瓌度琰 二子沒 祖寶

謝琰字瑗度安之子也弱冠以貞幹稱累官散騎常侍侍中符堅之役安以琰有軍國才用出爲輔國將軍以精兵八千與從兄玄俱陷陳破堅以勲封望蔡公孫恩作亂加督吳興義興二郡軍事討恩至義興斬賊許允

忠烈

卷之七

六

光緒堂

之迎太守魏郡還郡還討吳興賊丘虺破之又詔琰與輔國將軍劉牢之俱討孫恩恩逃於海島朝廷憂之以琰爲會稽內史都督五郡軍事本官如故琰既以資望鎮越士議者謂無復東顧之憂及至郡無撫綏之能而不爲武備將帥皆謀曰強賊在海伺人形便宜振揚仁風開其自新之路琰曰符堅百萬尚送死淮南况孫恩奔叩歸海何能復出若其復至正是天不養國賊令速就戮耳遂不從其言恩後果復寇決口入餘姚上虞進及邢浦琰遣參軍劉瑄之拒破恩既而上黨太守張虔

碩戰敗，羣賊銳進，人情震駭，咸以宜持重嚴備。且列水軍於南湖，分兵設伏以待之。琰不聽，賊既至，尚未食。琰曰：「要當先滅此寇而食也。」跨馬而出，廣武將軍桓寶爲前鋒，摧鋒陷陣，殺賊甚多，而塘路迤邐，琰軍魚貫而前，賊於艦中旁射之前，後斷絕。琰至千秋亭，敗績，琰帳下都督張猛於後斫琰馬，琰墮地，與二子肇峻俱被害。寶亦死之。後劉裕左里之捷，生擒猛，送琰小子混混，剗肝生食之，詔以琰父子殞於君親，忠孝萃於一門，贈琰侍中、司空，諡曰忠肅。

忠肅

卷之七

光緒堂

吳國內史張偉康茂弟益妻陸氏附

張茂，字偉康，山陰人，少有志行，爲鄉里所尊。初起義兵，討陳斌，郡賴以全。元帝辟爲掾屬，太子衡率出爲吳國內史，沈亮反，茂起兵禦之，與三子同被害。茂弟益爲太守，周札將軍克害札，益亦死之。茂妻陸氏，討亮以謝朝廷，贈茂爲太僕。

吳興太守謝茂度遜

謝遜，字茂度，上虞人，永嘉太守鍼之子也。性剛鯁，無所屈撓，頗有理識。累遷侍中，時孝武帝觴樂之後，多賜侍

臣文詔，辭義有不雅者，輒焚毀之。其他侍臣被詔者，或宜揚之，故論者以此多遜。後爲吳興太守，孫恩之亂，爲賊胡桀、鄒驃等所執，賊逼令北面，遜厲聲曰：「我不得罪天子，何北面之有？」遂遇害。

冠軍長史沈世堅勁

沈勁，字世堅，吳興武康人也。父克與王敦構逆，衆敗而逃，爲郗曲將吳儒所殺。勁當坐誅，鄉人錢舉匿之，得免。其後竟殺警人，勁少有節操，痛父死於非義，志欲立勲以雪先耻。年三十餘，以刑家不得仕，進郡將王胡之深

忠烈

卷之七

光緒堂

異之，及遷鎮洛陽，上疏言：「吳興男子沈勁，清操著於鄉邦，貞固足以幹事，若令參臣府事，義附必衆，詔聽之。升平中，慕容恪侵逼山陵，時冠軍將軍陳祐守洛陽，衆不過二千，勁自表求配祐戮力，因補勁冠軍長史，令自募壯士以助祐擊賊，頻以寡制衆，而糧盡援絕，祐懼不能保，會賊寇許昌，祐因以拔許昌爲名，率衆而東，留勁以五百人守洛陽，勁欲致命，欣獲死所，尋爲恪所攻城陷，被執，神氣自若，恪奇而將宥之，中軍將軍慕容虔曰：「勁雖奇士，觀其志度，終不爲人用，今若赦之，必爲後患。」遂

遇害朝廷聞而嘉之贈東陽太守

宋齊梁陳 共十九人

冠軍長史孔琇之

孔琇之山陰人少有吏能歷尚書左丞廷尉卿出爲臨海太守在任清約罷郡時嘗獻乾薑二十斤武帝以爲薄後知其清乃深加歎息隆昌元年遷爲晉熙王冠軍長史行郢州事欲令殺晉熙琇之辭不許遂不食而死祠部尚書虞景豫棕

真棕字景豫餘姚人少事父秀以孝聞任宋爲黃門郎

忠烈

卷之七

尤

光緒堂

明帝誅山陽王休祐比葬隆寒雪厚三尺故人無至者惟棕一人赴葬初齊武帝貧薄棕數相分遺出必呼與同載及卽位以爲太子中庶子遷祠部尚書領右軍明帝暴立稱疾不陪位帝以棕舊人使尚書令王晏示以廢立欲引晏佐命棕謂晏曰主上明聖公卿戮力寧假朽老以贊維新因慟不自勝朝議欲糾之僕射徐孝嗣曰此古之遺直也不可乃止

會稽郡公王子珣琳

王琳字子珣山陰人本兵家子梁元帝居藩琳姊妹竝

入後庭見幸琳由此未弱冠得在左右少好武遂爲將帥琳輕財愛士得將卒心佐吏數千皆能識其姓名以軍功封建寧縣侯從王僧辨破侯景拜湘州刺史帝爲魏圖逼徵琳赴援師次長沙聞帝遇害乃率三軍縞素舉哀傳檄四方爲進取計陳霸先既殺王僧辨擁立敬帝以待中司空徵琳不赴乃大營樓船將圖義舉霸先遣侯安都周文育討琳逆戰於沌口敗之擒安都文育遂克江州及敬帝被弑琳乃請於齊迎永嘉王莊於民間方七歲立爲梁王而輔之舉兵東下與陳師遇琳乘風舉火擲敵船風忽逆反燒遂大潰琳乃奉莊入齊齊以琳爲會稽郡公陳將吳明徹攻齊琳與將軍破胡禦之破胡不用琳計輒大敗琳單騎走彭城明徹進兵圍之堰肥水灌城城陷被殺百姓哭聲如雷有一叟以酒脯號醉盡哀收其血懷之而去陳人懸琳首於建康市故吏朱瑒致書徐陵請許其葬瘞八公山側會葬者數千人尋有壽陽人茅智勝等密送其柩還鄉里

征東將軍張四山嶧

張嶧父稷齊朝爲剡令至嶧亭生子用名嶧字四山後

忠烈

卷之七

十

光緒堂

遂家焉。嶮雅有志操，起秘書郎，遷湘東王長史，還爲太府卿。吳府太守侯景圖建業，率兵赴援，授征東將軍。嶮曰：「天子蒙塵，何情復任榮號？或勸迎降。」嶮叱曰：「吾以身許國，有死無二。」賊劉仁茂下義興，遣使說嶮，嶮斬其使。遣軍破之，景助仁茂擊嶮，軍敗，執送建業。景猶欲活其子，嶮曰：「吾一門已在寇錄，不就爾虜求恩，景怒，盡殺之。」梁元帝追贈侍中、開府儀同三司，諡忠貞。

東揚州刺史張彪 弟崑崙妻楊氏附

張彪，若耶山中臨城公大連，出牧東揚州，以爲中兵。

忠烈 卷之七

十一 光緒堂

總軍侯景將朱子偃攻下東揚州，還入若耶山。義舉貞陽侯卽位，以爲東揚州刺史。陳文帝入會稽，彪擊走之。沈泰申進等共叛彪，彪敗，遂與弟崑崙及妻楊氏還入若耶山。一大名黃蒼在彪前後，陳遣章昭達領兵購之，并圖其妻。劫來，黃蒼便嚙一人中喉死。彪映火識之，因卿頭我者，但可取頭，誓不生見。陳謂妻楊曰：「我不忍汝落他處，今當先殺汝，然後就死。」楊引頸受刃，不辭。彪不下刀，便相隨下嶺。彪謂楊曰：「從此而決，若見沈泰申進等，爲語功名未立，猶望鬼道相逢，切卽殺彪，并其弟。」

首致於昭達，進兵迎楊。楊便改啼爲笑，謂昭達殞彪。軍黃蒼俯伏冢間，號叫不肯離。楊還經彪宅，謂昭達曰：「婦人本在容貌，今辛苦日久，請暫過宅妝飾。」楊入室，遂割髮毀面，哀哭絕，誓不更行。文帝聞之，歎息，遂許爲尼。彪起於若耶，興於若耶，終於若耶，及妻犬皆爲時所重異。

廣威將軍卜天與 附 隊將張弘之朱道欽陳滿子伯宗

卜天與，餘杭縣人，善射，弓力兼倍，容貌嚴毅。太祖以舊將子，使教皇子射，累年以白衣領東掖防關隊，減質救

忠烈 卷之七

十一 光緒堂

懸弧，劉興祖守白石，並率所領隨之以功，還擊後第一隊，撫卹士卒甚得衆心，拜廣威將軍，領左細仗。元凶入弒，事變倉卒，舊將羅訓、徐牢皆望風款附。天與不暇披甲，執刀持弓疾呼左右出戰。徐牢門毀，下人汝欲何爲？天與罵曰：「殿下常來云何？卽時方作是語，只汝是賊手。」射勦於東堂，幾中逆徒擊之，臂斷倒地，乃見救。其隊將張弘之、朱道欽、陳滿與天與同出拒戰，並死。世祖卽位，詔曰：「日者逆豎犯蹕，雲變卒起，廣威將軍關中疾卜天與提戈赴難，挺身奮節，斬殪凶黨，而旋受虐刃，勇冠當

時義倖古烈，典言追悼，傷痛於心，宜加甄贈，以旌忠節。可贈龍驤將軍，益州刺史。諡曰壯侯。車駕臨哭，弘之等、各贈郡守，給天與家長廩。子伯宗，中將軍。明帝泰始初，擊南賊於赭圻，戰沒。蓋世濟忠烈云。

散騎侍郎沈仲達，攸之子文和附。

沈攸之，字仲達，武康人。少孤貧，隨從父慶之平雍州蠻。征廣陵，屢有功。歷官散騎侍郎。大明景和間，與蕭道成同直殿省，深相親善。道成女爲攸之、子文和婦。及道成遣楊玉夫等弑蒼梧王，立安成王，準爲順帝。道成自爲

忠烈

卷之七

主

沈隱堂

司空，錄尚書事。假黃鉞，出頓新亭，謀殺宋祚。遣攸之子元琰齎蒼梧王朝斫之具示攸之。攸之奮然曰：「吾寧爲王陵死，不作賈克生。」乃遺道成書曰：「少帝昏狂，宜與諸公密議，共白太后，下令廢之。奈何交結左右，親行弑逆，乃至不殞流蟲在戶？」凡在臣下，誰不悚駭？又移易朝舊，布置親黨，官閭管鑰悉關。家人吾不知，子孟孔明。明遣訓固如此乎？足下既有賊宋之心，吾豈敢捐包胥之節邪？書至，道成洵懼，攸之有素書十數行，常留襟角。云是明帝與已約誓，又得太后手書，即舉兵。姜氏等諫曰：「官

年已老，那不爲百口計？攸之指兩襟角示之曰：「吾豈能忘此？」遂將兵攻郢州，爲錄事。柳世隆所破，謀還江陵，聞城已爲張敬兒所據，攸之於是與子文和俱至華容之樂林，父子俱自經死。

給事中丘道玄，冠先子雄附。

丘冠先，字道玄，吳興人。少有節義，齊永明中，位給事中。時求使蠕蠕國，尚書令王儉言：「冠先雖名位未升，而義行甚重，若爲行人，則蕪武鄭衆之流也。」於是使蠕蠕。蠕蠕通令拜冠先執節，不從，以刃臨之。冠先日：「能殺我者，

忠烈

卷之七

主

沈隱堂

蠕蠕也，不能以天子使拜我，我欲殺我，我也。遂見殺。武帝以冠先不辱命，賜其子雄錢一萬，布三百疋。雄不受，詣闕上書曰：「臣父執節如蕪武，守死如谷，吉遂不書之良史，襲之褒策，萬代之後，誰死社稷？」先建元四年，車僧朗斬使，不異抗節。是同詔贈正員外郎。此天朝舊事，臣父成例也。今僧朗反葬冢塋，臣父湮弃絕域，語忠烈則亦不謝，車論茶苦則彼優，而此劇，名位不殊，禮數宜等。乞申哀贈，書奏不省。

沈茂隆昭略

沈昭略字茂隆，昭明弟也。齊主寶卷慄慄忍虐，大行誅戮。中郎將許準勸司空徐孝嗣行廢立。孝嗣遲疑，召百官集議。將軍沈文季自以老疾，不預朝權。昭略謂之曰：「叔父行年六十，爲員外僕射，欲求自免，豈可得乎？」文季笑而不應。齊王知之，召孝嗣、文季、昭略入華林省，使茹法珍賜以藥酒。昭略怒，罵孝嗣曰：「廢昏立明，古今令典，宰相無才，致有今日。」以甄拔其面曰：「使爲破面鬼。」孝嗣曰：「見卿使人想夏侯太初。」略曰：「明府猶憶夏侯，便是方寸不能都豁下。」官見龍逢比干，忻然相對。霍光若問今日之事，何辭答之？臨死言笑自若。

卷之七

主 光緒堂

御史中丞沈叔源浚

沈浚字叔源，憲之孫也。少涉學，有材幹。仕梁，歷山陰、吳興、建康三縣令，並有能名。梁太清二年，累遷御史中丞。時臺城爲侯景所圍，外援並至，累表請和。武帝使浚往景所，浚曰：「朝廷恐和好垂貳，已密勅外軍堅壁固守。」若臺城傾覆，勿以二宮爲念。當以死雪耻。大將軍十萬之衆，將欲何資？景橫刀於膝，瞋目叱之。浚乃正色責景曰：「河南王人臣，而舉兵向闕。今朝廷已赦王罪，結盟口血未

乾而復翻背。沈浚五十之年，常恐不得死，所何爲以死？相懼耶？徑去不顧。」景歎曰：「此真司直也。」浚東歸，與吳興太守張嶷起兵討景。景使侯子鑒寇吳興，吳興兵力寡弱，戰敗，嶷與浚俱不屈而死。

章華

章華，吳興人。陳後主時，同郡沈客卿與施文慶俱掌機密大事，刻削士庶，每責關市之估，朝野側目。人心思亂，華發憤上書曰：「昔高祖南平百粵，北誅逆虜，世祖東平吳會，西破王琳，高宗克復淮南，辟地千里。三祖之功，勤

卷之七

主 光緒堂

亦至矣。陛下卽位於今五年，不思先帝之艱難，不知天命之可畏，溺於嬖寵，惑於酒色，祠七廟而不出，拜三妃而臨軒。老臣宿將，奔之草莽，諂佞譏邪，升之朝廷。今疆場日蹙，隋軍壓境，陛下如不改絃易轍，張臣見麋鹿復游於姑蘇，蕭書奏卽日斬之。士民冤痛，未幾臺城失守，隋晉王以客卿重賦厚歛，誅之以謝百姓。

隋 凡一人

折衝郎將沈光

沈光，吳興人，少驍捷，善戲馬，爲天下最。居常挈腕以功

名自矢。煬帝時，以材武應徵，從攻遼東，立衝梯，擊城竿，長十五丈，光升其端，臨城與賊戰，短刀接殺數十人。帝壯異之，以爲折衝郎將。江都之難，勇氣鬱勃，挺戈而前，以聞死，麾下數百人皆力戰而死，無一降者。壯士聞之，莫不爲之隕涕。

唐 共三人

臨海丞駱賓王

駱賓王，義烏人，七歲能賦詩。與王勃、楊炯、盧照隣以文章齊名，號爲四傑。初爲道王府屬，嘗使自言所能。賓王

忠烈

卷之七

十七

光緒堂

不答。歷武攸主簿，裴行儉總管洮州，表掌書記，不應。上啓陳情，詞旨哀愴。有李令伯之風。調長安令，擢侍御史，以武氏卽位，數上疏言事，因得罪，詔獄賦螢火咏蟬，諸篇以見志。武氏釋其罪，下除臨海丞，怏怏不得志，弃官去。李敬業起義，署爲府屬，傳檄天下，斥武氏罪狀，武氏讀且嬉笑。至一杯之土，未乾，六尺之孤，安在？矍然曰：誰爲之？左右以賓王對。武氏曰：宰相安得失此人？敬業敗，賓王亡命，不知所之。中宗時，詔求其文，得數百篇。

太子少師顏魯公真卿

顏真卿，字清臣，秘書監師古五世孫。其先瑯琊人，祖昌任塩官州判，卒於治所，父必寧，遂占籍爲塩官人。真卿傳學工文事，親孝，開元中舉進士，遷監察御史，使河隴時，五原有冤獄，久不決，天大旱，真卿辨獄而雨，都人呼御史雨，遷殿中侍御史。楊國忠惡之，出爲平原太守，安祿山有逆謀，真卿度必反，陽託霖雨增陴濬隄，料丁壯儲膏廩，日與賓佐泛舟飲酒，以紓祿山之疑。祿山反，河朔盡陷，獨平原爲朝廷守，使參軍李平馳奏，玄宗始聞亂，歎曰：河北二十四郡獨無一人義士耶？及平至，乃大喜，謂左右曰：吾不識顏真卿，作何狀？乃能如是？時平原有靜塞兵三千，益募得萬人，遣李擇交統之，分布諸將，慷慨誓師，泣數行下。衆益感厲，饒陽、濟南、清河、鄆郡、景城、五郡長吏各以衆歸，會賊方破東都，遣逆黨段子光傳李愷、盧奕、蔣清首，徇河北。真卿恐衆懼，給諸將曰：吾素識愷等，其首皆非是，乃斬子光，藏三首他日，結芻續體爲位，哭之。是時從父兄杲卿爲常山太守，斬賊將李欽、李等，清土門十七郡，同日自歸，推真卿爲盟主。兵二十萬，絕燕趙，詔拜戶部侍郎，尋加河北招討採訪使，用

清河人李萼計與兵六千出程千里之師遂成棠邑之功及賀蘭進明戰敗會平盧將劉正臣以漁陽歸真卿欲堅其意遣買載越海遺軍資十餘萬以子頗爲質頗甫十歲軍中固請留之不從肅宗卽位拜工部尚書賊益發兵乘虛急攻河北復陷真卿單身詣行在授憲部尚書遷御史大夫立朝多正議宰相厭其言出爲馮翊太守轉浙西節度使召爲刑部侍郎李輔國遷上皇西內真卿率百官問起居輔國惡之貶蓬州長史代宗立累遷尚書右丞俄以檢校刑部尚書爲朔方行營宣慰使未行留知省事封魯郡公屬元載建言羣臣白事宜先白長官長官白宰相宰相詳可否以聞真卿上疏力詆其壅蔽罔上甚於林甫言甚切至載恨之以他事斥真卿誹謗貶峽州別駕改吉州司馬遷撫湖二州刺史載誅楊綰薦之再擢吏部尚書楊炎當國以抗直不容改太子少師猶領使進太子太師并使罷之當是時李希烈陷汝州遣別將取尉氏圍鄭州東都震駭先是盧杞不悅真卿欲出之真卿謂杞曰先中丞傳首至平原真卿以舌舐面血今相公忍不相容乎杞矍然起拜而

忠烈

卷之七

七

光緒堂

恨之益深至是上問計於杞杞曰誠得儒雅重臣爲陳禍福可不勞軍旅而服顏真卿三朝舊臣忠直剛決名重海內人所信服真其人也上以爲然遣真卿宣慰希烈詔下舉朝失色真卿乘傳至東都鄭叔則曰往必不免宜少留以須後命真卿曰事不避難臣之職也君命其可違乎至許欲宣詔旨希烈使其養子千人環繞嫚罵露刃脅之以死真卿正色抗辯賊黨奪氣希烈乃囚真卿守以甲士掘方丈坎於庭示將阬之真卿曰死生分矣何多爲遂拘送真卿蔡州真卿度必死乃作遺表墓誌祭文指寢室西壁下曰此吾殯所也希烈僭號遣使問儀式真卿曰老夫耄矣魯掌國禮所記諸侯朝覲儀耳興元後王師復振賊處變遣將章景璠至其所積薪於庭曰不能屈節當焚死真卿起赴火景璠等遽止之會希烈弟希倩坐朱泚誅希烈因發怒使閹奴等害真卿僞曰有詔賜卿死真卿再拜曰老臣無狀罪當死然使人何日長安來奴曰自大梁來真卿大罵曰然則逆賊耳何詔爲遂繼殺之曹王臯聞之泣下三軍皆慟帝廢朝五日贈司徒謚文忠真卿正色立朝剛而有禮

忠烈

卷之七

七

光緒堂

天下稱之者不以姓名獨曰魯公善草諫筆力道勁世傳嘉之

睢陽太守許遠

許遠監官人敬宗之曾孫也遠寬厚長者明吏治安祿山反威薦遠於玄宗召拜睢陽太守適張巡拔衆至睢陽與遠合兵拒賊自以材不及巡請稟軍事一切推決而專治兵糧餼具被圍數月食盡士多餓死存者皆瘠傷氣乏遠殺僮僕以哺卒至羅雀掘鼠煮鎗弩以食衆議東奔遠巡議曰睢陽江淮保障也若弃之賊乘勝鼓

忠烈

卷之七

王

忠烈堂

而南江淮必亡且率飢衆行必不達未幾城陷與巡俱被執時安慶緒在洛陽尹子奇械送其所至偃師以不屈死詔贈荊州大都督子玖拜婺州司馬德宗差次至德以來將相功効尤著者以巡遠爲上貞元中復官遠他子峴大中時闕像凌烟閣初大曆中巡子去疾上書曰藥胡南侵父巡與睢陽太守遠各守一面城陷賊入自遠分巡及將校三十餘皆割心剖肌慘毒備至而遠與麾下無傷巡臨命歎曰嗟乎人有可恨者賊口恨我乎曰恨遠心不可得誤國家若死有知當不赦于地下

故遠心向背梁宋人皆知之使國威喪衄功業墜敗則遠於臣不共戴天請追奪官爵以刷冤耻詔下尚書省

議皆以去疾證狀最明者城陷而遠獨生也且遠本守睢陽凡屬城以生致主將爲功則遠後巡死不足惑若曰後死者與賊則先巡死者謂巡叛可乎當時去疾尚幼事未詳知且艱難以來忠烈未有先二人者不可矣輕重議乃罷然議者紛紜不齊元和時韓愈著辯曰二人守死成名先後異耳二家子弟材下不能通知其父忠使世疑遠畏死服賊遠誠畏死何苦守尺寸地食所

忠烈

卷之七

王

忠烈堂

愛之肉抗不降乎且見援不至人相食而猶守雖甚愚知必死矣遠不畏死明甚又言城陷自所守此與兒童之見無異且人之將死其肺臟必有先受病者引繩而絕之其絕必有處今從而尤之亦不達於理矣自後衆論乃定

五代 共二人

睢州刺史薛溫

薛溫錢唐人有勇力善騎射吳越王弘佐時爲都頭統軍使胡進思恃逆立功于預政事弘侖惡之有所謀議

忠烈

卷之七

五

光緒堂

輒面折之進思恨怒不自安弘侔與指揮使何承訓謀
遂之及謀於內都監使水丘昭券昭券以進思黨盛難
制不如容之而承訓反以謀告進思進思作亂帥親兵
戎服入見弘侔叱之不退粹愕趨入義和院進思鎖其
門矯稱王命告中外云粹得風疾傳位於弘侔於是殺
昭券而遷弘侔於永錦軍弘侔遣溫將親兵衛之潛戒
之曰若有非常處分皆非吾意爾以死拒之可也進思
請殺廢王弘侔弘侔不許進思詐以王命令溫害之溫
曰僕受命衛王不聞殺王無已必請而後可進思意沮
乃夜令二人挾刃踰垣而入弘侔聞戶大呼溫聞之急
率衆入立斃之庭中入告弘侔弘侔大驚曰全吾兄者
汝之力也進思內憂懼瘞發背死弘侔由是獲全溫累
官睦州刺史卒諡正獻

內都監使水丘昭券

水丘昭券臨安人性沉厚知書能文章事吳越王佐爲
內都監使佐欲誅程昭悅令昭券夕率甲士千人圍其
第昭券曰昭悅家臣也有罪當顯戮不宜夜與兵未幾
佐卒僚嗣與何承訓謀逐胡進思昭券諫不從謀洩難

作昭券聞變入衛遂被害進思之妻曰他人猶可殺昭
券君子也奈何害之進思後亦悔懼曰我不幸獨害君
子

宋 共九十七人

婺州教授胡埜

胡埜金華人事親以孝聞崇寧間應八行舉除婺州教
授宣和二年冬方臘反青谿據歙睦明年兵及婺境官
吏皆風聞夜弃城遁諸生勸埜避難埜曰先世以武功
顯而我應八行舉豈可上負朝廷下辱先世耶城陷闔
室皆死之事聞贈朝散大夫

卷之七

五

光緒堂

戶部尚書梅和聖執禮

梅執禮字和聖浦江人以進士調常山尉遷九域志編
脩秩滿除武學博士或謂執禮文儒不宜處以武上執
禮欣然就職陳說大義間親挾弧矢爲諸生倡大司成
賢之數爲宰相言相以未識面爲歎執禮聞之曰以人
言而得必以人言而失吾求在我而已卒不往擢軍器
監丞改丞鴻臚遷比部員外郎進國子司業召試中書
舍人移給事中拜禮部尚書素與王黼善黼嘗招執禮

歡孝示圖觀女樂之盛執禮曰公爲宰相當與天下同憂樂今方臘流毒吳地瘡痍未平豈歌舞宴樂時耶黼怒以他事出知滁州欽宗立徙知鎮江府召爲翰林學士改戶部尚書方軍興調度不足執禮請以禁內錢隸有司凡六官廩給皆由度支乃得下月省浮費三十萬金人犯關執禮勸帝親征而請太上皇皇后太子皆出避用事者沮之洎失守金人質帝於營遷求金繒以數百千萬計執禮與同列陳知質程振等四人哀民力以困相與謀曰金人所欲無藝極雖銅鐵亦不能給盡以軍法結罪倚室其求或語金帥曰城中七百萬戶所取未百一但許民持金銀易粟麥當有應者已而果然帥怒呼四人責之答曰天子蒙塵臣民皆願致死雖肝腦不計於金繒何有實緣比屋枵空無以塞命耳帥問官長何在振恐執禮獲罪遽前曰皆官長也帥益怒先取其副胡舜陟胡唐老姚舜民王俱各杖之百執禮猶爲之請俄遣還將及門呼下馬撾殺之而梟其首時靖康二年二月也是日天字蓋冥士庶皆隕涕憤歎初二帝再出執禮力爭不從遂大慟歸見其母曰主辱臣死何

忠烈

卷之七

三

光緒堂

以生爲母曰忠孝難兩全汝受國厚恩當剝心上報慎勿以老人爲念執禮乃以其母屬兄弟去與諸將謀奪萬勝門夜揭敵營以二聖歸以賑給爲名與崇室子昉密謀結軍民不旬日得十餘萬王時雍徐秉哲聞之使范瑍泄其謀故及於難執禮通諸經尤長於易所著有文集五十卷高宗卽位詔贈資正殿學士謚曰節愍工部侍郎滕秀穎茂實滕茂實字秀穎臨安人登政和八年進士靖康元年以工部員外郎假工部侍郎副路允迪出使虜議割三鎮太原尋奉密詔據城不下金酋怒囚之雲中欽宗北遷自離都舊臣無敢候起居者茂實聞欽宗將至乃作自哀辭及篆宋工部侍郎滕茂實墓九字畧以奉使黃旂授其友人董說屬之後事翌日欽宗及郊茂實具冠幘號哭迎拜黏罕逼令易服茂實力拒不從士民見者皆爲泣下茂實請從舊主俱行金人不許自是拘留以憂憤卒時建炎二年八月也三年董說自投歸張浚以爲陝西轉運判官說乃錄其哀詞使其同歸者羅鉞來獻其詞曰滕茂實奉使無狀不復返父母之邦得全臣節

忠烈

卷之七

三

光緒堂

以死幸以所仗節旌暴其尸有篆字九葬於臺寺下不
必封植萬一從請知死窮微則爲乞骸骨歸悉如前議
至是浚亦以其事上於朝詔宣付史館特褒錄之經典
二年贈龍圖閣直學士謚忠節官其家三人

項鵠子德

項德武義人克郡禁卒宣和初盜陷婺城縣亦隨沒德
率潰亡軍破賊於城隍廟東抗江蔡西拒董舉北捍王
國大小百餘戰出則居先入則殿後俘馘莫勝計賊目
爲項鵠子聞其誼則遁適王師至謀合而賊之賊聞盡

忠烈

卷之七

手

光碧堂

銳邀德於黃積下德力戰死邑人哭之聲震山谷遂於
城隍廟肖其像而祀之

秉義郎許世英瓊

許瓊字世英東陽人剛毅有力善騎射徵時嘗匿淫祠
而薦疫息人咸敬之宣和中邑懷德鄉寇起瓊集民壯
攻討之鄉賴捍衛隨奉檄援郡城有功上其事補秉義
郎攝郡事既而睦寇入境屢挫其鋒久之兵食不繼而
盜益兵攻城瓊力戰死之屍猶僵立如生能載所乘馬
而歸至今廟食於鄉子孫繁衍爲邑巨族

先鋒董伯強公健

董公健字伯強新昌人宣和庚子冬方臘起桐廬蔓延
新昌官吏奔竄莫敢當公健慨慷率子弟聚里中萬人
馭以紀律遂破賊焚其寨斬首千級境內復安王師討
剗西賊檄公健爲先鋒公健藉累勝之威輕視賊以數
百當數千殺獲頗衆已乃王師不進勢孤援絕公健度
事不可爲呼衆語曰大丈夫寧以義死不可以不義生
遂自殺人皆歎息垂涕贈武功大夫汝州團練使官其
諸子

忠烈

卷之七

手

光碧堂

陳德固

子岩肖附

陳德固金華人靖康初爲京城守禦司屬官嘗獻守禦
之策朝議沮之及京城失守督士卒與虜力戰而死潘
良貴哭以詩云點虜登城日中華將士奔人皆趨北闕
君獨死南門秘計無人用英聲有史存秋原悲淚落桂
酒與招魂蓋記實也子岩肖以任子中紹興戊午詞科
仕至兵部侍郎

中書侍郎陳寅王過庭

陳過庭字寅王山陰人第進士累官吏部右司員外郎

嘗使遠還時傳遠主苦風庫又入箭損一目過庭正其
妄且勸帝飭邊備歷遷御史中丞兼侍讀睦寇竊發過
庭言致寇者蔡京養寇者王黼竄二人則寇自平又論
朱勔父子本刑餘小人交結樞近竊取名器罪惡盈積
宜昭正典刑以謝天下由是忤旨安置黃州及欽宗立
以兵部侍郎召在道除中丞過庭論近日爵命不由勳
績及辯宣仁后誣謫又劾姚古擁兵不救太原之罪擢
右丞中書侍郎議遣大臣使金耿南仲以老辭旨以親
舜過庭曰主憂臣辱願效死帝爲揮淚歎息固遣南仲
忠烈

卷之七

忠烈

忠烈

昌及城陷過庭護帝北還因被留不還四年六月卒於
燕山明年贈開府儀同三司謚忠肅

蔣煜

蔣煜僊居人有文學而喜諧笑善狎人人亦以是狎之
宣和寇亂與煜遇欲妻以女煜拒之脅以拜指其膝而
罵曰此豈拜賊者邪寇怒抽刀擬之曰吾戮汝矣煜伸
頸就刀罵不絕口而死煜性滑稽其臨難果決有如此
太常少卿吳鎮卿安國

吳安國字鎮卿麗水人宣和初上舍釋褐徽宗奇其文

擢第二尋召入史館遷考功郎中以太常少卿使金克
賀正旦使至接伴館金人淪盟欲脅服之安國毅然不
屈曰我首可得我節不可奪金人不敢犯靖康初遣還
後知袁州卒

士曹毛叔鎮

毛巢字叔鎮江山人少有節操晚以特恩爲歙士曹睦
寇攻城官吏皆遁巢曰吾職司寇獄有繫囚誼不可去
乃攝州事時二子貢辟雍卽遣人持獄印縋城以出令
上之朝城陷巢衣冠坐堂上賊脅使降不屬罵賊不絕
口嬰刀而死妻錢氏弗忍去婦掖其姑又弗忍去卒俱
遇害事聞贈朝請郎官其後

制置司叅謀黃龍友友

黃友字龍友平陽人資稟豪邁慨慷不羈十五入太學
常語同輩曰大丈夫不能爲國立功亦造化中贅物耳
明年投筆西遊邊帥劉法一見奇之延致幕下又明年
西鄙侵軼都護高永年戰沒友作七詩哀其忠後幕府
奏功沒永年之實故卹典不及其子以友詩進徽宗覽
之惻然遂加贈謚而友亦免省試遂擢第調瑞安簿權

華陰令政有聲宜和聞方臘之亂爲宜撫司幕官攝蘭
谿令寇不敢犯以功命攝婺州兵曹往諭浦江羣盜皆
望風解去復單騎次武義賊衆持釘一器置其前友正
色叱之曰汝等何速死耶賊首李德壯之匪徒退一境
帖然遷通判澶州會金人敗盟郭藥師以常勝軍叛燕
土響應友獨率數千人與之血戰躬冒矢石破裂唇齒
奪路詣京制置戾度宰相李綱皆薦召對欽宗問卿唇
齒何以破裂友以實對欽宗稱數費予甚渥進直徽猷
閣制置司參謀官同种師中解太原圍友遣兵二千奪
榆次縣得糧萬餘斛明日大軍進十里而止友亟白師
中地非利將三面受敵論不合友仰天長歎曰大事去
矣追曉兵果四合敵執友曰降則赦汝友厲聲曰男兒
死耳罵不絕口虜怒以脂蠟塗其身倒豎焚之時年四
十七贈七官至中大夫官其子若婿八人御書忠節傳
家四字旌其廬友體貌英偉膽雄萬夫謀畫機密出人
意表嘗語子弟曰天下承平日久武事玩弛萬一邊書
告急馬革裹尸乃吾素志他日收吾骸足心有黑子者
是汝其識之其忠誠許國根於天性如此

太原府判劉仲發士英 石礪王稟附
劉士英字仲發武康人少篤學年三十一登第調武進
尉改温州教授宣和三年方臘賊黨李時囊起清溪陷
明越諸郡乘勢直擣郡城守貳汧頴相顧潯具海航爲
自避計士英伺知之乃與郡人石礪謀條畫守城策督
責有官守者以義白郡將請以身任其事處置有方號
令明肅遠郊之民爭赴城益克實明年五月賊擁衆合
圍士英躬擐甲巡城督勵士卒王師繼至賊衆遂潰城
賴以全中丞郭三益薦士英忠勇才略召對賜章服權
忠烈 卷之七 圭 光緒堂
通判太原府至郡未及暮金虜入寇兵帥童貫有武志
將如京師告急實欲自免士英謂太原乃國家咽喉之
地遂率通判方笈及兵官王稟仗劍立城門外以伺其
出貫遂寢行郡守張孝純因士英仗義不回始定守禦
計時內外阻絕郡遭蠲九奏急于朝者三百餘通卒不
報城守踰年糧盡矢竭虜踰城縱火士英與王稟奉太
宗皇帝神主慟哭於庭持短兵接戰虜以刃脅降士英
罵曰我爲天子死不爲犬戎生遂死之時靖康丙午秋
九月也年四十五議者以英京方唐之逖遠云

安撫使徐彥徽言

徐徽言字彥猷西安人。泌之孫也。大觀二年，詔求材武。韓忠彥、范純幹、劉仲武以徽言應詔，召見崇德殿，賜衣。舉純幹及第，授保德監兵政。和六年，夏人犯邊，與吳玠親兵禦之。其前軍先掠保德，徽言夜半率精騎據險，設伏。夏人至，徽言揮兵突擊，擒其酋，以功授開門祇候。尋復由銀州入寇，命徽言統河西諸將討之。夏師大敗七年，推知晉寧軍。嵐石路沿邊安撫，將金虜圍太原。王師屢却，虜分兵據嵐石及瀕河郡縣，以絕餉道。數月，王命徽言討之。徽言擊賊，率制太原，即率師渡河，戮將士不用命者一戰，破之。復太原，通嵐石事聞，降詔獎諭。遷武經大夫，陞安撫使，提舉嵐石、隰、麟、府、豐等州兵馬。靖康元年，虜騎犯順，陝西置制范致虛率諸兵入援，徽言使鎮守河西。欽宗以京被圍，分命大臣割兩河。于虜，親以紆難。彥昌出河東，為虜所劫，乃割河西三州與夏人。晉寧民大恐，曰：「麟府豐既弃，則晉寧豈能獨存？」徽言曰：「此使人誤耳。率兵復三州，夏人所置守長出降，徽言諭遣之。夏人不敢爭。」徽言復取嵐石等郡於虜，俄

忠烈

卷之七

七

先晉書

忠烈

卷之七

七

先晉書

兩京陷，二聖北狩，朝奏遣漕臣桑景諒募就置司晉寧。贍軍二人皆不至，廩餉絕。徽言屯田並塞地，大積芻粟。教士習水戰，乘渾脫涉河往來。金人遣大酋蹙九州都統與晉寧對壘。徽言以奇兵襲舍之，是時河東郡縣淪陷，日夜望王師至。徽言招集土豪數百人，皆以便宜借授，得衆十餘萬。因奏言：「將自統兵直趨太原，徑取雁門，留兵戍之。命土豪之得郡縣者各自爲守，許以世襲。」既定，全晉據形勢，則中原不日可平。大臣謂兵一出，則和不可成，廷俾聽王庶節制。議雖尼，虜深忌之。銳欲得晉寧。建炎二年，虜自蒲津涉河，繇澄城趨綏德，綏德迎降。遂至晉寧，徽言以書約府州，折可求使出兵，倚角無嬰。城坐困，可求以其子彥文爲虜，得遂降。虜可求徽言妻黨也，虜挾之城下，誘說使降。徽言登陴責以大義，可求曰：「車駕以北，兵暗守縣，君雖至，誠欲與誰守？」徽言以間道所得建炎赦書讀示之，慷慨泣下。可求復曰：「君與我何太無情！」徽言手弓對曰：「爾於國家無情，我於爾安得有情？」且此箭更無情。發中之，可求蒙楯走，因突出奮擊，大破之。斬妻宿字董之子。初，徽言謂晉寧號天下險，

忠烈

卷之七

五

先賢堂

爲廣外城東壑大河備械甚設命諸將監隅分守自以勁兵往來游援虜圍之益急爲煙絲城晉卒俗不井飲汲於河虜驅降人載芟石以擁之城中水乏儲待寢虜雖仗空蔽人人憐愛知隕亡無日徽言能得衆心奮枵餓傷瘼之餘哀折禦斷刃以死固守自度不支取砲機筴格凡守具悉火之曰無以遺虜遣人間道以蠟書東南走告兄昌言曰某孤國恩死矣兄當勉事聖主旦日虜衆環附登城嬰城之人疲於守禦坐受斫刃徽言獨奮大斧盡殺先登者士氣復振虜亦稍却會將石贊受虜飛箭內書虜從其分地入徽言先置家室空室中積薪焚之率帳下戰門中數十合所手殺甚衆左右死傷略盡遂嬰牙城以守虜衆誰至徽言坐堂上慷慨語將士我天子守臣義不見劓賊手因拔佩刀自擬衆爭號呼抱持故虜得挾以去然素憚其威不敢抱妻宿得其所親但說以其冠紱見徽言叱之曰朝章觀君父禮以入穹廬可乎汝汚偽官不卽媿死顧以爲榮且爲敵人捶吻作說客耶不急去吾力猶能搏殺汝妻宿因就見說曰二帝北去爾乃誰爲徽言曰吾爲建炎天子妻宿

忠烈

卷之七

五

先賢堂

曰我兵已南中原事可知何乃自苦徽言曰吾恨不磔汝歸見天子今以死報太祖太宗庸知其他又與酒令飲卽以盃擲虜曰我尚飲虜酒乎罵不已又出偽制誅之曰能小屈當使世歸延安并有關陝徽言益怒罵曰吾荷國恩此正吾死所此膝豈爲虜屈因大呼曰爾胡肯肯殺我不可使餘人見加妻宿以戟向之徽言被刃迎刃神色自若因射之未死罵不絕聲既死僵立不仆時年三十九粘罕聞其死怒妻宿曰爾寢很何專殺義人以逞爾私治其罪甚慘宜撫張浚與諸使者相繼以死節聞高宗撫几震悼顧謂宰輔曰徐徽言死封疆臨難不屈忠貫日月過於顏真卿段秀實遠矣不有以寵之何以勸忠昭示來世乃贈晉州觀察使謚忠壯再贈彰化軍節度使子岡旣同死事而從孫適亦以守安豐死蓋世著忠烈云

縉雲尉詹元公良臣子大方大猷附

詹良臣字元公遂安人敦厚有節操宣和初年七十二以特奏名爲處州縉雲尉方臘起歛嶺且犯處守貳俱遁良臣以數百人獨守城或謂良臣曰盍去諸良臣曰

食焉不避其難。吾官以逐賊爲職。縱不勝。敢愛死乎。率弓兵出禦。之力不敵。被執。賊脅以降。良臣曰。汝輩不知求生。願欲降。我耶。昔年李順反於蜀。王倫反於淮南。王則反於貝州。身首橫分。妻子與同惡。無少長皆誅死。且募官軍至。汝肉飼狗鼠矣。賊悲憤。割其肉。使自啖。良臣且吐。且罵。至死不絕口。見者掩面流涕。賊平。事聞。贈通直郎。官其子三人。後累加金紫。光祿大夫。謚忠節。長子大方。登進士。累官端明殿大學士。工部尚書。樞密使。封遂安伯。食邑八百戶。贈太師。次子大猷。補承事郎。官至

忠烈

卷之七

辛

光緒堂

朝請大夫。賜紫金魚袋。

青溪尉翁開

翁開。壽昌人也。登政和五年進士。宣和二年。攝青溪尉。方臘寇起。領所部與賊戰。不勝。被執。罵賊而死。郡人鄭範爲之傳。

休寧知縣鞠嗣復

鞠嗣復。錢塘人。宣和中。知休寧縣。方臘黨攻破縣。欲逼使降。面斬二士以怖之。嗣復罵曰。自古妖賊。豈有久長者。爾當去。遂從順。因我而歸。朝廷官爵尚可得何爲者。

我使降耶。嗣復知必死。不少懼。厲聲曰。何不速殺我。賊曰。我縣人也。明府宰邑有善政。我不忍殺。乃委之而去。初。嗣復聞變。率吏民修城。民衆樂赴。不日而工畢。守備略就。朝廷知之。加直秘閣。擢知睦州。嘗爲賊所傷。自力渡江。乞兵於撫使。未至而卒。

忠翊郎姜綬

子特立附

姜綬。麗水人也。宣和中。以平睦寇有功。補承節郎。靖康初。金人犯汴。募忠勇士。齎蠟書往南京。調兵赴援。綬以忠翊郎應募。乃剖股藏書。縫下南壁。爲邏騎所獲。厲聲罵之。遂被殺。建炎中。詔官其子特立。補承信郎。官終寧遠軍節度使。以詩鳴有梅山集。

忠烈

卷之七

壬

光緒堂

開封少尹夏元茂承

夏承。字元茂。鄞人。登蔡薺榜。進士第。任開封少尹。靖康間。虜騎入寇。京師尹徐秉哲散文榜。根括皇族。冀倖其全。承毅然折以大義。密令諸廂毀其文榜。盡散拘繫之人。紹興初。職文惠者。疏列其事。時國事方殷。褒異未遑。達隆興。初。詔以承爲忠義之士。命史館編錄姓名。特贈左朝議大夫。

開封令劉夢澤倚友

劉倚友字夢澤青田人登政和進士宰開封有聲靖康金人犯關受檄爲東壁彈劾官登城按視爲金人所獲脅使降倚友叱罵不絕口死之

穎昌守何彥時志同

何志同字彥時龍泉人元祐進士初校讐麟閣靖康餘虜寇穎昌守臣會開懼宰相以志同代之至都屬士死戰虜數劄不得逞於是益以數萬騎圍其城而攻之不敵城陷志同委其子女挺身出招散亡將以復戰聞高

忠烈

卷之七 光緒堂

崇以大元帥開府濟陽遂率范洎等三十騎赴之高宗見之嘉賞先是志同嘗密啓以南都祖宗興王地請正位號以今天下及移蹕南都復申前奏從之以志同攝大尹時國多難志同艱關赴急後奉身而退其進退可謂無媿矣

進士吳樞

吳樞慶元人登政和進士慷慨負氣以節槩自許靖康初詔募人使金者樞毅然請行既至唯長揖不拜金人欲烹之鼎油方沸樞攝衣從之顏色無少變金主壯其

節遼還

雲和柳味道

柳味道雲和人好讀書行已正大每以節義自持時有寇柳機察作逆逼味道爲主堅誓不從寇怒縊於松以脅之味道從容口占一詩曰國破家亦破年窮命亦窮浮雲諸逆賊送我上青松竟縊死於松下

太學徐宅卿揆

徐揆字宅卿江山人篤學力行以內舍領開封府首薦待試省闈金人至都城揆與太學生數輩上書虜酋責其敗盟欲迎請二聖不得達翌日撰文自往或謂曰子

忠烈

卷之七 光緒堂

雙親垂白無位於朝欲以徇國特一簣障江河爾揆曰不然昔燕破齊王蠲義不事燕絕脰而死齊士大夫迎襄王於莒齊之殘民亦感激奮發而田單得以成功今國破主辱可無一士死難揆雖不敏竊自比蠲庶幾天

蓋縣簿祝公明

子陶附

祝公明處州麗水人太原府蓋縣主簿靖康間金人犯河東令弃官去公明攝縣事率保甲入援圍守踰年城陷不屈死子陶爲唐州司戶中原失守陶亦死官所建炎中贈公明承事郎

通直郎劉平甫晏

劉晏字平甫建德人遼舉進士爲尚書郎宣和中率衆數百來歸受通直郎金人犯京師以晏總遼東兵號赤心隊建炎初從劉正彥擊淮西賊丁進進黨頗衆晏所提赤心騎才八百乃爲五色旗使騎兵持之循山而

忠烈

卷之七

聖

光緒堂

出一色盡則以一色易之賊見官軍累日不絕顏色各異遂不戰而降還朝散郎正彥反晏謂其部曲曰吾豈從逆黨者耶以衆歸韓世忠世忠追正彥及苗傅於浦城以晏騎六百爲疑兵於浦山之陽賊大駭晏以所部力戰正彥就擒世忠上其功遷一官金人犯建康杜克兵潰世忠退保江陰晏領赤心百五十騎屯青龍羣寇犯常州晏出奇破之進直龍圖閣保馬跡山以禦寇寇再至晏出舟師迎戰降其衆一千五百人戚方圍宣城急命晏往援晏至城下未立營壘出不意直搗方帳下

方大驚却走晏欲生致方單騎追之深入重地方合圍數匝飛矢雨集晏獨奮長刀力殺數十人以援兵不繼死事聞贈龍圖閣待制官其子四人死所立廟曰義烈歲時祀之

司農少卿史洵美徽

子龜年均年岑年附

史徽字洵美益官人勤苦力學登崇寧五年進士累遷戶部郎中出爲京西運判徽宗下詔罪已罷西城所督逋賦徽悉焚其租籍進右司郎中以疾致仕高宗卽位復起爲司農少卿建炎三年與黃鶚扈駕至京口俱遇

忠烈

卷之七

聖

光緒堂

害後特贈左太中大夫右文殿修撰子三曰龜年均年岑年龜年岑年皆官至員外郎

鄉貢鄭季厚覃

兄章妻董氏孫曾多附

鄭覃字季厚明州人靖康二年貢於鄉建炎四年金人陷明州縱兵大掠覃挈族避難山谷間金人追及與兄章俱被執脅以刃曰與吾金卽貰死覃號泣指所瘞黃金釵與之遂見釋而金兵相屬覃拏小舟與其妻董同載去顧謂章曰萬一不得脫覃豈比同事異國者兄勉主祭祀復爲兵所劫去迫使之降覃厲聲罵不屈躍入

水中董哭曰夫亡矣與其受辱以生不如死亦自沉單死後孫曾多舉進士而清之最顯單累贈太師秦國公董秦國夫人

統制姚典

姚典舊名叔興新城人有勇力善武藝爲統制官隸王權紹興三十一年完顏亮入寇兵至和州尉子橋典以一年三千人力戰權置酒仙宗山上擁羣刀斧自衛殊不援典與殺虜數百以援不至而沒朝廷爲之立祠以表其忠寧宗朝復加追贈襲慶軍節度使開府儀同三司

卷之七

聖 光緒堂

司

錢塘令朱蹕

何鼎附

朱蹕安吉人登大觀五年何鼎榜進士第任興國軍教授除辟雍錄高宗卽位召赴行在除太學錄蹕請使虜暨還復除太學正尋除錢塘令建炎三年兀朮完顏宗弼破桐川將窺臨安蹕請郡守康允之欲戍千秋獨松二嶺以抗其咽守不聽臨安陷守弃城遁保蕭山蹕率民兵出禦行二十里遇賊對敵兩中流矢左右掖至天竺山賊肆焚掠蹕聚創率里社復以短兵邀擊遂被害

何鼎歸安人也靖康中從徽宗幸金營不屈而死遺詩云人生會有死遺恨滿乾坤臨大節而不奪至今猶凜凜有生氣若鼎與蹕可謂不負科名者矣

防城保甲於琳

於琳蕭山人爲本州防城保甲建炎初陳通叛琳從浙東安撫討賊戰敗被執賊欲刺其面強降之琳罵不屈賊衆攢射矢著如蝟毛罵不絕口死之

承信郎李彥和靚

李靚字彥和龍泉人幼孤母督之學不肯卒業母詰之

忠烈

卷之七

聖 光緒堂

辯曰國家遭女真之變寓縣雲擾士當捐軀爲國戡大愆安能咕囁章句間效淺丈夫哉岳飛督師平虜寇挺身從之未行奔母喪服除走淮南以策干都督張浚浚奇之使隸淮西總管孫暉麾下累功授承信郎紹興十年金人犯境靚率部曲當其鋒轉戰至西京天津橋南俘其酋乘勝逐北會金兵大至部曲奔潰靚大呼曰今日是我報國之日遂躍馬陷陣死年三十二

右僕射魏南夫杞

魏杞字南夫鄞人舉紹興十二年進士第歷縣有能名

後遷宗正少卿。假禮部尚書，使金國，行次盱眙，金人以萬騎脅之，杞不爲動。卒奉禮幣以往，當是時與隆議和，改君臣獻納禮。孝宗以紙書投杞，杞行近北界，心動，亟回。自上曰：「國書封滕，不知何事？」彼震怒凌辱，將倉卒占對。失國體，願陛下諭意。臣願以死承詔，上大悟，始盡言書旨。初上之不言者，懼杞畏惡，辭行耳。杞至金，金主果怒，絕飲食以困杞。杞言宋皇帝銳意恢復，將使兩國之民俱受塗炭，羣臣交奏迭諫，故更進和議。誠與太上皇帝言和時不同，使不允杞死。此耳。金主悔，卒正敵國禮。

忠烈

卷之七

聖主

光霽堂

減歲幣舊數以歸。孝宗大喜，除起居郎，遷給事中。乾道二年，拜同知樞密，參知政事。明年，拜右僕射，卒，謚文節。

衛士唐琦

唐琦，臨安衛士。高宗航海，琦以病留越州。李鄴以城降，金人弔八守之。琦袖石伏道傍，伺其出擊之，不中被。執，弔八詰之。琦曰：「欲碎爾首死爲趙氏鬼耳。」弔八曰：「使人人如是，趙氏豈至是哉？」又問曰：「李鄴爲帥，尚以城降，汝何人敢爾？」琦曰：「鄴爲臣不忠，吾恨不得手刃之。尚何言斯人爲？」乃顧鄴曰：「我月給才石五斗，米不肯背。」其主

爾享國厚恩，乃若此，豈復齒人類哉？詬罵不少屈。弔八趣殺之，至死不絕口。事聞，詔爲立廟，賜名旌忠。

沈提舉瑄

沈瑄，德清人，仕爲燕山府提舉。金虜犯邊，爲郭藥師所執，以兵臨之，終不屈。虜壯之，遣同李鄴赴關議，和瑄首陳虛實，乞邀擊之，不用。著南歸經世二錄以摠忠憤。

龔生

龔生，上虞人，伉健有智略。建炎中，金兵渡浙江，次上虞，所至焚掠，民皆竄山谷。生獨奮臂，諭其里人李氏伍氏

忠烈

卷之七

聖主

光霽堂

郭氏曰：「虜將屠吾邑，吾屬雖力不敵，有死不可去。」遂募民之果悍者，得數十人，迎縣令，丞依險自固，分署隊伍，整兵環向以待之。虜至，出其不意，驅衆先登，嶺嶠投石擊之，且率衆薄虜，虜驚却，斬其將，殺傷甚衆，生亦戰死。

戶部侍郎梁貴全總

子綸總附

梁總，字貴全，西安人，丰姿端靖，以明法擢廷評。時有欲入人罪者，總堅執不見聽，乃求去，爲淮西檢法。守曲江，以薦召，丞大理，稍遷少卿。孝宗稱其忠正，廉恪，出爲浙西憲，平丹陽盜，掠嚴陵荒，入爲廷尉。晉戶部侍郎，使虜。

出國門孝宗晏駕總卽衣黻渡淮虜逼之易服總毅然不變虜燕必張樂至其庭必簪花講射總皆移文豫辭之持弗從就館則扁其戶絕不通燕之日又脅總總曰有死耳國喪不卹而以非禮相加豈通好之誼耶虜嘉歎之悉如所請既還上受內禪真拜刑部侍郎未幾奉祠告老歸子綸自戶部郎爲成都憲絃守融州

利東安撫使劉師文甲

劉甲字師文龍游人淳熙進士累官度支郎兼國史院編修使金至燕山伴宴完顏者犯仁廟嫌諱甲力請完

忠烈

卷之七

甲七

光緒堂

顏更名脩還除寶謨閣待制知江陵府湖北安撫使移知廬州程松爲四川宣撫使吳曦副之以甲知興元府利東安撫使時曦已遣使獻四州於金金立曦爲蜀王以重兵歷大散關曦陰撤幕關卒甲時在漢嘉聞變告急於朝松謀遁甲固留不可遽以便宜檄甲兼沿途制置曦遣使以書致甲甲援大義拒之因臥疾曦又遣其弟收邀甲相見甲叱而去之乃援顏真卿故事欲拔歸朝先募二兵持帛書遺悉知李壁告變曦僭王位甲卽去官朝廷久乃微聞反狀韓侂胄猶不之信甲奏至舉

朝震駭壁袖帛書進上覽之稱忠臣者再命吳總知鄂州多賜告身金錢招諭諸軍爲入蜀計復以帛書賜甲命審度事宜從長區處二兵皆補官甲舟行至重慶聞安丙等誅曦復還漢中奏叛臣子孫族屬及附偽狀公論快之除甲宣撫使金自鶴嶺關進屯八里山甲分兵進守金知有備引去上念甲精忠拜寶謨閣學士知興元府利東安撫使權四川制置司事先是大臣撫蜀者諸將事之有所謂互送禮實賄賂也甲下令首罷之凡安丙所增田土茶塩諸稅一切報罷邊民感泣未幾卒

忠烈

卷之七

甲八

光緒堂

海州通判侯道子畱

侯畱字道子樂清人以武舉授合浦尉柳城令衛步軍司幹辦公事侍衛馬軍行司計議官寶祐五年制置使賈似道辟通判海州蕪南府計議官李松壽據山東突出連泗畱率衆盛戰城下死之闔門遇害太學生三十人疏言於朝卽海州賜廟旌忠謚節毅仍立廟其鄉

高所著有霜崖文集

陳提刑壽孫

陳壽孫遂安人以進士教授台州會新太守初視篆乃丞相丁大全黨也至謁廟曰壽孫謾言曰昔冉求爲季氏聚斂聖人尚欲鳴鼓而攻之太守乃丁大全聚斂之徒烏可升吾夫子之堂哉守聞之遂解印去後直龍圖閣歷福建提刑貪吏聞風畏懼引去未幾入覲與賈似道爭鹽法被劾歸元兵至率市人操兵聚遂安白岩橋禦之取民居靡戶床卓累以爲柵兵至民潰散遂被執

忠烈

卷之七

元

光碧堂

兵部侍郎應純之

應純之孟明子也與兄謙之茂之授業考亭之門登嘉泰三年進士第歷知楚州燕京東經略安撫使收捕李全等所向多捷會李全來歸密請於朝謂中原指日可復時相史彌遠鑒開禧事不欲大舉但効立忠義軍令

純之節制旣而陞兵部侍郎秋八月金人入寇力戰死之

蘄州知州李茂欽誠之

妻許氏子士九從子士宏附

李誠之字茂欽東陽人舉鄉薦第一慶元初釋褐授國子學錄佐江西福建帥幕嘉定中知蘄州增埤浚隄繕樓櫓修器械作惠民倉糴米數萬石實之十四年春金人犯邊以一日破五關遂踐黃陂勢如破竹時誠之已逾滿代者不至欲先遣其孥歸聞寇至而止時州兵迎新者半又分於憲司存者無幾乃選丁壯分布城守

忠烈

卷之七

辛

光碧堂

募死士逆擊十里外大破之虜百道攻城當是時池陽合肥援兵俱敗走朝命馮倂將兵救之擁兵境上遷延不進虜攻益急誠之簡二驍將率百餘騎夜出劫其寨而還料敵應變智略如神虜始憚之會黃矢失守併兵爲一凡十餘萬勢不能支誠之激厲將士勉以忠義城陷子士九從子士宏力戰而死誠之望闕再拜付州印於虞兵周俊使懷以歸朝廷謂其家人曰尔等宜速死無辱於賊帥兵巷戰自旦至午士卒感其義皆死無一降者左右略盡引劍自刎時年七十妻許氏及子婦若孫

皆赴水死。自城守至陷，凡二十六日。時三月十七日也。事聞，贈朝散大夫、秘閣修撰、封正節侯，立廟於斯陽，賜名褒忠。士九贈通直郎，士宏承務郎，妻以下皆褒贈有差。獨長子士昭以先返家獲全，護喪歸葬於縣東七里東山之原。

太府少卿楊叔鎮九鼎

楊九鼎，字叔鎮，錢唐人。以父任入官，帥襄漕，夔有善政。後易利漕，帥天漢，虜劫大散關，九鼎先驅，駐河池，縣後大散關，又復。皂郊殺偽帥完顏阿璘，虜大憤，益發兵至。

忠烈

卷之七

三

光緒堂

九鼎死守清野，原除太府少卿，總領蜀賦，時郡統吳政，戰沒麾下兵潰，虜據漢中，擣大安軍，九鼎檄張威，何進勦虜於三泉，匹馬不返。會蜀有新帥，首招潰卒，至雞公嶺，復叛。帥聞變，即遁，有勸九鼎遁者，答曰：「九鼎存職守，不可去。賊至，遂遇害。」後宣闡戮叛卒，奏九鼎以死守職，乞厚加卹典，以勸盡忠。詔贈五官至朝議大夫，官其子三。

定城尉張欽甫愬

張愬，一名景說，字欽甫，嶧人。紹定四年，爲定城縣尉，攝

麻城縣事。適虜攻破沙窩關，深入麻城，兵不支，被執。欽使降，愬曰：「吾氣吞若曹，顧力屈耳。吾從汝爲不義耶？」遂遇害。事聞，贈通直郎。

太平倅豐公茂存芳 卒方義附

豐存芳，字公茂，清敏公玄孫也。爲太平縣倅。景定元年二月，蒙古兵至，知州孟知縉謀以城降，存芳諫不聽。嘗之，知縉遂引蒙古兵屠其家，同死者十八人。卒方義，其孤，八歲，禮長於民間，傳至曾孫淳甫、洪武中，以賢良薦，仕至監察御史。

忠烈

卷之七

三

光緒堂

饒州知州唐景實震 兄椿附

唐震，字景實，會稽人。少居鄉，介然不苟交，有言其過者，輒喜。既登第，有權貴者擬薦薦之，以示震，震納之篋中。既而干震以事，震手還其牒，封題如故。其人大愧，咸淳中，由大理司直判臨安府。是時潛說友尹京，倚賈似道，驕蹇亂政，震每矯正之。時江東大旱，擢知信州，震奏減綱運米，蠲其租賦，令坊置一吏籍其戶口，勸富人分粟，使坊吏主給之，所活無算。擢江西提刑，過關陞，賈似道以類田屬震，震謝不能行，至部又以疏力爭之。趙氏

有守阡俾甚暴震遣吏捕治似道以書管救震卒按以法似道怒使侍御史陳堅劾去之咸淳十年起震饒州時興國南康江州諸郡皆已附元兵略饒震發州民城守上書求援不報元遣使說降通判萬道同勸從之震叱曰我偷生負國邪立斬元使堅守不下明年春元兵大至城中食且盡都提舉鄭益宵遁震盡出官錢募戰士莫有應者城遂潰元兵入執震署降震奮罵曰我恨力寡不能盡殺爾賊乃降爾邪遂與其兄椿及家人俱遇害張世傑復饒州判官鄔宗節求震尸以葬贈華文忠

卷之七

光緒堂

閣待制謚忠介立廟賜額褒忠官其二子

通判池州趙漢卿卯發妻羅氏附

趙卯發字漢卿昌化人淳祐十年上舍登第歷官宣城宰素以節行稱中被論罷咸淳七年起爲彭澤令權通判池州大兵渡江池守王起宗弃官去卯發攝州事繕壁聚糧爲守禦計明年正月大兵至李王河都統張林屢譏之降卯發憤氣填膺瞪目視林不能言有問以視身之道者卯發曰忠義所以視身也此外非臣子所得言林以兵出巡江陰歸降而陽助卯發爲守守兵五百

餘柄皆歸林卯發知不可守乃置酒會親友與飲談謂其妻羅氏曰城將破吾守臣不當去汝先出走羅氏曰君爲命官我爲命婦君爲忠臣我獨不能爲忠臣婦乎卯發笑曰此豈婦人女子之所能耶羅氏曰吾請先君死卯發笑止之明日散其家資與其弟姪僕婢悉遣之二月兵薄池卯發晨起書几上曰君不可叛城不可降夫妻同死節義成雙又爲詩別其兄弟與羅盛服同縊從容堂死林開門降丞相伯顏入問太守何在左右以死對即如堂中觀之皆歎息爲具棺衾合葬於池上祭其墓而去

卷之七

光緒堂

建康統制吳子雲從龍弟從虎附

吳從龍字子雲奉化人官至武功郎建康府統制紹定兵難爲先鋒授絕被擒使至泰州城下諭降終不屈死之後立廟維揚賜額褒忠其弟從虎官至武經大夫淳祐間翰林學士應鶴奏言從龍有晉解揚漢路中大夫之節請賜謚咸淳中史館檢閱黃震乞立傳

均州錄事朱不塵光緒時中附

朱光字不塵麗水人紹定三年登進士第尉襄陽攝均

州錄事端平丙申均倅北人王用吉以城叛光諭之不從責之又不得遂死於難朝廷旌其忠贈通直郎官一子勅曰往歲北人以均城叛爾光攝郡決曹責以忠孝遂遭執縛斃於刀鋸後三年職兵鈴者始白其事於朝有司考閱銓籍龍飛榜進士也嗚呼爾死得其所若朕之盡傷何贈以京秩錄其遺孤庶使忠魂無復遺恨弟時中端平二年進士

霍丘尉徐臘叟梅龜 子尚古附

徐梅龜字雁叟壽昌人警敏剛介不事阿徇登進士第忠烈

卷之七

五

光緒堂

授安豐軍霍丘縣尉端平三年蒙古兵犯境梅龜親率土人王鎧等扎寨安陽諸山隣境亦賴以安嘉熙元年蒙古兵又至梅龜身先士卒戰勝俘獲甚衆次年春蒙古大舉入寇梅龜與戰不利顧謂其子尚古曰彼衆我寡我知之矣委質爲臣有死無二汝其行乎尚古曰大人既能死忠尚古豈不能死孝乃轉戰益力至黃家渡皆遇害淮西制置以聞理宗震悼贈宣教郎知霍丘縣事官其一子尚古進武校尉尚古贈承信郎亦官其一子肅進義校尉梅龜夙以文名舉筆立就嘗著春秋指

掌圖若干卷行於世

金部員外吳長翁德洪 弟雄飛附

吳德洪字長翁淳安人登淳祐九年進士第歷官金部員外郎遇事慷慨與時多忤元兵入臨安抗節而死弟雄飛字次翁秀整端重與兄齊名亦登景定三年進士累官太常寺簿夙與李芾友善以忠義相許國亡募兵赴難時論痛之

樊守張漢英

張漢英奉化人幼聘呂氏女及請期呂以女雙瞽辭漢

忠烈

卷之七

五

光緒堂

英曰聘時無恙而今喪明命也遂娶之咸淳間勅守樊城爲元阿木所圍并守其江漢英募善泗者置蠟書於營中潛積草下浮水而出往荆郢求援至隘口元守卒見積草多鈞致泗者被獲於是郢荆之路亦絕又求得張順張貴二人俱智勇出衆俾爲都統二將又相繼爲元兵所殺至九年癸酉襄陽被圍五年樊城被圍四年元將張弘範進攻爲流矢中其肘求創見阿木曰襄在江南樊在江北我陸攻樊則襄出舟師來救終不可取若我截江道斷救兵水陸夾攻之則樊必破而襄亦下

矣。阿木從之。遂以師截江而出。鉞師薄樊城。漢英死焉。
大理丞馮德父驥弟驥附

馮驥字德父。富春人。性至孝。母病。刲股和藥以進。登景
定進士。調安吉武康簿。有聲。累遷大理丞。時元兵下襄
樊。募豪傑爲戰守計。驥被薦。協張濡守獨松。元兵來攻。
殺其渠帥。元將益兵搗之。濡遁。驥與弟驥力戰死。贈集
賢殿修撰。

吏部尚書劉聲伯母解氏妻林氏附

劉顓字聲伯。樂清人。早有令聞。試入太學。時大舍方爲

忠烈 卷之七 光緒堂

臺屬劾奏丞相董槐。迫逐去國。將奪其位。顓率同舍生
伏闕上書。大槩言朝廷進退大臣。須當以禮。書上忤執
政。送南安軍安置。歸別其母解氏。母曰。爲臣死忠。以直
被貶分也。及大全貶。還太學。以材署昭慶軍節度掌
書記。由學官試館職。拜監察御史。益以風節自勵。遇事
敢言。改正字。丁父艱。去服闋。授集賢殿修撰。沿海制置
知慶元府事。建濟民莊。以濟士民之急。召拜刑部侍郎。
進吏部尚書。兼中書舍人。以母憂去。明年。江上師潰。丞
相陳宜中起復。顓爲端明殿學士。不起。及賈似道死。宜

中謀擁二王由溫州入海。以兵逆顓。共政。將遜位。於是
顓托宗祀於母弟。成伯揮涕就道。及羅浮。憂憤卒。其妻
林氏舉家蹈海死。

浙西提刑徐伯謙道隆知州趙良淳附

徐道隆字伯謙。武康人。以父任入官。歷潭州判官。荆湖
制置使。遷浙西提刑。權治安吉。時文天祥既至平江。潰
卒四出爲浙西害。安吉尤甚。有旨命道隆措置。乃梟其
首亂者於市。牛監軍遁。范文虎程鵬飛俱遣書誘道隆。
使降。道隆焚書斬其使。元兵至。知州事趙良淳知不可

忠烈 卷之七 光緒堂

爲。乃具公服自縊死。道隆率親從軍三百人殊死戰。矢
盡鎗折。一軍盡沒。道隆見執。縻之艦中。守者少怠。赴
水死。越三日宋亡。

司農卿杜貴卿

杜許字貴卿。黃巖清獻公之從子也。德祐初。奮志勤王。
集民兵四千。人見文天祥於西湖上。時天祥奉旨詣北
軍講解。左右皆散。莫有從者。許慨然相從。至京口。以計
歸守者。脫天祥遂謀趣真州。真州守將苗再成聞天祥
至。卽喜而出迎。且泣曰。兩淮兵足以興復。特二閫小隙。

不能合從耳。天祥即以書遺二制置，時制置使李庭芝以爲天祥來說降，使再成。亟殺之，再成不忍，給天祥出相城壘。於是天祥與許、惠入海，適遇兵伏環堵中，飢莫能起。許出從，樵者乞得餘糲，羹以饌天祥而已。獨楊腹行人板橋，兵又至，走伏藥篠中。兵入索之，擒許去。許解所懷金與卒，獲免。因募二樵者以贊荷天祥，許單步從。至高郵，復由海道以達永嘉。間危險走數千里，所以擁護天祥者無不至。每扼腕國事，輒與天祥涕洟相對。益王立，天祥以觀文殿學士召至福州，拜右丞相而授

忠烈

卷之七

五

光緒堂

許司農卿空坑之敗被執不屈憂憤死

權知台州王珏

姪賓附

王珏，隱居人，咸淳進士。德祐初，以太學博士權知台州。與陳仁玉築城浴澤，倡民義，堅壁以守。城既陷，赴泮橋水死之。寇兵至，欲取首級以獻功，其姪賓服珏冠，甘自殘以全珏遺體。

承議郎陳雲翁虞之

陳虞之，字雲翁，永嘉芙蓉人。登咸淳己丑第，初授揚州教授，改淮東帥幹。歷官廣王府記室參軍，積階承議郎。

元兵至溫，虞之率子姪鄉人千餘人登芙蓉巖，誓以死守。不降。元兵攻巖，累爲所敗。越二歲，始克下之。乃盡以家貲投巖隙中，遂自刎死。子姪妻孥及鄉人死者八百餘人，被虜者五十餘人。遠近聞其事，莫不爲之隕涕。史館編校葉德平偁祖。

葉偁祖，字德平，樂清人。尚氣節，有家法。辟史館編校，晚年退居教授。聞元兵渡江，謂子弟曰：「吾生爲宋臣，死爲宋鬼。」至元丙子冬，兵至，卽具衣冠望闕拜，躍入所居楊樓水中。

忠烈

卷之七

六

光緒堂

太學徐巨翁應鑣

琦崧女元娘友劉汝錫附

徐應鑣，字巨翁，江山人。咸淳末，試補太學生。德祐二年宋亡，恭帝入燕。太學生百餘人皆從行，應鑣乃與其子琦崧、女元娘，誓共焚于女。皆喜從之。太學故岳飛第有飛祠，應鑣具酒肉祀飛，曰：「天不祐宋，社稷爲墟，應鑣死以報國，誓不與諸生俱北。」死已，將魂魄累王作配神主。與王英靈永永無斃。琦亦賦詩以自誓。祭畢，以酒肉餉諸僕。諸僕醉卧，應鑣乃與其子女入梯雲樓，積書籍箱篋四周，縱火自焚。一小僕未寐，聞火聲起，至樓下穴牖。

窺之見應鑣父子儼然坐立如廟塑像走報諸僕壞壁入撲火滅應鑣不能死與其子女怏怏出戶去倉卒莫知所之翌日得其屍祠前井中皆僵立瞪目面如生諸僕爲具棺歛殯之西湖金牛僧舍益王卽位於閭贈朝奉郎秘閣修撰後十年其同舍生劉汝錫率儒生五十餘人收而葬之方家峪私謚曰正節先生

王小觀

王小觀瑞安小溪人自小有大志善禦每以忠義自許年方弱冠元兵至溫竟抵瑞安陶山陶山去小溪餘三十里

忠烈

卷之七

李

光緒堂

十里小觀聞之乃悉傾家財召募勇敢者千餘人出陶山迎敵被衆我衆退入小溪元兵追之力莫能當遂被執不肯降臨刑罵不絕口而死

徐梧叔夢魁

魏亨附

徐夢魁字梧叔壽昌人領貢籍而宋祚適亡欲圖恢復潛集子弟兵三百餘人與開化魏亨同應陳宜中至信州兵復潰敗又聞丞相文天祥被執北去痛哭撫膺其謀遂寢既歸築室璉塢山中大書宋林二字於石元初屢薦不起年七十餘臨終謂子姓曰吾家宋臣也墓題

宋林處士足矣汝曹幸無食元祿言訖而歿

林提刑融

林融青田人仕宋爲提刑痛宋社淪亡潛歸九都牙陽起兵與復兵敗被擒送燕世祖義而釋之融歸復起兵元遣參政高興來禦力屈死之

鄭季華采翁

朱天錫附

鄭采翁字季華壽昌人性剛果好讀書屢試不第居家學兵法宋社將屋忿然有扶拯之志元兵圍臨安倡義勤王郡人朱天錫等應之收集鄉兵勒部伍習騎射義

忠烈

卷之七

李

光緒堂

聲感激人皆效死未幾臨安失守兩官北去元將唆都陷建德安撫方回迎降遂犯白沙渡采翁率所部力戰兵敗被執不屈而死

行軍司馬陳與可自中

陳自中字與可宋丞相宜中母弟也好學善屬文頃刻千百言悉有理致咸淳戊辰登進士第由郡司馬擢太常寺丞會元兵渡江而罷德祐丙子宜中奉二王南遷自中以大都督府行軍司馬提兵拒守分水關食盡援絕士卒散亡元軍帥欲降之不屈朝服南向再拜而死

妻楊氏三子一女俱被虜幼子隨少常入百番爲僧名
華真吃刺思

朝請大夫唐子煥元章 從子良嗣附

唐元章一名大初字子煥蘭谿人韶之弟也爲文思院
官宋德祐失國二王南遷元章與韶子良嗣起義興復
官據溫州砲手三千爲之助時元兵壓蘭谿元章與戰
於黃盆灘破之斬其將奚達魯元兵退保桐廬遂進兵
拒守嚴州朝廷以元章爲朝請大夫知嚴州良嗣加閩
門宣贊武翼將軍江淮閩浙都統兵馬使相持二年糧
援不繼戰不利將趨閩以圖再舉元兵大至元章戰死
於龍游白雲寺前元主帥唆都以雙虎符金牌招良嗣
不從亦戰死於僊霞嶺下

軍器監簿趙平甫良坦

趙良坦字平甫孝宗諸孫也寶祐二年進士知永嘉瑞
安福清並以蘇介名會二王走閩中檄良坦以軍器監
簿贊軍事於是募兵守禦元兵南指力屈就擒脅降不
屈繫獄中二年作書付其家曰試令三載無媿於心守
節二年不屈於敵只因忠義二字累及老稚一門吾今

唯死而已後元帥詰其不屈狀對曰生爲宋臣死爲宋
鬼速求一死遂欣然就刑

進士袁天與鏞

袁鏞字天與鄞人有志遠於春秋登咸淳進士第以
父憂未卽仕國事日蹙鏞竊歎曰生爲宋臣死則宋鬼
顧無寸兵尺地不能捍禦以圖社稷得仗義執言從常
山睢陽於地下不失爲宋國臣足矣居三月元將遣游
兵十八騎駐鄞西山之資教寺鏞奮然往諭以大義且
肆言曰汝主無故謀起于戈殘我土宇使我人民死轉
鋒刃之下天地鬼神所不容四方忠義之士日夜憤惋
勤王之師日至吾恐汝北歸無日也言未竟就擒元將
奇其才脅令降曰從則富貴不從則燒戮鏞罵曰我
爲宋臣死則死耳終不從汝胡也元將怒縱火燔之鬚
髮殆盡聲氣愈厲至死不少變其日家人驚悼赴水而
死者十有七人

趙孟崧

趙孟崧山陰人福王與芮之從子也元兵入臨安孟崧
謀舉兵於越事泄被執至臨安范文虎詰之孟崧訴曰

賊臣負國共危社稷我帝室之胄欲一刷宗廟之耻乃更以爲逆乎文虎怒驛出斬之過失廟孟崧大呼曰太祖太宗之靈在天何以使孟崧至此杭人莫不隕涕既死雷霆晝晦者久之

吳叔大觀

陳非熊

弟彪熊虎子圭壘姪壻坑子壘

吳觀字叔大新昌人嘗爲稽山書院山長與邑人陳非熊皆業儒有氣節元兵入浙東恭帝北轅檄報相對慟哭卽與協謀奉宋宗室趙節使圖恢復集義勇千餘繕城固守力戰而死非熊弟熊彪虎子圭壘姪壻坑數十

忠烈

卷之七

奎

光啓堂

輩皆被害惟子壘留新昌獲免痛父死難屏居讀書後至元十四年婺寇掠新昌邀擊陳宜慰壘率宗人赴援聞宜慰被殺憤激決戰皆歿於敗兵嶺可謂世濟忠烈云

朱吉父光

張軫附

朱光字吉父諸暨人明經敦行元伯顏下江南遣裨將上官基招撫浙東至縣光與同邑張軫等率鄉民抵禦光被執口占曰生爲大宋臣死爲大宋鬼一片忠義心明月照秋水賊怒以火燃之三日始絕軫亦不屈而死

光嘗註西銘人多佩誦云

太學林慶雲逢龍

弟廷龍齊應魁附

林逢龍字慶雲平陽人齠髻知讀書爲文有奇氣少游郡庠尋以青牒補太學與同舍齊應魁等上封事乞正賈似道誤國之罪宜急調兵解襄樊圍賈大怒削其士籍抑還本貫逢龍乃屏跡居寶嚴山中德祐丙子元兵至溫秀王趙與擇道元將知逢龍姓名令軍校至山中索之遂被執迫之登舟入城逢龍攘臂怒罵以腹觸其刃而死弟廷龍字雷發勤苦讀書與逢龍同游太學亦被執不屈而死

忠烈

卷之七

奎

光啓堂

張哲齊

張哲齊臨海人遺其名文丞相天祥偕泰和胡文可太平呂武自通州泛海過其家約舉義兵將取明州不果後張弘範入寇見壁間檄捕得之哲齊知不免語弘範曰吾生爲宋民死爲宋鬼何惟我爲遂遇害

兩浙名賢錄卷之七終

兩浙名賢錄卷八目次

忠烈

元

深陽教授林古泉

趙觀光

汚陽推官俞紹芳述祖

張進九

鎮撫季坦之完澤

平江推官俞子中庸

陳仲廣恢

司經正字陳元達達

劉知事良

附子穀

松江路學官胡師善存道

董太初旭

顧生

忠烈目次

卷之八

一

光緒堂

明

神木令陳子浩剛

叅議王性常綱

附子序達孫

和無爲董道貫曾

雲南同知黃德勝里

都給事龔叔安太

附子永

博士方希直孝儒

翰林修撰王原采叔英

戶部侍郎卓惟恭敬

谷府長史劉仲璟璟

附子新

都御史陳性善復切

翰林院侍講樓士連璉

左拾遺戴德聲

獻縣令向遵博朴

附子道淳

太常少卿盧希晉原質

兵部侍郎徐宗實屋

戶部侍郎盧翹

袁州知州楊任

監察御史鄭叔貞公習

按察副使程原道本立

按察司僉事林嘉猷昇

知縣鄭恕

附二女

吏目鄭思孝華

郎中梁田玉

附郭良梁中節梁良三附

御史葉希賢

雪庵和尚

河西儒

附

川中補銷匠

馮翕

附

東湖樵夫

常州同知石恒德允常

知府葉惠仲

附見吳

知府徐安

國子助教張孔升經

忠烈目次

卷之八

二

光緒堂

工部尚書嚴震直

按察副使殷旦

督府都事潘誠夫禮

附子凱

福建叅議張彥華瑛

附弟敬子

張海海

通政謝時用澤

附弟元瑞附

兵部主事俞元器鑑

附子澤

廣東副使毛宗吉

附附

長隨何鼎

兵部員外郎陸汝亨宸

江西巡撫孫德成燧

附子垣

裕州同知郁亮之采

朱知縣士亨

永福知縣周克光煥

僉事王汝修德

姚長子

義士汪較

魏鏡

吳德四 弟德六附

蔡啓元 弟昆元附

趙乾倫

定海文學戎良翰

江西左參議黃德裕宏

常熟縣知縣王德威缺

附世胄名賢

萬文質斌 子鍾孫武文附

崔有本源 二弟澄清附

忠烈

黃巖騎兵林文貴

火德光

秦彪 弟漢附

劉大昌隆

海寧衛馬呈圖

魏弘采煉新朝行從李元和

葉七

杜茂卿槐 文文附

朱汀 子友章王承附

饒州府司秦仲文碧

江陰縣知縣錢鳴以錦

永備縣知縣周克光煥

遼東都司同知李任

寧海所副千戶呂守誠忠

卷之八

陳表

宋汝觀應瀾

葉朝佩紳 韜經附

劉大光煥

光碧堂

兩浙名賢錄卷八日次終

兩浙名賢錄卷之八

東海徐象梅仲和氏謨

武原鄭忠村孝標氏閔

忠烈

元 共十四人

溧陽教授林古泉

林古泉黃巖人博極經史爲文詞下筆輒數千言如不

經思虞伯生揭曼碩皆與之交以道逸舉授溧陽教授

未幾斬黃寇起古泉攝州事州陷遇害垂死罵不絕口

忠烈

賊怒磔其尸州南大樹上

卷之八

光碧堂

趙觀光

趙觀光鄞人也幼多智識稍長好讀書通達時務以郡

博士弟子員得推擇試吏奉化州尋遷昌國至正十年

冬黃巖寇起而昌國孤懸海中勢甚棘州侯帖木兒不

花問計觀光對曰州兵寡弱且不諳水戰惟備秀山

居民悍勇善鬪素習海事若募以厚貲示以重賞用之

擒賊無難矣侯然其言卽以事委之觀光招諭有方不

擾而事集明年正月從侯引兵出海聞帥總軍民兵同

會海門洋俄而賊船百餘舫至衆皆備縮莫敢前獨觀
光部兵與之奮戰至晚無大勝負明日觀光分給兵餉
巡隄上賊復大至卽說侯進敵賊衆數倍我軍莫支觀
光持短兵接戰矢石交下我軍與賊不可辨且無援者
遂死之。

沔陽推官俞紹芳述祖

俞述祖字紹芳慈谿人斯弛不羈嘗漫游武林遇知者
携往京師時留守賀惟一其才器延置賓館未幾賀
登中書平章政事朝廷有大疑退必請決於述祖及賀

忠烈

卷之人

二

光緒堂

陞左相與右相相排軌述祖尤善調護補翰林院胄歷
沔陽路推官至正十二年河南兵攻湖廣行省長吏上
下望風奔潰述祖慨然收募義勇推牛亭士與敵遇於
綠林相持十餘日力盡無援爲敵所執敵欲降之縛其
五歲小兒曰不降將殺是卽厲聲曰我甥不問遲恤其
後何不速殺是敵竟殺之慢罵不已遂至支解逮死罵
不絕口事聞詔贈奉訓大夫飛騎尉象山縣男子贈禮
部郎中命有司復其家錄其姪一人爲後對品承襲十
二年詔祠於沔陽

張進九

張進九青田之秋盧人世業農敦樸有至行至正乙未
八都賊起進九被縛使前誘衆降進九怒呼曰諸人速
來殺此八都賊賊加刀於頸令如已言卒不屈罵不絕
口竟被殺邑人陳德載爲之立傳

鎮撫季坦之完澤 金德附

季完澤字坦之永嘉人幼習蒙古字求爲郡澤史弗克
補用遂落魄湖海間至正末嘗從江西左丞李朵兒留
燕京得爲平江路管軍鎮撫爲仇家所訴免官會賊攻

忠烈

卷之人

三

光緒堂

昱嶺關行省遂假完澤前官令從征完澤勇於討賊凡
再戰關下皆大勝尋又與賊聞自旦至午轉戰數里深
入重圍遂爲所執其妻弟金德亦被擒賊皆縛之於樹
臨以白刃脅之降金德意未決完澤大呼曰金男男子
死則死耳不可爲不義奈何聽賊德曰此言最是因大
罵賊怒剖二人之腹而死

平江推官俞子中庸

俞庸字子中庸嘉興人爲平江路推官年仇殺貴流殍塞
塗憲府檄庸董倉庾賑給全活數萬淮兵壓境府募勇

士鎗守盤門郡僚高安等謂庸盍不去諸庸聲叱曰公等以世臣守土一旦臨利害不能捐生報國而顧先去以爲民望如恩與義何高安愧怒以鐵簡擊庸仆地遂開門兵至城下庸未甦被擒置諸馬下頃之甦以計脫去微服間道歸久之太府知其人將授以官謝之曰吳門之後吾有死所今日之生出不幸耳尚負而授他命見天日乎因發憤病卒年四十五

陳仲廣恢

陳恢字仲廣黃巖人至正庚寅方國珍寇海上境內騷

擾

卷之八

光碧堂

動恢與居僅一里聚族人及鄉之好義者禦之不克寇以勢利誘之恢輒罵不從既而與之戰於白楓河宗族死者八十餘人寇勢益盛恢自度終不能敵逃避山中憂憤成疾而卒

司經正字陳元達達

陳達字元達蘭谿人自中之孫也父萍仕元爲宣政院使達自少徵入宿衛學書於康里子山詔書欽安殿榜稱旨擢端本堂司經正字文學官立朝謇諤嘗劾禿魯帖木兒忤旨賴太子營救得不死辭官歸永嘉從進士

陳高受尚書語及時事輒於邑流涕復召爲翰林學士不起王師下溫州自沉於湖軍士引出之持佩刀自裁軍士奪之乃斷髮示無用安置漳州遇赦還蘭谿病風痺聞有薦於朝者却藥弗禦而卒蘇太史伯衡表其墓曰公伯祖宣中以攻丁大全而編管建昌公以劾禿魯帖木兒而幾見殺生與厄會何其絕相似也及元亡公分致死以殉國其心與乃祖行軍司馬死分水關同諒一門之內百戰之間風烈相終始所謂世篤忠貞者哉劉知事良子毅附

忠烈

卷之八

光碧堂

劉良辰之從父也仕元爲常州萬戶府知事張士誠圍常州援兵絕不至遣其子毅齎書浮江間道抵江浙行省求救未及還而城陷良不屈闔門赴水死者十餘人

松江路學官胡師善存道

胡存道字師善諸暨人至正甲午辟爲松江路學官苗兵入城縱火大掠獨守學舍不去死之前一日題其壁曰啗命來分教臨危要致身但圖存聖像不媿作儒臣郡人立祠繪像刻之於石

董太初旭

董旭字太初公健之後也少負英氣博通羣書與道里古思最友善古思欲典師討方國珍臺臣怒其不稟命殺之旭作詩傷悼辭極哀楚遂歸隱山中已而國珍據台慶欲羅致幕下旭拒不受乃作詩曰鬱鬱芒碭雲未辨蛟龍形焚焚祥星光未燭夾馬營君子慎其微草露不可行國珍復強之終不屈遂遇害

顧生

顧生上虞人也平生以忠義自許至正間鄞寇方國珍

忠烈

卷之八

六

光碧堂

侵上虞時適吉古思守郡城帥兵拒之生聚鄉兵出應與賊兵戰於曹娥衆寡不敵遂遇害里人瘞其屍江岸後岸被江濤上下皆嚙而生豕獨完人咸異之

明共八十九人

神木令陳子浩剛

陳剛字子浩鄞人嘗與甬東傅恕窮日夜績學期以科目自見造詣日深終不一踐場屋洪武五年徵授延安神木令其地控西北邊人民甚稀習尚桀驁副使步上任撫牧疲廢尤急於摧折姦宄有小吏白敬臣素稱險

黠剛欲譴之而敬臣先覺亡去引賊入寇與其徒劉繼宣挾刃逼令降賊剛不屈罵曰汝奴果致賊爲逆耶吾與此邑同存亡恨不寸斬汝等賊奪剛所佩印殺之縣遂陷

廣東參議王性常緝子彥達孫與準附

王綱字性常餘姚人洪武初以文學徵見上親策治道拜兵部郎中未幾潮民弗靖擢綱廣東參議往督兵餉綱致書與家人訣携其子彥達與俱單舸往諭降之還至增城遇海寇曹真竊發鼓噪突至截舟羅拜願得

忠烈

卷之八

七

光碧堂

綱爲帥綱諭以逆順禍福不從則厲聲叱罵之遂共扶昇之而去賊爲壇日坐綱上日羅拜請不已綱亦罵不絕聲賊怒遂遇害彥達哀號請代不得且哭且罵曰賊先殺我其酋長曰父忠而子孝殺之不祥與之食不顧賊綱其誠孝釋之乃縲羊革裹綱尸以出歸葬禾山洪武二十四年御史郭純上其事詔立廟死所額曰父子忠孝彥達子與準閉門力學有司以遺逸薦逃之山中終身不仕知無爲董道賈魯

董曾字貫道，旭之弟也。師鄉先生潘壽通習經史，善古文。元末不仕方國珍，欲官之力辭不受。避居東陽山中。太祖駐蹕金華，以禮招致，曾往見，說以經略，授知無爲州。遇陳友諒寇城，被執脅降，不屈而死。州人哭聲震地，立碑頌德。有詩集《天姥山賦》行於世。

雲南同知黃德隣里 弟亨附

黃里字德隣，山陰人。幼有大志，以節義自許。從王冕學，通春秋三傳、工詩詞。洪武初，舉明經，授雲南州同知。與弟亨偕往，七年山寇突入，倉卒里以身禦之，寇欲奪其

忠烈

卷之人

八 尤碧堂

印里執弗與，且訴罵求死，遂遇害。寇方肆擄掠，亨痛憤致死，命率衆百餘與寇戰，勇氣百倍，寇不支潰去，亨亦傷其左目，瀕死抱兄骨萬里歸葬。人謂里死官而亨破寇，忠義萃於一門，惜未有以其事上聞者。

都給事中龔叔安太 子永吉附

龔太字叔安，義烏人。洪武十九年鄉薦，明年入太學，吏部策試第一。除戶科給事中，建文三年遷都給事中。文皇渡江，太與妻傳訣曰：「事至此，我自死爾。」第携幼雅歸，否則俱溺井，無辱。俄官中火起，太馳赴爲兵校所

執見。又皇金川門，以非奸籍得釋。太自投城以死。年三十六。子永吉累官兵部右侍郎，改南京大理卿致仕。

文學博士方希直孝儒 號澤附

方孝儒字希直，一字希古，台州寧海人。父克勤，國初守濟寧，有惠政。孝儒自幼精敏，絕倫。雙眸炯炯，日讀書，積寸爲文，雄邁深醇。鄉人呼爲小韓子。長從宋漁遊，宋門下多名士，孝儒一旦遂出其上。先輩如胡翰、蘧伯衡皆自謂弗如也。恒以明王道、開異端爲已任。故世咸以爲程朱復出。洪武十五年以薦召見，上喜其舉止端整。

忠烈

卷之人

九 尤碧堂

謂皇孫曰：「此壯士當老其材以輔汝，且遣還鄉會仇家得罪詞連孝儒，籍其家械送闕下。」上識孝儒名，特賜開釋，令奉祖母孀妻子還。二十五年又以薦召至。上曰：「今非用孝儒時，稍擢漢中府學教授。」孝儒日與諸生講明正學。蜀孝王聞其賢，聘爲世子師。孝儒每見王必陳說道德，講經論文，無虛日。王甚喜爲名其讀書之廬曰正學。皇太孫卽位，廷臣交薦，召爲翰林博士，進侍講。尋陞侍講學士，凡將相大政議輒咨孝儒。上好讀書，每有疑卽召使講解，臨朝奏事，臣僚面議可否必命

孝儒就宸前批答時大召名儒修太祖實錄及類要諸書孝儒爲總裁比定官制改文學博士靖難兵起日召謀議詔檄皆出孝儒手建文遜去文皇以姚廣孝言召用孝儒不肯屈繫獄一日遣人曉諭再三終不從又召草詔及見悲慟徹殿陛上降榻勞曰先生無自苦余欲法周公輔成王耳孝儒曰成王安在文皇曰渠自焚死孝儒曰成王不在何不成王之弟文皇又曰先生無過勞苦此朕家事耳置之左右授筆札曰詔天下非先生草不可孝儒大批數字云云投筆於地又大哭且罵且哭曰死即死詔不可草文皇大怒命磔諸市孝儒爲絕命辭曰天降亂離今孰知其由奸臣得計今謀國用猶忠臣發憤今血淚交流以此徇君今抑又何求嗚呼哀哉今庶不我尤時年四十六復詔收其妻鄭鄭先自經死宗族坐死者八百七十三人孝儒初被薦時王叔英與書以時措之宜爲言孝儒亦然之及待上輒慕古王政即欲見諸行事以故多紛更卒無成效其文章四方僑夷得一字寶於金壁所著有遜志齋集

卷之八

十

光緒堂

四十卷其餘諸書逸不傳洪熙初仁廟嘗謂羣臣曰若孝儒輩皆忠臣詔奸臣黨與從寬典方氏遺族始有赦還鄉者因立祠堂祀孝儒成化初遺文始行或口錄孝儒家時得魏典史澤周旋藏其幼子以故孝儒尚有後謝文肅公詩所謂孫枝一葉是君恩也孝儒死節後至今百六十年人皆歷歷能言雖人人殊其成仁取義之死靡悔斷然不可泯滅而同時文學柄用之臣際會功名史有別書以故魏惠安公澤家江南詞有日後來奸佞儒巧言自粉飾叩頭乞餘生無乃非直筆澤字彥恩應天人爲刑部尚書謫寧海翰林修撰王原采叔英王叔英字原采台之黃巖人洪武二十年薦起爲僊居訓導三十年改海安府學陞漢陽知縣有惠政嘗遇旱虔禱不效遂絕食天大雨復祈晴遂霽建文初方孝儒欲復古井田叔英貽書力阻之曰凡人有才固難能用其才者尤難子房之於漢高能用其才者也賈誼之於漢文不能用其才者也方今明良相值千載一時但天下之事固行於古而亦可行於今者如夏時周冕之

卷之八

十一

光緒堂

類是也。亦有行於古而難行於今者。如井田封建之類。是也可行者。行則人之從之也易。難行而行則人之從之也難。從之易。則民樂其利。從之難。則民受其患。此君子之用世貴得時措之宜也。召爲翰林修撰。上資治八策。又曰。太祖除奸剔蠹。抑強鋤梗。如醫去病。如農去草。去病急。或傷體。膚去草嚴。或傷禾稼。是故體膚病去。則宜調燮其血氣。禾稼草去。則宜培養其根苗。靖難兵至淮上。建文遣使四出募兵。叔英奉詔行。至廣德間。

上已遜位。卽慟哭。會齊泰奔。叔英曰。泰志心矣。急擒泰。至客問之。乃相抱哭。相語共圖再舉。已而知不可爲。沐

卷之八

主

光碧堂

浴衣冠書絕命詞。藏裾間。自經於玄妙觀銀杏樹下。詞曰。人生穹壤間。忠孝貴克全。嗟余事君父。自省多過愆。有志未及竟。奇疾忽見纏。肥甘空在案。對之不能嚙。意者造化神。有命歸九泉。膏念夷與齊。餓死首陽巔。周粟豈不佳。所見良獨偏。高蹤邈難繼。偶爾無足傳。千秋史官筆。慎勿稱希賢。又題其案曰。生既久矣。未有補於當時。死亦徒然。庶無慙於後世。妻金安人。繫獄死。二女赴井死。祠山道士盛希年收叔英葬於本州城西五里之

地。正統中。楊士奇題曰。嗚呼翰林修撰王原采墓。士奇叔英所薦起也。

戶部侍郎卓惟恭敬

卓敬字惟恭。溫之瑞安人。生有異質。七歲時相工曰。此兒骨髮殊異。必爲名卿。惜血不華色耳。年十五。讀書寶香山。風雨夜歸。迷失道。得一兕牛。憑之歸。比入門。乃黑虎也。洪武二十一年進士。除戶科給事中。時制度未備。諸王服乘多僭。敬乘間爲言。上曰。爾言是。朕慮不及此。因陞宗人府經歷。進戶部侍郎。建文初。燕王來朝。敬

卷之八

主

光碧堂

密奏曰。燕王智慮絕人。酷類先帝。夫北平者。強韓之地。金元所由興也。宜徙燕南。昌以絕禍本。夫萌而未動者。幾也。量時而爲者。勢也。勢非至勁。莫能斷。幾非至明。莫能察。建文覽奏。大驚。袖之。翌日語敬曰。燕王骨肉至親。卿何得及此。曰。楊廣隋文非父子。邪。建文默然。良久曰。卿休矣。事竟寢。文皇卽位。責敬不奉迎。乘輿敬厲聲不遜。怒欲殺。而憐其才。謂姚廣孝曰。諸奸臣皆欲首先害朕。惟敬諫。徙封內地。若聽其言。則干戈息矣。廣孝曰。不然。南昌地居卑下。金陵加兵。特探囊取物耳。使敬言

誠用陛下豈有今日於是敬遂死敬臨刑從容歎曰變起宗親略無經畫敬死有餘罪神色凜然經日猶如生夷三族文皇常曰國家養士三十年唯得一卓敬後四十年劉球傳其事私謚曰忠貞敬立朝慷慨英偉美丰姿善談論凡天文地理律曆兵刑皆能究察詩文峭拔磊落所著文集五十卷

谷府長史劉仲璟子豹附

劉璟字仲璟文成公基之仲子也生時月食復光基歎曰天墜乃緒而卒能幹之者也弱冠涵濡經傳喜談兵

忠烈

卷之八

十四

光緒室

究極韜略握奇諸書偉貌豐髯議論英發驪賊葉丁香叛延安侯唐勝宗討之決策於璟破賊還薦璟才略

上喜曰璟真伯溫兒矣徵入朝命襲父爵璟曰臣有姪在上曰璟終儒家子即日拜閣門使謂璟曰朕欲汝

朝夕左右惟閣門使如儀禮司立百官上宣達為職處爾無逾此官者復金書除奸敵俟四字於鐵簡以賜之且命曰百官敢有不法汝持此糾正適都御史某奏車牛事忤旨璟即以鐵簡擊其頸上喜曰正當如此由是舉朝畏忌璟謀所以去之會德王封宣德府上謂

侍臣曰谷王年少誰可羽翼王者諸大臣遂薦璟曰閣門使劉璟忠勇果敢可任上頷之授谷府長史并勅

提調肅遠慶寧燕趙六王府事璟嘗至燕文皇與璟

奕璟勝文皇曰卿獨不少讓我耶璟正色對曰可讓

處璟不敢不讓不可讓處璟不敢讓文皇默然靖難

兵起璟馳還京獻十六策不聽令參議李景隆軍事景

隆又不聽景隆兵敗璟夜半渡蘆溝河水陷馬斃璟力

破水跳躄岸冒雪走良鄉趾裂跛行三十里璟子豹自

大同赴難越良鄉至涿州遇璟翼璟上馬遁去璟痛憤

忠烈

卷之八

十五

光緒室

失策與疾赴關進聞見錄千萬言又不聽命還家待用明年六月建文既遜位璟稱疾不起法官論璟逃叛親

王逮赴京鄉人餞於道或從容謂曰主上明聖何畜太宗先生忠亮允為魏徵可也璟推席起曰爾謂我學魏

徵耶仰天大號兩淚俱落衆視之泫然淚皆血也不顧而去至京強以官舁對上猶稱殿下且曰殿下百

歲後終逃不得一箇字下獄卽夕辮髮自經死法官希

肯緣坐其家上不許得歸葬嘉靖乙酉督學使者萬

潮肖像配饗文成祠

都御史陳性善復初

陳性善名復初以字行山陰人洪武十八年進士上見性善疑重謂侍臣曰性善君子人授行人司副入翰林爲檢討初誠意伯劉基卒命李鐸往取其遺書基子璉卽出觀象玩占石室中從鐸詰問上之性善善楷書召入便殿繕錄上威嚴進見者惶汗手顫不成字惟性善動止安雅書法端正上悅賜性善酒是時威謫巨測性善留竟日家人以爲死比出大驚喜久之起陞禮部左侍郎皇太孫在東宮時熟聞性善名及卽位一忠烈

卷之八

十六 光碧堂

日退朝獨召性善賜坐問治天下之要且使手書以進性善感知遇盡所欲言朝廷悉從之然施行未竟輒爲有司所更性善請見曰陛下不以臣愚猥承顧問臣既備塵上聽許臣必行未幾輒改所謂爲法自戾何以信天下靖難兵起改性善爲副都御史監軍建文四年三月辛巳戰靈璧敗績與彭與明劉伯完王資皆被執文皇縱之歸性善衣朝服躍入河死之後加追戮家徙邊已而赦還

翰林侍講樓士連璉

樓璉字士連金華人嘗從宋濂學洪武中以儒士召歷官至監察御史謫戍雲南建文嗣位屢下詔求賢璉以文學舉入翰林爲侍讀靖難兵入命方孝儒草詔孝儒哭且罵授之筆璉諸地曰身可死詔不可草改命璉及王景璉惶懼不敢辭歸而憤悶妻子曰得無傷方先生耶璉媿曰我受刑猶可正恐累及爾輩耳遂巡一夕自經死

左拾遺戴德彝

戴德彝奉化人洪武二十七年進士第三人初爲翰林編修三十年與張信並陞侍讀上諭曰汝爲侍臣凡國家政治得失生民利病當知無不言昔唐陸贄崔羣李絳在翰林皆能正言讜論補益當時汝宜以古人自期德彝與信皆頓首謝由是感奮思所以稱上意擢遺補闕直聲振於朝改監察御史益善其職建文省御史改左拾遺靖難兵起與黃子澄練子寧輩日夕畫策防禦鼎命既遷不屈而死

獻縣令向遵傳朴

子道淳道微附

向朴字遵傳慈谿人宋丞相文簡公敏中之十四世孫

父壽宗慈湖之學學者稱爲樂齋先生朴得其傳行務實踐力學養親不求聞達洪武二十五年上命督府都事張允直訪求江南人材以朴應詔陛見高皇帝問居家何爲對曰種田其容秀而文上心知其非未報中人也因詢大麥何以四節對曰以其占四時耳即日授獻縣令單車就道妻子不入官舍時兵燹之餘爲之開荆榛春瓦礫教百姓農桑與同甘苦流移復業靖難兵起獻當其衝無城郭可守朴集民兵激以義勇與比將談淵迎戰衆寡不敵被擒懷印受刑獻民哀之相

卷之八

光碧堂

與拾遺骸葬道左副都御史陳瑛請究治死事諸臣有楊姓者父子三人懼發掘夜負骨潛葬邑北十里永樂初中書舍人王尹實北上詢得葬所宿郵舍夢朴服血汚葛衣談其往事卽秉燭爲文乘星月往哭之消川令韓彥起復匿其二子於任顧道輯其遺事書于寶峯庵佛座後三人者皆義士也二子道淳道微道淳被徵竟稱瘋疾不起有攀柩悲號之風

太常少卿盧希魯原質

盧原質字希魯寧海人父中母方孝儒姑也洪武二十

一年進士第三人授翰林編修孝儒遺原質詩曰奉天殿上榜初開共賀江南得異才好與青蘿居士說今年文運屬天台二十三年丁外艱賜傳奔喪二十八年陞太常少卿事建文累有建白靖難後召見不屈死族其家

兵部侍郎徐宗實屋

徐屋字宗實黃巖人以字行聘授風紀官屋以草茅愚屏辭改銅陵簿謫淮陰驛丞郡邑士多所造就召見獎諭屢聘主文衡陞蕪州通判擢兵部右侍郎靖難兵起奉使招集兩浙義勇明年建文遜位去屋家覆沒於京師屋義槩侃然杜門終老

忠烈

卷之八

光碧堂

戶部侍郎盧迴

盧迴僊居人建文三年爲戶部侍郎迴疎爽不屑曲謹然大節皎然少喜飲酒酣輒長歌人或謂迴狂既仕領折節恭慎靖難後不屈縛就刑長謳而死聞者悲之或曰盧珙

袁州知府楊任

楊任嘉興人母張氏初生任有胡僧過門聞啼聲歎曰

此兒異日必貴恐終不免於刑任至孝嗜學洪武間由人才擢知袁州府黃子澄一見以國士許之靖難兵起引疾歸壬午事定子澄出徵兵往約蕪守姚善航海善不可子澄乃至任家共謀求舊君以圖大舉事泄任與子澄俱被執至京磔於市任子禮坐死籍產族誅

監察御史鄭叔貞公智

鄭公智字叔貞寧海人力學好古工文辭方孝儒薦之蜀孝王召至成都王與語經史論詞藝公智數稱述河間東平賢行王說之建文初侍孝儒至京尋舉賢良爲

忠烈

手

光緒堂

監察御史吏事精敏持法不阿靖難後坐方黨論死

按察副使程原道本立

程本立字原道系出伊川上世徙崇德今析桐鄉本立少有大志讀書不務章句與海鹽沈壽康友善嘗執手告本立曰世之學者爭務科舉以經學爲名而無實吾所不取子之質近厚年且富當志於聖賢之學本立遂篤志修檢造詣日深國初舉明經秀才洪武九年除秦府引禮舍人十三年補周府引禮官從王之國二十年奉進長史從王來朝被累謫雲南馬龍他郎甸長官司

吏目留家大梁從一僕去會死可伐煽誘百夷爲逆本

立單騎入夷巢諭以利害諸酋落感悅歸附是冬諸夷

復變帥潘沐英張紘屬本立行縣典兵事且撫且禦本

立不避險難山行野宿自楚雄姚安抵大理永昌鶴慶

麗江往來綏輯民夷稍安三十一年奏計入京應天府

尹向寶翰林學士董倫薦本立學行政事宜留徵入翰

林克纂修官修太祖實錄建文三年實錄成改江西

按察副使未至江西聞靖難兵入自縊死後百三十年

福建布政使吳昂刻其吳隱集於閩壽康人稱爲孝隱

忠烈

卷之八

手

光緒堂

先生自有傳

按察司僉事林嘉猷昇

林嘉猷名昇以字行臨海人少師同邑王琦琦坐累徙雲南姻族無敢顧者嘉猷徒步千里追送泣別人高其誼後與鄭叔貞負笈六千里至漢中師方孝儒時學於方氏之門者踵接而孝儒獨以得二人爲喜曰匡我者二子也洪武末以儒士校文四川建文初薦修高廟實錄入史館爲編修遷陝西按察使僉事嘗被召入燕邸得其隱知二郡王素傾世子以告孝儒孝儒言之建

文君遣錦衣千戶張安持書詣燕許世子王燕燕內使黃儼因問世子計且得行而世子竟先發事遂洩靖難後坐方黨逮至京不屈死之

知縣鄭恕二女附

鄭恕字本忠僊居人治尚書能賦詩善書畫好古博雅家甚貧金魚饒塵一介不妄取蕭然斗室日與學徒數十人講論經理高風勁節一時敬嚮寧波知府禮聘爲昌國訓導未幾陞蕭縣知縣留心撫字民愛敬之建文四年靖難支將王聰攻破蕭恕死之年五十六後籍其家二女留配亦死之子漁湜姪溫汲謫北平種田

吏目鄭思孝華

鄭華字思孝臨海人洪武十八年進士初授行人奉使川廣有令名建文元年註謫東平州吏目靖難兵起謂其妻蕭曰吾義必死奈親老汝少何妻泣對曰君能爲國妾獨不能爲君乎華乃稱疾尋醫携家託其友無錫丞趙次進馳還東平時州長貳皆弃城去華獨率吏民憑城死守憂勞病甚水漿不入口者三四日北將朱能攻陷東阿分兵取東平華曰守土之臣義不苟生請

援山東又不至乃力疾戰不屈死之時年甫三十

郎中梁田玉

郭良梁中節梁良用宋和郭節何洲梁良玉何申附

梁田玉定海人靖難兵入金陵與葉御史俱髡髮爲僧避去久之松陽人王詔遊治平寺觀轉藏聞藏上雙唱有聲異之令人緣藏上登頂無所見唯見一卷書載建文時出亡臣僚二十餘人事紙毀浥字多斷爛不可讀讀數日稍稍詮錄其可識者得田玉郭良梁中節梁良用宋和郭節何洲梁良玉何申凡九人人僅數言詔憐其忠又得之異各贊數語題曰忠賢奇秘錄贊田玉曰忠烈

卷之八

主

光緒堂

行儒名釋知我者誰至寶淪沒久而同輝

中書舍人梁良玉與梁郎中同族靖難兵入訣妻子易姓名挾微賫走出金陵逾嶺至海南寓市肆泔書爲業以死贊曰忠臣蹇蹇遵彼海濱託書泔市資以盍簪屯如邐如哀此陸沉

中書舍人宋和郭節皆不知何許人靖難後變名挾卜筮書走異域賣卜給衣食客死

何洲不知仕何官與宋和郭節友善素以忠義相勗遂相約爲筮人客死異域詔合洲與宋和郭節而贊之曰

箕子陳範嚴氏隱義有從否道有宜告烈烈英賢寥寥真鶴

梁中節定海人未詳仕何官少好讀老子太玄經靖難後與郭良弃官同走出京城爲道士入山去

郭良亦不知何官何處人靖難後亦弃官爲道士合贊曰駕言導引笑傲林阜頽波莫挽使我心勞

梁良用亦定海人父子兄弟八人同仕於朝靖難後相率變姓名避去良用去爲舟師已而死於水或曰梁氏

父子兄弟爲舟師投水死者五人贊曰泛泛柏舟載浮

忠烈

卷之八

忠烈

光緒堂

載沉中流誓節惟我好音肯欠一死非名是尋以完我族庶明我心

中書舍人何申不知何許人建文末奉使四川至峽口

聞金川門不守發憤慟哭吐血不數日疽發背死贊曰

兩涯洶洶中作霹靂義氣憑殷與之俱激奸諛過此寧

不惕息

鄭端簡曉乃鑒括王子之詞合而銘之曰今吾故吾知

我者誰瘠若漆身希蹤採薇敢潛龍寥寥真鶴豈吝

箕嚙而甘漢卜山椒水滢天涯海濤會其可達鼓以南

音肯欠一死以明我心白霓晝見虞淵沉沉孰呵護此

悠悠古今嗟乎靖難時死者無慮千人宋張林黃諸君

子百方搜考僅得百餘人此二十餘人者幸而不死又

得好義者密錄其姓名藏之蕭寺秘處歷百餘年而王

詔始見之縉雲鄭傳爲識其事竟以紙字磨滅故僅得

九人其十一人不可考矣

御史葉希賢

葉希賢監察御史也或曰浙東人或曰起家鄉薦入臺

侃侃自負建文中屢覲言用兵事又嘗劾耿李二大將

忠烈

卷之八

忠烈

光緒堂

失律喪師金川門失守又詐藩守門者靖難後坐逆黨

死

雪庵和尚

雪庵和尚名暨不知其姓靖難初方黃之獄殺幾萬人

卽不殺謫戍窮邊不死於道死於邊者又幾萬人當是

時和尚壯年始鬚髮落髮爲僧西南走重慶大竹善慶

里里墟中有隱士杜景賢知和尚非常人與之游往來

白龍諸山山傍有松柏灘灘水清駛蘿篴森蔚和尚欲

寺焉景賢豪有力卽爲之寺寺成和尚率其徒入居之

斯夕誦經。山中人不知書。謂且誦佛經。乃不知其誦易乾卦也。景賢曰。和尚相釋而誦儒。不可請誦佛經。乃和尚亦知景賢意。遂誦觀音經。和尚好觀楚詞。時時買楚辭。袖之。登小舟。急棹灘中。流朗讀一葉。輒投一葉於水。投已。輒哭哭已。又讀。讀終卷。乃已。眾莫測其云何。景賢固知之。然亦不問。和尚好酒。不戒酒。日注酒一壺。俟客。客至。輒飲。客不至。卽拉樵牧豎入飲。飲半醺。呼兒童歌曰。我歌爾和。歌竟。腹焉而寐。和尚頎形秀爽。指柔白。翦落筆成章。詞不甚工。密然意氣渙發。又能感愴人。戈

忠烈

卷之八

圭

光碧堂

曰和尚。當建文壬午爲御史。不數月。帝遜位。和尚固秘跡以死。死之日。其徒問曰。師卽死。宜銘何許人。和尚張目曰。松陽。問其姓名。不答。和尚有詩若干篇。今且百四十餘年。尚未敢顯行於世。或曰。此松陽葉希賢也。以賢良方正舉爲監察御史。

河西儲

附

河西儲。不知何許人。建文四年夏六月。靖難師入金陵。儲披葛衣。走是冬至金城。行乞市中。金城邊地極寒。儲披葛衣。明年過河西。依莊浪豪魯家爲傭。傭取直稍稍

積買羊裘披而履。以故葛衣益破。縷縷竟不肯脫。夏或衣暑布。卽新故葛衣。輒覆其上。傭錢稍有餘。走市中買牛肉與酒。與市中乞兒共飲食。傭力作倦時。自吟哦。或夜聞其哭泣聲。永樂中有留都官。從宋總兵至莊浪者。識傭。欲與語。傭走南山中。避之。旬月留都官去。乃還有問留都官傭何人者。留都官亦不答。在莊浪數年。病且死。呼主人謝之。且囑曰。我死勿殮。我棺幸西北風起。火我。無埋我骨。魯家從其言。

川中補鍋匠

附

忠烈

卷之八

圭

光碧堂

川中補鍋匠。亦不知何許人。往來夔慶間。爲人補鍋。至州邑。不過三日。卽去。去或復來。夔慶人有欲學補鍋者。卽教之。補鍋不索謝。直令負擔。從有後。曹學者至。卽遣先學者去。如是數年。夔慶間人識之。皆呼爲老鍋匠。補鍋或與錢布米。不擇。當食時。與之食。卽不復索。錢錢稍稍積囊中。遇風雨寒暑。不出補鍋。卽出錢買酒飯自飲。食常寄宿蕭寺中。一日於夔州市上。忽逢馮翁者。二人相顧愕然。已而相持哭。哭已。相牽入山岩中。坐語。竟日。學補鍋者屏不得聞。二人語語已。又相持哭。且別去。言

今永訣不可復相見已竟莫知其終窮中蟻肩亭嘗有建文遺臣題詩云一箇忠臣九族殃全身遠害亦天常夷齊死後君臣薄力爲君王固首陽

馮翁附

馮翁亦不知何許人在夔州以章句教童子給衣食能爲對句及古詩詩成輒自題馬二字或馬公或塞馬先生每作詩輒大書壁間比見補鍋匠後卽鎗去前後所題詩詩有傳者曰夜夢何奇特龍飛天漢津朝橫滄海曲夕過滇池濱光霽皆五色蜿蜒無損鱗淵田變化間

忠烈

卷之八

主

光啓堂

東湖樵夫

東湖樵夫者樵浙東臨海東湖上也日負薪入市口不二價建文壬午秋詔至臨海湖上人相率走縣庭聽詔或歸語樵夫曰新皇帝登極樵夫愕然曰皇帝安在或曰燒宮自焚矣樵夫慟哭遂投湖水中死竟不知何許人

鄭端簡曉曰余聞之陶徵士言齊二客魯兩生史竝失

其名操行之難而姓名翳然撫卷長歎不能已已矣幸夫雪菴諸君子忍垢茹荼卒晦其名以不滅其族也

常州府同知石恒德允常

石允常字恒德寧海人洪武甲戌進士歷官河南按察司僉事廉介有聲人稱石清潭每分巡屬邑必微行民間嘗聞哭聲甚悲允常庶知其女爲閹宦逼姦而死受其訴聞於朝捕闖抵法羣閹銜之巧構允常左遷常州府同知俄北師起允常弃官歸文皇卽位追論建文間廢駁州府官僚事逮至者五十餘人允常與焉衆悉

忠烈

卷之八

主

光啓堂

知府葉惠仲

兄夷仲附

葉惠仲初名見泰以字行臨海人與兄夷仲並有文名稱二葉惠仲初任廣武衛知事陞知縣建文初以知縣克史官修高廟實錄二年同考禮部陞知府永樂元年二月坐修實錄時書靖難事爲逆黨論死籍其家

知府徐安

徐安鄞人洪武中舉人材累官濟南知府調鳳陽靖難兵自儀真趨京師奇兵間道從靈壁出鳳陽渡河安諜知折浮橋絕舟楫拒守靖難兵竟獲漁舟以濟靖難後放歸田逾年舉遺逸有司上安名得復任居數載鳳陽諸戚里奏安凌宗親庇細民奪莊田文皇始怒曰朕昔尚爲安所困况若曹乎逮安謫戍雲南

國子助教張孔升經

張經字孔升蕭山人洪武中以明經舉累官國子助教靖難師入城弃官歸時事出倉卒夜半鎚城而下幅巾

忠烈

卷之八

三

光碧堂

野服絕口不言時事人亦鮮知其心者晚年以棋隱更號橘樂年八十餘而終

工部尚書嚴震直

嚴震直烏程人洪武五年起家布衣授試參議歷陞工部右侍郎進尚書二十六年鄉民訴其弟姪不法上付震直訊報獄具上以爲不欺赦其弟姪已而坐事降監察御史二十八年陞右都御史復爲工部尚書三十年二月震直上論兩廣鹽法得行江西安靖吉臨諸府震直質直勤敏上數稱之時時賜食復其家靖難

兵起震直督餉齊魯間兵敗爲北兵所縛置布囊兩馬夾昇至北平建文遜位後復爲工部尚書奉使安南至雲南見建文悲愴不食吞金而死

按察副使殷旦

殷旦蕭山人永樂初進士爲監察御史敢言自任不避權勢錦衣衛指揮紀綱怙寵奢僭且劾其奸惡數十事綱遂棄市自是貴倖斂戢當時有殷旦入朝百官失色之語拜交趾按察司副使黎利叛安南復沒於交趾悉逐朝廷命吏易以所親獨留旦欲用之旦不屈自經死

忠烈

卷之八

三

光碧堂

交人義之具棺衾送其妻子出界上

都督府都事潘誠夫禮

子凱附

潘禮字誠夫鄞人永樂中徵修永樂大典授後軍都督府都事宣德元年從安遠侯柳升成山侯王通征交趾升恃勝有驕色禮諫不聽會賊再至升出戰忽橋斷軍分而敗升欲降禮曰不可唯死戰而已帥所部皆死之通脫歸以聞詔徵其子凱爲進賢學訓導世嗣後

福建參議張彥華瑛

弟敬子熙附

張瑛字彥華建德人自幼剛方端重尤勤於學領永樂

十二年鄉薦授刑部主事遷員外知建寧府時延平沙尤鄧茂七搆亂其黨葉宗留等聚衆至數千蔓延至建寧茶毒日甚瑛募壯士團義兵擊走之以功陞福建左叅政仍掌府事後餘黨復作倡徼轉甚至臨城下瑛與弟敬率兵討之乘勝逐北弟敬戰沒瑛爲伏兵所獲欲降之瑛大罵不屈而死事聞贈嘉議大夫福建按察使道官諭祭官其子熙爲羅田主簿

張海海

建德張海海一名文淵洪武初編伍管州尋調開平永

忠烈

卷之八

三

光碧堂

樂十七年從興安伯徐亨備邊俘於沙漠虜主奇之欲妻以女懇辭與之官不受因入貢人至京附奏密情十四事朝廷嘉之頒旨開豁原籍仍免差徭次年得古璽欲南遁適天色頗迷追騎甚迫乃募衆於裙幅間投璽於水至則真跡爛然馳獻宣皇召對便殿賜五品服色酒飯寶鈔次日聽宣賞賚如前賜職錦衣衛千戶懇乞歸田海海在虜一十五年時比之蘓武

通政使謝時用澤

僕由吉子儼孫元順附

謝澤字時用上虞人永樂中舉進士授刑部主事歷郎

中推立法意慎持不刻同官服其詳雅會戶部侍郎周忱經略東南還賦薦澤爲已副居淮浙數年勞績茂著出爲廣西右叅政佐柳侯征夷招撫全活者以萬計當是時澤與甄完胡智皆以藩憲有聲人稱越中三良正統十四年虜內訌北邊戒嚴朝廷擇才望守要害貴臣有受命者巧爲規避而澤以九載考績待除闕下遂拜澤通政使提督居庸白洋等關是時駕已北狩京師軍伍空虛澤單騎以往其子儼送之出境澤執手與之訣曰吾必以死報國矣既抵關止士卒方散亂又不知通政爲何官無一人出迎者澤乃宜勅旨集將士將士乃稍稍至然皆懷怯不振頃之虜大入吏卒皆散走獨澤猶率羸卒殿山口且拒且却或請移他閑姑避其鋒可無虞澤曰吾受國厚恩三十年此豈偷生日耶會風起沙塵漲天人馬不能辨遂得却走入閤南佛寺中門急猝不暇閉虜突至澤端立厲聲叱之遂遇害虜騎方克斥其僮曰由吉者抱澤骸匿亂尸中始得歸朝廷嘉其忠詔賜葬祭錄用其子儼大理評事孫元順正德丁丑進士終工部郎中

忠烈

卷之八

重

光碧堂

兵部主事俞元器鑑 子偉附

俞鑑字元器桐廬人登正統六年進士丁外艱哀毀骨立服闋授兵部職方主事奉命清理大同等處軍政清慎詳敏取舍得情十四年胡寇也先犯順郎中胡寧當行以疾求代鑑慷慨許諾有以子幼家遠沮之者鑑厲聲曰國事如此可言及身家耶至庭中撫二子摩其頂曰若等自當成人我不能顧矣時尚書鄺埜知其賢悉與籌畫應對如流力勸埜奏 上班師不聽七月十六日抵大同命平鄉伯出戰敗績回至宣府八月十三日

忠烈

卷之人

光緒

光緒

過雞鳴山遇寇成國公朱勇敗沒回至土木也先人馬大至皇輿失守鑑謂其家丁曰若急走報吾不得歸矣遂躍馬入虜陣死鑑氣節慷慨有大志八歲聞父讀出師表即能扣其大義事親與兄如成人禮忠孝蓋出於天性景泰改元贈承德郎官其子偉正德間僉事韓邦奇題其墓曰惟公事不避難勇克死義爲臣以忠卓哉無媿

廣東副使毛宗吉

子科附

毛吉字宗吉餘姚人景泰五年進士授刑部主事是時

錦衣衛指揮門達等怙勢作威其黨有犯有司莫敢問

獨吉懲之以法不少假於是其黨交訐之吉偶以失朝

下詔獄乃羣嗾健卒挺之幾死轉廣東僉事分巡潮惠

時劇賊楊輝據程鄉之寶龍石坑龍歸三洞攻掠城邑

吉督七百餘騎破賊三千衆擒其黨曾玉謝瑩而寶龍

之賊伏山上發毒弩我軍不利乃選死士百人掩擊之

楊輝殪衆遂驚潰連破三洞斬首五百級俘六千人又

擊破雷州巨寇部內悉平捷聞降勅獎諭陞副使總理

軍務賊又攻河源縣吉屢敗之餘衆遁於陽江之雲岫

忠烈

卷之人

光緒

光緒

山我師征勝突入賊營陣亂賊合兵乘之我師潰從騎勅退避吉不聽死之是日晝晦烈風雷雨大作山谷皆震動踰七日得屍貌猶若生事聞贈廣東按察使謚忠襄遣官論祭錄其子科入太學廣東及餘姚皆廟祀之初吉之遇害也貧無以歸僚長以犒軍餘銀客付吉家僮爲道路費吉神降於僮婦亟呼曰夏憲長吾平生玉潔肯令垢人地下哉悉索還之闔署駭歎謂其死無易節如此科後亦舉進士有名官終提學副使

長隨何鼎

何鼎餘杭人其入內爲長隨不知其所自性儉
書知大義弘治間目見張皇后兄弟出入宮禁無所忌
心甚忿忿以爲祖宗法度外人不得至此安敢瀆亂乃
爾一日孝宗與張飲偶起如廁除御冠於典冠者張
戲之復帶酒汚官人鼎遂持金瓜候宮門擊之時太監
李廣露其事僅得脫明日鼎上疏極言之張后大怒梓
鼎至撲殺之投尸海子時翰林某有詩曰外戚擅權天
下有內臣抗節古今無道合比于惟異世心於巷伯却
同符至今人猶能誦之

忠烈

卷之人

光

碧室

兵部員外郎陸汝亨震

陸震字汝亨蘭谿人少從楓山先生學慷慨有大志以
名節自砥礪舉正德戊辰進士授泰和令恩威並著振
恤民艱邑稱大治考最授兵部武庫司主事遷車駕司
員外郎時江彬怙權伺隙而車駕多巡遊震抗陳仁
義之疏禍幾不測賴大臣救免已卯春彬復誘上南
巡命下中外洵洵懼變巨測震曰事急矣既不能去又
不能言吾何以祿爲遂與同官黃公鞏疏陳六事請輒
江彬以謝天下彬銜之矯詔下錦衣獄逮繫月餘奉梏

跪於庭五日三訊三杖而斃時霧霧四塞晝晦如夜水
溢內海子玉河七鐵柱齊折如斬金口此乃天意示變
也初震之在獄也病創方劇乃與黃公鞏講易九卦以
明處憂患之道其從容就義如此世宗卽位首詔贈
太常寺少卿遣使諭祭錄其子體仁有司爲立專祠祀
之賜額曰褒忠

江西巡撫孫德成燧

子堪堦附

忠烈

卷之人

光

碧室

孫燧字德成餘姚人弘治癸丑進士自刑部郎歷藩臬
並以廉幹著聲時宸濠逆謀日露朝議選才節大臣權
其機牙擢副都御史巡撫江西燧聞命歎曰投艱於我
死生以之携二家僮入南昌南昌洵謂宸濠旦暮得
爲皇帝諸省臣附黨及羣賊依附者相助爲聲勢燧左
右盡宸濠心腹言動輒告宸濠先是宸濠中傷胡世寧
下詔獄燧力爲漸雪得不死至是雖逆謀有迹顧宗室
不敢先事訟言但託禦他寇曲爲備首城進賢又城南
康又城瑞州南康安義鄉者盜賊淵藪近割地開爲縣
饒撫二府罷兵備燧曰緩急曷倚奏復饒撫兵備不果
復又請勅湖東道分巡兼理兵備與饒相爲犄角九江

當湖衝最爲要害，請重兵備。樞兼攝南康寧州武寧瑞
昌及湖廣興國通城廣信橫峯青山諸寨地險人悍，故
通判駐其地，兼督六縣。又恐宸濠一旦起，劫兵器，假以
討賊，盡出會城兵器外府，凡七上疏言：宸濠必反，輒爲
奸黨所邀，匿勿得達，卽達上，又爲諸權倖盜致宸濠
所索金，壁謝不得已，乞休，又不允。積憂勞數月，髭髮盡
白。十三年江西大水，宸濠所畜賊凌十一、吳十三、閔廿
四，出沒鄱陽湖，行劫燬，與按察副使許達議調兵勦之。
三賊遁沙井去，燬出不意，乘夜出江外，掩捕遇大風雨，

忠烈

卷之八

王

光緒堂

不克濟。三賊竟走匿宸濠林墓中，不可踪跡。時御史蕭
淮發宸濠反狀，朝廷遣重臣卽訊宸濠，懼將舉兵。會生
辰宴官屬，明日入謝。宸濠伏諸兵校幕中，出立露臺上，
宣言太后密旨，詔我監國，燬毅然曰：「安得有密旨者？」卽
有密旨，何不宣讀？濠厲聲曰：「毋多言，我取南京，汝保駕，
否？」燬益怒，瞋目直視。濠曰：「天無二日，國無二王。」太祖
法制在，誰敢違者？濠怒却入殿中，易戎服以出。幕中兵
皆起，露刃環立。濠大呼罵曰：「我何負於汝？汝奏我七本
燬曰：朝廷何負於汝？汝反耶？」濠大怒，喝武士縛燬，一時

僚屬皆駭愕相顧，股栗不敢出聲。獨副使許達奮起爭
曰：「孫巡撫朝廷大臣，安得無禮？濠命并縛達，押出惠民
門外，斬之，皆挺立不屈，罵不絕口。死，宸濠竟用三賊爲
爪牙，僞稱將軍，首遣髮伯招誘賊黨，至進賢知縣劉源
清斬伯，乘城拒守。宸濠又遣人招黨，賊黨有官司在，
不得發。又大索兵器，城中不得賊，不得兵器，皆持挺竿，
比至安慶，王守仁起義兵，擒宸濠。湖中諸遁賊至安義
縣，有守吏不能走，故盡獲。湖廣浙江以饒撫故，不被賊
禍，皆由燬先事設機，發必中的，是以後起者得擒賊如

忠烈

卷之八

王

光緒堂

探囊，顧死難者久之，阻於佞倖，未得褒贈。至嘉靖元年，
始贈禮部尚書，謚忠烈。立祠祀江西，錄其子世錦、衣千
戶，先是弘治壬子，浙試場夜半，見二巨人，衣緋綠，東西
立，大言曰：「三人好作事，忽不見已，而燬與王守仁胡世
寧同舉，及濠之變，胡發之，孫死之，王卒戡定之，世以爲
偉談。」忠烈公三子，堪、墀、陞，堪以父廕，官錦衣，中武舉第
一，歷都督僉事，贈都督同知。初聞父訃，慟哭，拔刃率二
弟赴之，會濠已擒，乃扶柩歸葬廬墓。三年有芝產墓上，
已而奉母楊夫人就養京師，日率二弟伺顏色，拜跪起

居務盡其權而當退處痛其父淚時時霑臆也及楊夫人考終已九十餘堪亦踰七十矣竟以哀毀骨立卒於途撫臣上其事詔特以孝子旌之擢領鄉薦以文學入典內制終尚寶司卿其孝友無間於弟昆陞自有傳孫氏父子兄弟間文武忠孝尤世所希儷云

裕州同知郁亮之采

郁采字亮之山陰人少刻苦向學有節槩正德戊辰登進士授刑部主事不能阿部長部長附吏議奏謫大名教授稍遷裕州同知適流賊起河北殘破州縣勢甚熾

忠烈

卷之人

卑

光緒堂

采身率裕人繕城以待賊至裕守欲奔城走采曰毋爲民望乃身先登陴矢石四下賊避城而營則又遣人潛俘其醜手劔之洒淚以激州人州人感且泣人人願效死賊稍稍引去采計其必復來益練兵厚爲備令人昇妻女托其友儀賓莊士偶且與訣曰脫賊再至采必死所欲以家累累君者恐重傷老母心也莊館其妻女於母所已而賊果擁衆譟呼至守益怖欲走采曰毋恐西南城塹河也寇難近屬公東北平淺易破有采在左右知采必死謂曰母在奈何死采曰止曾是偷生以爲孝

乎賊攻東郭不克守開西門潛遁去賊乘之人采還救巷戰被執罵不休賊裂其口輔殘其體事聞詔贈光祿

寺少卿命一子入監采無子子其弟東之子紳采既死賊據裕二旬乃退莊率其家人於藁尸中辨其骸而歛之已而奉其柩及其妻女罄家泣送以行唐王大書忠節二字以旌之采所著有蘭州集毀於賊手獨六思詩

及賊退古詩數篇莊收之故傳莊嘗有詩挽之云身後春秋有是非路人爭以口爲碑重於岱嶽捐生日怒若雷霆罵賊時那忍范滂猶有母尚憐伯道竟無兒皇天

忠烈

卷之人

卑

光緒堂

我墮睢陽淚半月荒城未累尸采誠忠臣莊亦義士也哉

朱知縣士亨

朱士亨慈谿人少有志操由薦舉任交趾那岸縣知縣以中原禮義之化教誨其人俗爲之變交趾陷欲脅之降慢罵不屈而死

永福知縣周克光煥

周煥字克光浦江人資性穎悟博學能文章居家以孝友稱嘉靖戊午由貢授福建永福縣知縣居官兩月倭

寇猖獗攻陷郡邑城池所至風靡煥率民兵晝夜督戰斬獲百餘級賊退憤甚益衆并攻煥勵志堅守月餘力竭糧盡外援不至城陷猶喋血巷戰死之時一家死者八人福民白於上官立祠特祀偏其額曰忠勇

俞事王汝修德

王德字汝修永嘉人弱冠成甲第授東昌府推官父艱服闋補大名兩司雄郡理以一切治辦稱權給事中即勸上簡內閣輔臣失執政意時北虜闖入內地薄京畿德上方略十餘事當上肯比奏即報可出募兵山東爲諸道最縉紳士大夫交口推其才謂可當一面而德亦誓以死報國會新太宰上事德技刺少殺其禮太宰以爲強項而惡之遂承執政指出德爲廣東按察司僉事德所募山東兵精甚每自恨不得以其兵當虜一

忠烈

卷之八

忠

光緒堂

面而其餘事嶺南也數選練曉銳以軍法約束之身入諸隘寨所傷殺捕酋過當歸適有倭亂乃納太夫人城中而從其宗人豪散資財募兵爲募井捍嘗一再敗之斬首獲生以數十計最後雖擊敗賊然失其豪以是憤恚奮益前其後豪依而郡援不至兵遂敗德猶手射殺

數人罵賊以死賊自是奪氣卒不敢越鄉而薄郡郡賴以完事聞天子嘉其誼贈太僕少卿賜祠春秋祭額曰愍忠官其子一人錦衣百戶世世勿絕

姚長子

姚長子者會稽人也嘉靖乙卯倭寇自諸暨突入郡境獲長子貫其肘使爲導長子乃紿之西而密呼鄉人曰俟我過某橋若等亟撤之我引賊入絕地可悉就擒我死不恨已而果陷賊於化人壇四面皆水我兵截其後賊知爲所紿殺長子挫其尸賊百三十餘人乃盡殲於

忠烈

卷之八

忠

光緒堂

此鄉人立祠祀長子於死所

義士汪較

汪較奉化人也力挽強弩尤精矢藥矢刃俱習有司上於軍門賜以義士關防嘉靖壬子夏倭寇入奉化應家湖較率兵射斃十餘倭倭創艾遁去較竟被傷以亡當道命有司營葬表其門曰義士之門

魏鏡

魏鏡慈谿人生有絕力善格鬥聞倭寇至海濱輒自奮曰誰無死者死而能衛桑梓庶幾爲義鬼矣乙卯賊由

餘姚至鳴鶴縣令曹本率衆禦之兵敗鏡負縣令脫走
賊復追之踰社湖嶺而南鏡乃操刀衝殺數賊賊斫傷
其額猶憤怒力聞竟死縣令爲之灑泣爲文祭之

吳德四 弟德六附

吳德四慈谿人海濱農夫也倭上平石經其廬驅其衆
豕德四持鋤自田歸遇倭於門揮鋤中其腦仆地弟德
六取倭刃追殺一魁遂以壯勇有聲隸杜悃部每遇寇
卽衝鋒奪旗以爲常海道知其名檄往攻舟山險寨德
四直前砍賊渠於轅門寨內驚擾噪而出怯卒皆逐斃
走而賊斫德四斷德六奮呼曰兄死矣獨前殺其殺兄
者後兵不繼六亦死賊渠被戕寨不能守卒爲官兵所
破

葉七

葉七者定海衛軍也賊渠王直負金塘烈港穴爲寇大
將俞大猷提卅師直入其港討擊火砲橫發烟焰漲天
勝負未分而大舟忽挂賊纜檣樁不能施賊衆方逞七
徑取斧投水飲其纜未及斷賊以矛刺七貫其頂七大
呼曰死矣吾必斷其纜連揮數斧纜斷而沉舟遂免後

四日大猷卒破賊而空其穴以不得七尸爲恨厚卹其
家爲招魂而葬之

蔡啓元 弟昆元附

蔡啓元以良家子勤王擊倭奴累戰功授千夫長嘉靖
三十八年三月丁酉我兵當賊於奉化之江口橋行列
已定鼓而向賊隊士俱錯愕不前啓元獨奮怒裂眦罵
不休徑匹馬縱橫而前與賊逼賊駭或走或伏啓元手
格殺數人會天新雨馬行淖潦中不得出力盡矢空顧
左右皆散去僅弟昆元與二三家僮不去啓元怒甚
忠烈 卷之人 聖 光緒
瞋目揮劍罵賊曰吾不啖汝肉非夫也獨殊死戰良久
賊乘間涉河繞其背刺之死踰時猶怒立馬上不墜人
共壯之軍門命有司具棺斂給貲歸其喪

杜茂卿槐 父文明附

杜槐字茂卿慈谿人家濱海佃僮游俠輕財好施少游
塞上屢訪邊徼險要有抵掌伊吾之志比歸而值倭寇
屢犯內地從估客得島上狡隱狀曰是將滋蔓遂散家
貲結驍勇領身下之得士死力癸丑寇薄觀海衛城槐
曰衛破卽無縣矣一呼而羣勇俱集直前砍賊賊走衛

遂得全乙卯五月賊又犯鳴鶴槐率眾迎擊賊走餘姚東山槐越境追之適賊飯空舍中槐提刀直入賊伏牆隅揮刀中石刀缺內賊竄出槐與五六健卒提缺刃當之自午至酉鏖戰不已戮其渠并從賊三十二人竟以飢疲力竭昇歸而絕後賊見黑旗即驚遁曰杜兵至矣父文明痛其子死其麾下壯士皆願從文明殺賊以復讐未幾賊燬鳴鶴文明冒死出曹令於重圍之中是年冬寇自黃巖犯寧海文明偕畢主簿統兵遮要遇寇於奉化楓嶺之麓據高臨下布陣方定而生兵遽走杜兵寡不能敵遂與畢主簿俱死焉十年之中父子同死國事當道義之爲請於朝勅贈槐光祿寺署丞文明府經歷死所立祠有司歲時祭祀復其家仍廕一子入監讀書

趙乾份

趙乾份象山人少負勇略倜儻不羈嘉靖癸丑倭奴寇白石梅溪逼縣治上下驚怖份奮不顧身率勇士數十人逐之賊二賊賊衆稍却份乘勝追之墮其伏中遂被刃死當是時邑尚未城而賊終不敢犯縣境者蓋份有

以奪其魄云

朱汀 子友章王永希附

朱汀亦象山人多勇力素好劒槊嘉靖甲寅四月倭賊登赤坎屯李家畝大肆擄掠汀與其黨王永希及子友章等數十人直擣其穴賊奔營走追至開口巖日已脯賊計窮感遂返戈逆戰良久汀爲流矢所中猶手刃數賊力不支顧謂其子曰吾以死報國汝等宜速去友章大呼曰子獨不能以死報父乎與王永希奮力直前格鬥死焉

定海文學戎良翰

戎良翰定海縣學博士弟子也資性峻介義不苟合素以忠孝自期每讀書扼腕輒按其筆曰班定遠何人能以拘儒終哉識者以功名期之嘉靖丙辰倭夷大掠內地遂陷慈谿良翰家靈緒去慈壤甚邇乃倡義集鄉中子弟拳勇者部署之得百餘人傾家貲市牛酒與共酣飲擲盃大呼挺戈而前直與賊搏力斬二級賊披靡去復呼子弟輩飲其餘瀝顧賊去未遠恐貽禍隣邑嘗盡殄之乃已遂率眾追之與賊遇於丘洋良翰攘臂一呼

目皆盡裂奮戈力戰賊慙前勦益其衆張兩翼而來達出於後腹背夾攻矢如雨集良翰力不支爲流矢所中死猶怒目握戈僵立不仆賊不敢逼而道監司爲之禮葬且表其門云

饒州府判秦仲文碧

秦碧字仲文慈谿人少博學工文辭領弘治己酉鄉薦屢上春官不第謁選得江西饒州府通判著蕪能聲會萬年縣姚源賊反勢猖獗甚督撫陳金討平之其黨尚衆而巨魁王重七等陽聽招撫實懷異志碧受檄署萬

忠烈

卷之八

忠烈

光緒堂

年時縣治初建百務草創史胥皆爲賊耳目上下洶洶碧苦心經畫衆稍戢而兵使李情謂亂民宜重典特用嚴罰繩之益不能堪遂復叛殺兵使縣佐指揮等官幾十人碧亦被執賊帥號於衆曰秦爺清廉好官不可害碧厲聲罵曰我朝廷命官豈向賊奴求活耶汝不敢殺我我必寸斬汝矣因顧左右曰官兵何在賊驚疑有伏遂過官時正德癸酉十月也事聞詔立祠旌忠愍一子散官議贈諡未果七論至今惜之後從姪中丞鉞撫江西爲文祭祠下忽有風霾之異人謂其精靈不朽云

江西左叅議黃德裕宏

黃宏字德裕其先爲鄞人國初有名子良者從戎於京隸羽林右衛改隸孝陵常往來應天之六合因家焉起家進士爲萬安縣知縣以撥煩著調泰和徵入爲戶部主事乞便養改南京刑部主事調戶禮二部歷員外郎郎中出爲江西布政司左叅議會徭賊作亂上命都御史王守仁統兵征之守仁知宏才檄監軍督饒有功捷聞詔加俸一等賊聞廿四等旣降復恃逆濠爲營窟剽掠九江上下莫敢誰何宏毅然發兵捕之獲其輜重

忠烈

卷之八

忠烈

光緒堂

以歸逆濠之將友也先一日假賀生辰留宴撫按潘臬諸司官次日伏甲官中伺衆官入謝遂殺都御史孫燧兵備副使許達而脇囚諸官宏遂械繫入獄逆濠重其才遣人人獄說使同謀宏瞋目大罵曰恨吾手中無刃不能立磔此賊奈何欲逼公從逆乎遂忿恚不食死時年五十逆濠心重之加棺斂焉初逆濠久蓄異志上大常相對以爲憂宏獨正色曰國家不幸有此我輩守土之官惟有死而已至是卒以遂志宏作宦始終於江西惠流威暢一死尤爲得正士人至今不忘祀於南嶺

者曰三公祠。祀於南昌者曰旌忠。而朝廷追念死事。贈爲太常少卿。云子二。紹文。紹武。宏既死。紹文聞訃赴難。比至難解。求得棺。委頓方甍。以棺出。僞命亟易去。扶歸。君子多其識。

江陰縣知縣錢鳴叔錚

錢錚字鳴叔。其先異與之。安吉人。七世祖喜典國初。以功授荊州百戶。已徙承天。護顯陵。而錚家在荊州。遂以荊州籍領嘉靖己酉鄉薦。庚戌登進士第。出知江陰。錚性剛果。遇事敢爲。時倭夷亂浙東。朝廷置督撫大臣鎮

卷之八

平

光緒堂

之。錚度浙直唇齒地。使有備。賊必西向。亟請繕城待之。明年癸丑。城成而賊果犯蘓松。又明年甲寅四月。賊掠江陰。錚遣兵逆之斜橋。三戰却之。賊不敢偏城。退管於定山。會歲侵。江陰羣盜亦起。錚恐其翼賊。稍招輯之。誅其魁而解散其餘。黨是年冬。賊據柘林。明年乙卯春。賊自柘林入三丈浦。騰陸疾趨青陽鎮。已賊艘在三丈浦者。爲參政任環所燬。乃奪民艘。南趨無錫。攻城不克。又還趨江陰。錚禦之於石幢。矢盡。繼以瓦礫。錚被創殊死。聞賊遂遁去。錚策賊意未滿。當復來。預營華墅而陳。賊

果復來。官兵斬首九級。相拒久之。死傷略相當。乃更合

常熟賊三千人。析其半寇靖江。而餘航蔡港入偏城。錚

業領檄援靖江。得報。亟還江陰。賊已渡大橋。明日攻城。

城守固。賊移營蔡涇。距城九里。焚掠四野。烟焰蔽天。錚

從城上望見。瞋目誓曰。爾屠烈矣。奈何。與此賊俱生耶。

乃驕。而背城決死戰。時狼兵與所募甲卒僅千人。先是

狼兵驕。錚以法折之。至是。乘其薄賊。故望風潰走。錚自

督其所從卒。血戰良久。錚忽被創墜馬。復躍而上。他賊

復從旁戰之下。死焉。時六月十三日也。明日縣人求錚

墓

卷之八

平

光緒堂

屍雜莽間。不得有識其印囊於肘者。與之歸。緝其殊始

成。歛事聞。詔贈錚光祿寺少卿。蔭一子。世錦衣百戶。立

祠江上。歲以春秋祀。錚死年三十有一。

常熟縣知縣王德威鈇

錢泮附

王鈇字德威。東陽人。以成從順。天左驤衛。遂家京師。鈇

自爲諸生時。個儻有大志。所與游皆四方豪雋。談論好

稱奇節。常目笑咕咕。豎儒不足共。天下事嘉靖庚子舉

於鄉。庚戌登進士第。會胡騎薄京闕。鈇盛氣白大司馬

願提三尺從行。問擊虜都人士壯之。尋上命如楚。封

八大王道、東陽、上先人冢、具酒食、大會族里、意氣逸甚、未幾拜常熟令、邑海墻大豪多數亡命作姦、監司徵收之、鈇曰：網疎則魚漏、繩急則磨驚、招之便亡何？諸大豪躡踵至、鈇盡貰其罪、俾隸署中爲爪牙、歲於丑島夷入寇、吳中震動、鈇語諸大豪曰：爾輩罪百吾不卽爾刑、以有緩急也、倘一日寇來、爾輩何以報我？咸曰：願效死、鈇乃立爲耆長、俾部署子弟得數百人、合邑中素練士教射、列陳至盱食、命工利兵械、試以擊刺、無不應手糜者、邑故無城、鈇請監司城之、甫興役、寇犯福山、且內向市、

忠烈

卷之八

壬

光緒堂

人惶急走、鈇擁衆壁野、誓以死禦、賊知有備引去、鈇乃親執扶行、築凡三月而城成、明年夏四月、賊由故道入、薄城北、矢礮交下、賊稍稍去、鈇口賊來未創也、而去其懈、我耳倍繕具待之、詰旦賊果突至、鈇督兵出間道接戰、斬首數級、賊潰走、五月、復入三丈浦、大掠、鈇馳羽書乞援、備兵任環、統苗卒應、鈇比戰大捷、斬首百五十級、生縛七人、溺死者不可勝數、吳越中論剿寇功、蚬以三丈浦爲冠、自是鈇料賊必不敢復犯我、卽犯、成擒矣、明年夏五月、賊掠旁邑、方舟從吳門、向上湖、還海上、鈇按

劍起曰：最虜乃尚敢涉吾地耶？吾不能坐令陽陽去、時恭藩錢泮居憂於家、素善射、初寇至、從鈇登泮、偶而射相、顧沾沾喜、至是泮從史之鈇、益奮倉卒召諸耆長、各率所部、揚小艇數十追躡、賊偵我入、隘中出不意夾攻我、時獨耆長數人從鈇前、諸健兒皆後、數人者力聞死、鈇奮擊及渾不克進、怒髮上指、瞋目大呼、而刀剗腹中矣、泮亦聞而死、鈇時年四十二、監司列其狀聞於上、詔贈太僕寺少卿、製文遣祭、賜長子汝祐錦衣衛百戶、世勿絕、

忠烈

卷之八

壬

光緒堂

錢泮字鳴教、世爲臨安人、裔出吳越王鏐、南渡時徙居常熟、遂爲常熟人、登嘉靖乙未進士第、由侯官縣知縣歷官陝西按察副使、以內艱家居、時倭夷爲三吳患、爾掠焚劫、多所殺傷、而常熟濱海、帶湖、罹禍尤慘、泮謁令鈇、語之曰：寇旣得志、勢必復來、公有守土之責、而吾父母之邦墳墓親戚所在、忍坐視也、乃日與商略、爲備禦計、練兵飭甲、部分調遣、事甫就緒而寇猝至、城下卽與鈇率衆急擊、連弩繼發、寇乃遁去、又明日寇自上湖北下、直指讓港、泮謂鈇曰：此可邀而擊也、卽領民兵抗旌

出港轉戰而前殺傷相當俄而賊大衆掩至洋麾下鳥獸散衆寡不敵身被數創猶手刃三賊遂與鉄同死焉是乙卯五月廿有四日也嗚呼永平日久所在備弛兵與以來並海州縣往往閉城自守或不發一矢而洋非有官守未始受命征討徒以桑梓之故慷慨激發摧鋒陷陣竟以身殉豈不誠義烈也哉事聞天子震悼贈卹之典悉與鉄等復遣官諭祭於其家

永福縣知縣周克光煥

周煥字克光浦江人資性穎悟博學能文章居家以孝

忠烈

卷之八

五

光緒堂

友稱嘉靖戊午由貢授福建永福縣知縣居官兩月倭奴內犯攻陷郡邑城池所至風靡煥率民兵晝夜督戰斬獲百餘級賊退憤甚益衆併攻煥勵志堅守月餘力竭糧盡外援不至倭乃攀堞而入煥揮刀躍馬率敢死之士蹀血巷戰力不支爲倭所害時一家死者八人事平福民自於上官奏請特祠旌其額曰忠勇

附世胄名賢

萬文質斌

子鍾孫武文附

萬斌字文質其先定遠人也沉静尚志節元季海內擾亂斌仗劍從太祖克滁和真三州授副千戶鎮滁洪武紀元調永平三年征沙漠大戰於阿魯完河死於敵長子鍾字榮祿襲副千戶十七年守禦定海累策軍功二十八年陞寧波衛指揮僉事三十二年從征花園亦死於敵孫武字世忠繼鍾食寧波衛事永樂六年從黔國征南蠻又力戰而死文字世學事母至孝十年承兄職十六年日本寇邊率海艦追斬盜首若干級明年轉禦桃渚忽颶風破舟溺焉一門四世皆死國事論者多之

遼東都司都指揮同知李任

李任金華永康人洪武中襲父爵爲燕山右衛指揮僉事從太宗皇帝起兵靖難以功陞遼東都司都指揮同知鎮守彰德宣德元年從征叛賊黎利守昌江賊既獲都督蔡福逼令福至昌江城下呼任等速降任於城上罵福曰汝爲大臣不能殺賊反爲賊用何死不若用

銳擊之賊懼擁禍去遂大集兵象樹雲梯四面夾攻任
與顧福等留老弱婦女守城率精銳出擊賊燒其攻具
賊又築壘射城中任夜出襲其營破之賊掘地洞欲潛
入任開橫溝用將軍石擊之入者輒死城中士卒初有
二千餘人前後三十餘戰至是死亡過半賊益兵衆攻
圍日急相拒凡九閱月人力疲困芻糧匱乏賊遂陷城
而入任福率死士巷戰三敗之賊擁衆益兵而入任福
力不支皆自刎死時宣德三年五月也內官馮智指揮
劉順知府劉子輔俱自縊死城中軍民婦女不受屈辱

卷之八

五十六 光緒堂

自殺者數千人

崔有本源 二弟澄清附

崔源字有本世家雲中天性孝友深沉有智襲寧波衛
指揮同知蒞政老成人不敢干以私正統十三年閩浙
盜起從總兵寧陽侯勦捕累獲奇功檄禦金華殺賊一
十七級生擒陳唐奇等五十人解京功陞署浙江都指
揮僉事改徵武義一日火發連營源倉卒遇敵時仲弟
澄季弟清從在營中源曰事急矣我當死之弟可自爲
計卽應聲曰兄既死忠我乃不能死義乎遂挺身而前

皆力戰死朝廷憫之遣官賜祭俾其子胤世襲焉

寧海所副千戶呂守誠忠

呂忠字守誠其先廬州人革除末從征有功世襲海寧
所副千戶至忠承父官慷慨有爲正德八年江西姚源
洞賊王浩八作亂流劫浙東諸邑當道檄忠率兵勦捕
忠聞令拜辭其母顧謂妻鄭曰吾母在汝宜謹事之爲
臣死忠吾不暇內顧矣行至開化守華埠賊衆突至部
卒勦曰賊勢甚盛可避之忠怒提刀砮其背曰朝廷養
我百餘年一旦忍忘之耶於是直前擣賊射殺數十人
應潮

卷之八

五十七 光緒堂

孤軍無援被賊攢刺墜馬死事聞陞其子官一級

黃巖騎兵林文貴

林文貴台之黃巖騎兵也從千戶呂忠征姚源洞賊賊
衆猝至忠力戰死衆遂奔潰文貴厲聲大呼曰不可負
主獨挺長鎗刺賊賊擁衆擒之脅使降文貴怒罵曰我
是朝廷命軍豈從爾賊賊縛貴於樹罵不絕口剖腹剗
心而死事見許杞山死事傳邑人董濤詩曰風酸日薄
牙旗倒華埠溪腥流血曉林生被縛心如鐵膝不可屈
頭可截罵賊高聲箭滿身續得千年泉卿舌在來盟官

重豪傑。睢陽之風猶慄烈。主公呂戾同死節。一介草茅。復誰說。於乎施全亦側微。吳山香火今猶焚。

陳表

陳表。昌國百戶也。嘉靖癸丑。倭寇入城。表曰。吾力無如之何。有死而已。但所攝印多。我死。置印何地邪。遂送母出城。納印於千戶金蓋。出門追賊奮鬪而死。

火德光

火德光。觀海衛火指揮次子也。中浙江武舉。率海舟與倭賊戰。賊灼火毯。拋德光舟。德光輒手接之。還投賊舟。賊眾殲焉。人皆異之。由是屢立奇功。誓不與賊俱生。賊屯普陀山。率眾直擣賊營。力屈。爲賊肢解。投海中。

宋汝觀應澗

宋應澗。字汝觀。寧波衛百戶。中嘉靖庚戌武舉。授正千戶。掌印事。執法不撓。因每得下考。軍門王忬獨奇之。命取兵船於閩。應期而至。忬益委以兵。寄客兵。犷悍難馭。應澗每約已。裕犒而厲以軍法。無不踐心。聽命。癸丑。隸將盧鏜爲先鋒。戰上海。史家浜。追賊至海寧二十里。亭。復從戰平湖。戰白沙灣。戰金山。皆有功。其戰史家浜。

也。兵北。賊追幾及。應澗急反弓發。二矢皆中賊項。其額親兵復飛鎗殺四人。因迴戈大破之。應澗用是臨戰必身先士卒。竟以疲兵猝與賊遇於海鹽之孟家堰。不支而死。死時猶飛刀殺一賊。乃絕事聞。廕其子襲千戶。仍建祠城北隅祀之。

秦彪弟漢附

秦彪。爵溪所百戶。嘉靖壬子。倭賊登赤坎。攻游仙寨甚急。彪曰。游仙與爵溪唇齒。無游仙。是無爵溪也。先人遺我汗馬勲。不死戰而死。法何以見於地下乎。乃與弟漢。

秦彪

卷之人

五元 光緒堂

疾馳赴陣。力不能支。遂俱死焉。次年三月。倭寇陷昌國。時致仕指揮吳彰携妻子避去。以死事囑其子道南。頃見其來。驚曰。若復來邪。失城守者。死無赦。益不爲忠義鬼乎。道南俯首不答。彰乃陰使其友人雅善者。百方說之。不從。竟死於法。論者每以秦彪事責之。

葉朝佩紳 韓編附

葉紳。字朝佩。寧波衛百戶。少不羈。習手搏。善雙刀。嘉靖乙卯五月。倭寇五十餘人。流入橫石橋。紳偕千戶劉英領兵策應。至七里店。紳奮雙刀躍馬奔橋。獨進應者不。

繼遂爲所殺。後二日，賊西流至樟村，千戶韓綱復領兵防遏，猝與賊交，從兵皆散走，綱挺身獨戰死之。

劉大昌隆

劉隆字大昌，定海衛指揮使，以強幹，屢協總諸衛備倭。時海上寇起，許二陳思盼最盛，隆畫謀攻賊，卒平思盼。後賊入床頭，隆提舟師薄之，而我舟忽膠，隆腹中一矢益奮，怒鏖戰，賊少却，遂揮諸舟競進，卒破賊，俘四十餘人，斬首百餘級。嘉靖壬子，遷把總，嘉興統舟師備乍澱。二浦當松江七團，賊歸，隆扼之，焚沉賊舟，俘斬首虜二

忠烈

卷之八

光緒堂

百餘，後會破史家浜賊，隆又扼之，沉賊舟，敵滿外洋，一日追賊向暮，黃霧四塞，隆以孤舟在賊圍中，建曉從兵皆懼，隆大喊作氣，手發一地雷，衝十數舟，復殲二舟，俘斬復二百餘，陞署都指揮僉事，守備溫處。乙卯倭寇數百，將薄瑞安縣，隆整兵遽出，欲折其鋒，偏將尹千戶請旋師避之，隆不聽，徑往遇之，殺十餘賊，賊遁去，廻軍至田間，有數賊伏莽中，突起擊隆，隆不及應，遂及尹千戶俱死，事聞，贈都指揮僉事，仍與世襲。

劉大光炳

劉炳字大光，世爲寧波衛指揮使。年二十襲父爵，用薦陞贛州軍門把總，未幾陞福建備倭總督嘉靖三十五年三月，福清縣倭賊登岸，盤據海口鎮，官兵屢挫，炳領兵夜襲其巢，賊遂奔潰。由古田寧德望海而遁，炳即提兵由捷徑宵行，趁寧德縣石壁嶺要賊逸路，比至嶺隘倉卒布列未整，而賊已至，部伍散亂，止家兵數人在側，炳顧懷印者曰：「亟去爲我保此印歸朝廷。」吾世受國恩死矣，炳即挺身執鐵鉞格殺三賊，力盡無援，賊衆擁至，斃於賊刃。所揮鐵鉞尚堅，執不墜，其勇烈如此。御史吉

忠烈

卷之八

光緒堂

澄上於朝，立廟祀之。

海寧衛馬呈圖 姚弘來懷滿朝徐行健李元律附

馬呈圖海寧衛指揮嘉靖三十一年五月倭犯海鹽新塘嘴，呈圖聞報，即統衛卒同把總王應麟奮勇攻擊，生擒二十四倭，餘賊驚遁，縣境獲安。次年四月倭酋八大王者自青村登岸，轉掠金山白沙灣，所犯官軍俱經摧敗，呈圖提兵出城與賊鏖戰良久，忽大風揚沙，官軍驚潰，呈圖奮不顧身，直入賊圍，身被三十餘創死，當是時倭寇被東南而海，益最烈，一時死事之賢繼呈圖而起者

若姚弘采煉滿朝徐行健李元律諸人皆海寧衛世之曹能臨難不避慷慨樹節齒刃若飴以報國恩卽古烈士何以加焉今城北立祠合祀之題其額曰英烈蓋鼓勇作忠以勸來者於不倦云爾

兩浙名賢錄卷之八終

忠烈

卷之八

光碧堂

兩浙名賢錄卷九目次

漢獨行

富春公錢讓

陳訥

倉曹掾戴景成就

太尉鄭巨君弘

主簿鄭仲興雲

主簿梁宏

楊尚書喬

高孔文岱

三國吳

功曹邵溫伯嚭

卓公行恕

晉

勳命目次

卷之九

光碧堂

司馬孫顯世極費慈幸意附

孫文度畧

功曹史孔承祖祗

李祥

宋齊梁陳

嚴世期

河南尹韓德茂晏

范義叔孫

丘彥先景賓

范伯珪元琰

沈處默顓

吳達

隋

司馬姚士會最

唐	
丘庶子爲	陸洗馬南金
禮部尚書羅景宣讓	
五代	
褚玄道雅	
宋	
侍御史江漢臣景防	進士馮公初制
司法葉杲卿曙	黃仲驥振
衛輔之公佐 <small>弟公寬公望附</small>	吳孜
輔行目次	卷之九
吳福	典國司理賈元範如規
江統領渙	陳德高
黃巨濟汝楫	楊大同
王朝奉允卿 <small>子唐珪附</small>	劉進之愈
縉雲丞喻伯強南強	通判邵武州薛子周洽
楊時庭顯	吳起之作禮
長興丞曹文起沂	德清尉潘和叔景夔
陳光庭	國子監錄事王彥古漢英
姚君俞獻可	太學吳彥成圭

汪時發大度 <small>弟大章附</small>		盧寬民
葉會之大同		胡蔗一麒
特奏狀元吳道叟公轍		黃青陽叔言
李嘉仲獻		豐宅之有俊
袁昇		陳惠卿祖 <small>從孫雷附</small>
陳關門柔		何長者達
徐正卿端臣		張教授仲淳
朱孔目承逸		顧潤之德玉
劉敬先儼		徐臻
輔行目次	卷之九	三
潘敏脩好古		唐玉潛珏
泉州教授林德賜景熙		將作監簿王才翁英孫
元		
茂林逸叟葉貫道		翰林掌書劉浚登濠
水西翁呂仲修汲		童子丹金
陳志寧		諸暨州判官俞時中器之
方鑑		劉十三
趙孟治 <small>子由鍾附</small>		樂君道大原 <small>孫良附</small>
宣子玄初		黃熙安純裕

黃新

潘生

陳成甫紹

孫泰然宣

劉韶父大音

子剛附

吳長卿宗元

兩浙名賢錄卷九目次終

獨魯目次

卷之九

光緒堂

兩浙名賢錄卷之九

東海徐象梅仲和氏譚

四明薛 岡千仍氏閔

獨行

漢 共八人

富春公錢謙

錢謙彭祖五十世孫也世居吳興時吳郡太守薛固爲法吏所枉詔付廷尉讓携同郡婁縣下崇詰闕稱寃廷尉收讓拷竟楚毒備至而讓辭色不撓遂囚於圜土守之以兵讓恬然自若枉聲彌厲天子奇其節而用之積功封富春公食邑五千戶卒謚曰哀

獨行

卷之九

光緒堂

陳露

陳露山陰人也與紀伯爲隣竊置藩地以自益露不較益徙地與之伯慚悔歸所侵地露辭不受遂爲大路鴻嘉中太守周尹刻石旌之號曰義里吳虞翻嘗稱其漁則化盜居則讓隣感侵退藩遂成義里今俗稱讓簷街云

倉曹掾戴景成就

戴就字景成上虞人仕郡倉曹掾楊州刺史歐陽參奏太守朱公浮賊罪遣部從事薛安收就於錢唐獄幽囚拷掠五毒參至就慨慷直辭顏色不變主者窮極慘酷無復餘方至卧就覆舂下以馬通薰之一夜二日皆謂已死發舂視之就方張眼罵曰何不益火而使滅絕主者白安安呼見就謂曰太守罪穢狼籍受命拷實君何故以骨肉拒扞耶就據地答言太守剖符大臣當以死報國卿雖命固宜中斷冤毒奈何誣枉忠良強相掠理令臣謗其君子證其義就考死之日當白於天如蒙衛符

卷之九

光碧堂

太尉鄭巨君弘

鄭弘字巨君山陰人少爲鄉耆夫太守第五倫行春見而奇之召署督郵舉孝廉弘師同郡河東太守焦贛楚王英謀反發覺連及贛贛被收捕疾病道亡妻子被繫詔獄掠拷連年諸生故人懼相連及皆改變名姓以逃其禍弘獨詣闕上章爲贛訟罪顯宗覺悟卽赦其家屬弘躬送贛喪及妻子還鄉里由是顯名拜爲都令政有

仁惠民稱藹息遷淮陰太守元和初拜太尉弘前後所陳有補益王政者皆著之南宮以爲故事

主簿鄭仲興雲

鄭雲字仲興寧波人學韓詩公羊春秋與梁宏俱爲吳郡太守尹興主簿興以楚王英謀反事覺被收并雲下洛陽獄雲篤始終之義明興非辜不以拷掠誣服竟獄死後使者以陸續母具食事陰嘉之上書說行狀乃赦興等放還鄉里禁錮終身雲旣死乃旌表門閭

主簿梁宏

衛符

卷之九

三

光碧堂

梁宏少隱海隅有盛名吳郡太守尹興辟爲主簿楚王英謀反陰疏天下善士及事覺顯宗得其錄有尹興名乃徵詣廷尉獄宏與門下掾陸續功曹史駟勲及掾史五百餘人詣洛陽獄就考諸吏不堪痛楚死者大半惟宏與續勲拷掠肌肉消爛終無異辭後以陸續事得釋放歸田里

楊尚書喬

楊喬本河東人高祖茂從光武爲威寇將軍封烏傷新陽鄉侯建武中就國傳三世以罪國除因家焉父扶字

聖儀爲武源令遷交趾刺史。爲尚書儀容偉麗數直言政事嘗疏薦合浦孟嘗異政實武表薦張禱及喬等文質彬彬明達國典桓帝愛其才類詔妻以公主固辭不聽遂閉口不食七日卒方孝儒贊曰人之器量有小有大或盜一錢或讓天下天下雖大一錢之積觀其用心大者可識吾謂楊喬可爲三公屈以非義萬鐘不從易由知之有大人節帝女不娶利豈能奪其中所重在義與道視卓操輩穿窬之盜伊誰可方孺子之倫永言尚友卓哉二人

獨行

卷之九

四

光碧堂

高孔文俗

高岱字孔文吳郡會稽人也受性聰達輕財貴義其友士拔奇取於未顯太守盛顯舉上計孝廉許貢來領郡與盛有郤岱將憲避難於許昭家身往求救於陶謙謙未卽救岱憔悴泣血水漿不入口謙感其忠壯有巾包胥之義許爲出軍先以書與貢岱得謙書以還而貢以因其母吳人大小皆爲危悚以貢宿憤往必見害岱言在君則爲君且母在牢獄期於必往若得入見事自當解遂通書自白貢卽與相見才辭敏捷好自陳謝貢登

時出其母初岱將見貢時先語友人張允令豫具船以貢必悔當追逐之及出便以母乘船易道而逃貢須臾果遣人追之令追者若及於江上便殺之已過則止使與岱錯道遂免後被讒爲孫策所誅時年三十餘

三國吳 共二人

功曹邵溫伯疇

邵疇字溫伯山陰人爲郡功曹孫皓時太守郭誕以不白妖言被收逮遽無以自明疇進曰疇今在明府何憂遂詣吏上疇辭皓怒猶盛疇恐誕卒不免遂自殺以證

獨行

卷之九

五

光碧堂

之臨亡置辭曰疇生長邊陲不開教道得以門資廁身本郡逾越儕類位極朝右不能贊揚盛化養之以福令妖訛橫興干國亂紀疇以嚙嗜之語本非事實雖家誦人誦不足有嫌天下重器而匹夫橫議疾其醜聲不忍聞見欲含垢藏疾不彰之翰筆鎮蹠靜使之自息愚心勤勤每執斯旨故誕屈其所是默以見從此之爲愆實由於疇謹不敢逃死歸罪有司唯乞天鑒特垂清察吏收疇喪得辭以聞誕遂獲免皓嘉疇節義詔郡縣圖彰廟堂

卓公行恕

卓恕字公行上虞人爲人篤信義然諾不苟與人期約雖暴風疾雨無有不至嘗從建業還會稽太傅諸葛恪問何時當復來恕期以某日至期恪與主人停食以須恕至時賓客會者皆以爲會稽建業相去千里道阻江湖風波難必豈得如期須臾恕至一座皆驚

晉共四人

司馬孫顯世賈慈卒意附

孫拯字顯世富春人仕晉爲平原內史陸機司馬吳平

續作

卷之九

本

光緒堂

爲丞令時人孟玖弟超並爲成都王穎所寵超爲小都督縱兵大掠機戮其主者玖怒遂譖於穎言機有異志穎使人收機與弟雲俱遇害拯訟機冤因下獄拷掠兩踝骨見終不異聲門人費慈卒意二人詣獄明拯拯辭遣之曰吾義不可誣枉知故卿何宜復爾二人曰僕亦安忍負君拯遂死獄中玖并二人殺之

孫文度譽

孫譽字文度富春人伏波將軍秀曾孫也顧榮稱之薛兼曰此兒神明清審志氣正立非常童也及長孝敬清

約學窮理與每獨處幽暗之中容止瞻望未嘗傾邪雖

侯家豐厚布衣蔬食躬親壅畝誦讀不廢視父母起居常候不離左右兄篤疾經年躬親湯藥見人饑寒悉力周贍鄉里饋遺一無所受親故有窮老者禮遇曲全久無倦色有生刈其稻者譽見而避之鄉隣感規不復侵犯司空何克司徒蔡謨交辟不就尚書張國明表薦公車特召卒年三十八朝野嗟痛之

功曹史孔承祖

孔承祖字承祖會稽人車騎將軍愉之弟也太守周札命

續作

卷之九

七

光緒堂

爲功曹史札既爲沈亮所害故人賓吏莫敢近者祇冒刃號哭親行殯禮送喪還義興時人義之

李祥

李祥海鹽瑯城人也少雄於力知書史每抱憤世疾邪之志里中有爭鬪停犯者必折之以義無少依違人咸敬憚之當晉隆安初孫恩反海上時時擾沿海祥糾集鄉豪爲防禦計四年內史袁崧率兵討恩祥挺身出從協力築壘於泥瀆相持五年恩率舟驟至崧與戰死之泥瀆遂陷時祥不在左右聞而奔至死所突白刃收崧

尸歸葬時人義之名祥所居之里曰教義里

宋齊梁陳 共七人

嚴世期

嚴世期山陰人性好施同里張邁等三人妻各產子歲飢欲不舉世期分贍其乏三子竝得成長同縣俞陽妻莊年九十女蘭年七十竝老病無所依世期贍之二十一年死竝殯葬宗人嚴弘鄉人潘伯等十五人歲侵孳死世期竝爲棺歛撫其孤宋元嘉四年詔旌其門復其身編租稅十年

編租稅十年

卷之九

八

光緒堂

河南尹韓德茂晏

韓晏字德茂東陽人以孝著起家令永寧遷張掖太守至河南尹所至以仁惠稱方其上公車時遇盜於途抄掠俱盡及行數里見車下有絹數縑盜所遺者追而與之盜相顧感歎悉還所掠之物晏曰已爲君有非吾物也推而不受

范義叔孫

范叔孫錢唐人性仁厚里中疾疫躬持粥藥恤療之有父子兄弟同死者數家尸經旬莫收叔孫悉備棺槨殯

嗟人呼范義孝建初辟竟陵王中軍不就

丘彥先景寅

丘景寅字彥先吳興人以節義聞父祖康任無錫令在後僮僕數十人及宅宇畜產悉讓與兄震之震之推齊屋三間亦不肯受太守孔山士歎曰聞柳下惠之風食夫庶懦夫有立志今復見之矣官終奉朝請

范伯珪元琰

范元琰字伯珪錢唐人父靈瑜居父憂以毀卒元琰時童孺哀慕盡禮及長好學博通經史性謙讓不以所長

獨行

卷之九

九

光緒堂

竊人與人言常恐傷物居家不出城市獨居如對嚴賓見者莫不改容正色家貧唯以園蔬爲業嘗出行見人盜其菰元琰遽退母問竊者爲誰答曰向所以退畏其媿耻今言其名願不洩也於是母子秘之或有涉溝盜其筍者元琰因伐木爲橋以渡之自是盜者大慚一郡無復草竊齊建武二年召爲安北參軍不起沛國劉嶽深加器異嘗表稱之梁天監九年縣令管慧辨上言義行楊州刺史臨川王宏辟召辭不起十年王拜表薦未召卒

沈處默顓

沈顓字處默吳興人演之子也幼清靜有至行慕黃叔度徐孺子之為人常獨處一室罕見其面從叔勃貴顯每還吳與賓客填門顓獨不至勃常就之歎曰吾乃今知貴不如賤也顓至性孝友兄昂以家貧仕為始安令兄弟不能分離相隨之任顓素不事家產及昂歸值齊末兵荒與家人并日而食或有饋其梁肉者閉門不受唯採蓴荇根供食以樵採自資怡然恒不改其樂

吳達

獨行

卷之九

十

光緒堂

吳達吳興人遭飢荒疾病合門死者十三人達時亦病篤隣里以膏脂爇其死者暫瘞之既達病愈家極貧窘冬無衣被晝則備賃夜燒磚甃率其妻晝夜在山管葬未嘗休止毒蟲猛獸遇達輒為避去昔年成七墓窆十三棺時有賻贈一無所受人皆義之

隋 凡一人

司馬姚士會最

姚最字士會僧坦之子祭之弟也博通經史尤好著述年十九隨父僧坦入關明帝盛聚學徒校書於麟德殿

最預為學士隋文帝踐極除太子門大夫後襲爵比絳郡公及平陳察至即讓封於察轉蜀王秀府司馬秀陰有異謀最屢規切不聽及敗最任以為罪時論義之

唐 共三人

丘庶子為

丘為海鹽人事繼母孝嘗有靈芝生於堂下官至太守右庶子及致仕年八十餘而繼母無恙詔給俸祿之半以養母初還鄉縣令謁之為候門聲折令坐乃拜里胥立庭下既出乃敢坐經縣治降馬而趨說者以比汜恭

獨行

卷之九

十一

光緒堂

年九十六卒

陸洗馬南金 弟趙壁附

陸南金元感子也唐開元初少卿盧崇道抵罪徙嶺南逃還偽稱吊客突入金舍金匿之事覺詔御史捕案金當坐法弟趙壁自言匿崇道者我也請死金固言弟自誣不情御史恠之壁曰母未葬妹未歸兄能辦之我生無益不知死御史上狀玄宗竝宥之金官至太子洗馬按松江誌陸氏世居華亭元感葬崑山在海鹽未析之前故錄之

禮部尚書羅景宣議

諱字景宜會稽人珙之子也蚤以文學著聲舉進士高第爲咸陽尉父喪幾毀滅服除布衣蔬食不應徵辟者十餘年淮南節度使李鄴延致幕府除監察御史累遷福建觀察使兼御史中丞有仁惠名或以婢遺讓者問所從婢答曰女兄九人皆爲官所賣留者獨老母耳讓慘然爲焚券召母歸之人爲散騎常侍拜江西觀察使卒贈禮部尚書

五代 凡一人

褚玄道雅

傳

卷之九

主

光碧堂

褚雅字玄道錢唐人梁末隱居於茅山樂施輕財拯物無厭管田既獲以與貧者與人共居常旦起灑掃取水徧以周給覓薪之人夏月移瓜恣人來取當時行暑道無喝者人或以爲難而玄道行之終身如一日也

宋 共四十六人

侍御史江漢臣景防

江景防字漢臣常山人初事吳越爲侍御史唐末諸國私爲重欽吳越尤甚民皆困苦及宋平諸國賦法皆仍其重景防歎曰民苦苛欽久矣使有司仍其籍民困無

已時也吾寧以身任之遂沉圖籍於河諱銀臺自幼所以亡失狀太宗怒謫沁水尉遂屏居田里以卒其後子孫相繼擢正科者四十九人其由他科顯者不在是數而五世孫侍御躋六世孫侍御溥尤顯至十世孫萬里遂登台輔人以爲景防陰德之報

進士馮公初制

馮制字公初少敏慧涉獵書傳善屬文天聖中舉進士篤於養親遂絕意仕進家裕好施康定間里大飢民易子而食家有穀數千斛悉貸之藉以全活者百餘家舍

傳

卷之九

主

光碧堂

東有古陂縣長年經俾鄉先生王致楊適耕之民數奪其諸水制諭民穿古渠引潮以溉無復奪水之擾二先生割田爲壽制卻曰吾哀兩先生窮耳豈望報邪嘗過錢唐會故知錢寺丞負客債數百緡索之急悉與償之居常聚族子弟誨之務中規矩未幾弟準子頌姪景相繼登進士鄉人榮之

司法葉景卿曙

葉景卿名曙避英宗諱以字行錢唐人生而穎拔凡三試開封率高等用嘗試御前恩授鄭州長史司法桂州

卒。贈太子中允。卿在桂有異謚。爲象州武化令而死。其妻挈二女歸閨。而妻又死。杲卿爲置地合窆之。哀二女之無歸也。娶以爲二子。婦家故饒財。諸弟用之殆盡。乃求異籍。杲卿喟然曰。家事至此。由吾祿薄。不足以聚親族。汝曹何咎。諸弟聞而慚沮。復合如初。師事林逋。天僖末。錢唐有巨石浮於江。太守問逋。逋以問杲卿。乃按樵子五行志以應曰。其當在萬乘乎。未幾。真宗上僊。於是人服杲卿多聞。而始知樵子爲奇書。二子昌言。昌齡同榜進士。昌言秘書丞。昌齡屯田員外郎。皆以學術改。獨有

卷之九

十四 光緒堂

事知名人以爲娶二孤之報云

黃仲驤振

黃振字仲驤。諸暨人。輕財好施。嘗建一樓。隆寒盛暑必登之。以望村野。有日中未舉炊者。往遺之米。寒無告者。遺之衣。其妻劉亦斥奩橐。置義庄。以歲入濟族黨之不能婚葬者。鄉人德之。名其樓曰望烟莊。曰仁壽。振後以子貴。贈衛尉少卿。劉封仁壽夫人。子孫代有顯者。

衛輔之公佐 弟公寬公望附

衛公佐字輔之。海鹽人。事繼母以孝。稱族有不能婚嫁。

者悉爲遣之。聚書數千卷。禮四方賢士教訓子弟。時縣未有學。捐地爲址。又獨任禮殿之役。熙寧末。飢疫邑人賴以救療。元豐中。復飢。民皆負稅。令滿代者已至。轉運使苛留。使督逋負。縲繫盈庭。公佐悉出粟代輸之。弟公寬公望竝敦行。義時人俱爲推重。

吳孜

吳孜會稽人。嘗從胡安定學。名聞嘉祐治平間。會郡謀建學。孜卽捨宅爲基。初學成。太守張伯玉至。以便服坐堂上。孜鳴鼓行學。規伯玉欣然受其罰。王十朋題其祠。

獨有

卷之九

十五 光緒堂

云右軍宅化空王寺。秘監家爲羽士官。惟有先生舊池館。春風歸在杏壇中。

吳福

吳福僊居人性純實。括有巨賈。留千金其家。久之不至。福爲買遷得贏侯。賈至併歸之。賈曰。向者吾留千金耳。贏則君自致。吾敢觀乎。互相讓。夾之縣。縣上之郡。使中分其息。福仍不受。賈以其半捐之僧廬。謂福曰。君行誼如此。不應久無子。吾近得顏士女。願奉君爲嗣。續計福曰。君念及吾。嗣敢不爲。先人拜賜。遂遣禮納之後生子。

卓積至弟登第歷顯官云

興國司理賈元範如規

賈如規字元範樂清人宣和中補太學生靖康之難諸生欲逃去如規厲聲言曰吾輩久被教養國家陸危乃求苟免乎稍有留者以特奏名調廣昌尉捕盜公格當改秩謝弗言再調興國軍司理不赴讀書鹿岩下重義好施族里賴之時稱尚義篤行者必曰賈司理

江統領渙

江渙字德濟武義人自幼勇毅以杖擊石石碎而杖全

獨行

卷之九

末

光緒堂

陸寇起縣撤防守隘柵屢以少擊眾保全鄉井後隸淮西鄴瓊麾下瓊畔殺參謀呂社舉軍降於劉豫將出境渙與其屬謀曰吾儕誓忠義死君父詎可爲降俘夜與其徒還得社之首至楊子江無舟可渡埋其首於江阜識其處遂浮渡達行在時方收鞠社家屬渙詣理力明其不叛具告所以然命押渙取社首按驗不誣遂赦其家出獄者咸拜渙曰微公吾曹安死生忠義得白皆公力也後任廣東統領平海寇以一矢殪其渠魁卒於官

陳德高

陳德高東陽人辰州太守琰之父也慕范文正公之義

割腴田千畝立義莊以贍宗族又設義學以教里中之子弟族人婚宦死喪皆有助及遭困阨貧不能立者袖金子之不令人知有貧而鬻產於德高者如其請畀之金積其入及原直則舉以還之山陰陸游嘗爲義莊記

黃巨濟汝楫

黃汝楫字巨濟振之玄孫也家故饒而好義宣和間方

臘犯境汝楫瘞其貨寶於室將出奔忽賊黨有執白旗

獨行

卷之九

七

光緒堂

來者見楫輒拜楫驚視之乃舊僕也語楫曰吾主掠士女千餘閉空室中索金帛以贖否者且殺之楫惻然曰我所藏直數萬緡願以贖衆命遂悉發所瘞輦輸賊營千餘人皆得生飲聲如雷悉詣門泣拜以謝有願輸身爲奴婢以報者悉拒不受一日夢金甲神謂曰上帝有勅以子活人多賜五子科第紹興中汝楫爲浦江令其子開閭閻聞果相繼登科高宗賜詩有昔日燕山賓今朝浣水黃之句浣水黃所居地也

楊大同

楊大同松陽人素業賈寓武林邸舍忽聞隣哭甚哀詢之乃王尉失囚獲罪鬻女以贖故相泣別大同惻然遂傾橐以貸王尉慚謝叩其居里姓名大同曰吾豈望報乎遂拜而別他日大同婿鄭克寬登進士調鄂州監酒時鄂守卽王尉也克寬以公過候門守覺其鄉語類大同乃進而問曰汝何居對曰括之松陽汝識楊大同乎曰妻父也守驚曰汝外翁尚在否曰作矣惟妻母見留此守曰汝爲我迎楊媼來至則坐媼於堂率子女羅拜於下以母事之因語其故置克寬於幕以薦之

獨佈

卷之九

大

光緒堂

王朝奉允卿

子唐珪附

王允卿字成之松陽人尚義好施嘗往括城索逋宿其家夜遣其妻叩門卿閉門不納遲明卽歸不復索每寒雪起視隣燬不烟者密以米置其門歲飢山民煽亂輒議曰我等至縣必驚西門王朝奉奈何終不入邑民賴以安世有蜀西門王承奉之比子唐珪字廷王屬邑飢縣官勸貸珪方仲角請書於籍願以千石濟之衆異其志登淳祐進士歷仕至監察御史言事件賈似道意諷言官論罷之

劉進之愈

劉愈字進之永嘉人孝友端慤遇人急稱貸施予如不及事有利病以身爲倡必與除之由是信義著於鄉紹興庚午大飢以其家產薄貸於州得米五百斛以歸分賑鄉里愈獨不收貸自以私廩償官隆興甲申又飢郡難守丞愈獨校厯丐發常平求降度僧牒轉糴他郡與同里徐謙協力賑拯全活甚衆太守張九成下車得愈之賢移書致饋其書有云孝於親友於弟行義聞於鄉里敬致州郡之禮以見尊賢之誠時人爲之語曰入枬溪不見劉進之適樂清不見賈如規是浮洞庭不啻橘也

獨佈

卷之九

尤

光緒堂

縉雲丞喻伯強南強

喻南強字伯強義烏人少負奇氣父直方謂似陳亮俾從之游同門者數百人亮獨稱其議論可畏讀書至名義可喜事輒擊節慨慷及亮爲當路排陷不測門人畏其威禁不敢出聲南強從兄侃與同志生極力營救幾蹈罷職南強義形于色奮不顧走東甌見業適備述亮冤狀適曰子真義士也卽秉燭爲書數通南強又持走

赴親見諸臺官誦言無忌卒直亮之冤累貢於鄉不得
筭（右科調富陽尉當是時禮部侍郎真德秀以言事
去權姦風京尹跡其所至欲併以爲罪德秀舟過富春
江南強亟請見且賦詩爲餞時人皆壯之轉承直郎處
州緡雲丞未上卒所著有梅隱筆談十四卷藏於家

通判邵武州薛子周洽

薛洽字子周永嘉人入太學所交皆名士會齋舍疫作
鮑粹然疾尤篤同舍皆弃去洽獨移卧具與俱晝夜治
藥餌謹視之三月乃愈粹然每告人曰子周生我登淳

獨行

卷之九

二十

光碧堂

熙第終通判邵武軍

楊時發庭顯

楊庭顯字時發自鄞徙慈簡之父也少時嘗自視無過
視人有過一日忽自念曰豈其人則有過而吾獨無於
是自省卽得一過旋又得二三已而紛然乃大恐懼痛
懲力改刻意爲學每見其過輒內訟不置及於夢寐怨
艾深切或至泣下自撾既久其功益密嘗曰如樵童牧
豎有以誨我亦當敬聽之已而舊習日遠新功日著自
其子簡識事未嘗見父有過所自責者類非形着每每

自明以示鑒戒一夕被盜諭子孫曰婢初告有盜吾心
止如此張燈視笥告所亡不多吾心止如此今吾心亦
止如此四明士族稱躬行有聞者以庭顯爲首象山陸
九淵爲之墓碣九淵嘗曰志墓非古而銘多溢弊故不
苟作余銘黃南豐楊慈谿二君之墓海門名謙謂無媿
辭

吳起之作禮

吳作禮字起之諸暨人開禧間有寇掠鄉民勢甚張作
禮與兄弟議爲防禦計因積薪備酒饌賊至迎勞飲食
之乃闔戶焚其廬無得脫者事聞拜保議郎

獨看

卷之九

十一

光碧堂

長興丞曹文起沂子茂冲附

曹沂字文起瑞安人父絳里稱長者遇歲艱率族衆定
里穀價十損二三以便人沂輕財好施能繼其志嘉熙
庚子歲大稔亟傾廩得積穀六百斛盡發以賑貧民族
兄弟有爭田訟久弗決者沂割已產平之晚以特科入
官終長興丞子茂冲登淳祐第通籍金閨終知定海縣
人以餘慶歸之

德清尉潘和叔景夢

潘景葵字和叔松陽人初爲德清尉邑有官民爲盜所掠景葵躬捕獲二十人法當改秩同僚畢賀景葵慨然曰是豈無誑誤者邪若以幸賞爲心則吏卒鍛鍊以成獄吾不忍爲也同僚歎服卒不赴調掛冠歸

陳光庭

陳光庭樂清人嘉熙庚子大旱歲飢死徙不可勝計光庭創東西二倉節已口腹聚穀於中令里人以物質穀不取其息春耕則納質以取穀秋歛則納穀而取質民感德之又捐田八十畝以其穀置義冢收遺骸及資貧不能婚嫁病不能醫藥者又爲歌詩十章以諷勸藏穀之家石室林一龍名其舍爲集義莊爲文記之

補香

卷之九

主

光緒堂

國子監錄事王彥古漢英

王漢英事彥古奉化人受業樓昉文行高卓登淳祐進士第魁梧爽朗朝列儒之少聘徐氏女因病鼻腐以貌醜自誓不嫁父母辭曰公盛年高科不患無良配女陋不敢以辱公漢英曰女有疾非漢英誰適既昏相敬如賓仕止國錄妻沒終身不畜婢

姚君俞獻可

姚獻可字君俞義烏人隱居郭西門風度孤寒不同於物年飢不粒食蒸菰菜茹子啖之而無鹽豉人始愛其不堪既而見久不屈稍聽向至老益自勵無妄取人遂翕然信重之葉尚書適膏訪之曳敝履出迎如舊識既病卒度不起以書造適曰我能守義不辱子宜爲我銘臨終戒其弟曰棺前止須布幘一幅置瓦鑪於案知我者當自來哭其不知者雖哭吾不對也其卓立自信如此

太學吳彥成圭

補香

卷之九

主

光緒堂

吳圭字彥成義烏人個儒好施與太學生程績從故人貸錢三十萬將葬其親爲同舍生所給俾歸受償於其兄淪約弗與圭如數代償迄不較初至京方入國門道遇鄉人士葉祖信爲太學陳生哀具棺歛圭遽曰海暑如此須泉則事緩矣立如所札付之其輕財重義類如此

汪時發大慶

弟大章附

汪大慶字時發金華人受業呂祖儉自號獨善慶元初祖儉忤權姦貶韶州大慶走送之押解者希當路旨凌

虐祖儉大度以義折之身爲調護從至貶所久乃還所以經紀其家者甚至弟大章字約叟亦從祖儉游祖儉之卒也大章距秋試纔四日舍之就道護喪以歸故人路知監卒于斬不能還葬大章走斬載其柩歸割地葬之當是時二難之義聲烈於今古

盧覓民

盧覓民東陽人存心仁厚嘗拾遺珠一裹價值不貲持歸令人於獲處俟焉少頃失珠者號泣而來詢得其實舉還之其人請割半以酬覓民曰吾豈利若物哉堅却

獨行

卷之九

手函

光緒堂

之其人泣且拜曰非公吾死矣今之生公之賜也後嬰疾幾殆忽神降於女奴言曰上帝以君還珠之德賜以壽考遂念詩告其壽數後示方服藥疾立愈卒年八十果如詩言

葉會之大同

葉大同字會之其父誕嘗從呂成公講明義理之學故其爲人重義氣言必稽古有友人死而無親將賣廬以歛大同曰吾未死已有親友已死乃無親吾縱死不至剝廬友雖死不可無廬姑以親吾者親之衆高其義共

襄其事大同兄弟三人其兄紹彭早世無嗣乃以幼子後之或謂法應三分其室大同曰嗣可三室不可三明義利也義利明則吾兄真有後矣魯齋王文憲公聞而稱之曰世有繼嗣而爭者觀此可以規死益見吳縣家庭之訓久而不泯如此

胡廉一麟

胡廉一名麒麟字德仁世居湯溪父贊楓林以客死失恃年十三奉母孀居克自樹立撫弟廉三稍長受室甫茲而庶三以疫卒慟哭幾絕弟婦遺腹五月每夜必焚香

獨行

卷之九

手函

光緒堂

告天曰吾兄弟三人季早亡仲復夭吾今有二子而仲僅有遺腹願天寧奪吾子年以益遺子永弟嗣及尊果得雄名印童不三月而弟婦病乳癰死廉一且哀且懼與妻江氏謀曰吾弟止此一子不可復得吾次子可托隣母乳而此子湏汝自乳之方保無虞又慮妻意不專計將柳木倒挿井傍隙地因詒之曰日者皆言此子命合三奇吾將試此木挿地若能生活者是兒必火吾門已而柳葉森然江氏撫育意益堅及長婚娶畢獨計寄居母家俗鄙悍非所訓子姪也乃擇青陽善地徙居之

之各授田俾畊以自食遺訓家規二十四事有出仕不可捷徑以俸進當難不可詭計以偷生之語蓋於世教有補云其子孫簪纓濟美爲湯邑稱首

特奏狀元石道叟公轍

石公轍字道叟新昌人爲人重敦義初游太學同舍生朱衷行癡疾無親黨公轍爲謁醫治療既不起家人聞計方傍徨不知所爲而公轍已扶柩在門矣時舟行冒暑目青幾失明忽夢夷行如平生曰目青奈何有爾朱先生者術如神覺而異之至京口有言爾朱先生者

轍行

卷之九

主

光緒堂

公轍因謁之得藥如芥子旦夕服之目如初登紹興二年特奏狀元後年八十手自校書燈下作蠅頭細楷人謂其報云

黃青陽叔言

黃子游字叔言其先自浦城徙奉化崇寧星變父率上封事論蔡京京怒逮付御史獄長流海島子游號訴於朝父得不死建炎初客南京歐陽徹以上書忤宰相坐弃市子游適同邸脫驂以葬且購其子以喪歸張忠獻公每對客誦言曰子游之義近世所無也忠獻謫永州

歲遣人致問守池州青陽縣縣以宋齊丘食邑田賦十倍相仍餘二百年子游奏蠲其半中歲不願仕食祠祿十五年築聽雨堂兄弟相友官其猶子竭資嫁兄之諸女卒年八十八

李嘉仲猷

李猷字嘉仲一字猷夫鄞人建炎初以婦翁沒王事自京師詣南都行在所遇友人陳東被召至舍館未定乃爲假館於大佛寺丞陳正彙少陽再上書不報有榜通衢斥附會李綱者猷知爲少陽將勸之歸而少陽已逮

猷行

卷之九

主

光緒堂

赴應天府隨戮於市猷哭且祈曰少陽以忠諫死勁節英氣當不與草木同腐吾欲收少陽歸葬莫能得少陽有靈其啓我心越一日得尸又一日得其元合而歛之方買舟東下會其鄉人胡中行從太學來欲親護喪猷服其義并以行李付之猷亦不暇詢婦翁事亟還京師豐宅之有俊

豐有俊字宅之四明人稷之四世孫也登青樓見小娼疑故人女累目之女亦悟酒罷留宿女羞姦良久口贊官人識妾否詰之果故人女豐曰某所以留者以坐間

不得問也。宜各寢。必有以處。汝媚遂退。豐與京尹有舊。明日以白尹。且曰。某僅有錢八千。從公更貸二百千。嫁之尹嘉。其義即取入府。厚奩具。擇良士嫁焉。尹即山陰王宣子佐也。朱熹同科進士第一人。

袁昇

袁昇。鄞人。初爲小吏。給事通判廳。勤謹無失。歲滿當代。不聽去。家裕於財。五旬無子。往臨安買妾。既而察知其爲四川故趙知府女也。即還其母。母泣曰。計君聘財猶未足給歸費用。且破矣。將何以酬君。昇曰。賤吏不敢。

獨行

卷之九

光緒

此願以聘財相助。知其不給。又罄橐以贈。歸告其妻。妻喜曰。君設心若是。行當有子矣。明年生子。詔官至參知政事。贈太師。越國公。曾孫楠。官至翰林侍講學士。贈參知政事。陳郡公各有傳。

陳惠卿祖

從孫雷附

陳祖。字惠卿。新昌人。少孤。事母至孝。善治生。敦睦宗黨。嫁其孤女數人。賁。負平糴。邑人德之。創義塾。延名師。以淑鄉之俊秀。凡獲膳薪水。僮僕咸具。歲費錢萬緡。弗少。怯士由以登庸者。後先不絕。祠從孫雷克繼其志。創

桂山東塾。而以祖所建名西塾。張卽之爲館賓。榜曰洞門。無鎖鑰。有客不妨來。由是遠近來學者日衆。門牆冠蓋相望。而兩塾之名聞於四方。又置義田。義役。義舍。義井。義肝。義局。以嗣鄉黨。邑人至今談陳氏事。有墮淚者。雷字震亨。世居仙桂鄉之平壺。以恩補登仕郎。凡三辟皆不就。卒祀於學宮。

陳開門柔

陳柔。平陽人。性冲約。不喜競里。人有侵其地者。族黨謂膏訟之。柔曰。諾。一日具酒食。會集議。食畢。衆請所議。柔曰。以酒食飽吏胥。何如。吾黨自樂之。尋丈地不足較也。衆愧服。人或見陵。閉門不兢。內外呼爲陳開門。

獨行

卷之九

光緒

何長者遠

何遠。永嘉人。好義。輕財。親戚朋舊貧者。賑之。死而無歸者。葬之。食客日常數十人。歲或艱厄。賁貸不倦。鄉民賴其恩惠。有訟不之官。得一言而兩憾俱釋。人稱長者。

徐正卿端臣

徐端臣。字正卿。蕭山人。幼有異稟。日記萬言。事祖父母。以孝聞。值歲飢。輒出粟平價。以濟貧乏。創社倉。飾學祠。

療病以藥。贈死以棺。義聲宣於遐邇。浙東提舉朱熹。特部至縣。特造其廬。後以子曾恩補宣義郎。卒年八十三。贈銀青榮祿大夫寧國郡公。

張教授仲淳

張仲淳秀州人。以文行知名。居鄉教授。好周人之急。務行陰德。不求人知。偶一商疾篤。授仲淳問其姓名鄉里。言訖遂斃。裝有十金。仲淳自爲具棺。歛召其子護喪。持金歸。復捐資經紀其喪事。一夕夢死者來謝曰。荷公厚德。無能結草公今生貴子矣。已而生子師中。舉進士爲

循行

卷之九

辛

光緒堂

館職終京西漕使尚書工部郎中

朱孔目承逸

朱承逸吳興人。爲本州孔目官。夜過駝駝橋。聞橋下哭聲甚哀。視之見一人携妻子。欲共投水。問之云。負勢家錢三百千。督責無以償耳。朱卽護歸。見債家悍僕群坐。朱諭之曰。以三百千使四人死於水。汝安乎。吾當代還急取券來。如數還之。其人感泣。願爲奴。不聽。後以三百千資之而去。

顧潤之德至

顧德玉字潤之。嘉興人。從寧國教授俞長儒游。長儒有道士然而無子。嘗語人曰。吾昔寢疾於杭。德玉侍湯藥。情猶父子。醫爲感動。弗受謝。今我行且老。必寄之以灰。旣而訪醫吳中。病且革。趣舟歸。德玉旣死。德玉歛於家。衰絰就位。邦人士爲德玉來吊者。德玉答拜。葬海鹽歲時享祀。唯謹。

婺州錄事方無盡永齡

方永齡字無盡。金華人。敦禮尚義。而好施。宋末兵興。歲飢。流亡載道。永齡發粟作糜以食。餓人復作棺。食以給

循行

卷之九

辛

光緒堂

殍歿之無告者。薦授婺州錄事。入元。棄官隱居孝川。徵聘不赴。惟儲藥施方。以濟患者。終其身不忘。

徐臻

徐臻温州人。父官河南。德祐元年春。臻往省。以道阻。會文天祥勤王。臻往依之。以筆札典樞密。小心精練。天祥被執。臻脫難。復來。願從天祥北行。扶持患難。備殫忠款。至隆興病歿。

潘敏脩好古

潘好古字敏脩。松陽人。博學能文。辭游成均。所交皆海

內名傳嘗值歲飢領廩以賑窮餓一日山水驟發陸地皆成巨浸好古與同處者數十人方虞墊溺惶惶莫措忽有操舟來援者好古諭舟人先濟餘人舟人曰吾德公故冒險來計不知有他好古曰濟人猶濟我也卒先餘人而後濟義問陰於一時

唐王潛珏

唐珏字玉潛山陰人家貧聚徒授經以養其母歲戊寅總江南浮屠楊璉真伽發宋諸陵攫其寶玉珏聞之不勝痛憤亟貨家具及執券行貸得百餘金乃具酒邀里

鄉行

卷之九

三 光碧堂

中少年與飲酒且酣少年起請曰君儒者若是將何爲珏慘然具以告衆謝曰諾一少年曰事露奈何珏曰余固籌之矣要當易以他骨乃具木匣絹囊各署其表曰某陵某陵分委散遣收遺骸瘞蘭亭山中樹冬青樹其上以識越七日髡徒下令哀陵骨雜置牛馬枯骸中築一塔壓之名曰鎮南杭民悲惋不忍仰視了不知陵骨之猶存也未幾髡賊被誅珏事乃稍稍傳播義聲震吳越云

泉州教授林德賜景熙

林景熙字德賜平陽人上舍釋褐歷泉州教授部架閣丙子元兵破杭河西僧楊勝吉祥從伯顏在軍中遂盡發越上宋諸帝山陵取其骨築塔於內朝舊址其餘骸并草莽中人莫敢收適景熙與同舍生鄭櫟翁在越上痛憤不能已相率爲採藥者至陵上以草囊拾而收之又聞理宗顙骨爲北軍投湖水中購漁者求之幸一網滿得乃盛以二函託言佛經葬於越山且植冬青樹識之因而爲詩曰珠亡忽震蛟龍睡軒敞寧忘犬馬情親裕寒環出幽草四山風雨鬼神驚又曰一坏自築珠丘

傳介

卷之九

三

光碧堂

士雙匣猶傳竺國經獨有春風知此意年年杜宇哭冬青冬青花詩曰冬青花花時一日腸九折隔江風雨青影空五月深山護凝雪石根雲氣龍所藏尋常蟻蟻不敢穴移來此種非人間曾識萬年觴底月蜀魄飛遠百鳥臣夜半一聲山竹裂聞而知者義之後歸鄉教授忠義之懷每形於言語文字間其文曰白石稿詩曰白石樵唱皆行於世以壽卒於家

將作監簿王才翁英孫

王英孫字才翁會稽人博通經史歷官將作監簿罷歸

值越中大飢發私廩以賑全活甚衆道上有弄孩輒收恤之又喜延致四方賢士日以賦詠爲樂若謝翱鄭櫟翁林景熙唐珏輩皆慕其義與之友所著有脩竹集元共十八人

茂林逸叟葉貫道

葉貫道瑞安人居郭陽紫華山中蚤喪父事母至孝母死廬於墓左每祭掃必痛哭嗚咽元初兵至鄉民橫罹鋒鏑暴骨野中如莽貫道哀之與子堡携笨檢拾聚而埋之表曰同歸之墓晚年高隱自適號茂林逸叟

獨行

卷之九

言

光緒堂

翰林掌書劉浚登濠

劉濠字浚登世居青田仕宋翰林掌書元初林融起兵興復融戰死元遣使至境上糾祭餘黨將盡殺之鄉豪扶仇投籍使者達無辜至萬餘人濠適往謁閱籍知狀歸悲忿不能就枕會天大雪因孫燠計具酒肉邀朝使飲晏至夜沉酣翼附小樓探袖取牘錄其巨魁二百人懷之因積薪樓下縱火延燒及樓使者脫走因出懷中二百人授之朝使馳上命下止戮如濠所錄存活無慮萬人濠生廷梃究極天文地理陰陽醫卜諸書爲太學

上舍廷梃生綸綸生基封誠意伯古云活千人者子孫必戾劉之世食其報也宜哉

水西翁呂仲脩汲子機附

呂汲字仲脩永康人少嗜學至老不輟養親必洗腆而身與妻子粗糲自甘宗人貧者月有廩年當入學者家有塾隣里以急告者責之如持左券歲歉親爲粥以食餓者所活千百計當是時大盜竊發官軍進討強起其父懋以鄉導汲身翼父行踐重山密林探其巢穴事平口不言功識者推其雅量晚益務輯晦自號水西翁子獨行

卷之九

手

光緒堂

童子丹金

童金字子丹慈谿人家素饒裕至元間以才能薦授進義副尉歲督海運秩滿扁所居曰一間築隄浚澤興水利於鄉卽先廬側築室百餘楹爲義塾割腴田四頃延師以淑來學別置田二頃代鄉隣之輸及給貧不能養死不能飲者大德中歲饑流殍相望金發積以貸全活者數千人有司奏旌其門

陳志寧

陳志寧諸暨人與弟嵩之篤手足之愛事母極孝兄以事出則弟在膝下弟或暫出則兄留未嘗同離左右總總如嬰兒嘗割田一千畝山五千餘畝造屋三百餘楹爲義庄義塾聚族里之貧者養之未知學者教之人以爲一鄉之父師事聞旌爲義門

諸暨州判官俞時中器之

俞時中字器之金華人宋季避兵山谷間叔母劉爲元兵所得欲殺之時中聞其聲挺身出曰此吾母即欲殺

獨行

卷之九

五

光緒堂

請以身代主者壯其言釋劉而挾時中北行至京師語其事公卿皆歎奇之使受學羅郎中所時羅方貴侍嘉時中才以女妻之薦入翰林纂次本草遂爲太醫令歷官監通州樂歲倉秩滿求便養得諸暨州判官以歸抵家父母暨劉已前卒乃爲位制服晨夕號痛如初喪聞者爲之流涕

方鑑

方鑑諸暨人讀書負氣自豪好脩行義嘗割田千畝收歲入以贍族之貧者建義塾禮聘名儒黃叔英項炯吳

樂華主教事以造就後學一時俊彥雲集隨至游於塾者多爲方聞之士當時永冠雖沒於腥羶而東南文明如故不至受變於夷者諸義塾之功居多

劉十三

劉十三湯溪人一女弟有容色贅胡氏邑之王萬戶夷官也偶至其家窺見之十三逆其意不良乃遣家人悉潛匿而自款待之及晚果來索其女弟不獲大怒遂以油灌十三頂而焚之曰從則我之骨肉不從則爾歸鬼錄十三大罵曰我中山劉氏豈同狗彘以從汝乎寧死耳不汝污也罵不絕口竟焚死今胡氏世祀劉氏於家廟云

獨行

卷之九

五

光緒堂

趙孟治

子由鍾附

趙孟治山陰人家世業儒尚義皇慶中捐田三頃爲學田又捐田三頃入義廩給鄉人之貧而無以婚葬者事聞有詔旌之子由鍾行義有父風丁未歲大飢設粥於道以食餓者所活數千人由鍾子宜法以進士起家

樂君道大原

孫良附

樂大原字君道定海人器度宏偉慨慷多大節居家孝

謀事繼母尤謹。燕閒無惰容。耻言人過失。大德丁未。東浙大侵。大原發巨艘。販泉南。廣東之米。平價使人就糴。遠近畢集。活者甚衆。有持舊書。易米濟飢者。輒應之。遂畜至數千卷。曰。吾子孫必有能讀是者。孫良果能讀其藏書。屬文數千言。立就時。朱陸異門。良受業程端禮。學以朱氏爲宗。洪武初。爲定海縣學教諭。以學行表。後進有遺稿五十卷。

宣子初玄

宣玄字子初。諸暨人。性端麗。而志尚修潔。與刻人

華善

卷之九

手文

華善。舜華游西州。以銀一篋寄玄家。歲餘舜華客死。玄絮酒。爇雞至其家。奠而哭之。因舉金還其子。其子初無知者。人皆服其高誼。

黃熙安純裕

黃純裕字熙安。定海人。震之五世孫也。自幼服膺祖訓。孝友純篤。言動不苟。鄉隣有鬭爭者。輒以理曉譬。莫不心服。故一鄉之民無復有訟于公庭者。當時爲之諺曰。登泰山不若登崑崙。崑崙見縣令。不若見黃君。尤精於離政。有司聞其名。吳元年。舉爲龍頭場管勾。羣灶鼓舞。稱更

生純裕公。庶仁恕綜理。周悉上資。國祿下得。實心允直。辦之法。至今賴之。

黃新

黃新諸暨人。汝楫六世孫也。性惆儻。好義。祖遺義庄。閭閻已久。新盡得購復之。以嗣族人。歲侵。鄉人持豚物來質。粟不較其值。而與之所居。當娶。越之衝。爲飲食以待。的乏者。年七十餘。盡出所質文券。約三萬緡。悉焚之。曰。吾非敢以此市義。吾生無德於鄉人。無留此以益身後之過聞者感泣。

潘生

卷之九

手文

潘生富陽人。世業農。幼喪父。獨與兩弟奉母居。間出與人執填。覺治筐篋。又爲善工。大德間。江南大飢。道殣相望。自度無所得食。曰。吾終無以給母。則母子俱死等死耳。盍若用吾強壯。少延母。且夕命乎。卽以母屬兩弟。自備回鶻人。乃告母曰。兒當傭錢。唐數月。得錢米活家。且自活。母勿憂。既回。鶻人轉賣遼東。大家遣代。成古北口。會有詔。江淮子女流徙者衆。禁人毋得轉掠。饑民使悉還鄉土。遂得從遼東還。道一女。鬚尾行。問之曰。淮產也。

昨因飢父母棄我轉徙數家今主家遣我歸君南人能
挾我同歸乎即相與操瓢道乞夜泊茅葦中雖顛沛流
離親昵日久曾無一語及亂渡淮曰我家通州今近矣
君盍送我到庄乎女上堂見父母父母攬涕起相抱持
詰門外同來者女具以對父母感其義引生更衣具酒
張樂酒半執觥曉曰吾女幸完骨肉歸見鄉里免罹霜
露盜賊君力也今吾女尚處子君誼聲暴淮楚間且君
去家父母不知存亡歲下薦饑鄉閭必離析廬舍必墟
莽雖有兄弟亦恐不能自存活吾家尚薄有園田給餐

獨術

卷之九

早

光緒堂

附吾女實君箕帚妾也君必無歸生則毅然謝曰吾何
敢以若女爲利哉吾雖賤不讀書且義不敢取况吾母
固衰耄度尚可活萬一母死兩弟或有一存今遂不歸
是吾速死吾母也吾又何忍即安此土乎遂告歸母死
者蓋三載兩弟亦死生追制服復食其故技於鄉以終
陳成甫紹

陳紹字成甫慈溪人家饒於貲而性尚澹泊粗衣糲食
惟以行義爲急遇隣里喪不能舉者葬之死不能飲者
容其衣棺貧不能自存者賑以粟里有金生者貧而自

守紹敬而憐之密於暮夜持金錢投其家時邑海關官
舍令富德庸嘗主其家紹告以撫字當急瘠民肥已君
子弗爲令終任一介不取及代歸囊蕭然適長女死
紹爲之飲且出所積以助其裝邑饑發困以貸而全活
者衆一時皆稱爲篤行長者

孫泰然宣

孫宣字泰然嘉興人有俠氣兄弟析居並以義讓元李
苗兵將屠邑境宣獨叩軍門請以身貸弊嚴義正主帥
壯之竟釋城不屠當是時以七尺觸鋒刃寧有幾幸哉
義之所動凶威頓戢卒之身與城俱全者則天之陰陽
善人也昔外黃兒以辭說不以身乞千古猶爲美談若
宣者真義烈古人矣

獨術

卷之九

早

光緒堂

劉韶父大音

子剛附

劉大音字韶父義烏人蚤孤事母孝唯恐弗及弟普繼
於別宗推母之愛愛之無少靳性沉靜寡默才識夙絕
人多嗜腴田營營求穫大音曾不舉目睨之世咸以爲
病音曰吾將利吾胤耳子奈何欲陷之邪未幾多田夫
荷械走冰霜中始歎服其識族人瀕死子方乳以紫券

泣授大音曰非君仁恩不足以保此子卒藏券筒候其
子長召而觴之枚數以還其焚券周急拯難嫁不
而足歲祿羣盜起至相戒不敢入其里宋太史銘其墓
稱爲古之吉士云子剛克苦攻學從宋太史游雅爲蘓
伯衡方孝儒所推許以文名於世

吳長卿宗元

吳宗元字長卿諸暨人輕財尚義歷叙古今孝弟忠信
之人爲七言古體以訓迪後人元季兵興避地者多依
之周給一無所吝歿之日議不識皆歎曰義士死矣奔

獨行

卷之九

四王 光緒堂

哭墓下者數百人太史宋景濂志其墓

兩浙名賢錄卷十目次

獨行

明

鄭好義士利

樵雲王尹威範

御史余公文郁

梅景和熙

殷原善兄近仁附

海州同知許國器懋

宋味古

劉閱畊均美婿張景附

汪慶衍灌

阿寄

王叔豐餘

周彥華子輝妻俞氏子孟曉附

獨行目次

卷之十

一 光緒堂

翰林檢討秦性初初

吉安通判吳源潔潭

陸賢良宗秀子珪獄瑜瑾附

錢清舟人丁能

袁仲仁大珍

包侍郎懷德

陸國平平

教諭戴育之櫟

高叔胥宗浙吳潤周端附

古直王仁輔佐

聞廷寶璋子元璧附

劉敬先儼

奉化王汝林

尚義仇必顯

楊允恭欽

刑部主事何瞻

李貴

劉景饒厚

徐蒙六

孝廉張朝貢

夏叔恢

解元盧中夫楷

陸本深源

俞統

古人趙廷時元銘

夏世康安

教授周良佐相

周舜龍廷澤

子稔初祚釋附

張守度尺

鄭飲賓修

徐望之文彪

二子徐子元周禮附

夏雷

子日葵附

周繼實夢秀

給諫周孟登崑

陸忠順美

鎮江通判陶公重廷錦

獨行目錄

卷之十

光碧堂

施濟

成義士器

龍江驛丞杜守經常

庖人吳三五

文學吳子匡元良

趙宗良祖驕

兩浙名賢錄卷十目次終

兩浙名賢錄卷之十

東海徐象梅仲和氏譔

當湖陸濬原嗣哲氏閱

獨行

明共六十三人

鄭好義士利

鄭士利字好義寧海人嘗爲縣諸生其兄士原以薦爲河南懷慶府同知遷湖廣按察司僉事利因告于師去侍其兄游學有名洪武九年天下考校錢穀策書空印

獨行

卷之十

光碧堂

事起凡主印吏及署字有名者皆逮繫御史獄凡數百人士利兄亦以河南時空印繫獄中天子方怒空印事以爲欺罔行省言臣二十餘輩守令署印者皆欲置之死佐貳以下榜一百免死爲軍遠方丞相大夫皆知空印者無他罪可怒莫敢諫士利獨歎曰上不知以爲空印大罪誠得人言之上聖明寧有不悟懷欲言之適星變求言士利曰可矣從而讀詔有假公言私者罪之久之士利曰吾所欲言者爲天子殺無罪爲可痛耳吾兄非主印者固當出需吾兄杖出乃言言吾死

不恨其兄免死出士利乃爲書數千言言數事而於空印事最詳其意以爲誠欲深罪空印者恐奸吏得挾空印紙爲文移以虐民耳臣以爲文移必完印乃可今考校策書合兩縫印非一印一紙之比縱得之亦不足印况不可得乎且錢穀之數府必合於省省必合於戶部其數誠不可懸斷預決必至戶部而後定省府遠者手戶部六七千里近者三四千里待策書既成而後用印則往來之難非期年不可至故必先用印而後書此權宜之務所從來遠矣何足深罪且國家諸法必明示之

循行

卷之十

二

光緒堂

天下而後罪犯法者以其不可而故犯之也自立國以至於今未嘗有空印之律有司丞相不知其罪今一旦捕而誅之則何以使受誅者甘心而無詞乎朝廷求賢士而置之庶位得之甚難位至於郡守者皆數十年所成就通達廉明之士非如草菅然可刈而復生也陛下奈何以不足罪之罪而壞足用之才乎臣竊爲陛下痛惜之其書既成欲上者數矣而未決每歸還於則杜門俯首而泣泣數日其兄子侍行者疑而問之曰何所苦乎士利曰吾有所自苦耳君以爲天子怒必受

禍然殺我活餘人我更何恨遂持書詣丞相府士利短小容貌如常人見丞相禮頗倨丞相問何書士利曰吾將爲天子言之丞相何問也丞相因問御史大夫入奏上覽書大怒詔丞相大夫雜問誰教若爲必有主謀者士利笑曰願吾書可用與否何如耳且吾業旣爲國家言事自分受禍人誰爲我謀乎舜卒不屈然猶輸作終身而竟殺空印者

樵雲王尹成毓

循行

卷之十

三

光緒堂

王毓字尹成世居永嘉之華蓋鄉英橋里俱有隱德以壽考終而俱傳至毓乃遂有七子毓性孝友而急行義少侍其父珍謹甚恒韋講而治養膳旣成則衣冠而薦之間小失父意長跪謝過非命之起不起也毓善耕以其美規爲子母之息宛轉依歲恒不乏七子者環瑤瑛璩璿璵毓先後爲起甲第相望毓又好施予以軀赴人之急比隣火數十百家皆燼毓捐廩而予之俾稱力自取給其他孤寡毋論疎戚以指計衣食毓若庫吏也七子之子二十八日堤坦墅壯在壘墩境封佳埠坡塔厓基壇壘均壑堪陸墳塔填壘垣壘墳二十八子之

子九十四而始有以詩書之業起者。雖然用子孫顯。封右通政。鉅南雄教授。贈大理少卿某。訓導錫九十八子之子二百六子而益顯。曰大理寺丞清左。參議。瀛國子祭酒。激鴻臚序班良慶。鴻臚署丞叔。慈安察副使叔。果叔。果余事贈太僕少卿德光。祿署丞叔本三百五十子之子四百九十而為鄉進士。燾如珪光。蘊錦衣。千戶如璧其顯出者且未艾也。英橋曰多山其初歸何不可道。灌莽相屬。自毓為七第而各以其力自開。數里之內鱗次櫛比。成大都。初毓之既葬父珍也。忍不能去。廬於旁。扁曰樵雲。性喜吟多。與其社中人唱和。社中人亦遂呼之曰樵雲公。會州王世貞為之傳。

御史余公文郁

余郁字公文。淳安人。洪武初以薦辟入朝。賦天馬詩。拜。授陝西道御史。以清謹聞。尋坐事謫。變門時太史宋濂卒於蜀。葬無定冢。郁結廬其上。守護唯謹。後有鄭楷者。濂弟子也。為蜀藩長史。過變。郁泣而囑之曰。吾為若師守墓三十餘年。今子來有託矣。啓諸獻王。改卜成都。夔人高其誼。立祠祀之。至今不絕。

梅景和熙

梅熙字景和。通經有學。行少受業於番陽朱公遷。別餘二十年。千里聞訃。熙至番陽。為服心喪。時人義之。洪武初舉博學明經。撫安永軍民卒於官。

殷原善 兄近仁附

殷原善。嘉興人。與兄近仁。友愛無間。洪武初。近仁舉孝弟。知平遙縣。所著蒞政戒銘二十四篇。授廣西參政。與妻皆卒。官所遺三男一女。咸幼。原善遂不娶。撫諸孤如已出。親友諷之娶。原善泣曰。兄嫂不幸。皆蚤世。避孤累。累使我娶而不賢。則諸孤將安託哉。且娶者以為後也。諸孤當有為。吾後者娶復何益。終不復娶。撫教婚嫁。皆得其所。鄉邦稱義焉。

海州同知許國器懋

許懋字國器。海寧人。生而不凡。器度豁如。應物酬酢。必依長厚。元季歲歉。發家儲賑貸。復以萬戶長督海運。抵大都。授杭州路治中。不就。時紅巾賊起。懋倡子弟之義。勇戰却之事。聞復授以前職。懋堅執。雅操終辟不就。明興求賢。邑以懋應。詔授承事郎。海州同知。在官六載。

以續者

宋味古

宋味古會稽之宋家店人也少讀書知大義長而能諱隱居不仕當建文遜位時味古每於夜深疊卓從星月下北向以祭祭畢且痛哭如是者月餘爲警家所告遂逮捕其子某請代味古乃得釋人謂忠臣孝子萃於一門

劉閱畊均美

婿張璟附

劉均美號閱畊世以醫名均美讀書通大義性孝友異

編布

卷之十

六

光碧堂

母弟勝生三歲父病且革顧均美指勝有所囑而不能言均美泣曰大人寬心他日當如大人意父肯首始瞑目均美爲教養長有立娶妻至生子盡以父屋產讓勝而自構屋北郭甘泉里以居洪武間以閭右實京師居織錦坊仍以醫行喜居善藥售不二價又喜施病而貧者故四方持重價走均美市藥者日無筭而貧無錢走丐者亦無筭均美旦起視丐先之而始次第及市者其言曰罔俾丐藥者自嫌不來也均美既喜從上大夫游士大夫亦多均美之義一時知名若翰林解士特爲

著正心堂記楊士奇諸公亦皆有詩歌贈遺郡人計助

遊太學貧無以自給均美舍之家助死爲殯飲歸其棺以葬暮年術益精活人益多譽益遠九十卒子用賓孝友世其家孫琮性孤潔不妄交接工詩琮子莊鄉貢進士早亡均美婿張璟天性善淳家富累萬金悉以讓其兄不留一錢自私父臨歿語之曰爲汝埋黃金首飾白金三千餘兩土中他日可取爲用也後兄蕩廢變賣不堪環特告兄埋金處盡奉之一無所取鄉邦稱爲善人

編布

卷之十

七

光碧堂

汪慶衍灌

汪灌字慶衍婺金華西山里人也爲人廉直能急人患難人有故叩之卽風雨寒暑不避也鄉里大事官皆倚之以辦一日念徭役不均而訟訐滋起也聚其鄉人謀之曰鄉之人非吾父兄則吾屬子弟也顧瞻恩圯義而聞於後者獨憚追胥科繇騷屑之擾焉耳請率里正一歲所湏錢長短相覆亡蕪費三十萬吾鄉戶各自實其資爲三等定著之差次於籍而衆寡金以昇當役者役之先後視戶籍金之多寡視等則異時戶有升降則告

於衆而進退之如是則名雖直役者聽事而實皆仰給於衆也公無廢事而私可無敗家尚何憚乎願與父兄商之衆翕然稱善即日立約束無敢違者既又以哀金之難也衆割田百畝爲之約成登其書於縣而各藏其副於家竣於役而返則會衆擊豕醺酒舊里正以田授新里正成禮而退於是一鄉之役訟遂絕行三十年矣太守吳公大善之延灌等及他父老與爲禮而志其鄉以風歲惡饑民羣起爲寇攘以抹死守召灌爲畫欲調兵灌曰無以爲也此直丐升斗抹死耳下片符可致何俟兵乎脫兵出則梃而搏矣守乃悟然猶遣巡檢與俱灌止巡檢於家飲食之獨以數十輩持符逮至莫不畢集吏覲功悉諭以死灌詣府伏庭下不起曰是曹束手隨檄來未嘗扞法也今以逆論之後復無凶歲乎且灌實召之灌不忍民聽灌就逮而死也守感悟亟解散其獄特黥者二人而已其著信如此

阿寄

阿寄者淳安徐氏僕也徐氏昆弟別產而居伯得一馬仲得一牛季寡婦得阿寄阿寄年五十餘矣寡婦泣曰

蜀奇

卷之十

光碧堂

蜀奇

卷之十

光碧堂

馬則乘牛則耕踰踰老僕乃費我慕羹阿寄歎曰嘻主謂我力不若牛馬耶迺畫策營生示可用狀寡婦悉簪珥之屬得銀十二兩昇寄則入山販漆其年而三其息謂寡婦曰主無憂富可立致矣歷二十年致產數萬金爲寡婦嫁三女婚兩郎齋聘皆千金又延師教兩郎既輸果爲太學生而寡婦則阜然財雄一邑矣頃之阿寄病且死謂寡婦曰老奴馬牛之報盡矣出枕中二楮則家計巨細悉均分之曰以此遺兩郎可世守也言訖而終徐氏諸孫或疑寄私蓄者竊啓其篋無寸絲粒粟之儲焉一媼一兒僅蔽緼掩體而已田汝成曰阿寄事予益聞之俞鳴和云夫臣之於君也有爵祿之榮子之於父也有骨肉之愛然垂纓曳綬者或不諱爲盜臣五都之豪爲父行賈匿良獻苦否則德色也阿寄村鄙之民非素聞詩禮之風心激寵榮之慕也迺肯畢心殫力斃而後已嗚呼不可及已嗚和又曰阿寄老矣見徐氏之族雖幼必拜騎而遇諸途必控勒將數百武以爲常見主母不睨視女使雖幼非傳言不離立也若然則縉紳讀書明禮義者何以加諸以此奉君親雖謂之大忠

純孝可也

王叔豐稔

王稔字叔豐義烏人學士稔之孫國子博士紳之子也自幼潛心勉學博覽羣書受業於方孝儒以文行重於士林及孝儒被刑狼籍人莫敢收稔與鄭恂潛至聚寶門外求其骸骨以歸坐逮繫獄文皇念偉忠特宥之且用稔稔疾終其身讀書青巖山下稔與童景庸書言痛念遜志名蹟日就湮沒欲執事與令兄商確搜輯其學行幽潛生卒始末爲家傳行狀以傳同志有愛慕之心者自能默識而謹藏之矣稔遂輯方氏遺文爲疾城集後百年始傳

周彥華子輝

妻俞氏子孟曉附

周子輝字彥華遂昌之西隅人也弟子忠永樂初被誣以死罪連坐妻子子輝謂其妻俞曰吾弟既死雖有二子尚幼未能保其必嗣也若長姪與母俱就死吾忍吾弟弗嗣乎妻曰然則奈何盍以吾次子孟曉代之子輝曰是吾意也即召孟曉泣而語之故孟曉慨然請行時年纔十四耳臨刑顏色不變人以爲尤難子輝與妻愛

其二子若已生訓之成立後以已置產業均分子姪鄉人義之以爲今之伯道云

翰林檢討秦性初初

秦初字性初山陰人卓有行誼居太學時同舍生以使命出妻死無主初爲之經紀喪事甚周有金安者除後山衛經歷當之任貧無以治裝初解所乘驢資遣之徒以歸永樂中舉進士官翰林檢討

吉安通判吳源潔潭

吳潭字源潔處之遂昌人也少爲諸生以仁厚稱嘗出

獨行

卷之十

十

光緒堂

行道上一見一人號泣赴水潭詰其故曰縣官徵稅急無以償適鬻產得金將以輸官因醉道遺覺而覓之不待也夫鬻產以逭罰也失金無輸則公私益困矣不死何待潭力止之因給曰拾金者我也而第隨我歸舉以授子耳何死爲其人收涕謝遂隨潭歸潭止之堂上飲食之急令人驚家具如其數以償失金者得不死未幾領北關鄉薦授理常德終吉安通判所在以治績聞

陸賢良宗秀

子珪職翰林附

陸宗秀平湖人宋樞密副使旋吉之九世孫也爲人敦

樣有至行。永樂甲辰，應賢良詔，徵至京。仁廟新御

極，宗秀方巾布袍引見。上異其禮貌，從容命進。晨前

問曰：「如何則天下太平？」宗秀叩頭對曰：「皇帝親賢納

善，大臣秉公持正，自然太平。」上悅，曰：「好言語。」公卿在

列者皆悚然。既罷出，太學士黃淮以鄉人揖宗秀與語，

又問先生何字，對曰：「小民名實字宗秀，鄉里謬以字稱。

今既上聞，謹易字爲名，別無字也。」淮歎曰：「先生一言

一動，皆合禮。」留京邸數日，以疾辭，賜寶鈔銀幣還。正統

五年，歲飢，宗秀傾家廩助賑，事聞，賜勅褒獎，表其門曰：

獨行

卷之十

五

光緒堂

尚義子珪字廷玉，景泰六年飢疫，明年飢益甚，珪與弟

璣瑜瑾共出穀五千餘斛以賑，有司上其事，詔授珪迪

功郎，兄弟四人皆賜宴光祿。珪以德義著於鄉，鄉人有

不平事，皆就之取直，不至官府。邑初建學，珪與沈氏共

任之，落成令酌酒祝曰：「願爾兩家世世衣冠弗絕也。」其

後陸之孫淞、沈之孫瑋俱發解。

錢清舟人丁能

丁能，山陰錢清舟人也。嘗夜載衆賈至東關，詰朝衆散，

去遺銀一囊，能艤舟候買還而返之，久不至，携歸明日。

將復往，婦阻之曰：「而終歲往來風波中，不過得數金，猶

無以糊其口。今安坐而得此，吾夫婦足以衣食半世。此

殆天賜也。」顧安所得遺金者而還之，能曰：「吾寧逃富邪？」

顧物各有分，彼辛苦營之而卒然失去，獨且喪身，吾何

安終往？候得金主感謝，欲酬以半，堅拒不受。

袁仲仁大珍

袁大珍字仲仁，金華人也。居家以孝友聞，從兄大通客

死，永嘉大珍親走數百里持喪歸葬。寡嫂無子，如母養

之終。其身友人張彥修以滇司經歷致仕居家，一旦夫

獨行

卷之十

十三

光緒堂

婦俱爲仇家所殺，盡掠其財。一女銀奴甫生，大珍聞變

往哭之，慟抱其女歸，付妻撫之。如已女，卽具二樽飲其

夫婦，合窆之。日夜爲蹤跡，其賊盡獲之，付於法。當是時

大珍之義聲動天地，郡俗民死無葬地者，多焚屍沉其

骨於河。大珍憫之，負郭有沃地，若干畝，價值五千餘緡，

輒捐之爲義冢。復出已帑，架石梁造渡舟，以便行者。民

之免於徒涉，大珍力也。大珍爲人慨慷臨事重然諾，不

苟取與，每讀書遇古忠義事輒飲，狂人之且曰爲士當

如是，尤好交納士友鄉里咸加敬愛。稱義士云。

包侍郎懷德

包懷德蘭谿人方其爲諸生時與同邑胡生文善同廩研書旣而懷德貴以侍郎在位而文善亦以進士出身爲主事居京邸文善病革懷德往訣文善泣語曰吾無子止一女見託能爲終始乎懷德投淚應之曰諾旣而文善與妻相繼卒懷德抱其女歸囑妻育之如已女未幾懷德致政歸而其女之齒長矣擇婿得祝生將字之懷德與文善居相去幾二十里文善雖死而故居尚存懷德先事令人分其室爲三夫婦引其女抵文善居已

補行

卷之十

古

光碧堂

處左楹妻與女處右楹虛其中設文善夫妻神位至日備祭筵爲文以聘嫁告命女拜已復拜其婦懷德長號痛哭然後行婚禮遣嫁之奩具皆備焉當時稱友誼之篤不以死生易心者無不稱包侍郎云

陸國平平

陸平字國平世居海鹽事父母盡孝事伯父如父悉讓歸先業起徒手以財雄平生好施處事有斷里有訟者爭就質言出而解洪熙改元歲大歉民食草木平盡免所貸錢穀作粥以食老弱餓者多全活正統壬戌至景

泰乙亥屢飢前後入粟五千餘石麥八百斛佐有司賑濟詔旌爲義民表其宅入京謝恩賜宴光祿寺授教官先是嘗因事被誣繫獄凡三載連逮者多死平竟得白以躋榮壽人以爲行義之報

教諭戴育之價

戴楨字育之鄞人鞏昌太守浩之子也浩歸自鞏昌先世田廬外無一長物晚值鬱攸僅存一小樓楨市宅郡城迎二親以養旦夕起居聲色怡悅每出人扶掖左右歲時資束修營致甘旨至歿猶孺慕終身語及輒泣下

補行

卷之十

十五

光碧堂

與庶兄析產舉其優者遜之弟補府掾鬻已田以償所輸女兄子負官錢逮治峻急力助之護免諸甥家中落經營周恤逾毫弗替賑窮調乏雖踈賤恒恐不盡爲博士弟子員授興化府學訓導以身爲教廉其貧者賑之士翕然歸心尋陞連城教諭卽自表免就子鼇封旣歸足不跡公府縉紳耆英之會間一赴之里間過從布衣徒步以一僮自隨至大臺益抑抑畏飲對客必自名卽家居未嘗中席而坐食不重味衣華綺者輒不御尤好稱人善而匿其過一日家人被盜還者庶得之價惶遽

縱遺且舉所盜物畀之曰吾知若貧毋恐也鄉人謂曰而浮其直或以爲言。憤曰彼失其業忍與較錙銖乎每恕已量人非義之獲一毫弗覲也。自少至老無謾語無情容中心澹然寡於嗜欲。閉樓危坐終日讀書賦詩有茂軒稿若干卷藏於家。子鼂已未進士官終潯甸府知府。鯨癸未進士仕至福建叅議。鯨丁丑進士歷官巡撫四川都御史。別有傳。鯨乙未進士以水部主事治徐州。洪政績章著而恤災救患尤所孳孳。上會試一同舟者得厲疾諸人各弃去。鯨獨周旋其間湯藥飲食靡不盡力。太僕少卿徐侃道徐暴殂出已資爲治歛事其赴人之急皆此類也。高才早世人共惜之。

高叔胥宗浙 吳淵周端附

高宗浙字叔胥山陰人讀書好禮積而能散嘗捐山七十畝爲義阡給槨以葬貧者里有衣纓之齋盜其牛或以其人告輒諱而隱之不忍污其世。正統庚申歲大飢糴傍郡米七百斛歸給鄉人全活甚衆。明年飢又出私廩助公貸後二年又飢亦如之時同邑吳淵周端竝出粟千石助賑有司上其事詔遣行人謬恂資勸旌之三

氏子孫至今繁衍昌大爲山陰世家

古直王仁輔佐

王佐字仁輔後去車爲甫台之黃巖人博學工詩漫漶京師有鄉人坐事者佐候諸官官併捕候者詢其孥甚急佐甘拷掠卒不言所在入刑部獄獨暴立烈日中不與衆囚伍。李主事廷美奇之檢其衣中得柯學士所贈詩問之曰爾能詩耶使賦日影詩成縱之歸長揖出獄獄吏皆大笑然佐亦自是得名。旅食三十年無僮僕不置金甌有竹籠五六惟詩畫數百幅中貯壺酒出飲一再勺已復鑄之以出。尤工字學嘗作草書值掾吏至擲筆曰遽敗吾興羣吏欲毆之或俾自爲計佐曰吾固當毆毆則吾名益彰一日遇諸塗竟被毆獨袖手承之以歸亦不屑意也。或勸使仕大言曰我果爲爵祿圖邪盍科舉乎則答曰安得以少年處我嘗在酒所歎曰此亦功名事業也沈按察仲律嘗值佐詢其邑里名跡不置佐曰不須問大抵奇怪人耳。李學士東陽爲作傳稱古直有曰周官稱四民珎固表人物列九流魏晉以來中正第九品予雅知古直然不能目其爲何如人也作王

獨行 卷之十 七 光緒堂

再勺已復鑄之以出尤工字學嘗作草書值掾吏至擲筆曰遽敗吾興羣吏欲毆之或俾自爲計佐曰吾固當毆毆則吾名益彰一日遇諸塗竟被毆獨袖手承之以歸亦不屑意也。或勸使仕大言曰我果爲爵祿圖邪盍科舉乎則答曰安得以少年處我嘗在酒所歎曰此亦功名事業也沈按察仲律嘗值佐詢其邑里名跡不置佐曰不須問大抵奇怪人耳。李學士東陽爲作傳稱古直有曰周官稱四民珎固表人物列九流魏晉以來中正第九品予雅知古直然不能目其爲何如人也作王

古直傳

聞廷實璋 子元璧附

聞璋字廷實郵人也父可信敦樸善良與物無競時稱長者璋世其德益寬大坦夷待人以誠家素豐於財人貸輒應或不營輒不責其償已而復貸輒復應之或告其過則曰彼誠厄於乏耳今餓且死忍勿賑之乎或以產售酬之率倍其直入市買物必以嘉穀卽弗嘉必鼓策播精乃已以甲戶應里役所隸戶或貧弗及時輸輒代之而徐使償焉卽弗償弗較也里有爭訟求平率以爲行

卷之十 光碧堂

誠欸譬曉莫不帖帖去隣有蒲遲者故備也盜其禾羣備搜得之欲詰官告除盜璋私於子曰數斛穀乃足盡人命耶遂諭還而遣之還卒感悔不復盜居家孝友恭儉內外雍俞處族衆尤謙謙執禮尊長或督過輒長忌諱罪必得解乃已間里慕之謂州里篤行君子也子元璧仁孝好施有父風然侃侃不阿濶度而高朗孤弱者多倚以爲植竟不壽子淵舉進士仕至太子太保吏部尚書自有傳璋元璧皆累贈如淵官

劉敬先儼

劉儼字敬先其先真定人父貞官海鹽學訓遂家於汝林儼傳學善詩文有古行娶雙螯終身敬愛如賓家貧授經門人有貧者恒却其贄而周之累友人沈德常死無所歸儼惟有田三畝鬻以葬之後雖屢空不悔也其詩豪邁與奇不凡嘗賦久雨詩有云百年海內無奇士六月山中尚夾衣其奇慨深矣遺稿若干卷董從吾溧爲之序而梓之

奉化王汝林

王汝林奉化連山人性倜儻好施凡貧病遇門者接之不厭遠近慕其名陸司寇瑜時爲邑庠生貧不自存往詣林而兩人素昧平生林時浴於溪陸以謁告遽起而入攝衣延之上坐盛爲之禮次日林卽遣人濟陸之家然不以告也比留連旬日陸乃自言其情曰竊慕公子高義幸而欸我其如家累何則出陸家謝啓示之陸起拜曰不虞君之恩我深矣辭之歸明日林乃張盛具觴而送之凡寒暑之衣畢備且贈之白金陸辭勿得陸貴不相聞者久之及陸以刑部尚書致仕還謁郡守李行見藉諸人於壁汝林與焉陸問此壁間之人善邪惡邪

補行

卷之十

光碧堂

以爲惡則善人在焉以爲善又何善之多邪李曰否此皆積惡吾欲置之死耳陸曰餘人吾弗知若王汝林者豈非奉化人邪李曰然然則公誤矣因備道其善狀而汝林弗之知也蓋於時台有解盜者汝林遇諸塗曰盍搃殺之盜聞而憾之誣爲窩主李卒釋而弗問竟亦不爲謝

尚義仇必顯

仇必顯海寧衛右所人也兄弟四人長武昂仲必達季弟必侃痛父早亡乃同居爨輪掌家政四人者晚或聞

獨行

卷之十

辛

光碧堂

室人言明發必白之無蓄疑以故久無問言人名其堂曰和樂堂必顯嘗往嘉禾至尚胥見芋骸橫于路寄聲必達施之棺歸尚未飲乃問之必達必達曰恐人疑之曰吾實憐憫何妨也卽買棺殮之遂謂必達曰自此施五百棺以濟死五百絮襖以濟寒沿塘鑿井五十以濟渴數必五者一爲父母四分之弟兄正統四年夏四月百戶杜忠率衛卒乘戰艦禦倭沈家門遇颶風覆之漂依窮島七日不食乃出粟五十石募漁筏救之得生者七十二人羅拜於門求償其直不許嘉禾李旻作尚義

記以表之

楊允恭欽

楊允恭名欽以字行鄞人也先治舉子業累試不第遂弃去居家以義烈聞嘗憫鄉人湖田重稅之苦醫產走京師上書闕下具陳湖民重困逃亡之由援慈谿花嶼湖田全折之例累疏不下瀕死者數迄不爲止卒得請行省勘覆議如所奏而督儲使者牽制之詭行而止允恭復三上其情并論牽制之弊一時姦胥狡吏雖抵於法而時方多故有司內懷疑懼莫敢先發太守林富力主其議曰上不失朝廷唯正之供下可以舒湖民偏重之困上下帖然無或異議竟得全折如花嶼湖例民困始紓懼若更生湖民感林之德食楊之惠請於官立祠祀富而以允恭配食焉祠名曰懷惠志報也

刑部主事何瞻

何瞻鄞人正統間與同邑胡純同升國學純病疫寢內舍鄉里姻舊皆避去無一人問者瞻晝夜視其僕饘粥煮藥七日而候不應瞻憂之解衣與竝枕抱卧得汗疹瞻亦無恙瞻與純後先成進士純每語人曰今日以往

獨行

卷之十

壬

光碧堂

皆何兄所生之年也。其恩與父等。故終身事。瞻如事父。

李貴

李貴比直隸金吾衛李得弟也。正統間得死子勝立甫五歲。調定海衛。貴越數千里。襁負之。而至人或說之曰。君盍自爲計。萬戶侯非孺子有也。貴輒罵曰。人而獸耶。孺子可死。吾心可死。耶卒保護之。惟謹。及襲爵輔以政事。且數數戒之曰。君父不可負也。卒用成立。人咸服其義。

劉景儀風

補行

卷之十

三

光碧堂

劉鳳字景儀。先裔大梁。曾祖恂。仕元爲海鹽路學諭。因家鹽之陶涇。鳳慷慨好奇。略舉丈夫子九人。因大啓家塾。延名師以教諸子。及鄉之俊秀。鳳祖墓在城北近海塘。每往墓所。見海寧衛官將衆軍乘戰船。哨沈家門防倭。遇颶風。率多覆沒者。每更番哭聲振地。鳳憫之。具疏上奏。略曰。海東遼遠。防彼失此。枉喪生靈。無益請罷之。立沿海堡戍。便部下其議。責居民能保百年無事否。鳳乃椎牛釀酒大會里中賢豪曰。吾願以一家衆口保護。有事請伏辜。咸曰諾。遂覆奏。准罷沈家門之役。去船立。

堡增戍以防此。正統間事也。迄今幾百六十年。歲免生。命數十百人。其陰功何可量也。鳳卒。以子泰貴封御史。而孫琦與曾元諸孫若木。煊皆繼相成進士。稱世家則冥冥之中。所以報鳳者。亦不薄矣。孰謂天道無知耶。

徐蒙六

徐蒙六永康人。正統十四年。括寇掠境。居民多逃竄。城邑俱遭兵燹。先是縣收鹽課銀數百兩。付蒙六傾銷。未交官。而寇至。蒙六以棺貯埋土中。而逃。人無知者。後寇退。官將重徵於民。蒙六索其銀。以獻曰。銀故在。勿徵也。

補行

卷之十

三

光碧堂

官大異之。顧而歎曰。此善人也。其後必昌。子孫果多。盛云。

孝廉張朝貢瑤

張瑤字朝貢。嘉興人。舉鄉薦。性孝友。其妻以疾不悅於姑。姑命出之。瑤心知其無罪。令歸依母氏。終身不娶。與兄同孝。養內外無間。言屢上春官。不第。遂隱居杜門。衣食不給。恬如也。郡守徐盈高其誼。屢枉過。諮論政事。瑤未嘗干以私。卒無以飲。盈爲具禮葬之。

夏叔恢

夏叔恢嶮人天順初客越城中飲於酒肆時傍坐客被酒忘其囊去恢獲囊視之約五十金疾追其人弗及明日仍俟於其處失金者號泣而來遂挈以畀之觀者莫不歎賞久之恢參一老人抱一兒與之既而得子雷領鄉薦

解元盧中夫楷

盧楷字中夫東陽人自幼英敏天順壬午以春秋中浙江鄉試第一入太學時祭酒邢讓陳鑑司業張業以典簿侵餼錢抵罪楷方歷事中書奮欲抹之或曰無益且

卷之十

光緒

楷素何楷曰師生猶父子也父既溺子可懼罪而不就呼以抹之乎遂率同舍百餘人伏闕上書卒白三人之枉公卿間高其義以方唐之何蕃云卒年三十四有才而行而用不究命也夫所著有可齊集若干卷藏於家

陸本源

陸源字本源自嘉禾徙居海鹽家貧年十二備書給養遂工書弱冠贅于劉劉亦貧執爨楊前力耕稼勤貿易遂累貲萬金腴田千畝然布衣蔬食如貧時性孝友父

俞統

卷之十

光緒

俞統永康人成化十九年大水統之室廬妻子悉沒於洪流中栖栖無止子然一身先是有商人市苧者寓數十金於統家而去及是聞變號哭而來統曰無庸爾爲也家雖破銀幸埋土中尚無恙遂發其藏而還之封識宛然人服其誼

古人趙廷時元紹

趙元紹字廷時天台人少讀書務踐履不事章句孝弟

媚睦之行一無可媿而尤重内外之別嘗寓武林館人女恃其姿夜奔之銘卽拂衣起去之家貧而好賑乏節衣食以務施無倦色祖墓茂植松柏爲惡隣砍伐幾盡或語邑大夫欲繩以法銘以詩謝曰千載白雲長自在十年之計等浮漚將嫁女買琴詞是良家子卽擇配先以女奩贈嫁之先後邑大夫重其行皆躬拜其門歎曰忍難忍事順不順人其羣鳥之鳳羣獸之麟乎袁今有詩曰茅屋山中老和雲日採薇縣官強一見雲氣尚沾衣李文正東陽嘗以扇書詩寄曰京國由來不記春採

獨行

卷之十

主

先開堂

芝人遼夢應頻天門拾得青鸞尾寄與山齋掃白雲居恒手不去書每夜半思所讀書中意肯輒起持書坐追曉有所得欣然忘寢食人以銘行不媿古人皆以趙古人稱之年九十餘無疾而逝人或以爲仙云

夏世康安

夏安字世康海鹽人爲人慷慨負義氣篤倫理重然諾有祝仲容者江右人也隨其父丞海鹽老而無子不能歸遂依世康世康爲治田宅切比其居聽以子昇往爲之婿無何仲容死或謂盍并宅省所費不許無何而子

昇又死或又以爲言世康笑曰仲容所以託吾者徒以其妻與耳今身死婿亡其妻尚在亡友之約吾可背之乎自是周恤益厚終其世不變平生言動不苟喜怒不形信義所孚咸稱長者非特一里社間也壽八十卒

教授周良佐相

周相字良佐奉化人淳謹篤實嘗游學外藩夜有女奔之拒不納詰旦卽辭去主人初不省其故已而女有醜聲始知之赴省試有友疫於舟同行皆弃去相獨留謹視之及不起出已貲備棺衾親爲之含而歛焉後以貢司教茶陵諸生貧乏者輒以俸餘濟之束脩之饋不問也諸生頌其賢而祠之學宮居家以孝友稱家有地累世爭訟不決至於婚祭不通相以義讓敦睦如初丁內外艱疏食水飲終其喪敝居不蔽風雨蒲田不膳餐粥而周死恤貧開義塾以教族子弟尤人所難云

周舜龍廷澤

子禎初祥釋附

周廷澤字舜龍山陰人富而好施每歲飢輒捐粟作糜粥以賑或病死則爲義棺義冢以瘞之鄉人有厚負其租者携其子鬻於市廷澤聞之遂焚其券又嘗捐金爲

獨行

卷之十

主

先開堂

錢清石橋工費鉅萬至今往來者賴之其後四子預初祚祥及其孫皓相繼舉進士致通顯人以爲行義之報祚尤長於文學有周氏集爲詞家所稱

張守度尺父璣附

張尺字守度台州人父璣爲涿州守潔清死無以爲歛世稱爲廉張尺少孤無田廬族人使爲行者尺曰我儘家子啜水坐斃足矣何事外道乎傭書取直以糊口浙藩使泰敬者涿州遇士也聞之招爲掾弗肯遣之金弗受問所欲曰願讀書延與其子同學旋卽歸秦亦不

編行

卷之十

主

光緒堂

能強也尺念涿州垂歿求一綿襖不可得遂終身不衣綿臨老結數椽以居復鬻之以鏹父墓碑平生與物無求與人交必有終年八十有七卒無嗣時故人黃綰乞休居山中率其姪孫彬往飲之而葬於涿州公墓左綰復泣而爲之銘曰台之山兮秀以銛台之人兮多介恬執厥考德以賢嗟先生兮繼貞燕夜臺寂寞今淚以沾清風悠兮白雲濤嗟吁先生兮在茲曉

鄭飲賓修

鄭修括之緒雲人也喜讀書甘恬退古心古行塵視紛

華至于酬酢當世每事必依長厚家儻有匿稱藉下者或發焉修曰急釋之母令若覺我知也邑侯重其誼欲見之辭不可及以鄉飲請修曰茲禮也乞言而退一語不及私

徐望之文彪

子于奎子厚友徐子元周禮附

徐文彪字望之上虞人抱道積學工詩文正德間舉賢良文彪以母老舜有司敦趣乃行當是時逆瑾方專恣而謝文正遷以忤瑾謝事去文彪至京試吏部用蕭傅恭顯語瑾覽策以爲文正鄉人怒甚下之獄榜掠幾死

編行

卷之十

主

光緒堂

械戍鎮番鎮番接壤流沙在中國萬里外文彪處之怡然諸武弁子弟相率來學與之論說不倦居三年瑾誅乃赦還初文彪二子子奎子厚聞父難奮以死從兄弟耦而往屬虜旁塞陷危百端乃達戍所卒掖父以歸歸二十有七年而卒時餘姚徐子元周禮應聘與文彪同下獄遣戍亦同而文彪所造特深當罹禍時賦詩慷慨無戚容及歸廬西山益事嘯咏絕不談往昔事復好施予創義田賑饑恤死鄉人德之所著有貞晦集

夏雷

子日葵附

夏雷秀水人有叔壁客姑蘊餘三十年垂橐而歸病不起爲治殯飲既辦微知吳人有巧負壁質者索歸悉界世母無所私故人樂松爲怨家所構往來居間費數百緡松家至今尸祝之隣有少婦窺雷獨寢擲餘桃以啖之面發赤流汗脫身走晚被旌額賜章服里人以爲榮子日葵句容令以循良稱

周繼實夢秀

周夢秀字繼實嶧庠生也苦志獨行以孝友稱時有例應陞限年起貢一生年踰六十不得貢次當及夢秀夢

獨秀

卷之十

手

先聖堂

秀曰我猶可待若不貢無後期卒推以讓之其父別駕嘗佃實性寺爲宅既數十年增飾堂構且數百金夢秀以爲非義請於父復捨爲寺而別僦數椽以居風雨不蔽無愠也卒鄉人祀之學官郡守蕭良幹題其阡曰高士之墓

給諫周孟登崑

周崑字孟登崇德人登嘉靖癸未進士溫醇簡厚篤學好古令玉山清白自持聞羊鳴以決疑獄方伯侯瀚作靈羊記以紀之調進賢以艱歸服闋補新塗歷刑科都

給事中凡所建白不激不隨罷官盡以遺產讓兄自甘清約人稱爲篤行君子云

陸忠順美

陸美字忠順平湖人幼入邑庠再試不第遂隱居湖上終其身杜門不出爲人醇茂不嗜芬華耿介不隨流俗一言一動具有成燬宗黨數百人皆嚴事之卽顯貴者無事不取聚焉篤於友愛遇凶歲捐資與諸父昆弟易其田而代其賦至豐年則舉以還之弗以吝其寔甚者每計月授之食宗黨里人無不高其行誼者有司兩請獨秀

獨秀

卷之十

手

先聖堂

鎮江通判陶公重廷錦

陶廷錦字公重嘉興人嘉靖壬子舉於鄉孝友天植清介自持友人坐事逮捕暮夜持數百金授之且示以無還期立爲封識授婦其後友人事雪舉囊歸封識宛然族兄憐死無適爲後者戚里欲立其子力辭議割腴田

四百畝爲食食計亦不受已任理饒州陞判鎮江俱以
燕幹稱卒於官

施濟

施濟歸安人居家修雍睦之行設義塾以訓族屬子弟
使就食焉嘗至墓所適有盜砍其塚樹者卽蔽身林翳
間俟盜砍完下地乃使人從容召盜詰之曰吾不汝追
恐汝墜地此樹皆吾祖宗神靈所依慎勿再爾盜愧謝
棄所砍去濟令家人昇而與之

戒義士器

德行

卷之十

王

先聖堂

成器字不器餘姚人喜讀書工詩文好擊劍以義俠自
喜每聞人間有不平事輒瞋目大罵海內有賢豪長者
私心嚮往雖千里若在室中不義之夫卽富貴薰灼直
藐視之以爲此臬羊吉了也何得比於人數以故人人
遠之彼亦不喜嚮就人每曰吾眼前不見俗子覺意氣
更遠時中官王振濁亂朝政翰林侍講劉球露章劾之
振怒矯旨下錦衣獄盆死之器聞之輒瞋目大罵曰閹
奴之橫至於如此我輩黨禍將復見於今日吾恨不得
上方斬馬劍斷此閹奴耳乃卽邑中龍泉山頂爲壇

祭球祭畢以餞班諸同志其祭文歷述古今權奸之禍
凡二千餘言人謂之祭忠文名其地曰祭忠壇說者謂
與宋謝翱祭文文山於西臺同一義憤云

龍江驛丞杜守經常

杜常字守經竹月隱公之長子孝友天至有弟三人曰
昇曰晟曰昂悉推世業與之而獨肩養生送死瑣鉅諸
務昇以游學死於揚躬往歸其喪曰於我乎瘞昂未有
室曰於我乎室女兄嬪而貧其子椿弗振也曰生於我
乎養死於我乎葬他如厚筐篚以資從女者三如其女

德行

卷之十

王

先聖堂

捐資以葬人之不能喪者如其喪諸種種義行都若此
初爲奉化功曹同曹掾有患疫痢者衆徙以避常曰夫
固舍中兄弟也而急乃弃之乎躬視湯藥或竟夕不還
其人有妾而弗獨也衆頗疑之常每往必與其僕偕明
燭達旦久之人始服其至誠後移役蘭谿晨出於路拾
一青囊中如有金也歸而懸之厠舍往跡其人於亡所
俄有泣而至者曰我里役也掌收都料持五十金輸縣
時天未曙假寐道左會縣官倉卒至前驅避而遺之死
無以償矣常曰收汝泣吾以是待君久矣卽挈而授之

其人以十金爲謝常曰君謂有還金而望取分者耶辭而去之楓山章先生理學名臣也見常輒禮之謂他客曰此其人素行合乎聖賢安敢以掾吏少之已而授廣西龍江驛丞上司庶其幹會有以毒藤自殺者誣怨家殺之郡守謂怨家實殺之也而嘗之死具獄上憲司則移常覆訊訊乃反而出之守惡其反也答焉常歎曰嗟天乎辨冤而死可矣答何憾耶後征蠻事起臺憲檄之督兵以此嬰疾卒於邸舍聞者皆哭曰義士而以客死邪無不致疑於天道云

梅竹

卷之十

三

光碧堂

庖人吳三五

庖人吳三五者發之蒲陽人也以屠爲事善治庖韓長公爲蒲陽令喜賓客令置酒召三五爲具數當令意三五時時給事縣中令察三五馴謹不譙讓惟令上計三五從至彭城黃河水不得渡度且失期滬上亭長詒令曰旦日第開水渡令信之且甚寒會泗水大至舟半渡水合上流水如矢石下擊破舟徒屬皆號呼爭脫死令奔舟走水上水解令出沒水中者三令令人韓祿下索令令執舍人手俱不得濟三五頓足曰公死矣倍公不

祥乃赴令令呵止三五毋俱死三五又溺一丈夫臨溺上垂綆下三人引綆賴不沒舍人大呼曰我公貴人活我公者予百金於是船人崔相刺船開水來出三五三五謝曰臣死且不恨亟活我公我公長者也崔相出令載樓船中次出舍人次出三五三五死矣無何令活令仰天哭曰嗟乎三五從予千里游奈何以予故殺三五哉乃傾橐中金治喪具葬三五彭城西汪司馬道昆論之曰吳三五市井之鄙細人也方其鼓刀以屠錄錄未有奇節及事令不見知一旦急令之危顧傾身爲令死雖烈丈夫何加焉余嘗過蒲陽其俗齷齪纖奇少壯士令獨能得死七則自令賢矣

梅竹

卷之十

三

光碧堂

文學吳子匡元良

吳元良字子匡錢塘人弱冠補邑博弟子員性豪邁樂施以節俠自喜善詩文工書真行皆獨詣當其得意咄咄逼人不耐治生客至傾囊有一錢亦留飲酣暢客有不勝酒力去者輒曰俗子復來敗人意以故里中酒人無日不過從吳長公飲者父歿遺券數十紙中屬杭人者計資可千餘緡元良悉召其人語曰吾書生雅不習

收責事諸君各取券去多有固卻者元良勉之曰無庸候若盈時割餘以佐我酒費不後也皆感謝去其外屬與入者資略稱是元良不知其家持造吳市中焚之語市人曰願傳語鄉閭有負杭吳長公責者吾已焚券無煩歸直也時華亭徐相公階督學兩浙獨高元良奇士厚禮之既去時時寄書問吳長公無恙而元良裁謝外一不涉干請亦未嘗以此矜之於人其操履如此後感不平事長吁數聲汗流不收遂卒

趙宗良祖駟

獨行

卷之十

美

光緒堂

趙祖駟字宗良系出宋魏悼王之後六傳而忠訓公燕監潭州使者扈蹕南渡賜第葵之中興里勝國時宋進士若恢更徙城北潼塘其自潼塘析居崑山則自環清公次德始也駟為環清六世孫少讀書有大志人資胄監大為呂司成南渠公本所賞識每語人曰此王孫千里駒也性尤篤孝事兩尊人無違色有疾必躬嘗湯藥而進之衣帶或經旬不解事伯兄如事父其處里族曲由如也事有和而無唱人有職而無石望之似木雞矣父雙泉公嘗目顧之而歎曰我家門戶大族駟而歸

獨行

卷之十

美

光緒堂

見直義者如歐人徧俗何駟跪謝曰兒何知知忠信篤敬可行蠻貊而已雙泉公笑而起曰兒故當勝我未幾而南渠入相折簡召駟謂若第就官慮無不如意者駟笑曰相公故國士我而我乃階相公官乎讀書自若尋以哭母喪明乃拊膺太息曰天乎天乎奚以我為是拘拘者耶始授例授某州別駕生平鉛槧胥吏之高閣曰吾以付後人故居家庭義方更肅雖舍飾弄孫不廢句讀比總角即編次往哲嘉言懿行衍為詩以俾之誦法故子弟即甚暱無不事之如神明者暇日與俗之昆弟縉紳結社山中花朝月夕曳杖往還酌酒賦詩修香山洛社之業卒年七十有七駟性好施予人以急告者無不折券相付族叔某孤貧無依駟養之終身死為制服躬臨葬祭駟既專志下閭不屑屑家人產於先世田廬無所增闢歲入之美半以行義前後所卹賑無算而其妻盧安人賢更出簪珥以助之人以方之梁鴻孟光云

兩浙名賢錄卷之十終

兩浙名賢錄卷十一目次

開壩

東周

越王句踐

李漢

破虜將軍孫文臺堅

討逆將軍孫伯符策

殘唐

吳越王錢具美錫

子元雍孫佐徐俱附

霸佐附

越

大夫文子禽種

吳

齊武校尉孫幼臺靜

子瑜鮑與附

征虜將軍孫伯陽貢

子鄰附

平南將軍孫國儀輔

鎮北將軍孫公禮韶

伯父河附

建武將軍孫叔武桓

弟俊附

偏將軍凌公績統

父煥子烈封附

安國將軍朱公理治

子才紀附

左大司馬朱義封然

子績附

丞相陸伯言遜

平虜將軍徐琨

子琨附

後將軍賀公苗齊

子達弟景附

偏將軍駱公緒純

卷之十一

一

光緒堂

太子太傅吾孔休榮

右大司馬金子璜琮

父景附

揚武將軍吳景

子奮祺附

吳越

雄武軍節度使馬緯

潤州刺史杜騰雲稜

子建恩建字附

武勇都指揮使顧全武

左執法吳處仁公約

檢校太師成弘濟及

左丞相杜延光建徽

保順軍節度使鮑慶臣君福

子修遜附

蕪州刺史竇圭

父信族人師魯附

丞相竇安成仲達

管田副使吳敬忠

兄順弟訴附

戶部尚書阮結

高費州彥

僕射朱蘊之行先

越州都指揮使屠瓊智

吳越丞相元德昭

通儒院學士崔子遷仁冀

卷之十一

二

光緒堂

兩浙名賢錄卷十一目次終

東海徐象梅仲和氏撰

當湖陸澄原嗣端氏閱

開霸

東周 九一人

越王句踐

越王句踐其先禹之苗裔夏后帝少康之庶子也封於會稽以奉守禹之祀文身斷髮披草萊而邑焉後二十餘世至於允常允常之時與吳王闔閭戰而相怨伐允

開霸

卷之十一

一 光緒

常卒子句踐立是為越王吳王闔閭聞允常死乃與師伐越越王使死士挑戰三行至吳陳呼而自剄吳師觀之越因襲擊吳師敗於檣李射傷吳王闔閭聞且死告其子夫差曰必毋忘越句踐聞吳王日夜勒兵且以報越越欲先與未發性伐之范蠡諫曰不可臣聞兵者凶器也戰者逆德也爭者事之末也陰謀逆德好用凶器試身於所末上帝禁之行者不利越王曰吾已決之矣遂與師吳王聞之悉發精兵擊越敗之夫椒越王乃以餘兵五千保棲於會稽吳王追而圍之越王謂范蠡

曰以不聽子故至於此為之奈何蠡曰持滿者與天定傾者與人接事者與地卑辭厚禮以遺之不許而身與之市句踐曰諾乃令大夫種行成於吳句踐請為臣妻為妾而復以美女寶器間獻吳太宰嚭嚭因說吳王曰越以服為臣而赦之國之利也子胥進諫吳王不聽卒赦越罷兵而歸吳既赦越越王歸國乃苦身勞思置膽於坐坐即仰膽飲食亦嘗膽也曰汝忘會稽之耻邪身自耕作夫人自織食不加味衣不重采折節下賢人厚遇賓客振貧弔死與百姓同其勞欲使范蠡治國政蠡對曰兵甲之事種不如蠡鎮撫國家親附百姓蠡不如種於是舉國政屬大夫種而使范蠡與大夫柘稽行成為質於吳二歲而吳歸蠡句踐自會稽歸七年拊循其士民士民欲用以報吳大夫逢同諫曰國新流亡今乃復殷給繕飾備利吳必懼懼則難必至且鷙鳥之擊也必匿其形今夫吳兵加齊晉怨深於楚越名高天下實害周室德少而功多必淫自矜為越計莫若結齊親楚附晉以厚吳吳之志廣必輕戰是我連其稚三國伐之越承其弊可克也句踐曰善居二年吳王將伐齊子胥

諫曰臣聞句踐食不重味與百姓同苦樂此人不死必
爲國患吳有越腹心之疾齊與吳疥癬也願王釋齊先
越吳王弗聽遂伐齊敗之艾陵虜齊高國以歸大夫種
曰臣觀吳王政驕矣請試嘗之貨粟以卜其事請貸吳
王欲與子胥諫勿與王遂與之越王乃私喜子胥數強
諫太宰嚭因譏之吳王怒賜子胥錫鑊劓以自殺子胥
曰必取吾眼置吳東門以觀越兵入也於是吳任嚭政
居三年句踐召范蠡曰吳已殺子胥導諛者衆可乎對
曰宋將至明年吳王北會諸侯於黃池吳國精兵從王
薛鞬老弱與夫采留守句踐復問范蠡蠡曰可矣乃發
精流二千教士四萬人君子六千人諸御千人伐吳吳
師敗遂殺吳太子吳告急於王王方會諸侯於黃池懼
天下聞之乃秘之吳王既盟乃使人厚禮以請成越越
自度未能滅吳乃與吳平其後四年越復伐吳吳士民
罷弊輕銳盡死於齊晉而越大破吳因而留圍之棲吳
王於姑蕪之山吳王使公孫雄肉袒膝行請成於越句
踐不忍欲許之范蠡曰會稽之事天以越賜吳吳不取
今天以吳賜越越其可違天平且夫君王蚤朝寢罷非

爲吳邪謀之二十二年一旦而棄之可乎且夫天與弗
取反受其咎伐柯者其則不遠君忘會稽之厄乎句踐
曰吾欲聽子言吾不忍其使者范蠡乃鼓進兵曰王已
屬政於執事使者去不者且得罪吳使者泣而去句踐
憐之乃使人謂吳王曰吾置王甬東君百家吳王曰吾
老矣不能事君王遂自殺乃蔽其面曰吾無面以見子
胥也越王乃葬吳王而誅太宰嚭句踐已平吳乃以兵
北渡淮與齊晉諸侯會於徐州致貢於周周元王使人
賜句踐胙命爲伯句踐已去渡淮南以淮上地與楚歸
吳所侵宋地於宋與魯泗東方百里當是時越兵橫行
於江淮東諸侯卑賀號稱霸王句踐卒子王嚭與立又
五世而王無疆立與師北伐齊西伐楚與中國爭強楚
威王怒與兵伐越大破之殺王無疆盡取故吳地至浙
江北而越以此散諸子爭立或爲王或爲君濱於江南
海上服朝於楚後七世至閭君槌佐諸侯平秦漢高帝
復以槌爲越王以奉越後東越閭君皆其後也太史公
曰禹之功大矣漸九川定九州至於今諸夏艾安及苗
裔句踐苦身焦思終滅彊吳北觀兵中國以尊周室號

稱霸王句踐可不謂賢哉蓋有禹之遺烈焉

季漢 凡二人

破虜將軍孫文臺堅

孫堅字文臺吳郡富春人蓋孫武之後也少爲縣吏年十七與父共載船至錢唐會海賊胡玉等從匏里上掠取買人財物方於岸上分之行旅皆住船不敢進堅謂父曰此賊可擊請討之父曰非爾所圖也堅行操刀上岸以手東西指揮若分部人兵以羅遮賊狀賊望見以爲官兵捕之卽委財物散走堅追斬得一級以還父大

卷之十一

王

光緒

爲由是顯開府召署假尉會稽妖賊許昌起於句章自稱陽明皇帝扇動諸縣衆以萬數堅以郡司馬募召精勇得千餘人與州郡合討破之是歲熹平元年也刺史臧旻列上功狀詔除堅鹽漬丞數歲徙盱眙又徙下邳堅歷佐三縣所在有稱吏民親附鄉里知舊好事少年往來者常數百人堅持待撫養有若子弟中平元年黃巾賊帥張角起於魏郡託有靈應遣人使以善道教化天下而潛相連結自稱黃天泰平三月甲子三十六方一旦俱發天下響應焚燒郡縣殺害長吏遣車騎將

軍皇甫嵩中郎將朱儁將兵討擊之儁表請堅爲佐軍

司馬鄉里少年隨在下邳者皆願從堅又募諸商旅及

淮泗精兵合千許人與儁并力奮擊所向無前汝穎賊

困迫走保宛城堅身當一面登城先入衆乃蟻附遂大

破之儁具以狀聞上拜堅別部司馬邊章韓遂作亂涼

州中郎將董卓拒討無功中平三年遣司空張溫行車

騎將軍西討章等溫表請堅與參軍事屯長安溫以詔

書召卓卓良久乃詣溫溫責讓卓卓應對不順堅時在

坐前耳語謂溫曰卓不怖罪而鳴張大語宜以召不勝

卷之十一

光緒

至陳軍法斬之溫曰卓素著威名於隴蜀之間今日縱之西行無依堅曰明公親率天兵威震天下何賴於卓觀卓所言不假明公輕上無禮一罪也卓遂跋扈經年當以時進討而卓云未可沮軍疑衆二罪也卓受任無功應詔稽留而斬昂自高三罪也古之名將仗鉞臨衆未有不斷斬以示威者是以穰苴斬莊賈魏絳戮楊干今明公垂意於卓不卽加誅虧損威刑於是在矣溫不恐發舉乃曰君且還卓將疑人堅因起出章遂聞大軍同至黨衆離散皆乞降軍還議者以軍未臨敵不斷功

實然聞堅數卓三罪勅溫斬之無不歎息拜堅議郎時長沙賊區星自稱將軍衆萬餘人攻圍城邑乃以堅爲長沙太守到郡親率將士施設方略旬月之間克破星等漢錄前後功封堅烏程侯靈帝崩卓擅朝政橫恣京城諸州郡並興義兵欲以討卓堅聞之拊膺歎曰張公昔從吾言朝廷今無此患矣亦誓衆起兵荊州刺史王叡素遇堅無禮堅過殺之比至南陽衆數萬人南陽太守張咨聞軍至晏然自若堅以牛酒禮咨明日亦咨諸堅酒酣長沙主簿入白堅前移南陽而道路不治軍資不具請收主簿推問意故咨大懼欲去兵陳四周不得出有頃主簿復入白堅南陽太守稍停義兵使賊不時討請收出案軍法從事便牽咨於軍門斬之郡中震懼無求不獲前到魯陽與袁術相見術表堅行破虜將軍領豫州刺史遂治兵於魯陽城當進軍討卓遣長史公仇稱將兵從事還州督促軍糧施帳幔於城東門外風道送稱官屬並會卓遣步騭數萬人逆堅輕騎數十先到堅方行酒談笑勅部曲整頓行陣無得妄動後騎漸進堅徐罷坐導引入城乃謂左右曰向堅所以不即起

關

卷之十一

七

光武皇帝

者恐兵相蹈襲諸君不得入耳卓兵見堅士衆甚整不敢攻城乃引還堅移屯涿東大爲卓軍所攻堅與數十騎潰圍而出堅常着赤綬幘乃脫幘令親近將祖茂着之卓騎爭逐茂故堅從間得免茂因迫下馬以幘冠冢間燒柱因伏草中卓騎望見圍繞數重定近覺是柱乃去堅復相收兵合戰於陽人大破卓軍梟其都督華雄等是時或問堅於術曰堅若得洛不可復制此爲除狼而得虎也術遂懷疑不運糧陽人去魯陽百餘里堅夜見術畫地計曰所以出身不顧上爲國家討賊下慰將軍家門之私營堅與卓非有骨肉之怨也而將軍受諸濁之言還相嫌疑使大勲垂捷而軍糧不繼此吳起所以歎息於西河樂毅所以遺恨於垂成也願將軍深思之術踰階即調發軍糧堅乃還屯卓憚堅猛壯乃遣將軍李傕等來求和親令堅列疏子弟任刺史郡守者許表用之堅曰卓逆天無道蕩覆王室今不夷汝三族縣示四海則吾死不瞑目豈將與乃和親耶復進軍大谷拒雒九十里卓尋徙都西入關焚燒洛邑堅乃前入至雒修諸陵平塞卓所發掘訖引軍還住魯陽初平三年

關

卷之十一

八

光武皇帝

衛使堅征荊州。擊劉表。表遣黃祖。逆於樊。之。間。堅擊彼之。追。渡。漢水。圍。襄陽。單馬行峴山。爲祖軍士所射殺。時年三十七。堅兄子賁。帥將士衆就衛。衛復表賁爲豫州刺史。自有傳。堅四子。策。樞。翊。匡。樞。旣稱尊號。謚堅曰。武烈皇帝。墓曰高陵。

討逆將軍孫伯符策

孫策字伯符。堅初舉義兵。策將母徙居舒。與周瑜相友。收合士大夫。江淮間人咸向之。堅薨。還葬曲阿。已乃渡。

江。居江都。徐州牧陶謙深忌策。策舅吳景時爲丹陽太

卷之十一

光緒堂

守策乃載母徙曲阿。與呂範。孫河俱就景。因緣召募得數百人。與平元年往從袁術。術甚奇之。以堅部曲還策。太傅馬日禪杖節安集關東。在壽春。以禮辟策。表拜懷義校尉。術大將喬蕤。張勳皆傾心敬焉。術常歎曰。使衛有子如孫郎。死復何恨。策騎士有罪。逃入術營。隱於內。術策指使人就斬之。訖。詣術謝。術曰。兵人好叛。當共疾之。何爲謝也。由是軍中益畏憚之。術初許策爲九江太守。已而更用丹陽陳紀。後術欲攻徐州。從廬江太守陸康求米三萬斛。康不與。術大怒。發昔曾詣康。康不見。使

主簿接之。常衛恨。衛遣策攻康。謂曰。前錯用陳紀。每恨

本意不遂。今若得康。廬江真卿有也。策攻康。拔之。衛復

用其故吏劉勳爲大守。策益失望。先是劉勳爲揚州刺

史。舊治壽春。壽春衛已據之。勳乃渡江。治曲阿。時吳景

尚在丹陽。策從兄賁。又爲丹陽都尉。勳至。皆追逐之。景

賁退舍。歷陽。勳遣樊能于糜陳。橫屯江津。張英屯當利

口。以拒衛。衛自用故吏琅邪惠衢爲揚州刺史。更以景

爲督軍中郎將。與賁共將兵。擊英等。連年不克。策乃說

衛乞助。景等平定江東。術表策爲折衝校尉。行殄寇將

開

卷之十一

光緒堂

軍兵財千餘騎。數十匹。賓客願從者數百人。比至歷陽。衆五六千。策母先自曲阿。徙於歷陽。策又徙母阜陵。渡江。轉聞所向。皆破莫敢當。其鋒策時年少。雖有位號。而士民皆呼爲孫郎。百姓聞孫郎至。皆失魂魄。及至軍士奉令不敢撓。掠雞犬菜茹一無所犯。民乃大悅。競以牛酒迎勞。劉繇棄軍遁逃。諸郡守皆捐城郭奔走策。入曲阿。勞賜將士。遣將陳寶詣阜陵迎母及弟。發恩布令告諸縣。其劉繇。笮融等故鄉部曲來降者。一無所問。樂從軍者。一身行復除。門戶不樂者勿強也。旬日之間。四

面雲集得見兵二萬餘人馬千餘匹威震江東形勢轉盛吳人嚴白虎等衆各萬餘人處處屯聚吳景等欲先擊破虎軍乃至會稽策曰虎等群盜非有大志此成舍耳遂引兵渡浙江據會稽屠東治乃攻破虎等盡更置長吏策自領會稽太守復以吳景爲丹陽太守以孫賁爲豫章太守分豫章爲廬陵郡以賁弟輔爲廬陵太守丹陽朱治爲吳郡太守彭城張昭廣陵張紘秦松陳端等爲謀主時袁術僭號策以書責而絕之曹操表策爲討逆將軍封吳侯未幾術死長史楊弘大將張勳等將

南

卷之十一

十一

光緒

其衆欲就策廬江太守劉勳要擊悉虜之收其珍寶以歸策聞之僞與勳好盟勳新得術衆時豫章上繚宗民萬餘家在江東策勸勳攻取之勳既行策輕軍晨夜襲拔廬江勳衆盡降勳獨與麾下數百人自歸曹操是時袁紹方強而策并江東曹操力未能逞且欲撫之乃以弟女配策小第匡又爲子章取術女皆禮辟策弟權翊又命揚州刺史嚴象舉樞茂才建安五年曹操與袁紹相拒於官渡策欲陰襲許昌迎漢帝密治兵部署諸將未發會爲故吳郡太守許貢客所殺先是策殺貢貢小

子與客亡匿江邊策單騎出卒與客遇客擊傷策創甚請張昭等謂曰中國方亂夫以吳越之衆三江之固足以觀成敗公等善相吾弟呼權佩以印綬謂曰舉江東之衆決機於兩陳之間與天下爭衡卿不如我舉賢任能各盡其心以保江東我不如卿至夜卒時年二十六權稱尊號追謚策曰長沙桓王封子紹爲吳侯後改封上虞侯紹卒子奉嗣孫皓時訛言謂奉當立誅死殘唐凡五人

吳越王錢具美鏐

子元雍孫佐餘叔附

南

卷之十一

十一

光緒

錢鏐字具美杭州臨安人也臨安里有大木鏐幼時與羣兒戲木下鏐坐大石指麾羣兒爲隊伍號令頗有法羣兒皆憚之及壯無賴不喜事生業以販鹽爲盜縣錄事鍾起有子數人與鏐飲博起常禁其諸子諸子多竊從之游豫章人有善術者望牛斗間有王氣牛斗錢塘分也因游錢塘占之在臨安乃之臨安以相法隱市中陰求其人起與術者善術者私謂起曰占君縣有貴人求之市中不可得視君之相貴矣然不足當之起乃置酒悉召縣中賢豪爲會陰令術者獨視之皆不足當

衛者過起家。鏐適從外來，見起反走。衛者望見之，大驚曰：「此真貴人也。」起笑曰：「此吾旁舍錢生爾。」衛者召鏐至，熟視之，顧起曰：「君之貴者，因此人也。」乃慰鏐曰：「子骨法非常，願自愛，因與起訣曰：『吾求其人者，非有所欲也，真欲質吾術耳。』明日乃去。起始縱其諸子與鏐游，時時貸其窮乏。鏐善射，與鏐稍通，闢諸書。唐乾符二年，浙西裨將王郢作亂，石鑑鎮將董昌募鄉兵討賊，表鏐偏將，擊郢破之。是時黃巢衆已數千，攻掠浙東至臨安。鏐曰：『今鎮兵少而賊兵多，難以力禦，宜出奇兵邀之。』乃與勁卒二十人伏山谷中。巢先鋒度險皆單騎，伏弩射殺其將，巢兵亂，鏐引勁卒蹙之，斬首數百級。鏐曰：「此可用。」爾若大衆至，何可敵邪？」乃引兵赴八百里，八百里地名也。告道旁媼曰：「後有問者，告曰：『臨安兵屯八百里矣。』巢衆至，聞媼語，不知其地名，皆曰：『向十餘卒不可敵，况八百里乎？』遂急引兵過都統高駢，聞巢不敢犯，臨安壯之。召董昌與鏐俱至廣陵，久之，駢無討賊意，昌等不見用，辭還。駢表昌杭州刺史。是時天下已亂，昌乃圖諸縣兵爲八都，以鏐爲都指揮使，成及爲靖江都將。中和二年，

越州觀察使劉漢宏與昌有隙，宏遣其弟漢宥與都虞候辛約屯兵西陵。鏐率八都兵渡江，竊敵軍號，斫其管營中驚擾，大破之，殺都虞候辛約。漢宏易服持膽刀以遁，追者及之。漢宏曰：「我幸夫也。」舉刀示之，乃免。四年，漢宏遣其將朱褒、施堅實等以舟兵屯望海，鏐出平水，夜率奇兵破褒等於曹娥埭，進屯豐山。施堅實等降，遂破。越州擒漢宏斬於會稽，族其家。鏐乃奏昌代漢宏而自居杭州。光啓三年，拜鏐左衛大將軍。杭州刺史昌越州觀察使，是時畢師鐸、四高駢淮南大亂，六合鎮將徐約攻取蕪州，潤州牙將劉浩逐其帥周寶，寶奔常州，浩推度支，催勘官薛朗爲帥，鏐遣都將成及杜稜等攻常州，取周寶以歸。鏐具軍禮郊迎，館寶於樟亭，寶病卒。稜等進攻潤州，逐劉浩，執薛朗，剖其心以祭寶。昭宗拜鏐杭州防禦使。是時楊行密孫儒爭淮南，與鏐戰蘄安間，久之，儒爲行密所殺，行密據淮南，取潤州而鏐亦取蘄。常唐升越州爲威勝軍，以董昌爲節度使，封隴西郡王。杭州爲武威軍，拜鏐都團練使，以成及爲副。鏐乃以杜稜、阮結、顧全武等爲將校，以沈崧、皮光業、林鼎、羅隱爲

賓客。景福二年拜鏐鎮海軍節度使潤州刺史。乾寧元年加同中書門下平章事。二年越州董昌反僭稱皇帝。國號羅平。改元順天。分其兵爲兩軍。中軍衣黃。外軍衣白。銘其衣曰歸義。鏐以昌反狀聞。昭宗下詔。削昌官爵。封鏐彭城郡王。浙江東道招討使。鏐曰。董氏於吾有恩。不可遽伐。乃屯兵三萬於迎恩門。而遣使諭昌。昌懼。遣使犒軍。自請待罪。鏐乃還兵。尋復拒命。遣其將陳郁。崔溫等屯香石。俟乞兵於楊行密。行密遣兵爲援。鏐命顧全武攻昌。斬崔溫。昌所用諸將皆庸人。不知兵。遇全武輒敗。昌兄子真驍勇善戰。全武等攻之逾年不能克。真與其裨將刺羽有隙。刺羽譖之。昌殺真。兵乃敗。全武執昌歸杭州。行至西小江。顧其左右曰。吾與錢公俱起鄉里。吾嘗爲大將。今何面目復見之乎。左右相對泣下。因瞋目大呼投水死。昭宗乃改威勝軍爲鎮東軍。拜鏐鎮海鎮東軍節度使。加檢校太尉中書令。賜鐵券。恕九死。鏐如越州受命。還治錢塘。號越州爲東府。光化元年移鎮海軍於杭州。加鏐檢校太師。改鏐鄉里曰廣義鄉。勲貴里。鏐素所居。營曰永錦營。婺州刺史王璠叛。附於

閩蜀

卷之十一

主

光緒堂

淮南。鏐破之於斬淖。璠奔宣州。昭宗詔圖鏐形。凌烟閣升衣錦營爲衣錦城。石鑑山曰。衣錦山。大官山曰。功臣山。鏐游衣錦城。宴故老。山林皆覆以錦。號其功所嘗戲大木曰。衣錦將軍。天祐元年封鏐爲吳王。鏐建功臣堂立碑紀功。列賓佐將校名氏於碑陰者五百人。四年陞衣錦城爲安國。衣錦軍梁太祖卽位。封鏐吳越王。兼淮南節度使。客有勸鏐拒梁命者。鏐笑曰。吾豈失爲孫仲謀邪。遂受之。太祖嘗問吳越進奏吏曰。錢鏐平生有所好乎。吏曰。好玉帶名馬。太祖笑曰。真英雄也。乃以玉帶一匣打毯御馬十疋賜之。開平二年加鏐守中書令。改臨安縣爲安國縣。廣義鄉爲衣錦鄉。三年加守太保。楊渥將周本陳章圍蕪州。鏐遣其弟鋹鏐救之。淮兵爲水柵環城。以鋸鈴繫網。沉水中。斷潛行者。水軍卒司馬福多智而善水。行乃以巨竹觸網。淮人聞鈴聲遂舉網。福乃過入城中。然乃取其軍號內外夾攻。號令相應。淮人以爲神。遂大敗之。本等走擒其將閻丘直何明等。四年鏐遊衣錦軍作還鄉歌曰。三節還鄉兮掛錦衣。父老遠來相追隨。牛手無字人輕欺。吳越一王朝。

閩蜀

卷之十一

主

光緒堂

馬歸乾化元年加鏐守尚書令兼淮南宣潤等道四面行營都統二年梁郢王友珪立冊尊鏐尚父末帝貞明三年加鏐天下兵馬大元帥開府置官屬四年始由海道入貢京師賜鏐詔書不名唐莊宗入洛鏐遣使貢獻賜鏐玉冊金印鏐因以鎮海等軍節度授其子元璵自稱吳越國王更名所居曰官殿府曰朝官屬皆稱臣起玉冊金券詔書三樓於衣錦軍長興三年鏐卒年八十一諡曰武肅子元璵立

國事

卷之十一

七

光緒堂

元璵字明寶鏐之仲子少爲質於田頔頔叛於吳楊行密會越兵攻之頔每戰敗歸即欲殺元璵頔母常蔽護之後頔將出語左右曰今日不勝必斬錢郎是日頔戰死元璵得歸鏐病召諸大將告之曰吾子皆愚懦不足任後事吾死公等自擇之諸將泣下皆曰元璵從王征伐最有功諸子莫及請立之鏐乃盡出管鑰召元璵與之曰諸將許爾矣宜善守之又曰子孫善事中國勿以易姓廢事大之禮鏐卒元璵立襲封吳越國王玉冊金印皆如鏐故事時璵與諸兄弟同幄行喪內牙指揮使陸仁章曰令公嗣先王勲業將吏旦暮趨謁當與諸子

異處乃命主者更設一幄扶元璵居之禁諸公子從者無得妄入初鏐末年左右皆附元璵獨仁章數以事犯之至是元璵勞之仁章曰先王在位仁章不知事令公今日盡節猶事先王也元璵嘉歎之以遺命去國儀用藩鎮法除民田荒絕者租稅民大悅內牙指揮使劉仁杞與仁章久用事爲衆所惡一日諸將共請誅之元璵曰二將事先王又吾方圖其功不然吾當歸臨安以避賢路衆懼而退乃以仁章爲衢州刺史仁杞爲湖州刺史中外有上書告訐者皆置不問由是將士輯睦元璵於兄弟甚厚其兄元璩自蘓州入見元璵以家人禮事之奉觴爲壽曰此兄之位也而小子居之兄之賜也元璩曰先王擇賢而立君臣位定元璩知忠順而已因相與對泣王延政自立於建州閩中大亂元璵遣其將仰詮薛萬忠等攻之逾年不克而歸元璵亦善撫將士好儒學善爲詩使其國相沈崧置擇能院選吳中文士錄用之然性尤奢僭好治宮室天福六年杭州大火燒其宮室殆盡元璵避之火輒隨發元璵大懼因病狂是歲卒年五十五諡曰文穆子佐立

卷之十一

八

光緒堂

佐字佑立時年十三諸將皆少佐初優容之諸將稍不法佐乃黜其大將章德安於明州李文慶於睦州殺內監杜昭達統軍使闕璠由是國中皆畏恐王延義延政兄弟相攻卓儀明朱文進李文進等自相篡殺連兵不解者數年仁達附於李景已而又叛景兵攻之仁達求救於佐佐召諸將計事諸將皆不欲行佐奮然曰吾爲元帥而不能舉兵邪諸將皆吾家素畜養獨不肯以身先我乎有異吾議者斬乃遣其統軍使張筠趙承泰等率兵三萬水陸赴之遣將督軍號令齊整筠等大敗景兵俘敵萬計獲其將楊業蔡遇等遂取福州而還由是諸將皆服佐立七年襲封吳越國王玉冊金印皆如元璵開運四年佐卒年二十諡曰忠獻弟叔立叔字文德佐卒弟侑以次立初元璵質于宣州以胡進思蔡懌等自隨元璵立用進思等爲大將佐既年少進思以舊將自待甚見尊禮及侑立頗卑侮之進思不能平侑大閱兵於碧波亭方第賞進思前諫以賞太厚侑怒擲筆水中曰以物與軍士吾豈私之何見咎也進思大懼歲除画工獻鍾馗擊鬼圖侑題詩圖上進思見之

卷之十一

光德堂

辛

光德堂

知侑將殺已是多擁衛兵廢侑囚於義和院迎侑立之遷侑於東府侑歷漢周襲封吳越國王賜玉冊金印世宗征淮南令侑以所部分路進討侑遣偏將吳程圍毘陵陷關城擒其刺史趙仁澤路彥珪圍宣城會李景上表求割地內附詔侑班師恭帝嗣位授侑天下兵馬大元帥侑舅寧國軍節度吳延福有異圖左右勸侑誅之侑曰先夫人同氣安忍寘於法言訖嗚咽流涕但黜延福於外終全母族宋太祖受命侑貢奉有加常數乾德元年改賜承家保國宣德守道忠正恭順功臣是冬郊祀遣其子惟濟入貢開寶五年改賜開具鎮越崇文耀武宣德守道功臣未幾遣幕吏黃夷簡入貢上謂之曰汝歸語元帥常訓練兵甲江南疆徼不朝我將發師討之元帥當助我無惑人言七年冬討江南遣內客省使丁德裕齎詔以侑爲昇州東面招撫制置使賜戰馬二百匹旌旗劔甲令德裕以禁兵步騎千人爲侑前鋒盡護其軍李煜貽書於侑曰今日無我明日豈有君一旦明天子易地酬勲王亦大深一布衣耳侑不答以書來上江南平論功加侑守太師拜侑大將沈承禮孫承佑

卷之十一

光德堂

辛

光德堂

並爲節度使。以下爲防禦使者。一人刺史。六人。九年二月。敕與其妻孫。大子惟濟。平江節度使孫承祐來朝。上遣皇子興元尹德昭至。雖陽迎勞。俛將至。車駕先幸禮賢宅。按視供帳之具。及至。詔俛居之。對於崇德殿。貢金銀錢幣御器香藥犀象珠貝以億萬計。車駕幸其第。庚午。詔曰。古者宗工大臣。特被隆眷。或劔履上殿。或書詔不名。幸由豐功。特以殊禮。今我兼其命數。用獎勲賢。輝映古今。允爲優異。咨爾吳越國王錢俛。德隆宏茂。器識深遠。撫輿區於吳會。勦洪伐於宗彝。昨以江表不庭。王師致討。委方面之兵柄。克常潤之土宇。輔翼帝室。震盪皇靈。而乃執圭來朝。垂紳就列。辭事君之誠。慙爲羣臣之表。儀爰峻徽章。以旌元老。可特賜劔履上殿。書詔不名。以俛妻賢德順穆夫人孫氏爲吳越王妃。妃令惟濟齋詔。賜之宰相。以爲異姓諸侯王妻。無封妃之典。太祖曰。行自我朝。表異恩也。又數詔俛。與其子惟濟宴射苑中。惟諸王預坐。每宣諭俛。俛拜謝多。令內侍掖起。俛感泣。又嘗一日召宴。獨太宗秦王侍坐。酒酣。太祖令俛與太宗秦王敘昆弟之禮。俛伏地叩頭涕泣。固讓。乃止。未

幾令俛歸國。太祖宴錢於講武殿。謂俛曰。南北風土異宜。漸及炎暑。卿可早發。俛涕泣言願三歲一朝。太祖曰。川陸迂遠。當俟詔旨。卽來朝也。俛將發。京師特賜導從儀衛之物。幸皆詳麗。令自禮賢宅陳列。至迎春院。自俛之至。逮於歸國。太祖所賜金器萬兩。白金器又數萬兩。白金十餘萬兩。錦綺綾羅絢絹四十餘萬匹。馬數百匹。他物不可勝計。俛既歸國。嘗視事功臣堂。一日命坐於東偏。謂左右曰。西北者神京在焉。天威不遠。顏咫尺。俛豈敢寧居乎。太宗卽位。加食邑五千戶。太平興國三年三月。俛來朝。對於崇德殿。宴俛於長春殿。令劉鋹李煜預坐。俛所貢視太祖時有加。又嘗召俛及其子惟濟宴後苑。泛舟池中。上手酌酒以賜俛。俛跪飲之。其恩待如此。會陳洪進納土。俛上言曰。臣伏有懇誠。貯於肺腑。幸因入覲。輒敢上聞。蓋虞神道之害盈。必異天慈之從欲。近蒙朝廷賜以劔履上殿。詔書不名。仍以本道領募卒徒。嘗營戈甲。特建國王之號。俾增師律之嚴。皆所以假其寵名。託於隣敵。方今幅員無外。名數漸分。豈可冒居自權。公議合從。省罷以正等威。除本道軍士器甲。臣已

曾奏納外其所封吳越國王及天下兵馬大元帥職名望皆許解罷凡頒詔命後願名呼庶聖朝無虛授之恩微臣免疾顛之禍優詔不許俶再上表言臣慶遇承平之運遠修肆覲之儀宸眷彌隆寵章皆極斗筭之量實覺滿盈丹青之誠輒茲披露臣伏念祖宗以來親提義旅尊戴中京略有兩浙之士田討平一方之僭逆此際蓋隔朝天之路莫諧請吏之心然而稟號令於闕庭保封疆於邊徼家世承襲已及百年今者幸遇皇帝陛下嗣守丕基削平諸夏凡在率賓之內悉歸輿地之圖獨

卷之十一
光緒堂

臣一邦僻介江表職貢雖陳於外府版籍未歸於有司尚今山越之民猶隔陶唐之化太陽委照不及蔀家春雷發聲元為輦俗則臣實使之然也罪莫甚焉不勝大願謹以所管十三州獻於闕下執事其間地里名數別具條析以聞伏望陛下念奕世之忠勤察乃心之傾向特降明詔允茲至誠詔答曰卿世清忠純志遵憲度承百年之堂構有千里之江山自朕纂臨率修覲禮視文物之全盛喜書軌之混同願親日月之光遠忘江海之志甲兵機機既悉上於有司山川土田又盡獻於天府

舉宗效順前代所無書之簡編永彰忠烈所請宜依詔以淮南節度管内封俶為淮海國王仍改賜寧淮鎮海崇文耀武宣德守道功臣即以禮賢宅賜之子弟將吏並為節度使禮貌隆盛冠絕一時八月令兩浙發俶總麻以上親及管内官吏悉歸朝凡舟一千四百四十四艘所過以兵護送二月宴苑中俶被病拜不能起命以銀裝肩輿送歸因以賜之四月從征太原俶小心謹恪每晨趨行闕人未有至者俶必先至假寐以待旦上知之謂俶曰卿已中年宜避風露自今入謁不須太早也

卷之十一
光緒堂

會劉繼恩降上御連城臺誅軍中先亡命太原者顧謂俶曰卿能保全一方以歸於我不致血刃深可嘉也俶頓首謝還京策勳宰相進擬加食邑萬戶實封千戶上即改白麻倍加食邑二萬戶實封二千戶八年表請解元帥職名詔可餘如故雍熙元年改封漢南國王四年出為武勝軍節度改封南陽國王俶久被病詔免入朝俶四上表讓國王改封許王端拱元年徙封鄧王會朝廷遣使賜生辰壽幣與使者宴飲至暮有大流星墮正寢前光燭一庭是夕暴卒年六十計聞上為輟朝七日

追封秦國王諡忠懿。命中使護其喪歸葬洛陽。自鏐至。俶世有吳越之地。歷百餘年。管內諸州皆子弟將校授任。而後請命於朝。有至使相者。俶任太師尚書令。燕中書令四十年。爲元帥三十五年。及歸朝。諸子皆童年。召見慰勞。並起家諸衛將軍。善始令終。窮極富貴。福履之盛。近代無比。性尤儉素。自奉尤薄。常服大帛之衣。幃帳茵褥皆用紫纈。食不重味。頗知書雅好吟詠。尤工草隸。上一日遣使謂曰。聞卿草書頗佳。可寫一二紙進來。俶卽以舊所書絹圖上之。詔書褒美。因賜玉硯金匣一。紅

蘭亭

卷之十一

五

光緒堂

附霸佐

越凡一人

大夫文子禽種

文種字子禽。甬東人。爲越大夫。越王句踐既敗於吳。棲於會稽之上。喟然歎曰。終於此乎。種曰。湯繫夏臺。文王

囚羑里。重耳奔狄。小白奔莒。其卒王霸。由是觀之。何遽不爲福乎。王乃號令於三軍曰。有能助寡人謀而退吳者。吾與之共知越國之政。種進對曰。夫謀臣與爪牙之士。不可不養而擇也。君王既棲於會稽之上。然後乃求謀臣。無乃後乎。句踐曰。苟能聞子大夫之言。何後之有。執其手而與之謀。遂使之行成於吳。滕行頓首曰。君王亡臣句踐。使陪臣種敢告下執事。句踐請爲臣妻。爲妾。吳王將許之。子胥言於吳王曰。天以越賜吳。勿許也。種還以報句踐。句踐欲殺妻子。燔寶器。觸戰以死。種止句踐曰。夫吳太宰嚭貪可誘以利。請間行言之。於是句踐乃以美女寶器。令種間獻吳太宰嚭。嚭受乃見大夫種於吳王。種頓首言曰。願大王赦句踐之罪。盡入其寶器。不幸不赦句踐。將盡殺其妻子。燔其寶器。悉五千人觸戰。必有當也。詎因說吳王曰。越以服爲臣。若將赦之。國之利也。吳王將許之。子胥進諫曰。今不滅越。後必悔之。句踐賢君。種盡良臣。若反國將爲亂。吳王弗聽。卒赦越。罷兵而歸。句踐遂入臣於吳。七年而後返國。卧薪嘗膽。日以報吳。謀於范蠡。蠡曰。兵甲之事。利不如鈍。鈍不如

蘭亭

卷之十一

三六

光緒堂

家親附百姓。盡不如種。句踐乃以兵事諮蓋。而舉國政屬之種。種日夜拊循其士民。十年生聚。十年教養。卒滅吳。稱霸者。種盡二大夫之力也。吳既滅。范蠡遂去。自齊遣大夫種。書曰。蜚鳥盡。良弓藏。狡兔死。走狗烹。越王爲人長頸烏喙。可與共患難。不可與共安樂。子何不去。種見書。稱病不朝。人或譏種。且作亂。越王乃賜種劍曰。子教寡人伐吳。七術。寡人用其三而敗吳。其四在子。子爲我從先王試之。種遂自殺。

吳共三十二人

卷之十一

主

光緒堂

奮武校尉孫幼臺靜子瑜皎與附

孫靜字幼臺。堅季弟也。堅始舉事。靜糾合鄉曲。及宗室五六百人。以爲保障。衆咸附焉。策破劉琨。定諸縣。進攻會稽。遣人詣靜。靜將家屬與策會於錢唐。是時太守王朗拒策於固陵。策數渡水戰。不能克。靜說策曰。朗阻險城守。難可卒拔。查濟南。去此數十里。而道之要徑也。宜從彼。據其內。所謂攻其無備。出其不意者也。吾當自率衆爲軍前隊。破之必矣。策曰。善。乃詐令軍中曰。頃連雨水濁。兵飲之多腹痛。令促具甕。至數百口。澄水至昏暮。

四維然。火誑朗。便分軍夜投查濟道。襲高遷屯。朗大驚。遣故丹陽太守周昕等帥兵前戰。策破昕等。斬之。遂定會稽。表拜靜爲奮武校尉。欲授之重任。靜戀墳墓宗族。不樂出仕。求留鎮守。策從之。權統事。就遷昭義中郎將。終於家。有五子。瑜皎與最知名。

附

卷之十一

主

光緒堂

持重。權不從。軍果無功。還奮威將軍。領郡如故。自深陽徙屯牛渚。瑜以永入饒助爲襄陽長。無錫人顏連爲君果長。使招納廬江二郡。各得降附。濟陰人馬普篤學好古。瑜厚禮之。使二府將吏子弟數百人。就受業。遂立學宮。臨饗講肄。是時諸將皆以軍務爲事。而瑜好樂墳典。雖在戎旅。誦聲不絕。年三十九卒。皎字叔朗。始拜護軍校尉。領衆二千餘人。是時曹操數出濡須。皎每赴拒。號爲精銳。遷都護征虜將軍。代程普督夏口。黃蓋及兄瑜卒。又并其軍。賜沙羨雲杜南新市。

開導

卷之十一

本

光緒堂

竟陵爲奉邑。自置長吏。輕財能施。善於交結。與諸葛瑾至厚。委廬江劉靖以得失。江夏李允以衆事。廣陵吳碩。河南張梁以軍旅。而傾心親待。莫不自盡。皎嘗遣兵候獲魏邊將吏美女以進。皎更其衣服送還之。下令曰。今所誅者。曹氏其百姓何罪。自今以往不得繫其老弱。由是江淮間多歸附者。嘗以小故與甘寧忿爭。或以議寧。寧曰。臣子一例。征虜雖公子。何可專行侮人邪。吾值明主。但當輸効力。命以報所天。誠不能隨俗屈曲矣。樞聞之。以書讓皎。皎得書上疏陳謝。遂與寧深相結。後呂

蒙當襲南郡。樞欲令皎與蒙爲左右部大督。蒙說樞曰。若至尊以征虜能。宜用征虜。以蒙能。宜用蒙。昔周瑜程普爲左右部督。共攻江陵。事雖決於瑜。普自恃久將。且俱是督。遂共不睦。幾敗國事。此目前之戒也。樞寤。謝蒙曰。以卿爲大督。命皎爲後繼。荆州底定。皎有力焉。建安二十四年卒。樞追錄其功。封子胤爲丹陽侯。胤卒無子。弟晞嗣。領兵有罪自殺。國除。

吳字季明。兄皎既卒。代統其衆。以揚武中郎將領江夏太守。在事一年。遵皎舊迹。禮劉靖李允吳碩張梁及江

開導

卷之十一

手

光緒堂

征虜將軍孫伯陽賁

子鄰附

夏間舉等並納其善。吳訥於造次而敏於當官。軍民稱之。黃武五年。樞攻石陽。吳以地主。使所部將軍鮮于丹帥五千人先斷淮道。自帥吳碩張梁五千人爲軍前鋒。降高城。得三將。大軍引還。樞詔使在前住。駕過其軍。見吳軍陳整齊。樞歎曰。初吾憂其遲鈍。今治軍諸將少能及者。吾無憂矣。拜揚威將軍封沙羨侯。吳碩張梁皆裨將軍。賜爵關內侯。吳亦愛樂儒生。復命部曲子弟就業後仕進。朝廷者數十人。年四十。嘉禾四年卒。子承嗣。以昭武中郎將代統兵領郡卒。無子。封承庶弟壹奉。吳後

等遂進擊劉繇。繇走豫章。策遣賁景還壽春報術。值術
借號署置百官。除賁九江太守。不就。弃妻孥還江南。時
策已平吳會二郡。賁與策征廬江太守劉勲。江夏太守
黃祖。軍旋聞繇病死。過定豫章。上賁領太守。後封都亭
侯。建安十三年。使者劉隱奉詔拜賁爲征虜將軍。領郡
如故。在官十一年。卒。子翳嗣。

鄒宇公達。雅性精敏。幼有令譽。九歲代領豫章。進封都
鄉侯。在郡垂二十年。討平叛賊。功績修理。召還武昌。爲
統帳督。時太常潘濬掌荊州事。重安長陳留舒樊。有罪

開

卷之十一

主

九

下獄。潘嘗失火。欲置之於法。論者多爲有言。潘猶不釋。
鄒謂潘曰。舒伯庸兄弟爭死。海內義之以爲美談。仲庸
又有奉國舊意。今君殺其子弟。若天下一統。青蓋北遷。
中州士人必問仲庸繼嗣。荅者云潘承明殺樊於事。何
如。潘意卽解。樊用得濟。鄒遷夏口。爲中督。威遠將軍。所
居任職。赤烏十二年。卒。子苗嗣。

平南將軍孫國儀輔

孫輔。字國儀。賁弟也。以揚武校尉佐策。平三郡。策討丹
陽七縣。使輔西屯歷陽。以拒袁術。并招誘餘民。鳩合造

散。又從策討陵陽。生得祖郎等。策西襲廬江太守劉勲。
輔隨從。身先士卒。有功。策立輔爲廬陵太守。撫定屬城。
分置長吏。遷平南將軍。假節。領交州刺史。遣使與曹操
相聞。事覺。權幽繫之。數歲卒。子興昭。諱昕。皆歷顯位。

鎮北將軍孫公禮。伯父河。附。

孫韶。字公禮。伯父河。字伯海。本姓俞氏。亦吳人也。孫策
愛之。賜姓爲孫。列之屬籍。後爲將軍。屯京城。初孫權殺
吳郡太守盛憲。憲故孝廉。矯覽戴員。亡匿山中。孫翊爲
丹陽。皆禮致之。覽爲大都督。督兵員爲郡丞。及翊遇害。

開

卷之十一

主

九

河馳赴宛陵。責怒覽員。以不能全權。令使奸變得施。二
人議曰。伯海與將軍疎遠。而責我乃耳。討虜若來。吾屬
無遺矣。遂殺河。使人北迎揚州刺史劉馥。令住歷陽。以
丹陽應之。會翊帳下徐元孫高傳嬰等殺覽員。韶年十
七。收河餘衆。繕治京城。起樓櫓。修器備。以禦敵。權聞亂。
從板丘還。過定丹陽。引軍餘興。夜至京城下。營試攻。驚
之。兵皆棄城。傳檄備警。諱聲動地。頗貶外人。權使曉諭。
乃止。明日見韶。甚器之。卽拜丞。烈校尉。統河部。典食曲
阿丹徒二縣。自置長吏。一如河舊。後爲廣陵太守。偏將

軍。權爲吳王。遷揚威將軍。封建德侯。權稱尊號。爲鎮北將軍。詔爲邊將數十年。善養士卒。得其死力。常以營場。遠斥候。爲務。先知動靜。而爲之備。故鮮有負敗。青徐汝沛。頗來歸附。淮南濱江屯候。皆撤兵遠徙。徐泗江淮之地。不居者。各數百里。自權西征。還都武昌。詔不進見者。十餘年。權還建業。乃得朝覲。權問青徐諸屯要害。遠近人馬。衆寡。魏將帥姓名。盡具識之。所問咸對。身長八尺。儀貌都雅。權歎悅曰。吾久不見公。禮不圖進。益乃爾。加領幽州牧。假節。赤烏四年卒。子越嗣。至右將軍。

關蜀

卷之十一

光緒堂

建武將軍孫叔武桓

弟俊附

孫桓。字叔武。河之次子也。儀容端正。器懷聰朗。博學強記。能論議。應封權常稱爲宗室。顏淵年二十五。拜安東中郎將。與陸遜共拒先主。蜀軍衆甚盛。彌山盈谷。桓接刀奮命。與遜戮力。蜀師遂敗。桓斬上兜道。截其徑要。先主踰山越險。僅乃得免。忿恚歎曰。吾昔初至京城。桓尚小兒。而今追孤。乃至此耶。桓以功拜建武將軍。封丹徒侯。下督牛渚。作橫江塢。會卒弟俊。字叔英。性度恢弘。才經文武。爲定武中郎將。屯戍薄落。赤烏十三年卒。

偏將軍凌公績統 父操子烈封附

凌統。字公績。吳郡餘杭人也。父操。輕俠有膽氣。孫策初興。每從征伐。常冠軍。屢鋒守。永平長平。治山越。奸猾斂手。遷破賊校尉。及權統軍。從討江夏。入夏口。先登破其前鋒。輕舟獨進。中流矢死。統年十五。左右多稱述者。權亦以操死國事。拜統別部司馬。行破賊都尉。使攝父兵。後從擊山賊。權破保屯。先還。餘麻屯萬人。統與督張異等。留攻圍之。克日當攻。先期。統與督陳勤會飲酒。勤剛勇任氣。因督祭酒。陵轢一座。舉罰不以其道。統疾其侮。便面折不爲用。勤忿罵統。及其父操。統流涕不答。衆因罷出。勤乘酒凶忤。又於道路辱統。統不忍。引刀斫勤數日乃死。及當攻屯。統曰。非死無以謝罪。乃率勵士卒。身當矢石。所攻一面。應時披壞。諸將乘勝遂大破之。還自拘於軍。正權壯其果毅。使得以功贖罪。後權復征江夏。統爲前鋒。與所厚健兒數十人共乘一船。常去大兵數十里。行入右江。斬黃祖將張碩。復船人還。以自權引軍。兼道水陸並集。時呂蒙敗其水軍。而統先搏其城。於是大獲。權以統爲承烈都尉。與周瑜等拒破曹操於烏

關蜀

卷之十一

光緒堂

林遂攻曹仁遷爲校尉。雖在軍旅親賢接士輕財重義有國士之風。又從破皖拜盪寇中郎將領沛相與呂蒙等西取三郡反自益陽從往合肥爲右部督時權撤軍前部已發魏將張遠等奄至津北權使追還前兵兵去已遠勢不相及統率親近三百人陷圍扶杆權出敵已毀橋橋之屬者兩板權策馬驅馳統復還戰左右盡死身亦被創所殺數十人度權已免乃還橋敗路絕統披甲潛行權既御船見之驚喜統痛親近無反者悲不自勝權引袂扶之謂曰公績亡者已矣苟使卿在何患無

關事

卷之十一

主

先聲堂

人拜偏將軍倍給本兵時有薦同郡盛過於權者以爲梗祭大節有過於統權曰且令如統足矣後召還夜至時統已卧聞之攝衣出門執其手以入其愛善不害如此統以山中人尚多壯悍可以威恩誘也權令東占且討之命勅屬城凡統所求皆先治後聞統素愛士士亦慕焉得精兵萬餘人過本縣步人寺門見長吏懷三版恭敬盡禮親舊故人恩意益隆事畢當出會病卒時年四十九權聞之拊床起坐哀不能自止數日減膳言及流涕使張承爲作銘誄二子烈封年各數歲權內養於

宮愛待與諸子同賓客進見呼示之曰此吾虎子也及八九歲令葛光教之讀書十日令騎馬追錄統功封烈亭侯還其故兵後烈有罪免封復襲爵領兵

安國將軍朱公理治 子才紀附

朱治字公理丹陽故鄣人也初爲縣吏後察孝廉州辟從事隨孫堅征伐中平五年拜司馬從討長沙零桂等三郡賊周朝蘓馬等有功堅表治行都尉從破董卓於陽入洛陽表治行督軍校尉特將步騎東助徐州牧陶謙討黃巾會堅薨治扶翼策依就袁術後知術政德

關事

卷之十一

主

先聲堂

不立乃勅策還平江東時太傅馬日磾在壽春辟治爲掾遷吳郡都尉是時吳景已在丹陽而策爲衛攻廬江於是劉繇恐爲袁孫所并遂構嫌隙而策家門盡在州下治乃使人於曲阿迎太妃及權兄弟所以供奉輔護甚有恩紀治從錢唐欲進到吳吳郡太守許貢拒之於由拳與戰大破之貢南就山賊嚴白虎治遂入郡領太守事策既走劉繇東定會稽權年十五治舉爲孝廉後策薨治與張昭等共尊奉權建安七年權表治爲九真太守行扶義將軍創婁由拳無錫毘陵爲奉邑置長吏

肅

卷之十一

七

光緒堂

征討夷越。佐定東南。會截黃巾。徐額等。黃武元年。封見陵侯。領郡如故。二年。拜安國將軍。金章紫綬。徙封故鄣。權歷上將。及爲吳王。治每進。見權常親迎。執版。交拜。宴饗。贈賜。恩敬特隆。至從行。吏皆得奉贊。私覲。其見異如此。權從兄豫章太守貴。女爲曹操子。綠及操破荊州。威震南土。貴畏懼。欲遣子入質。治聞之。求往見貴。爲陳安危。曰。破虜將軍。昔率義兵。入討董卓。聲冠中夏。義士壯之。討逆繼世。廓定六郡。特以君侯骨肉。至親。器爲時生。故表漢朝。剖符大郡。兼建將校。仍關綜兩府。榮冠宗室。爲遠近所瞻。加討虜。聰明神武。繼承鴻業。攬結英雄。周濟世務。軍衆日盛。事業日隆。雖昔蕭王之在河北。無以加也。必克成王基。應運東南。故劉玄德。遠布腹心。求見拯救。此天下所共知也。前在東。開道路之言。云將軍有異趣。良用懼然。今曹操阻兵。傾覆漢室。幼帝流離。百姓元元。未知所歸。而中國蕭條。或百里無烟。城邑空虛。道殣相望。士歎於外。婦怨於內。之以師旅。因之以飢饉。以此料之。彼豈能越長江。與我爭利哉。將軍當斯時也。而欲皆骨肉之親。違萬安之計。割同氣之膚。啖虎狼之

肅

卷之十一

七

光緒堂

口。爲一女子。改慮易圖。失機毫釐。差以千里。豈不惜哉。貴由此遂止。權常歎治憂勤王事。性儉約。雖在富貴。車服惟取供事。權優異之。自令督軍御史。典屬城。大書治領四縣租稅而已。是時丹陽深地。頗有奸叛。亦以年向老。思戀土風。自表屯故鄣鎮。撫山越父老故人。莫不詣門。治皆引進。與其飲宴。鄉黨以爲榮。在故鄣歲餘。還吳。黃武三年卒。在郡三十一年。年六十九。子才嗣。才。字君業。爲人精敏。善騎射。權愛異之。常侍從游戲。少以父任。爲武衛校尉。領兵隨從征伐。屢有功捷。本郡議者。以才少處榮貴。未留意於鄉黨。才乃歎曰。我初爲將。謂跨馬蹈敵。當身履鋒。足以揚名。不知鄉黨復追迹其舉措乎。於是更折節爲恭。留意於賓客。輕財尚義。施不望報。又學兵法。名聲始聞於遠近。會疾卒。才弟紀。權以策女妻之。亦以校尉領兵。

左大司馬朱義封然。子續附。

朱然。字義封。治姊子也。本姓施氏。初治未有子。然年十三。乃啓策乞以爲嗣。策命丹陽郡。以羊酒召然。然到吳。策優以禮賀。然嘗與權同書。學結恩愛。至權統事。以然

爲餘姚長時年十九後遷山陰令加折衝校尉督五縣
權奇其能分丹陽爲臨川郡然爲太守授兵一千人會
山賊盛起然平討旬月而定曹操出濡須然備大塢及
三關屯拜偏將軍建安二十四年以從定荊州功遷昭
武將軍封西安侯虎威將軍呂蒙病篤權問曰卿如不
起誰可代者蒙對曰朱然膽守有餘愚以爲可任蒙卒
權假然節鎮江陵黃武元年蜀兵攻宜都然督五千人
與陸遜并力拒之蜀兵敗走拜征北將軍封永安侯魏
遣貢真夏侯尚張郃等攻江陵魏文帝自往宛爲其勢
援連屯圍城權遣將軍孫盛督萬人備州上立圍塢爲
然外救郃渡兵攻盛盛不能拒即時卻退據州上圍守
然中外斷絕權遣潘璋楊粲等解其圍粲等還回未敢
進時然城中兵多腫病堪戰者裁五千人真等起土山
鑿地道立樓櫓臨城弓弩雨注將士皆失色然晏如而
無恐意方勵士卒伺隙攻破兩屯魏攻圍然凡六月
日未退江陵姚泰備城北門見外兵盛城中人少穀食
欲盡因與敵交通謀爲內應垂發事覺然治戮泰尚等
不能克乃徵攻退還由是然名震於敵國改封當陽侯

關羽

卷之十一

光緒堂

六年權自率衆攻石陽及至旋師潘璋斷後夜出錯亂
敵追擊璋璋不能禁然即還住拒敵使前船得引極遠
徐乃後發嘉禾三年權與蜀克期大舉權自向新城然
與全琮各受斧鉞爲左右督會吏士疾病故未攻而退
赤烏五年征柤中魏將蒲忠胡質各將數千人要遮陰
臨圖斷然後質爲忠斷援時然所督兵將先四出聞問
不暇收合便將帳下見兵八百人逆掩忠戰不利質等
皆退九年復征柤中魏將李典等聞然深入率步騎六
千斷然後道然夜出逆之軍以勝反先是歸義馬茂懷
奸覺誅權深忿之然臨行上疏曰馬茂小子敗負恩養
臣今奉天威事蒙克捷欲令所獲震耀遠近方舟塞江
使足可觀以解上下之忿惟陛下下識臣先言責臣後効
權時抑表不出然既獻捷羣臣上賀權乃舉酒作樂而
出然表曰此家前初有表孤以爲難必令果如其言可
謂明於見事也遣使拜然爲左大司馬右軍師然長不
盈七尺氣候分明內行修潔其所文采惟施軍器餘皆
質素終日欽欽如常在戰場臨急膽定尤過絕人雖世
無事每朝夕嚴鼓兵在營者咸行裝就隊以此玩敵使

關羽

卷之十一

光緒堂

不知所備。故出。輒有功。諸葛瑾子融。步騭子協。雖各襲任。惟特復使然。總爲大督。又陸遜亦本功臣。名將存者。惟然莫與比。隆慶疾二年。後漸增篤。惟晝爲減膳。夜爲不寐。中使醫藥。口食之物。相望於道。然每遣使表疾病消息。惟輒召見。口自問訊。入賜酒食。出送布帛。自創業功臣。疾病。惟意之所鍾。呂蒙凌統最重。然其次矣。年六十八。赤烏十二年卒。惟素服舉哀。爲之感慟。子績嗣。

績字公緒。以父任爲郎。後拜建中校尉。隨太常潘濬討五溪。以膽力稱。還偏將軍。營下督領盜賊。事持法。不傾。

開

卷之十一

聖

光緒堂

魯王霸。注意交績。管至其廨。就之坐。欲與結好。績下地。住立。辭而不當。然卒襲業。拜平魏將軍。樂鄉督。明年。魏征南將軍王昶。率衆攻江陵城。不克而退。績與奮威將軍諸葛融。書曰。昶遠來疲困。馬無所食。力屈而走。此天助也。今追之力少。可引兵相繼。吾破之於前。足下乘之於後。豈一人之功哉。宜同斷金之義。融答許。績引兵及昶於紀南。紀南去城三十里。績先戰勝。而融不進。績遂失利。惟深嘉績。盛責怒融。融兄大將軍恢。貴重。故融得不廢。建興元年。還鎮東將軍。太平二年。拜驃騎將。

軍時。孫琳秉政。大臣疑貳。恐吳必擾亂。而中國衆寡。乃密書結蜀。使爲并兼之慮。蜀遣右將軍閭宇。將兵五千。增白帝守。以資績之後命。永安初。還上大將軍都護。自巴丘上乞西陵。元興元年。就拜左大司馬。初然爲治。行表竟乞復本姓。惟不許。績以五鳳中。表還爲施氏。建衡二年卒。

丞相陸伯言遜

陸遜字伯言。九江都尉駿之子。遜少孤。隨從祖廬江太守康在官。衰術與康有隙。康遣遜及親戚還吳。遜年長。

開

卷之十一

聖

光緒堂

於康子績數歲。爲之綱紀。門戶。孫權爲將軍。始仕幕府。歷海昌都尉。并領縣事。會稽山賊潘臨。所在毒害。歷年不禽。遜以手下召兵。討治。添險。所向皆服。拜定威校尉。軍屯利浦。惟以策女配遜。數訪世務。遜建議曰。方今英雄基峙。豺狼窺望。克敵寧亂。非衆不濟。而山寇舊惡。依阻深地。夫腹心未平。難以圖遠。可大部伍。取其精銳。權納其策。以爲帳下右都督。會丹陽賊帥費棧。受曹操印綬。扇動山越。爲作內應。惟遣遜討棧。棧支黨多。而往兵少。遜乃益施牙幢。分布鼓角。夜潛山谷。間鼓譟。南前。

時破散。遂部伍東三郡。強者爲兵。弱者補戶。得精卒數萬人。宿惡盡除。所過肅清。還屯蕪湖。呂蒙稱疾詣建業。遂往見之。謂曰。關羽接境。如何。遠下。蒙曰。誠如來言。然我病篤。遂曰。羽矜其驍氣。陵轢於人。始有大功。意驕志逸。得務北進。未嫌於我有相聞。病必益無備。今出其不意。自可禽制。若見至尊。宜好爲計。蒙至都。權問誰可代。卿蒙對曰。陸遜意思深長。才堪負重。未有遠名。非羽所忌。若用之。當令外自韜隱。內察形便。然後可克。權乃召遜。拜偏將軍。右都督。代蒙。遜至。陸口書與羽。盛稱功德。

關羽

卷之十一

聖

光緒堂

樂自傾盡。羽覽遜書。有譏下自託之意。意大安。無復所嫌。遜具啟形狀。陳其可禽之要。權乃潛軍而上。使遜與呂蒙至。卽克公安。南郡。宜都。太守樊友。委郡走。諸城長吏及蠻夷君長。皆降。前後斬獲招納凡數萬計。權以遜爲右護軍。鎮西將軍。進封婁侯。時荊州士人新還。仕進或未得所。遜䟽請。普加抽拔之恩。令並獲自進。然後四海延頸。思歸大化。權散納其言。黃武元年。劉備率大衆來向西界。權命遜爲大都督。假節督朱然。潘璋等五萬人拒之。備從巫峽建平連圍。至夷陵界。立數十屯。以金

錦爵賞。誘動諸夷。使馮習爲大督。張南爲前部。先遣吳班將數千人於平地立營。欲以挑戰。諸將皆欲擊之。遜曰。此必有異。且觀之。備知其計不可。乃引伏兵從谷中出。遜曰。所以不聽諸君擊班者。揣之必有巧故也。乃勅兵士各持茅一把。以火攻之一。兩勢成。通率諸軍同時俱攻。斬張南。馮習等。首破其四十餘營。瓦解土崩。死者萬餘。備大慙。恚曰。吾乃爲陸遜所破。豈非天邪。加拜遜輔國將軍。領荊州牧。改封江陵侯。時備住白帝。諸將親表言。備必可禽。請復攻之。權以問遜。遜以爲曹丕大合。

關羽

卷之十一

聖

光緒堂

士衆外託助國。討備內實有姦心。謹決計。輒還。無幾。魏軍果出。三方受敵也。備尋病亡。子禪嗣。諸葛亮秉政。與權連和。時事宜。權輒令遜語亮。并刻權印。以置遜所。權每與蜀書。常過示遜。輕重可否。有所不安。便令改定。以印封行之。七年。曹休入皖。假遜黃鉞。推親執鞭。見之已而大破。休走。諸軍振旅。還過武昌。權令左右以御蓋覆遜。入出殿門。凡所賜遜。皆卽物上珍於時。莫與爲比。遣還西陵。黃龍元年。拜上大將軍。右都護。遜雖在外。乃心於國。屢上疏陳時事。權欲遣偏師取夷州及朱崖。皆

以咨遜遜以爲宜有養士民寬其租賦衆克在和義以勸勇則河渭可平惟遜征夷州得不補失嘉禾五年惟比征使遜與諸葛瑾攻襄陽斬首獲生凡千餘人其所生得皆加管護支黨感慕來歸者傾財帛周贍六年中郎將周祗乞於鄱陽召募事下問遜遜以爲此郡民易動難安不可與召恐致賊寇而祗固陳取之郡民吳達等果起作賊殺祗攻沒諸縣豫章廬陵宿惡民並應逮爲寇遜自聞輒討卽破逮等相率降遜料得精兵八千人赤烏七年代顧雍爲丞相州牧都護領武昌事如故

開闢

卷之十一

聖主

光緒堂

時太子有不妥之議遜上疏陳太子正統宜有磐石之固魯王藩臣當使寵秩有差彼此得所上下獲安謹叩頭流血以聞言三四上及求詣都欲口論嫡庶之余以匡得失既不聽許而太子太傅吾粲坐數與遜交書下獄死雍累遣中使責讓遜遜憤恚致疾卒時年六十三家無餘財長子延早夭次子抗襲爵自有傳孫休時追謚遜曰昭族

平虜將軍徐琨

子矯附

徐琨富春人堅之甥也少仕州郡去吏隨堅征伐拜偏

將軍隨孫策討樊能千虞等於橫江擊張英於當利口擊走笮融劉繇功皆多於諸將策表琨領丹陽太守以督軍中郎將領兵從破廬江太守李術封廣德侯遷平虜將軍從討黃祖中流矢卒子矯嗣封討平山越拜偏將軍

後將軍賀公苗

子達弟景附

賀齊字公苗會稽山陰人也少爲郡吏守剡長縣吏斯從輕俠爲奸齊欲治之主簿諫曰從縣大族山越所附今日治之明日寇至齊聞大怒便立斬從從族黨遂相

開闢

卷之十一

聖主

光緒堂

糾合衆千餘人舉兵攻縣齊率吏民開城門突擊大破之威震山越建安元年孫策臨郡察齊李廙時王朗奔東治候官長商升爲朗起兵策遣永寧長韓晏領南部都尉將兵討升以齊爲永寧長晏爲升所敗齊遂代晏領都尉事升長齊威名遣使乞盟齊因告論禍福升遂送上印綬出舍請降賊帥張雅潘疆等不願升降反共殺升雅稱無上將軍疆稱會稽太守賊盛兵少未足以討齊乃住軍觀變雅與女婿何雄爭勢兩軍齊令越人因事交構遂致疑隙阻兵相圖齊乃進討一戰大破賊

黨震懼幸衆出降候官既平而建安漢興南平復亂齊進兵建安立都尉府郡發屬縣五千兵各使本縣長將之皆受齊節度賊洪明等五人率各萬戶連屯蓋竹大澤同出餘汗以爲聲援齊慮賊衆兵少深入無繼恐爲所斷乃分兵留備進擊明等轉戰而前勢如破竹凡討治斬首六千級名帥盡禽五屯皆破復立縣邑料出精兵萬人拜爲東平校尉遷武威中郎將討丹陽黥歛而歛賊帥金奇萬戶屯安勤山毛甘萬戶屯烏聊山黥賊帥陳僕祖山等二萬戶屯林歷山林歷山四面壁立高

開纂

卷之十一

聖

光緒堂

郡權出祖道作樂舞象賜齊駟車駿馬罷坐住駕使齊就車齊辭不敢權使左右扶齊上車命導吏卒兵騎如在郡儀權望之笑曰人當努力非積行累勩此不可得去百餘步乃旋二十一年鄱陽民尤突受曹操印綬化民爲賊陵陽始安涇縣皆與突相應齊與陸遜討破突斬首數十餘黨震服丹陽三縣皆降料得精兵八千人拜安東將軍封山陰侯黃武初魏使曹休來伐齊以道遠後至因住新市爲拒會洞口諸軍遭風流溺所亡中分將士失色賴齊未濟偏軍獨全諸將倚以爲勢齊性奢精尤好軍事兵甲器械極爲精好所乘船雕刻丹鏤青蓋絳帷千櫓戈矛鉞爪文畫弓弩矢箭威取上材蒙衝聞艦之屬望之若山休等憚之遂引軍還遷後將軍假節領徐州牧後四年卒子達及弟景皆有令名爲佳將

開纂

卷之十一

聖

光緒堂

偏將軍駱公緒統

驍統字公緒會稽烏傷人也父俊官至陳相爲袁術所害母改適爲華歆小妻統時八歲遂與親客歸會稽其母送之拜辭上車面而不顧其母涕泣於後御者曰夫

人猶在也。親曰：不欲增母思，故不願耳。事嫡母甚謹，時饑荒，鄉里及遠方客多有困乏，統爲之飲食，衰少其姊仁愛有行，寡居無子，見統甚哀之，數問其故，統曰：士大夫糟糠不足，我何心獨飽？姊曰：誠如是，何不告我而自苦若此？乃自以私粟與統，又以告母，母亦賢之，遂使分施，由是顯名。孫權以將軍領會稽太守，統年二十，試爲烏程相，民戶過萬，咸歎其惠理。權嘉之，召爲功曹，行騎都尉，妻以從兄輔女，統志在補察，苟所聞見，夕不待旦。常勸權以尊賢接士，勤求損益，饗賜之日，可人人別進，問其燥濕，加以密意，誘諭使言，察其志趣，令皆感恩戴義，懷欲報之心，權納用焉。出爲建忠郎將，領武射吏三千人，是時征役繁數，重以疫癘，民戶損耗，統上疏曰：臣聞君國者，以據疆土爲強富，制威福爲尊貴，昭德義爲榮顯，永世能爲封祚，然財湏民生，強賴民力，威恃民勢，福由民殖，德俟民茂，義以民行，六者既備，然後應天受祚，保族宜邦。書曰：衆非后，無能胥以寧；后非衆，無能辟四方。推是言之，則民以君安，君以民濟，不易之道也。今強敵未殄，海內未又，三軍有無已之役，江境有不釋之

卷之十一

光緒

光緒

備徵賦調數，由來積紀，加以殃疫死喪之災，郡縣荒虛，田疇蕪曠，聽聞屬城，民戶浸寡，又多殘老，少有丁夫，聞此之日，心若焚燎，思尋所由，小民無知，既有安土重遷之性，且又前後出爲兵者，生則困苦，無有溫飽，死則棄棄骸骨，不反，是以尤用戀本畏遠，同之於死，每有徵發，羸謹居家，重累者，先見輸送，小有貨財，傾居行賄，不顧窮盡，輕剝者，則進入險阻，黨就羣惡，百姓虛竭，嗷然愁擾，愁擾則不營業，不營業則致窮困，致窮困則不樂生，故口腹急，則奸心動，而携叛多也。又聞民間非居處小，能自供，生產兒子，多不起養，屯田貧兵，亦多棄子，天則生之，而父母殺之，既懼干逆和氣，感動陰陽，且惟殿下開基建國，乃無窮之業也，強隣大敵，非造次所滅，疆場常守，非期月之戍，而兵民減耗，後生不育，非所以歷遠年，致成功也。夫國之有民，猶水之有舟，停則以安，擾則以危，愚而不可欺，弱而不可勝，是以聖王重焉，禍福由之，故與民消息，親時制政，方今長吏親民之職，惟以辦具爲能，取過目前之急，少復以恩惠爲治，副稱殿下天覆之仁，勤恤之德者，官民政俗，日以凋弊，漸至陵遲，勢

卷之十一

手

光緒

不可久。夫治疾及其未篤，除患貴其未深。願殿下少以萬機餘閒，留神思省，補復荒虛，深圖遠計，育殘餘之民，阜人財之用，參曜三光等崇天地，臣統之大願，足以死而不朽矣。權感統言，深加意焉。以隨陸遜破蜀軍於宜都，遷偏將軍。黃武初，曹仁攻濡須，使別將常雕等襲中州，統與嚴圭共拒破之。封新陽亭侯。後爲濡須督，數陳便宜，前後書數十上，所言皆善。年三十六，黃武七年卒。

太子太傅吾孔休黎

吾黎，字孔休，吳郡烏程人也。孫河爲縣長，黎爲小吏。河

卷之十一

光緒堂

深奇之。河後爲將軍，得自選長吏，表黎爲曲阿丞。遷爲長史，治有名，迹雖起孤微，與同郡陸遜、卜靜等比肩齊聲矣。孫權爲車騎將軍，召爲主簿，出爲山陰令。還爲泰軍校尉。黃武元年，與呂範、賀齊等俱以舟師拒魏將曹休於洞口。值天大風，諸舡縋絕，斷絕漂沒，着岸爲魏軍所獲。或覆沒沉溺，其大舡尚存者，水中生人皆攀緣號呼。他吏士恐舡傾沒，皆以戈矛擲擊不受。黎與黃淵獨令舡人以承取之。左右以爲舡重必敗，黎曰：「舡敗當俱死耳。」人窮奈何？棄之。黎淵所活者百餘人，還還會稽太

守召處士謝譚爲功曹。譚以疾不詣。黎教曰：「夫應龍以屈伸爲神，鳳凰以嘉鳴爲貴，何必隱形於天外，潛鱗於重淵者哉？」黎募合人衆，拜昭義中郎將，與呂岱討平山越。入爲屯騎校尉，少府。遷太子太傅。遭二官之變，抗言執正，明嫡庶之分。欲使魯王霸出仕夏口，遣楊竺不得。今在都邑，又數以消息語陸遜。遜時駐武昌，連表諫諫，由此爲羈紲等所譖害，下獄誅。

右大司馬全子璜琮 父柔附

全琮，字子璜，吳郡錢唐人也。父柔，漢靈帝時舉孝廉，補

卷之十一

光緒堂

尚書郎。右丞董卓之亂，奔官歸州，辟別駕從事。詔書就拜會稽東部都尉。孫策到吳，柔舉兵先附。策表柔爲丹陽都尉。孫權爲車騎將軍，以柔爲長史，徙桂陽太守。柔嘗使琮齎米數千斛到吳，有所市易。琮至，皆散用，空船而還。柔大怒，琮頓首曰：「愚以所市非急，而士大夫有倒懸之患，故便賑贍，不及啟報。柔更以奇之，是時中州士人避亂而南，依琮居者以百數。琮傾家給濟，與共有無，遂顯名遠近。後權以爲奮威校尉，授兵數千人，使討山越，因開募，召得精兵萬餘人，出屯牛渚，稍遷偏將軍。

開導

卷之十一

李

光緒堂

封華陽亭侯黃武元年魏以舟師大出洞口權使呂範督諸將拒之軍營相望敵數以輕船鈔擊琮常帶甲仗兵伺候不休頃之敵數千人出江中琮擊破之梟其將軍尹盧遷綏南將軍進封錢唐侯四年假節領九江太守是時丹陽吳會山民復爲寇賊攻沒屬縣權分三郡險地爲東安郡琮領太守至明賞罰招誘降附數年中得萬餘人權召琮還牛渚罷東安郡琮還經過錢塘修祭墳墓麾幢節蓋曜於閭里諸會邑人平生知舊宗族六親施散惠與千有餘萬本土以爲榮黃龍元年遷衛將軍左護軍徐州牧尚公主嘉禾二年督步騎五萬征六安六安民皆散走諸將欲分兵捕之琮曰夫乘危僥倖舉不百金者非國家大體也今分兵捕民得失相半豈可謂全哉縱有所獲猶不足以弱敵而副國望也如或邂逅虧損非小與其獲罪琮寧以身受之不敢微功以負國也赤烏九年遷大司馬左軍師爲人恭順善於承顏納規言辭未嘗切忤初權將圖珠崖及夷州皆先問琮琮曰以聖朝之威何向而不克然殊方異域隔絕障海水土氣毒自古有之兵入民出必生疾病轉相汚

染往者懼不能返所獲何可多致猥虧江岸之兵以冀萬一之利愚臣猶所不安權不聽軍行經歲士卒疾疫死者十有八九權深悔之琮既親重宗族子弟竝蒙寵貴賜累千金然猶謙虛接士貌無驕色十二年卒于憚嗣後襲業領兵救諸葛誕於壽春出城先降魏以爲平東將軍

揚武將軍吳景子奮祺附

開導

卷之十一

李

光緒堂

吳景吳郡錢唐人也蚤失父母姊與孫堅爲婚隨堅征伐拜騎都尉領丹陽太守合孫策兵共討涇縣山賊祖郎爲劉繇所迫敗走景北依袁術術以爲督將中郎將與孫策共討樊能于廩於橫江又擊笮融薛禮於秣陵時策被創牛渚降賊復反景攻討盡禽之策遣景往壽春報術術以景爲廣陵太守術僭號又不納策言景委郡東歸策復以爲丹陽太守揚武將軍領郡如故建安八年卒於官二子奮祺奮授兵爲將軍俱積軍功奮封新亭侯祺都亭侯吳越共二十二人雄武軍節度使馬綽

馬綽餘杭人。性淳直。恒以忠節自許。初與錢鏐俱事董昌。昌使鏐閱部伍。亡其名籍。鏐因歷唱之。存亡健悍者皆無遺失。綽密謂鏐曰。老子忌猜駭。公強記當必相圖。乃以白紙數番授鏐。若代軍籍者。鏐由是深德之。因以其妹歸綽。綽尋隨董昌於越州。昌僭號。綽弃家先奔於鏐。乃授諸城都指揮使。徐綰之亂。綽有發垂門之功。鏐尋命元瓘納綽女。是為恭順夫人。綽累職鎮東軍節度副使。兩浙行軍司馬。睦州刺史。奏授雄武軍節度使。同平章事。卒。

開朝

卷之十一

聖

光緒堂

潤州刺史杜鵬雲校

子建恩建孚附

杜稜。字鵬雲。新城人。少修父業。唐末盜起。乃糾集義兵以扞鄉邑。乾符間。杭州募諸縣鄉兵各千人。稜為東安郡將。後更為武安營。與臨安董昌錢勣對峙。安阮結富陽間人。字監官。徐及餘杭凌文舉。臨平曹信。號八都董昌為長。錢勣副焉。鏐功業既盛。光啟三年。天子拜鏐杭州刺史。稜謂諸子曰。成大事者。此人也。遂傾心歸之。潤州牙將劉浩。逐其帥周寶。寶奔常州。浩推薛朗為帥。鏐遣稜與成及阮結討之。敗其將李君。稜拔常州奉寶歸。

開朝

卷之十一

聖

光緒堂

於杭。天子拜稜常州刺史。稜遂屬其兵於諸子。建恩將於內。建徽禦於外。建孚則經度於季孟之間。皆以雄武稱。大順二年。鏐以楊行密數侵邊境。命稜築東安城。稜相險易。度資用。因山為城。環城以池。越十月而訖。事天子以鏐為鎮海軍節度。稜為副使。乾寧二年。鏐討董昌。昌乞師於行密。行密遣田頔。安仁義。平萬眾來攻東安。稜嬰城自守。城中乏水。穿井百尺。不得泉。稜禱之。泉立至。淮人樓櫓翔空。矢石交迸。稜悉城施武。斃淮兵於城外者千數。濠塹為赤。其黨敗散。於是紫溪保城建寧靜江四鎮。皆聚保。東安民懷其恩。月其井曰杜公井。自是羣寇無圖。南意明年。鏐得滅昌。天子改威勝軍曰鎮東。拜鏐鎮海軍節度使。稜兼兩浙諸軍都指揮使。行軍司馬。又明年。安仁義攻婺。鏐遣稜救之。仁義移兵攻睦。亦不克。稜後為潤州刺史。辛。初孫儒為行密所殺。其士卒多奔浙西。鏐愛其驍悍。以隸中軍。號武勇都。稜疾中。密疏於鏐曰。狼子野心。是乃狼也。稜親武勇將士。終非所畜。願以土人代之。鏐不聽。及徐綰等叛。思其先見。命使祭之後。以子建徽貴。贈太師。

武勇都指揮使顧全武

顧全武餘姚人。事錢鏐爲武勇都指揮使。將兵救嘉興。破其三寨。還守西陵。將圖董昌。乃先取餘姚。降其令袁。邵遂引兵克昌。禽之。越民惟呼動地。先是蘓州告急。鏐命全武捨越起兵。全武曰。越固賊之根本。奈何垂克而棄之。至是取越。乃航海至嘉興。而淮兵圍其城甚急。全武一鼓破其十八營。虜其將士三千人。遂乘勝取蘓州。拔松江下無錫。常熟。華亭。諸郡縣。而秦裴者守崑山不下。力屈乃降。全武有之時稱長者。

閩粵

卷之十一

壬七

光碧堂

左執法吳取仁公約

吳公約字處仁。餘杭人。黃巢之亂。杭之八都既建。派而分者爲十都。公約其一也。初以勇膽智略爲郡邑推洎。朱直起兵。應募西討。以功授西桂鎮遏使。從董昌禦巢於西鄙。加御史中丞。奏置都額。改硤石爲訓兵之所。摧鋒破銳。日有聲。稱錢鏐之破越也。公約以曉果先登。兵罷拜千牛衛將軍。肅政臺長。俄而劉浩平。錄功上奏。天子嘉之。授散騎常侍。明年徐寇據姑蘇。斷米方。諸軍糧道。鏐委公約專征。授北而諸軍行營招討使。九月。統師

自金陵返旆南討。明年春克吳苑。遷軍功以本都歸。鏐益嘉其忠節。兼授義和鎮遏使。兼本軍水陸都游奕使。冬淮寇侵擾。合諸軍杆禦疆域。屢挫賊鋒。遷大冬卿。改秋曹民部二尚書。遷左執法。自始至末。薄於進取。所有必以分散士衆爲將三十年家。無長物。出則督勵將士。入則訓誨子弟。乾寧四年卒。

檢校太師兼侍中成弘濟及

成及字弘濟。錢塘人。性篤厚。爲鄉里所重。咸通中捍山賊。逐齊寇。聲名遂振。乾符間八都宸盛。聞人宇卒而及

閩粵

卷之十一

壬八

光碧堂

代之。遂以富春鎮。稱靖江都將。劉漢宏作亂。與鏐同討平之。比關鎮將劉孟安謀亂。即席奮劒。將犯鏐。及舉胡牀制之。偏將盛造因執孟安就戮。以功奏遷散騎常侍。復爲靖江鎮將。光啟中潤州薛朗叛。命及征之。夏五月進圍常州。克之。尋平潤州。奏授兵部尚書。克本州防禦副使。潤州阮結卒。命及代之。累遷檢校司空。尋爲蘓州刺史。乾寧三年淮人圍姑蘇。常熟鎮將陸郢巡檢郭用等以城應寇。城陷。及以禮見淮帥楊行密。行密問及府庫私寶。皆藥物圖書而已。由是重之。至淮南。辟爲行軍

司馬及拒之曰及以百口托於錢塘不幸城陷以至於此豈宜以本道符竹換富貴於鄰境及引佩刀自刺行密遽止之因厚禮而歸之累授鎮海節度副使奏授司徒至太傅天復中鏐游衣錦軍使武勇都軍士治溝洫軍中多怨言及請罷役不聽俄而作亂鏐回至北郊微服將入城及乃代乘鏐車行與賊聞鏐遂得入鏐性嚴急每有檢發必亟加斬決或及至雖盛怒必為之釋其寵遇如此類累勅投保大彰義等軍節度使開府儀同三司檢校太師兼侍中卒年六十七

開闢 卷之十一 光碧堂

左丞相杜延光建徽杜建徽字延光稜之少子強勇不與諸兄弟類稜為常州刺史建徽代為武安都將稜為淮人所逼建徽馳赴之城已拔被虜及稜歸自淮南建徽軍中嚴整無改稜制稜甚憫之稜將沒散家財於諸子惟授建徽一劔曰此吾歷任所乘者獨汝能傳之徐縮叛鏐於杭焚掠城郭建徽自新城以本都之兵赴難因命守禦縉等已攻內城聚木將焚北門建徽使以火鉤取其木先焚之木不得聚賊計遂沮武劔鏐渡江保會稽建徽挾劔叱

之曰事或不濟同死於此豈可復東渡乎顧全武曰聞維等謀召田頵頵至則淮南助之不可敵矣建徽曰孫儒之難王嘗有恩於楊公令往告之宜有以相報鏐遂命全武告急於楊行密且以子元琰往語在鏐傳睦州刺史陳詢不順鏐命鏐以建徽與詢姻婭疑之使馬綽伺其意建徽曰陳氏背義自貽覆族建徽既姻婭固應見疑然累書諭之而不見聽皇天后土苟或鑒照方明此心爾俄有睦吏降持建徽所貽詢書至皆劔戒之詞鏐嘉歎久之兄建恩嘗請其畜兵仗為異圖鏐使索之

開闢 卷之十一 李 光碧堂

建徽方食使者直入卧內建徽食不顧使者以聞鏐感悟益加殊待每會必指之曰杜丞相今日塵忝多其力也子孫昆弟未紫車馬盈門而性儉素導從不過數人財物輒散鄉里親族每從征伐單衣入陣眾皆披靡軍中謂之虎子嘗從鏐弟鏐救姑蘇與敵遇逼河梁斷輒馬徑渡及岸而馬蹏蹏之號曰馬塚年高不廢騎射嘗擊毬於廣場與酣有宿中箭鏐自臂中飛出人皆壯之仕吳越歷四王檢校太師左丞相以漢乾祐三年卒贈太師謚威烈

保順軍節度使鮑慶臣君福 子修遜附

鮑君福字慶臣唐太子少保宣公防之裔後適吳越君福性純厚有膽氣從軍以曉果稱初從劉漢宏繼歸錢鏐號曰向明都累從征伐有功能馬上輪雙劒入陣望之若飛電尋爲衢州應援指揮使屬刺史陳章叛淮人入其境乃以淮帥命辟爲郡職君福不納鏐慮其被害乃密賜絹書使姑從之君福終拒焉伺守者醉乃奔歸尋授衢州刺史淮將周本守信州屢侵其境君福每率數騎往逐之本卽遁梁貞明四年君福從錢球攻信州

卷之十一

光碧堂

開闢

卷之十一

光碧堂

斬淮將呂師造擒偏將馮敏等周本僅以身免任衢凡三考元璫領青海節辟爲副使後判湖州奏授洮州刺史保順軍節度使同平章事兼侍中晉天福五年卒贈開府儀同三司謚忠壯子修遜

修遜少寡言語總軍整肅累官上直指揮使陞衢州刺史開運四年爲戍將護李孺贊於福州孺贊叛修遜殺之傳首錢塘周顯德三年修遜從吳程攻常州以應世宗之師至宋建隆元年知福州彰武軍事後爲上直諸軍都鈐轄使同叅丞相府事卒

蕪州刺史曹圭 父信族人師魯附

曹圭仁和家人家臨安父信由歙歸杭爲臨平鎮將圭之將生信夢人謂已曰我當爲爾子有二千石已而生圭圭少有膽勇乾寧中爲嘉興都將淮人圍嘉禾圭與其族人師魯守之淮人望氣者曰此雖孤城中有貴人不可圖也圭每與師魯登城樓張樂縱飲矢石交至視之晏如嘉禾平圭以功授蕪州刺史開平中淮人復圍姑蕪屬正月望夜師魯第盛陳燒燈之宴賊俘執者咸縱視之圭以浙西營田副使檢校太傅終於蕪州師魯形

卷之十一

光碧堂

開闢

卷之十一

光碧堂

丞相曹安成仲達

曹仲達圭之子生於臨平室有紫光少小圭嘗節其飲食雖嚴冬尚未挾纊品膳悉與僕隸等又日令運甕圭在姑蕪與仲達求婚於睦州陳詢及將親迎途由杭州錢鏐見而奇之以妹僂焉累授台處二州刺史元璫襲封命仲達權知政事國建拜丞相佐嗣元璫仲達復攝政事時大養諸軍軍中有言不均輒大譟舉仗不受賜諸將不能制仲達諭之皆釋仗致拜仲達性仁厚好施

食不兼味。元璫重之。常呼丞相而不名。卒謚安成。

管田副使吳敬忠

兄順弟新附

吳敬忠於潛人。嘗從錢鏐以八都兵討劉漢宏。及鏐出兵。助准人討田頔。敬忠每先登陷陳。深太祖既封鏐爲吳越王。而敬忠以積功。亦受梁封正國功臣。浙西管田副使。累封太師。兄順以幼。發鎮海軍。保城都指揮使。檢校司空。弟新。爲太傅。八子仕本國。皆貴顯。

戶部尚書阮結

阮結。錢塘人。中和間。以八都兵從錢鏐討劉漢宏。功多。

附壽

卷之十一

李圭

光緒堂

授散騎常侍。又征常潤二州。拔羽先登。克其城。捷上。遷戶部尚書。以功名終。

高費州彥

高彥。海鹽人。少諳輜略。有膂力。善戰。每從鏐征伐。多顯功。及鏐開國。爲吳越王。奏授彥湖州刺史。彥性淳厚。居職十餘年。爲政簡便。民甚宜之。後奏領費州刺史。卒。

僕射朱蘊之行先

朱行。先字蘊之。海鹽人。燕頤虎頭。猿臂善射。人稱小由基。每從高彥征討。累功。歷親衛都指揮。靜海鎮遏使。銀

青光祿大夫。檢校尚書右僕射。封佐正匡國功臣。功名福澤。略與高彥等。以壽卒。

越州都指揮使屠寶光瓌智

屠瓌。智字寶光。其先河東人。晉將軍屠擊之後。大父某。避地於吳。家於澈川之青山。遂世爲海鹽人。生而姿貌偉杰。鷹揚虎視。少負勇略。吳越國王初起。鄉兵拒黃巢。智仗劍從之。時以籌畫進。遂與幕府謀議。董昌僭號。智首勸討賊。昌誅。以功授指揮使。乾寧四年。同顧全武。副王弟鎮。自海道救嘉禾。生擒賊將楊勝等。二十餘人。計

附壽

卷之十一

李圭

光緒堂

功得中上。遙領常州刺史。明年春。再遷越州指揮使。光化元年。瞿州刺史陳岌叛。智又同全武等討平之。三年。調守湖州。天復二年。壬戌。武勇都指揮使徐綰。許再思。叛。將及內城。刺史高彥聞之。遣子渭與智同赴難。渭曰。今日不利。彥曰。赴難急。何以吉辰爲。智按劍而起曰。達主之命。不忠。畏縮不前。無勇死。忠死。勇丈夫分也。偕渭直抵靈隱山。賊壘賊勢甚盛。合圍數重。二人自朝戰至。於日晡。身被百處奮刀一呼。手搗賊魁數人。卽馬上刃之。矢盡援絕。爲賊伏兵所害。王念智徒步從戎。卒死國。

難，以衣冠歸葬於海鹽縣。智嘗有詠志詩曰：輕身都是義，殉主始爲忠。至是竟符其誠云。

吳越丞相元明遠德昭 父仔俱附

元德昭字明遠，本姓危。父仔俱刺信州，奔吳越。錢鏐爲易今姓，仔倡常命日者視諸子，日者指德昭曰：獨此子非武官及學文，其師曰：爾才可爲王侯相。因授以文體。元璿襲國教，令之任頗缺。林鼎薦之，元璿與語，謂暢曰：德昭有輔弼之才，吾子孫無憂矣。遂掌文翰，後事佐晉。開運三年，用師南閩，兵機要務悉以委之。尋拜國相。周顯德二年，用師毘陵，吳程執趙仁澤送錢塘，德昭憐其忠，力謀得不死。六年，與吳延福入貢於周，專對稱旨，禮待有加。乾德五年，以吳越丞相卒，贈太保。

通儒院學士崔子遷仁冀

崔仁冀字子遷，錢塘人。少篤學，有文采。事錢俶爲通儒院學士。俶罷，沈子虎政事，以仁冀代之。總其兵要，太祖嘗諭旨於俶曰：元帥克毘陵，有大功，可暫來與朕相見。仁冀告俶曰：主上英武，所向無敵，保族全名，上策也。然之。太宗時，俶與仁冀決策，納土，上以仁冀爲淮南節

開朝

卷之十一

光碧堂

度使，俶薦其才，擢衛尉卿，判大理寺，移知撫州，卒。

兩浙名賢錄卷之十一終

開朝

卷之十一

光碧堂

兩浙名賢錄卷十二目次

朝運

明

誠意伯劉伯溫基

翰林學士宋景濂

御史中丞章三益

子存道附

南昌府知府葉景淵

徵辟貢薦附

王府參軍胡仲淵

翰林學士王子克律

長史桂彥良德稱

鞏昌知府劉士原性傳

祭酒梁叔亨貞

教授胡仲申翰

勸導目次

卷之十二

十

光碧堂

尚寶少卿陳如晦顯道

汪仲山仁壽

訓導徐君善原

行部侍郎劉伯靜辰

子微附

慈利縣丞汪益民

刑部尚書錢惟明唐

濟南知府方去矜克勤

國子祭酒陶中立凱

廣東參政諸葛伯衡

國子監助教員廷琚瓊

四川左參政宣彥溫

太常博士陳世昌

國子司業王原禮嘉會

文華殿大學士鮑仲宇恂

長史朱伯清燕

宋無逸玄僖

教諭趙樞謙

國子博士錢子予宰

監察御史周觀政

額上縣知縣事信大誠

江西食事丁叔寬

子麒麟附

國子學正王彥貞恒

同知劉昭甫子華

子鐸從孫棟附

右副都御史韓伯時宜可

王教授俊華

福建食事謝原功肅

知府胡斯美惟彥

子伯慎附

教授崔斯立植

黃岡縣知縣徐宜叔誼

教授俞景淵深

兵部侍郎徐宗實

訓導趙德純宜生

陝州判官梁仲仁

舉

教授徐大章一夔

左布政王希陽燕

勸導目次

卷之十二

二

光碧堂

兩浙名賢錄卷十二目次終

兩浙名賢錄卷之十二

東海徐象梅仲和氏撰

錢塘翁望之在遺氏閱

翊運

明四先生

誠意伯劉伯溫基

劉基字伯溫處州青田人少穎悟絕羣讀書過目輒誦善經學工屬文旁通天官陰符家言元末舉進士授瑞州高安丞故秘書監揭傒斯見而奇之曰子魏玄成流

卷之十一

光緒堂

也而英特殆過之應行省辟與幕僚議不合投劾去再補江浙儒學副提舉克考官復論御史失職受臺抨再投劾歸乃與魯道元字文公諒日縱酒呼博游武林泛西湖見異雲起西北衆皆謂慶雲方分韻赴詩基獨引滿不顧曰此天子氣也應在金陵十年後有王者起其下我當輔之西蜀趙元澤復奇之曰公乃受魏玄成目耶非諸葛武侯未易當耳時方國珍反海上省憲舉基爲行省都事谷珍知不能抗乃使人浮海至燕以重賂賄元用事者下有司招撫授谷珍以官基言賊弱易與

翊運

卷之十一

光緒堂

今不除乃厚撫之益長賊計用事者以先入谷珍賂大怒謂基失天子憫念元元至意當斬乃羈管紹興路基感憤痛哭流血欲自殺賴門人密理沙力阻得不死自是放浪紹興諸山水間多爲詩歌以自適而谷珍益橫肆不可制盜所在蜂起行省乃復以都事委基基受兵且撫且討寇悉平是時石抹宜孫爲樞密院判負義幹基與之相犄角軍聲大振自樞密經歷遷行省郎中而用事者右方氏僅以基故儒學副提舉資遷總管府判基既左轉又失兵乃納告身庭中拜曰臣不敢負世祖皇帝無所措足矣遂逃歸青田山著郁離子十卷以見志衆避谷珍多依基自保會太祖已下金華定括蒼基置酒延客指乾象示之曰此豈人力也邪會上使孫炎以金幣來聘基乃付其衆於弟囑曰衆善保境毋爲方氏所窺即日同章濫葉琛間道走金陵且謂濫琛曰吾昔日西湖之言驗矣既見上陳時務十八策上大悅俄陳友諒傾國入寇壓金陵軍勢張甚上欲發兵禦之而衆恇擾不決有請背城借一者有以鍾山王氣請奔據者有勸納款者基後至獨張目不言上

爲起人內趣召基言先斬主納款及奔鍾山者上因問計將安出基曰賊驕矣誘之深入而伏兵微取之故易耳取威定霸在此舉而言納款及奔何也上於是決笑誘破友諒盡覆其衆以克敵賞酬基基辭不受上雖已定江東稱吳國公而中書省設小明王座猶奉韓林兒基怒罵不拜曰何爲奉牧豎者爲上陳天命所在上感悟始定征討大計師攻友諒之皖城不下基謂彈丸地何足久勞師友諒膽破矣急進薄江州彼必遁江州下皖城焉往友諒果遁都督馮勝攻其城上使基授之方略基以一赫蹏封曰夜半出兵至某所見某方青雲起卽設伏頃有黑雲起者賊伏也勿輕動日中旻而黑雲微薄回與青雲接者賊歸也銜枚蹏其後擊之可盡擒也勝啟讀亦未敢信已而青雲黑雲起具如基言遂奉而破賊取其城友諒之丞相胡廷瑞者使其子請以洪都降有所要質上難之基從後蹴所坐胡牀上悟許之洪都乃下前基以母喪告歸上因留不得行至是復申前請始許基至衢而苗軍叛殺金華括蒼守將胡大海耿再成等衢人洶洶其將夏

朔連

卷之十二

三

光啓堂

殺憂甚迎基入衆卽帖伏基爲移書諸屬邑俾固守候邵平章之兵而悉誅諸叛將基治葬畢因騰書宣上威德以示方氏方氏遂請降俄驛召還道建德而張士誠來寇李文忠時爲帥奮欲擊之基使勿擊曰三日後必走走而尾之可盡擒也三日基登城望曰賊走矣衆見其壁壘旗幟如故且聞嚴鼓聲莫敢發基復趣之至其所則空壁所留皆老弱追而迫之東陽悉獲其衆基入謝上從容問曰吾欲取陳友諒張士誠而鯁生謂士誠密邇且富而弱宜先若爲我策之基對曰陳氏據上游竊名號乃心無日忘我此不宜久蘊崇之取陳氏則士誠囊中物矣會友諒復攻洪都上遂率師迎敵之大戰於彭蠡湖雖小利尚未決基請移軍湖口以金木相犯日決勝陳氏遂平置太史令秩正三品基領之時日中有黑子基言東南當失一大將俄而參軍胡深伐陳友定敗沒上方欲刑人而基適入亟語之夢以頭有血而土傳之故欲應以刑基曰頭上血衆也傳以土得衆且得土也應在三日上爲停三日待之而海軍降上大悅悉以所停四付基繼歸里熒感守心羣

朔連

卷之十二

四

光啓堂

朔運

卷之十二

五

光緒堂

下皆備備以 上且有所加修基密奏宜下書罪已以回天意 上許之衆乃安大旱 上特命基諡滯獄甫決雨隨澍時基最爲 上所信嚮所言無不聽 上卽位擢御史中丞碩太史令如故遇諸大典封賞冊拜皆基與左丞相李善長學士宋濂計定行之時處州七縣糧當加於宋歲額五升而 上獨令青田僅以五升爲額曰令鄉里子孫世世頌劉伯溫也時左丞相李善長貴盛基獨事與抗議不相下善長不能平適善長以事見譴憲使凌說因彈之基言善長舊勲且能輯和諸將見譴憲使凌說因彈之基言善長舊勲且能輯和諸將

朔運

卷之十二

六

光緒堂

以寬縱失國且今刑亂用重必使綱紀肅而後惠政可施乃飭諸御史一切按劾惟倖無所避中書省都事李彬坐貪縱見法丞相以彬省僚且素暱之請基緩其獄基不聽獄具馳奏報可卽斬之丞相大恚恨俟 上歸訴基盛夏祈雨僇人於壇墀之下非所以奉承天意上惜基持其章不下而風基以病請告就醫青田時洪武四年也時 上再幸鳳陽有欲建中都之意又銳欲出塞滅王保保基瀕行踰言中都曼衍非天子都王保保雖遁荒漠不可輕明年大封功臣 手詔叙基勲伐召赴京命兼弘文館學士已封其祖父皆永嘉郡公乃封基開國輔運守正文臣階資善大夫上護軍誠意伯又明年復予告歸里基既歸猶上章問起居撰賀平蜀頌 上優詔答之嘗爲 上陳甌閩事蓋甌括之間有隙地曰淡洋其南抵閩界曰三魁爲鯨盜藪方氏所由亂基奏於其地立巡司以控扼之其奸勿便也相率挾逃戍之卒以叛大豪復陰主之基時使其子璉上奏而不先白中書省胡惟庸左丞相攝相事銜基舊語使刑部劾基欲購淡洋地爲自墓不得則創立司之說以害其

劉運

卷之十二

七

光緒堂

人致激變。疏上不問。復請逮其子璉。又不問。而第令移文使基知奪其祿。伯爵如故。基馳入朝見。上但引咎自責。不敢復言歸矣。惟庸俄代廣洋爲右丞相。規上之視基意。乃陽爲好者。以八年正月朔。挾醫來視疾。基飲之。再覺有物積胸中。如拳石。又三月。寢劇。上使問之。知不能起。乃爲文以贈。給驛舟護歸。青田亡何竟卒。年六十五。基且卒。以生平所習。天文秘書。封授子璉曰。服闋。亟上。毋令後人習之。爲書勸。上修德省刑。所天永命。且寬猛若循環。毋持一端。諸形勢要害之地。宜宿重兵。與京師形勢相連。絡授其次子仲璟曰。惟庸方在。事上之無益。不久必敗。敗則上必思我。其時可密聞也。基爲人剛毅。有大節。慷慨敢言。遇天下利害。果毅奮發。不復反顧。而揣摩事計。多中其於天文尤懸。斷不爽。若鬼神。初。上禮重之。呼老先生。而不名。又時時謂人伯溫。吾子房也。洪武十三年。上誅左丞相胡惟庸等。果復思基言。召其子璉。拜考功監丞。遷江西右叅政。蚤卒。二十三年。召璉子應復。故封誠意伯。歲祿五百石。予世襲。二十五年卒。子法幼。而璉弟仲璟奏基疏拜閣門。

劉運

卷之十二

八

光緒堂

使遷谷王右長史。靖難兵至。谷王開金川門。陷而仲璟獨不屈。下獄。法亦停襲。法子樞孫雲曾孫祿。至景泰中。上思基功。授世襲翰林五經博士。子憲前卒。孫瑜至弘治中。因給事中吳士偉言。晉授處州衛指揮使。正德九年。賜誥曰。劉基學爲帝師。才稱王佐。孔明之任。豈間人言。敬輿之謀。不負所學。占事考祥。明有徵驗。運籌畫策。動中機宜。渡江策士。無雙。開國文臣。第一受爵。能讓懷舜。金蹈海之風。成功不居。從辟殺封。留之請。可謂明哲允矣。清貞特贈。爾爲太師。謚文成。嘉靖十八年。刑部郎中李諭言。故誠意伯劉基宜配饗高廟。世其封爵。如徐達。上是諭言。下廷議。皆言高祖收攬賢豪。創造基業。一時佐命功臣。並軌宜異。而帷幄奇謀。中原大計。每每屬基。故在軍有子房之稱。剖封發孔明之喻。基亡之後。孫應實嗣之。太祖嘗召諭再三。鐵券丹書。誓言世祿。應嗣未幾。旋即隕世。祿圭裳於末裔。委帶礪於空言。或謂後胤孤貧。勿克負荷。或謂長陵紹統。遂致疎嫌。雖一畝塗泥。傳聞多謬。而載書盟府。績效具存。昔者武王興滅。天下歸心。成季無後。爲善何勸。基宜侑饗。

太廟其九世孫指揮使瑜宜嗣伯爵伏惟 聖訓裁定
制曰可基入祀 太廟廡中瑜嗣誠意伯食祿七百石
與世祿二十年瑜卒子世延嗣

楊文懿守陳曰子房不見詞章玄齡僅辨符檄先生勲
業造邦文章傳世可謂千古豪或疑先生逮事胡元
專門象數何異管伊尹之屢就周公之多藝也方

上手書問天象先生條答言霜雪之後必有陽春今國
威已立自宜少濟以寬或言有殺運三十年者先生慨
然曰使我任其事掃除弊俗一二年後寬政可復嗟乎

韋

卷之十二

九 光緒堂

先生之自任者何如而卒中讒毒以死也豈天之不欲
遽開太平乎彼世所傳難星已過勸 上急移他舟者
特星官之一技耳惡足以盡先生又惡足為先生重哉

翰林學士宋景濂

宋濂字景濂浦江人妊七月而生六歲能詩歌稍長文
學名益著初為翰林國子編修辟入龍門山著書與子
徵至金陵見 上問世亂奈何對曰願明公不嗜殺人
除江南儒學提舉校 太子經壬寅召講春秋左氏傳
濂曰春秋孔子褒善貶惡之書遵而行之賞罰適中天

下可定甲辰改起居注侍左右明年侍 上諭黃百
三略濂曰尚書典謨帝王大經大法靡不畢具願陛下
留意又明年乞歸省賜金帛 太子贈有加還家箋謝

上書 太子願進修德業 上覽書喜召語 太子
意洪武二年徵總修元史除翰林學士知制誥時甘霖
屢降 上召濂賜坐 上躬執金杓煉湯於鼎以甘露

授之手注於卮語濂曰此和氣所凝能愈疾延年故與
卿共之耳因問災祥之故對曰受命不於其天於其人
休符不於其祥於其仁 上嘗言古帝王當宴安之餘

濂

卷之十二

十 光緒堂

爰好神仙朕謂國治民安心神恬泰即神仙也對曰漢
武帝好神仙而方士至梁武帝好佛而異僧集使移此
心以求賢才天下有不治乎三年坐議孔廟禮謫安遠
知縣未幾召為禮部主事五年陞太子贊善大夫 上
問帝王宜讀何書濂請讀真德秀大學衍義 上立取
覽悅之令大書揭兩廡壁六年 上坐西廡賜大臣坐
令濂講大學衍義司馬遷論黃老事講畢復言曰漢武
帝嗜神仙好邊功民力既竭誓以重刑幾至大亂人主
能以禮義養性則邪說不能侵與學教民則禍亂不能

作刑罰非所先也。上曰：朕上畏天地，下畏兆民，兢兢業業，不敢自逸。瀛離席頓首曰：願皇上慎終如始，天下幸甚。陞侍講學士，兼贊善大夫，令集歷代姦臣事爲辨姦錄，分賜太子諸王，又命序祖訓纂，大明日曆七年日曆成，又擇言行之大者爲寶訓，爲序上之。瀛侍上又多所陳說，不務文飾。上喜曰：卿可參大政。對曰：臣少無他長，徒以文墨議論事。上一旦受職任事，不效，負陛下頓首力辭，每燕見，坐賜茶，詢舊章，講治道，甚條析，至問廷臣臧否，第言其善者。瀛深密，不泄禁中語。

明通

卷之十二

十一

光緒室

有奏觀焚稿，嘗大書溫樹二字室中，或問朝廷事，指二字不對，或命賦詩爲文，必寓忠告。嘗奉制詠鷹，令七舉足，卽成有自古成禽荒之語。上忻然曰：卿可謂善諫矣。上嘗強瀛飲，醉懽笑，賦楚詞一章，令羣臣咸賦醉學上歌曰：今後世知朕君臣同樂也。九年，除翰林學士承旨，知制誥，兼修國史。上曰：朕自布衣爲天子，卿自草萊列侍，從爲開國文臣之首，仰世世與國同休，不亦美乎。令太子選賜瀛良馬，又爲良馬歌，賜瀛時有上萬言疏者。上怒其迂衍，罪且不測，問羣臣阿意者，輒指

其疏，此不敬，此詆謫，罪當誅。召問瀛，對曰：彼應詔上疏，本效忠，無他，烏可深罪。上復覽疏，頗有足采者，召瀛阿意者曰：若等激吾怒，何異以膏沃火，向非求景瀛幾不誤罪言者。上嘗廷譽瀛曰：古人太上爲聖，其次爲賢，爲君子。若景瀛事朕十九年，口無毀言，身無飾行，龍犀不驚，始終無異，不謂君子人乎。匪惟君子，抑可謂賢矣。十年，致仕，賜錦綺御製文集，太子贈衣三襲。上曰：朕最慎賞，嘉卿忠誠，貫金石，故以賜卿。卿今年幾何。曰：六十八。上曰：載此綺三十二年，作百歲衣。瀛頓首謝。

明通

卷之十二

十一

光緒室

瀛辭請歲一朝，是年九月入朝。上廷問瀛，屢矣，反至大喜，日侍上游，歷觀闕，盤旋禁籞，便殿侍食，日晏始退。上歎曰：純臣哉。爾瀛方今四夷皆知卿名，卿自愛。瀛遜謝不敢當。歲暮辭還，旣行數日，上語瀛子璫曰：朕疇昔之夜，夢爾父笑談如曩時。璫曰：非陛下垂念臣父切至，何以形諸夢寐。瀛嘗曰：古人爲學，使心正身修，措之行事，俯仰無愧而已。繁辭復說，道之蔽也。尤篤於倫品，與人交，和易任真，內誠外恕，一見信服，汲引後學，如恐不及。平居布衣蔬食，無異畚土，或勸爲子孫計，曰：

富貴一家物哉我乃所以遺之也自少至老未嘗一時去書致仕居青巖山閉門纂述人不見其面日本使奉勅請文獻百金卻不受上問濂對曰天朝侍從受小奩金非所以崇國體十三年冬孫慎立法論死濂罪且不測太子力救得釋安置茂州十四年五月行至夔卒年七十三門人方太史孝儒曰當元之衰國朝始興也地大兵彊據名號雄視中國者十餘人皆莫能得士太祖定都金陵獨能聘禮太史公公始見即勸不嗜殺人論道上前授經太子未嘗不言仁義天下既定

朔運

卷之十二

十一

光霽堂

上方稽古制治凡郊廟山川祠祀律曆禮樂夷裔貢貢諸禮文大政皆太史公裁定太子寬大仁明天下歸心愛戴太史公之功居多海外諸國朝貢接國門至必問太史公安否濂墓初在夔永樂十一年孫恪以蜀獻王命遷葬華陽置祀田正德中追謚文獻濂二子長璡璣子三人慎愷惻皆無後次璣爲中書舍人子三惺惺恪居華陽惺字子夷奉母孝獻王時刪栗帛惺力學攻書建文君召惺入翰林爲侍書

御史中丞章三益謚子存道附

章謚字三益龍泉人壬辰斬黃妖寇犯龍泉執謚從子存仁謚憐存仁幼願代之賊聞謚名大喜問計謚色曰若等皆有父母妻子顧爲此滅族事賊怒并給守者乘間脫歸集里中少年擊却賊上功行省授龍泉主簿辭結廬匡山又避地入閩與子上徵謚及劉基宋濂葉琛三人至建業上曰我爲天下屈四先生今海內紛紛何時定乎四人者齊聲前對曰惟不嗜殺人者能一之上悅擢謚僉管田司事巡行江東兩淮

朔運

卷之十二

十四

光霽堂

按察司謚爲食事處州總制胡深出師温州還謚守處州給餉平荆營移食事湖廣荆襄多廢地議分兵屯田且控制中原上善謚言河內按察使宋思顏浙東按察使孔克仁食事王璘坐法辭連謚憂懼上曰予素知謚守法毋恐胡深兵入閩陷沒處州幾變陞謚浙東按察副使鎮處州謚辭曰臣往任浙東無狀蒙恩獨原卽陞臣官罪過益重疆場之事臣死不避副臬之命敢辭上從之北至諸山寨已叛謚宣布詔旨軍民感悅誅首叛者餘悉解散青田福建寇合攻慶元龍泉謚守

禦却賊若陽賊寇隣邑。連平陽瑞安傳道。溫令千存道合平瑞兵禽賊水軍千戶任惟淵。朱仲欽成青田賊至。仲欽逆戰。惟淵走。仲欽以無援故敗。溫卽斬惟淵。以徇。溫州平。請朝京師。上曰。卿在邊良苦。待平吳。卽召卿。浙西諸郡平。乃召溫。且命分兵征閩。以存道守處州。溫入見。上諭羣臣曰。溫雖儒臣。父子宣力一方。寇盜盡平。功不在諸將。後因問溫。征閩諸將對曰。湯和由海道進。胡廷瑞自江西入。此必勝矣。然閩中尤服李文忠威信。若令文忠率師從浦城取建寧。則萬全計也。上立

蠅運

卷之十二

主

光碧堂

詔文忠出師如溫。言溫賊旣降。乃授溫元帥。還守之。先是。我師征溫失利。輒叛去。溫旣平。又請降。溫曰。叛而復降。納之無法。奏斬賊洪武元年。拜御史中丞。尋兼太子贊善大夫。溫務存大體。不屑細故。或以爲言。溫曰。憲臺百司儀表。居其職者。當先養人。燕耻使避不犯。豈直搏擊爲哉。上祀社稷。大風雨。還坐外朝。大怒。議禮者得罪。且不測。溫曰。風雨連朝。無足爲怪。卽禮官失議。皇上誠敬自足。昭格願賜寬。事遂已。存道部鄉兵萬五千。從李將軍平閩後。復詔存道兵。從海道北征。溫曰。鄉

兵本農人。始令征閩。許事平歸農。今復調北征。爽信不可。上不應。溫曰。兵已入閩者。俾還州里。昔嘗叛逆者。宜籍爲軍。使北征。自贖。則一舉而恩威著矣。上曰。孰謂儒者迂。先生強爲朕一行。溫至處。乞終母喪。不許。遣存厚還治喪。溫集鄉兵。令存道部出永嘉浮海北行。三上章乞終喪。得允。存道出崑山。走京師見。上授處州衛指揮副使。戍上黨。尋移平陽。指揮同知。溫喪。母哀毀。疾作。二年卒。溫性孝友。誠確宏偉。外若和緩。至臨大事。議論爭是非。不避權勢。必折衷於理。存道征陽和遇虜。於斷頭山力戰死。

蠅運

卷之十二

主

光碧堂

南昌府知府葉景淵

葉琛字景淵。處州麗水人。博學多才。少與劉基章。溫齊名。元季兵亂。從處州守石抹宜孫討寇有功。授行軍元帥。太祖聞其賢。遣使以幣聘之。與劉基章。溫。宋濂三人同至金陵。進見。上喜。賜對。皆呼先生。而不名。四人者出。上目送久之。顧問左司郎中陶安曰。四人者何如。安對曰。臣謀略不及劉基。學問不及宋濂。治民之才不及章。溫。葉琛皆王佐才也。而殿下且以禮爲難。而

致之天下不足定矣。上大嘉擢琛爲營田僉事。壬寅正月，上帥師至龍興，守臣祝宗、康泰以城降。改龍興爲洪都府，尋改南昌。以琛知府事。旣而宗、泰復據洪都，叛琛迎戰，死之。事聞，上嘉其忠義，追封南陽郡侯。命有司立廟南昌，歲時祭之。

徵辟貢薦附 共四十八人

王府參軍胡仲淵

胡深，字仲淵，處州龍泉人。天資學識，出人而尤精弓馬。

元季，石林宜孫總戎處州，以深爲參謀。縉松遂麗等縣

叛

卷之十二

七

光碧堂

民亂爲盜，深悉討平之。已亥，胡大海兵取處州，石林宜孫戰敗，大軍分取屬邑。深知天命有在，乃解甲見大海於軍門，悉上四縣版籍，兵不血刃而屬。縣皆下。上聞而賢之，召深至金陵，擢中書左司員外郎，卽命深總制處州兵事。諸暨守將謝再興叛，兵犯東陽。李文忠擊走之。胡深引兵爲援，議爲城守。無何而浙西將李伯貞大舉入寇，以城堅不可拔，敗績去。上念深守城功，以名馬賜之。青田葉仲賢旣服，又叛。溫州方明善攻我平陽，深悉出偏師討之，而親統大軍攻溫州。明善勢感，與其

仲父谷珍議納歲幣，繼以糧若干來貢。淵淳人觀

時已稱吳王，乃擢深王府參軍，仍總制處州。陞

曰：侯閩浙盡平，當還汝中書。乙巳，福建陳友定擾邊，深

奉命征之。建守將阮德柔、兵屯錦江，深進擊之，破其寨。

柵。友定大懼，率銳卒急圍我營。深突陣與戰，馬蹶被執。

友定頗加禮遇，深具道：「天子仁聖，援實融故事，感之

友定，初無殺深意。」會元使至，督迫之，遂跨銅驢烈燭而

死。年五十二。時太史劉基見日中有黑子，奏曰：「東南當

失一大將。」深果敗歿。上痛悼不已，親撰文遣官祭之。

胡深

卷之十二

八

光碧堂

追封縉雲郡伯。上嘗問宋濂曰：「深何如？」對曰：「文武

才也。」上曰：「誠如卿言。」浙東一障，朕方賴之。深有二子，

長楨，次樞，楨授宣武將軍，處州衛指揮僉事。

翰林待制王子克禕

王禕，字子克，義烏人。幼秀爽，奇敏，及長，身玉立，屹有

岸度，習古學。師事黃文獻潛。時文獻爲文章，宗工天下。

師仰然性介，特慎許可。見禕所業，獨深器之，卽屬以

文之任。時元末政亂，禕乃攬天下事勢，爲書七八千

言上之。時宰嫌其切直，格不以問。危素張起巖並薦不

報時有齊琦者明數學推言天人興衰甚驗見禕歎曰

子克異代人物也禕亦知世道終不可爲乃歸隱青巖

山中著書深自輯晦若將有所待者戊戌高皇帝親

取婺或以名聞遣使徵之禕幡然喜曰吾聞大亂極而

聖人出齊琦之言良足徵乎即日請行在上見大喜

署中書省掾商略機務上每稱子克而不名間與論

文章稱善因命採故實爲四言詩授太子辛丑進平江

西頌上覽頌喜曰吾固知浙東有二儒卿與宋濂耳

學問之博卿不如濂才思之雄濂不如卿癸卯授江南

鄉進

卷之十二

光緒堂

儒學提舉司校理外艱服闋除侍禮郎兼引進使時當

創國之初禮制多所裁定遷起居注丙午出知南昌府

禕披榛莽建府署撫瘡殘集徒散收庶賢士搜除奸蠹

經理廢壞郡得安輯賜黃金帶以寵勞之丁未召議即

位禮忤旨洪武元年降漳州府通判尋上疏言上天以

生物爲心雷霆霜雪有時而搏擊有時而肅殺然皆暫

而不常向使雷霆霜雪無時不有則上天生物之心息

矣二年召修元史爲總裁官禕史事擅長裁煩剔穢力

任筆削書成拜翰林待制同知制誥兼國史院編修官

三年預教大本堂禕經明理達善問導每召對殿庭必

賜坐從容宴語未久奉使土蕃尋召還五年以翰林待

制副總裁成詔諭雲南命下廷臣危之禕欣然就道六月

抵其境見梁王君臣諭之曰皇明創業統一萬方惟

王僻在西南未被聲教天子不忍鄙夷命禕輯寧爾

邦家若能亟奉版圖以歸職方則身名俱存不亦偉乎

不聽館禕別室然以禕名儒雅敬之越日禕又論之曰

朝廷軫念雲南黎庶不忍盡戮故令使臣開諭若旅拒

不服自遠恩化必奉行天討命秦甲發蜀犢循棹道略

沉黎而西大將軍踞昆明之上而飲其水倚之角之腹

背受敵王之將佐利王以爲功者不少雖欲泥首牽羊

其將能乎王曰漢閉昆明命使莫達唐勦遠略祇以自

憊天朝若以兵臨雲南金碧以爲城昆澤以爲池雖多

無所用之禕曰王未聞乎自天地構難友諒據楚士誠

據吳友定據閩王珍據蜀彼皆重關峻嶺長江天塹險

於金湯况兵糧委積淵謀盈庭孰不欲長雄天下以與

天地同悠久乎不四五年幸膏鈇質雖爾元君北走以

死擴廓帖木兒輩賁降恐後往事具在可鑒也今王自

度謀勇悍遂執愈誠諒兵士利廣執愈中國度德比
執愈天朝推亡固存執愈天命天之所廢誰能興之天
之所興誰能禦之今以區區一隅之地逆天犯順與天
下抗爲此謀者不亦誤乎王曰先生之言是也請姑就
館吾其圖之會元之遺孽有自立於朔漠者遣使脫脫
欲連兵以拒脫脫至察梁王有二心欲迫殺我使以固
其意梁王持兩可不决匿禕於民間脫脫聞之謂讓梁
王不得已出禕與脫脫相見脫脫欲屈禕禕罵曰天訖
汝元命我朝實代之汝如燭火餘燼尚欲與日月爭光
朝運

卷之十二

王 光碧堂

邪我將命遠來豈爲汝屈有死而已顧梁王曰汝朝殺
我大兵旦夕至六年十二月竟被害瘞地藏寺比年五
十二子曰綬曰紳禕慷慨有奇氣人初見之若不敢
卽及一言之人則情誼藹然恨相知之晚於經史百氏
無不究其極其爲文宏麗沉雄機軸貫綜自成一家言
天下士大夫爭傳誦之所著有華川前後集玉堂雜著
續東萊大事記各若干卷藏於家禕事 上十餘年服
勤報效左右開陳非仁義之言弗道也教子慈而有法
在官還書教之曰寧人侮我毋我侮人故二子克自樹

立皆能世其家學禕歿後八年大兵平雲南又十五年
次子紳往求遺骸不獲因訪得禕死所擗踊號呼製神
主載回因上書言父死節狀下翰林議贈翰林院學士
奉議大夫謚文節正統六年又贈翰林學士更謚忠文
長史桂彥良德稱

桂彥良名德稱以字行慈谿人記誦敏捷及聞楊簡學
益以尊德性爲本仕元爲教授因朝政不綱退隱田里
高皇帝召見特授太子正字賜宴與公侯列坐日侍講
讀 上詔詞人賦詩賡歌彥良每先衆而就嘗進奏曰
朝運

卷之十二

王 光碧堂

治道具在六經典謨訓誥願留聖意詩非所急也 上
深然之自是恩遇隆洽稱曰老桂而不名 上嘗御大
本堂彥良與秦府紀善林溫入見 上問之各以官對
上謂彥良曰卿帝者師謂溫曰卿王者師其各自重彥
良感荷知遇知無不言每侍講必以二帝三王爲本而
折衷於孔孟要以明聖學格君心爲務至於歷代治忽
啟迪不倦誠意懇至凡所陳說無一不當 帝心 上
方以法繩下訪曰法數行而數犯奈何對曰用德則佚
用法則勞法以靖民則民勞而弗靖德以靖民民亦靖

於德矣。上深然之。洪武八年特授通奉大夫。晉相府右傅。上親製手詔以孔孟論之。陞辭。上曰。江南大儒惟卿一人。彥良謝曰。臣不如宋濂劉基。上曰。濂文人耳。基峻隘不足取。既侍王就國。日以正大之學輔之。

王以綺衣鞍馬。盡彥良像以賜。後諸王府罷相府。改彥良爲長史。時彥良已老。王爲造安車。奏令致仕。彥良退作存養省察圖。以進。王揭諸座右。以時觀省。居無何。詔彥良舉家還京師。彥良條陳治道所急者曰。法。天道。廣地利。順人心。養聖德。培國脉。開經筵。精選舉。審刑罰。敦

教化。

卷之十二

圭

尤碧堂

敦教化。馭戎狄。蒐賢俊。廣咨訪。凡十二事。總名曰萬世太平治要策。上嘉納之。以風疾賜歸。卒於家。所著有清節集。清溪集。柱笏集。老拙集。和陶詩。春秋詠傳。於世平生見道。純一。不以貧富動心。仕止進退。一委於義。命與人交。坦坦夷夷。命觴賦詩。踴厲風生。窮日夕不厭。時以春風和氣目之。

華昌知府劉士原性傳

劉性傳字士原。嶧人。元季兵起。散家財。聚兵以捍鄉邑。號義兵萬戶。高皇帝駐蹕金華。遣人召之。性傳卽率

衆歸。附比見首陳匡國安民之策。數千言。稱旨。拜中書門下侍郎。固辭。改陝西鞏昌府知府。鞏昌地隣北虜。民物凋弊。性傳撫輯軍民。恩威並著。邊境以寧。國初。屈指良牧者。多以性傳爲首。

祭酒梁叔亨貞

梁貞字叔亨。新昌人。舉元鄉試。授太平路教授。端嚴寡言。深沉有識。高皇帝克太平。貞率諸儒迎拜。請啟軍士以安。生靈復以三王之得天下者爲言。上深然之。留掌圖書。與李善長同侍帷幄。參密議。上欲取金陵。

端運

卷之十二

圭

尤碧堂

謀諸貞。貞力贊之。命都事江南行省。遷湖廣按察司僉事。兩浙轉運使。未幾。拜太子賓客。日侍大本堂。多所啟沃。戊申。以本官兼國子祭酒。國子諸科條皆貞所規畫也。嘗輯古詩三百篇進覽。上以賓之初筵。命丞相直解喜悅。感歎。命繕寫數十本。頒賜大臣。俾朝夕警省。後以老乞歸。築墅龍峯之下。日與里中諸宿儒相賡唱。超然以榮名終。

教授胡仲申翰

胡翰字仲申。金華人。自幼聰膺。志氣異羣兒。七歲拾遺

金道中守不去候遺者至而還之長從吳師道授經從
吳萊學古文辭又登許讓之門獲聞考亭相傳的緒持
其所業就正於柳貫黃潛張樞咸以致遠器之嘗出游
元都徧交當世名卿而於武威余闕宣城貢師泰尤號
知己遭時不靖避地南華山中著書宋濂稱其奇邁卓
越務師古人出言簡奧不煩而動中繩墨如夏圭商敦
望而知非今世物也太祖定金陵遣使召見會有請
以金華民籍田出兵者翰言民不習軍旅徒費廩粟爾
上可其言罷之除衢州府學教授洪武乙酉奉旨纂修

卷之十二

五 光緒堂

元史書成賜白金文綺歸卜居長山之陽學者稱曰
長山先生卒年七十五所著有春秋集行於世

尚寶司少卿陳如晦顯道

陳顯道字如晦東陽人好學明經旁通天文地理律曆
兵機試鄉闈不售輒棄去謂人曰大丈夫要當以勲業
垂名竹帛安能與羣兒爭長於鉛槧間邪元季兵起散
家財結義旅以衛鄉井戊戌高皇帝下婺城駐蹕赤
松官顯道詣謁陳濟世安民之略留置左右參決大事
時方谷珍據台州明越未下特命顯道往諭至則谷珍

納款上賜顯道手札及和其詩以寵嘉之復遣諭谷
珍兄弟納土入覲歷官至尚寶司少卿以忤旨出為臨
洮知府俄召還復職卒上其悼之命有司造墳護喪
歸葬

汪仲山仁壽 子附

汪仁壽字仲山金華人性穎悟善記覽經史百家靡不
窮究尤明於性理之說王師下婺同許元葉賡胡翰等
召見會食省中日令二人進講經史敷陳治道所著有
靜齋稿若干卷子羽能繼家學詩詞俊雅與呂肅陳誠
相連

卷之十二

五 光緒堂

汪旻為文學交人稱四友

訓導徐均善原

徐原字均善與吳沉同鄉為文字交原博覽羣書而尤
精經學元末隱居不仕太祖兵下婺州改為寧越府
命知府王宗顯開郡學以教民之秀異者乃聘儒士葉
儀宋濂為五經師戴良為學正吳沉徐原為訓導時喪
亂之餘學校久廢至是始聞絃誦之聲原歷主福建江
西考試以得人稱文學不在吳沉之右而位不通顯竟
以訓導終論者惜之所著有五經講義強學齋文集若

千卷

北京行部左侍郎劉伯靜辰

子微附

劉辰字伯靜金華人慷慨負氣節善談論喜功名天兵下婺城辰首上謁署為典籤奉使方谷珍谷珍令左右飾二美女以進辰峻却之谷珍歎服遂傾心輸納左丞李文忠開省於嚴辟辰參其軍事大將葛俊守廣信當所寨集丁夫濬城濠民苦之將為變文忠止之不從大怒欲臨之以兵辰請往諭以大義俊悔聽命事遂解以親老求歸養未幾父母繼歿執喪哀毀薦起為湖廣道監察御史立朝憲譔遇事敢言權知鎮江府興廢舉墜勤於其政郡有濱江田八十餘頃歲淪沒仍責賦於民為請於朝除之京口開廢舟楫不通東南漕運者轉新河江陰二港以出江多為風濤阻滯辰乃自京口至呂城百二十里去淤塞斲石作壩修閘門順水勢之出入於是公私便之然漕河源淺易涸每仰練湖以益水湖有三斗門亦廢辰又修築之三斗門成漕運之舟既通湖下之田益稔丹陽道接旬容民負任者往往因日暮行切商旅患之辰嚴為禁約盜遂息永樂元年召修

朝運

卷之十二

壬

光碧堂

高廟實錄凡當時戰伐克捷之功宿將舊臣有所不能盡者歷歷言之聽者如身在其時目觀其事考之注記無不懸合書成超拜江西布政司左叅政雨滂江溢飢民為盜富室多罹其患檄郡邑勸富民出粟以貸飢者官為立券期以來年償本蠲其役以為之息民遂相安無事南贛諸府荒田糧六萬餘石有司歲抑取於民民不堪其弊辰以聞悉蠲其額坐累免歸六年召起為北京行部左侍郎以老不任政日被顧問留京師者三年賜勅致仕踰年復召至京命督工武當未行疾作給驛送還卒於常州昆陵驛舍年七十八辰為人直諒多聞有古節士風所著有國初事蹟子微傳覽能文年餘七十猶力學不懈嘗著金華名賢傳藏於家

朝運

卷之十二

壬

光碧堂

慈利縣丞汪益民

汪益民衢之開化人家貧居傍七賢堂讀書自娛元亂不仕高皇帝龍飛徒步詣行在獻策歷陳開國紀綱上嘉納之尋召赴闕勅授慈利縣丞守官蕪介任滿乞歸上憐其貧解龍袍賜之仍命有司優給衣食以終其身

刑部尚書錢惟明唐

錢唐字惟明象山人博學敦古行洪武元年舉明經陳王道數千言雅稱太祖意特授刑部尚書嘗召講虞書升座而講或糾唐草野之人不知君臣之禮唐正色曰以古聖王之道陳於陛下不晚不爲不敬二年詔孔子春秋釋奠止令行於孔廟京師天下不必通祀唐上疏諫曰孔子百王宗師先儒謂仲尼以萬世爲天下通祀孔子如祝聖壽報本之禮不可廢也令遂止二十三年令儒臣修孟子節文先是上覽孟子至上芥寇

窮通

卷之十二

无

光碧堂

濟南府知府方去矜克勤

窮通

卷之十二

手

光碧堂

方克勤字去矜寧海人五歲知讀書自讀章句十歲誦五經比長徧窮濂洛關閩諸書潛心於一卦一文必欲驗諸行事至於天文地形禮樂刑政及制度文物之屬亦辨析歸於至當會海民爲變行省檄吳江同知金剛奴募民爲水兵克勤詰金剛奴謂曰民計窮而爲盜未爲盜者亦挺挺欲動奈何授之以兵是謂增盜非禦盜也金剛奴怒不容既而水兵果於中道殺護吏逃去從賊金剛奴踰垣走折一足始悔曰吾不從方先生言以至於此洪武二年詔立郡縣學以訓導徵克勤樂於育才卽起應命負笈來從者數百人克勤據經陳義曲暢旁通幾無毫髮遺憾聞者皆淪肌浹髓薰爲善良未幾以母喪去諸生追送之學舍爲空朝廷聞其賢勅部使者以書幣徵克勤兩詣政府以母老辭不聽就銓貢試考覈入格列名第二上特命知濟南府錫之冠帶以寵其行比至爲書一通懸之康衢諭上愛養元元之意民有所不平詣前自言禁吏胥不得呵問日引耆耄坐語訊以得失聘前進士爲弟子師葺廟堂開射圃造弓矢樹正鵠日一再視學親爲正句讀較中否屬縣

之內社各立學。學凡數百區。弟子繫籍者二十人。兵後號爲最盛。始有詔民闢廢田者。閏三載乃稅。吏欲近功。不俟期。歛之。復以田定其科條。民益惰。田不增闢。克勤與民約。定爲簡書。列丁產爲三等。每有徵發。恒視書爲則。吏不敢並緣爲奸。會郡城圯。故事築以兵指揮使。挾貴人勢。易民五六萬治之。屬夏大旱。民不得田。哀號即工。聲聞數里。克勤奮曰。民病不救。惡用二十石爲客。聞中書請於上。即日詔罷。先是不雨。克勤袒跣。徧禱羣祠。涕泣卧祠下。誓不雨不還。至是。詔下。民驩呼而散。大

朝運

卷之十二

壬

光緒堂

雨如注。是歲大穰。民爲之歌曰。孰罷我役。使君之力。孰成我黍。使君之雨。使君勿去我民。父母五年秋。隣境盡蝗。克勤省愆。變食積首。告天。夜聞空中聲。薨聲燭之。乃飛蝗蔽天。而過郡。獨有年。府召州縣官屬。皆役皂隸。往往索賂。無厭。克勤下信符。置郵無敢不至者。復行其法於封內。壹以信符召民。民得并力耕桑。祿負來歸者。相望於道。戶增至六萬。有奇。家有積粟。野無餓殍。牛羊雞散被郊坰。省憲考績爲六府最。入覲。錫燕儀曹。仍還。頒行獎諭。有加。且曰。政成當顯用。卿無何而爲程

貢所誣。被逮。民號呼咽道。隨行百餘里者。將千數。其子孝儒。上書政府。願以身爲軍贖父罪。不報。竟謫後浦江。會空印事起。吏又誣及之。孝儒復伏闕。上疏而克勤竟死於京師。年僅五十。有一克勤爲政。必先風化。務以德勝。在官縱無事。終日冠衣坐堂上。召諸吏。授以詩書。法律。公庭之間。不陳杻械。革鞭懸而不用。晚年進修益力。晝之所爲。夜則白之於天。榮辱利害。坦然視之。不以爲意。所著有汗漫稿若干卷。宋太史景濂志其墓。

國子祭酒陶中立凱

朝運

卷之十二

壬

光緒堂

陶凱字中立。台州臨海人。傳學善屬文。洪武初薦。與修元史。選授太子書。尋除翰林應奉文字。三年超陞禮部尚書。四年請建奉先殿。乾清宮左。上日焚香朔望薦新及節序生辰。祭用常饌。行家人禮。上從之。凱每議禮與葉城崔寬相可否。寬亦有學識。善論奏。是歲請選人專任東官。官罷兼領職。庶輔導有所責成。上曰。古者不脩官。惟賢能是用。朕以廷臣有才智勲德者。兼東官。官非無意也。嘗患廷臣與東官官有不相能。遂成嫌隙。或生奸謀。離間骨肉。其禍非細。朕今立法。令府省

臺官兼東官贊輔之職父子一體君臣一心庶幾無相
搆之患五年凱言漢唐皆有會要記載時政及起居注
記言記事宜令臺省府各置銅匱簿錄聖旨及時政
依會要類編爲書上從之出爲湖廣參政致仕八年
召爲國子祭酒尋老復以參政致仕自稱耐久道人
上聞之怒曰何自賤也尋竟坐罪凱資性過人才高學
博識見卓遠爲文千言立就初游吳楚文多激慨中更
亂離去居深山中授經養親文多隱約明典應聘而
起凡稽古禮文事多凱論定又兼領翰林學士詔令封
冊歌頌碑碣時命凱文章遂盛傳於世

卷之十二

聖

光碧堂

廣東布政司參政諸葛伯衡

諸葛伯衡蘭谿人少清介持名節從鄉先生游獲聞前
輩緒論精求實踐鄉里咸推重之洪武初以薦授比平
雜造局大使不以家累自隨出入無車馬遇雨輒草屨
行塗泥中弗恤也遷趙州吏目州有建峯廟廟有青蛇
惑人凡人人家必有禍伯衡殺青蛇罪巫者民以不惑
以左春坊大學士董倫薦召問治道對以聖明之世紀
綱正而法度修民皆安業但薦耻之道輕耳上大悅

擢陝西布政司參議以道途遠近定轉輸之法民甚便
之後改廣東參政卒於官金華杜桓爲立傳稱之爲清
修直諒之士云

國子監助教貝廷琚

朝運

卷之十二

聖

光碧堂

貝琚字廷琚崇德人性坦率不事邊幅而篤志好學博
通經史百家之言善爲文年四十八始領鄉薦張士誠
據吳累徵不就洪武三年被薦修元史同官服其史才
名重京師既成編受賞而歸六年以儒士舉至京師除
國子助教嘗慨古樂不作所謂成均徒有其名選作大
韶賦以見志宋濂之爲司業也建議於朝謂當立五學
並祀舜禹湯文爲先聖高皇帝不用其說且黜辱之
然士大夫猶有遵濂者琚乃作釋奠解以解之文多不
載九年遷中都國子助教教勲臣子弟琚爲人文行起
越素有名譽雖將校武夫皆知禮重十一年致仕明年
卒於家所著有清江文集二十卷行於世三子翔翔肅
俱以人才舉任世其家學

四川左參政宣彥溫

宣溫字彥溫會稽人少穎悟好學襟度夷曠家貧處之

裕如洪武初被召上詢以治道溫條對其志上因問漢高祖殺功臣光武全功臣優劣何如溫對曰高祖殺功臣功臣自殺光武全功臣功臣自全上悅其言授四川左叅政居官有惠政蜀人祠祀之

太常博士陳世昌

陳世昌錢塘人力學工古文辭元至正初以布衣入爲翰林編修代祀海上值道梗遂居嘉興授徒養母張士誠據平江屢致不屈洪武初徵修禮書欣然就道授太常博士尋以母喪辭歸服闋後徵至京而卒所著有希

軼集

卷之十二

光緒堂

國子右司業王原禮嘉會

王嘉會字原禮嘉興人少博洽負俊聲元末累舉不第乃客授松江爲人溫淳和緩後進樂就講論曲來者修庭戶恒滿上海令康伯愚見其詩詞敦雅敬禮之引爲上賓使以文章飾已吏事會詔舉明經嘉會應聘至京高皇帝命賦詩應制稱旨復試其文賞異之除授翰林院檢討尋陞國子右司業時宋訥爲祭酒太學生常數千人嘉會與訥及左司業龔穀嚴立楷範三人者春秋

已高鬢髯鬣如正其衣冠旦夕端坐諸生雲集階下肅然望而畏之以是士類率教多所造就吏部取掇輒能其官上知其勞眷待殊厚老疾乞歸優詔調治未幾卒於官舍年八十餘上深嗟悼給驛護喪還葬發引之日詔所在官司備禮祭之蓋異數也

文華殿大學士鮑仲孚恂

鮑恂字仲孚自崇德徙嘉興之西溪父德歸安丞恂三領元江浙省鄉試學士張翥御史劉彥博薦爲翰林不就洪武初禮部舉吉安余詮高郵張長年及恂明經老

軼集

卷之十二

光緒堂

儒達於治體可備顧問遣使召至京師賜坐顧問一月上召恂等命爲文華殿大學士輔導東官恂等固辭上諭之曰以卿等年高故授此職煩輔導東官耳免卿早朝日晏而入從容侍對不久隨卿致仕歸鄉以終餘年庶不負平生所學於鄉里亦有光榮恂等復固辭翼日放歸恂受易臨川吳澄得其旨著易傳大義及西溪漫稿行世學者尊之曰西溪先生

長史朱伯清廉

朱廉字伯清義烏人自少刻苦勵志淹貫經傳悉領要

義既而學文於黃潛遂以文章名家國初知府王宗顯
器其材辟爲郡學師移長釣臺書院洪武三年詔修元
長聖朝日曆召爲纂修官書成拜翰林編修八年乘輿
巡幸中都命燕扈駕比至滁州進詩十首上覽而大
喜曰佳詩朕爲汝和有頃召燕賜和詩六首當時以爲
榮旣而授經楚府尋陞長史以職致仕歸窮經講誦擢
研聖學嘗取朱熹語類摘其精義名曰理學纂言其爲
文謹嚴精密有文集二十七卷

宋無逸玄偁

明連

卷之十二

老

光緒堂

宋玄偁字無逸餘姚人少有至性嗜學多關覽外嘆嘆
若不足而其中敏悟絕人元至正間中乙榜授繁昌諭
才十九日卽棄歸是時海內大亂玄偁無復用世志退
而遁諸山澤家貧無衣食資唯授徒以自給恒省嘉其
苦節辟爲鄉邦文學不行明興以史事徵乃出應詔
事竣復命與福建鄉試偶有鑒別脫窮漁洛之學爲文
縝密有尺度詩亦清遠有文集行於世

教諭趙檣議謙

趙謙字檣謙餘姚人初名古則幼孤山寺與學

佛者同學書克已復禮之目爲用工準的聞金華鄭四
表學有根源往師之得其傳歸隱鳴山萬書閣潛心大
業飢寒迫之其容粹如也國初徵修正韻稍試其學尋
罷歸築考古臺述六書之旨注聲音文字通及易學提
綱諸書凡三百餘卷大臣有薦謙者上曰吾欲老其
才而用之後召爲瓊山教諭作瓊臺布學範教化大行
嶺表以南稱爲趙夫子謙於勢利澹然而直義所在目
無王公然卒以此厄窮不悔也卒於番禺年四十五
國子博士錢子辛

明連

卷之十二

老

光緒堂

錢宰字子予會稽人吳越武肅王鏐之後博學能文洪
武三年以儒士舉爲國子助教時郡邑弟子貢入太
學者設爲教條限以歲月責其功效助教與博士程其
課業而升降之旣升舍乃得選登仕籍然士方畏懼爲
法所繩惴惴莫有樂學者宰爲人莊重和易諸生毋一
就之輒戀戀不能舍以是爲時明師未幾以年老陳情
乞休上許之勅授文林郎國子博士致仕宰旣歸精
力猶壯宣上德意有從之遊者輒開迥不倦遠近宗
之二十七年四月上觀蔡氏書傳象緯運行與朱子

詩傳相作其他註說與鄱陽鄒季友所論間有未安者遂詔徵天下儒臣定正之於是兵部尚書唐鐸等舉宰及致仕編修張美和致仕助教靳觀等並遣行人馳傳徵之至京師入見上語以正定書傳之意命翰林學士劉三吾總其事禮遇甚厚時建酒樓初成賜宰等鈔宴其上各落醉獻詩以謝上覽之大悅復遣禮部尚書任亨泰諭旨諸儒有年老願歸者先遣之宰齒最高與衆皆請留亨泰以聞上喜曰朕知諸耆宿終能成朕志其善視之九月書成賜名書傳會選命亨泰梓

鄉選

卷之十二

孝

光緒

行之賜宰等宴及鈔令馳傳歸其鄉又三年宰乃卒年九十六初宰嘗病近代新聲大繁刻意古詞擬漢魏而下諸作及古詩十九首詩且各補其未純者詞林稱之所著有臨安集

監察御史周觀政

周觀政山陰人洪武中以薦教授九江擢監察御史嘗監奉天門有中使將女樂入觀政止之中使曰有命觀政曰有命亦不可中使怒而入頃之出報曰可使之出觀政亦不從曰必而奉詔已而上出謂觀政曰內閣

慶賀脩食之樂廢缺欲令內人肄習吾已悔之御史言是朝綱爲之肅然當時以北東方曼倩永樂初出爲江西按察僉事時安南初下觀政建言四事曰修明政教慎簡征科革正衣冠作新學校疏入上卽賜施行官至觀察使卒

穎上縣知縣車信夫誠

車誠字信夫餘姚人洪武初以賢良方正徵授知穎上縣奉職廉謹以誠信治民政化大行考最遷知光州益勤撫字出民於水火而任席之當時稱循良第一秩滿

鄉選

卷之十二

忠

光緒

告老歸優游林下復十餘年而卒

江西按察僉事丁叔寬豫

子麒麟附

丁豫字叔寬海鹽人洪武初以儒術聞勅諭幣聘入京高祖召見問天下治否對曰盜賊已息但恐復生今日之治願以安民爲本稱旨授江西按察僉事詳刑慎法澤被於民民頌之不衰長子麒麟字彥禎以詩文名貢入太學庚申命往荆楚訪求賢良事竣告省歿於第次子麟字彥祥乙丑進士歷工科給事中監察御史彈劾百僚風聲赫赫無辜見法其心慨然不平必直之而後已

人稱真丈夫。

國子學正王彥貞

王桓，字彥貞，慈谿人。洪武四年，有司以通經學古薦於朝。高皇帝召見便殿，問桓處鄉里好惡何如。桓對曰：「善者好之，不善者惡之。」一言稱旨。上遂呼爲老學士。乃命與尚書魏杞、山錢惟明、學士宋景濂講論治道。踰年，授國子學正。未幾，轉河南廬氏縣令，政教一新。民懷其德。十二年，致仕歸卒於家。先是，桓家居，鄉人有不平事，無大小，咸取決於桓，無不得其情者，遂稱爲明白先生。著其學不事章句，務得於心。識者謂其克繼虞夏杜樓之絕學。所著有明白先生集，藏於家。

大典同知劉昭甫

子鏐從孫棟附

劉子華，字昭甫，山陰人。洪武初，以明經薦。太祖召賦，常遇春輓詩，子華立賦曰：「揮戈十載定河山，忽報星沉易水灣。馬首西風旌旆捲，天涯落日凱歌還。功成楚漢興亡際，名在韓彭伯仲間。聖主恩功心獨苦，黃金直欲鑄真顏。」大稱旨。授大典同知。子鏐，廷對第三人，官編修。卒。從孫棟，字元隆，正德初進士，選庶吉士，授編修，嘉靖

初議大禮忤旨，杖闕下，稍遷左中允。復忤執政，出叅湖省。終南京兵部侍郎。歷官四十年，所居蕭然如隱者。孝友和易，無少長皆樂親之。

右副都御史韓伯時

韓宜可，字伯時，山陰人。幼好學，稍敏淹博。磊落有大志。洪武初，以貢授山陰文學，召拜監察御史，持風紀，不避權勢。時左右御史大夫陳寧、胡惟庸、中丞涂節侍上，坐從容熟語，宜可直前長跪，出懷中彈文劾寧、惟庸，節險惡如忠奸，似直恃恩佑寵，內懷反側，乞斬三人首，以謝天下。太祖怒曰：「三人事朕盡職，豈有反側之心？」快口御史排陷大臣，下錦衣衛拷訊，尋釋之，出爲江西按察司僉事。十三年歸朝。上賜設官男女，宜可不受。且以爲非聖人政，卽上疏極論罪人不孥古之制也。有事隨坐，法之濫也。官吏有罪，厥辟勿若國之典也。罰其妻子何居？况男女人之大倫，婚姻踰時，尚傷和氣，令門連坐，豈聖明所宜？上曰：「汝言是著爲令。」後坐事將辟，上御謹身殿，親鞠之。時天朗氣清，忽雷火遶殿。上驚而言曰：「得非枉此人邪？」雷乃息。宜可獲免。所上二十餘

事悉報可未幾以例罷歸十九年行取到京命撰祭鍾山大江文諭日本征烏蠻詔作堯舜禹湯傳賢論稱旨特除山西右布政使未幾以事安置雲南以薦起爲雲南叅政尋陞都察院右副都御史在臺以鋤奸頑忠爲已任百僚悚惕不敢犯無何卒於官時大星墜地檉馬皆驚

王教授俊華

王俊華台州人洪武初以明經薦爲府學教授時于大甫定人未知學俊華正已幸物誨諭詳懇旦夕督功課

謝遠

卷之十二

星

光惠堂

若父兄之於子弟時分俸以資不給者官終太子贊善戴冠云自國家設教以來文學行誼無出俊華右者真一時師儒之楷模也

福建僉事謝原功肅

謝肅字原功上虞人學問該博目無不見之書洪武初以明經薦授福建按察司僉事克持風紀察案肅然所著有密庵稿與唐肅齊名時號會稽二肅

兗州府知府胡斯美惟彥

子伯順附

胡惟彥字斯美餘姚人居鄉以耆德見稱元季隱居避

世明興舉遺逸召見上太平頌上覽而悅之命賦早朝詩十章立就上益大悅拜湖廣叅政懇辭改兗州知府在郡一年政平訟理百姓皆愛戴焉卒於官子伯順學篤行修鄉黨稱爲雲巢先生

教授崔斯立植

崔植字斯立鄞人治春秋得聖人心法辨論公較左氏三傳得失歷歷如指掌究極羣史平居儀度整肅不假修飾而規範自然洪武七年薦爲郡學教授後調處州以成就後進爲務受業者日衆必傾極底裏隨其材而導之卒於官植文學德行卓絕流輩一時碩儒莫不想聞其風自號丹山樵者有雜著文集若干卷

黃岡縣知縣徐宜叔誼

徐誼字宜叔壽昌人少治春秋通史學累舉不第太祖龍飛乃杖策歸朝每參謀議時征陳友諒奉命招撫使回授承務郎知黃岡縣事兵火後市里蕭條誼招集流民百廢俱舉未幾解官歸洪武十七年以明經舉擢知鎮江府政爲三輔之最秩滿惟圖書數秩自隨調吉安府獄有繫囚皆累歲通官租不能償者誼出俸金五

百貫代償而縱之雲寃理枉削除積弊政化一新後以疾卒於官民皆路祭巷哭執紼送柩者至數千人

教授俞景淵

俞深字景淵桐廬人洪武初以鄉貢入太學時高皇帝幸學講中庸二字累數萬言深得啟沃之義因稱之曰天下能說書生俞深歷任寧德阜平汝上儒學教諭皆有成效以大學士楊溥薦陞建寧府教授三典文衡取士得人正統七年卒於官深博通五經究極諸子篤厚端謹處家一規文公家禮所著有範疇解發明蔡九端遺

卷之十二

聖光緒堂

峯之藎雜文十卷雜詩十卷藏於家

兵部侍郎徐宗實

徐屋字宗實黃巖人負才抱氣有經綸天下之志元末厭世不仕洪武初應薦入朝數被顧問敷對明切皆中時宜上喜將授憲職屋以母老辭乃除銅陵簿屋又請迎母就養忤旨謫役湘陰驛未幾選教附馬能以師道自尊召見獎諭擢蕪州府通判奏發粟二十萬以活飢民春漲病隄屋相度原隰大興築捍之後部使者以爲妨農勞民屋言他役誠妨農水不退則田不可耕妨

農孰甚焉且今有田者量募貧力飢人得哺正所謂佚道使民易爲勞哉卒就其廬民以爲利屬邑有樓貞婦奏乞旌表禮部謂前朝事不允屋言死生有間則比于之墓誰封禮官不能奪從之官終兵部侍郎

訓導趙德純

趙宜生字德純宋之宗室也家於餘姚粹於經史文藝之學時方大亂混迹芻牧間自號騎牛野人國初辟爲學訓導宜生欣然就職勸飭捐誨聞者鼓動姚江學士繇此彬彬焉

項進

卷之十二

聖光緒堂

陝州判官梁仲仁

梁大舉字仲仁錢塘人自號梅谷刻厲尚風節洪武初以人材徵召對稱旨授陝州判官卓有異政清白聞遠邇以母老辭歸永樂初召入賜勅以舊職致仕宴勞特厚優游林下年七十三卒大舉家素饒裕而自奉儉約好士喜施長身高論在衆人中昂然如野雀之在鷄羣也翰林檢討王洪爲梅谷先生傳

教授徐大章

徐一夔字大章天台人自少學文即期以載道非六經

所存不復輕置念慮含蓄既久燁然以文名江南洪武六年以儒士薦授杭州府儒學教授通經學古當國家肇開學校而克嚴軌範以身率之召入史館纂修元史詔製靈谷寺碑稱旨賜養衣綵段繼得實授再莅益申條教一時學徒成就試之有司多獲舉首至今稱教授之賢難乎其繼云

左布政王希陽燕

王燕字希陽麗水人爲人修整博通五經尤精於易雖子史百家天文律曆兵刑等書靡不淹貫洪武初薦入

朝運

卷之十二

聖光碧堂

翰林纂修元史書成授太子說書官至陝西左布政使所著有交山集迂論史纂南征錄四書詳說又精於音樂以琴者有道之器君子之所不廢時一撫之膏製風木吟曲以擬衡蘭字宗韓擇木兼工篆籀其得處自以李陽冰不逮也當時目爲通儒

兩浙名賢錄卷之十二終

兩浙名賢錄卷十三目次

輔弼

晉

尚書左僕射陸士光曄

太傅謝安

唐

紫微令姚元之崇

文昌左丞陸希仲元方

平章陸敬輿贊

尚書左僕射陳周道夷行

宋

參知政事盛公量度

太子太師杜世昌衍

輔弼目錄

卷之十三

一光碧堂

太子少保趙闊道朴

子叔孫雲附

參知政事張道章昇

參知政事鄭行可仲熊

參知政事沈守約該

右丞相葉夢錫衡

右丞相史直翁浩

左丞相王季海淮

左丞相余處恭端禮

右丞相趙子直汝愚

參知政事陳叔進駭

左丞相葛楚輔邨

參知政事李秀叔彥頤

參知政事樓大防鎰

參知政事婁彥發機

父壽附

參知政事葛容甫洪

右丞相謝子肅深甫

左丞相喬壽朋行簡

左丞相鄭德源清之

左丞相范仲和鍾

參知政事袁彥澤

左丞相李彊父宗勉

右丞相杜成之範

參知政事衛清叔涇

左丞相王仲潛燭

右丞相葉鎮之夢鼎

兩浙名賢錄卷十三目次終

輔朝目次

卷之十三

二

光碧堂

兩浙名賢錄卷之十三

東海徐象梅仲和氏譔

夜郎楊文聰龍友氏閱

輔弼

晉共二人

尚書左僕射陸士光曄

陸曄字士光員外散騎英之子曄少有雅望從兄機每稱之曰我家世不乏公矣居喪以孝聞同郡顧榮與鄉人書曰士光氣息裁屬慮其性命言之傷心後察孝廉

輔朝

卷之十三

一

光碧堂

除永世烏江二縣令皆不就元帝初鎮江左辟爲祭酒尋補振威將軍義興太守以疾不拜預討華軼功封平望亭侯累遷常騎本郡大中正大興元年遷太子詹事時帝以侍中皆比士宜兼用南人曄以清貞著稱遂拜侍中徙尚書領州大中正明帝卽位轉光祿勳遷太常代紀瞻爲尚書左僕射領太子少傅尋加金紫光祿大夫代卞壺爲領軍將軍以平錢鳳功進爵江寧伯帝不豫與王導卞壺庾亮溫嶠郗鑒並受顧命輔皇太子更入殿將兵直宿遺詔曰曄清恭忠貞歷職顯允且其兄

弟事君如父。憂國如家。歲寒不凋。體自門風。既委以六軍。可錄尚書事。加散騎常侍。成帝踐祚。拜左光祿大夫。開府儀同三司。給親兵百人。常侍如故。薤陵之難。睥睨帝在石頭。舉動方正。不以凶威。變節。峻以睥。吳士之望。不敢加害。使守留臺。臣術以苑城歸順。時共推睥。督官城軍事。峻平加衛將軍。以勳進爵為公。咸和中。求歸鄉里。序墳墓。有司奏舊制。假六十日。侍中顏含駁曰。睥內。蘊至德。清一其心。受託付之重。居台司之位。既蒙詔許。歸省墳塋。大臣之義。本在忘已。豈容有期而返。無期必。侍

蕭齊

卷之十三

二

光書堂

太傅謝安石安

謝安字安石。其先陳郡陽夏人。自祖衡寓居會稽。遂為越人。父袁。太常卿。安少有重名。初辟司徒府。除著作郎。並以疾辭。居會稽東山。與王羲之許詢支遁遊處。出則漁弋山水。入則言詠。屬文無用世意。除尚書郎琅邪。友並不起。有司奏安被召。歷年不至。禁錮終身。遂棲遲。

東土每遊賞。必以妓女從。簡文帝時。卜相曰。安石既與人同樂。必不得不與人同憂。召之必至。時安弟萬為征西中郎。將總藩任之重。安雖處衡門。其名出萬右。及萬黜廢。安始有仕進意。時年四。餘矣。桓溫請為司馬。甚見禮厚。尋除吳興太守。在官無當。時舉去。後為人所思。頃之。徵拜侍中。遷吏部尚書。中護軍。簡文帝疾篤。溫上疏薦安。宜受顧命。及帝崩。溫入赴山陵。止新亭。大陳兵衛。將移晉室。呼安及王坦之。欲於座中害之。坦之甚懼。問計於安。安神色不變。曰。晉祚存亡。在此一舉。既見溫坦之流汗沾衣。倒執手板。安從容就席。曰。安聞諸侯有道。守在四隣。明公何須壁後。置人邪。溫笑曰。正自不能不爾。遂笑語移日。坦之與安初齊名。至是方知坦之之劣。時溫威振內外。人情恟恟。安與坦之盡忠。匡翊終能輯穆。及溫病篤。諷朝廷加九錫。使袁宏具草。安見輒改之。由是歷旬不就。會溫卒。錫命遂寢。尋詔安總關中書事。安義存輔導。不事小察。弘以大。中外賴之。是時官室毀壞。安欲繕之。尚書令王彪之等以外寇為諫。安不從。竟獨決之。官室用成。皆仰模玄象。合體宸極。而役無。

蕭齊

卷之十三

三

光書堂

勞怨帝始親萬機進安侍中都督諸軍事時符堅強盛疆場多虞安遣弟石及兄子玄等應機征討所在克捷封建昌縣公堅後率眾號百萬次淮淝京師震恐加安征討大都督玄入問計安答曰已別有旨既而寂然玄不敢復言遂命駕出山墅親朋畢集方與玄圍棋賭別墅安棋常劣於玄是日玄懼便為敵手而又不勝遂遊陟至夜乃還指授將帥各當其任桓沖請以兵入授安辭却之玄等既破堅有驛書至安方對客圍棋看書既竟了無喜色客問之徐曰小兒輩遂已破賊以總統功

晉書

卷之十三

四 元帝

進拜太保更封廬陵郡公安方欲混一文軌上疏求自北征乃進都督十五州軍事加黃鉞安雖受朝寄東山之志始末不渝每形於言色及遇疾悵然謂所親曰昔桓溫在時吾嘗懼不全忽夢乘溫輿行十六里見一白雞而止乘溫輿者代其位也十六里止今十六年矣白雞主酉今年太歲在酉吾病殆不起乎乃上疏遜位尋薨時年六十六帝三日臨於朝堂賜殮具甚厚贈太傅謚文靖

唐 共四人

紫微令姚元之崇 玄孫合附

姚崇字元之其先吳興人自吳興徙陝復自陝徙洛陽父善懿貞觀中冀州都督贈幽州大都督謚文獻崇少倜儻尚氣節長乃好學仕為孝敬挽郎舉下筆成章授濮州司倉參軍五遷夏官郎中契丹擾河北兵檄彙進崇奏決若流武后賢之即拜侍郎聖曆三年進同鳳閣鸞臺平章事遷鳳閣侍郎俄兼相王府長史崇建言臣事相王而夏官本兵臣非惜死恐不益王乃詔改春官張易之私有請於崇崇不納譖於后降司僕卿猶同鳳閣

卷之十三

五

元帝

開鸞臺三品出為靈武道大總管張柬之等謀誅二張崇適自屯所還遂參計議以功封梁縣侯實封二百戶出為亳州刺史歷宋常越許四州睿宗立拜兵部尚書同中書門下三品進中書令尋為太平公主所忌貶申州刺史移徐潞二州遷揚州長史政條簡肅人為紀德於碑使同州刺史先天二年玄宗講武新豐故事天子行幸牧守在三百里內者得詣行在時帝亦密召崇崇至帝方獵渭濱即召見帝曰公知獵乎對曰少所習也臣年二十居廣成澤以呼鷹逐獸為樂張景藏謂臣當

伍正佐無自弃故折節讀書遂待罪將相然少爲僕師
老而猶能帝悅與俱馳逐綏遠如育帝欽甚既罷乃咨
天下事哀哀不知倦帝曰卿宜遂相朕崇知帝大度銳
於治乃先設事以堅帝意即陽不謝帝惟之崇因跪奏
臣願以十事聞陛下度不可行臣敢辭帝曰試爲朕直
之崇曰垂拱以來以峻法繩下臣願政先仁恕可乎朝
廷覆師青海未有牽復之悔臣願不倖邊功可乎比來
壬倭冒觸憲網皆得以寵自解臣願法行自近可乎后
氏臨朝嗾舌之任出閭人之口臣願宦豎不與政可乎
戚里貢獻以自媚於上公卿方鎮寢亦爲之臣願租賦
外一絕之可乎外戚貴生更相用事班序荒雜臣請戚
屬不任臺省可乎先朝褻狎大臣虧君臣之嚴臣願陛
下接之以禮可乎燕飲融草月將以忠被罪自是沮折
臣願羣臣皆得批逆鱗犯忌諱可乎武后造禍先寺上
皇造金仙玉真二觀費鉅百萬臣請絕道佛宮造可乎
漢以祿莽閹梁亂天下國家爲甚臣願推此鑒戒爲萬
代法可乎帝曰朕能行之崇乃頓首謝翌日拜兵部尚
書同中書門下三品封梁國公遷紫微令中宗時近戚

輔弼

卷之十三

光緒

光緒

奏度僧尼溫戶疆丁因避賦役崇請汰僧僞溫髮而農
者餘二萬二千人崇嘗帝前敘次郎吏帝左右顧不主
其語崇懼再三言之卒不答崇趨出內侍高力士曰陛下
下新卽位宜與大臣裁可否今崇亟言陛下不應非虛
懷納誨者帝曰我任崇以政大事吾當與決至用郎吏
崇顧不能而重煩我耶崇聞乃安由是進賢退不肖而
天下治開元四年山東大蝗民祭且拜坐視食苗不敢
捕崇請出御史爲捕蝗使分道殺蝗汴州刺史倪若水
上言除天災者當以德昔劉聰除蝗不克而害愈甚拒
御史不應命崇移書謂之曰聰僞主德不勝妖今妖不
勝德古者良守蝗避其境謂修德可免彼將無德致然
乎今坐視食苗忍而不救因以無年刺史其謂何若水
懼乃縱捕得蝗十四萬石蝗害迄息於是帝方射萬機
朝夕詢逮它宰相畏帝明決皆謙憚惟獨崇佐裁決故
得專任會盧懷慎卒崇病疴移告凡大政事帝必令源
乾曜就咨焉乾曜所奏善帝必曰是必崇畫之有不合
則曰胡不問崇乾曜謝其未也乃已久之紫微史趙誨
受夷人賄當死崇素親倚署奏普減帝不悅時曲赦京

輔弼

卷之十三

光緒

光緒

傳

卷之十三

光緒

光緒

師惟謙不原崇惶懼上還宰政引宋璟自代乃以開府儀同三司罷政事歸第仍詔五日一參入閣供奉八年授太子少保以疾不拜明年卒年七十贈揚州大都督謚曰文獻崇尤長治道處次無淹思三爲宰相常兼兵部故屯戍斥候士馬儲械無不諳記玄宗初立賓禮大臣故老雅尊過崇每見便殿必爲之興去則臨軒以送它相莫及也時承權戚干政之後綱紀大壞先天末宰相至十七人臺省要職不可數崇嘗先有司罷冗職修制度擇百官各當其材請無廣釋道無數移吏縣是天

子貴成於下而權歸於上矣崇始名元崇以與突厥此刺同名武后時以字行至開元世避帝號更以今名三子奔奔皆至卿刺史

玄孫合元和中進士及第調武功尉善詩世號姚武功遷監察御史累轉給事中歷陝虢觀察使終秘書監弟

最自有傳

按唐書以崇爲陝人及讀張燕公所作神道碑始詳載其世系云自吳興徙陝自陝徙洛則爲吳興人審矣兩浙相業獨吳興寥寥今得此賢覺六邑俱重

文昌左丞陸希仲元方

子象先景脩景融附

傳

卷之十三

五

光緒

陸元方字希仲陳給事黃門侍郎琛之曾孫也元方初明經後舉八科皆中累官監察御史武后時使嶺外方涉海風濤驚壯舟人懼元方曰吾受命不私神豈害我趣使濟而風訖息使還除殿中侍御史擢鳳閣舍人秋官侍郎遷鸞臺侍郎同鳳閣鸞臺平章事或言其薦引皆親黨后怒免官令白衣領職元方薦人如初后召議之對曰舉臣所知不暇問仇黨又薦其官崔元暉有宰相才后知無他復其拜鸞臺侍郎同鳳閣鸞臺平章事

后嘗問外事對曰臣備位宰相大事當白奏民間碎務不敢以聞忤旨下除太子右庶子進文昌左丞卒元方素清慎再執政每進退羣臣后必先訪問外秘莫知臨終取奏稿焚之曰吾陰德在人后當有與者又曰吾當壽但領薦人耗傷吾神有一桢平生所緘鑰者歿後家人發之乃前後詔勅贈越州都督諸子皆美才而象先景脩景融尤知名

象先初名景初唐宗曰子能紹先構是謂象賢者乃賜名象先器識沉邃舉制科高第爲揚州參軍事時吉項

與元方同爲吏部侍郎。頃擢象先爲洛陽尉。元方不肯。當頃曰：「爲官擇人，豈以吏部子廢公論耶？」卒以授。俄遷監察御史，累授中書侍郎。景雲中，進同中書門下平章事。監修國史。初，太平公主謀引崔湜爲宰相，湜曰：「象先人望宜幹樞近，若不者，是敢辭，主不得已爲言之。」遂並知政事。然其性恬靜寡欲，議論高簡，爲時推向。湜嘗曰：「陸公加於人一等。」公主旣擅權，宰相爭附之。象先未嘗往謁。及謀逆，召宰相議曰：「寧王長，不當廢嫡立庶。」象先曰：「帝得立，何也？」主曰：「帝有一時功，今失德，安可不廢？」對

斬帝

卷之十三

六

光緒堂

曰：「立以功者，廢必以罪。今不聞天子過失，安得廢？」主怒，更與竇德貞等謀，卒誅死。時象先與蕭至忠、岑羲等坐爲主所進，將同誅。玄宗遽召免之，曰：「歲寒然後知松柏之後凋也。」以保護功封交國公，賜封戶二百。初，難作，唐宗御承天樓，羣臣稍集。帝麾曰：「助朕者留，否者去。」於是

申救保全甚衆。當時無知者，罷爲益州大都督府長史。劔南按察使，累徙蒲州刺史。兼河東按察使，小吏有罪，誠遣之大吏，白爭以爲可杖。象先曰：「人情不甚相遠，謂彼不曉吾言，邪？必責者，當以汝爲始。」大吏慙而退。嘗曰：「天下本無事，庸人擾之，爲煩耳。第澄其源，何憂不簡邪？」故所至，吏民懷之。入爲太子詹事，歷戶部尚書，知吏部選事。遷太子少保。卒，年七十二。贈尚書右丞相，謚文貞。景倩爲扶溝丞，河南按察使，畢構覆州縣，殿最，欲必得實。有吏言狀曰：「某彊，清某詐，清惟景倩。」曰：「真清。」官終監

斬帝

卷之十三

七

光緒堂

察御史。景融，長七尺，美姿質，寬中而厚外，博學，工筆札。以蔭補千牛，轉新鄭令。政有風績，累遷工部尚書。東京留守，卒贈廣陵郡都督。景融於象先後母弟也。象先被笞，景融諫不入，則自楚。母爲損威，當時多其友愛。

平章陸敬輿贊

陸贄，字敬輿，嘉興人。吏部郎中，潮之孫。溧陽尉，偁之子。年十八，第進士。中博學宏詞，調鄭尉，罷歸。以書判拔萃，補渭南尉。德宗立，遣黜陟使庾何等一十人行天下，贊說使者，請以五術省風俗，八計聽吏治，三科登俊乂，四

賦經財實六德保罷廢五要簡官事時皆遵其言遷監
察御史召拜翰林學士會馬燧討河北賊久不決請師
李希烈寇襄城詔問策安出贊言勞於服遠莫若修近
多方以救失莫若改行今幽燕恒衛之勢緩而禍輕汝
洛榮汴之勢急而禍重請使李芑還軍援洛李德光救
襄城希烈必走請神策及將家子占而東者追還之凡
京師稅間架榷酒抽貫貸商點召之令一切停之則端
本整勢之術帝不納後涇師急變贊言皆効從狩奉天
機務填委遠近調發奏請報下書詔日數百贊初若不
聽帝
卷之十三
光緒堂
經思逮成皆周盡事情衍釋就復人人可曉旁吏承寫
不給它學士筆閣不得下而贊沛然有餘帝嘗問事之
切於今者贊勸帝令羣臣參日使極言得失若以軍務
對者見不以時聽納無倦義天下之智以為聰明且言
言路之不塞必先通上下之情然上下之情所由不通
者則九弊不去也所謂九弊者上有其六下有其三好
勝人耻聞過騁辯給術聰明厲威嚴恣驕慢上之弊也
諂諛顧望畏懦下之弊也九弊不去而求通上下之情
以開言路難矣是時賊未平帝欲明年遂改元而衛家

爭言數鍾百六宜有所變示天下復始帝乃議更益大
號贊曰今乘輿播越大慙未去此人情向背天意去就
之隙陛下宜痛自貶勦不宜益美名以累謙德帝從之
始帝播遷府藏委弃衛兵無楮衣至是天下貢奉稍至
乃於行在夾廡署瓊林大盈二庫別藏貢物贊諫以為
瓊林大盈於古無傳舊老皆言開元時貴臣飾巧以求
媚建言郡邑賦稅當委有司以制經用其貢獻悉歸天
子私有之蕩心侈欲亦終以餌寇今師旅方殷瘡痛呻吟
之聲未息遽以珍貢私別庫悉臣下有所缺望請悉
出以賜有功今後納貢必歸之有司先給軍實環恠繼
麗無得以供是乃散小儲成大儲捐小寶固大寶也帝
悟即撤其署李德光有異志欲怒其軍使叛即上言兵
廩薄與神策不等難以戰李晟密言其變因請移屯帝
遣贊見德光議事贊還奏德光寇奔不追師老不用羣
帥欲進輒沮止其謀此必反宜有以制之因勸帝許晟
移軍且請遣李建徽陽惠元與晟并屯東渭橋託言晨
兵寡不足支賊俾為犄角德光雖不欲遣且辭窮無以
沮解帝猶豫曰晨移屯德光固快快若又遣建徽等俱

東彼且爲辭少湏之嚴已徙屯不問句德光果奪兩節
度兵建徽挺身免惠元死之行在震驚遂徙幸梁以勞
遷諫議大夫仍爲學士時鳳翔節度使李楚琳殺張鑑
得位雖數貢奉議者頗言其挾兩端有所徇伺然帝亦
不能容其使至皆不得召欲以渾瑊代之贊諫曰楚琳
之罪舊矣今議者乃始紛紜不亦晚哉且勤王之師在
畿內者急宜宣告刻不可差商嶺旣回遠而駱谷又
爲賊所扼通王命者惟褒斜爾若復阻則諸鎮之向背
者我勝則來賊勝則往此焉幾會不容差跌使楚琳逞

輔弼

卷之十三

十

光緒堂

憾敢爲猖狂南塞要衝東與賊合則我咽喉梗而心脅
分矣豈不病哉今顧望兩端是乃天誘其衷通歸塗濟
大業也帝釋然盡召見其使優詔勞安之京師已平帝
欲召渾瑊訪奔亡內人給裝使赴行在贊諫曰大難始
平而百役疲瘵之咎重傷殘廢之卒皆忍死扶疾想聞
德音今諸事未遑而首先及此恐天下聞之解體且內
人當奔潰之後或爲將士所私昔人掩絕纓飲盜馬者
豈忘其愛邪知爲君之體然也天下固多藝人何必獨
此帝不復下詔初劉從一姜公輔等材下不逮贊遠甚

俱以單言警謀偶有合由下位逮台宰而贊孤立一意
爲左右權倖沮短又言事無所回諱陰失帝意久之不
得宰相還京但爲中書舍人權知兵部侍郎復爲翰林
學士天下屬以爲相而實參素不平忌之參黜始以中
書侍郎同中書門下平章事帝始用楊炎盧杞引樹私
黨排擠忠良天下怨憤貞元後懲艾其失雖置宰相至
除用庶官反覆參詰乃得下及贊秉政始請臺閣長官
得自薦其屬有不職坐舉者帝初許之或言諸司所引
皆親黨招賂遺無實才帝復詔宰相自擇贊上疏極論

輔弼

卷之十三

十

光緒堂

帝雖嘉之然卒停薦士詔舊制吏部選以歲集乾元後
天下兵興率三年一調吏員稽壅則案牘繁滯僞冒蒙
真吏緣以爲姦廢置無綱至十年不被調者缺員或累
歲不補贊乃請以內外員三分之每歲計闕集人檢梏
吏奸天下便之當是時賈耽盧邁趙景同輔政凡有司
關白三人者更相顧不肯判贊又請如故事旬一人秉
筆所資輒判又以西北邊歲調河南江淮兵謂之防秋
士不素練戰數敗將統制不一亡以應敵贊上疏極言
其弊大略謂以中國所長擊夷狄所短則有八利以中

補

卷之十三

主

光緒

國所短應夷狄所長則有六失且請罷四方之防秋者以其數析而三之其一責本道節度募壯士願屯邊者徙焉其一則第以本道衣粟資閑內河東募用蕃夏子弟願傳軍者給焉其一以所輸資糧給應募者以安其業詔度支市牛召工就諸屯繕完器具至者家給牛一耕耨水火之器畢具一歲給二口糧賜種子勸之播時須一年則使自給有餘粟者縣官倍價以售既息調發之煩又無幸免之弊出則人自爲戰處則家自爲耕與夫暫屯遽罷豈同日哉然後建文武大臣一人爲隴右元帥自涇隴鳳翔薄長武城蓋山南西道凡節度府之兵皆屬焉又詔一人爲朔方元帥由鄜坊邠寧捷喬寧夏凡節度府之兵屬焉又詔一人爲河東元帥舉河東極振武節度府之兵屬焉各以隣邊要州爲治所所部州若府遶東良吏爲刺史外奉軍典內勸農桑慎守中國所長謹行當今所易則八利可致六失可去矣帝愛其言不從也班宏判度支卒官贊薦李與帝漫許之而自用裴延齡贊言延齡辭疾躁妄不可用不聽俄而延齡姦佞得君天下仇惡無敢言贊上書苦諫帝不憚竟

補

卷之十三

主

光緒

以太子賓客罷贊本畏慎未嘗通賓客延齡揣帝意譏短百緒帝遂發怒欲誅贊賴陽城等交章論辯乃貶忠州別駕順宗立召還詔未至卒年五十二贈兵部尚書謚曰宣始贊入翰林年尚少以材幸天子常以筆行呼而不名在奉天朝夕進見小心精潔未嘗有過由是帝親倚至解衣衣之同類莫敢望外雖有宰相主大議而贊常居中參裁可否時號內相嘗爲帝言今盜偏天下宜痛自咎悔以感人心昔成湯罪己以興楚昭王出奔以一言善復國陛下誠不吝改過以言謝天下使臣持筆亡所忌庶叛者革心帝從之故奉天所下制書雖武人悍卒無不感動流涕後李抱真入朝爲帝言陛下在奉天山南時赦令至山東士卒聞者皆感泣思奮臣是時知賊不足平議者謂與元戡難功雖爪牙宜力蓋贊有助焉狩山南也道險澁與從官相失夜召贊不得帝驚且泣詔軍中得贊者賞千金又之上謁帝喜見顏間自太子以下皆賀及輔政不敢自顧重事有可否必言之所言皆剴拂帝短儉到深切或規其大過者對曰吾上不負天子下不負所學皇宅卹乎既放荒遠杜門

集方書人罕見其面歷官來所上奏疏數百篇議陳時弊皆本仁義其後蘇軾上贊奏議劄子稱其有王佐才至謂賢於子房賈誼而德宗以猜忌刻薄始親終疎不能行其所學乃放逐以死古今痛之

尚書左僕射陳周道夷行

陳夷行字周道長興人由進士歷官吏部郎中爲翰林學士兼侍讀遷工部侍郎開成二年進同中書門下平章事而楊嗣復李珣相次輔政夷行介特雅不與合每議論天子前往往語相侵短夷行不能堪輒引疾求去

卷之十三

十 光緒堂

文宗遣使慰勞起之會以王彥威爲忠武節度使史孝章領邠寧議皆出嗣復及夷行對廷英帝問除二鎮當否對曰苟自聖擇無不當者嗣復曰若用人盡出上意而善固當如小不稱下安得嘿然夷行曰比奸臣數干權願陛下毋倒持太阿以鑄授人嗣復曰古者任則不疑齊桓公器管仲於警虜豈有倒持意耶帝以其面相觸頗不悅仙韶樂工尉遲璋授王府率右拾遺竇洵直當衙論奏鄭覃嗣復嫌以細故謂洵直近名夷行曰諫官當衙正須論宰相得失彼賤工安足言者然亦不可

置不用帝卽徙璋光州長史以百緡賜洵直進門下侍郎帝嘗怪天寶政事不善問姚元崇宋璟于時在否李璣曰姚亡而宋罷璣因推言玄宗自謂未嘗殺一不辜而任李林甫種夷數十族不亦惑乎夷行曰陛下今來宜戒以推屬人嗣復曰夷行失言太宗易暴亂爲仁義用房玄齡十有六年任魏徵十有五年未嘗失道人主用忠良益治用邪佞一日多矣時用郭蘧爲坊州刺史右拾遺宋祁論不可蘧果坐贓敗帝欲賞祁夷行曰諫官論事是其職若一事善輒進官恐後不免有私罷爲

勅

卷之十三

十 光緒堂

吏部尚書尋拜華州刺史武宗卽位召爲御史大夫俄還門下侍郎平章事進位尚書左僕射未幾以足疾乞身罷爲太子太保以檢校司空爲河中節度使卒

宋 共二十五人

參知政事盛公量度

子申甫附

盛度字公量世家應天曾祖瑄仕錢氏爲餘杭令遂家焉父豫從錢俶入朝終尚書度支郎中慶登端拱進士第累官尚書屯田員外郎奉使陝西因覽疆域參質漢唐故地繪爲西域圖以獻改起居舍人知制誥嘗奏事

便殿真宗問其所上西城圖度因言酒泉張掖武威懷遠金城五郡之東南自秦築長城西起臨洮東至遼陽延袤萬里有郡有軍有守捉襟帶相屬烽火相望其爲形勢備禦之道至矣唐始置節度後以宰相兼領用非其人故有河山之險而不能固有甲兵之利而不能禦今復繪山川道路壁壘區聚爲河西隴右圖願備上覽真宗稱其博學遷右諫議大夫翰林爲學士兼史館修撰出知光州再謫洪州團練副使請復賢良方正科又請建四科以取士曰博通墳典達於教化科才識兼茂明於體用科軍謀洪遠堪任將帥科明曉法律能按章覆問科既而用夏竦議置六科其議亦自度始復爲翰林學士史館修撰遷給事中尋進承旨以禮部侍郎兼端明殿學士召問邊計退而條十事上之又兼侍讀景祐二年拜參知政事時王魯呂夷簡爲相度與宋綬蔡齊並參知政事魯與齊善而夷簡與綬善惟度不得志於二人及二人俱辭相仁宗問度曰王魯呂夷簡力求退何也度對曰二人腹心之事臣不得而知陛下詢二人以孰可代者則其情可察矣仁宗果以問魯魯

齊又問夷簡夷簡薦綬於是四人俱罷而度獨留遷知樞密院事章得象既相以度嘗位其上卽拜武寧軍節度使坐令開封府吏馮士元強取其隣所質官舍以前書右丞罷後知揚州加資政殿學士知應天府暴威風眩以太子少傅致仕卒贈太子太保謚文肅度好學家居列圖書每歸休未嘗去手嘗奉詔同編續通典文苑英華所著有愚谷銀臺中書樞中四集子甫終尚書兵部郎中集賢校理嘗爲福建轉運使頗以修潔稱太子太師祁國公杜世昌衍杜衍字世昌山陰人父遂良仕至尚書度支員外郎衍總髮苦志勵操尤篤於學擢進士甲科補揚州觀察推官擢知乾州徙權知鳳翔府及罷歸二州民邀留境上曰何奪我賢太守也以太常博士提點河東路刑獄辨冤獄久不決者數事徙揚州章獻太后遣使安撫淮南使還未及他語輒問杜衍安否使者以治狀對太后歡曰吾知之久矣召爲三司戶部副使權天章開衙制知江陵未行會河北乏軍賈還爲都轉運使不增賦於民而用足擢樞密直學士求補外以右諫議大夫知天雄

軍始行爲治謹密不以威刑督吏然吏民亦憚其清整
仁宗特召爲御史中丞奏言中書樞密古之三事大臣
所謂坐而論道者也止隻日對前殿何以盡天下之事
宜迭召見賜坐便殿以極獻替可否其他不必親煩陛
下也又議常平法曰歲有凶豐穀有貴賤官以法平之
則農有餘利矣今豪商大賈乘時賤收水旱則稽伏而
不出冀其翔騰以圖厚利而困吾民也請量州郡遠近
戶口衆寡嚴賞罰課責官吏出納無壅增損有宜公糴
未克則禁爭糴以規利者糴畢而儲之則察其以供軍

輔弼

卷之十三

太

光緒宣

爲名而假借者州郡關母錢願出公帑助之否則勸課
之官家至日見亦奚益於事哉義判吏部流內銓選補
科格繁長主判不能悉閱吏多受賕出縮爲奸衍既視
事卽勅吏函銓法問曰盡乎曰盡矣力閱視具得本末
曲折明日令諸吏無得升堂各坐曹聽行文書銓事悉
自予奪由是吏不能爲奸利數月聲動京師改知審官
院其裁制如判銓時遷刑部侍郎知永興軍時方用兵
民苦調發吏因緣爲奸衍區處計畫道里遠近寬其
期會使民得次第輸官比他州費省錢過半召還權知

開封府貴近聞衍名莫敢干以私拜同知樞密院事改
樞密使與富弼韓琦范仲淹共事三人欲盡革衆弊修
綱紀權倖貴近多不悅獨衍與相左右而衍尤遇絕僥
倖每內降恩悉緩格不行積詔旨至十數輒納帝前諫
官歐陽脩入對帝曰外人知杜衍封還內降耶凡有求
於朕每以衍不可告之而止者多於所封還也其助我
多矣衍知本朝故實善決大事初邊將議欲大舉兵擊
西夏雖韓琦亦以爲可衍獨以爲不可大臣至有欲以
沮軍罪衍者兵後果不得出契丹與元昊大戰黃河外

輔弼

卷之十三

太

光緒宣

雁門麟府皆警范仲淹宣撫河東欲以兵自從衍曰二
國方交聞勢必不來我兵不可妄出仲淹爭議帝前諍
抵衍衍不爲恨後契丹卒不來契丹婿劉三殿避罪來
歸輔臣議厚館之以詰契丹陰事諫官歐陽脩亦請留
三殿帝以問衍衍曰中國主忠信若自違誓約納叛亡
則不直在我且三殿爲契丹近親而遁逃來歸其謀身
若此尚足與謀國乎納之何益乃還三殿拜同平章事
集賢殿大學士兼樞密使臺諫疾衍者訐其婿蘓舜欽
他事劾奏之欲以傾衍且指衍爲朋比遂以尚書左丞

出知兗州慶曆七年衍甫七十上表請還印綬乃以太
子少師致仕杜衍爲宰相賈昌期不喜議者謂故相一
上章得請以三少致仕皆非故事蓋昌期抑之也嘉祐
元年特還太子太保召陪祀明堂仍詔應天府敦遣就
道都亭驛設帳具几杖待之稱疾固辭進太子太師封
祁國公衍清介不殖私產既退寓南都凡十年第室庫
廩才數十楹居之裕如也出入從者數人烏帽皂綈
華帶或勸爲居士服衍曰老而謝事尚可竊高士名耶
善爲詩正書行草皆有法病革帝遣中使賜藥挾太醫

勸弼

卷之十三

牛

光書室

性視不及卒年八十贈司徒兼侍中謚正獻戒其子
力忠孝欽以一枕一席小墳庫塚以葬自作遺詔其略
曰無以久安而忽邊防無以既富而輕財用宜早建儲
副以安人心語不及私

太子少保趙開道

子帆孫雲附

趙抃字開道衢州西安人進士及第爲武安節度推官
人有赦前僞造印更赦而用者法吏當以死抃曰赦前
不用赦後不造不當死獄而生之由是起名歷知三縣
通判泗洲濠州守給士卒廩賜不如法聲欲變守懼日未

入輒閉門不敢出轉運使檄抃攝治之抃至從容如平
時州以無事召拜殿中侍御史彈劾不避權倖聲稱凜
然京師目爲鐵面御史其言務欲朝廷別白君子小人
以謂小人雖小過當力遏而絕之君子不幸詿誤當保
全愛惜以成就其德時呂滌蔡襄與奎韓絳旣出守而
歐陽脩賈黯復求郡抃言近日正人端士紛紛引去侍
從之賢如脩輩無幾今皆欲去者以正色立朝不能諂
事權要傷之者衆耳脩黯由是得留請知睦州移梓州
轉運使改益州蜀地遠民弱吏肆爲不法州郡公相餽
餉抃以身帥之蜀風爲變召爲右司諫內侍鄭保信引
退兵董吉燒煉禁中抃引文成五利鄭注爲比力論之
陳升之副樞密抃言升之姦邪交結宦官進不以道章
二十餘上升之去位而抃亦出知處州處素難治抃御
之嚴而不苛召戒諸縣令使人自爲治令皆喜爭盡力
獄以屢空召爲侍御史改慶支副使進天章閣待制河
北都轉運使時賈昌期以故相守魏抃將按視府庫昌
朝使來告曰前此監司未有按視吾藏者恐事無比若
何抃曰舍是則他郡不服竟往按昌朝不悅初有詔募

勸弼

卷之十三

三

光書室

義勇過期不能辦官吏當坐者八百餘人朴被旨督之奏言河朔頻歲豐故應募者少請寬其罪以俟農隙從之坐者獲免而募亦隨足昌朝媿服加龍圖閣直學士知成都以寬爲治英宗嘗諭都轉運使榮諲曰趙朴爲成都中和之政也神宗立召知諫院故事近臣還自成都者將大用必更省府不爲諫官大臣以爲疑帝曰吾賴其言耳苟欲用之無傷也及謝帝曰聞卿匹馬入蜀以一乘一霍自隨爲政簡易亦稱是乎未幾拜參知政事朴感顧知遇朝政有未協者密啟以聞帝手詔褒答王安石用事朴力論其新法之非不合乞去位拜資政殿學士知杭州改青州時京東旱蝗青獨多麥蝗來及境遇風退飛盡墮水死成都以戊卒爲憂遂以大學士復知成都乞以便宜從事既至蜀治益尚寬有卒長立堂下呼諭之曰吾與汝年相若吾以一身入蜀爲天子撫一方汝亦宜清謹畏戢以率眾比戍還得餘貲持歸爲室家計可也人喜轉相告莫敢爲惡蜀郡晏然乞歸知越州吳越大飢疫死者過半朴盡救荒之術療病埋死而生者以全下令修城使得食其力復徙杭以太子

朝野

卷之十三

辛

光緒堂

夢保致仕而官其子帆提舉兩浙常平以便養帆奉朴遍遊諸名山吳人以爲榮元豐七年薨年七十七贈太子少師謚清獻朴長厚清修人不見其喜愠日所爲事入夜必衣冠露香以告於天不可告則不敢爲也晚學道有得將終與帆訣詞氣不亂安坐而沒宰相韓琦嘗稱朴真世人標表蓋以爲不可及云帆字景仁由蔭登第歷官太僕丞擢監察御史以父老請外提舉兩浙常平復爲御史正色抗言皆切時務避政親賢改都官員外郎出提點京東刑獄歷鴻臚太僕少卿未幾辛初朴廬母墓三年縣榜其里曰孝弟孫牟爲作孝子傳及帆執父喪而甘露降墓木帆卒子雲又以毀死人稱其世孝

朝野

卷之十三

辛

光緒堂

參知政事張道章昇

張昇字道章衢之開化人舉進士爲楚丘主簿轉韓城令南京留守王魯稱其有公輔器累官度支員外郎夏竦經略陝西薦其才換六宅使涇原秦鳳安撫都監未幾以母老求歸或指爲避事范仲淹言於朝曰張昇豈避事者乃許歸養歷官開封府推官至知雜御史張堯

輔弼

卷之十三

帝

光緒堂

佐緣恩驟用知開封府內侍楊德敏夜直禁中而衛士爲變皆極論之昇性質樸不善擇言至斥張貴妃爲一婦人謂德敏得志將不減劉季述仁宗讀之不懌以語陳升之升之曰此忠直之言不激切則聖意不可回矣帝乃解以天章閣待制知慶州改知秦州至和二年召兼侍讀拜御史中丞劉沆在相位以御史范師道趙抃嘗攻其惡陰欲出之昇曰天子耳目之官奈何用宰相怒而斥上章力爭之沆竟罷去帝見昇指切時事無所避謂曰卿孤立乃能如是對曰臣仰託聖主致位侍從是爲不孤今陛下之臣持祿養望者多而赤心謀國者少竊以爲如陛下乃孤立爾帝爲之感動嘉祐三年擢樞密副使遷參知政事樞密使昇愛惜官資凡內降所與多持不下見帝春秋高前後屢進言儲嗣事卒與韓琦同決策英宗立請老帝曰太尉勤勞王家誰可遽去但命五日一至院請見無蹈舞司馬光上疏言近歲以來大臣年高者皆不敢自安其位言事者欲以爲名又從而攻之使其人無可取雖少壯何爲果有益於時雖老何傷昇爲人忠謹清直不可干以私若使且居其位

輔弼

卷之十三

帝

光緒堂

於事亦未有曠廢也昇請不已始賜告遂以太子太師致事熙寧十年薨年八十六贈司徒兼侍中諡曰康節參知政事鄭行可仲熊鄭仲熊字行可西安人登進士第爲右正言首論抑養兢節浮費定國是總樞綱推誠有功之宿將以作士氣歷官簽書樞密院拜參知政事時秦檜專國在朝無敢忤者仲熊歎曰爲官至此可以行志而不得行遇主如此可以圖報而不得報件食中書員魏多矣會檜誣構趙令矜誘帥欲加重典高宗猶豫未決檜於上前援仲熊勛已對言鄭仲熊與令矜同里備知其惡陛下試問之上顧仲熊仲熊正笏却立徐對曰臣雖與令矜同鄉素不識其人檜失色令矜遂得免死下殿忿色相詰亟諷言者劾仲熊與令矜密友故飾爲不知以欺陛下章上仲熊待罪都亭上聞之遣中使宣押是時執政去國者久不舉此恩例高宗特行之檜恚益甚復使臺諫交攻之仲熊既被宣留之旨翌日復赴朝坐待漏院檜慍廢食侵以不遜語至自數桓溫班退仲熊遂力祈避位上不得已允之且曰彼既不相容卿且去行將召卿遂

以原官奉祠。言者不置。竟落職。寓居蕭寺二十年。孝宗卽位。復端明殿學士致仕。孫緝主司農寺簿。

參知政事沈守約該

沈該字守約。歸安人。以上舍釋褐。歷官禮部侍郎。紹興八年。金人在淮泗。遣使請和。該上䟽論之。出知夔州。悉心撫字。西人愛戴。召拜簽書樞密院叅知政事。奏減吳興丁輸五分之四。鄉人德之。未幾大拜。該達於易。嘗撰小傳六卷。其說以左氏變卦爲文。進之高宗。降詔褒美。刻石於其私第。有文集律詩雜著若干卷。行於世。

補窮

卷之十三

手

光緒堂

在丞相葉夢錫衡

葉衡字夢錫。金華人。紹興十八年進士第。歷知於潛縣。戶版積弊。富民多隱漏。貧弱困於陪輸。衡定爲九等。自五以下除其籍。而均其額於上之四等。貧者頗獲微科。爲期限。恊縣門俾里正論民。不遣一吏。而賦自足。歲災蝗。不入境。治爲諸邑最。擢知常州。時水潦爲災。衡發倉爲糜以食飢者。已而疫作。衡單騎命醫藥。自隨。徧問疾苦。活者甚衆。除太府少卿。進戶部侍郎。時鹽課大虧。衡奏年來課入不增。私販害之也。宜自煮鹽之地。爲之制。

司火之起伏。稽龜之多寡。庶能吏察之。私販自絕矣。仍

命措置官三人。淮南於通州。浙東於明州。浙西於秀州。

除樞密承旨。有言江淮兵籍僞濫者。詔衡按視。且命衡

措置民兵。咸稱得治兵之要。除戶部尚書。進簽書樞密

院。拜叅知政事。未幾。進右丞相。兼樞密使。上銳意恢復。

凡將帥器械。山川防守。悉經思慮。每奏對畢。從容賜坐。

講論機密。或不時召對。時會子恣漫折閱。手詔賜衡。措

置。衡奏。令戶部取湖廣會子實數。盡以京會。立限易之。

旬日而辦。上歎曰。葉衡真宰相才也。一月。上曲宴宰執。

補窮

卷之十三

手

光緒堂

於凝碧池。上曰。朝廷所用。正論其人如何。不可有黨。如唐牛李之黨。相攻四十年。緣主聽不明至此。文宗曰。去河北賊。易去朝中朋黨。難。朕嘗笑之。衡奏。文宗優游不斷。故有此語。陛下英明聖武。誠非難事。上諭執政。遞使求河南。衡奏。湯邦彥有口辯。宜使金。邦彥請對。問所以遣。既知薦出於衡。恨衡擠已。聞衡對客。有訕上語。奏之上大怒。卽日罷相。責授安德軍節度使。郴州安置。邦彥使還。果辱命。上震怒。竄之嶺南。詔衡自便。復官與祠年六十有二。薨。贈資政殿學士。

右丞相史直翁浩

史浩字直翁明州鄞人紹興十四年進士第歷官國子博士轉對言普安恩平二王宜擇其一以繫天下望高宗建之翌日語大臣曰浩有口才也除秘書省校書郎兼二王府教授三十年普安郡王爲皇子進封建王除浩樞王府教授守司封郎官兼直講一日講周禮言膳夫掌膳羞之事歲終則會惟王及后世子之膳羞不會至酒正掌飲酒之事歲終則會惟王及后之飲酒不會世子不與焉以是知世子膳羞可以不會世子飲酒不

輔弼
卷之十三
光緒堂

可以無節也王作而謝曰敢不佩斯訓明年遷宗正少卿會金亮犯邊下詔親征時兩淮失守廷臣爭陳退避計建王抗疏請率師爲前驅浩爲王力言太子不可將以晉申生唐肅宗靈武之事爲戒王大感悟俾浩草奏請扈駕以供子職辭意懇到高宗方怒覽奏意頓釋知奏出於浩語大臣曰真王府官也既而御史吳芾乞以皇子爲元帥先視師浩復遣書大臣言建王生深官中未嘗與諸將接安能辦此或謂使王居守浩復以爲不可上亦欲令王偏識諸將遂扈蹕如建康三十二年上

還臨安立建王爲太子浩除起居郎兼太子右庶子孝宗受禪遂以中書舍人遷翰林學士知制誥時張浚宣撫淮西將圖恢復浩與之異議欲城瓜洲采石浚奏不守兩淮而守江不若城泗州除參知政事有詔議應敵定論諸臣相繼論列而宰執獨無奏上以問浩浩奏先爲備禦是謂良規倘聽浚謀之士典不教之師寇去則論賞以邀功寇至則引兵而遁跡謂之恢復得乎隆興元年拜尚書右僕射首言趙鼎李光之無罪岳飛之父冤宜復其官爵諱其子孫悉從之李綱忠邵宏淵奏乞引兵進取浩奏二冊輒乞戰豈督府命令有不行耶浚請入覲乞即日降詔幸建康上以問浩浩陳三不可遂又以詰浚曰帝王之兵當出萬全豈可嘗試以圖僥倖復辨論於殿上浚曰中原又陷今不取豪傑必起而收之浩曰中原決無豪傑若有之何不起而亡金浚曰彼民間無寸鐵不能自起待我兵至爲內應浩曰勝廣以鞭鋤棘矜亡秦必待我兵非豪傑矣浚因內引奏浩意不可回恐失機會乞出英斷省中忽得宏淵出兵狀始知不由三省徑檄諸將浩語陳康伯曰吾屬俱兼右府

輔弼
卷之十三
光緒堂

而出兵不與聞焉。用相哉。不去尚何待乎。因又言康伯欲納歸正人。臣恐他日必爲陛下子孫憂。浚銳意用兵。若一失之後。恐陛下終不得復望中原。御史王十朋論之。出知紹興府。未幾與祠自是不召者十二年。淳熙初。上問執政。久不見史浩。無他否。遂除少保。觀文殿大學士。兼侍讀。五年。復拜右丞相。時樞府建議。以殿步二司軍多虛額。請各募三千人充之。已而殿司輒捕市人。京

城騷動。被捕者多斷指。示不可用。軍人怙衆。奪民財物。浩奏盡釋所捕。而會軍民首謀。噉者送獄。獄成議罪。欲

輔弼

卷之十三

年

光宗

軍民各一人。梟首以徇。浩曰。諸軍掠人奪貨。至於闕則始。暴者軍人也。軍法從事固當。若市人陸慶童。侍與抗。聞爾可同罰乎。不聽。尋求去拜少傅。保寧軍節度使。充醴泉觀使。兼侍讀。後有言慶童之寃者。上曰。史浩嘗力爭坐此。求去至今。悔之。十年。請老。除太保。致仕。封魏國公。光宗御極。進太師。紹熙五年。薨。年八十九。封會稽郡王。寧宗登極。謚文惠。嘉定十四年。追封越王。改謚忠定。配饗孝宗廟廷。浩喜薦人才。其自經筵將告歸。乃於小官中薦江浙之士十五人。有旨令升擢。皆一時選也。

如薛叔似。楊簡。陸九淵。石宗昭。陳謙。葉適。袁燮。趙靜之。張子智。後皆擢用。不至通顯者六人而已。嘗擬陳之茂。進職與郡。上知之。茂嘗毀浩曰。卿豈以德報怨耶。浩曰。臣不知有怨。若以爲怨。而以德報之。是有心矣。莫勝狀。王十朋行事。誣浩尤甚。浩薦濟掌內制。上曰。濟非議卿者乎。浩曰。臣不敢以私害公。遂除中書舍人。兼直學士院。待之如初。蓋其寬厚類此。

左丞相王季海淮

王淮字季海。金華人。登紹興十五年進士第。授台州臨

輔弼

卷之十三

年

光宗

海尉。郡守蕭振一見奇之。曰。此公輔器也。振帥蜀。辟置幕府。振出衆欲留淮。曰。萬里將母。豈爲利祿計乎。人皆服其器識。遷校書郎。以薦拜監察御史。轉右正言。首論大臣養尊。小臣持祿。以括囊爲智。以引去爲高。願陛下正心以正朝廷。正朝廷以正百官。宰相湯思退無物望。淮條其罪數十。於是策免。除秘書少監。兼奉王府直講。時恭王生子。挺。淮自於丞相曰。恭王夫人李氏生皇嫡長孫。乞討論典禮。錢端禮惡其名。稱奏淮有年。鈞以長之說。遂出知建寧府。改浙西提刑。尋召除太常少卿。改

中書舍人兼直學士院龍大淵贈太師仍昇儀同三司
恩數張說除太尉在京官觀皆封還詔書除翰林學士
知制誥訓詞深厚得王言體進端明啟學士簽書樞密
院事辛棄疾平茶寇上功太監謂不核真偽何以勸有
功文州蕃部擾邊與挺奏庫彥威失利靖州夷人擾邊
楊俊奏田洪失利淮謂二將戰敗若罪之何以勸來者
上嘗論曰樞密論事盡公人無間言差除能守法甚善
除同知樞密院拜參知政事樞密使上言武臣獻祠之
員宜省淮曰有戰功者壯用其力老而弃之可乎宰相

韓

卷之十三

章

光緒堂

趙雄言宗室獻祠八百員宜罷淮曰堯親睦九族在平
章百姓之先骨肉之恩孰可乎上深嘉之拜右丞相兼
樞密使先是自夏不雨至秋是日甘雨如注士大夫相
賀上亦喜命相而雨乃命口算諸郡絹錢盡蠲一年爲
緡八十餘萬趙雄罷相蜀士之在朝者皆有去意淮謂
此唐牛李黨禍之胎也豈聖世所宜有皆以次進遷蜀
士乃安樞密都丞旨王抃佑寵爲姦淮極陳其罪謂人
生受譴辭不由此上卽斥之且曰丞相直諫無隱君臣
之間正宜如此章穎論事在直上將黜之淮曰陛下樂

聞直言士大夫以言相高此風可賀也黜之適成其名
上悅穎復留用時以荒政爲急淮言李椿年老成練達
擬除長沙帥朱熹學行篤實擬除浙東提舉以倡郡國
其後推賞上曰朱熹職事留意淮言修舉荒政是行其
所學民被實惠欲與進職上曰與升直徽猷閣成都缺
帥淮舉留正上曰非閩人乎淮曰立賢無方湯之執中
也必曰閩有章子厚呂惠卿不有曾公亮蘇頌蔡襄乎
必曰江浙多名臣不有丁謂王欽若乎上稱善進左丞
相天長水害七十餘家咸謂不必以聞淮曰昔人謂人
盡不可一日不聞水旱盜賊記曰四方有敗必先知之
豈可不以聞鎮江飢民強借菽粟執政請痛懲之淮曰
令甲飢民罪不至死淮嘗言所弛之士緩急能出死力
乃以周極知安豐軍辛弃疾與祠上章力求去以觀文
殿大學士判衢州淮力辭改提舉洞霄官母亡居喪如
禮遂得疾忽語家人曰易卦六十四吾年亦然淳熙十
六年薨計聞上哀悼輟朝贈少師謚文定

韓

卷之十三

章

光緒堂

左丞相余處恭端禮

余端禮字處恭衢州龍游人第進士初知烏程縣奏賦

丁絹錢歲竭六萬餘緡民力稍蘇最聞召對時孝宗志在恢復端禮言謀敵決勝之道有聲有實敵弱者先聲後實以警其氣敵強者先實後聲以俟其機機之可投者有四有投隙之機有擣虛之機有乘亂之機有承弊之機因其內彙而擊之若匈奴困於三國之攻而宣帝出師此投隙之機也因其外患而伐之若夫差牽於黃池之役而越兵入吳此擣虛之機也敵國不道因其離而舉之若晉之降孫皓此乘亂之機也敵人勢窮躡其後而感之若高祖之追項羽此乘弊之機也機之未至不可以先機之已至不可以後以此備邊安若泰山以此應敵勢如破竹惟所欲爲無不如意上喜曰卿可謂通達事體矣拜監察御史遷大理少卿轉太常詔以來歲祈穀上帝仲春躬耕籍田令禮官討論明堂故事端禮言祈穀之制合祭天地於圜丘前期饗於太廟視冬至郊祭之儀此國朝故事也若乃明道之制則以官中火後考室落成故於太安殿射謝天地此特一時謝災之事耳今欲祈穀而耕籍必合祭天地於圜丘必前期朝饗於景靈官太廟可也欲如明道之制行於殿庭不

輔弼

卷之十三

書

光霽堂

可上爲之止進吏部侍郎出知太平奉祠光宗立召拜吏部尚書權同知樞密院事時上以疾不朝重華宮孝宗崩又不能發喪人情洶然端禮謂宰相留正曰公獨不見唐肅宗朝羣臣發哀太極殿故事乎宜請太皇太后代行祭奠之禮於是宰執以請於太皇太后留正懼入臨重華宮仆地致仕而去太皇太后垂簾策皇子嘉王卽皇帝位進端禮知樞密院事兼參知政事汝愚去右丞相位端禮代之始端禮與汝愚同心輔政汝愚嘗曰士論未一非余處恭不能任及韓侂冑以傳旨之勞寢竊威柄汝愚等欲疏斥之謀泄而汝愚逐端禮不能遏但長吁而已浙西常平黃籲以放民租寘知婺州黃度以比屬吏覈職罷郡二人皆侂冑所憾端禮執奏竟不免於罪太府丞呂祖儉坐上書忤侂冑南遷端禮救解不獲公議如歸責焉他日見上言除從官中書不知朝綱已紊禍根已滋卽丐去不許進左丞相端禮在相位暮年頗知擁護善類然爲侂冑所制壺鑒不愜志稱疾求退以觀文殿大學士提舉洞霄宮居頃之判潭州薨授少保卹國公致仕贈太傅謚忠肅

輔弼

卷之十三

書

光霽堂

右丞相趙子直汝愚

父彥遠子崇憲附

趙汝愚字子直，漢恭憲王元佐七世孫，居饒之餘干。父彥遠，扈跸南渡，遂家崇德。彥遠官終修武郎，性篤孝淳，至而樂施予，歲侵旦夕率其家人，餽食之半以飼飢者。夏，不去草，冬，不破壤，懼百蟲之遊，且蟄者失其所也。晉陵尤豪稱之曰：「古君子，汝愚早有大志，每曰：『丈夫得汗青一幅，終始不負此生。』」擢進士第一，歷官秘書少監，兼樞給事中，內侍陳源添差副總管，汝愚言：「祖宗以童貫興兵，卒開邊釁，源不宜使居總戎之任。」孝宗喜，詔自今內侍不得兼兵職。舊制，密院文書皆經門下省，張說在西府，託言邊機不宜泄，汝愚謂東西二府朝廷治亂所關，中書庶政無一不由東省，何密院不然？孝宗命如舊制。樞吏部侍郎兼太子右庶子以集英殿修撰帥福建，未幾進直學士，改制置四川，兼知成都府，諸羌蠻相挺爲邊患，汝愚至，悉以計分其勢。孝宗謂其有文，武才，召還。光宗受禪，趨召未至，以稽命被劾，除知太平州，進敷文閣學士，知福州。未幾召爲吏部尚書，先是高宗以官人黃氏侍光宗於東宮，及卽位爲貴妃，后李氏意不能

輔弼

卷之十三

孝宗

光宗

平是年冬十一月，郊有司已戒，而風雨暴至，光宗震懼，

改齋宿青城，貴妃暴薨，駕還闕之，悲恚，是夕疾作，內侍馳白孝宗，孝宗倉卒至南內，問所以致疾之由，不免有所威責。及光宗疾稍平，汝愚入對，上常以五日一朝重華宮，至是往往以傳旨免，至會慶節上壽，駕不出，冬至朝賀，又不出，都人以爲憂。汝愚往復規諫，上意乃悟。汝愚又屬秀王伯圭調護，於是兩官之情通。光宗及后俱詣北內，從容竟日。四年，除知樞密院事。光宗之疾生於疑畏，其未過官也，汝愚數從容進諫，光宗出聞其語，輒悟，入輒復疑，無何，孝宗不豫，疾日臻，丞相率同列請上詣重華宮侍疾。光宗令知閣門使韓侂胄傳旨云：「宰執並出，於是俱至浙江亭俟命。」孝宗聞之甚憂，侂胄奏曰：「昨傳旨令宰執出殿門，今乃出都門，請自往宣押。」汝愚等乃還第。六月丁酉夜，重華大闢，扣宰執私第，報孝宗崩。中書以聞，汝愚恐上疑，或不出視朝，持其劄不上，次日，上視朝，汝愚以提舉重華宮關禮狀進，上乃許過。此內至日，晏不出，百官詣重華宮發喪，壬寅將成服，留正與汝愚議，介少傅吳玠請憲聖太后垂簾暫主喪事，憲

輔弼

卷之十三

孝宗

光宗

聖不許正等附奏曰臣等連日造南內請對不獲累上
疏不得報今當率百官恭請若皇帝不出百官相與慟
哭於宮門恐人情騷動爲社稷憂乞太皇太后降旨以
皇帝有疾暫就宮中成服然喪不可無主祝文稱孝子
嗣皇帝率臣不敢代行太皇太后壽皇之母也請攝行
祭禮蓋是時正汝愚之請垂簾也以國本係乎嘉王欲
因簾前奏陳宗社之計使命出簾幃之間事行廟堂之
上則體正言順可無後艱而吳瑭素畏慎且以后戚不
欲與聞大計此議竟格一奉宰臣已下待對和寧門不

輔弼

卷之十三

光

光緒堂

報乃入奏云皇子嘉王仁孝夙成宜早正儲位以安人
心又不報越六日再請御批云甚好明日同擬旨以進
乞上親批付學士院降詔是夕御批付丞相云歷事歲
久念欲退閒留正見之懼因朝臨伴仆於庭密爲去計
汝愚自度不得辭其責念故事須坐甲以戒不虞而殿
帥郭果莫有以腹心語者會工部尚書趙彥逾至私第
語及國事汝愚泣彥逾亦泣汝愚因微及與子意彥逾
喜汝愚知彥逾善果因繆曰郭果儻不同奈何彥逾曰
某當任之約明日乃復命汝愚不敢入私室退坐屏後

以待彥逾之至有頃彥逾至議遂定明日正以五更月
與出城去人心益搖汝愚處之恬然自具瑭之議不謂
汝愚與徐誼葉適謀可以白意於慈福官者乃遣韓侂
胄以內禪之意請於憲聖不獲命明日性又不獲命侂
胄遂巡將退重華宮提舉關禮見而問之侂胄具述汝
愚意禮令少俟入見憲聖而泣憲聖問故禮曰聖人讀
書萬卷亦嘗見有如此時而保無亂者乎憲聖曰此非
汝所知禮曰此事人人知之今丞相已去所賴者趙知
院旦夕亦去矣言與淚俱憲聖驚曰知院同姓事體與

輔弼

卷之十三

光

光緒堂

他人異乃亦去乎禮曰知院未去非但以同姓故以太
皇太后爲可恃耳今定大計而不獲命勢不得不去將
如天下何願聖人三思憲聖問侂胄安在禮曰臣已留
其候命憲聖曰事順則可令諭好爲之禮報侂胄侂胄
復命汝愚始以其事語陳騏余端禮使郭果及步帥閻
仲夜以兵衛南北內明日禪祭嘉王入羣臣亦入汝愚
率百官詣大行前憲聖垂簾汝愚率同列再拜奏皇帝
疾未能執喪臣等乞立王子嘉王爲太子以繫人心皇
帝批出有甚好二字繼有念欲退閒之語取太皇太后

處分憲聖曰既有御筆相公當奉行汝愚曰茲事重大播之天下書之史冊須議一指揮憲聖允諾汝愚袖出所擬太皇太后指揮以進云皇疾以疾至今未能執喪曾有御筆欲自退閒皇子嘉王擴可即皇帝位尊皇帝爲太上皇帝皇后爲太上皇后憲聖覽畢曰甚善乃命皇子卽位是爲寧宗諸几筵殿哭盡哀衰服出就重華殿百官起居訖行禪祭禮汝愚卽喪次召還留正長百僚命朱熹待制經筵悉收召士君子之在外者侍御史張叔椿請議正棄國之罪汝愚爲遷叔椿官是月上命

輔弼

卷之十三

畢

光緒堂

汝愚乞免養職乃除特進右丞相汝愚辭不拜曰同姓之卿不幸處君臣之變敢言功乎孝宗將橫汝愚議橫官非永制欲改卜山陵與留正議不合侂冑因而聞之出正判建康命汝愚爲光祿大夫右丞相汝愚本倚正共事怒侂冑不以告而侂冑自以有定策功賞不酬勞不無怨望朱熹曰汝愚當以一節鎮處侂冑勿使與政而汝愚謂其易制不爲慮右正言黃度欲論侂冑謀泄以內批斥去朱熹因講畢疏奏遽出內批除熹官觀吏部侍郎彭龜年力陳侂冑竊弄威福爲中外所附不去

必貽患內批龜年與郡侂冑勢益橫由是日夜謀引其黨爲臺諫以擯汝愚而趙彥逾以嘗達意於郭杲事定冀汝愚引與同列至是除四川制置意不滿與侂冑合謀陸舜日盡疏當時賢者姓名指爲汝愚之黨上意不能無疑會諫官黃裳罷黜卒侂冑權其黨劉德秀京鏐代之牽聯以進言路遂皆侂冑之人汝愚始孤天子益無所倚信於是中書舍人陳傅良等各先後斥去羣僉附和視正士如仇讐而衣冠之禍始矣侂冑欲逐汝愚而難其名或教之曰彼同姓誣以謀危社稷則一網打

輔弼

卷之十三

畢

光緒堂

盡矣侂冑然之擢將作監李沐爲右正言遂奏汝愚以同姓居相位將不利於社稷罷右相以大學士提舉洞霄宮國子祭酒李祥言去歲國遭大戚中外洶洶留正棄相位而去官僚幾欲解散軍民皆將爲亂兩官隔絕國喪無主汝愚以樞臣獨不避殞身滅族之禍奉太皇太后命翊陛下以登九五勲勞著於社稷精忠貫於天地乃卒受黜黜而去天下後世其謂何博士楊簡亦以爲言李沐劾祥簡罷之太府丞呂祖儉亦疏汝愚之忠詔祖儉朋比用上送韶州安置太學生楊宏中等上書

頌言俱送五百里外羈管。侂冑忌汝愚益深，謂不重貶人言不已。御史胡紘遂疏汝愚，唱引僞徒，謀爲不軌。乘龍授鼎，假夢爲符。責寧遠軍節度副使、永州安置。初，汝愚嘗夢孝宗授以湯鼎，背負白龍，升天後，翔寧宗以素服登大寶，蓋其驗也。而譏者以爲言。時汪義端行詞，州漢諺劉屈氂、唐戮李林甫事，示欲殺之意。廼功郎趙師召亦上書乞斬汝愚。汝愚怡然就道。謂諸子曰：「觀侂冑之意，必欲殺我。我死，汝曹可免也。」至衡州病作，爲守臣劉整所害。暴薨。天下聞而免之。時慶元二年正月壬午。

輔弼

卷之十三

聖

光宗

也。汝愚學務有用，常以司馬光、富弼、韓琦、范仲淹自期。聚族而居，門內三千指，所得廩給悉分與之。某、莫、疏、食、恩意均洽，人無間言。自奉甚薄，爲夕郎時，大冬衣布裘。至爲相亦然。侂冑誅盡復原官，賜諡忠定，贈太師，追封河國公。理宗詔配享寧宗廟庭，追封福王。其後進封周王子九人，崇憲最有名。官終廣西經略使，以孝稱。

參知政事陳叔進駢

陳駢字叔進，台州臨海人。紹興二十四年試春官第一。秦檜當國，以秦壻居其上。累官將作少監、守秘書少監。

善太子論德。太子尹臨安，駢謂儲官下親細務，不得專於學，非所以毓德也。太子變然，亟辭。崔淵以外戚張說進，除秘書郎。善金部郎駢封還詞頭，未幾出知贛州。改秀州，召還，遷秘書監。善崇政殿說書，同修國史。上欲採晉宋以下興亡理亂之大端，約爲一書，謂駢曰：「惟卿與周必大可任。」此事言者忌而攻之，上留章不下。出知寧國府，改袁州。光宗受禪，召試吏部侍郎。紹熙元年，同知貢舉。兼侍講。二年春，雪雷，詔陳時政得失。駢陳三十條，皆切於時病。大臣譴之。明年進禮部尚書，同知樞密院事。又明年拜參知政事。光宗以疾不朝，重華官會慶節，稱壽。又不往。駢率廷臣三上疏，以請上感悟，以冬至朝重華。正月朔旦，稱壽於慈福宮。孝宗崩，光宗以疾未臨喪。駢請正儲位，以安人心。寧宗卽位，攝行三省事。而趙汝愚爲右丞相，駢素所不快，未嘗同堂語。汝愚擬除劉光祖，御史駢奏曰：「劉光祖舊與臣有隙。」光祖入臺，臣請避之。汝愚愕而止。時韓侂冑恃傳言之勞，潛竊國柄，吏部侍郎彭龜年論侂冑將爲國患，不報。於是龜年侂冑俱請祠。駢曰：「閤門去經筵，何以示天下？」龜年竟外補。

輔弼

卷之十三

聖

光宗

侂胄語人曰彭侍郎不貪好官固也元樞亦欲爲好人邪遂以資政殿大學士與郡筭詔提舉洞霄宮慶元二年知婺州告老授觀文殿大學士提舉洞霄宮卒年七十六贈少傅諡文簡

左丞相葛楚輔邨

葛邨字楚輔興興人世以儒學名家高祖審至邨五世登甲科大父勝仲至三世掌詞命邨少警敏葉夢得陳與義一見稱爲國器以蔭授建康府上元縣丞會金人犯江上元當敵衝調度百出邨不援而辦留守張浚

卷之十三

光緒堂

王綸皆歸重之登進士第授國子博士輪對論州縣受納及需爵之弊孝宗獎諭曰觀所奏知卿材除著作郎兼學士院權直除正右疏言征權歲增之害上特召復令條陳邨以六事對皆切中時病除侍御史累遷中書舍人歲旱詔求初政得失邨應詔大略謂真允文制國用南庫之積日以厚戶部之入日以削故近年以來常有不足之憂罷兵後諸將皆以賂得升其勢必至於刻取債宜精其選遷給事中張巖以說之子除知閩張良琮以顯仁之姪女夫落階官邨皆繳奏除刑部尚書

邨爲東宮僚屬八年孝宗書安遇字以賜又出梅花詩命邨屬和眷遇甚渥光宗受禪除參知政事紹熙四年拜左丞相專守祖宗法度薦進人才博采公論惟恐其不聞之未暮年除觀文殿大學士知建康府改隆興請祠寧宗卽位邨上疏言今日之事莫先於修身齊家結人心定規模刊紹興府簡稽期會錢穀刑獄必親或謂大臣均佚有體邨曰崇大體而簡細務吾不爲也嘗曰十二時中莫欺自己其實踐如此改判福州道行感疾除少保致仕薨年六十六贈少師諡文定配饗光宗廟

卷之十三

光緒堂

輔弼

庭有文集二百卷詞業五十卷

參知政事李秀叔彥穎

李彥穎字秀叔湖州德清人紹興十八年擢進士第主餘杭簿改建德丞時宰知其才將處之學官或勸使一見彥穎耻自獻調富陽丞以薦爲御史臺主簿金敗盟張浚督師進討上方向浚執政堅主和御史陳良翰周操不以爲然右正言尹穡陰附執政薦引同己者轉言和於上前上惑之罷督府良翰操相繼黜而穡遷諫議大夫一日穡以和戰守扣彥穎彥穎曰人所見固不同

公既以和議爲是，曷不明陳於上前，以身任之，事成功歸於公，不成奉身而退，若欲享其利而不及其害，國事將誰倚賴？大怒曰：「自爲謀官，前後百餘奏，曷嘗及一和字，而臺簿有是言，自是銜彥穎陰排之。」改國子博士，權吏部郎中。義皇子恭王府直講，權右史。兼兵部侍郎，經筵張栻講，葛覃言先王正家之道，因及時事，語激切，上意不懌。彥穎曰：「人臣事君，豈不阿諛取容，栻所以敢直言，正爲聖明在上，得盡受君之誠耳。」書曰：「有言逆於汝心，必求諸道。」上意遽解，歎曰：「使臣下皆若此，人主當無。」

彥穎

卷之十三

學士

光緒

過立皇太子，義左諭德。皇太子尹臨安，義判官，進兼中書，時張說再登樞筦，彥穎論說無寸長，去年驟躋府，物議沸騰。今此命復出，中外駭然，恐六軍解體，人心不服，未幾樞禮部侍郎，升詹事，見上言皇太子尹臨安已久，雖欲更嘗民事，然非便宜，一意講學，他日以言於上者，告太子趣草奏，辭尹事三辭，乃免。除吏部尚書，接送金賀正使，還言兩淮兵備及裁減接送浮費甚悉，上嘉納焉。除端明殿學士，簽書樞密院事，參知政事，金使至上遣王朴諭金使，稍變受書舊禮儀，久不決，時左司諫

湯邦彥新進，其僥倖集事，自許立節。彥穎言：「邦彥輕脫必誤國，不聽。」遂以邦彥爲申議國信使，且命福建造船，船起兩淮，民兵赴合肥訓練，并詔諸軍飭戎備。中外騷然。彥穎復言：「兩淮州縣去合肥遠者千餘里，近亦二三百里，令民戶三丁起其二，限三月而罷，事未集，民先失業矣。」上作色曰：「卿欲盡撤邊備邪？」彥穎曰：「今不得已，令三百里內家起一丁，詣合肥，三百里外就州縣訓習，日增給錢米限一月罷，庶不大擾。」翌日復執奏，從之。洎邦彥辱命而還，彥穎論其罪，貶新州。彥穎在東府三歲，實攝相事，內降繳回甚多，內侍白劄，籍名造器械，并犒師降旨發左藏封樁諸庫錢，動億萬計。彥穎疏：「歲中經費以造，因言虞允文建此庫以備邊，故曰封樁。陛下方有意恢復，苟用之不節，徒啟他日妄費，失封樁初意。」上矍然曰：「卿言是朕失之矣，自是絕不支墜馬在告，力求去。」以資政殿學士知紹興府，勤約有惠，政提舉洞霄宮，復參知政事，病，羸，起，力辭，出知婺州，改紹興，進觀文殿學士，致仕家居。凡十年，自奉淡約，食纔米數合，室無姬媵，蕭然示日，與州縣了不相聞。薨年八十一，贈少保。

彥穎

卷之十三

學士

光緒

諡忠文

參知政事樓大防鑰

樓鑰字大防明州鄞人隆興元年試南宮有司偉其辭藝欲以冠多士偶犯舊諱知貢舉洪遵奏得旨以冠末等投贊謝諸公考官胡銓稱之曰此翰林材也調温州教授爲勅令所刪定官議者欲降太學釋奠爲中祀鑰曰乘輿臨幸於先聖則拜武成則肅揖其禮異矣可均敵乎歷太府宗正出知温州屬縣樂清倡言方臘之變且復起邑令捕數人歸於郡鑰曰罪之則無可坐縱之

卷之十三

史記 光緒室

則惑民編緣其爲首者而驅其徒出境民言遂定堂帖問故鑰曰蘓洵有言有亂之形無亂之實是謂將亂不可以有亂急不可以無亂弛丞相周必大聞而善之光宗嗣位召對稱旨除考功郎兼禮部吏銓竝緣爲奸多所壅底鑰曰簡要清通尚書郎之選盡革去之擢起居郎兼中書舍人代言坦明得制誥體綴奏無所回避禁中或私請上口樓舍人朕亦憚之不如且已會慶節上壽扈從班集乘輿不出已而玉牒聖政會要書成將進重華又屢更日鑰言臣累歲隨班見陛下上壽重華官

歡動宸極嘉王日趨朝謁恪勤不懈竊料壽皇望陛下之來亦猶此也又奏聖政之書全載壽皇一朝之事至牒會要足成淳熙末年之書幸速定其日無復再展以全聖孝於是土感悟進書成禮試中書舍人候兼直學士院光宗內禪詔書鑰所草也有云雖喪紀自行於官中而禮文難示於天下薦紳傳誦之遷給事中朱熹以論事忤韓侂冑除職與郡鑰言熹鴻儒碩學陛下閱其耆老當此隆寒立講不使何如俾之內祠仍令修史少俟春和復還講筵不報趙汝愚謂人曰樓公當今人物也直恐臨事少剛決耳及見其持論堅正歎曰吾於是大過所望矣寧宗受禪侂冑以知閣門事與開傳命頗有弄權之漸彭龜年力攻之侂冑轉一官與在京官觀龜年除待制與郡鑰與林大中奏乞留龜年於講筵或命侂冑以外祠龜年竟去鑰還爲吏部尚書以顯謨閣學士出知婺州已而奪職告老至再許之侂冑誅起爲翰林學士遷吏部尚書兼翰林侍講時鑰年過七十精敏絕人詞頭下立進草院吏驚詫入朝陛循舊班諦視鑰曰久不見此官矣時和好未定金求韓侂冑面首鑰

卷之十三

史記 光緒室

曰和好待此而決大奸已斃之首又何足恤詔從之趙汝愚之子從憲奏雪父冤鑰乞正趙師召之罪重蔡璉之誅毀龔願正續稽古錄以白誣詢除端明殿學士簽書樞密院進參知政事鑰位兩府者五年累疏求去除資政殿大學士提舉萬壽觀嘉定六年薨年七十七贈少師謚章獻鑰文辭精博自號攻媿主人有文集一百二十卷

參知政事婁彥發機父壽附

婁機字彥發嘉興人乾道二年進士授鹽官尉調含山

輔弼

卷之十三

辛

光緒

簿七攝隣邑幸以治績開調於潛縣丞改知西安縣巨室買地爲塋域發地遇石復索元價機曰該得金將誰歸通判饒州平反冤獄累遷太常博士秘書郎時皇太子始就外傳遴選學官以機兼資善堂小學教授以累朝事親修身治國愛民四事手書以獻太子置之座右遷右曹郎官秘書省著作郎仍兼資善堂權監察御史諫未退而除命頒太子戀戀幾不能舍機亦爲之感泣論京官必兩任有舉主年三十以上方許作縣又論郡守輕濫太甚貽害千里樞師且怙勢妄作蒙蔽自肆語及

皆罪去而獨憚機韓侂胄議開邊機極口沮之謂恢復之名非不美今士卒驕逸遽驅於鋒鏑之下人才難得財力未裕萬一兵連禍結久而不解奈何侂胄聞之不悅其議愈密外延間諜又上疏極論雖密謀人莫得知而羽書一馳中外皇惑侍御史鄧友龍初不知兵騰書投合妄薦大將既召還專主此議機語友龍曰今日孰可爲大將孰可爲計臣正使以殷嚴當之能保其可任乎遷右正言兼侍講權中書舍人詔遣宣諭荆襄機昌言曰使往慰安人情則可必欲開邊啟隙有死而已不能從也泗州捷聞愈增憂危且曰若自此成功以摠列聖之宿憤老臣雖死亦幸但恐進銳退速禍愈深耳友龍至不能堪曰不逐此人則異議無所回機遂以言去侂胄誅召爲吏部侍郎兼太子左庶子還朝首言兩淮招集敢勇不難於招而難於處若非繩以紀律課其勤惰必爲後害仍請檢校權臣內侍等沒入家資專爲養兵之助兼太子詹事遷給事中飛蝗爲災應詔言和議甫成先務安靜并弊漏以成紀綱節財用以固邦本練士卒以壯國威巡禮部尚書擢同知樞密院事兼太子

賓客進參知政事當于戈甫定信使往來之始瘡痍方深敝盡紛然機彌縫裨贊甚多尤惜名器守法度進退人物直言可否不市私不避嫌怨有舉員及格當改秩作邑而必欲朝闕機曰若是則有勞者何以勸孤寒者何以伸若至上前自應執奏堂吏寄資未仕而例以升朝官實陳乞封贈機曰進士非通籍不能及親汝輩乃以自身得之耶嘉定二年八月行皇太子冊命機攝中書令讀冊九月祀明堂爲禮儀使數上章告老不許皇太子遣官屬勉留之以資政殿學士知福州力辭提舉

輔弼

卷之十三

三

光緒堂

參知政事葛容甫洪

葛洪字容甫婺州東陽人少從呂祖謙學得義命一語終身服膺擢淳熙十一年進士第時方禁道學爲考試官獨以不背師訓對既足舉員又以不登樞門還題下

條年垂六十始脫選調召除籍田令守盱眙陞提點江東刑獄按吏不法一章十七人雖親故不免入爲樞密院編修官尋守尚書工部員外郎兼樞密院檢詳諸房文字上疏極言當時將帥之弊上嘉納之進直煥章閣兼國子祭酒遷工部侍郎拜尚書兼侍讀進端明殿學士同簽書樞密院事拜參知政事封東陽郡公贊詞乎李全援王素諫仁宗却王德用進女事以止備嬪御世多稱之告老積二十六疏乃得請還鄉首置義塾教育後學又爲義廩贍其族里卒謚端獻贈太師信國公洪篤實嚴毅閨門肅睦杜範稱其高風勁節追媲古人侃侃守正有大臣風所著有奏議涉史隨筆蟠室集凡二十四卷

輔弼

卷之十三

三

光緒堂

右丞相謝子肅深甫

謝深甫字子肅台州臨海人少穎悟刻志爲學積數年不寐夕則置瓶水加足其上以警困怠中乾道二年進士第調嵯縣尉歲饑有死道傍者一姬哭訴曰吾兒也傭於某家遭掠而斃深甫疑焉徐撫得姬于他所召姬出示之姬驚伏曰某與某有隙賂我使誣告耳越帥方

滋錢端禮皆薦深甫有廊廟才調崑山丞爲浙漕考官一時士望皆在選中司業鄭伯熊曰文士世不乏求具眼如深甫者實鮮深甫曰文章有氣骨如泰山喬嶽可望而知以是得之耳知處州青田縣以薦召對首言今日人材枵中侈外者多妄誕矯計沽激者多眩鬻激昂者急於披露而或隣於好惡剛介者果於植立而或隣於人銳靜退簡默者寡有所合或隣於立異故言未及酬而已齟齬事未及成而已挫抑於是趣時徇利之人專務身謀習爲輒熟畏避束手因循苟且年除歲遷亦

勸

卷之十三

光緒

至通顯一有緩急莫堪倚仗臣願任使之際必察其實既悉其實則涵養之以蓄其才振作之以厲其氣栽培封殖勿使沮傷上嘉納因問當世人才對曰薦士大臣職也小臣來自遠方不足以奉明詔上頷之諭宰臣曰深甫奏對雍容有古人風除籍田令遷大理丞江東大旱擢爲提舉常平講行救荒條目所全活一百六十餘萬人紹熙改元除右正言遷起居郎兼權給事中知閣門事韓侂胄破格轉遷郡刺史深甫封還內降進士俞古應詔言事語涉詆訐送瑞州聽讀深甫謂以天變求

言未聞旌賞而反罪之則是名求而實拒也俞古不足道所惜者朝廷事體耳右司諫鄧駟論近習左遷深甫請還駟謂不可以近習故變易諫官爲清朝累二年知臨安府三年除工部侍郎入謝光宗問論曰京尹寬則廢法猛則厲民獨卿爲政得寬猛之中累遷吏部侍郎兼給事中繳駁無所顧忌每內庭燕私左右有希恩澤者上必曰恐謝給事有不可耳寧宗卽位除煥章閣侍制知建康府改御史中丞兼侍讀禮官議免禧祖侍講朱熹以爲不可深甫言宗廟重事未宜遽革朱熹考訂

勸

卷之十三

光緒

有據宜從熹議慶元元年除端明殿學士遷知樞密院事兼參知政事內侍王德謙建節深甫三疏力陳不可蹈大觀覆轍德謙竟斥進金紫光祿大夫拜右丞相封申國公進岐國公累疏乞避位寧宗曰卿能爲朕守法度惜名器不可以言去御筆書說命中篇以賜之有余嘉者上書乞斬朱熹絕僞學且指蔡元定爲僞黨深甫擲其書語同列曰朱元晦蔡季通不過自相與講明其學耳果有何罪乎余嘉熹惡臣乃敢任妄如此當相與奏知行遣以厲其餘金使人見不如式寧宗起入禁中

深甫端立不動命金使俟於殿隅帝再御殿乃引使者進書迄如舊儀拜少保乞骸骨授醴泉觀使明年拜少傅致仕有星隕於居第遂薨謚惠正

左丞相喬壽朋行簡

喬行簡字壽朋婺州東陽人登紹熙四年進士第歷官知通州條上便民事遷淮南轉運判官言金有必亡之形中國宜靜以觀變因列上備邊四事近臣有主戰者師遂出金人因破蘄黃再遷宗正少卿理宗即位行簡貽書丞相請帝法孝宗行三年喪應詔上書以謂賢路

聊弼

卷之十三

光善堂

當廣而不當狹言路當開而不當塞治亂安危莫不由此累遷端明啟學士簽書樞密院事太后崩疏言向者陛下內庭舉動皆有稟承小人縱有蠱惑干求之心猶有所忌憚而不敢發今者安能保小人之不萌是心陛下又安能保聖心之不無少肆衰絰在身愈當警戒宮庭之間既無所嚴憚嬪御之人又視昔衆多以春秋方富之年居聲色易縱之地萬一於此不能自制必於盛德大有虧損願陛下常加警省又言時青者以官則國家之節度以人則邊陲之大將一旦遽爲李全所戕是

必疑其終爲我用慮變生肘腋故先其未發驅除之竊意軍中必有憤激思奮之人莫若乘勢就淮陰一軍拔其尤者以護其師然後明指殺青者姓名俾之誅戮加贈恤之典於青則其勢自分而吾得藉此以制之則可折其姦心而存吾之大體不然跋扈者畢殺而不敢誅有功者見殺而不敢應彼知朝廷一用柔道而威斷不施烏保其不遽相視效則其所當慮者不獨李全一人而已又言山陽民散財殫非以賊久安之地揚州城堅勢壯足以坐制全淮此實未必無窺伺之心或爲所入則淮東俱非我有不可不先爲之慮也又請屯駐重兵海道內爲吳越之捍蔽外爲南北之限制後皆如行簡所料拜參知政事兼知樞密院事時議收復三京行簡在告上疏切陳利害不報尋拜右丞相言三京撓敗之餘事與前異但當益修戰守之備襄陽失守告急或又陳進取之計行簡奏今內外事勢可憂而不可恃者七言其慷慨切師得不出端平三年九月有事於明堂天大雷雨行簡與鄭清之並策免既去而獨趣召行簡還京留之拜左丞相援韓琦故事乞以邊防財用分委三執

聊弼

卷之十三

光善堂

政嘉熙三年拜平章軍國重事封肅國公每以上游重地爲念請建節度宣撫使提兵戍邊事稍寧十上章告老加少師保寧軍節度使封魯國公淳祐元年二月薨年八十六贈太師謚文惠行簡歷練老成議量弘遠居官無所不言好薦士多至顯達至於舉錢時吳如愚皆當時隱逸之賢者尤爲相業所難

左丞相鄭德源清之

鄭清之字德源慶元之鄞人登嘉定進士第調峽州教授帥趙方嚴重許可清之往白事爲置酒命其子范

輔

卷之十三

辛未

光緒

葵出拜方掖清之無答拜且曰他日願以二子相累湖北茶商羣聚暴橫清之白總領何炳曰此輩精悍宜籍爲兵緩急可用炳亟下召募之令趨者雲集號曰茶商軍歷遷國子學錄兼魏憲王府教授遷太學博士兼教授如故理宗即帝位授諸王官大小學教授累官端明殿學士簽書樞密院事寶慶三年拜參知政事兼簽書樞密院事六年史彌遠卒命清之爲右丞相兼樞密使端平元年上半年親總庶政赫然獨斷而清之亦慨然以天下爲已任召還真德秀親了翁崔與之李皇后徐喬

汝談尤焞游似洪咨夔王遂李宗勉杜範徐清叟袁甫李韶時號小元祐拜特進左丞相兼樞密使三年九月禋祀雷變四疏丐歸授觀文殿大學士提舉洞霄宮嘉熙三年封申國公遣中使賜御書輔德明謨之閣賜楮十萬緡爲築室乃日與賓客門生徜徉山水間淳祐四年拜少保進封衛國公趨入見有旨賜第五年正月上壽畢上疏丐歸不許拜少傅進封越國公復進少師賜玉帶更賜第於西湖之漁莊進讀仁皇訓典謂仁祖之仁厚發爲英明故能修明紀綱而無寬弛不振之患孝宗之英明本於仁厚故能涵養士氣而無矯厲苛刻之習蓋仁厚英明二者相須此仁祖孝宗所以爲盛也帝褒諭之拜太傅右丞相兼樞密使越國公武請更化改元清之曰改元天子之始事更化朝廷之大端漢事已非古然不因易相而爲之帝以邊事爲憂詔趙葵以樞密使視師陳韓以知樞密事帥湖廣二人方辭遜會清之再相力主之科降辟置無所留難葵韓遂往於是戰於泗水渦口木庫皆以捷聞九年拜太師左丞相兼樞密使辭太師不拜每謂天下之財困於養兵兵費困於

輔

卷之十三

壬午

光緒

勅諭

卷之十三

李

光緒堂

生亦思所以變通之過調戍防邊命樞屬量遠近以便其道塗時緩急以次其遣發又議移戍調兵以屯淮西併軍分頭自以節廉餉先移鎮江策勝一軍屯泗水公私便之諸路虧損執其事者破家以償清之嚴其犯科者追理呈誤者悉蠲之全活甚眾沿江算冊之賦素重清之次第停罷如池之雁沒有大法場之具其錢分隸諸司清之奏罷其並緣漁取者蓋數倍公家之入合分隸者從朝廷償之報下清之方與客飲舉杯曰今日飲此酒殊快四上謝事之章不許十年進卜龜元吉箴一

勅諭

卷之十三

李

光緒堂

保寧軍節度使克齋泉觀使進封齊國公致仕薨遣表聞帝震悼輟朝三日特贈尚書令追封魏郡王賜諡忠定清之不好立異湯巾嘗論事侵清之及清之再相巾求去清之曰已欲作君子使誰爲小人力挽留之徐清更嘗論列清之乃引之共政趙葵視師年餘乞罷上未以處之清之曰非使作相不足以酬勞陛下豈以臣故邪臣必不囚葵來遽引退臣願爲左使葵居右上說從之然葵竟不果來清之以定策功駁駁至率輔四登自歷恩寵冠於一時然端平之間石湖正人清之之力也清之低首奏對多不有稱有安晚集六十卷左丞相范仲和鍾范鍾字仲和婺州蘭谿人嘉定二年舉進士歷官武學博士知徽州召授刑部郎官遷尚書右郎兼崇寧殿說書進對帝曰仁宗時甚多事鍾對曰仁宗始雖多事乃以憂勤致理徽宗始雖無事餘患至於今日帝悅尋遷秘書少監國子司業兼國史編修官錄檢討歷遷兵部侍郎兼給事中嘉熙三年拜端明殿學士兼書樞密院事四年授參知政事乞歸不許特拜左丞相兼樞密使

封東陽郡公。再乞歸。不許。復請。許之。加觀文殿大學士。醴泉親使。兼侍讀。辭不拜。以保晚節。乃提舉洞霄官。八年十一月薨於金華驛舍。蓋其家築室未就也。贈少師。謚文肅。史稱鍾爲相。直清守法。重惜名器。雖無赫赫可稱。而清德雅量。與杜範。李宗勉。齊名。當時頌鍾之德者。云。衮繡之歸。問館於驛邸。衣冠盛事。再見此無地起樓臺。相公也。吳師道云。范鍾以高科爲賢相。而言論風育述者。蓋鮮所著有禮記解。

參知政事袁彥淳

輔弼

卷之十三

空

光緒

袁詔字彥淳。慶元人。淳熙十三年進士。調吳江丞。繼師旦。特韓侂胄威福。撓後法。提舉常平黃榮徽。詔數田以定役。師旦密諭意。言吳江多姻黨。儼相容。當薦爲京朝官。詔不聽。是歲更定戶籍。承後役。皆師旦黨。師旦諷言者將論去。榮亟以是事白於朝。且薦之。未幾。師旦敗。改知桐廬縣。桐廬多宗室。持縣事。無有善去者。詔始至。絕私謁。莫敢撓。錢塘岸歲爲潮。嚙率取石桐廬。詔言。廟子山有石。不必旁取。隣郡遂得免。嘉定四年。召爲太常寺主簿。父老。旗鼓蔽江以餞。至於富陽。泣謝曰。吾曹不復

輸石矣。後爲右司郎官。接伴金使。使者索歲幣。語侵甚。詔曰。昔兩國誓約。止令輸燕。不聞在汴。使者語塞。十三年。爲臨安府尹。幾十年。理訟精簡。道不拾遺。里巷爭呼爲佛子。平反冤獄甚多。紹定元年。拜參知政事。胡慶昱論濟王事。當遠竄。詔獨以夢昱無罪。不肯署文書。李全叛。揚州告急。飛檄載道。都城爭有逃避者。乃拜詔浙西。置制使。仍治臨安。鎮遏之。白相史彌遠口揚失守。則京口不可保。淮將如下。整崔福皆可用。彌遠從之。福竟討平全。而詔卒。以言罷。端平初。奉祠卒。年七十有七。贈少

輔弼

卷之十三

空

光緒

傳。後以郊恩累贈太師。越國公。

左丞相李彥父宗勉

李宗勉字彥父。富陽人。開禧元年。試禮部第一。成進士。歷官江西運幹。除禮部架閣。累遷著作佐郎。輪對言邊事。宜夙夜震懼。以消殃咎。兼權兵部郎官。時李全叛。謀已露。人莫敢言。宗勉獨累疏及之。且言欲財計之豐。莫若節國用。善爲國者。常使財勝事。不使事勝財。今山東之旅。坐糜我金穀。湖南江右。閭中之寇。蹂踐我州縣。苟浮費泛用。又從而侵耗之。則漏卮難盈。蠹木易壞。設有

緩急必將窘於調度而事機失矣尋改兼侍右郎差知
台州大水悉心撫字民無昏墊改直秘閣知婺州召除
尚書郎中兼左司拜監察御史時方謀出師汴洛宗勉
言今朝廷安恬無異昔時士卒未精銳資糧未克衍歸
械未犀利城壁未繕修於斯時也守禦猶不可而欲進
取可乎借曰今日得蔡明日得海又明日得宿亳然得
之者未必可守萬一含怒蓄忿變生倉卒將何以濟世
之所陳豈曰外患終不可平土宇終不可復哉亦欲量
力以有爲相時而後動耳願詔大臣愛日力以修內治
勸帝
卷之十三
宗
此書堂
合人謀以嚴邊防節冗費以裕邦財招強勇以壯國勢
仍飭沿邊將帥毋好虛名而受實害左控右扼毋失機
先則以逸待勞以主禦客庶可保其無虞若使本根壯
固士馬精強觀釁而動用兵未晚已而洛師潰又言昔
之所慮者在當守而冒進今之所慮者在欲守而不能
何地可控扼何兵可調遣何將可捍禦何糧可給餉皆
當預作措置之又言內降之敵大略謂王府后宅之官
僚戚里閭寺之恩賞綸綍直下不經都省竿牘陳請時
出禁廷此皆大臣所當執奏夫先事而言見幾而諫不

可謂之專善則行之否則止之不可謂之專命出君上
政歸中書不可謂之專苟以專權爲嫌不以救過爲急
每事希旨迎合迨其命令已下闕失已彰然後言事之
人從而論列之其累聖德亦多矣況言之未必聽聽之
未必行乎進左司諫兼侍講拜殿中侍御史時淮西制
置使史嵩之兼知鄂州就鄂建牙宗勉言荆襄殘破淮
西正當南北之交嵩之當置司淮西則脈絡相連可以
應援邈在鄂渚豈無鞭不及腹之慮若云防江爲急欲
藉嵩之於鄂渚經理然齊安正與武昌對如就彼措置
防托則藩籬壯而江面安矣所謂欲保江南先守江北
也當別擇鄂守徑令嵩之移司齊安詔侍從兩省臺諫
條陳邊事宗勉率合臺奏蜀之四路已失其三城都隔
絕莫知存亡諸司退保夔門未必能守襄漢昨失九郡
全郢破荆門又破江陵孤城何以能立兩淮之地人民
奔迸井邑丘墟陛下誠能亟下哀痛之詔以身率先深
自貶損出內帑儲蓄以風動四方然後勸諭戚畹世臣
隨力輸財以佐公家之調度分上流淮西淮東爲二帥
而以江淮大帥總之或因今任或擇長才分地而守聽

等而行以公私之財分給四處俾之招濟卒募流民之
疆壯者以充游兵以補軍籍仍選沿流諸郡將士爲捍
禦之閫猶可支吾不然將水陸俱下大合荆楚之衆擾
我上流江以南震蕩矣或謂其勢強盛宜於講和欲出
金縢以奉之是抱薪救火空國與敵矣除工部侍郎兼
給事中仍兼侍讀疏言憂勤不可移於晏安劇切不可
消於便佞除諫議大夫兼侍讀進端明殿學士同簽書
樞密院事進簽書時王樞復求歲幣銀絹各二十萬宗
勉言輕諾者多後患當守元約可也史嵩之開督府力
主和議宗勉責嵩之職在督戰如收復襄光控扼施澧
招集山砦保固江流皆今所當爲若所主在和則凡有
機會可乘不無退縮之意必至虛捐歲月坐失事功進
參知政事拜左丞相兼樞密使守法度抑僥倖不私親
黨召用老成尤樂聞諫言身居台輔家若貧儒趙汝騰
嘗以宗勉爲公清之相以光祿大夫觀文殿學士致仕
卒贈少師謚文清

右丞相杜成之範

杜範字成之黃巖人嘉定元年進士歷官秘書郎拜監

察御史奏九江守何炳年老不足備風寒事寢不行範
再奏曰一守臣之未罷其事小臺諫之言不行其事大
阻臺諫之言猶可也至於陛下之旨匿而不行此豈勵
精親政之時所宜有哉丞相鄭清之見之大怒五上章
丐去有危機將發朋比禍作之語時清之妄邀邊功用
師河洛兵民死者十數萬資糧器甲悉委於敵邊境騷
然中外大困範率合臺諫其事併言制閫之詐謀罔上
於是凡侍從近臣之不合時望者監司郡守之貪暴害
民者皆以次論斥清之愈忌之改太常少卿遷秘書監
兼崇政殿說書元兵徇江陵範乞屯兵蘄黃以防窺江
令沿江帥臣兼江淮制置大使以重其權令淮西帥臣
急調兵撥糧以援江陵拜殿中侍御史範始以不得其
言不去爲恨至是遂極言臺諫失職之弊時襄蜀俱壞
江陵孤危兩浙震恐復言清之橫啟邊隙幾危宗社而
樞臣李鳴復以賄交結曲爲之地鳴復既不恤父母之
邦亦何有陛下之社稷帝以清之潛舊臣鳴復未見
大罪未卽行範亦不入臺帝促鳴復不去則臣
去安敢入明日改起居郎範去復未見施行忽

拜左史之命。則是所言不當。姑示優遷。臣前者嘗奏臺諫。但爲仕途之捷徑。初無益朝廷之紀綱。躬言之躬蹈之。臣之罪大矣。卽渡江而歸。授江東提點刑獄。範力辨而鳴。後亦出守越。範不得已。起就職。未幾。差知寧國府。至郡。適大旱。範卽以便宜發常平粟。又勸富公富人。有積粟者。發之民。頓以安。始至倉庫。多空。未幾。米十餘萬斛。錢亦數萬緡。悉以代下戶輪租。兩淮飢民渡江者。多剽掠。其首張世顯尤勇悍。擁衆三千餘人。至城外。範遣人諭之。俾勿無以俟。處分。世顯乃陰有窺城之意。範以計擒之。給錢束。歸。四年。遷朝。遷樞密部侍郎。兼侍講。兼幾。拜吏部侍郎。兼中書舍人。後極言宴賜不節。修造不時。玩寇縱欲。數事兼樞兵部尚書。改禮部尚書。兼中書舍人。淳祐二年。擢同簽書樞密院事。範既入都堂。凡行事有得失。除授有是非。悉抗言無隱。丞相史嵩之外。示寬容。內實忌之。四年。遷同知樞密院事。以李鳴復參知政事。範不屑與鳴復共政。去之。帝遣中使召同。且勅諸城門不得出。範太學諸生亦上書留範。而斥鳴復。并斥嵩之嵩之諛言者。論範并論鳴復。範遂行會嵩之。

朝野

卷之十三

宋

光緒

遭喪。謀起復。不果。於是拜範右丞相。帝親書開誠心布公道。集衆思廣忠益。以賜之。範上五事。曰。正治本。曰。肅官闈。曰。擇人才。曰。惜名器。曰。節財用。仍乞早定。國本以繫人心。時親王近戚多私求恩澤。範皆封還。內降乞撥堂除闕歸之吏部。以清中書之務。人皆以爲不便。旣而赴選調者無淹滯。合資格者得美闕。衆始服。帝命宰執各條今利病與政事可行者。範上十二事。且曰。宜倣祖宗方田之制。疏爲溝洫。縱橫經緯。各相灌注。以鑿溝之土。積而爲徑。使不得坳。壅而馳結陣。而前如曹瑋守陝西之制。則戎馬之來。所至皆有阻限。而溝之內又可以耕屯。勝於陸地多矣。又曰。治邊理財。實爲當今急務。有明於治邊。善於理財者。搜訪以聞。時孟珙權重。兵居上流。朝廷素疑其難制。至是以書來賀。範復之曰。古人謂將相調和。則士豫附。自此但相與同心。徇國若以術相籠駕。非範所屑也。珙大感服。未幾。元兵大入五河。絕中流。置營柵以重兵綴合肥。令不得相援。爲必取壽春之計。範命維揚鄂渚二帥各調兵東西來應。卒以捷聞。範計功行賞。莫不曲當。軍士皆悅。未幾卒。贈少傅。謚清獻。

朝野

卷之十三

宋

光緒

範生有至行。薄田二頃。粗給饘粥。雖貴爲宰相。未嘗增尺寸室廬。僅庇風雨。見者不知其相公之居清修苦節。身若不勝衣。至臨大事。則責育不能奪。所著有雜文奏稿十三卷。

參知政事衛清叔涇

衛涇字清叔。其先齊人。唐末避亂居秀州。孝宗親權涇進士第一。歷起居舍人。假工部尚書使金。還除直煥章閣。知慶元府。特權奸用事十年。不調。開禧初。召官吏部尚書。拜御史中丞。請誅韓侂胄。論罷右相陳自強。拜參

輔

卷之十三

主

光緒

知政事。侂胄伏誅。又患史彌遠欲去之。彌遠乃諷御史劾罷涇。知揚州。除資政殿學士。致仕卒。贈太師。追封秦國公。謚文節。侂胄嘗指朱熹僞學。胄誅。請召朱熹還朝。而熹已卒。涇乃取熹諸經四書傳註刊布之。所著文章奏議五十卷。曰後樂集。

左丞相王仲潛燦

王燦字仲潛。新昌人。嘉定十三年進士。知常熟縣。敏達。有惠政。通判泰州。知滁州。改知瑞州。遷籍田令。所至咸有風譽。歷遷太府卿。權兵部侍郎。疏請大臣相與愛危。

圖治修德行政。批札畢杜於私。蹊官賞宏。關於正路。使

內治明。如日月外治。如風霆。則世道昌明。物情熙洽。

上以迂續天命於譴告之餘。下以固結人心於解紐之

際。其孰能禦之。以右文殿修撰。提舉太平興國宮。召赴

行在。授集英殿修撰。兼太子左庶子。極言正論。太子聽

而說之。帝聞之。甚喜。遷禮部尚書。進左丞相。授特進。加

食邑。燦奏。臣本志誓死報國。願假臣宜撫招討之職。臣

當召募忠義。共圖興復。乃授燦觀文殿大學士。浙西江

東路。宜撫招討大使。置司在京。以備咨訪。進少保。左丞

輔

卷之十三

主

光緒

相。兼樞密使。尋加都督諸路軍馬。累辭。皆不許。奏言。今天下所以大壞至此者。正以一私蟠塞。賞罰未章故也。救之之策。在反其所以壞之之由。大明賞罰。動合乎天。庶幾人心興起。天下事尚可爲也。因言賈似道誤國。喪師之罪。於是始降詔。責切似道。不忠不孝。斥之國。是始明。六月庚子朔。日食。燦奏。日食不盡。僅一分。白晝陰晦。者數刻。陰盛陽微。災異未有大於此者。臣待罪首相。上佐天子。理陰陽。下遂萬物。外鎮諸侯。皆其職也。氛祲充塞。而未能消。生民塗炭。而未能拯。反復思之。咎實在臣。

乞罷斥以答天譴。答詔不許。尋進平章軍國重事。時命張世傑等四道進師。陳宜中留簡炎二相都督軍馬。請二相建闢吳門以護諸將。不然臣請效死封疆。不敢辭。宜中簡炎乃上疏乞行事。下公卿議。竟不決。已而世傑等兵果敗。煥自以不得其職。疏乞罷免。乃罷煥平章。依前少保。特授觀文殿大學士。充醴泉觀使。煥爲人清修剛勁。似道歸天台。葬母過新昌。煥獨不見。之後以元老入相。值國勢艱危之際。天下所仰望也。乃與宜中不協而去。不逾年。煥死。而宋亦隨亡。天下莫不慨歎云。

輔弼

卷之十三

七

光緒

右丞相葉鎮之夢鼎

葉夢鼎字鎮之。台之寧海人。嘉熙上舍釋褐。授信州軍事推官。攝教事。講荒政。召試館職。授秘書省正字。遷秘書郎。值雷變。上言援唐康澄五可畏之說。歷遷兵部郎官。權知袁州轉運司。和糴米三萬斛。夢鼎言袁山多而田少。朝廷免和糴已百年。自今開之。百姓子孫受無窮之害。則無窮之怨。從之。拜司封員外郎。輪對。言陛下感於左右之讒說。例視言者爲好名。中傷既深。膠固莫解。近歲以來。言稍犯人主之所難者。不顯罷。則陰黜。不久

外則設閒去者。屢召而不還。來者一鳴而輒斥。兼王勝檢討。以直秘閣。江西提舉常平。兼知吉州。節制悍將。置義社義倉。平反李義山受賊之寃。以國子司業召。輪對。言國論主平。江西義倉不可待申省而後發。遷國子祭酒。權禮部侍郎。兼侍講。差知贛州。丁大全柄國。欲挽登朝。夢鼎不屑力辭。謝之。改知建寧。召爲太子詹事。上疏以法天爲言。遷吏部侍郎。賜寧海縣食邑。進吏部尚書。拜端明殿學士。同簽書樞密院事。以明堂恩。進封寧海郡公。丞相賈似道欲造關子。罷七十八界會子。夢鼎以爲屬民乃止。公田法行。夢鼎又以爲屬民故行之。漸右而止。進同知樞密院事。權參知政事。以彗星出。乞解機政。不許。理宗崩。議太子卽位。太后垂簾聽政。夢鼎曰。母后垂簾。豈是美事。進參知政事。加食邑。力辭。理宗復土。攝少傅。竣事引疾乞歸。授資政殿學士。知慶元府。治海置制使。肅清海寇。罪止首惡。羨餘之費悉卻。不受。再召爲參知政事。特進右丞相。兼樞密使。與賈似道分任。利州轉運使王玠以非罪去官及卒。其子懇求遺澤。至是夢鼎明其無罪。似道以爲恩不已。出罷省部吏數人。

輔弼

卷之十三

七

光緒

榜其姓名於朝。夢鼎怒曰：「我斷不爲陳自強，卽求去會太學諸生上書，言似道專權固位，似道悔過，屬府尹洪熹求解。時冬雷引咎求去，愈力未幾，策楊妃宰相無拜禮，吏贊拜，夢鼎以笏揮之，趨出。明日乞還田里，詔勉留之，詔免諸州守臣上殿奏事。夢鼎言：「祖宗謹重牧守之寄，將赴官必令奏事，蓋欲察其人品，及面諭以憲律已愛育百姓，其至郡延見吏民，具宜上意，庶幾求無負臨遣之意。今不遠數千里而來，咫尺天顏而不得見，甚非祖宗立法之本意。」進少保，引柱衍致仕。車輿通故事，累辭以觀文殿大學士判福州，福建安撫大使，進封信國公，不拜。授少傅，右丞相兼樞密使，引疾力辭，宰相賁即查至促行，扶病至嶧縣，請還山林，疏奏，願上厲精塞欲，規當國者收人心，固邦本，扁舟徑歸。使者以禍福告夢鼎曰：「庶耻事大，死生事小，萬無可回之理。」臺臣奏從歸田之請。濠國公初卽位，詔授判慶元府，沿海置制大吏，力辭。益王卽位於閩，召爲少師，太乙官使航海逐行，駭梗不能進，南向痛哭失聲而返。後二年卒。

兩浙名賢錄卷之十三終

兩浙名賢錄卷十四目次

輔弼

明

東閣大學士吳潛仲沉

戶部尚書少保兼太子少傅夏惟詰原吉

少師金世忠忠

戶部尚書兼武英殿大學士黃崇豫淮

吏部尚書兼謹身殿大學士商弘載輅

翰林學士內閣呂逢原原

輔弼目次

卷之十四

一

光緒

戶部尚書兼謹身殿大學士謝于喬遷

吏部尚書兼謹身殿大學士張茂恭孚敬

禮部尚書兼武英殿大學士呂汝立本

戶部尚書兼建極殿大學士袁懋中煒

禮部尚書兼文淵閣大學士高子象儀

戶部尚書兼建極殿大學士余仲丁有丁

吏部尚書兼建極殿大學士趙汝邁志皋

吏部尚書兼中極殿大學士沈肩吾一貫

吏部尚書兼文華殿大學士朱少欽朕

終

兩浙名賢錄卷之十四

東海徐象梅仲和氏謨

黃國阮維岳爾鎮氏閱

輔弼

明 共十四人

東閣大學士吳濬仲沉

吳沉字濬仲蘭谿人故元禮部郎中師道子沉與兄深傳其家學名重一時元累辟不就洪武十二年郡以儒學博士舉至京師誤上其名曰信仲既除翰林國史院

卷之十四

先賢錄

待制謂修撰王釐曰名既誤矣冒昧而不更是欺罔也釐以國法方嚴恐觸犯天威固止沉沉不從毅然往吏部告請改正部以聞高皇帝大喜曰是誠恪人也遂眷遇之上御奉天門視朝畢謂沉曰人君治天下莫要於進賢納諫兩事沉曰求之於古克行者鮮矣是故亂日常多治日常少上曰使其真知賢者能與其國何有不好真知諫者在於忠已何有不納惟其知之不真是以於已難人若誠能好賢則不待招徠而賢者自至能納諫則不待旌賞而諫者畢集矣沉曰陛下之

言及此國家興治之要也未幾奏對錯誤降為編修尋復以為待制時給事中鄭相同奏言尊無二上稱臣於東官是竝所尊矣沉駁之曰東官國之大本所以繼聖體承天位者也臣子尊敬之禮安得有異請凡啟事東官如舊制上從之無何復坐奏對失旨降渭源縣學教諭未行留為翰林典籍未幾以為東閣大學士先是上將享太廟致齋於武英殿召沉等謂之曰朕閱古昔聖賢書其垂訓立教大約有三曰敬天曰忠君曰孝親君能敬天臣能忠君子能孝親則人道立矣然其言散在經傳未易會其要領爾等宜類編三事為書至是書成名曰精誠錄上覽而善之命沉纂序上御謹身殿沉進講周書至國則罔有立政用儉人上曰甚矣國家不可有小人有人小人必敗君子故唐虞用舜禹必去四凶魯用仲尼必誅正郊沉進曰書言去邪勿疑所以深致其戒俄以進講後期考功監劾其怠於職事降侍書尋改國子博士是時文治大興沉獨謂兵不可廢因言武經七書多依託之言惟司馬法與孫吳為可信昔者齊威王與其大夫追論古司馬兵法附以田

輔弼

卷之十四

工 先賢錄

穰直之說。今所傳者非齊之全書。宜孫吳之盛行也。聖人之兵。昭文德而威不軌者也。所以生人也。非殺人也。禦亂也。非爲亂也。尚義也。非尚詐也。孫子曰。兵詭道也。吾恐非聖人意也。間嘗以易詩書禮論孟諸經詞義。有涉於戎事者。輒而類之。定爲五篇。一曰。兵象。二曰。兵用。三曰。兵禮。四曰。兵詩。五曰。兵訓。總而題之曰。六經師律。又嘗著論。以孔子封王爲非禮。其後布政使夏寅祭酒丘濬。皆以封孔子王及謚爲非禮。卒去號稱師正。數千年之謬誤者。沉倡議之力也。沉富蓄遠覽志負經濟三

輔弼

卷之十四

先賢堂

邇三黜而無善懽人以此多之

戶部尚書少保兼太子少傅夏惟誥原吉

夏原吉字惟誥。其先會稽人。徙饒之德興。父時敏。國初爲湘陰教諭。因家焉。母夢三閭大夫入其室。生吉。吉生有異資。年十三喪父。卽立志向學。以詩經領鄉薦。辛棄太學。選入內庭書制誥。擢任戶部主事。洪武三十一年。陞本部右侍郎。命克採訪使。巡撫福建。尋又出鎮蘄州。太宗皇帝入正大統。召還。轉左侍郎。踰月陞本部尚書。上勵精圖治。凡建文時條教政令有所更革者。皆命吉

申明之。凡三十餘事。明年兩浙大水。命吉往治。且命都御史俞士吉。齎水利集賜之。徧詢故老。水之源委。時役兵民數萬。撫恤之。人人盡力。布衣徒步。晝夜經畫。日爲芝赤。盛暑。或持蓋至。曰。衆赤體暴日中。吾何忍求涼。決壅滯。修隄浦。濬溝洫。治橋梁。導水入海。水不爲患。又奏發粟萬餘石。以賑飢。給牛具穀種。與民之無力者。與人懷之。姚廣孝還自浙西。上首詢吉。廣孝曰。夏原吉古之遺愛也。召還掌部事。請裁冗食。平賦役。均出入。勿使勢要者種。益以妨商賈。勿使富貴家專錢。以沮貿易。清倉場。廣屯種。皆立定規。以施諸天下。時建文廢弛之後。靖難之師方息。府庫空虛。無蓄積。一時賜予。功臣賞給士卒。大封親藩。增制武衛。添設百司。而又召集天下儒生數百人於館閣。編輯大典。未幾。遣二十五將軍。大興安南之役。遣內官造巨艦。航西南大洋海。以通諸番。財用之費。以億萬計。皆取給於戶部。吉晝夜焦勞。經營經綸。惟恐拂上意。而殫民財。時初建北京宮殿。採木運餉。命吉出巡視。給以錦衣官校四十人。律罪怠事者。言將登車。乃遣人馳諭官吏軍民各處。乃事。吾將出巡。蓋

輔弼

卷之十四

四

先賢堂

恐犯者衆也。人人感悅而事集。八年，上親征北虜，命輔導皇孫留守北京，兼掌行在六部都察院大理寺事。諭之曰：朕以房玄齡委卿，卿其盡心輔導。時京邑諸司草創，吉每旦入朝，獨近晨前參決機務，退至政事堂，郎官御史抱案盈庭，吉口應手判，不動聲色。比奏行在南放，東宮京師肅然。七月，駕回北京，吉見便殿，上曰：卿輔皇孫，居守事安民安，參決機務，咸當朕心。吉曰：陛下之訓，皇太孫遵行之，臣何功之有。翌日，上諭羣臣曰：夏原吉輔導皇孫，今之周公也。十九年，三殿災，吉言愛民所以敬天也，乞蠲逋負及芻糧採辦金銀課程優卹流移，以回天意。從之。詔求直言，言者多云建都北京不便，主事蕭儀言之尤峻。上怒，誅之時，科道亦云不當輕去金陵。上曰：方遷都時，吾與大臣密議數月而行，言者因劾大臣。上命言官與大臣俱跪午門前對辯。都御史陳瑛言科道皆白面書生，不知大計。上命左右至午門前，問衆皆碎罵言官。吉獨奏曰：御史給事職當言路，且應詔陳言，臣等備員大臣，不能協贊大議，臣等之罪也。上悅，兩宥之。交趾平，上

輔弼

卷之十四

五

先賢堂

問吉陞賞孰便，吉對以賞貴於一時，有限；陞費于後，無窮。乃陞首功，餘皆班賞。西域法王來朝，上將親勞之。吉曰：彼慕化而來，宜示以君臣之禮。且上如是，下必有甚焉。上曰：爾欲效韓愈耶？他日法王見便殿，上命吉拜。吉曰：王臣雖微，加於諸侯之上，况夷狄乎？臣恐一屈膝有辱天子，臣死不敢奉詔。上曰：卿過侍郎楊勉之拜，猶猴遠矣。山東妖人唐賽兒黨三千餘人至吉入奏曰：諸所俘俱平民，悉原之。衆遮道呼公生我，言此曰：朝廷之恩，我何與焉。十九年，議親征北虜，羣臣無敢諫者。吉曰：我受國厚恩，不可不死爭，約尚書方賓同諫。曰：公但來，吾自言之。入叩頭言，頻年師出無功，軍馬儲積十喪八九，況今災青厲作，內外俱疲，聖體少安，遠涉風沙，誠爲未便。上怒，乃命吉整邊儲於北口，賓懼自縊，遂併籍吉家。命錦衣官立取吉回，至則大起厥理，儲錦衣促之。吉曰：姑俟。畢此不然，恐有侵死吾安之，不以累公及至。上問征虜得失，吉對如初。歷言自古不勤遠畧之意，命繫於內官監。皇太孫屢請赦之。上命使覘其動靜，因問：上待公厚，今繫之暴，亦有怨

輔弼

卷之十四

五

先賢堂

平吉曰風雨霜露無非教也何敢怨上意頗解猶繫之。上至榆木川不豫顧左右曰夏原吉愛我八月訃至。仁宗皇帝卽位卽日復吉官吉以母喪未終辨。仁宗勉留之曰國家不幸有大事正賴相與共濟艱難安得遽去卿云有喪我無喪乎如卿辭職朕亦不當在此吉不敢復言賜賻禮遣官護其喪歸營葬事。宣宗以皇太孫正位東宮加吉太子少傅時呂震爲太子少師班在吉右卽進少保仍兼職如故食三俸同時大臣當受詰命翰林呈草。上取筆增二語曰勿謂崇高而難入勿以有所從違而或怠且論學士楊士奇等曰此實朕心蓋望卿等匡輔之功也繼召吉等至泉前賜銀章一其文曰絕愆糾繆且論曰朕有過舉卿卽具奏來以此識之朕不難於從善也以吉有匡輔功賜第二區田五頃。仁宗賓天預聞顧命時。宣宗爲皇太子監國南京遣命徵還嗣位時有漢庶人之疑中外洶洶羣臣欲出郊迎。太后命獨留吉同襄王留守京師輔臣郊見。宣廟首問吉及少師蹇義衆等不能對既至召吉慰曰朕聞太后諭知留卿意卿奉皇祖合輔朕

有年非他人比卿當以所事皇祖者事朕賜寶帶宣廟旣嗣位吉以舊輔尙毗尤重宣德元年漢庶人反移檄誣輔臣姦邪亂政以吉爲首。上夜召吉等入議吉免冠謝曰臣不才致變親藩罪當死。上曰卿何爲是言彼蓋假卿以興兵耳休戚與卿同之命吉坐審議屏左右語楊文敏榮首勸。上親征。上難之顧吉吉曰往事可鑒不可失也臣昨見命將而其色變退語臣等而泣在廷如此則其臨事可知又曰兵事貴速且有辭宜卷甲輶戍而往一鼓而平之所謂先人有奪人之術也。榮言是。上意遂決卽躬帥六師征之晝夜兼程而往師臨城下罪人斯得大被恩賞賜吉關者三人拔吉朝奉出入吉固辭曰舊制非勲臣不敢用。上曰卿輔導忠勲非勲而何乃拜賜是歲扈從車駕巡邊旣還。上以蹇義及吉等四人年老不欲煩以有司之政勅吉曰卿等事。祖宗積效勤誠朕嗣統以來尤資贊輔夙夜在念圖善始終蓋以卿等春秋高尚典劇司優老待賢禮非攸當况師保之重寅亮爲職不煩庶政乃副尙毗可輟部務朝夕在朕左右相與討論至理共寧

邦家其專精神。審思慮。益致嘉猷。用稱朕倚眷老成之意。又賜銀章一。其文曰。含弘貞靜。蓋以褒吉之德。量云。五年兩朝實錄成。賜宴於中府。明旦入謝。既退。得微疾。命家具湯浴。正襟端坐而薨。年六十有五。上聞訃。震悼。命有司製棺。給賻。營葬。遣禮部尚書胡濙論祭。贈特進光祿大夫。太師。謚忠靖。官其子瑄。為尚寶司丞。仍復其家。吉天性孝友。平生與物無忤。受人之惠。雖微必報。心無適莫。渾渾然不見圭角。小人有所觸犯。虧損置之不問。平居無事。坦坦如也。一遇事。明敏奮發。嘗奉命兼

卷之十四

九

光緒堂

理諸司政務。吏臚滿前。迎見立解。拔根適節。各得其宜。商功計利。惟恐有弊。恒曰。不可使後人難為。繼而戍吾民也。其掌國計最久。凡所建置區畫。明於閭閻。飲散之術。科分戶別。有倫有要。一一可為後世法。歷事四聖。隨事獻忠。凡持論必歸仁厚。存大體。天下之人。陰受其賜者多矣。一時大臣與吉同功一體者。惟蹇文定公義時以蹇夏並稱。然蹇特以政事著稱於時。而吉兼有文學之譽。自開國以來。三大纂修。皆吉為總裁。所著有文集若干卷。傳於世。丘文莊濟論曰。公歷事四朝。始終

幾五十年。專掌國計。其間雖或兼他官。釐別務。總理諸司。與間機密。未始一口辦計相之任也。於乎。大學治國。平天下之要。惟在理財用人。夫治道亦多端矣。聖門授受。皆不之及。而獨舉理財。以並於用人。誠以用人為治莫先。財用既足。天下事無不可為者。列聖所以用公之意。蓋有得於此。昔人論大臣。以德量氣節。學術才能。四者並言。謂非兼是不足以當輔弼之任。觀公掌國計。當內難始定之餘。多事紛紜之際。國無乏絕。民有蓋藏。非明於學術。優於才能者。其能然乎。且一時大臣中。稱有德量者。以公為第一。公其無愧古人所稱大臣者哉。

卷之十四

十

光緒堂

少師金世忠

金忠字世忠。鄆人。少慷慨負義氣。兄戍通州。忠省兄。會靖難兵起。布衣田冠。上謁典儀。云。浙東奇士金忠。願見殿下。說兵事。及中朝動靜。得召見。忠言殿下。太平皇帝。小人畊江海間。及來往齊魯道上。聞殿下賢譽。服人。心久矣。茲舉大事。人材為急。成祖悅。立授署紀善。日侍帷幄。贊理戎務。尋陞署長史。已為真。靖難後。陞工部右侍郎。治事北京。永樂二年。召入兵部為尚書。忠博覽史

籍議論河懸國家大政多出裁決時儲位未定武臣丘福等咸謂次子高煦有扈從功請立之上客問忠忠歷數古昔嫡孽故事封上喜賜忠大錢且曰詹事官端汝以尚書兼詹事幸善調護佐太子忠侍監國時時勅起孝敬尊友愛小心敬慎無失禮毀譽禍福聽諸天而已或諧謗廷臣及宮僚過者上密令忠察審忠退每數日頓首再三為白無此事願陛下寬宥上或不喜卽又頓首言臣敢保其無他他日有踪跡卽如人言臣甘連坐以故諸所全護者多忠謹厚不泄人亦不知

輔弼

卷之十四

七

光緒堂

也忠每導人寬愛無為苛刻公事輒推同官使展其才能有闕誤引為已過不遺片善不念舊惡俸賜有餘屬賑鄉族太子卽位念忠輔導功贈少師謚忠襄以其子達為翰林檢討達幼遭歸依親讀書比長景陵召還翰林正統十二年改禮科給事中景泰改元遷都給事中剛直敢言無所避忌愴小多憚之二年出為長蘆都轉運鹽使

戶部尚書兼武英殿大學士黃崇謙淮

黃淮字崇謙溫之永嘉人洪武丁丑進士除中書舍人

太宗文皇帝入繼大統召見訪以大政稱旨卽命入翰林每設朝特命淮與解縉立於御榻之左以備顧問上慮萬機繁勝日御奉天門左室每夕召淮語至夜分上或就寢則賜坐榻前論議雖同列不得與聞已而命居內閣專掌制勅又選湖廣楊士奇楊榮金幼孜胡儼與之同事甲申會試天下士與解縉為主考得曾榮等四百七十二人上以多才色喜上欲立東宮密問淮淮曰立嫡以長萬世正法上意遂決皇太子既立命以右春坊大學士仍兼侍讀進講東宮啟沃良多復勅兼輔導皇太孫賜袍笏寵眷日隆當是時上每北狩命淮與尚書兼詹事蹇義金忠諭德楊士奇留守諭之曰朕留汝四人居守循唐太宗簡輔弼監國必付房玄齡卿等其識朕意明年上親征胡虜適長沙妖人李法良作亂皇太子命豐城侯李彬率兵剿捕而漢王設疑沮之皇太子以問淮淮曰豐城老將必能成功兵貴神速宜急遣以掩其不備既而法良就擒一如淮言癸巳駕再狩淮留守如故時漢王潛蓄奪嫡之志忌淮獨深日夜窺伺間隙流言監國之過淮遂免

輔弼

卷之十四

七

光緒堂

歸一滯十年處困中惟日賦詩自遣無非引咎責躬而已名其詩曰省愆集洪熙改元陞少保戶部尚書兼武英殿大學士是夏上不豫時皇太子往南京省謁孝陵遣使召還既而宮車宴駕羣情洶洶淮與楊榮楊士奇佐襄鄭二王監國憂勞至於嘔血及皇太子還京卽位大事始定宣德元年八月漢庶人反淮劾上幸師親征上以淮多病留佐襄鄭二王監國淮夙夜在公至班師方歸私第疾益甚乞骸骨不許固請始令歸田養疾賜楮錢萬貫父歿遣禮官賜祭命有司營葬

肅帝
卷之十四
主
光書堂

既襄事拜恩闕下上寵留彌月賜游西苑命淮乘肩輿登萬歲山賜宴於山之麓明日獻詩以謝上大悅比辭宴餞於太液池親酒宸翰製詩送之給路費賜金織紗衣一襲且諭之曰明年朕生日卿其復來明年如期入覲宴賜之禮有加於初九月辭還又明年上崩正統改元淮入朝進香寵賚優渥留月餘辭歸淮在承樂初知無不言言無不聽嘗有告黨逆者淮曰洪武末年已有勅禁革不宜復舉從之而大獄遂息虜酋阿魯台既納款欲收女真土蕃諸部聽其約束請朝廷刻賞

詞於金欽集諸部長磨酒飲之以盟淮曰胡人狼子野心使各自爲心則易制若併爲一則愈難制矣豈可墮其奸謀上顧左右曰黃淮如立高岡無遠不見爾等如立平地所見惟目前耳西域大寶法王初至京上欲刻玉印賜之以瑛示淮淮曰朝廷賜諸番制勅所用不過勅命廣運二寶今此瑛大於二寶夷人將謂法王尊於朝廷也上嘉納之及歸田口謝病杜門不接世故者二十餘年所著有介菴集歸田稿藏於家

吏部尚書兼謹身殿大學士商弘載輅

肅帝
卷之十四
主
光書堂

商輅字弘載嚴之淳安人宣德乙卯浙江鄉試第一又十年始登進士第會試殿試皆第一授翰林院修撰尋命進學東閣繼選經筵展書陞侍讀擢入內閣俾參綸命時英廟北狩國勢危疑妄有倡議南遷者輅力沮之虜逼京城輅與文武大臣經略戰守遣官撫輯旬居降虜徵各邊帥還兵入援揭榜賊營購虜酋僞爲喜寧報誘擒也先嘗故遺於虜管虜得榜與書果自相疑遁去景泰紀元之秋往迎英廟回鑾於居庸關草詔稱旨賜以馬匹既而錦衣指揮盧忠妄言南內事中官阮

瀾等雖被重刑猶窮治不已輅極言不可輕聽以壞大倫傷骨肉之情獄遂不竟無何而易儲議起輅謂此國大事有皇太后在上臣下誰敢議此明日有旨會同官議附和者衆輅力爭不可踰歲鍾同章綸相繼請復儲下獄禍且不測輅因召對力救綸竟得免丁丑春景皇帝不豫輅卽與陳循倡請復儲以繫人心不允繼具草輅援筆增二語云陛下爲宜宗章皇帝之子當立宜宗章皇帝之孫擬詰旦進至期變作正月十七日也英廟復辟首召慰諭且問改元明日權奸喉言輅初

卷之十四

幸

先賢堂

丁酉命兼護身殿大學士時權璫汪直開西廠行事大肆羅織屢起大獄勢焰熏灼人不敢言輅偕同列上疏極言之會六部大臣亦以爲言遂革西廠由是見憾於直會故大學士楊榮曾孫驊有罪不就逮赴京避罪爲直所發詞連輅輅遂乞致仕詔進少保賜還書給驛以歸卒年七十三計開時進榮祿大夫太傅謚文毅輅體貌修偉風神秀雅文章典實不事華藻爲人平粹簡重寬厚有容登第甫六年卽入內閣預機務儕輩多有異議而輅處之自如尤與錢溥不相能溥至作禿婦傳議之亦不與之較其再起也黎淳以景泰中易儲事專歸咎於輅上章攻之輅待之無異平時君子謂其有大臣之量于良臣中進士官終翰林侍講次于良輔孫汝謙俱以蔭得官良輔刑部主事汝謙尚寶司丞翰林學士內閣呂逢原

卷之十四

士

先賢堂

皆爲之酸慙已而奉母南歸家益貧攻苦力學知府黃
懋閱秀水學官文奇學官對曰此邑里中呂生文也呂
生貧不能備弟子員學官致家塾教諸子懋輒歎郡中
乃有文士如呂生遺草萊中者急召見原原入見衣纈
縷甚試之舉業文詞理皆勝問之經書輒能默誦講析
懋益驚異與之新衣謝不受會理葺舍與之諸餘材
木又謝不受懋曰生家貧粥此且得善價又謝不能太
守益大奇呂生當是時太守得輒補學諸生懋卽遣原
人試是秋發解浙江第一明年進士第二人入翰林時

蕭初

卷之十四

七

光緒堂

正統七年也方選翰林講讀官裴綸杜寧謝璉王玉江
淵陳文李紹商輅劉俊及原十人習制誥於東閣十四
年罷景泰中倪謙及原初教小內官黃賜等七人書於
文華殿東廡上一日至廡中命二人講謙講詩國風
原講書堯典上悅問二人官謙對臣左中允兼翰林
侍講原對中允右兼侍講上又問中允講讀官品二
人對曰皆正六品上曰品同安得相兼令左右取官
制再三覽顧一人曰進汝二人講讀學士兼中允二人
頓首謝他日上再至二人遷坐方壁下上曰何踴

躍乃爾二人頓首對君父膏臨坐臣子避不敢當

上喜二人敬慎後至館輒立語或東西行不復坐天順
初改通政左參議仍兼侍講入內閣尋陞翰林學士時
曹石寵用事知敬原原朝會衣青袍亨笑曰行爲先生
易緋原不答未幾岳正暨原列上曹石罪狀上留中
不發曹石微覺上意大恐遂共謀摘承天門災詔中
語謂內閣臣訕上上大怒坐便殿召對近臣厲聲曰
正大膽固敢爾原素謹厚左右正何也正既去原得留
與李賢同在內閣李賢通達見事立斷原守正謹恪稍

蕭初

卷之十四

八

光緒堂

濟之持重修大明一統志充總裁無何以母憂去道景
州啟父窆歸合葬或以陰陽五行家說沮原不聽奉載
舟中寢苦枕塊極哀毀竟病抵家未及窆而卒時年四
十五贈禮部左侍郎謚文懿原在內閣六年端潔不苟
取予性儉約身無統綺篋中惟賜衣幾襲輒分祿贍宗
姻貧賤者清心寡欲獨第無隱過至老勤學晨夕不少
輟子憲歷官太常卿自有傳

戶部尚書謹身殿大學士謝于喬遷

謝遷字于喬其先世出自河南陽夏太傅文靖公安顯

於東晉遂寓會稽後徙台之臨海少傅惠正公深甫顯
於南宋復自臨海徙餘姚遂爲餘姚人凡七傳而至遷
父瑩仕終福建布政司都事多開釋無辜人謂其必有
後及遷生而穎異不凡識者以遠大期之且曰他日名
位視晉太傅宋少傅蓋不多讓而當今天下全盛以其
才之所就熱烈始將過之時人未之信也年二十六舉
成化甲午鄉試第一人乙未會試爲第三人廷試爲第
一甲第一人授翰林院修撰簡侍東官弘治初陞庶子
充日講官上在諒陰內侍郭鐫請遷妃嬪以備六宮
遷疏言大行在殯豈宜有此俟陵畢徐議之未晚也
命禮部議如還言尋陞少詹事兼侍讀學士上方勤
學還務積誠以開悟聖聰每先期輒焚香莊誦如侍天
顏及當講敷暢詳明甚稱上意無何以憂去服除起
爲詹事簡入內閣加少傅兼太子太傅禮部尚書武英
殿大學士虜犯大同兵部尚書馬文昇以國用不足請
加南方折銀舊額還執不可曰南方稅銀甚重宜德正
統間因民不堪命故立折銀法以寬之今更加則反重
於本色民益病矣且足國惟在節用苟用之不節加賦

蕭初

卷之十四

五

武備堂

何益不謂文昇而有此疏事遂寢四方解戶赴內府輸
納者每苦需勒遷乘間言之上令擬旨禁約遷曰虛
言設禁無益也須令曹司搜剔弊端明白開奏而後嚴
立禁條有犯必誅庶幾民困少甦上悅卽如其言行
之由是諸司宿弊如洗時同在內閣者劉健敢於任事
而資遷之謀斷李東陽長於爲文而資遷之典則遷於
其間不激不阿弼成盛治一時號稱賢相嘗欲引吳寬
與共事而同列難之因乞避位薦吳寬王鏊自代中外
服其恬讓泰陵大漸入受顧命正德初奄瑾專政尚
書韓文率百官伏闕論之遷等主張於內將寘瑾於法
事泄不克遷遂乞致仕去瑾恨遷甚指爲姦黨榜示天
下又矯旨勒遷弟武選員外郎廸致仕子綸修不除名
瑾怒不已禍且叵測人皆危之遷曰天祐皇明我當無
他不見劉元城之事乎處之泰然世廟登極遣使存
問遷上疏謝因陳學祖訓監成憲二事六年二月復召
入內閣既至歷於同列不得展其志明年四月乞歸十
一年卒年八十有三贈太傅謚文正遷器宇豐厚風神
秀朗見者知其爲壽俊元臣其忠誠端慤始終不渝所

蕭初

卷之十四

五

武備堂

謂清白之操百練愈精剛毅之氣萬人必往誠有如聖
諭者學以明義理爲先爲文正大溫厚不事雕琢然未
嘗輕以一字假人其初入翰林時有御史某驟陞都憲
臺中循例乞遷文爲賀遷曰此人素不備於公論吾奈
何以諛言悅之卒不作嘗憫鄉人方正學以忠滅族沉
鬱百年不避忌諱收綴遺文已而得赤城論諫錄遜志
齋集赤城詩集皆手目訂正以表章之天地正氣沉鬱
百年而幾泯者一旦遂得其全以顯行於世文正之功
大矣

輔弼

卷之十四

手

先賢

吏部尚書謹身殿大學士張茂恭孚敬

張孚敬字茂恭永嘉人貌魁傑有大志年二十四舉於
鄉數上禮部不利歸而聚徒教授姚溪山中扁其讀書
所曰羅峯書院羅峯孚敬所自號也又二十二年而中
禮部試時天子方南巡其明年世宗皇帝即位始
臨軒策進士得第二甲隸事大理時上以典世子入
繼大統下廷臣議所以尊崇獻皇帝后者久之不決
孚敬上書大略言上既以典世子入繼武宗皇帝
統非繼武宗嗣也今以後武宗則弟以後孝宗

孝宗自有子奈何舍獻帝勿考而考孝宗使

帝有子而無子上有父而無父哉時上心是之而

迫於輔臣禮官議報聞孚敬亦去爲南京刑部主事乃

下議議專孝宗曰皇考獻帝曰本生父而孚敬復

上書爭之曰是二本也孝宗法得稱皇伯考不得稱

考獻帝得稱考不得稱本生因上所草或問二篇於

是桂萼疏亦上具如孚敬指而中外士大夫咸側目二

人思辭之矣然天子益已心動而方獻夫霍韜輩益

推緣孚敬說而進之天子用以連桂輔臣禮官口凡

輔弼

卷之十四

圭

先賢

三下詔始定召孚敬與萼超拜翰林院學士孚敬雖以
驟顯重然猶不能容公卿間而益仇仇自舒亡所避
天子愈器之明年進詹事爲經筵講官又明年遷兵部
右侍郎俄轉左其學士侍經筵如故孚敬數與尚書持
論事即執政策邊事欲屈其尚書孚敬復爲尚書持之
至抗疏辨上輒伸其說時御史錄索山西有所逮張
寅者以爲即故妖人李福達也而侯勛爲居間御史即
劾勛詔下三法司獄獄成上獨疑三法司黨御史而
傾侯勛以屬孚敬與桂萼方獻夫雜治之竟反其獄孚

敬遂領都察院賜二品服金帶遂以禮部尚書兼文淵閣大學士輔政仍領都察院賜勅約束中外御史所以褒獎殊至賜玉帶乎敬念以書生片言當人主意非又取相位思有所報效大要以破人臣之私交而離其黨一意奉公守法即怨謫弗卹也尋賜銀記二一日忠臣貞一一日繩愆糾繆得密疏言事上既以尊崇獻皇帝后錄前後諸臣議而取衷於乎敬書成名之曰明倫大典進乎敬少傅太子太傅吏部尚書護身殿大學士予四代誥官一子是時楊一清居首揆以才受上知

輔弼

卷之十四

主

先賢

然不能如乎敬深而上所密問乎敬者月以十數時時稱乎敬別號及字而不名時桂萼亦入輔名寵俱亞乎敬而所言事不能無相左以故稍不平為惡語交關上前一清因以計巧中之而會給事中陸粲孫文奎論其事因勅乎敬歸劍省待用而華萼散官致仕乎敬至天津復召歸寵益甚乃請避上二名諱上乃大書今名字填以金賜之又賜銀印其文曰永嘉張茂恭上嘗論乎敬留都天下首地而事皆中貴人專之何倖也擇宗室一人留守便乎敬言高皇帝以親王領宗

正不久而罷之宗室不預政久矣臣不敢奉詔自是乃數數言中貴人暴橫狀上為悉裁革鎮守監槍市船之類後先殆盡天下欣欣想望太平而乎敬又自言禮起上以明聖述作為任事取乎敬裁定若分祭天地北郊尋壇於東西為朝日夕月正先師號易象而主帝后行耕蠶禮皆其大者會居第成以獻帝書舍春堂及金幣羊酒賀而所讀書姚溪山中者書院下有司為新之賜名曰貞義其堂額曰抱忠時夏文愍言亦以言禮貴驟富上意於乎敬不能盡合而會雷震午門西

輔弼

卷之十四

主

先賢

序有言乎敬橫者乃乞休無何召復位進兼太子太師再乞休再召進少師時昭聖皇太后於上有推立恩而上所生章聖皇太后日重昭聖猶以故事裁之不為下上不懌而昭聖之弟昌國公鶴齡建昌侯延齡者早倖橫燕中所為多不法既微知上指恐憚甚而燕中少年無賴峰起爭持脅其金帛毋算後稍稍不能酬乃上變言其詛麗怨望大逆殺人事下獄按皆誣罔獨延齡殺人頗有狀昭聖迫乃囚上後官有他慶以延齡請上益怒遂欲坐延齡反族其家

乎敬固以爲延齡殺人抵償當而生之反族不可夫延齡財虜耳何以能反凡數詰問具對如初乃論延齡殺人罪屬秋盡當論乎敬復上疏謂昭聖太后春秋已高卒聞延齡死能不內傷痛乎萬一不食有他故何以慰敬皇帝在天之靈上惠謂乎敬自古強臣令君非一若今愛死囚令我矣當自悔不從延和邪延和者初持考敬皇帝相也上故爲重語欲以惕止乎敬乎敬持不已乃下詔悉緩諸當論者而終乎敬與太后世延齡得長繫矣乎敬爲相務以明天子尊信國戚

重輔臣體而其初潞州盜陳卿據青羊山殺官吏中外頗務姑息爲撫安計而乎敬獨破之卒捕誅卿大同叛卒殺其將乎敬益自信薦劉源清卻永爲大帥以必得賊爲主而所薦頗不任帥賊挾虜以重僅購得一二主謀者夏文愍以撫之說進而乎敬稍屈矣乎敬悲甚會哭子成疾上疏乞歸不許請益力上待之益厚至手調藥以賜曰古有剪髮和藥者吾手調亦庶幾焉其專精神加食自愛以輔朕爲忠之大乎敬感泣疾益甚以死誓歸上知不可奪乃許致仕明年遣錦衣緹騎帥

來視疾且促還朝強起至處州疾作歸再起至金華疾復作歸又三年而卒年六十有五贈太師諡文忠乎敬在公車最久而其成進士僅六載而拜相天子之以禮信之者自明興無兩凡所創革典制雖上自信以天啓而得之乎敬者深矣乎敬博洽典籍所撰對班班可據其所以合非偶然也顧性頗驕兒視其僚好嬖罵所擬調任喜怒不復反家居自尊大鄧邑守令伏謁長跪土木之功冠東南而囊無長物歿未幾居第侵風雨力不能飭子弟多假貸於人以自食至今稱其燕

禮部尚書武英殿大學士呂汝立本

呂本字汝立餘姚人父改以子貴稱太公楊太夫人方孕而棲居夢日卓午燦庭中赤光四表既寤而本生命其樓曰瑞日徵貴也太公故善誦文正則以負劍見本文正奇之斯其殷帝之首服也稍長執博士業文正益奇之曰夫夫國工也異日者當出吾上館之家塾屬其子學士丕程督之學士入朝載之俱北紹介而見之費文憲亦以公輔器之戊子與計偕子辰舉進士以族吉士授國史檢討出就南國子司業以右中允攝翰林院

韓左攝左春坊丙午主試揭禮樂征伐自天子出爲首義錄呈稱旨簡在帝心戊申通陞兩京國子祭酒明年上命增置夾輔故卜者六人本以少詹事入閣辦事尋召入直廬陞吏部右侍郎東閣大學士癸丑上修輔臣功陞禮部尚書進太子太保兼文淵閣大學士尋加少保兼武英殿大學士歷一品考進階光祿大夫勲柱國兼太子太傅當是時上明如日月威如雷霆百官受成莫不凜凜分宜耄矣胄子無良華亭肖隨深中重發獨本以赤心上結明主斷斷無他猶之清廟

薊南
卷之十四
主
光緒

鑾刀和而後劄庚戌秋八月虜薄郊關上御永壽宮召入直諸臣問方略本奏曰諸臣民仰望天顏久矣請亟出視朝安中外心既則以郊保僇口瘡痍就死請亟下令掩骼埋胔發賑捐租京營故多糜軍請亟更張以善後疏再奏悉嘉納之既又言威寧侯驚調邊兵入衛以其習戰足當虜鋒也今奏自部營兵以距前茅發邊兵於邊外以斷後殿臣所未喻且督餉都御史隨地餉軍不爲不預驚復要戶部載備從征其則秣馬許掠田禾諱之諱者也邊臣請互市廷臣持之上問本本極

言不可往虜猝入不及爲謀第一市以緩之固將集兵力大創之耳乃令兵力方集籍令虜入正宜張天討以振國威犬羊無厭何示之弱也上曰善悉罷市議母開端徐邳水溢飢民輕爲邪上用本言命漕河二水御史併力疏發徐淮倉糧四萬石兩淮餘益銀五萬兩遣刑部侍郎吳鵬出賑之水乃就道而飢民安堵天壽山水爲患衝衝諸陵神道遣本視之特旨問狀對曰二水交衝故多潰決河勢環抱法中堪輿形勝不當更工費不當惜第漕河深廣下如建瓴可無患矣其

薊南
卷之十四
主
光緒

年大同歲豐一緡幾得十石請發度支銀十五萬預糴以佐軍興較之年終可省三倍先是已酉莊敬太子立無何薨上諱言儲言者見坐本言自古帝王莫不早建太子將以正國本繫人心祖宗以來太子諸王年十五以上則冠婚出閣第本支典禮必先正名且天授元良不可以往事繫論不納壬子春裕王始冠本行贊冠禮明年請二王就宮中婚上問故對曰名分未正不宜竝出而婚耦則上疑輒則下貳且先朝同在宮禁有太后有中宮有東宮今陛下骨肉親惟二王耳悉

出居外。獨奈何自輕卒不納。明年復請寢如初。庚申故左中允郭希顏上書諫以建帝立儲爲發語。上大怒。傳上刑。本言小臣妄言建帝罪當死。但二王同居分邸。寓內莫測淵衷。其在天倫則聖心密定久矣。徒以也。酉爲鑒。篤愛元良。誠如所言。一留京一之國。人心自定。寧詎以人廢言。上心然之。卽諭輔臣景王當遵祖制。令之國。卒之翊。穆廟開太平本之力也。無何而太夫人卒。上下卹典。遣行人護喪歸葬。本具疏謝以哀。殿

聞先是島夷弄兵。諸郡縣盡城守。姚故城江北。本紹金

輔南 卷之十四 光緒
所部請夾江而城。如通州淮安臨清。倚角相守。均之赤子。寧詎置之度外邪。徙者以爲譴。不用命。本曰。吾未奉天子命而與大役。謹固當。屬江南諸有位者上書。下司空議。既得請。則胡督府董成迄竣事。而民不知役。於是人人頌本功德。祠祀之。龍山本既家食。察民間大不便者。言之有司。請屢畝。請均糧。既則徵徭銀。罷優免。由是租庸有調。民力以紓。直指使以其狀上之。繫爲令。萬曆十一年。年登大耋。遣使存問如禮。丁亥。諸子姓以初度稱觴。無何而疾作。隣里聞室中鼓樂聲。乃卒。年八十有

四。賜祭九壇。遣行人治葬。贈太傅。謚文安。本自通籍。以至居喪。凡三十年。都文學侍從者十有七。都州直者十有三。雅言避名避利避權三者。惟恐其不去已。而端行卻步。卒後其身而身先焉。初。上卜相。始得本。下內閣議授秩分宜。審遣家監以告。稿之十緡家監銜之。改少詹秩。視大司成等。華亭入相後。本者四年。本引身下之。遂躡木上。卒之分宜。凶終華亭。滋大惟本聲實純粹。卽有口者不能訾其休休之度云。

戶部尚書建極殿大學士袁懋中煒

輔南 卷之十四 光緒
袁煒字懋中。漢太尉安之裔也。避亂居勾章之南鄉。世欽德弗耀。至父汝舟以學行聞人。稱端居先生。與妻汪夫人同日夢黑龍降於家。時煒將誕。相慶曰。若生兒當非常。必亢吾宗。已而煒生。果異。穎五歲能屬對。多奇語。十歲習舉子業。讀書過目輒成誦。十七補縣學生。淹貫經史。人稱博雅。嘉靖丁酉舉鄉試第二。明年會試第一。廷試第三。授翰林院編修。以外艱歸。服除。同考會試。充纂修會典官。冊封唐府。充副使。盡却所餽遺。唐王改容禮之。遷侍講。以繼母憂歸。服除。主順天鄉試。時上簡

詞臣撰文煒在選顧上見煒文獨稱善遂有襲衣白金之賜內閣以煒資深題掌南京翰林院事煒上疏願留供文撰上嘉悅擢爲侍講學士特進禮部右侍郎兼原官進太子賓客兼學士三載秩滿進階通議大夫誥封二代蔭姪大輪爲國子生轉禮部左侍郎賜飛魚服二三年間游歷清華皆出聖衷未幾改吏部左侍郎會吏部尚書吳鵬禮部尚書吳山皆致仕而勅煒兼署二部事當推官與當道論不合執抗再三同事者爲煒危之而持論益堅不少借適上於吏部題缺取中

卷之十四

圭

光緒

進煒太子少保禮部尚書翰林學士越五日召入直皆殊特之恩前此所未有也五月分獻北郊十一月分獻南郊禮成疏請祈雪上諭謂煒敬順天時達禮成性加太子太保戶部尚書武英殿大學士同少師嚴嵩徐階內閣辦事壬戌二月命主會試六日入簾上特遣賜鶴衣御饌於貢院煒感非常知遇殫心校閱所得多瑰奇宏博之士又不受贊禮士風肅然明年八月以萬壽大慶加恩進少保無何而嚴嵩被論謝政去時朝野洶洶上獨察煒清忠亮直論同少師徐階擬票煒益

秉公竭誠凡事期於至當故海內罔不喁喁望太平之治首爲慈民陳便宜三事慈民德之纂修永樂大典充總裁書成特進少傅兼太子太傅建極殿大學士尚書如故建極殿乃上新制首以授煒令中書賜勅行異數也三載秩滿上遣中使賜羊酒寶鑑校柱圍誥封三代改大輪尚寶司丞煒筮仕二十餘年凡三錫命至是而極自簡畀文撰以來恩眷隆渥御膳金帛之賜無虛日明良相遇情投魚水可謂千載一時顧以積勞成疾再詠乞休上鑒其誠給傳歸就醫藥令大輪護行

卷之十四

圭

光緒

舟至安山驛病革呼大輪泣語曰吾沐聖上殊恩異眷媿不能竭涓埃之報今已矣爾其致身盡職言訖嗚咽卒年五十有八是日也風雷大作舟不可行計聞上震悼累日遣官諭祭命有司營葬事贈少師諡文榮煒賦性剛明風稜嚴整遇事不當意及見人有過輒面吐折之然底裏洞徹未嘗有所留匿人亦忘怨焉其事親孝伯兄中殞撫其孤如已出陰先及其長子卽尚寶司丞大輪也煒平生不謀家事於世俗所稱珍玩一無所好及當端揆尤禁絕請謁而情深故舊每分官俸以

張給之其才識宏博問學淵奧辨析疑義河懸水解援筆千百言立就爲詩文富麗莊重卓然成一家言所著詩文若干卷藏於家

禮部尚書文淵閣大學士高子象儀子循學附

高儀字子象錢塘人父鉞以陰德聞夢于肅愍而生儀儀少穎異慕肅愍之爲人輒自負嘉靖庚子領鄉薦第六明年舉進士二甲第一人改庶吉士授編修時分宜方寵倖傾中外悅儀嫺文添欲羅致門下數遣子世蕃及門風旨儀默不應遂大銜忌而名行蒸蒸益起隱然

卷之十四

五

光緒

賴弼負當世望時莊皇帝在潛邸將出講慎選宮僚所司首以儀上詔下而父喪奔還母徐夫人繼卒守制里中者四年浙人趙通政者爲分宜狎客得視師浙中藉勢驕橫於鄉里諸謁者旁趨蒲伏以治屬視之儀弗往也趙既先儀乃報謁中道馳入獨抗禮無所訕趙亦不能有加於儀未幾以右中允管國子監司業事而嚮通政者已官尚書矣屬其甥國學舍中令母卒業而超銓也數款曲致謁儀固不可趙悉語人曰何物司業乃尊大如此然竟亦不能有加於儀久之陞侍講學士掌南京

賴弼

卷之十四

五

光緒

翰林院事居南都又三年不遷後來者多踰其上而儀恬如也會分宜以罪罷去遂用僉議陞太常寺卿管國子監祭酒事尋進禮部右侍郎明年轉左又改吏部左侍郎兼翰林院學士教習庶吉士尋掌院事陞禮部尚書兼學士如故世廟方嚮用儀會崩不果先是朝儀久曠故籍散失隆慶改元始設宸寧臨羣臣奉祝冊謁宗廟具法駕郊見上帝幸辟雍釋奠講經諸大典禮威倚辦春曹旦暮待報無從考質儀以其意酌今昔之宜修舊起廢燦然明備無不當乎人心舊制合享天地以日月從嘉靖中乃分建四郊於是中官有請合祀復洪武舊制者儀執不可曰洪武初不分祀乎卽分亦舊制也何必改作竟寢其議或問合享非與儀曰無論非是奈何令中官得與外廷未議衆避之孝烈皇后先以保護功附主世廟儀奉遺詔遷其主內殿而附元配孝潔秩然足垂一代彛典他如主薛文清從祀革張真人道號及諫免舊邸之遊幸停取光祿之美銀竝關切大體詞譴義正讀其疏者無不稱服時神宗皇帝方五齡儀數引漢有司彛建之議抗疏力請國本

乃定諸藩府名封婚嫁歲久不行者儀悉行之諸大臣
恩卹當予者雖其後微必爲疏請脫不當予卽多方陳
乞終勿予也中官數有所屬不可卽執政爲屬之終不
可執政謂中官高尚書直弄官如敝屣耳誰能奪之以
故中官率嚴憚儀儀典禮三年紀法無不行者然故多
病不任勞遂上疏乞休凡十二上乃得請以典禮勞加
太子少保賜馳驛歸歸之逾年神宗皇帝在東官且
出講念先朝舊臣可備保傅者無如儀詔起於家辭不
許乃單車就道既至詔日侍東官講讀於文華東廡

輔弼

卷之十三

聖

此

進兼文淵閣大學士尚書如故儀負望久數病數起晚
而大用中外方想望風采而溢焉逝矣計聞天子震
悼賜卹峻等命以一品禮葬謚曰文端儀體貌魁梧而
性簡寡言笑每定大謀斷大義羣情指顧間徐出一二
言決之切中肯綮既貴雅飭如書生自視拘拘無他技
及見樵勢炫赫羣然風靡者若無有也雅恬素絕紛華
珍玩之好家不畜姬媵獨文史自娛入官三十年世業
不增尺寸舊第既火終其身未嘗營創再歸皆假館於
人不以爲意卒而發篋不給飲具門生故吏爲飲歡泣

下儀平生不爲餽遺干謁人亦無有能餽遺干謁之者
古稱社稷臣招之不來麾之不去其風度蓋如此明興
以來錢塘著稱者于肅愍高文端其人品位望相埒然
肅愍遭遇不辰含痛千古而文端完名令終似爲過之
其夢徵固不虛也詩文若干卷藏於家子循學以蔭授
中書舍人修正恬雅有父風侍從三十餘年後進者皆
橫金轡朱而舍人以食俸淺官終七品不悔也年六十
四自銘其墓而卒曰吾以規世之好諛者

戶部尚書建極殿大學士余仲丙有丁

輔弼

卷之十四

聖

此

余有丁字仲丙鄞人宋太保天錫之裔父永麟以鄉舉
仕爲學官歷浦江崑山擢判蘓州未上卒以丁貴累贈
光祿大夫少傅兼太子太傅戶部尚書建極殿大學士
母王氏贈一品夫人永麟少失父母穉而育之小江里
丁既貴富贈三代喟然流涕曰孤不天不能明其出顧
微夫夫也安有吾父恩同罔極詎敢忘於是贈永麟所
後父懌懌父鐘皆如丁官懌與鐘妻皆一品夫人日以
此爲吾父報而吾後世子孫獨祖吾父蓋以義斷云丁
生甫一歲卽博記善問稍長日誦數千言文多闕濬試

輒冠諸生名日益起家日益落而廣陵郝翁豪長者好奇節任俠喜士聞丁名延之家塾爲弟子師居郝氏三歲竟資丁遊於太學以順天辛酉鄉舉上春官賜進士及第授翰林院編修莊皇帝卽位入掌制誥嘗曰是惟王言奈何私諛人又因以爲利於是戒門者謹謝客而詞務簡重得其草者真綸綍不啻乙丑戊辰皆分校禮闈所登進者各三十二人而歸太僕沈少宰爲首選歸沈皆大雅士其所爲文不阿時好自是舉子業爲之一變士依聲慕古以成先資本丁得二上力也丁初持

輦前

卷之十四

七

光緒

父喪歸自崑山輒行管高敞地曰卽不可令置萬家邑獨奈何不爲異日規制地乎時人未之信也第後四年乃請告歸葬郡中人遠近來觀其所謂高敞地咸噴噴稱歎曰公固非大言者尋陞國子司業改洗馬兼修撰侍神廟於東宮會登極改右諭德兼侍讀加俸一級無何移疾乞歸以左庶子領南詞林得便道之家丁雅有山水癖別業東湖中若將終身焉甲戌起拜南國子祭酒時六館士多喜冶遊者丁令諸生什伍相保連坐竟丁無敢犯無何復移疾歸卧東湖日讀漆園書

又二年起少詹事兼侍讀學士領詞林未至陞太常寺卿管國子祭酒事明年陞禮部右侍郎兼官如故尋改左掌詹事進吏部充會典副總裁三品考滿陞禮部尚書兼文淵閣大學士入閣辦事時江陵新故丁與蒲坂吳門共事凡恤人橫政次第更始膏癯之帝所手一戈逐巨璫以俘於帝至是實贊巨璫之獄中外快之時浙兵大譟陵犯制府度不可解則峰屯而擾於市朝遣左司馬張佳胤以節鉞往過丁問計丁曰是窮獸也且致死爭且夕之命奈何以徒手搏之佳胤還問計將安出

輦前

卷之十四

七

光緒

丁曰聞河南人徐景星者有機略舊領此軍今失職符事衛門佳胤呼至校而南景星身居其間亟諭以禍福諸軍故信景星爲縛首事者諸軍門謝泉九人於市浙兵乃安皇子生加太子太保禮部尚書武英殿大學士蔭一子秘書居一歲從上定壽官加少保改戶部他官如故先是蒲坂以憂去吳門當國丁與祁門鑒前之務相矯者其存大體而江陵旣敗言者尚齟齬不已乃至言舜禹之事以搖上心楊大宰曰不可是欲於口語文字之間起大獄邪因覆奏語侵言者言者譁然

蘇楊爲使阿吳門就請斥罷於是申楊皆避位而祁門亦奮起爭之獨丁留閣中外不出一語侵言官而內爲上別白是不折退復上疏言申某許某皆名賢傾德臣不及遠甚二臣即去宜先罷臣且言官以發奸爲職大臣以國體爲重與其失奸毋寧重國言甚切至而

上亦自感悟趣下手札慰諭二輔臣而太宰亦復位議者謂丁以默止誰得大臣體尋以肺疾上疏乞休不許俄以雲南大捷錄運籌功加少傅建極殿大學士丁歸辭乞歸益力上固留不許走中官就問遣醫賜食物

輔弼

卷之十四

李本

九

相屬而丁竟不起計聞輟朝一日贈太保謚文敏賜祭葬視常數加等年五十有八丁素達生時奉養甚備所居一日必飭亭榭蒔花木以自娛善飲喜賓客常滿座非美故不廢絲竹平生不設城府與人多可少吝言輒披肝膽相示遇事輒任亦無成心長老言海上有金塘大樹諸山延袤百餘里今爲甌脫誠使人耕牧其中可資兵餉以寬內地丁曰諾以屬有司有司以爲擾民不可丁曰本爲利民而顧擾之諸君謂不可則不可耳其心無適莫類此婁江王相公錫爵諭之曰孔北海

謝太傅頗以嗜好流連取譏當時已而北海抗節漢庭名高泰山而太傅鎮安朝野勛烈尤著瓌璋寥廓之士安可以皮相哉余觀文敏之行雅近二君子而協輔明聖遭時太平何論北海即太傅亦安所見其功乎時以爲確論

吏部勅書建極殿大學士趙汝邁志阜

趙志高字汝邁蘭谿人清獻公朴之裔也父賢母張氏將生阜而夢日華繞室及生美如冠玉雙目炯炯異凡兒少遵父訓即知勤奮弱冠有聲黌序旋舉於鄉屢試

輔弼

卷之十四

四

沈

不售益發憤富於學戊辰成進士第一甲第三人授翰林院編修與修穆廟實錄陞侍讀神宗皇帝初政倚信江陵江陵以父喪奪情諸疏劾者皆脂激上怒廷杖竄無虛日而編修吳中行趙用賢復繼之旨未下臯糾同志者七人以至情大分面詰江陵冀遇吳趙之禍吳趙卒廷杖一切劾疏悉不付史局臯以執掌堅請之使不得秘江陵怒甚會星變察百僚遂出臯廣東按察司副使臯持法平恕吏民悅服間與名士徜徉山水間况味恬適若不知有簪紱者而江陵之怒未釋也幸

已例察京僚竟黜臯臯歸樂室清獻公祠旁自號六處主人枕石漱流爲終焉計明年而江陵死南北臺省交薦臯起爲解州同知陞南小太僕寺丞尋擢南國子司業歷右諭德掌南翰林院事改左諭德陞祭酒歲餘轉少詹事掌府事無何陞南吏部侍郎當是時高資已涖而宜蹟乍北午南意殊安之又歲餘改吏部左侍郎辛卯九月上特旨簡用陞禮部尚書兼東閣大學士與太倉王錫爵山陰王家屏同輔政而山陰旋去太倉復以省觀歸臯獨恭機密無何而寧夏將吏呼劉殺撫臣賴初

卷之十四 十一 沈慶堂

招套虜據堅城以叛魏總督學魯合諸鎮兵討之又無功上怒亟遣學魯下之獄臯薦葉巡撫憂熊代又請賜監軍御史梅國楨尚方劍誅不用命者三軍爭奮遂擒二賊寧夏平上御門受俘因召對臯從容請赦學魯上特爲末減而是時倭夷大發兵且暮攻朝鮮朝鮮告急臯決策遣將救援旋克平壤而倭創稍稍退此二變皆國家所不常有臯甫與政而遭兩遭之其經營亦艱矣已而太倉還朝會羣臣疏請立東官甚亟上乃下三王並封議臯累疏極言其不可並封之議遂

寢自是太倉謝政歸而臯爲首輔夙夜在公思竭股肱之力以答主知知無不言言無不盡雖時時逆耳不恤也兩官三股災每題覆竭誠勸上滌心修省以回天譴至開採之使四出臯累疏諫止若臺省部僚因言事激觸至杖斥貶竄者臯所以調護營救之者甚力上意亦時時爲之轉移卽不盡用其言未嘗不深知其忠愛也加官詹子寵賚日蕃臯頗慨然曰言不盡用矣關多矣奈何虛糜君恩以妨賢路不可則止吾茲決矣初朝鮮之役自克平壤倭方奪氣而食人沈惟敬者與倭通謬許封貢以誤本兵石星星懷甚既謬許惟敬遂不聽臯計封貢卒不成而倭遂復踰朝鮮上大怒下星於獄意始決戰廟筭方有次第而衆口罪星者因以告臯臯杜門謝政追我兵水陸破倭東事將平而臯病劇不可起乞歸彌懇上慰留亦彌篤章數十上不聽伏枕三載竟歿邸舍臨歿猶草奏請冊立罷礦稅簡閣臣用言官四事蓋臯歿而冊立東官召起沈歸德朱會稽卒用臯之言臯居鄉立朝一以誠確謹厚始終不替遇事直道而行胷中未嘗着恩怨二字當江陵氣橫

卷之十四 十一 沈慶堂

一世時，臯挺身折之，至困頓，靡悔。及臯佐天子而嗣，斂之者亦時交口爲橫語，臯非惟不以爲罪，且并其姓名忘之，其雅量爲不可及云。

吏部尚書中極殿大學士沈肩吾一貫

沈一貫字肩吾，鄞人也。自能言，父承之口授以書，輒成誦。稍長，手一編，不勸夏夜，辟蚊以兩足納甕中，冬常禦火達旦。十五補庠生，嘉靖辛酉舉於鄉，戊辰舉禮部第四人，廷試三甲，改庶吉士，讀書館中，授檢討。充纂修世廟實錄官，萬曆改元，復充纂修。穆廟實錄官，甲戌

輔弼

卷之十四

聖

光緒堂

主考會試，同事有以江陵子爲託者，貫曰：「某於閣卷，是祿臨之私，安敢曰相公功在社稷，錄其子不爲私？」貫曰：「所以糊名易書者，何？既知其人矣，謂非私，不可將出梅。同事者復請曰：『公不可得毋累吾輩。』」貫曰：「休矣，復相公第云。」沈生不可，且曰：「如有復我者，當鳴鼓於堂。」乃止。榜出，江陵爲佛然者久之。未幾，充經筵展書官，又充繙纂章奏官，而日講兼經筵之命隨下。故事，日講以正誼卿充，次亦坊局莫及史官者。時上方嚮學，無日不講，而先輩苦疲，故貫以後進充。貫素病羸，求解脫不得，是

蓋憐者，投之以艱，使自仆而隨之，以法然。貫尿管不怠，卒無有得其隙而乘之者。無何，以內艱去，服闋，起補講官，貫在經筵，必莊必習，目注聖襟，若欲排微而入者。

一日講至高宗諒陰，進諷曰：「托孤寄命，國家大事，必有忠貞不二心之臣，然後可使百官總已以聽，苟非其人，不若躬聽覽之爲大孝也。」江陵色功，壬午江陵卒，始陞左春坊中允，時爲史官已十年餘矣。尋陞右春坊諭德，進少詹事，兼侍讀學士，督禮部右侍郎，尋改吏部右佐銓，或謂易留意人才乎？曰：「上有太宰，下有選郎，吾加一

輔弼

卷之十四

聖

光緒堂

言未必益於彼，而見爲私故，不敢有探太宰所向者。曰：「太宰亦惟選司是依，書考是視耳，吾何知無何？太宰語貫，外人謂吾聽於選司，且吾欲用人而外輒預知者，何也？」貫曰：「昔江陵時有缺，十擬而十不符，此以衆擬擬者，更其法十擬而十符，此以江陵擬今用人而因衆安得不預知？凡選司所以敢行私者，自堂官始，堂官私一司官，且私十堂官，公同官毋敢不公，則聽於選司，乃至公也。太宰喜，未幾陞吏部左詞林佐銓，未有逾一年者，貫歷二年有奇，曰：『此熱地，可久居乎？』遂疏請覲親，以馳驛。

歸明年復起教習庶吉士再疏辭得請亡何而封公殘
告卹典於闕下賜封公及太淑人祭葬加等服闋起南
京禮部尚書馳疏辭不允尋改禮部尚書詹事府事又
馳疏辭不允遂命以禮部尚書兼東閣太學士入閣辦
事貫再馳疏辭不允遣行人敦促就道時倭寇入朝鮮
天子出師討之而石司馬星議以王封倭中用事者平
秀吉且陰許之貢貢途傳道於郵貫習其害聞而歎曰
是天下所安危也驅車而前以書布當事者必毋許
貢入朝又口陳之乃輒貢而第言封入閣未幾會甘延
輔朝

宋之十四
聖學
光啓
運捷加太子太保進武英殿大學士改戶部尚書給四
代誥蔭子秘書加柱國勲三辭不允乃受戊戌主會試
得顧起元等三百人多名士時朝鮮被倭未解也先是
封倭兩歲而所遣臨淮侯夜逃歸以他使往倭報成而
倭變上震怒下石星獄遣師征之貫上經理事宜謂
宜用古屯田法爲久計又言宜徵舟師自登萊入朝鮮
而開府於天津旅順間以總之然後舟師有統便上
聽之會倭再入朝鮮我戍者楊元升師走亡兩將朝鮮
王奔經理都御史楊鎬單騎赴之止王勿奔呼其國人

爲守計我師進倭退鎬方銳治兵耻言持重躬感倭將
清正於蔚山不克捷始言屯初鎬爲新建令有異才故
新建張公薦於朝墨衰爲經理而其去蔚山歸也遂以
終喪請新建與貫皆以書勉使就功而蘭谿趙相公實
左右石司馬始終言封不悞因圖去鎬鎬以新建及貫
書示贊畫丁應泰丁乃極奏閣臣不宜與閩臣通而鎬
失亡多皆當斬此時新建怨家又以他事激上怒
上逐鎬連新建顧獨心諒貫所以溫諭之者良厚貫稱
病篤不出蘭谿獨柄四閱月而痺閣中空無人上乃
輔初

宋之十四
聖學
光啓
強起貫乃出時遣給事徐觀瀾與應泰勸蔚山之亡失
士忿欲變蘭谿猶伏枕奏東師數敗宜蚤撤在廷錯愕
鮮言當戰者貫奉天子一意進剿議始定邢總督珣
起將軍劉綎等進兵於是倭爲我久屯食盡兵屢挫而
平秀吉亦斃於國欲還我師遂捨之與舟師陳璘夾擊
斬石曼子搜餘黨在諸島者盡殲之朝鮮平捷聞上
喜發帑寺十萬金犒犒而應泰復誣將帥用銀五千兩
買倭去無寸功悉宜徵下獄貫聞上言國家困於倭七
年治兵三年將士始奏功幾大賞班師歸國而故如應

奉言者則盡當誅夫誅之與賞遠矣無諭他可否卽此十萬人無望歸國禍安底耶且以全力爭朝鮮而云五千金買之去非理所宜有於是天子憬悟詔在廷議之廷議者三莫堅決貫草制曰罪宜從輕功疑從重其大賚將士以倭平詔天下而應泰觀瀾因歸里論功加少保蔭子中書貫辭曰臣不任罪亦不任功惟置臣身於事外可令將士之不盡酬者無怨言而側目時人亦心屈也竟無所受然其時東事雖竟上方與中尉炬析利事章數上奏不省於是閣權盡削貫乃慷慨誦先

郭郭

卷之十四

聖

光緒

以李化龍往征則無一兵獨恃土司以孤攻兇何裨實與兵部尚書田樂議徵天下兵益以土兵爲二十萬分八道攻之又以土司安氏與楊氏世姻相倚使郭子章巡撫貴州推心結納諭以大義使爲朝廷用母爲楊氏用又以萬里請事關下往反無及嘗與田樂及戶部尚書楊俊民調兵食預奏可行之而川貴使來適已行矣遂無俱軍興先是李總督亦以墨衰治事逆龍就繼而播平始允守制以巡撫郭子章代之適有言安疆臣恃前功冀後賞不可無裁者貫因奏當時定議總督裁之以法巡撫收之以恩而使安氏入掌中子章方以恩收之豈可遽裁之以法乎裁則生怨而開募使子章爲總督者勢不行矣上乃命王象乾總督而子章仍爲巡撫其後播界不明總督欲用兵誅安氏而子章難之雖天救此水西生靈總督以憂去卒安安氏亦貫之注意子章者素也亡何皮林苗叛復移師誅之苗平於是西南悉安矣當是時北虜款塞久土谷雲中無事而西則松虜海虜日跳梁於寧夏榆林甘肅洮岷之間貫飭將士以備禦而威虜以兵仍與虜約一歲恭順卽與

郭郭

卷之十四

聖

光緒

一歲市賞犯者必革由是北虜帖耳受約束而松山之侵疆亦復滇南暨廣東又時時奏功上屢以帷幄助加重賚悉辭不受嘗曰吾居揆地曠職多矣罪之不任而敢自以爲功乎時國本未定廷臣歲有請上亦歲有所施貫日從容爲上言露章至四十餘而密揭無算俄聞官中兩龍不相見見卽災以是爲諱乃言華封老人之祝堯欲多男子也我太祖有二十五子一百二十一孫而皇上未有一孫太是缺典聞官中有傳無端忌諱者不足信也太祖百二十一孫而身享萬壽未嘗疑子孫衆多以爲妨已也於是忌諱之疑始破又辨素問壯婚之語表長至輝珥之符引解縉題虎之詞舉七夕鵲橋之譬遇物則諷遇時則諷不直觸龍愛子之喻崇公姑姪之諱也上卒感動辛丑春移元子於迎禧宮然甚歷寂議者交欲姑順上心之所欲而先冠婚緩冊立臺省大集於貫所貫言先冠者奚冠太子冠乎諸王冠乎婚奚稱妃太子妃乎諸王妃乎婚於何所宮中乎諸王邸乎不正名而苟成事明降元子爲諸王不如仍稱長子猶有望也某則以爲微冠

莫婚微冊立莫冠三事一事不可難拆必正太子名冠太子冠妃太子妃而後禮成婚不可後則趣立矣官中幸未有難言者難言則吾將死爭之而忍導之乎自後賈戒羣臣無諱諱必不濟我則托股肱心膂之誼以異諫無忌也是歲八月貫又引既醉斯千之詩以諷言元子聰睿之性強壯之年血氣旣充天機默啓親父親子喘息相通不望之父而誰望者昔皇上之婚及時故毓皇子蚤然聖母已遣官四出致祈猶遲之也人情篤於愛子則必愛孫而愛曾孫也滋甚皇上爲元子大禮計過用必欲具儀文備珍寶以厚之而推念真情不如早脩伉儷之爲達孝皇上孝奉聖母朝夕起居備物盡禮而推念真情不如早遂合卺之爲承惟於是始得旨已勅禮部擇十月十五日具儀行矣而十一日又以冊寶未備傳諭改日貫封還上諭極諫曰此皇上最善慶事國家極重大典天地祖宗百神無不環拱以待寧獨萬方引領也而倏言改日則天下不謂所司不辦謂皇上生他端衆口沸蜩甚於疇昔而人心解體矣臣萬死不敢奉詔復言冊寶卽未備可

以黃箋檄代也。俟他日補之。未晚。於是上收改日之命而復急責大司農金錢。貫隨方調護之。得勿罪。十五日卒冊立。皇太子并封諸王。禮成而冊寶亦既具矣。覃恩加太子太傅。進建極殿。給誥命。廢子尚寶司丞。再辟。不允。乃受壬寅三月。上忽不豫。遽召貫入啓祥宮。暖閣。屬後事。貫受命出。謂諸監曰。主上神氣完。無慮。惟所諄諄命者。宜卽行之。俾天下歌聖德。祝萬壽。不可。以失今日。於是就文書房立擬旨。進且附奏。總成之。而言臣今夕宿朝房。以待是夜。得旨盡召中使還罷。曠輔弼。
卷之十四
聖 光啓堂

給事。上從之。純猶憾此兩人。求去不已。上格其章。純意貫陰主之。於是臺臣湯北京。康丕揚。因起攻貫。而南北之釁自此開矣。癸卯。楚事又起。先是楚宗華越有怨於王。許王與弟宣化俱非恭王胤。取他人子。祿而育。諸官者也。以其妻王氏爲証。事下部院。禮部郭侍郎武昌人。與王同城。爲越左袒。貫曰。此事所不可行者三。官闕暖昧。一年月久遠。二事體重大。三郭侍郎不聽。而歸德復助之。乃行撫按。勘問。勘至。僅具兩造詞。以聞。不敢決也。上命九卿科道雜治之。戶部尚書趙世卿。暨倉場尚書謝杰。極言楚王非假。臺臺數千言。乃禮部上會議疏。止括諸大臣指。不以全單進。又請令楚王釋國事。以他郡王攝之。蓋郭志也。給事楊應文。御史康丕揚。疑郭有私。各以疏劾。郭上章自辯。語侵貫。貫避不敢入。上謂楚王真假。何至三十年始發。而華越夫許妻証。不可信。令歸德擬旨。歸德擬令再勘。如部指。上命改票者三。終以不了之旨進。於是給事錢夢皋。極言詆郭。波及歸德。歸德亦避不敢出。山陰擬旨。乃言楚王非假。甚明。不必再勘。而楚事定矣。貫申前懇。引去。上敦諭始

出而怨有集以其間作蜚語危 東宮名曰續憂危竑
議大略謂 東宮之立非 上意終必易之詞涉賈與
山陰 上聞震怒急購所為妖書者并其黨立賞格逾
軍功於是偵校四出多所捕逮時敕生光已下詔獄治
而遊民沈令譽復執令譽者吳江人也提一藥囊徧遊
樵貴門行徑甚詭康御史跡捕之搜其裝得刑部郎于
玉立吏部郎王士騏手書蓋玉立起官山士騏而郭侍
郎為之地也又得楚王寶揭及華起副本於是人言籍
籍并以妖書擬令譽而郭與于王皆危矣是時郭侍郎
輔弼 朱之十四 光緒帝
以告歸留楊村未行令譽事發乃遣人之京刺之其人
以募人以晨出蒙首以幘偵校疑而執之亦下詔獄外
議悠悠有疑賈甘心於郭者賈乃疏言此書之情本為
傾臣等而發非敢犯上願緩之母使羅織臣等書生豈
以刑名為政若借此獄以快私仇與奸賊何異也於是
外議稍息諸大臣以此獄不結慮株連無已時固坐轍
生光以死而獄悉解乙巳以考察自陳不允既而有煩
言賈誼不復出會 皇長孫生賈維在告猶勸 上肆
大赦上 聖母徽號如元子生例時 聖母年正周甲

而因曾孫之慶請之亦以重 儲官定國帑登時政收
人心也於是罷礦使減稅課之半以給將作而民始悅
自後遽稱疾篤辭俸給絕書札盡謝閣事其時玉牒告
成河州獻捷並有恩命皆不受而比黨益急擊賈貫疏
凡八十上終不明傾害之由第言輔理無狀宜去病益
甚宜去始得旨聽養病回籍遣行人護行賜銀幣有加
禮濱行復上疏謝因陳十事一曰發章奏二曰補大僚
三曰備言官四曰釋繫囚五曰重邊事六曰罷稅使七
曰疏滯官八曰捐內帑九曰停殿工而終之以御經筵
輔弼 朱之十四 光緒帝
及 太子諸王講讀且曰臣荷高厚之恩無能為報惟
皇上採臣餘忠見之行事則紀綱復振政事復舉太平
可立致無難者臣雖去國猶賢於留時年已七十老而
懸車亦其所已賈居閣十有二年獨任者八年其所處
乃在官闈艱危之際海宇疹癘之秋勞心焦思唇舌幾
敝家人見其眉未嘗一日展也而卒能定大計靖大難
以無憂國家金甌豈非忠誠所致然哉以大度攝縉紳
以大德懷反側以大道通天下而密以正行不言所利
救朝鮮則云不利其一土一民誅播則云朝廷以誅逆

爲事不以閭土爲功勳立 東宮則云好事不可顯後
不可直做昔子房以四老人爲羽翼吾用此法以天下
爲羽翼朋黨相攻無所袒曰吾惟憂國奉公者拜手耳
何知同異身不敢護是非安能護人是非身不敢管名
級安能管人名級又曰吾生平不以舊知加新知今日
之新知即他日之舊知也不以私知加主上之知孰
非主上賜而顧小恩忘大恩又曰吾不能傾心於百
司而求上傾心於我則不恕又曰信而後諫不諫何
以著信以故閣中疏揭前後至千餘章或謂閣揭不宜

卷之十四

光緒堂

太多多則輕曰此有時焉往時不得不少今日不得不
多其後晉江福清相繼入閣視左史所記諸草井井具
劇成歎以爲不可及云既歸杜門却執絕口不譚時事
獨取所著易學一書歲刪定之以課子弟居家者九年
七十九歲卒訃聞上爲震悼賜祭九壇加四壇遣主
事顧起鳳管葬事易名之典閣中以文靖文恭請所著
陳善集六卷敬事草十九卷喙鳴文集二十一卷詩十
八卷易學若干卷老莊通若干卷彙編史論若干卷
吏部尚書文華殿大學士朱少欽廣

朱廣宇少欽山陰人父節泰州守母陸夫人將誕廣而
病羸姑徐慮甚方默禱起視兩炬橫豆如梁各吐蓮繒
者七奉州公大喜已而廣生丰神秀挺六歲喪母哀毀
如成人聞都講授人經義倚壁而聽竊了大旨即私自
結續諸名士爭指目以爲奇十七爲諸生領於庠嘉靖
辛酉舉鄉試隆慶戊辰成進士由庶吉士授編修與修
世廟實錄陞修撰復與修穆廟實錄陞侍讀充經筵
講官神宗皇帝方冲齡酷嗜學每聆廣開陳輒和顏
受之一日聞宮中娛情花石因講宋史花石綱極言羣
小乘勢騷奪害民甚大不可上退戒左右曰講官言

卷之十四

光緒堂

可畏以講讀勞晉左春坊左庶子兼侍讀學士掌翰林
院事未幾陞禮部右侍郎直日講如故尋轉左會有毒
官之役命廣往定規制司禮密傳上意欲倣永陵
制者廣陰令人丈地廣狹疏曰永陵廣八十一丈外
加方牆若干今必欲如制洩地氣不小請並外方牆用
八十一符聖祖九九數且昭陵在望而制不等恐
非所安長洲色動曰上諱言昭陵奈何獨新安
云此正與獻陵對同疏留中久之上密使人

地亡異竟得請人謂康斯舉無論省金錢亡筭所全主德亦其大改吏部左侍郎晉太子賓客陞禮部尚書兼翰林院學士入言閣臣曰時方春和計吏在庭某當以建儲力請不得如九卿如臺省以次進政府從中力贊其必有濟疏上會南都有請者訖言上引燭焚疏衆莫敢應廢再疏不報是日有旨選中官二千名廣疏言其害得減半俄奔繼母葉夫人喪歸尋故讀書東武山處建逍遙樓偃卧其中十有三年上念舊學以尚書兼東閣學士入閣辦事遣行人勸駕再辭不允至則備陳礦稅爲害至引唐玄宗宋徽宗爲戒詞甚切上優詔褒美時四明在告有以蜚語中歸德於四明者大中丞溫純疏言科臣姚文蔚道臣于永清爲間請黜此二人以正國體四明請去益力而大中丞持前議力爭之上以示廣廣奏曰元輔一貫都御史純皆大臣一有軒輊令兩臣俱不安上兩留之遂下中丞所糾臺省疏屬閣適歸德入視事議曰謫臺臣全總憲體足矣廣贊其議上從之明年楚事起四明方與江夏郭宗伯見互異未定而又有說言事謂上召拜廣意托廢名微

補初

卷之十四

七

光緒堂

示指株累多人上震怒甚遣中使慰勞廢爲伏地哭失聲上忿姦未得偵校四出時嗽生光已下詔獄治已忽捕醫士沈令譽得王銓部士駢于比部玉立夙與勞問書欲以姦書事坐令譽波及于王廢擬姦書付法司而以于王下部院上意不解促廢擬嚴旨廢第從姦書事改擬稍有加而于王事無涉竟從前擬廢曰大獄將典可奈何乃移書四明言甚具四明始從科道廷鞫論礫嗽生光事罷九月疏請釋逮繫華司理珏等十餘人於詔獄以考滿加太子太保文淵閣大學士廢一子中書舍人十一月工部據例請殿門工廣謂此嘉靖三殿故牒及十年兩宮成規今軍興旱潦所在若洗而所入礦稅原爲大工計者不得名一錢不此之請謾援往牒使皇上無以示信天下非所以光聖德乃具密揭進上覽之大悅遂傳旨緩工復令擬論進廢因備陳礦稅原爲大工信不可失乃下諭封礦所在稅課改有司徵以其半濟工蓋三日間上爲廢轉圜如此詔下海內歌舞更生矣是日以何州加恩三疏辭乙巳大計臺省被察者皆留南察疏至廢恐旨從中出不及

補初

卷之十四

七

光緒堂

諱具揭言不可狀。上已下南察疏傳諭臺省人少宜留。用廢極言壞。祖制滋煩。議臣死不敢奉詔封原。疏還。上竟從廢議。不復留。已又揭南察既幸改正。南北一體且制也。聽之去便。上復從廢請。於是諸臺省被察。竟無敢留者。衆譁始息。無何而稅監梁永誣咸陽令宋時際。咸寧令蒲朝薦。陵切稅銀有旨逮時際。降朝薦一級。廢揭言永單詞未可盡信。且調停詔旨。方新復逮。有司非所以一觀聽。於是時際免逮。朝薦得不失官。七月。四明罷歸。歸德亦奉旨去。廢以一人獨理閣務。首請。肅初
卷之十四
李光弼堂

釋御史賈學程罪。御史以語東事忤旨。繫請室五年。至是始釋。天下翕然歸廢。而御史亦謂廢實生我。丁未。當大計。以久疾杜門。固請簡用。閣臣不報。三月。以甘鎮捷加恩。不拜。復以病請。會長子敬循計至。哭之慟。再疏請簡閣僚。代垂死老臣。上惻然動念。從廷推拜東阿福清。晉江入內閣。起太倉於家。廼廷推之前。上嘗有恭默正思。故卜得人之旨。廢心慮旨從中出。疏請付廷推。廷推者五人。而晉江爲衆論不滿。已得旨遂被言。而漸波及廢。有衣鉢之疑矣。廢久卧病。以晉江福清初入閣。

勉起同事。先已定選館之條著爲令。及是止黔蜀用兵。所全活生靈無量。以一品滿進少保兼太子太保。改吏部尚書。文華殿大學士。廕一子中書舍人。會諸臺省多發四明楚事及蠶歸德併謂時三四言事者去國。廢似有意督過之。爲四明修郢言益紛紛。大半謂廢一去足以明志。而廢實病甚。惟顧天自白而已。亡何病卒。先是欲悉數時政叩關而請。及病篤。乃括其言以當尸諫。上優詔報可。廢及彌留。猶張目問曰。上意云何。額而謝者再。計聞震悼。賻卹備摯。贈太保。謚文懿。明例閣臣不叙邊功。然陽繆舜而卒拜者實繁。與同功不同罪。相蒙以誤。驅事者往往而是。廢自柄國來。甘肅加恩。舜皮林加恩。舜河州加恩。則又舜其識過人遠矣。穿人叢棘。有告以授者。輒曰不得之。上自廢在事。出華司理。又出賈侍御者數十人。使主上好生之德。洽於民心。海內苦礦稅如坐水火。廢在事。封礦并稅付有司去。其害過半。黔蜀交攻。迄無已時。廢疏請發兵使兩國不受鋒鏑。入官數十年。所入俸多以周諸族子。蕭然如寒素。若賈自謂可庶幾無憾矣。天下所不懷志於廢者。有謂遺

肅初
卷之十四
李光弼堂

佚在野未覩連茹有謂 天聽日遠未見轉聞有謂四
明舊轍跡涉回互嗟乎為相難以紹興繼寧波尤難不
嘗讀唐之茶史乎食茶者以苦語人不知惟食者知之
問以苦何如竟不能吐一語然則廣之心苦矣知其苦
者誰臨文撫卷不能不為之三歎

兩浙名賢錄卷之十四終

輔初

卷之十四

李

光緒堂

兩浙名賢錄卷十五目次

經濟

漢

丞相長史朱翁子買臣

尚書魏少英朗

大司農朱公偉偶

陳留相駱孝遠俊

三國吳

武陵太守鍾離子幹牧

附子安南將軍陸敬宗胤 子式 附

晉

衛將軍虞思與厚

散騎常侍孔君平坦 祖冲之 父侃 附

經濟目次

卷之十五

一

光緒堂

宋齊梁陳

散騎常侍孔休文奐

子紹忠 附

隋

治書侍御史陸仲通知命

唐

容州刺史厲文才

孫範 附 四世孫玄附

監察御史褚伯玉 珍

宋一

樞密副使孫元規

龍圖閣學士滕達道元發

龍圖閣學士顧子敦臨

集賢殿修撰唐士宣義問

龍圖閣學士陸介夫誥	安撫使姚延輝拜明	附
龍圖閣學士盧仲甫秉	光祿少卿沈存中括	
龍圖閣學士毛正仲漸	秘閣修撰陳季任楠	附
資政殿學士管元善	龍圖閣學士錢中道即	附
徽猷閣待制盧行之知原	弟法原附	
資政殿學士詹世安度		
寶文閣學士梁仲謀汝嘉	子叔玠季步	附
龍圖閣直學士宗汝霖澤	子穎附	
布衣倪文卿朴		
岳鄂安撫使成自圭無玷		

聖賢自不

卷之十五

二

光緒堂

兩浙名賢錄卷十五目次終

兩浙名賢錄卷之十五	東海徐象梅仲和氏譔	大易馮洪業茂遠氏閱
經濟	共四人	
漢		
丞相長史朱翁子買臣		
朱買臣字翁子會稽吳人家貧好讀書不治家產常賣薪給食負薪行輒讀書歌謳之其妻負戴相從數止買臣毋謳歌道中買臣愈疾歌妻羞之遂求去已而買臣		
經濟	卷之十五	一
請長安上書是時同邑嚴助已貴幸薦買臣召見說春秋楚辭帝其悅之亦拜爲中大夫與助俱侍中俾難誑丞相弘時東粵數反覆買臣上言故東越王居保泉山一人守險千人不得上今聞東越王南徙去泉山五百里居大澤中今發兵浮海直指泉山陳舟列兵席卷南行可破滅乃拜爲會稽太守上曰富貴不歸故鄉如衣錦夜行今子何如買臣頓首謝詔買臣到郡治樓船備糧食水戰具須詔書軍到與俱進初買臣免待詔常從會稽守邸者寄食及拜太守買臣衣故衣懷其印綬步		

郡邸直上計時會稽吏方相與擊飲買臣入室中守邸與共食少見其綬守邸怪之前引其綬視其印會稽太守章也守邸驚出語上計掾吏皆醉大呼曰妄誕爾其故人素輕買臣者入內視之還走疾呼曰實然座中驚駭白守丞相推排陳列庭中拜謁買臣徐出戶有頃長安厩吏乘駟馬車來迎遂乘傳去入吳界見其故妻夫治道買臣駐車呼令後車載其去妻到太守舍置園中給食之妻媿自經死買臣居郡歲餘將兵擊破東粵帝壯其功徵為主爵都尉坐事免復起為丞相長史

經齊

卷之十五

三

光緒堂

與御史大夫湯有怨告湯陰事湯自殺上亦誅買臣歸葬故里其子山拊官至右扶風

尚書魏少英朗

魏朗字少英會稽上虞人也少為縣吏兄為鄉人所殺朗白曰操刀報仇於縣中遂亡命到陳國從博士邵仲信學春秋圖緯又詣太學受五經京師長者李膺之徒爭從之初辟司徒府再遷彭城令時中官子弟為相國多行非法朗與更相章奏幸臣忿疾欲中之會九真賊起乃共薦朗為九真都尉到官獎厲吏兵討破羣賊斬

首二千級桓帝美其功徵拜議郎頃之遷尚書屢陳便宜有所補益出為河內太守政稱三河表尚書令陳蕃薦朗公忠亮直宜在機密復徵為尚書會被竊議免歸家朗性矜嚴閉門整法度家人不見情容後賓武等誅以黨被急徵行至牛渚自殺著書數篇號魏子

大司農朱公偉傳

朱儁字公偉會稽上虞人也少孤母販繒為業儁以孝養著名為縣門下書佐好義輕財鄉閭重之本縣長山陽度尚薦於太守章毅稍歷郡職後太守尹端以儁為主簿熹平二年端坐計賊許昭失利為州所奏罪應弃市儁乃麻服間行輕齎數百金到京師賂主章吏遂得刊定州奏故端得輸作左校端喜於降免而不知其由儁亦終無所言後太守徐珪舉儁孝廉再遷闕陵令政有異能為東海相所表會交趾部羣賊並起牧守輒弱不能禁又交趾賊梁龍等萬餘人與南海太守孔芝反叛攻破郡邑即拜儁交趾刺史令過本郡簡募家兵及所調合五千人分從兩道而入既到州界按甲不前先遣使詣郡觀賊虛實宣揚威德以震動其心既而與七

經齊

卷之十五

三

光緒堂

郡兵俱進逼之遂斬梁龍降者以萬計旬月盡定以功封都亭侯徵爲諫議大夫及黃巾起公卿多薦儁有才略拜爲右中郎將持節與左中郎將皇甫嵩討潁川汝南陳國諸賊悉破平之進封西鄉侯遷鎮賊中郎將時南陽黃巾張曼成起兵稱神上使衆數萬殺郡守褚貢屯宛下太守秦頡擊殺曼成賊更以趙弘爲帥衆浸盛遂十餘萬據宛城儁與荊州刺史徐璆及秦頡合兵萬八千人圍弘自六月至八月不拔有司奏欲徵儁司空張溫上疏曰昔秦用白起燕任樂毅皆曠年歷載乃能克敵儁討潁川已有功效引師南指方略已設臨軍易將兵家所忌宜假日月責其成功靈帝乃止儁因急擊弘斬之賊餘帥韓忠復據宛拒儁儁兵少不敵乃張圍結壘起土山以臨城內因鳴鼓攻其西南賊悉衆赴之儁自將精卒五千掩其東北乘城而入忠乃退保小城惶懼乞降司馬張超及徐璆秦頡皆聽之儁曰兵有彩同而勢異者昔秦項之際民無定主故實附以勸來耳今海內一統惟黃巾造寇納降無以勸善討之足以懲惡今若受之更開逆意賊利則進戰鈍則乞降縱敵長

經

卷之十五

內

光緒

寇非良計也因急攻連戰不克儁登山望之顧謂張超曰賊今外圍周固內營逼急乞降不受欲出不得所以死戰萬人一心猶不可當况十萬乎其害甚矣不如撤圍并兵入城忠見圍解勢必自出自出則意散易破之道也旣而解圍忠果出戰儁因擊大破之乘勝逐北數十里斬首萬餘級忠等遂降餘衆解散遣使持節拜儁右車騎將軍振旅還京師以爲光祿大夫增邑五千更封錢唐侯母喪起復拜將作大匠少府太僕自黃巾賊後復有黑山黃龍白波等賊大者二三萬小者六七千賊帥常山人張燕輕勇趨捷軍中號曰飛燕善得士卒心衆至百萬號黑山賊河北諸郡縣並被其害已而漸寇河內逼近京師於是出儁爲河內太守將家兵擊却之復拜光祿大夫轉屯騎尋拜城門校尉河南尹時董卓擅政以儁宿將外其親納而心實忌之及關東兵盛卓懼數請公卿會議徙都長安儁輒止之卓雖惡儁異已然貪其名重乃表遷太僕以爲已副使者拜儁辭不肯受因曰國家西遷必孤天下之望以成山東之舉臣不見其可也使者詰曰召君受拜而君拒之不問

經

卷之十五

五

光緒

從事而君陳之其故何也。傷曰：「剛相國非臣所堪也。還都計事非所急也。」辭所不堪，言所非急，臣之宜也。使者曰：「還都之事，不聞其計，就有未露，何所承受？」傷曰：「相國董卓，具為臣說，所以知耳。使者不能屈由，是止不為副。」卓後入關，留傷守洛陽，而傷與山東諸將通謀為內應。既而懼為卓所襲，乃奔官奔荊州，移書州郡請討卓。徐州刺史陶謙遣精兵三千，徐州郡稍有所給。謙乃上傷行車騎將軍。董卓聞之，使李傕郭汜等數萬人屯河內，拒傷。傷自知兵寡，不敢留關下，不復前已。而董卓被誅，傷作亂。傷時猶在中牟，陶謙以傷名，臣數有戰功，可委以大事。乃與諸豪傑共推傷為太師，因移檄牧伯，同討李傕等。奉迎天子。會李傕用太尉周忠尚書賈詡策，徵傷入朝。軍吏皆憚入關，欲應陶謙等。傷曰：「以君召臣，義不侯駕。」況天子詔乎？且傕汜小豎，樊桐庸兒，無他遠略。又勢力相敵，變難必作。吾棄其間，大事可濟。遂辭謙讓，而就傕。徵復為太僕。謙等遂罷。初平四年，代周忠為太尉，錄尚書事。復行驃騎將軍，持節領關東。未發，會李傕殺樊稠，而郭汜又自疑，與傕相攻。長安中亂，故

傷止不出，留拜大司農。獻帝詔傷與太尉楊彪等十餘人，譬郭汜令與傕和。汜不肯，遂留質傷等。傷素剛，即日發病卒。

陳留相駱孝遠俊

駱俊字孝遠，義烏人。察孝廉，補尚書郎。擢拜陳留相。時袁術僭號，盜起，俊保疆境，賊不敢犯。百姓安業，歲入豐盈。京抵櫛比，天下時方糜沸，百姓如在水火中。陳留獨不受兵，焚飢荒之苦。隣郡餓者多，襁負而至。俊傾資賑贍，多所全活。民育子者，厚遺米肉。所生子多，以駱為名。

後術眾飢，遣使求糧。俊曰：「爾為盜，則可。吾以糧齎盜，則不可。拒絕，不與術。」大怒，密起兵襲下。陳留遂被殺。百姓聞之，皆奔走號泣。子統仕吳，為偏將軍，封新陽亭侯。自有傳。

三國吳 共四人

武陵太守鍾離子幹牧 子希附

鍾離牧字子幹，山陰人。漢魯相意七世孫也。少爰居永興，躬自墾田種稻，二十餘畝。臨熟，縣民有識認之。牧曰：「本以田荒故墾之耳。」遂以稻與縣人。縣長聞之，召民禁

獄欲繩以法牧爲之請長曰君慕承官自行義事僕爲
民主當以法率下何得寢公憲而從君邪牧曰此是郡
界緣君意顧故來暫住今以少稻而殺此民何心復留
遂出裝還山陰長自往止之爲釋繫民民慙懼率妻子
春所取稻得六十斛米送還牧牧閉門不受民輸置道
傍莫有取者牧由此發名赤烏五年從郎中補太子輔
義都尉遷南海太守時高梁賊率仍督等破略百姓殘
害吏民牧越界撲討旬日降服又揭陽縣賊率魯夏等
數千人歷十餘年以疾爵雜續千匹下書購募絕不可

經書

卷之十五

八

光緒堂

得牧遣使慰譬登皆首服自改爲良民始與太守羊衡
與太常滕胤書曰鍾離子幹吾昔知之不熟近見其在
南海恩威部伍智勇分明加操行清純有古人之風其
見貴如此在郡四年還爲丞相長史轉司直遷中書令
會建安鄱陽新都三郡山民作亂出牧爲監軍使者討
平之賊率黃亂常俱等出其部伍以克兵役封秦亭侯
拜越騎校尉永安六年蜀并於魏武陵五谿夷與蜀接
界時論懼其叛亂乃以牧爲平魏將軍領武陵太守往
之郡魏遣漢髮縣長郭純試守武陵太守率涪陵民入

蜀遷陵界屯於赤沙誘致諸夷邑君或起應純又進攻
酉陽縣郡中震懼牧問朝吏曰西蜀傾覆邊境見侵何
以禦之皆對曰今二縣山險諸夷阻兵不可以軍驚擾
驚擾則諸夷盤結宜以漸安可遣恩信吏宣教慰勞牧
曰不然外境內侵誑誘人民當及其根柢未深而撲取
之此救火貴速之勢也勅外趣嚴掾史沮議者便行軍
法撫夷將軍高尚說牧曰昔潘太常督兵五萬然後以
討五谿夷耳又是時劉氏連和諸夷率化今旣無往日
之援而郭純已據遷陵明府以三千兵深入尚未見其
利也牧曰非常之事何得循舊卽率所領晨夜進道緣
山險行垂二千里從塞上斬惡民懷異心者魁帥百餘
人及其支黨凡千餘級純等散五谿平遷公安督陽武
將軍封都鄉侯徙濡須督復以前將軍假節領武陵太
守卒官家無餘財士民思之子禕嗣代領兵

經書

卷之十五

九

光緒堂

安南將軍陸敬宗胤子式附

陸胤字敬宗左丞相凱之弟也始爲御史尚書選育郎
太子和聞其名待以殊禮會全寄楊竺等阿附魯王嗣
與和分爭陰相讒構胤坐收下獄楚毒備至終無他辭

後爲衛陽督軍都尉時交趾九真夷賊攻沒城邑交部騷動拜胤交州刺史安南校尉胤入南界喻以恩信務崇招納高涼渠帥黃吳等反黨三千餘家皆出降引軍而南重宣至誠遣以財幣賊帥百餘人民五萬餘家深幽不羈莫不稽顙交域清泰就加安南將軍復討蒼梧建陵賊破之前後出兵八千餘人以克軍用永安元年徵爲西陵督封都亭侯轉左虎林中書丞華嚴表薦胤曰胤天安聰明才通行潔昔歷選官遺跡可紀還在交州奉宣朝恩流民歸附海隅肅清蒼梧南海歲有舊風

經濟 卷之十五 十 尤碧堂

障氣之害風則折木飛砂轉石氣則霧鬱飛鳥不經自胤至州風氣絕息商旅平行民無疾疫田稼豐稔州治臨海海流秋醖胤又畜水民得甘食惠風橫被化感人神遂憑天威招合遺散至被詔書當出民感其恩以忘戀土負老携幼甘心景從衆無携貳不煩兵衛自諸將合衆皆脅之以威未有如胤結以恩信者也銜命在州十有餘年賓帶殊俗寶玩所生而內無粉黛附珠之妾家無文甲犀象之珍方之今臣實難多得宜在輦轂股肱王室以贊唐虞康哉之頌江邊任輕不盡其才虎林

遐督堪之者衆若召還都寵以上司則天工畢修庶績咸熙矣胤卒子式嗣爲柴桑督揚武將軍天策二年與從兄禧俱徙建安天紀二年召還建業復將軍侯如故

晉共四人

衛將軍虞思與潭 父忠附

虞潭字思與吳騎都尉翻之孫父忠仕宜都太守吳之亡也堅壁不降遂死之潭清貞有操州辟從事舉秀才大司馬齊王冏請爲祭酒除祁鄉令徙醴陵值張昌作亂郡縣多從之潭獨起兵斬昌別率鄧穆等襄陽太守華恢上潭領建平太守以疾固辭遂周旋征討以軍功賜爵都亭侯陳敏反潭東下討敏弟讚於江州廣州刺史王矩上潭領廬陵太守綏撫荒餘咸得其所轉南康太守進爵東鄉侯華被元帝徵使討江州刺史華軼潭至廬陵會軼已平而湘川賊杜弢據盛江州刺史衛展上潭并領安成太守時甘卓屯宜陽爲弢所逼潭進軍救卓卓上潭領長沙太守固辭不就王敦叛潭爲湘東太守復以疾辭弢平復元帝召補丞相軍容祭酒轉琅邪國中尉以疾告歸會王含沈亮等攻逼京都潭遂於

經濟 卷之十五 十 尤碧堂

本縣招合宗人及郡中大姓共起義兵衆以萬數自假明威將軍乃進赴國難至上虞明帝手詔潭爲冠軍將軍領會稽內史潭卽受命義旅雲集時有野鷹飛集屋梁衆咸懼潭曰舉大義而剛鷲之鳥來集破賊必矣遣長史孔坦追躡克潭次於西陵爲坦後繼會克已擒罷兵徵拜尚書尋補右衛將軍加散騎常侍成帝卽位出爲吳興太守加輔國將軍以討克功進爵零陵縣侯蘇峻反加潭督三吳晉陵宣城義興五郡軍事會王師敗績大駕過遷潭勢弱不能獨振乃固守以俟四方之舉

經齊 卷之十五 主 光緒堂

會陶侃等下潭與郗鑒王舒協同義舉侃等假潭節監揚州浙江西軍事潭率衆與諸軍并勢東西犄角遣督護沈尹距管商於吳縣爲商所敗潭自貶還節尋峻平以母老去官還餘姚詔轉鎮國將軍吳國內史復徙會稽內史未發復還吳都以前後功進爵武昌縣侯邑一千六百戶是時軍荒之後百姓飢饉死亡塗地潭乃表出倉米賑救之又修滬瀆壘以防海抄百姓賴之咸康中進衛將軍潭貌雄和弱而內堅明有膽決雖屢統軍旅而無有傾敗母憂服闋以侍中衛將軍徵既至拜右

光祿大夫開府儀同三司侍中如故年九十七卒於位追贈左光祿大夫開府侍中如故謚曰孝烈孫嘯父從子駿自有傳

散騎常侍孔君平坦 祖冲父侃附

孔坦字君平祖冲丹陽太守父侃大司農坦少方直有雅望通左氏傳解屬文元帝爲晉王以坦爲世子文學東宮建補太子舍人遷尚書郎時臺郎初到普加策試帝手策問曰吳興徐馥爲賊殺郡將令應舉孝廉不坦對曰四凶不相及殛鯀而興禹徐馥爲賊何妨一郡之賢又問奸臣賊子弑君汚官諸宅莫大之惡也鄉舊廢四科今何所依坦曰季平子逐魯昭公豈可廢仲尼也竟不能屈時典客令萬默領諸胡胡人相誣朝廷疑默有所偏助將加大辟坦獨不署由是被譴遂弃官歸會稽久之除領軍司馬未赴會王敦反與右衛將軍虞潭俱在會稽起義而討沈克事平始就職揚州刺史王導請爲別駕咸和初遷尚書左丞深爲臺中之敬憚尋屬蘇峻反坦與司徒司馬陶回白王導曰及峻未至宜急斷阜陵之界守江西當利諸口彼少我衆一戰決矣若

經齊 卷之十五 主 光緒堂

峻未至可往逼其城今不先往峻必先至先人有奪人
之功時不可失導然之虞亮以爲脫峻徑來是襲朝廷
虛也故計不行峻遂破姑熟取塩米亮方悔之坦謂人
曰暗峻之勢必破臺城自非戰士不須我服既而臺城
陷戎服者多死白衣者無他時人稱其先見及峻挾天
子幸石頭坦奔陶侃侃引爲長史時侃等夜築白石臺
至曉而成聞峻軍嚴聲咸懼來攻坦曰不然若峻攻臺
必須東北風急令我水軍不得往救今天清靜賊必不
動決遣軍出江乘掠京口以東矣果如所籌時都臺鎮
京口侃等各以兵會既至坦議以爲本不應須召鄰公
遂使東門無限今宜遣還雖晚猶勝不也侃等猶疑坦
固爭甚切始令鑿還據京口遣郭默屯大業又令驍將
李閔曹統周光與默并力賊勢遂分卒如坦計峻平以
坦爲吳興太守自陳吳參贊豪而坦年少未宜臨之乃
遷吳興內史封晉陵男加建威將軍以歲飢運家米以
賑窮乏百姓賴之坐事免尋拜侍中時成帝每幸丞相
王導府拜導妻曹氏有同家人坦每切諫及帝既加元
服猶委政王導坦每發憤以國事爲已憂嘗從容言於

帝曰陛下春秋以長聖教日躋宜博納朝臣諮諏善道
由是忤導出爲廷尉快快不悅以疾去職加散騎常侍
遷尚書未拜疾篤庾亮省之乃流涕坦慨然曰大丈夫
將終不問安國寧家之術乃作兒女子相問耶水深謝
焉臨終與庾亮書曰不謂疾苦遂至頓弊自省縣縣奄
忽無日修短命也將何所悲但以身任名沒朝恩不報
所懷未叙卽命多恨耳足下以元舅之尊居方伯之重
抗威顧盼名震天下橫掃之佐常願下風使九服式叙
四海一統封京觀於中原反紫極於華壤足宿昔之所
味詠慷慨之本誠矣今中道而斃豈不惜哉若死而有
靈潛聽風烈俄辛年五十一追贈光祿勳謚曰簡
肅齊梁陳 共二人
散騎常侍孔休文 子紹忠附
孔奐字休文山陰人數歲而孤爲叔父虔孫所養好學
善屬文沛國劉顯以博學稱每深相歎美執其手曰昔
伯喈墳素悉與仲宜吾當希彼蔡君足下無媿王氏所
保書籍尋以相付仕梁爲尚書儀曹侍郎侯景陷建業
朝士並被拘繫或薦奐於賊率侯子鑒乃脫桎梏厚遇

之令掌書記時子鑒景之腹心朝士莫不卑屈與無所下或諫與曰不宜高抗與曰吾性命有在豈有取媚囚醜以求全乎時賊徒剝掠子女徇逼士庶與保持得全者甚衆及景平司徒王僧辨先下辟書引爲左曹掾梁元帝於荊州卽位徵與及沈炯僧辨累表請留之帝手勅報曰孔沈二士今且借公其爲朝廷所重如此時侯景初平每事草創憲章故事無復存者與博物強識甄明故實問無不知儀注體式殘書表翰皆出於與陳武帝作相除司徒左長史遷給事黃門侍郎齊遣東方

吏治

卷之十五

七

光緒堂

老蕭軌來寇四方壅隔糧運不繼三軍取給唯在都下乃除與建康令武帝起日決戰乃令與多管麥飯以荷葉裹之一宿之間得數萬裹軍人旦食訖盡弃其餘因而決戰大破賊武帝受禪遷太子中庶子永定三年出守晉陵晉陵自宋齊以來爲大郡雖經寇擾猶爲全實前後二千石多行侵暴與清白自守妻子並不之官唯以單騎臨任所得秩俸隨在分贍孤寡郡中號曰神君曲阿富人幾緡見與居處儉素乃餉以衣履一具與曰太守身居美祿何爲而難辦此但百姓未周不容獨享

溫飽勞卿厚意幸勿爲煩文帝卽位徵爲御史中丞與性剛直多所糾劾朝廷甚敬憚之又達於政體每所奏未嘗不稱善百司滯事皆付咨決遷散騎常侍領步兵校尉中書舍人尋爲主兵尚書時文帝不豫臺閣事事並令僕射到仲舉與共決文帝嘗謂與等曰今三方鼎峙宜須長君朕欲近則晉成遠隆殷法卿等須遵此意與乃流涕歎歎跪而對曰陛下御膳遠和痊復非久皇太子春秋鼎盛聖德日躋廢立之事臣不敢聞帝曰古之遺直今見之卿乃拜與爲太子詹事廢帝卽位除

經術

卷之十五

七

光緒堂

國子祭酒出爲尋陽太守行江州事宣帝卽位召拜吏部尚書加侍中時有事比邊冠復准酒封賞叙用紛紜重疊與應接引進門無停賓加以鑒別人物詳練百氏凡所甄拔衣冠縉紳莫不悅服性耿介絕請託雖儲副之尊公侯之重溺情相及終不爲屈始與王叔陵之在湘州累諷有司固求台鉉與曰哀章本以德舉未必皇枝因抗言於宣帝帝曰始與那忽望公且朕兒爲公須臾在都陽王後與曰臣之所見亦如聖肯後主時在東宮欲以江總爲太子詹事令管記陸瑜言之與與曰江有

潘陸之華而無園綯之實輔弼儲貳竊謂非材後主深
以爲恨乃自言於宣帝卒以總爲詹事由是忤旨初後
主欲官其私寵微諷於吳興不從及左僕射陸膳遷職
宣帝欲用吳代膳已草詔訖後主抑遂不行未幾改弘
範官衛尉卒年七十五有集十五卷彈文四卷子紹忠
字孝揚亦有才學位太子洗馬都陽東曹掾

隋 凡一人

治書侍御史陸仲通知命

陸知命字仲通吳郡富春人也父敷陳散騎常侍知命

經齊

卷之十五

太

光緒堂

性好奇學通識大體以貞介自持釋褐陳始興王行恭軍
後遷太學博士南嶽正及陳滅歸於家會高智慧等作
亂於江左晉王廣鎮江都以其三吳之望召令諷諭反
者知命說下賊十七城得其渠帥陳正緒蕭恩行等三
百餘人以功拜儀同三司賜以田宅復用其弟恪爲沂
陽令知命以恪非百里才上表陳讓朝廷許之時見天
下一統知命勸高祖都洛陽因上太平頌以諷焉文多
不載數年不得調詣朝廷上表請使高麗臣聞聖人當
宸物色留楚匹夫奔踉或陳狂瞽伏願暫輟旒纓覽臣

所謁昔軒轅馭曆旣緩夙沙之誅虞舜埒圖猶稽有苗
之伐陛下當百代之末膺千載之期四海廓清三邊底
定唯高麗小豎狼顧燕垂王度舍弘每懷邊養者良由
惡殺好生欲諭之以德也臣請以一節宣示王風使彼
君臣面縛關下書奏天子異之歲餘授普寧鎮將人或
言其正直者由是待詔於御史臺煬帝嗣位拜治書侍
御史侃然正色爲百僚所憚帝甚敬之時齊王暕頗驕
縱驪近小人知命劾奏暕竟得罪百僚震慄遠東之役
爲東曉道受降卒於師年六十七贈御史大夫

經齊

卷之十五

五

光緒堂

唐 共四人

容州刺史厲文才 孫乾曜四世孫玄附

厲文才東陽人貞觀初爲道州刺史是時南土未靖
滿之寇猖獗屠斫人民焚燒城邑一方震動文才臨郡
卅月設奇禽斬羣盜悉平威愛被於遠邇改容州刺史
容人聞之鼓舞惟呼曰厲道州來吾屬得恃矣文才下
車悉心撫字不暮年而痼瘵生色赫衣革心夜無吠犬
民皆稱之曰厲父未幾辭歸鄉里好山水之遊卒孫乾
曜高簡有祖風烈四世孫玄舉進士歷官監察御史

監察御史褚伯玉瑒

褚瑒字伯玉錢唐人尚書僕射遂良之角孫也擢進士第累拜監察御史裏行簪筆柱下凜然有搏擊鷹鷂之志權貴爲之脅息先天中突厥圍北庭詔瑒持節監總督諸將瑒指授方略一戰大破之追奔逐北數十里幽獲過當捷聞玄宗大喜遷侍御史拜禮部員外郎氣象凝挺不減在臺

宋一 共二十三人

樞密副使孫元規

孫元

卷之十五

辛

光緒堂

孫元字元規會稽人中進士第補趙州司理參軍跌宕自放不守士節然材猛過人後以秘書丞爲監察御史裏行言事切直黜知衡山縣道上書言時事再貶永州監酒移知處州復爲監察御史再知楚州所在皆著能績召爲右正言論事益有直名時宰相呂夷簡求罷仁宗優詔弗許元奏陛下自召夷簡還之大名人秉朝政於茲三年不更一事以姑息爲安以避諂爲右西州將帥累以敗聞契丹無厭乘此求賂兵殘貨勃天下空竭刺史牧牛十不得一法令變易士民嗟怨隆盛之基忽

至於此比契丹復盟西夏款塞公卿忻忻日望太平若因此振紀綱修廢墜選賢任能節用養兵則景德祥符之風復見於今矣若恬然不顧遂以爲安臣恐土崩瓦解不可復救而夷簡意謂四方已寧百度已正欲因病默默而去無一言啓沃上心別白賢不肯雖盡南山之竹不足以書其罪也書聞帝不之罪議者喜其蹇切居兩月以禮部郎中爲環慶路都總管安撫經略使知慶州元昊死諸將欲乘其隙大舉滅之元曰乘危代喪非中國體三司所給特支物惡而估高軍士有語優人因經濟

卷之十五

辛

光緒堂

戲及之元曰此朝廷特賜何敢妄言動衆命斬之將佐爭言此特戲爾不足深罪也元徐呼還杖脊配嶺南謂之曰汝賴戲我前卽私議動衆汝必死而告者超遷矣明日給特支士無敢譁者凡三知慶州邊人服其能遷樞密直學士會京東多盜乃出知徐州明購賞嚴誅罰盜遂止徙知秦州時儂智高反元入見帝以秦事勉之對曰臣雖老然秦州不足煩聖慮陛下當以嶺南爲憂也明日官軍以敗聞帝謂元有先見以元爲嶺南路安撫使以便宜從事元請益發騎兵且增選偏裨二十八

人求武庫精甲五千參知政事梁適折之曰毋張皇汚
日前日惟無備故至此今指期滅賊非可以僥倖勝乃
欲示鎮靜邪夫實不至而貌爲鎮靜危亡之道也居二
日促行才與兵七百汚憂賊度嶺而北乃檄湖南北曰
大兵且至其繕治營壘多具宴犒賊疑不敢比侵會遣
狄青爲宣撫使與青會青與智高戰歸仁鋪智高敗走
青還汚留治後事遷給事中及還帝問勞解御帶賜之
以知杭州至南京召爲樞密副使契丹使請觀太廟樂
汚折之曰廟樂皆歌咏祖宗功德使人如能留助吾祭

經

卷之廿五

主

光緒堂

乃可親使者不敢復請張貴妃薨追冊爲皇后命汚讀
冊故事正后翰林學士讀冊汚既陳不可用宰相護喪
且曰陛下若以臣汚讀冊則可以樞密副使讀冊則不
可遂求罷職以資政殿學士知杭州又徙并州已而諫
官奏汚諸淫縱不法事按驗有跡責寧國節度副使會
覃恩以禮部侍郎致仕英宗卽位遷戶部帝與執政議
守邊者難其人參知政事歐陽脩奏孫汚向守環慶養
練士卒招撫蕃夷恩信最著今雖七十心力不衰聞
曾以罪廢然宜棄瑕使過遂起爲資政殿學士知河中

又徙知延慶道卒年七十一贈兵部尚書謹威敏
龍圖閣學士滕達道元發

滕元發初名甫字元發以避高魯王諱改字爲名而更
字達道娶之東陽人將生之夕母夢虎行月中墮其室
性豪雋慷慨不拘小節九歲能賦詩范仲淹見而奇之
舉進士第二授大理評事通判湖州孫汚守杭見而異
之曰奇才也後當爲賢將授以治劇守邊之略召試爲
集賢校理同修起居注神宗卽位召問治亂之道對曰
治亂之道如黑白東西所以變色易位者朋黨汨之耳
神宗曰卿知君子小人之黨乎曰君子無黨辟之草木
網繆相附者必蔓草非松柏也朝廷無朋黨雖中主可
以濟不然雖上聖亦殆神宗以爲名言進知諫院拜御
史中丞神宗謂樞密綏州且與薛向發諸路兵環慶保安
俱出剽掠夏人誘殺將官楊定元發上疏極言諫祚已
納款不當失信邊隙一開兵連民敝必爲內憂又中書
樞密制邊事多不合中書賞戰功而樞密降約束樞密
詰修堡而中書降褒詔元發言戰守大事也而異同如
是願勅二府同而後下京師地震元發上疏指陳致災

經

卷之十五

主

光緒堂

之由大臣不悅出知秦州神宗曰秦州非朕意也留不遣河北地大震命元發爲安撫使時城舍多圯吏民懼壓皆輟寢爰舍元發獨寢屋下曰屋摧民死吾當以身同之瘞死食飢比道遂安除翰林學士知開封府夏國主秉常被篡元發言繼遷死時李氏幾不立矣當時大臣不能分建諸豪乃以全地王之至今爲患今秉常失位諸將爭權天以此遺陛下若再失此時悔將無及請擇立一賢將假以重權使經營分裂之可不勞而定此百年之計也神宗奇其策然不果用元發在神宗前論

經

卷之十五

帝

光緒堂

事如家人父子言無文飾洞見肝膈神宗知其誠蓋事無巨細人無親疎輒皆問之元發隨事解答不少嫌隱時王安石方立新法天下洶洶恐元發有言神宗信之也因事以翰林侍讀學士出知鄆州徙定州初入郡卽言新法之害歷青州應天府齊鄧二州會歸黨李逢爲述或因以擠之黜爲池州流落且十歲再貶筠州或以爲復有後命元發談笑自若曰天知吾直上知吾忠吾何憂哉遂上章自訟有曰棄羊無功謗書滿篋卽登河罪毀言日聞神宗覽之惻然卽以爲湖州哲宗卽位除

龍圖閣直學士復知鄆州學生食不給民有爭公田二十年不決者元發曰學無食而以良田飽頑民乎乃請以爲學田遂絕其訟時淮南京東飢元發慮流民且至將蒸爲癘疫先度城外廢營地召諭富室使出力爲厠屋一夕成二千五百間井竈器用皆具民至如歸所全活五萬徙真定又徙太原元發治邊凜然威行西北號稱名帥河東十二將其八以備西邊分半番休元發至之八月邊遽來告請八將皆防秋元發曰夏若併兵犯我雖八將不敵若其不來四將足矣卒遣更休防將懼

經

卷之十五

主

光緒堂

扣閣門爭之元發指其頸曰吾已舍此矣頭可斷兵不可出是歲塞上無風塵警詔以四砦賜夏人葭蘆在河東元發請先畫境而後棄且曰取城易棄城難命部將皆虎領兵護邊夏不敢近夏旣得砦又欲以綏德城爲說畫境出二十里外元發曰是一舉而失百里必不可九上章爭之以老力求淮南乃爲龍圖閣學士知揚州未至卒年七十一贈左銀青光祿大夫謚曰章敏

龍圖閣學士顧子敦臨

顧臨字子敦會稽人通經學長於訓詁皇祐中舉說書

科爲國子監直講遷館閣校勘同知禮院神宗以臨喜
論兵詔編武經要略且召臨問兵對曰兵以仁義爲本
動靜之機安危所繫不可輕也因條十事以獻出樞
南轉運判官提舉常平議事戾執政意罷歸元祐二年
擢給事中朝廷方事回河拜臨天章閣待制河北都轉
運使於是翰林學士蘇軾等言臨資性方正學有根本
慷慨中立無所回撓自處東省封駁議論凜然有古人
之風僥倖之流側目畏憚忽去朝廷衆所嗟惜宜留置
左右以補缺遺別遣深知河事者往使河北不報臨至
經齊

卷之十五

主 沈碧堂

部請因河勢回使東流復以給事中召還歷刑兵吏三
部侍郎兼侍讀爲翰林學士紹定初以龍圖閣學士知
定州徙應天河南府中人梁惟簡坐營事宜仁太后得
罪過洛轉運使郭茂恂徇時宰意劾臨與之宴集奪職
知欽州又以附會黨人斥饒州居住卒年七十二

集賢殿修撰唐士宜義問

唐義問字士宜參知政事介之次子博學善文詞鎮屬
試禮部用舉者召試秘閣父介引嫌罷之熙寧中辟西
京轉運司管勾文字神宗覽本道章奏知義問所爲以

其名訪輔臣因黃好謙領使事諭之曰唐義問風力強
敏行且用矣可面詔之尋以爲司農管當公事方行手
實法所在騷然義問言今造簿甫二歲民不堪命不宜
復收會從魯孝寬使河東還奏事記利害綱目於笏帝
取而熟視之歷舉以問應折如流帝喜曰朕知卿非今
日也擢湖南轉運判官一路敷免役錢又分戶五等儲
其美爲別賦號家力錢義問奏除之移使京西時陝西
大舉兵多亡卒所至成聚義問請令諸官自陳給券續
食人以爲便會有不悅之者免歸元祐中起知齊州提

經齊

卷之十五

主 沈碧堂

縣京東刑獄河北轉運副使屬邑尉因捕盜誤遺火盜
逸去民家被焚訟尉故縱火郡守執尉抑使服義問辨
出之方早而雨進集賢殿修撰帥荆南請廢渠陽諸砦
蠻楊晟秀斷之以叛即拜湖北轉運使討降之復砦爲
州進直龍圖閣以集賢殿修撰知廣州章惇秉政治奔
渠陽罪貶舒州團練副使後七年復故官知穎昌府卒
龍圖閣直學士陸介夫說

陸說字介夫餘杭人進士起家簽書北京判官貝州亂
給事不乏加集賢校理通判秦州范祥城古澗說主餽

餉具言非中國所恃而勞師屯戍且生事既而諸羌果
怒爭塞下大擾經二歲乃定進吏部南甯提點開封縣
鎮威平龍驤軍皆故羣盜牢廩不時得毆蒞給官還營
不自安大校柴元煽使亂詔詵往視許元以不死命取
始禍者自贖衆皆帖然徙湖南北轉運使進集賢殿修
撰知桂州奏言邕去桂十八驛異時經畧使未嘗行飭
武備臣願得一往使羣蠻知省大將號令因以聲震南
交詔可詵遂至邕州集左右江四十五峒首詣麾下閱
簡工丁五萬補置將吏更鑄印給之軍聲益張交人滋
懼

經市
卷之十五
宋
光碧堂

蘇恭遣使入貢召爲天章閣待制知諫院命張田代之
英宗戒以毋得輒改詵法道除知延州促入覲帝勞之
曰卿在嶺外施設無不當者卿廷最當敵要今當何先
聖曰邊事難以逾度未審陛下欲安靜耶將威之耶帝
曰七抵邊陲當安靜昨王素爲朕言唯朝廷與帥臣意
如此至如諸將無不貪功生事者卿謂何如詵曰素言
是也諒祚寇慶州以敗還聲言益發人膽且出幾舜復
攻圍大順城詵謂由積習致然不稍加折銷則國威不
立乃留止請時服使者及歲賜而移宥州問故帝喜曰

固知詵能辦此諒祚聞之大沮盤旋不敢入乃報言邊
吏擅興兵今誅之矣始因詵謝罪共貢職銀州監軍鬼
名山與其國隙扣青澗城主种諤求內附諤以狀聞遂
欲因取河南地詵曰數萬之衆納土容可受兵但以舉
足情僞才可知且安所置之戒諤毋妄動諤持之力詵
召諤問狀與轉運使薛向議撫納詵言名山誠能據橫
山以扞敵我以刺史世封之便自爲守固爲中國之利
今無益我而輕啓西彙非計也乃畫三策令幕府張穆
之入奏而穆之陰受向指詵言必可成神宗意詵不協
力徙知秦鳳諤遂發兵取綏州詵欲理諤不稟節制之
狀未及而徙詵曉見帝請奔綏州而上諤罪帝愈不釋
罷知晉州既諤抵罪向與穆之皆坐貶以詵知真定改
龍圖閣學士知成都青苗法出詵言蜀民刀耕火種民
常不足今省稅科折已重其民輕侈不爲儲積倘歲儉
不能償通通陷之死地願罷四路使者詔獨置成都府
一路熙寧三年卒年五十九

安撫使姚廷輝舜明子宏附

姚舜明字廷輝陳人舉進士累官河東經略安撫使宜

和初睦寇連陷杭處等六州時舜明知婺州方之任城
已被圍遂招集士卒突圍入城引兵出戰賊衆奔潰時
賊將洪載據處州復計降其衆四十餘萬欽宗卽位遷
監察御史僞楚之變舜明挺節不汚高宗時除知江州
劇賊李成擁衆至城下接戰又平之人謂舜明貌然孤
墨制賊橫潰使不轉入東南其功居多累階中大夫文
安縣開國男贈太師所著有詩文十卷奏章三卷補楚
辭一卷子宏寬憲寬憲自有傳宏字令聲少有才名呂
頤浩薦爲剛定官調江山令適歲旱有巡檢自言能以
經濟

卷之十五

手 光碧堂

死獄中

龍圖閣直學士盧仲甫乘

盧秉字仲甫光祿卿革之子未冠有雋譽嘗謁蔣堂坐
池亭堂曰亭治粗適恨林木未就耳秉曰亭沼如爵位
時來或有之林木非培植根株弗成大比士大夫立名
節也堂賞味其言曰吾子必爲佳器中進士甲科調吉
州推官青州掌書記知開封府倉庾參軍浮沉州縣二
十年人無知者王安石方置條例司預選奉使淮浙治

監法與薛向究索利病出本錢業鬻海之民咸不得私
鬻還奏遂爲定制進制置發運副使東南飢詔損上供
米價以糴秉言價雖賤貧者終艱得錢請但償糴本而
以其餘賑贍先是發運使多獻餘羨以希恩寵秉言職
在董督六路財賦以時上之安得羨今稱羨者率正數
也請自是罷獻獨以七十萬緡償三司通加集賢殿修
撰知渭州五路大出兵西討惟涇原有功進實文閣待
制夏境胡盧川距塞二百里恃險遠不設備秉遣將姚
麟彭孫襲擊之俘斬萬計遷龍圖閣直學士夏酋仁多
寇丁舉國入寇犯熙河定西城秉治兵瓦亭分兩將駐
靜邊砦指夏人來路曰吾遲明坐待捷報矣及明界至
見宋師驚曰天降也縱擊之皆奔潰或言崑丁已死有
識其衣服者諸將請以聞秉曰幕府上功患不實吾敢
以疑似成欺乎他日物色之崑丁果死詔褒賜馬服金
幣且使上所獲器甲秉守邊久父革年老乞歸移知湖
州行三日復召還涓慰籍優渥革聞亦以義止其議已
而革疾亟乃得歸元祐元年知荊南劉安世論其行植
法庠民降待制提舉洞霄官卒

經濟

卷之十五

手 光碧堂

光祿寺少卿沈存中摺

沈括字存中，建之從弟，初以父任爲沐陽簿。疏沐水爲百渠九堰，以播節源，委得上田七千頃，擢進士第。歷遷太子中允，提舉司天監，日官多市井庸販，法象圖器大抵皆漫不知，括始置渾儀景表五臺，浮漏擬衛朴造新曆，募天下上太史占書雜用士人分方技爲五科，遷太常丞，同修起居注。時大籍民車，人未諭縣官意，相挺爲憂，又市易司患蜀鹽之不禁，欲盡實私井，而輦解池鹽言者論二事如織，皆不省。帝以問括曰：「卿知籍車乎？」曰：

經齊

卷之十五

聖

光祿堂

知之。帝曰：「何如？」對曰：「敢問欲何用？」帝曰：「北邊以馬取勝，非車不足以賞之；曰車戰之利，見於歷世，然古人所謂兵車者，輕車也。五御折旋，利於捷速。今之民間輜車，重大日不能三十里，故世謂之太平車，但可施於無事之日爾。帝喜曰：「人言無及此者，朕當思之。」遂問蜀鹽事。對曰：「一切實私井而運解鹽，使一出於官售，誠善。然患甚，戎道間夷界小井尤多，不可猝絕也。勢須刻候加警，臣恐得不足償費。」帝頷之。明日二事俱寢，擢知制誥兼通進銀臺司，遠蕭禧來理河東黃嵬地，留館不肯辭，曰：「必

得請而後反。帝遣括往聘，括詣樞密院，閱故牘，得頃歲所議疆地書，指古長城爲境，今所爭蓋三十里。遠表諭之，召對。帝喜曰：「大臣殊不究本末，幾誤國事。」命以圖示。禧禮議始屈，括至契丹庭，契丹相楊益戒來就議，括得地訟之，籍數十，預使吏士誦之，益戒有所問，則顧吏舉以答。他日復問，亦如之，益戒無以應，謾曰：「數里之地，不忍而輕絕好乎？」括曰：「師直爲壯，曲爲老。今北朝弃先君之大信，以威用其民，非我朝之不利也。凡六食契丹知，不可奪舍黃嵬，而以大池請括乃還，在道圖其山川險

經齊

卷之十五

聖

光祿堂

易迂直，風俗之淳龐，人情之向背，爲使契丹圖抄上之。拜翰林學士，權三司使，爲蔡確所惡，以集賢院學士出知宣州，改延州至鎮，悉以別賜錢爲酒，命歷市良家子，馳射角勝，有軼羣之能者，自起酌酒以勞之。邊人驩激，執弓傳矢，惟恐不得遲。越歲，得徽札，超乘者千餘人，皆補中軍。義從威聲雄他府，以副總管神譚西討，功加龍圖閣學士。朝廷出宿衛之師來戍，賞賚至再，而不及鎮。兵括以爲衛兵，雖重而無歲不戰者，鎮兵也。今不均，若是且召亂，乃載勅書而矯制，賜楮錢數萬，以驛聞詔報。

之曰此右府領行之失非卿察事機必擾軍政自是事
不暇請者皆得專之番漢將士自皇城使以降許承制
補授諤師次五原值大雪糧餉不繼致直劉歸仁率衆
南奔士卒二萬人皆潰入塞居民怖駭括出東郊得奔
者數十人伴問曰副總管遣汝歸取糧主者爲何人曰
在後卽諭令各歸屯及暮至者八百旬日潰卒盡還括
出接兵歸仁至括曰汝歸取糧何以不持軍符歸仁不
能對斬以徇坐永樂之失謫均州團練使徙秀州尋以
光祿少卿分司居潤卒年六十五括博學善屬文於天

經濟

卷之十五

雷

光碧堂

直龍圖閣毛正仲漸

毛漸字正仲衢之江山人第進士知寧鄉縣熙寧經理
五溪漸條利害以上察訪使使者委以區畫遂建新化
安化二縣漸用是得著作佐郎知安化縣召爲司農丞
元祐初知高郵軍遷廣東轉運判官渠陽蠻擾邊近臣
言漸習知蠻事徙荆湖北路轉運判官時朝廷議弃地

漸曰蠻獍昨服不常非稍威以兵未易懷德今一犯邊
卽弃地非計也不報渠陽既弃蠻復大入抄掠覆官軍
荆土爲大擾歷提點江西刑獄江東兩浙轉運副使浙
部水溢詔賜緡錢二百萬以賑之漸言數州被害卽捐
二百萬倘仍歲如之將何以繼乃索錢氏有國時故事
起長安堰至鹽官徹清水浦入於海開無錫運泰河武
進廟堂港常熟疏涇梅里入大江又開崑山七耳茜涇
下張諸浦東北道吳江開大盈顧漣柘湖下金山小官
浦以入海自是水不爲患加集賢校理人爲吏部右司
郎中以秘閣校理爲陝西轉運使攝渭秦熙三州未幾
復攝帥涇原日夜治兵乘夏人犯邊遣將擣其虛遂破
沒烟砦進直龍圖閣知渭州命下卒年五十九贈龍圖
閣待制

秘閣修撰陳季任倫孫觀附

陳楠字季任平陽人自幼莊重以上舍貢辟雍政和廷
對第三人授文林郎冀州兵曹改太學正遷博士歷校
書著作卽出爲福建提刑防秋卒以糧不滿望罷卽臣
柳公公受生合官民奔潰闔城震駭楠單騎入賊壘

中諭以祿賦氣沮不敢動第邀椅奏帥臣自變而叛將有彈壓功乃肯解甲桶詭從其請問道馳奏以前奏不實待罪朝廷嘉其知變釋之叛兵既調行乃道中追殺二十餘人一方以安改浙西提刑召爲起居舍人出知泉州改台州未上除太常少卿遷禮部侍郎坐議大禮不合與吳表臣俱罷未幾除京西帥珍均房叛卒加秘閣修撰徙廣東帥卒於官贈中奉大夫孫覲字來東以祖蔭授浙東幹辦中宏詞科知全州以最除禮部郎秘書少監兼中書舍人坐不肯草蕪思且節度使制忤

經

卷之十五

辛

光緒堂

資政殿學士管元善師仁

管師仁字元善龍泉人中進士策通判澧州知建昌有善政擢右正言左司諫時河北濱棧諸州歲被水患民流未復租賦故在師仁請悉蠲減以緩徠之一方賴其賜遷起居郎中書舍人給事中工部侍郎進刑部尚書以樞密直學士知定州時承平百餘年邊備不整而遽橫使再至爲西人請侵疆朝廷詔師仁設備至則下令

增陴浚渰繕緝甲冑僚吏懼不知所裁師仁預爲計度一日而舉衆十萬轉盼迄成外間無知者於是日與賓客燕集以示閒暇使敵不疑帝手書詔獎激召爲吏部尚書俄同知樞密院才兩月病拜資政殿學士佑神觀使卒年六十五贈正奉大夫

龍圖閣學士錢中道即

錢即字中道吳越王諸孫也第進士爲睦州推官部使者有獄在衢啖即以薦牘使往治即曰吾寧老冗選中豈忍以數十人易一薦乎至則平反之辟鄰廷幕府陞

經

卷之十五

辛

光緒堂

陝西轉運判官王師俊銀州轉餉最嚴宗召對問曰靈武可取乎對曰夏人去來飄忽不能持久是其所短然其民皆兵居不糜飲食動不勤轉餉願勅邊臣先爲不可勝以待寡庶可得志帝曰大砦泉可取否對曰是所謂瀚海也臣聞其地皆馬肉無水泉或以飲馬口鼻皆裂正得之無所用帝然之除直龍圖閣知慶州至鎮塞安邊城歸德堡包地萬頃縱畊其中歲得粟數十萬徙知延安府加集賢殿修撰進顯謨閣直學士在延五年童貫宣撫陝西得便宜行事時長安百物踴貴錢幣益

輕貫欲力平之。計司承望風旨。取市價率減什四。違者重寘於法。民至罷市。又行均糴法。賤入民粟而高金帛。估以償。下至蕃兵射士之授田者。咸被抑配。關內騷然。幾於生變。即屢抗章極陳其害。貶永州團練副使。然遷官亦寢。數月。還待制。知興仁府。徙太原。以童貫宣撫本道。辭不許。居二年。以疾提舉洞霄宮。復直學士。晁冠作。起知宣州。即自力上道。至則悉意應軍。須貫上其功。進龍圖閣學士。貫遂引為河北河東參謀。以老固辭。乃轉正奉大夫致仕。卒。贈金紫光祿大夫。謚曰忠定。

經濟

卷之十五

宋

光緒堂

徽猷閣待制盧行之知原

弟法原附

盧知原字行之。潯州德清人。以父任知歙縣。累遷梓州路轉運副使。時承平既久。戎備皆弛。知原招補兵籍。築城亘二十餘里。提點京東刑獄。改江西轉運副使。過關入秦。徽宗勉之曰。卿在蜀道。功效甚休。遂賜三品服。先是綱運阻於重江。吏卒並緣為姦。知原悉意經理。故先諸道上京師。進一官。尋除秘閣修撰。提舉河北。以論罷。高宗即位。復龍圖閣。知温州。時葉濃陷建州。楊勛陷建州。知原繕甲兵。增城浹。聲勢隱然。帝東幸。知原由海。

道轉粟及金。繒十餘萬。擢右文殿修撰。管內安撫使。在郡四年。民繪像祠之。改徽猷閣待制。知臨安府。奉祠卒。弟法原字立之。自知雍丘縣。歷遷司農卿。為吏部尚書。以官秩次第。屢歷總為一書。功過最開卷。瞭然。吏不能欺。坐王黼累罷。紹興元年。張浚承旨。起知夔州。尋進端明殿學士。川陝宜撫副使。金人攻關輔。叛將史斌。陷興州。諸郡多應者。法原命諸將堅壁。言戰者斬。衆以為怯。未幾。河東經制使王燾。以乏食。班師。法原開閬。納之。與燾隔。破賊。燾復興州。方巨盜克斤。秦隴叛兵。欲窺蜀。法原極意拊循。嚴為備禦。傳檄諸路。人心稍安。視山川險阻。分地置將。自洮良至階成。關師古主之。屯通川。文龜至威茂。劉錡主之。屯巴西。前後屢捷。上所倚重。會兀朮攻閬。為吳玠所敗。法原與吳玠不睦。玠因奏功。訟法原不濟師。不餽糧。不銓錄立功將士。帝手詔詰問。法原自辯。甚力。上頗不直之。憂恚卒於軍。始法原為川陝宜撫使。上從容謂知原曰。朕方以川陝付法原。蓋兄弟皆以材見。稱於世。故並用之也。

資政殿大學士唐世安度

詹度字世安縉雲人翰林學士駱之孫以世實入官宜和中爲燕山路公奏郭藥師不可信任改帥中山兵精糧足戰守有餘殿則繕樓櫓治器械日引士卒拔石超距以爲戲或蹲甲以射試其巧拙而殿最之士卒皆拳勇超捷無不一當百賊或一踐其地皆應機摧殲屹然爲北方雄障欽宗御書獎之曰爾秉節不移嬰城固守能出奇策屢挫賊鋒昔張許之守睢陽二顏之守朔郡不足爲卿道除資政殿大學士封信國公藥師果叛如度言

經

卷之十五

學

光緒

寶文閣學士梁仲謀汝嘉

子叔玠李玠孫鏞附

梁汝嘉字仲謀麗水人以外祖太宰何執中任入官調中山府司議曹事建炎初知常州武進縣時金人入汴高宗南渡至常州守倅俱遁獨汝嘉濟築防守就除通判提舉浙西常平會駐蹕臨安由轉運判官知臨安府上而官闕次而三省六部百司庶府以至周廬于列一時辦集遂成雄都御札褒美遷戶部侍郎移躡建康除隨軍轉運使扈駕以行歷守平江明溫台婺宜鼎諸郡皆有能聲初言金人難與和親及東京留守孟庾不可

任因忤執政意進權戶部尚書而諷言者彈之未幾金

果背約孟庾卒以東京降如其言終寶文閣學士右通

議大夫致仕追贈少師縉雲郡公家居隣郡學捐地基

以創齋廡初在戶部時朝議以國用不足欲拘刷郡縣

養士餘糧以助軍需汝嘉奏言學校者風化之源不可

一日廢也昔漢光武中興授文講藝今國家軍旅艱難

留神學校甚盛德也然學校之設必有以爲養士之資

請申飭有司凡膳學錢糧不得輒更拘刷上可其奏子

叔玠知郴州李玠歷官江西提舉終吏部侍郎江西俗

經

卷之十五

學

光緒

多不舉子玠爲創慈幼院置田收養所至惜帑不妄

廢幣入外不名一錢行部恐擾州縣不宿驛邸常曰吾

以清白遺子孫丞相謝深甫每稱之曰真廉吏也子鏞

朝散大夫知興國軍

龍圖閣學士宗汝霖澤

子頴附

宗澤字汝霖婺州義烏人自幼豪爽有大志登元祐六

年進士第調大名館陶尉呂惠卿帥鄆綏徽澤與邑令

視河埽微至澤適喪子奉檄遽行惠卿聞之曰可謂國

爾忘家者辟爲屬辟調晉州趙城令下車請升縣爲軍

不報澤曰承平時固無慮。宅日有警當知吾言。改通判
登州。朝廷遣使由登州結女真盟。海上謀夾攻契丹。澤
語所親曰。天下自此多事矣。退居東陽。結廬山谷間。靖
康元年。薦假宗正少卿。克和議使。澤奏使名不正。請改
計議。衆謂澤剛方不屈。恐害和議。止不往。命知磁州。時
太原失守。官兩河者幸託故不行。澤曰。食祿而避難。不
可也。即日單車就道。從羸卒十餘人。至則繕城壁。浚隄
池。治器械。募義勇。始爲固守不移之計。上言。邢銘磁趙
相五州各蓄精兵三萬人。敵攻一郡。則四郡皆應。是一

卷之十五

聖 光澤堂

郡之兵常有十萬人。上嘉之。除河北義兵都總管。金人
破真定。引兵南取慶源。自李固渡渡河。恐澤兵躡其後。
遣數千騎直扣磁州城下。澤援甲登城。令壯士以神臂
弓射走之。開門縱擊。斬首數百級。所獲羊馬金帛悉以
犒將士。康王再使金。行至磁。澤迎謁曰。肅王一去不返。
今敵又詭辭以致大王。願勿行。王遂回相。有詔以澤爲
副元帥。從王起兵入援。澤言宜急會兵李固渡。斷敵歸
路。衆不從。乃自將兵趨渡。遇北兵。該兩翼夾擊。大破
之。金人既敗。乃留兵分屯。澤遣壯士夜擣其軍。破三十

餘砦。時康王開大元帥府。檄與會大名澤。履水渡河。見
王。謂京城受圍日久。入援不可緩。會欽宗遣賁蠟書至。
言和議可成。澤曰。金人狡諂。是欲欺我師。爾君父之望
人援。何啻飢渴宜急引兵直趨汴。漏次第進。壘以解京
城之圍。萬一敵有異謀。則吾兵已在城下。汪伯彥等難
之。勸王遣澤先行。自是澤不得預府中謀議矣。二年正
月。澤至開德。十三戰皆捷。金人攻開德。澤遣孔彥威與
戰。敗之。澤度金人必犯濮。先遣二千騎往援。金人果至。
又敗之。金人復向開德。檀延孔彥威合兵夾擊。又大

經

卷之十五

聖 光澤堂

敗之。澤進至衛南。先驅云。前有敵營。澤揮衆直前。轉戰
而東。敵臨生兵。王孝忠戰死。前後皆敵壘。澤下令曰。今
日進退等死。不可不從。死中求生。士卒知必死。無不一
當百。斬首數千級。金人大敗。退却數十里。澤計敵衆十
倍於我。一戰而卻。勢必復來。使悉其鐵騎夜襲吾軍。則
危矣。乃募徙其軍。金人夜至。得空營。大驚。自是憚澤不
敢復出。澤聞金人逼二帝北行。即提軍趨滑。走黎陽。至
大名。欲徑渡河。據金人歸路。邀還二帝。而勤王之兵卒
無一至者。因累表勸進。康王卽位於南京。澤入見。涕泗

交厥陳興復大計時與李綱同入對相見論國事慷慨
流涕綱奇之上欲留澤潛善等沮之除龍圖閣學士知
襄陽府時金人有割地之議澤上疏曰天下者太祖太
宗之天下陛下當兢兢業業思傳之萬世奈何遽議割
河之東西又議割陝之蒲解乎自金人再至朝廷未嘗
命一將出一師但聞姦邪之臣朝進一言以告和暮入
一說以乞盟終致二聖北遷宗社蒙耻臣意陛下赫然
震怒大明黜陟以再造王室今卽位四十日矣未聞有
大號令但見刑部指揮不得騰播赦文於河之東西陝
之蒲解者是視天下忠義之氣而自絕其民也臣雖驚
怯願躬冒矢石爲諸將先澤時年已六十九矣開封尹
閻李綱薦澤徙知開封府時敵騎留屯河上金鼓之聲
日夕相聞而京城樓櫓盡廢民兵雜居盜賊縱橫澤首
捕誅合賊者數人下令曰爲盜者賊無輕重並從軍法
由是盜賊屏息民賴以安王善者河東巨寇也擁衆七
十萬車萬乘欲據京城澤單騎馳至善營泣謂之曰朝
廷當危難之時使有如公一二輩豈復有敵患乎今日
乃汝立功之秋不可失也善感泣曰敢不效力遂解甲

綱濟

卷之十五

綱

光緒堂

降時有楊進號浚角牛兵三十萬王再興李貴王大郎
等各擁衆數千往來京西淮南河南北侵掠爲患澤皆
遣人悉招降之金遣人以使爲楚爲名至開封澤曰此
名爲使而實覘我也拘其人乞斬之有詔延至別館澤
曰國家承平二百年不識兵革以敵國誕設爲可憑信
不惟不嚴攻討之計其有實欲鼓舞思敵所佩之士
大夫不以爲狂則以爲妄致有前日之禍今金人假使
僞楚來覘虛實臣愚乞斬之以破其奸而陛下惑於人
言今延置別館優加禮遇臣愚不敢奉詔以彰國弱上
乃親札諭澤竟縱遣之真定懷衛間敵兵甚盛澤浚河
約諸將共議事宜以圖收復而於京城四壁各置使以
領招集之兵又據形勢立堅壁二十四所於城外沿河
鱗次爲連珠砦連結河東河北山水岩忠義民兵於是
陝西京東西諸路人馬咸願聽澤節制矣秉義郎岳飛
犯法將刑澤見奇之曰此將材也會金人攻汜水澤以
五百騎授飛使立功贖罪飛大敗金人而還陞飛爲統
制飛由是知名澤視師河北還上疏言陛下尚留南都
道路籍籍咸以爲陛下舍宗廟朝廷使社稷無依生靈

綱濟

卷之十五

綱

光緒堂

失所仰戴陛下宜亟回汴京以慰元元之心不報復抗疏言國家結好金人欲以息民卒之刼略侵奪靡所不至是守和議果不足以息民也當時固有阿意順旨以叨富貴者亦有不相諛隨以獲罪疾者陛下觀之惜實貴者爲是乎獲罪疾者爲是乎今之言還幸者猶前之言和議爲可行者也今之言不可還者猶前日之言和議爲不可行者也惟陛下熟思而審用之且京師二百年積累之基業陛下奈何輕弃以遺敵人乎詔遣官迎奉六宮往金陵澤上疏曰京師天下腹心也兩河離喪

經術 卷之十五 光緒堂

一臂之不信爾今遽欲棄之非惟一臂之弗廖且并其腹心而弃之矣又條上五事其一言黃潛善汪伯彥贊南幸之非澤前後建議經從三省樞密院輒爲潛善等所抑每見澤奏疏皆笑以爲狂金將兀朮將渡河謀攻汴京諸將爭先請斷河梁嚴兵自固澤笑曰去冬金騎直來正坐斷河梁耳乃命步將劉衍趙滑劉達趙鄭以分敵勢戒諸將竭力保護河梁以俟大兵之集金人聞之夜斷河梁遁去二年金人自鄭抵白沙去汴京密邇都人震恐僚屬入問計澤方對客圍棋笑曰

何事張惶劉衍等在外必能禦賊乃選精騎數千使繞出敵後伏其歸路金人方與衍戰伏兵起前後夾擊之金人果敗粘罕據西京與澤相持澤遣步將李景良關中立郭俊民領兵趨鄭遇敵大戰中立死之俊民降景良遣去澤捕得景良語之曰不勝罪可恕私自逃是無主將也斬其首以徇既而俊民與金將史姓者及燕人何仲祖等持書來招澤數俊民曰汝失利死尚爲忠義鬼今反爲金人持書相誘何面目見我乎斬之謂史曰我受此土有死而已汝爲人將不能以死敵我乃欲以

經術 卷之十五 光緒堂

冠女子語誘我乎亦斬之謂仲祖本吾宋人脇從而來豈出得已解縛而縱之諸將皆服山東盜起執政謂其多以義師爲名請下令止勤王澤疏曰自敵圍京城忠義之士憤懣爭奮廣之東西湖之南北福建江淮越千里爭先勤王當時大臣無遠識大略不能撫而用之使之飢餓困窮今河東不從賊自保山峇者不知其幾諸處節義之夫自黔其面而爭先救駕者復不知其幾此詔一出臣恐草澤之士一旦解體倉卒有急誰復有忠效義之心哉王策本遠首爲金將往來河上澤擒之

經濟

卷之十五

宋

光緒堂

解糾生堂上爲言契丹本宋兄弟之國今女真辱吾主
又滅而國義當協謀雪耻策感泣因是盡得敵之虛實
遂決計大舉先是澤在磁以趙世龍爲中軍將澤去磁
以州事付李侃及金人圖磁急世龍乃與郭進謀殺侃
以通判趙子節權知州事至是世龍與其弟世興將三
千人歸澤世龍入拜澤詰之曰河北陷沒而吾宋法今
上下之分亦陷沒乎命斬之時衆兵露刃於庭世興佩
刀侍側左右皆懼澤徐語世興曰汝兄犯法當誅汝能
奮志立功足以雪耻世興感泣會滑州報至澤謂世興
曰試爲我取滑州世興欣然受命遂得州以歸時有降
寇趙海者屯板橋輒塹路以阻行人芻者人人過其壘
海怒而鬻之覘事者以告澤澤遣人召海海以甲士五
百自衛而入澤方對客海具狀卽械送獄客曰彼甲士
甚衆姑徐之澤笑謂其次將曰領衆還營明日誅汝於
市見者皆懷統制官楊進屯城南王善屯城北二人不
相下各率所部相拒於天津橋澤出片紙以諭之曰爲
國之心固如是耶當戰陣立功時勝負自見何自苦爲
二人相視慙沮而退澤威聲日著北方聞其名甚尊憚

經濟

卷之十五

宋

光緒堂

之言必稱宗爺爺時契丹九州人日有歸中國者澤選
契丹漢兒自近諭以共滅金賊刷君父之耻卽給資糧
遣之賜以公憑埃官軍渡河爲信又爲榜文散示陷沒
州縣爲公據付中國被虜河北之人澤謂人曰事可舉
矣埃回鑒當以身先故請歸京尤力辛卯金人分道渡
河詔遣統制韓世忠主管侍衛閻勅率所部迎敵命宗
澤遣本司統制官楊進等援之澤卽上奏曰臣欲乘此
暑月遣王彥等取懷衛滑相等州遣王再興等自鄭州
直趨陵寢馬廣等自大名取洛相其定楊進王善丁進
李貴等各以所領兵分路並進旣渡河則山若忠義之
民相應皆不啻百萬契丹兒亦必同心殲殄乞朝廷遣
使聲言立契丹天祚之後講吾舊好以携虜情遣知幾
辯博之上西使夏東使高麗諭以禍福必出助兵同加
掃蕩如此則二帝有回鑾之期兩河可以安帖矣願陛
下早下還京之詔臣當躬冒矢石爲諸將先頭入不報
澤歎曰吾志不得伸矣澤前後請上還京二十餘奏皆
爲潛善等所抑因疽發於背諸將入問疾澤嬰然曰吾
以二帝蒙塵積憤至此汝等能殲敵則我死無恨衆皆

流涕諸將出澤數日出師未捷身先死長使英雄淚滿襟翌日風雨晝晦澤連呼過河者三而卒都人號慟三學之士千餘人爲文以哭遺表猶贊上還京贈倪文毅學士通議大夫謚忠簡澤質直好義親故貧者多依以爲活而自奉甚薄常曰君父側身膏腴臣子乃安居美食邪始澤招集羣盜聚兵儲糧結諸路義旅連燕趙豪傑自謂渡河尅復可指日冀有志弗就議者恨之予頴居戎幕素得士心澤薨數日將士去者十五都人請以頴繼父任會朝廷已命杜克留守乃以頴爲判官克反澤所爲頗失人心頴屢爭之不從乃請持服歸自是豪傑不爲用羣聚城下者復去爲盜而中原不守矣頴官終兵部郎中

布衣倪文卿朴

倪朴字文卿葵之浦江人豪雋不羈喜舞劍談兵耻爲無用之學必欲見於事功紹興間廟堂謀遣將掃清河洛喜曰依日月乘風雲以佐天誅此其時矣乃草書數千言歷陳征討大計意氣沉雄言辭激烈有古作者風上之當路不能用鄭伯熊聞之歎曰倪文卿胸中有數

經濟

卷之十五

辛

光緒堂

萬甲兵用之可當一面廟堂不知推轂可謂無人朴志益慷慨不自禁以天下山川險阻戶口多寡用兵者所當知乃遍考羣書成輿地會元志四十卷又合古今夏繪爲一圖張之屋壁手指心計何地可戰何城可守猶幸一用其能晚年雖知不用復著鑑錄五卷以痛國家禦侮用策之失惓惓猶前志也朴好使氣與人多不合年四十七尚未娶當時人亦鮮有知朴者獨永康陳同甫見輒稱之曰奇男子奇男子

岳鄂安撫使成白圭無玷

經濟

卷之十五

辛

光緒堂

成無玷字白圭武康人登崇寧五年蔡攸榜進士第調江山令時盜賊蠭起里中惡少年探赤丸橫行都市吏不敢誰何無玷薦其主名悉捕治之四野肅然夜無吠犬百姓稱爲神君宰相李綱薦其有文武材召封首陳與復大計除刪定官紹興初金人犯順京師纂嚴呂頤浩以荆湖據長江上流非得長材駕馭不足以增天塹之險遂薦無玷除知鄂州兼岳鄂安撫使修築城壘教閱士伍皆用諸葛武侯遺法命軍士更番屯田積穀軍興不乏卽奏減民租十二軍民一心愛戴有所徵調令

下如風靡草高宗兩賜御札褒美當是時江南草創人心未固三方保障無玷之功居多

兩浙名賢錄卷之十五終

經濟

卷之十五

聖

光碧堂

兩浙名賢錄卷之十六目次

經濟

宋二

四川宣撫使鄭亨仲剛中

觀文殿學士葉少蘊夢得 子模附

參知政事李泰發光

顯謨閣待制王宜子佐

資政殿大學士葉齊言義問

布衣張叔靖頗

經濟目次

卷之十六

光碧堂

敷文閣待制薛直老弼

徽猷閣直學士沈元用晦

敷文閣待制柳元禮約

吏部侍郎趙叔達粹中

淮西運判方躬明有開

龍圖閣直學士吳明可希

寶謨閣待制徐子宜誼

吉州刺史蔡直之必勝

建康府通判陳同父亮

敷文閣待制周彥廣淳

通判邵武軍葉石叔介

煥章閣學士沈賓王作賓

煥章閣學士黃文叔度

青松居士俞商卿瀨

安德軍承宣使趙君錫希琯

敷文閣待制王資道君安

資政殿大學士趙潛臣善湘

司農卿洪季恩慶炎從兄楊祖附

經濟目次

卷之十六

二

光緒堂

端明殿學士王子文埜

觀文殿大學士史子由嵩之

南陵縣知縣唐子和韶子良嗣附

制置副使賈濟川涉父偉附

常熟縣知縣孫季和應時父介附

知饒州孫起晦炳炎

兩浙名賢錄卷之十六目次終

兩浙名賢錄卷之十六

東海徐象梅仲和氏譚

平原陸鍾良登之氏閔

經濟

宋二 共三十五人

四川宣撫使鄭亨仲剛中

鄭剛中字亨仲金華人紹興二年進士第三人調温州

判官賑飢得法用秦檜薦為勅令所刪定官累官尚書

右司員外郎時秦檜主和議剛中為陳虜不可信不聽

經濟

卷之十六

一

光緒堂

權殿中侍御史抗疏條奏和議利害而胡銓上書遂欲

斬秦檜以謝天下帝震怒禍且不測剛中率同臺論救

銓得編管改宗正少卿遷秘書少監樓炤出諭京陝辟

克恭謀官還除禮部侍郎再擢樞密直學士出為川陝

宣諭使尋克陝西分畫地界使金使烏陵贊謨將至剛

中出關迎之與贊謨反覆爭詰卒全階成良鳳及秦商

之半列險據要蜀賴以安就除端明殿學士四川宣撫

使宣司舊泊河池餽餉不繼剛中奏利州在潭毒關內

與興洋諸關聲援相接乞移司利州自是省費百餘萬

時蜀中勁卒十萬都統吳璘楊政郭浩已加三少皆驍
蹇難制剛中每折之以威接之以禮無不帖服初議移
屯楊政不從呼政語之曰剛中雖書生不畏死聲色俱
厲政即聽命虞允文嘗曰允文與諸將往來見其私居
言動罔不忌憚如家有一鄭宜撫在者又於階成二州
管田抵秦州界凡三千餘頃歲收十八萬斛撫蜀六年
儲備豐積將士用命虜不敢犯當時每與宗忠簡同稱
曰宗汝霖如卧虎之在北鄉亭仲如伏熊之在西其見
推重如此秦檜聞蜀中富饒諷使進金三萬兩又令下

經濟

卷之十六

二

光緒堂

錢求荆門剛中曰今日講和正爲他時恢復計要當思
民儲備爲先皆不從檜不悅令御史汪勃奏置四川財
賦總領官以趙不棄爲之不隸宜撫司因令刺求剛中
陰事會虜索北人在南者檜悉遣之蜀門有義勝一軍
首領李譔等十四人皆驍勇剛中以其留蜀久縱之必
生患悉斬之檜怒其專召剛中還文致其罪罷職謫桂
陽軍居住再徙桂州卒檜死追復原官謚曰忠愍

觀文殿學士葉少蘊夢得

子模附

葉夢得字少蘊湖州人登紹聖四年進士第歷官祠部

郎大親初蔡京再相向所立法度已罷者復行夢得言
周官太宰以八柄詔王馭羣臣所謂廢置賞罰者王者
之事也太宰得以詔王而不得自專大事不過可不可
二者而已以爲可而出於陛下則前日不應廢以爲不
可而不出於陛下則今日不可復今徒以大臣進退爲
可否無乃陛下有未了然於中者乎上喜曰邇來士多
朋比媒進卿言獨無親望遂除起居郎累遷翰林學士
極論士大夫朋黨之弊專於重內輕外且請身先衆人
補郡遂以龍圖閣直學士知蔡州移帥潁昌府高宗駐

經濟

卷之十六

三

光緒堂

蹕楊州遷翰林學士兼侍讀除戶部尚書陳待敵之計
有三曰形曰勢曰氣而已形以地理山川爲本勢以城
池芻粟器械爲重氣以將帥士卒爲急形固則可恃以
守勢強則可資以立氣振則可作以用如是則敵皆在
吾之度內矣因請上南巡阻江爲險以備不虞又請命
重臣爲宜總使一居泗上總兩淮及東方之師以待敵
一居金陵總江浙之路以備退保疏人不報遷尚書左
丞上以夢得深曉財賦乃除資政殿學士專一提領戶
部財用克車駕巡幸頓通使辟不拜歸湖州紹興初起

爲江東安撫大使兼知建康府兼壽春等六州宣撫使時建康荒廢不滿三千夢得奏移統制官韓世清軍屯建

來石閭畢分守要害會王才降劉豫引

兵入寇夢得遣使臣張備諭才降之以其衆分隸諸軍濠壽叛將寇安陳下雖陽受朝命而陰與豫通夢得諭以禍福皆聽命及豫入寇下擊敗之齊人宵遁八年除江東安撫制置大使兼知建康府行官留守又奏江陳措置八事一申飭邊備二分布地分三把截要害四約東舟船五團結鄉社六明審斥堠七措置積聚八責官

經濟

卷之十

光緒

吏死守又言建康太平池州緊要隘口江北可濟渡去處共一十九處願聚集民兵把截命諸將審度敵形并力進計明年令人入寇遂至柘皋夢得團結沿江民兵數萬分據江津遣子模將千人守馬家渡金兵不得渡而去初建康屯兵歲費錢八百萬糴米八十萬斛惟貨務所入不足以支至是禁旅與諸道兵咸集夢得兼總四路潛計以給饋餉軍用不乏故諸軍得悉力以戰詔加觀文殿學士移知福州兼福建安撫使海寇朱明猖獗詔夢得挾御前將士便道之鎮或招或捕或誘之相

戍遂平寇五十餘羣上章請老特遷一官提舉臨安府洞霄官尋拜崇信軍節度使致仕卒贈檢校少保

參知政事李泰發光

李光字泰發上虞人童穉不戲弄父高稱曰吾兒雲關雀其與吾門乎登崇寧五年進士第調開化令改知常熟縣朱勗父冲倚勢暴橫光械治其家僮冲怒風部使者移令吳江光不爲屈除太常博士遷司封首論士大夫詔諛成風至妄引荀卿有聽從無諫諍之說以杜塞言路又言怨嗟之氣結爲妖沴王黼惡之令部注桂州

經濟

卷之十

光緒

陽朔縣時李綱亦以論水災去國居義興光伺於水驛綱自出呼曰非越州李司封船乎留數日定交而別除司勳員外郎遷符寶郎郭藥師叛光知徽宗有內禪意因納符謂知樞密院蔡攸曰公家所爲皆拂衆心今日之事非皇太子則國家俱危攸矍然不敢爲異欽宗受禪擢右司諫金人圍太原援兵無功光言三鎮之地祖宗百戰得之一旦舉以與敵何以爲國望詔大臣別議攻守之策仍間道遣使檄河東北兩路盡起強壯策應首尾掩擊遷侍御史時言者猶主王安石之學詔榜朝

堂光言祖宗規模宏遠安石欲盡廢法度則謂人主當制法而不當制於法欲盡逐元老則謂人主當化俗而不當化於俗蔡京兄弟祖述其說五十年間毒流四海今又風示中外鼓惑民聽豈朝廷之福太原圖急秦乞就委折彥質盡起晉絳磁潞威勝汾八州民兵及本路諸縣弓手俾守令各自部轄其土豪士人願爲首領者假以初官應副器甲協力赴援女真劫質親王以三鎮爲辭勢必深入請大修京城守備以伐敵人之謀華出寅良間耿南仲輩皆謂應在外夷不足憂光奏孔子

經濟

卷之十六

六

光碧堂

降金人奪馬家渡御營統制王玠王珣素不相能至是擁潰兵若城外索戰光親至營諭以先國家後私讐之義皆感悟解去潰將邵青自真州擁舟數百艘剽當塗蕪湖兩邑間光招諭之遺米二千斛青喜謂使者曰我官軍也所過皆以盜賊見遇獨李公不疑我於是秋毫無犯劇盜戚方破寧國縣抵城下分兵西擊光募勇敢劫之賊驚擾自相屠戮朝廷遣統制官巨師古劉晏兼程來援賊急攻朝京門纔竹木爲浮梁以濟湏臾軍傳城列砲具立石對樓光命編竹若簾揭之砲至卽反墜不能傷取檣木爲橦竿倚女牆以禦對樓賊引却劉晏率赤心隊直搗其背賊陽退宴追之伏發遇害師古以中軍大破賊賊遁去初戚方圍宣與其副鮑馬巡城指畫攻具光以書傳矢射其副馬前言戚方窮寇天誅必加汝爲將家子何至附賊二人相疑攻稍緩始得爲備而援師至嘗冀七首從口中與家人約曰城不可必保若使人取七首我必死汝輩宜自殺毋落賊手除敵歎聞待制提吏部侍郎光奏陛下駐蹕會稽江浙爲根本之地使進足以戰退足以守者莫如建康建康至姑熟

經濟

卷之十六

七

光碧堂

一百八十里。其隘可守者有六。曰江寧鎮曰礪砂夾。曰采石。曰大信。其上則有繁昌蕪湖。皆與淮南對境。其餘皆蘆條之場。或礪岸。水勢湍悍。難施舟楫。莫若預於諸隘屯兵。積粟。命將士各管地分。調發。旁近鄉兵協力。守禦。乞明詔大臣參酌施行。時上欲移蹕臨安。被旨節制臨安府見屯諸軍兼戶部侍郎督管繕事。光經管攝。節不擾而辦。奏蠲減二浙積負。及九邑科配。以示施德。自近之意。戚方以管軍屬節制甚懼。拜庭下。光握手起之。曰。公昔爲盜。某爲守。分當相直。今俱爲臣子。當共勉。方

經濟

卷之十六

人

光緒堂

忠義勿以前事爲疑。方謝且泣。兼侍讀因奏金人內寇。百姓失業。爲盜賊。本非獲已。尚可誠感。自李成北走。羣盜離心。倘因斯時。顯用一二首豪。以風厲其黨。必更相叛。以次就降。擢吏部尚書。大將韓世清。本苗傳餘黨。又屯宣城。擅據倉庫。調發不行。光請先事除之。乃授光淮西宣撫使。光假道至郡。清入謁。縛送闕下。伏誅。初。光於上前面稟成算。宰相以不預聞。怒之。未至。道除江東安撫大使。知建康府。壽春。滁。濠。廬。和。無。爲。宣。撫。使。時。太平州卒囚守臣。據城叛。光多設方略。盡擒其黨。拜禮部尚

書。光言自古創業中興。必有所因。而起漢高。因關中。光武。因河內。駐蹕東南。兩浙非根本。所因之地。平自冬及春雨。雪不已。百姓失業。乞選臺諫。察實以聞。兼比歲福建湖南盜作。范汝爲楊么相挺而起。朝廷發大兵誅討。殺戮過當。今諸路荒旱。流丐滿路。盜賊出入。宜選良吏招懷撫納。責諸路監司按貪殘。恤流殍。時劉光世張俊連以捷聞。光言觀金人布置。必有主謀。今已據東南形勢。敵人萬里遠來。利於速戰。宜戒諸將持重。以老之。不過數月。彼食盡。則勝算在我矣。擢吏部尚書。踰月。除參

經濟

卷之十六

九

光緒堂

知政事。時秦檜初定和議。將揭榜。欲藉光名鎮壓。遂用之。同郡楊燁上光書。責以附時。相取尊官。墮黜。虜姦計。隱平時大節。光本意謂但可因和而爲自治之計。旣而檜議撤淮南守備。奪諸將兵權。光極言戎狄。狼子野心。和不可恃。備不可撤。觀檜之意。是欲壅蔽陛下耳目。盜弄國權。懷奸誤國。不可不察。檜大怒。光丐去。章九上。乃除資政殿學士。知紹興府。使提舉臨安府洞霄宮。中丞方侯禹論光陰懷怨望。責爲建寧軍節度副使。瓊州安置。呂愿中又告光與胡銓賊詩唱和。譏訕朝政。移昌化

軍檜死始以郊恩復官聽自便行至蘄州卒年八十三
追復資政殿學士謚莊簡初光過宋都從劉安世講學
得其精微故於死生禍福之際無所屈撓及再涉瘴海
處之泰然日講周易一卦因著易傳十卷行於世四子
孟博孟堅孟珍孟傳皆知名士而孟傳最著自有傳
顯謨閣待制王宣子佐

王佐字宣子山陰人以南省高第廷對第一授簽書平
江軍節度判官召爲秘書省校書郎時秦檜專政其子
檜提舉秘書省館中率趨附之佐獨簡默嚴重未嘗與
經濟

卷之十六

十一 光緒堂

交一語嘗語同舍謂不宜自屈檜聞不能平嗾言者論
去之及檜死檜斥尋復起用歷尚書吏部員外郎檜妻
王氏陳乞舊所得恩數未領者自號冲真先生佐駁之
曰妾婦安得此稱向者誤恩有司不能執爲失職今實
追正執政不能聽但寢其請王氏死卒奪先生號淳熙
中知建康府有妖人扶左道鼓衆謀不軌佐得其陰謀
一日坐帳中命捕爲首者至前詰數語責短狀判斬之
而流其徒於嶺外僚屬方候見於客次無一人知者見
佐擲筆乃異之而妖人已誅矣佐方閱牘案治他事廷

見賓僚乃退無少異於常日後徙知潭州宜章民東
竊發其猖獗佐檄流入馮湛樞湖南路兵馬鈴轄假便
宜往征之乃具奏論賊勢上是其策遂就擒詔以佐忠
勞備著超陞顯謨閣待制歷工戶二部尚書淳熙十一
年奉祠卒贈銀青光祿大夫山陰縣開國男

資政殿學士葉審言義問

葉義問字審言嚴州壽昌人登建炎二年進士第慷慨
多大節爲小官卽疏時相姦邪分教上饒護郡印輒發
常平米賑飢前樞密徐俯門僧犯罪義問繩以法俯嘗
經濟

卷之十六

十一 光緒堂

舉義問怒甚乃袖薦書還之知江寧縣召秦檜所親役
同僚不可義問曰釋是則何以服他人卒役之通判江
州豫章守張宗元忤檜或中以飛語寧下漕臣張常先
宗元道九江常先檄義問拘其舟義問接檄曰吾寧得
罪不爲不祥常先白檜罷去檜死召拜殿中侍御史樞
密湯鵬舉效檜所爲植其黨周方崇李庚置籍臺
異已者義問累劾之有一檜死一檜生之語并方崇
等皆罷去又言凡擇將遇一闕令樞密具三名取上肯
則軍政盡出掌握進侍御史遷吏部侍郎自檜主和議

邊備寔弛義問未有備無患請防海道守淮甸遣戍卒嚴斥埃練軍牧馬此六者今日急務辛行則不及預備則有餘尋拜同知樞密院事上聞金有犯邊意遣義問奉使覘之還奏彼造舟舩備器械其用心必有所在宜屯駐沿海要害以備之逆亮果窺江上命視師江淮御書義問到處如朕親行八字於旗以賜之遂有采石之捷孝宗卽位封新安郡侯資政殿學士提舉洞霄宮義問雖登政府所得俸祿盡周故人賢士無資治第寓衢州僧舍以辛謚忠簡

經齊

卷之十六

主

光澤堂

布衣張叔靖頤

張頤字叔靖瑞安人世居陶山倜儻有氣節平居禮貌疎簡至談古今理亂襟度豁然若人人在其懷抱中里人有爭訟多就正一言而決台寇薄城不利山桐嶺將趙瑞安顧聞之卽傾家具治牛酒召邑中少年勇敢者數千人割炙共飲語之曰若屬墳墓妻子皆在於此寇至則無噍類矣盍相與戮力共保之諸少年曰請受約束頤遂以軍法部署先令五百人持旗鼓夜伏陶山之左約曰聞鼓則起復令九百人分爲三隊揭竿爲旗扼

要而陣今日明晨賊至則三隊更進迭戰少酣卽伴奔

鼓旗走陶山北聞鼓則反戈違令者斬頤乃自將數百

人携雷鼓伏山頂明晨賊果至三隊迭進輒伴走賊爭

利而前頤見賊已入伏卽援桴鼓之伏兵競起三隊反

兵夾攻呼噪之聲震山谷賊大駭奔潰自相蹂踐死者

不計其數生擒數百人或曰盍獻俘幕府乎頤曰吾爲

墳墓計耳寧乘時以邀賞邪適者鋒鏑之下已有餘慘

更忍殺數百人以爲功乎且此皆良民爲賊所脅以至

是卽解其縛縱之歎聲如雷皆叩頭泣謝去鄉邑遂安

經齊

卷之十六

主

元澤堂

無何歲大旱民飢頤復集鄉人就陶山湖側築陂潄水

灌田萬餘畝就食者日且千餘人紹興中太守章誼薦

於朝召赴都堂審察至則以中興十策干執政語不合

歸老於家年九十餘卒

敷文閣待制薛直老弼

薛弼字直老永嘉人登政和二年進士第調懷州刑曹

累官太僕丞靖康初金人攻汴京李綱定議堅守衆不

悅惟弼意與綱同綱解還光祿寺丞嘗言姚平仲不可

恃未幾果敗李綱求太原弼言金必再至綱不當去宜

先事河北金人果再入尋罷歸家食者八年高宗幸永嘉弼見宰相請移蹕入城某可以得財某可以得舟由是民不加歛而供億無乏宰相以爲才薦起提舉淮東鹽事改湖南運判楊公據洞庭寇鼎州王瓌久不能平更命岳飛討之公陸畊水戰樓船十餘丈官軍徒仰視不得近飛謀益造大舟弼曰若是則未可以歲月勝矣且彼之所長可避而不可戰也今大旱湖水落洪若重購舟首勿與戰造筏斷江路藁其上流使彼之長坐廢而精騎直擣其壘則破壞在目前矣飛曰善兼旬積寇

經濟

卷之十六

古

先聖堂

盡平進直秘閣時荆帥王彥移襄不卽赴彥所得將八字軍皆中原勁卒朝廷疑有變以弼直徽猷閣代之問策將安出所從兵多少弼曰若志在除彥弼書生也非所及代之則湖南送吏足矣彥殊不意弼經入府受將吏謁大駭弼曲折警曉彥感悟卽日出境除岳飛參謀官飛母死請終服廬山張宗元攝飛事飛將張憲移疾部曲洶洶生異語弼謂諸將曰太尉力乞張公而詔使隨至岳軍素整今而譁鬪是汝曹累太尉也諸將以告憲憲佯語曰相公腹心惟參謀知之衆乃定除戶部郎

官再知荆南桃源劇盜伍俊旣招安復謀叛提點刑獄萬俟卨不能制乃以委弼弼許俊以靖州俊喜曰我得靖則地過桃源遠矣以甲士千餘自衛來謝弼談笑詰其反狀斬其首以徇還秘閣修撰以左司郎官出知黃州時福州大盜有號管天下伍黑龍蒲山紅之屬其衆甚盛鈐轄李貴爲賊所獲民作山砦自保守臣幕將議委漳泉汀建募強壯游手各千人爲效用與殿司統制張淵同措置未及行詔升弼集賢殿修撰與兩將易漕臣以游手易衆難散恐爲他日患聞於朝事下弼議弼

經濟

卷之十六

辛

先聖堂

謂共守漳贛有武夫周虎臣陳敏者丁壯各數百皆能戰視官軍可一當十乃奏虎臣爲副將敏爲巡檢選丁壯千人號許兵日給糧糧責以滅賊凡四年而賊平移知廣州錄前功進敷文閣待置卒年六十三贈通奉大夫謚忠簡

徽猷閣直學士沈元用晦

沈晦字元用錢塘人翰林學士遷之孫宣和間進士廷對第一除校書郎遷著作佐郎金人攻汴借給事中從肅王出質後得還真爲給事中言者論晦雖使金艱苦

而封駁之職不可以賞勞除集英殿修撰知信州高宗
如楊州將召爲中書舍人侍御史張守論晦爲布衣時
帝曰頃在金管見其慷慨士人細行豈足爲終身累耶
不果召帝如會稽移守婺州以論罷紹興四年起知鎮
江府兩浙西路安撫使通行在兩對言清帥之兵可用
今雖江千餘里若今鎮江建康太平池鄂五郡各有兵
一二萬以本郡財賦易官田給之敵至五郡以舟師對
江步兵守隘彼難自渡假使能渡五郡合擊敵難善其
不能一曰破諸城也若國無疆則難於變移其以備
經濟
卷之十六
書
先賢堂
假我大軍南侵則五郡尾而遮之敵安敢遠去此制稍
定五年後移江北糧餉器械悉自隨又自乞分兵二系
及召募敢戰士三千參用昭義步兵法暮年後京口便
城強藩時方以韓世忠屯兵鎮江不果用劉麟入寇世
忠拒於揚州麟乞促張俊兵爲世忠援趙鼎稱晦議論
激昂帝曰晦誠可嘉然朕知其入言雖甚壯膽志願怯
更觀臨事能副所言否然晦不爲世忠所樂尋提舉臨
安府洞霄宮起爲廣西經略兼知靖江府先是南州蠻
酋莫公裒歸朝歲久用爲本州鈐轄羈縻之後遁去爰

結諸洞蠻歲出爲患晦選老將羅統成邊招誘諸酋諭
以威信皆詣府請降犒遺之結誓而去自是公茂孤立
不復犯邊晦在郡歲買馬三千匹繼者皆不能及進徽
猷閣直學士召赴行在除知衢州提舉太平興國宮卒
晦膽氣過人不能盡循法度貧時尤甚故累致人言然
其當官才具亦不可掩云
敷文閣待制柳元禮約
柳約字元禮秀州華亭人大觀三年上舍進士歷官著
作佐郎徽州司錄召拜監察御史論三鎮不可并累陞
經濟
卷之十六
十七
先賢堂
顯謨閣充御營司參謀官遷太常少卿高宗將幸平江
約疏言兵可進不可退以示怯於敵乃以直龍圖閣知
嚴州兼浙西兵馬都監節制管内軍馬當是時金人大
入杜克擁衆北去列郡震恐莫有奔問官守者約於橫
嶺中屹保孤城悉力捍禦境內安堵進右文殿修撰守
郡如故詔以軍興費出無藝吏慢弗處約獨謹賦輸率
先程督進秩一等又詔約郡當兵衝而能不辭難不避
軍益嚴列柵保綏一方朕甚嘉之其以約克集賢殿修
撰召入對獎勞再三擢樞戶部侍郎約於是感激盡言

凡例外宣索皆執奏不進論諸大將提兵入觀各名其家將有尾大不掉之患又言軍興科需百出望官戶名田過制者與編戶均一科敷皆人所不敢言者俱從之會高麗請修貢議遣使報聘上顧廷臣無出約右加諫戶部侍郎克其選且將大用賞路忌之諷言者誣以事罷為提舉太平觀居七年復秘閣修撰金人歸侵疆起知蔡州被命而往一無顧避既而金人渝盟傳檄河南守臣皆舉城降約獨遣使數輩於武昌得報而後返未幾以敷文閣待制食祠祿十有五年卒贈四官

經濟

卷之十六

大

光緒堂

吏部侍郎趙叔達梓中

趙梓中字叔達其先自密州徙居於鄆登紹興進士第孝宗銳意恢復虞允文王蘭趙雄輩俱以言兵驟進梓中因進恢復機密十論制伏權鑑四十卷富彊要策十卷孝宗亟喜之一歲九遷由秘書郎權起居郎給事中後除吏部侍郎所奏對多言邊防聲畫經理俱詳盡情事雖遠在數千里外如指諸掌嘗上疏罷王安石父子從祀乞雪岳飛冤狀又集司馬光范鎮堇等奏議正太祖皇帝東嚮之位議不行寧宗即位卒如其議後以

待制知池州大閱軍校一日用公帑錢三百萬郡政修舉吏民懷之

淮西運判方躬明有開

方有開字公明淳安人少儻有大志嘗游荆襄觀形勢為國子錄輪對論吳蜀偏重荆襄居中為用武之地因上聯形勢講攻守開田疇建府衛四篇孝宗大悅諭之曰今日之勢有如蜂腰朕每思不覺寒心卿能為國遠慮轉司農丞再對論規模荆襄鎮以心腹宜講屯田為大計上尤欣納且曰屯田朕念之久未有能任之者躬明有志事功異日宜為朕當一面後運判淮西著屯田詳議二十二卷以獻富國者沮之卒不得一展其才而死所著有奏議五卷詩文十一卷

經濟

卷之十六

大

光緒堂

龍圖閣直學士吳明可芾

吳芾字明可台州仙居人舉進士第遷秘書正字以不附秦檜論罷尋起知處州拜監察御史遷殿中侍御史兩淮戰不利廷臣爭陳退避計芾言今日之事有進無退進為上策退為無策既而金主亮斃上疏勅親征車駕至建康芾請遂駐蹕以係中原之望高宗納其說會

有密啓還東者下侍從臺諫議帝言今欲控帶襄漢引輪船廣則臨安不如建康便經理淮甸應接梁宋則臨安不如建康近議者徒悅一時慮從思歸之人非爲國計臣恐回鑾之後西師之聲援不接北土之謳吟絕望矣出知婺州勸民義校金華長仙鄉民十有一家自以甲乙第其產和次執役幾二十年帝輿致十一人者與合宴更其鄉曰循理里曰信義以褒異之改知紹興縣會稽賦重而折色尤甚帝以攢官在殯奏免支移折變蠲湖溪磨常苦旱澇會歲大飢出常米募飢民濟治召經濟

卷之十六
手
光緒堂

邦吏部侍郎以敷文閣直學士知臨安府內侍家僮毆傷酒家保帝捕治之徇於市惟豪側目執政議以帝使金復除吏部侍郎且議以龍大淵爲副帝曰是可與言行事者邪語聞得罷不行下遷禮部侍郎力求去提舉太平興國官起知太平州歷陽築者久後潰歸聲言欲還郡境帝呼至城下厚犒遣之而密捕倡亂者繫後以聞詔褒諭改知隆興府帝前後守六郡各因其俗爲寬猛吏莫容奸民懷惠利再奉太平祠屢告老以龍圖閣直學士致仕卒年八十帝常曰視官物當如已物視公事

當如私事與其得罪於百姓寧得罪於上官立朝不偶晚退閒者十有四年自號湖山居士

實謨閣待制徐子宜誼

徐誼字子宜平陽人乾道八年進士累官太常丞孝宗臨御父事皆上决執事惟奉旨而行羣下多恐懼願望誼諫曰若是則人主日聖人臣日愚陛下誰與共功名乎及論樂制誼對以宮亂則荒其君驕商亂則敗其官壞上遽改容曰卿可謂不以官自隨矣光宗初受禪出知徽州移提舉浙西常平守右司郎中遷左司孝宗寢疾棘上久稽定省誼入諫退告宰相曰上慰納從容然耳燈不瞬意思恍惚真疾也宜進皇子嘉王恭央宰相留正不能用孝宗崩上不能喪祭奠有祝有司不敢攝百官皆未成服誼與少保吳玠議請太皇太后臨朝扶嘉王代祭及將禪正憂懼仆於殿庭而去誼以書譴趙汝愚汝愚問計將安出誼曰此大事非憲聖太后命不可而知閣門事韓侂冑憲聖之戚也同里蔡必勝與侂冑同在閣門可因必勝托之侂冑至汝愚以內禪遣侂冑請於憲聖憲聖許之寧宗卽位誼遷檢正中書門

經濟

卷之十六
手
光緒堂

下諸房公事兼權工部侍郎知臨安府。侂冑恃功以賞薄。復歎望。誼告汝愚曰：異時必爲國患。宜飽其欲而遠之。不聽。汝愚雅器誼。除授建明。多咨訪。誼隨事裨助。不避形迹。而怨者始衆。嘗勸汝愚早退。汝愚亦自請名在屬籍。不宜久司樞事。願因阜陵乞事以去。寧宗已許之。侂冑出入禁中無度。誼審啓汝愚無計防之。乃直面諷侂冑。侂冑疑將排已。首謁誼退。東裝冀誼還調留之。通殷勤。誼不往。適吏部侍郎彭龜年論侂冑罪狀。侂冑疑汝愚誼知其情。益怨恨。諷御史劉德秀胡紘等劾誼。請

經術

卷之十六

年

光宗

吉州刺史蔡直之必勝

蔡必勝字直之。平陽人。乾道初中。右科第一。授江東將領。故事。將官謁帥。皆小衫拜庭下。必勝始袍笏以客禮見。召試爲閤門舍人。侍臣曾覲方用事。其過已必勝。故不往。出知邵州。陞舜。論擇方面人才。爲天下大計。孝宗異之。曰：觀卿儀表非俗。前程未可量也。還帶御器械。光宗在東宮。聞其不見。曾覲歎息。言必勝固是佳士。及卽位。擢知閤門事。孝宗崩。光宗病。不能喪中外。洵洵憂禍起旦夕。必勝與趙汝愚定議立寧宗。天下宴然。必勝乞功居。奏韓侂冑方規專權。忌之。出知廬州。旣鎮淮右。遂議浚肥河。造戰艦。大張聲勢。以基遠圖。侂冑益忌之。卽擢吉州刺史。奉祠卒。必勝爲政。能求人疾苦。審事利病。修葺廢廩。先後以倫在廬。封馬亮包拯之墓。因墓立祠。以公田給祀事。四方名士。擯於家者。不以疎密存問。無虛日。其忠孝慈良。根於天性。故凡所立。皆得其大者。

經術

卷之十六

年

光宗

建康府判陳同父亮

陳亮字同父。永康人。生而目光有芒。爲人才氣超邁。喜談兵。論議風生。下筆數千言立就。嘗考古人用兵成敗之跡。著酌古論。郡守周葵得之。相與論難。奇之。曰：此國

士也。請爲上客。及葵爲執政。朝士白事。必指令。揖亮。因得偏交。一時豪俊。盡其議論。因授以中書大學。目讀此。可精性命之說。遂受而盡心焉。隆興初。與金人約。和未下。忻然。幸得蘓息。獨亮持不可。婺州方以解頭薦。因上中興五論。奏入不報。已而退修於家。學者多歸之。益力學。著書者十年。先是亮嘗圖視錢塘。喟然歎曰。城可灌。爾蓋以地下於西湖也。淳熙五年。孝宗卽位。亮更名同。請闕上書數千言。勅上移都建康。漸圖恢復。書奏。孝宗赫然震動。欲榜朝堂。以勵羣臣。用种放故事。召令上殿。將擢用之。左右大臣莫知所措。惟魯覲知之。將見亮。亮耻之。踰垣而逃。覲以其不義。不悅。大臣尤惡其直言無諱。交沮之。乃有都堂審察之命。宰相論以上言。問所欲言。皆落落不少貶。又不合。待命十餘日。又詣闕上書。言亮剴切。既上帝欲官之。亮曰。吾欲爲社稷開數百年之基。寧用以博一官乎。亟渡江而歸。日落魄醉酒。與邑之狂生飲。醉中戲爲大言。涉犯上。或以告刑部侍郎何澹。澹嘗爲考試官。黜亮亮不平。語數侵澹。澹聞而嫌之。卽繳狀以聞。事下大理。管掠亮無完膚。誣服爲不軌。事聞。

孝宗知爲亮。嘗陰遣左右。廣知其事。及奏入。取旨。帝曰。秀才醉後妄言。何罪之有。劃其牘於地。亮遂得免。居無何。亮家僮殺人於境。適被殺者。嘗辱亮父。因疑事由於亮。聞於官。管榜僮死。而復蘓者數次。不服。又囚亮父子。州獄。而屬臺官論亮情重。下大理。時丞相王淮知帝欲生亮。而辛棄疾羅點素高亮才。援之。九力。復得不死。亮自以豪俠。屢遭大獄。歸家。益勵志讀書。所學益博。嘗與朱熹辯論三代漢唐之際。究皇帝王霸之略。數往返不屈。熹雖不以爲然。至其心無常。泯法無常。廢兩言者。雖熹亦心服。其不可易也。其學自孟子後。惟推王通。嘗曰。研窮義理之精微。辯析古今之同異。原心於杪忽。較禮於分寸。以積累爲功。以涵養爲主。辟面盎背。則於諸儒誠有規焉。至於堂堂之陣。正正之旗。風雨雲雷。交變而並至。龍蛇虎豹。變現而出沒。推倒一世之智勇。開拓萬古之心胸。自謂差有一日之長。高宗崩。金遣使來弔。簡而光宗由潛邸判臨安府。亮歷孝宗之知。至金陵。親形勢。後上疏言恢復大計。不報。出是在廷交怒。以爲狂怪。先是亮與鄉人會宴。同坐者歸而暴死。累繫獄。會呂

典歐呂天濟且死恨曰陳上舍使殺我縣令王恬實其事臺官諭監司選酷吏訊問無所得取入大理衆意必死少卿鄭汝諧閱其單辭大異曰此天下奇材也國家若無罪而殺士上干天和下傷國脉矣力言於光宗遂得免未幾光宗策進士問以禮樂刑政之要亮以君道師道對且曰臣竊歎陛下之於壽皇蒞政二十有八年之間寧有一政一事之不在聖懷而問安視寢之餘所以察辨而觀色因此而得彼者其端甚衆亦既得其機要而見諸行事矣豈徒一月四朝而以爲京邑之美觀經濟

卷之十六 光宗皇帝

也哉時光宗不朝重華官羣臣更進迭諫皆不聽得亮疏乃大喜以爲善處人父子之間奏名第三御筆擢第一既知爲亮則大喜曰朕擢不謬孝宗在南內寧宗在東官聞知皆喜故賜第告詞曰爾早以藝文首賢能之書旋以論奏動慈宸之聽親閱大對嘉其淵源擢置衆首殆天留以遺朕也授簽書建康府判官廳公事未至官一夕卒亮志存經濟重許可人人見其肺肝與人直必本於君臣父子之義雖爲布衣薦士恐弗及家僅中產時人寒士衣食之久不衰卒之後吏部侍郎葉適請

於朝命補一子官非故典也端平初丞相喬行簡爲議事下太常定謚曰文毅更與一子官尤異數云所著有龍川文集華適爲之序

敷文閣待制周彥廣

周宗字彥廣湖州長興人左中奉大夫需之子以父任爲郎歷官通判建康府時金渝盟邊事方興帥守難其選首命宗守滁陽未赴徙越州又徙濠梁淮楚舊有並山水置砦自衛者宗爲立約束結保伍金亮傾國犯邊民賴以全活者不可勝計孝宗受禪王師進取虹縣中

經濟

卷之十六 光宗皇帝

原民翕然來歸扶老携幼相屬於道宗計口給食行者攜以牛酒至者處以室廬人人感悅張浚視師駐於都梁見宗謀輒稱難且曰有急公當與我俱死宗亦感激至謂頭可斷身不可去渡入朝悉陳其狀上嘉歎不已進直顯謨閣時兩淮經踐蹂民多流亡宗極力招輯安堵如故勸民植桑柘開屯田上亦專以屬宗屢賜親札宗奉行益力進直龍圖閣除江寧府知府未幾知臨安府上言自古風化必自近始陛下躬履節儉以示四方而貴近奢靡殊不知革乃條上禁止十五事臨安駐

蹕歲久居民日增河流湫隘舟楫病之淙請疏浚工畢進右文殿修撰提舉江州太平興國宮以歸上念淙不忘除敷文閣待制起知寧國府移守婺州復奉祠告老卒年六十積階至右中奉大夫封長興縣男

通判邵武軍葉石叔介

葉介字石叔婺州義烏人淳熙六年進士歷官通判邵武軍泉州海寇爲亂介召軍將密授方略出其不意悉擒之後以奉直大夫主管台州崇道觀卒

煥章閣學士沈寅王作寅

經濟

卷之十六

宋

光緒

沈作寅字寅王吳興歸安人以父任入仕中刑法科歷官大理評事改秩通判紹興府帥守丘壑遇僚吏剛嚴作寅從容裨贊每濟以寬秋滿知台州首訪民疾苦弛盤禁寬租期均徭役決滯獄五十日間盡除前政之不便民者邦人胥悅而前守嫉其勝已巧媒禁之罷去民請於朝借留不遂爲立留賢碑歷官淮南轉運判官以治辦聞擢太府少卿進直龍圖閣帥浙東知紹興府時漕使冒方用事族有居越者私釀公行作寅逮捕其於獄而竄其奴除兩浙轉運副使人對奏獲官一司歲散

經總制錢爲綱率四萬有奇丹腹未弊加之塗飾墻壁具存從而創易妄費固不足計亡謂驚費非所以安神靈彰聖孝今後有合營繕聞於朝下守臣稽覈重旨而後興役上首肯再三而修奉者不樂也遂以言者罷歸

起知潭州未幾除龍圖閣待制知平江府請得節制許浦水軍詔可郡有使臣故海盜也作寅使招誘其黨既至慰勉之錫以衣物又得強勇幾千人置將以統之號曰義士復募郡城內外惡少亦幾千人號曰壯士衣糧器械皆視官軍而輕捷善聞過之於是海道不警市井

經濟

卷之十六

宋

光緒

無譚尋命參贊督府兼權鎮江府請留戍兵千人又欲以江閩新軍二千人易舊軍千人備不虞朝廷難之遂請祠言者繼及之復召爲戶部侍郎軍興之餘國力殫耗見存金穀僅支旬月作寅考通貢稅吏姦閭三月卽有半年之儲兼權工部尚書除寶謨閣學士江西安撫兼知隆興府奏部內南安南康龍泉三縣迫溪峒三縣令尉及近峒之砦曰秀洲曰北鄉曰蓮塘并永新之勝鄉砦宜就委帥憲兩司擇才辟置量加堂格又乞詔諸道監司分詣州郡選禁軍精練閱改刺其懦弱者爲廂

軍在郡。擄錢二十餘萬緡。僚屬請獻諸朝。作賓謂生。平未嘗獻美。以半歸帥司。偏軍半隸本府。進寶謨閣學士致仕。卒。贈金紫。光祿大夫。

煥章閣學士黃文叔度

黃度。字文叔。新昌人。好學讀書。秘書郎張淵見其文。謂似曾。登隆興元年進士。知嘉興。入監登聞鼓院。行國子監簿。言今日養兵爲巨患。救患之策。宜使民屯。田陰後府衛以銷募兵。具屯田府衛十六篇上之。守監察御史。蜀將吳挺死。度言挺子曦必納賂求襲位。若因而授之。

經

卷之十六

辛

光緒

恐爲他日患。乞分其兵。柄宰相難之。後職制關外四州賂金人。求王蜀。果如度言。光宗以疾不遇。重華宮。度上書切諫。連疏極言父子相親之義。不聽。力求罷去。寧帝卽位。復召爲御史。時韓侂胄驟竊政柄。以意所好惡爲威福。度具疏將論其姦。爲侂胄所覺。御筆遽除直顯謨閣。知平江府。改知婺州。坐事降罷。侂胄誅。召拜太常卿。朝論欲函侂胄首以泗州五千人還金。度以爲辱國。非之。以集英殿修撰知福州。遷寶謨閣待制。始至訟牒日千餘。度隨事裁決。日未中而畢。進龍圖閣。知建康府。

兼江淮制置使。至金陵。罷科糴輸送之擾。活飢民百萬口。除見稅二十餘萬。擊降盜卞整。斬盜胡海首。以獻。招歸業者九萬家。侂胄嘗募雄淮軍。已收剽者十餘萬人。別屯數千人。未有所屬。度憂其爲患。人給錢四萬復其後。遣之還寶謨閣。學士。度以人物爲已任。推挽不休。每日無以報國。惟有此耳。十上引年之請。不許。進禮部尚書。兼侍讀。促人覲。丐去。愈力。遂以煥章閣學士。知隆興府。歸越。卒。進龍圖閣學士。贈通奉大夫。度志在經世。而以學爲本。作詩書周禮說著史通。抑僭竊。存大分別。爲編年。不用前史法。至於天文地理。井田兵法。卽近驗遠。可以據依。無迂陋牽合之病。又有屯田便宜。歷代邊防行於世。

經

卷之十六

辛

光緒

青松居士俞商卿顥

俞顥。字商卿。錢塘人。登紹熙四年進士第。仕淮東宣撫使。當令其佐畢再遇救山陽。顥料虜必窺采石。請回軍石梁河以遏其鋒。虜虛不入而遁。再遇知揚州。盡平江湖多。顥計畫再遇欲治脅從者。救活甚衆。開禧議。議邊政府。密引顥畫計。顥言輕脫寡謀之人不可輕信。越

良嗣張覺性轍可鑒也。歷乘旄節皆有聲。寶慶二年致仕。築室九里松。買舟西湖。會意處。竟日忘返。以詩詞自適。號青松居士。有集若干卷。

安德軍承宣使趙希瑄

趙希瑄字君錫。餘杭人。登慶元二年進士第。調汀州司戶。嗣寇李元彌方起。汀人震懼。郡會僚佐議守城。希瑄下座。無一語。守異之。曰。不言得無有所見乎。希瑄曰。守城非策也。距城三十里。有關曰古城。若悉精銳以扼其衝。賊不足慮矣。守以付希瑄。人爲危之。希瑄至關。審其

經

卷之十六

王

光緒

擢開中令。謹候分置粗定。賊已遣謀窺關。希瑄得諜。誦之。縱其舉火相示。而羸師以誤之。夜半賊數百銜枚突至。希瑄嚴兵以待。賊且至。始命矢石俱下。賊無一免。餘黨聞風而遁。希瑄引還。老稚羅拜相屬。希瑄由他道以避之。事聞。詔升州推官。治疑獄。夾滯訟。攝下邑。弭亂。卒去之。日。軍民遮道泣送者數十里。調主管夔州路轉運司帳司。疏大寧。盜并利病。使者上諸朝。民便之。改知玉山縣。未行。召對。希瑄首言。民力困於貪吏。軍力困於饋帥。國家之力。則外困於歸附之卒。內困於浮沉之費。授

大理寺丞。遷大宗正權工部郎官。會朝議燕邸近屬。赴朝參者少。命希瑄易班。希瑄力辭。弗允。特換授吉州刺史。以寶璽恩。進和州防御史。理宗卽位。以公族近邸恩。進安德軍承宣使。引對。言初政急務。莫先於總治統。收人心。上爲動容。慈明官上壽。升節度。封信安郡公。卒。希瑄風安凝重。胸抱魁壘。揚人之善。不記人之過。急人之難。不忘人之恩。居官祁寒盛暑。未嘗調告衣食。取裁足而已。追封信安郡王。

敦文閣待制王資道居安

經

卷之十六

王

光緒

王居安字資道。黃岩人。舉淳熙十四年進士第。授徽州推官。連遭內外艱。十年不調。授江西提刑司幹官。使者王厚之屬鋒氣。人莫敢嬰。居安遇事有不可。平而力爭。不少屈。入爲國子博士。遷校書郎。改司農丞。出知興化軍。既至。條奏便民事。乞通商賈。以損米價。誅劇盜。以去民害。召爲秘書丞。轉對。言制置司不聞進取之良規。遣小使寂無確許之實報。但當嚴飭守備。益兵據險。以待之。此廟筭之上也。李壁嘗語人曰。比年論疆事無若王。秘書之明白者。遷著作佐郎。擢考功郎。誅韓侂冑。居安

實贊其決。擢右司諫兼侍講。時趙彥逾與樓鑰林大中並召居安言。鑰與太中用。宋廟社稷之靈。天下蒼生之福。彥逾不可與之同日而語。彥逾始以趙汝愚不與同列政地。遂啓仇冑專政之謀。汝愚之斥死。彥逾之力居。而彥逾者。汝愚之罪人也。陛下乃使與二人同升。不幾於薰蕕並器邪。正並用乎。非所以示趨向於天下也。既已具有微聞者。除日夜下。遷起居郎兼崇政殿說書。既供職。直前奏曰。陛下特遷臣柱下史者。豈非欲使臣不得言邪。二史得直前奏事。祖宗法也。遂極論之。又言

經

卷之十六

光

光

臣爲陛下耳目。諫墨未乾。乃以逆權要德。僥職不稱。其言則去。臣不復留矣。帝爲改容。明日出國門。太學諸生有舉幡乞留者。四明楊簡邂逅山陰道中。謂此舉吾道增重。江陵項安世致書曰。左史人中龍也。踰年起。起太平州。以直龍圖閣提點浙西刑獄入對。帝曰。卿有用之才也。除權工部侍郎。以集英殿修撰知隆興府。初益起極黑風。嘲羅世傳爲之倡。勢張甚。湖南所在發兵扼要衝。義士表裏應援。賊走食少。解主兵者少。堅持之。則就擒矣。會出西師。然以買路爲功。遣人間道說賊。賊道

與糧賊喜。謀益逞。陰治械。外送款身受官峒中。不至令府義丁皆患。曰。作賊者得官。我輩捐軀壞產業。何所得。於是五合六聚。各以峒名其鄉。李元勳陳廷佐之徒。並起爲賊矣。放兵四劫。撤永新。撤龍泉。江西列城皆震。朝廷憂之。遂以居安爲帥。居安以書曉都統制許俊曰。賊勝則民皆爲賊。官軍勝則賊皆爲民。勢之翕張。決於此舉。將軍素以勇名。挫於山賊。可乎。俊得書。皇恐不敢以他帥事居安。居安督戰於黃山。勝之。賊始懼。走韶州。爲繼鋒軍所敗。勢日蹙。吉守前以戰不利。用招降之策。遣

經

卷之十六

光

光

吏持受降圖來書。賊銜江湖兩路大都統。居安笑曰。賊玩侮如此。猶爲國有人乎。白諸朝吉守以祠去。遂命居安節制江池。大軍駐廬陵。督捕領郡事。召土豪問便宜。皆言賊恃險。陟降如猿猴。若鈔吾糧。則吾事危矣。居安曰。吾自有以破賊。會元勳執練木橋賊首李才全至。居安厚待才全。而賞元勳。衆皆感服。羅世傳果疑元勳之貳已。遂交惡。元勳率衆攻世傳。居安語俊曰。兩虎鬪於穴。吾可成卡。莊子之功。世傳族練木橋賊黨襲元勳。其卒禽元勳以獻。時青草峒賊亦就禽。並繫於吉之南。

門元勳既誅世傳以功負恃益驕蹇名效順而實自保
俊請班師居安不許俾因賊堡固守居無何世傳果
叛居安奏乞朝廷毋憂今落其角距可一戰禽也乃密
爲方略遣官兵合圍之世傳自經死斬其首以徇羣
盜次第平居安之在軍中也賞厚罰明將吏盡力始終
用以賊擊賊之法故兵民無傷者徙鎮襄陽以言者罷
開居十有一年嘉定十五年召遷工部侍郎理宗卽位
以敷文閣待制知福州將行盜盜起寧化部使者道在
翼軍將鄧起提兵往起貪夜冒險與寇角以死民相驚
經濟

卷之十六

光緒

資政殿大學士趙清臣善湘

趙善湘字清臣濮安懿王五世孫父不願從高宗南渡
初家餘杭聞明州多名儒遂徙居焉善湘初以恩補中
順郎慶元二年舉進士以近屬換承事郎調金壇縣丞
改知餘姚縣添差通判婺州以招茶寇功判無爲軍器
淮南轉運判官淮西提點刑獄累遷大宗正丞兼權戶
部郎官進直徽猷閣兼知廬州以平岡始寇功進直龍
圖閣知鎮江府拜大理少卿進右文殿修撰封祥符縣
賜食邑寶慶二年進實章閣待制江東安撫使進封子
加食邑紹定元年以初防江軍及平楚寇等功進龍圖
閣待制兼江東轉運副使三年進煥章閣直學士進封
伯加食邑李全犯淮東進煥文閣學士江淮制置使乃
命專討許便宜行事及戮全露布以聞陞兵部尚書進
封侯加食邑時善湘見范葵進取慰藉殷勤餽問接應
有請必應選諸子之有經緯者屯寶應以從范葵亦護
功督府故積年通寇應接俱定復以平岡寇功轉江淮
安撫制置使及策應荆湖功進端明殿學士與執政恩
例以受金樞密副使約合買住隆復肝貽軍四壽二州
功進資政殿學士加食邑遣使賜手詔金器等物九疏

卷之十六

光緒

乞歸皆不許請愈力進大學士提舉洞霄宮封天水郡公帝手詔求所解春秋進覲文殿學士致仕卒贈少師司農卿洪李思夢炎從兄楊祖附

洪夢炎字李思淳安人登寶慶元年進士第爲桃源酒官端平間禁軍構逆命夢炎撫諭既受者索飲至醉歸省廬下徐以單騎入軍或引斧斫其導卒血濺衣裾而色不爲動諭以逆順皆安堵聽命會高沙兵變仍命夢炎綏撫至淮揚聞帥趙葵詭以指口破城夢炎曰攻討者制閫之大義撫諭者天朝之至恩葵深趨之及至將

經濟
卷之十六
天
光緒

士猶危言相恐必欲自效夢炎曰殊恩曲赦非愛國卒愛百姓也遂入城宣詔進叛酋開以自新之路一軍以安轉武學博士時從兄楊祖爲太學博士宰相范鍾誥之曰難兄難弟乃武乃文復以太宗正丞贊浙幕召拜司農卿差知衢州朝議以其有經濟才且將大用未幾卒官時論情之有文集二十四卷

端明殿學士王子文楚

王楚字子文寶章閣待制介之子以父蔭補官登嘉定十二年進士仕潭時帥真德秀一見異之延致幕下遂

執弟子禮紹定初汀邵盜作辟議幕參贊譚邵武縣軍事盜起唐石親勒兵剿之進樞密院編修檢討襄陽事急遣使講和楚言今日之事宜先定規模并力攻守

上疏言八事爲副都承旨奏請出師絕和使命淮東西夾攻不然利害將深理宗深然之令樞密院下三閫諭旨拜禮部尚書奏十事終之曰陛下下一心十事之綱領也前後奏陳皆明正剴切鑒鑒可行改兩浙轉運判官以察訪使出視江防首嘉興至京口增修官兵兵船守險備具爲江西轉運副使知隆興府繼有他命時以未

經濟
卷之十六
天
光緒

綱不便就湖口造轉般倉請事畢受代知鎮江府兼都大提舉浙西兵船江面幾千里調兵捍禦以守江尤重於淮瓜洲一渡甚狹請免鎮江水軍調發專一守江置游兵巡江上增創水艦就楊子江習水戰登金山指麾之還沿江制置副使江東安撫使節制和州無爲軍安慶府兼三郡屯田行官留守巡江引水軍大閱舳艫相衛幾三十里憑高望遠考求山川險阨請要務莫如屯田講行事宜修飭行宮諸殿又推京口法創游擊軍萬二千蒙衝萬艘江上晏然拜端明殿學士金書樞密院

事封吳郡侯與宰相不合言者攻之以前職提舉洞霄官卒贈七官位特准有奏議文集若干卷

觀文殿大學士史子由嵩之

史嵩之字子由鄞人嘉定十三年進士調光化軍司戶參軍歷陞通判襄陽府以經理屯田積穀六十八萬擢權知棗陽軍尋兼制置司參議官棗陽屯田成進兩秩以明堂恩封鄞縣男賜食邑歷官大理卿兼樞密院侍郎升置制兼知襄陽府賜便宜指揮端平六年破蔡滅金獻俘上露布進封子加食邑移書廟堂乞經理三邊

經濟

卷之十六

早

光緒堂

不合丐祠歸侍手詔勉留之會出師與淮閩協謀犄角嵩之力陳非計疏爲六條上之詔令嵩之籌畫糧餉嵩之奏言臣熟慮根本周思利害甘受遲鈍之譏思出萬全之計荆襄連年水潦螟蝗之災飢饉流亡之患極力賑救尚不聊生征調既繁夫豈堪命其勢必至於主戶棄業以逃亡後夫中道而竄逸無歸之民聚而爲盜飢餓之卒未戰先潰當此之際正恐重貽宵旰之慮矣兵民陛下之兵民也片紙調發東西惟命然事關根本願計其成必計其敗既慮其始必慮其終願與二三大臣

深計而熟圖之若夫和好之與進取決不兩立臣受任

守邊適有事會交至之衝議論紛紜之際雷同附和以

致誤國其罪當誅確守不移之愚上迂丁寧之旨罪亦

當誅迂旨則罪止於一身誤國則及天下不報嵩之力

求去進寶章閣學士提舉太平官歸養田里尋以華文

閣直學士知隆興府兼江西安撫使帝自師潰始悔不

用嵩之言召拜樞密院尚書力諫疏言今日之事當先

自治不可專恃和議母病乞侍醫藥不俟報可歸進寶

章閣學士淮西制置使兼沿江制置使賜便宜指揮兼

經濟

卷之十六

早

光緒堂

湖廣總領淮西安撫使廬州圍解詔獎諭之以明堂恩進封伯加食邑條奏江淮各三事又言江陵非孟珙不可守漢陽受攻嵩之帥師發江陵奏誅張可大竄廬普李士遠以其奔城也黃州圍解拜端明殿學士職任如故進封奉化郡侯加食邑詔入覲拜參知政事督視京西荆湖南北江西路軍馬鄂州制置司兼督視淮南軍馬城黃州復光潞二州拜右丞相兼樞密都督如故進封公加食邑薦士三十有二人其後趙槐吳潛皆號賢相復信陽以督府米賑淮民之飢後襄陽自是邊境多

以捷聞。寵眷特隆。賜賚無虛日。安南入貢。不用正朔。諸之議。用范仲淹。鄧。西夏書例。以不敢聞於朝。還之。進金紫光祿大夫。封永國公。加食邑。遭父喪。詔起復。右丞相兼樞密使。累賜手詔。遣中使趨行。於是太學諸生及在朝之士。多論嵩之不當起復。帝意頗悟。遂應嵩之終喪。自是不爲公論所容。居間十有三年。寶祐四年。授觀文殿大學士。加食邑。尋卒。贈少師。安德軍節度使。進封魯國公。謚莊肅。

南陵知縣唐子和韶 子良嗣附

經

卷之十六

聖

光緒堂

唐韶字子和。蘭谿人。嘉熙四年。以漕魁中南省第二。嘗辟淮江制置司幹辦公事。制使史嵩之遣往襄陽。勞師時。元兵在境。江面騷擾。韶駕舟直上。使其子良嗣率死士前進。所向皆克。徑抵襄陽。破圍而入。呂文煥大喜曰。不勞師者已三年矣。今君獨來。且宜置酒爲賀。韶策曰。敵人不意故。吾能轉戰而前。今若久住。外必嚴兵堅備。何以爲歸。乃請文煥出軍數萬。攻其兩端。韶與子良嗣仍率死士與虜大戰。中流破賊而出。嵩之上其功。陞南陵知縣。經略不勞而辦。郡守趙與謀留守馬光祖。倉使

劉震孫交薦於朝。有旨籍記姓名。厚加錄用。未及用而卒。

制置副使賈濟川涉

父偉附

賈涉字濟川。天台人。幼好讀古書。慷慨有大志。以父任高郵尉。歷官大理司直。知盱眙軍。淮人季先沈鐸說楚州守應純之。以招山東人。純之令鐸以其衆至。先招石珪。葛平。楊德廣等。通號忠義軍。珪等反。斃鐸於漣水。純之罷。通判梁丙行守事。欲省其糧。使自潰。珪等以漣水諸軍度淮。屯南渡門。焚掠幾盡。謂朝廷欲和。殘金置我

經

卷之十六

聖

光緒堂

軍何地。丙遣李全拒之。不止。事甚危。涉時在寶應。上書曰。降附踵至。而全乃請和。此正所高澄間。侯景遺策。恐山東之禍。必移於兩淮。況金人所乏。惟財與糧。若舉數年歲幣還之。是以肉啖餓虎。啖盡將反噬。至若忠義之人。源源而來。不立定額。自爲一軍。處之北岸。則安能以有限之財。應無窮之須。飢則噬人。飽則用命。其勢然也。授淮東提點刑獄。兼楚州節制。本路京東忠義軍涉。亟遣傅翌。論珪等逆順禍福。自以輕車抵山陽。珪等郊迎。伏地請死。誓以自新。金太子及僕散萬忠等數十萬大

經

卷之十六

史

卷之十六

人且以計誘珪等。涉慮珪等爲金用。亟遣陳孝忠向潞州。珪與夏全時青向潞州。先平德廣趨滌。李全李福邀其歸路。以傳翌監軍。數日孝忠捷至。珪屢破金人。遂與先及李全趨安豐。時金人環百餘砦。攻具甫畢。珪等解其圍。李全挾侯散萬忠以歸。金人不敢窺淮。東者六七年。南渡門之變。平德廣等實預。涉既受降。置弗問。平等尚懷異志。涉密使先以計殺之。而先之勢亦孤。忠義諸軍在漣水山陽者既衆。涉慮其思亂。以滌濠之役分珪孝忠夏全爲兩屯。李全軍爲五砦。又用陝西義勇法。湮其手合諸軍。汰者三萬有奇。湮者不滿六萬人。正軍常屯七萬餘。使主勝客。朝廷歲省費十三四。涉又遣李全以萬人取海州。復取密縣。王琳以寧海州歸。遂收登萊二州。青州張林以濱棣濰州降。又取濟沂等州。自是恩博景德至邢洛十餘州相繼請降。涉傳檄中原。以地來歸。及反文自效者。朝廷裂地封爵。無所吝。仍薦諸將。圖未下州郡。擢太府少卿。制置副使。兼京東河北節制。金十餘萬衆犯黃州。淮西帥趙葵請援於朝。涉遣李全等赴之。翟朝宗等爲後繼。葵行。史強遠提陸全留後。

經

卷之十六

史

卷之十六

涉以爲無故。陞遷以驕其志。非全之福。不若待事定與諸將同升可也。金人破黃陷蕪。安慶甚危。全馳至。遂定全至。久長鎮。與荆湖制置使趙方犄角。連戰俱勝。遣彭義斌等追至下灣渡。盡掩金人於淮。遷樞吏部侍郎。金人再犯渡西。先是蕪州受圍。余暉往援。乃鼓衆宵遁。金乘間登城。一郡爲血。前帥不敢問。涉斬暉。以徇。諸將畏懼。無不用命。淮西之勢大振。涉時已疾。力辭事任。金人復大入。強起視事。金將時全合連勃木魯答哥率細軍及三道兵渡淮。涉以合連善戰。乃命張惠當之惠金驍將。所謂養張飛者。既歸宋。金人殺其妻。所部花帽軍有紀律。它軍不及也。惠率諸軍出戰。金酋大敗。答哥溺死。陷失大半。細軍喪者幾二千。涉既病。乃以所獲京河版籍及金銀牌銅印之屬上於朝。卒超贈龍圖閣學士。光祿大夫。涉父偉嘗守開江。貽書丞相趙雄。極論武備守具。挺之橫宅。日陞對。又乞裁抑郭棟。郭呆兵權。孝示嘉納。後反爲所擠。以沒涉弱冠。直父寬不避寒暑。懇十年。至伏書闕下。及出身。故亦封疆卒。以勤死。可謂能忠能孝。而孽子不才。家聲盡隕。論者惜之。

常熟縣知縣孫季和應時父介附

孫應時字季和餘姚人父介師事胡宗伯躬行古道訓授間里鄉人稱為雪齋先生應時八歲能屬文從陸九淵悟心性之學舉進士尉黃岩朱熹為常平使者一見即與定交任滿去士民欲置田宅留君之弊不受丘壟帥蜀辟之入幕是時吳挺育異謀為朝廷患會挺有疾乃佯遣應時視之實察其軍情也挺盛禮十獻應時辭焉歸告密曰今挺且死然其子職必叛宜因其死遣親制權領其軍而檄總領楊輔兼利州安撫節制之別選從之一方宴然改知常熟縣已代矣郡將以私憾藉端應時負倉粟三千斛實前令積逋也士民聞之爭擔負代償而應時卒坐此貶秩尋判邵武軍未赴而卒其後吳曦果叛伏誅公卿臺諫訟言應時問學深醇行誼修飭見微慮遠能為國家弭患於未然請錄其後詔補其子下州文學應時兄弟父子世相友愛建世友堂合膳同室衣冠以為儀則

知饒州孫起晦炳炎

經齊

卷之十六

聖 九

經齊

卷之十六

聖

九

孫炳炎字起晦子秀之從子也初以進士為福州教授歷湖南路帥幹辦官改淮東餉幕皆以盡職稱人為宗正丞權吏部郎出知饒州按視虧運米二十萬石請得分限補償乞免專官專吏之擾其新米則按月轉輸詔從之額寇出沒二廣為患炳炎不折一矢解散之廣帥劉應龍舉以自代會江上師潰歎曰此國家危急存亡之秋食其祿不避其難者臣子之誼也遂勒所部將校屯豐城以拒寇尋以言罷歸遂不復起炳炎為人光明俊偉惇悌靖恭其為宗正丞時輪對諸劄子言天下大計切嗣君德整齊紀綱凜凜無所忌諱朝野傳頌之

南浙名賢錄卷之十六終

兩浙名賢錄卷十七目次

經濟

明一

布衣葉良仲允

刑部侍郎李濬文希明

湖廣參議錢古訓

福建左布政周養浩順

大理寺卿龔天民永吉

通政司左通政朱志剛仇

山西左參政吳孟庸中

東阿縣知縣貝秉彝恒

都御史張式之楷

右布政章俊民聰

僉都御史陳廷詢詔

按察司僉事沈仲會慶

經籍目次

卷之十七

光緒

監察御史李秉彝敘

兵部尚書于廷益謙

副都御史蔣廷振琳

按察司副使周弘璧瑄

左布政使沈克欽敬

工部尚書胡共之拱辰

兵部尚書項蓋臣忠

子綬孫錫鑄錫子治元附

刑部尚書楊彥謐寧

弟宜吏部左侍郎范道濟理

禮部尚書姚大章夔

禮部尚書鄒宗盛餘

福建右參政應文明顯

河南右參議何文達陞

江西左布政余存美復

左僉都御史李存翼匡

兵部左侍郎俞振恭欽

寧國知府沈士彝性孫婿附

南京太僕卿方孔殷漢

禮部尚書楊維新守陳

貴州左布政洪士直弼

吏部侍郎黃世顯孔昭附

工部尚書徐原一貫

兄鑑

刑部右侍郎徐明德懷

大理寺卿陳克謹恪

右都御史史天瑞琳

兩浙名賢錄卷十七目次終

經籍目次

卷之十七

二

光緒

兩浙名賢錄卷之十七

東海徐象梅仲和氏謨

澄陽賀應旂義之氏嗣

經濟

明一 共四十人

布衣葉良仲允

葉允字良仲寧海人博通今古以經濟自負尤精天文

地理風角鳥占之學元季海內大亂仰觀天象歎曰元

運可知濟者其江左乎乃間道謁太祖皇帝於戎馬

經濟 卷之十七 太祖皇帝於戎馬

關獻武事一綱三目書言取天下大計太祖奇其言

屏左右命坐語賜飲食欲留用之允力辭曰苟策可用

用其策使天下蒼生早獲息肩足矣榮其身非所願也

太祖重違其意賜銀幣襲衣遣歸後數歲削平羣雄先

後次第悉如其言

刑部侍郎李濟文希明 父唐册

李希明字濟文東陽人父唐從許謙游潛心經史為詩

文必根理要一時名輩如胡翰宋濂雅相推重為本郡

儒學教授希明夙承庭訓於學無所不通人稱其有經

濟才洪武中舉孝廉選入太學舍為第一授伴讀侍

太宗於潛邸從容輔導甚被禮遇陞監察御史進江西

左叅政時陳友諒餘黨依險縱掠朝議將出師剿之希

明奏乞矜其勢窘有不得已之情招撫不服與師未晚

從之希明榜示流民爭先來歸卒以安業擢刑部侍郎

卒於官

湖廣參議錢古訓

錢古訓字古訓餘姚人洪武甲戌進士調行人是時綱

與麓川相構縑主使使來貢而訴思倫發於我上擇

經濟 卷之十七 上擇

古訓持勅往諭至則宣上威德釋二國之忿罷其兵

麓川酋長刁子孟者謀攻其主古訓曰吾以天子使將

事裔夷乃弗能靖小醜何以報命天子於是馳入其部

責以大義皆稽顙凜凜無敢復逞者思倫發以古訓能

休爭已亂薦方物欲留為援古訓卻不受作書示以不

可思倫發得書駭汗遂歸古訓於是古訓敘次百夷山

川風物為書還見上并奏之上悅付史館賜襲衣

後知漳郡以文章飭吏事表著忠孝激勵風俗甚著聲

稱尋改湖廣參議名績愈茂

福建左布政周養浩順

周順字養浩會稽人卓絕敏邁讀書日記數千言永樂初徙巨室丁壯實京師順以兄當行而母老遂慨然上疏請行詔許之已而入太學卒業拜監察御史決冤滯明激揚百寮震悚遷山東叅議有聲齊魯間佐遂安伯理戎事於山海關規畫周妥邊境賴之及調江西平大盤劇寇如振蜩英廟改元遷福建左布政使至則建侯官懷安兩縣學開江山浦城道至今稱便

大理寺卿龔天民永吉

龔永吉

龔永吉

龔永吉

龔永吉

龔永吉字天民戶科給事中泰之子泰死難時永吉年甫四歲其母傅氏守志撫之成立領永樂庚子鄉薦授職方司主事改武選郎中坐事謫戍平涼時比虜犯邊兵部尚書王驥薦永吉有經略才脫戎籍以原官為佐軍從討破之尋詔驥南討麓川緬甸等處及征剿苗蠻孟養等復請永吉從次第訓平參畫之功居多還陞大理少卿歷兵部右侍郎調南京禮部改大理寺卿決獄多平反人稱不冤引年乞休歸卒於家

通政使司左通政朱志剛侃

朱侃字志剛海鹽人天性聰敏篤學慨懷負奇氣弱冠

補邑博弟子學官故有魁幻美姿惑人呼侃名輒遁去當時目為正人永樂初下詔求賢士可以佐朝廷不逮者有司舉侃遂貢入太學大臣薦其有經濟才乃受知成祖特拜山東道監察御史侃荷知遇乃日夜剖心瀝丹思所以報稱者時靖難未久諸功臣率恃寵而驕有不法者侃一切以惠文彈治之朝廷為之肅然成祖欲試以吏事遂出僉廣東憲墨吏皆望風解印綬去一時以風力稱考最召拜通政使司右叅議當是時西北再罹兵四方民力多疲於轉輸而諸郡邑監司未能體上心為撫摩成祖有憂之命選大臣之有才略者巡撫各省而侃得廣西特賜以勅曰興利除害以悉民艱舉賢黜不肖以清吏治惟爾之能朕於爾躬有責不然者罰及爾躬弗可悔侃下車悉以勅書從事諸監司郡邑每入謁不敢仰視凡土豪積猾為小民蠹者皆擒治不少貸小民以訟至召踞膝前溫語煦煦如家人而吏胥一舉手觸法無不立斃之杖下左右皆屏息立時當暑有毒瓜以獻者良久毒發瓜裂試啖獄囚囚死乃刑

獻瓜者而不批其根說者以爲得大臣體既復命從駕北征每駐蹕必召入行殿親問所以破虜者侃言虜聞駕至必清野遠遁使我師進無所獲千里饋糧此所謂士不宿飽者也虜不必與我戰而我師坐困矣請速簡勁卒數千累三日糧銜枚疾走遠出虜背然後大軍繼進前後夾攻必得當成祖以爲然卒用其策虜大創遁去漠南遂無王庭凱旋頒賞與諸大臣等已而進左叅兼掌宗人府幕事洪熙改元奉使泗州兩督漕運事輯還京展大祀禮賜緋錦從耕籍田終畝再賜緋錦於是帝心簡在曰朱侃清忠亮直弼予一人以司納言遂進通政使司左通政命偕平江伯陳瑄奉迎儲駕侃馳不下馬者三晝夜卒以勤瘁致疾乞歸養病未幾宣廟正統念迎駕功特命行人以原官起之家再辟不獲輿疾至京未入朝而忌其寵者毒之一夕死年僅五十有七時侃子弱忌者方赫奕秉事權諸同官卽知侃死狀皆不敢鳴於朝故身後卹典亦無有爲之請者其生死榮落之際所繫慨者多矣

山西左叅政吳孟庸中

經濟

卷之十七

車

光緒

吳中字孟庸山陰人舉進士拜監察御史能持大體以儒術飭憲度性強記一覽不忘院長委以總閱諸道疑獄時成祖勅政嘗躬錄囚公卿在前按簿閱實中默唱囚名舉成律無一詿誤上命特記其名上慮法司論死罪多寃遣大臣覆訊之囚輒分訴不已惟中所訊者無異詞問之皆曰經吳御史所斷是以絕意其服人如此已而奉勅參靖安侯兵行邊靖安雅重中日與謀議中爲陳畫邊事以及虜情虛實山川要害曉然如目見靖安資其方略屢克奏功明年移按蜀先是東川與人時出剽掠爲患中與三司決策設奇大敗之於金沙隄諸夷自是懾服故事御史按部率一歲而更上獨留中按蜀四年及還蜀人猶不忍其去奉天殿災詔求直言中率同列上疏極論時政缺失亡所忌諱上雖不卽加罪固已怒甚會坐他事不先白奏與顧佐楊翥等俱論死中將就刑神色自若猶作詩有慷慨立身當鳳關從容引領就龍泉之句俄得赦尋復爲御史中久於臺中廷臣擬以僉院而權貴人多不喜遂出爲山西左叅政山西俗素勁悍中務鎮以文雅日進諸生質

經濟

卷之十七

六

光緒

經義察其學行修潔者待以賓禮或賦詩相廣和於是其俗漸化晉人比之常衣車駕北征山東西供餽餉中扶病總理竟以瘁卒中喜作詩雖在軍旅倥偬間未嘗廢吟咏有恐庵集西蜀紀行錄薇垣集總若干卷

東阿縣知縣員秉彝恒

員恒字秉彝以字行上虞人舉進士初知邵陽縣以寬大得民丁祖憂去改知東阿興學校課農桑訓育民如子縣界常苦潦秉彝爲開渠納諸水清河得沃田數千畝屢辨冤獄人稱之如神明獄有殺人賊未決而盲察其色甚戚因問其有冤乎對曰囚固無冤第恨身死卽宗祀無繼耳秉彝哀之卽令其妻侍疾解囚桎梏同宿獄中遂有娠遇旱蝗自引咎災不爲害歲屢登嘗率丁壯從上北征供餽餉比還東阿無一人失所在官雖小物必思以及民營繕有餘并廢鐵敗皮朽索工匠間暇令煮皮爲膠鑄鐵爲杵槁索爲穰悉貯之庫咸不解所用會 上巡幸北京使督建所次席殿向所貯悉濟急用而民不費大臣薦秉彝可任風憲命已下東阿父老相率請闕乞留詔進一階仍知東阿在縣十有八年

經濟

卷之十七

七 光緒堂

幸於官篋無餘資察吏爲治其喪東阿人哀之如失父母白衣冠送者千萬人其政化感人如此

都御史張式之楷

張楷字式之慈谿人永樂甲辰進士拜監察御史出爲陝西按察司僉事進副使董屯督賦導水利俱著成績同靖遠伯王驥巡歷三邊上安邊十二事驛召還京陞食都御史巡撫畿甸會蝗起捕之甚力真定守稍急奏械之由是八郡震悚蝗不爲災時沙縣鄧茂七反八閩相挺爲變所在皆賊數而先是處州亦以葉宗留變聞道路洶洶詔都督劉聚討之監軍者難其人 上問張楷安在命以飛騎召至立拜爲監軍總制閩浙得便宜行事命文武大臣祖之得用鼓吹導驛出城以示寵異楷卽日取道疾馳至閩戒諸軍毋得秋毫犯民間次師鉛山聞賊鬪將樂甚急遣將日夜兼程往擊之賊大潰退保陳山次建寧與聚等謀曰賊亦赤子也始於有司暴征不能忍乃發舒其怒心宜諭以朝廷德意撫之卽不服兵之未晚也副使邵定譽曰日者兵部降招榜無印文賊不信今榜招之有印賊乃信耳時軍中實無印

經濟

卷之十七

八 光緒堂

楷曰：將在軍，君命有所不受。况以便宜推轂乎？若請而後行，非計也。因矯爲征南將軍，印榜招之。賊果散去者十七人。獨茂七猶負固，用其降將羅汝先誘之，使出攻延平。楷乃集諸將授計，令浙兵伏前，洋江西兵伏後。岸南京兵伏沙溪南，以闕兵孱弱，雅爲賊所易者，挑之。賊果出，戰有頃，伏起，合擊，大破之。先命都指揮雍楚隆置火器船泊溪北灣，賊敗走者約五萬人。果從溪南奪橋渡，船上火齊發，死者以萬計。而官兵急追之，生擒者七十四人。茂七死亂，創中，指揮劉福斬取其首，獲船百四十艘。先是，都督陳韶敗北，陣亡。論者以爲楷罪，朝廷復遣寧陽侯陳懋平江伯陳瑄兵部尚書金濂領兵來助討。會賊新破，餘黨四流，遂與懋等分地，賊之時楷發延平，賊遮後，洋道楷以舟師逆之，而劉聚兵潛繞賊背夾擊之。至前洋，俘殺無算，遂乘勝攻石門，攻王臺館，直入邵武，取峽陽十九等都寨，盡拔之。乃結營觀音山下，其西爲九龍山，兩山巔皆賊寨，師至，會日昏，卽遣卒五百人人持二炬環山走達曙，以燭賊。又選精銳三千持勁弓巨砲，分伏觀音左右麓，復遣兵二千駕舟入九龍

經濟

卷之十七

九 光緒堂

峽，斧其筏。誠曰：明日賊必空寨下聞，若等疾入，據其寨，反攻之。比旦，賊果空寨下，至溪無筏，不得渡，還九龍，而向所遣二千人已據其寨，盡發其滾木，擂石下墮之，死者以萬計。觀音遂平。忽有報歐寧女將廖氏妖術甚奇，附者若蜂屯。楷遂身先率兵擒之，械送京。凡破寨三十，六擒僞引班學士及總兵等官三百二十四人，招降八十餘萬人，斬獲無算。初，葉宗留與茂七同起，宗留死，陳謙胡繼之。都督僉事徐恭討而未克，勅楷旋師，犄角之。至金華，聞徐兵至金公山，楷卽倍道進援，至則伐竹制鴨兒色三百五十人竊笑之，而賊用長戟，其鋒不可犯。遇賊輒樹色爲壘，戟入卽不可復出。時賊適至，楷叱之曰：鼠狗賊，汝不知我斬鄧茂七耶？趣降我，否必盡粉汝。賊落膽去，楷策其後來。卽部署以待，明旦賊果益衆來索戰。楷與聚親督陳中，乃伴北走，賊直先攻中營。楷傳令馬上射者前薄之，賊不敢支，死者三百人。左右二哨合擊，死者又百餘人。賊前突者鴨兒色格之，奪其械。賊皆赤手走，遂生擒謙胡及其徒百二十人，得級六百有奇。遁去者率散處萬山中，各相雄長，於是開誠榜諭

經濟

卷之十七

十 光緒堂

下者數萬戶計擒渠魁數十人景泰元年班師入朝時尚書金濂位在楷上而實以勅聽節制且忌楷功因收前所諭榜矯印者具進而給事中葉盛等復以前陳韶爲言下憲院覆奏適都御史余仕悅與楷故有郅因黜其功削職歸天順元年詔復僉都御史致仕明年陝西用師議用有文武才者佐之大臣皆薦楷往事竣還掌南京都察院事未幾卒楷爲人坦夷濶達喜推轂賢者雖抱片善輒掄揚之又急人之難居家不問生產好客樂施故家無餘資博學工詩文善草隸所著有陝西紀

經

卷之七

七

光碧堂

行集孫昂別有傳

右布政章俊民聰

章聰字俊民金華人登永樂甲辰進士第宣德二年拜監察御史彈劾不避權貴銓曾稱爲御史第一嘗奉勅撫諭南夷及監軍討罪西戎規畫得宜戎夷歸化朝廷嘉其能超陞廣西按察使奏徙南丹衛於賓州奉議衛於貴縣士卒免烟瘴之患議置巡司於潯梧柳慶要害之地民免阻軍之擾陞右布政使尋丁內外艱卒於家僉都御史陳廷詢詔

陳詔字廷詢青田人少英敏絕物日誦萬言以書經魁永樂庚子鄉薦中宣德庚戌禮部第一除監察御史遷四川按察副使時閬浙盜發溫處屠掠尤慘上素詔威望有經濟才遂拜都察院僉都御史命巡撫浙江剿平山寇詔至諭以利害不煩寸兵而諸寇悉平民大悅復命陞見賜賚甚厚將論功崇爵一夕疾作卒於官先是郡省運金帛鉅萬犒軍委詔不問出入詔創給之羨餘卽封還府藏一絲不染麾下歎曰公家物也棄而不取何爲其蕪靜類如此

經

卷之七

七

光碧堂

換察司僉事沈仲會慶

沈慶字仲會餘杭人學博才瞻善風角精思鳥陣法宣德初由舉人官翰林院五經博士大學士陳循薦慶可大用陞湖廣按察司僉事時靖江五開賊起慶相慶事宜鑿河渠濬湟塹自偏橋鎮直抵黃平迂道千餘里由是據濠立兵始以地利制賊軍民賴之叛賊李珍蒙能桀驁倡狂至僭王號慶親帥兵突陣殲厥渠魁擒其黨二百餘人成化初復統兵十萬進攻臘屋桃林武岡南洞等處一鼓悉擒加三品俸進階亞中大夫未幾以老

乞身卒於家所著有拙庵集

監察御史李秉彝敘

李敘字秉彝東陽人永樂中由鄉薦入太學宣德初試授監察御史嘗奉命錄囚辨出交趾俘囚凡三千餘人出巡淮甸首擒豪右范端操等十餘人置之獄餘皆屏迹官吏有貪墨者一切以柱後惠文彈治之聞風解甲綬去者踵接仕路肅清泗州有老嫗鬻子以供椎貴格馬敘聞將按之椎貴大懼出貲贖其子還嫗席禁諸臺待罪敘出法語戒厲之音息去中使取珍禽異獸至淮

經

卷之十七

主

光緒堂

者敘陳其害民悉報罷上問都御史顧佐諸御史盡職者有幾佐首以敘對風裁凜凜朝野稱之凡巡按例歲一周交代敘獨保留淮上者三年及還朝椎貴構以事下獄必欲死之會八百車里二番仇殺累遣廷臣招撫不服朝議以爲非敘不可左遷行人領旨往諭之至則曉以禍福逆順皆聽命息兵通貢上喜復拜御史竟爲諸權要所誣構論戍大同天順改元赦還復職遂乞致仕歸優游林下凡二十年以高壽終所著有困庵集南征紀行錄藏於家

兵部尚書于廷益謙

于謙字廷益錢塘人生七歲僧蘭古春見而奇之曰吾相人多矣毋若此兒者異日救時宰相也二十三舉進士拜江西道監察御史謙風骨秀峻音吐鴻鬯每奏對上必爲傾聽而是時顧端肅佐長臺事其御僚屬甚嚴而獨才謙以爲已弗如也出按江西辨一誣獄出數百人之冤死者藩國挾和買爲市塵害謙悉按懲之不少貸扈蹕下樂安州漢王高煦旣而縛降上卒命謙數其罪謙肆口而成其言皆正大剴切高煦俯首戰慄稱

經

卷之十七

主

光緒堂

萬死而已上大悅還師第賞鈔幣與大臣同久之議增補各部右侍郎治諸鎮糧稅兼練兵撫民上手書謙姓名授吏部遂超拜兵部右侍郎兼治河南山西時年僅三十三謙感上知遇夙夜撫循郡邑延訪父老以便益病苦歲饒則多出官錢糴民粟歸庾歲儉則吐庾粟減直以糶公私得相贍而於下尤利齊秦民飢徙入河南者謙令邑各給田與之牛種而以次責其稅毋令與土著滑河勢將潰謙厚築隄防之多植榆柳其上五里有亭亭有長暨卒責以修補乃至所過經由官道

經濟

卷之十七

五

光緒

俱責種樹間鑿井以蔭行者而飲渴者其在山西則以大同在塞外延按御史不能至往往詭狎請別設御史井上谷治之而又盡奪大同鎮將之役卒墾私田者爲官屯邊用克濫謙於吏術民事無所不精劃而尤以足兵食明舉措振紀綱爲急當是時居政本者三楊皆重謙所奏請朝上毋不夕報可以足得行其志滿九歲遷左侍郎謙既在官久威惠流聞嘗輕騎自河內歷太行而盜有窺者謙厲聲叱之皆大驚散走曰不知爲我公也當入朝議事人謂卽不索金往寧無一二土物克交際耶謙笑而兩舉其袖曰吾有清風而已因賦詩見志入朝舉叅政孫原貞王來自代時三楊相繼卒而中貴人王振持秉勢張甚以謙無私謁謙之勒給事中廷劾謙以久不遷怨望擅舉人自代亡人臣禮下法司論斬繫獄三月暑獄上振怒適解赦之以爲大理寺左少卿甫出獄而山西河南吏民伏闕上書請借留謙者以千數乃俾以少卿復撫一鎮又明年始以兵部右侍郎召貶其初至鎮蓋十九年矣是時南北屢用兵大盜時起尚書鄺埜以清幹著而謙佐之以弘斷部事雖稍稍飭

經濟

卷之十七

五

光緒

然尚扼於中貴人振不能大展無何爲正統己巳虜酋也先旣破略獨石馬營諸鎮至秋益猖獗振遂挾上下詔親征謙與鄺埜上疏諫止不聽埜乃從治兵而留謙治部事車駕至上木蒙塵報至京師大震皇太子幼不能監國太后乃命鄺王攝政以輔之王衛左順門時振雖已歿虜中外恨而欲食其肉於是九卿臺諫廷劾振罪請用反法族其家奏未報而錦衣指揮馬順者振黨也妄傳王旨叱衆退給事中王竑起直前擒順曰此正所謂翼虎者今日猶敢爾衆爭捶之立死又捶二閣之嘗私振者死時衛卒聲洶洶王懼欲退諸大臣皆披靡有趨匿者謙獨直前挾王且啓王下令曰捶順與二閣死者義激無罪少選俟得請皇太后卽族振且籍順等家衆始退於是王乃起謙徐徐步出掖門吏部尚書王直者最爲薦老臣執謙手而歎曰朝廷正藉公耳今日雖百王直何能爲尋進兵部尚書謙謝弗允鄺王旣卽大位益賢謙虛已委焉入對慷慨泣奏曰虜得志挾我大駕勢必長驅而南今軍實武庫兵盡矣司馬宜急分道募兵及留漕卒自益

司空宜併日而蒐乘繕械九門要地宜令都督孫鏗衛
頴雷通張軌等分守之都御史楊善給事中王竑等參
馬凡兵皆出營郭外毋令避而示弱郭外之民皆徙入
內安插毋令失所而罷通州倉欲守之或不能委以與
虜則可惜宜令官軍皆給一歲祿奉聽其自運仍以贏
米爲之直虜所急者草諸厥宜亦聽軍稱力取之不盡
則焚之母以飽虜馬而是時石亨方坐繫楊洪亦以退
留當譴謙惜其才勇請赦之與安遠侯柳溥爲大帥而
身總其機宜進止不效則治臣之罪以謝天下 上皆

經濟

卷之十七

主

光霽堂

嘉納之虜報益急而侍講徐理者以知天象聞 上使
中貴人召而詢之則倡言紫薇中官皆有變必反故都
而後吉諸中貴人之鼠竄者戀土者相軋未定而縉紳
士人多遣其私重歸謙乃慟哭廷諍曰京師天下本宗
廟社稷山陵寧此百官萬姓帑藏庾廩萃此此而不守
去欲安之今日足一動明日大事去矣且虜乘勝驕實
不足畏也 上曰善其一聽謙處分十月也先挾太
上皇帝破紫荆直窺京師石亨議毋出兵第堅壁以老
之謙曰不可賊張其矣而我又先之弱是佐彼張也亟

擐甲統大營營於德勝門外諸門皆有兵總二十二萬
虜見我兵盛而嚴不敢輕犯以數騎來嘗我謙乃設伏
於空屋使數騎誘虜虜遂以萬騎來薄我伏發敗之孫
鏗毛福壽復敗之西直門謙使謀謀 上皇舉駕遠夜
令人以火箭擊其營死者千計虜遂退手詔嘉勞進少
保總督軍務再疏固辭不許大同叅將許貴奏請遣使
腆其幣以款虜而徐爲討代計謙謂前者非不遣使兩
遣使而俱不獲徵 太上一信其狡焉侮我何似而可
言和况虜不共戴天仇也理固不可和萬一和而虜遂

經濟

卷之十七

主

光霽堂

肆無厭之求從之則坐弊不從則生變勢亦不可和因
劾介冑之臣委靡怯怯法當誅於是邊將人人言戰守
虜不能挾重相恫喝始欲歸 太上矣謙以涿易真保
諸州郡爲京師拱衛而事力單甚乃皆宿兵使都指揮
陳旺等分將之而右都督楊俊帥焉久之皆屹然重鎮
中貴人喜寧者故俘虜也下蠶室得近而後復沒虜爲
虜用諸所要挾皆寧謀謙密計楊俊捕而磔之虜自是
益計屈時復議遣使與也先和且迎 太上羣臣王直
等請之力 上意不憚曰我非貪此位而卿等強樹焉

經濟

卷之七

七

光緒

今復作此紛紜何衆不知所對謙從容曰天位已定寧復有他言和者覲以解目前而得爲備耳上頷而改容曰從汝從汝於是左都御史楊善以泛使往而上皇始得返駕先朝處降虜近畿也先入寇多從之而北會西南方用兵與上謀每征行輒挾其精騎以壯厚與之資有功則官於其地已而更遣其妻子自是肘腋少他患楊洪旣自獨石入衛而所留老弱凡八城悉歸也先謙謂此宜府垣屏也不可棄乃密授都督孫安方略使以精兵由龍門關出據之而募民屯田以守八

景帝能用人

太上既歸

上奉之南宮又欲易皇

經濟

卷之七

七

光緒

太子謙以非所職不敢爭而皇太子立內閣九卿俱加師傅等官謙得太子太傅羣公皆一辭謙獨再辭其文婉約以示風上弗許已已城下之役石亨功不逮謙而得世侯爵心愧之乃推謙功詔予一子府軍前衛副千戶謙辭至再三有云縱臣欲爲子求官自當乞恩於君父何必假手於石亨於是亨益媿且恨謙矣上復賜謙闕西甲第謙辭曰匈奴未滅何以家爲去病暨子尚知此意臣敢養此又不許乃置上前後所賜璽書袍鎧冠帶弓劍之屬於堂而加封謙歲時一謹視而已謙多寓直房以便朝謁一日病痰壅上使中貴人興安太醫院董宿視之云治痰必須竹瀝上爲親幸萬歲山伐竹以賜且命計謙日用需悉出自尚方謙惶恐謝且乞歸詔免朝謁尋賜璽書褒予備至太宗以北伐故宿兵燕中甚盛而會承平久不能無老弱公族中貴人往往侵占土木之難半以委虜其類雖有五軍神機三千諸營將不相屬相支調爲恒謙議選精兵十五萬分十營營以一都督領之五千人爲一小營營以一都指揮領之餘軍散歸五軍等營以備次調雖有石

亨楊洪柳溥爲大帥而進止賞罰一出謙相顧頽首而已。洪亨皆老帥宿滑而亨尤貪縱自快謙事裁之亨有從子彪以驍勇著亨恃而強謙出之爲大同游擊將軍以是益恨切骨而中貴人曹吉祥劉永誠者與謙共兵事亦嫌謙氣陵之景皇帝不豫石亨謀與吉祥等發南城銅迎太上復辟甫御殿而執謙與大學士王文下獄謂謙文與中貴人舒良王誠張永等謀迎襄王爲帝坐以謀反律凌遲處死然實無顯跡可據而廷鞫日亨等加鉛鎖鍛煉文不勝憤辨之苦謙笑曰亨等意欲殺我何益既奏上上猶豫曰于謙實有功若何時徐理者更名有貞而與亨比前曰不慘謙此舉爲無名謙遂論弃市籍其家自上賜外無長物謙死之日陰靈翳天行路嗟歎吉祥麾下有達官指揮朵耳者以一觴酬其地而慟吉祥志朴之明日復酌慟如故先是杭之西湖涸龜底孫原貞時填其地語人曰哲人其萎乎于其虞于公謙死而陳汝言者亦亨黨也代爲尚書不一載而敗籍其貲列內廡上召大臣入視已愀然曰于謙始終景泰朝被遇若一身死無餘貲汝言抑何多耶

經濟

卷之十七

壬子

光緒

俄西北邊報甚急上憂之時恭順侯吳瑾侍進曰于謙在不令廢至此上爲默然。是歲有貞以內閣首輔與亨吉祥爭權下獄流金齒又三年亨下獄庾死家籍彪棄市又二年吉祥與其從子欽反族謙子冕自府軍前衛千戶救還憲宗初上疏白冤狀上憐而復其官賜祭有云當國家之多難保社稷以無虞惟公道而自持爲權姦之所害在先帝已知其枉而朕心實憐其忠天下誦而稱之孝宗初加贈特進光祿大夫柱國太傅謚肅愍賜特祠於其墓曰旌功冕改文資累遷至應天府尹有幹用聲謙爲文肆筆立就而於秦疏尤明切嘗口授兩吏傳寫指眊爲痛所存奏疏於于卷集若干卷萬曆中改謚忠肅

論曰方虜酋擁上皇大同城下勒降也大同人登陴謝曰賴天地宗社之靈國有君矣至宣府城下亦然至京城下亦然而謙復昌言曰社稷爲重君爲輕實合漢帝分羹之謾對襲鄭人代許之故智耳事以之成疑以之生悲夫謙嘗言此一腔血不知竟洒何地嗟嗟謙之血誠已見於此矣說者顧以不諫易儲爲謙罪不知

經濟

卷之十七

壬子

光緒

景帝之信謙謂其能禦圍非有布衣腹心素也一不合則睽再不合則去夫人主以私愛欲易太子雖留侯不能得之漢高而謙能得之景帝乎哉天命所歸大寶中奪小人貪功伏機發元勲甫就膺此禍烈智不及避勇不及決悲哉

副都御史蔣廷振琳

蔣琳字廷振錢塘人禮部侍郎驥之子宣德間以父任授兵部職方司主事陞車駕郎中以才望推從大司馬靖遠伯王驥征討西至甘涼南踰隴川運籌設策屢有

經濟

卷之七

圭

先聲堂

戰功擢通政司右通政進都察院左副都御史琳爲人果決清介喜於立功任氣敢性奉官執法萬夫莫回而於人之喜怒身之禍福不計也當巡撫貴州時號令精明威望振肅藩臬大吏每庭謁不敢仰視先是草塘夷叛官軍屢有挫衄莫敢議討琳至計須彌難乃獎率士伍親履行陣爲諸將先由是吏士用命戰氣自倍長驅賊巢擒斬無算劇寇既平諸夷震服然以持法嚴急不能縱舍卒爲怨家所構坐于謙黨論死當時朝廷已知其冤卒未有能爲之雪者或曰坐于黨死可謂得正矣

顧安所得其冤而雪之卽謂琳至今存可也

按察司副使周弘璧瑄

周瑄字弘璧淳安人少穎悟攻文辭登正統丙辰進士授南京吏部稽勲司主事外艱服闋改刑部擢員外郎超遷福建按察司副使分巡建寧時官軍調征沙游盜將乘虛而入瑄募民兵修武備且守且禦民賴以安已而盜犯政和松溪瑄益嚴號令親披堅銳夾攻而進擒賊幾六百人追還所掠婦人以千計未幾高陽盜起瑄身遭備生抵賊營諭以禍福寇亂遂解尚書將希瑾上

經濟

卷之七

圭

先聲堂

其功賜文綺寶鏤進秩三品尋丁內艱以疾卒於家

左布政使沈克欽敬

沈敬字克欽錢塘人登正統戊辰進士第授兵部主事累官郎中公忠正直爲惟奸所惡景泰末謫戍遼陽成化改元詔復其官起拜河南參政歲飢民流散及時賑發全活甚衆計處榆林饋餉供用不乏勞績顯著有白金文綺之賜進廣西左布政使時田州黃明倡亂殺逐知府岑溥敬受督府檄統衆征勦鼓勇率師大致克捷泉明父子擒斬無算凌險觸瘴深入賊巢竟中毒死朝

廷官其子琦

工部尚書胡共之拱辰

胡拱辰字共之淳安人正統己未進士知黟縣事以最

召拜福建道御史入侍經筵尋丁外艱歸明年己巳

英廟北狩景皇蒞汴兩遣使臣造廬奪情起復凡四

上章累千萬言請以亟復大誓奠安宗社爲心上皆

嘉納之陞貴州左叅政成化乙酉轉廣西右布政會兩

廣徃人作耗協同總兵官勦平之陞南京都察院右副

都御史兼提督操江連年劫江巨盜諸司所不敢覘視

者替談法以次獲之江徼肅清進南京兵部侍郎時

孝廟春秋已盛儲位尚虛廷臣皆以言爲諱拱辰首與

侍郎倪謙崔恭肅死上言前星遂定陞南京工部尚

書議修內府寢殿所需之材估用五十一萬有奇拱辰

以爲江南旱澇相仍民力弗堪覆議得省什一以及年

兩疏乞休得請歸歲賜祿米輿隸加等正德丙寅年登

大臺遣行人王奎存問明年卒於家身無以爲歛祭無

以爲饌棺衾助於有司而後成禮御史史鑑聞於朝贈

太子少傅諡莊懿恭議程愈論曰公天性過人克之以

經濟

卷之七

圭 光碧堂

學知黟縣以循良書擢御史以風裁著官藩翰則所至

有聲居臺部則無事不治人不敢爲者毅然力有而不

辭人所難言者慨然矢口而不顧知分義不知有利害

知是非不知有毀譽俯仰無介惟公一人而已

兵部尚書項蓋臣忠子綏孫錫鏞錫于治元附

項忠字蓋臣嘉興人正統壬戌進士授刑部郎己巳從

英宗北狩土木陷虜自拔歸間道走七日夜始達宣府

足刺疾蒸數百不覺也歸明年進廣東按察副使改山

東所歷多軍功陞陝西按察使會歲飢不及上聞輒發

經濟

卷之七

圭 光碧堂

倉賑全活數萬計未幾丁繼母喪歸陝人走數千里赴

闕乞留於是奪制裏墨衰還治陝凡五載徵爲大理卿

陝人復馳闕乞留甚懇上謂忠得陝人心遂拜右副

都御史留鎮其地仍賜鈔三千緡時洮岷番亂擊捕降

其衆成化改元督寧遠伯任壽破北虜於延綏明年毛

里孩舉國犯邊督彰武伯楊信破之於小龍州虜大創

去陝土亢且鹵苦無水忠尋故龍首渠濬三十里又疏

盤涇陽鄭白渠淮田七萬頃四年土達滿四叛嘯聚且

二萬據石城逆殺官軍死傷積野守將寧遠伯任壽廣

義伯吳琮巡撫都御史陳介以失事逮詔獄命忠總督軍務率諸道往討忠親操甲冑厲鋒以陷陣入時虜勢張甚從高乘我我衆披靡前却伏羌伯毛忠戰死忠中流矢我軍遂退忠卽陣斬退縮指揮以徇陣始定急獲兵擄賊水草困賊時兵部恐賊來乘請詔問忠當濟師否忠辭之曰兵有合變吾據賊水草坐扼其要足以困賊勝之必矣京軍脆弱不習戰卽簡練盡得精銳馳千里來塞外此自疲敝取敗耳於是主議濟師者皆嘆忠忠不顧堅壁持賊者且百餘日賊稍急忠隨二卒單騎抵賊寨曉以禍福諸酋從者日相率來降獨滿四自計罪不得原日感驍騎挑開或截出劫營大小且三十餘戰忠變出無方悉以方略制勝無遺策賊不得水草守則飢渴戰則敗衄益急不知所爲有楊虎狸者滿四愛將也夜出汲被擒獻麾下忠叱令斫頭來虎狸戰栗伏地乞宥死自效忠卽假以絳色解金鈎束賜之遣歸爲內應已賊數出戰虎狸竟賣滿四乃被擒因擊下石城斬首八千級俘獲無算忠因陳四事爲經久計當是時兵事急詔言洵洵忠督陣矢石雨下無懼色嘗歎曰奉

卷之七

主

光緒堂

經濟

卷之七

主

光緒堂

命討賊久無功甘心效死矣馬大司馬重忠勇毅殉國召還仍協理院事大司馬時時語人曰土達鷙猛關中根本四未平時朝野洶洶使其得志天下事未可知也項公畢竭心力露宿原野者六十餘日躬冒矢石者三十餘戰始克獲醜獻職殄平巨寇而止進一階較諸趙輔劉聚王越取封拜如寄者不無功懋賞薄之疑矣六年大旱荆襄流民咸遁入山李胡子者劉千金黨也倡流民爲亂復勅忠出總督軍務忠遣人持榜入山諭降卽負險不服縱兵擒勦不赦凡遣還鄉者四十餘萬編成者萬餘俘斬二千因上便宜十事詔暫留撫治進左都御史會有星李天田言官因論荆襄妄殺忠再疏自刎乞歸不許八年又討平野王剛小王洪召還院荆襄以忠處置得宜三十餘年賊不起而議者猶指忠妄殺致干天和交章論奏忠辯疏略曰臣忠肅將天威克平通寇不意媚嫉流言仰贊宸聽今廷臣之所指兵科之所糾兵部之所參駁大率謂臣以流寓良民作首賊獻俘以無罪編民作從賊戍邊以久居僑民作無籍逐回至謂枉殺慘酷甚於夷狄豈出卑傷皆臣所致又謂

奏報與功冊級數不符不宜陞賞臣若不辯何由自明
竊惟荆襄自劉千斤石和尚王彪就擒而後有李胡子
王洪燃燈煽禍千百成羣遠近荼毒今臣奉命總師與
李震等督兵悉捕僅俘百餘諸京皆首惡也科臣乃謂
盡良家子而法司聽其翻異不知前巡撫楊齊恭將王
信等屢奏倡亂難禦者誰耶其餘賊黨不忍誅誅簡其
丁壯謫發戍邊而家屬從之非無罪者流民附籍百無
一二如光化縣陳長子籍雖有之然占山四十餘里招
聚無賴一千餘衆爭鬪劫殺無日無之可以久居之故

經濟

卷之七

王

光緒堂

不遣乎若非近山州縣則固仍其附籍而未嘗遣也臣
始因嘯聚揭榜諭之謂荆襄山中已殺數千蓋虛張聲
休之使解散耳彼時原屬烏有今計殺傷囚繫死者實
不過千較昨討劉千斤擒殺至數十萬者何如哉科臣
乃謂慘於夷狄而致雋出早傷亦誠厚誣矣軍中報捷
初未及詳斬獲的數每多冒濫其後核功定籍百不存
一雖擒李胡子王洪輩以將士爭邀首功臣皆革去不
錄如功少報多敢曰無弊今報止一百二十餘級反加
參駁奚以服人且兵部尚書白圭亦嘗親蒞此地親任

此事矣今日之舉乃圭往日之遺患也若以今日之功
不宜陞賞則往日擒千斤尚遣後患而得雙擢優賞者
蓋亦少思乎今臣已遣回流民一百五十餘萬謫戍賊
黨一萬二百有奇隨居家屬五萬九千餘四省境內帖
然安矣先時中外皆慮荆襄禍患何日得寧今既平靖
而流言沸騰反以臣爲口實昔馬援征南蒙薏苡之謗
鄧艾伐蜀來檻車之徵非惟功不見錄反致身且不保
今幸遭聖明不加罪譴伏乞赦閒賜臣致仕奏入不
允十年代王樞爲刑部尚書十一年爲兵部尚書代白

經濟

卷之七

王

光緒堂

圭忠以職方最屬要樞卽調劉大夏陸容爲郎時有錦
衣百戶韋英者挾汪直爲詞察屢興大獄擅執京朝官
中外重足莫敢正言忠發憤草疏約吏部尚書尹旻諸
公卿發直瑛奸罪或先漏言於直而尹旻又先送疏草
與直幸上明聖大怒罷直瑛瑛戍邊而直見上獨
泣言此內臣黃賜陳祖生中傷奴御史戴縉因言直奉
法無近以迎上意故上復令直照舊領廠直遂首
誣忠下廷訊無狀遂落職歸久之諸奸次第敗乃復忠
兵部尚書致仕家居二十六年卒贈太子太保謚襄毅

忠明果個黨曉暢軍務直言正色不屑詭隨子綬孫錫舉進士綬爲江西叅政錫爲南京光祿卿錫兄鏞以忠功世蘊州衛指揮錫子治元嘉靖丙辰進士

刑部尚書楊彥謐寧弟宜附

楊寧字彥謐世爲錢塘人父昇卒官徽州府學教授因家焉永樂丁酉以春秋魁京闕鄉試宣德庚戌成進士第二甲第一人拜刑部主事獻獄明恕蔚有時名正統己未麓川宜慰思仁發反寇虐隣境朝廷命將征之簡文臣有才識者監其推以寧往師次麓川賊遣人款

卷之十七

三

光緒堂

軍門乞降主將欲許之衆莫不喜寧獨進曰不可兵未加而敵降是誘我也許之懼有後悔弗聽又曰必欲許之請嚴兵以備不虞又弗聽固請不已主將以爲迂檄令督運於金齒不旬月賊衆奄至士卒多陷比還京將兵者率以失機被譴寧獨蒙褒賞陞郎中明年復大舉征麓川總督兵部尚書王驥知寧之審於料敵也仍請寧行師入境驥指授諸將進取方略以寧督戰乃渡江攻上江賊砦賊矢石而下寧奮身不顧督戰益力士卒咸用命遂克之又進攻杉木籠山賊柵險拒守寧曰賊

徂前勝當多方以誤之使不暇併力乃可圖驥用其言令諸將各視形便以進諸道俱奮連破七砦斬陶孟翁等餘賊奔潰遂乘勝搗賊巢圍之賊以死守晝夜攻戰不息因乘風舉火烟焰漲天賊不知所爲死鋒鎖及墮崖溺水者不知其數師還上親宴勞於奉天門賜白金楮幣超拜刑部侍郎奉命叅贊雲南機務武言騰衝險要宜城之以控制蠻夷者上命寧往城或謂寧其地險惡多瘴非時冒之輒死盍徐圖之寧曰我知奉命而已違恤其他卽往相地度工計費勉勵將士無不效

卷之十七

三

光緒堂

力越四旬有五而工畢先是麓川賊首逸於緬至是寧以城成民且效順謀所以致賊者乃簡銳師若將有所向者先遣使奉詞責綱緬人懼求出賊自效卒誅大慙函其首以獻自是朝廷無南顧憂上嘉其能甫召還京而閩浙廣東諸草寇竊發師征久未有功朝議江右密邇三境懼有侵軼非以才略重臣填之不可上遂命寧巡撫寧至按視郡縣當賊衝者增城垣立排柵以斷要路團集鄉兵訓以武藝賊有侵軼者輒擊斬之以故賊聞風畏避不敢犯寧以是益鎮以簡靜日討民

瘼而弛張之遠近畏慕景泰初召拜禮部尚書政務寬
大人稱得體二年以病足調南京刑部司寇五六年斷
獄明允民以不冤天順改元致仕卒年五十有九計開
遣官賜祭營葬寧天性孝友年十四適父教授承詔與
修永樂大典寧隨侍至京既而父疾且卒寧於侍湯藥
備棺歛無不如禮號泣徒跣扶柩歸葬於錢塘及第進
士歸母夫人在堂朝夕色養惟謹會其弟宜領鄉薦而
寧亦被召乃謂宜曰母之所生惟我與爾今俱出母何
恃以爲養邪宜感其言養母以壽終乃仕官終侍御史

經濟

卷之七

三

光碧堂

寧性識機警才器宏偉處事務存大體其學博覽經史
尤長於春秋所著有白雲稿卧雲稿藏於家

吏部左侍郎范道濟理

范理字道濟天台人弱冠中鄉試第一會試第三擢壬
戌進士高第宣宗嘗召諸進士至齋宮親試用人何
以得真才論理居第二特蒙金幣之賜時重選守令拜
知江陵縣縣當四方之衝過客旁午理嚴禁令雖權貴
無敢漁一錢先是民累歲負租至十四萬石民貧不能
償每督府徵符下荷校就比者累累然理乃召將卒之

佃田號畸零戶者諭之曰世言戶役既佃田立戶而免

役可乎遂定其等俾各出募役之米因以償負租畢完

人稱慈父以薦知德安府其教養之政一如江陵每歲

必再按屬邑以省耕牧肅利弊隨州民數百家田爲楚

府護衛所占猶輸租理具奏盡歸其民田人又稱仁君

以最異超陟福建左布政使時大兵勦賊鄧茂七等理

司饋餉善調度民不加賦而三軍皆宿飽以內艱起家

拜貴州左布政使貴州草創卽驛爲藩以夷之難擾也

父莫能改作理奏徙貴州前衛於他所以其地建司數

經濟

卷之七

三

光碧堂

百糧不擾而就土官無貲不能襲職者十五六理悉俾
襲吏無敢難時移文以通夷情雖在數百里外言之
若親火吏不敢匿情以詐或以事詣府則開懷納之夷
無不人人喜以爲能得上意至餉兵則春以糧秋以銀
便夷省漕四川湖廣饋糧貴州尤艱理俾代糧以銀爲
之權減時直十二貴州旣獲利而川廣被惠尤溥擢南
京工部右侍郎南京創自國初歲久凡百皆弊葺造費
鉅理不欲煩民乃請鬻蘆塲之新葦抽分局之腐木碎
炭內府庫之苦瑣布帛通售銀殆萬兩又請南畿獄囚

贖者隨葺造所需而納於是自郊廟官殿內外諸署城樓街表或造或葺動輒百千間暨修巡戰諸船數百兵食諸器數萬皆以次成而民不知又奏各處饋南京糧者自船抵倉多所費每米石費三斗請兵就其船人支三月之餉官取費米歲可十萬石以備賑貸從之果剋尋轉南京吏部左侍郎考課公明百僚憚之請老再疏不允滿考赴京途遇疾輿就其子進士綱之第大漸果手加額曰無以報朝廷連稱者三遂卒年六十有四

禮部尚書姚大章夔

經

卷之十七

七

光緒堂

姚夔字大章桐廬人正統戊午舉鄉試第一至壬戌會試亦以第一人成進士擢吏科給事中己巳英廟北狩羣臣勸進卿王議未決詢及六科夔毅然曰國家任用大臣正爲社稷計耳事在不疑何必詢諸小官起乃詣文華殿懇請計遂定十月虜大舉進逼京城議戰守不一夔言兵敗之餘人心未定只宜固守伏兵歸路擊之遂上疏遣人間道齎勅宣府遼東令總兵官楊洪育義各選勁騎刻期以進與京軍內外夾擊未幾洪義各統所部兵來虜聞之一夕遁去未幾陞南京刑部侍郎

郎尋改禮部明年自南改北會景皇不豫羣臣請所立不得夔曰是可以已乎是夕三鼓促大學士商輅具疏稿云陛下爲宣宗章皇帝之子當立宣宗章皇帝之孫夔躍然舉筆於立字上添一復字衆皆善之疏將上而英宗已南面臨朝矣時石亨輩貪功擅權朝士趨之如市夔獨屹然中立亨憾其不附已乘間出之南京英廟素知夔爲人且聞其疏復儲之議未幾驛召至京賜二品服轉禮部左侍郎尋調吏部有真定守以舊賄敗亨挾勢囑復其官同列附亨者令擬准稿來判

經

卷之十七

七

光緒堂

夔擲筆大言曰吾官可罷吾筆不可屈竟奪守職亨敗附亨者皆降黜而夔之名益重遷禮部尚書成化乙酉上耕籍田幸太學皆從夔請宴賜有加朝鮮進海東青夔言非故事宜下詔自今非常貢之物不得進以示不寶遠物之意戊子四月以災變率羣臣上疏言皇上春秋鼎盛而震位尚虛宜均愛六宮以繁子嗣乞留心經筵裁決政務親君子遠小人服食言動悉遵祖宗舊制庶回天意上嘉納之慈懿皇后崩葬祔有異議內閣執不可繼之以疏事下禮部夔率羣臣覆奏詞

甚懇切有曰山陵宗廟。聖孝所先。綱常典禮。國家攸重。萬一合葬祔廟之禮。少有疑沮。關繫非細。豈能保其將來無據。禮改而從正者。上覽奏感泣。卒從其議。遷吏部尚書。斐然於事體。禮正庶務。刻革宿弊。品藻人物。進則惟公。中外稱慶。滿考加太子少保。遣中官賜華滿寶楮。時彗星出軒轅。四方迭奏水旱。斐上疏凡數千言。大抵謂朝廷處置事宜。不務深遠多襲。因循逆鱗。臣時人絀口忌諱者。披對甚悉。以災異累疏乞罷。不允。已而疾作。日轉劇。臨終謂子璧曰。吾受國厚恩。不克國報。經濟

卷之十七

光緒

禮部尚書鄒宗盛

鄒翰。字宗盛。餘杭人。太子太保文敏公濟之子也。正統己未進士。授兵部主事。歷郎中。已巳。車駕北狩。京師

戒嚴。擇廷臣有才望者佐本兵。食舉翰通練敏達才。騷擾亂乃自兵曹郎超拜本部右侍郎。時天寒軍餒。翰奏發太倉粟以賑之。及胡騎壓境。城門晝扃。城外老幼數萬餘。不得入望。堞而號。衆議莫敢入。翰獨曰。設城本以衛民。今棄民於敵。可乎。適率軍出就犄角。乃下令軍從左出。民從右入。全活無算。翰曉暢軍機。臨事合變。當守。時常不待奏報。輒行事。頗以濟虜退。改禮部右侍郎。奉勅考察山西。斥罷不才官吏。人服其公。河南鳳陽等處大水。受命往賑。奏捐稅糧數萬石。尋轉左。無何而奏宗復辟。時宗伯以致仕去。諸冊立大禮多翰所詳定。時襄王來朝。故事當祭禁門而入。自遷都後。來朝禮絕。莫有知者。翰檢太常故典行之。及上不豫。後奏請皇太子御文華門代朝。禮成化丙戌。憲宗皇帝二年也。命撫安畿內。許便宜行事。明年以老辭位。不許。未幾特拜南京禮部尚書。居二年。召還。禮部仍令經筵侍班。自是治部事者復十年。至加太子少保。屢以老力請。特賜勅致仕。冷馳驛歸。翰雖體貌清癯。而性行廉恪。臨難不苟。幸。贈太子太保。諡康靖。說者謂康靖。取於文敏若銀

經濟

卷之十七

光緒

文毅之於文傳此二賢者皆以聲績增光乃父異於析薪負荷者云

福建右參政應文明顯

應顯字文明淳安人登正統十年進士第授監察御史奉命巡視福建銀場賊林開三等鳩集處盜千餘人肆行擄掠邑里騷然顯調軍快三百餘指授方略擒其賊首餘黨悉平以功進秩從六品有彩幣寶鈔之賜景泰改元巡按蘄松等處賑濟飢民全活數十萬陞南京大理寺丞坐事左遷雲南大理同知尋改直隸楊州府成

經濟

卷之七

五

光碧堂

化二年用大臣薦陞湖廣按察司僉事總兵李震巡撫都御史羅篪庶知其才檄治平溪清浪衛選調官軍征勦靖州黃強苗寇一戰而梟其魁擒斬俘獲者不可數計遂夷其山隄焚其林菁使賊無所恃捷聞撫臣以爲能復委修築江岸一千餘丈功就而民不知未幾都御史項忠復遣協平荆襄流民之爲亂者其勞勩與靖州等進福建按察司副使巡視海道漳州賊林輝英乘機聚衆下海爲亂顯遣官軍齊榜晚諭卒擒輝英以獻既而龍溪賊錢有定五十餘人劫掠蒜嶺驛官顯立命巡

海官軍責限擒捕不日俱就縛無一能脫者顯雖書生而臨戎屢陣機變百出卽老將不如若天授然積功陞布政司右參政時鎮守內臣差官進禽鳥花木絡繹不絕沿路驛通艱於供億顯奏革之民歌舞若更生老疾自陳致仕卒於家

河南右叅議何文達陞

何陞字文達淳安人登正統十三年進士第拜戶科給事中達虜犯順鑾舉北狩朝廷方有事於朔漠命陞與御史楊春趙運邊餉晝夜兼行不避危險沿邊自土

經濟

卷之十七

單

光碧堂

水師潰死於兵者滿野陞首疏乞少寬運卒限期責令輸輓還日將沿路遺骸掩瘞用安死者之魂以作生者之義從之已而虜酋效順大駕南還與同官李侃抗章奏請備禮郊迎且曰皇上昔念社稷生靈勇於捷伐非遊田盤樂是爲今以簡禮迎之非但無以聳外夷之觀瞻且於陛下兄弟之情似乎太薄詞極懇至識者趨之戶部尚書金濂會計軍興財用議更稅畝之法將天下夏秋糧混同科收以紓急用陞執奏不可事遂寢遷右給事中改兵科天順六年陞河南布政司管河右

奏議時黃河爲患。陞相其便宜。疏通沁水下流。使復舊道。漕運無虞。軍民賴之。成化元年致仕。卒於家。

江西左布政余存美複

余複字存美。遂安人。登正統十三年進士第。授南京監察御史。巡按蘄松常鎮四府。風裁凜然。陞江西按察司僉事。巡撫都御史韓雍患賦役厲民。委複均之。刻革宿弊。民驩若更生。總督各郡京漕七十餘萬。注措有方。民不擾而緒以就。晉副使。長河峒賊朱紹綱謀叛。郡縣驛騷。複往觀視。督兵討之。用秘計直搗其巢。生擒紹綱等。

經濟

卷之十七

聖

光緒堂

七十餘人。賊遂平。事聞。賜彩幣寶鈔。陞福建布政司右叅政。專督海道。以母喪不赴。服闋。改四川叅政。復陞江西按察使。務崇寬大。甚得民心。轉布政左。卒於官。

巡撫宣府左僉都御史李存翼匡

李匡字存翼。黃巖人。年二十一。領鄉薦。明年會試。賜進士第。授太常博士。逾年。丁外艱。服闋。改江西監察御史。巡歷處德於民者甚衆。如在應天財庫。檢查鈔貫。及秦免折蘆柴鈔。計萬餘錠。皆所以奠國家。澤斯民。復命未幾。巡按北直。真定。永平等五府。民間牧養長生牛羊。以

歲久。人民負累疲敝。乞恩得。甦民困。繼差陝西。詳審刑獄。辨冤獄。得生者幾三百人。及按治江西時。少師楊公

其長子稷。恃勢暴刻鄉里。被訴。抑行御史布按覈實。匡不畏權勢。遂覈其事。稷坐重刑。是年聞母喪。丁憂。服闋。陞四川按察司副使。是時四川播州苗賊作耗。委匡帶領官軍。撫捕。與賊克敵一十五次。景泰元年。以軍功陞左僉都御史。巡撫四川。領軍剿賊。播州未平。叙州犵蠻又行寇亂。焚劫九縣。全蜀搔擾。復領勅剿捕。時四川地方不寧。軍伍數少。匡乃召民間壯丁。凡九千餘。教練操

經濟

卷之十七

聖

光緒堂

習雜處。部伍巨號。令嚴明。措置有方。屢戰屢捷。犵蠻始息。渝州餘寇。尚未盡滅。總督貴州軍務都御史王來谷請會兵攻草塘。期而進兵。至則來谷違期。匡被圍。乃堅守。營寨。偃旗鼓。息刀斗五日。一戰而捷。蓋由示弱而勝。草塘既平。適爲輔臣江淵等所阻。寢其行。天順改元。英宗復賜官。帶潤住。六年。兵部尚書馬昂等奏保。復前職。仍勅巡撫宣府。匡精力尤壯。志謀益深。親歷邊陲。增築寨堡。復還侵奪屯種斥埃。崇密難大。相聞。八年。嬰微疾。度不可療。遂厥情乞歸。卒於家。年六十六。

兵部左侍郎俞振恭欽

俞欽字振恭新昌人景泰初第進士選庶吉士改禮部主事歷郎中癸未春闕災左遷松江府同知持已廉慎而政尚慈祥民其德之及召還行李蕭然改兵部郎中會川貴山都長偕九姓土獠作亂上命本兵督師往伐而以欽佐之既至主帥以下咸謂宜招撫爲苟延計欽獨持不可主帥從之遂進兵連拔二十餘寨斬獲六千餘人捷聞遷太常少卿進禮部侍郎供職惟謹虜寇大同以才略改兵部左侍郎與二三大僚殫心籌畫邊境以寧尋病卒上念其勞賜祭葬錄其子欽居官三十年歷事三朝始終一節雖所施未竟而跡其所以自效者亦不媿一代之名臣云

寧國府知府沈士彝性孫橋附

沈性字士彝會稽人年十二卽解作文嘗夜讀書稍睡輒警作逐魘文一時作者皆賞其有致景泰初登進士第授監察御史廉慎端嚴爲左都御史蕭維楨所器重虜自已巳以來狂勝而驕往往馳數百騎躡塞下或乘間闖入驅掠畜牧生口緩轡而去守將不敢以一矢相

卷之十七

聖光緒

加道其黠者或拾一二折戟斷弦雖胡虜馬顧張虛聲

以爲捷而並塞屯牧城堡俱敗壞不復理景皇帝有憂之以爲非才御史彈治之不可於是簡性性星馳到邊閱戎器謹守望墩堡之毀者葺之城牆之缺者築之士卒之老弱者汰之將領之不法者奏治之三閱而後旗幟整一新虜聞之少戢不敢犯無何而景皇大漸英廟在南內廷臣議迎洵河未定性與林鸞等贊決之夜漏下三鼓武臣排闥導駕出性起鶚與周必兆翼維楨突仗而前名翊戴以定大計俄而論功爲徐有貞所蔽且忌性才以爲與之並立必有以窺其隱者遂乘間力擠之出知寧國府性怡然就道不以淮陽爲薄也至則訊民疾苦拊循備至又以其餘孜孜學校一時士奮起軼他郡未幾以外艱歸卒於家孫橋字宗周嘉靖中進士歷順慶守終湖廣按察使所至皆有聲績而清白自持不媿乃祖云

南京太僕寺卿方孔殷漢

方漢字孔殷淳安人領景泰元年鄉薦第二天順四年授山東道監察御史奉勅巡按陝西甘肅等處適虜酋

卷之十七

聖光緒

寇邊人民驚潰漢歷邊招輯提督撫治番夷畏服成化三年巡按四川貴夷徐竊發朝廷命官征勦勅漢軍前紀功依軍法便宜行事漢祗承上命夙夜不遑督軍深入賊境設法搜捕地方以寧積功超陞南京通政司右叅議十三年轉北通政左叅議督理騰黃居二年陞南京太僕寺卿三載考績復任卒於官所著有壽山文集若干卷

禮部尚書楊維新守陳

楊守陳字維新鄞人景泰二年進士更三喪有禮益讀

經

卷之十七

聖

光緒堂

書克養天順二年授翰林院編修克經筵講官成化八年遷侍講學士一官五品十六年或諷之援有力者謝曰我癡婦抱節三十年今老矣改志邪泰陵出閣進日講時文華大訓成篇目做大學衍義顧事涉中官即刪去守陳毅然曰是不足訓迹其善惡得失條錄以進尋陞少詹事兼侍講學士泰陵卽位進官僚官柄臣忌之擬侍郎南史部上覽疏曰守陳宜留此卽塗去南京三字未幾詔議祧禮禮官請祧懿祖以德祖比宋僖祖百世不遷守陳疏言禮天子七廟祖功宗德

故凡號太祖者卽始祖必以配天若商周稷契皆有功德非直原本統也宋僖及我德祖可比商報乙周並罔非稷契比議者習見宋儒嘗取王安石說遂使七廟既有始祖又有太祖太祖配天又不得正位南向名與實乖非禮憲宗升祔請并祧德懿熙三祖自仁祖下爲七廟異時祧盡則太祖擬稷契而祧主藏於後寢祫禮行於前廟時享尊太祖祫祭尊德祖恩義各不失尊功德是崇庶無悖禮時不能從弘治元年疏論講學聽政數百言且請軍國重務卽召大臣從容面議仍許諫官隨仗彈駁大抵一日間居文華殿之時左右則内外交修始終如一上是其言下禮部三月御經筵禮部并請午朝如守陳奏守陳在朝侃侃持正論會修憲宗實錄克副總裁再請解部事專史職不允未逾年請老歸守陳嘗曰國可滅史不可滅靖難後不記建文君事遂使當時朝政與方黃死事諸臣皆缺落無傳及今蒐采猶可補輯景帝已正位號英宗實錄標目猶書邸戾王附宜改正凡疏留中者卽忠言

經

卷之十七

聖

光緒堂

正義國家大政事例不得登實錄宜宣付史館以備遺忘疏具病不果上卒謚文懿後二年實錄成始贈禮部尚書守陳博學多識文辭淳雅五經四書時有獨見不泥古說錄爲私抄凡數百卷

貴州左布政洪士直

洪弼字士直淳安人吏部侍郎璵之從姪景泰二年登進士第拜河南道監察御史巡按雲南以風力稱天順元年陞江西按察司僉事丁外艱未上服闋改湖廣道常德辰州等府飢饉巡撫白圭檄以賑濟弼募富民出

經濟

卷之十七

四

光緒堂

粟并發廩賜之仍給穀種牛具爲來年之計多所全活四年靖州峒獍嘯聚不時剽掠居民郡邑騷擾勅巡撫及總兵督同布按二司能幹官征勦弼奉命忝贊機務擒其賊首餘黨悉平賜寶鈔八千緡金織文綺四端成化二年陞江西按察司副使六年陞福建按察使仍持風裁不規規瑣屑人以爲得意臣體等陞貴州左布政使弼以陳蕃宣撫司與長官司行事齟齬不便奏請添設府治於是土官始有所鉗束法守既明民夷帖服至今地方無風塵之警未幾致仕卒於家

工部右侍郎黃世顯孔昭子備附

黃孔昭字世顯太平人天順四年進士授工部屯田司主事有賢譽爲同僚所忌陰嗾奸吏誣奏事竟白同僚坐傾險去官昭以故譽益起陞都水員外郎調吏部歷陞文選郎中汲汲以賢才爲慮嘗曰國家用才猶農家之積粟粟積於豐年乃可以濟飢才儲於平時乃可以濟事自頃矯激沽名以閉門謝客爲高天下人才何由而知昭退客至輒見詢訪有得必書於冊量其材品隨其地望參之輿論薦用各當其才或勢家干請欲用其

經濟

卷之十七

四

光緒堂

私人輒力言其不可昭亦不妄交遊陳恭愍謝文肅獨以道義相好奉詔薦應天府尹樊瑩福建按察僉事章懋二人皆名重天下望風者皆彈冠相慶謝文肅嘗言昭在文選每見其喜則知賢者之得進見其憂則知小人之不得退如是者蓋十有五年始終不少變陞右通政五年而始陞南京工部右侍郎大臣屢薦竟未及柄用而卒張莊簡稱之曰公學純志潔公正剛直重如山不依勢以動介如石不逐物以移嘉靖中贈禮部尚書謚文毅子備亦爲文選郎中備子縉歷官禮部侍郎自

有傳

工部尚書徐原一貫 兄鑑附

徐貫字原一淳安人少與兄鑑同受業於吏部姚尚書
夢之門深加器重登天順丁丑進士第授兵部職方主
事進郎中時陝西甘肅總兵等官奏亦斤蒙古都指揮
敢班積年授邊欲徙之嶺南下兵部討處而總兵官輒
誘其來京將發遣貫曰班信有罪然夷人不過羈縻之
而已且其家都指揮不下數十人所屬夷民動以萬計
誘而徙之且失信非策也得無貽邊憂乎尚書程信大

經

卷之十七

聖九

光碧堂

悟曰微子幾敗乃公事亟奏遣還夷人感激訖不爲患
又雲南總兵黔國公沐琮奏請節制三司貫曰黔國世
守滇南爵列上公恩寵殊厚而不使節制三司者蓋有
深意也不見唐之藩鎮乎事遂寢尋擢福建布政司右
叅議奉勅巡視海道分守延平等四府值民飢多方設
法及出官廩減價以拯恤之進石布政使轉山東左陞
都察院右副都御史巡撫遼東時叅將佟昱夷種也恃
援多不法貫下車首疏劾去三軍肅然鎮守總兵多佔
軍丁爲佃戶者悉奪歸還屯處置邊方綽有條緒將吏

畏服夷虜無不弭耳以聽陞工部右侍郎轉左時樞松

水忠貫奉勅往治之簡委有司畫地分理踏勘周悉授
以方略水患悉平三吳之民至今頌之晉本部尚書累
加太子少保以疾再疏乞歸勅加太子太傅卒贈太保
謚康懿兄鑑字克明登天順四年進士第授南京戶科
給事中練達治體多所建白劾重臣之不法者以應天
變時論題之擢江西左叅議改廣東時潮州海寇爲患
都御史朱禪檄捕之以計擒其首惡餘黨悉平以疾致
仕卒於家所著有鈍齋集淮安李元爲之序

經

卷之十七

辛

光碧堂

南京刑部右侍郎徐明德懷

徐懷字明德建德人天順庚辰進士授刑部主事進員
外郎謫獄明允民稱不冤擢僉江西憲明潔如秋水而
風力過之安福有民陳萬年者恃險爲號號爲洞主民
間貲女搜掠殆盡官兵莫敢誰何懷至福得狀密檄隣
封千戶王果知縣李愷領兵快以行果愷疑激變奈何
懷怒曰汝知奉檄行耳激變在我若何慮於是直徇其
穴擒斬巨寇散其脅從福民如安皆額拜頌曰安福得
我公真稱安福已樂平民朱堂姪留乞忠惡疾堂恐傳

染逐之一日丐市中堂見之耻誘歸杖殺之弟挺與里人丘瓊交惡瓊規挺至其隣家欲歐之挺逸去獲其奴趙歐而釋之趙歸堂匿之而以所瘞留乞爲趙尸訟瓊坐死懷履訊曰義兒當有父母或親屬令逮之堂聞色變懷益疑密遣四出捕果得趙奴瓊始白永豐民羅益與其徒孔俊等數十人素爲不檢偶隣有被盜者失衣飾若干衆疑益鉉等遂捕其黨三十餘人於獄并搜其囊橐所有以抵贓謂連劫七家也拷死者七人餘俱誣服惟益鉉家赴訴於懷懷惟其劫多而贓少也乃取

經濟
卷之十七
圭
光緒堂

贓衣之新製紅表監裏者以示失主益鉉泣曰是吾妻之衣鍼工某所製可問也失主爭曰是某婦之衣婦所製也因是鍼工與婦至雜他衣與別鍼工檢出前衣曰此衣某手製也婦猶疑爲己衣懷詰縫用何色線婦曰線色如衣工曰表裏皆青驗之如鍼工言失主又云妻於火荒下驗得益鉉并孔俊貌懷出所捕者數人令婦雜視之婦指一人曰此益鉉也又指一人曰此孔俊也懷撫案大笑曰獄之易誣有如是筮楚之下何求不得懸肺石而漫言無冤民難矣蓋益鉉既誤指而孔俊已

久死獄中也於是捕者抵罪益鉉諸人俱得釋一時以爲神明江右屯田積弊多不可詰能科最大貸耕次之懷乃分屯卒十人爲一甲主催役年一更番周而復始則盈縮之數衆所通知催弊頓除又以田久貸則租必逋負田必易迷乃下令責其親耕因清出迷田二萬餘畝歲增屯租三萬餘石陞廣東憲副奉勅專按海瓊無何而改湖廣換勅督理屯田以懷在江右善理屯政故也湖地廣民稀屯多匿租懷與幸以江右法初若不堪不一二年荒者墾涇者復梗者順而情者勤越六年共

經濟
卷之十七
圭
光緒堂

增二萬六千餘石湖之軍興隨取隨給湖民多水居易寇難獲往往白日羣掠郡縣撫臣檄懷往懷訓練兵快所向如破竹時有巨寇饒斌者出沒徃洞恃險爲患十餘年來捕盜者不敢問聞懷至即面縛就擒餘黨悉散湖湘之民號懷爲長城七八年間政聲達於關下上曰是不可以屯田局也遂擢長楚臬以洵湖惠懷則輕車熟途百廢具舉未幾遷江右右布政使尋轉左江右之民喜曰湖人還我父母矣時贛洞寇起殺傷官兵監司閫帥盡無定策懷曰是易圖也寇甚猖獗難與爭鋒

但更番兵將要截歸路則我壯彼老我佚彼勞擒之必矣無何而悉授首如懷言 孝皇登極以左翊重地非懷不可遂召入都堂領璽書整飭幽薊邊備兼巡撫地方懷出都門首嚴關界次廣儲蓄又次郵艇獄時畿甸大荒兵民失業懷恐根本動搖遠夷窺覷請京通薊三倉米五萬餘石戶部銀六萬餘兩下郡縣驗口俵給一時流徙人民達官舍餘待懷爲命者數十萬口皆曰徐公活我尋陞南京刑部侍郎力疾抵任諸司屬以懷老法家凡大小疑獄必親受指揮而後論讞懷疏決如流無不明允吏胥相顧錯愕曰世間乃有此旋風筆無何以敘疾卒年六十有三

大理寺卿陳克謹恪

陳恪字克謹歸安人成化丁未進士授宿松縣知縣召拜監察御史出按貴州入按順天以風力稱出爲江西按察司副使整飭南贛等處兵備忤劉瑾勒歸瑾敗起復貴州按察司副使提督威清十衛程番五府兵備薦陞本使轉山東右布政使尋陞左時大計考方面最天下晉右副都御史巡撫南贛及閩廣附嶺諸郡尋擢大

經濟

卷之七

聖

光緒堂

經濟

卷之十七

書

光緒堂

理寺卿卒於官年僅五十有七恪性篤實和易而中有確守居官不矯爲名高務盡乃職其筮仕宿松也辟荒萊地得田四百九十三頃召民播種得粟二千七百餘石餘悉佃於民以償虛賦郵逃亡返田宅禁侵凌歸籍者五百餘戶清湖池歸貧民者一百三十所以凶歉不可無儲也原積三萬二千有奇以旱潦不可無備也修塘堰千五百區其愛民興事類此既入內臺則貞憲度以慎激揚故巡八桂而遠人安入畿甸而權貴戢其爲兵備也奮武威詰奸宄故贛之長河諸賊聞風而遁而桂州之績尤著若關西之叛則戡之而渠魁殄盜倉之亂則綏之而羣醜寧其在江右也振大綱清庶務號稱得體時宸濠蓄逆鈐制方面官以爲已用恪中有定見不爲搖奪凡議夫價賈禮多奉 祖制逆折之濠怒甚召恪立階下而加誚責恪恬不爲動執議如故濠益怒下令繫其屬吏恪乃揚言曰天子命吏非藩王所得擅囚必不得已當請之 朝以定是非耳濠亦無可奈何謾自解曰姑置此子度外聞者爲之色變而恪處之裕如及入正大理感 上知遇益勵勳以圖報稱明律

側慎允默，大石得干以私，屬仲夏，朝廷例熱，嘗以師獄囚，格恒嚴入以俟，遂感寒疾，篤言諄諄，皆公家事，一語不及私素，以清白自矢，歷官三十年，既沒，無所遺餘，友助爲之殯，嘗其居治裝，始得歸其喪，所著詠史詩三百篇，以寓風刺，其他所爲文尤多，幸關倫理，不妄作，若正統論尤雅正，可傳云。

右都御史史天瑞琳

史琳，字天瑞，餘姚人，成化丙戌進士，授工科給事中，時貴倖專權，朝廷稍事游宴，值上元張燈，爲鰲山之觀，費

經濟

卷之十七

七

光緒堂

以數萬，又頗崇飾浮屠，官寺相望，抗章極論，無所避，出忝議陝藩，而值鞏昌奢賊爲梗，甫下車，即勒兵掩擊之，盡降其衆，遂出行部，自安定歷會寧，金闢抵秦川，相度地勢，增繕屯堡，斥候以斷賊路，既又轉關中之粟，以實甘涼，身自督輸往來邊徼，凡二年，由是盡得其形勢，要害及戢守方略，尋以憂去，服闋，除福建布政司右叅議，轉江西左所部豪舉，怙勢庇盜，成習莫敢問，悉鋤治之，吉安民有殺其隣之子，晝夜移屍道傍，死者之家莫知所由，訴於琳，迹之莫得，乃禱於神曰：「境內平人被殺，守

土之責也，神弗之知，亦與有辱焉，願亟告我以洗其寃。」是夜夢中彷彿有見，明日以夢旁求，果得凶首，遂輸服已而，賴盜起，殺官吏，攻破城邑，琳督捕，斬七百餘人，釋諸脅從，境內以寧。弘治戊申，陞右布政使，轉左，陞右副都御史，巡撫保定諸府，兼提督紫荆諸關，畿甸民困重役，戊卒疲於罰班，又漚沱漲溢，壞民田廬，時爲三患，乃爲定徭役法，奏免重稅，並河上流穿支渠，以殺水怒，民賴以甦，召拜工部右侍郎，因災異，上十六事，皆切時宜，轉左侍郎，兼都察院左僉都御史，經略邊關，首陳謹邊關以防衝突五事，九載秩滿，晉右都御史，時虜寇猖獗，朝廷方命將出師，遂奉勅提督軍務，已而報稍緩，命先赴宣大會計兵馬芻糧，虜退還京，命蒞院事，兼侍經筵，是時虜復寇榆林，假琳便宜，率偏師先往，飭勵邊將，琳出虜不意，乘機進戰，斬獲過當，及保國公朱暉統兵至，遂協謀直搗虜巢，虜聞風驚遁，毀其廬帳而還，捷聞，璽書褒美，副以銀幣寶鑑，師還入見，面陳邊務十三事，多見采納，未幾復以西比多警，命與保國公治兵京營，乙丑，敬皇上賓，國事搶攘，而宣府遊兵復失利，請濟

師上遽命出援於是琳出宣府保國公出大同公
諸將合勢邀擊遂以捷奏璽書獎勵師旋入朝遣中
官迎勞寵賚有加丙寅正德收元正月卒先是一日火
星犯左執法琳以爲已憂已而左都御史戴珊卒親朋
以爲解琳曰未也及代掌院事不踰月亦卒年六十有
九計開賜祭葬如例而大司馬奏論戎功乃贈太子少
保左都御史遣官護喪以歸琳狀貌魁岸襟抱坦夷與
人不求備雖疏賤鄙劣見之皆復自盡博聞多藝射奕
書繪兵鈴地理推步占候與凡方藥之術無不解了尤
經濟卷之十七 圭光緒堂
工墨竹有求者無貴賤皆欣然應之天性孝友執親之
喪哀毀踰節廬墓者三年家素儉約清介如寒士而矜
恤親黨則不遺餘力居常規模古人爲自警要語列之
二屏時時戒諸子弟曰昔先公省菴府君作宦三十餘
年三司教鐸四典文衡其所遺惟殘書數卷而已予竊
祿明時惟恐橫叨青紫常俸所入足供朝夕不使家有
贏貲以汚先德惟願爲吾子若孫者不墜箕裘永守子
訓使後世稱爲清白吏子孫足矣故琳雖歷官中外四
十餘年而卒無餘蓄時賢咸歎其難

卷終

兩浙名賢錄卷十八目次

經濟

明二

吏部尚書倪舜咨岳

江西右布政使楊名父子器

刑部尚書洪宣之鐘

刑部尚書屠元勳勳

都察院右都御史金德潤澤

南京刑部尚書潘廷芳蕃

經濟卷之十八 圭光緒堂

山西右參政張時勉鎮

都察院副都御史陳宗之鎬弟欽附

兵部左侍郎潘仲魯希魯子徽附

兵部左侍郎陶世和諧

刑部尚書顧惟賢應祥

兵部尚書姚英之鎮

工部尚書章以道拯

山東布政使姚鳴南鵬

工部右侍郎陸元望杰

福建按察司副使陸君美佩 子鉅銓附

刑部侍郎虞維明守愚

都御史魏士華英

右都御史俞良佐諫

巡撫順天都察院右僉都御史汪汝成王

兵部尚書胡永清世寧 子純繼附

江西叅政張用載大倫

刑部尚書何世光鑑

工部侍郎龔實卿輝

經濟

卷之十八

二

光碧堂

江西左布政使俞舜臣夔

兵部尚書毛汝厲伯溫

兵部尚書張惟靜時徹

兩浙名賢錄卷十八目次終

兩浙名賢錄卷之十八

東海徐象梅仲和氏譔

楚黃樊齊宏謙終氏閱

經濟

明二 共三十一人

吏部尚書倪舜咨岳

倪岳字舜咨禮部尚書文僖公謙之子謙嘗奉命祀北

岳夫人姚夢緋袍神入室生岳因以命名岳瑰瑋秀異

目光炯炯望之如神爲文敏捷若不經意天順元年進

經濟

卷之十八

十

光碧堂

士入翰林爲編修考校纂綴精詳安雅進講上前敷

古義傳時政言意剴切音吐洪亮上喜歷陞侍讀至

學士凡生民休戚財計盈縮禦戎利害無不曉暢每大

庭集議慨慷持正論一時儀文古典軍國重計多所裁

定成化二十三年茂陵升祔詔禮官集議時耿裕爲

尚書岳爲侍郎疏言上詔可裕方正持大體禮文事

多屬岳每見岳疏輒稱善不啻已出時禮臣有欲改定

孔庭從祀諸賢及七十二子者岳言馬融王弼之徒其

立身不無貶議然秦漢以來六經出於煨燼賴諸儒抱

遺經專門講授經得復存唐之註疏咸祖其言今之經傳引用良多其說若七十二子名字自司馬遷以來相沿已久今生千百年後安敢億定進左侍郎未幾代裕爲尚書內臣韋泰傳旨召國師領占竹於四川岳抗言領占竹僭號法王淫昏矯僞上初登大寶首納諫言削奪斥遣傳聞四方共稱聖德今復召還殊駭物聽九年改南京吏部尚書加太子少保未幾改南兵部恭贊機務十三年召入吏部爲尚書岳才學識量優於經濟於諸卿中惟推遜馬文升至論國事亦不肯苟徇先是

經濟

卷之十八

二

光緒堂

文升嘗言五嶽之名宜從京師我朝北嶽乃在京南岳言北嶽恒山祀曲陽歷漢至今二千餘年不可輒改上下禮官議曰昔金世宗時議者以都燕請別議五嶽太常卿范洪言軒轅居上谷在恒山之西虞舜居蒲坂在華山之北未嘗據都改嶽岳議良是十四年卒贈少保謚文毅岳奏議多不錄錄其論西北備邊事狀略云近歲虜酋毛里駭阿羅出李羅忽儿加思蘭大爲邊患蓋緣河套之中水草甘肥易於屯割腹裏之地道路曠遠難於守禦是以輅於榆林者若孤山安塞安邊定邊

諸路輅於寧夏者若花馬池典武高橋萌城諸路皆其入寇之所迤東則延安綏德鄜州諸路迤西則環慶平涼固原諸路皆其騷掠之處擁衆長驅遠者逾千里近者不下數十里沿邊諸將或嬰城自守或擁兵自衛輕佻者挫衄怯懦者退避既不能折其前鋒又不能邀其歸路虜遂源源而來洋洋而去進獲重利退無後憂取於我者衣食自恣屢起盜心處於彼者窟穴既安遂無去志虜勢不輯邊患不寧上厯廟慮遣將徂征奈何四年三舉一無寸功或高卧而歸或安行以返乃析圭

經濟

卷之十八

三

光緒堂

僉爵優游朝行輦帛與金克初私室且其軍旅一動輒報捷音賜予濫施官爵輕授殺傷我士卒悉泯弗聞掘拾彼器械虛張勝勢甚至濫殺被擄平民妄稱逆虜首級未嘗致其敗北輒以奔遁爲言未嘗有所斬獲輒以鈞搭爲解考其功籍所載賞格所加者非私家之子弟卽樵門之厮養而骨委戰塵血膏野草者非什伍之卒卽轉餉之民天怒人怨禍機日深非細故也況夫京營之兵素爲冗怯臨陣退縮反顧邊軍之功望敵奔潰久爲虜人所侮此宜留鎮京師以壯根本輒乃輕於出禦

以褻天威且延綏邊也去京師遠宜府大同亦邊也去京師近彼有門庭之喻此無陛俯之嚴可乎頃兵部建議遂於宣府出兵五千大同出兵一萬併力以援延綏而不計其相去既遠往還不逮人心厭於轉餽馬力疲於奔軼况聲東擊西虜人奸態構虛批亢兵家與策精銳既盡而西老弱乃留於北萬一北或有警彼未可離首尾受敵遠近坐困謂爲得計乎臣又聞軍旅之用糧食爲先今延綏之地兵馬屯聚芻粟之費日賴資給乃以山西河南之民任飛芻輓粟之後仰關而西徒步千

經濟

卷之十八

四

光緒堂

里夫運而妻供父輓而子荷道路愁怨并落空虛幸而至也東芻百錢斗米倍直不幸遇賊身已虜矣他尚何計輸將不足則有輕齋輕齋不足又有預徵嗚呼水旱不可先知豐歉未能逆卜如之何其可預徵也至甚不得已則令民輸芻粟以補官然媚權貴私親故者或出空牒而校之而倉庾無升合之入又令民輸粟而給鹽然恃豪右專請託者率占虛名而鬻之而商賈費倍徙之利官給日濫鹽法日沮而邊儲不克如故也又朝廷出帑藏以給邊者歲爲銀數十萬銀日積而多則銀益

賤粟日散而少則粟益貴而不知者遂於養兵之中寓其養狙之智或以茶塩或以銀布名爲准折糧價實則侵尅軍儲故朝廷有糜費之虞士卒無飽食之日至於兵馬所經例須應付平居之時一日之數人米一升馬草一束追逐所過一日之間或一二堡或三四城豈能俱給哉而典守者陰懷竊取之計巧爲影射之謀凡其經歷之方悉開支給之數背公營私罔上病下莫此爲甚由是觀之賊勢張而無弭之之道兵力弊而無養之術徒委西顧之憂於陛下誰果分憂盡心效力乎

經濟

卷之十八

五

光緒堂

採之建白察之論議則又往往紛紛據指掌之圖肆胸臆之見者率謂復受降之故險守東勝之舊城則東西之聲援可通彼此之犄角易制是非不善也第二城之廢棄既久地形之險易未知况欲復城河北以爲之守必須屯兵塞外以爲之助出孤遠之軍涉荒漠之地輾重爲累饋餉爲艱彼或伴爲遁逃潛肆邀伏或抄掠於前躡襲於後曠日持久露行野宿人心驚駭軍食乏絕進不得城退不得歸一敗塗地聲威大損其有懷敵愾之心馳伊吾之志者率謂統十萬之衆聚半月之糧奮

揚威武掃蕩腥膻使河套一空邊陲永靖是亦非不善也然帝王之兵以全取勝孫吳之法以逸待勞今欲鼓勇前行窮搜遠擊乘危發險倖倖萬一運糧遠隨則重不及事提兵深入則孤不可援況其間地方千里綿亘無際既無城郭之居亦無委積之守彼或往來遷徙罷我馳驅或掩襲衝突撓我困憊虜酋安望於成擒中國復至於大創失坐勝之機貽覆沒之轍必矣至有欲圖大舉以建奇功者謂必翦建州之衆除朵顏之徒衆勝而西遂平河套夫祖宗之於建州朵顏諸衛不過羈

經

卷之十八

本

光緒堂

縻保塞以固吾圉今若是將使戎狄生心藩籬頓壞遺孽難盡邊釁益多是果何知誠爲無策甚者至謂昔以東勝不可守既已棄東勝今之延綏不易守不若棄延綏則兵民可以息肩關陝得以安枕夫一民尺地皆受之於天於祖宗不可忽也向失東勝故今日之害萃於延綏而關陝騷動今棄延綏則他日之害鍾於關陝而京師震驚賊逾近而莫支禍逾大而難救此實寡謀故爾大謬以臣論之不若卽古人已用而有成及今日可行而未盡者舉而措之其爲力也少其致功也多日

重將權以一統制而責成功曰增城堡廣斥埃以保衆而疑賊曰募民壯去客兵以弭患而省費曰明賞罰嚴間諜以立兵紀而覘賊情曰資屯田復漕運以足兵食而紓民力國朝父子爲翰林學士得並謚文自岳父子始文集並傳自王忠文後再見云

江西左布政楊名父子器

楊子器字名父慈谿人成化丁未進士歷崑山高平常熟三縣令皆因時立政以循良稱績最陞吏部考功主事倡五經會武謂甯局清嚴不宜汎有交游則謝曰吾

經

卷之十八

七

光緒堂

學不欲以仕廢顧以地絕人邪愈益延禮名流討論羣籍非甚病披覽不輟於時陳邊務十二事銳意經濟會起孝廟山陵聞中有水石抗疏言之爲誣者所構下詔獄閣部臺諫交章救之得免晉驗封員外郎郎中時逆瑾方熾附者如蟻獨不一屈膝卒以駢亢不出爲湖廣叅議分守辰常道會榔桂賊起子器獨提偏師平之地方安堵轉福建提學副使程督嚴明人稱精鑑陞河南右叅政時山東流賊渡河走襄鄧衆謂已無可虞子器曰賊逼土兵必反奔汝州河洛得無震乎乃兼程

赴之而賊已薄城下。輒輟食登城。嚴令以徇。賊遂引去。子器故多疾。自是懇疏乞休。而家宰楊一清雅知子器才。方欲大用。爲寢其奏。進本司右使。未幾。轉左。會江西華林桃源寇攘。繼作。方慎選藩屏。大學士費宏巧於吏部。改授江西畢力宜。猷疾益增劇。以入覲。道卒。子器志存經濟。故學必期於有用。凡天下郡縣要害。九邊阨塞。以至山川道里。官府署無不了。或扣之。輒歷道其故。如懸河。性剛介。尤惡華侈。雖郡通顯。而服食如諸生。時餽遺故舊。僅取成禮。或以入覲。勸備土宜者。輒誦于經。濟。

經濟

卷之十八

八

光緒堂

少保兩袖清風詩以謝之所著有雲湖讀書記長平雜稿若干卷藏於家

刑部尚書洪宣之鐘

洪鐘字宜之錢塘人成化乙未進士授刑部主事陞員外郎郎中值江西福建流賊甫定承命往審處之歸言福建之武平上杭清流永定江西之安遠龍南廣東之程鄉率流移混雜習於鬭爭以武力相尚是以易聞而亂譬若羣豺虎而激怒欲其無相攫噬難矣宜及其平時令有司多立社學以訓誨其子弟銷其兵器易之以

詩書禮讓庶幾潛化其奸宄時以爲知本之論陞江西按察司副使進四川按察使繼屈銳後蒞獄明敏剖決如流行無留繫民歌之曰洪不支錮屈不解擔以其迅決便下不久繫方民業也由是豪橫屏息自土官宜慰使皆懷德奉約束安氏世有馬湖恃力驕僭爲地方患鐘從容畫策去之請吏於朝遂以帖定累遷都察院右副都御史巡撫順天等府兼整飭薊州諸邊備先是沿邊墩堡久廢每胡騎長驅莫爲牽制鐘建議增築邊墩自山海關界嶺口西北至密雲古北口黃花鎮直抵居庸關延亘千餘里自是緩急有賴奏減防邊官軍六千人歲省廩粟以萬計未幾召還改撫雲南又改貴州尋奉命督漕兩淮晉右都御史出掌南京院事陞南京刑部尚書改北京工部復改刑部兼都察院左都御史加太子少保賜玉帶特命出總川陝湖河四省軍務時沔陽賊丘仁楊清出入洞庭阻水爲險轉掠城邑人莫敢櫻其鋒鐘以計擒之蜀寇藍五鄧老人等聚衆煽結往來川陝間遠近騷動鐘曉暢軍機運奇制變涉歷險阻深入賊巢生擒渠魁二十八人招降羣從十餘萬播州

經濟

卷之十八

九

光緒堂

楊宜慰兄弟警殺流劫重慶保寧諸郡鐘察授方略調兵勦平復其故業朝廷七降璽書褒勵賜白金麒麟服進太子太保堅辭不獲則引年乞歸章七上始得請仍進榮祿大夫錄其孫一人入監嘉靖改元之壬午朝廷念鐘壽考詔進階特進光祿大夫柱國賜玄熏羊酒遣有司勞問無何卒謚襄惠鐘狀貌魁傑目光朗秀論議英發善計天下事析是非較成敗如數黑白至臨陣決機若脫兔敵人無不在其彀中者然制師以和不拘拘節制而卒所向無前說者以爲得龍西之遺意云

經

卷之十八

十

光緒堂

刑部尚書屠元勳

屠勳字元勳平湖人登成化己丑進士第授工部都水司主事改刑部歷員外郎郎中所處皆劇曹剖決如流而手未嘗釋卷嘗曰士當無書不讀無事不究其自勵如此尚書林季聰尤倚信之凡大獄有疑及事于權貴者必屬勳勳孤行一意執法堅正不爲權勢所撓在公卿間年雖最少而風采凝峻議論明剴卽素稱倨偃不下人者皆歛衽敬服直聲勁氣隱然表於朝著陞南京大理寺丞尋進左少卿上言十事多見採納若暑月

決囚徒兩京一體五歲一遣官審錄州郡刑獄著爲令時漳州溫文進作亂勳奉勅視師梟其首惡而散其黨與一方帖然擢都察院右副都御史巡撫順天等府兼整飭薊遼邊備勳以密雲孤懸每有警救援不相及潮河川積石漫衍守截爲難黃花鎮拱護諸陵而守備單弱奏分薊州爲中路以密雲東昌爲東西二路使互相策應於潮河川作虎落且礮石布蒺藜鑿坑窖而於其內築石爲城番有人馬於黃花鎮增置營壘及戍卒若干人三路既分潮河黃花鎮皆有備由是兵勢聯絡賊不敢犯熊兒峪有寄操騎兵營去水十餘里鑿井數十丈皆堅石馬日止一飲馱水至用十錢坐此困弊諸團頭關地平衍不當阨要每春夏雨水汎溢管壁傾圯調隣路修築兵人苦之勳至歎曰無水而安營捨要地而屯沮洳皆兵之忌也乃奏移寄操營於熊兒峪之南平移關於猪圈境外之南北水峪兵既得水又有出境耕稼之利歲省戍卒數百人晉刑部左侍郎會壽寧侯與河間民爭田而訟勳奉勅勘曰母后誕育其鄉而與細民爭尺寸土非國體卒奪田歸之民無何丁內艱起復

經

卷之十八

十

光緒堂

改左副都御史仍侍郎尋轉右都御史正德初上郊祀籍田幸學三事授據經傳傳以時事歸其本於講學而以宋儒真德秀大學衍義一書爲講學正心之要乞常以進講識者韙之陞刑部尚書時逆瑾用事乞奏請必先關白勲執不從曰如此是二君矣瑾用是銜勲而勲亦力求去加太子太保賜玉帶麒麟服以歸卒年六十有九賜祭葬謚康僖子應垣副使應坤叅政應垓論德垓子孟玄封吏部主事仲律知府叔方憲副孫謙提學副使皆成進士有令名

經濟

卷之十八

七

光緒

右都御史金德潤澤

金澤字德潤鄞人以應天江寧籍中成化丙戌進士授刑部主事歷員外郎郎中出爲四川右叅議尋轉右叅政掛州宣慰厚饋以金幣毅然却之至以庶長奪嫡竟置之法革三長官司撫安七十二寨夷民駢首歸命流賊李廣蟠聚五千餘人戮通江官吏傾其帑藏東鄉王伯榮叛尤犯順焚蕩縣治澤前後設畫偵其渠而殲之夔賊野王剛鼓衆猖獗克斤湖陝上命三省督兵會勦澤下勦賞之令覓磔剛於市積功陞廣東右布政使

未幾轉左時汀漳盜起有司無遠略不急捕其勢浸熾而嶺南湖湘之不逞者從而和之四散焚劫掠幣藏殺官軍騷然爲東南郡縣患有司始駭而圖之備其東則發於西掠其南則竄於北當路者以爲憂議曰盜之未平以政令不一而隣境有司不肯協心故也宜設巡撫重臣開闢要地以節制之則賊守專而盜易平矣迺具奏其事孝皇俞其請因陞澤爲都察院右副都御史巡撫江西澤奉勅撫定便宜行事先榜令自首乃嚴督緝捕斬賊首滿天明等八百餘級論功罪明賞罰人多

經濟

卷之十八

七

光緒

感奮思效徃徂洞蠻開風向化四邊以寧又以四省犬牙任委專一每有警急事難責成奏請于交錯地方州設判官縣添主簿各一員並不別差專委操練機快緝捕盜賊一遇竊發卽用責成又撤下撫屬各於險要處所設立關隘卽食編附近居民之壯者防守要津禁遏奸細由是盜賊絕跡四民樂業至今二百年來倥鼓不鳴者澤經畫得宜之力也陞南京刑部右侍郎改兵部進南京都察院右都御史掌院事致仕卒

南京刑部尚書潘廷芳著

潘蕃字廷芳崇德人成化二年進士授刑部主事歷員外郎郎中以平允聞出守安慶安慶民甚安之而郡人有要路者銜蕃改治鄖陽鄖陽初創界接陝洛流民歸者如市蕃因撫以土著遂稱善郡歷奉政左右布政晉右副都御史巡撫四川凡扞禦撫輯積五歲而天子無西顧憂轉南京兵部右侍郎陟右都御史總督兩廣時黎寇符南蛇等大肆禍於海南衆號數萬蕃前宿規方略至是親統兵逆擊大破之生獲首首磔於市蠻氛以息論功擢都御史思恩知府岑濬思州知府岑猛叔姪爭地舉兵仇殺至是濬攻陷思州猛窮走軍門祈援蕃令人馳諭思恩曰人臣擅攻殺罪大逆不赦能罷兵者我全爾思恩不能卽殺濬濬終不聽叛形益張蕃籌其所居道里遠近險易批亢乘危分六哨以進勢不能支濬遂伏誅餘者殺降殆盡豐湖十三僰寇及惠州古三仔唐大鬻等憑恃獷狁阻兵稱亂蕃督率部兵分爲兩翼左右掩擊斷其吭而答其背於是戢古唐渠魁而遺黨悉平蕃在廣五年屢大戰伐前後斬賊首一萬三千有奇瑾橫蕃耻爲俛屈屢疏求去遂得請馳驛以歸

經

卷之十八

十四

光緒堂

先是岑濬既平蕃議以思恩改設流官岑猛失守府治當降同知劉大司馬大夏計獨相左乃奏徙猛別府而思州亦從改革蕃去廣岑猛復叛瑾素忿蕃遂用此爲罪滅蕃及大夏下之獄謫戍河西瑾誅詔還田里優游林野日與農人相對桑麻村徑信其所之沾沾自喜人有規其爲子孫計者輒曰爾又欲舍已而遺所不知何人耶蕃歷官久未嘗起一第時人爲之證曰尚書歸來無第宅稅地種花兼種魚舉網打魚魚換酒花前醉倒老尚書蕃聞之大笑亦不問誰之所作也年九十七卒

經

卷之十八

十五

光緒堂

山西右叅政張時勉敏

張敏字時勉世爲海鹽人曾祖景福檢校開封府從征雲南戍大理因家焉敏少負奇有才名領雲南鄉薦會試春官輒不利弘治己未謁選得知蘭州蘭州密邇虜巢虜時時剽掠州民苦之敏嚴議察謹斥俟奸細至輒擒斬之自是虜不敢輕入州氓多家村落城中惟藩邸軍衛人素侵暴百姓輕州官敏乃一切裁以法民乃安善聽斷摘人隱伏多曲中遇事敢爲嘗勘牧地之久爲豪右所據者盡追復之還於官遷西安府同知專督儲

餉期歲完。逋者五十萬。而民不怨。擢馬湖知府。時川蜀盜起。鄒藍廖喻諸賊首。勢猖獗甚。自夔達蔓延。保順諸郡營連十餘里。衆號數萬。兩川震動。總制洪鐘知敏雄武有謀略。特屬任之。敏請選兵自富。一面曰賊雖兇獷。然皆烏合之衆。易與耳。進遇於通君門鎮。敏麾衆大呼。直前。無不一當百。賊奔。追斬幾盡。溪水皆赤。自是賊氣沮喪。所向有功。鎮巡倚以爲重。制府上其功。進四川按察司副使。整飭綿利等州兵備。當是時。鄒雖就擒。而其黨廖陳輩復糾衆爲亂。洪鐘曰。渠魁已伏誅。餘出脅從。法當撫定。若一繫兵之。恐玉石俱焚。非天兵弔伐意。傾衆莫敢任事者。敏乃請獨往。遂單騎入賊營。賊露刃以俟。敏厲聲曰。吾爲活汝輩來。寧畏死邪。因宣布德意。曉以禍福。衆感激泣下。陳賊首詣軍門。聽撫散其黨二萬餘人。廖憤陳先受招。乘夜劫營。將并害敏。敏笑曰。吾不畏死。但恐大兵且至。汝輩無噍類耳。賊爲之吐舌。時子淮自浙來省。得報。冒鋒刃入賊營。願與父同死。敏以宗祧事重。促之出。貽書兩司宜。進兵攻賊。毋以予故遺地方患。又與其家人訣曰。以死勤事子之分也。汝第治裝。

經

卷之十八

七

光緒堂

歸賊尋。怙送敏出管。敏既出。偶墮崖。傷足。乞致仕。不許。復起。泚兵事。既而都御史彭澤來代。鍾總制尤知敏。因問平賊計。敏謂。旣撫而叛。非實有降意。特借是以老我師耳。宜及公初至。亟集兵。勦之。乘其不備。可一鼓而絕。後患。澤竟用其言。平賊。進山西布政司右叅政。遂致仕。卒年五十有七。

副都御史陳宗之。鎬弟欽附。

陳鎬。字宗之。會稽人。大父嵩。以通天官學。徵赴南京。遂占籍。欽天監舉成化丙午鄉試第一。丁未成進士。授禮部主事。乞便養。改南吏部郎中。晉山東提學副使。爲人明敏。有吏幹。董學時。校閱精覈。公廡詳慎。終始如一。諸生登降之序。皆自書之。不假手吏人。輯洙泗志。以振發士習。諸生感其風誼。興起成就者甚多。齊魯間稱名督學。必首推之。晉江西叅政。轉湖廣布政使。會漢沔盜起。流劫郡縣。民之貧無賴者。蟻附其間。徒黨日衆。鎬設方略。督官兵以次討平之。餘賊未盡。朝廷卽晉鎬都察院副都御史。巡撫其地。鎬曰。良民可驅而爲賊。顧不能還賊爲良民乎。於是移檄諸郡。脅從者不治。湘湖間素服。

經

卷之十八

七

光緒堂

鎬威信見檄卽盡散歸農有固阻深者皆囁囁有更生之樂每語輒曰非陳公孰能活我未幾以疾乞歸命未下而卒弟欽字諒之蚤負文譽與兄鎬齊名又同登科甲授南武選主事署選軍政秉持清格峻拒請託豪貴者側目咸思中之會武庫郎婁性被誣下獄取勘同部人皆握手避莫敢暴白欽獨奮身疏其冤狀詔并逮欽同繫者二年婁病日淺賴欽周旋之得不死久之婁乃獲免而欽亦以此名聞天下出知廣平廣平爲畿輔要縣漢書獎委欽洞達民隱臨事果決至則踴厲風發百廢具興以時巡行屬縣問民所疾苦廉有司賢不自而勸懲之有望風解印去者郡人號爲陳母弘治乙丑入覲吏部舉二千石卓異者十人請加宴賚欽首與焉晉廣東提學副使條教甄別士方嚮風以疾卒時論惜之欽嚴毅方正所與游必當世名人於物非其義不取服官二十年樸素一如寒士所著有自庵集與兄渠庵漫稿並行於世

兵部左侍郎潘仲魯希魯

干嘉附

潘希魯字仲魯金華人登弘治壬戌進士第選翰林庶

經

卷之十八

七

光緒

吉士授兵科給事中時閹豎初橫希魯灼見其幾遇萌芽卽逆折之有汪銓者故太監汪直義兒也乞陞錦衣衛鎮撫帶俸守塋希魯卽抗疏奪之其略曰世祿以及子孫鬼神不欲非類內官本無後而強求世祿之恩義男本異姓而欲冒他鬼之蔭疏人中官皆切齒既又勸上隆大孝勤聖學節游樂遠佞倖八事其他語皆剴切不便權近而逆瑾遂謀中傷之矣正德丁卯差湖貴二省計處邊儲陞吏科右給事中時瑾虐焰方熾凡差者還例進賂以免禍有司亦致千金爲備希魯毅然却之曰我爲諫官不能爲朝廷除惡我之罪也奈何復助之乎瑾又諷希魯多奉劾爲賄地希魯復不從瑾大怒矯命下希魯詔獄杖之闕下奄然而逝瑾快曰死矣左右負以出久乃甦當時見瑾者雖公卿必屈膝卽被謫謫亦必辭以行希魯旣除籍爲民獨不往還鄉里杜門不出日惟課子弟讀書韋楓山憇於人少許可獨稱希魯清修苦節且貽之書曰執事此歸賢於二十四考中書矣瑾誅起爲刑科右給事中奉詔持節往使安南陞禮科左給事中反命改工科給事中陞南京太僕寺少卿

經

卷之十八

七

光緒

先是徐和之民困於納馬爲秦更折色民大稱便而馬價視昔易完嘉靖癸未遷南京太常卿改北提督四夷館時大禮未定議者紛紛希曾慮其聚訟而貽患也作大禮問以解之一言出而羣議遂息晉都察院右副都御史提督南贛汀漳等處軍務惠州縣賊賴貴聚眾肆虐進兵勦之空其巢剽頭餘賊曾蛇仔七巢並與大肆毒痛遠近震恐希曾發諸路兵夾勦賊大懼乞降且襲執通判董鳴鳳以要我希曾曰此賊故智耳昔人常墮其計容復蹈乎乃下令曰通判自債事不足恤有能擒之出者予弗死益督進兵力戰賊大敗賊其魁俘獲以萬計於是犂其庭籍其田以業貧民審其脅從者分配內地而通判卒獲全召拜工部右侍郎會河流沛縣潰渠淤塞或議開昭陽湖新河費且數十萬死者數千人而工不克就命希曾兼憲職往蒞之希曾議以沛潰之淤塞由黃河之旁衝黃河之旁衝由上流之未疏今宜疏支河以殺其勢築長隄以防其衝然後鑿通沛潰無復淤之患乃上疏其略曰河流故道非一其大而要者若孫家渡趙皮寨乃上流之支河沛縣飛雲橋乃下

經

卷之十八

手

光緒

流之支河弘治以前三支分流會於淮而入海故徐沛不受其害邇來上流二支俱就壅塞全河東下併歸飛雲橋一支下束徐呂二汛上過開河流水溢爲游波茫無畔岸於是決隄壅沙大爲消患今日之計固當挑濬舊濬以通糧運加築隄岸以防衝決然非疏上流之支河將來秋水復發沙雖挑而難保其不復淤隄雖築而難保其不復決探本之論固有在矣上嘉納焉至濟卽達觀徐沛於漕閘新河險阻沿黃河出豐單以求水噴奔衝之迹洞悉利害而得其要機遂築長隄起單至沛凡四百十餘里時建議者欲別遣官相度意在阻其成適有旨下希曾計處乃復上疏其略曰消渠廟道以下忽淤數十里者由決河西來橫衝掣開河水入昭陽湖以致開水不復南流而飛雲橋之水時復北漫故沙停而淤也今宜加築東隄以遏入湖之路更築西隄以防黃河之衝俾其自北而南常由故道則沙不復淤矣臣愚且拙不敢求新奇之功不敢爲苟且之計惟欲因舊以爲功從省以濟事順水性以除患故舍新河而修舊濬者圖其易也沿黃河爲隄者防其溢也停築冰夫

經

卷之十八

手

光緒

十數萬僅用河夫數萬者恐民勞也罷顧慕而行徧助者慮繼費也上復納之於是役夫費銀不滿二萬不期年而功成沛漕流通歲運如故已丑秋境山河忽西徙三百步亂石絕河湍流下射高數仞雖虛舟不得上其有冒險而下者十覆三四遠近駭懼舟戒弗行希魯命穿故河廣十步以通水稍截徙河逼之東兩涯下埽以漸相屬及兩埽漸逼河流激溢乃決入故河奔放衝滌一夕河廣一倍二三日盡復其舊人謂禹之行水弗是過也論功陞俸一級召入改兵部右侍郎未幾轉左

經

卷之十八

三

光緒

其以無疾卒贈兵部尚書賜祭葬子徽嘉靖己丑進士累官福建按察使以公廉稱乞歸不遂奔母喪哀號慟絕僅終制而死

兵部左侍郎陶世和諧

陶諧字世和會稽人弘治乙卯領鄉薦第一明年成進士選翰林庶吉士授工科給事中丁外艱起復當武宗初政閹宦擅權是非顛倒諧遇事敢言其大者戒逸游一事專斥巨閹劉瑾丘聚魏彬馬永成輩蒙蔽聰明迷亂國政宜寸斬之以謝天下瑾大怒誣以他事杖之

經

卷之十八

三

光緒

爲民族又指與大學士劉健謝遷及知名士五十三人爲黨入錮之憾猶未已也以諧嘗巡視十庫駕言欺隱布疋械繫至京下詔獄廷杖意必斃之會有營救者得不死謫戍肅州諧與疾就道親友送別者多泣下諧聞吟曰只在乾坤內何須歎別離聞者壯之璽詔還家閉門讀書養母者十餘年嘉靖改元世宗皇帝采錄天下名人乃起復原官未至陞江西按察司僉事區處發運南京水兒省費鉅萬轉河南按察司副使管理河道立法沿河種柳固堤傍植葭葦采取菴埽以當草束積木棘麻則以水利河道罪紙米俱准收折纖毫不取於民總理臺臣奏請通行歲省費十餘萬擢本蕃叅政適太行賊陳卿爲亂山西河南二省當會勦諧默自定計師未會即以奇兵擣之遂擒卿地方底寧進右布政使尋轉左擢都察院右副都御史提督南贛汀漳等處軍務兼理巡撫時七山賊趙宗欽等煽亂爲地方患諧密授方略潛兵襲擊之生擒賊首餘黨倒戈出降願赴軍門聽調爲畫地安插之七山平獨連州大帽楊旗等山賊據天險結石棚懸滾木機毒矢兵至如雨下不

可近諸選銳卒二百人。入服林短兵并繫竹筒貯火藥。且以爲號。夜援藤上揚旗焚廬舍。草木大兵鼓噪山下。聲震天地。賊驚潰相蹂躪。二百人從中斫之。遂盡破大帽岩塘等諸寨。誅無敵王興隆。僞都督總兵林宗福等。有名賊首三十三級。俘獲無算。授降新民三百八十三戶。諸總督四年。凡六出師皆大捷。每發兵諸將同受方略而行。及其成功。不爽毫髮。會兩廣缺總督。擢諸兵部右侍郎兼臺秩往蒞之。先是羣盜憑恃險阻。聯絡州縣。甚至僭號署僞官。不知有朝廷者數十年。請至召諸

經濟

卷之十八

十四

光緒堂

所苦賊熱彼中狀者。密訪之。更遣幕下敢死士與俱。遍入賊巢。盡圖其險易。虛實以歸。諸一覽賊在目中。曰。不難也。但念海賊飄忽無定。須先勦之。乃作灣尾巨舟於番禺海濱。計賊必來焚我新舟。伏水兵以待。賊果至。大破之。溺海死者過半。殺賊謀主陳邦瑞。賊首乞降。得丁壯千八百人。分遣之。乃征平南。破石馬仙臺花相等山寨。斬賊魁雷公招。濟州以寧。於是親督兵悉力於東西山。按圖刻期四路分擊。使不得相救。盡破巢寨一百二十五處。德慶陽春等寇悉平。分屯設守而還。未幾復勦

瓊州黎斬黎佛二等一百四十級。降從賊一千一百有奇。撫處與洞者五。以母老乞身歸養。累疏不允。竟聞訃奔喪歸。服闋起貳本兵。日夕考求賊方險要。諸將勇怯。思欲振刷九邊之弊。會九廟災。陳乞致仕歸。丙午。遣疾卒。贈兵部尚書。隆慶元年。有司上諸行誼勲業。追謚莊敏。

刑部尚書顧惟賢應祥

顧應祥字惟賢。長興人。少警敏。善屬文。踰冠與計偕。進士。授饒州府推官。發摘如神明。顧時有所縱舍。

經濟

卷之十八

十五

光緒堂

以承寬貸。吏民畏服。連攝大縣。人人稱平。府缺守。則又攝守。而會姚源洞大盜起。虜樂平縣令汪和。聚海洶無所出。祥挾一老卒御羸馬叩賊壘。曰。司理來。賊大驚。爭出迎。曰。非我領府君耶。乃肯辱臨我。祥爲緩頰。數語利害。賊立釋令去。曰。府君活我不復反矣。以臺諫徵。至則年不應格。遷錦衣衛經歷。時縱帥錢寧幸用事。祥其屬也。獨折節願交。祥異謝不爲動。寧當上自免疏。屬祥草祥故爲峻語。風之。寧謝曰。領君憂我深耳。此白簡誣也。出僉事廣東。汀漳山寇起。限三省中丞王守仁討之。

祥以兵挫其鋒。鹵酋雷振溫等殺千四百餘。功上未報。祥又移兵逐海寇。金瑯韓匪颯等。屢其巢。又移兵其

柳桂寇。殺千餘。始報還。祿一級。祥之治。嶺東道不拾遺

其用師再起省一。越郡威望赫然。擢江西按察副使。歷

山東藩臬。使起拜都察院右副都御史。巡撫雲南。所規

畫上事二十餘條。滇人無不稱便者。母喪。服除。再撫雲

南。時元江首那鑑恃不受法。衆方議用兵。祥持不可。曰

此因歐可緩而縛也。會祥遷南京兵部侍郎。以去。後至

者不勝功迫之果。失一布政使。以敗召爲刑部尚書。甫

經。祥

卷之十八

光緒室

五月。樹相自負推轂恩。祥故爲不知者。待之無加禮。稍

相。惠甚。諷御史誣劾。遂調南京刑部。居二年。請老歸。與

將尚書瑤劉清惠麟諸名公。尋撤城之社。每一篇出人

爭傳寫。評者謂其詩似白香山。書似趙松雪。祥衷然不

屑也。祥少從陽明增城二先生游。然不甚傳依其說。其

所持衡足破世學之的。而不立門戶。及教授諸生。以故

無傳者。於學不名一家。諸六籍九流百氏。言人人殊。祥

剖析而秉裁之。其最喜者九章勾股法。謂能以入法府

天巧。推宇宙得無師之聖。所著有借陰錄。人代紀。授

時曆法。測圓海鏡。弧矢算術。讀易愚得。尚書纂言。明文
集要。行於世。

兵部尚書姚英之鎮

姚鎮字英之。慈溪人。登弘治癸丑進士第。授禮部祠祭

司主事。晉精膳員外郎。擢廣西按察司提學僉事。廣西

邊省士寡。聞見鎮立。宣成書院。簡其俊秀。延五經師。教

之。食飲筆格皆鎮處。給士皆感奮力學。成名者衆。陞福

建按察副使。平大帽山賊劉龍等。斬首三千餘級。隨改

督學。典泉建汀。未有春秋易學。鎮選明經分教諸邑。絕

經。祥

卷之十八

光緒室

學始興。甲戌朝覲。吏部舉故事。方面官才望懋著者。賜

燕幣。旌其賢。得十有五人。鎮其一也。陞貴州按察使。福

建山東布政使。兢兢矯厲。不私出納。羨餘罷吏胥班金

之罰。一時藩臬以爲稱首。陞都御史。巡撫延綏。時武

皇帝先以十萬衆駐蹕其地。公私皆置。各郡皆飢。鎮調

度兵食。人不知擾。延綏士卒素忠勇。鎮厚撫之。月給糧

餉。遣人督送。其家凡將領不得私役一兵。驍勇士悉引

見慰勞。由是人樂爲用。嘉靖壬午。虜寇涇陽。全陝大震。

鎮以遊擊彭英勇略。使率所部出西路。釋指揮卜雲於

獄爲英貳皆背決死戰偵虜方寢前鋒過其壘砲發虜
悉衆而南前軍返襲其後英等大軍乘之斬首八十餘
級虜衆悉引退陞工部右侍郎提督易州山陘未幾陞
右都御史提督兩廣軍務田州土酋岑猛侵奪隣境屠
戮土官結納逆豪抱諸不軌鎮巡舉奏調湖廣永保兵
勦之鎮至倉卒調集兵糧初諭猛自歸待以不死猛不
聽遂親督師進破定羅丹梁猛子邦彥率驍將韋好陸
受列十二營拒戰我師奮擊誅好受衆潰邦彥走死猛
奔歸順歸順土官岑瑋故猛婦翁而女失愛素憾猛乃

經濟

卷之十八

王

光緒堂

密檄千戶趙柜間之璋遂受命計取其印而鳩殺猛斬
其首馳詣軍門田州悉定捷聞降勅褒獎進左都御史
太子少保蔭子錦衣百戶班師而還苗盧蘇煽誘恩恩
王受襲執田州王熊兆要赦於朝鎮謂交南麓川既平
復叛姑息致然二酋不誅何以懲後復請進兵會布政
嚴紘嚙鎮倡言猛實不死御史石金入其言劾鎮罔上
察謀懷夷無策以致再亂鎮遂得罪致仕以歸既而陝
西三邊缺總制閣臣以鎮舉鎮聞命就道延綏望鎮如
甘雨莫不效死鎮嚴督諸鎮推殄虜寇寧夏甘肅相繼

素功以老請得致仕歸門人在朝者皆捐俸爲建書院
於東臯之濱讀書其中澹然不累聞達卒年七十有四
鎮賦性方嚴度宇恢豁不厭齷齪尺寸而豈弟長厚門人
親炙如慈父胸臆淹博涵養高明遇事輒問是非不計
利害所守甚介在山東得藏銀無標識者若干吏密送
鎮所輒升之籍上其數於監司在廣西討賊軍餉止用
四十餘萬而後繼者主撫乃用七十餘萬始服鎮之潔
云所著有東臯文集奏議若干卷

工部尚書章以道拯

經濟

卷之十八

王

光緒堂

章拯字以道楓山先生懋之從子自幼穎悟懋授以易
學暮月盡究其旨懋曰此非凡兒也勉以聖賢之學遂
一意踐履造詣日深博極羣書洞辨理要登弘治壬戌
進士第授工部主事改刑部因忤逆瑾逮問謫梧州通
判時僚吏數百嘯聚馬平拯單騎往諭開以朝廷大義
僚遂解散瑾誅召爲南京吏部主事再遷兵部郎中陞
廣東提學副使振孤寒抑僥倖標示正學士習爲之一
變歷叅政分哨督兵勦新會通寇加俸一級陞右布政
轉廣西左布政使尋陞右副都御史撫治鄆陽等處尋

經濟

卷之十八

手

光緒堂

尚清靜民皆安之改總理河道時河決魯橋有獻議欲挽河使北漸復禹故道者拯議爲今計當迹前績而度時宜增卑倍薄塞潰疏壅分殺其怒斯爲實幹若差出漢人下策欲求夏禹全功工後一典必致疲民誤國所不敢爲也蒞事之明年山東大水助河爲虐議者因而請張之廷議別遣重臣按事商度得旨陞工部侍郎兼都御史仍治其事乃請浚孫家渡分殺河勢甫興工而夏潦驟溢未及底績言者論之不已改督視顯陵工程以盛應期代之別議開昭陽湖新河後丁夫十萬衆費銀五十萬兩功竟不就更以潘希曾代之迭用拯議河以無患顯陵之後始估用銀十七萬兩拯請就向於安陸伐石於唐子僅用銀一十萬兩畢事而以其美歸諸內帑還朝晉尚書理部事時夏言建議分祭四郊拯循僚屬上議乞如舊制合享以民困財乏爲言忤旨適饒州進祭器不如式上加譴而顯陵同事內臣銜其減費不爲已利又以寢殿琉璃滲漏中之鐫秩間住既歸杜門不出雖當路交章薦之而葛巾野服油然與俗偕殆忘其身之貴亦不自知其可復用也人共稱其

學本樞山直亮勁節有古大臣以道事君之風隆慶初贈太子少保謚恭惠所著定性書克復解及恭惠集若干卷

山東布政使姚鳴南鵬

經濟

卷之十八

手

光緒堂

姚鵬字鳴南崇德人登弘治壬戌進士第授福建龍溪縣知縣持躬清正治法精明縣有惡少二人橫行邑里人畏之如虎鵬擒之語曰爾如虎請入虎穴斃之獄百姓歌舞於道如更生歲大飢出公帑賑給全活者以萬計陞工部主事權稅無湖却其羨一毫不染至今頌其清歷任員外郎郎中巡視河道督理有功商民咸利出知部州府部故多積弊悉爲釐革老吏惕息如對神明時廣寇高快馬長朱白毛者嘯聚數千餘人焚切州縣旁徼微殊其當道以鵬有文武才請於朝特給金牌以便進討甫三月而殲其魁餘黨悉平又有土酋舉猛者據險犯順莫敢撓其鋒鵬不避死身入其巢百計開誘圖其形勢而出提督者得按圖期會進兵除勦鵬之力居多擢福建巡運司使未及赴尋陞山東布政使勞心王事形神枯槁未五旬以疾卒

工部右侍郎陸元望杰

陸杰字元望平湖人光祿卿淞之子登弘治甲戌進士第授兵部武選司主事轉車駕員外郎武庫郎中出叅議湖廣分守荆南地當河陝二省之衝客戶雜居豪滑難制且與宦者共事杰一以詔書從事確不可撓丁外艱服闋改山東分守遼陽遼陽與虜接壤時與諸將吏出微講武蒐乘經略有備虜不敢南向牧馬陞陝西按察司副使時虜寇榆林羽書告急上命趙總兵將京營軍往援至則屯綏德不進杰親率遊擊總兵官合師出戰斬獲甚多虜遁去乃奏撤趙總兵軍有急願以身當之居數歲虜不敢犯邊降者日衆遷右叅政分守秦鳳涇原寧隴等處地方擢江西按察使轉右布政尋遷廣東左布政使五嶺以南擅番舶之利杰懲犯禁者數十人民始欽輯安南貢使不至朝議以都御史毛伯溫督師征討杰預偵安南隱事爲伯溫密言可不煩兵而服伯溫以聞上許便宜罷兵未幾莫登庸果青衣上表請罪補貢如其言擢都察院右副都御史巡撫湖廣時大駕幸楚供億浩繁杰處分若素定隨奉章聖皇

經濟

卷之十八

圭

光緒堂

太后梓官南附水陸供輸無不悉備進工部右侍郎仍兼都御史撫其地丁內艱會以伎者言致仕去久之

上念杰不置每有除拜輒問陸杰安在及御史王應鍾疏薦杰上驚曰陸杰固無恙乎以原職召晉侍郎星有白金文綺之賜御札諭問稱曰冬膏大臣而不名杰感激就道冒暑過勞卒於官贈工部尚書杰負氣剛直侃侃不阿自爲正郎時武廟南巡杰與黃筆陸震伏闕極諫上怒廷杖四十幾絕而甦由是直聲震天下杰入仕四十年歷五省十三任皆積勞序遷不爲巧宦而所至有聲爲文明潔邁勁凡文檄奏疏若干卷福建按察副使陸君美偁子鈞銓附陸偁字君美鄞人登弘治癸丑進士第授監察御史劾卷廣東巡按福建山東皆銳於經略風裁獨持陞福建按察副使巡視海道時海寇充斥編戶焚蕩偁乃濱水戰火攻之法距擊之而又設畫樹防什伍海艘程出入時往來立賞格嚴哨探定保甲邊徼肅然已而汀漳山民嘯聚爲盜當路者以兵事屬之偁增築三堡揀除守要謀賊半至魔伏卒突擊之又張奇夾構俘賊無算地

經濟

卷之十八

圭

光緒堂

方救寧閩人德之勒石月港以紀茂勛及被論免歸監
司行部每見咨訪輒縷陳說利害如障陂東湖增石
生堰皆惠利至今稱性孝友天至親亡躬負土以葬兄
病親爲嘗藥乃其大者三子鈞銓鈞字容之正德甲
戌進士授南京車駕主事歷員外郎郎中出知安慶安
慶自逆濠之變毒於兵燹鈞至尤加意撫循之歲侵則
爲粥以食飢者所全活以萬計陞貴州按察副使兵備
龍里時龍猴二場軍夷以貿易亂鈞往治之故戮死囚
數人徇衆視其魄遂繫倡亂者戮之餘皆帖服歷廣西

經

卷之十八

書

光緒堂

福建藩臬長所至皆有表樹陞都御史巡撫保定禁後
靡清侵冒鎮撫達官飭固城守威經制遠圖不瑣瑣爲
旦夕謀會聖駕南巡鈞倉卒經畫百務立辦而中貴
與都護輩索賂不與遂犯衆怒而御史胡守中因中之
落職歸竟卒銓字選之嘉靖癸未進士除刑部主事改
兵部武庫郎歷禮部儀制郎中時上方稽古禮文以
隆制作四郊九廟親蠶親籍諸禮內降旁午而討論陳
奏頃刻凡數四宗伯大臣盡倚以爲辦莫不當土心
資望功賞皆宜得右秩而柄用大臣以圖上祭器不先

開白遂大忤意出爲福建按察添註副使益自勵勵官
攝海道漳故盜藪而利窟也諸射利奸人多以厚資餌
監司闖出爲患銓獨嚴設禁網刻剔奸蠹卒不爲諸射
利者餌轉河南參政撫民南陽陞廣西按察使時弩難
徂賊侯公丁雄處胡藍二姓之間相助爲寇或議大舉
兵盡誅之銓曰堅賊黨而分我兵且逆順難明非計之
得也不若計藏渠魁而撫其餘監軍者如其言而弩難
果平陞廣東右布政使以內艱家居卒銓質性英銳讀
古書一目卽解解卽不忘操筆爲文卽奇氣橫溢滾滾
莫禦而卒不戾於矩度雄視天下謂豪俊莫能相先而
當官蒞政剴繁解劇不啻庖丁之游刃也時方以偉烈
期之而竟齋志以歿識者憾焉鈞別有傳

經

卷之十八

書

光緒堂

刑部侍郎虞惟明守愚

虞守愚字惟明義烏人由進士初宰嘉魚調萬安懷民
以惠召拜監察御史上言時政之不便者忤旨廷杖得
不死出按福建及徽寧等處彈治不法如鷹鷂之擊鳥
雀貪墨之吏望風解綬然不事毛舉獨持憲綱被其激
揚者人人自奮轉大理丞尋陞都御史提督南贛汀漳

軍務所轄將吏悉鑒其才節勇怯而兼容之是以鼓舞羣職吏無不稱之懼歷大理寺卿以南京刑部侍郎謝政歸歐陽南野極重之每日維明之歷官凡三變焉結墨綬以恩持霜斧以威及建節秉旄則又恩威並用以合容躋卿貳蓋維明抱經濟之略故隨地異施無不賞可是非抱片長寸善者之所易及也人以爲確論所著有經書一得錄虞臺拙稿東厓文集

都御史魏士華英

魏英字士華慈谿人舉進士授博士拜監察御史巡按

經

卷之十八

五

光緒堂

四川上官安鰲暴亂三十餘年輒設法擒之奉命闕京營以卒伍耗損坐爲勲戚權閹所隱占一糾以法不爲前却陞湖廣副使永順保靖二宜慰分占峒寨警殺累年英下車輒爲理曲直示憲典刻竹符多寡定罪遂皆懾伏進江西布政使寧撫人方恣橫欲盡私南昌所屬河泊課矢力拒之及諸教紀肆虐一不爲借陞都御史巡撫貴州會乖西苗阿雜爲亂屠城堡偕王疏英按其形險盡得虛實於是授方任能環師急攻連破六寨俘斬數千招降以萬計蜀寇方四流劫諸郡兵連湖湘

英選精銳擣其中堅四面合兵夾擊大破之斬獲甚衆捷聞賜勅褒獎錫以金幣因積苦兵間遂乞致仕家居日與朋賓賦詩飲酒恣意所如絕口不談世事英自弱冠筮仕歷三朝更七命慮慎不渝而倜儻敢爲臨敵制變機智溢出故動獲萬全然謙恭和遜未嘗自伐奏疏輒削其稿平生詩文若干卷號報古集

右都御史俞良佐諫

俞諫字良佐桐廬人鄱陽知府薰之子登弘治庚戌進士第授長清縣知縣政多卓異吏部考爲東藩第一令

經

卷之十八

五

光緒堂

拜南京監察御史慨然以澄清爲已任奉勅清戎西蜀嚴明不苛盡除積弊後繼御史因其法不敢變至爲師善碑以紀之縉紳修爲美談正德初擢河南按察司僉事雪花崖賊呂梅等作亂諫率兵破之擒梅以還俘其黨數千人內艱服闋除山西清獲三閭隱稅屯地二萬餘頃招集願拔軍士一千餘人時逆瑾方擅威福間出內批遣寺丞往邊境諸郡取兵爲它用諫慮其意不可測自巡撫大臣寢其事擢江西布政司叅議適大帽山賊哨聚信豐安遠諫設計擒之陞廣東按察司副使未

任轉大理右少卿已而轉左。隱獄多所平反。陞右金都御史。總督蕪松等處水利。衆議方急開白茅港。諫謂港近海沙。隨潮上下。旋開旋淤。徒勞民力。上疏罷之。未幾山東賊劉七等往來江上。爲患擢諫南京都察院右副都御史。奉勅專理操江。賊竟就擒。時江西桃源賊王浩八率五洞蠻兵劫掠州郡。上勅諫往督軍務。諫選將運籌靡間。晝夜凡九征。皆大捷。遂蕩平其巢穴。以功進右都御史。賞賚白金表裏。詔復巡撫其地。建昌賊徐九齡者爲患尤劇。積三十年。官軍不能討。諫復督師盡擒之。以還。上大喜。手詔褒獎。陞俸一級。時宸濠方蓄異志。以得。上賜欲撫臣以下。朝服賀。諫不可。又去其左右。爲惡者。濠怨諫甚。屢欲殺之。無間不敢發。諫遂引疾乞休。濠納賂權閹奪其官。既歸。杜門不出者六年。嘉靖改元。召督漕運。兼巡撫淮陽等處。清冤獄。黜貪吏。所至肅然。復平河南王堂等寇。召入治院事。卒於官。贈太子太保。謚莊襄。諫經學淹貫。敏達過人。剛毅敢爲。事不避難。才兼文武。雖古之名將相。不是過也。處鄉黨好善惡惡。分別甚嚴。人多畏服之。

經濟

卷之十八

王

光緒堂

巡撫順天都察院右金都御史汪汝成

汪玉宰汝成。鄞人。弘治戊辰進士。授刑部主事。歷員外郎。遷湖廣按察司僉事。攝辰沅兵備。湖藩六道。辰沅最遠。而承順宣慰司。方恃其富強。納賄椎奸。圖地之屬保靖者。舉兵相殺。傷無虛歲。朝廷勅大臣會勘。或受別旨。欲有所左右。而玉執理益堅。豪有力者不能奪。先是承順以黃金器若干餌玉。玉問之。命擒其使。使遠逃。匿至是。陰令劍客刺玉。人多爲玉危者。而玉屹弗爲動。難竟不敢作人稱。是役也。王之勇過賁育遠矣。在沅再期。鋤奸祛蠱。罄竭心力。復構書院於明山之麓。聚諸生爲之講解。士多興起者。尋更巡武昌黃州。會宸濠叛。陷九江。九江與黃斷接壤。倉卒備禦。分守者稱疾不敢出。而玉遽沿流入。斬斬吏民。方豕駭。欲實玉諭戒。稍定。日夜修城增埧。募民集兵。皆越宿而辦。黃梅有粟萬餘石。與九江僅距一水。衆謂在虎牙間。而玉從容取歸州。城賊睥睨不敢犯。未幾。武宗南巡。供億賞犒之需。籌畫周悉。聲聞日益起。然性簡亢。不能事上官。積勤六年。而薦劾不一。及僅擢柳桂兵備副使。強賊王廷鑑爲患。率民兵

經濟

卷之十八

王

光緒堂

稿其巢窟悉殲之。當道無知者。其於事惟自盡其心而不欲以聞於人。類如此。未幾丁艱。服闋。補臨清兵備。晉山東按察使。行之日。毫倪泣送。滿車下。八閱月而晉都察院右僉都御史。巡撫順天永平。整飭薊州邊備。見西北邊凋耗已極。實將官措克所致。首議甄別將官賢否。明賞罰。以示勸戒。仍劾去貪酷之尤者二人。邊境肅然。明年春。畿內賊楊恭作亂。承突。輦下。王調恭將郝通授之方略。不數日。折其首。凡防禦方略。鐵冶利獎。與夫重守令。審均徭。清錢穀。皆熟計而條陳之。勦賊歲久。遂成消渴之疾。乃懇疏乞休。不許。疾作。竟不起。得年僅四十有九。所著有二書。碎義。書經存疑錄。雜記。敝篋留稿。此若干卷。

兵部尚書胡永清世寧 子純繼附

胡世寧字永清。仁和人。弘治六年進士。初爲德安推官。歷南京刑部主事。歷郎中。與李承勛。魏校。余祐。友善。相切磨。學問時稱。南都四君子。詔求直言。世寧條上十事。其一言立賢無方。先朝李賢。薛瑄。入內閣。不由翰林。翰林如胡儼。劉球。不由庶吉士。年富以教官爲給事中。王

經濟 卷之十八 聖 光緒堂

翱以太理左寺正。復爲御史。今一切叙轉專泥科條。以蔽才賢。抑寒乏人佐理。出知府廣西太平。太平瘴鄉。又養正官苗。徐性輕亂而黠。好夷其上。先守多難之世。寧至則馭以威信。略去文法。李濟。太平富豪也。叛殺掠土吏。積不服。世寧誘濟中表兄趙元。推使擒之。散其兵四千歸農。思明叛族黃文昌等。四世賊殺土知府。占三州二十七村地。土知府黃賜更服事之。至是畏慕世寧。欲來歸。總兵康泰因遂執其兄弟三人。文昌懼起兵來奪。世寧守孤城。危甚。而屬邑土兵嘗被世寧德者。奔命遠來。一夕。戈甲滿山谷。於是文昌請降。歸所侵地。而黃賜乞爲世寧養子。土官世襲。輒展轉結勦。索賂土夷。土夷以故怨叛。益輕中朝人。土世寧令土官生子。卽聞府子弟。應世及者。年十歲。朔望或有事。調集皆得携見太守。太守爲識。年數狀貌。父兄有故。按籍爲請於朝。土官太悅。服謂胡太守仁。庶尋以母喪歸。爭泣留弗得也。服除。補寶慶知府。擢江西按察司副使。治兵撫州諸郡。時連林瑀。瑤桃源盜大起。詔右都御史俞諫。發近地兵討之。世寧以兵備從。賊氣勢相連絡。號數十萬。江西兵素單。

經濟 卷之十八 聖 光緒堂

弱應募及土兵調者又禁禁不可使世寧日夜撫循漸
爲勒束陣法陰募招賊降者散爲農而擇其勇健置麾下
兵始強迺奮擊賊十餘戰大破之所殺虜追復業
無慮數萬人而恭議王泰者忌世寧功諧之俞諫狀不
悉上自以資進福建按察使時寧上宸濠縱毒陰結羣
盜謀爲不軌世寧上疏論攻治二策未及王乞早以禮
法裁制詔下兵部議多如世寧指寧王怒諭世寧斬罪
十摘疏語禮樂刑政漸不出自朝廷爲離間親藩因徧
幣權奸朱寧蕭敬張銳等及兵部尚書陸完都御史石

經濟

卷之十八

聖

光緒堂

介坐世寧誹謗妖言離間罪必欲殺世寧先是世寧已
陞福建按察使乞休未得允歸抵家宸濠徧遣兇徒挾
上旨襲世寧巡浙御史潘鵬附濠盡囚世寧家人索世
寧甚急會李承勛爲浙江按察使匿世寧變姓名間道
歸命京師得不死下錦衣獄獄中三上書言江藩橫逆
朝野皆聞微臣憊懇天日共鑒兩京言官程啓克徐文
華輩竝疏論救諸奸亦懼後事未可知乃得出戍潘陽
居四年宸濠果反起世寧軍中拜都察院右僉都御史
巡撫四川尋召爲吏部右侍郎以父喪歸世宗皇帝

新卽位自喪所上言聖孝治體二疏皆見納遷兵部左
侍郎數月遷南京工部尚書召爲都察院左都御史改
刑部尚書永嘉惡陳九疇欲殺之世寧力爭九疇忠勇
有功河西不可殺九疇快奸回輕中國九疇得不死首
兵部尚書加太子太保力辭至三疏不允乃援姚崇李
綱故事上定武略崇憲職重將權增武備更賞罰御土
夷足邊儲絕弊源正謀謨惜人才十事要說時安仁倡
言太平勅上銷兵興禮樂世寧又特疏武略人材二
事上知世寧忠鯁促上任議行十事世寧又議弃哈

經濟

卷之十八

聖

光緒堂

密不可勞中國奔命小夷閉關絕貢便芒部酋沙保本
未誅矯誣請賞力薦陳九疇馬昊可任軍旅唐龍可爲
兵部侍郎相佐助在告又上武備人材邊儲三事世寧
自度不得行其志決意辭疾去逾年召爲南京兵部尚
書叅贊機務辭不起未幾卒贈少保謚端敏鄭端簡
曉曰公朴忠直亮氣壯才雄克以學問優於經濟潘洄
寧靜清素不淆席文襄稱公論事如結舌草奏如懸河
邵康僖曰胡公疾惡如讐善則猶已議哈密與南海不
合論芒部功王浚川以爲發其過薦賢才安仁以爲侵

官相壓亂政發怒訴於朝哈客土魯番疏制置極詳土魯番切曲先衛人牙木蘭爲將牙木蘭擁帳內徙歸我土魯番遣使來而大臣卽欲縛牙木蘭與之易哈客公議曲先衛本中國羈縻牙木蘭反正歸順非納叛比而哈客空城懸遠無益事實土魯番善賈多巧術往往以珍奇啗時貴自成化至於今中國爲彼欺負今欲甘心牙木蘭以携貳我屬夷而以哈客爲餌釣大利宜勅王璽爲國忠謀先盡復斥沙羽翼之地悉收亡失屬夷封植哈客永爲不侵不叛之臣而後請勅降印庶不辱王

經濟

卷之十八

光緒

光緒

命且土魯番方悃囑中國懸衡諸夷但遠越流沙烏合難久我大震威略以離其黨購賞義附使相破滅此我父之衛正宜厚牙木蘭以風蠻夷又薦馬吳施儒楊必進及陳九疇爲將皆報聞河西之讓語侵永嘉彭澤陳九疇得免奇禍昌化嗣伯下廷議公言吾輩不得以厚賂故誣朝廷安仁變色大沮以故諸大臣皆忌公論大禮是永嘉安仁說竟不肯相依附賴上明聖憐其忠鯁終始眷注云公有奏疏行於世其危言正色遠慮深憂天性然也子純肇慶知府有才行引疾乞致仕次子

繼幼讀書不大了了公亦弃之公調兵至江西兵官以公故出見繼繼曰兵素不習安可見吾父哉兵官跪請教繼乃指示進退離合勢甚詳凡三日而公歸閱大異之領兵官非能曉此者詰之不能諱具以告公歎曰我有子自不識何也自是擊賊必從繼方略公十不失三繼策十不失一也公之上寧王事繼跪曰疏人必重禍奈何公曰吾業以身許國矣疏上公下獄繼以念父病死公母獨不哭曰此兒在當作賊胡氏滅矣

江西參政張用載大輪

經濟

卷之十八

聖

光緒

張大輪字用載東陽人舉正德甲戌進士授工部主事三載報政忽夢父疾心動乞歸抵家父果疾亟奔走醫藥卒不起從親視飯令指飲悉如禮人以爲孝感起復補刑部主事轉郎中訊囚多所平反之死而生者凡數百人權建寧知府有酺酒殺兄者賄有司又不決大輪至竟置之法時久旱獄決而雨古田寇作當道難其討大輪獨馳檄曉以禍福盜尋解散不煩寸兵而四境晏然尤溪二大姓構訟踰三十年有司掣肘不能決至結管聞死者百餘人大輪承檄單騎詣解輒伏罪更知常

州擢福建按察副使遷江西參政咸著靖亂之略以母憂去卒於家

刑部尚書何世光鑑

何鑑字世光新昌人成化中進士初知宜興有聲拜監察御史奉勅查覈邊計將吏肅然又疏論度僧道之非事遂寢正色直言朝廷倚以爲重出知河南府有詔取嵩盧礦洞鑑執奏止之歲大侵人相食多方賑濟所全活甚衆歷右副都御史巡撫南直隸理浙西稅糧濟興松白茅等港所至利興弊革畏壘之尸視迄今不忘改

鑑

卷之十八

聖

光緒堂

刑部侍郎奉命安撫河南湖陝三省流民安集撫循人入置之懷抱進南京兵部尚書召爲刑部尚書再改兵部賜蟒玉時巨寇劉六劉七等倡亂劫掠府庫逼近畿甸鑑處分守禦悉中機宜賊以次殲平加太子太保柱國光祿大夫官其子錦衣衛百戶當是時宸濠反蓄逆謀求復護衛鑑五履奏堅持不許尋乞休歸後濠反人服鑑之先見鑑寬厚簡重而涇渭洞然敎歷中外幾五十年矢心經濟不爲家謀居憂時凡鄉邑利病力贊有司興革之鄉人感德建祠歲時俎豆不廢所著有五山

奏疏五山吟稿藏於家

工部左侍郎龔實卿輝

龔輝字實卿會稽人領正德丙子鄉薦第二至嘉靖癸未始成進士授工部都水司主事時營仁壽宮并先蠶壇殿奉勅督大木於四川得大木五千餘根板枋亦如之而部劄欲再倍其數公私俱困民情洶洶適見詔求直言輝遂上疏民困以弭天變疏仍繪山川險惡轉運艱苦之狀一十五圖各爲貼說具奏卽命停止蜀民如脫焚溺陞福建按察副使改命提督陝西學校隨陞

鑑

卷之十八

聖

光緒堂

本省參議勅理黃冊著全陝政要一書軍民利病畢載而尤詳於制虜折衝之略陞廣西按察使尋進右布政以征蠻勞勳與有銀幣之賜轉湖廣左布政使未幾擢都察院右副都御史提督南贛軍務時旁邑同安盜發輝甫下車卽嚴督所屬并隣境協力夾攻賊隨授首繼而懸繩掛坑苦竹大山白葉峒三巨寇劉廷選蕭鉄古陳榮玉等各恃險負固劫掠三省而懸繩尤甚輝乃行十家保甲法如故事然陰檄漳南嶺北諸道或分布犄角以備聲援或設伏問道以防奔佚部勅所司各率精

銳三路並進後遍揭曉諭使相捕自贖而携其心一夜兵忽至其地遂平懸繩之巢其他二巢以次勦滅陞俸一級賜白金五十兩紵絲四表裏奉勅總督漕運兼巡撫鳳陽等處時河流忽東注淮市廛幾大決議者以爲必上聞輝曰民危在旦夕而循故事待報此於避形迹爲善非任事之體亟下令就所決築隄實土於破舟沉之旋壓以石水勢遂緩凡若干月費若干而隄成濶若干丈淮人賴之召拜大理寺卿尋陞工部右侍郎未幾轉左已而考滿獲請封蔭如故事會有訢輝者欲中之經濟

卷之十八

聖人 光緒堂

無他可指摘遂出之南京輝決意乞休得請致仕即日戒行士大夫設祖都門外傾城出送作完名篇以美之輝性和悅甚宛若笑然故就而見者相與稱輝爲笑齋輝曰是善名我因以爲號比其當官屹然法守不可奪大利大害視義所在不少避就自筮仕以來奉勅八道遍歷九州所在立祠報德而輝深以盈滿爲懼未嘗治垣屋市田園非衣惡食不異寒士詩文皆溫雅簡切若干卷藏於家西槎疏草二卷其疏若圖采入經濟錄全陝政要二卷皆行於世

江西左布政使俞舜臣夔

俞夔字舜臣建德人登正德丁丑進士第授安福知縣會宸濠亂奏免朝覲多保障功擢長沙府同知擒劇盜彭思祖等五千餘衆陞四川按察司僉事兵備安綿會歲飢請發內帑二萬餘賑濟劍巴等十一州全活以萬計番夷玻柘等糾結神溪諸番入寇邊將許仁敗績死之發出奇擒番酋千萬山等三十七人獲古維州侵地千餘頃築平番赤土二堡捷聞奉旨獎賚尋陞本司副使兵備建昌建昌土番雜居無肯躬至徼外者夔深入

經濟

卷之十八

聖人 光緒堂

不毛番人吐舌失氣塩井土官刺馬仁等相警殺夔督兵悉討平之陞江西按察使歷本省左右布政使卒於官所著有六詔紀聞及楊芬錄識者觀之有以知其官蹟貽謀之遠云

兵部尚書毛汝厲伯溫

毛伯溫字汝厲其先爲三衢人祖名休者守吉安因家龍城其後遂爲吉水人領正德乙卯鄉試明年第進士授紹興府推官每斷獄委曲詳慎務中人情不深文以矯名郡人呼爲毛青天徵拜河南道監察御史巡按福

建左布政某用賄入司大理溫論劾奪其官丙子巡按河南鎮守太監孫某往在山東詰御史得直人多畏之至是市猾羅求匿府中爲奸利溫發其罪狀窮逮頗急孫怒謂人曰是鉗辱我我將甘心焉溫聞之一日至其府謂曰吾未朝食盡食我食我必宴樂醉飽始得孫不能測強具食食半謂曰外間聞公有言故來相就能待吾食已也孫驚曰是何言是何言公天子法官也吾何敢溫晒曰我國知無是事也聞公在山東詰御史費金二萬乃得直御史爲公許遂有名人多隣之公既失利且譴不切齒者吾固知若有懲也相與大笑痛飲而罷戊寅巡按湖廣洞庭水寇出沒湖中而剽掠多在郡縣巡微與邏湖官軍互相抵牾寇不可弭溫移守備武臣居岳州兼統之患以漸息明年宸濠反督兵九江斷上游奔逸已而果獲殘黨賜勅加俸湖廣視河南時事孔棘然政體練習激揚有方至今湖南北婦人孺子談稀奇事必曰是出毛御史雖踵譌言不易以他姓也世宗皇帝卽位擢大理右寺丞尋轉左權都察院右副都御史巡撫寧夏寧夏北隣套虜恃兵爲命首罷衙前

雜著

卷之十八

李

光緒堂

標軍三百名歸營諸司無敢以兵自衛者檢屯田沒於河者蠲其軍租未幾大獄事起以溫嘗在大理坐論罷職歸壬辰九月薦起巡撫順天未上改理院事尋陞左副都御史同考察京朝官以註誤復罷歸丙申皇太子立將詔諭外國上以安南久缺朝貢詔使不通議與師責問而難其人廷臣舉溫可任大事遂以右都御史起用至京疏言朝貢不至由莫覓庸爭亂所致宜馳檄問罪而赦其脅從交甫且獻誠矣其或不恭必行天討則諸方略不可不圖謹上六事會以廷議不果陞工部尚書奉勅提督天壽山工程諸陵石柱道遠車摧勞費千萬溫以意製八輪車前後聯絡隨地險夷爲低昂工作易就而費省十之四五上聞之喜賜繡囊銀勺各一戊戌復議安南陞兵部尚書兼右都御史復上五事大約申前說而增其未備徐以議不果協理院事已亥聖駕南巡慮宣大諸方切近幾旬勅溫總理整飭宣大山西三關軍務大同之北川原漫衍難以守望先是巡撫張文錦議建五堡恭將買鑑不能和撫士卒激禍隕身是後論者就以五堡爲諱溫曰昔之債事由

雜著

卷之十八

李

光緒堂

處置失宜勞逸不均非堡之害也於是卽舊弘賜鎮川二堡廣之於鎮川東增堡曰鎮邊弘賜之西增鎮廣鎮河二堡堡相去各二十五里募新軍三千實其中蠲廢田之租使之屯畔以一恭將督五指揮分守之先是虜入大同無虛歲至是五堡橫峙聲援易及警報鮮至五月還院仍協理院事八月上決意南征加溫恭贊軍務同總兵官咸寧侯仇鸞南行始安南黎利代陳而王四傳至嗣爲陳嗣等所殺嗣無嗣國內爭亂其臣莫登庸父子割據其地黎氏舊臣鄭惟賸等告變且以黎寧

經濟 卷之十八 聖 光緒堂

爲請登庸納表乞降朝廷遣官撫之未得至是勅溫得以便宜行事且視誠僞爲行罷議者多主黎氏欲乘蒙取故地郡縣之溫既廣集羣策遣人宣布朝廷威德反覆利害夷民上狀爲莫登庸送款者甚衆溫懼夷性叵測未可輕信下令籍諸省土漢狼達水兵二十餘萬兩廣分三道以入一自馮祥一自龍州一自思陵而以歸順欽州烏山三哨援之雲南分三道自蓮花灘以入利兵儲糧刻期待發九月至南寧擇地布營登庸聞益懼屢使請罪且言黎氏已絕無可推擇朝廷曲赦其死願

歸欽州四峒故地世世奉正朔朝貢如制舜極悲懇溫念安南罹禍已久聖天子全覆宇內不忍一夫失所平其毒亂豈以貪利土地爲心且窮治太密非羈縻遠夷之道遂定計納降鎮南關至期築壇具儀登庸率屬繫頸跪跪北面蒲伏獻降表候命遣弟子莫文明代詣闕下溫爲疏請上從之以登庸爲安南都統使分治其地處惟賸等內地厚于田宅訪黎氏之裔館之他州進溫太子太保加賜銀綺詔班師促入院自陳乞休不許協理院事如故每北虜犯邊兵部有所建白必令溫

經濟 卷之十八 聖 光緒堂

覆議以上未幾遂理兵部事往時諸邊將領轉遷計納賂厚薄爲遲速莫不稱貸以行謂之債帥卽不能償輒假科條沒入軍士衣糧股削日甚以是邊兵貧弱不支敗衄溫謂此弊不除雖有奇策不能取效痛禁抑詞發以杜倖門已而奉勅提督團營軍務親軍衛士多勲威中貴子弟怙勢干寵名實莫究冗食濫爵未有齒及溫銳意清汰怨謫日起不爲動溫善任人有所咨詢虛已相下卽厮卒皆得盡言以是將領勇怯賢愚無不周知應劇尤轉不少執各諸邊兵力財用不足疏至卽議遣

發無逢制之患。巡撫順天都御史朱方以邊境無事乞
罷戍兵已而戒嚴方得罪溫亦坐是罷歸家二月疽發
背卒年六十有四溫平生豁達大度友愛和易易與
人居言語嫺嫻不為崖岸急人之難援之不克邑邑如
有所失以是宦游四方無間識不識鮮不願與納交者
氣宇沉緩臨大事剖疑析奸聲氣不露言人之善若出
諸已即校文削牘有為增一言易一字者終身念之不
忘故能所至有聲動無敗事建五堡時人為之危而堅
任不惑及征安南倖功者謂溫必有冀望然卒奉 上
純臣矣

經濟

卷之十八

蕭

光緒

兵部尚書張惟靜時徽

張時徽字惟靜鄞人年二十舉於鄉二十四登進士第
筮官南都主繕司事為郎司武鈴司儀曹稍遷副使督
江右學備兵臨清恭知福建政事長雲南臬既轄山東
藩為右使改湖廣轉河南左以御史大夫開府四川改

經濟

卷之十八

蕭

光緒

江右遷南少司寇改少司馬以尚書贊南都軍典事時
微以經術取卿大夫所居吏盡吏職所崇學遵先王之
業而潤色之治禮禮辨治兵兵律具一時稱為完人其
持文秉臈厲學官之路勅郡縣諸長吏不得受請寄有
秀才異等待之不次敗羣者輒斥之士莫不瞿然頓化
其執憲平鈞校律令一遵 高皇帝理法不以委曲生
意訟者蜩集吏抱牘與身等無不立斷之如馳填重地
則簡幸伍多問謀弭盜盜不敢入境按殊域以嚴東吏
務在擊奸止邪土酋保質變驚擅磔人人莫誰何時微
立撲殺之一切威名流聞夷萌懼伏諸蕃更徑徵發如
雨紫比不請借胥因緣為姦豪右得避賦而居其物時
微為括貲筭度費供著為籍於是占者庚蔽者彫劫者
無所隱賴其在閩在楚在梁類視此楚蜀歲侵民不能
輸漕粟則廢幣金代之輸而緩征以補帑民始得不困
周王者 天子叔父也賦入不足供常祿有司不以時
內內不能無侵牟其間時微曰 祖宗封立子弟所以
序骨肉貴支體廣同姓於天下也獨奈何窘之若是輒
下有司內如制而禁府吏無乾沒以病輸賦者黔國公

私權酒械釀者則以早爲解時徽破其械釋之曰無益
早也大將軍仇鸞以肺腑幸於天子挾天子寵靈
侵兵事時徽持之堅鸞銜甚疏請時徽視兵塞上幾得
當甘心焉然卒不能有所加而御史大夫商大節嘗摺
鸞鸞中之逮詔獄坐殊死時徽上疏訟其冤天子大
怒下詔切責時徽閣臣惶恐爲時徽請死天子怒稍
解奪二俸白草番攻石泉掠安縣幽一提督官時徽爲
師期將擊之諸大夫言擊之不便時徽曰直患賊不膽
士不力誠力且膽何可養寇爲諸大夫憂計蜀將亡踰

經

卷之十八

季

光緒堂

何卿則召卿授方略已勒習兵申明約束開壁而馳之
凡數十戰戰疾擒酋五人破寨五十毀礮房四千八百
賊俘千五百有奇馬裸眷畔所部副使朱簞奉時徽檄
討平之當是時時徽備折衝之具以表戍師討白草則
克討馬裸則克幾可謂能軍矣顧守南都而不得志於
倭寇者非時徽過也南都士爲且情不知尺籍伍符時
徽在事甫一月非宗捐循者倭一旦薄城下其勢誠棘
所失亡亦不多卽所亡處奏征繕凡十餘疏天子皆
報可非不知時徽者而時徽持大臣體當自効而相嵩

阮之竟免時徽歸時徽免而倭愈熾已時徽營職十四
凡三黜督學黜執憲黜本兵黜則以時徽守經据古不
阿當世所與抵牾者非諸侯王則大將軍則要豎則樞
臣計時徽所規撫詎云若爾而休亦遂行日晷盡三事
始稅耳歸時年五十五歸二十餘年尚善飯然卒無能
用之者語曰參輪可使自轉木雕猶能獨飛時徽顧與
若伍乎時徽貌莊而裏實隱惻生平無詭步無情容燕
居必冠申申如也人曰初見張司馬令人熱然不能去
去不能不令人思尤好推轂士卽年少官薄或岩穴隱

經

卷之十八

季

光緒堂

淪時徽與遊嘗引以爲賢於已好書於六經典與舊章
憲式無所不窺而尤勤著述其屬書離辭大要歸諸典
雅所著芝園集外集別集銓定國朝文爲文範文苑行
於世

兩浙名賢錄卷之十八終

兩浙名賢錄卷十九目次

經濟

明三

右副都御史陳卽卿克宅

工部右侍郎徐朝儀讚

提學副使汪子宿應軫

吏部尚書唐虞佐龍

鳳陽府知府汪天錫金恩

兵部右侍郎陸汝成穩

經濟目次

卷之十九

一 光碧堂

刑部尚書鄭室甫曉

工部尚書王子宣鈞

刑部尚書馮望之岳

刑部侍郎沈翔卿應龍

刑部尚書吳惟錫百朋

都察院右副都御史周允文如斗

子恩克附

工部尚書呂信卿光洵

兵備副使黃文卿中

按察司僉事徐允平甫宰

山東按察使沈雲卿伯龍

右副都御史陳元卿洪濬

兄洪範附

廣西左叅政陳喻之茂義

按察司副使茅順甫坤

子國綰附

刑部員外郎祝珍卿珩

陝西行太僕寺卿商汝明廷試

兩浙名賢錄卷十九目次終

經濟目次

卷之十九

二

光碧堂

兩浙名賢錄卷之十九

東海徐象梅仲和氏謨

當湖陸濟原嗣哲氏閔

經濟

明三 共二十二人

右副都御史陳卽卿克宅

陳克宅字卽卿餘姚人正德甲戌進士授嘉定縣知縣嘉定巨邑賦重習奸詭其甚者假荒壤之目移稅比里民受困而逋負益多克宅不避寒暑遍履其地而籍之

經濟

卷之十九

十

光碧堂

宿弊頓革橫寇湯毛九盤據天目巡撫張津奉命征之請以克宅從一舉而渠魁授首餘黨解散悉如克宅算撫臣以爲才列上治狀稱南畿卓異第一徵拜江西道監察御史時大禮議起伏闕上疏諫繼之以疏廷杖幾斃方號時有亞卿規知上怒者欲竊起克宅厲聲扼其項曰大臣不當先去爲人望衆皆懷然又劾奏武定侯郭勛大不敬當斬直聲振天下出按貴州麻將寨劇賊私有名號屢格官兵克宅密授計斷事史勅以署程番篆往因選兵馳救之賊皆就擒地方底定事竣還朝

道出維揚民飢克宅條上救荒五策且請大發帑儲借

留司府官賦以廣賑濟全活者以萬計無何復出按河

南有憲使某者恃冢宰爲肺附居職無狀克宅特疏劾

罷之冢宰不能庇而部下墨吏皆望風解綬去當是時

克宅臺資已逾八年宜內擢而冢宰竟以前憾出置嚴

地授四川按察司副使爲梗克宅夜勒兵出其不

意焚礪房數十所盡殲之自是諸番落皆貢馬悔罪無

敢犯陞河南按察使素精法比而原情斷折民自以不

寃進湖廣右布政使尋轉左時楚地瘠隴水旱重以太

經濟

卷之十九

二

光碧堂

主操辦諸役繁興克宅蚤作夜思剴量裁節民賴以甦尋遷副都御史巡撫貴州等處兼理軍務先是有凱口團賊阻險造逆自宣德以來征之不克正德間其裔阿向復叛四用兵征之又不可克賊轉張甚巡按御史王杏疏向當誅之罪有八難克之勢有三命下克宅相機撫勦克宅一撫之不得乃按行賊壘獎督將吏乘雪夜令敢死士攀崖上以索梯度軍據其要害一鼓克之向賊授首俘斬六百有奇招撫降者可二萬計捷聞晉二品俸賞銀五十兩綸二襲克宅以固險絕方集衆策擬剽

穴置守以圖永安而會以督理糧儲代去漏孽復曳生苗據國爭之守臣畏譴反嫁禍焉。噉言官論克宅主厲兵非是遂罷歸。四年而卒。卒二年而勘貴事者始白克宅功。詔復原官。贈通議大夫。賜祭葬。廕一子國子生。工部右侍郎徐朝儀讚。

徐讚字朝儀。永康人。弘治乙丑進士。授聚強縣知縣。劇賊劉六等流劫郡邑。讚練兵城守。先事爲備。賊聞之相戒不敢犯。聚強界民飢捐俸募粟作糜食之。富人義激爭先發廩。所全活以萬計。拜山西道監察御史。理鹺長

經

卷之十九

三

光緒堂

蘆兼理河道。逆瑾餘黨楊虎等流劫開濟間。官兵不敢嬰其鋒。讚畫策擒之。斬其魁。以徇。脅從者審釋之。胥感激去。巡按江西剿湖寇徐九齡等數百人。時宸濠又蓄異謀。潛結羣寇以自樹。讚一舉而翦其羽翼之勁者。濠爲之無然。陞知蘄州府。已而宸濠果叛。讚聞變。卽治兵給餉。遣戰艦出江。爲上流聲援。濠知有備。不敢直趨南都。而卒坐困於安慶者。讚之力也。加陞河南左叅政。仍理府事。在蘄凡七年。一意愛民。蘄人至今稱其有古循吏風。轉江西左叅政。尋歷貴州湖廣雲南按察使。陞本

省右布政使。尋轉左。以母年八十。疏乞終養。歸。卽家拜都察院右副都御史。撫治鄖陽等處。又改撫河南。適歲飢。盜起。條陳救荒三策。以恤民。又陳便宜四事。以弭盜。上皆從其請。卒之民受實惠。賴以不飢。而盜亦無隙可乘。各解散。陞工部右侍郎。無何而母喪。以哀毀卒。讚賦性寬和。雅量汪涵。終身未嘗有怒容。或擬之劉寬。婁師德云。

提學副使汪子宿應軫

經

卷之十九

四

光緒堂

汪應軫字子宿。山陰人。弘治中進士。選庶吉士。入翰林。武宗南巡。率同館舒芬等抗疏以諫。跪門廷杖幾死。出守泗州。泗州民情弗知農桑。軫至。首勸之。畊出帑金買桑於湖南。而植之。募桑婦若干人。教之蠶事。郵卒馳報。武宗駕且至。他邑傍徨勾攝爲具。民至塞戶。逃匿軫獨凝然弗動。或詢其故。軫曰。吾與士民素相信。卽駕果至。費旦夕可貸而集。今駕來未有期。而倉卒措辦。科派四出。吏胥易爲奸僞。費集而駕不果至。則奈何。他邑用執炬夫役以千計。伺候彌月。有凍餓死者。軫命縛炬榆柳間。以一夫掌十炬。比駕夜歷境。炬伍整飭。反

是他時中使絡繹道路恣索無厭軫計中人陰懦可憐以威乃率壯士百人列舟次呼諾之聲震遠近中使錯愕不知所爲軫麾從人速牽舟行頃刻百里遂出泗境武宗至南都諭令泗州進美女善歌吹者數十人蓋中使斲軫而以是難之也軫奏泗州婦女荒陋且近多流亡無以應勅旨臣向所募桑婦若干人倘蒙納之官中俾授蠶事實於王化有裨詔且停止肅皇帝登極召拜給事中去泗之日父老送者無不泣下軫在諫垣凡上三十餘疏悉關切體要其最大者如言新建伯王守仁心迹甚明不當以謫掩功沮將來忠義之氣刑部尚書林俊當納其言不當聽其去孝惠太后發引不當由中門典獻帝尊崇不當過禮並侃侃爲中外所誦然竟拂宸路意出爲江西按察司僉事又以執法忤巡撫棄官歸已而臺省交薦復起督學江西其教條一本躬行士皆信嚮尋丁外艱歸遂絕意不復出家居孝友薦介與人交坦然無城府瓶無宿儲乃親黨有貧難必倡義周之凡鄉邦利病必盡言以告有司未嘗以私謁晚歲陶情於酒人謂其外常醉而內獨醒蓋靖節

之流於其歿也因私謚之曰清獻先生

吏部尚書唐虞佐龍

唐龍字虞佐蘭谿人受業章楓山之門與章拯黃泰翔陸震董遵同稱高弟而尤以古學自名登正德戊辰進士第授郟城知縣時盜起燕齊間至郟龍督兵拒之斬首三百餘級賊怒合其黨大至龍設三覆以俟賊入覆內發神機以擊賊奔覆發大破之斬其驍銳六十餘人賊乃遁以功陞俸二等召拜監察御史出按雲南執憲不撓每以法抗嬖臣錢寧人爲龍危龍笑曰吾盡吾職耳禍非所計也而寧卒不敢有所加再按江西自宸濠亂後禁兵駐境內恣睢爲患亟疏請班師民用安堵又請蠲租賦賑貧乏表忠義核實功罪輕重惟允赫然稱名御史陞陝西提學副使進山西按察使徵拜太僕卿擢僉都御史總督漕運凡軍民所不便大者奏聞小者立罷脫民於水火而登之衽席民無不肖像事之者擢吏部右侍郎轉左會關中飢詔發帑金以賑而虜酋囊吉數寇邊天子爲之旰食顧非文武兼資重臣無以勝其任乃親擢龍兵部尚書兼右都御史總制三邊軍

務養理賑濟龍馳入關奏平裡節用等十事民賴全活者二十餘萬人已乃簡戎伍飭器械明賞罰任梁震王勅劉文諸名將以師三萬耀武陰山虜大驚北徙六百里明年春虜犯延綏時震方援大同龍趨震還而檄參將任傑以兵出虜後合擊俘獲五十餘人夏敗虜於響水斬首七十餘級秋囊吉自將十萬衆犯安會龍使文迎敵而伏兵其旁戰既合伏兵起乘之虜大敗遁去至興武勅邀擊敗之至乾溝震追擊又敗之旬月之間露布三上前後斬首四百五十有奇奪獲夷器無算兵都

經

卷之十九

七

光緒堂

養歸數年復起爲南京刑部尚書以母老辭不允改南京吏部尚書會有邊警改兵部尚書母鄭夫人曰此所謂兵革之事非汝養母時也吾偕汝行矣龍不得已奉母夫人入都龍故習邊事以爲虜去來如風雨而我收保恒後時故多亡失檄諸邊修城堡遠斥候虜至持蒲待之其秋虜果不得入太廟成加太子太保改吏部尚書無何而病足又數與執政議不合於是毅然求去疏上者三忤旨以爲稱老忘君奪其官放歸與疾出都門二十里卒於邸舍有司不敢聞其明年子汝楫舉進士第一人授翰林院修撰又二年具疏明龍不敢爲欺狀詔復原職賜祭葬贈少保謚文襄龍性坦夷與人處畢露肝膈而其意氣激揚慷慨見者盡傾尤好獎拔後進士多賴以知名素以文名家而當其得意時長篇短章搥觚立就莫不宛麗暢達或戲爲奇深文難字至不可讀然終不詭於理所著易經大旨漁石集各若干卷行於世

鳳陽府知府汪天錫金恩

汪金恩字天錫衢之江山人以進士主政刑部歷員外

郎郎中出知桂林府時士著千紀屢挫官軍當事者將議撫以爲苟安金恩慨然曰小夷陸梁是不一大創則朝廷聲教將有不訖於遠者前委用非才以致挫切奈何因噎而廢食乎當事聽其言即以檄委之金恩乃據其精銳授以方畧時適大霧連日不解卽乘霧噴枚疾走令敢勇士數百人攀附而上先據岩陰然後縱火焚其林菁大兵鼓噪而進連破一十八巢火焚墮崖死者不可數計俘斬七百餘當事者上其功是時逆瑾招權納賂天下競進之士思以功名見許者輦金寶輸其門

經

卷之十九

九 光緒

如流水朝進賂而暮析圭如取諸寄金恩以功當峻擢顧漠然若不知有瑾也者瑾怒抑其功不叙僅以資轉知鳳陽金恩怡然就道益勤撫字視小民如小兒時有爲瑾遊說者曰急爲修謝猶可免禍金恩曰吾受官公朝而輸貲閹宦如燕趾何頭可斷節不可改也瑾聞大怒遂勒令致仕歸時饒寇搶攘力贊富路爲立城池邑民賴之至今金恩負經濟才卒爲樞璫所抑十不究其一二論者深惜之

兵部右侍郎陸汝成穩

陸穩字汝成世爲興典人登嘉靖甲辰進士第授刑部主事歷員外郎郎中出爲四川按察司副使兵備建昌獲流賊魁作白玉蒙金幣之賜持衡者始知穩爲文武才可大用歷陞江西叅政按察使左右布政使而流賊盧梅林起闖楚之交賊張璉起廣之饒埔璉故縣滑胥也盜官銀覺亡入賊中陰刻石曰飛龍傳國之寶投諸池僞與諸漁得以出衆視之大驚以爲帝王符也於是大埔賊蕭晚羅袍楊舜相與歃血推璉爲長璉自號飛龍人主封袍等皆爲王切典寧長樂圍平和使晚也木

經

卷之十九

十 光緒

害其黨林贊據南靖爲聲援黨呂細斷汀漳官兵所出之途袍舜出永定連城絕餉道黨王伯宣入海導倭夷犯潮州牽我兵不得相救勢倡倂甚辛酉秋八月詔拜穩都察院右副都御史提督軍務開府處州合江西之南贛福建之汀漳廣東之雄韶惠潮湖廣之郴州環數千里皆授節制穩行至吉安梗於梅林不得前而時朝廷所降兵符猶未至乃以便宜刻關防徵兵討敗之獲梅林梟其首以徇進至處徽故提督王守仁所用黃鄉兵屬以先驅九月擒上杭賊李占春兵威大振遂以十

一月討田坑賊梁寧走之橫嶺襲程鄉峒賊徐東州統以歸十二月分兵討連城沐內二峒賊斬酋謝文瓚等焚其巢明年正月麻陽賊袁三犯玉山永豐崇明三縣討誅之二月討黃積山於大田峒積山中流矢死夏五月遂會閩廣兵討璉璉曰志有之攻瑕則堅可殺羣賊惟林贊爲弱兵之宜先破贊則破竹之勢成矣數節之後寧容復着手乎乃首擊贊贊果降繼擊袍舜皆就縛璉令軍士捲甲疾趨夜擊晚晚駭懼莫措因使人誘至斬之而潮守何鏐亦誘斬伯宜賊益窘乃令總兵俞大猷擊璉璉阻險以拒不得入璉懸重購卒獲璉斬之盡毀其巢穴捷聞賜白金五十兩彩幣四襲遷兵部右侍郎兼右僉都御史仍撫其地復討賊黨之逋誅者以次悉平又會閩兵逐故陷興化之倭夷復其城璉前後擒斬賊酋二百餘人從賊二萬有奇自用兵以來撫臣獲功之多未有過焉者上念璉久勞於兵改南京兵部右侍郎尋爲忌者誣劾歸歸二年江西撫臣吳百朋列上穩治行功績章章在人耳目賞不酬勞而竟被誣讒歸恐傷忠臣義士之心於是復有金幣之賜天下士大

夫始知罷穩者非上之本意也撫巡部院諸大臣交章論薦穩堅附不應未幾卒年六十有五刑部尚書鄭室甫曉鄭曉字室甫海鹽人遵化訓導儒泰之子生有異質年甫十歲父授之經傳即能通經傳復授以子史即能通子史父數指古今人賢不肖事誠之曰汝他日當爲此不得爲彼故曉自少至老毅然必欲爲君子不以毀譽利害貳其心嘉靖壬午舉浙江鄉試第一明年中會試高第學士董祀力薦之政府政府亦知曉名曉竟不一從尋授兵部職方主事日取故牘閱之由是盡知天下險塞與其士馬虛實強弱之數遂撰九邊圖誌三十卷一時士大夫始知曉爲經世才甲申以議大禮杖闕下癸酉大同卒殺其巡撫都御史當事者請宥之曉抗疏以爲不可不報丁母憂服除補武選尋丁父憂去家居者又八年會世宗皇帝特詔起廢調考功進郎中巡按御史有所論劾不當者曉勘得其實反謫御史夏貴溪罷相有詔考察臺諫分宜意在去異已者曉更黜其所厚者若干人臣而分宜子世蕃以治中求爲尚寶司

永曉謂非故事不聽分宜益怒密疏曉抗 上市恩詔

貶和州判官而世蕃遂遷尚寶丞曉至和日夜治民事訪諸所欲惡次第罷行之民大悅未幾遷太僕丞又回翔南卿寺者幾十年始進刑部右侍郎改兵部兼食都御史出撫鳳陽會倭奴入寇江之南北運道爲梗上下憂之曉至鎮則日夜謀戰守備申部曲法又選民兵及驍丁之驍悍者以張其銳由是師旅厚集計筭已定一鼓而擊之於通泰則大勝乘勢而掩之於如皋又大勝遂長驅而擣之於海門又大勝旣則破之於呂泗圍之於狼山又大勝者斬首九百餘級賊震恐遁去東南之賦四百萬石歸輸於京師無後期曉素以文學聞海內又癯然若不勝衣而出撫乃以武功顯人益知其不可測遷吏部左侍郎尋轉南京吏部尚書未幾世宗以曉素知兵出之南都非宜特旨留爲右都御史協理戎政奏罷諸軍之役於工作者衆咸感奮未幾改刑部尚書奏論錦衣所治獄多失實而五城御史受民訟非制請自今已之便時張紳董傳策異時來以忤時宰錮郭希賢以諫立儲錮提督憲臣王忬阮鶚以誤軍機

經濟

卷之十九

七

沈周

錮又留都兵變殺侍郎黃懋官王直通倭奴釀亂勢感

始就擒此數事皆當時大獄曉與分宜皆不合蓋曉意在曲全諸臣分宜則欲殺之以快私分宜欲寬假王直及亂卒曉議則欲殺之以正法彼此互折至以月皮相恐曉不顧也時御史鄭存仁揣分宜偏指妄以職掌奏曉而曉素嫻於職掌具疏述故事甚悉分宜不能奪乃從中搆之遂忤旨詔曰鄭曉執法終是自尊乃落職歸曉家居角巾布衣數携一童子訪故所識與論桑麻晴雨或時共飯山疏水藻相對終日見者不知其爲名卿性儉樸尤審於聲受所居絕去紛華松窓竹几蒲茵練帷蕭然如野衲丙寅秋病卒子履淳等訟父受誣事於朝詔復原官 穆宗改元賜祭葬贈太子少保諡端簡蔭一子入監讀書曉爲學雖主用世而於性命之說義利之辨咸能剖析精微直窺堂奧華亭徐相公謂其持論正而不迂嚴而不刻剛而不激高而不亢與唐馬周陸宣公抗衡真知言也所著有吾學編古言今言奏議文集諸經解行於世

工部尚書王子宣鈞

伯父誥附

經濟

卷之十九

七

沈周

王鈞字子宣世家會稽以貴雄而奸虐遇歲餘輒出中粟以賑子孫世守家法里中貧瘡胥待以舉火而喪不能葬者無不削札爲辦及鈞貴人咸謂天之陰陽云初鈞伯父誥舉進士尹弋陽以循良徵道辛鈞生六歲就外傳家人或謂之曰而復能如伯父舉進士乎鈞悚然應曰而謂讀書第舉進士已邪聞者異之年十四補邑傅弟子員劬書疾學每試先曹稱嘉靖壬午領浙江鄉試第一明年成進士授南京工部主事丁外艱服闋補北水部權稅荊州以冰蘗稱轉刑部員外郎進郎中

經濟

卷之十九

七

光緒

審五聽戒五疵孽孽求民之衷凡經論決咸稱平允出知邵武府每晨起視事洞開重門竟日坐堂上事至立剖吏胥屏息立廡下庭宇寂然無一人敢左右睨者百姓望之如神明有事則各輸其情滿鞭懸而不用時有行人以使事道邵武橫有需索吏民苦之鈞取真西山心政經遺之行人者媿而去然卒以是失當路意秩滿考最擬峻擢而銜者揚言曰是清樸士宜主財賦竟轉爲福建都轉運使鈞益悉心鈞積宿弊如洗而茹茶嗜藥如分司荊州時丁內艱服闋稍長蘆尋擢雲南布政

司左叅政進按察使轉右布政遷廣東左布政使陞都察院右副都御史提督南贛汀漳軍務所轄故多峒賊竊出剽掠而當事者益從而騷之乃愈益不靖調兵轉餉無寧日鈞至一解諸繁令惟責郡縣恤民獨撫流離不煩兵而底定晉兵部右侍郎兼都察院右僉都御史總督兩廣軍務兼理巡撫事四履之地大都盜窟若肇慶府扶黎蔡海大羅山諸處尤爲雄鷲時時破壞城邑鈞乃發偏師授以方略舍其魁馬天恩等并從賊七千八百人破巢二百有奇奪還被虜男婦五十八人特詔

經濟

卷之十九

七

光緒

優獎蔭一子無何而倭寇自閩轉入揭陽其勢張甚鈞調兵邀擊斬首三百俘百有奇奪還男婦四十人捷聞有白金文綺之賜已而復犯潮陽調兵禽勦百七十人奪還男婦亦百七十人上聞如初賜是年冬長樂興寧龍川程鄉諸處及羅絲峒賊復相煽動鈞會兵擒斬賊首楊球等及賊徒三百六十人奪還男婦五十人上聞亦如初賜復念廣中寇盜頻繁當有以遏其衝乃相慶要害添設廣寧縣治斷賊出入而不逞之徒稍衰先是督府自置賞功所諸凡金錢得恣出入無與覈者

鈔改貯梧州府每有犒賞發文給之出納有稽嫌疑不
作而軍儲亦以是漸充考績進階通議大夫封贈祖考
妣如制復錄廕一子未幾召爲南京都察院右都御史
掌院事具疏乞休不允改南京工部尚書屢疏引年得
請歸開門謝客絕迹城市嬉遊林壑間見者不知其爲
鉅卿貴人也丙寅五月卒贈太子少保賜祭葬謚恭簡
刑部尚書馮望之岳

馮岳字望之慈谿人嘉靖丙戌進士授工部都水司主
事監稅蕪湖以清幹稱丁外艱服除改刑部歷員外郎

經濟

卷之十九

七

光緒

郎中恤刑江右虛心詳讞多所平反出知山東濟南府
府多巨盜黨與竄名府胥中太守有所發覺盜輒得豫
爲計踪跡詭秘人莫之解岳廉得其實一日盡縛之遠
近驚以爲神盜遂屏跡丁內艱服除補延平計擒巨盜
竄眉缺嘴一郡底寧民有納金魚腹以賂吏胥者岳命
卒剖魚金見府中惴服陞山東按察司副使轉河南布
政司左叅政河決爲患幾於陸沉岳親履決所授吏成
法所費不踰萬緡而河就故道民免墊溺陞江西按察
使尋歷左右布政使晉順天府尹陞右副都御史巡撫

湖廣尋陞總督湖廣川貴軍務兵部右侍郎兼都察院
右僉都御史岳以鄖陽居三省之中城垣未建無以捍
禦首奏城之增備山諸苗屢討屢叛岳撫勦並行獻俘
於朝奏建容美等十四司統轄之三省牧宰無何而平
水酉陽小平茶等苗相次勦定敘功蔭子入監讀書樹
州苗酋阿項驍勇善戰煽誘渭潭諸苗爲亂侵掠旁郡
三省震動岳奏勦之授總兵石邦憲等以方略斬首數
千級阿項奔突馬蹶擒斬以徇諸苗悉平岳親詣賊巢
視諸要害建築屯堡列戍分哨爲久安計進右都御史

經濟

卷之十九

八

光緒

兼兵部右侍郎總督如故未幾陞南京刑部尚書祖
宗舊制刑部理畿內刑獄具載會典迨後十三道多所
侵越岳具疏請復舊制以明執掌刑清訟理畿輔肅然
無何而再疏乞休或謂二品將滿當有恩澤易少需岳
曰聖恩罔報臣力當休吾志決矣復懇疏以請得旨
然歸先是南京軍糧久不時給岳深以爲慮集衆
張鼉太常卿趙貞多方謀畫張鼉緩其事岳歸未踰
月俸卒脫巾不可制而黃侍郎懋官罹其難識者皆服
岳之先見云岳居家焚香靜坐手不釋卷不問戶外事

臺省交章論薦。默不應。隆慶庚午。趙貞吉大拜。必欲起之。以輔新政。岳手書謝絕。趙公竟不能奪。卒年八十有七。篋中所遺。僅一練。至假棺以歛。大臣清貞至此。亦古今所希觀也。計聞賜祭葬如制。所著文集八卷。恤刑稿四卷。軍門行稿五卷。藏於家。

刑部侍郎沈翔卿應龍

沈應龍字翔卿。烏程人。嘉靖乙未。登進士第。授刑部主事。歷郎中。奉勅慮囚湖廣。時稱不冤。出爲四川按察司副使。嘗白草番之亂。陷兵失地。朝旨切責。撫總重臣招

經濟

卷之十九

九

尤

剿之議未定。龍極言撫之無益。徒損國威。不若專意剿。剿期一大創。可保數十年無事。卒成擒。該斬級之功。其論大事。胸中具有經緯。故撫按交章薦其才。可大用。陞廣東布政司叅政。時有事安南。龍不止督餉之勞。而留心邊圉。期圖綏靖。叅謀指畫。卒誅范子義等。安插莫正中。定莫宏漢之位。迄今稱其遺烈已而崖萬黎叛。方事征剿。預議處置。久安事宜。龍言崖萬與瓊相去數百里。止一兵備。不足以辦。昔年黎叛。增設叅將。事定復裁。合添設叅將於崖州。叅議於萬州。專任責成。協力共濟。地

經濟

卷之十九

十

尤

方賴以寧靖。龍遇事獨特大體。必當其筭。會而後言。故發必當機。所至有功。超陞都察院右副都御史。巡撫山東。時值濟兗萊青比年大侵。龍講荒政。全活八十餘萬人。東土之民。肖形以祀。又運河淤塞。議開新河。龍言。新河首尾二百四十里。高下甚懸。雖骨置閘。無水可蓄。今若大加開濬。豈惟財力不給。卒亦無益於運。不若次第修築。因其勢而利導之。隨所輟多少。而程其功。費力省而功倍。卒如其議。以行。而運道復故。河南師尚詔攻潁州。縣龍恐其流而東也。卽嚴兵於黃河一帶。以待而運。謀出奇。屢撓敗之。賊懼遁去。不敢犯。邳泰單縣流賊。嘯聚爲害。龍命將出師。一鼓成擒。齊魯得以無虞。倭寇告急。先是朝廷加意海防。登州故有備倭兵。舡兵旣逃亡。舡亦遞減。龍言。防海必資於舡。禦寇必資於兵。無舡無兵。何以爲守。具疏請復國初舊制。又以登州沙門黑山諸島。遠軍逃匿其間。不惟失伍可罪。而且有意外之變。上嘉納之。皆如議行。而傍海州郡。得以休息。轉南京刑部侍郎。會忌者誣劾。以聽勘歸。卽杜門養重。一日中風。卒。年纔五十有六。龍居官盡職。身佩印勅。一行取裁。咄

嗟而轉卒無失事蓋才有過人者而以實心遇之故所
如皆效性復修潔取嚴一介官舉出入書史而外無長
物所著有恤刑錄平番議安南議撫黎議山東奏議及
詩文集藏於家

刑部尚書吳惟錫百朋

吳百朋字惟錫義烏人登嘉靖丁未進士第授江西永
豐縣知縣爲政務先教化束矢入片言折服有清水明
鏡之謚徵拜御史出按淮楊卒遇倭亂朋卽披甲嬰城
籌兵食畫戰守賊不敢逼先是倭薄東門外撫臣下令
經濟

卷之十九

王 光碧堂

有開城門者斬民襁負叩門而號朋曰郭外非吾民也
邪而以與賊亟開門納之全活甚衆每按部輒以惠文
彈治不法然其持議平不苟小人咸畏而愛之其按楚
亦然九載考績晉大理寺丞轉右少卿尋陞都察院右
僉都御史撫治鄖陽肅皇帝以處中多事改朋提督
南贛軍務當是時內迫山寇外苦島夷羽檄旁午朋奉
簡書馳至會倭寇海陽朋會兩廣都御史督諸道兵四
面擊之捕首虜無算已又敗倭於烏石又戰滅水神山
賊兵燔已又敗倭於海豐捷聞賜金帛初賊楊一狀殺

長吏勢張甚而蕪阿普賴忠潭等依山阻險流毒四
朋懸賞格陽爲招撫而陰督大軍張左右翼擊之遂平
橫田再破香寮又移師擊藍松山程鄉擒之轉戰大田
由深固相等別攻乳原始典賊殲之又會師破吳平漳
潮遣將士擊二源寇盡殲凡先後破巢一百二十斬首
數萬級鹵獲人畜鎧仗無算於時三巢最稱桀黠賴清
規稱王巢下歷李文彪巢岑岡謝九樟巢高沙卽尉佗
儂智高負險故地衆號數萬盤牙累歲攻之甚難朋毅
然以討平爲已任因上疏略曰逆賊荼毒生靈天討不

經濟

卷之十九

王 光碧堂

機第先破下歷衝其中堅岑岡高沙直振槁耳願陛下
假臣便宜不效請歸伏斧鑕天子壯其議令刻期剿
賊朋乃移鎮信豐授叅將蔡汝蘭方略率師討平之擒
清規苦竹嶂餘黨盡平居民始得帖席上賜勅褒厲
資金帛朋居處六年蒙矢石馳驅烟瘴間年未艾髮垂
白矣前後奏捷疏十有八廕子一賜金帛十二加二品
俸者一晉秩者三說者謂王文成平粵止荆頭桶岡而
朋之克三巢爲尤艱隆慶戊辰擢叅兵部右侍郎尋
疏終養不報晉刑部右侍郎丁外艱服滿改兵部右侍

郎萬曆改元賜飛魚命閱視三鎮條上便宜四事又進
邊國凡關塞險隘夷狄部落與夫士馬強弱亭障遠近
歷歷如指諸掌 上嘉納之已乞假歸省旋起南京右
都御史遵用詔禁革奢侈有避驄減驕之風召拜刑部
尚書朋聞命兼程而進時部事又虛積案填委朋至亭
法謙疑無大小必躬親之以過勞成疾卒於官年六十
朋爲人風格儻逸智略輻輳其憂國奉公極身無二慮
心力大半在兵事而勲業在江廣宦遊三十年節儉恒
如寒素病革猶諄諄語軍國事歎國恩未報言不及私

經濟 卷之十九 王 尤碧室

計聞賜祭葬悉如制

右副都御史周允文如斗 子思克附

周如斗字允文餘姚人嘉靖丁未進士始釋褐貴溪令
有神明稱召拜江西道御史出按湖廣清戎籍念沿襲
詭影之弊難於漸滌先條四事復著便宜五十餘條爬
梳弊垢民不擾而戎伍清再按蕪松諸郡會島夷入寇
歲且大侵斗疏蠲常稅什五然後以綏懷大計責之總
撫將帥諸臣既得請民騷動地士氣倍奮乃有青陽
石湖婁門平望寶山木瀆分縣之捷賊爲奪氣而兵燹

之餘民心嗷嗷斗言兵在精不在衆衆而不練則不整
而易敗民困而難供故於應援之兵力爲裁減而遠近
稍稍帖席滿歲吳民懼斗相率叩關請留疏七上乃
得允斗益以發舒奏設海防專官蠲濱海綱運議改運
艘折兌所經畫皆恤民要務乙卯寇復至松鄉民奔避
者以萬計撫院令閉門毋納斗厲聲曰是驅民於死也
脫有不虞吾任之乃洞開諸門以入然地狹民衆疾疫
大作人給糜與藥衆賴以安賊屯桃花港調永保諸
力戰斬獲無算仍會浙省兵夾攻之大捷於沈庄而徐

經濟 卷之十九 王 尤碧室

海麻葉陳東之衆始以次蕩平斗按兵三年前後奉有
監軍紀功允運諸勅躬擐甲以戰者百數其功甚巨而
視師趙文華銜之匿不以聞賜白金文綺加俸一級而
已丙辰改督學南畿校士一以文行爲殿最要人請託
絕無所徇士服其公丁巳夏行部鳳陽倭由淮陽薄城
下或請避之別郡斗曰陵寢所在臣子當死守敢以
職不任兵辭乎乃簡士卒飭將領使之進擊賊始遁已
未陞大理寺少卿壬戌晉右僉都御史撫南畿時徵派
四出而募兵費尤不貲即奏減兵餉三分之一督郡縣

遷土著以時訓練。築丹陽涇縣石埭三城。乙丑三月。倭復犯三沙。斗分布督戰。累以捷上。拜金綺之賜。尋轉副都御史。巡撫江西。未代。會三衢鎮賊竊發。壞接婺源。斗曰。婺非城。不守。亟令庀工。令下而賊猝至。斗自太平馳往。驅之賊始出境。人皆服其先見。抵江西始創條鞭法。大略檢一省圖籍。計每縣田畝量入爲出。俾侵漁規避者不得行。無何疾作。卒於官。斗體貌魁梧。外若嚴峻。而襟度豁如。一見知其長者。所至生祠有祀。去思有碑。在江西不數月。感疾請以身代者百計。歿則環哭而祠祀之。其得人心如此。子思克。壬戌進士。亦任御史。有名。

工部尚書呂信卿光洵

呂光洵字信卿。新昌人。嘉靖壬辰進士。授崇安縣知縣。母喪服闋。改知溧陽。臺使者行縣。餽羹。偶垢墨。使者疑有毒。光洵馳往對使者。取羹立啜盡。一器使者悟爲起。謝。三年考最。召拜監察御史。屢有建白。並要切。劄忌諱。巡按三具。問民所疾苦。開蘓松水利。總醴有法。水效職。至今奏入有金綺之賜。時倭奴蹂沿海諸郡。邑光洵用餘皇破寇大洋中。再賜金幣。增俸二級。代入會虜犯古。

北口逼京師。與故侯爭馬。市不可一日。章十三上。謂虜騎易與。且京城何地也。可使逞以歸。今日臣有死。無和有進戰。無退守。上覽疏。色動。事竟寢。遷南京。光祿寺少卿。歷官工部左侍郎。尋拜右都御史。督撫雲南。至則首軍昆陽。斬叛酋馬。甘李應朝。昆陽平。明年春。水西宣慰安國。亨寇露益。夏。李向陽方廷美反。昆陽。勸遮者索反。尋旬。並先後討平之。事聞。晉兵部尚書。兼督撫如故。而武定府土酋鳳繼祖者。世毒螫。鈞連他府。小大酋僚。濟藹者數十輩。遠至川貴。相婚姻。有衆數萬。地千里。據城以叛。數出諸蠻。攻城郭。殺憲臣於軍。用僞王。南面其衆。意卑渺。向者麓川。然孽。顧始沐氏數莊豪。而兵符故專沐氏。光洵表其由。併乞符。得自調。賊倚川貴爲三窟。計其敗遁。必由貴走川。乞稍借。暫領川貴諸兵。道得帥。賊果用是敗遁。竟授首於川。武定平。改土設流。悉有其地。沐氏既銜光洵。抑其權。又悲當光洵未表時。頻却其賄賂。及得賊。又追論其左袒賊。若莊豪激叛。與叛者諸陰事。痛一剪束。而光洵自軍興以來。獨按察司副使張天復首。腰鞬。捧符以奉軍。約無一日不寄首領。

於象馬間及移按沐氏黨則用天復假按察長把三尺提一尺狐兔爲鷹鷂擊鳥雀以誅君惡於棘栢之署用是讒構颺起光洵遂以南工部尚書致仕一時效勞諸大夫相繼罷去而天復獨逮繫奪職爲編萌滇人寃之爲平縣記其事建祠武定祀光洵及諸大夫光洵才識敏練政於任事故能成大功於荒微人比之楊恭惠何太保尚文學尤擅長於時所著有元史正要詩易箋三秦奏議皆山堂稿可附詩鈔諸集

兵備副使黃文卿中

經濟

卷之十九

三七

光碧堂

黃中宇文卿遂昌人少穎異不凡始勝冠輒起民間首諸生籍由乙科授鉛山縣知縣冰蘖自勵一意保民弋陽業奪鉛山驛馬督棄官復之卒如舊歲省供億數千金考最召拜監察御史出按晉濱及留都持大體多異績時以名御史稱補天津兵備副使時妖人張道仙聚衆爲亂烏合至數千擾鋤棘矜肆掠爲暴州邑震動中躬擐甲胄督勵將吏設伏以俟一戰擒其魁而斬之脅從罔治散遣歸農者數千人復招集流移相繼復業者萬餘戶方敘功擬峻渥而中遽乞休歸功成身退士林

賞其明哲所著有西野奏疏南窓紀寢集吹劍集易經紀蒙等書

按察司僉事徐允平甫宰

徐甫宰字允平山陰人少負奇節才學宏博慷慨有議論每以經世自期時人未之知也嘉靖癸未舉於順天高允自守未嘗私謁公庭至大義所在即挺身當之無所避時人竊嗤其慧益無知之者獨南明諸公相視爲莫逆交已而南明諸公相繼及第去而宰竟不售遂謁選得令武平將行諸公祖於郊宰曰夫言科舉則無以踰諸子若他日所建樹則未知孰先吾與諸子期願各努力無負平生爲知已羞聞者壯之武平當閩粵之界山寇蟠結時出擾城邑吏無寧廨他吏得此輒環顧妻孥泣不敢往宰拜命欣然携一僕兼程就道至則問疾苦寬徭役拊循搔抑溪流溢將嚙城爲築隄捍之城中乏水爲鑿溪引泉入之斯城久圯爲亟完之近賊諸塞舊無城時苦剽掠爲築城立堡者三凡三大役費以千計而民不知歲飢爲發倉平糶民賴無殍久旱雪禱期五日不用者以身爲犧牲至期果雨邑中大風烈火益

經濟

卷之十九

三八

光碧堂

熾。宰望風拜。俄而風反。火滅。暇則進諸生。爲陳說義理。令歸語其家。轉相告誡。如是者歲餘。遠近化之。卽數澤諸寇。亦皆革心向化。有不平事。徃直於庭。帖服而去。鄉有渠惡。將鼓衆從賊。宰偵知。擒戮於市。其兄弟子姪。朝夕服後。無怨言。李古春。梁寧輩。負險以叛。督府將發兵討之。宰曰。無遽征彼。固吾赤子。特求生不得耳。乃卑騎詣其巢。曉以禍福。賊羅拜泣下。卽解甲降。嘗按事之福寧。島夷突至。州守病不能起。城幾陷。宰以便宜。且守且戰。城賴以全。又以計擒他巨盜徐東洲。梁道輝等。數賊

經

卷之十九

光

聖堂

一空。治武平六年。臺使者。奏其績。疏凡十餘上。程鄉與武平接壤。稔知宰賢。相率走督府。願借宰督府爲請。於朝。調宰程鄉去之日。武平老稚遮道哭恨。程鄉奪之來。程鄉民聞宰至。則又悉老稚遮道以迎。若恐武平奪之去者。於是諸寇聞之。亦幸黨以至。所過輒相戒勿犯。獨石窟首賊未至。宰以義讓之。不悛。則令其黨擒之。石窟平。宰治程鄉。一如武平之初。無何內召。程鄉人又相率走督府。乞留督府。復請於朝。得留不赴。召無何而劇賊果遽起。徵兵至十萬。久不能克。宰不用隻矢。獨開誠釋

從懸賞以激衆心。遂俘徐加梯。縛林朝曦。溫鑑。斬首以徇。餘黨潰降。略盡。督府上其功。得越格。拜按察僉事。身備潮州。仍廕一千千戶。潮之境。岩簪四塞。濱大海。土賊島夷。相煽亂。宰下車。或撫或剿。降賊衆以萬計。自是潮無山寇之患。島夷之屯鄉堂也。宰用所降賊。授以方略。搗其巢。大兵隨之。斬首萬餘。自是潮無海寇之患。然宰竟以勞瘁致嘔血。乞歸。歸月餘。竟卒。宰所至。輒有祠。水旱疾病。禱之輒應。或以所疑質之。無不響答者。卽諸寇過祠下。亦必焚香。載拜。乃去。宰之初誕也。聞室中有異香。覓之一大蛇。據床下。迨卒之夕。復有蛇自梁而墜。香徹庭戶。議者知宰爲神人云。

經

卷之十九

手

光

山東按察使沈雲卿伯龍

沈伯龍字雲卿。嘉興人。登嘉靖乙丑進士。釋褐內江令。有惠政。時直指貪悍。數以氣勢籠懾人。爲漁獵。伯龍獨逆折之。不使肆。直宿怒已。而伯龍內召。將行。直指盛氣而前。盡發其行篋。止俸餘十數金而已。直指慚沮去。邑父老子弟夾轍焚香。攀送出境者數千人。號哭之聲動地。抵京。拜兵科給事中。屢有建白。俱關切時政。以是忤

執政意出守川南。會有九絲之亂。九絲負險以抗。有司束手不敢問。伯龍奮然語諸從事曰。人臣委身事君。正惟多難是效。今小夷跳梁。而卽以憂遺君父。顧諸君自視何。於是諸將吏皆慚憤請戰。伯龍躬擐甲胄。轉聞而前。賊眾披靡。皆反戈以攻。兇囚投首。餘黨悉平。捷聞。詔賜金幣。增俸一級。無何而沓保作叛。督撫以九絲之役。太守獨之。如雉兔先聲。奪人是非。太守不可遂以兵五萬屬伯龍討賊。伯龍曰。天下有同事而異情者。沓保之與九絲是也。九絲玩於積懦。非一大創之。則國威不立。

經濟

卷之十九

圭

光緒堂

今九絲既平。沓保不無奔氣。顧敢於效尤者。未有以動其心耳。此片言可下。何以兵爲。况解甲未久。不堪再戰。伯龍乃單騎至賊巢。呼保眾諭以禍福。保眾聞諭。歡呼動地曰。沈父生我。卽縛三渠魁以獻。陞湖廣按察司副使。兵備湖南時督修猷陵闕。宦意在乾沒。伯龍覈實其數。所省十之八。雖賈怨弗恤也。已而江陵父喪。諸監司皆爭先走吊。惟恐後。伯龍獨不往。竟以裁革歸。江陵敗復起。江西按察副使。隨轉山東按察使。遂乞身歸。伯龍博學有才略。而善自韜晦。對人語。煦煦然。惟恐或傷。

而一臨兵間。智勇全出。迹其所自。蓋有老將所不能及者。至時方需用。忽抽身急流中。復以其煦煦然者。與里中人相爾汝。里中人又無不稱之爲長者。若伯龍殆得老子之術。而精用之者與。

右副都御史陳元卿洪濛 兄洪範附

陳洪濛字元卿。仁和人生六歲而父景祥歿。母黃矢志鞠之。比長。命習法家言。濛志儒。弗願也。母爲雪涕而喜。年十二。通經書大義。十五。嬰奇疾。夕夢與王文成視師。功成。退畊江介。遽然適也。自是朗悟若神。嘉靖庚子舉。

經濟

卷之十九

圭

光緒堂

於鄉明年。與兄洪範同舉進士。範授工部都水司主事。濛授刑部廣西司主事。歷員外郎。郎中。兩署司篆。善爰書。諸所按讞。皆手出。老吏視其文。無不瞽服者。滿考出知河南彰德府。彰德故多宗室。恣橫濫一以法繩之。時鄭王好文學。誤四歲以規時政。屬庶人佑善。乘誣王上怒甚。遣親信大臣卽訊濛。爲白其狀。衆危之。濛曰。吾守三尺耳。奈何令上有蔽護。問我骨肉名。獄上。止錮王終身。擢江西按察副使。兵備九江。九江盜區。每傷敗王旅。濛至。勅諸賊。實跡賊所在。必窮剔。毋縱。數年之間。

長江宴如而又以其間補伍清屯練兵增堞潯陽遂爲雄鎮丁內艱服除補前職兼轄楚蘄黃濠益發舒以慰潯陽士民之思尋陞山西左叅政蒞冀南屬伊王恣橫不道都御史疏其罪於朝遣使驗問不服乃廣賂求緩會。上更遣少司寇覆按乃疏濠名與俱。上允之曰。是嘗按鄭藩者邪濠聞命卽乘遽往盡得王諸不法事。辭具服國除幽之鳳陽濠兩平亭宗正事皆當旨而以晉藩按洛尤異數云亡何遷湖廣按察使楚故雄藩而濠以彊明割之庭無留獄前是二令相訐被逮獄久不具濠一訊卽服乃斥其墨敗而寬其以微文中者比遷去寬令懷數百金伺道上濠大怒叱之曰吾豈以金故緩若耶若不自愛而且以私蔑我令乃懶去擢四川右布政尋轉左乙丑入覲進都察院右副都御史巡撫貴州兼督湖北川東軍務時施州苗黃中叛擾雲萬等縣先奉詔剿賊不克濠檄川東諸道兵進討賊人深箠陵高阻隘發蘭石傳毒矢以拒我師濠乃募死士夜從間道上先斂其機使石不得發直抵若門斬其酋呼聲震天地擒賊餘賊以千計破棚房百餘中勢窘乃投湖

經濟

卷之十九

聖

光緒堂

軍降二省因先入謁爭其功濠具言楚蜀異勢而撫剿同情功不宜顯有朝議竟直濠有大盜楊珂爲楚蜀患歲久愈熾濠計吾不疾剪此是遺不可爲之疾於腹心也乃授計諸將悉殲之餘衆皆潰初濠聞貴州命而兄範前卒感勦得疾以畏簡書故不敢請至是上書乞骸骨再謁得旨未卽途忽鎮遠印水諸苗叛濠亟督師出不意一鼓平之明年始得代歸朝廷以前軍功最大賜白金文綺者三濠杜門養病謝絕世事日以圖書自娛塋旁葺一室扁曰補思應父母像其中事之如生子

經濟

卷之十九

聖

光緒堂

勦謀既成進士會覃恩得進階通議大夫乃以手加額曰老臣分填溝壑乃更辱嘉命哉惟有清忠二字遺子以報國耳濠美髯夷度飲人以和官橐如洗而稱貸以急人無怠心詩文不爲名高觸輿卽就所著有五經輯略性理纂要諸子粹言督撫奏議及詩文稿若干卷藏於家

廣西左叅政陳喻之茂義

陳茂義字喻之慈谿人登嘉靖己丑進士第授南京工部都水司主事改比兵車駕員外郎時郭武定恃寵而

賜膏以手札取馬價銀二萬兩大司馬與同卿咸懼
其意首鼠不能決茂義奮然曰馬價祖宗儲以備邊
卽御札且難之管札何爲者竟寢其請朝論傳之樞務
奏對咸屬茂義手出無不豁然當上意者同官服其
才秩滿陞廣西布政司右叅議廣西地控百粵從權難
居有土酋盧回縱所部劫掠爲郡縣患督臣謀討之顧
時無可與共事者比茂義至則大喜曰小醜不足平矣
遂徵茂義相機撫剿茂義親復其地環視諸酋皆岩巢
犂洞上記曰譬諸鼯鼠山潛可不煩兵而定總臣報可

雜著

卷之十九

五

光緒堂

迴卑騎往諭以禍福回卽率隊長五十餘人歸命於軍
門而副將張經者耻功不由已乃危言以激督臣竟縛
回梟首回黨盧全盧派聞回死復聚衆爲亂聲擊武緣
諸城總臣始悔不用茂義言曰欲靖此蠻非陳叅政不
可茂義復卑騎入武緣招諭之全派知茂義來相謂曰
是活我生命陳爺乎投戈羅拜面縛如初思恩一帶悉
獲安堵敘功賜金幣增秩一級尋陞廣東按察副使兵
備瓊崖所轄深箐鬼谷大磧絕嶽諸叅盤錯其中而羅
常那剛尤號勇善聞殺掠吏民并落爲墟裨將張世延

以戰歿賊勢益張茂義奉臺檄監左哨六月衝暑航海
勒兵擊破卽溫椰根諸嶼斬首數千級俘馘招降黎巢
悉平捷聞再賜金幣加俸正二品茂義又慮夷獠雜居
易生他變更條上八議爲善後計海外法弛多墨吏則
繩其不戢者僚屬俱潯慮以承創文崇書院課子弟之
秀雅者瓊人尸祝之遷廣西布政司左叅政當是時夏
貴溪當國任愛憎爲取舍茂義未嘗以一字忤政府政
府銜之茂義慨然曰吾母老矣寧能改顏面以奉要人
乎遂拂衣歸歸而宦囊如洗復遭倭變燬其廬扶母走
郡城餽屋以居無溫容曰是數也惟恐傷老母心無何

雜著

卷之十九

五

光緒堂

而子順正登進士第輒焚香手額曰吾何修而邀天之
後福有若是惟有清白一節遺兒子耳故順正歷仕餘
二十年茹苦若寒士遵父訓也卒年七十有七所著有
國朝名士志人物志善惡紀錄燕石稿共若干卷行於
世子順正自有傳

按察司副使茅順甫坤 子國縉附

茅坤字順甫歸安人以文章名大家卽海內所稱鹿門
先生者也方其爲諸生時卽耽耽有千古之思抱卷伊

經濟

卷之十九

壬

光緒堂

吾盡丙夜不少輟嘉靖甲午舉於鄉又三年而成進士時肅皇帝方崇時祠執政羅天下文士以供祝釐屬坤坤艷然曰吾安能以三寸管爲相君作私人乎被政銜之謁選得青陽令甫兩月以艱去服除補令丹徒時江南旱飢徐沛間稍登而多閉糴穀價翔踴坤馳檄諸司得解其禁於是搜庫金五千兩并導富民出貲收糴於稔鄉歸而出糴踴者遂平又議於蠲外請折留諸漕粟以賑貧民其賑也則以卑騎行縣隨宜布蠶太略倣富韓公趙閱道故事賴以全活者萬八千戶每一條

經濟

卷之十九

壬

光緒堂

應檳聞坤才微署府江道屬以兵坤策之曰大征非兵十萬不可餉稱之今檄徵諸路兵卒不可集而賊已走險爲備矣計莫若鵬剿者如鵬之搏兔然伏於無形倏入而殲其魁他部落必端而謀自完此便計也應檳曰善於是簡部兵五千人第爲上中下而差其鋒時時推牛饗士圍射角枝四出遠獵以爲常賊玩而懈而我兵爭願一戰於是復募死士携善術者以藥筆潛圖其山川而聚沙指畫賊在目中矣乃命所部兵爲七道度道里遠近後先發約同日抵鬼子砦而所過道輒幟而榜曰軍門進十萬兵討某砦之殺陽朔令者他砦毋動動則移兵先滅之我師實不過五千諸夷見旗幟彌山谷且惕於榜皆蟻伏無敢動連破十七寨擒斬百五十人是日坤坐府江帳中令曰捷音至即鳴鼓左右皆愕視佯應曰諾少選而報鬼子砦捷者三蓋坤以鵬剿行大征之法密定期會不爽畧刻而左右固不識也捷聞天子加應檳大司馬而晉坤爵二級癸丑遷大名兵備副使倣古偏箱車法作車五百輛以禦虜衝嘗提兵戍倒馬關制府楊傳視其營壘歎爲奇才特疏薦於朝而

生平所齟齬者。竟諷部使毛舉。地經事。令其官以歸。歸而作鳥人傳。三益先生傳。以見志。先是海夷之訐東南也。胡中丞宗憲雅知坤善兵。多所咨訪。蕩平之績。坤有力焉。以故宗憲遇坤最厚。而坤舍中奴因狐假里中里中人羣聚而譁。直指龐尚鵬遂收二三奴置之法。詞連坤。坤寔不知也。已而歎曰。愛我者疾。疾惡我者藥石。我善胡公而毀於龐公。殆近是哉。其服善如此。坤於書無所不讀。於文嗜班馬。歐蘇人為詮次品。添而所自結撰。不爭奇於句字間。今讀所著白華樓稿。玉芝山房稿。羣年稿。率雄渾浩蕩。真古今鉅麗之觀也。性復慷慨重義。師若友歿。皆厚撫其子孫。貧賤之交。卹之終身不倦。而於宗盟尤篤。貧而待之舉火。若昏且葬者。歲無慮數十家。平生所升沉譽。及一切文字。酬應無虛日。似皆足以損神滑和。然其真愈完。而竟躋上壽。以終四海之聞而知之者。又稱鹿門先生為異人。于四俱以文章世其家。而仲子尤有名。仲名國縉。字薦卿。以進士。初令章丘。視民如子。視民事如家事。凡所以爬搔洗剔。必措民於衽席。而後已。章丘人家戶戶祖。稱之曰慈父。以高第。

經濟

卷之十九

毛

光碧堂

徵拜侍御史。明年計外吏向所齟齬鹿門先生者。復修鄰於其子。誣縉以刺求便地。坐當調。章丘人憤曰。賢令如茅父。而人求多焉。謂吾曹無三寸舌邪。詣闕白寃者數百人。當事不為理。竟調令浙川。時流民嘯聚剽掠。聞縉來。曰。此仁人也。願受廩而為氓。復為轉穀以賑。治糜以哺。一時登浙川民於社席。如章丘。浙川人爭尸祝之。亦視章丘有加。政聲籍甚。擢南京屯部郎。尋改水部。以鹿門先生九十壽。使閩歸。稱觴事竣之官。權湖陰稅弛苛禁。別宿蠹。尚旅歸之。如流水。不三月而課足。富一年。九月復歸省。而鹿門先生逝矣。宦前後二十年。出入數四。卒得奉湯藥。含歛人謂孝感。感服除工部。適報最。痛鹿門先生。鵠職非辜。具疏白之。朝略曰。先臣坤任粵西。不煩軍興。鎬銖以鵬。剿收大征功。蒙恩錄擢。忽受顯黜。一事而功罪迥異。何以示沮勸。倭犯東南。為墟。先臣從督臣胡宗憲畫策。平之。不敢希賞。而更得罰。比采廷議。宗憲業蒙洗雪。而先臣何辜。沒齒不白。臣請弊所應得。勅命。復先臣致仕。疏七上。始下。所司以側格。僅予閒住。已遷郎中。視夏鎮河。或言沮如善病人。不可往。縉叱之曰。

經濟

卷之十九

毛

光碧堂

人臣事不避難。河不治則運道淤。此何事而可辭為。卒勤其官而水死。將屬纊。戒其子元儀曰。無讀非聖之書。無行不義之事。遂瞑。鎮人相向哭。失聲。章丘泲川聞訃。哭祠下。如喪考妣。縉天性孝友。鹿門先生病疽。日夕不稅衣冠而侍。時婦蔡亦病。或請視之。縉呵曰。吾婦方急。吾親親愈自起耳。卒不一入視。已而翁與婦俱無恙。官金陵。以樓舡迎鹿門先生。間奉游諸名勝。賓客既集。縉為鞦韆。踞上酒炙。先生歡樂之。與賓客談詠。典盡而反。都人士無不嘖嘖稱茅君能養志。事嫡母逾於所生。伯

經濟

卷之十九

聖

光碧堂

兄翁積才高而放。以酒自豪。縉數規之。伯不喜。縉執禮彌虔。李維才高而文弱。以詩自豪。縉亦數規之。季不喜。如伯兄而縉誨之。彌篤。季尋悟曰。仲兄愛我。季亦事仲如仲之事伯。縉又割腴田五百畝。差五服親疎而周其急。名曰茅氏義田。又為義倉。積粟以賑凶荒。族有售百金產者。三售三反。其田蔡司馬子客死。其遺孤幾沒豪手。收畜之。妻以女。而名之曰武猶。嬰杵之於趙孤也。鹿門先生以文章為天下法程。縉承家學。其文汪洋恣肆。援筆千言。詞旨俱美。而大指以學在適用。文以經世。古

今事成敗。得失揆度。鑒別無毫髮爽。授之以政。迎刃而解。所刪評漢晉南北史與所著菽園詩草若干卷。藏於家。

刑部員外郎祝珍卿瑀

祝瑀字珍卿。太平人。福建按察司副使。成之曾孫也。少從章文懿公受易。得其詮要。為文務以理勝。選隸學官。儕輩咸下之。以貲入北雍。中順天壬午鄉試。屢上春官。不第。歎曰。丈夫欲自樹奚必擇塗而趨哉。遂謁選授孝感令。尋丁外艱歸。服除。補知羅田。羅田介萬山間。民習犷悍。而負險絕。為暴客數。瑀至。則食咄。寤晝。彈圖宣猷。視民力所急。民財所詘。而煦嫗樽節之。鼓其良而摘其惡。無賴者。邑有大猾。根株盤固。更數令不能治。瑀庶其諸不法。具獄磔於市。里社乃安。時屬歲侵。而世廟且南狩。所過空村倒困。則舉弃室廬而逃。瑀於諸應費並從節縮。復訂供帳簿要。請於有司。不得溢數。而濫索約省十之四。次夏。又飢。民之殍於茅簞砂礫者。比比相枕藉。瑀便宜發粟以賑之。戶分別大小。以為所給多寡。而復禁閑糶。蠲逋稅。以長活者。殆萬計。屬郡盜熾起。楮衣

經濟

卷之十九

聖

光碧堂

白晝剽行聚落顧數討數叛迄不能底定珣決策曰邑
聯英六淮廬之師帶商鄧汝息之疆地深阻民雜逖不
逞類有所主故能爲變耳乃密緝奸孽爲內應者十餘
輩當以常刑尋餘黨復嘯聚壘於崇崖之巔席險負固
以稱亂珣圖六關形勢坐而籌之謂四陲懸絕彼以地
勝固矣然而夷曠者非盜有也乃移檄徵諸路兵禡
牙誓師犄角要害厚集兵力奮距而直薄之元慙授首
羣從卽戮覆其巢而返旆百餘年盤結之寇一旦殲之
無孑遺當是時湘藩言善政者必首推羅田令他郡邑

經齊

卷之十九

聖

光緒堂

間有滯獄疑訟久不決者皆願屬羅田令決之片言所
折兩造允服臺省交薦徵入公車而銓司固泥資格僅
遷同知武昌珣不以是不滿隨牒放職若令於羅田時
擢刑部員外郎尋丁內艱服除當補乃抗疏乞休歸珣
居官矜然所至以介潔自標九約已務施於親族多所
資給或有負者每折券不責其償與人懇款見情慘然
一就於正不爲嬖媚猥瑣之習居家植德者十餘年而
後卒年七十有五

陝西行太僕卿商汝明廷試

商廷試字汝明會稽人嘉靖辛丑進士授刑部福建司
主事明習典章事至燭照斧斷老吏謝弗如遷廣西司
員外郎奉詔慮囚雲貴所平反者數百人以內艱歸服
除補原官尋進郎中會虜入關下肅皇帝怒本兵不
卽發兵急援戮之西市并下職方郎於獄廷試當按之
分宜相與郎有連遣所親屬廷試廷試曰兵之緩急在
職方尚書且坐是死矣郎烏得免吾寧忤執政不敢斃
三尺以忤上與郎俱死無益持之益堅分宜大銜之
遂誅其資出爲黃州守黃楚劇郡疲而善訟甫下車卽

經齊

卷之十九

聖

光緒堂

序胥吏舞文者數人檄下諸縣有所攝與爲期期而不
至有罰終歲不遣一隸下諸縣晨起視事公門洞開欲
訴者無所閱訟入立剖獄無繫囚諸縣有所輸第驗封
立校庫無羨金吏束手無所爲郡庭闕如境內大治河
南賊師尚詔糾衆爲亂光與黃接壤遠近洶洶謂賊且
旦夕渡河掠黃所司議調兵以守廷試爭之曰尚詔陸
寇耳當走山東鼓飢民勢且益熾若走澤國祇就縛耳
必不至調兵何爲旣而賊果不至黃與九江接壤土人
爭畛而閭所司輒以叛聞議者欲發兵以討廷試又爭

之曰聞而爭地非叛也發兵何爲守請身論之過單騎
往衆感泣相率羅拜請死廷試與其長偕來見撫臺竟
不發一兵而土宇帖然遷山東按察副使備兵青州青
故多盜而楊思仁者以其兄殺人繫獄將刼出之哨聚
數千人諸黨分部中外尅期而動值廷試初下車戒嚴
賊不得逞廷試偵知其狀亟以兵掩捕之賊擁衆走離
淮故多鑛徒廷試曰賊若令鑛徒據險阻卽難圖矣遂
進兵急擊之賊大敗斬首六百級宥其降者千餘人度
思仁必走河南先期遣勁卒要諸途果獲之賊遂平蒙
經濟
卷之十九
聖學
光霽堂

本兵分宜挾宿憾喉臺使掩其功而以罪論訓雲南副
使備兵金騰廷試亦不執鞅綱首恭送刺者脅三宣撫
以叛廷試駐兵騰越間以禦之酋不敢動自雲南量移
陝西陝西職在馬而仕者視爲散局幸高卧不事事馬
政日隕廷試欲稍稍振之曾不得展廼歎曰湖山遲我
久矣遂自投効歸廷試曉暢物情氣定而識遠故隨其
所至輒建樹炳炳識者謂廷試可肩弘鉅然天性夷坦
旣不能煥炳取容又不能結交延譽故挾負雖磊磊而
世不盡知也家居踰二十年日惟課子弄孫自娛深窺
經濟
卷之十九
聖學
光霽堂

兩浙名賢錄卷之十九終

兩浙名賢錄卷二十目次

經濟

明四

右都御史沈汝楸子木 子微煇微煒微恒附

湖廣左布政馮汝迪叔吉 子若昌若舒附

淮安府知府范子美櫟

右都御史吳時來

湖廣提學副使顏應雷鯨

吏部尚書張子文瀚

經濟目次 卷之二十

四川按察司副使葉際清應乾 父允揚附

吏部尚書陸與繩光祖

兵備副使陳履卿茂禮

兵部左侍郎宋思文應昌

貴州按察使陳觀甫順正

雲南布政司左叅政陳忠甫觀

都察院右僉都御史金子魯學魯

贛州府知府顧朝肅鈴

都察院右僉都御史鄭汝璧

右僉都御史江士振鐸

僉都御史陸無畦萬垓

都察院右僉都御史鍾維新化民

江西左布政使沈箕仲九疇

兩浙名賢錄卷之二十目次終

經濟目次 卷之二十

二 六

兩浙名賢錄卷之二十

東海徐象梅仲和氏謨

黃國何履貞仲方氏閔

經濟

明四 共二十一

右都御史沈汝楠子木 子微 紹微 煥微 恒微 附

沈子木字汝楠歸安人登嘉靖己未進士第授富陽縣知縣會景王之國所需不貲從闖又橫索時太守有心疾將箕歛於間右以供子木裂帛爭之乃已子木又謂

經濟

卷之二十

光緒堂

王長史曰王而體 天子意者必軫恤吾民不使擾擾民非王意有私索者請奉三尺治之長史啓王王曰此賢令也即日命從官揚帆去明年歲飢救有條民不知其無年擢虞衡主事領盛甲厥厥有中貴主之物料半侵牟戎器具數而已子木立召工匠嚴諭之曰若曹不覩庚戌事邪虜酋入寇兵甲不繕主者皆獲罪若何玩愒乃親視器必期精好不中程者輒毀弃令重治之中貴鉗口莫敢吐氣癸亥虜果倖至通州禁軍出禦敵戈矛弓矢之屬分給至十三萬有奇皆堅利可用雷司

空禮大嘉賞之曰此實心任事者使人人如此何職不

舉未幾遷都水員外郎是時 上居西苑離宮別館營

建甚多子木亦兼領上方工作皆身拮据其間省水衡

金錢萬計會河決徐浦進郎中領南河晝夜宿河上告

成晉秩一級出爲建昌知府前此江右有洞夷警郡募

兵爲備多江北人久之議罷奉令者失調護諸卒呼噪

不散勢將爲亂子木急馳單車往諭之曰汝輩誠不畏

死乎勁兵在近壞撲滅汝如踏螻蟻耳汝作數百橫死

鬼痛矣今爲汝請九十日糧供衣履之費以行脫介冑

經濟

卷之二十

二

光緒堂

反故土不亦善乎皆感泣搏額曰公實生我遂羅拜去是日微子木幾殆擢廣西副使領右江兵備柳州有懷遠縣寄萬山中四面皆徭縣令寓郡遙領之不入縣而令馬希武者慙喜事妄議城焉子木曰此示之疑也徭將生心而直指李良臣與馬有連主其議城未半諸徭已警警譁馬猶不省謾爲大言無何變起竟殺馬令上震怒命急剿之而開府郭應聘重發兵檄府江還兵擊之故事土兵十月出師二月罷歸田作檄至已正月來裝待歸復驅之遠征已懷怨會道中又大雪沒膝乃

粵中數十年未經者，不勝苦。遂鳥獸散，賊知之，將奮力犯我。同事者與子木俱，駐融縣去賊止三十里，議棄融還子木曰：「此引盜自逼也。」吾一退，諸屬邑如破竹矣。密期總兵平蠻將軍李公錫都指揮黃鸞率浙兵三千直趨長安鎮，扼其隘口，賊怖不敢出，乃徐調諸營兵六千，土兵三萬分道進剿，連破七十餘營，斬首三千餘級，獲故懷遠縣印戮其酋，督府疏聞。上嘉之，賜白金文綺。晉右叅政仍領右江，未幾與廣東夾剿羅旁，窮其穴，拓地千里，以功晉布政使。為忌者所中，降湖廣右叅政督

經

卷之二十

三

光緒堂

轉漕尋晉按察使，遷山西右布政，尋轉左，晉中大飢，餓殍流民，圖奏上得捐帑金十萬為賑，因命吏為粥以飼餓人，全活者甚衆。晉右副都御史撫山西，督雁門等關軍務，撫晉三年，功為九邊最制府，疏問賜金綺者三人為兵部右侍郎，以父喪歸，無何而閱視者有言調南京，家食者且八年。起南京太常寺卿，閱掌故，見懿文太子四時有祀而建文君獨無，心竊痛之，乃疏曰：「皇上以孝治天下，殆三十年欣承祖宗諸盛典，無不殫舉獨建文祀久闕，未有言臣竊謂建文君高

皇帝孫懿文太子嫡長子，五年御宇，統順系明，即當成祖時，且用先臣王景之議，以天子禮葬，遣官致祭，輟朝三日，則成祖之不欲廢其祀可知也。相沿至今，輒無成說，生為金潢玉牒之主，沒銜斷蓬飛草之怨，若敖含餒，伯有無依，不亦悲乎？皇上御極初年，特念死節諸臣，下褒祀之詔，伏讀制詞，有曰：「仰遵聖祖遺意，褒表忠魂。」夫忠於建文者，且祀矣，乃建文獨不得祀。邪弘治時，禮部主事楊循吉曾以景皇帝為比，議追謚夫謚固當議則祀尤宜急議，今世所疑者不過謂倫

經

卷之二十

四

光緒堂

次間稱號難定，是不知禮以情伸，數緣時降第獲發，暨一俎猶愈於湮絕，弗存者臣愚以為留都誕育之區，臨之地生所憑依，魂魄不遠，宜即其處或附於高皇帝之側，不則懿文太子之側，廟祔弗淪儀典，斯秩累朝未備之禮。今日集其大成，列聖未慰之靈，亦將惟欣交暢於皇上之善繼述矣。奏上下禮部議，如所擬覆上不報。然時論趨之，轉通政使，乞身不許。晉南京右都御史，稱疾不赴歸，上以病脾卒。年八十有二子木狀貌魁梧，昂然挺立，為人慷慨多大略，汪洋千頃，莫可

涯淚居官不上虛聲所經畫皆久遠計崇理學工文辭
有著述數種藏於家子四微炤大名通判微煥南工部
郎中微煥見官南京兵部尚書微桓貢生

湖廣左布政馮汝迪叔吉 子若呂若舒附

馮叔吉字汝迪其先出南唐二延尚書後徙慈谿代有
偉人父榮爲諸生時與從兄司寇岳憲副璋齊名娶錢
氏生子三叔吉其長也年二十舉嘉靖壬子鄉試第四
人癸丑成進士除泰和令當是時叔吉以子奇之齡河
陽之表賈生之文宰百里人望之如神仙或謂喜修文

經濟

卷之二十

五

光緒堂

者武事未必備定五革隱五刃終非吹霜噴露寒暑筆
端者所能辦而會洲之龍旱塘之湖二窟者聲勢相倚
每出輒署里閭口某日劫西鄉某某日劫東鄉某某日
手莫敢問叔吉庶賊左右隣與有連者終逮之至論曰
若隣賊而府賊府賊名窩罪浮於賊吾姑貸而窩凡賊
入城而先告吾無泄語有泄者先且族而家於是嚴城
中宿互櫟者禁經踰者與以兵革趨行者一意伺賊入
城路頃之一賊魁入城隨以告立擒之其黨未知所出
數日復一擒之居數日又復一擒之賊徒震懼匿旁

經濟

卷之二十

六

光緒堂

空舍不敢出叔吉乃令鼓人擁鐸羣吏弊旗車徒無作
銜枚直抵其穴一鼓殲之盡俘其妻孥以歸於是四郊
五涂戶戶不閉邑故有土城而未甃叔吉日家以垣籬
隈闕爲城國以山河城郭爲護金城缺郭寇不敢賊吾
豈以門戶爲戲經營爲擾乎乃雉之軌之錯之不傾之
地卽言者交口不便勿顧也後七年而粵寇至民依城
以完僉曰馮侯生我未幾召入爲小儀尋丁內艱中
語被察左遷兩淮運判擢徽州丞遷守池州進江西憲
副復左遷首少忝會盜掠蕪湖藏遂移江南備兵是時
大江之濱東自武昌以會於大雷西自豫章以通於秦
淮物衆藏奸地寬長孽於是萑苻之間潢池之警在在
而是叔吉於濱江設皖城荻港二營置二樓紅船有
翼以戈紅船數百艘艘以旗幟爲別而又設棧紅船游徽江
上以察軍應博謀賊嚴夜行行者執而歸其紅船之首於
於長江上下數千百里鐸振旗作鼓行錫鳴若常山蛇
首尾相應有警則江山搖動林壑飛騰楊公李成之徒
亡所厝趾賈人子弘舸巨艦連舳接艦風停雨歇卽登
泊如登堂與江賊既遁鯨鯢不波而又虞其恣於陸也

經濟

卷之二十

七

光緒堂

乃議城。燕次城銅陵城望江城。柳城築清溪。隄護以千柳。選材官分制。諸要害以一參軍爲中樞。以二萬戶爲犄角。又部署良家子弟爲土著。百道亡飛走之虞。金陵鞏金湯之固。江右蕪淞諸隣。封亦俱枕枕上矣。復從江南轄楚右丞。尋晉左。僅僅一年。議通錢法。更定江防。申飭漕艘劑量宗祿鉤校賦役井井有條。無何而丁外艱。歸遂絕意仕進。屏居文溪山中。不復開口談世事。惟一意督訓子弟甚嚴。二子若呂若舒次第舉應天舉南宮。遂有名輩。而復以其訓二子者訓從子若愚及婿張九德。俱以妙齡成進士。駸駸登臚仕未艾也。說者謂二廷尚書大馮君小馮君。今復見於慈云叔吉爲人。偶儻負大節。氣局宏廓。而內周詳。爲國家肩巨任重。不避仇怨。法所不可不移如山。斷在必行。雖責育不能奪。歷仕凡三十年。其經濟大略出自天授。精神所鼓金石爲飛。雖簿書猥瑣靡不精核。而籌畫兵務尤其所長。孰謂修文者而不必諳武也。然負氣巖巖。耻屈意權貴。而忌者亦用此修郅。故終不能取大位。掄材者至今惜之。卒年七十有二。所著有文集若干卷。視道七議。江防十議。若干

卷藏於家

淮安府知府范子美撰

經濟

卷之二十

八

光緒堂

范櫟字子美。會稽人。嘉靖庚戌進士。授工部虞衡司主事。管節慎庫。蒞事日。啖餅數枚。以燕謹稱。得時譽。當事者因欲致之門下。櫟不肯往。以是差滿換職。需二年。始補刑部。進員外郎。歷郎中。出知淮安府。時倭驟犯鹽城。轉掠廟灣。實淮安地。櫟行次徐。得報疾。馳詣郡。時督府集兵五萬七千人。分十七營以禦之。而櫟所自將卒屯菊花溝。以扞城。晝繕器械。宵嚴守備。時荒後府藏虛竭。諸軍所給餼。日千石。餽者三萬人。商賈稀少。食糧告饋。櫟揭榜增糴。價招之。是時廟灣賊方發。民屋壁牆築堡。因盜商積粟。爲持久計。櫟度賊勢未解。慮餽不繼。言於漕臺。請發款萬金。告糴湖廣。漕臺難之。而先軍門已截留運糧五萬石。櫟竊計。卽彼聽而上請。朝論未必從。卽從亦緩。無及。乃擅發帑金三萬兩。六道往糴。五旬米至。就舡中減價糴之。頃得銀三萬。償糴本。而空獲米五萬石。軍興給足。卒以殲賊。兵事甫罷。而景藩役興。王舟之涉淮也。從彭城達於寶應。供頓千里。舡輜萬餘艘。兵衛

夾塗錦纜而牽者五萬人兩涯各除道五丈直民廬輒撤之檣傍廬置蔽缸覆土板上望如平地居者以安時諸郡括丁夫俟役呼召甚棘檣略不爲儲待漕院大憂之召爲語檣謾曰明公在何慮耶佛然曰乃欲委罪於我我一老夫何濟曰非敢然也獨仰明公斯易集耳曰奈何檣曰今王瓶方出糧瓶必不敢入關比次坐候日費爲難今以旗甲守瓶而用其十人爲夫彼利得就直趨役必喜第須一紙牌耳曰如不足何曰今鳳陽以夫數萬協濟於徐役畢必道淮而反若乘歸途之便資而役之無不樂應者則數具矣都御史大喜稱服檣進曰然而無用也復愕然起曰何故曰方今上流蓄水以濟王舟比入黃則各關皆洩勢若建瓴安用衆爲曰是固然矣彼肯恬然自去乎曰更計之公勿憂都御史歎曰君有心計者吾不及也先是光祿寺創沿途郡縣具王儲食品珍異每頓直數千兩檣袖大明會典爭於撫院曰王舟所過州縣止供雞鶩柴炭此明證也且光祿備萬方王食以辦此窮州僻縣何緣應奉乎撫按然之爲咨請禮部部更奏令第具儲直王額二十兩妃十兩省

供費巨萬計比至檣遣人持鉅金逆於塗遣王左右曰水渾難泊惟留意於是王舟皆窮日行水漂疾如激箭三泊供祗千三百比至儀真而一夕五萬矣時王重載出羣盜謀劫王布黨起天津至鄱陽分徒五百人往來游奕一日晚衙罷門卒報有貴客入就潘氏園寓拏者曰有傳牌乎曰無有命詞之報曰從者衆矣而更出入檣心疑其爲盜也陰選健卒數十易衣帽如庄農曰若往視其徒入肆者陽與飲飲中挑與相搏繫以來而戒曰慎弗言捕賊也卒既散去檣命與謁客西門過街市搏者前訴即收比反得十七人陽怒罵曰王舟方至官司不暇食暇問汝聞乎叱令就繫入夜傳令警備而令皂隸飽食以需漏下二十刻出諸囚於庭厲聲訊曰汝輩謂官府當出迎王而欲乘空虛爲亂吾又知之徒送死耳咸叩頭伏曰奴輩當死侯晨捕賊首已遁其孥娼也於是令飛騎馳報徐揚諸將吏而繫十七人於杖餘賊潰散是事微檣且不測強吏皆悉誘死矣居無何而王帶城之役復起淮安故兩城新城者南宋時築也時亂後漕院以其多備也議合之檣意帶同漕院怒遣

舉之身自爲植工竣命曰玉帶繪連城圖大享勞羣吏
令人邀賴固讓不往出行城上歎曰此城患也務大
難固速成不堅是功必敗矣漕院聞之愈憾於是搜遠
歲逋租爲罪劾奏之得旨奪一階而賴竟拂衣歸去之
日郡人扶携悲戀婦人女子皆登肆而號或騎馬擎舟
尾之川途爲隘踰數百里至江而後返賴於學以力行
爲尚每談論經史風旨超邁終日不倦敝衣徒步遇之
者以爲老生其論事明足參知勇足立斷仁足堅守刀
斬鏡別毅然不移惟識與力可謂兼之矣卒年八十一

經濟

卷之二十

十一

光碧堂

右都御史吳時來

吳時來字之仙居人登嘉靖癸丑進士第授松江府推
官會倭夷發難盤踞柘林以窺內地而郡守時且卧疾
時來攝城守復奉巡臺檄爲監軍乘城旅宿戒登陴者
各以死守募巧匠作墨守之具無不堅備復作火砲佛
郎機鳥銃諸器教士爲連弩一發十矢予矛禦必習分
屯四郊以備聲援而寇勢逼甚上女趨保於城者以萬
計或議鍵關止之時來厲聲叱曰設城以衛民也以民

經濟

卷之二十

十一

光碧堂

委賊而抱空城所守幾何悉緇之入入而無居者爲擇
閒曠地舍之又城隘民衆壅污蒸染因大疫時來乃四
啓水關便輸薪穀者因其歸舟載穢滯出之又多置藥
餌射率醫視療疫良已郎土諸路兵至吳總臣計竊逾
時衆大譟及至松撫臣屬時來除備時來度水道所由
就福田禪林外立營令土官以兵至者各署部伍舟人
導之以次受犒惠均而費不允諸營帖然客兵素饒
悍剽掠卽不異寇時來用贊畫者言爲好語結其酋長
數輩日率之以徇於郊刀斗相屬酋或弗戢呼其長縛
治之迄終事無敢犯者比總臣移鎮境上有親兵取人
一嫌時來鞭之數十總臣怒召時來庭讓之時來不爲
動徐對曰公奉命用兵以安民也顧庇兵以殃民乎總
臣愧而止明年四月寇猝至攻城雨甚城崩西南隅十
餘丈人情洶洶時來盡撤屯戍第以強弩數十人扼其
衝總臣以爲危時來進曰兵多見弱稍示之暇彼將不
虞且淳寧安能登卽登從高磴之易耳總臣謝不及時
內徙之民薄城而居類以苦蓋時來慮爲火箭所及亟
撤之而陰識其姓名於屋椽夜遣卒運之城外以爲木

柵杆修城者卒皆股栗無敢前時來首馳一騎出南門
皆從之平明柵畢三日而城完復以柵材還爲民屋則
固向所識也賊知有備棄而北走將突南都時來建議
曰欲窘賊所如顧方略何如耳第決震澤水斷松陵蕞
賊能飛渡乎尾其後而擊之賊皆成擒矣當事者從之
急檄吳江令泄湖水出平望越潑山湖嚴以水兵塞諸
隘賊果由橋李道平望阻水不得進徘徊一隄中自相
蹂踐我兵出其不意先後遮擊之斬首三千餘溺死者
無算此王江涇沈家庄之大捷語備倭者至今快之而
經濟

卷之二十

主

光緒堂

本始所爲繫時來首謀也視師者忌之抑其功不上僅
以治最召入爲刑科給事中當是時分宜父子橫甚靡
其牙者無不立碎時來疏其不法事以中旨逮詔獄延
杖得不死遣戍嶺表隆慶改元起自行中洊晉南京都
察院右都御史閱視江防與時宰不合拂衣歸時來爲
人性慷慨負奇節於書無不讀而其諸解輒鈴則天性
也方倭之犯松儒吏愕顧城之不陷者纔如累卵時來
初官司理無守土責顧慨然以一身肩之出入危城躬
履行陣臨敵制變所至見奇固溝壑爲金湯作羸弱爲

虎豹障蔽全吳保寧畿輔跡其所就視當日之建旄秉
鉞者爲何如及事既定而大吏蒙璽書之褒將士受不
貲之賞時來獨隱默不言若未嘗身與其事者此非公
爾忘私國爾忘家者不能宜其立朝而以忠節顯也說
者曰公以經濟之才矢忠貞之節故其建立表堅偉絕
一時時論以爲允

湖廣提學副使顏應雷鯨

顏鯨字應雷慈谿人生而穎悟絕人幼學卽慨然志古
聖賢往往維訓詁自爲悟解洞窺性理秉心高亮規行
矩步不煥炯隨人以澄清天下爲己責嘉靖己酉舉於
鄉適母喪廬墓三載丙辰始第進士授行人拜山西道
監察御史巡視京通等倉時富人馮漢者怙定國勢貸
子錢潛卒沒漕糧梗漕政定國方有寵巡漕使者噤莫
敢發鯨方在事軍民投牒故陽不爲理漢意鯨庇己果
持定國書來見卽時出所告牒考訊皆伏論殺之又請
裕邦儲飭漕政四事皆稱旨施行故事錦衣衛卒驕悍
給餉之時擇請倉廩惟便鯨下令禁軍官軍一體惟官
所昇不得自請復議罷海運魚膠餉之至今出按河南

經濟

卷之二十

十四

光緒堂

省驛通冗費以蘇民力中使相戒毋入洛境是時伊底人與樊者生而兇回走金錢京師內結毛尚兩貴人張王二常侍外及臺省樞要分宜父子尤力爲地上所爲立報所疏請立下又多布健兒飛騎自河北溱京師爲耳目招集亡命商洛懷孟間鑛盜鳴鏑之雄爲爪牙諸所爲不法罪惡萬狀日伺上春秋高詞中朝有故卽發監司莫敢誰何先是鯨將之中州詰華亭徐文貞相國請曰有如轡車銀矢卒起兩河誰爲仇咸寧王伯安者相國默然良久曰彼內援深耳目廣黨與衆矣寧

鯨濟

卷之二十

十五

光碧堂

夏南昌之甲錯實挑之鯨曰正德時奸諛在朝人情皇恐今天子攬綱結網何寡可乘試以嫌疑離內交何所不貳以鉤距獲耳目何所不濟以生死奪羣黨何所不孤數校尉足辦矣願捐七尺爲國殛之相國大喜鯨馳至河南以叅政耿隨卿往隨卿僞多奇略謂鯨曰洛陽所能縱橫四十年承奉王鑑有心計凡公所爲彼力能破之隨卿故識其人謬爲心管是可說而下也鯨曰諾隨卿遂一夕潛詣鑑見鑑而無言問亦不答第微視鑑歎息已而相對坐久之垂淚起頓足不休鑑心疑

問故隨卿乃屏左右曰若死期至矣伊潛敗矣馬將軍奉密旨以京軍入洛爾名在黨惡且奈何因出檄示鑑鑑故厚隨卿不疑相與伏地泣曰耿公生我隨卿復謬曰吾無以脫爾請爲若交於御史御史得若輪心共計且以若有徙薪功寧獨無死鑑遂潛與隨卿來見鯨正色斥鑑所輔王諸不法狀隨卿謬從旁解之鯨曰爾第反罪爲功吾當貸爾一死鑑頓首惟命遂與鑑約凡府所議輒以報始定擒庶人計鯨念貴人常侍爲庶人申詞疏上格不下卽下諸河北飛騎旦夕且報庶人先矣

鯨濟

卷之二十

十六

光碧堂

乃奏記相國相國以聞說諸大璫中援遂絕御史溫如璋洛陽人備知飛騎主名潛以授鯨因上書大司馬言狀大司馬爲檄五城及河北監司同日逮捕無一人免由是京師事庶人不得聞時庶人護衛暨所招亡命向萬餘人橫行洛城中鯨念郡國不可無兵發兵則擾人心適汚寇起鯨檄郡國集兵東大梁則駐汜水扼虎牢西商洛則駐武關南汝寧則守熊耳北懷慶沁濟則扼河津各集部伍乘城列隘以備汚爲名召王鑑齎牒數千人王宮以散其黨遂上疏勸庶人抗旨矯勅淫虐康

回僭妄不道之罪十請亟正法上可其奏遂下庶人鳳陽獄國除沒入其貲鯨念兩河苦庶人虐焰宗祿乏供數百萬諸宮人彘強奪民間女護衛多亡命請以沒入金錢補祿糧賑兩河軍衛補缺伍官女散民間得旨報可而羣瑄以無所乾沒造蜚語上聞事幾殆徐相國馳報鯨勿堅持爲身家累鯨不可曰從中官是滋蔓也鯨本以百死從事死而可爲兩河赤子且甘之後相國杜說陳王二常侍事得寢先是錦衣緹帥得辟召諸校受諸俠少金爲署名籍中作妖書左道誘富人子弟習之復相與發其罪以爲功得陞賞列侯奉使所過候館騷然諸藩苦之諸藩中使進奉輒駕龍舫所過橫苦鯨請校尉缺從大司馬銓補錦衣不得自署冊封改用文臣諸藩進奉遣屬吏不得用中貴人遂爲定制時德安接壤汝南多竊盜宣大總督駐懷來去邊遠黔冰專兵柄漸不可制鯨請改德安屬鄖陽宣大總督駐陽和而雲南置撫臣得專制皆報可戶部主事海瑞言事切直上怒杖濱死下錦衣獄且論辟鯨與給事中馮成能昌言於朝曰諫臣不能言而部臣言之已可媿死奈何坐

視令主上殺直臣乎時相感其言瑞得不死九月提督北直隸學校以立志主靜克己諸條頒示諸生士皆顧化先是都督朱希孝受富人金補校尉諸列校要郡連上產千百計不供縣官賦抑小民代輸大典令高世儒爲平賦法令羣校均差希孝劾世儒梗令甲侵勲衛上可其奏莫敢爲辨鯨抗疏爭之略曰明王不私倖臣良臣不顧市利緹騎盡富人子不占賦而賦獨病貧民今爲貧民請命世儒無罪罪在緹騎上怒誦湖廣安仁縣典史陞寶慶府推官南京武選司主事改南京吏部文選司郎中湖廣提學副使所頒條約一如北畿士習文章爲之不變時夷陵王篆以相門客爲考功郎願指當路囑祀其父鄉賢祠鯨嚴詞卻之楚王舅王朋橫惡爲給事中辛自修論列朋行萬金賄不赴理官楚者以朋爲金穴莫敢問時鯨視總憲篆獨置之法論戍邊王及諸大夫皆爲朋請不爲動武昌夜失囚鯨聞報起視堂皇立發十餘檄檄沿江巡司詰朝次第就縛二年四月校士湖南宿雲溪館悟格物之古遊南嶽著祀南嶽文如春陵祭灋溪先生過寧遠著舜陵辨九月至長

沙僧諸生遊岳麓大舍一十三校之士郡邑大夫諸學
博士會於岳麓席地旁列陳詩雅歌發明心體十月還
武昌斥伍大夫員不得祀復大會諸生於漁溪書院論
孔顏曾孟著原性訂學諸篇後試恩貢以忤時宰左遷
山東叅議鯨初以書抵執政有宰相位極人臣所患不
足者道德功勛既修世廟實錄核楚事闡潛德崇真
儒時宰以爲異已遂以試貢事修執鯨了無愠色亡何
而新鄭秉銓王夷陵以父故銜鯨從旁贊之假以大計
奪其官鯨林居介特不問家生產奉餘散宗黨窮交派

經

卷之二十

十

光緒

粗食稱旨以講學著書爲事丁丑正月集同志講學
慈湖書院著慈湖定性規一卷又著銷兵聚兵及金鎗
不可開議十七年丁丑著易學義林書成歎曰昔孔子
五十而願學易其讀貴之繇鼎革之際三致意焉蓋玩
之終其身至耄編三絕今吾竊有志焉吾藉以卒歲矣
若有前知者越二年卒年七十有五鯨歸田十有三年
會神宗皇帝收召遺佚科臣鄒元標首疏於朝白前
權貴淹抑狀請破格擢用嗣是而臺使者歲列薦剡前
後凡十八疏當事者竟以常格題詔准先朝直諫厲矣

進例用湖廣提學副使致仕卒之日士民哀之如喪考
妣未幾其門人祀之於慈湖學使者祀之於郡邑而楚
人郭正域爲之論曰顏先生窮理似王伯安剛直似海
忠介清貞似薛文清卓犖似劉忠宣使顏先生而在孔
門則四科之列靡不令矣君子以爲知言

吏部尚書張子文瀚

張瀚字子文錢塘人登嘉靖乙未進士第釋褐南工部
都水司主事內艱服除補刑部陝西司主事歷員外郎
出知廬州府甫下車卽葺宋包肅公祠爲文以酌謂孝

經

卷之二十

十

光緒

肅風裁節槩山斗百世乃人徒稱其摧折擊斷而未知
其有體要也故瀚治廬一倣孝肅故事先教化而後刑
罰一時翕然向風稱大治無何以外艱歸服闋補大名
其治大名也一以治廬者治之庚戌虜酋薄都門詔遣
司馬郎一人持節徵四郡兵入衛使者馳至真定諸守
相錯愕且難庭調禮躊躇久之瀚聞報以募召游食飢
附飽颺不可用披所屬編籍選丁壯三十之一卽令三
十人治一人餉得精銳八百人馳謂諸守此何時也而
與使者爭苛禮乎司馬郎誠不尊於二千石顧春秋之

義以王人先諸侯要使令行威振耳藉令傲然格使者令謂勤王何諸守色動遂俱入謁瀚首請使者閱師使者鼎然曰何速也比閱師則人人精銳絕出望外使者乃歎服曰張守文武才銓部察瀚兩郡循吏陞陝西按察司副使備兵潼關歲侵大發粟所活數千萬人亡何遷廣東參政被誣劾聽調三年補四川憲副遷福建參政轉山西右轄直指其者欲庇私吏不得撫瀚所釐正藩司夙弊反以爲罪疏上瀚卽治行當道復議調時陞光祖爲吏部郎爭之曰如瀚者安得以浮議奪之且銓

卷之三

王

光緒堂

部省各一人凡以采鄉評杜誣譏也祖與瀚同省檢知其賢必欲調瀚者寧罷祖然猶以兩請奉旨得留用尋除陝西左轄踰年陞都察院右副都御史出撫陝西瀚敷歷久熟諳西事固原防秋期滿當撤戍瀚謂滇冬防兵至乃撤不旬日吉能歸水入犯防秋兵出擊之斬馘五十餘本兵不爲敘陞大理寺卿時終南山飢民嘯聚當事者議剿瀚謂此屬迫於飢耳赦釋丞軍車諭之卽日解散入赴大理多所平反陞刑部右侍郎尋轉兵部左出鎮鳳陽督漕運亡何而改撫兩廣時嶺南寇賊克

斥曾一本暨揭陽楊子亮潮州林金大浦馮成之各擁衆數千島夷又乘風入寇瀚殲賊於揭陽賊其魁已而倖金轉戰海上大破之捷聞詔賜金幣瀚以一本勢張甚由左廣大帥選便偏裨不用命以致猖獗如是乃悉論如法而檄右廣總兵俞大猷馳赴幕府指授方略會嶺幕兵變殺一參將自斃而走倭瀚聞變卽遣中軍崇峩馳擊之擒首亂并獲倭酋回兵卽與大猷夾擊一本賊渠授首餘黨悉平先是言官阿政府意論瀚素奉旨鑄執二級適左廣賊平僅復原官而功無所敘新鄉人

卷之三

王

光緒堂

胡起撫陝西尋陞南京右都御史再進工部尚書時本宰楊襄毅病免廷議推擇三人殿瀚名以聞上謂瀚期望素著超次特簡瀚辭不獲則毅然以正百僚爲已任私交請謁一切謝絕務在崇實政遴真才兩司大計舉卓異者二十有五入籍上賜宴若令貪殘者逮遣及司京察亦如大計事所黜陟悉當材品一時銓路爲之肅清上愈重瀚凡園丘方澤視牲攝祭諸大禮悉以屬之考績加太子少保賜寶鈔上尊肥腍以示寵無何而江陵喪父不解政忽傳中有眷留令吏部往諭江

陵亦自爲牘風瀚使留已曹郎請覈議瀚若不論其意者謂政府奔喪當以殊典卹之宗伯事也何關吏部江陵復令所善客說瀚弗聽已有詔切責謂瀚奉諭不謹無人臣禮於是廷臣惴惴交章奏留御史大夫名璽事至不能自持瀚獨撫膺太息曰三綱淪矣江陵益怒賊臺臣首劾瀚省臣繼之遂奉旨致仕瀚北面稽首曰臣髦不能任國事然寧負相若不敢負陛下拜歸而與同郡縉紳年踰耆耄者二十餘人徜徉山水間觴詠談嘯聯翩鶴髮望之如羣仙然論者以爲不減香山洛下云

經濟 卷之二十 王 光碧堂

歲戊子去江陵敗已七年 上念瀚舊德詔所司月給廩廩之庚寅當杖朝之年詔所司存問如令甲癸已以天年終計聞賜祭葬謚恭懿 太史焦竑論之曰當江陵柄國時推太宰兩京六卿間論次先公者十人論推先公者兩人乃公特見簡拔人豈不謂江陵私公其後九卿連牘留之而公獨持大義以抗脅之以肯不動說之以客不動恐喝之以臺省不動乃知公固非江陵所得私也公韻度灑灑人自以爲可親乃大節所在凜然不可回奪此豈可以世俗窺者哉故海內數十年望公

如清鑪大敦又以爲巨川喬嶽庶幾其復與雲雨爲天下澤也可謂知公矣

四川按察副使葉際清應乾 父允揚附

葉應乾字際清慈谿人父允揚同知澤州應乾年十六隨父之澤以故籍克京校弟子庚子領順天鄉薦越六年而成進士授高安縣知縣考最陞南京刑部主事進員外郎改駕部郎中聞澤州訃奔喪歸而忌者誣以匿喪竟用京考鐫秩服闋補兩淮運判以薦同知揚州府事時時代守爲政會景王之國他郡多以供帳不辦致

經濟 卷之二十 青 光碧堂

有煩言應乾率所屬踐更迎之湖濱厨傳井井具設從事飲飲如無事然而興化有重賦萬餘邑人苦之邑貴人方秉樞柄欲移之他邑以庇桑梓應乾曰興化固竭澤奈何以隣國爲室乎固以代庖辭坐是失貴人惟勿恤也遷南昌府知府秋滿遷四川按察副使備兵建昌建昌居平楚間地險惡六衛衛長日惟蠶食其下以潤私橐戎政久不修應乾登壇下令比什伍而訓練之懸賞格以勵勇者於是人人超距就範土酋安忠死忠妻廖氏自請襲官而從弟安信誣之夷俗兄死則

妻其嫂。鳳氏守貞不聽。召家衆血戰以脫。當事者寬信不深誅。而信益衡決自恣。所戕害商民無數。商民訴之。信自若。月朔猶以戎服見。而擁甲士自隨。應乾所部經歷黃清智士也。應乾使之陰布部兵於外。而令材官有力者尾之。入應乾臨陞立。呼信跪堂下。數以諸不法事叱令縛之。信懼不敢出氣。遂伸脛就縛。而甲士在外者見所布部兵按劔立如堵牆。不敢動。皆奉首竄。卽檄鳳氏兵擊其餘黨。殲巨酋三百人。境內始定。而滇南鳳繼祖亂起。殺食事張澤。檄其檄至。應乾計繼祖娶於會川。繼祖

繼祖
卷之二十
五
光緒堂

故與連衡。而會川者建昌所屬衛也。先遣兵守金沙江。以扼繼祖之至。已而繼祖果以萬衆渡金沙。遂合滇師夾擊之。應乾躬擐甲冒矢石爲將士先。士勇百倍。遂破其軍。繼祖以隻身跳匿山中。不敢出向。鳳氏故德應乾而其母爲繼祖所害。每欲復仇而未發。應乾知之。密召鳳氏至。授以方略。使圖之。鳳氏使間間其所親者爲內應。而自以兵感之。遂斬繼祖。事平。應乾當以首功論。讓於滇師。而自居其次。兩省方以功上。而江右直指撫其舊事。誣劾之。遂落職歸。歸而着田間冠。日召故父老。

與論桑麻較晴雨。絕口不談往日事。而蜀滇兩督府不忍以言者。故沒應乾功。謂應乾才兼文武。堪大用。珣四五上有詔致仕。仍敘擒安信斬鳳繼祖功。兩拜白金文綺之賜。應乾卽以所賜金營葬於玉麟山陽。北向稽首曰。臣死骨且不朽矣。居恒神王。無他疾。亡何而疾竟不起。呼諸子訣曰。古言之行不規。影寢不規。余吾力茲二者。死不規棺。遂瞑。年八十有四。

吏部尚書陸與繩光祖

陸光祖字與繩。平湖人。刑部主事果之子。幼英敏。不凡。八歲從其父遊。道遇客語安南事。祖曰。是必克夫。以聖天子聲罪討小夷。如振槁然。寧煩再計。客奇曰。是兒雖小。已有食牛之氣。異日當以經濟顯。嘉靖丁酉。年十七。與父同舉鄉試。又十年丁未。成進士。授濬縣令。濬近塞而衝。民不勝後多轉徙。祖奏併五十里爲四十里。以避洞弊。又爲設法築城。以拒虜。功成而民不知。秋潦傷稼。祖涕泣呈兩臺。皆以非時却其牘。祖乃自具疏上之。辭甚懇。天子惻然。下部覆。減稅十之三。兩臺心不平。不能難也。邑多輕俠。爲盜橐。祖把其宿負。緇之伍。而計以

繼祖
卷之二十
五
光緒堂

軍令咸請盡力爲耳目盜發輒得獨大盜李以平苗異志不悛乘祖入觀嘯崔苻中爲變祖歸授計立擒之邑太學生盧柵富而才先後令皆與昵後令至柵爲具餐令不時至柵拒戶慢罵令悲中柵麗大辟坐繫者十三年有司以其高貴莫敢雪祖至立出之柵爲謝祖曰我伸三尺爾竟不與見陶仲文以方技得奇寵勢張甚邑有李榮爲仲文私人橫行里中祖捕置之法仲文奉命祀邯鄲故出魏郊爲榮地祖不爲移獄而仲文亦莫能中祖內鄉王占長垣民田爲業民訟諸臺長安令陳

經濟

卷之二十

王

尤碧堂

喑不能剖臺以屬祖勘果民產立歸長垣民庚戌虜闌人塞大司馬趙錦議後三輔民築塞垣以備祖持不可司馬怒以撓軍與劾祖屹不動已復言於直指謂必後內地民莫若出錢與邊民如雇役法直指上其議竟得請三輔乃安太僕馬少無以資戰士下諸邑買補馬價騰貴祖故緩之馬益集所省緡錢視他邑殆半令濟四年課高第宗人緡騎師炳緣上寵以要樞張祖祖不應得南京禮部郎秩滿之京分宜嵩稔祖名語人曰陸君墮我符卿可得也祖不往會給事吳時來劾嵩祖與

時來善嵩憾之欲以考功法中祖南冢宰王用賓力救之得免遂以母病乞歸尋母喪服闋值嵩罷起禮部郎尋轉儀制司員外守陵宦官張方進甘露請恩祖却之縣令吳府上方藥欲邀寵祖召至邸責曰若儒起而技幸哉官以爲榮也遂以技何榮之有府悔稱疾去景寧王入京自陳設醮祝釐有司邊維垣等毀牌位不道上怒甚祖言王擅離國違祖禁宜有所懲又他妻非語不足聽上從祖議皇孫生裕邸祖請告廟受百官賀疏入留中有頃賜聖母寶鑑中外翕然稱祖

經濟

卷之二十

王

尤碧堂

有卓識未幾調吏部司封郎已轉文選祖雅有人倫鑑知天下士如別黑白乙丑佐計汰黜惟允不爲權勢假而又憐才持大體如蒲坂王崇古仁和張翰嘉魚方逢時曲周一鶚肥鄉張學顏皆掛人齒頰祖力爭之謂此皆大度士可濟緩急奈何以蜚語挫抑崇古等得無恙其後皆躋九卿以邊疆績著淳安令海瑞爲上官所排祖力明其志節得授戶部主事侍郎朱衡以才地自負南司空缺祖首推衡衡方在列色變曰陸君南我耶時祖已陞奉常典屬國矣衡嫉言者論祖恣橫內璫復

經濟

卷之二十

光緒堂

有從中構者遂得旨罷免居數年神宗皇帝登極言者謂祖不宜久廢起丞南太僕歷遷大理寺卿以外艱歸服除起歷兩京大理召拜工部右侍郎初祖與江陵相公同年友善及江陵在政府祖引誼規諷甚切及奪情祖遺書開諭江陵不納意雖銜甚而未有以傷也俄論收折祖固請輕之江陵變色曰公爲豪地邪祖曰我爲菜色民爾寧知豪夫身忝大臣而民隱默不聞非夫也江陵語塞南御史張一鰲承旨論祖祖復罷江陵卒起南兵部侍郎尋轉吏部時諸後進皆文致江陵罪以逢當路祖獨謂江陵府樞耳非弄權也且擁扈綢繆其功亦安可泯衆惡其異出爲南工部尚書力請歸又三年起南刑部尚書時南都諸要官爭主獄祖曰獄法司訓也持不動主事劉以煥不受囑爲御史劾祖抗章論御史妄言曰法官當使天下無冤民而奈何枉其屬哉事竟白已改吏部尚書庚寅召入爲刑部尚書明年吏部尚書關廷推祖上雅重祖名遂拜吏部尚書抑僥倖拔寒素正體貌一如祖宗朝故事戒閣者毋入中涓書時中旨用二臣入內閣祖言廷推舊制毋壞祖

經濟

卷之二十

手

光緒堂

宗法上從之所推轂海內遺賢殆盡壬辰主計苞苴絕踪所沐黜卽親故不避或列臺省有時譽者亦不顧已復請旌廉吏示獎勵未幾疏用前建言主事饒伸御史萬國欽失上意有旨斥選郎王教等祖爲申救深自引咎不聽會有乘此論祖者祖遂稱疾不出無何詔許歸時大學士王家屏亦以爭冊立去兩賢同日出都門觀者嘖嘖歎息云旣歸謝謁客兀坐小室焚香淪茗經旬月不窺庭丁酉仲冬得疾至晦日命其浴曰我將逝浴已危坐而瞑是日海上星隕大如斗擊地有聲計聞賜祭葬如例贈太子太保謚莊簡祖自少有大志嘗書范文正公做秀才以天下爲己任語於案以自勵平生推進賢才培植善類出於天性與人交披示肝膈杜絕機械富平孫丕揚向爲御史論祖祖曰孫公賢者寧有他吾誰當歸其言實玉成我矣殷勤謝之其後在事遇薦士未嘗不及孫也卒以大司寇起之御史陳登雲亦嘗論祖壬辰大計祖推陳掌河南道言論相惟若無纖芥晚年秉銓尤汲汲以引用老成爲事或曰何不登用後進爲將來地祖曰後進行當有知而用之者若老

成人漸逼桑榆不及今柄用終老岩穴矣吾何敢先身謀而後國家自通籍以來六仕六已強半丘壑未嘗有所攀附至於當利害剖邪正遠識高節天下望如麟鳳久而愈重且信蓋祖之學主於信心故亟進亟退略無繫吝祖之心一於爲國故任嬖任怨不爲雷同可謂凜然古大臣之風節矣

兵備副使陳履卿茂禮

陳茂禮字履卿慈谿人八歲善屬文人稱奇童稍長博綜墳典至太乙神經奇門秘術無不通曉舉嘉靖庚戌

經

卷之三十

壬

光緒堂

進士授工部主事壬子河決徐邳漕運沮塞言官議開膠萊新河通南北海道天子下其議時當道方憂徐邳幸海運或可必行大司空請以茂禮往視可否茂禮歷膠萊視南北所謂海道者上議曰石磯既難開鑿而絕無他泉可引通舟必須穿引海水非掘地十餘丈不可且航海必須更造海船而海寇方出沒諸利害有難逆觀至於工鉅之難成又其小者於是議寢省大司農金錢以億萬計未幾而鑄錢滇南之議起大司空難其入復請以茂禮往茂禮目集父老于庭相與斟酌議長便

計估平允多寬假不責旦夕效以與小民爭利小民樂從之於是鼓鑄乃定歲以爲程益大司農金錢以萬計當是時無不才茂禮而以大司空知人善任使也丙辰倭蹂東南急甚大司馬憂之以爲非茂禮不克請收授茂禮兵部郎以參謀軍務往時倭困江陰久知縣錢鏞以戰死督臣命茂禮往援茂禮選銳卒三十人駕小舟直進倭奴舞刀跳躍兩岸上我兵欲射之茂禮曰不可此誘兵也卽微服入城次日倭駕三十六舟沿城重載出江口掛蓬如飛最後三大艦倭酋坐其上見兵匝城外止百餘人遂棄舟登岸邀戰茂禮連發三矢殺其三柁工又以火箭射其風帆諸倭還舟救火與前舟相隔里許茂禮急檄水兵總張成張祚等邀截江口諸兵躡而圍之茂禮屈指相筭曰寇在明日午時翌午果斬首二百餘級而我兵無一傷者是時倭據沈庄爲大巢分兵四掠萃於午浦茂禮聞報卽督永順宜慰彭翼南都閩李經戴冲霄等官三十餘員自午浦入爲右哨扎營未久茂禮忽見異氣起營上急令各營數十步倏忽發礮震故營如蟄粉大小將吏惶聲震地勇氣百倍茂禮

經

卷之三十

壬

光緒堂

乘而鼓之躬率精銳突其中堅且傳報各哨呼曰陳恭
謀已從南道攻破賊巢矣於是諸哨從之無不一當百
遂大克斬首千餘級而賊酋徐海殲焉倭悉蕩平時丙
辰八月二十五日也以功擢江右清軍兵備副使姚源
故巢賊盤據支蔓余事尤烈全軍覆沒僅以身免賊勢
益張而茂禮適下車巡撫何願聞之大喜曰賊不足平
矣卽以兵屬茂禮茂禮分左右哨三面進兵約日同發
而獨空其要路一面無兵潛令指揮某率精兵三百伏
於某道側戒之曰某日某時有衣色衣而奔者皆賊也

維濟

卷之二十

三

光緒堂

爲我悉擒之賊聞三道進兵而一路獨無果易服而逃
伏兵起掩之悉平撫臣上其功擬峻擢而前以膠萊議
沮諸臺諫者多不平遂交章誅曰是年少喜事務峻節
以邀名可備邊方之用吳家宰鵬素知茂禮賢乃改備
兵瓊莞而出諸臺諫於散地茂禮屢疏乞身不許不得
已冒暑往八月抵任以夜夢三老人貌清癯而衣冠古
雅召茂禮與奕蚤起見寺後三古樹茂禮悟曰吾將去
矣遂濡毫作梅花百韻詩正衣冠而逝時年三十三所
著有大六壬十二卷行於世

兵部左侍郎宋思文應昌

宋應昌字思文仁和人登嘉靖乙丑進士第知絳州陞
刑部員外郎歷戶刑禮三科給事中出守濟南累官山
西河南山東江西福建諸藩臬左右使進都察院副都
御史巡撫山東陞大理寺卿工部右侍郎隨授經略以
三品考贈祖父如其官蔭一子入監讀書兵部覆本東
征功加右都御史世襲正千戶昌少有大志自爲諸生
時卽以匡濟時艱爲已任故文經武偉無施不可其守
絳州也嘗奉檄查閭閻寧化等關目擊邊弊登陴浩歎及

經濟

卷之二十

三

光緒堂

官給事新鄭方以互市議邊昌卽疏陳撫賞不便者三
巡京營邊報狎至江陵以無虜對昌輒據諜以聞陳防
虜七事江陵怒遂出知濟南後累官藩臬恭伍諸軍事
未嘗以外補有怠心已而建節山東首請加意海防復
營衛巡司諸舊制談者目以爲迂未幾朝鮮告急廷臣
皆相顧咄咄歎服昌之先識而經略之命下矣壬辰初
倭奴舉六十六島之衆當劉畔倡亂之秋我方西討未
遑東顧倭奴突入朝鮮國王李以走竄義州虜王子臨
海君肆順和君丑發靖肅恭信二王墓八道三京殘破

幾盡。聲言內犯。京師戒嚴。詔拜昌兵部右侍郎。經略朝鮮。遼山東保定等處。防海禦倭軍務。時經略創設太將軍。李如松。羈寧夏未至。繕甲練兵。儲糧制器。又倉卒未備。詔書督促。正如空手搏戰耳。昌鑒空支吾。不兩月而部署出關。會遊擊沈惟敬使倭道謁昌。昌曰。我奉命討賊。知有血戰耳。汝毋以身試法。十二月。與李如松踏水渡江。惟敬復謁。執款議如初。昌屬繁軍中。不許更入倭營。而議討賊益急。正月。兵薄平壤。倭將平行長築飛樓。壑垣穴守。牡丹峯以相犄角。昌指授方略。圍其三門。外布

經濟

卷之二十

壬子

光緒堂

鐵蒺藜數重。火器齊發。毒煙蔽空。吾軍舍解藥。仰面肉薄。而上諸門皆破。斬首一千六百四十七級。焚溺死者無算。行長捲營遁回王京。李如松輕其屢敗。走探地形。猝遇重圍。如松殊死戰。斬金甲倭墜馬。而楊元張世爵援兵復至。倭狼狽解圍走。當是時。王京聚倭有三十餘萬。且又當八道之中。去釜山十五百里。倭不還。朝鮮不可復也。昌方畫依山俯攻之策。而李承勛兵留於山東。陳璘兵奪於薊鎮。沈茂兵遺還於浙江。進不能策。疲病之卒。退不能待。救援之師。夜令死士以明火箭射燒龍

山十三倉。糧盡而倭始棄王京去。昌又遣兵追擊至南原。與清正夜戰。又追及晉州。斬級甚衆。倭自此仍還釜山舊巢。又復遠遁。熊川西生浦。蓋朝鮮之局始完。而昌亦乞骸骨歸矣。歸之日。王率光海君宴餞江亭。高麗人傾城相送。至數百里。拜泣而別。是後也。索回王子。陪臣宮眷百餘人。斬倭首二千三十級。克復平壤。開城。王京。總還故地二千五百里。言者願以請封。撤兵爲昌罪。奪其官。夫倭封於乙未。之七月。昌歸於甲午。之三月。則諸封不在昌也。昌留劉綎兵萬六千居守。而朝議撤之。則

經濟

卷之二十

壬子

光緒堂

撤兵亦不在昌也。昌提軍絕域。身經累戰。夏冰暑雨冬。饑冰雪食無益。臥無甘寢。乃不以驅逐朝鮮境內之倭爲功。而以退歸釜山海外之倭爲罪。此任事者負國乎。抑言事者負昌乎。假令倭終盤據開城。耽延歲月。虜食畿輔。揚帆江南。王子不生。還朝鮮不再。遣兵連禍結老師。匱財又將何。以處之。昌方面紫髯。目如閃電。東征西討。上遣黃門陰矚昌風神。警亮器局。岸偉大喜。得入。賜金綰以寵行。比至朝鮮。又賜麒麟一品服。昌感知遇。每以死自誓。戰勝之後。撫傷掩骼。招歸脅從。以萬計。

仍分兵屯守大丘南原慶州等處移檄國王斬斬挑濠築關置候修設善後之宜甚備行軍賞罰嚴明軍需節省僅支馬價二十餘萬揆事圖策出人意表每當百司使者咨請輟輟昌隨事裁決初若不經思退而熟議之則老吏宿將終不能易也婁江王相國錫爵論之曰經略外夷與邊臣不同邊有堅城可憑而海則與倭共之無處不犯則無處不取難一他鎮調兵必先主而後客老弱居半道路遷延難二邊臣伸縮自由而經略則空名客寄俯仰隨人難三羽書以風為遲速語言以譯為

經濟

卷之二十

三七

光緒堂

貴州按察使陳觀甫願正
陳願正字觀甫廣西恭政茂義之子舉嘉靖壬戌進士

出知金壇縣縣多椎貴人能以其重持令而豪奴白晝攫金侵奪人土地以為常願正首治之犯即傳法無少借更庶其豪喜訟者創一二人以徇頑民持牒至者望縣門輒反走久之無訟而縣稱大治比代將發忽流賊入邑亡所藏金民間之兢以私財抵所亡無後時而椎貴人以是泄其不平遂中以白簡量移上蔡上蔡俗務困狠時鳴鎗驟馬殺越人于貨願正殲其魁嚴保甲申要束道路以安溝鎮地多沃衍民假繕城埴為名侵二千餘畝願正廉得狀奪還官歲輸金為廟祀牽餘罪屢

經濟

卷之二十

三八

光緒堂

從杖道有差天下以爲平歷寺副正遷南雄守值歲大
涉啗民田數千百畝虧賦額願正請以梁稅之美足之
遠邇擊額稱再生時大征羅旁徵募驛驛願正以聚菁
路雜愚民越境罔知或失足投虎口祇請盜糧耳上計
督府請改折輸銀募近民通運給軍迄恃以無患轉雲
南按察司副使分巡安普署在會城沐國之所彈治僕
御闕出爲奸利亡誰何願正飭躬率屬一切以法繩之
莫敢譁外艱服除補貴州威清道兵備威清入滇孔道
百粵西隣茂篁懸棧間酋長多黠猾難治滇臺檄捕叛

經濟

卷之二十

光緒

光緒

酋繼榮願正謀知繼榮與土舍隆申密乃召隆審授方
略勅與守備丁繼文知州劉承範夾擊擒之俘於滇魯
滿當滇粵交粵酋岑氏世雄其地時時剽掠爲行旅患
督府議剿之願正曰此夷獠故習可不煩兵而定乃親
行部遣檄宣諭國威責以大義岑悟輒縛戎首伏法初
兩管分兵防禦官司其市有掠者輒械以徇沙酋與斬
酋攝借兵安國亭報謝海原正乃密遣瀾陽守備發
賈淑洞夷兵遞殺事已而兩院虛提發大駭願正即移
文國亭曰本官世受國恩何至貸兵殺殺自打文罔此

必種落納賄弄兵以狀來安氏素驍勇爲諸酋冠忽創
官兵大慙省檄語開端委罪卽對使頓頤謝而逮一二
長官請命二酋聞之膽落蓋願正控制諸夷奉揚皇
靈實身以羔羊素絲之節至鎮斥諸司覲遺安氏奉八
百金爲壽扶其役加誚讓卻之迨然明之儔乎故寬之
則發而承恩威之則弭耳伏罪進布政司叅政移守新
鎮無何而播酋楊應龍兵起兩臺將投報願正因婦嬰
疾遂以齋捧歸御史大夫以避難論調明年大討進官
貴州按察使特予致仕歸而囊橐蕭然不能構廳事拮

經濟

卷之二十

光緒

光緒

据九載僅完一堂家食二十年領袖諸簪綬而耻爲周
容長吏有疵政則趨駕往而正其過嘗自贊云無它腸
無道履服官三十年不知有身居鄉二十載未嘗有已
載籍墳典供吾求青山白雲爲吾侶卒年八十有四楊
太史守勤論之曰嘗觀願正之檄岑氏撫安酋與叅政
公之定柳慶武緣事先後若合符節然叅政竟爲忌者
所掩而願正亦絕口不言功不伐固其家法也至
若勇退急流養高洛社固已若其晚之風燕居無媒襲
之色嚙齒不言人避而不敢言小善懼恐非及其於表正

閭里洵若仲弓之於元方云

雲南布政司左叅政陳忠甫觀

陳觀字忠甫世家餘姚開原鄉登嘉靖己未進士第授兵部武選司主事陞車駕司員外郎歷郎中尋轉武選司郎中內艱服除補原官練達機宜材識卓詣楊大司馬深倚重之出爲湖廣按察副使備兵衛永郴桂諸郡會新寧徭人寇掠江廣詔下命觀討之觀以兵餉方不足而與蠻夷從事邊鄙重傷元元之命乃遣使者招撫諭以威信徭人面縛降轅門願受朝廷約束誓無敢復

經

卷之二十

聖

光緒堂

反者廣東賊黃潮祖等流劫郴州桂陽觀督兵擊之斬獲虜首以數百計招降餘黨悉平廣西賊常銀豹大駕樓船沂衡永江大掠諸郡觀又督兵賊之江上時兩廣征古田徭軍門檄觀爲備乃觀大振兵以張軍威聲聞八桂蒼梧間虜爲褫魄兩廣得克奏首功者觀犄角之力居多徭人既平則給土田立整堡修城垣募勇敢足軍糧興學校明教化凡士風吏治民務戎機靡弗經營者入賀萬壽節報政於朝先已陞雲南布政司左叅政而竟以勤勞楚事積苦疾作卒於京邸楊大司馬

撫而哭之出涕曰使君湏臾無死卽卿丞何足道哉乃給驛遣官扈其喪歸故里先是陳公士賢有惠政於衛永衡永人立祠祀之至是以觀配祀謂之兩陳公祠云

巡撫福建都察院右僉都御史金子魯學魯

金學魯字子魯錢塘人嘉靖戊辰進士授工部虞衡司主事內管庫鑰出樞荆關俱以水堦稱其剴姦剔姦若心畫一者載在令甲至令遵行之晉都水司郎中治河張秋改禮部精膳司郎中出督楚學稱使者時江陵相公方飭學政議別革勅已而魯烏鳥情深不能待卽策

經

卷之二十

聖

光緒堂

蹇出都門江陵不喜卽請逮制勅房官疏其職同官多慮及魯魯不之顧也及家而母疾方革得視飯舍以爲勝三公遠甚何論督學服闋仍楚命時江陵所飭學政以功令奉之矣其法首禁講學次汰生徒皆務一切摧抑剪棄之術以爲切磋磨礱道將在是而魯獨不以爲然所頒教約首令講學曰學不講則師與弟所崇何業第謝遊士封別館而設皐明倫之堂環橋泮水之次月三回集不厭也凡士抱牘求試懼于新令不待前魯一試再試正收散收兢兢惟遺珠是慮士或以急干有司

有司僥以新法爲辭。訖魯令具副狀於其庠。庠師不時以聞。而輕重調劑之。其他如賑卹之周。銓補之速。凡所以休養士氣者。無不至。而於江陵所申飭。則大徑庭矣。無何而奪情之事起。魯曰。是可令楚士見也。身爲楚士。先爲十揭以上江陵。江陵不之省。遂欲投劾歸。而適有滇南恭知之命。未幾。楚按朱璉之彈章上矣。魯喟然曰。吾固待此久矣。即日歸。築別業西湖之渚。日奉封公杖屨。爲詩酒遊。江陵尋歿。臺省交薦。補閩臬。仍鑄秩爲食。事其所司者。則屯鹽也。甫下車。卽首飭鹽法。次申屯政。

經濟

卷之二十

聖

光碧堂

是修墜去甚。不知更幾而所獨創。爲後人奉若若。蘇則箕盞編屯二法也。聞人至今賴之。遷江右。兵備副使。時江右歉飢。民多揭竿稱亂。巨室往往以擒勦請。其流民入城。殍死巷陌者。至不勝數。魯日夜含涕求所以散。崔待緩湏。與死者乃榜諸衢曰。朝廷惜飢民。不惜亂民。其急歸里甲。以候賑濟者。爲飢民其搶攘道途。終不歸里甲者。卽亂民。亂民行且斬矣。乃急起守若令。躬入里甲。家喻而戶曉之。差等其所宜貸。而人授一籤。隨勅他吏。裹糧負錢以從。而驗籤給貸。籤行若流水。而錢米之屬。

不脛而通。一時之饑。倉塞亂者。亦塞矣。呼吸定變。兩臺諸大吏俱歛手以爲非金公莫辦也。他巡道或議駢斬亂民八十人者。魯爭曰。民聚求食。詎曰亂乎。卽以斬八十人聞上。上驚非常。必不許。無爲也。他巡道乃止。量移湖廣布政司叅政。以外艱歸。服闋。仍得楚轄湖南之寶慶。時旱流殍載道。至省卽發廩賑之。次遷。吏次誅豪蠹。次告余。陳郡次講義倉積聚。而枵腹之民稍稍果。然由是而議辰餉。議五開銅鼓之屯。議班軍歲例。議長沙之黔餉。議大荆郵政。議屯田。議比徵議。食解凡可以

經濟

卷之二十

聖

光碧堂

造福地方者。無不以身殉之。卽犯當事之忌。騰豪猾之謗。不顧也。曾至是已。三入楚。而蒞湖南。且三載。稱久任矣。縉紳士民無不信之。如著龜戴之。如父母。卽一飯無不喃喃頌祝曰。此金公之所遺也。續最晉都察院右僉都御史。奉聖書節鉞鎮撫閩。閩固魯舊所撫。循知其疲而倭方蹂朝鮮。南北驛騷。魯乃晝日時艱。日夜求所爲事之鉅具。棘者首簡戎器。治餘艘。練士補伍。海備一新。策倭所出沒多在澎湖。乃建寨置戍。以遏其衝。倭初至。今急擊。不使得聚。踪黃力衆風竄。犯屢有松下烏坵。活。

經

卷之二十

聖

光緒堂

嶼銅山及彭湖南海甘山之捷自是倭不敢輕犯閩又遣間使諭薩摩君長義父等激以復仇圖秀吉義父感動密掣朝鮮中路兵歸東西諸路倭懼內變遂解而叛以魯謀秘世故不盡知魯亦不自言也是月上偵報平首天亡疏當是時經略之師已老頒封之使方逃廷議且將有息兵棄朝鮮之說而閩偵適至有旨令馬上差人傳示經略使之一意用兵東方之局所由以獲勝算者魯之以也既不得與當時宜力諸臣同受賞格而顧以小事失直指意竟有冒餉請覈之疏明年代者爲張御史應揚復疏申理始奉旨准銷而魯之深謀巨伐竟無有白之者請代疏凡五上始得歸閩太常丁敬濟之言曰釜山之役島夷就航吾民以綴三韓之師境內恒擾先生巖根坐甲事事有備倭得無南最後倭遁歸則首長龜斃之報閩實以精謀先之閩功最奇而錄者後之心最苦而忘者抑之由先生一意公家不能俯事言路遂見摭拾嗟乎安有大臣爲國家紓大難而簡髮數米自同有司者先生既不自明閩人舌短復不能爲生力明於朝以歸居東之哀閩負先生其悲夫讀

經

卷之二十

聖

光緒堂

太常文而魯之功有不可湮沒者矣一入里門卽以軀身名教子弟回風俗明正學爲事干牘不入公府而事關地方利病者則不惜縷縷言之時與諸宰官與蓮池大師結放生社於西湖之三潭游船所到飛走游泳之物無不爲之迴翔者其仁心感物有如此卒年七十有九有司以閩賜祭葬恩蔭如例
贛州府知府顧朝肅鈴
顧鈴字朝肅仁和人嘉靖辛酉領鄉書三上春官不第謁選學正通州改贛榆令顧榆瀕海地礪鹵其民皆窳歲游菑鈴太息曰厄甚矣抑何劑以起之乃悉意撫摩爲斥滯廢易耕牛種粒辨杭稷所以異募南人之良於耕者導之力耜旦晚巡行壠畝問隨所至坐樹下而聽斷焉如是五年元氣乃還百姓嬉嬉以爲樂土考最召拜福建道監察御史出按粵西粵西八寨故挾六十三山爲梗率三歲一剿十年則粵東西合剿謂之大征鈴乃謂其開府曰八寨同禍首八寨靖則諸賊胡敢索死草間且無弗畏死者既窳矣乃虔劉吾赤子以克俘賊若而臣固漏誅人耳吾何忍爲於是按腹示土司無不

向我願爲我奔奏者已而八寨果肆螫因命爲鄉導我兵隨而殲之不兩月八寨平卒罷大征凡省軍興指計活民命亦萬計顧無奈諸誦誅者恚何也尋以艱罷服闋補江西道奉勅按楚已出都門矣中譏者言移贛州守贛固多谿峒竊出殺掠人屬岑岡諸巢叛敗南雄兵劫龍南定南二縣郡中震恐是時中丞某選懦不入境守巡俱闕鈴毅然決計禽獮乃大發官兵當賊衝而陰用土兵擣其虛遂擒渠盜王清等李沛迫乃降中丞某聞已得賊而先所遣帥官兵者欲張其功又係疊老弱及近境居民五百餘人以暗中丞某鈴曰是何辜盡釋遣之止錄前所獲三十餘人以正法中丞某忿甚而部使者又欲縱李沛鈴曰沛降在敗後安可縱竟梟沛首於市中丞某積不能平遂肆其妒媚妄作蜚語而鈴無堪辭遂弃官歸鈴在公不計私在事不虞詐前或單我後或徇我悉不顧惟知如是爲盡乃心恪乃職即奉以周旋已爾顧直道難容弃官若敝屣每誦龍蛇之章以爲歎息鈴孝友之性老而彌篤平生急義若渴其應人若響無間戚屬及所嘗知識聲素周之不以貧爲

經濟

卷之二十

聖

光碧堂

解湖山詩酒間亦浮沉俗間然絕不受淄於俗評者謂古人賢腸先正儀矩云卒年七十有二

都察院右僉都御史鄭汝璧

鄭汝璧字縉雲人登隆慶戊辰進士第初授刑部江西司主事轉雲南司郎中雲南司典畿內諸錦衣緹騎主緝不法者健役貪功以鷹擊毛鷙相師獄辭多誣璧一一反之且令衛校不得入署門宿衛無所盡其弊時江陵公初秉軸銳於求才聞璧治狀以爲絕倫欲調璧銓部銓部忌璧能以璧來或出已上得儀司缺急謂之儀制與文選職方京都所謂三大郎者也未幾竟調驗封丁丑大計則矢心以黜不肖有一二犯公議其人方走首揆門下蹤跡甚隱自謂立致開府已而榜出皆黜去聞者皆服未幾轉文選屢任日即題推典史故給事中趙參魯以推官超擢福建提學僉事同署皆謂妙大奇而璧不顧也其作用大都如此時時語人曰天下才自足供天下用持秉者未能無私然慎弗以有私待之忝任事勢以資與才與地相提衡焉而私無所容矣當是時江陵有私人在留都急欲內轉資亦適及而璧

經濟

卷之二十

聖

光碧堂

力持之時江陵當軸五年諸隙未開自謂無絲毫玷缺以正論格之方且欲攘善曰此正我意是以壁在選司稍得行其志所推舉悉合士論無何而奪情議起大防始決裂矣壁乃力裁楚人所求多不遂彼黨恨壁次骨云此自我戶內短長何容汝外人持之前此無由生隙故默然相安自此則藉藉議壁短矣相君雖內弗能堪然自謂已所獨拔恐見短於彼黨又恐盛摧之名反歸壁故但停壁俸猶委以選事踰年仍陟壁太常寺少卿然不數日即謫外灘以潰不得復留也出爲福建右奉

經

卷之二十

九

光緒堂

議遷廣東副使轄瓊州是時權貴多嫌壁壁自別卿出又嘗與選乃遠處海外快快不得意遂抗疏歸久之起井陘兵備副使尋改兵部侍郎壁在上谷最北直懸出塞外三面皆虜虜情最劇壁不以邊地爲苦不以遠徙爲憤至則以軍容肅下時衣袴褶與諸將馳走郊原較射講武以爲樂部下卒伍則日令投石超距較其勇怯而進退之每出號令旗幟一新虜聞之匿影以避曰今參政非昔參政比也當是時虜酋雖稱臣久雖邊塞見以爲少事然虜性難馴時時小爲劫前此者恐開邊

釁多委而忍之壁則縱騎兵斬其首虜執爲犂壁曰汝爲逆安得容汝且我中國人爲盜者皆殺無赦况爾爾虜耶虜帽服去晉河南左叅政遷榆林中路按察使轉山東右布政使尋晉右僉都御史巡撫山東是時河南山東皆大飢壁加意撫卹論郡邑權宜通有無給錢米又命諸市集具饘粥以待餓者委任得人給有次第餓民咸飽所活六百三十三萬有奇時倭奴破朝鮮駐金山者幾二年已人謂東土隔一水揚帆卽至耳壁乃募標兵調浙兵以東伍法整齊之士皆可用備嚴而民不

經

卷之二十

手

光緒堂

驚會中南臺誣劾改南京聽用而適以外艱歸服闋起南太常少卿擢右僉都御史巡撫延綏延綏故所官地悉詣其形勢要害兵爲天下雄諸材官多舊所識拔而心管任之者故指使如意虜因炒兒忽明愛等寇孤山紅崖墩大帥李如樟擊敗之火落赤犯安邊大帥杜松被走之復窺懷遠遊擊沈應蛟戰却之皆壁發蹤指示功也賜白金文綺晉兵部右侍郎兼食都御史總督宣大山山西軍務甫履任而疾作遂疏乞骸骨三請始得旨准回籍調理行至山東荆門驛卒於舟中得年六十有

二計開。郵贈俱如制。尋以延綏軍功。磨一子錦衣百戶。世其官。壁博學多藝能。而於吏事尤長。見吏跡輒取。亦不經。經必欲行。常以虛平待之。所至靜默。弗炫露。若值其機。合則斬然斷行。久遠功頃刻立就。已過則如無事。然待人無纖微徇。而能曲體。悉溫然推誠。屬吏莫不惕。惕畏。竟無怨者。內行修謹。門內怡怡。族黨俱食其德。所著有律解。帝后紀略。諸王表。功臣封爵考。臣謹類鈔。并庚由堂集。凡若干卷。皆行於世。

右僉都御史江士振鐸

經濟

卷之二十

聖

光緒堂

江鐸字士振。仁和人。提學僉事。昕之子。以忠孝廉節。世其家。隆慶庚午。領鄉薦。神宗皇帝御宇之二年。登進士第。外艱服除。授刑部主事。掾吏重足立。不敢上下。其手錦衣帥獲盜七人。皆坐死。鐸察其冤。咸比輕律。帥者江陵相公里人也。江陵爲調音事。已經厥衛前決法司第傳律例。毋輕異同。鐸曰。如然則一厥衛足矣。焉用法司而法司又焉用余。遂請急歸里。後二年。起補兵部主事。晉職方員外郎。出守福州。時鎮兵脫巾而呼。庚癸。訟於門。勢且不測。鐸諭之立定。至是用親臨。揀某誘執古。

田盜張廷希。案誅通奸大猾。湛自正等一十六人。皆不動聲色。而恭縱如神。人是以知鐸有文武材。擢湖廣按察副使。備兵婁江。時倭寇海上。勢將入吳。鐸乃簡武力。傍樓櫓。峙稊糧。示民有備而已。不預爲動。以擾民。而時議謂江淮咽喉。宜簡材臣專鎮其地。於是鐸復以山東叅政監軍事。駐淮揚。孜孜繕備。一如在婁江時。倭聞有備。不敢犯。改山西叅政。備兵易水。易水責備虜。視備倭。雖較遠。而民脂剝於權使。軍興輒乏。鐸所以調停計處者。其拮据倍苦。未幾。晉按察使。治兵易水。如故。無何而

經濟

卷之三十

聖

光緒堂

播酋楊應龍反於蜀。滇楚騷動。朝議備橋界黔楚間。宜設重臣。仗鉞鎮之。鐸於是以前都察院僉都御史。開府偏沅。得專征討。當是時。督府李化龍及各省鎮諸路部署。又定。而鐸獨以創設兵餉。落落所以拮据者。其難百倍。易水某日。師次黃沙。因分軍爲兩翼。一軍白泥。一軍龍泉。夾攻板角關。破之。再進。破瑪瑙長坎。保子等。圍奪竹關。進克青蛇。因又克趙生。遂入三渡關。乘勝直。海龍。因海龍於諸險中爲最。賊負隅以拒我。是時暑甚。藁菁中多重嵐毒霧。我師又以深入。餉不繼。鐸乃

改長運爲接運。每三十里設一營。置運卒數千。前運未行。後運已束載待矣。士乃宿飽。援桴鼓之。以六月六日。奪海龍。回應龍。繼死。俘賊親黨二千餘人。斬首六千九百餘級。露布以聞。天子方下璽書慰勞。而母太宜人與子世卿之計相繼至。鐸五內崩裂。哭不成聲。酒泣上訴。請放歸守制。而廟堂以皮林苗八洞諸蠻。爲梗日久。命鐸姑留。移勝兵擊之。薦人自代。不許。不得已旋軍龍陽。語諸將曰。皮林外有嶺。內有險。諸苗營窟甚固。非先以文告解散凶黨。渠魁未可旦夕授首也。於是下令禁

經濟

卷之二十

圭

光緒堂

蜚不踰年。而平兩大寇。稱不世功。抑何神也。且內行淳謹。敦舊睦族。與人語。煦煦然。無論識不識。皆稱之曰江佛子。又何修而得此聲於閭里間哉。夫卮言妙節。易舉耳。試徵功於邊。徵行於鄉。支左誦右。而盡露其覆藏者。無筭也。若鐸者可謂才德俱兼。聲實相副者矣。

食都御史陸無畦萬垓

經濟

卷之二十

圭

光緒堂

東安西寧二縣。至今呼爲陸父。尋以滇緬大訌。當宁推才望。拔之滇。躬冒矢石。入不毛之地。下龍川。擒岳罕。敗叛卒。聲振西南。擢總閩臬。首發閩白奸。得有備無患。轄晉。持貢市之平。虜款閩焉。以功開府江右。一切去煩苛。革問遣。課農桑。躬教化。築圩千頃。積穀百萬。兩賑大荒。全活不可數計。朝夕經營。至忘寢食。竟以盡瘁歿於官。天子卹祭贈官。俱如制。萬垓生平爲善。必慷慨知施德。不靳人貲。衆所附者。垓獨避之。衆所畏者。垓獨膏之。自起家進士至開府。三十年里中。未嘗知有陸中丞也。至

其孝友天植講學著書尤表表爲後學山斗事功學術一時並著云

巡撫河南都察院右僉都御史鍾維新化民

鍾化民字維新仁和人其母夢蔡忠惠襄而生岐嶷多奇節動輒以賢聖自期少爲名諸生試輒高等年四十始成進士出宰惠安察民疾苦次第施行或著爲令以垂後時洛陽橋壞渡者苦溺橋工鉅且架海難爲力民毅然修復之既克期爲文告海神海不揚波者五日人稱神明及更新蔡忠惠祠於座前土中得碣云五百年

經濟

卷之二十

聖

光碧堂

六諭最以孝弟力田進三老詢利弊凡有益於民者挺身持之不少回時稱爲三不要謂不要錢不要官不要命也課績亦如惠安稱第一以庶能卓異拜山西道御史時建儲未有萌芽民首疏請定國本奉命視陝西茶政條塞上八事適虜關入內地關中震動民授籌主者勒兵乘障虜驚遁去甘榆飢令所司虛倉發賑然後奏聞全活甚衆巡按山東時旱魃爲災下車卽慮重囚出寬繫百餘悉倉穀行賑亦先發後聞所歷必躬蒞雨隨車下蝗起額天以身代稼蝗盡隨大風入海推轂屬

經濟

卷之二十

聖

光碧堂

後爲惟濟所折繼我者其維新焉適與民字合而民之祠謚又適與蔡合先後一揆其生也有自來云歲苦旱民齋戒步禱甘霖隨澍凡至再皆響應時直指行部所在持枯苗告歉人惠安則穰穰滿車迨出境則枯苗如前直指指徵其故旁邑百姓具謂民平日庶且仁及虔

改儀郎潘潘請王尊子上許之民以執掌持祖制不可玉札傳示者再民竊念上得無以潘爲地乎爭愈力上曰第與虛名令得藉以婚娶民遂危言曰惟名與器不可以假且陛下視潘潘與元子孰親潘潘不卽封慮妨婚娶元子不卽立不妨預教乎何緩

急厚薄之相反也。上見之，震怒，已批二字矣。僕擲筆於地，繞柱走，有伺者，馳報執政，執政以下皆駭懼，有詢民後事者，民談笑賦詩，有五鳳樓前堪洒血，莫收吾骨葬江邊之句。上還悟，遂罷前旨，自是上知民忠，思有以大用之矣。民日夜以未定國本爲憂，至廢寢食，後漸得要領，密爲旋轉，事頗秘，孫家宰丕揚、蕭知其緒，嘗遇民而拜曰：「公真社稷臣也。」尋改光祿丞，時河南大飢，炊骨相食，廷推往賑，非鍾寺丞不可。上命兼河南道監察御史，假便宜行事，請帝藏金三十三萬兩，事例銀七萬兩，留漕糧十萬石，倍道入境，集羣策畫，晝夜籌畫，糾縣令廢閣。明旨者一人，遣戍諸司，望風勤事，其法多開粥廠，廣備糗糧，卽里中擇素封賢良者主之，就便安插，以活垂亡者。民時撤騎從，單騎遍歷州縣，過村墟，慰問貧獨，所至卽食救飢，粥不費供億半錢，其不能就食，則散銀給米周之。病者擇醫施藥，流移不能歸，則計道里費還之。上所典發，不能應，乃多方疏請，加額，猶未足，則倡義以勸富室，富室皆響應，莫不家爲給人爲施，初有司禁糶米價騰踊，民急弛其禁，蓄米四出，價頓減。

經濟

卷之二十

五

光緒堂

時有大盜聚南汝汝間，禍幾不解，民親入其寨招厥渠魁，使護米商，自效盜平，粟美所全活，益不可數計。乃倣鄭俠流民圖，作棊荒圖，說籍手以報命。天子得旨褒嘉，勅吏部優叙，遂轉太常寺少卿，出撫河南。時中使銜命開採爲奸利，上疏力爭，不報，而諸礦盜遂乘霧羣起，行亂宛鄭間，又河賊擁衆，阻巨津爲險，肆劫掠，官兵弗能制，民親督將吏設方略，擒斬亂首，餘皆解散，境內以平。因念中原爲心腹地，桑土綢繆，正在今日，於是選材官，比騎射，日討軍實，而訓警之，又身爲拊循，不六月而周歷八郡，所至延見吏民，詢所宜振革，汲汲施措，不啻以身徇之者。比還鎮，而疾作，猶力疾坐堂，簡閱什物，衡其驕廢，而課殿最，其胸中固思一得當而樹百年無事之伐也。尋病增劇，遂疏乞骸骨。上優詔慰留，會三殿災，卽痛陳修省，并模寫開採情狀，繪爲圖說，而疾遂革。前一日，姚御史思仁往視疾，惓惓道吏治將材，無一語及私，中州聞民卒，無問男婦老小，皆哭失聲，廢業罷市，如喪所天，相與控於姚御史，爲疏於朝，予祭褒卹。越三年，宗室縉紳，以至士民，復控巡撫，曾如春巡按崔邦

經濟

卷之二十

五

光緒堂

諒請祠享贈蔭兩臺上其狀下所司議禮臣以恩蔭移
咨吏部題覆祠贈上特賜祠忠惠出自宸斷不由
撰擬贈右副都御史春秋遣布政司堂上官致祭永爲
定制蓋異數也民聞道甚早一以典起斯文爲已任正
色立朝不顧利害尤崇理學重節義汲汲表揚以風來
世其爲政以育人材興學校爲首務嘗爲當局立衡器
任事後履歷之不棄錙銖而獨不喜世之立門戶分異
同者故交編賢豪而中立無所倚性坦夷任自然平生
不見疾言遽色至於辭受取予一介不苟作縣令時日

經濟

卷之二十

堯

光緒堂

啖黃蠶衣布衣按秦齊每過驛通所供止限兩豆迨授
節鉞猶蔬食布衣不改也夫其自學而仕也處則爲醇
儒爲師表出則爲循良今爲名御史爲國家重臣卒能
護定元良以至調時政軫民隱所至功見言信養如
反掌此則生平誠正之學有以通徹天人故能爾耳豈
獨練達經濟而已今上贈辭褒之曰白簡批鱗樹風
標於柱史青官稱孝定國本於僉憲又曰匡時正學濟
世真才蓋知臣莫如君云所著有讀易鈔日省錄體仁
圖說勵學編私淑編數言大旨經濟錄鈔應變錄孫子

批評親民類編求生錄中州政書各十餘萬言

江西左布政使沈箕仲九疇

沈九疇字箕仲鄞人丁丑進士釋褐刑部雲南司主事
奉命審決江南多所平反遷山西司員外郎歷郎中時
有武人爲某公營爲大司馬者詭得之而是公實弗知
也是公人望宜自得而武人爲居間者所賺墮雲霧中
司馬不見德武人又無以見功其先所行錢乃貸之中
貴者中貴索之急武人乃自剄訟於司寇以屬九疇九
疇曰此事何可竟也乃呼兩家喻之曰必訟乎失者逾

經濟

卷之二十

卒

光緒堂

矣死者徒死司馬故無傷也或一旦聞而震之若何兩
家相顧泣而散遷江西按察司副使提督學校條布其
章程下十三郡而以次校之先爲約學使者按部卽臺
使者移不得入入吉安直指以故人子置書移中九疇
爲弗聞也者而榜出然後入之謝曰某不敏無得放其
區區卽幸而列某亦不敢居功故江右士大夫信九疇
真不私一人者終其任無敢干先是迎父就卽中養及
遷四川右叅政乃奉父還里而上書陳情曰臣有父春
秋九十有二老矣無入蜀理臣又不忍心絕裾願終養

經濟

卷之三

李

光緒堂

上惻然俾以左叅政仍領江西於是復奉父往與二三舊遊論文道故時時問民以利弊而興除之歲餘以父喪歸服闋除山東左叅政分轄青登萊三郡萊故濱海時卉衣入朝鮮戒嚴一夕道路負携走莫可禁歲且飢民枕籍死無算九疇自狀於臺使者撤南歸兵若干城守而南兵新從朝鮮來驕甚乃陰識民居之廣狹署其門曰某某寓某約法豫禁之犯無赦於是衆各就逆旅無敢譁又時時討而訓之民以無恐而平度州民聚爲盜以聞報至九疇慨然曰是殆蠲蠲子不屑一簞者耶

經濟 卷之三 李 光緒堂

即爲檄諭之單騎馳而往則衆大驚以爲公何自從天而降復相傳語曰公至我輩生矣於是得首亂者械之歸而縣官復繫二百餘人九疇下令曰民以飢故脅於衆奈何窮治之其縱之就業衆乃帖然更條食飢法客上臺使者請便宜行之是時上念齊魯災賑以內帑銀錢然未至也九疇曰必待此者是索民於枯魚之肆矣虛聖恩滋吏罪請貸所在應因輸錢亟散之民以是避未幾以入賀行老穉男婦皆焚香遮道號呼不絕懼終不來也而九疇亦遂還四川按察使以

去改陝西右布政使尋遷左先是者以墨去九疇雅懷冰炭一意撫循慨然曰吾安敢使家有長物恣子孫非禮哉中使以催至先遣語兩臺使者曰藩臬大夫郡邑長吏皆來迎勅九疇揚言曰是勅中使非勅所守土者也無往迎故事且勅在我輩不以多乎而誰與迎乎中使聞之氣已索矣比入境不爲禮一日移書來自稱予九疇叱其使曰若中貴耳烏乎稱予也惟天子稱予一人高皇帝起異時稱予若烏乎予中使聞之大駭謝罪唯唯又一日移書稱詔視藩臬九疇第以籍視之中使之始來也詔上稱江右歲可十四萬金既至而靡所措其手甚恐就九疇問計九疇曰若自奉勅吾何知居數月計所入不能什一愈恐數走謁九疇以冀指導九疇曰若果如吾言耶頓首謝曰幸甚九疇曰若來甚謬豫章地瘠而民甚貧必取盈毋論釀禍卽鬼神不能辦必不得已歲可五萬耳中使踉蹌下泣曰吾何以保吾首領乎九疇曰吾懷慨衆言畢矣若自評可吾卽貸若數千金助若進不可吾更無計中使退而自念迄無復之諸臺使者請益九疇曰吾業已折之矣

無已。則益之萬取原數之半。不可復益也。於是致所謀而令其與兩臺便者共疏。祈減額甚哀。竟得旨中使驚且喜以謝。編諸歲入。而民始少甦。庚子入覲。陛見得寒疾卒。年六十有八。九疇性樂易。寬大。居常不與人爭功名之。際尤為澹然。所經歷好視其形勢。考其沿革。或咨詢所及。歷歷指掌。而卒未嘗以是為矜詡。為人解紛。片言中窾。治官雖其紛錯立辦。而下無所行其好事。父母至孝。待昆弟子姓嚴而有禮。貧乏者分俸養之。與人不亢。亦不屈。手不釋卷。博學工古文。尤長於詩。所著

卷之二十

光緒堂

有曲。轅居集雜詩文共若干卷。藏於家。

山西參議項廷堅德楨

項德楨字廷堅。故大司馬襄毅忠之耳孫。參藩雋壽之子。才情奇宕。不能俛首鄉序。去遊成均。輒冠賢書。以進士初主屯田。政督易州山陝。奏績。晉屯田郎。時少陽未定。主上持祖訓立嫡三王。並封議。頑舉祖訓全條力為疏解。見立嫡之訓。謂三子無嫡。必出自親王嫡子。乃獲入臨。皇上三子在膝。不應引無子之訓為舜疏。即留中不報。而並封旋寢。羽翼定。傾夾日。回天。張留侯秋

梁公不是過。未幾移職方。尋以山東僉憲備兵于薊。視以馬箠擊地曰。薊所難事。無虜昂若者。俄而昂酋七騎覲石門。頑謹伺之。生縛小郎兒。歸昂酋。戀小郎兒特甚。旦暮叩闕泣請遣子來。暈大及夷人拱只等乞鑽刀貢。賞以還小郎兒。朝議以一昂部何足係中國重輕。頑乃裂帛以爭。謂來賽拾喇昂妻昆弟而卜彥。起兇分據東西。擁強各萬昂首。所向便足為重。何謂可輕。剗開原宰賽既已許款。肯把都死復與金繪昂。獨何心而可空言相繫。瞻前盼後。星夜熱籌。示以約束。例與之物。利其半。

卷之二十

光緒堂

票許之數。括其全。給遣之。見額分于三年。誅七擒之三。以示威稜。縱小郎兒還。以寬膏斧。蓋不待控弦鳴鏑。弄虜股掌上。諸夷偃。畏慕解。辦歆血。不敢向薊。遼發一矢也。計所省五貢。雜賞萬三千有奇。而薊遼終歲行糧亦復稱是大司馬忌其功。中扼之。遂有蜀藩之命。先是視方候代。海防營兵三千撤歸。叛者九起。頑密謀剿叛。厥角為崩。給資遣還南。軍過里。望門搶地。咸誦非公茂。至今日。頑既得代。文法吏毛舉稽程。落職三級。踰年。仍以撫。邇平叛功最。復官。官密雲。如薊密所轄古北石塘

故皆虜衝自撫昂後雖稍稍休息上下相蒙每許傳烽警以邀首功頑按實律之終頑建節靡敢訖言者時東封事竟征倭諸軍入關頑上言樞府得從六議律遣還將卒歡舞應聲而散又條筭商之例代號船之粟發通倉之藏以給三韓之餉以起疋羸之黎兵民戴之如戴慈母尋移路藩失中丞肯而藩邸宵人武弁奸細墨吏復譴訛妻非下石交傾直道抵牾悲念中疾乞骸歸頑入仕二十餘年履歷疆圉障塞居其強半所為籌畫虜情燎如指掌折衝樽俎不戰而屈方畧慨慨目牛遊刃

經濟

卷之二十

十五

光碧堂

至於練兵實給糧餉選材官斥奸宄備要害諸可輒捷懲腐靡不具備迨歸卧三載猶手輯北虜三封翔實諸書蓋胸中數萬甲兵借此以少舒發耳初意氣襟期龍蓋一世局大才宏心虛氣壯特以疾惡太嚴嗜善太亟熟腸取憎不究其用論者惜之所著有續名臣錄于肅志和許貢記襄毅年譜楊襄毅南肅紀事漁陽檀陽公牘副在方慮編易州新志少政記諸書藏于家

兩浙名賢錄卷之二十終

兩浙名賢錄卷二十一目次

謹直

漢

尚書僕射鍾離子阿意

三國吳

尚書僕射屈光公晃

子緒

散騎常侍虞世洪汜

子書

左丞相陸敬風凱

子祿

中書令賀典伯邵

晉

左衛領營將軍許崇

吳興太守孔彭祖嚴

三子

蕭直目次

卷之二十一

光碧堂

劉宋

廣陵太守沈思明懷文

唐

秘書監虞伯施世南

子和

尚書右僕射褚登善遂良

戶部尚書姚班

尚書右僕射姚南仲

左備闕陳慶復京

諫議大夫孔至之敏行

夏曼卿香

五代

丞相林鼎

判明州錢延世億

宋一

起居舍人錢子高彥遠

兵部尚書石國佐公弼

叅知政事唐子方介

侍讀學士葉道卿清臣

江西提舉劉誼

子燾附

吏部郎中劉孝本

述曾附

知鄧州謝希深

金部員外郎蔣彥昭

顯謨閣待制孫叔靜

集賢殿修撰朱行中

江夏尉王成德公彥

左諫議大夫毛聖可

兩浙名賢錄卷二十一 目次終

讀直月次

卷之二十一

二

光碧堂

兩浙名賢錄卷之二十一

東海徐象梅仲和氏撰

吳興吳念祖用修氏閱

讀直

漢凡一人

尚書僕射鍾離子阿意

鍾離意字子阿山陰人少為郡督郵亭長有受人酒禮

者府下記案考之意封還記言於太守侯霸曰春秋先

內後外今宜先清府內且濶略遠縣細微之愆霸甚賢

讀直

卷之二十一

一

光碧堂

之遂任以縣事舉孝廉辟司徒掾嘗部送徒詣河內冬

寒徒不能行意移屬縣使作徒衣具以聞帝得奏以示

霸曰君所使掾乃仁於用心誠良吏也意遂於道解徒

桎梏與冠期俱至無或違者除瑕丘令吏有犯法者既

服不忍誅吏又謂其子曰無道之君以刃行誅有道之

君以義行誅遂令進藥而死再遷棠邑令縣人防廣為

父報仇繫獄母死廣哭泣不食意傷之乃聽廣歸飲母

訖果還入獄意密以狀聞廣竟得減死顯宗即位徵為

尚書時交趾太守張恢坐贓伏法以貨物簿入大司農

詔頒賜羣臣，意得珠璣，悉委地，不拜賜。帝問其故，對曰：「孔子忍渴於盜泉之水，曾參回車於勝母之間，惡其名也。此賊穢之寶，誠不敢拜。」帝嗟歎曰：「清乎尚書之言！」乃更以庫錢三十萬賜意，轉尚書僕射，直駕數幸廣成苑，意以爲從禽廢政，當車陳諫。天子卽時還宮，永平三年夏旱而火起北宮，意請闕，免冠，疏請帝策罷，罷，應時澍雨。帝性褊察，好以耳目隱發爲明，公卿近臣數被詆毀，至見提曳朝廷，爭爲嚴切，以避誅責，意獨敢諫，許封還詔書。臣下過失輒救解之。帝雖知其至誠，然亦以此爲先卒於官。

三國興 共七人

尚書僕射屈光公見 子緒附

屈晃字光公，天台人。仕吳爲尚書僕射。先是王夫人有寵於權，立其子和爲太子。已而王夫人與全公主有隙，權嘗寢疾，和祠祭於廟，妃叔父張休居近廟，邀和過所居。全公主使人覲視，因言太子不在廟中，專就妃家。

蕭道

卷之二十一

二

光書堂

蕭道

卷之二十一

三

光書堂

計議，又言王夫人見上寢疾，有喜色。權由是發怒，夫人受死，而和寵漸損，懼於廢黜。魯王霸覬覦滋甚，陸遜、吾粲、顧譚等數陳嫡庶之義，理不可奪。全、寄、楊竺爲魯王霸支黨，譖愬日興。粲遂下獄，誅譚，徙交州。權沉吟者歷年後，遂幽閉和。於是見與驃騎將軍朱據率諸將吏泥頭自縛，連日請闕，請和權登白爵觀，見其惡之，勅見等無事。念念權欲廢和，立亮，無難督陳正。五營督陳象上書稱引晉獻公殺申生，立奚齊，晉國擾亂，權大怒，族誅正象。晃因諫不止，權不聽。晃遂突入見權，流涕泣諫曰：「太子仁明，顯聞四海，今三方鼎峙，實不宜搖動。太子以生衆心，願陛下少垂聖慮。」老臣雖死，猶生之年，叩頭流血，鮮氣不撓。權怒，牽下殿，杖一百，斥還田里。後孫皓卽位，詔曰：「故僕射屈晃志匡社稷，忠諫忘身，封晃子緒爲東陽亭侯，弟幹恭爲立義校尉。後緒官亦至尚書僕射。」

散騎中常侍虞世洪記 子喜附

虞汜字世洪，翻之第四子。生於南海，年十六，翻卒，扶喪歸葬，復居故里。以父任入官，歷遷甯郎。時孫琳廢幼主，迎立瑯琊王休，休未至，琳欲入宮，圖爲不軌，召百官會。

議皆惶怖失色徒唯唯而已。汜對曰：明公爲國伊周處將相之位，擅廢立之威，上安宗廟，下惠百姓，大小踴躍，自以伊周霍光復見於今日。今迎鄉郡王未到而欲入官將，羣下搖蕩衆聽疑惑，非所以示終忠孝揚名後世也。繼不懌竟立休休初卽位，汜與賀郡王薺薛瑩俱爲散騎中常侍以討嚴扶功，拜交州刺史冠軍將軍封餘姚侯尋卒。

選曹尚書陸子璋瑁 子喜附

陸瑁字子璋，丞相遜弟也。少好學，篤義陳國陳融、陳留

蕭直

卷之二十一 四 光緒堂

濮陽逸沛郡將纂，廣陵袁迪等皆卑貧有志，就瑁遊處，瑁割少分甘與同。豐約及同郡徐原爰居會稽，素不相識，臨死遺書托以孤弱，瑁爲起墳立墓收導其子。又瑁從父績早亡，一男一女皆數歲，以還瑁迎攝養至長，乃別州郡辟舉，皆不就。時尚書暨豔盛明臧否，差斷三署，頗揚人闇昧之失，以顯其譴。瑁與書規之，欲其遠模仲尼之泛愛中，則郭泰之弘濟豔不能行，卒以致敗。嘉禾元年，公車徵瑁，拜議郎。選曹尚書孫惟公、公孫淵之巧詐反覆，欲親征之。瑁上疏諫曰：臣聞聖王之御遠夷，

靡而已，不常保有，故古者制地謂之荒服，言恍惚不常，不可保也。今淵東夷小醜，屏在海隅，雖托人面與禽獸無異，國家所爲不愛貨寶，遠以御之者，非嘉其德義也。誠欲誘納愚弄以規其馬耳，淵之驕黠恃遠負命，此乃荒貊常態，豈足深怪？昔漢諸帝幸害銳意以事外夷，馳使散貨，充滿西域，雖時有恭從，然其使人見害財貨，并沒不可勝數。今陛下不忍惜帛之忿，欲越巨海身踐其土，羣臣愚議，竊謂不安。何者？北寇與國壤地連接，苟有間隙，應機而至，夫所以越海求馬，曲意於淵者，爲赴目前之急，除腹心之疾也。而更棄本追末，捐近治遠，念以收規激以動衆，斯乃猾虜所願聞，非大吳之至計也。又兵家之術，以功役相疲，勞逸相待，得失之間，所覺輒多。且沓渚去淵道里尚遠，今到其岸，兵勢三分，使強者進，取次當守船，又次運糧，行人雖多，難得悉用，加以單步負糧，經遠深入，賊地多馬，邀截無常，若淵狙詐與北未絕，動衆之日，唇齒相濟，若實孑然，無所憑賴，其畏怖遠近，或難卒滅。使天誅稽於朔野，山虜乘間而起，恐非萬安之長慮也。惟未許瑁重上疏曰：夫兵革者，固前代所

蕭直

卷之二十一

五 光緒堂

以誅暴亂威四夷也然其後皆在奸雄已除天下無事從容廟堂之上以餘議議之耳至於中夏鼎沸九域禁牙之時幸須深根固本愛力惜費務自休養以待隣敵之缺未有正於此時舍近治遠以疲軍旅者也肯尉佗叛逆僭號稱帝於時天下又安百姓殷阜帶甲之數糧食之積可謂多矣然漢文猶以遠征不易重興師旅告喻而已今凶桀未殄疆場猶警雖蚩尤鬼方之亂故當以緩急差之未宜以淵為先願陛下抑威住計暫寧六師潛神默規以為後圖天下幸甚權再覽瑁書嘉其詞

卷之二十一

六

光碧堂

理端切遂不行赤烏二年辛子喜亦涉文籍好人倫孫皓時為選曹尚書

左丞相陸敬風凱子禕附

陸凱字敬風丞相遜族子黃武初為永興諸暨長所在有治迹拜建武都尉領兵總統軍旅手不釋書好太玄論演其意以筮輒驗赤烏中除儋耳太守討朱崖斬獲有功遷建武校尉討平山賊陳慈於零陵拜偏將軍封都鄉侯孫休即位拜征北將軍假節領豫州牧孫皓立遷鎮西大將軍都督巴丘領荊州牧進封嘉興侯遷左

陸直

卷之二十一

七

光碧堂

丞相皓性惡人視已羣臣侍見皆莫敢忤凱說皓曰夫君臣無不相識之道若卒有不虞不知所赴皓聽凱言視時皓徙都武昌揚土百姓沂流供億以為患苦又政事多謬黎元窮匱凱上疏切諫皓遣親近趙欽口詔報凱曰孤動必遵先帝有何不平君所諫非也又建業宮不利故避之而西宮室宇摧朽須謀移都何以不可從乎凱上疏曰臣切見陛下執政以來陰陽不調五星失晷職司不忠奸黨相扶是陛下不遵先帝之所致夫王者之興受之於天修之由德豈在官乎而陛下不諮之公顧便盛意驅馳六軍流離悲懼逆犯天地天地以災童歌其譴縱令陛下一身得安百姓愁勞何以用治此不遵先帝一也臣聞有國以賢為本夏殺龍逢殷獲伊尹斯前世之明效今日之師表也中常侍王蕃黃中通理處朝忠蹇斯社稷之重鎮大異之龍逢也而陛下忿其苦辭惡其直對臬之殿堂屍骸暴弃邦內傷心有識悲悼咸以吳國夫差復存先帝親賢陛下反之是陛下不遵先帝二也臣聞宰相國之柱也不可彊是故漢有蕭曹之佐先帝有顧步之相而萬彙頌才凡庸之質

昔從家隸超步紫闥於或已豐於器已溢而陛下愛其細介不訪大趣榮以尊輔越尚舊臣賢良憤惋智士赫咤是不遵先帝三也先帝憂民過於嬰孩民無妻者以妾妻之見單衣者以帛給之枯骨不收而取埋之而陛下反之是不遵先帝四也昔桀紂滅由妖婦幽厲亂在嬖妾先帝鑒之以爲身戒故左右不置淫邪之色後房無嬖嬖之女今中宮萬數不備嬪嬙外多鰥夫女吟於中風雨逆度正由此起是遵先帝五也先帝憂勞萬機猶懼有失陛下臨昨以來游戲後宮眩惑婦女乃令

謹直

卷之二十一

八 先碧室

庶事多曠下吏容姦是不遵先帝六也先帝篤尚樸素服不純麗宮無高臺物不雕飾故國富民充姦盜不作而陛下徵調州郡竭民財力土被玄黃宮有朱紫是不遵先帝七也先帝外仗顧陸朱張內近胡綜薛綜是以庶績雍熙邦內清肅今者外非其任內非其人陳聲實輔斗筭小吏先帝之所素而陛下幸之是不遵先帝八也先帝每宴見羣臣抑損醲醇臣下終日無失慢之尤百僚庶尹竝展所陳而陛下拘以視瞻之敬懼以不盡之酒夫酒以成禮過則敗德此無異商辛長夜之飲是

不遵先帝九也昔漢之桓靈親近宦豎太失民心今詹廡羊度黃門小人而陛下賞以重爵權以戰兵若江渚有難烽燧互起則度等之武不能禦侮也明已是不遵先帝十也今宮女曠積而黃門復走州郡條牒民女有錢則舍無錢則取怨呼道路母子死訣是不遵先帝十一也先帝在時亦養諸王太子若取乳母其夫復役賜與錢財給其資糧時遣歸來視其弱息今則不然夫婦生離夫故作役兒從後死家爲空戶是不遵先帝十二也先帝歎曰國以民爲本民以食爲天衣其次也三者

謹直

卷之二十一

九 先碧室

孤存之於心今則不然農桑並廢是不遵先帝十三也先帝簡士不拘卑賤任之鄉閭效之於事舉者不虛受者不妄今則不然浮華者登朋黨者進是不遵先帝十四也先帝戰士不給他役使春惟知農秋惟收稻江渚有事責其死效今之戰士供給衆役廩賜不瞻是不遵先帝十五也夫賞以勸功罰以禁邪賞罰不中則士民散失今江邊將士死不見哀勞不見賞是不遵先帝十六也今在所監司已爲煩猥兼有內使擾亂其中一民十吏何以堪命昔景帝時交趾反亂實由茲起是爲遵

韓直

卷之二十一

十

光碧堂

景之闕不遵先帝十七也。夫校事吏民之仇也。先帝末年雖有呂臺錢欽尋皆誅夷以謝百姓。今復張立校事。縱吏言事是不遵先帝十八也。先帝時居官者咸久於其位。然後考績黜陟。今州郡職司或蒞政無幾便徵召遷轉。迎新送舊紛紜道路。傷財害民。於是為甚。是不遵先帝十九也。先帝每察竟解之奏。常留心推接。是以獄無冤囚。死者吞聲。今則違之。是不遵先帝二十也。若臣言可錄。藏之盟府。如其虛妄。治臣之罪。願陛下留意時。嚴上列將何定。佞巧便辟。責倖任事。凱面責定曰。卿見前後事主不忠。傾亂國政。寧有得以考終者邪。何以專為姦邪。穢塵天聰。宜自改厲。不然。方見卿有不測之禍矣。定大恨凱。思中傷之。凱終不以為意。乃心公家。義形於色。表疏皆指事不飾。忠懇內發。建衡元年疾病。皓遣中書令董朝問所欲言。凱陳何定不可任用。宜授外任。不可委以國事。姚信樓玄賀邵張悌郭遠薛瑩滕脩及族弟喜抗或清白忠勤。或姿才卓茂。皆社稷之楨。韓國家之良輔。願陛下重留神思。訪以時務。各盡其忠。拾遺萬一。遂卒。年七十有二。子禕初為黃門侍郎。出領部曲。

韓直

卷之二十一

十

光碧堂

拜偏將軍。凱亡後。入為太子中庶子。右國史。華嚴表薦禕曰。禕體質方剛。器幹強固。董率之才。魯肅不過。及被召當下。徑還赴都。道由武昌。魯不迴顧。器械軍資。一無所取。在戎果毅。臨財有節。夫夏口賊之衝要。宜選名將以鎮戍之。臣竊思惟莫善於禕。初皓常銜凱犯顏忤旨。加何定譖構。非一。既以重臣。難繩以法。又陸抗時為大將。在疆場。故以計容。忍抗卒後。竟徙凱家於建安。中書令賀典伯邵賀邵字典伯。山陰人。齊之孫景之子也。孫休即位。從中郎為散騎中常侍。出為吳郡太守。孫皓時入為左典軍。還中書令。領太子太傅。皓兄暴驕。政事日弊。邵上疏諫曰。古之聖王。所以濟處重圍之內。而知萬里之情。垂拱衽席之上。而明照八極之際者。任賢之功也。陛下以至德淑姿。統承皇業。宜率身履道。恭奉神器。旌賢表善。以康庶政。自頃年以來。朝列紛錯。真偽相贊。上下空任。文武曠位。外無山嶽之鎮。內無拾遺之臣。諂諛之徒。附翼天飛。干弄朝威。盜竊榮利。而忠良排墜。信臣被害。是以正士摧方。而庸臣苟媚。先意承指。各希時趣。人執反。

理之評士吐詭道之論遂使清流變濁忠臣結舌陛下處九天之上隱百重之室言出風靡令行景從親洽寵媚之臣日聞順意之辭將謂此輩實賢而天下已平也臣心所不安敢不以聞臣聞與國之君樂聞其過荒亂之主樂聞其譽聞其過者過日消而禍臻聞其譽者譽日損而禍至是以古之人君揖讓以進賢虛已以求過譬天位於衆養以虎尾爲警戒至於陛下嚴刑法以禁直辭黜善士以逆諫臣眩耀毀譽之實沈淪近習之言昔高宗思佐夢寐得賢而陛下求之如忘忽之如遺故

蕭直

卷之二十一

主

光緒

常侍王蕃忠恪在公才任輔弼以醉酒之間加之大戮近鴻臚葛奚先帝舊臣偶有逆忤昏醉之言耳三爵之後禮所不諱陛下猥發雷霆謂之輕慢飲之醇酒中毒殞命自是之後海內悼心朝臣失圖仕者以退爲幸居者以出爲福誠非所以保光洪緒熙隆道化也又何定本趨走小人僕隸之下身無錮銖之行能無鷹犬之用而陛下愛其佞媚假以威柄使定恃寵放恣自擅威福口正國議手弄天機上虧日月之明下塞君子之路夫小人求入必進姦利定間妄與事發江邊戍兵以驅

麋鹿結置山陵芟夷林莽殫其九野之獸聚於重圍之內上無益時之分下有損耗之費而兵士疲於運送人力竭於驅逐老弱飢凍大小怨歎臣竊觀天變自比年以來陰陽錯謬四時逆節日食地震中夏限霜參之典籍皆陰氣凌陽小人弄勢之所致也臣嘗覽書傳驗諸行事災祥之應所爲寒慄昔高宗修己以消鼎雉之異宋景崇德以退焚惑之變願陛下上懼皇天譴告之誨下追二君穰災之道遠覽前代任賢之功近稽今日謬授之失清澄朝位旌叙俊又放退佞邪抑奪姦勢如是之輩一勿復用廣延淹滯容受直辭祗承乾指敬奉先業則大化光敷天人望塞也傳曰國之興也視民如赤子其亡也以民爲草芥陛下昔韜神光潛德東夏以聖哲茂姿龍飛應天四海延頸八方拭目以成康之化必隆於旦夕也自登位以來法禁轉苛賦調益繁中官內豎分布州郡橫興事役競造姦利百姓罹杆軸之困黎民罷無已之求老幼飢寒家戶菜色而所在長吏追畏罪負嚴法峻刑苦民求辦是以人力不堪家戶離散呼嗟之聲感傷和氣又江邊戍兵遠當以拓土廣境近當

蕭直

卷之二十一

主

光緒

以守界備難。宜時優育。以待有事。而徵發賦調。烟至雲集。衣不全短褐。食不贍朝夕。出當鋒鏑之難。入抱無聊之感。是以父子相棄。叛者成行。願陛下寬賦除煩。賑恤窮乏。凡諸不急。盡禁約法。則海內樂業。大化普洽。夫民者國之本。食者民之命也。今國無一年之儲。家無經月之蓄。而後官之中。坐食者萬有餘人。內有離曠之怨。外有損耗之費。使庫廩空於無用。士民飢於糟糠。又北敵注目。伺國盛衰。陛下不恃已之威德。而佑敵之不來。忽四海之困窮。而輕虜之不為難。誠非長策。廟勝之要也。

韓直

卷之二十一

十

光緒室

昔大皇帝。勤身苦體。創基南夏。割據江山。拓土萬里。雖承天替。實由人力也。餘慶遺祚。至於陛下。陛下宜勉崇德器。以光前烈。愛民養士。保全先軌。何可忽顯祖之功。勤難得之大業。忘天下之不振。替興衰之巨變哉。臣聞石泰無常。吉凶由人。長江之限。不可久恃。苟我失守。一革可航也。昔秦建皇帝之號。據嶢函之阻。德化不修。法政苛酷。毒流生民。忠臣杜口。是以一夫大呼。社稷傾覆。近劉氏據三關之險。守重山之固。可謂金城石室。萬世之業。任授失賢。一朝喪沒。君臣繫頸。共為羈僕。此當

世之明鑒。目前之炯戒也。願陛下遠考前事。近覽世變。豐基強本。剴情從道。則成康之治興。而聖祖之祚隆矣。書奏。皓涕恨之。邵奉公貞正。親近所憚。乃共譖邵與樸。玄誦毀國事。俱被詰責。玄見送南州。邵復原職。後邵中惡風。口不能言。去職數月。皓疑其託疾。收付酒藏。拷掠千所。邵卒。無一語見殺害。家屬徙臨海。并下詔誅玄子孫。是歲天冊元年也。邵年四十九。

晉 共五人

左衛領管將軍許榮

韓直

卷之二十一

十

光緒室

許榮。會稽人。仕至左衛領管將軍。時朝政既紊。武帝不親萬機。但與會稽王道子酣歌。親昵。尼榮上疏。極諫。又陳太子宜出臨東宮。勉獎德業。疏奏。帝雖不省。然自是漸不平於道子。當時稱其骨鯁。

吳興太守孔彭祖嚴子道民。靜民。福民。附。

孔嚴。字彭祖。山陰人。少仕州郡。歷司徒掾。尚書殿中郎。殷浩臨揚州。請為別駕。遷尚書左丞。時朝廷崇樹浩。以抗擬桓溫。溫深以不平。浩又引接荒人。謀立功於閭外。嚴言於浩曰。當今時事艱難。可謂百六之運。顧處任者。

所至不同所見各異人口云云無所不至古人爲政防民之口甚於防川老子云夫唯不爭則萬物不能與之爭此言不可不察也愚謂朝廷宜更明授任之方韓彭專征伐蕭育守管鑰內外之任各有攸司深思應屬屈申之道平勃相和之議令婉然通順人無間言然後乃可保大定功平濟天下也又觀頃日降附之徒皆貪而無親難以感義而令雜處人間徒疑視聽耳浩深納之及哀帝踐祚議所承統時多異議嚴與丹陽尹庾詠議曰順本居正親親不可奪宜繼成皇帝諸儒咸以嚴議

韓直

卷之二十一

末

光碧堂

爲長竟從之隆和元年詔曰天文失度太史雖有祈禳之事猶寡青屢彰今欲依鴻祀之制於太極殿前庭親執虔肅嚴諫曰鴻祀雖出尚書大傳先儒所不究歷代莫之與承天接神豈可以疑殆行事乎天道無親惟德是輔陛下祇順恭敬留心兆庶可以消災復冀皆已蹈而行之德合神明丘禱久矣豈須屈萬乘之尊修雜祀之事君舉必書可不慎與帝嘉之而止以爲揚州大中正嚴不就有司奏免詔特以侯領尚書時東海王奕求海鹽錢唐以水牛牽埭稅取錢直帝初從之嚴諫乃止

初帝或施私恩以錢帛賜左右嚴又啓諸所別賜及給厨食皆應減省帝曰左右多因乏故有所賜今通斷之又厨傳宜有減徹思詳具聞嚴多所匡益太和中拜吳興太守加秩中二千石善於宰牧甚得人和又甄賞才能之士論者美焉五年以疾去職卒於家三子道民宣城內史靜民散騎侍郎福民太子洗馬皆爲孫恩所害劉宋 凡一人

廣陵太守沈思明懷文

韓直

卷之二十一

七

光碧堂

沈懷文字思明吳興武康人新安太守宣之子懷文少好玄理善爲文章爲江夏王義恭東閣祭酒父卒官新安送故豐厚奉終禮畢餘悉頒之親戚一無所留文帝聞而嘉之賜奴婢六人服闋除尚書殿中郎隱士雷次宗被徵居鍾山後南遷廬江何尚之設祖道文義之士畢集爲連句詩懷文所作尤美聲高一坐元凶弒立召爲中書侍郎託疾落馬間行奔新亭以爲竟陵王誕驛騎錄事參軍淮陵太守時國哀未釋誕欲起內齋懷文以爲不可乃止尋轉揚州加駕從事史及江夏王義恭遷西陽王子尚爲揚州居職如故時榮感守南斗上乃

韓直

卷之二十一

大 光碧室

廢西州舊館使子尚移居東城以厭之懷文曰天道示
變宜應之以德今雖空西州恐無益也不從而西州舊
廢永明二年遷尚書吏部郎時朝議欲依古制置立王
畿揚州移居會稽猶以星變故也懷文曰周制封畿漢
置司隸各因時宜非存相反安人定國其揆一也苟人
心所安天亦從之必改今追古乃致平一神州舊壤歷
代相承異於邊州或置或罷既物情不悅容虧化本又
不從子尚移鎮會稽遷撫軍長史行府州事時囚繫甚
多動經年月懷文到任執五郡九百三十六獄衆咸稱
平入爲侍中寵待隆密揚州既移會稽念浙東人情不
和欲貶其勞祿惟西州舊人不改懷文曰揚州徙居既
乖人情一州兩格尤失大體上不從懷文與顏竣周朗
素善竣以失旨見誅朗亦以忤意得罪上謂懷文曰竣
若知我殺之亦當不敢如此懷文嘿然上又壞諸郡士
族以充將吏並不服役至悉逃亡加以嚴刑不能禁乃
改用軍法得便斬之莫不奔竄山湖聚爲盜賊懷文又
以爲言子尚等諸王子皆置邸舍逐什一之利爲患獨
天下懷文又曰列肆販賣古人所非下武明不雨之由

韓直

卷之二十一

大 光碧室

弘羊受致旱之責若以用度不充故宜量加減省不聽
孝建以來抑黜諸弟廣陵平後復欲更峻其科懷文曰
漢明不使其子比光武之子前史以爲美談陛下既明
管蔡之誅願崇唐衛之寄及海陵王休茂誅欲遂前議
太宰江夏王義恭探得密旨先發議端懷文固請不可
由是得息時游幸無度太后六官常乘副車在後懷文
與王景文每諫不宜亟出後因從坐松樹下風雨甚驟
景文曰卿可以言矣懷文曰獨言無繼宜相與陳之江
智深卧草側亦謂之善俄而被召俱入雉塲懷文曰風
雨如此非聖躬所宜景文曰懷文所啓宜從智深未及
有言上方注弩作色曰卿欲效顏竣耶何以恒知人事
又曰顏竣小子恨不得鞭其面上每宴集在坐咸令沉
醉懷文素不飲酒又不好戲上謂故欲吳已謝莊膏戒
懷文曰卿每與人異亦何可久懷文曰吾少來如此豈
可一朝而變非欲異物性之所不能耳五年出爲晉安
王征虜長史廣陵太守明年坐朝正事卑被遣還北以
女病求申乞停三日訖猶不去爲有司所糾免官禁錮
既被免實宅還東上大怒收付廷尉竟賜死

唐 其六人

秘書監虞伯施世南 子昶附

虞世南字伯施，翻之裔孫也。荔之子，出後叔寄，性沉靜，寡欲，與兄世基同受學於顧野王。餘十年，精思不懈，至累旬不置。櫛文章，妙繙摹倣，射徐陵、陵自以爲勝，已由是有名。陳大嘉中，父荔卒，世南毀不勝喪。文帝高荔行，知二子皆博學，遣使至其家，護視召爲建安王法曹參軍。時寄陷於陳，實應世南雖服除，仍衣布飯蔬，寄還乃釋布啖肉。至德初，除西安王友，陳滅，與世基入隋。世基諱章，清勁過世南而博瞻不及也，俱名重當時。議者方晉之二陸，大業中累至秘書郎。煬帝雖愛其才，然疾峭正，弗甚用。爲七品十年，不徙。世基倏敏，得君日貴，盛妻妾，被服擬王者。而世南躬貧約，一不改字文化，及已祇帝欲殺世基，而世南抱持號訴，請代不得。自是哀毀骨立，從至聊城，爲實建德所得，署黃門侍郎。秦王滅建德，引爲府參軍，轉記室。遷太子中舍人。王踐祚，拜員外散騎侍郎，弘文館學士。時世南已衰老，屢乞骸骨，不聽。遷太子右庶子，固辭，改秘書監，封永興縣子。世南貌儒謹，

諱直

卷之二十一

手 光緒

諱直

卷之二十一

手 光緒

外若不勝衣，而中抗烈，論議持正。太宗嘗曰：朕與世南商略古今，有一言失，未嘗不悵悵，其懇誠如此。後數直諫，皆蒙嘉納。嘗命寫列女傳於屏風，於時無本，世南暗疏之，無一字謬。帝每稱其五絕：一曰德行，二曰忠直，三曰博學，四曰文詞，五曰書翰。世南始學書於浮屠智永，究其法，爲世秘。愛十一年，致仕，授銀青光祿大夫，弘文館學士。如故祿賜坊閣，視京官職事者。卒年八十一，詔陪葬昭陵，贈禮部尚書，謚曰文懿。帝手詔魏王泰曰：世南於我猶一體，拾遺補缺，無日忘之。蓋當代名臣，人倫準的。今其云亡，石渠東觀，中無復人矣。後帝爲詩一篇，述古興亡，既而歎曰：鍾子期死，伯牙不復鼓琴。朕此詩復何示邪？勅起居郎褚遂良，卽其靈座焚之。後數歲，遂進諫言如平生。翌日下制，厚恤其家。子昶終工部侍郎。尚書右僕射南登善遂良。

褚遂良字登善，通直散騎常侍亮之子。授秦王府鎡曹參軍，貞觀中累遷起居郎，博涉文史，工草隸。太宗嘗歎曰：虞世南死，無與論書者。魏徵見遂良，帝令侍書。帝友傅購王右軍故帖，天下爭獻，然莫能質真偽。遂良獨論

謹直

卷之二十一

主

光緒帝

所出無舛。自十五年帝將有事泰山至洛陽。星李太微犯郎位。遂良諫曰。陛下撥亂反正。功超古初。方告成。宗而尋輒見此。天意有所未合。昔漢武帝行岱禮。優游者數年。臣愚願加詳慮。帝寤。詔罷封禪。遷議大夫。奏知起居事。帝曰。卿記起居。大抵人君得觀之否。對曰。今之起居。古左右史也。善惡必記。戒人主不爲非法。未聞天子自觀史也。帝曰。朕有不善。卿必記邪。對曰。守道不如守官。臣職載筆。君舉必書。劉洎進曰。使遂良不書。天下之人必記之矣。時魏王泰禮秩如嫡。羣臣未敢諫。帝從容訪左右曰。方今何事最急。遂良曰。今四方仰德。誰弗率者。惟太子諸王宜有定分。帝爲動容。卽東賢者爲諸王保傅。且詔王府官不得過四考。著爲令。於時皇子雖幼。皆外任都督刺史。遂良諫曰。昔二漢以郡國參治。雜用周制。今州縣率倣秦法。而皇子孺年並任刺史。陛下誠以至親。扞四方。雖然。刺史民之師帥也。得人則下安。惜夫人則家勞。劫故漢宣帝曰。與我共治。惟良二千石乎。臣謂皇子未冠者。可且留京師。教以經學。長仰天威。不敢犯禁。養成德器。審堪臨州。然後敎遣。帝嘉納。太

謹直

卷之二十一

主

光緒帝

子承乾廢。魏王泰間侍。帝許立爲嗣。因謂大臣曰。泰昨自投我懷中。云臣今日始得爲陛下子。更生之日也。臣惟有一子。百年後當殺之。傳國晉王。朕甚憐之。遂良曰。陛下失言。安有爲天下主而殺其愛子。授國晉王乎。陛下昔承乾爲嗣。復寵愛泰。嫡庶不明。紛紛至今。若必立泰。非別置晉王。不可。帝泣曰。我不能卽詔長孫無忌。房玄齡李勣與遂良等定策立晉王爲皇太子。拜遂良太子賓客。帝欲自討遼東。遂良固勸無行。曰。一不勝師。必再興。再興爲忿兵。忿者勝負不可必。帝然之。會李勣誅其計。帝意遂決。遂良懼上言。臣請譬諸身。兩京腹心也。四境手足也。殊裔絕域。殆非支體所屬。高麗王陛下所立。莫離支殺之。討其逆。夷其地。固不可失。但遣一二慎將。付銳兵十萬。翔旌雲。輦唾手可取。昔侯君集李靖皆庸人耳。猶能擄高昌。纓突厥。陛下止發縱指示。得歸功聖明。前日從陛下平天下。虢士瓜臣。氣力未衰。可驅策。惟陛下所使。臣聞涉遠而左。或水潦平地。渾三尺。帶方玄菟。海壤荒漫。決非萬乘六師所宜行。是時帝銳意蕩平。不見省。進黃門侍郎。參綜朝政。莫離支遣使貢金。

遂良曰討殺君之罪不受其賂魯納部鼎太廟春秋譏之今莫離支所貢不臣之篚不容受詔可以其使屬吏帝於寢官側別置院居太子遂良諫以爲朋友深交者易怨父子滯愛者多愆宜許太子問還東官近師傳專學藝以廣懿德帝從其言會父喪免起復拜中書令帝寢疾召遂良長孫無忌曰漢武帝寄霍光劉備託諸葛亮朕今委卿矣太子仁孝其盡誠輔之謂太子曰無忌遂良在而無憂因命遂良草詔高宗卽位封河南郡公坐事出爲同州刺史再歲召拜吏部尚書同中書門下

立后者請更擇貴姓昭儀昔事先帝身接帷第今立之奈天下耳目何帝羞默遂良因致笏殿階叩頭流血曰還陛下笏丐歸田里帝大怒命引出武氏從幄後呼曰何不撲殺此獠無忌曰遂良受顧命有罪不加刑會李勣議異武氏立乃左遷遂良漳州都督顯慶二年徙桂州未幾貶愛州刺史遂良內憂禍恐死不能自明乃上表曰往者承乾廢岑文本劉洎奏東官不可少曠宜遣濮王居之臣引義固爭明日仗入先帝留無忌玄齡勸及臣定策立陛下當受遺詔獨臣與無忌二人在陛下方草土號慟臣卽奏請卽位大行柩前當時陛下手抱臣頸及無忌請卽還京發哀大告內外寧謐臣力小任重動貽伊戚嗟餘齒乞陛下哀憐帝昏懦牽於武后訖不省歲餘卒年六十三後二歲許敬宗李義甫奏長孫無忌逆謀皆遂良驅煽乃削官爵二子彥甫彥冲流愛州殺之帝遺詔聽其家北還神龍中復官爵德宗追贈大尉文宗時詔以遂良五世孫虔爲臨汝尉安南觀察使高駢表遂良客望愛州二男一孫附威通九年詔訪其後護喪歸葬陽翟

戶部尚書姚班

姚班武康人散騎常侍思廉之孫也篤學有大志擢明
經歷六州刺史累封宣城郡公遷太子詹事兼左庶子
時節愍太子稍失道班凡四上書諫其一曰臣聞買直
稱選天下端士使與太子居處出入故太子見正事聞
正言行正道左右前後皆正人也夫習與正人居不能
無正習與不正人居不能無不正教得而左右正則太
子正太子正天下定矣伏見內厓作坊諸工役得人官
闕之內禁衛之所或言語內出或事狀外通小人無知

卷之二十一

光緒堂

因爲詐僞有顯盛德臣望悉出官內造作付所司其二
曰漢文帝身弋締足革舄齊高帝欄檻用銅者皆易以
鐵經侯帶玉具劍環珮以過魏太子太子不視經侯曰
魏國亦有寶乎太子曰主信臣忠魏之寶也經侯委劍
珮去杜門不出夫聖賢以簡素爲貴皇王以菲薄爲德
惟殿下留心恭儉損省玩好以訓天下其三曰前世東
官門闕往來皆有簿籍殿下時有所須惟門司宣令奸
僞乘之因緣增損近呂昇之乃代署宣敕賴殿下糾發
其奸以後墨令及覆事並請內印畫署冀免詐謬其四

曰聖人不專其德賢智必有所師今師經無學士供奉

無侍讀宜視膳時奏請其人俾奉講勸天經所以立行
修身史所以諳識成敗斯急務也太子雖稱善不能用
其言及敗索官中得班諫書中宗嘉歎時官臣皆得罪
獨班擢右散騎常侍遷秘書監唐宗立遷戶部尚書歷
定州刺史卒年七十四始曾祖察嘗撰漢書訓纂而後
之註漢書者多竊取其義爲已說班著紹訓以發明舊
義云

尚書右僕射姚南仲

姚南仲

卷之二十一

光緒堂

姚南仲吳興武康人父發天寶中舉秀才十上不合
然自奮從西平王哥舒翰於隴上積功至右領衛將軍
南仲舉制科授太子校書累遷右補闕大曆十年獨孤
皇后崩代宗悼痛詔近城爲陵以朝夕臨望南仲上疏
曰臣聞人臣宅於家帝王宅於國長安乃祖宗所宅顧
可與鑿建陵其側乎夫葬者藏也欲人之不得見也今
西近官闕南迫大道使近而可視歿而復生雖官以待
之可也如令骨肉歸土魂無不之雖欲自近了復何益
且王者必據高明燭幽隱先皇所以因龍首而建望春

也今起陵目前心一感傷累日不能平且匹夫向隅滿堂不樂况萬乘乎天下謂何陛下謚后以貞懿而終以褻近臣竊惑焉今國人皆曰后陵在邇陛下將日省而時望焉斯有損聖德無益先后欲寵反辱惟陛下熟計疏奏帝嘉納進五品階以酬讜言坐善宰相常袞出為海鹽令浙西觀察使韓滉表為推官擢殿中侍御史內供奉召還四遷為御史中丞改給事中陝虢觀察使拜義成節度使監軍薛盈珍恃權撓政不能逞因毀南仲於朝帝惑之復遣小使程務盈誣表以罪會南仲裨將

韓直

卷之二十一

宋

光緒堂

曾文洽入奏知其語則晨夜追至長樂驛及之與同舍夜殺務盈投其誣於廁為二書一抵南仲一治南仲寃且自言殺務盈狀乃自殺驛吏以聞帝駭異南仲不自安固請入朝帝勞曰盈珍撓卿政邪曰不撓臣政臣隱陛下法耳如盈珍輩所在有之雖使手杜復生撫百姓御三軍必不能成愷悌之化而正師律也帝默然乃授尚書右僕射貞元十九年卒卒年七十五贈太子太保謚曰貞

按唐書以南仲為華州下邳人故一統志不收及考

惟德興所作墓碑載世系極詳蓋自漢青州刺史恢生北絳郡公僧坦僧坦生二子曰察曰最最仕隋為蜀王友傳六葉生絳州曲沃縣令績績生宋州宋城縣令玄玄生發發生南仲則南仲最之裔孫也其派自吳興遠矣第不知何世徙於下邳耳唐書失其所出而一統志復不詳考遂使姚墟之賢表於華嶽倘後人而思首丘將何歸焉今以墓碑為正還之武康俾邇河者知越積石而登崑崙庶幾得其源云

左補闕陳慶復京

韓直

卷之二十一

宋

光緒堂

陳京字慶復陳宜都王叔明五世孫父兼為右補闕翰林學士京善文辭常袞稱之妻以兄子擢進士第累遷太常博士德宗在奉天聞段秀實為賊所害七日不朝宰相以為時方多難不宜壅格萬機京曰丞相之言非是夫褒大節恤賢臣天下所以安况卓卓特異者乎帝曰善還京師擢左補闕帝以盧杞為饒州刺史京與趙需裴佖宇文炫盧景亮張薦共劾杞輔政要位大臣踰時月不得對百官僚僚常若兵在頸陛下復用之姦賊唾手復興帝不聽京爭尤嗔帝大怒左右辟易諫者稍

引郤京正色曰需等毋遽退極道不可以死請杞遂廢
初昭陵寢占山上宦侍憚輓汲乏請更其所宰相未能
抗京曰此太宗之志其儉足以爲後世法不可改議者
多附宦人帝曰京議善卒不徙帝器京謂有宰相才欲
用之會病狂易自刺弗殊罷爲秘書少監卒無子以從
子襲嗣襲孫伯宣著著作佐郎不拜

諫議大夫孔至之敏行

孔敏行字至之工部尚書述唐之子元和初擢進士第
岳鄂呂元膺表在節度府元膺徙東都河中輒隨府遷

謹直

卷之二十一

手

光碧堂

入拜右拾遺四遷歷諫議大夫李絳遇事本監軍楊
叔元時無敢言者敏行上書極論之叔元乃得罪風力
勃然朝野畏憚敏行以名臣子少修潔及仕宦能交當
時豪俊而雅操不逮其父卒年三十九贈工部侍郎

夏曼卿香

夏香字曼卿蕭山人年十五縣長葛君會客飲宴時郡
遭大旱問香以早故答曰昔湯遭旱七年以六事自責
而雨澤應澍周成王悔過而黿禾復起自古先聖畏懼
天異必思變以濟民命今始罹凶災縣界獨甚未聞明

達崇殷周之德飲宴獨惟百姓枯瘁神祇有靈必不享
也百姓不足君孰與足長曰是誠在我卽罷會身捐俸
祿以贍民飢衆服其格言後歷任邑長聲譽四聞
五代 共二人

丞相林鼎

林鼎慈谿人夜讀書每達曙善屬文工書得歐陽率更
虞永興筆法所聚圖書悉由手錄仕吳越自鎮海軍節
度判官累遷至丞相性忠謹政事有不逮者必反覆極
言之必聽而後已雖屢觸忌諱不恤也卒謚貞獻所著

謹直

卷之二十一

手

光碧堂

詩文雜稿百餘卷藏於家

判明州錢延世億

錢億字延世元瓘之子似之弟也歷仕佐俶佐議鑄鐵
錢以益將上祿賜億諫有八害其言鑿鑿可行判明州
有善政凡科率舊制悉除之疏諫俶指民丁以益軍旅
常應和俶作民勞逸由君奢儉詩因陳諷刺性峻拔善
屬文建隆初奏授奉國節度卒年二十九謚忠憲
宋一 共十六人

起居舍人錢子高彥遠

錢彥遠字子高翰林學士易之子以父蔭補太廟齋郎舉進士第以殿中丞爲御史臺推直官通判明州遷太常博士舉賢良方正能直言極諫科擢尚書祠部員外郎知潤州上疏曰陛下卽位以來內無聲色之娛外無畋漁之樂而前歲地震雄霸滄登旁及荆湖幅員數千里雖牲肯定襄之異未甚於此今復大旱人心嗷嗷天其或者以陛下備寇之術未至牧民之吏未良天下之民未安故出譴告以示之苟能順天之戒增修德業宗社之福也今契丹據山後諸鎮元昊盜靈武銀夏衣冠

蕭直

卷之二十一

三

先聖堂

車服子女玉帛莫不有之往時元昊內寇出入五載天下騷然及納款賜命則被邊長吏不復銓擇高冠大裾耻言軍旅一日契丹負恩乘利入塞豈特元昊之比邪湖廣蠻獠劫掠生民調發督歛軍須百出三年於今未聞分寸之效惟陛下念此三方之急講長久之計以上答天戒時旱蝗民乏食彥遠發常平倉賑救之部使者詰其專彥遠不爲屈召爲右司諫請勿數赦擇牧守增奉入以養蕭吏息土木以省功費遷起居舍人知諫院諸路奏大水彥遠言陰氣過盛在五行傳下有謀上之

象請嚴官省宿衛未幾有挾刃犯諫門者特賜五品服時楊懷敏妄言契丹主宗真死乃除入內副都知內侍蔡用信以罪竄海島赦歸遽得環衛官致仕許懷德慎鑪高年未謝事楊景宗郭承祐聞冗小人宜廢不用歷舉劾之多見聽納彥遠性豪邁其任言職數有建明卒於官

兵部尚書石國佐公弼弟公葵從子晝問附

石公弼字國佐新昌人登進士第調衛州司法泰軍淇水監牧馬逸食人稻爲田主所傷時牧法至密郡守韓

蕭直

卷之二十一

三

先聖堂

宗哲欲坐以重辟公弼當此人無罪宗哲曰人傷官馬奈何無罪公弼曰禽獸食人食主者安得不禦禦之豈能無傷使上林虎豹絕檻害人可無殺乎今但當懲困者民不可罪宗哲怒以屬吏旣而使者來慮囚卒如公弼議章惇求太學官或薦公弼使往見謝曰丞相素侮人見者阿意苟容所不忍也再調漣水丞知廣德縣召爲宗正寺主簿入見言朝廷比日所爲直詞罕聞頌聲交至未有爲陛下廷諍可否者願崇忠正以銷詭佞通諫諍以除壅蔽徽宗善之擢監察御史進殿中侍御史

三舍法行士子計等第頗事告訐公弼言設學校者要以仁義漸磨欲人有士君子之行願使之相告言非建學本意也又言刪定勅令官寺監丞簿比多以近臣執政子弟爲之未有資考不習政事請一切汰遣以開寒賤之路從之由右正言改左司諫論東南軍政之弊以有兵之籍爲無兵之技以太平之賦養無用之兵異日懼有未然之患其後賍盜起如其言太史保章正未汝楫目奉得罪而內侍失察者皆不坐公弼言是皆矯稱詔旨安得弗論請自今中旨雖不當覆者亦令有司審

議直

卷之二十一

手四 光緒堂

奏遷御史蘇杭造作局工成公弼陳擾民之害請革技巧之靡麗者稍罷進奉帝納之徙太常少卿遷起居郎兼定王嘉王記室故事初至官例得金縢之賜二百萬公弼辭不受大觀二年拜御史中丞京西轉運使張徽言欲因四方田籍增立汝襄鄧三州稅公弼以爲方田之制奠天下之地征正欲均其賦耳而徽言倍克重歛民何以堪詔罷之遂劾蔡京罪惡章數十上京始罷又言吏員猥冗及元豐舊制於是堂選歸吏部者數千員罷官廟者千員都水知塘六十員縣非大郡悉省丞在

京營事歸之戶部諸道市舶歸之轉運司仕途爲清蔡京雖上相印猶提舉修實錄公弼復言京盤旋京師無去志其餘威震於羣臣頗持必斷之決以消後侮又因星變言之竟出京杭州進兵部尚書兼侍讀上疏言崇寧以來臣下專務生事開邊興利營繕後役騷民根本因之飢饉汴西挽用花石農桑廢業徒弊所用以事無用宜使之休息以承天意以樞密直學士出知揚州事不逞爲俠於閭里自號亡命社公弼取其魁桀痛治社

議直

卷之二十一

手五 光緒堂

殿實簡督捕盡除之改述古殿直學士知襄州蔡京再輔政羅致其罪謫秀州團練副使台州安置踰年赦歸卒年五十五第公揆字道佐幼有至性親歿廬墓三年人稱其孝舉進士歷殿中侍御史高宗朝極論樞密使秦檜之奸章十餘上檜再相下公揆於建昌獄久不得釋以罪廢錮而歿于責問字叔訪當公揆下獄時責問年十四奉其母屏居苦學及檜死乃抱諫草叩關詔復公揆官併官責問歷知鄞縣治爲浙東諸邑最召拜司封郎責問居官盡心職業其論兩淮權場互市管田宜

莊之弊皆切於時。居家歲以三百斛給宗族之貧者。行尤著云。

參知政事唐子方介

唐介字子方。餘杭人。擢第爲武陵尉。調平江令。改知莫州。任丘縣。當遠使往來。驛吏以誅索破家爲苦。介坐驛門。令曰。非法所應給。一切弗與。稍毀吾器者。必執之。皆帖服以去。入爲監察御史。轉殿中侍御史。時張堯佐驟除宣徽節度。景靈羣牧四使。介與包拯吳奎等力爭之。奪其二使。無何復除宣徽使。知河陽。介謂同列曰。是欲

籛直

卷之二十一

手

光碧堂

與宣徽而假河陽爲名耳。不可但已也。而同列依違。介獨抗言。之仁宗謂曰。除擬本出中書。介遂劾宰相文彥博。守蜀造間。金奇錦緣閣寺通官掖以得執政。今顯用堯佐。蓋自固結請罷之。而相富弼帝怒。却其奏不視。且言將遠竄。介徐讀爭曰。臣忠憤所激。與錢不避。何待於謫。帝召執政示之曰。介論事是其職。至謂彥博出妃嬪致宰相。此何言也。進用冢司。豈應得預。時彥博在前。介責之曰。彥博宜自省。即有之。不可隱。彥博拜謝不已。帝怒益甚。貶春州別駕。王舉政以爲太重。改置英州而罷。

籛直

卷之二十一

手

光碧堂

彥博相。又慮介或道死。有殺直臣名。命中使護之。由是直聲動天下。士大夫稱真御史。必曰唐子方。而不敢名。未幾召爲殿中侍御史。人對帝勞之曰。卿遷謫以來。未嘗以私書至京師。可謂不易所守。介頓首謝。言事益無所顧。他日請曰。臣既任言責。言之不行。將固爭。爭之重。以累陛下。願得解職。遂換工部員外郎。直集賢院。出知揚州。徙江東。轉運使。御史吳中復言介不宜久居外。文彥博再當國。奏介向所言誠中臣病。願如中復言。然但徙河東。久之入爲度支副使。進天章閣待制。復知諫院。將自至和後。臨朝淵默。介言。君臣如天地。以交泰爲理。願時延羣下。發德音。可否萬機。以幸天下。御史中丞韓絳劾宰相富弼。弼家居求罷。絳亦待罪。介與王洵論絳以危法中傷大臣。絳罷。介嫌於右宰相。請外。以知荆南。勅過門下。知銀臺司。何郯封還之。留權開封府。旋以論罷。陳升之亦出知洪州。改河北都轉運使。樞密直學士。知瀛州。治平元年召爲御史中丞。明年以龍圖閣學士知太原府。夏人數擾代州邊。多築堡境上。介遣兵悉撤之。移諭以利害。遂不敢動。神宗立。以三司使召熙寧元

年并參知政事。先時宰相閱所進文書於待漏舍。同列不得聞。介謂魯公亮曰。身在政府。而文書弗與知。上或有所問。何辭以對。乃與同視。後遂以爲常。帝欲用王安石。公亮因薦之。介言其難。大任。帝曰。文學不可任。邪。吏事不可任。邪。對曰。安石好學。而泥古。故議論迂闊。若使爲政。必多所變更。退謂公亮曰。安石果用。天下必困擾。諸公當自知之。安石既執政。奏言。中書處分劄子。皆稱聖旨。不中理者。十八九宜止。令中書出牒。帝愕然。介曰。昔寇準用劄子。還馮拯官。不當採訴之。太宗謂前代中書用堂牒。乃權臣假此爲威福。太祖時。以堂牒重於勅命。遂削去之。今復用劄子。何異堂牒。張洎因言廢劄子。則中書行事別無公式。太宗曰。大事則降勅。其常用劄子。亦須奏裁。此所以稱聖旨也。如安石言。則是政不自天子出。使輔臣皆忠賢。猶爲擅命。苟非其人。豈不害國。帝以爲然。乃止。介自是數與安石爭論。安石強辯。而帝主其說。介不勝憤疽。發於背。薨。年六十。介爲人簡。伉。以敢言見憚。每言官缺。衆皆望介處之。觀其風采。神宗謂其先朝遺直。故大用之。然居政府。遭時有爲。而扼於安

卷之二十一

宋

光聖堂

石少所建明。聲名減於諫官。御史時比疾亟。帝臨問。泣復。幸其第。弔哭。以畫像不類。命取禁中舊藏本。賜其家。贈禮部尚書。謚簡肅。

翰林侍讀學士葉道卿清臣

葉清臣字道卿。烏程人。天聖二年舉進士。知舉劉均奇所對策。擢第二。宋進士以策擢高第。自清臣始。投太常寺奉禮郎。歷遷監鐵判官。上言九事。多閼切時務。識者韙之。遷太常丞。進直史館。京師地震。上疏言消復之術。頃范仲淹余靖以言事被黜。天下之人。嚮古不敢議朝政者。行將二年。願陛下深自咎責。召還忠直。敢言之士庶幾明。威降鑒而善應來。集書奏數日。仲淹等皆得近。徙尋以右正言知制誥。時陝西用兵。上言當今將不素畜兵。不素練財。無久積。小有邊警。外無驍將。內無重兵。舉西北二陲觀之。若獲落大瓠。外示雄壯。其中空洞。了無一物。脫不幸戎馬猖獗。腹內諸城。非可以計衛守也。自元昊僭竊。因循至於延州之寇。中間一歲矣。而屯戍無術。資糧不充。窮年畜兵。了不足用。連監牧馬。未幾已虛。使蚩蚩之氓。無所倚而安者。此臣所以孜孜憂大軼。

卷之二十一

宋

光聖堂

之穿也。今羌戎稍却，變詐亡窮，豈宜乘即時之小安，忘前日之大辱？又將泰然自處，則後目視今猶今之視前也。時西師未解，急於經費，中書進擬三司使。清臣初不在選，中帝曰：「葉清臣才可用，擢為起居舍人，龍圖閣學士，權三司使公事。」始奏編前後詔勅，使吏不能欺，簿帳之藁冗者一切刪去，內東門御厨皆內侍領之，凡所呼索有司不敢問，乃為合同以檢其出入，為呂夷簡所惡。出知江寧府，踰年入翰林為學士，知通進銀臺司。言者以清臣知兵宜守邊，而宰相陳執中素不悅清臣，即除

議直

卷之二十一

甲

光緒堂

翰林侍讀學士知邠州，進對改澶州，進尚書戶部郎中。徙知永興軍，浚三白渠，溉田踰六千頃。仁宗御天章閣，召公卿出手詔問當世急務，清臣聞之為條對極論。時政缺失，其言多劇切，惟貴且曰：「陛下欲息奔競，此繫中書。若宰相裁抑奔競之流，則風俗敦厚，人知止足。」宰相用儉倭之士，則貪榮冒進，激成渾波，向有職在管庫，日趣走時相之門，入則取街談巷言以資耳目，出則竊廟謨朝論以驚流輩。一旦皆擢職司，以酬所任。比日人士競踵此風，出入權要之家，時有三尸五鬼之號，乃列館

職，或置省曹，且臺諫官為天子耳目，今則不然，盡為宰相肘腋，宰相所惡以撻拾微瑕，公行擊搏，宰相所善則從而唱和，為之先容。中書政令不平，賞罰不當，則籍口結舌，未嘗敢言。人主纖微過差，或官闕小事，即極言過當，用為訐直，供職未逾歲時，遷擢已加常等。宋傳為御史，勸陛下宮中畜犬設棘，以為守衛，削弱朝體，取笑四夷，不加訶譴，擢為諫官。王達兩為湖南江西轉運使，所至苛虐，誅剝百姓，徒配無辜，特以宰相故舊，不次拔擢，遂有河北之行，如此是長奔競也。其他所列利害甚衆，

議直

卷之二十一

甲

光緒堂

會河決商湖，北道艱食，復以為翰林學士，權三司使。時清臣以河北之兵食自汴漕米，縣河陰輪北道者七十餘萬，又請發大名庫錢以佐邊糴，而安撫使賈昌朝格詔不從。清臣固爭，具疏其跋扈，不臣宰相方欲兩中之乃徙昌朝鄭州，罷清臣為侍讀學士，知河陽。卒贈左諫議大夫。清臣天資爽邁，遇事敢行，奏對無所屈，數上書論天下事。陳九議十要五和，皆當世可行者，有文集一百六十卷。

江西提舉劉宜

附

劉誼，長興人，舉進士，歷官江西提舉。時王安石秉政，變行新法，天下騷動，誼上疏力言不便，坐廢黜，隱於茅山。以終。子燾，元祐間進士，文章典麗，尤工書法，黃廷堅嘗稱之。謂羊欣後，生被命修閣帖十卷，有遺文五十卷，號見南山集。

吏部郎中劉孝叔述

魯孫岑附

劉述，字孝叔，歸安人，舉進士，爲御史臺主簿，累官都官員外郎。六年，不奏考功課，知審官院，胡宿言其沉靜，有守，特遷兵部員外郎。歷刑部郎中，神宗立，召爲侍御史。

韓直

卷之二十一

聖

光緒堂

韓直，字子平，又十一年，不奏課，帝知其久次，授吏部郎中。嘗言：去奢當自後宮，始章辟光宜誅，高居簡宜黜，張方平不當參大政，王拱辰不當除宜徽使，皆不報。王安石參知政事，帝下詔，專令中丞舉御史，不限官高卑，趙抃爭之，弗得。述言：舊制，舉御史官須中行員外郎至太常博士，資任須實歷通判，又必翰林衆學士，與本臺丞、雜互舉。蓋衆議，金舉則各務盡心，不容有偏蔽私愛之患。今專委中丞，則愛憎在於一已，若一一得人，猶不至生事，萬一非其人，將受權臣囑託，自立黨援，不附已者，得以

中傷，媒孽誣陷，其弊不一。夫變更法度，其事不輕而止，是參知政事二人同書劄子，且宰相富弼嘗謂告魯公亮已入朝，臺官今不關人，何至急疾如此？願收還前旨，俟弼出，與公亮同議，然後行之。弗聽。述兼判刑部，安石爭謀殺刑名，述不以爲是，及勅下，述封還中書奏，執不已。安石白帝，詔開封府推官王克臣劾述罪，於是述率御史劉瑄、錢顗共上疏劾安石，以爲陛下任賢求治，常若飢渴，故置安石政府，必欲致時如唐虞，而反撻管商，權詐之術，規以取媚，遂與陳升之合謀，侵三司利柄，取爲己功，開局設官，用八人者，分行天下，驚駭物聽，動搖人心。先朝所立法度，自宜世子孫守而勿失，乃欲事事更張，廢而不用。安石自應舉歷官，尊尚堯舜之道，以倡率學者，故士人之心靡不歸向，謂之爲賢。陛下亦聞而知之，遂正位公府，遠時得君如此之專，乃肯建財利之議，務爲容悅，言行乖戾。一至於此，剛愎自任，則又甚焉。姦詐專權之人，豈宜處之廟堂，以亂國紀？願早罷逐，以慰安天下。元元之心。疏上，安石奏先貶瑄、顗，監處衢州鹽務。司馬光乃上疏曰：臣聞孔子曰：守道不如守官。

韓直

卷之二十一

聖

光緒堂

孟子曰有言責者不得其言則去此古今通義人臣之大節也彼謀殺已傷自首刑名天下皆知其非朝廷既違衆議而行之又以守官之臣而罪之恐失天下之心夫食鷹鷂者求其鷙也鷙而烹之將安用哉今琦顓所坐不過疏直乃以迂犯大臣俱加譴謫恐臣下自此以言爲諱乞還其本資以靖羣聽不報開封獄具述三問不承安石欲置之獄光又與范純仁爭之乃議貶爲通判帝不許以知江州踰歲提舉崇信觀卒年七十二紹興初贈秘閣修撰曾孫岑偁儻有高義官至戶部侍郎

韓直

卷之二十一

四庫

光緒堂

知鄧州謝希深絳

謝絳字希深富陽人太子賓客濤之子以父任試秘書省校書郎舉進士中甲科授奉禮郎知汝陰縣善議論喜談時事嘗論四民失業數于言楊億薦絳文章召試權秘閣校理判登聞鼓院吏部南曹天聖中天下水旱蝗起河決滑州絳上疏曰去年京師大水敗民廬舍河渠暴溢幾冒城郭今年苦旱百姓疫死田穀集稿秋成絕望此皆大異也按洪範京房易傳皆以爲簡祭祀逆天時則水不順下政令逆時水失其性則壞國邑傷稼

韓直

卷之二十一

四庫

光緒堂

稽顙事者知誅殺絕理則大水殺人欲德不用茲謂張厥災荒上下皆蔽茲謂歸其咎旱天道指類示戒大要如此陛下夙夜勤苦思有以上塞時變固宜策告殃咎變更理化下罪已之詔修順時之令宣羣言以導壅斥近佞以損陰而聖心優游重在改作號令所發未聞有以當天心者夫風雨寒暑之於天時爲大信也信不及於物澤不究於下則水旱爲沴近日制命有信宿輒改適行遽止而欲風雨以信其可得乎天下之廣萬機之衆不出房闕豈能盡知而在廷之臣未聞被數刻之召吐片言之善朝夕左右非恩澤卽佞倖上下皆蔽其應不虛比來奸邪者易進守道者數退政出多門俗喜山徑聖心固欲盡得天下之賢能分職受業而宰相方考資進吏無敢建白欲德不用之應又可驗矣今陽驕莫解蟲孽漸熾河水妄行循依違之跡行尋常之政臣恐不足回靈意塞至戒古者穀不登則虧膳災屢至則降服凶年不塗墍願下詔引咎損大官之膳避路寢之朝許士大夫斥諱上聞譏切時病罷不急之役省無名之歛勿崇私恩更進直道宣德流化以休息天下至誠動

天惠浹於下，豈有時澤之艱哉？仁宗嘉納之，與修真宗國史，遷祠部員外郎，直集賢院，以父濟官西京，年老，請通判河南府，移書丞相言歲凶，宜勿治嵩山官絳，雖在外，猶數論事，惟開封府判官言蝗，亘田野，全入城郭，跳擲官寺井園，皆滿，魯三書螟螣，梁以爲哀，公用田賦，虛取於民，朝廷歛弛之法，近於廢，平以臣愚所聞，似吏不甚稱，而召其變，凡今典城牧民，有專方面之勢，才者掠取功名，以嚴急爲術，或辨僞無實，數蒙獎錄，愚者期會簿書，畏首與尾，二者政殊，而同歸於弊，夫爲國在養民，

卷之二十一

聖平 光緒堂

葉直
養民在擇吏，吏循則民安，氣和而災息，願先取大州邑數十，詔公卿以下舉任州守者，使得自辟屬縣令，長務求術，略不限資考，然後寬以約束，許便宜從事，暮年條上理狀，或徙或留，必有功化風迹，異乎有司以資而任之者，焉？漢時詔問京房災異可息之術，房對以考功課吏，臣願陛下傳訪理官，除煩苛之命，申飭計臣，損聚歛之役，勿起大獄，勿用躁人，務靜安，守淵默，傳曰：大侵之禮，百官備而不制，言省事也。如此而沴氣不弭，嘉休不至，是靈意滿闕而聖言罔感，歟？會郭皇后廢，引申后褒

嬖事以諷，徙度支判官，言宜裁節歲用，禁斥奢靡，又請罷內降詔，今皆由中書樞密，然後施行，因進聖治箴五篇，擢知制誥，判流內銓，覈舊官圭田之實，以多寡爲差，知鄧州，修復召信臣六堰，壅水溉田，未就而卒，年四十六，絳以文學知名，一時爲人修潔蘊藉，平居宴然，論事果敢，節操凜如所至，大典學舍嘗請諸郡立學，在河南修國子學，教諸生，自遠而至者數百人，好施宗族，結賓客，以故卒之日，家無餘貲，有文集五十卷。

全部員外郎將彥昭浚明

葉直

卷之二十一

聖平 光緒堂

彥昭浚明，字彥昭，其先自常州徙居奉化，神宗朝，浚明以布衣詣闕，上書論君子小人之黨，言極剴切，上嘉納之，授溧陽縣簿，辭弗就，豐稷上疏薦之，稱浚明當聖治之朝，矢肥遁之志，懷材抱德，不鳴不躍，若不及時，登之廟廊，資其黼黻，悉貴髮槁於丘園，白駒馳於空谷，除大理評事，歷官全部員外郎，新法行，浚明上疏言其不便，執政大怒，擬竄遠方，豐稷以其母老，力爭之，授無爲軍司戶，遷建康戶曹，政有不便者，輒與上官爭，必改絃而後已，雖屢遭呵遣，不顧也，終以是坎壈死，論者謂其持身

立朝堅剛正立有寒寒匪躬之節位不酬德君子惜之
顯謨閣待制孫叔靜

孫馨字叔靜錢塘人年十五游太學補洵縣南稱之用
父任調武平尉捕獲名盜數十謝實不受再調越州司
法參軍守趙州薦其才知偃師縣蒲中優人說僧服隱
民間以不語惑眾相傳有異法奔奏其門馨收按姦狀
立伏辜除提舉廣東常平徽宗初召為屯田員外郎馨
微時與蔡京善常曰蔡子貴人也然才不勝德恐貽天
下憂至是京還朝遇諸塗既見京通謂曰我若用於天
下

謹重

卷之三十一

早八 光碧室

子願助我馨曰公誠能謹守祖宗之法以正論輔人主
示節儉以先百吏而絕口不言兵天下幸甚馨何為者
京默然既相出提點江東刑獄未幾入為少府少監戶
部郎中縣官用度無藝馨與尚書省孝廣侍郎許幾謀
曰日增一日歲增一歲天下之財豈能給哉共疏論之
當國者不樂孝廣幾由是罷徙馨開封遷太僕卿殿中
少監四輔建以顯謨閣待制知曹州論經始規畫之勞
轉大中大夫徙鄆州邑人子為草祭之謠指切蔡京馨
以聞京怒使言者証以他謗提舉鴻慶宮起知單州遂

致仕靖康二年卒年八十六贈銀青光祿大夫謚曰通
靖馨篤於行義在廣東時燕軾謫居惠州極意與周旋
二子娶晁補之黃廷堅女黨事起家人危懼馨一無所
顧時人稱之

集賢殿修撰朱行中服

朱服字行中烏程人熙寧進士甲科以淮南節度推官
充修撰經義局檢討歷國子直講秘閣校理元豐中擢
監察御史裏行忝知政事章惇遣所善袁默周之道見
服道薦引意以市恩服舉劾之惇補郡免默之道官受
服道

謹重

卷之三十一

早九 光碧室

詔治朱明之獄故事制獄許上殿非本章所云者皆取
旨服論其非是罷之俄知諫院遷國子司業起居舍人
以直龍圖閣知潤州旋徙廬廬人飢守便宜振護全活
十餘萬口明年大疫又課醫持善藥分療之賴以安者
甚眾紹聖初召為中書舍人使遠未返而母死詔以其
家貧賜帛三百喪除拜禮部侍郎坐事請知萊州徽宗
即位加集賢殿修撰再為廬州未幾徙廣州哲宗既祥
服賦詩有孤臣正泣龍髯草之句為部使者所上黜知
袁州又坐與蘇軾游貶海州團練副使新州安置改典

國軍卒

江夏尉王成德公彥

王公彥字成德永嘉人與兄公輔同登紹聖進士第調江夏尉元符末上書論宣仁無負於先帝司馬光無負於天下且言章惇迷國誤朝之罪與李林甫盧杞度長較短未知孰甚由是廢斥入元符黨籍紹興初褒錄轉官奉祠而終

左諫議大夫毛聖可注

毛注字聖可西安人舉進士歷知南陵高苑富陽三縣

讜直

卷之二十一

辛

光緒堂

皆以治辨稱御史中丞吳執中薦爲御史詔賜對未及而執中罷注辭焉徽宗固命之既見謂曰今士大夫方寡薰鮮耻而卿獨知義命故獨召卿卽以爲主客員外郎俄擢殿中侍御史蔡京免相留京師注疏其擅持威福動搖中外以葉夢得爲腹心交植黨與帝遂夢得而遷注侍御史遂極論京受孟珙妖好之書與逆人張懷素游處引凶朋林摠置政府用所親宋喬年尹京其門人播傳咸謂陛下恩眷不衰行且復用於是論者相繼京遂致仕四年彥再見注又言臣累論蔡京罪積惡大

天人交譴雖罷相致政猶怙恩恃寵偃居賜第以致上

天威怒推原其咎實在於京考京之罪蓋不可以縷數

陛下去黨籍以開自新之路京疾其異已而別爲防禁

陛下頒明詔以來天下之言京惡其議已而重致於法

以嚴刑峻法賜持海內以美官重祿交結人心錢鈔屢

更而商賈不行邊事數出而國力大匱聲焰所震中外

憤疾宜早令去國消弭災咎奏上京始出居錢塘注復

采當世之急務曰省邊事足財用收士心禁技巧大略

謂近年以來邊民僥倖苟得昔所入貢者今必城爲郡

讜直

卷之二十一

辛

光緒堂

縣昔所聘廉者今盡納其土疆以內地金帛而事窮荒不可計之廢今黔南已有處分如夔渝新邊宜在裁省運塩昔主於漕計今移於他司常平昔積於外州今輸於都下經費安得不匱財貨何以轉移願詔有司悉講復元豐舊制湯之遭旱以士大夫失職爲辭今學校養士蓋有常額額外之人不復可預教養歲貢之餘略無可進之地願留貢籍三分暫存科舉以待學外之士使無失職東南造作奇玩花石綱舟與後苑工徒京城營繕並宜暫罷以甦民困凡此皆聖政之所當先人心悅

則天意解矣注所論切於世務類此遷左諫議大夫張
商英爲相言者攻之力注亦言其無大體罷提舉洞霄
宮居家數年卒建炎末追復諫議大夫

兩浙名賢錄卷之二十一終

謹直

卷之二十一

五

光碧堂

兩浙名賢錄卷二十二月次

謹直

宋二

吏部尚書虞經臣策

禮部尚書豐相之稷

左正言陳秀實承

左司員外郎江民表公望

禮部侍郎衛商彥膚敏

吏部尚書劉希范珪

侍御史章德文服

子孫附

參知政事沈必先與求

中書舍人劉行簡一止

弟附

中書舍人舒伯原清國

子附

吏部尚書王仲行希呂

徽猷閣待制陳德應棠

謹直

卷之二十二

一

光碧堂

太子詹事陳邦彥良翰

禮部侍郎陳國佐公輔

中書舍人潘子賤良貴

起居舍人薛德老徽言

中書舍人程致道俱

吏部尚書吳正仲表臣

御史中丞何伯壽鑄

徽猷閣待制季延仲陵

殿中侍御史江元壽躋

從子附

公亮

司農少卿莫濟

吏部侍郎凌季文景夏

吏部尚書何通遠溥

監察御史樊茂實光遠

淮東提舉任元受盡言

工部尚書張大猷開

國子博士徐子雲履

監察御史沈元簡大薰

吏部侍郎胡嘉言

禮部尚書蔣世修繼周

諫議大夫梁元功仲敏

禮部尚書胡嗣儋沂

左司諫王頴彥庭秀

監察御史婁頤明寅亮

吏部尚書陳天與良祐

兵部尚書薛象先叔似

兩浙名賢錄卷二十二目次終

謹直目次

卷之二十二

二

光碧堂

兩浙名賢錄卷之二十二

東海徐象梅仲和氏撰

當湖陸澄原嗣端父閱

謹直

宋二

吏部尚書虞經臣策

虞策字經臣錢塘人登進士第調台州推官知烏程縣

擢提舉利州路常平湖南轉運判官元祐五年召為監

察御史進右正言數上書論事時西夏未順命策言今

謹直

卷之二十二

一

光碧堂

邊備解弛戎政不修古之人善鎮靜者警備甚密務持
重者謀在其中未有鹵莽踈濶而曰吾鎮靜吾持重者
又乞詔內而省曾寺監外而監司守令各得以職職陳
朝政闕失百姓疾苦會星文有變乞順天愛民警戒萬
事思治心修身之道勿以宴安為樂哲宗納后上正始
要言遷左司諫權給事中禮部侍郎曾肇以議北郊事
與朝論不合免為徐州策還其命以為肇禮官也不當
以議禮得罪不從帝親政策條所當先者五十六事後
多施行遷御史起居郎給事中以龍圖閣待制知青州

改杭州過闕留爲戶部侍郎歷刑部戶部尚書拜樞密直學士知永興軍入爲吏部尚書疏奏徽宗請深裁浮冗以寬用度屬疾祈外加龍圖閣學士知潤州卒於道年六十六贈正議大夫弟奕自有傳

禮部尚書豐相之稷

豐稷字相之鄞人登第爲穀城令從安燾使高麗海中大風檣折舟幾覆衆惶擾莫知所爲稷獨神色自若燾歎曰豐君未易量也知封丘縣神宗召對問卿昔在海中遭風何以不畏對曰巨浸連天風濤固其常耳憑伏

藁直

卷之二十二

干

光碧堂

威靈尚何畏帝悅擢監察御史治參知政事章敦請託事無所移撓出倅陳州徙著作佐郎吏部員外郎提點利州成都路刑獄哲宗立召拜殿中侍御史時劉奉世冊立夏國嗣子乾順而乾順來賀坤成節奉世遂出境稷劾之奉世以贖論遷右司諫楊荆二王爲天子叔父尊寵莫竝客令蜀道織錦茵稷於正衙論曰二聖以儉先天下而宗王奢侈官吏奉承皆宜糾正既退御史趙峴謂曰聞君言使峴汗流浹背改國子司業歷祭酒除刑部侍郎兼侍讀元祐八年春多雪稷言今嘉祥未臻

沴氣交作豈應天之實未充事天之禮未脩畏天之誠

未孚歟官掖之臣有關預政事如天聖之羅承勛江德

明治平之任守忠者歟願陛下昭聖德祗天威總正萬

事以消災祥帝親政召內侍居外者樂士宣等數人稷

言陛下初親萬機未聞登進忠良而首召近幸恐上累

大德以集賢院學士出知潁州江寧府拜吏部侍郎又

出知河南府加龍圖閣待制章惇欲困以道路連歲亟

徙六州徽宗立以左諫議大夫召道除御史中丞入對

與蔡京遇京越班揖曰天子自外服召公中執法今日

藁直

卷之二十二

干

光碧堂

必有高論稷正色答曰行自知之是日論京姦狀而陳壘江公望皆言之未能動稷語陳師錫等曰京在朝吾屬何面目居此擊之不已京遂去翰林又乞辨宣仁誣謗之禍且言史臣以王安石日錄亂神宗實錄今方修哲宗實錄願申飭之時宦官漸盛稷懷唐書仇士良傳讀於帝前數行帝曰已諭稷爲若不聞者讀畢乃止曾布得助嬖昵將拜相稷約其僚共論之俄轉工部尚書兼侍讀布遂相稷謝表有佞臣之語帝問爲誰對曰曾布也陛下斥之外郡則天下事定矣改禮部哲宗升附

韓直

卷之二十二

四 光碧堂

議大臣配饗稷以爲常。用司馬光呂公著或謂二人常得罪不可用。稷曰：此論其有功於時。爾如唐五王豈非得罪於中宗？何嫌於配饗？又言陛下以建中靖國紀元，臣謂尊賢納諫，舍已從人是謂建中，不作奇技淫巧使近習擅權是謂靖國。以副體元謹始之義，稷盡言守正，帝待之厚，將處之尚書左丞，而積迂貴近不得留，竟以樞密直學士守越。蔡京得政，修故怨，貶海州團練副使，道州別駕，安置台州。除名徙建州，稍復朝請郎，卒年七十五。建炎中，追復學士，謚曰清敏。初，文彥博嘗品稷爲人，似趙抃及賜諡，皆以清得名。稷三任言責，每草疏必密室，子弟亦不得見，退多焚稿，未嘗以時政語人所薦士。如張庭堅、馬涓、陳瓘、陳師錫、鄒浩、蔡肇，皆知名當世。

左正言陳秀實

陳禾字秀實，鄆人。舉元符進士，累遷國子博士。時方以傳註記問爲學，禾始崇尚義理，黜抑浮華。入對，辨青羅監察御史時天下久平，武備寬弛，東南尤甚。禾請增戍繕城壁，以戒不虞，或指爲生事，格不下。其後盜起，人服其先見。遷左正言，俄除給事中。時童貫權益張，與黃經

韓直

卷之二十二

五 光碧堂

臣胥用事，御史中丞盧航表裏爲奸，播紳側目。禾曰：此國安危之本也。吾位言責，此而不言，一遷給舍，則非其職矣。未拜命，首抗疏劾貫，復劾經、臣、佑、寵，用權誇炫，朝列每云詔令皆出其手。言上將用某人，舉某事，已而詔下，悉如其言。夫發號施令，國之重事，黜幽陟明，天子大權，奈何使宦寺得與臣之所憂，不獨經、臣此塗一開，類進者衆，國家之禍有不可遏。願亟竄之遠方，論奏未終，上拂衣起，禾引上衣請畢其說，衣裾落。上曰：正言碎朕衣，禾言陛下不惜碎衣，臣豈惜碎首以報陛下。此言今

日受富貴之利，陛下他日受危亡之禍，言愈切，上變色曰：卿能如此，朕復何憂？內侍請上易衣，上却之曰：留此以旌直臣。翌日，貫等相率前訴，謂國家極治，安得此不祥語？盧航奏禾狂妄，謫監信州酒稅。遇赦，得自便還里。初，陳瓘歸自嶺外，居於鄆，與禾相好，遣其子正彙從學。後正彙告京罪，執請闕，瓘亦就逮。經、臣、范其獄，檄禾取證，禾答以事有之，罪不敢逃，或謂其失對，禾曰：禍福死生，命也，豈可以死易不義耶？願得分賢者罪，遂坐瓘黨。停官遇赦，復起知廣德軍，移知和州，改秀州。王黼新得

政禾曰：安能出黼門下力辭？改汝州。辭益堅，曰：寧餓死耳。黼聞而銜之。禾兄秉時爲壽春府教授，禾侍兄官居適童貫領兵道府下，謂不得入，餽之不受。貫怒，歸而譖之上，曰：此人素如此，汝不能容耶？久之，知舒州，命下而卒。贈中大夫，謚文介。禾性不苟合，立朝挺挺有風操，有易傳九卷春秋傳十二卷行於世。

左司員外郎江民表公望

江公望，字民表，嚴州人。舉進士，建中靖國元年，由太常博士拜左司諫。時御史中丞趙挺之與戶部尚書王古

韓直

卷之二十二

六

元碧堂

用赦恩，理逋欠，古多所蠲釋，挺之劾古傾天下財以爲私惠，公望以爲天子登極大赦，將與天下更始，故一切與民，豈容古行私惠於其間？乃上疏曰：人君所以知時政之利病，人臣之忠邪，無若諫官御史之爲可信。若挾情肆誣，快私忿以罔上聽，不可不察也。臣聞挺之與古論事每不相合，屢見於辯氣，懷不平之心，有待而發，但語有之私事官仇，此小人之所不爲，而挺之安爲之？豈忠臣乎？又上疏曰：自哲宗有紹述之意，輔政非其人，以媚於己，爲同忠於君，爲異一語不合時學，必曰爲流俗。

一談不侔時事，必指爲橫議，借威權以快私隙，必以亂君臣父子之名分，感動人主，使天下騷然，秦陵不得盡繼述之美，元祐人才皆出於熙寧，元豐培養之餘，遭紹聖竄逐之後，存者無幾矣。神考與元祐之臣，其先非有射鈞斬祛之隙也，先帝信仇人而斥之，陛下若立元祐爲名，必有元豐紹聖爲之對，有對則爭興，爭興則黨復立矣。陛下改元詔旨，亦稱思建皇極，蓋嘗端好惡以示人，本中和而立政。皇天后土實聞斯言，今若欲淪之，奈皇天后土何？內苑稍畜珍禽異獸，公望力言非初政所宜，它日入對，帝曰：已縱遣之矣，惟一白鵬畜之久，終不肯去，先是帝以柱杖逐鵬，鵬不去，乃刻公望姓名於杖頭以譏其諫，坐論救蔡府獄，出知淮陽軍，未幾召爲左司員外郎，以直龍圖閣出知壽州，蔡京爲政，編管南安軍，遇赦還家，卒。建炎末，與陳確同贈右諫議大夫。

禮部侍郎衛商彥膚敏

衛膚敏，字尚彥，秀州華亭人。登宣和元年進士，歷官秘書省校書郎，假給事中使金，行及慶源，逢許亢宗還，語金國事曰：彼且大入，其勢不可恃。膚敏至燕，報愈急，衆

韓直

卷之二十二

七

光碧堂

謹直

卷之二十二

人 光碧堂

懼不敢進。膚敏叱曰：「吾將君命以行，其可止乎？」既至金國，知其兵已舉，殊不為屈。及將還，金人口答國書，欲以押字代璽。膚敏力爭曰：「押字豈所以交隣國論難往還？卒易以璽，金人積不悅，中道羈留。靖康初，始還進三官。遷吏部員外郎。建炎元年，遷衛尉少卿，建議兩河諸郡宜降，蠲書許以世襲，使各堅守陝西、山東、淮南諸路，並令增埤浚隄，徙民入城，為清野計。」命大臣留守汴京，車駕早幸江寧。帝頗納之。遷起居舍人，請正前日屈節敵人之與委質偽命者，宜次第其罪，大則族，次則誅，其次竄。下則斥之遠方，終身不齒，豈可猶俾祠祿以壓班列？又言：「今二帝北遷，寰宇痛心，願陛下愈自貶損，不忘報辱卑宮室，非飲食惡衣服，減嬪御，斥聲樂，以至歲時上壽，春秋錫宴，一切罷之。雖享郊廟，亦不用樂，必俟兩宮還闕，然後復常庶幾精誠昭格，天地感動，人心拜右。諫議大夫兼侍讀，奏凡黜陟，自中出者，皆由三省，乃得奉行。或疾祖宗成憲者，皆許執奏。時后父邢煥除徽猷閣待制，太后兄子孟忠厚顯謨閣直學士，膚敏言：「非祖宗法，煥尋換武職，而忠厚自若，俄遷膚敏中書舍人，膚敏

謹直

卷之二十二

人 光碧堂

奏曰：「昔司馬光論張方平不當參知政事，自御史中丞遷翰林學士，光言以臣為是，則方平當罷。以臣為非，則臣當貶。今兩無所問而遷臣，臣所未諭。臣雖不肖，願附於司馬。」光又言事母后莫若孝，待戚屬莫若恩，勸臣下莫若賞，令陛下順太母以非法，非所謂孝。處忠厚以非分，非所謂恩。不用臣言而遷其官，非所謂賞。一舉而三失矣。帝命宰相諭膚敏曰：「朝廷以次遷官，非因論事也。膚敏猶不拜。居家踰月，及忠厚改承宣使，詔后族勿除從官，膚敏始拜命。又言中書根本之地，舍人所掌，不特演綸而已。凡命令不合公議者，率封還之。會知貢舉，坐註誤，以集英殿修撰提舉洞霄宮。三年，召赴行在，時帝次平江，膚敏入見，言及時事。泣下，帝亦泣曰：「卿今宜知無不言有請，不以時對。」膚敏謝曰：「臣頃嘗三為陛下言揚州非駐蹕之地，乞早幸江寧。今錢塘亦非帝王之都，宜順事定，亟還金陵。因陳所以守長江之策，帝善其言。翌日再對，得疾，然猶力疾。扈蹕至臨安，俄除刑部侍郎。未拜，謁告歸華亭，就醫許之。遷禮部侍郎，初膚敏又疾，卧舟中，不能朝。時苗劉之變，帝未反正，宰相朱勝非言

隆祐太后以膚敏稱疾坐觀成敗無人臣節及卒始明其非僞云年四十九特贈大中大夫

吏部尚書劉希范珪

劉珪字希范長興人崇寧五年進士擢監察御史坐言事知舒州留爲主客員外郎靖康初除中書舍人陳十開端之戒時李綱以觀文殿學士知揚州中書舍人安扶持不可珪言韓琦好水之敗韓絳西州之敗皆不免黜責綱勇於報國銳於財兵聽用不審數有敗珪宜降黜以示懲戒綱改官祠吏部侍郎馮淵言珪持兩端爲

黨直

卷之三十三

光碧室

綱游說提舉亳州明道官建炎元年復召爲中書舍人至泗州上言金人尚有屯河北者萬一猖獗而南六飛豈能無警乞早賜行幸西兵驍勇宜留以爲衛西京舟船恐金人藉以爲用並令東下時李綱已議營南陽珪未知也既至極言南陽兵弱財車乘輿無所取給乞駐蹕金陵以待敵江伯彥黃潛善皆主幸東南帝遂如揚州遷給事中論內降營膳二事口陛下以前朝房臨而建承慶院議者以爲營造寔廣以隆祐太后時有御筆議者以爲內降數出蓋除授不歸中書工役領之內侍

此人言所以藉藉也營繕悉歸有司中旨皆許執奏則

衆論息矣遷吏部侍郎同修國史言淮甸備敵兵食爲先今以陷卒爲見兵以糧本爲見糧無一可恃維揚城池未修軍旅多闕卒有不虞何以待之已而金人果乘虛大入帝亟如臨安以久雨詔求直言珪疏論消天變收人心數事詞極激切并陳荆陝江淮守禦之略願申詔大臣悉屏細務惟謀守禦自京及荆淮之郡置大帥屯勁兵命沿江之守各上措置之方明斥堠設險阻節大府之出廣大農之入檢察戰艦而習之則守禦詳盡

黨直

卷之二十二

光碧室

人心安而天意回矣遷吏部尚書隆祐太后奉神主如江西詔珪爲端明殿學士樞同知三省樞密院事從行金人攻吉州分兵追太后舟至太和縣衛兵皆潰珪奉太后退保處州上書自劾踰嶺俟命落職提舉江州太平觀尋責授秘書少監貶衡州未幾卒年五十五紹興八年追復龍圖閣學士有吳興集三十卷

侍御史章德文服

章服字德文永康人紹興二年進士歷官朝請郎知建州軍糧久不給軍人洶洶爭走訴馬前時庫錢不能三

韓直

卷之二十二

主

光碧堂

萬緒服徐論之曰汝輩第歸營得一月當次第給矣立按稅籍得豪民奸胥要領及期軍用沛然於是省教條寬科率與吏民相安於法守而州以大治改知鄂州州額秋租纔五千而上供至萬斛他頃稱是服按酒稅籍得贏錢立辦人以爲神而服戚焉若不自得也改提舉兩浙常平除吏部員外郎再遷侍御史上言祖宗之大仇未報中原之故地未服膏腴之志可少忘乎歆好常敗於變詐師旅或興於無名歟血之好可久恃乎至於淮堧瘡痍江浙飢饉邦財未裕軍政久隳士風壞於奔競朝綱撓於私曲此皆當今急務不宜以壓兵而置度外也又上言願以財賦邊備二事專委大臣集羣臣之說參訂其可行者初朝廷常簡諸路廂禁獄軍就閱行在所籍爲忠勇軍約以防秋遣還所在郡久留未遣軍人不堪相率詣臺自言服爲移牒樞密院不報卽上言足食足兵爲政之先務聖人以爲必不得已則去兵去食而信終不可去今因兵而失信無乃不可上語服曰此軍朕所自閱費不知限數而欲盡遣邪服曰臣所不知也臣所知者人情事體耳上曰然則當盡逃乎服曰

韓直

卷之二十二

主

光碧堂

今逃數雖可掩而人心動一旦空營迸裂不捕則廢法捕之則相率旅拒損威失體重爲天下笑上曰當與大臣議之數日服又上言今逃數已不可掩急遣又患無及上曰前日議猶未定服曰議未定者是不可之辭也臣言不行無所逃罪重爲朝廷惜此舉動耳樞臣迎合聖意得無悔乎上領之曰更當徐議虞允文時知樞密院事一日召戚方議之事復寢一軍竄逃無留者又相與拒聞不可捕將校以下皆貶官而方獨放罪服遂上章併劾允文挾私任情連章不已允文竟罷去中官梁彥俊幹辦皇城司轉官不行臺謝服劾其廢法彥俊坐論贖會服除吏部侍郎辟免彥俊摘其章有不遜語上大怒謫判汀州居住在大門七年杜門親書世念泊如也得旨放還提舉江州太平興國宮卒年六十八子沐淳熙甲辰進士歷官右文殿修撰時陳賈貶道學傑與劉光祖極論道學之正光宗嘉納及趙汝愚罷相傑復與章穎抗疏劾韓侂冑生罷官歸寶慶間召爲宗正少卿兼侍講卒諡少師傑子埴咸淳末都城失守浙東諸郡多陷時衛益二王在福州埴念自祖服以來世受國

恩與弟堅捐家貲募忠勇得義勇數千收復婺城制置使李珪以聞授靖直秘閣知婺州堅主管官誥通判衢州與元兵力戰於丁鼠山援絕城陷堦與暨皆死之永嘉吳洪傳其事

參知政事沈必先與求

沈與求字必先德清人登政和五年進士第歷官明州通判以薦召對除監察御史疏論執政不報遷兵部員外郎自劾以爲言苟不當不應得遷上乃行其言除殿中侍御史上在會稽或勸幸饒信有急則入關與求以

謹直

卷之二十二

十四

光碧堂

爲今日根本正在江浙宜進都建康以圖恢復論范宗尹年少爲相恐誤國事上不悅以直龍圖閣知台州宗尹罷召還再除侍御史時方多事百司稽違與求援元豐舊制請許臺諫官彈奏上從之與求再居言路或疑凡范宗尹所引用者將悉論出之與求曰近世朋黨成風人才不問賢否皆視宰相出處爲進退今當別人才邪正而言之豈可謂一時所用皆不賢哉人服其言遷御史中丞時禁衛寡弱諸將各擁重兵與求言漢有南北軍唐用府兵彼此相維使無偏重之勢今兵權不在

謹直

卷之二十二

十五

光碧堂

朝廷雖有樞密院及三省兵房尚書兵部但行文字而已願詔大臣益修兵政助成中興之勢浙西安撫劉光世來朝以繒帛方物來獻上已分乞六宮與求奏今爲何時而有此獻時已暮疏入上命追取斥還諜報劉豫在淮陽造舟議者多欲於明州向頭設備與求言使賊舟至此則入吾腹心之地臣聞海舟自京東入浙必出泰州石港通州料甬崇明鎮等處次至平江南北洋次至秀州金山次至向頭又聞料甬水勢湍險必得沙上水手方能轉運宜於石港料甬等處拘收水手優給錢糧而存養之以備緩急與求歷御史三院知無不言前後幾四百奏其言切直自敵已已下有不能堪者上時有所訓勅每曰汝不識沈中丞邪遷吏部尚書拜參知政事五年兼權知樞密院事時張浚視師江上以行府爲名言知泰州邵彪及其管田利害事乞送尚書省有旨從之與求不能平曰三省樞密院乃奉行行府文書邪六年張浚復欲出視師不告之同列及得旨乃退而歎曰此大事也吾不與聞何以居位遂丐祠罷出知明州七年召同知樞密院事無何薨贈銀青光祿大夫謚

曰忠敏

中書舍人劉行簡一止 弟寧止附

劉一止字行簡歸安人試太學有司欲舉八行一止曰行者士之常不就登進士第歷官勅令所剛定官紹興初召試館職輪對稱旨除中書省校書郎考兩浙類試以科舉方變欲得通時務者同列皆患無其人一止出一卷口是真爲首啓號乃張九成也衆皆厭服遷監察御史時庶事草創有司以吏所省記爲法吏竝緣爲姦一止曰法令具在吏猶得舞文矧一切聽其省記所欲

蕭直

卷之二十一

宋

光碧堂

與則陳與例欲奪則陳奪例與奪在其牙頰患可勝言哉請以省記之文刊定頒行庶幾絕姦吏弄法受財之弊從之踰年而書成秦檜請置修政局一止言宜王內修政事修其外攘之政而已今之所修特簿書獄訟官吏遷降土木營建之費未見所當急也又謂人才進用太遽仕者或不由銓選朝士入而不出外官雖有異能不見召用非軍事而起復皆侍門不塞之故請選近臣曉財利倣唐劉宴法潁江置司以制國用鄉村置義倉以備水旱增重監司之選後多採用其言遷起居郎奏

蕭直

卷之二十二

宋

光碧堂

事帝迎語曰朕親擢也縣六察遷二史祖宗時有幾一止謝先朝惟張徽李悅耳囚極陳堂吏宦官之姦執政植私黨無憂國心翌日罷主管台州崇道觀召爲祠部郎知袁州復除起居郎擢中書舍人兼侍講時莫將賜出身除起居郎一止奏將以上書助和議驟自太府丞綴從班前此未有臣乃與將回命願并臣罷之不報遷給事中徐偉達者嘗事張邦昌爲郎得知池州一止言偉達既仕僞廷今付以郡無以示天下孟忠厚乞試郡一止言后族棄文如忠厚雖可爲郡他日有援例者何以却之汪伯彥知宣州入覲詔以元帥府舊人特依見任執政給俸一止言伯彥誤國之罪天下共知以郡守而例執政殆與異時非待制而視制待非兩府而視兩府者類矣帝皆爲罷之於凡貴近之請雖小事亦論執不置御史中丞廖剛謂其僚曰臺當有言者皆爲劉君先矣居瑣闥百餘日繳奏不已用事者始忌奏一止同周葵薦呂廣問迎合李光罷提舉江州太平觀進敷文閣待制尋落職罷祠秦檜死召至國門以病不能拜力辭進直學士致仕卒年八十三一止冲澹寡欲嘗誨其

子曰吾平生通塞聽其自然惟機械不立故方寸自有樂地博學無不通爲文不事纖刻制議坦明有體詔書一日數十輒辦嘗言訓誥者賞善罰惡詞也豈過情溢美怒隣罵坐之爲哉詩自成家呂本中陳與義讀之曰語不自人間來也有類稿五十卷從弟寧止字無虞登宣和進士歷官兩浙轉運判官苗傅劉正彥之變寧止自毘陵馳詣金陵見呂頤浩劉光世勉以忠義退而具軍須以佐勤王帝復位除右司郎中給事中歷遷右文殿修撰言京口控扼大江爲浙西門戶請分常州江陰鎮直

卷之三十二

光碧堂

軍及崑山常熟二縣隸本司庶防秋時沿江號令歸一可以固守陞顯謨閣提舉太平觀卒寧止有文名慨慷言論事富艱難時上書言闕失指切隱微多人所難言乞禁王安石日錄復賢良方正科用司馬光十科薦士法倣唐制宰執論事許諫官執簡以從帝嘗稱寧止忠一止清有教忠堂類稿十卷

中書舍人舒伯原清國子師臯附

舒清國字伯原西安人以上舍第甲科爲秀州司士曹召錄辟雍建炎初御史寇防撫諭江淮辟從事奉詔出

入盜賊間察官吏廉污與兵民利病轉聞於上自館職轉對爲上所知稍遷南宮外郎言八柄天子所司勿使下移人材以宰相拜罷爲用舍是非內計卑弱豈固根本計遷少奉常時議嘗命婦封誥清國謂若爾倡優妾媵皆得爲命婦矣事遂寢樞中書舍人議論不合以直龍圖閣奉祠者六年起知湖州政務寬大民徭使之滿復請祠卒子師臯亦爲道州守民徭戴之如其父云

吏部尚書王仲行希呂

謹直

卷之三十二

光碧堂

王希呂字仲行其先宿州人建炎間占籍嘉興第進士授秘書省正字時樞密張說以板援戚屬擢用氣勢薰灼希呂與侍御史李衡交章劾之出知廬州安集流散兵民賴焉累官吏部尚書求去以端明殿學士知紹興府百廢具興尤敬禮文學端方之士天性剛勁嘗切論近習用事上變色欲起希呂挽御衣極言之居官廉潔歸老至無室廬上聞之賜錢造第以疾卒於家

徽猷閣待制陳德應棹

陳橐字德應餘姚人登政和上舍第調台州士曹更攝天台臨海黃岩三邑遷新昌令皆以豈弟稱呂頤浩欲

擬爲御史約一先見。案曰：宰相用人，乃使之呈身耶？謝不往，召對改秩，拜監察御史，論事不合，出爲江西運判。瑞昌令倚勢受賄，察首劾罷之。期年，所按以十數。至有望風解印綬者。以司勳郎召，累遷刑部侍郎。時秦檜力主和議，素疏，謂金人多詐，和不可信。且二聖遠涉沙漠，百姓肝腦塗地，天下痛心疾首。今天意既回，兵勢漸集，宜乘時掃清，以雪國耻。否亦當按兵嚴備，審勢而動。舍此不爲，乃遽講和，何以繫中原之望？旣而金厚有所邀，議久不決。將再遣使，察復言：「金每挾講和以售其姦謀。」

卷之二十二 手 先碧堂

譯者因其廢劉豫，又還河南地，遂謂其有意於和。臣以爲不然。且金之立豫，蓋欲自爲捍蔽，使之南窺。豫每犯順，率皆敗北。金知不足恃，從而廢之，豈爲我哉？河南之地，欲付之他人，則必以豫爲戒，故捐以歸我。往歲金書嘗謂歲幣多寡，聽我所裁。曾未淹歲，反覆如此。且割地通和，則彼此各守封疆可也。而同州之橋至今存焉。蓋金非可以義交，而信結恐其假和好之說，誘誘之，猝包藏禍心，變出不測。願深鑒前轍，亦嚴戰守之備，使人入激厲，常若寇至。苟彼通和，則吾之振飭武備，不害爲

立國之常。如其不然，決意恢復之圖，勿循私曲之說，天意允協，人心嚮應，一舉以成大勲，則梓官太后可還祖宗疆土，可復矣。檜憾之，索因力請去。未幾，金果渝盟，除徽猷閣待制，知潁昌府。時河南新疆初復，無敢往者。檜卽日就道。次壽春，則潁已不守，改處州。又改廣州。留鎮三年，民夷悅服。卒爲檜所中，致仕歸。十二年而後卒。年六十六。檜博學剛介，不事產業，先世田廬悉推與兄弟。在廣積年，四方聘幣一不入私室。及謝事歸，剡中僑寓僧寺，糴糴以食。處之泰然。王十朋爲風土賦，論會稽近直。

卷之二十三 手 沈顯

世人物曰：杜祁公之後有陳德應云。

太子詹事陳邦彥良翰

陳良翰字邦彥，臨海人。登紹興五年進士第，知瑞安縣。俗號強梗，吏治尚嚴。良翰獨撫以寬，催租不下文符，但揭示名物，民兢樂輸。聽訟咸得其情。或問何術，良翰曰：「無術。第公此心如虛堂懸鏡耳。」召拜監察御史。孝宗初，元金主襲新立，求和而中原舊人多求歸，詔問何以處此。良翰言：「議和而復納降，皆非。是必定計自治而和。不和任之，乃可張浚軍淮泗以規進取，而議者爭獻防江。」

策良翰言當固藩籬專委任今含淮防江却地奪便朝廷過聽使督府不得專闕外事誤矣除右正言金再移書求故疆良翰言中原皆吾故土况唐鄧淮泗又金渝盟後以兵取之安得以故疆爲言而歸之湯思退主遣小使盧仲賢李栻往良翰言仲賢輕便無耻栻自北來難信又言朝堂督府議論不同邊奏上聞皆陽陞諾而陰沮敗之萬一失事機督府安得獨任其責上矍然稱善朝廷遣史正志至建康與張浚議事爭桮良翰劾之上曰正志亦無罪良翰言陛下使浚守淮則任浚爲重諫直

卷之二十二 幸 光緒室

一郎官爲輕且正志居中浚必爲去就上悟出正志爲福建漕運李栻不敢涉淮良翰奏奪其官仲賢至汴輒許金人以疆土歲幣而還上大怒下仲賢吏欲誅之宰相叩頭懇請得免復遣王之望龍大淵良翰言前遣使已辱命大臣不悔前失不謂秦檜復見今日金要我罷四郡屯兵以歸之是不折一矢而坐收四千里要害之地決不可許若歲幣則俟得陵寢然後與庶猶有名今議未決而之望遂行恐其辱國不止於仲賢願先馳一介往俟議決行未晚也遂以胡昉楊由義爲贊議官與

敵諜四郡不合困辱而歸思退尚執前論正言尹衡附思退以撼督府良翰疏論思退姦邪誤國宜早罷斥張浚精忠老謀不宜以小人言搖之孝宗曰思退前議固失然朕愛其警敏真可效卿其置之若魏公則今日孰出其右朕豈容有此意縱有之亦豈不謀卿等此殆言者有異意卿爲朕諭之良翰頓首謝曰陛下言及此天下幸甚宰相縱無全才寧取樸實緩急猶可倚賴思退庸狡小黠大痴將誤國且警敏二字恐非明主卜相之法旣退以上語諭同列稽勃然變色明日亦請對遂罷諫直

卷之二十二 幸 光緒室

良翰言職兩淮旣撤備金八大人孝宗始深悔太學生數百人伏闕乞召用良翰胡銓王十朋而斬思退等思退由是始敗召良翰爲宗正少卿兵部侍郎除右諫議大夫良翰言以蜀漢之師下關陝以荆襄趨韓魏江淮擣青徐此今日大計四川旣命大臣而荆淮未有任責者亦當擇重臣臨之上稱善進給事中改禮部侍郎不拜進太子詹事旣見上屬以調護之責詔兼侍講未幾告老除敷文閣直學士提舉太平宮卒年六十五謚獻肅

禮部侍郎陳國佐公輔

陳公輔字國佐臨海人政和三年上舍及第調平江府教授朱勔方嬖倖當官者奴視之公輔絕不與交勔有兄喪諸生欲往弔公輔不予告勔不悅諷樵要移公輔越州累遷秘書郎靖康初二府多宣和舊人公輔言蔡京王黼用事二十餘年臺諫皆緣以進唐重師驥爲太宰李邦彥引用謝克家孫覲爲纂修蔡攸引用及邦彥作相又附麗以進此四人者處臺諫之任臣知其決不能言宰相大臣之過願擇人臣中樸茂純直能安貧守

節直

卷之二十二

諫

光緒堂

節不附權倖慷慨論事者列之臺諫則所任得人禮義廉耻稍稍振起敵國聞之豈不畏服哉徽宗渡江未還人情疑懼公輔力陳父子之義宜遣大臣迎奉欽宗嘉之擢爲右司諫孟夏享景靈官遂幸陽德祐神觀公輔諫不當如平時事游宴論蔡京父子懷姦誤國終未行遣今朝廷公卿百執事半出其門必有庇之者詔諭京崇信軍節度副使德安府安置復陳三事其一言李綱書生不知軍旅遣援太原乃爲大臣所陷必敗事其二言余應求不當以言遠謫其三言方復祖宗法度馮澥

不宜更論熙寧元豐之政語觸時宰遂與應求程瑀李

光俱得罪斥監合州稅高宗卽位召還除尚書左司員外郎疏言今日之禍實由公卿大夫無氣節忠義不能維持天下國家平時既無忠言直道緩急詎肯仗節死義豈非王安石學術壞之邪議者尚謂安石政事雖不善學術尚可取臣謂安石學術之不善尤甚於政事政事害人才學術害人心三經字說詆誣學人破碎大道非一端也春秋正名分定褒貶俾亂臣賊子懼安石使學者不治春秋史漢載成敗安危存亡理亂爲聖君賢

節直

卷之二十二

諫

光緒堂

相忠臣義士之龜鑑安石使學者不讀史漢王莽之篡揚雄不能死又仕之更爲劇秦美新之文安石乃曰雄之仕合於孔子無可無不可之義五季之亂馮道事四姓八君安石乃曰道在五代時善避難以存身使公卿大夫皆師安石之言宜其無氣節忠義也復授左司諫言中興之治在得天得人以孝感天以誠得民帝喜其深得諫臣體賜三品服令尚書省寫圖進入以便觀覽公輔感帝知遇益聲忠鯁時有詔將駐蹕建康公輔上疏陳攻守之策且乞選大臣鎮淮西增兵將守要害使

西遼鄂岳東接楚泗皆有犄角之形遷尚書禮部侍郎會趙鼎言進退人才乃其職分稍侵公輔因力請祠升徽猷閣待制提舉太平觀卒年六十六贈太中大夫有文集二十卷奏議十二卷行於世

中書舍人潘子賤良貴

潘良貴字子賤金華人以上舍釋褐爲國子博士遷秘書郎時宰相蔡京與其子攸方以爵祿鉤知名士良貴屹然獨立除主客郎中尋提舉淮東路常平靖康元年召還賜對欽宗問孰可秉鈞軸者良貴極言何臬唐恪

蕭直

卷之二十二

宋

光碧室

等四人不可用他日必誤社稷陛下若欲持危扶顛之相非博詢於下僚明揚於微陋未見其可語徽於外賓國者指爲狂幸黜監信州泃口排岸高宗卽位召爲左司諫既見請誅爲黨使叛命者受刃國門則敵人不敢輕議宋鼎又乞封宗室賢者於山東河北以壯國體巡幸淮揚養兵威以圖恢復黃潛善汪伯彥惡其言改除工部良貴以不得其言求去主管明道宮越數年後除考功郎遷左司宰相呂頤浩從容謂良貴曰且夕相引入兩省良貴正色對曰親老方欲乞外兩省官非良貴

可爲也退語人曰宰相進退一世人才以爲賢邪自當擢用何可握手密語先示私恩若士大夫受其牢籠又何以立朝卽日乞補外以直龍圖閣知嚴州兩月請祠主管亳州明道宮起爲中書舍人會戶部侍郎向子諲入見語言煩絮良貴故善子諲是日攝起居立殿上徑至榻前厲聲曰子諲以無益之談久煩聖聽子諲欲退高宗顧良貴曰是朕問之又諭子諲且款語子諲復語久不止良貴叱之退者再高宗色變閉門并彈之於是三人俱待罪有旨良貴放罪子諲無罪可待良貴求去

蕭直

卷之二十二

宋

光碧室

以集英殿修撰提舉江州太平觀起知明州暮年除徽猷閣待制提舉亳州明道宮既歸不出者十年李光得罪坐嘗與通書降二官卒年五十七良貴剛介清苦壯老一節爲博士時王黼張邦昌俱欲妻以女拒之晚家居貧甚秦檜諷令求郡良貴曰從臣除授合辭免今求之於宰相辭之於君父良貴不敢爲也其諫疏多焚稿僅存雜著十五卷新安朱熹爲之序

起居舍人薛德老徽言

薛徽言字德老永嘉人少從胡文定學清介特立有風

節登建炎進士第授劔南司法高宗幸永嘉以書上中丞趙鼎鼎期以國士遂薦爲樞密院計議官高宗在戎馬間常讀通鑑徽言曰言之非艱行之惟艱誠能鑒古今成敗力行之天下幸甚紹興二年遣使分行諸路徽言在選中以權監察御史宣諭湖南時柳道桂陽旱飢徽言請於朝不待報卽諭漕臣發衡水米以賑而以經制銀市米償之所刺舉二十人使還他使皆進擢宰相呂頤浩以徽言擅易守臣而移用經制銀出知興國軍入爲郎遷右司諫擢起居舍人時秦檜與金人議和徽言與吏部侍郎晏敦復等七人同拜疏爭之一日檜於上前論和徽言直前引義固爭反覆數刻中寒疾而卒高宗念之賻絹百疋特與遺表恩

中書舍人程致道俱

程俱字致道開化人以外祖尚書左丞鄧閔甫恩補蘄州吳江主簿歷官著作佐郎宣和二年上舍出身除禮部郎建炎中爲太常少卿知秀州紹興初始置秘書省召俱爲少監奏修日歷秘書長貳得預修纂自俱始時庶事草創百司文書例從省記俱據三館舊聞比次爲

卷之三十二

光緒堂

書名曰麟臺故事上之擢中書舍人兼侍講俱論國家之患在於論事者不敢盡情當事者不敢任責言有用否事有成敗理固不齊今言不合則見排於當時事不諧則追咎於始議故雖有智如陳平不敢請金以行間勇如相如不敢全壁以抗秦通達如劉宴不敢言理財以贍軍實使人人不敢當事不敢盡謀則艱危之時誰與圖迴而恢復乎徐俯爲諫議大夫俱繳還以爲俯雖才俊氣豪所歷尚淺以前任省郎遽除諫議自元豐更制以來未之有也昔唐元稹爲荆南判司忽命從中出召爲省郎使知制誥遂喧朝聽時謂監軍崔潭峻之所引也近聞外傳俯與中官唱和有魚須之句號爲警策臣恐外人以此爲疑仰累聖德陛下誠知俯姑以所應得者命之不報後二日俱爲言者論罷提舉江州太平觀久之除徽猷閣待制俱晚病風痺秦檜薦俱領史事除提舉萬壽觀實錄院修撰使免朝參俱力辭不至卒年六十七俱在掖垣命令下有不安於心者必反覆言之不少畏避其爲文典雅宏奧爲世所稱

吏部尚書具正仲表臣

卷之三十二

光緒堂

異表臣字正仲永嘉人登大觀三年進士第擢通州司理累官監察御史遷右正言高宗詔臺諫條陳大利害表臣請措置上流以張形勢安輯淮甸以立藩蔽擇民兵以守險阻集海舶以備不虞其策多見用帝方鄉儒學表臣乞遷講官以裨聖德且於古今成敗民物情偽邊防利害詳熟講究由是詔開經筵遷臣有請用蔡京王黼之黨者侍御史沈與求乞明指其人顯行斥責執政不悅奪其言職表臣爭曰臺諫爲天子耳目所以防壅蔽杜姦邪若咎其切直而黜之後誰敢言非國家福

韓直 卷之二十二 光碧堂

臣曰唐肅復言於德宗陳少游任兼將相首敗臣節華草幕府下條獨建忠義以舉代少游鎮淮南善惡著明則天下知逆順之理初不以舉名賤官卑爲疑今取忠義不屈有已試之驗者不次而用豈特可以勸得禦方略亦堪倚仗於是陳敏等十數人寔以錄用久之以補請補外加直秘閣知信州紹興元年召爲司勳郎中遷左司詔百官陳裕國強兵之策表臣條十事以獻宰相擬表臣爲檢正帝曰朕將自用之遂除左司諫給事中

帝如建康詔表臣兼留司參議官除中書舍人進兵部侍郎建崇二國公就外傳兼翊善帝曰二國公誦習甚進卿之力也徙禮部侍郎遷吏部尚書兼翰林學士時秦檜欲使使金議地界指政事堂曰歸來可坐此表臣不答又以議大禮忤意罷去俄起知婺州會大水發常平米賑貸之然後以聞課最除數文閣待制請祠進直學士提舉江州太平興國官卒年六十七表臣晚號湛然居士自奉無異布衣鄉論推其清約

韓直 卷之二十二 光碧堂

御史中丞何伯壽鑄何鑄字伯壽餘杭人登政和五年進士歷官州縣召拜監察御史尋遷殿中侍御史時遷温州諸官殿神像於湖州有司迎奉所過騷然鑄言孝莫大於寧神寧神莫大於得四海之惟心浙東早荒若加勤動恐道路怨咨乞務從簡約不得過騷擾疏奏其事遂已擢右諫議大夫論中興之功在於立志天下之事濟否在於思與不思願陛下事無大小精思熟慮求其至當而行如是則事無過舉矣尋拜御史中丞先是秦檜力主和議大將岳飛有戰功金人所深忌檜惡其異已欲除之脅飛故

將王貴上變逮飛繫大理獄先命鑄鞠之鑄引飛至庭詰其反狀飛袒而示之背背有舊涅盡忠報國四大字深入膚理既而閱實俱無驗鑄察其冤白之檜檜曰此上意也鑄曰鑄豈區區爲一岳飛者強敵未滅無故戮一大將失士卒心非社稷之長計檜語塞改命万俟卨飛死獄中子雲斬於市檜銜鑄時金遣蕭毅邢具瞻來議事檜言先帝梓官未返太后鑾輿尚還朔方非大臣不可祈請乃以鑄爲端明殿學士僉書樞密院事爲報謝使鑄曰是行猶願真卿使李希烈也然君命不可辭

鑄直 卷之二十二 圭 光緒堂

既返命檜諷万俟卨使論鑄私岳飛爲不反欲竄諸嶺表帝不從止謫徽州時有使金者還言金人問鑄安在卨用否於是復知温州未幾以端明學士提舉萬壽觀兼侍讀召赴行在力辭乃再遣使金使事秘而不傳既歸報帝復許以大用又力請祠除資政殿學士知徽州居數月提舉太平興國宮卒年六十五鑄孝友廉儉既貴無屋可居止寓佛寺死後四十餘年始追謚通惠其家葬焉嘉定初改謚恭敏

徽猷閣待制季延仲陵

季陵字延仲龍泉人登政和二年上舍第二遷太學博士歷官比部員外郎建炎二年遷太常少卿金人南侵帝幸杭州朝廷儀物皆委棄之陵奉九廟神主負之以行拜起居郎遷中書舍人言防秋已迫願陛下先定兵衛及扈從之臣萬一敵勢猖獗便當督親校營壘召諸道兵以爲援留將相大臣相繼死守勿效前日百官跣足奔竄以扈蹕爲名棄城池以予敵使生靈墮塗炭財用填溝壑時張浚爲川陝等路宣撫處置使陵論其太專忤旨罷爲徽猷閣待制知温州復爲中書舍人入對言事有可深慮者四尚可恃者一大駕未有駐蹕之地賢人皆無經世之心兵柄分而將不和政權去而主益弱所恃以僅存者人心未厭而已前年議渡江人以爲可朝廷以爲不可故諱言南渡而降詔回鑾去年議幸蜀人以爲不可朝廷以爲可故弛備江淮經營關陝以今觀之孰得孰失維揚之變朝廷不及知而功歸宦寺錢塘之變朝廷不能救而功歸將帥是致此有輕朝士之心黃潛善好自用不能用人呂頤浩知使能不知任賢自張慈許景衡飲恨而死凡知幾自重者往往

鑄直 卷之二十二 圭 光緒堂

卷懷退縮今天下不可謂無兵劉光世韓世忠張俊各招亡命以張軍勢各效小勞以報主恩然勝不相遜敗不相救大敵一至人自爲謀耳周望在浙西人能言之張浚在陝右無敢言者夫軍事恐失機會便宜可也乃若自降詔書得無竊命之嫌邪官吏貴以辦事便宜可也乃若安置從臣得無忌器之嫌邪以至賜姓氏改寺額此皆傷於太專臣恐自陝以西不知有陛下矣惟祖宗德澤在人心未忘所望以中興者此耳陛下宜有以結之今欲薄歛以裕民財而用度方闕輕徭以舒民力而師旅方興罪已之詔屢降愛民之言屢聞丁寧切至終莫之信臣謂動民以行不以言陛下爵當賢祿當功刑當罪施設注厝無不當理天下不心服者未之有也朱勝非除江西帥未行陵言金人往年休士馬於燕山次年移河北又次年移京東今寓淮甸無復去意患在朝夕可謂急矣若願浩既去勝非未至敵人南向兵不素練糧不素積又不設險何以禦之臣願陛下更擇賢副預爲經畫以待今日非論安危實論存亡朝謀夕行當如拯溺豈可不惜分陰詔劉洪道趣往池州措置江

防除戶部侍郎尋以言罷提舉杭州洞霄宮未幾復右文殿修撰紹興二年詔内外官言事陵言軍興以來朝廷詰牒非彊以子民則莫售師旅糧草非彊取於民則莫給舊例和買無本可支者久矣新行和糴能償其值幾何一遇軍興事事責辦有不足者預借後年之賦雖名曰借其實奪之兵將衣食不取其飽暖取其豐美器械不取其堅利取其華好務末勝本初無鬪志賊至則僞言退保賊去則盛言收復遇敗以千爲一遇勝以一爲千今乘輿服御之費十去七八百官有司之費十去五六猶無益於國者軍太冗也張浚一軍以川陝贍之劉光世一軍以淮浙贍之李綱一軍以湖廣贍之上供之物得至司農太府者無幾夫強兵不在冗食今統領家口隨行一聞賊至擇精銳者護送老小其自隨者祇辦走耳當議者一擄掠婦女軍中多有養既不足寧免作過當議者二所至州軍遞求犒賞守令惴生事竭取民以奉之當議者三詭名虛券隨在批請枉費官物當議者四或候關節或行賄賂寄名軍籍規日功賞當議者五願詔有司專意講求革因循以作士氣則軍政立

復嶽猷閣侍制師廣先是惠州有狂男于聚眾數千僭號作亂陵人境訪其徒魯哀令以功贖罪不旬日擒之在官三年辛年五十有五贈中大夫有文集十卷

殿中侍御史江元壽從子溥溥子公亮附

江躋字元壽江山人吳越御史景防之五世孫第進士累官殿中侍御史在朝論事以正心誠意為本紹興初率全臺攻丞相朱勝非更五六疏忤旨一時俱罷後高宗思之賜手詔召為司農卿未及用卒贈銀青光祿大夫從子溥字叔源紹興十五年進士除襄陽教授乃撰

卷之二十二

光碧堂

輯所見成備邊書上於朝帝異之擢太府丞兼左曹郎官歷遷右司郎中拜殿中侍御史前後所上凡八十疏上益嘉其忠會妨桷臣改太府卿出為慶元路提點刑獄公事陞秘書閣修撰移京西路計度轉運副使辛贈金紫光祿大夫溥資性忠亮疾惡如讐多為當事所怒而上獨知之顧謂之曰如江溥者朕自擢用即晉試臺端入謝復面諭之曰朕知卿有守不忘廷諍故特以命卿傳感知遇益明目張膽無所諱忌直辭獵獵時魏邸親吏馬校朋游煽奸竊弄府柄嘗繕私居矯令役民屋

摧壓死者十三人傷者倍之閱月而上不問溥奉白簡彈之請以次第議罪上覽疏喜甚曰父子之間人所難言不謂卿能如此亟從無少忤於是權貴斂迹一時稱為真御史子公亮任四川提刑清亮有父風

司農少卿莫濟

莫濟歸安人登紹興十五年進士第歷官司農少卿初為給事中李衡為侍御史論張說不行致仕而歸濟不畫勅直學士周必大不草制諫官王希呂相繼論奏不報同時去國當時賦四賢詩以美之

韓直

卷之二十二

光碧堂

吏部侍郎凌季文景夏

凌景夏字季文餘杭人紹興二年對策第二呂頤浩稱其詞勝於張九成任紹興府觀察推官帥基崇禮薦於上擢秘書正字遷著作佐郎與館職吳玘朱松張廣常明范如珪等六人共奏封事言和議非便奉檣憾之除工部員外郎斥知外郡未幾落職家食者十餘年檣死除起居舍人兼權給事中景夏言紹興二十一年詔臨安府見推排等第依在京例與免今有司乃以和買後錢難以減放止與西北流寓人蠲除土著人戶反成偏

重夫土著流寓皆陛下赤子德澤之施實先京師契勘兩縣在城管運浮財物力所輸和買絹段止二千六百餘匹望依已降指揮並與蠲免庶使德澤無偏詔令有信上從之遷中書舍人未幾直龍圖閣知撫州遷知襄陽府知鼎州奏免程昌禹所增蔡州官兵衣糧六萬四千餘緡詔減四分之一徙宣州加集賢殿修撰除吏部侍郎言吏部七司有法有例法可按籍而覲例則散於案牘之中匿於吏胥之手官有去來不能遽知故索例而不獲雖有強明健決之才不復敢議臣愚以為吏部

肅章

卷之二十二

手

光緒堂

吏部尚書何通遠洵

何溥字通遠永嘉人試禮部第一登紹興進士第歷臨安府學教授授刪定官出通判婺州忤秦檜罷檜死以薦除監察御史遷左正言右司諫彈劾不避除諫議大夫首論將帥不治兵而治財戰聞之士變為商賈繼劾

鎮江都統制劉寶及吏部侍郎沈介又率同列攻丞相湯思退俱罷之在言路六年知無不言號為稱職除翰林學士兼吏部尚書屬時事旁午羽檄交馳而因事成文各盡其妙以疾請補外授龍圖閣學士優游里居歲餘卒於家

監察御史樊茂實光遠

肅直

卷之二十一

手

光緒堂

樊光遠字茂實錢塘人少從張九成學紹興五年南省奏名第一除秘書省正字上疏言臣竊觀今日士大夫之論莫不以金人詭詐為可憂臣獨曰詭詐不足憂而信其詭詐實深可懼也臣願陛下勿以得地為喜而常以為憂勿罪忠讜以養敢言之氣勿喜迎合以開濫進之門勿盡民力宜愛惜之以固根本勿沮士氣宜聳動之以備緩急秦檜將遂休兵罷為閬州教授尋召為秘書丞引對言頃年大臣挾權修怨不平其心臺諫之所排擊法寺之所鍛鍊告訐之所中傷其間又有因責降而死者其子孫無一命之祿宜許令自陳與復官職錄其子孫上曰善除監察御史工部員外郎尋請補外知興化軍除福建路提點刑獄徙知嚴州時三衙誘掠近

郡平民爲軍，光遠奏乞禁止。今後遇有缺額，均下諸州軍招填。詔三衙自今止見管兵爲額。光遠又言：本州歲輸御爐炭七萬四千五百斤，而不償民間之直，上亟爲罷之。

淮東提舉任元受盡言

任盡言字元受，秀州華亭人。與兄質言同舉進士，居下僚。論事慷慨，秦檜死，朝廷懲言路壅塞，召湯鵬舉爲臺官，盡言投啓賀之，云：「每媿朱雲之請劍，未聞林甫之斷棺。」鵬舉以白上，上始黜檜，姻黨釋。趙鼎子汾及李孟堅等公道大明，盡言之助也。洞聖廟率縉紳爲位，佛官上哀疏，讀者感泣。岳珂載啓疏於程史，謂其忠不忘君，義不蔽奸，官止淮東提舉，所著有小醜集，行於世。

工部尚書張大猷闢

張闢字大猷，永嘉人。登宣和六年進士第，調嚴州兵曹掾。李回帥江西，席益帥湖南，皆辟置幕下。羣盜據洞庭，官軍多西北人，不開水戰。闢建策造戰艦，以大艦爲管小艦，出戰乘水洄，直搗賊巢，賊勢以衰。紹興十年，詔侍從各舉所知給事中林待聘以闢，闕召對，時金人議和。

韓直

卷之三十二

早

光緒堂

歸闕中地，闕首言闕中必爭之地，古號天府，願固守以

蔽巴蜀，圖中原。召試館職，除秘書省正字。遷校書郎，時諸將恃功邀爵賞，有過則姑息，又兵布於外，禁衛單寡，闕上疏極論之，後稍進退諸將，必當其實，且召諸道兵以益禁旅，皆如闕言。遷秘書郎，兼國史院檢討官。秦檜每薦臺諫，必先諭以已意，嘗謂闕曰：「秘書久次，欲以臺中相處，何如？」闕謝曰：「丞相見知，得老死秘書幸矣，惟默然竟罷。」主管台州崇道觀。歷泉、衢、二州通判，一語不合，斥外者十餘年。入爲御史臺檢法官，升吏部員外郎。孝宗在，主邸妙選官僚，謂莊重老成，無踰闕者，改命祠部兼建王府贊讀。三十一年春，大雨無麥，荆湖盜起，詔侍從臺諫條陳弭災禦盜之術。闕上疏曰：「和議以來，歲有聘幣，民不堪命。臣願陛下毋以金人困中國，可乎？歸正人時有遣還之命，怨聲聞道路。臣願陛下毋使金人得以甘心，可乎？州縣吏職卑地遠，漁奪之禍，彼於編籍臣願陛下嚴賊吏之誅，可乎？蠲租之令已赦，復征寬大之澤，例爲虛文。臣願陛下申詔令之禁，可乎？是數者能久第行之，則足以動天地，召和氣，災異盜賊不足慮也。」又

韓直

卷之三十二

早

光緒堂

言金主亮將入犯宜守要害防海道三邊不可無良將督視不可無大帥疏奏帝嘉納而諭曰卿所言深中時病但遣人北歸已載誓書朕不忍渝也還將作監宗正少卿孝宗卽位惟工部侍郎是歲冬給札侍從臺諫條具時務聞上十事皆剴切當時應詔數十人惟闢與國子司業王十朋指陳時事斥惟幸無所回隱明日召兩人對內殿帝大加稱賞賜酒及御書隆興元年真拜工部侍郎時數易臺諫闢力言之請增廣諫員帝曰臺諫

韓直

卷之二十二

聖

光霽堂

爲賣直陸贄切諫願陛下深以爲鑒金人求和帝與闢議闢曰彼欲和畏我邪愛我邪直欸我耳力陳六害不可許帝曰朕意亦然姑隨宜應之帝記賣直之語謂胡銓亦及此朕非拒諫者辨是非耳闢曰聖度當如天柰何與臣下爭名帝曰卿言是也頃之除工部尚書兼侍讀帝用真宗故事命經筵官二員近宿學士院以備顧問闢入對尤數屢引疾乞骸骨帝不忍其去二年闢請益力乃除顯謨閣直學士提舉太平興國宮陛辭帝問所欲言闢奏許和則忘祖宗之讐棄四州則失中原之

心造歸正人則傷忠義之氣惟陛下毋忘老臣平昔之言其指時事尤諄切帝眷益篤諭以秋涼復召加賜金犀帶特許佩魚居家踰月卒年七十四特贈端明殿學士朱熹嘗言秦檜挾敵要君力主和議羣言勃勃不平檜旣摧折忠臣義士之氣遂使士大夫懷安成習至癸未和議則知其非者鮮矣朝論間有建白率雜言利害其言金人世讐不可和者惟胡右史銓張尚書闢耳

國子博士徐子雲履

徐履字子雲一字少卿瑞安人個儻有大志每尚氣節

韓直

卷之二十二

聖

光霽堂

紹興戊辰省試第一時秦檜專權力主和議朝野反目履不勝憤廷試對策斥其奸佞策後託以心恙爲迷妄失次語陛下之天下卽履之天下安得不爲陛下盡心乎朝臣視之愕然高宗憫其徑直命置榜末履賦詩有黃榜若還顛倒讀徐履依然是狀元之句聞者笑之歷刪定官國子博士通判信州沿海制置司參議官所至有聲終朝請郎

監察御史沈元簡大蘆

沈大蘆字元簡瑞安人登建炎進士第歷遷樞密院計

議官紹興更化拜監察御史遇事敢言無所顧望給事中周葵以封駁忤旨去職大庶力陳其不可無何而中書舍人凌景夏相繼去大庶復力言之俱不報自以不得其言求補外除直秘閣福建提刑一時公議翕然歸重越明年卒王十朋挽之曰能將一誠字了却百年身蓋其充拓於所學者有素云

吏部侍郎胡嘉言

胡嘉言壽昌人第進士歷官吏部侍郎以端亮聞與秦檜連姻而薄其行時檜力主和議排黜言者嘉言忿然

疏直

卷之二十一

畢

光緒堂

上疏力陳和議之非乞斬檜以謝天下聞者縮頸嘉言遂乞休歸曰吾不忍與姦人同朝也歸而開義塾置田以贍來學之士先泰檜卒

禮部尚書蔣世修繼周

蔣繼周字世修青田人國子祭酒存誠之從孫也七歲賦牧童詩有回首一聲笛斜陽遠半山之句甫冠登紹興進士第歷館職二十餘年奏對論事剴切孝宗稱之曰卿文大似陸贄尋擢左司諫知無不言上親禮褒異有盡公無私之語歷御史中丞禮部尚書卒之日帝震

悼罷朝贈少師光祿大夫開國男謚文恭

右諫議大夫梁元功仲敏

梁仲敏字元功山陰人紹興初爲太府丞以周葵薦召對擢監察御史拜右諫議大夫仲敏居諫職久所論抗直無隱上或未悟必反覆開陳冀其聽納方止金虜入寇大將有潛遁者仲敏力請誅之大將坐遠斥士氣乃奮晚罷官居家尤篤風誼卒贈寶文閣學士

禮部尚書胡周伯沂

胡沂字周伯餘姚人宗伋子也六歲默誦五經不漏一

字

卷之二十一

畢

光緒堂

字稍長補太學選首與陳東伏闕上書對策陳中興艱難者萬言擢甲科調秀州判官差宣州教授改衢州州將嘗與其父同官知沂貧無以養檄攝邑事沂謝絕之召對除正字四遷而爲右司諫遭母喪服除遷國子司業擢殿中侍御史時龍大淵魯覲以藩邸舊恩除知閣門使張震劉珙周必大相繼繳回辭命沂極論其市權招士請黜遠之未聽而諫官劉度坐抗論左遷沂累章益懇切且曰陛下屏去安知無邪宗元劉禹錫輩撓節以從之者又論殿帥月罪遂落太尉葵州

居住直聲震中外初朝議用兵沂以爲未可已而有獻捷者沂乃自劾除直顯謨閣主管崇道觀召爲起居郎累遷給事中進對論命今當謹之於造命之初上曰三代盛時如此卿職在繳駁事有當然勿謂拂君相而不言也沂感知遇益直言無諱除吏部侍郎兼尚書出知處州召爲太子詹事上方嚮意官僚而沂與王十朋陳傳良周操與焉識者謂極天下之選累遷禮部尚書連章丐歸從之兩用郊恩累封餘姚縣開國子卒年六十八謚獻肅沂學行淳篤不欺暗室對上言無所緣飾卽

韓直

卷之二十一

宋

先碧室

有所啓納未嘗關白卽上有所言沂亦不泄上亦緣此謂沂忠實喜獎善類一時名士如汪應辰周必大龔茂良葉顥輩皆沂所薦進其待人無防吟得喪避就人所號晚沂處之裕如所著書數十萬言奏議八卷世尤傳之

左司諫王穎彥庭秀

王庭秀字穎彥慈谿人與黃庭堅楊時游其學旁搜遠紹不苟趣時好造詣深遠操持堅正發爲文辭俊邁宏遠登政和二年上舍第歷官州縣侍御史李光薦爲御

史臺檢法官宣和建康時進言皆發於忠義御史中丞言僞楚時庶官中如虞謨王庭秀者初非疾病毅然致爲臣而歸願褒擢之拜監察御史奏乞威斷當出於人主而所遣宜諭官當令舉庶吏又言刑名有疑慮者令州郡法官申憲司閱實具奏以取裁決遷殿中侍御史論黃潛善賣官售寵罷之無何而苗傅劉正彥爲逆廢高宗爲睿聖皇帝傳位太子太后垂簾聽政庭秀方密與大臣議興復計而忽傳太后旨睿聖皇帝爲皇太弟天下兵馬大元帥幼主爲皇太姪庭秀卽與大臣進議以爲在廷公卿百司羣吏皆昔之臣屬今則與之比有事主矣稽之於古則無所法行之於今則實逆天或者謂大元帥可以任軍旅之大事臣竊以不然昔舜之禪禹也猶命禹徂征有苗則禹雖受禪而征伐之事舜猶親之也唐睿宗傳位皇太子以聽小事自尊爲太上皇以聽大事如是無不可者則稽之於古爲有法行之於今爲得宜太后垂簾同聽政以安人心退與大中丞鄭穀上疏力爭太后召穀與宰執同對簾前穀乞召庭秀太后諭曰今欲令睿聖皇帝總領兵馬爾穀奏曰臣不

韓直

卷之二十一

宋

先碧室

知其他。但人君位號豈容降改。聞之天下。孰不懷疑。雖前世衰亂分裂之時。固未有旬日之間。易兩君一朝。降兩朝位號者也。太后令鼓庭秀至都堂。朱勝非出朱昞等所上書。以示鼓庭秀。庭秀力言。昨日詔書不可宣布。必召變尚書左丞張徵曰。事勢至此。豈爭此名位耶。庭秀遂劾勝非。徵依違黨逆。無大臣體。遂出知瑞州。右正言呂祉奏朝廷今日緣論大臣。移一言官明日罷一言官。則後日大臣行事有失。誰敢言者。役召爲吏部郎。改左司遷檢正中書門下省諸房公事。與宰相議多不合。

謹直

卷之二十二

吳

光緒堂

不自安。引疾求去。詔直秘閣主管崇道觀而歸。

監察御史婁陟明寅亮

婁寅亮字陟明永嘉人政和二年進士爲上虞丞建炎四年高宗至越寅亮上疏云先正有言太祖舍其子而立弟此天下之大公周王夢章聖取宗室有之官中此天下之大慮也仁宗感悟其說詔英祖入繼大統文子文孫宜君宜王遭罹變故不斷如帶今有天下者獨陛下下一人而已屬者椒寢未繫前星不耀孤立無助有識寒心天其或者深成陛下追念祖宗公心長慮之所及

謹直

卷之二十二

吳

光緒堂

乎崇寧以來諛臣進說獨推濮王子孫以爲近屬餘皆謂之同姓遂使昌陵之後寂寥無聞奔逃監縶僅同民庶恐祀豐於昵仰違天監太祖在天豈肯顧歟是以二聖未有回鑾之期金人未有悔禍之意中原未有息肩之日臣愚不識忌諱欲乞陛下於子行中遴選太祖諸孫有賢德者視秩親王俾牧九州以待皇嗣之生退處藩服并選宣祖太宗之裔材武可稱之人升爲南班以備環衛庶幾上慰在天之靈下係人心之望帝讀之感悟紹興元年召赴行任以其言宗社大計也既入見復上疏曰陛下轍迹所環六年於外險阻艱難備嘗之矣然而二聖未還金人未滅四方未靖者何哉天意若曰天祚宋德太祖不私其子而保之不幸姦邪誤國而壞之將使嗣聖念祖思危而後獲之乃所以申其永命也臣誠狂妄去歲上章請陛下取太祖諸孫之賢者視秩親王使牧九州誤蒙采聽赦而不誅茲蓋在天之靈發悟聖心爲社稷計非愚臣之所及也伏望宣告大臣行之它日皇子之生使之退處清暇不過增一節度使爾陛下以太祖之心行章聖之慮自然孝弟感通兩宮回

踴澤流萬世。權監察御史。為秦檜所惡。諷言者誣寘亮。匿父喪不舉。大理鞠問無實。猶坐為族父冒占官戶。罷職送吏部。出是坐廢。

吏部尚書陳天與良祐

陳良祐字天與金華人。紹興二十四年進士。歷官監察御史。除起居舍人。兼權中書舍人。遷起居郎。尋除左司諫。首言會子之弊。願捐內帑以紓細民之急。上曰朕積財何用。能散可也。慨然發內府白金數萬兩。收換會子。收銅版弗造。軍民翕然。未幾戶部得請。改造五百萬。又

蕭直

卷之二十二

季

光緒堂

奏陛下詔令在前。不能持半歲久。以此令民誰能信之。豈有不即交子五百萬。遂不可為國乎。時上銳意圖治。每以唐太宗自比。良祐言太宗政要。願賜省覽。擇善而從。知非而戒。使臣為良臣。勿為忠臣。上曰卿亦當以魏徵自勉。又奏公族貴戚椒房肺腑。專利冒禁。願言戒勅。左相蔣希丁外艱。詔起服。良祐言起服非正禮。今無疆場之事。宜使之終喪。遂寢遷諫。議大夫再轉為吏部尚書。時議遣泛使請地。良祐奏請地乃啓蒙之端。萬一敵騎犯邊。則民力困於供輸。州郡疲於調發。兵卒禍結未

有息期。將帥庸鄙。類乏遠謀。對君父則言效死。臨戰陣則各求生。有如符離之役。不戰自潰。瓜州之遇。望敵驚奔。孰可仗者。此臣所以未敢保其萬全。且今之求地。欲得河南。曩歲嘗歸版圖。不旋踵而又失。如其不許。徒費往來。若其許我。必邀重幣。經理未定。根本內虛。又將隨而取之。矣。向之四郡得之。亦勤尚不能。有今又無故而求侵地。陛下度可以虛聲下之乎。況止求陵寢地。在其中曩亦議此。觀其答書。幾於相戲。凡此二端。皆是求邊。必須遣使則祈請。欽宗梓宮猶為有。僻內恃不足。何暇信州。淳熙四年。起知徽州。尋除敷文閣待制。知建寧府而卒。

蕭直

卷之二十二

季

光緒堂

兵部尚書薛象先叔似

薛叔似字象先。永嘉人。游太學。解褐國子錄。登對論。祖宗立國之初。除二稅外。取民甚輕。自熙寧以來。賦日增。而民困滋甚。孝宗嘉納。因曰朕在宮中。如一僧叔。似曰此非所望於陛下。當論功業。如何。正使海內富庶。如文景。不過江左之文景。法度修明。如明章。不過江左之明

章陛下卽位二十餘年國勢未張未免牽於無事苟安
 之說上默然復數日宰執進擬朝士上出寸紙書叔似
 及應孟明姓名嘉其奏對也遷太常博士尋除樞密院
 編修官時倣唐制置補闕拾遺宰臣啓擬令侍從臺諫
 薦人上自除叔似左補闕叔似首劾宰相王淮去位屬
 金主殂太孫景立叔似奏規模果定則乘五單于爭立
 之機規模不存恐成五胡迭起之勢光宗受禪時傳金
 使入界使名未正叔似奏自壽皇一正匹敵之禮金人
 常有南顧之虞使名未正而遽受之祇以重其玩侮翌
 日復奏謀國者畏敵太過上奮然開納俄以論罷主管
 冲祐觀尋除湖北運判召爲太常少卿守秘書監兼權
 戶部侍郎兼國用司參議官兩浙民有身丁錢叔似請
 於朝遂蠲之試吏部侍郎除兵部尚書充荆湖宣撫使
 皇甫斌師敗於唐州遂劾斌南安軍安置叔似料敵必
 侵光黃委總領陳議按行五關發鄂卒守三關金果入
 寇時宣司兵戍襄陽都統趙淳副都統魏友諒與統制
 呂渭孫不相下渭孫死之叔似遂自劾委任失當尋以
 論奪職謫福州久之許自便卒贈銀青光祿大夫謚恭

韓直

卷之二十二

光緒

翼叔似雅慕朱熹窮道德性命之旨談天文地理鍾律
 象數之學有稿二十卷

兩浙名賢錄卷之二十二終

韓直

卷之二十二

光緒

兩浙名賢錄卷二十三目次

謹直

宋三

吏部尚書林和叔大中 太府卿項平父安世

兵部侍郎楊元範大法 樞密院編修石天民斗文

吏部侍郎莫仲謙叔光 禮部尚書倪正甫思

監察御史宗伯允元之附兄 太府丞呂子約祖儉弟祖泰附

布衣余古 宗正少卿徐文子邦憲

吏部郎中張子智貴謨 司農卿王慶翔慶龍

謹直目次 卷之二十三 一 光君堂

吏部侍郎袁廣微甫 工部尚書范子式楷

左司諫曹西上幽 右正言郭子奇磊卿

左司郎官朱景雲元龍 戶部侍郎何宗玉琮

侍御史劉正甫漢弼 翰林學士洪舜俞谷夔子附

右曹郎王守仁有開 大理卿毛鴻甫遇順

給事中孫守叔夢觀 刑部侍郎潘南夫凱子希聖希仁附

監察御史汪行之自強 刑部侍郎劉聲伯駭

右司郎中趙敏則崇潔 大理少卿王載仲持屋

禮部侍郎孫仁則榮叟 太學生王汝善仁孫

元

平章葉太白李

翰林趙與愚伯祖師淵附

兩浙名賢錄卷二十三目次終

謹直目次

卷之二十三

二

光君堂

兩浙名賢錄卷之二十三

東海徐象梅仲和氏撰

淦陽賀應旂士以氏閔

謹直

宋三

吏部尚書林和叔大中

林大中字和叔永康人登紹興三十年進士第知金谿

縣郡督賦急大中請寬其期不聽納告勅投劾而歸已

而主太常簿光宗受禪除監察御史論事無所迴避遷

諫直

卷之二十三

光碧堂

殿中侍御史兼侍講紹熙二年春雷電交作有旨訪問

時政闕失大中言孟春雷電則陰勝陽之義蓋君子為

陽小人為陰其邪正在所當辨趣向果正雖一節可議

不害為君子趣向不正雖小節可喜不害為小人正者

當益厚其養無責其一節之過以消沮其正大之氣不

正者當深絕其漸無以小節之可喜而長其姦偽之萌

則君子得以展其蘊而小人無以容其奸帝問今日羣

臣孰賢大中以知福州趙汝愚對汝愚由是被召江浙

西路民苦折絹和買重輸大中疏論之有旨減其輸者

三歲馬大同為戶部大中劾其用法峻上欲易置他部

大中曰是嘗為刑部固以深刻稱章三上不報又論大

理少卿宋之瑞章四上不報大中以言不行求去改

吏部侍郎辭不拜乃除大中直寶謨閣而大同之瑞俱

與郡初占星者謂朱熹曰某星示變正人當之其在林

和叔乎至是熹貽書朝士曰聞林和叔入臺無一事不

中的去國一節風義凜然當於古人中求之給事中尤

袤中書舍人樓鑰上疏云大中言官當與被論者有別

尋命知寧國府又移贛州寧宗即位召還試中書舍人

諫直

卷之二十三

光碧堂

遷給事中兼侍講知閣門使韓侂冑來謁大中接之無

他語陰請納交大中笑而却之侂冑怨由此始會吏部

侍郎彭龜年抗論侂冑侂冑轉一官與內祠龜年除煥

章閣待制與部大中同中書舍人樓鑰繳奏請留龜年

經筵而命侂冑以外任不聽太府寺丞呂祖儉以上書

攻侂冑謫置邵州大中救之汪義端頃為御史以論趙

汝愚去至是侂冑引為右史大中駁之改吏部侍郎不

拜以煥章閣待制知慶元府丐祠得請給事中許及之

希侂冑言繳駁落職歸屏居十二年未嘗以得喪關其

心作圍龜潭之上客至撰杞菊以溪魚鱸酒賦詩時事
一不以掛口或勸大中通侂胄書大中曰吾爲夕郎時
一言承意豈間居至今日邪客曰縱不求福蓋亦免禍
大中曰福不可求而得禍乃可懼而免邪及侂胄誅召
見試吏部尚書擢瑞明殿學士簽書樞密院事嘉定元
年六月卒年七十有八贈資政殿學士正奉大夫謚正
惠

太府卿項平父安世

項安世字平父松陽人淳熙二年進士召試授秘書正

藎直

卷之三十三

三

光碧室

字光宗以疾不過重華宮安世上書陛下仁足以覆天
下而不能施愛於庭闈之間量足以容羣臣而不能忍
於父子之際以一身寄六軍萬民之上有父子然後有
君臣願陛下自思父子之情終無可斷之理愛敬之念
必有油然而時聖心一回何用擇日早往則謂之省暮
往則謂之定即日就駕旋乾轉坤在反掌間兩疏入不
報寧宗卽位詔求言安世應詔言管夷吾治齊諸葛亮
治蜀立國之本不過曰量地以制賦量賦以制用而已
使用不量賦而至於侈且濫則內外上下之積不得而

不空天地山川之藏不得不竭非忍痛耐撻一舉而

更張之未知其所以終也今天下之費最重而當省者

兵也能用土兵則兵可省能用屯田則兵可省其次莫

如宮掖兵以待敵國常畏而不敢省故省兵難宮掖以

私一身常愛而不忍省故省宮掖難不敢省者事在他

人不忍省者事在陛下宮中之嬖嬭宦寺陛下事也官

中之器械工役陛下事也陛下肯省則省之宮中既省

則外廷之官吏四方之州縣無不省者省之又省以至

簡樸成風則民生日厚雖有水旱蟲蝗之災可活也國

藎直

卷之三十三

四

光碧室

力日強雖有夷狄盜賊之變可爲也復祖宗之業雪人
神之憤惟吾所爲無不可者時朱熹召至闕未幾與祠
安世率館職上書留之言御筆除熹官祠不經宰執不
由給舍徑使快行直送熹家竊揣聖意必明知熹賢不
當使去宰相見之必執奏給舍見之必繳駁是以爲此
駁異變常之舉也夫人主患不知賢爾明知其賢而明
去之是示天下以不復用賢也人主患不聞公議爾明
知公議之不可而明犯之是示天下以不復顧公議也
且朱熹本一庶官在二千里外陛下卽位未數日卽加

號召畧以從官伴侍經幄天下皆以爲初政之美供職甫四十日卽以內批逐之舉朝驚愕不知所措臣願陛下謹守紀綱毋忽公議復留朱熹使輔聖學則人主無失公議尚存不報俄爲言者劾去通判重慶府未拜以僞黨罷開禧用兵起知鄂州淮漢師潰薛叔似以怯懦爲韓侂胄所惡遂除安世戶部員外郎湖廣總領會叔似罷金剛德安益急諸將無所屬安世不俟朝命徑遣兵解圍以功升太府卿兼權荆湖宣撫使尋坐事論罷嘉定元年卒所著易玩辭他書多行於世

蘇直

卷之三十三

五

光碧堂

兵部侍郎楊元範大法

楊大法字元範武義人登淳熙二年進士第授知龍游縣累遷監察御史時四方多水旱疏論三事一曰民訴災傷不可疑其不實二曰減放租稅當使民被實惠三曰禁遏糴使穀粟流通尋除殿中侍御史冬雷繼以淫雨上封事推明天人之理乞法祖宗教天治國以自警省除侍御史兼侍講乞置言事官章簿以備燕覽內侍鄧彰等指使毆人至死奏行法當自近始乞付有司以竟獄事除國子祭酒兵部侍郎請外除集英殿修撰知

鎮江府乞祠以華文閣待制提舉江州太平興國宮卒贈中奉大夫大法在言路所上六十餘奏皆剴切有益於時所著易說若干卷行於世

樞密院編修石天民斗文

石斗文字天民新昌人登隆興二年進士第調天台尉遷臨安府教授丞相史浩薦其學行改樞密院編修官上書論朝政言甚剴切略曰朝廷譬如萬金之家必嚴大門以司出入一旦疑守者而初開便門不知便門之私乃復滋甚一時以爲名言因目之曰石大門除知武康軍晚益嗜學有袁公業之風

蘇直

卷之三十三

六

光碧堂

吏部侍郎莫仲謙叔光

莫叔光字仲謙山陰人舉進士調永豐尉中博學宏詞科歷著作佐郎尋除起居舍人紹熙二年春雷雪交作詔條缺失叔光言女謁漸行近習預政皆剴切人所諱言有布衣余古上書詔竄之叔光執奏方求言不宜輒罪言者事竟寢遷中書舍人兼權吏部侍郎外戚李孝純者數被譴責至是除閣門宣贊舍人帶御器械叔光曰宣贊扈帶登宜冒用譴罰之人又內侍自正使轉橫

行遼郡。非故事。皆奏罷之。叔光外和而內介。入西掖。纔三年。論駁至數十事。除樞吏部侍郎。兼秘書監。卒。謚文清。

禮部尚書倪正甫思

倪思字正甫。歸安人。乾道二年進士。累遷秘書郎。除著作。兼翰林權直。光宗卽位。奏陛下方受禪。金主亦新立。欲制其命。必每事有以勝之。彼奢則以儉勝之。彼暴則以仁勝之。彼怠惰則以憂勤勝之。又請增置諫官。專責以諫事。又乞召內外諸將訪問。以知其才否。遷中書舍

諫直

卷之二十三

七

尤碧堂

人兼直學士院。同修國史。尋兼侍講。言唐制使諫官隨宰相入閣。今諫官月一對耳。乞許同宰相宣引。庶得從容論奏。上稱善。除禮部侍郎。上又不過重華宮。思疏十上言。多痛切。會上召嘉王。思言。壽皇欲見陛下。亦猶陛下之於嘉王也。上爲動容。時李皇后寢預政。思講姜氏會齊侯于濊。因奏人主治國。必自齊家始。家之不能齊者。不能防其漸也。始於褻狎。終於恣橫。卒至於陰陽易位。內外無別。甚則離間父子。漢之呂氏。唐之武韋。幾至亂亡。不但魯莊公也。上悚然。趙汝愚同侍經筵。退語人

諫直

卷之二十三

八

尤碧堂

曰。諫直如此。吾黨不逮也。兼樞吏部侍郎。出知紹興府。寧宗卽位。召除吏部侍郎。兼直學士院。時赴召者未引對。先謁侂冑。或勸用近例。思曰。私門不可登。矧未見君乎。逮入見。首論言路不通。自呂祖儉滿徒而朝士不敢輸忠。自呂祖泰編窠而布衣不敢極說。膠庠之士欲有吐露。恐之以去籍。論之以呈稿。誰肯披肝瀝膽。觸冒威尊。近者北伐之舉。僅有一二言。其不可如使未舉之前相繼力爭之。更加詳審。不致輕動。又言士大夫寡廉鮮耻。列拜於勢要之門。甚者匍匐徑實。稱門生不足稱恩。坐思主甚至於思父者。諛文豐賂。又在所不論也。侂冑聞之大怒。諷司諫毛憲劾思。予祠。侂冑極復召。首對。乞用淳熙例。令太子開議事堂。閉習機政。又言侂冑擅命。凡事取內批特旨。當以爲戒。除樞兵部尚書。兼侍讀。金人求侂冑兩首。命廷臣集議。思謂有傷國體。徒禮部尚書史彌遠擬除兩從官。參政錢象祖不與聞。思言。奏擬除目。宰執當同進。比專聽侂冑。權有所偏。覆轍可鑒。既而彌遠上章自辯。思求去。上留之。思乞對言。前日論樞臣獨班。恐蹈往轍。宗社堪再壞。邪宜親懼臺諫。以革樞

臣之獎竝任宰輔以鑒專權之失彌遠懷悲思請去益
力以實讓閣直學士知鎮江府移福州彌遠拜右丞相
陳晦草制用昆命元龜語思歎曰董賢爲大司馬冊文
有允執厥中一言蕭咸以爲亮禪舜之文長老見之莫
不心懼今制詞所引舜禹揖遜也天下有如蕭咸者讀
之得不大駭乎乃上省牘請貼改麻制詔下分析彌遠
遂除晦殿中侍御史即論思藩臣僭論麻制鑄職罷久
之除寶謨閣學士提舉嵩山崇福宮嘉泰十三年卒諡

文節

諡直

卷之二十三

九 光霽堂

監察御史宋伯九元之 兄元龜附

宋元之字伯九餘姚人少穎悟與弟元龜同受易於沙
隨程迥舉進士光宗初受禪求直言元之極言官爵冗
濫士風不兢宰相依阿佛老蠹民武事廢弛竝切中時
弊召赴行在賜對請劇邑自試知弋陽寧宗卽位輔臣
薦可任臺諫乃自廬州判除諸司審記擢監察御史遇
事敢言無所顧忌時韓侂胄用樞師且爲腹心招權納
賂元之抗章劾之不報因力求去竟以中旨罷歸卒於
家

太府丞呂子約祖儉 從弟祖恭附

呂祖儉字子約祖謙之弟也受業祖謙如諸生監明州
倉調衢州法曹召除籍田令寧宗卽位進太府丞時韓
侂胄僭用事正言李沐論右相趙汝愚罷之祖儉奏汝
愚亦不得無過然未至如言者所云侂胄怒曰呂寺丞
乃預我事邪會祭酒李祥博士楊簡皆上書訟汝愚沐
皆劾罷之祖儉乃上封事曰陛下初政清明登用忠良
然曾未踰時朱熹老儒也有所論劄則亟使之去彭龜
年舊學也有所論劄亦亟許之去至於李祥老成篤實

諡直

卷之二十三

十 光霽堂

非有偏比蓋衆聽所共孚者今又終於斥逐臣恐自是
天下有當言之事必將相視以爲戒鉗口結舌之風一
成而未易返是豈國家之利邪又曰今之能言之士其
所難非在於得罪君父而在忤意權勢姑以臣所知者
言之難莫難於論災異然言之而不諱者以其事不關
於權勢也若乃御筆之降廟堂不敢重違臺諫不敢深
論給舍不敢固執蓋以其事關貴倖深慮乘間激發而
重得罪也故凡勸導人主事從中出者蓋欲假人主之
聲勢以漸竊威權耳比者聞之道路左右贊御於黜陟

廢置之際。間得聞者。車馬輻輳。其門如市。恃權怙寵。搖撼外庭。臣恐事勢浸淫。政歸倖門。不在公室。凡所薦進。皆其所私。凡所傾陷。皆其所惡。豈但側目憚畏。莫敢指言。而阿比順從。內外表裏之患。必將形見。臣因李祥獲罪而深及此者。是豈矯激。自取罪戾哉。實以士氣頹靡之中。稍忤權臣。則去不旋踵。私憂過計。深慮陛下之勢孤。而相與維持宗社者。寂寞也。疏既上。來牘待罪。有旨。呂祖儉朋比罔上。安置韶州。中書舍人鄧駟繳奏。祖儉罪不至貶。御筆祖儉意在無君。罪當誅竄。遂已。爲寬恩。
欽直 卷之二十三 上 光緒堂

會樓鑰進讀。呂公著元祐初。所上十事。因進曰。如公著社稷。臣猶將十世有之。前日太府寺丞呂祖儉。以言得罪者。其孫也。今投之嶺外。萬一卽死。聖朝有殺言者之名。臣竊爲陛下惜之。上問祖儉。前日所言何事。然後知名。祖儉之寃。不出上意。侂冑謂人曰。復有救祖儉者。當處以新州矣。衆莫敢出口。有謂侂冑曰。自趙丞相去。天下已切齒。今又投祖儉瘴鄉。不幸或死。則怨益重。曷若少徙內地。侂冑亦悟。祖儉至廬陵。將趨嶺。得旨改送吉州。遇赦量移高安。二年卒。詔令歸葬。祖儉之在謫所讀書。

窮理賣藥。以自給。每出必草屐從步。爲踰嶺之術。嘗言。因世變有所推折。夫其素履者。固不足言矣。因世變而意氣有所加者。亦私心也。所爲文有大愚集。從弟祖泰字泰然。夷簡五世孫。性疎達。尚氣誼。學問該洽。徧游江淮。交當世知名士。得錢或分挈以去。無吝色。飲酒至數斗。不醉論當世事。無所忌諱。聞者或掩耳而走。慶元初。祖儉以言事安置韶州。既移瑞州。祖泰徒步往省之。留月餘。語其父王深厚曰。自吾兄之貶。諸人箝口。我雖無位。義必以言報國。當少湏之。今未敢以累吾兄也。及祖儉歿。貶所嘉泰元年。周必大降少保致仕。祖泰憤之。乃詣登聞鼓院上書。論侂冑有無君之心。請誅之以防禍亂。其略曰。道學自古所恃以爲國也。丞相汝愚。今之有大勳勞者也。立僞學之禁。逐汝愚之黨。是將空陛下之國。而陛下不知悟邪。陳自強。侂冑童儒之師。獵致宰輔。陛下舊學之臣。若彭龜年等。今安在邪。蘇師旦。平江之吏胥。以潛邸而得節鉞。周均韓氏之厮役。以皇后親屬得大官。不識陛下在潛邸時。果識師旦乎。椒房之親。果有均乎。凡侂冑之徒。自尊大而卑朝廷。一至於此也。願

欽直 卷之二十三 上 光緒堂

遂誅侂胄及師旦而罷逐自強之徒獨周必大可用宜以代之不然事將不測書出中外大駭有旨呂祖泰挾私上書語言狂妄拘管連州右諫議大夫程松與祖泰狎友懼曰人知我素與游其謂預聞乎乃獨奏言祖泰有當誅之罪且其上書必有教之者今縱不殺猶當杖黥寬遠方乃杖之百配欽州牢城收管祖泰知必死冀以身悟朝廷無懼色既至府庭尹爲好語誘之曰誰教汝共爲章汝試言之吾且寬汝祖泰笑曰公何問之愚也吾固知必死而可受教於人且與人議之乎尹曰汝

蕭直 卷之二十三 十一 尤碧堂

病風喪心邪祖泰曰以吾親之若今之附韓氏得美官者乃病風喪心耳祖泰既貶道出潭州錢文子爲醴陵令私購其行侂胄使人迹其所在祖泰乃匿襄郢間侂胄誅詔雪其冤特補上州文學改授廸功郎監南嶽廟母喪無以葬至都謀於諸公得寒疾索紙書曰吾與兄共攻權臣今權臣誅吾死不憾獨吾生還無以報國且未能葬吾母爲可憾耳乃卒尹王柵爲之具棺歛而歸葬焉

布衣余占

徐古錢塘人光宗初罷拾遺補闕官近臣罕進言者紹熙二年五月古以布衣上書曰聞者側聞陛下宴遊無度聲樂不絕晝之不足繼之以夜宮女進獻不時伶人出入無節宦官倭奪權政隨加寵賜或至超遷內中官殿已歷三朝奚用更建自古宦官敗國備載方冊今上而三省下而百司皆在此曹號令之下蓋自副將而殿步帥各爲高價但如其價則有特除此爲害之大者良由公卿持祿保位備員全身如漢之石慶唐之程元振諸朝皆小人也陛下果能以漢文帝爲法唐莊宗爲戒

蕭直 卷之二十三 十一 尤碧堂

節愍昭示詔旨嚴下約束除太常樂工立定員數凡俳優抵戲皆放而爲民美女麗人自今無獻宴開以時酒進有數宦官不得干預朝政倭倖悉去忠良並進問安侍膳之餘官庭燕閒講讀經史怡神養性享名教不窮之樂固當獄無涯之壽豈不休哉帝震怒始議編管言者救之乃送秀州聽讀

宗正少卿徐文子邦憲

徐邦憲字文子義烏人幼穎悟從陳傅良究名物義理以通史傳百家之書紹熙四年試禮部第一人登進士

第三遷秘書郎韓侂胄開兵端同惡附和無敢先發一語議其非者邦憲獨首言之丐外知處州陛辭力諫用兵不可太驟再歲召還言求名義以息兵莫若建儲而肆赦借殊常之恩爲弭兵之名因行赦宥大需德澤東委宣諭西委宣撫洗弄兵之咎省戍邊之師發倉粟以賑餓殍及農時而復民業如此則建儲之義正與息兵相爲表裏也又上侂胄書侂胄惡其言嗾御史徐榘擊之錮秩罷祠未幾復官除江東漕以戶部郎爲淮西總領侂胄誅尚書倪思舉邦憲自代召對上言今日更化

韓直

卷之二十三

十五

光緒

未可與紹興乙亥同論秦檜專權天下猶可以緝理今侂胄專權天下敗壞盡矣除尚書右郎兼太子侍講除左司宗正少卿權工部侍郎知臨安府丐祠知江州奏乞郡得節制屯戍兵至郡疾以寶設閣待制致仕卒年五十七謚文肅

吏部郎中張子智貴謨

張貴謨字子智遂昌人第進士主興縣簿改知江山縣會亢旱閏雨因攬鏡有詩云不見片雲頭上黑頓添一夜鬢邊霜遂擢其賦十之八部將怒詰之力陳其害不

能奪光宗卽位投匭進書極言民力已窮邦本不固凡科歛之繁宜一切罷去以蘇維新之澤剗切幾萬餘言轉朝奉郎輪對敷陳三劄及民間疾苦一十八條光宗嘉納之三年除太常主簿五年除司農寺丞轉朝散郎一日以劄子袖見時宰論易革與大過之義有忤是歲西浙旱災毘陵尤甚城邑騷動遂出知州事陛辭奏陳飢民之數及請給降米斛光宗曰米未多卿且好去賑濟故謝表有曰聖應紅粟之未多固奉王音之甚切蒞任講行荒政飢民賴以全活者五十萬衆明年轉朝奉

韓直

卷之二十三

十六

光緒

大夫賜對便殿論人君之心與陰陽之氣相感實歲之豐歉所係上皆嘉納除吏部員外郎陞郎中樞密院檢詳諸房文字奉使金國回內殿賜對因論禮莫重於分分莫重於親今北虜犯分而夷其親亡得乎願朝廷爲內修外攘之備因極言時弊凡二十餘條轉朝散大夫會行郊禮又極言郊赦爲小人之幸不可爲常上可其奏未幾被論奉祠賜里以磨勘轉朝議大夫特封遂昌縣開國男食邑三百戶所著有九經圖述韻略補遺

司農卿王慶翔奏龍

王慶龍字慶翔新昌人慶元三年進士授天台尉辟爲京西檢法官抵襄陽虜大人宣撫項安世咨以征謀一時書檄咸出其手士皆感動改尚書左銓知龍游金華二縣咸有惠政歷遷大理寺丞極言今日議論不明體統不一邊備所當嚴歲幣所當絕和好不可恃攻守不可弛言甚懇切上嘉納之擢監察御史首論姘姘苟容士風大壞宜申食墨之禁又條上備邊備蜀各四事皆一籌悉勝遷奉直卿以歸養辭除直秘閣知温州府事

韓直

卷之二十三

七

光緒

海寇境內憂如主晉建康府崇信親知婺州按官因于七百畝爲助役倡民亦各以田助得田六萬有幾以備當役者用又以水旱兩奏歸二稅民甚德之召赴行臺見上論中庸致中和大槩以爲天造之運非祁寒大暑不足以成歲功意其約二氣之中不寒不暑而得爲中節乎九官並命四罪咸服刑賞之中節也好賢如纘衣惡惡如巷伯好惡之中節也除司農卿推戶部侍郎以疾歸八年而卒年八十三猶口占遺表畧以獻特贈正奉大夫會稽縣開國伯王慶龍事母以孝聞寧宗受禪推

吏部侍郎袁廣微甫

恩不以官其子而以官其弟袁錫所著有西銘解諸書袁甫字廣微實父開進學士熈之子嘉定七年進士第授秘書省正字入對疏陳五可懼言其剴切次乞嚴守師之選併大軍之權典屯田之利遷校書郎轉對言邊事之病不在外而在內偷安之根不去規模終不立墮蔽之根不去血脉終不通忌疾之根不去將帥終不可擇欺誕之根不去兵財終不可治祖宗之御天下政事雖委相書然必擇風采著聞者爲臺諫敢於論駁者爲

韓直

卷之二十三

八

光緒

繪金所掛賤官都肅朝綱也今日誠體是意以行之參復有倫安獲蔽者哉出通判湖州遷秘書郎尋遷著作佐郎知徽州外艱服除知衢州移提舉江東常平適歲旱亟發庫庾之積遣官分行賑濟飢者予粟病者予藥民藉之單弱者市民之失業者皆曲軫之時江閩寇追僥信慮民情易動分榜諭安之檄諸郡關制司聞於朝爲保境捍患之圖寇迄不犯遂提點本路刑獄兼提舉移司番陽盜起常山調他州兵千人也廣信以爲備都城大火上封事言上下不交以言爲諱天意人心實同

一機災變之作。端由於此。願下哀痛之詔。以回天意。詔求直言。復上疏言。災起都邑。天意蓋欲陛下因其所可見。察其所不可見。行至公無私之心。全保護大臣之體。率屬羣工。大明黜陟。與天下更始。轉將作監。領常平事。如故。彗星見。詔求直言。上疏言。皇天所以震怒者。由愁苦之民衆。人民所以愁苦者。由貪冒之風熾。願一變上下交征之習。爲大公至正之歸。帝親政。以直徽猷閣。知建寧府。明年。兼福建轉運判官。閩鹽隸清司綱運。供費增益無紀。又丁米錢。久爲漳泉興化民患。甫皆奏捐之。

蘇直

卷之二十三

本

光緒室

遷秘書少監。入見。帝曰。卿久勞於外。篤意愛民。每覽所陳。脩見。懷惻。甫奏無逸之義。言知農夫稼穡艱難。自然逸欲之念不起。乞力守更化。以副求言。如不及之初意。遷起居舍人。兼崇政殿說書。於經筵奏剛之一字。最切於陛下。陛下徒有慕漢宣勵精爲治之名。而乃墮元帝文宗柔弱不振之失。元帝文宗果斷不用於斥邪佞。反用於逐賢人。此二君不識剛德之真故也。所謂真剛者。當爲之事必行。不當爲者則斷在勿行。故足貴也。又乞尊意經訓。養育精神。務令克實。上與天一下合人心。帝

意欲全功臣之世。詔自今中外臣僚奏事。毋得摺據以奏。甫言。是消天下讜言之氣。其謂陛下何。兼中書舍人。繳奏不摘苛小。謂監司郡守非其人。則一道一州之蠹也。時相鄭清之以國用不足。屢畝使輸券。甫奏。避貴虛賤。有力者。頑未應令而追呼迫促。破家蕩產。悲痛無聊者。大抵皆中下之戶。嘗講能。帝問近事。甫奏。惟緩私事。人心最。不悅。帝爲惻然。時朝廷以邊事爲憂。史嵩之。即江西力主和議。甫奏。田臣與嵩之居同里。未嘗相知。而嵩之。父彌忠。則與臣有故。嵩之易於主和。彌忠每戒其

蘇直

卷之二十三

干

光緒室

輕易。今朝廷甘心用父子異心之人。臣謂不待嵩之之易於主和。抑朝廷亦未免易於用人也。疏入。不報。授起居郎。兼中書舍人。未幾。擢嵩之刑部尚書。復奏疏云。臣於嵩之本無仇怨。但國事所繫。誠難緘默。嵩之誥命。終不與書行。乃出甫知江州。未幾。改知婺州。不拜。嘉熙元年。遷中書舍人。入見。帝問邊事。甫奏。當以上流爲急。議和恐誤事。又奏。備邊四事。嵩之移荆湖沿江制置使。知鄂州。甫復奏。曰。嵩之輕脫難信。去年在淮西。王檝由淮西而來。比軍。之。今又併湖南。付之臣。恐其復以誤淮。

西者誤湖南疏留中不行翌日樞吏部侍郎引疾至八
疏賜告一月遂歸從臣復合奏留之累命皆辭不報遷
兵部侍郎入見奏江湖暴湧旱魃爲虐楮幣蝕其心腹
大敵剝其四肢危亡之禍近在旦夕乞乘一德塞邪徑
遷吏部侍郎兼國子祭酒日召諸生課其問學時邊檄
日至甫條十事至爲詳明樞兵部尚書暫兼吏部尚書
卒贈通奉大夫諡正肅甫少服父訓謂學者當師聖人
以自得爲貴又從楊簡問學慨然以師道自任切於愛
民所至有惠政立朝正直無所阿附王應麟謂近世榆
櫟直

卷之三

主 光緒堂

魁之有益世道者甫一人而已

工部尚書范子式楷

范楷字子式鄞人登嘉定元年進士第歷官工部尚書
先在經筵因事落沃邊疆州郡關於朝政者知無不言
李全據淮安反狀益急宰相不能決楷委曲撝護大臣
更諫不納楷上書曰賊全猖狂恣睢舉朝皆欲食其肉
而寢處其皮獨丞相隱忍不發其爲保姦誤國甚矣昔
郭子儀爲中書令考於史傳家食爲多今丞相獨當國
柄二十二年所在窺伺一旦禍機竊發變不可測將何

以謝天下遂忤旨去位明年除寶謨閣直學士卒於家
吏部尚書陳仲 子德剛附

陳仲鄞人尚書顯之孫也醇德碩學爲時所尊與人未
嘗有兢仕至國子祭酒慶元初僞學論起仲凡七上章
辨之朝廷以爲狂言罷斥尋拜吏部尚書時韓侂冑當
國每欲引去及侂冑議北伐仲上書切諫侂冑惡其異
已出爲荆湖宣撫使遂乞致仕子德剛歷官戶部侍郎
理宗立遷工部尚書論濟王之寃忤史彌遠奉祠紹定
六年召除福建制置使兼知福州入對上慰勞甚至因
問來攻蔡州以復讐何如德剛曰在國家不可一日忘
此舉恐此舉之後方煩聖慮耳上曰朕與廷臣深計之
時不可失也德剛曰所謂時者人材資用無匱之謂陛
下有之乎上默然端平元年簽書樞密院事請復濟王
官爵從之居七日卒孫著自有傳

左司諫曾西士幽

曾幽字西士叔遠之姪子也少從錢文子學登嘉泰進
士第授安吉州教授辟重慶府司法太守度正欲奏異
京職辭曰錄參章某母老請先之止歎服改秩知建昌

縣推秘書丞兼倉部郎出爲浙西提舉而陳和釋所納解面之獎徙浙東提刑寒食放囚歸祀其先因感泣如期而至召除左司諫與王萬郭磊卿徐清叟俱負直聲當時號嘉熙四諫上疏勸理宗儲震器厚倫紀以弭火災又論余天錫李鳴復之過忤旨除起居郎進權禮部侍郎不拜疏七上且遺古詩以寓規正久之起知福州再以侍郎爲臺臣所沮而止遂守寶章閣待制致仕卒謚文恭

右正言郭子奇磊卿

傳

卷之七十三

王

光碧堂

郭磊卿字子奇僊居人嘉定七年進士端平初拜右正言尋擢右史彈劾權倖無所避初理宗微時與鄧人余天錫友善既即位懷其定策恩旋權至執政而人材鄙劣性復貪婪門庭擁雜朝論不與磊卿上疏劾之曰臣聞鷄鳴入林鳳凰遠去豺狼當道騷虞自棄不仁者而在高位則抱道懷德之士莫之敢近矣陛下欲聚羣賢以興至治而肱股喉舌之任乃使雄邪踞足其間是却行而求前也章凡三上天錫竟罷去史嵩之三世相位勢可炙手多怙權不法磊卿疏已具候召對奏之而爲

嵩之耳目所得亟除磊卿起居郎磊卿憤不得言徑出國門求去遂鬱鬱不得志鳴咽而卒時磊卿與侍從徐元杰劉漢卿等號端平六君子天下方想聞其風采而皆繼以沒上念之不已特謚正肅立正諫坊以旌之

左司郎官朱景雲元龍

朱元龍字景雲義烏人少從徐僑學登嘉定十六年進士第歷平陽青陽尉調饒州司理參軍改緡雲令治最擢幹辦行在諸司糧料院輪對論三邊形勢理宗嘉納

傳

卷之七十三

王

光碧堂

丞兼權左司郎官京局官或挾權貴勢求舉職輒斥之曰舉職可以勢取邪中官有求封節者力持不可宰臣傳上旨令改擬對曰吾職可罷擬筆不可改也宗臣有奸田之訟舉朝無可否元龍毅然決之時方括兩淮浮瑄致書執政以謂朝廷行商賈之事廟堂踵諸閫之規使史氏書曰括浮瑄自今始不可又兩上封事言上自官禁朝廷以及百官萬民之利病皆可痛哭流涕史嵩之入相嫉其鯁直斥去知衢吉二州既而鄭清之再入相素惡其直言無忌遂以朝奉大夫致仕家居十年卒

有遺稿十卷

戶部侍郎何宗玉琮

何琮字宗玉松陽人第進士官吉州安福縣簿始至太書門屏日以儉養廉將勅補拙入朝除左正言轉殿中侍御史先此臺諫駁爲宰相私人有彈劾先進副封琮獨守祖制斥貪逐佞多合清議與時相意忤改爲起居舍人一日諷琮駁陳壘除命答曰琮他日尚欲附善類時相大怒左遷爲福建轉運副使時相去位召入爲戶部侍郎理宗嘗夢神人云天下欲太平何琮作宰相異

譴直

卷之三十三

五

光緒堂

日以語學士趙汝騰當國者忌之遂不果用友人以詩悼之曰空形良弼夢只戴侍臣冠

侍御史劉正甫漢弼

劉漢弼字正甫上虞人登嘉定九年進士第歷官秘書省正字時理宗欲勉城隍以學詔皇親宅置講官首命漢弼以著作郎兼沂王府教授漢弼慨然歎曰三館情流出入貴戚之門豈惟辱身且辱官力辭不拜改考功員外郎兼崇政殿說書默寓規諫爲帝所簡注拜監察御史入謝帝面諭之曰以卿純實不欺故此親擢宜悉

心以告漢弼以臺綱久弛首疏三事曰定規撫正體統

之謀慮論給事錢相巧於迎合睥睨政地直學士院吳愈不稱其職罷去之又劾中書舍人濮斗南左正言葉賁疏留中不出賁松陽人爲時相史嵩之腹心有使賁互按者明日賁有他命而漢弼由是去國嵩之又權國柄復以父憂謀爲起復帝益患苦之時臺諫無一人敢言者帝私計曰漢弼正色不撓是可屬任者遂以太常少卿召之臺諫劉晉之等揣帝意將有易置亟請寢漢弼新命帝怒逐晉之等四人而擢漢弼左司諫兼侍讀

譴直

卷之三十三

五

光緒堂

復除侍御史漢弼疏奏曰自古未有無宰相之朝今虛相位已三月尚可狐疑而不斷乎願奮發英斷拔去陰邪庶可轉危而安否則是非不兩立邪正不並進陛下雖欲收召善類不可得矣臣聞富弼之起復止於五請蔣鼎之起復止於三請今嵩之既六請矣願聽其終喪亟選賢臣早定相位帝覽納遂決乃命范鍾杜範並相百官舉劾相慶漢弼之力爲多又論馬光祖奪情總賦淮東乃嵩之預爲引例之地乞勒令追服終喪以補名教帝嘗厲漢弼以進人才退而條具以奏皆時望

所歸重漢卿以受知特異而奸邪未盡屏汰議論未能
堅定爲慮遂感末疾居無何遂卒特贈四官諡曰忠漢
卿之卒也太學生蔡德潤等百七十有三人伏闕上書
以爲暴卒而程公許著漢卿墓銘亦與徐元杰並言其
旨微矣

翰林學士洪舜俞咨斐 子點附

洪咨斐字舜俞於潛人嘉定二年進士中博學宏詞科
崔與之帥淮東辟置幕府邊事繼悉爲盡力與之帥成
都請於帝授咨斐籍田令通判成都府首徹咨斐自近

韓直

卷之三十三

壬子

光緒帝

韓直曰今當開誠心布公道合西南人物以濟國事乃一
未有聞而先及門生故吏是示人私也卒不受惟以通
判職事往來效忠蜀人高之毀鄧艾祠更祠諸葛亮告
其民曰毋事仇讐而忘父母還朝爲秘書郎遷金部員
外郎會詔求直言慨然曰吾可以盡言矣主矣其父見
其疏曰吾能喫茄子飯汝無憂史彌遠讀至濟王之死
非陛下本心大恚擲於地轉考功員外郎轉對復言李
全必爲國患於是臺諫交論鑄二秩讀書故山七年而
彌遠死帝親政五日卽以禮部員外郎召入見乞養英

明之氣及論君子小人之分帝問今日急務對以進君
子而退小人開誠心而布公道且言在陛下一念堅凝
又問在外人物對以崔與之護蜀而歸間居十年終始
全德之老臣若趨其來可爲朝廷重眞德秀魏了翁皆
陛下所簡知當聚之本朝翌日與王遂並拜監察御史
咨斐感激知遇謂遂曰朝無親權臺諫久矣要當極本
窮源而先論之乃上疏曰臣歷考往古治亂之源權歸

人主政出中書天下未有不治權不歸人主則庶幾一
夷綱常且不立矣政之問政不出中書則腹心無寄必

韓直

卷之三十三

壬子

光緒帝

轉而他屬矣權之攬此人政馭羣臣所以獨歸之王而
詔之者必天官冢宰也陛下親政以來威福操柄收還
掌樞揚庭出令震撼海宇天下始知有吾君元首既明
朕肱不容於自情撤副封罷先行坐政事堂以治事天
下始知有朝廷此其大權大政亦略舉矣然中書之蔽
端其大者有四一曰自用二曰自專三曰自私四曰自
固願陛下於從容論道之頃宣示臣言俾大臣克初志
而加定力懲往轍而圖方來以仰稱勵精更始之意帝
嘉納之又首乞罷樞密薛極以厲大臣之節章三上卒

韓直

卷之三十三

五

光緒堂

出之其他得罪清議者相繼劾去。朝綱大振。明年改元端平。召夔預乞於正月朔。下詔求直言。使人人得盡言。無隱。又乞令內職任之等者。各舉所知。皆從之。時荆湖以八陵圖來上。召夔援紹興留司奉表八陵及東晉大都督親謁五陵故事。乞先詔制臣往省。俟還別議。朝祭又復以完顏守緒骨來獻。時相修大其寧。夔曰。此朽骨耳。函之以葬大理寺可也。第當以金亡告九廟。歸諸祖。宗德澤況與大敵為憐。抱虎枕蛟。事變叵測。顧可後固人之獲。使邊將論功。朝臣頌德。且陛下知慕崇政。受韓直

韓直

卷之三十三

五

光緒堂

恩例特贈兩官。諡忠文。召夔研窮經史。馳騫藝文。蔚為一代文宗。有兩漢詔令三十卷。摩抄一百卷。春秋說三卷。外內制及賦詩文三十二卷。奏議三卷。子勲。兼紹其家學。而勲登淳祐四年進士。為崔與之魏了翁所知。仕至兵部尚書。嘗為論發明先皇與子之意。人稱其有父風。骨贈端明殿學士。諡文靖。

右曹郎王守仁有開

王有開字守仁。平陽人。初游右庠。叩關論史。嵩之起復。非是。且陳盧允升。董宋臣之奸。併攻余晦。帥蜀無狀。由是知名。繼登右科。參贊戎幕。咸淳初。以武職換文資。由編修官兼右曹郎。出知惠州。不赴。有開博學。強記。經史子傳。旁及隱經洞章。過目輒記憶。晚慕賀知章為人。黃冠野服。逍遙物外。年八十四卒。

大理卿毛鴻甫遇順

毛遇順字鴻甫。餘姚人。舉進士。召對便殿。起拜御史。首論史嵩之不當起復。以壞典常。三學諸生皆朝廷元氣。不宜斥逐。以自耗削。前後疏凡數十上。皆時所諱言者。理宗書其名於御屏。寶祐初。進兩淮制置使。上疏極

論賈似道下大全必誤國乞卽罷斥不報元大弟忽必烈聞之歎曰安得南朝直臣毛遇順者乎官終大理卿給事中孫守叔夢觀

孫夢觀字守叔慈谿人寶慶二年進士歷官武學博士輪對言人主不容有所憚尤不容有所玩憚則有言而不能容玩則雖容其言而不能用陞太常寺丞兼右司郎官將作監轉對極言風憲之地未聞有十八疏攻一諫者封駁之司未聞有三舍人不肯草制者道揆不明法守滋亂天下之權將有所寄而倒持之患作當路者

諫直

卷之三

主

光緒

滋不悅出知泉州改知寧國府蠲逋減賦無筭泛入者盡籍於公帑戶部遣官督賦急若星火閩郡皇駭莫知爲計夢觀曰吾寧委官以去毋寧病民以留力丐祠所遣官聞之夜過丞相董槐召還帝問江東庶吏槐首以夢觀對帝說乃遷司農少卿兼資善堂贊讀輪對謂今內外之臣恃陛下以各遂其私而陛下獨一無可恃可爲寒心次論郡國當爲斯民計朝廷當爲郡國計乞命大臣一應目前主計之臣奪州縣之利而歸版曹者復歸所屬庶幾郡國蒙一分之寬則斯民亦受一分之賜

帝善其言遷宗正少卿兼權舍人起居郎八上疏辭免除直龍圖閣與祠未幾復召爲起居郎歷兼國子祭酒權吏部侍郎奏事抗論益切以龍賂彰仁賢進貨財備聚爲言且謂未易相之前故政固不少既易相之後政亦自若在庭之士皆危之夢觀曰吾以一布衣蒙上恩至此雖捐軀無以報利鈍非所計也力求補外以集英殿修撰知建寧府未幾疾作口授遺表不忘規諫遂卒夢觀退然若不勝衣然義所當爲奮往直前其若敗屋數間不蔽風雨布衣蔬食而重名節一時稱爲古直

諫直

卷之三

主

光緒

刑部侍郎潘南夫凱子希聖希仁附

潘凱字南夫檉之從子弱冠入太學嘗上書言史彌遠擅權輿論魁之登紹定進士第教授常德府勇信軍作亂凱馳入營裂帛植於門曰在營者非叛軍上皆歸無敢後白憲守止戮首亂者一軍安堵郡人德之淳祐末除監察御史連三疏論丞相鄭清之不勝任未報卽行後以宗正少卿除秘閣修撰都承旨進刑部侍郎請外權寶章閣待制知太平州卒子二希聖字養蒙嘗率六館論下大全終戶部侍郎希仁字養浩兩優釋褐終將

作少監

監察御史汪行之自強

汪自強字行之淳安人登紹定二年進士第爲富春簿分司鄉邑創常平義倉知錢塘縣時值孟饗赤縣出班起居自強人物清修音吐弘暢上目送之中書因薦其才除監察御史兼崇政殿說書彈劾不避權貴爲之側目每簪筆荷橐鵠立柱下百僚震肅時京尹顧鼎託婚東宮以希內授自強露章劾之當坐免官婚亦廢朝野悚然尋遷大理寺卿卽乞身歸築室故山曰香晚以讀書怡老不復仕

卷之三十三

三

光緒堂

刑部侍郎劉聲伯蔽

劉蔽字聲伯樂清人淳祐十年試入太學儕輩翕然稱之時丁大全方爲臺屬劾奏丞相董槐迫逐去國將奪其位蔽率同舍生伏闕上書大槩言朝廷進退大臣須當以禮書上忤執政送南安軍安置大全貶蔽還太學未幾侍御史陳垓誣劾程公許右正言蔡榮誣劾黃之純二公罷出六館相顧失色蔽又率諸生上書言蔽等蒙被教養視國休戚利害若已痛痒朝廷進一君子臺

諫發一公論則彈冠相慶喜溢肺腑至若君子鬱而不

獲用公論沮而不克伸則憂憤忤結寢食俱廢臣間扶

植宗社在君子扶植君子在公論陛下在位幾三十年

端平間公正萃朝忠謹接武天下翕然曰此小元祐也

淳祐初大姦屏迹善類在位天下又翕然曰此又一端

平也奈何年來培養保護之初心不能不爲之轉移祖

宗建置臺諫本以伸君子而折小人倡公論而杜私說

迺今老饕自肆姦種相仍以諂諛承風旨以傾險設機

奔以渙浚盜官爵陛下非不謙拔羣賢彼則忍於空君

諫直

卷之三十三

三

光緒堂

子之黨陛下非不容受直言彼則勇於倒公議之戈不

知陛下何負此輩而彼乃負陛下至此邪當陛下詔起

謦髦之秋而公許起自家食正君子視之以爲進退之

機迺坐席未溫彈章已上一公許去若未害也臣恐草

野諸賢見幾深遁而君子之脉自此絕矣比年朋邪煽

焰緘默成風奏事者不過襲陳言應故事而已幸而之

純兩疏差強人意迺令軟媚者全身鯁直者去國一之

純去若未害也臣恐道路以目欲言輒沮而公論之脉

自此絕矣况今天下可言之事不爲少可攻之惡不爲

跡多。衛、蒯、樂、孔、浸有逼止之機。勢挾金張，濫處牧圻之職。以乳臭驕子而佩登從，以光範私人而累典輔藩。錢神通靈於旁，蹊公器反類於互市。天下皆知之，豈陛下獨不知之。正惟爲陛下紀綱者，知爲身謀，不爲陛下謀。陛下明燭事機，詎可墮此輩蒙蔽術中。何忍以祖宗三百年風憲之司，而壞於一二小人之手邪？臣汝騰陛下之劉向也，則以忠鯁斥臣于才。臣棟、臣伯玉陛下之劉向也，則以切直罷使。淳祐諸君子，身消月磨，至今幾爲之一空。彼誠何心哉？高宗紹興二十年之詔有謂臺諫風憲之地，年來用人非據，與大臣爲友黨，濟其喜怒，甚非耳目之寄。臣竊親近事，不獨臺諫爲大臣友黨，內簡相傳風旨相諭，且甘爲鷹犬而聽其指，族焉宰相所不樂者，外若示以優容，而陰實願指臺諫以去之。臺諫所彈擊者，外若不相爲謀，而陰實奉承宰相以行之。方公許之召也，天下皆知獨斷於宸衷，及公許之來也，天下亦知皆得罪於時宰。豈料陛下之恩終不足恃，而時宰之怒竟不可逃邪？陛下萬幾之暇，試以公許之純與該榮等熟思而靜評之，其言論孰正孰邪，孰忠孰佞，雖

諫直

卷之七十五

奏

光緒帝

中智以下之主，猶知判別是非，況以陛下明聖而顧不察此？近見公許奏疏，嘗告陛下揭至公以示天下，該則以秘密之說惑上，聽公許嘗告陛下以寵賂日章，官邪無譬，欲塞侂門絕曲徑。該則縱俠客以兜攬關節，持淵扁以脅取舉狀，開路門以欺弄按章。至若之純之告陛下，力伸邪正之辨，明斥媚相之非，蹇蹇諤諤，流出肺腑，祭身居言責，聞其風聲，自當愧死，尚敢妄肆斐略，無人心乎？且陛下擢用臺諫，若臣鼎卿、臣谷夢、臣應起、臣漢潮、臣凱、臣燧、光明俊偉，卓爲天下稱首，然直入而遽遷，或一鳴而輒斥，獨該榮輩貪饕頑忍，久污要津，根據而不拔，劉向所謂用賢轉石去佞，拔山者乃今見之。可不畏哉？矧今國嗣未正，事會方殷，民生膏血，浚削殆盡，所賴以祈天命，係人心，惟君子與公論一脈耳。小人以不恤之心爲無忌憚之事，其意不過欲竊位日窮，權勢日盛，以富貴遺子孫耳。豈暇爲國家計哉？自昔天下之患莫大於舉朝無公論，空國無君子。我朝本無大失德於天下，而乃有宣靖之禍，夫豈無其故哉？始則邪正交攻，更出迭入，中有朋邪，聖偽陰陷，潛詆終則倒置是非

諫直

卷之七十三

奏

光緒帝

變亂黑白不至於黨禍不止向使劉安世陳瓘諸賢尚無恙楊長張商英周秩輩不又據臺綱其禍豈至此烈古語云前車覆後車戒今朝廷善類無幾心懷姦險者則以文恭飾佞舌心在依違者則以首鼠持圓機宗社大計孰肯明目張膽爲陛下伸一喙者則其勢必終於空國無君子舉朝無公論無君子無公論脫有緩急彼一二儉人者陛下獨可倚仗之乎若堦之罪又浮於榮雖兩觀之誅四裔之投猶爲輕典陛下留之一日則長一月之禍異時雖猶尚方劍以礪其首向何救於國事

卷之二十三

先朝

之萬一猷以材署昭慶軍節度掌書記由學官試館職咸淳三年拜監察御史首論內降恩澤曰治天下之要莫先於謹命令謹命令之要莫先於宣內批命令帝王之權機必經中書奏試門下封駁然後付尚書省施行凡不由三省施行者名曰斜封墨勅不足效也臣觀陛下自郊祀慶成以來恩數綢繆指揮煩數今日內批明日內批邸報之間以內批行者居其半竊爲陛下惜之出納朕命載於書出納王命詠於詩不專言出而必言

納者豈不令繫朝廷之大不能皆中乎理於是

而復有納焉祖宗時禁中處分軍國事付外者謂之內批如取太原下江南韓琦袖以進呈英宗悚然避坐此豈非謹內批之原哉臣日夜念此以爲官爵陛下之官爵三省陛下之三省所謂同奉聖旨則是三省之出命卽出陛下之命也豈必內批而後爲恩緣情起事以義制欲某事當行某事當止具有條貫何不自三省行之其有未穆於公論者許令執奏顧不避欺乃今前之恩數未竟後之恩數已乘宰執懼有所專而不敢奏給舍臺諫懼有所忤而不敢言更如此者數年將何以爲國

卷之二十三

先朝

龜政事由中書則治不由中書則亂天下事當與天下共之非人主所得私也改正字以不得其言力求解職不許會以外艱去服除授集英殿學士沿海制置使知慶元府召拜刑部侍郎改朝奉郎兼工部尚書丁母憂明年江上潰師丞相陳宜中起復飯爲端明殿學士不起及賈似道韓震死宜中謀擁二王由温州入海以兵逆敵共政將遜相位於是殺託宗祀於母弟成伯遂起及羅浮以疾卒其妻林氏舉家蹈海未幾而宋亡有司郎中趙敷則崇潔

趙崇潔字敏則，縉雲人。第進士，累官右司郎中。負人倫鑑一經，品目多爲名士。理宗朝，中貴盛必升等，專權招賂，濁亂朝政。廷臣畏其勢，胥指口不敢出聲。崇潔獨抗疏數其罪，惡乞斥罷。以肅官府，由是名振朝野。居官不受私謁，所至以激揚著聲。

大理少卿王載仲持屋

王持屋字載仲，樂清人。選入太學，有聲。嘗率六館叩關論史。嵩之士論歸重，登淳祐進士第。入浙西帥幕，時有薦丁大全可任臺諫者，持屋謂其內懷姦，役外示任，率

離直

卷之二十三

光緒

使

使其得志，必爲國家憂。大全聞之，憾焉。未幾，以著作兼左曹郎，與潛罷相持屋輪對，言於理宗曰：「宰相進退人材，當進賢退不肖，不當以用舍快恩讐。潛貶上疏力爭之不聽，遂罷歸。賈似道怨潛甚，疑持屋黨潛，併惡之。由是十五年間，三被擢，不越郎曹。二典郡，皆不終，似道敗始除大理少卿，未上卒。」

禮部侍郎孫仁則嚙叟

孫嚙叟字仁則，餘姚人。句容令林之子，第進士，中博學宏詞科，權監察御史，論賈似道罪重，法輕，當斬之，以示

國法。德祐初，元兵渡江，文天祥起義勤王，左丞相王燦趣天祥入衛，而右相陳宜中與燦不相能，以故深結留夢炎，而黨黃石奏勿使入衛，以沮毀天祥。天祥列上勤王及留屯利害，皆內忌夢炎，莫敢開白。嚙叟取所列，徑造御前奏之。於是復有旨，趣天祥入衛，仍乞倚任天祥。宜中夢炎及黃萬石呂師孟以作忠義之氣，時朝議方倚重師孟，求好於元，不報。嚙叟居官竭忠盡智，排斥姦回，不爲身謀，尤精於易，所著有讀易管見諸書，官至禮部侍郎，兼太子賓客，卒，謚忠敏。

離直

卷之二十三

光緒

使

太學生王汝善仁孫

王仁孫字汝善，松陽人。辟入太學，博古工文辭，議論慷慨，以名節自許。時賈似道以母憂起復，毅然曰：「三綱絕矣，幸同舍生諸博士陳著偕詣闕上書切諫，以似道罪惡昭彰，愚夫愚婦亦思逐之。今天奪其母，是代陛下行罰也。書上不報，似道怨欲遠竄之上，不可乃止。仁孫遂謝病歸，未幾，宋社遂屋，痛哭憂憤，以不能興復致疾卒。」元共三人。

平章葉太白李

葉李字太白一字舜玉杭州人少有奇質補京學生宋景定五年尋出於柳理宗下詔罪已求直言是時世祖南伐駐師江上宋命賈似道領兵禦之會憲宗崩世祖班師鄂州罔解似道自詭以爲已功因復人相益驕肆自揣初置官田閑子其法病民其中外毋敢指議李乃與同舍生康棣而下八十三人伏闕上書攻似道其略曰三光舛錯宰執之愆似道繆司台鼎變亂紀綱毒害生靈神人共怒以干天譴似道大怒竄李潭州似道既敗乃得自便未幾宋亡歸隱富春山江淮行省及宣慰

韓直

卷之二十三

聖 光緒堂

兩臺爭辟之俱不應至元十四年世祖命御史大夫相威行臺江南且求遺逸以李姓名上初李攻似道書其未有云前年之師適有天幸克成厥勲之語世祖習聞之每撫掌稱歎及是以姓名聞世祖大悅即授奉訓大夫浙西道儒學提舉李聞命欲遁去而使者致丞相安童書有云先生在宋以忠言謫論者稱簡在帝心今授以五品秩士君子當隱見隨時其尚悉心以報殊遇李乃幡然北向再拜曰仕而得行其言此臣夙心也敢不奉詔二十三年侍御史程文海奉命搜賢江南世祖諭

之曰此行必致葉李來李既至京師召見披香殿勞問卿遠來辛苦且曰卿獨時訟似道書朕嘗識之更詢以治道安出李歷陳古帝王得失成敗之由世祖首肯賜坐錫宴更命五日一人議事時各道儒司悉以曠官廢李因奏曰臣欽觀先帝詔書常創業時軍事繁夥尚招致士類今陛下混一區宇偃武修文可不作養人才以弘治道各道儒學提舉及郡教授實風化所繫不宜罷諸微立提舉司專提調學官課諸生講明治道而上其成林者於太學以備錄用凡儒戶徭役乞一切蠲免可

韓直

卷之二十三

聖 光緒堂

與奏特拜御史中丞兼商議中書省事李固辭曰臣本羈旅荷蒙眷知使備顧問固當竭盡愚衷御史臺總察中外機務臣愚不足當此任且臣昔寓瘴鄉染足疾比歲尤劇帝笑曰卿足艱於行心豈不可行邪李固辭得詩因叩首謝曰臣今雖不居是職然御史臺天子耳目常行事務可以呈省至若監察御史奏疏西南兩臺咨稟事關軍國利及生民宜令便宜聞奏以廣視聽不應一一拘律遂成文具臣請詔臺臣言事各許實封又以憲臣以繩愆糾繆爲職苟不自檢於擊搏何有其有貪

樊敗度之人宜付法司增條科罪以懲欺罔制曰可由是臺諫得實封言事會尚書省立授李資政大夫尚書左丞李復固辭且言論臣資格未宜遽至此帝曰商起伊尹周舉太公豈循格耶尚書繫天下輕重朕以煩卿卿其勿辭賜大小車各一許乘小車入禁中仍給扶升殿一日從至柳林奏曰善政不可以徒行人材不可以驟進必訓以德義摩以詩書使知古聖賢行事方略然後賢良輩出胥澤下流唐虞三代咸有胃學漢唐明主數幸辟雍非爲觀美也乃薦周砥等十人爲祭酒等官

韓直

卷之二十三

聖 光緒

凡廟學規制條具以聞帝皆從之時帝欲徙江南宋宗室及大姓於北方李乘間言宋以歸命其民安於田里今無故間徙必將疑懼萬一有奸人乘釁而起非國之利也帝大驚事遂寢陞尚書右丞轉資德大夫時淮浙飢饉穀價騰湧李奏免江淮租稅之半運湖廣江西糧十七萬石至鎮江以賑飢民帝欲伐交趾召李入議李曰邇方遠夷得之無益軍旅一興靡費鉅萬今山路險巖深入敵境萬一蹉跌非所以威示遠人也乃止陞平章政事李固請解職南還累疏許之賜以玉帶視秩一

品及平江田四千畝李還至臨清帝遣使召之俾爲平章政事佐丞相完澤治省事李復上表力辭未幾卒年五十一帝嘗問兵部郎中趙孟頫葉李與留夢炎孰優孟頫對夢炎優帝笑曰不然夢炎以掄魁位宰相而附賈似道病民誤國伴食中書無所可否李舊出諸生力砥似道其過夢炎遠甚然其性剛直人不能容而朕獨愛之也李前後被賜之物甚多而自奉甚儉嘗戒其子曰吾世業儒甘貧約惟以忠義結主知汝育其清慎自持勿增吾過指所賜物曰此終當還官也比卒悉表送

韓直

卷之二十三

聖 光緒

官一毫不以自私贈資德大夫追封南陽郡公謚文簡翰林學士趙晦叔與黑伯祖師淵附

趙與黑字晦叔台州人宋宗室子嘗登進士第爲鄂州教授至元十一年丞相伯顏至渡江與黑率其宗人之在鄂者詣軍門上書力陳不嗜殺人可以一天下且乞全其宗黨後伯顏朝京師世祖問宗室之賢者伯顏首以與黑對遣使召至上京幅巾深衣以見言宋敗亡之故悉由誤用權姦詞旨激切令人感動世祖念之卽授翰林待制朝廷立法多所咨訪與黑忠言謫論無所顧

忌進直學士轉侍講疏陳江南科歛急督移治大姓米
世丘壘暴露皆大臣擅易明詔所爲二十七年京師霧
四塞明年正月甲寅虎入南城與器又疏言惟臣專政
之咎退而家居待罪未幾桑哥敗平章不忽木奏與器
貧屢有守有抱負可大用世祖曰待非指惟臣爲虎者
邪賜鈔萬三千貫歲給其妻子衣糧後累遷翰林學士
其伯祖師淵嘗從朱熹學家庭授受具有端緒每與許
衡論伊洛闢奧衡雅敬之與器旣老成宗命特官其子
孟實以終養大德七年以疾卒家貧無以爲葬成宗命
有司賻鈔五千貫給舟車還葬台州之黃岩贈通議大
大禮部尚書上輕車都尉天水郡侯諡文簡

諱直

卷之二十三

望

光緒堂

兩浙名賢錄卷之二十三終

兩浙名賢錄卷之二十四目次

諱直

明一

平遙縣分教葉居升伯巨

國子監司業豐復初寅初

刑部尚書程仲能徐

福建按察司使陶厚仲鑄

監察御史洪子輿堪

太學生郭士淵濤

諱五日大

卷之二十四

一

光緒堂

湖廣按察司僉事鄭好仁士元

監察御史鴈子溫

監察御史王允功成

監察御史項善恒民彝

監察御史鄭公主惟桓

廣西左布政使夏以正時

監察御史周顯謨文

監察御史范時雨霖

南京吏部左侍郎章大綸繪

兵科給事中鄭伯森林

監察御史劉士亨泰

刑科給事中鮑叔大輝

山東布政司叅政江用良玘

汀州府知府張靜之寧

廣東按察司副使徐可大文溥

監察御史馬克昌昆附馬寔

南京吏科給事中王志默淵

河南按察司副使陳直夫壯

欽定四庫全書

卷之二十四

二

光緒

吏科給事中趙時中良

僉都御史丁大容川

刑科都給事中毛士廣弘子驍附

吏部尚書屠朝宗瀟子樞附

南京大理寺評事夏德樹鐵父頃附

兵部侍郎虞邦瓊瑤

兵部左侍郎何文璧琮

廣東布政司叅議徐希晉沂

湖廣按察司僉事朱懿神惠

布衣繆恭

南京兵部侍郎呂丕文獻

廣平府知府盧希玉瑀

南京監察御史陸如玉崑弟嵩附

刑部侍郎陳宗獻璋

山西提學僉事陳震

監察御史王時霖漢

兵科都給事中章元益鎰

工部尚書楊維貞守隨

欽定四庫全書

卷之二十四

三

光緒

南京右都御史王存約燠

兵部侍郎陶世和諧四世祖仕成附

監察御史張廷和景賜兄景明附

刑部尚書韓大經好問

四川道監察御史虞惟貞守隨

兵科給事中周克敬旋

山東按察司副使屠文治森兄奎附

禮部左侍郎黃誠甫宗明

翰林院編修王懋賢相從弟杰附

廣東左叅政張德珍懷

兩浙名賢錄卷二十四目次終

兩浙名賢錄

卷之二十四

四

光碧堂

兩浙名賢錄卷之二十四

東海徐象梅仲和氏謨

門人張熙玄朗氏閱

識

明一 共五十五人

平遙縣分教葉居升伯巨

葉伯巨字居升寧海東蒼里人也好讀書年二十餘有名於鄉黨選爲縣學弟子員善說禮凡朋友有婚喪必禮相之爲人耿介不能藏人短見人不善立折之不顧

其喜怒

卷之二十四

一

光碧堂

其喜怒人知其無它終亦不恨也以年長通經術陞入太學未久詔諸生分教河北子弟伯巨得平遙縣待諸生如子弟諸生亦愛之如父兄洪武九年星變下詔求言伯巨曰今天下有三事最切積於吾心久矣縱不求吾猶將言之况有明詔乎卽爲書言三事曰分封太侈也求治太急也用刑太煩也今四海方平民庶思治矣而不務以寬厚御之視誅殺人似滅螻蟻使民不獲安息欲以圖治難矣夫圖治於亂世之餘猶理絲於棼亂之後緩之則端緒可得欲速則膠結而不可理今病民

之不安。奸邪不止。朝夕異令。賞罰不準。君勞於上。臣困於下。治焉可致乎。此二者。人皆知其不可。然非敗之根也。所謂分封太侈者。天子畿內地止千里。而燕秦晉楚踰千里之國。以封年少未達事之王。無事則易驕佚。有事則易爲僭亂。此人所未知。而臣所謂爲患難見者也。其語皆切直。上大怒曰。小子。乃敢踈問吾家骨肉。我見之。且心憤。况使吾兒見之邪。速取以來。吾將手射之。而啖其肉耳。伯巨至。丞相乘上喜。乃敢奏。詔繫刑。賈問狀。庚死獄中。天下聞而憐之。

卷之二十四

子慶孫

二

光緒堂

國子司業豐復初寅初子慶孫附

豐寅初字復初。鄞人。博學篤行。耻事胡元。隱居勾章之墟。洪武十七年。徵爲國子司業。後上疏諫觀燈。請德化縣學教諭。以身廸人。建文壬午。棄官躬耕。卒年百有五歲。所著有古易略說。子慶宇文慶。第正統己未進士。授兵科給事中。遷右給事中。與林聰。葉盛。高棅等諫。景帝南城。及易儲事。言甚剴切。乃繫詔獄。七年。英廟復辟。陞河南左叅政。論周府內官不法事。上嘉之。陞本右布政使。庶聲大著。會奉表入賀。墜馬傷足。時年五

十。乞致仕。所著有古易筮法。簡庵集。子耘字用勤。以禮律身。雖造次。無少渝。官湖口縣學訓導。乞終養歸。以子應貴封奉直大夫。右春坊諭德。著家禮便宜。唐詩續音。藏於家。

刑部尚書程仲能徐

卷之二十四

三

光緒堂

程徐字仲能。端學之子。仕元爲兵部尚書。入國朝。爲吏部侍郎。洪武二年。上以孔子釋奠。止令行於曲阜孔林廟。天下不必通祀。徐上疏極言其略曰。自古帝王之治天下。教養而已。民無社稷三皇。則無以生。非孔子之道。則無以立。政有國者。祀之必徧於天下。蓋以維持世道。崇本始。而報功德也。三代而上。若堯舜禹湯文武周公。皆聖人也。然而發揮三綱五常之道。載之於經。儀範百王。師表萬世。人極不墜者。孔子之力也。天下不可一日無孔子之道。則教不可一日廢。天下不可一日無孔子之教。則祀不可一日廢。今使天下之人。讀其書。由其教。行其道。而不得通祀焉。非所以崇本始。報功德也。上允其奏。改刑部侍郎。尋陞尚書。徐精勤通敏。劇繁治劇事。無留滯。雅能文。而尤工於詩歌。

福建按察使陶厚仲鑄

陶鑄字厚仲，鄞人。少孤貧，懷奇負氣，不屑附人。洪武十五年，授監察御史，劾奏刑部尚書開濟得君欺君，太師韓國公李善長肆奸擅權，剛毅正直，一時檢小，莫不望風欽迹。未幾，陞福建按察使。武寇華囂，風紀益震。時左布政薛大昉潛引腹心，淫肆妖媚，囊括人財，嗜利罔極。民被其流毒者甚衆。鑄疏劾其事，並逮繫至京。民冀其復來，爲之謠曰：「陶使復來，天有眼，薛公不去地，無皮。」後果復任，民皆忻躍扶老携幼相迎於郊。

韓直

卷之二十四

四

光緒堂

監察御史洪子與堪

洪堪字子與，淳安人。少負奇質，讀書過目輒成誦。弱冠登洪武三十年進士第，授監察御史。高皇帝以其年少，俾冠豸衣，繡暫歸績學。老其才而用之，永樂初召入臺，彈劾不避權要，風節凜然。同官有遺以雙白鵬者，堪卻以詩曰：「白鵬本是山中物，何事飛來到栢臺？」其廉介類如此。

太學生郭士淵濬

郭濬字士淵，寧海人。洪武初，詔郡縣貢秀士各一人，寧

海以濬名上。既而有詔，許臣民言政事缺失，卽上書論當世急務甚切，召對忤旨，令肄業太學。太學所養士數千百人，見其文咸吐舌驚異，歎不可及。濬亦氣高，自負飲酒大醉，縱筆疾書求者，操紙立與，無不意滿。由是名噪一時。同學者見其名高，乃以弗及爲恨，諸師誣以奏抵罪而死。

湖廣按察僉事鄭好仁士元

鄭士元字好仁，寧海人。洪武初，歷懷慶同知，累遷湖廣按察司僉事。性剛直，有才氣，於學無不該貫。嘗獻太

韓直

卷之二十四

五

光緒堂

祖皇帝十策，一曰：親近師儒，以究天下之治；二曰：容納諫諍，以盡天下之言；三曰：常戒飭諸將，以救天下之人；四曰：善輔導太子，以固天下之本；五曰：責任臺諫，以致天下之賢；六曰：修明學校，以正天下之教；七曰：限民名田，以均天下之賦；八曰：裁抑奢僭，以阜天下之財；九曰：禁妖淫聲，以新天下之聽；十曰：復中華衣冠，以新天下之視。皆援古酌今，委曲切當，累數千百言。太祖嘉納，後多施行之。

監察御史厲子溫

厲子溫，青田人。國初，以明經擢監察御史，糾劾不避權要。洪武癸丑，命踏湖州水荒，以實復命。上曰：「前使者曰：『無爾，爾獨曰有。』莫不知所以者乎？」對曰：「天知地知，臣知君獨不知。」上忿其言不遜，斬之。後果如其言，因罪前使者而御書於午門曰：「豪傑御史厲子溫。」

監察御史王允功成

王成字允功，松陽人。永樂初，貢入太學，授北京道監察御史。偕工部爲勲戚劉大秀等樹碑，成後至，觀碑次，不合於禮，入見。上曰：「劉汪二氏雖勲戚，乃臣子耳，不可。」

蕭然

卷之三十四

光碧堂

與高皇帝並立，立必遠數十步。庶君臣之分明而報功之典盡也。上嘉歎，卒易碑處。上一日顧語左右曰：「王成好御史，勅往南都檢治成牘，核官吏能否。」京師肅然。

監察御史項善恒民彝

項民彝字善恒，松陽人。狀貌脩偉。永樂初，以明經授廣西道監察御史。上以皇太孫英明，欲特授膺服，民彝抗疏諫曰：「父子相傳，古今常道。陛下獨不聞衛輅之事乎？且太子仁柔，初無頭過千歲後將何以入宗廟乎？」

上怒，罷朝。時天大雪，民彝俯伏不敢起。上入宮後，取其疏讀之，感悟，命宦官搜於雪消陷處，得之。四肢已僵，勅光祿寺調護，尋以疾終。上一日問侍臣曰：「胡久不見長御史對曰：『已死矣。』」上歎息者久之，命恤其家。

監察御史鄭公圭惟桓

鄭惟桓字公圭，慈谿人。少孤，鞠於祖母周。周讀書，知太義，時時取古格言訓之。桓感激，刻意書史。永樂甲午，浙江鄉試第一，與叔父讓同登進士，拜監察御史。蹇諤不避大著風裁，廣東憲使陳某被誣，入於法，惟桓知其冤，訊出之。陳懷百金爲報，桓笑曰：「法當爾耳，吾豈有所私邪？」辛丑，奉天殷災，惟桓疏六事，指陳時政得失，言過剴切，遷交趾南靖州知州，卒於官。

廣西左布政使夏以正時

夏時字以正，錢塘人。永樂戊戌進士，授戶科給事中。洪熙改元，議改鈔法，時力言其擾市肆，無裨國用，留中不下。已而泉幣大阻，民輒犯禁，議竟寢。於是上思時言，命侍皇太子祀祖陵。孝陵所至，遇款輒建白，發倉賑之，留署南戶科。宣德初，一日三上封事，稱旨，命署

尚寶司兼吏禮兵刑四科事。身視七篆綜核靡遺事無
愆。滯才望赫然。六年查後湖冊陳便宜十四事。至今行
之。擢江西按察司僉事。進參議。以大臣會薦超擢廣西
左布政使。前後所上又十餘疏。皆國家要機事。雖不盡
見信用。議者偉其敢言。其爲僉憲時薦知州柯暹爲按
察使。條約均徭冊式。民便而行之。遂爲令甲。年未七十
致仕歸。卒。平生潔。燕好義。篤孝二親。及親歿廬於墓次。
哀號不輒。致烏巢芝產之異。鄉人重其德行。建祠祀之。
郡守張禧事聞當道。一時鎮巡藩臬諸大吏咸共嘉歎。

蕭直

卷之十四

人

光緒堂

題其祠曰孝。蕭魏文靖李文忠各爲之立傳。

監察御史周顯謨文

周文宇顯謨富陽人。永樂癸卯領浙江鄉薦授福建武
平縣學教諭。遷河南道監察御史。巡按廣東。赫著聲績。
秉公持憲。百度振揚。時中官王振方用事。文抗疏論之。
學士倪謙以憂制留用。文固請容謙終制。言雖不用。一
時重其謹直。屬貴州苗叛。總帥偵師。朝議命文督兵。偕
靖遠伯王驥往勦。至則車馬諸賄宜論國威。賊應聲歸
款。未幾以憂歸卒於家。

監察御史范時雨霖

范霖字時雨。樂清人。登宣德丁未進士第。授行人。出使
萬里外。餽遺一無所受。比還。行李蕭然。以薦拜監察御
史。彈劾無所避。時副都御史周銓苛刻貪暴。霖糾十三
道御史疏銓所爲不法。事上之朝。逮繫銓詣獄。事未竟
而銓得心悸。縊以死。十三道或降或謫。霖坐首建議。繫
獄。了無悔懟。天下稱爲真御史。

南京吏部左侍郎章大綸綸

章綸字大綸。樂清人。正統四年進士。爲主事。南京禮部

蕭直

卷之十四

人

光緒堂

景泰初。爲儀制郎中。屢有論建。又條上太平十四事。反
覆萬餘言。懷獻太子卒。人心危懼。御史鍾同諷禮部請
復立沂王東宮。禮部大臣縮首咋舌。曰。作死作死。綸聞
發憤。卽具疏。陳修德弭災十四事。又言。上皇君臨天
下。十有四年。陛下親爲臣子。又以天位授陛下。稱太上
皇帝。天下至尊也。月朔望及歲時節旦。宜率百官朝見。
延安門復汪后於中宮。以正壺儀。復沂王於東宮。以定
國本。上見疏大怒。下綸詔獄。炮烙煅煉。追綸弼大臣
及通南城狀體無完膚。竟不承。以鍾同先嘗上言。并逮。

欲殺二人。會天大風雨。黃霧四塞。乃止。廖莊自南京來。亦嘗請復儲。遂縛三人至午門前。杖一百。同死。莊遠滿。而綸錮禁獄中。越二年。裕陵復辟。輒歎綸好臣子。爲朕家事。受苦毒也。出之獄中。脫桎梏。拜禮部右侍郎。上令內侍檢綸所上十四事。疏不得。內侍從旁誦數言。上亟稱數曰。好官人。綸繫獄久。因有足疾。會石亨招公卿飲。綸不赴。短綸。上前改南禮部。上固諭賜金幣。文華殿遣行。尋改南京吏部。茂陵卽位。有司以遺詔請大婚。綸上疏曰。山陵尚新。元朔未改。百日從吉。心實未安。釋服公除。雖有常制。顧諒陰大婚情禮。自別。乞勅禮部。來春舉行。成化元年。兩淮飢饉。救荒四事。四年。勅綸會南臺高明考察。綸欲盡去諸不職。明不可綸。獨疏上南諸司。構綸激言官怨。並誣章劾綸。上特遣侍郎葉盛給事中毛弘。卽訊留都。綸誣得白。五年秋。星變。自劾。不允。秩滿。轉左十二年。請老。卒。泰陵卽位。特贈尚書。謚恭毅。官其子立爲鴻臚主簿。君子曰。裕陵茂陵卒。踐天祚者三君子。爲有力矣。成化初。謝鐸預修英宗實錄。檢綸復儲疏不得。輒歎息泣下。曰。公疏動萬

論直

卷之二十四

十 光緒堂

言竟一字不傳。何以示天下後世。數白總裁劉定之。定之曰。奏疏留中者。例不書。鐸曰。景泰數年間。事執此爲大。不書。此奚書。盡請。上增入錄中。竟不從。

兵科給事中鄭伯森林

鄭林字伯森。常山人。登正統進士第。景泰初。授兵科給事中。正色立朝。遇事敢言。劾駙馬都尉石璟。諸不法事。卒廢璟爲庶人。權貴無不飲述。嘗憤團營軍無統制。每出征。人馬多雜蹂致死。遂抗疏論。諸團營將不知兵。操練無法。當事者遂請委林以兵科給事中。操練團營軍。士林旣受命。遂以軒轅破蚩尤之陣。教閱軍伍。復具疏繪圖以進。曰。臣通考古今陣法。莫有過於軒轅皇帝。破蚩尤之陣。夫古之蚩尤。卽今之胡虜也。黃帝按井田作陣法。大軍歸中。專主旗鼓。八節旋繞。悉聽指揮。若正北受敵。則東北西北二兵爲奇兵。張左右翼以援之。若正南受敵。則東南西南爲奇兵。張左右翼以援之。其正東正西及四隅受敵。亦如之。所謂常山之蛇擊。其首則尾應。擊其尾則首應。擊其中則首尾俱應者也。古之名將知此法者。惟太公望。孫武子。韓信。諸葛孔明。李靖。諸人

論直

卷之二十四

十 光緒堂

而已。吳起以下莫能知也。其名之曰天地風雲龍虎鳥蛇八陣者，則諸葛孔明也。一大陣之中固有八陣，小八陣之中又各有八陣。大陣則法伏羲八卦，小陣則法文王六十四卦。所謂陣間乎陣，隊間乎隊者也。若夫造遁甲，有九星，開八門，用三奇者，則又黃帝命風后爲之也。蓋聖人以神道設教，以神其術，使人莫知其所以然耳。大將居於玄武之位，而北嶽則常山蛇也，故曰常山蛇陣。時于肅愍謙爲大司馬，深嘉歎賞，以爲得古兵法，不傳之秘，奏請頒其法於天下。凡練兵官悉以是教閱隊。

蘇直

卷之二十四

士

光碧堂

伍始整其法至今不廢

監察御史劉士亨泰

劉泰字士亨，海鹽人。景泰辛未進士，性耿介，不屈於物。讀書窮日夜，不怠。詩文尤清絕。釋褐，簡爲庶吉士，拜監察御史。出按遼東，及南畿諸郡。風裁凜凜，疏劾內閣江淵卒，移其官。天順初，復與湯瑄極論石亨擅權，忤旨，下詔獄。幾不免，易簣有詩云：清白肯爲兒女計，踈狂曾爲國家憂。擲筆而逝。

刑科給事中鮑叔大輝

蘇直

卷之二十四

士

光碧堂

鮑輝字叔大，溫之平陽人。登正統癸丑進士，第拜工科給事中。外艱服除，改刑科。遇事敢言，言必達大體，不事引繩爲苛刻。朝廷之上，肅然敬憚。時廷綏列校訐奏，忝贊都御史不法，勅輝往按。察其誣狀，白於朝，抵列校罪。邊將多占役軍士，侵種屯田，廢戍守，虧邊儲。輝請釐正其弊，又謂承平日久，天下兵衛多縱弛，宜督之憲臣嚴簡閱之法，示安不忘危之意。所陳請皆軍國大計，多見採納。輝亦感上知遇，益發舒意氣，知無不言，誓以死報國。己巳夏，北虜大舉入寇，邊將累失利。英宗震怒，下親征之詔。元戎啓行，百執事皆章皇彪駕，大臣無一敢諫者。輝奮然曰：事急矣，乃當輦而諫。曰：夷狄大羊也，反覆固其常性，邊將不戒於謀，遂致小眚。爲今計者，不過命一材幹大臣，行邊督戰，自應得當，奈何以萬衆主下與犬羊角力哉？陛下縱不自愛，如宗廟社稷何？王振從旁叱之曰：軍興大事，爾小生何知？遂令駕起。勅輝督右掖諸軍兼紀戰功，師還土木，陷沒死後二十二年，其子鳳行求父骸骨，不得，奉衣冠葬於先塋之次。

山東布政司叅政江用良珙

江玘字用良仁和人景泰辛未進士授禮科給事中正色立朝推貴欽手嘗以六事疏陳悉關君德民務當寧傾聽已而諫罷僧牒濫行疏救按察陳瘼宛又劾奏石亨怙寵罔上直聲赫然時南陽李賢方柄事衆爭趨其門獨玘不可曰吾爲諫官可媚時幸以自託耶固不往居諫垣十年出爲山東叅議又九載始遷叅政凡所歷宗藩莊地有兼并者悉奪以還民會督遼東軍備嚴禁巨商賂遺歸途惟故衣一篋水漿之聲震於遠邇領兵農金穀諸務不假筆楚而事集酷急者反不及焉未幾

蘆直

卷之二十四

古

光緒帝

乞休索養肅然世業讓諸兄弟而幅巾藜杖行歌坐吟夷猶泮渙未嘗請託入公府以子濶貴贈太中大夫資治少尹夏太卿稱其皎然冰雪年未至而請老謂可規真頑嗜進之徒云

汀州府知府張靖之寧

張寧字靖之海鹽人景泰甲戌進士授禮科給事中蹇諤自將遇事卽言丙子順天鄉試內閣大臣陳循王文以其子不中歸咎考官寧奏私其子而爲暴才稱屈失大臣體難居內閣乞令罷歸聞者悚然英宗復位勵

精爲治因災變日御齋官用祈消弭寧會六科乞詔在京衙門將稅政苛法所當改變芟蕪者悉舉奏行其有不盡不實許言官劾奏皇上尤當專慮澄心嚴恭寅畏靜存動察默感潛孚凡可以上當天心順而存之隱微冥漠一念轉移望深留意上優詔允答太監曹吉祥忠國公石亨侍迎駕功竊弄張甚事關禮科舉奏無避上以是知之稱其不可多得朝鮮國警殺毛憐衛郎卜兒哈父子朝廷將往問罪而難其人忽內降差寧與都指揮武忠偕往既行得遼東奏兩夷警殺勅諭急

蘆直

卷之二十四

古

光緒帝

差追留取便進止寧時次遼東拜勅言君仁臣忠敢自便乎卽語鎮守等官調官兵肅陣直前既至導揚威德陳警禍福君臣感悅相視震愕仰若山斗益重朝廷有人識者謂寧此行不減重兵十萬橫行鴨綠憲皇嗣位首勸經筵進講大學衍義有建言請以天縱二字加號孔子寧言孔子道大德尊所貴明其理以行其道被之天下傳之萬世不在封號求勝於一字一名可得輕重時用其議罷之兵部薦寧與翰林修撰岳正堪任侍郎會都御史與當路有卻得旨陞汀州知府至汀先教

化後刑罰訪諸屬民獎政革之勵學有規造祭器八百事費不及民表節義恤孤獨禁游惰在任幾一年以病謝事歸時年甫四十一巡按御史劉珂張敬尚書李秉侍郎葉盛黎淳並奏起之皆以疾辭尚書王恕道郡城特造宰敦勸之卒不起閒居三十年絕迹不事干請高風峻節足以敦薄俗勵後進素負經綸景泰天順間爲諫官第一

廣東按察副使徐可大文溥

徐文溥字可大開化人學問宏博自少有大志以名節

廉直

卷之三十四

六

光碧堂

自喜登進士第授南京禮科給事中彈劾不避權要直聲赫然擢河南布政司叅議以親老不便迎養得改福建所在廉介人不敢干以私轉廣東按察司副使未幾上章言朝政缺失多涉權貴無不爲之危懼遂扶疾待罪南雄有肯放歸至玉山病篤卒有大志而不竟其用人多惜之

監察御史馬克昌昆

馬廉附

馬昆字克昌平湖人第進士知永新政稱卓異擢監察御史彈劾不避權勢終雲南叅政踐履篤實有先聲典

刑時同里有馬嘶者登天順進士第任行人使山西河南四川湖廣諸藩砥礪名節饋遺一無所受陞南道監察御史嚴毅正直繡斧所至百僚震懼當時稱真御史者必曰平湖二馬至今以爲美談

南京吏科給事中王志默淵

王淵字志默山陰人天順中官南京吏科給事中憲皇初嗣位時內臣用事勢張甚在朝無敢頌言者淵與給事中王徽以氣節相尚幸同官陳五事其一曰保全內臣宜遵舊制無令預國政否則如王振曹吉祥事敗

廉直

卷之三十四

七

光碧堂

雖欲全之無由也近有亡耻大臣與之結交或屈膝或叩頭或稱翁父因而鬻獄賣官擅作威福今後無令內官管軍管匠置立田產多畜義子仍嚴交結之禁凡大小政事悉斷自宸衷惟與館閣大臣計議則朝政清明而宦豎亦享其福保全之道何以加此上嘉納之其年十月復立皇后王氏明正牛玉之罪免其死安置南京淵及徽等復以玉罪重罰輕數玉大罪四乞正典刑因詆斥執政奏入逮下詔獄科道交章論救命俱謫遠方判官淵得茂州徽普安州二人直聲震中外而李文

達名為少損，洞歷遷順天府治中，歸老於家，貞介溫惠，鄉人稱為長者。

河南按察副使陳直夫壯

陳壯字直夫，山陰人，登進士第，拜南道監察御史，壯素有直氣，不能阿世苟合，念親老，御史當觸邪，自分死可為也，不然當推之人走吏部謝，不允，時謝鐸、李東陽與壯為莫逆交，相與促之行，壯不得已，至南道未久，會翰林章懋、莊泉、黃仲昭輩俱以諫釐山謫，官烟瘴，壯抗疏力救，得改內地為御史數年，輒上章不絕，其大要從根

蘊直

卷之二十四

太

光緒堂

本之說，直欲置國家於無窮之休，而人有不能盡知者，時羅倫居官南都，深知壯遂極梓厚，及壯居父喪，與倫計處喪事，往復周悉，壯輒身行之，倫嘗歎曰：「浙士居喪如古禮者，吾見二人，于少保謙及今陳御史壯耳。」服闋至京，復以母老乞南道便養，上書論中官汪直，剴切激厲，多人所不敢言者，無何，以母喪去，服除復拜御史，遷江西按察司僉事，壯念父母卒後，雖官不為榮，遂乞病歸，居鄉，欣然，鄉人不復知為御史，布袍疏食於清江之浦，作鷗沙亭，讀書其中，為終老之計，弘治丙辰薦起為

福建按察司僉事，未幾轉河南副使，隨職必有發明，而剛直之氣不衰，無何乞身還，時年六十六卒於家。

吏科都給事中趙時中良

趙良字時中，永康人，登成化己丑進士第，授吏科給事中，鯁介敢言，因災異條陳謹天戒，重國本，恤民艱，鎮邊境四事，忤旨杖於廷，幾死，歲丙午，左右請立宮媵所生二歲子為太子，抗疏力諫止之，及孝廟正位，東宮又請簡正人為師傅，以職輔導，滿九年考陞本科都給事中，先是重臣王越被劾，銜之，諧於中官汪直，誣以言事不謹，謫四川廬山令，弘治改元，擢江西按察司僉事，陞副使，卒於官。

蘊直

卷之二十四

太

光緒堂

食都御史丁大容川

丁川字大容，新昌人，登天順進士第，成化中權監察御史，才名籍甚，屢陳時政缺失，魏昌侯孫繼宗以外戚父子交掌禁兵，川疏請裁抑其權，又劾尚書馬昂都御史楊璿怠事不法，時萬貴妃寵冠後宮，干預朝政，川上疏論諫，奪俸三月，辛卯，太皇太后崩，因陵廟事遺旨切責言者，川疏曰：「諸臣之請天下公論也，聖母之命一

時私恩也。惟皇上無以私廢公言甚切直事竟寢尋擢順天府丞值旱荒疏荒政十五事多見采納遷食都御史巡撫延綏至則上備胡三策開中淮浙積盜選將帥置弓弩練士卒創屯堡蓋隱然鎮鎗重寄云未幾卒於官川平生清苦卒之日橐無贏金士論益賢之

刑科都給事中毛士廣弘子驥附

毛弘字士廣鄞人第天順丁丑進士授刑科給事中歷九載晉本科都給事中言論風旨慷慨激烈疏奏無虛日上厭苦之有昨日毛弘今日毛弘之語成化三年

直

卷之二十四

千

光緒堂

值上元節預命詞臣分題作麓山燈火詩欲以娛兩宮編修章綸黃仲昭檢討莊景上疏極諫忤旨各廷杖謫外任弘乃抗言三人者出自草茅初居翰苑不顧一身敢言直諫真盛世事願乞復官而先是修撰羅倫亦以論李賢起復被貶弘言之益力謂倫不足惜而天下遂以言爲諱遂得旨四人俱復原官明年慈懿皇太后崩廷臣議葬附事不合弘乃言慈懿作配先帝爲萬皇上母內外無失德葬宜附祔陵主宜祔太廟爲萬世不易定禮皇上生事兩宮如一今慈懿崩逝乃

欲別葬是有二也皇太后不從當幾諫以合於道無使得罪於天下用是皇太后亦開悟竟得合葬如禮聲動宮闈皆呼爲毛秀才太后欲識其面垂簾召見之凡在諫垣餘十年權奸落膽議者以方古之遺直同吏部侍郎葉盛考察南京官屬黜陟明當雖所親不得一千以私會中寒疾暴卒人皆惜之子驥舉弘治甲子鄉試知光山縣以循良稱

吏部尚書屠朝宗瀟子樞附

屠瀟字朝宗鄞人生而聰敏駿發爲文下筆滾滾千餘

直

卷之二十四

千

光緒堂

言一時行輩皆下之登成化丙戌進士試監察御史歷官都察院右都御史以李孜省黨媒孽改南京弘治元年勅總督兩廣軍務柳州諸處舊皆番戍風土殊習比歲死亡過半瀟爲區處分戍多所全活入掌南京院事尋陞左都御史加太子少保時災異疊見瀟歷疏時弊二十事上悉允行九年轉吏部尚書進退黜陟無所私而以愛惜人才爲重注選至烟瘴地多濡筆不下必擇宜其風土者爲之因奏著爲令尤痛抑僥倖或造請者必置之遠地時多內降官瀟因論奏謂天下士事詩

書而躬案牘突銛鋒而竭筋力者積數十年不得官而
白身之人奔兢乞憐或緣技藝蒙幸如拾芥不可以爲
訓由是內降稍減言官有欲開納馬之例者滿抗疏曰
朝廷倉庫及太僕見積尚多釋不用而開是例萬一聞
於北虜將謂中國空竭且生戎心議遂格清寧宮新成
詔許番僧入宮慶讚滿率大臣再疏諫止言甚剴切給
事中魏珰等因事下獄又率衆極論出之周文端經將
謝政卽疏其剛方有爲不宜輕聽其去及召問執對愈
堅至拂上意不避也彗星見滿會九卿條陳十事以

韓五

卷之二十四

王

光緒堂

獻皆切時弊已而乞終養歸適丁外艱居於家武宗
卽位馳勅召之仍以吏部尚書兼左都御史掌院事時
逆瑾專權方疾言官如仇每因言事欲罪之滿曰此滿
實主之御史寧承而已又大起羅織之獄欲於律外比
擬滋重滿執不聽瑾又以宿憾鈎撓前兵部尚書劉大
夏欲置之死滿爲申理卒得減論時瑾累撓滿亦數
忤於瑾疏乞解任歸滿平生慷慨自許恒以廣言路惜
人才爲已任立朝論事皆得機要嘗謂手持此筆掌刑
獄惟恐誤殺一人掌銓衡恐誤黜一人其存心大都如

如此子樞正德辛未進士以試中書進吏部文選員外
郎郎中有俊才詩賦書翰尤雄一時丁內艱居家卒

南京大理寺評事夏德樹鑲父墳附

夏鑲字德樹天台人父墳景泰辛未進士累官都察院
右副都御史年未五十由巡撫四川勇退隱居時稱名
臣鑲生於京邸幼篤志於學自專經外於書無不讀好
爲古文辭上追秦漢由是著聲多士中都憲之將歸也
鑲方弱冠卽推易象消息爲詩馳獻以滿盈爲戒都憲
欣然遂成其志父子相期不於富貴而於道德類如此

韓五

卷之二十四

王

光緒堂

都憲歸五年卒鑲不欲乞恩求葬祭鄉人官都下者代
爲請命而喪事已畢側得官給白金七百兩供祭典餘
悉散之貧族成化丙午舉浙江鄉薦明年成進士乞近
郡教授以便養母家宰惜不與遂落第不與衆伍會主
事李文祥庶吉士鄒智御史湯爾姜綰給事中方向等
以論列大臣言直得罪皆左降外任鑲抗章論救并劾
大臣詔逮錦衣衛獄推治無所得居月餘釋送銓曹謝
病歸弘治十四年復起赴選時虜寇邊孔棘九重宵旰
鑲在路自台歷枕由三吳渡江及淮經齊魯至輦下數

千里間見百姓流離科差繁重有司莫以告以爲茲惟
邦本虜患抑在其次乃備述其狀以疏進冀上罷不
急下寬條愛元氣以爲宗社無疆之休表情懇惻雖至
觸冒無顧慮疏入不報久之當受職當局者忌其剛鯁
不欲置近要遂除南京大理寺評事以疎處之鯁亦電
勉就職無悔心居歲餘守備內臣違例准受民詞卽論
奏落其權軍民稱快以母老乞終養歸早暮庭幃承顏
順志母以壽終居喪稱孝世宗登極振作宇宙大起
天下隱約而用之鯁衡以老辭卒年八十有三鯁爲人
謹直

卷之二十四

光緒堂

兵部侍郎虞邦瓊瑤

虞瑤字邦瓊縉雲人第進士官給事中性耿介遇事敢
言而知國體成化間以進言忤昭德官下懿旨將置之
死同列爲擊登聞鼓救免中貴盧永督採處州鑛課
外橫征鑛戶率棄家而逃瑤抗論得罷民困始甦當時

稱瑤爲真諫官累遷至兵部侍郎卒於家賜祭葬悉如
例

兵部左侍郎何文璧琮

何琮字文璧仁和人辰州知府瀕之子景泰甲戌進士
選庶吉士入翰林預修寰宇通志改禮科給事中每對
仗彈劾音吐宏亮富寧動容在列之臣莫不傾聽屬當
使外夷部擬琮名以請上特改命他給事不欲琮離
左右也琮感知遇益正色直言在諫垣數年多所封駁
至議請汰國學庸耄以振人才謗議洵洵遂於題名碑

謹直

卷之二十四

光緒堂

中饒毀琮名而琮屹不爲動陞通政司左右叅議陟左
通政晉通政使琮稟性直諒而疾惡尤嚴視銀臺篆不
數月法立弊除然亦以此得謗淹滯者久之成化己巳
陞兵部右侍郎未幾轉左選將養兵籌畫邊務恒事未
至而爲之速圖弘治初歷三考遷會尚書無缺特加正
三品俸仍舊職僅逾月卒於官計開輟朝遣兵部進士
謝汝暘造墳論賜祭葬琮居官清介門無雜賓立朝四
十年勤慎如一日上疏復西湖以資淮甌所著有西湖
圖說恒庵稿

廣東布政司參議徐希魯沂

徐沂字希魯永康人登弘治癸丑進士第授刑科給事中亢直敢言彈劾權勢如鷹鷂之逐鳥雀時壽寧侯張鶴齡等恃恩肆虐及中官李廣輩矯命行私皆露章擊之爲當路所疾改南京工科奏罷歲取蘇州細苧福建改機陝西駝絨民稱便焉陞廣東布政司參議卒於官歸裝惟圖書數卷而已粵稱貨藪一握之寶可富數世而沂獨纖毫無染賢者以爲難

湖廣按察司僉事朱懿卿惠

藏直

卷之二十四

朱

光緒堂

朱惠字懿卿仁和人初爲諸生時家甚貧而父性嚴色養頗難惠自甘澹泊乃力營甘旨以進艱辛萬狀不敢告勞父卒安其養以篤孝稱登成化丁未進士第擢南京湖廣道監察御史時內侍蔣琮守備南京以威權排逐縉紳事多不法惠抗疏劾之權奸股栗未幾擢湖廣按察司僉事值奸宄縱橫殺害良善惠首置於法以令境內藩府二役並與民不堪命卽爲檄請止湖南一境始獲息肩居二歲卒於官

布衣繆恭

繆恭天台人學古行高喜名節弘治中走京師上六事其一紀絕屬請封建庶人後爲王奉祀懿文太子通政司官見恭奏大駭罵恭蠻子何爲自速死繫恭兵馬司獄劾上待命賴敬皇帝明聖詔勿罪放恭還鄉

南京兵部侍郎呂丕文獻

呂獻字丕文新昌人成化中進士歷刑科都給事中弘治初寵豎李廣受富兒金將尚公主獻發其事劾罷之又因災異陳八事如策大臣抑親貴皆人所不敢言者壽寧侯張鶴齡兄弟依藉官掖熏灼一時獻又反褻極論之上怒杖闕下繫詔獄尋直其言釋之歷順天府丞時逆瑾用事朝臣遷轉大半以賂乃十年不調丁內艱服闋歷進南京兵部侍郎會有言者遂乞歸獻長於詩文善草隸所著有甲軒稿使交稿

廣平府知府盧希玉瑀

盧瑀字希玉鄆人登成化己丑進士第授刑科給事中疏罷淮揚貢賦十餘萬緡及西北勒市戰馬宿弊又劾巨璫梁訪等竊柄引用姦僧冀曉并衛罔上事直聲大振有溫州衛指揮戴勲以遺孤爲庶長所孽庶長昧結

當路多爲之地。瑀知狀，乃言於兵部尚書馬文昇事。竟直初未嘗相聞也。已而勲頗知之，以二百金贖瑀母之喪。瑀峻却不受。服闋，陞工科都給事。上天變忤旨，廷杖逮獄。出爲長沙府通判。未幾陞真定府同知。詰暴撫良，能聲籍籍。陞廣平府知府。廣平故牧馬地，豪貴家數侵匿，而委其徵於貧戶。瑀乃剗洗姦蠹，盡反豪貴家侵地。民困乃甦。有高舉將者，素以高貲甲於郡，逮誣繫獄前。守避嫌置不理。瑀慮囚竟按牘出之。比引年，高托其母懷千金爲壽，致於帷幪。瑀覺，竟謝不受，歸而疏食飲水。

卷之二十四

光緒堂

以吟詠自娛。瑀美丰儀，制行高整，弱冠時有隣女手製統褲遺之，卽毅然斥去，終身不趾其門。知者以方魯男。

南京監察御史陸如玉崑 弟嵩附

陸崑字如玉，歸安人。爲諸生，篤志儒業，不問寒暑。父母相繼卒，哀毀骨立。悲感閭里。時三弟嵩、嵩同年並少，家亦就圯。崑竭力拮据撫育諸弟，咸令就學。弘治九年，遂與弟嵩同登進士高第。崑謁選授直隸清豐縣知縣。三載考績，監司交薦，擢拜南京河南道監察御史。適孝皇下詔求言，遂條陳十有二事，皆關切時政。多見采納。

正德丁卯間，逆瑾恣橫，流毒縉紳。崑上疏列其奸狀，逮下詔獄，乃得釋。未幾，追理前事，復就逮。加杖放歸田里。瑾誅，詔復原職，致仕。遂徜徉山水，絕口不談世事。世宗初政，詔下錄用，辭疾勿起。崑才高學博，有志體國，雖在泉石間，猶請正禮樂，竟格弗行。嘗自撰曠志而卒。弟嵩任南平知縣，值旱甚，與郡守孫行誚龍潭禱雨，雨太注，冒行數里，感寒疾卒。民爲立祠祀之。

刑部侍郎陳宗獻瑋

陳瑋

卷之二十四

光緒堂

陳瑋字宗獻，溫之樂清人。父早卒，哀毀不踰禮。事母孝，養彌篤。領弘治乙卯鄉薦。至乙丑始成進士，卽疏請歸養。母讓之曰：「不聞舍孝子而爲忠臣者乎？」吾得汝，祿養足矣。促北上。時逆瑾擅政，朝士爭趨之。瑋獨以爲耻。瑾聞而憾之，遂矯命令致仕。太宰許襄毅宣言於朝曰：「古今曾有以進士致仕者乎？欲爲周旋而力不可，或勸瑋賂瑾以爲解。」瑋忿然曰：「官以貲成，吾不爲也。」卽怡然就道。瑾誅，應詔起用，授刑部主事。時張司寇子麟精法律，屬多難之。瑋曰：「士而不讀書，謂之廢學官而不讀律，謂之曠官。況生死人乎？」乃研求法意，至忘寢食。律有疑難，

親爲註解遂以法家名歷員外郎郎中子麟庶其能甄
名以上因奉勅審錄八閩所活數百餘人有恤刑錄行
於世事竣還京適毅皇帝欲南巡偕郎中陸偉等諫
止觸上怒甚對跪門五日杖五十先是璋病痢人皆
懼而止之璋曰食其食者死其事吾何以生爲奮然進
諫既杖臂無完膚伏枕五閱月而後起陞雲南按察司
副使世宗嗣位給事吳巖等議褒諫臣以璋名上加
俸一級雲南去京師萬里隣接吐蕃諸夷種類不一多
有不能盡其法者璋素不以勢撓不以利疚嚴毅端方

諫直

卷之二十四

辛

光緒堂

而出之以和平恕慈祥而斷之以義寬嚴相濟用得其
情民夷悅服陞行太僕卿時馬政廢弛條陳五事一求
實用二懲不職三嚴有司四儆守臣五崇寺權咸獲俞
允一時馬政聿有成績歷陞大理寺卿時錦衣捕獲羣
盜送法司定罪中有十二人實平民也司寇胡世寧知
其冤送大理覆審璋曰笞一截獲於庭不當其罪人且
得而議之况置十二人於死地乎獄雖成何得不辨乃
駁回世寧喜曰此先得我心者也遂爲奏釋一日與世
寧議罪不合各奏請下廷議卒是璋言且行中外著爲

今未幾世寧致政語人曰陳公知法而能恕司寇非此
人不可世寧剛氣人也與璋若不合而卒敬服之如此
無何而以疾乞歸不數月法司以決獄忤上意相繼
罷去上詔部院議用舊臣乃以璋應命起爲刑部左
侍郎適南京太廟災上聞變震怒欲罪諸中使及內
外守臣特勅璋偕錦衣給事往勘及至多方咨訪直以
天變奏時上意不可測人皆危之璋曰事在弗欺禍
福非所計也上竟可其奏中使守臣悉從末減有土
官以非法杖死下吏繫法司獄執政欲貸之璋語司寇

諫直

卷之二十四

辛

光緒堂

聿賢曰殺人抵罪官與民一也固執不可忤執政意遂
偕賢致仕歸璋爲人剛毅是非無所隱有不直者輒質
之衆中而人亦不怨自處清介與俗輩寡偕未嘗一呈
身要路居官尤堅苦節常祿之外分毫無取常曰未有
不儉於家而能廉於官者布衣糲飯終其身不改居室
湫隘宴如也自家食以來足跡不入城市惟杜門種花
以詩酒自娛樂卒年七十有二

山西提學僉事陳霆

陳霆德清人登弘治壬戌康海榜進士第授給事中抗

直敢言以忤逆瑾逮獄謫判六安瑾誅復起歷遷山西提學僉事以師道自任士習丕變致政歸雅好詩文著水集百餘卷

監察御史王時霖渙

王渙字時霖象山人弘治丙辰進士授長樂令愛民禮士百廢俱興遷監察御史逆瑾用事疏劾之併擊谷大用馬永成等八黨瑾怒遂撫小過杖之朝堂落籍歸瑾誅詔復原職御史周倫等交章論謝遷劉大夏王渙等去不以禮將復大用有嘗被渙劾者當柄沮之遂不起

章鑑

卷之二十四

三

光緒

力耕課子優游林下與鄉人結社坦夷和易人稱厚德所著有鳴琴稿西臺奏議若干卷藏於家

兵科都給事中章元益鑑

章鑑字元益鄆人登成化丙戌進士第選庶吉士改兵科給事中時番僧冀曉得幸王公貴戚皆膜拜受戒鑑極言曉以夷教亂風俗乞正典刑以清朝廷疏入即收曉誅之直聲振天下陞本科都給事論列剴切權勢欽迹尋以劾奏威寧伯王鉞忤旨奪官歸以詩自娛有樂行稿藏於家

工部尚書楊維貞守隨

楊守隨字維貞禮部尚書守陳之從弟成化丙戌進士拜監察御史時有欲撓吏部權者爲之例曰凡方面官銓選俱令京堂推舉京堂缺必由內降守隨抗疏言曰是例行是廢公道而右豪貴也臣愚以爲必不可已又劾奏奸僧冀曉妖術罔上之罪直聲動朝野巡按江西獨持風力有李孜省者攸人也變幻爲奸暴於鄉里舉按其罪當之謫戍而孜省走京師結納中貴以左道惑上遂得近幸守隨自江西憂歸比服闋赴京而孜省已

章鑑

卷之二十四

三

光緒

爲太常寺丞矣即劾奏孜省以賊得罪不宜典郊廟百神之祀因改孜省爲上林苑監已而吏部連擬改官俱爲孜省格不用久之陞應天府丞尋以憂去服闋復除前任時孜省益費用事嘗被密旨得察百官賢否書小簡以所賜銀圖書封進欲中守隨而無其因時以例入覲忽傳旨詰吏部守隨何不黜吏部對以庶能正直是不宜黜又詰守隨先以憂去何得懸鉞以待又對以補而復缺非懸鉞也乃竟誣爲添註斥守隨寧孜省誅陞應天府尹而守備蔣琮以宿憾復傾之謫廣西布政司

蕭章

卷之二十四

書

光緒堂

恭政七年不調稍遷廣西按察使進南京操江都御史
南京大理寺卿未幾改北陞工部尚書兼大理寺卿掌
寺事會中旨取戶部餘糧四十萬以克內庭別用尚書
韓文率九卿廷諍以爲不可中旨詰責是何大事遽爾
伏闕守隨退謂文曰天下事誠有大於此者能言之乎
文問何事對曰八虎擅權相扇爲惡皆公罔上恣行不
軌此其最大者文遂與守隨及張敷華定計令郎中李
夢陽疏彈革之惡會衆伏闕已而中旨遣慰各官還治
事守隨等言之益力時大學士謝遷又從史使竟其說
遂得俞旨而退越三日命瑾司禮監簽書管事而張永
谷大用羅祥魏彬馬永成丘聚俱各免樞要以爲不復
在左右親倖矣守隨曰使此輩操權握要其害乃甚於
左右親倖也持太阿之柄而授於寇手禍將若何復獨
具一疏反覆論諸暨奸罪狀而斥瑾尤甚謂不礫於市
不足以清朝廷不報未幾勒韓文致仕以言官論救并
削職禁錮終身而閣老劉健謝遷相繼罷免言官死於
枷械及謫戍者接踵衆始洶洶危矣瑾乃日遣使者廬
守隨短竟不可得守隨後陳正君德修治化戮奸邪明

蕭章

卷之二十四

書

光緒堂

法度諸事大要惟欲逐瑾等以端政本瑾銜之入骨竟
寢不下忽歲除朝退傳旨令張敷華與守隨致仕衆論
騰沸而却於威嚴迄不敢復言瑾復令偵者沿途察之
欲中以奇禍而守隨檢飭益嚴僦車募舟一不煩於官
已而瑾復矯詔指守隨與大學士劉健謝遷尚書韓文
林瀚都御史張敷華與郎中李夢陽及科道等官凡五
十三人目爲朋黨頒示天下瑾猶銜守隨不已乃文致
舊事罰米千石輪邊復矯詔奪官追繳出身以來誥勅
瑾伏誅詔復原官致仕還所奪誥勅年八十五卒贈太
子少保諡康簡
南京右都御史王存約曠
王曠字存約台之黃岩人弘治壬戌進士授太常博士
擢工科給事中正德初轉刑科都給事中疏勤政務情
老成專委任三事時中官多橫侵凌縉紳而御史林有
年僉事韓邦奇咸以駕帖被逮曠言錦衣乃扈從爪牙
之寄駕帖非尋常勾攝之文必重急而後用之今不問
巨細虛實一繫施於林有年韓邦奇骨鯁之臣非盛事
也丁丑當大辟駕幸北園當事者謀取逞旨快私臆

韓直

卷之二十四

宋 光緒堂

韓特疏請停刑還。駕謀乃寢。韓疏皆人畏縮不敢言者。竟以忤中貴傳旨謫惠州府推官。擢廣信府同知。嘉靖改元。復刑科給事中。歷遷應天府尹。革繁役。裁供億。節浮餼。籍丁錢。冗費爲之一清。他如議罷京邑種馬。議發內帑絲織神帛。議輕荒稅。蘓流亡。議料田出賦。均貧富。疏數十上。皆不避嫌怨爲之一時困者起。流移者歸。而韓之頌聲遂滿輦下。陞南京刑部侍郎。母憂服闋。補原職。士豪王冠家。僮數百人。陰購初生嬰兒。剝粉爲延年劑。且廣結權貴。事發爭爲求脫。竟按罪論死。畿民稱快。擢南京右都御史。舊內守備進表。取御史兩人監禮。韓曰。中人行禮。柰何輕用朝廷耳目官乎。執不與。奉表北上。大學士夏言藉寵傲物。京堂官幸多閑坐。韓獨據正席。且贊惟一幣言。滋不悅。因乞骸骨。以歸。韓仕餘三十年。所論薦多當世名流。性不能隨俗俯仰。至於升沉利鈍。視之泊如。平居恂恂若無甚可否。至臨大節。決大疑。則毅然不可奪。有京兆遺愛錄傳之金陵。

兵部侍郎陶世和諧 四世祖仕成附

陶諧字世和。會稽人。弘治中。以鄉試第一人登進士。用

韓直

卷之二十四

宋 光緒堂

選入中秘。尋改給事中。武宗時。諸閹擅政。事多內降。諧駁抗。疏請無所避。逆瑾專恣尤甚。權倖人主。諧奏斥之。瑾怒。日伺諧。無所得。乃羅他事。矯詔杖諧。與劉大夏。潘藩。同戍肅州。瑾誅放還。嘉靖改元。詔采舊臣。乃復起。歷官兵部侍郎。總督兩廣。會夷變。諧盡心撫勦。兩廣以平。尋召入本兵。乞歸卒。贈兵部尚書。謚莊敏。諧四世祖曰仕成者。當正統間。以富民供大璫。阮某其後。阮倉卒被命入。意不測。密召成以私積六千金托之。成持歸。投井中。居數年。阮竟死。成出井中。金走白太守。太守曰。金無知者。爾物也。盍取諸成。固謝。會飢。悉散以賑鄉人。以是人稱陶長者。後數十年。卒有莊敏而陶氏簪纓至今。人以爲皆成德所種云。

監察御史張廷和景暘 兄景明附

張景暘字廷和。山陰人。成化中進士。拜監察御史。當武宗駕留宣大。首率同臺諸御史。疏請回鑾。忤旨廷杖。又劾江彬許泰冒封伯爵。非制。人多其敢言。竟以是爲權要所忌。出知潮州。尋罷歸。卒。兄景明字廷光。第進士。以經術選充興府長史。事獻帝於藩邸。忠慎不渝。嘗

敷陳六事。帝悅。命揭諸宮門。世宗入嗣大統。以輔導功。召赴京。將大用。會病卒。特贈太子太保。禮部尚書。文淵閣大學士。謚恭僊。錄其二子。

刑部尚書韓大經好問

韓好問字大經。會稽人。成化己丑進士。授大理寺評事。歷寺正。出知淮安府。取吏以法愛民。以仁淮民至今稱之。陞陝西左叅政。歷江西四川廣東三藩左右布政使。晉副都御史。巡撫江西。值洞民負險爲盜。歲久蔓延。莫能制。奏立土官。宣布威德。一方遂寧。時遣中涓駐饒之

廣直

卷之十

光緒

光緒

廣德。燒造供御諸器。上疏力言。小民凋弊之狀。可憫。先王恭儉之節。當師。上爲感動。下詔中止。性素亢直。不肯與時浮沉。每爲當路者掣肘。遂抗章請老。未幾起。巡撫河南。再辭不許。遂建牙中土。諸大小屬吏。飲其風。采教令所布。不感而肅。時詔取中州樂工之有名者。隸籍內教坊供御。上疏極諫。至引唐明皇時。聲色致動。漁陽鼙鼓。一時梨園子弟。流落人間。至今讀荀卿之詩。猶以爲戒。言極剴切。生爲色變。已而歎曰。韓某愛我。當時謂韓公言事有回天之力。尋陞南京大理寺卿。轉

刑部左侍郎。逆閹劉瑾惡不通款。陞刑部尚書。勒令致仕。欲假他事中傷。而卒不能有所加。歸則日與耆舊觴咏自適。好問狀貌魁梧。屹若山立。舉止有常。言笑不妄。居逼城市。而軒蓋未嘗輕入公府。然郡邑大夫以國典民隱就質者。則響答忘倦。性善飲。雖極醉而容色彌溫。與人交敬而有禮。平生無狎友。亦無面友。恭儉清慎。始終一節。望之者知其爲大臣。碩德重望。鎮服鄉閭者。蓋三十年。卒年八十九。

四川道監察御史虞惟貞守隨

廣直

卷之十

光緒

光緒

虞守隨字惟貞。義烏人。幼穎異。好學。年十三。補邑博士。子員以文雄。督學使者一見奇之。每行部校士。令與偕。又輒居首。歎曰。何物小秀才而冠一郡士也。執贊受業者。履戶常滿。以甲戌進士特旨授四川道監察御史。遇事慷慨。吐所欲言。不避忌諱。首疏金華大儒何基王柏金履祥許謙不宜止。闕鄉賢而不與從祀之列。宋漁鰾。嚴皇猷宜賜之謚。而王禕死節不屈。當陰其子孫。頃之武帝南巡還京。有旨百官大帽曳摺郊迎。衆皆奉旨守隨獨抗言。中國之所以爲中國者。以有禮義之風。衣冠

文物之美也。忽此不務，非所以爲中國聲甚割切。上嘉納之。是時，上未有子，儲位久虛，宸濤覬覦，謀爲大逆。守隨憂之，奏言：「人君卽位，必建儲貳，宜倣宋真宗故事，於官中立學，取宗室中子弟，冲年謹厚者，置於內學，觀其德業，進退可屬大寶者，權命之以安中外之心。」不報。已而奉勅，印馬燕齊河洛諸道，并追備用馬匹，先是流賊亂，馬政廢，百姓苦之。守隨條陳六事：一曰寬缺馬之地，以甦民困；二曰減管馬之官，以省民財；三曰時食審以均馬戶；四曰定冊籍以編馬政；五曰恤養馬之衛。六曰均買馬之銀。上悉如議頒行，故吏無侵漁民，不騷擾當逆藩之變，而馬匹取辦倉卒不至缺乏者，守隨之力居多。坐讒謫州倅，未幾勒罷。世宗自藩邸繼統，愔愔以典獻園陵爲念，議者盈庭，幾於築室守隨上皇陵，正議以折之，援引經傳而參之周公孔孟唐宋名儒，反覆數千言，極其辨晰。上悅，特旨召用，尋以疾卒。不果，年僅四十有七。守隨爲文出自性靈，而根於理要，最長詩賦，尤工行草，一詩一札，獲者若拱璧然。詩文多散逸，惟芝岩雜稿、皇陵正議藏於家。

議直

卷之二十四

卑

光緒堂

兵科給事中周克敬旋

周旋字克敬，慈谿人。第進士，除南京戶科給事中。轉北京兵科。時北虜猖獗，條陳方略，咸中時宜。舊制各營畜牧俱有分地，以權貴侵奪告病，奉勅查復。惟中宮皇莊不可問，因抗疏奏曰：「陛下天下主，母后享天下之奉，何必私牧地頃畝之入，而後給哉？詔悉與民在科九年，屢上疏論事，割切已而出，泰廣藩計平糶孟劉少，人多其績，性好學，雖簿書鞅掌未嘗釋卷，所著有西溪小稿、東湖十咏、慈谿志草，共若干卷。」

議直

卷之二十四

卑

光緒堂

山東按察司副使屠文治

屠奎附

屠奎字文治，平湖人。父熙爲太平同知，僅以一僕自隨。邸宦如僧舍，在進士投常州府推官，擢監察御史，當武廟南巡，上疏請回鑾以光聖德，不報。尋復疏止興作，全戚畹崇聖學，重經筵，皆國家大體，由按廣右道歲旱飢而徭寇乘危倡亂，民多駭散，在設法糴運，且增價招商禁刷米船，民賴不飢。徭寇聞其德政，革心解甲，百粵悉平。事聞，特加勅諭，有白金文綺之賜。陞俸一級，時稱爲真御史。補山東按察司副使，未幾卽乞身歸。

囊橐蕭然無一長物雅好詩書老而彌篤足不履郡城者三十六年兄奎亦為御史巡視江右累疏宸濠不軌有直聲官終江西參議

禮部左侍郎黃誠甫宗明

黃宗明字誠甫鄞人正德甲戌進士授南京兵部武庫司主事時從陽明先生講明良知之旨寧藩逆啓遽上江防三策復疏諫南巡不報遂乞疾歸陞工部郎中不起世宗登極補南州郎中會大禮議起朝紳羣牒之而宗明與二三入者論合至署丞何淵復請入太廟

卷之二十四

聖 光碧堂

宗明即疏陳不可遂出守吉安首建白鷺洲書院似道德勗諸生宸濠遣輩朱祥阻隘嚆衆白晝擁肩輿劫城市官吏不敢問宗明潛發兵布賊舍傍至除日牒郡僚托他事至其所一鼓而縛祥父子其徒無一人得脫者人皆奇之歷陞光祿寺卿即籍光祿經費疏乞防奢止欲正德養身定經制汰貪饒上納之著為令又應詔言四事曰求才勵志定計責任皆切時弊陞兵部右侍郎編修揚名以忤權貴下獄時大禮大獄之後漸生黨議宗明上疏言揚名罪不罪宜有定法然罪一揚名而

必求主使之入延及善人將盡於一網其開國家元氣不小乞寬名罪無窮其事遂并得罪出參政閩藩乃召補禮部會莊肅皇后崩廷議欲從殺禮宗明力爭之遣陽廣寧軍變時議姑息復抗論乞斬渠魁以昭國法議者趨之轉左侍郎未幾卒宗明為人溫厚寧靜諒直不阿風節昭著以是頗與貴勢不相能竟挺挺無所屈其應變成務沉機默運確有定力人以爲心學之驗云

翰林院編修王懋賢相從弟杰附

卷之二十四

聖 光碧堂

王相字懋賢鄞人生而穎異絕倫少授家學輒奮勵誦習朝夕不懈稍長即沉酣六經鈎稽百氏諸生中最稱博雅正德丙子薦於鄉上春官不第卒業南雍大司成汪俊見其文奇之辛巳第進士選爲庶吉士讀中秘書愈自刮磨茹荼攻苦過於諸生時爲文根柢理要而步武乎莊列每意至即伸紙濡毫頃刻千萬言氣洶洶不斷以文雄同館中同館士亦引以爲不可及壬午授翰林院編修甲申以議禮忤旨逮詔獄已而廷杖過楚卒時年僅三十有七有文集若干卷相素豪邁尚氣節初甚英毅中更爲和易外不置畛域而內井井無親疎貴

賤皆爲推心焉其九大者事親篤孝先意承志恒得其
權心家貧屢空晏如也從弟杰與相師資勤苦力學舉
丙戌進士任大名府推官以治行稱既徵召而卒所著
有經濟總論十卷

廣東左叅政張德珍懷

張懷字德珍幼穎異勤學強記日誦數千言過目輒不
忘正德丙子以儒士領浙江鄉薦第一明年成進士授
禮部主客司主事諫武宗皇帝南巡晚門五日杖三
十演死奪俸六月世宗入繼大統錄遺忠以勵人心

韓立

卷之三十甲

聖

光緒堂

得進階加俸不色喜尋陞精膳員外郎懷感激知遇發
舒意氣益以天下是非爲已任未幾議大禮建室上疏
力爭奪俸一月又議改稱皇考聖母與廷臣同議者伏
哭闕下廷杖三十後演死不色愠第慨然歎曰一死何
足惜但至誠無以格君使聖天子有過舉爲可恨耳
出爲江西左叅議陞廣東左叅政填剛正執法不撓
節俗愛民孜孜職業三年報政赴部擬劄摺已坐江西
建昌知州夏良勝知府鄭源漢刊刻雅書非毀大禮爲
部民所訐詞連舊任叅議懷付刻此書復回廣東聽勘

御史吳麟問擬鈴東不嚴贖米還職而都御史汪鏗希
宰相旨覆叅阿附竟奪職歸角巾私第怡然著書以自
適三十餘年足跡不入城府布衣蔬食督耕飯牛如寒
士兩堂交薦堅卧不起尋奉詔准致仕懷居官常俸之
外一毫不取兩叩天闕瀕死愈厲侃侃剛正之性乃
受誣阿附不竟所施士大夫多惜之卒年七十有六

韓立

卷之三十甲

聖

沈碧堂

兩浙名賢錄卷二十五目次

謙直

明二

翰林院修撰江景孚暉

給事中趙鴻達漢

南京監察御史戚世英雄

刑部侍郎王德深浚

禮部主事戚賢徵應奎

南京兵部侍郎陳棟

廉直目次

卷之二十五

十

光碧堂

右都御史魏伯深有本

監察御史包元達節一

刑科給事中張懋達達

工科給事中周天保祚弟釋附

陝西左叅政陸元溥傳

湖廣右叅議楊惟仁言

翰林學士程舜敷文德

雲南道監察御史謝如卿瑜

吉安府知府葉肅卿應卿

南京鴻臚寺正卿史應之朝賓

南京兵部主事劉允卿世龍

廣東按察司副使沈靜夫謚

工科給事中馮惟良汝弼

南京刑部尚書翁德宏博

刑部尚書張鍾誠永明

通政司通議徐以言學詩

禮科給事中錢懋垣薇子與映附

禮科給事中沈宗安束

廉直目次

卷之二十五

二

光碧堂

錦衣衛經歷沈純甫鍊子襄附

刑部尚書趙元朴錦父損附

陝西提學副使陸與培光祚

兵備副使張體徵應治

光祿寺少卿鄭叔初履淳子心材附

廣東左叅議項子長篤壽

右都御史沈純父思孝

監察御史許長孺聞造

禮部尚書兼翰林學士余世用繼登

兩浙名賢錄卷之二十五

東海徐象梅仲和氏謨

晉安馬 欽季聲氏閔

謹直

明二 共三十三人

翰林院修撰江景孚暉

江暉字景孚仁和人尚書灝之子侍郎曉之弟舉正德

丁丑進士選庶吉士入讀中秘書初登第即喪偶朝貴

擬以錢寧族女時寧貴勢傾天下衆莫敢忤其意暉獨

諫直

卷之二十五

光碧堂

峻拒之已而 毅皇帝將南巡暉與同館舒芬等抗疏

力諫受杖幾斃謫授廣德州知州爲政廉正剛毅甫下

車卽法其豪梗者以令於州民皆悅服有大姓讐姦數

年官司不能平將尋干戈暉徐以一言而解勞不坐乘

衣不重采省徭役減供應以身勸民民大惟樂之歌謠

謳吟徧於里巷以翰林院編修召尋進修撰屬 世皇

用言者議簡侍從使更民事擢暉河南按察司僉事未

行而痰疾作特旨許養病歸二年而卒暉精敏修潔游

心藝苑疾近代文體淺陋益務爲鈞深奇崛至不可句

與齊人曹嘉東楚王廷陳關中馬汝驥共聲一時有曹
王江馬之稱云

給事中趙鴻達漢

趙漢字鴻達平湖人登正德辛未進士第授建昌府推

官廉正公明不拘成案時有所縱舍獨殺人匿死者必

得其情以正法不輕貸當是時李憲副奏陽按江西欲

變其好鬼尚巫之俗檄郡縣毀淫祠顧羣吏懼鬼責雖

毀不力也漢佐太守一日而毀城內外十有五祠志超

厲而氣果敢一時以風力稱召拜給事中時當改革之

肅直

卷之二十五

光碧堂

際宿弊未盡除而怙寵驕恣者接迹漢繩愆弼違有抗

直不撓之節漢居諫垣最久凡歷三科三轉官前後奏

疏不一上 武廟者三世廟者十有四責回詔者二

奉詔逮獄受杖者一其間若論肅散之怙終崔文之擅

政谷大用之請乞扶安之傳陞鑿鑿中竅至論首輔張

孚敬專職自恣尤人所難竟以是失要人意出爲山西

布政司叅政不數月乞骸骨歸史氏謂其當司言則鳳

鳴當葆光則龍卧不可得其槩云所著有漸齋集

刑部侍郎王德深浚

王浚字德深建德人登正德戊辰進士第任薊州知州
抑制太監劉瑾家奴取惡下錦衣獄尋釋陞刑部員外
郎以直諫南巡忤旨跪門五日廷杖濱死久之陞山東
按察司僉事兵備沂州晉貴州按察司副使時夷人吳
尚賢肇亂浚計平之賜表裏以旌其功陞四川布政司
叅政再轉爲河南左布政使入爲順天府尹與按治者
不協左遷福建布政司叅政尋陞右布政使再晉右副
都御史提督南贛軍務地方輯寧師旅不用省費錢糧
歲以萬計陞南京刑部侍郎又一年改比九廟災自
鑪立

卷之二十五

光緒堂

陳致仕年七十二卒於家

南京監察御史戚世英雄

戚雄字世英金華人正德辛未進士授建陽縣知縣以
才調南海勦繁就簡植良剪惡治爲百粵最召拜南京
監察御史巡江聞寧藩變起疾走儀真調兵要害爲防
守計上下長江歷暑雨風濤無所顧恤迄逆濠就縛始
解嚴又奏免南京守備太監及條處河患疏運道足邊
餉等五事多見施行嘉靖六年疏劾李福達之兇頑郭
勳之比黨時以風聞妄奏逮問落職氣節表著士論建

之平居不妄言笑銳意文學追易簣手不釋卷所著有
雪厓文集金華縣志發賢文軌等書行於世

禮部主事威賢徵應奎

威應奎字賢徵長興人正德丁丑進士授禮部主事嘉
靖初政首進用人用言二論天子嘉納尋大禮議起
奎抗疏爭之言多忌諱上怒下詔獄明旦死杖下奎
自知讀書時即有志聖賢之學及官禮部學於湛甘泉
先生得知行並進體認天理之說每自信堯舜可爲篤
志以往覺天地俱小甘泉先生每對之輒歛衽曰此吾
畏友也故於其死痛之獨深而銘其墓銘曰大道渾渾
胡生之難而覺之難成之又難胡三十年以身隕捐胡
然其人胡然其天亦已焉哉死而知性不忘者存

卷之二十五

光緒堂

南京兵部右侍郎陳棟

陳棟山陰人正德辛未進士選庶吉士入翰林世宗
御極充日講官首進格致誠正修齊治平之說勅議追
崇典獻欲祧武宗主於別廟棟抗疏廷諍謂武宗
一代之帝主無可祧之禮而又切責時宰引宋時濮議
貽笑後世大忤當軸被廷杖死而復甦繫詔獄者月餘

世宗憐其直，赦復原職，預修武宗實錄，外服除，以充直。觸政府出爲湖廣布政司叅政，時建顯陵，職提督，克殫厥心，有寶鑑綺幣之賜，遷河南左布政使，卻歲羨數萬計，米糴之稱重於一時。歷遷太常寺少卿，提督四夷館，時分宜擅權，孽子招賄，就進之士奏其門如流水，棟獨簡充自持公揖之外，不交一語。分宜父子深銜之，會吏部右侍郎缺，銓司擬棟，卒爲分宜所排出，爲南京兵部右侍郎，朝論大不平，而棟怡然就道，無愠色。司留鑰者數載，竟爲分宜所忌，嗾其黨攻之，棟遂拂衣歸游林下，一日無疾而逝，計開賜祭葬如例。

右都御史魏伯深有本

魏有本，字伯深，餘姚人。起家寒素，登正德辛未進士第，拜監察御史，首劾武定侯郭勛貪恣，宜奪其兵柄。都督馬永大將材可代勛，世廟怒，調外任。吏部尚書廖紀疏留有本，且言馬永有勇略，名重夷虜。御史言是會臺省亦交章留之，詔復御史，尋按蕪松四郡，有風裁，累遷

讀直

卷之二十五

五

光緒堂

食都御史，巡撫河南，值歲大侵，蠲粥賑民，賴以生。未幾，以右都御史總理漕運，引疾歸。有本爲人惻怛，寡言笑，至談當世事，疊疊多切中。卒贈南京工部尚書。

監察御史包元達節弟孝附

包節，字元達，池州太守鼎之孫，世爲嘉興人。父志，贅於曹涇楊氏，遂占籍華亭。節生而穎慧，五歲喪父，哀毀如成人。嚴事母楊氏，勵志積學，與弟孝相繼成進士。釋褐，東昌府推官，多所平反，召拜監察御史，按閩，按滇，皆以風力著。繼按湖廣，時巨璫廖寶以鎮守威毒三楚，節廉

讀直

卷之二十五

本

光緒堂

其不法事，抗疏劾之，忤旨逮獄。幾斃杖下，謫戍莊浪戎，服從行間，不敢以逐臣自貴。其所居，頽垣敗屋，不蔽風雨，處之裕如。成十二年，聞母訃，窮晝夜號慟，既免喪，衰麻不去，體又五年而弟孝又卒，哭益慟，輒以身投地曰：誰代我奉蒸嘗者？竟以是得疾卒。隆慶元年，追贈光祿寺少卿。節爲人剛介，天植居臺中，却巨賈賄人，服其廉。絕同年私語，人服其貞。所叙甘肅志，具列以荒制，荒之策人服其識。乃直言獲罪，而其卒也，又在萬里之外，朝野痛之。弟孝以中書舍人，召拜南臺侍御史，督關巡視。

釐弊剔奸貪墨吏一時望風解印綬去先後論分宜相及典試之不法者直聲動中外後以兄戍即日乞歸養冀寬母憂且慰兄望雲之思說者謂兩御史一則致身於其君一則竭力於其母各成其是而卒無媿於乃心時人以爲確論

刑科給事中張懋登達

張達字懋登餘姚人登進士膺館選嘉靖初授刑科給事中首劾武定侯郭勛既又論妖賊李福達之奸皆忤旨始而謫官復被逮戍邊幾十年母死不得歸哀痛而

錄

卷之二十五

七

光緒堂

卒隆慶改元撫臣以請詔贈光祿寺少卿

工科左給事中周天保祚

弟禪肘

周祚字天保山陰人博學好鑄古文詞頗易舉子業不爲爲卽不諧時奸歎曰知予文者其翰林乎隨例入太學就試順天擢書經第一人明年成進士觀政銀臺慨然有天下志得林評事希元所上八事不果用謂有裨時政力請施行不報爲言者所劾天子置不問補東阿令邑號疲劇繙羸苴弊民獲息肩教訓聽斷煦煦如家人恩東阿人悅之丁父憂去服除補來安一修東阿

錄

卷之二十五

八

光緒堂

之政邑人大悅之如東阿徵拜兵科給事中會弟禪亦以才選爲御史輒相曉曰吾儕幸備天子耳目持論務存大體苟可納忠毋恤我私前後陳任將賑飢弭盜均牧省兵稽尺籍清旣弊慎祀典飭荒政覆首功十數事皆切覈核時至應詔一疏頗歸重災本天子爲之動容若曰事關朕躬固當任之遷工科左給事中時虜躡遼陽大康堡殺傷頗衆朝廷慮有蔽匿特命祚按之具得實狀釐剔功罪以聞且閔其事出叵測悉傳與輕比而反覆陳邊兵芻糧大計天子悉嘉納還至三河蒙犯風雪會有進貂裘者祚却之手足變瘕醫不時愈疾免歸步持稍艱聰明不廢自計無復立效明時猶得以醫藥餘閒著書立言求古人之志益肆力鉛槧間所不得意於當時者往往發之其文酷慕兩京質疎達節去雕去腐而醴旨自足時復爲燕趙慷慨悲歌之狀詩淡者似建安沉鬱復似少陵而瑰心奇氣若河流下龍門積石奔激不得瀉風觸木怒號撇旋漂擊已而噫氣泠然故攬其詩文而志可悲也家食二十年非慶吊報辱不踐公室絕不及私監司郡邑諸大夫重其品高其文

每考叙遷代得祚一言。輒相視色喜曰：歸裝不薄已。其爲時所重如此。

陝西左叅政陸元博溥

陸溥字元博，錢塘人。正德丁卯舉於鄉。明年成進士，授兵部職方司主事。時宜藩謀不軌，逆瑾內應，齊魯趙魏賊從中起，天下蓋岌岌矣。溥相大司馬，運籌決策，動中機宜。羣兒竟以次授首，易危爲安。溥之力居多。旣而

大駕將南征，溥與同省諸郎伏闕諫止。廷杖幾斃。會丁內艱，歸服闋。補武選司員外郎，歷郎中，出爲江西布政

司

卷之二十五

九

光緒堂

司左叅議嘉靖改元詔獎先朝諍臣，加俸一級。改陝西布政司左叅政，行至寶寶卒。溥爲人冲澹雅素，退然書生也。至論大事，決大疑，慷慨激烈，屹如泰山。喬嶽使天假之年，其豐功偉績當與古大臣齊驅並駕。而卒年僅四十有五，識者悲之。與溥同杖者爲仁和江瀚、林暉、君子以爲杭之二直。

湖廣左叅議楊惟仁言

楊言字惟仁，慈谿人。正德丙子領鄉薦，與辰舉於禮闈。辛巳賜進士第，授行人，使於代。而代王故好學，以言名。

儒賓禮益甚，言爲諸生說易，諸生卽翕然師事之。未幾

而代亂，王出奔。朝議求所以安代者，莫如言。言往而代

安，王乃歸國。嘉靖乙酉，遷禮科給事中。時方議大禮，羣

僚更相水火，而張璁、桂萼諸人陰脅言，使附已。不與，乃

屢疏抗議。略曰：陛下考獻帝而祀之，觀德敬明親親

也不復躋於太廟以干正統，明尊尊也。斯協諸義而協

者也。獻帝雖有聖德，非若周文武之興王創業也。而

欲襲世室之名，舛矣我太祖太宗旣正世室，而復

崇以獻帝可乎？至以獻帝爲所自出之帝，是前無

繼

卷之二十五

十

光緒堂

祖宗也。以獻帝爲禰而宗之，是近無敬，殺也。諸所云云皆爲不經。陛下前旣罪賢士劉惠之言，而今乃納署丞何淵之言。前旣命禮部席書之議，而今乃拂書之後議。臣不知其何說也。臣非不知陛下順旨則喜，逆旨則怒，不逢喜而逢怒，豈臣之情哉？義有不可，卽殞首闕下，必不敢奉詔。臣謹昧死以請。已又奏書曰：先帝宴駕時，江彬挾邊軍四萬圍爲不軌，元輔楊廷和不愛其死，以密謀誅之。頃刻尋定策立之計，此社稷之勲，非止開國佐命者也。卽使有罪，猶當十世宥之。今聽奸人之言，

既視其爵矣。又逮其子若婿。乃又聽百戶王邦奇之誣。而盡逮其鄉里。此何謂者。若編修葉桂章輩有憤。非辜非勿。卽繼耳。夫以未彰之罪而殺既去之臣。豈國家養士之意乎。至言費宏石琯之陰私。曾無左證。尤大無謂也。惟陛下裁察之。若以無籍曖昧之詞。成師保大臣之獄。能不爲聖世一大累哉。書奏。上大怒。勅法司廷鞠之。拷掠慘毒。體無完膚。而終不易詞。謫判宿州。已乃稍遷溧陽令。蕪州府同知。南京刑部郎中。改南京文選司。稍稍起矣。而忌者傾之。又謫知夷零。稍遷荊州府同知。四川僉事。湖廣叅議。又稍稍起矣。而忌者復傾之。遂鑄籍以歸。方言之入蜀也。舍於驛中。夢綠衣郎進曰。忠良胡爲乎來哉。詰旦答之。則葉桂章以被逮至此。而自縊。語其狀甚肖。昔言所論教語。獨縷縷者。斯其感也。既歸而角巾布袍。崇尚約素。曰。吾以爲子孫倡耳。諸以豪侈相矜高者。必痛戒之曰。吾死不願汝曹有此行也。卒年七十五。張大司馬時徽志其墓。且繫之銘曰。虎豹九關。嚙弗喘乎。而獨大聲以呼。羊腸九折。嚙弗慄乎。而獨叱馭以驅。彼含沙伺影者。豈其無所而獨公是虞。嗟乎。嗟

卷之二十五

光緒堂

士

光緒堂

乎。絃直者曲乎。玉潔者污乎。子哉後江。奈何乎斯人之徒與。後江言之別號也。

翰林院學士程舜敷文德

程文德字舜敷。永康人。登嘉靖己丑進士。廷試第二人。授翰林院編修。克經筵日講官。進無逸殿講章。大意與伊訓說命相表裏。又進郊祀議。內訓四時親蠶行。以偕同官楊名言事。忤旨。廷杖下詔獄。謫信宜典史。當道爲建嶺表書院處之。兩廣名士翕然師尊之。時有山斗之譽。遷安福知縣。立鄉約之法。合糧里之役。政大得民。遷兵部車駕司郎中。會北虜猖獗。上禦邊四事。減虜六事。及車戰事宜。多見採納。尋陞廣東提學副使。擢南京國子祭酒。嚴立科條。黜浮文。敦實行。以太學賢士所關務在培養人才。以收太平典理之效。晉禮部左侍郎。尋改吏部。癸丑當天下述職。門無私謁。詔知貢舉。加翰林學士。掌詹事府事。典教庶吉士張四維等二十八人。時兩直隸河南山東四省大飢。開例納銀。以便賑濟。文德具奏。救飢如救焚。溺緩則何及。聚銀爲難。米粟頗易。隨民所有。凡可以克飢者。悉得輸官散給。上可其奏。勅下

卷之二十五

光緒堂

士

光緒堂

四省於是輪米粟者踵至四省之民得以全活時大內歲例大祈文德撰玄詞多寓規諷忤上意奪官同籍家居杜門謝客日以著書爲事比卒遺箚瀟然斥產始克就殮士論賢之御史王好問疏請卹典有云正色正言學術無忝於儒臣古道古心行義足稱乎君子人以爲確論贈禮部尚書諡文恭

雲南道監察御史謝如卿瑜

謝瑜字如卿上虞人嘉靖壬辰進士授浦城縣知縣考最擢南畿道御史時武定侯郭勛建議請復天下鎮守

卷之二十五

光緒堂

鉗制百官瑜劾勛妄肆極言正德中閣宦無狀司禮劉瑾反於內畢真劉郎反於外覆車可鑒上雖不遽斥勛而鎮守之議竟寢海內賴之尋按雲貴核兵籍因論兵部尚書張瓚副都御史党以平食墨無賴又論禮部尚書嚴嵩奸佞大學士翟鑒伴食刑部尚書周期雍飾非自固於是相繼罷去惟嵩得入相瑜自雲貴還臺長稱爲古之遺直薦留雲南道嵩憚之百計要結且啖以美官瑜掉頭不顧出按四川聞邊警上疏曰堯舜誅四凶而蠻夷率俾今之四凶郭勛胡守中張瓚嚴嵩是也

陛下已誅其二矣何不盡屏逐之以全堯舜之功乎且極陳邊事大壞狀上不之罪嵩益欲甘心焉瑜以母老乞歸未允而嵩乘京察除瑜名瑜歸日奉母怡怡盡惟嚙飯一小闕不一入城府自謂循介名所居曰循齋然其中實坦坦使人可親卒年六十有九久之御史周弘祖輯嘉隆章疏特請於朝贈太僕寺少卿

吉安府知府葉肅卿應驄

葉應驄字肅卿鄞人正德丁丑進士官刑部主事精核法比操執不阿已卯倭倖導上南巡偕諸官伏闕諫

卷之二十五

光緒堂

罰跪五日杖之朝瀆死嘉靖癸未陞員外郎進郎中時李輔胃子怙勢淫恣欲付應驄論論如法無所避甲申議大禮復偕廷臣伏闕諫下詔徹又杖之瀆死時潮陽陳洗獄起諸官司以洗官給諫素鷄張無狀而所坐又怙淫殘酷敗倫納叛種種大不法又善見蜮媚時宰卒不可誰何羣蹙踏不敢前乃以屬應驄慨然而南驟巡按藩臬公蒞凡七訊而獄成遂具上寘於典而時宰竟寬之除洗名爲民一時有手搏猛虎潮民得所之誼秩滿遷守吉安丁內艱居家而洗覆出爲惡詆奏反噬時

率右洗、遂械繫應、應、手履校談笑就路比下詔獄、聽廷詰、呵譴折辱、萬不能堪、而應、挺挺對曰、應、故法吏也、所持三尺耳、必欲直洗枉、應、惟諸公自爲如明神國憲、何哉、是日黃霧四塞、明日大風拔木、乃詔停刑、從輕擬、羣啖者皆錯愕相失、竟當應、按獄不實罪、落職爲民、無何、洗復橫詆奏、必欲咥應、而時宰復右之、乃竟謫戍遼東鐵嶺、得命卽挾室而行、遠故絕邊、虜人無常時、當道數谷疆事、輒爲籌畫、率井井中機宜、其士人執經受業者、履滿其戶、文風遂爲丕振、而應、固忘其爲

蕭直

卷之二十五

五

光緒堂

南京鴻臚寺卿史應之朝賓

史朝賓字應之、四明人、其先有避地晉江者、遂占籍晉

江嘉靖辛卯、領鄉薦第二、丁未成進士、授刑部山東司主事、歷員外郎、當肅宗皇帝癸丑之春、兵部郎楊繼盛上疏極言嚴氏納賂蝨國十事、疏中有引二王語、上大怒、命杖之百、下司寇獄、嵩授指刑部侍郎王學益文致其罪、時朝賓以員外郎署司事、與學益論、辯終、日曰、繼盛何罪、卽欲罪、請當以論事不以實法如是止矣、學益曰、公所執誠是然、上怒不可測、與俱斃、無益不若姑徇、上意以待後解、朝賓曰、吾輩爲朝廷法官所執者三尺耳、安知上意而殉之、學益知不可奪、乃自爲律案、以詐傳親王令旨、律絞、薰成、授司令署銜、朝賓痛心疾首、無如之何、乃自署疏、尾曰、楊繼盛語雖誣、誤心實無他、惟陛下閱其狂愚、謫發遠戍、以全好生之德、疏入、嵩怒、繼盛坐死、而朝賓降三級調外任、由泰州判官陞楊州府通判、歷南京戶部員外郎、郎中、母憂服闋、補工部郎中、陞河南按察司僉事、進尚寶少卿、轉南京大理寺丞、應天府丞、南鴻臚寺卿、時徐文貞當國、方欲大用之、而竟以微疾卒、年六十有二、方忠愍之下獄也、嚴熜益熾、士大夫相視以目、不敢言及忠愍事同年

蕭直

卷之二十五

六

光緒堂

提牢者至一黑羊不許入諸相問者忠愍俱閉目不言
獨應之至則張目視曰史年兄邪多費心矣應之頻行
與忠愍書曰遇兄之事當以死許朝賓之不死者猶冀
兄之不死也帶罪出門望兄自愛明明者天庶幾一晤
忠愍復書曰批奸人腸誓不與俱生自必死兄何苦
也兄行矣天下事尚可爲珍重珍重手書至今存應之
調任之後達官貴人見皆噴噴慰勞至見次相李南梁
未及廳遙指曰此真男兒也遂降階延入慰藉尤至今
縉紳大夫不惟不知應之事并楊忠愍亦或惘然大司

卷之二十五

光緒堂

南京兵部主事劉允卿世龍

劉世龍字允卿慈谿人正德辛巳進士授太倉州知州
陞南京兵部職方司主事嘉靖初政大禮議起黜者假
爲捷徑而廷諍諸臣廢放不收又壽寧侯張鶴齡坐死
待決而工役繁興民力疲敝世龍懷忠欲吐會南太
廟災詔求直言世龍奮然曰吾可以言矣遂具疏列爲

三事一曰杜諂諛以正風俗蓋指斥言禮驟貴者二曰
廣容納以開言路欲寬宥言事諸臣以次錄用沒加存
卹三曰慎舉動以存大體謂大臣表率百僚不宜倏召
倏斥甚加械繫垂楚至如張延齡逆豎不足惜而孝
廟在天之靈太后垂老之景乃不能庇其骨肉之愛
恐於孝養兩宮之心未安所言皆直指時政罔所回護
疏入世廟震怒械繫至京發錦衣衛杖四十次日獄
具再發午門外杖八十死而復甦家居三十年臺省交
薦竟不復敘穆宗登極錄用先朝忠諫以老辭詔進
尚寶司少卿致仕卒

卷之二十五

光緒堂

廣東按察司副使沈靜夫謚

沈謚字靜夫秀水人嘉靖巳丑進士授行人擢刑科給
事中星隕應詔極陳修省感格之道言甚剴切劾罷自
官男子二千餘人出爲山東按察司僉事後備兵大庾
計擒賊首李文彪嘗心辨良知之音建祠以祀陽明先
生子啓原自有傳

工科給事中馮惟良汝弼

馮汝弼字惟良平湖人嘉靖壬辰進士初試行人選工

利給事中時太宰汪鉉特寵驕恣言官爭之上不能
得汝弼投袂而起曰聖天子在上而使奸臣得賜寵
以蔽明耳目之謂何且擊之不勝其志益驕事更有不
可言者吾當以死爭之遂黥燭草疏陳願待旦入朝對
仗彈之曰臣竊見吏部尚書汪鉉被劾例該自陳乃復
強辯且自譽曰至公無私從前未有何其大言不慙欺
君罔上一至於此雖然其謂從前未有則誠是矣臣請
殊死爲陛下下一言之往年大同之變鉉身爲元宰
義同休戚乃遣其子盡歸貨實空室以觀成敗則鉉乃
背德負君保家忘國從前所未有者也鉉於大學士
張孚敬召入則附之罷歸則背之迨其再召也則又附
之孚敬惡其反覆不爲禮而鉉於昏夜私懷重寶跪而
進之則鉉乃燕趾掃地狐媚苟容從前所未有者也邇
者京察鉉子納賄私宅鉉宿部堂往來消息阻於門禁
輒集私書詐作公文投遞則鉉乃賄賂公行贖貨無厭
從前所未有者也前朝審重囚鉉當秉筆乃對衆攘臂
大言曰馮恩欲奏請殺我我今先殺馮恩遂審情真夫
刑賞陛下之大權所謂臣無有作福作威者也假使

卷之五

卷之五

本

光緒堂

馮恩罪果應誅是亦陛下之天討而以爲我先殺之
則鉉乃專恣無君攬威劫衆從前所未有者也給事中
等官葉洪等劾鉉奸佞等事或鑄其秩貳奪其官卒無
一人得免者甚至刑部郎中賈名儒勘鉉賊吏欲論如
法卽日出補雲南則鉉乃任情報復中傷善類從前所
未有者也若曰至公無私則聖明在上清議在朝公
道在天下誰得而誣之亦誰得而掩之鉉於諸臣論劾
不自引咎顧乃妄爲辯訐欲陛下爲之考驗恭詳以
施乾斷則是臺省爲聚訟之地科道爲構訟之官彼此
龢直
卷之五
干
光緒堂
株連動相劫制元凶極惡誰敢復言君門萬里何由聞
見於是罔上行私欺君誤國之臣始得竊榮祿以終
身鼓威福以恣惡陛下何以大中興之治天下何以
蒙至治之澤哉疏入上怒持不下尋有旨逐鉉并逐
諸言者汝弼遂出丞潛山稍還常熟令當是時邑暴苦
水民居多墊汝弼急發倉粟賑濟而後計處以報上官
上官皆器重之已復築堤建閘丈田均賦事有便於民
者率先諸邑嚴辦竟以是蒙忌論調餘干復稍遷太倉
州知州時部使勾校積逋甚急民相株連坐繫汝弼力

言使者緩征民得不病有劇盜聚江海間前守不能詰
汝弼設方略卒購得之復襲擊其黨擒斬殆盡韓揚州
府同知而使者以催科不力爲罪復論調汝弼浩然歎
曰催科之拙撫字之勤也不以爲功而以爲罪乎世道
固如是矣吾安能脫民脂以娶仕舉邪竟拂衣歸歸而
倭難作走白督府請急城平湖爲扞禦計晝夜躬舂鐻
以先作者人初病之及寇至賴城守得全而隣邑未城
者皆被蹂躪人始驚顧相語曰非馮公吾屬爲機上肉
矣邑郊垌西接郡五十里而遙陂塘半廢莫爲理汝弼
鳩工築堰凡十有五津梁三十有二復勒石示子若孫
世世修輯每歲苗民飢輒輸粟縣官助賑或市麥給貧
不券責也其處家尤務敦睦親族以次惠施無弗周伯
兄貧旣析箸矣復迎養餘三十年仲季諸兄下逮弟姪
皆給田產其最貧者更時時衣食之先族之人農於田
商於市學於黌序與夫室廬婚喪咸倚辦汝弼者甚衆
汝弼以高壽終所著有史案數十篇革除備遺三錄行
世伯子敏功自有傳

南京刑部尚書翁德宏傳

翁溥字德宏紹興人己丑進士令太湖召拜吏科給事
中值大同邊卒戕殺主帥廷議未決溥抗疏乞正法以
定國是及事解功罪失實復疏請簡風憲大臣往覈之
則賞罰明而人心知儆以漸消其兇悍貪冒之習識者
建之時冢宰汪鉉結權黨邪大逞胸臆要上寵以作
威福乃與同官孫應奎薛宗鎧等發其奸狀而大奸距
脫中外稱快時疏論者九人二斃於杖六謫降而溥得
龍泉丞屢蹶屢起歷官右副都御史巡撫江西晉兵部
侍郎陞南京刑部尚書抵任踰月以痰疾卒於官賜祭
葬廕一子入太學謚曰榮靖所著有知白堂稿藏於家
刑部尚書張鍾誠永明
張永明字鍾誠烏程人以進士令蕪湖時章聖梓宮
南祔所過郡邑設綺紈帳殿供器悉治金爲之又中官
緹騎輩橫索賂遺一不當意輒肆詬辱官司莫敢誰何
永明於潁江佛寺聖其棟宇以代帳殿飾供器以箔金
代冶節省不貲而調度有方卒無騷歎於境上者中官
緹騎輩顧交口噴噴稱其能久之以治最擢南京刑科
給事中時分宜任子竊權穢迹加甚彈劾數十事言皆

劉直分宜私人旁睨之曰是誰氏子後來將虎嶺耶出
江西恭議陞雲南副使初黔國自以勲閥世鎮尊無與
抗每易視藩臬永明面譏其驕借無人臣禮將疏之朝
黔國遜席謝過乃已擢本藩恭政轉河南按察使以艱
歸服除補陝西歷左右布政使晉右副都御史巡撫河
南時伊府典揆廢法不軌暴便民利宮室服御無不踰
制者永明抗疏以聞竟論如法一時豪貴莫不開門易
轍曰毋犯張公尋轉左右侍郎晉刑部尚書分宜任子
事敗衆以 上意叵測未敢深議永明獨奮筆擬之曰

直

卷之三十

圭

光碧堂

遣戍讞上竟如擬中外稱快頃之改左都御史三計羣
吏不私庇一人人亦無敢干以私者時懷盛滿之憂而
會人言放及因力懇放還得旨即日就道竟以寒行犯
露疾遂不起得年六十八永明天性峭直正色不阿以
是搯已亦以是責人居鄉立朝如繩斯直一切回互械
巧之事生平所不解故雖以方嚴見忤然終無得而瑕
疵焉所著有臨溪存稿若干卷藏於家

通政司通議徐以言學詩

徐學詩字以言上虞人登進士第授刑部主事歷員外

郎郎中盡心刑獄不爲權勢阻撓嘗是時相嵩父子怙
寵黷貨日貨綠 上所嬖倖鉤擊言者天下咸以言爲
諱庚戌秋虜大舉入寇突騎薄都城而所分布要害之
師尚以賄置會詔求直言學詩遂具疏歷數嚴氏奸利
事 上爲感動而方士陶仲文爲言嵩孤立盡忠學詩
特爲所私報怨耳乃逮下錦衣獄筆楚備至學詩慷慨
當之不少挫尋放爲民以歸歸則日侍其父優游杖屨
間曾無幾微佗僚不平之意見於顏面而潛思力踐若
有所望而趨之不以一節自多也 世廟上賓遺詔錄

直

卷之三十五

圭

光碧堂

諸言者起南京通政司通議抵官逾月而卒士論交惜
之撫臣趙孔昭請於朝詔贈大理寺少卿

禮科給事中錢懋垣薇子與映附

錢薇字懋垣海鹽人少好學爲古文詞及舉進士從湛
若水先生講鄒魯之學時從游其門者皆顯貴賢豪人
堅守師說薇獨窺義呈秘妙談心體動靜與律呂氣數
直破去經傳還求自得半出儒先所未道者同儕莫不
望風下卽湛先生亦曰懋垣吾畏友也初試行人使楚
藩盡卻其餽名已藉藉公卿間及升禮科給事中多所

建白或論劾時事悉剴切懇忌諱不顧時新 郊廟疏
請六科給事得陪祀以重耳目舊例諸司輒避大臣行
車因諭言官與諸司不同誼當顧顏不得輒避以棄諫
垣體二事曠典行自茲始 天子聞而重之每急有任
使輒畀錢給事中不由推舉已而勅使查理湖廣廣以
西錢糧撥按籍精密卽窮山僻壤他使所不至者皆躬
就閱之靖州千戶頑劣率約束則擒其尤者四人寘之
法楚中稱仁明蒞在諫垣凡四年論諫大臣貴戚內侍
及 郊廟兵戎諸事皆逆耳苦言已論翊國公郭勛攬
權樹黨七事始基禍孽其諫幸也旋報奪俸繼而指摘
官僚非人又以星變異常乃 主德缺誤所致竟忤旨
方疏之初入也微謂其僕曰 上方事玄修所忌者災
眚我疏上不旦暮死卽寘今以數金付汝死卽買棺以
殮耳至命下得免死竄編齊民放歸歸而與家子弟及
四方從遊之士開講學乃扁其居曰從吾所好癸丑
甲寅之際倭難橫熾蔽宵私晝以獻實事者故事得以
預備他如賦役軍興有涉地方者則冒言之里中多陰
被其澤老歸數年部院臺諫諸臣薦之者甚衆竟不起

韓直

卷之二十五

主

光緒堂

卒年五十三隆慶改元詔起諸諫臣而韓已沒特贈中
順大夫太常侍少卿所著有承政堂稿國朝名臣事實
備邊策河套議海防略諸說藏於家子與映字淵南生
而孝友七歲喪母哀毀如成人撫其弟義兼師友兄嚴
而有恩弟恭而退讓世並美之甲子舉順天鄉試三上
公車不售輒吐棄不往豫爲壽藏於永安湖招所知沈
嘉則吳少君輩酣飲賦詩以樂其志勅之仕不應也好
施予食指所餘恒爲道路橋梁醫藥墮死費戊子旱饑
出困粟以食餓者而與其子弟甘粗糲家禁庖宰有饑
生魚者受而放之晚精釋典妻亡不再娶嘗寄居景德
寺敝衣澹食有終焉之志奉其家太常遺教子弟登賢
書者所得坊金例不聽建坊亟買田五十畝以贍食族
南宮得傳復益之今其季子陞亦以戊午舉南畿矣世
居壽門里今壽門有錢氏放生處皆太常孝廉遺澤云
禮科給事中沈宗安東

韓直

卷之二十五

主

光緒堂

初入諫垣每觸事憤憤將論列其罪狀會總兵周尚文死請卹典嚴氏憾其不附已報寢東抗疏曰臣聞上有必行之賞斯下有必效之忠尚文忠勇素著國之長城其死也邊人無不流淚者而身後之典格而不議其何以示勸夫當事之臣不能上體聖心任已意爲予奪臣竊悼之疏入嵩大怒條旨杖東關下尋繫詔獄垂絕者數四三月而創始愈先是東妻張氏自會稽來念東未有子置妾潘與居既至而東已下獄三日矣張泣語潘曰吾忍死以視夫朝夕分也若艾年且未識夫面寧能共守乎潘涕泣誓以死待卒相與茹荼苦拮据女紅易升斗獄中索糧粥賴以僅繼東日惟兀坐玩周易著周易通解及文言說內外本末稱明辨多要眇自得不苟襲先儒齒頰發爲詩歌悲壯淒惋令讀者裂眥酸鼻庚戌冬虜入犯關京師戒嚴詔集廷臣策所以退虜者國子司業趙貞吉抗言於朝曰釋沈東之囚以求直言錄周尚文之功以勵邊將卽虜可不戰而退亡何貞吉竟以是斥去東在獄聞虜狀輒具疏請得精騎五千往來督戰以外疑虜而內翼蔽都城且度虜飽而歸必

道丞鹿出遵薊或衝突於宜大宜傳檄諸路棄其情歸設奇夾擊必大勝嵩見疏輒擲之地曰囚安得上書已而沈錦衣鍊趙御史錦徐主事學詩先後上書論嚴氏卒被逮譴謫以去時號越中四諫而嚴氏恨越人特甚會有構者謂錄與東同宗疑有連於是益切齒欲甘心於東屬主者加械束手足東自分必死誠家人庀後事妻張徬徨紉衣袂具兩棺期俱死無何而嚴氏敗事得已然東已繫獄十有四年矣東父邠州守儘時年八十有七疾且革思一見東於是妻張伏闕上疏請以身代繫令夫得一見父以瞑凡三上乃下部議上不報然上意稍稍動矣當是時上常居齋官好鈞察外事卽獄中一語動目錄以聞謂之監帖然守者或亡所得則姑塞以謾語丙寅冬帖進云有鵲當沈東前噪不休東曰豈有喜及罪人者邪蓋謾語而上信之會主事海瑞以言謫御史何尚以疏救之忽有旨下尚於獄而釋東東歸而邠州已不待乃踊而號呼枕塊水飲徬徨以自廢丁卯莊皇帝登極首錄諸諫者起東原官上蹕乞補制尋遷都給事中再遷南通政竟以疾辭不拜自

是獨掃一室左右經史日夕研討其中所著有易圖洪範律呂諸說書詩春秋周禮諸解及潮候集雜詩稿惜多逸者家故貧僅田十餘畝妾婦并日而食處之怡然有司靳一望見顏色不可得也辛巳年六十有八微疾而逝束少好讀蘇武傳每讀輒掩卷歎當食或廢箸由今觀之武處北海十九年白首歸漢東繫獄十八年亦白首歸田武之歸以雁書束之歸以鵲帖皆託之人而成於天事誠有不偶然者然武尚拜官而束不拜武有子而束卒無子其節愈苦而數愈奇是則天之不可

卷之二十五

无

光碧堂

問也束之出獄也潘猶一處子張冀夫有後日令潘進御而身出汲入炊無難色父歿未幾而潘亦尋歿束竟無子凡束之勁節介行雖所自樹亦其婦妾能成之也山陰令徐貞朋表其里曰一門風節蕭太守良幹請祀束於學官

錦衣衛經歷沈純甫鍊子襄附

沈鍊字純甫山陰人少讀書有異質從王伯安先生游先生一與語即奇之曰生千里才也嘉靖辛卯舉鄉試又七年戊戌成進士授溧陽令其治以搏擊豪強衛赤

子爲急用伉俪忤御史調在平父艱服除補清豐令錦衣大帥陸炳聞而賢之請吏部得鍊爲經歷至則與鈞禮終不敢以分相加炳與嚴氏父子深相結以故鍊問從世蕃酒所世蕃虐所狎客給事者飲非其任強灌之鍊卽以灌世蕃曰吾代客酬也喜從尚寶丞張遜業飲少飲輒醉醉則擊缶鳴鳴誦出師二表赤壁賦已慷慨曼聲長嘯泣數行下當是時虜闖入塞都門不啓天子坐西齋官憂之會虜獲我中貴人爲嫂書附以進曰子我幣通貢卽解圍不者歲一髮而郭時華亭徐少師

卷之二十五

手

光碧堂

階領大宗伯要諸大臣以御朝請天子下其書大宗伯會文武羣臣計孰便國子司業趙貞吉曰虜所謂貢者邪彼傳城而軍我乃城下盟竊以爲天子御奉天門出內帑饗士驛言者旌功臣虜固當自退而檢討毛起囁嚅言吾姑寬虜以予貢而出之而後議守者便貞吉廷叱之爭之堅而鍊復爲申趙理刺刺不休太宰夏某恠而問曰若何小吏也鍊曰攝之曰大吏噤弗言故小吏言胡恠也且曰主辱臣死耶太宰意不自得罷而華亭持衆議上竟弗予貢次日天子出視朝有所

韓直

卷之二十五

李

光緒堂

誅逆矣。當是時，鍊氣甚壯，欲力吞虜，幾得以身當一面。畢見其長，乃上疏言，請以萬騎護陵，寢萬騎防通州，餉而合勤王之師十餘萬，鼓而薄其惰歸，必大勝。報聞罷。蓋是時相嵩獨貴，幸用事，數寢抑邊報，不以聞。而見事急，則若爲開言路，有所誅進者，將帥當事臣迫誅，益入昧居間，嵩以免。而其進有時，賄賂價暴起，言者日以益嵩，日以重。於是鍊復飲張丞所泣而歎曰：「詩不云乎，欸欸訛訛，亦孔之哀。謀之其臧，則具是違，謀之不臧，則具是依已矣。無所信，吾謀矣。吾卽不死而苟五日蠅然，而」

韓直

卷之二十五

李

光緒堂

喜日相與嘗嵩父子以爲常，至爲偶人三象，唐相林甫、宋相檜及相嵩而射之，語稍稍聞。嵩父子銜之，刺骨而侍郎楊順來總督，故嵩客也。前大帥某業以悞悞避虜，俟其解，則縱吏士取死人首，甚者夜邀避兵人，僂之以爲功。鍊應得其首，主名貽書，謂之前大帥悲旣得代，卽以屬順曰：「是故撓乃公事者，丁巳虜入，破應州堡四十餘，順見以爲失事，當坐。益縱吏士殺僂避兵人，上首功以自解。而鍊復應得其狀，貽書謂順語加峻，且賦詩及樂府者二，或謂公遷人，非有言責，毋爲爾鍊怒曰：「吾向者豈亦有言責邪？若視吾眼在否，而欲盲我夫殺人而欺其君，以要賞，吾誓不與其天。順聞益恚，以其私人走嵩子世蕃，所曰：「是夫也，結死士，擊劍習射，將以間而取若父子。世蕃曰：「吾固知之，卽以屬巡按御史李鳳毛。鳳毛謬爲謝曰：「有之，竊陰以解散其黨矣。鳳毛得代歸，而御史路楷來又嵩客也。世蕃爲酒壽楷，而使謂順曰：「幸爲我除吾瘍，事成大者侯，小者卿。順則與楷合笑，捕諸白蓮教通虜者，寔鍊名籍中，以謀叛聞。取中，卽僂鍊藉其家而與順一子錦衣千戶楷候遷五品卿寺，順猶

快快曰丞相負我薄我賞猶有所不足乎謀之楷取鍊
二子杖殺之而移檄越逮鍊長子諸生襲至則日掠治
困急且死會給事中吳時來上疏論順楷誤國大罪
上怒相嵩不及爲之地急下緹騎捕治順楷而襄得釋
居久之相嵩敗世蕃砒死御史維新復論順罪而微爲
襄理還其諸生 穆宗初詔褒言事者鍊寃始大白贈
光祿寺少卿賜祭錄一子入太學襄用諸生久次薦貢
上春官伏闕上書極言總督順御史楷殺人姦黨狀而
諸給事相繼以疏請詔可捕順楷司寇獄論抵罪當虜
肅直

卷之二十五

李三 光緒堂

掠近郊時都門閉鍊急謂炳勿閉門閉門予虜民矣炳
爲言於 上而許之所入男女以巨萬計鍊於詩文援
筆立就奇麗甚而不能盡削其牢騷憤激之氣往往多
楚聲以故人咸讀而憐之死年五十有一子四長卽襄
次袁次袁死父難最少子泰以釋免襄既報父讐推太
學恩予泰而襄官終太仆鍊所著書悉亡於逮時今僅
存青霞集

刑部尚書趙元朴錦父墳附

趙錦字元朴餘姚人嘉靖甲辰進士除江陰令徵拜南

臺御史時大司農窘軍興無所出議遣使分道徵民間
積逋又令民得輸貴爲錦衣衛官錦言齊楚燕趙淮徐
之間人將相食何可復加徵求錦衣侍衛王官詔獄之
所在何可令錢虜克之衰朝廷之體忘肘腋之患大司
農議非是不稱當罷壬子奉勅清雲南軍政元旦日有
食之錦馳疏引春秋陰盛陽微之義極詆分宜相怙寵
納賄蝕國賊民內伺 上意以暴恭順外脅諸司以張
威福凡萬餘言皆發其至隱分宜父子銜之次骨遣緹
騎急逮錦械行萬里至則下錦衣獄明日榜掠備至錦
懣直

卷之二十五

李三 光緒堂

鋒色無所撓獄具分宜必欲殺錦條旨杖一百 肅皇
帝引筆抹廷杖一百數字得不死竟削籍歸錦每言吾
得有喘息至今者 肅皇帝賜也爲之泣下錦逮時父
墳方恭議粵西聞之亟投劾去父子一時罷歸家徒四
壁立食菽飲水驩如也居八年父恭議歿又七年 穆
宗踐位起錦河南道御史尋陞太常少卿光祿卿時因
供奉奏罷端午龍舟之戲明年拜都察院右副都御史
巡撫貴州土酋安氏握重兵豪於苗夷間難控馭錦宜
示朝廷恩威不敢不用命苗民有不率者安氏輒內創

之粵西。和。大治。轉大理。卿工部右侍郎。尋轉左。萬曆二年。轉南京都察院右都御史。歷刑禮吏南京三部尚書。時江陵相。標國欲引錦為助。而錦挺然無所依阿。時或諷議朝政得失。語稍稍聞。江陵銜之。陰令言者劾錦。遂致仕。江陵卒。起為南京吏部尚書。尋召入為左都御史。掌院事。江陵敗後。楚黨坐斥殆盡。諸御史攻楚黨者。氣益盛。引繩批根。抨擊不止。至謂今日去某明日去某。某當為元輔。某當為太宰。好事者罵然和之。客有趨賀錦者。曰。人望屬公。少默。即太宰矣。錦愕然曰。是何言也。大臣由廷推取。宸斷奈何。小臣得私除太宰乎。退而上疏言。官論劾大臣。當權其人品事業。不宜槩事詆毀。乞詔起大臣出視事。切責御史過言以存國體。於是諸大臣得安其位。而紛紛者漸止。錦之力也。孔庭從祀之議。眾論盈廷。錦力言。文成白沙二先生當祀。甚辯。又疏言。先臣王守仁致良知之旨。喫緊為人。即孔子所謂仁也。陳獻章之學。以靜觀默識為務。以致虛立本為宗。昭代學術。知求諸心而不為口耳支離之騫者。實其開先

之功。疏入從祀之議始定。六年。考滿。加太子少保。資德大夫。正治上卿。未幾。改兵部尚書。掌院事。如故。會丁繼母艱。歸家。居六年。起為刑部尚書。三辭不允。至姑蘇疾作。卒於途。計開。上震悼。輟朝。贈太子太保。賜祭葬。悉如制。年七十有六。錦潛心陽明之學。探其堂奧。養益粹守。益穴內。嚴而外和。益然篤躬君子也。其教人以躬行為本。曰。實踐始是真知。皆倫物而言。覺悟失先師之旨矣。平居恂恂。不輕發一語。至權大事。決大疑。必稱引古今。悉其源委。與久遠未然之善敗。亡不中窾綮。意所不可負。育不能奪也。喜讀書。善屬文。尤工於奏疏。直而不怒。詳而有體。有賈長沙陸宣公之風。

陝西提學副使陸與培光祚

陸光祚字與培。吏部尚書光祖之季弟。生而秀穎不凡。六歲。即知向學。長益博聞強記。六經左史國策。皆手錄成帙。深有志於聖賢。以名節自礪。舉嘉靖癸卯鄉試。第三。登已未進士二甲第一。授兵部主事。盡汰中貴戚。晚之如隸。竄籍府軍者。適虜犯近郊。遊騎四出。剽掠乃匹馬。冒矢石。諸督臣。管中籌畫。廟堂深器之。欲大用。以伯

兄典銓引疾歸數年起補禮部郎凡歷三司所建明皆關大體稍背於典禮必不依違以徇寧忤權貴弗恤也隆慶間神宗皇帝方冲年毓德三疏請出閣講讀詔取光祿銀十萬兩恐勢必加賦以償其匱力疏止之詔議理財則疏復屯田通錢鈔練土著去冗耗倡節儉五事慮宗祿不支則疏請限服制以殺祿給聽自便以開生路嚴法制以禁為非見諸王謚法與大臣卹典之濫則援引國初令甲奏為條例以行肅懷王無後其從叔緒續資緣乞嗣王內與多主之者祚固爭其不可柄臣深疾之而南陵王又絕周王冀得其遺貲祚疏請以補宗室之祿周王又柄臣所私也意益恨遂出為湖廣屯田副使柄臣罷量移提學陝西時受命而秋試期迫潯暑行部周數千里日夜校文是年關中最稱得士以勞成疾猶不自懈聚諸生於正學書院給廩餼時臨視而課其業間與講明聖學咸蒸蒸向方未幾卒於官輿輓所過士人無不環泣者祚為人公清端直孝弟篤厚內行甚修後其伯父未及歲也歲時修祀必虔且哀事所生母極純順母卒故事無去官持服者獨泣以請世

卷之二十五

辛七

光緒堂

宗特許之且著為例少伯兄僅兩歲而事之如嚴父無行不告無言不從築室於城迎仲兄同居友愛甚至納一妾察其為故家女立還其父且厚遣使善嫁其篤行類如此卒之日遠邇無不悲悼以為位不滿德云兵備副使張體徵應治張應治字體徵秀水人嘉靖壬戌進士初授行人拜南京戶科給事中知無不言不阿權倖諸所獻替當寧彈射要路者疏數十上雖至批龍鱗履虎尾不恤也時皇后引疾遜居別宮兩京洶洶謂有他變應治奮然曰慈母以無罪廢為子者忍坐視不泣諫乎即捉筆草疏一夕而成疊疊數百言皆鯁直激切人所不敢言者上覽之色動下旨切責諸垣得相繼交章而中官卒反正者應治首疏之力也南京內官監邢保馮城倚社侵尅工匠三千餘兩諸匠日號泣無所訴應治按實將發保聞之大懼緘重賄以祈免應治益怒趣疏上之保輦金寶輸其黨百計以中應治疏持數日不下時華亭徐少師秉政察應治忠請發部議部以宜奸宜究言路宜申保克淨軍如應治勸初疏未下時同省有為應治

卷之二十五

壬八

光緒堂

危者應治曰言分也倘吾言得申大奸盡發即獲譴談笑起矣時論壯之未幾而聖壽詔蔭輔臣子應治具言非制爭甚力適新鄭拜相未協人望復疏爭之遂忤旨出守潯陽甫下車而衛軍以乏餉脫巾呼勢且激變先是潯陽安慶均重地各有額糧萬石後以安慶被兵暫撤糧協濟相仍三十年當事者重於改革應治稍故籍議如初制力陳數四上官難之應治抗言曰天子命應治以專城之寄今撫安置悍直阻抑不行富自疏以去就爭耳臺院始上其議天子嘉納衛餉得如初

卷之二十三 光緒堂

時江右大侵流民相携入境有議驅之者應治曰有分土無分民流離皆吾赤子奈何棄之急令發廩以賑主者以未得請爲言應治曰救飢如救溺必待請則往返間以成枯魚矣有咎獨我任之可也隨至隨給莫不沾濡流民賴以全活者萬計入覲以卓異賜宴凡郡牧七人而應治第二遂超擢臨清憲副以勞瘁卒於官應治居恒恂恂出而當官則英氣勃發揮霍振厲體素癯有告以自愛者應治曰余非不知勞劇業以委身奚遑自恤第老親在念耳已而泫然至問及田廬則輒然投袂

曰丈夫無纖毫報稱國家管營爲馬牛計吾弗爲也嘗易簪時從容賦詩有去住不殊君親未報之句無一言及私而賔所著有奏疏若干卷

光祿寺少卿鄭叔初履淳子心材附

鄭履淳字叔初海鹽人父曉官刑部尚書贈太子少保謹端簡淳性穎朗書一經目不再讀少慕文文山之爲人頗其居曰紹文且貌其象而事之家故濱海時倭奴內訌會暑雨城圯十餘丈淳曰是不亟築邑且屠爲自太安人出私橐具材用身荷舂鍤督兩日而城完又一

卷之二十三 卑 光緒堂

日而寇至竟趁壞垣不得入邑稱安堵戊午舉順天鄉試壬戌成進士端簡方以執法忤柄臣家居閱淳廷試策有云民生未遂由貪殘之吏多賄賂之途捷邊防日廢由欺蔽之習成貪緣之智熟故必姚崇在內而長官廉平魏相居中而金城奏績端簡蹴然曰孺子乃復以言賈禍哉爲書告戒且促之歸歸日侍杖履間端簡喜著述一編成輒付淳手錄以爲常已已謁選得比部郎未幾改尚璽丞時穆皇帝初御宇羣小乘其蔽而煬之君子有不得其職者淳不勝憤述叩閣上書曰方今

天下災沴薦臻，四民失業，當今所急莫如用賢，然而高
亢睽孤，乾坤否隔，忠言重折檻之罰，共濟拂同舟之義。
日覲絕疇咨之益，便殿邀晉接之期，善類失於振揚，厲
階啓千奄寺，風行勢協，衆積權移，會使台輔備員，六卿
拱手，元良孤立，威福倒持，川潰土崩，不可復救，願蚤奮
乾剛，信任君子，勿以私昵間正人，勿以細娛妨大計，凡
千餘言，上不省，煬、竈者從旁嗾之，上怒，榜百繫廷
尉獄，逾年，言官言淳第慙，直耳，無他腸，上意亦解得，
釋爲民方淳之像，文文山而事之也，意念深矣，卒以忠

韓上

卷之二十五

聖

光緒堂

諫顯當是時，淳之直聲振天下，神宗皇帝御極，復起
尚璽丞，遷光祿寺少卿，念母沈安人老，會有德府後，冀
便歸一省安人，而安人亡，淳泣血柴毀，明年竟以不勝
喪卒，初端簡著吾學編，論述國朝開創以來及近時行
事得失甚悉，會太宰李默以私乘被訐論死，端簡懼禍，
命淳亟焚之，淳陽順端簡意，而深藏之，篋笥久之，端簡
意稍解，乃徐出舊稿，勸端簡卒業焉，遂成我朝不刊之
典，迄今學士大夫人人得視蘭室石渠之秘者，淳之力
也，子心材博學，能古文辭，以端簡廕，歷任應天府治中，

尋轉福建同知，鹽運使事，辭不赴，心材居官以能稱，而
內行醇備，辭衣糲食，自奉如貧生，至歲時祭饗，則必豐
必潔，燕客每列五豆，酒數行，惟適卽止，子弟敦樸好學，
不知有市井俳優事，衣冠不隨時，爲觀美，每出，行道上
人望而知其爲鄭氏子弟也，說者稱心材能守端簡家
法，爲東南士族冠冕云。

廣東左叅議項子長篤壽

項篤壽字子長，秀水人，嘉靖壬戌進士，以父艱居數年，

授刑部主事，念母老，乞南，乃改南儀制，尋請告，又數年，

韓直

卷之二十五

聖

光緒堂

轉考功郎，後以母艱起補北車駕，轉職方郎，出叅議廣
東，自登第二十餘年，一徙南，一請告，皆以母故而南，司
大計，北任秋防，歷郎署，間獨久望，獨重而江陵銜之，卒
外補，初篤壽之爲南考功也，會新鄭去而江陵專政，白
上以非時大察，固將甘心異已也，比之遵令承旨，中雖
眦而無故見逐者，不可勝數，篤壽獨持之曰：「南中事簡，
而數少，不可以多人，多人不能無屈抑，而周給事姚御
史者，質直敢言，江陵所深忌，展轉喻意，示必去爲快，而
篤壽屹不可及，轉職方，江陵方建馬市，自以安邊保圉，

爲國上勛而篤壽獨謂戎狄禽獸心不可忤，竊竊欲不可填，惟以中國威靈制之外，與約法而內修戰備，奉約則市不奉約，則有戰耳。戎性貪而善調進，則惕有備，不敢動退，則戀故賞不忍失，此乃太阿在我，有以制之，否則授戎柄資盜糧，不知所抵矣。江陵以爲異已，銜之時，惟帥爰結政府如父子親，抗制府脅樞府有謀必從，請必得，曩有主兵有客兵，間又有募兵實塞下，歲糜餉二百萬餘，單國計極矣。專飾子女玉帛宣淫導侈，固交締親橫彌甚焉，而鼎鑪不可問，蝦蟇莫敢指，獨篤壽數因

篤壽

卷之二十五

甲子

光緒堂

事裁之，且帥既倡率而幕下材官勲胄納貲豪舉亦皆不受，佳冶珍寶往往遊大人以成名，用彼此關說察舉未已，即求驟遷驟遷未已，復擇善地而篤壽悉擯不用，曰以懲賂者，於是惟帥陰中於上，衆怨聚構於下，而江陵之銜益深矣。先是江陵之苛禁郵符也，雖大吏亦奔走風塵間，混商販雜輿臺，或遭劫奪甚苦，而否則用一騎一卒，即公事必鑄三階中外，愴然莫敢出語，篤壽獨疏以驛傳供應之擾，與緝紳跋涉之艱，要當公聽並觀，固不宜坐視，困乏貽患小民，亦不宜過自裁損，致傷大

體而南粵之伐外，既喜事中復好功喜事者，利於刻深好功者加以督責，篤壽獨疏以政畏張急治善烹鮮故撫安新民所貴輕典而輒綏遠徵必在薄征若嚴刑重欽則今日之議撫反爲他日之興戎矣。江陵惡其言益切，益銜之，益不能容，遂出之粵。未幾而解官歸矣。識者謂江陵非患無才而失於張急，昧於烹鮮不能公聽並觀而頗用嚴刑重罰，以至於敗，篤壽之論可謂刺心而砭骨矣。篤壽凡在職僅一年，而諸所建白如止延綏之入衛，限宣大之歲增，寢漠北之乞茶，謝東夷之要市，革

篤壽

卷之二十五

甲子

光緒堂

臺堡之增修，酌寄茶之交兌，歷歷皆有石畫，文多不載。我小司馬奏草中，篤壽生而穎異，鄭端簡一見奇之，許爲國器，因以女聘之，而收爲帷中弟子，端簡遂於學爲儒林宗，遠近多從遊者，其高足弟子甚衆，篤壽以髫髯居其間，既穎悟而好深湛之思，遂通經術，傳奧指洞，鏡故典，曉暢國章，是以輟轉當面迎刃而解，緯武經文無施不可，蓋學之有本，故見之事功，議論間磊落英偉，有如此，卒年六十有六，子德楨自有傳。

山東副使屠宗直叔方

屠叔方字宗直，官諭應峻之第四子也。起家進士，知宿松，以才調鄱陽，徵拜廣東道監察御史，出按陝西、陳安撫要計六事，再按雲南，定臨安兵變，歷官山東兵備副使，致政歸。先是，遜國死節諸臣如齊黃、方鐵俱罹族誅，復逮疎屬以爲奸黨。一丁一地，分戍劇邊，追呼離析，慘昏天地。卽神宗御極，首頒寬宥之詔，而當事者廢閣不行。一週絕丁，輒行勾補，飛符所到，郡國恒擾，蓋冤結二百餘年不解也。方之令鄱也，適符勾胡閏絕丁者，方憤然擲符於地曰：「彼死忠者何罪？死忠之親屬復何罪？」昔賊臣陳瑛既誤，成祖今之當事者復欲誤。聖上不得爲仁孝之主，孰謂恩詔可停？郡符獨不可捍乎？使吾而有言責，必碎首爭之矣。無何而有御史之命，方大喜曰：「吾茲可以行吾言矣。」甫入臺，卽伏闕上書，疊疊數千言，皆真慷慨。神宗感動，得旨問釋生還者凡一千六百餘人。君子曰：屠公此疏不獨迴久弊之陽光，徹於覆盆而已也。將公論一伸，義風丕作，嗣是而請謹諸廟祭，請脩實錄，使宗廟無不祀之帝，國家無不正之史，胥此一疏爲之先也。其關於國體人心豈淺鮮哉？

高皇帝既定胡服，遂命宋濂、王禕等纂脩元史。元將福壽戰歿，勅以崇祀，諡以忠肅，擢其子爲太僕少卿。聖化培植，不三、四十年而死國者，項背相望，豈非風厲之明驗歟？夫元史且脩，何況建文元臣且旌，何況諸君子此叔方是編之所繇彙也。綱惟文皇帝入繼大統，黨禁嚴迫，凡係諸臣手跡，卽零星片札悉投水火中，惟恐告訐搜捕之踵及，故其事十無一存，賴有好義之士私識而秘藏之，禁解以後稍稍始言革除事。然聞金川失守，卽御史給舍絕城死者四十餘人，北平省屬州縣長吏棄官去者二百一十九人，其他轉相株蔓，且竄且死者，又不勝紀。事皆泯泯無傳，惜哉！姓名之傳止此而已，所以然者，諸君子子孫甚微，當年之史筆甚諱，後世之孫奇、吊古，訪求其故聞而搜揚其風節者，人又若以爲甚冷甚迂而不知開闢以來未絕之綱常實續於此。愚以是不揣拙鈍，不憚瑣綴，凡國家之掌故、郡縣之記牒，以及山經地志、碑鏤冢刻之屬，或檢一事而反覆他編，或覈一人而流連竟帙，或重複以

證其蹟之同或互見以求其理之近如是者三年而此書始成竊嘗私幸華朝去今雖二百餘載其因革損益之故歷歷尚在目前忠賢雖死而一腔熱血十族遊魂上可與夷齊爭光下可與田橫比烈其蹟緇黃龜名備販賣卜絕域痛哭深村斯亦殷頑民晉處士之伯仲已大抵天子之主持綱常在爵賞祭贈恤錄褒異而表章之以已往勸將來上之事也臣子之羽翼綱常在筆札進則疏請之於朝退則哀集之於書以空言作實忠下之事也叔方有仰止之念而又幸逢聖明不諱之

書

卷之二十五

四

光緒堂

朝於義無隱則一切纂述必使無負於諸君子使諸君子之心迹亦曉然無負於天下國家而後庶爲全史不然當時之忠骸義骨老人女子猶能竊而負之孤援猶能泣而守之今區區僅一空姓名耳若不爲之收拾就緒死者無所表見而吊古者無所考衷精爽銷沈英風黯淡此豈獎頑激貪發幽闇潛之初志哉用勒是編以竟末議云爾方子五人恭祝兗福徵壽胤俱有才名孫襄孫乙卯舉人

右都御史沈純父思孝

沈思孝字純父嘉興人登隆慶戊辰進士第辛未謁選時高郵鄭以內閣掄銓事奇思孝貌令所知諭意曰暫留曹郎行爲臺省地思孝應曰職宜令則令耳安知其他辭而去知番禺番禺壯縣隣食泉墨者相望思孝泊如也時制府爲江陵私人以賄聞一日檄諸富人之外國擅子母錢爲幕府費思孝曰是寔富民引賊入堂皇也不可又聽豪家說令縣開海口山可得稅數千思孝復曰是必掘諸朽骨而後可職死不忍爲制府商甚然無以難思孝卒尉薦之召入擬工科給事中而粵帥有憾於思孝者乃進間制府曰一令強項乃爾藉令高時臺省乃公事去矣制府始密奏中之易工科授刑部主事會江陵奪情事起思孝憤發不平偕同官艾穆疏論之得旨杖八十戌神電衛踉蹌血肉中間關萬里賴天幸得不死江陵坊得賜環晉尚寶丞再晉光祿少卿已收太常提督四夷館遂尹順天思孝感上恩愈益發舒無少顧忌浸失當事意客有善執政者從容諷意願不爲崖異思孝怫然曰乃公以一死博富貴耶會丁

書

卷之二十五

四

光緒堂

御史此呂發科場事楊冢宰疏此呂妄言思孝與之爭

而漸有波及吳趙二太史江李兩侍御者思孝私憤曰江陵雖往遺氛猶在耶王婁江初入朝時望攸屬一日致書諭思孝蒼頭曰爲言爾翁與我同仇何如吳趙思孝復書曰不佞寧負相公不敢賣友以負國以故諸保江陵及保大嶠山者俱不署名於是有乘風而擊之者矣遂由京兆改南太僕卿抵南而旁御史環以私怨詆海忠介公屬有三進士上書直忠介俱罷去思孝感憤太息曰時事如此不去將自及遂拂衣歸久之起南光祿卿再擢右僉都御史出撫三秦寧夏難作思孝拮据行間轉餉濟師不遺餘力而持議間與督府異同遂移思孝中州力辭不赴詔趣者再思孝曰不能三秦何有中州尋晉大理卿駁閣郝金獄事郝故司禮張誠嬖人也思孝不爲動陞刑部侍郎上曰思孝以郝金事與刑部左不宜往遂晉工部右侍郎右都御史兼兵部右侍郎協理戎政疏減羊皮及止盔甲之請省金錢無算無何而日本封貢議起上疏力爭之與當事左而向論科場丁御史者亦從謫中稍遷至叅藩復罹計典思孝又爭之力卒不聽遂移疾乞歸上屢下溫旨勉留

而思孝自念直道難容終不能作繞指向人疏請益力久之乃許去之自惟餘清風兩袖觀者填塞衢巷皆噴噴歎咤曰此曩日杖下沈大夫也既歸杜門謝客幅巾短褐蕭然如布衣時未嘗以一刺自通大吏干旄終繹造請思孝悉屏絕之至談閭隱疾扼腕裂眦卽娓娓不自置一時蒞浙者皆嚴重之有疑事必咨而後行及卒而吏民益思之以爲緩急無可恃也年七十晉江葉相公銘其墓論曰公之忠蹇峭直稍類韓休而其淡面剛心大似包孝肅乃唐宋之人尚能容孝肅與休而今人不能容公嗟夫可以觀世矣所著詩文若干卷藏於家

監察御史許長孺聞達

許聞造字長孺黃門相卿之仲子黃門舉聞造晚黃門沒聞造裁十五六卽稟諸生銓銓鐵中二三豪貴家至握手戒曰善避許生許生不吾避者久之舉孝廉席帽而見令尹令尹戲之曰帽價幾緡徐獵纓應曰時貴賤不齊入朝擊媚嫉之臣蹕貂厲蟬當是時價不啻千金過鄙鄉遭鄙夫毀之不直一錢矣令尹失色立起謝四

上公車不第遂謁選得河間府推官有能名貴戚斂手以避會 帝子之謫藩所過驛驛太守舉一府供億屬理畢過置中無聲郡比歲歉兵餉不能以時給行間脫巾呼幾變已太守方開閣作狀請督府軍興法治之聞造不可曰輕俠數千已出死命使君即不自愛奈震驚三輔何適直指行近縣聞造馳請他庾餉之遂解無何以母艱歸服闋補東昌其理東昌循理河間第稍尚嚴或問之曰河間法行自近故濟之以寬東昌綱目疎濶故糾之以猛已而奏績果最天下理徵拜貴州道監察御史憤東事建議風發摘大司馬星忌諱不顧又條上兵餉七事及請 聖上臨朝諸疏皆經國上猷格心謙議也更以時事益非責在宰輔乃上蘭谿相公書責其為中外倚賴不宜妄自菲薄如某事宜爭某事宜言使志不行當決去就以覺悟 主上蘭谿不悅無何移疾還歲餘為御史如故出按甘肅甘肅將吏忤勇怯無通情然聞造雖身羈絕微心存朝廷聞殲使四出兩疏極諫已慨然歎曰吾所彈治僅西徧一隅耳未若宵小挾權潛睨君側為宗社生民憂之大者吾其以身為宗

社生民死庶幾上報 天子乃疏劾張侍郎養蒙曰國政漸衰政柄漸移而奸邪孔壬之徒乘機伺便政自外入關曲徑以達宸聰政自內出附與授以微內降閃爍播弄排斥忠良又言主事洪其道歸名頌德依附呂坤魏允貞之門牆不顧名義凡數千百言疏入忤旨落級為岢嵐州判官即卑騎走貶所故事凡臺省曹署以建言外謫者即諸臺使遇以賓禮來則致餼去必餽贐乃聞造入見魏中丞允貞則以部吏凌之且詰問造曰不圖今日有此相見蓋怒聞造疏中及之耳聞造厲聲曰吾擊君側小人不勝至此固宜公之摧辱之也然此相見猶勝無面目見天下人者遂出允貞第以一差檄遣還餽贐都缺海內莫不以此為魏公一青聞造既自晉還不勝憤世疾邪之念每酒後耳熱輒拔劍斫地歌趙元叔佞諂日熾剛克消亡之句以自寫其憤懣忽一日無疾卒聞造為人剛直負氣凜不可干至為人去害就利不惜關白身籍東甌陳西甌疾苦除歲課千其大如斯其細必不言也由理郡至御史行邊所至庶嘗二簋不克及舉賓客觴則九俎六鋼極水陸不厭少喜讀

戰國秦漢間書其文章英勁稱其氣略性孝草草對敬其先德卽鑄集物土治家舍桑無剝財所有詩文奏疏家乘地理纂要蠶譜等書藏於家

禮部尚書兼翰林學士余世用繼登

余繼登字世用其先越人高祖士賢比宦於燕占籍交河因家焉嘉靖甲子以詩經舉於京兆萬曆丁丑始登進士第選庶吉士卒業省中好考覽國家故實及前代治亂所繇至校大制作筆鋒縱橫超乘而上已卯授翰林院檢討預纂修會典書成進修撰己丑克經筵講官

卷之二十一

辛丑

光碧堂

尋進右春坊右中允兼編修簡直日講與北海馮琦同說通鑑時上希御法筵講臣具牘登乃與琦議以便宜稍引古誼傳時政得失冀有所感悟不淺淺效說經語陞右諭德兼侍讀轉左庶子兼官如故歷遷詹事掌翰林院事大內火偕講臣上章切諫拜禮部右侍郎尋轉左郊廟大禮攝正卿以行登在講筵幾十年皆與馮琦共事而琦再謁告歸里所值日亦登代進講獻納爲多當其時禮卿闕且二年廷臣所推舉無慮十餘上皆留不下及再以登名進名又在後上竟用焉在位執

法守政夙夜勤恪遇天地大雷時政闕失抗疏力諫無少規隨戊戌歲終舉奏四方所報地震雷火及西寧鍾自鳴紹興地出血二氣舛錯古所未有今郡國元元苦征調酷權織造開採鬱結無聊易動難安幸上思惟天心圖謝過之實疏入報旨惕然明年九月太白經天狄道山崩湧土出血登復上言方今星纏失度水旱爲沴鑿山開礦地藏空虛不能固脉所以山崩川竭陵谷變遷閭閻窮困郡邑蕭條疾氣鬱而不散怨毒結而成形甚可憂也臣子不能動君父言數愈疏陛下爲天子之子天以非常譴告尚可怡然數日不報登見士習文體日趨浮詭深用爲憂上言今俗不遵聖經倡爲異說竊佛氏緒言煢亂耳目謂經籍傳註皆爲糟粕倫理法度皆爲虛幻一了此心則踰閑蕩檢無害性真後學小生轉相崇尚雜入制義名爲新說甚悖理傷化宜絕其端勿使進奉旨犖爲功令下學官登正焉登自署部時請元子冠婚疏凡九上及正卿席並請建儲又至八疏病甚猶伏枕視草久之上意感動勅所司爲具將行大禮而登竟不能少待以病卒年五十有七登爲人

卷之二十一

辛丑

光碧堂

樸直端方忠誠體國平居以慎密自將穆然簡默言不出口卽輟笑許可不輕假借及當大議大政持論侃侃無所回撓居官蕙儉不視生產平生不受人私亦未嘗以私干人少子從學官試夫人祈爲一語終不肯發資產既薄又以分給親族室無藏廩官無藏橐所著文集若干卷通鑑進講五十卷國朝典故紀聞十八卷行於世

兩浙名賢錄卷之二十五終

韓直

卷之二十五

五

光緒堂

兩浙名賢錄卷二十六目次

吏治

漢

蜀郡太守黃聖真昌

日南太守虞國

曾孫

鉅鹿太守謝堯卿夷吾

武源令楊聖儀扶

小黃令徐敬卿栩

三國吳

零陵太守徐元大陵

子平附

晉

吏治目次

卷之二十六

十

光緒堂

全椒令孔奕

宋齊梁陳

丹徒令沈嶺之

山陰令沈彥章

憲丘仲起附

晉陵太守謝方明

故章令丘德玄寂之

揚州刺史朱長明幼

餘姚令沈伯瑜

子繪附

合浦太守陳奉遷修

吳令孔琇之

永嘉守范子玄述

伯師

山陰令丘公信仲孚

吳郡守沈仲倫君理

弟君高附

鄞陽內史陸師卿襄

隋

益陽令蔣景倩傳系

唐

道州刺史厲文才孫範

魏州司馬孔廣成昌寓子

廬州刺史羅珣

建州刺史李德新頻

東海尉阮孝郡詵

玉山縣丞周玄都詵

五代

知睦州吳正臣程父

溫州刺史錢儼

湖州刺史沈韜文附

明州刺史黃晟

宋一

纂治目次

卷之三十六

十

光緒廿年

漳州守胡子正則

永嘉令仰仁謙

常熟丞郭慎求三益

湖南安撫使王敬素絲

海州盛使君京子遵南孫仲孫附

溫州守石聖咨牧之

真定守沈子謙木

洪州推官錢德循道

順昌令俞仲寬從子克附

知海門縣沈典宗起

監洪州茶場沈嚴

轉運判官周敦夫師厚

西安令鄭光遠榮

知安吉縣陳安國輔

知邵武軍袁容直較子灼附

知杭州沈文通遵

監司何子溫琬

上元令元厚之絳

塩鐵副使錢載陽暄

姚源令姚舜徒等

判潮州沈次仲造

循州守周文之彦質

福建路運判韋子駿驤

將樂令陳君益據

知新昌縣劉德霖滂

知秀州姚令則憲

廣帥周勉仲自強

知海陵趙公舉汝能

仙居縣尉薛彥益朋龜

知成都蕭德起振

上虞令陳宜之炳

三山幕莫叔方琮子三人附

知袁州王與道師心

隆興司法劉方叔鎮季父兄附

知長洲虞賓

知臨安汪汝直思溫弟思齊附

吏治目次

卷之三十六

三

光緒廿年

知侯官程喬仲樟

通判興國軍蔣仲可行簡

知武康范茂寬溶

知衢州王剛夫琰兄城附

象山簿趙德老彥逾

知浦城朱藻

知宿松徐彥才良能

知江陰貝聖美欽世

知零都黃退翁邦彥

監登聞檢院袁君載米

知江陰徐希顏綱子龜年附

休寧宰陳元和曦孫伯昂附

兩浙名賢錄卷二十六目次終

兩浙名賢錄卷之二十六

東海徐象梅仲和氏撰

四明沈鳳舉靈翼氏閱

吏治

漢共六人

蜀郡太守黃聖真昌

黃昌字聖真餘姚人本出孤微居近學宮數見諸生修庠序之禮因好之遂就經學又曉習文法仕郡為決曹刺史行部見而奇之辟從事後拜宛令政尚嚴猛好發

吏治

卷之三十六

光碧堂

奸伏皆稱神明遷蜀郡太守先太守李根年老多悖政及昌到吏民訟者七百餘人悉為斷理莫不得所密捕盜帥一人脅使條諸縣強暴之人姓名居處乃分遣掩捕無有遺脫宿奸大惡皆奔走他境遷河內太守徵拜將作大匠進補大司農左轉大中大夫卒於官

日南太守虞國曾孫嗣附

虞國餘姚人少有孝行歷官日南太守以化治稱常有雙雁宿止廳事每出行縣輒飛逐車國卒於官雁逐喪至姚棲墓上去至今呼其地曰雙雁國有從曾孫嗣

亦守日南稱小虞

鉅鹿太守謝亮卿夷吾

謝夷吾字亮卿山陰人少為郡吏太守第五倫禮信之舉孝。燕為壽張令永平十五年蝗發太山流徙郡國濟食五穀過壽張飛近不集稍遷荊州刺史章帝駕幸魯陽詔夷吾錄囚夷吾決正一縣三百餘事與上合上歎息曰諸州刺史盡如此朕不憂天下遷鉅鹿太守所在愛育人物有善績第五倫嘗令班固為文薦之後以行春乘柴車從兩吏冀州刺史上其儀序失中有損國體左轉下邳令夷吾尤善風角占候嘗豫尅死日如期果卒勅其子曰漢末當亂必有發冢露骸之禍使懸棺下葬墓不起墳

吏治

卷之三十六

光碧堂

武源令楊聖儀扶

楊扶字聖儀浦江人為武源令有惠政人為之謠曰楊聖儀政多奇官終交州刺史

小黃令徐敬卿相

徐相字敬卿由奉人少為獄吏執法詳平遷小黃令時陳留蝗野無遺草過小黃飛近不集刺史行部奏相

他事相弃官蝗應聲至刺史媿謝令還舍蝗即遠去後
爲長沙太守

三國異共二人

零陵太守徐元大陵子平附

徐陵字元大龍游人初爲縣吏衆所未識會稽虞翻一
見卽與友善歷三縣長所在著稱遷零陵太守時朝廷
待以列卿之位故翻書曰元大受上卿之遇叔向在晉
未若於今其見重若此子平字伯元童胤知名翻甚愛
之諸葛恪守丹陽討山越以平威重有思慮可與効力
更治

卷之二十六

三 光緒室

請爲丞稍遷武昌左部督傾心接物士卒皆爲用初平
爲恪從事禮意甚薄及輔政待平益疏後恪被害其子
建亡爲平部曲所得平使遣去其薦厚多類此

晉凡一人

全椒令孔奕

孔奕餘不亭侯愉之族父也爲全椒令明察過人時有
遺之酒者始提入門奕遙呵之曰人館吾而見酒其一
何故非也檢視一罌果是水或問奕何以知之奕曰酒
重水輕提酒者手有輕重故耳在官有惠化及卒市人

若喪慈親焉

宋齊梁陳共十六人

丹徒令沈嘖之

沈嘖之吳興人爲丹徒令自以清介不事左右浸潤日
至遂鎖繫上方歎曰一見天子足矣上召問曰復欲何
陳答曰臣坐清所以獲罪上曰清何故獲罪曰無以承
奉要人上曰要人爲誰嘖之以手板四面指曰此赤衣
諸賢皆是若臣得更鳴必令清譽日至上知其無罪重
除丹徒令入縣界吏人候之謂曰我今重來當以人肝
東治

卷之二十六

四 沈嘖室

代米不然清名不立

山陰令沈彥章憲丘仲起附

沈憲字彥章演之從祖弟子也少有幹局爲駕部郎補
烏程令甚著政績太守褚彥回歎美以爲方圓可施武
陵王暉爲會稽以憲爲左軍司馬齊高帝以山陰戶衆
欲分爲兩縣武帝啓曰縣豈不可御但用不得人耳乃
以憲帶山陰令政聲大著孔稚圭請假東歸謂人曰沈
令料事特有天才後除散騎常侍未任卒同郡丘仲起
先爲晉平清肅自立褚彥回歎曰目見可欲心能不亂

此丘公所以遺子孫也仲起字子震位至廷尉卒

晉陵太守謝方明

謝方明上虞人伯父邈爲孫恩所殺方明以邈舅子馮嗣之等與恩通謀因結邈門生計嗣之等而手刃之頃之孫恩重陷會稽謝琰見害因急購方明方明於上虞載母妹奔東陽因還寄居國學流離險厄屯苦備經而貞履之操在約無改桓玄克建業丹陽尹卞範之勢傾朝野欲以女嫁方明方明終不回桓玄聞而賞之卽除著作佐郎以薦爲宋武中軍主簿轉從事中郎仍爲右

東治

卷之二十一

辛

光碧堂

將軍道憐長史武帝令府中衆事皆咨決之尋加晉陵太守嘗年終獄中繫囚無輕重悉放歸家使過正三日還到罪重者二十餘人綱紀以下莫不疑懼同諫以爲昔人雖有其事或是記籍過言且當今人情徇薄不可以古義相許方明不納一時遣之囚及父兄並驚喜涕泣以爲就死無恨至期皆還無一逃者遠近歎服宋武受禪位侍中丹陽尹有能名轉會稽太守江東人戶殷盛風俗峻刻強弱相凌姦吏蜂起符書一下文攝相續方明深達政體不拘文法潤略苛細務在統領貴族豪

士莫敢犯禁除比伍之坐判父繫之獄東土歌詠之性尤愛惜未嘗有所是非承代前人不易其政必宜改者則漸變使無迹可尋卒於官

故鄣縣令丘德玄寂之

丘寂之字德玄吳興烏程人年十七爲州西曹兼直主簿刺史王戎行部夜還前驅已至而寂之不肯開門曰不奉墨旨或方於車中作教然後啓關戎歎曰不意到君章近在閣下卽轉爲主簿遷故鄣令在縣專以廉潔御下一時稱爲良吏

東治

卷之二十一

木

光碧堂

揚州刺史朱長明幼

朱幼字長明義烏人臨海太守沈之魯孫也歷高辛平昌淮陽三郡太守政績懋著遷揚州刺史兼度文使恣心撫字民得其所揚人德而歌之曰朱幼渡江東人安盜賊空課治者每稱爲第一

餘姚令沈伯瑜

子續附

沈瑀字伯瑜吳興武康人父昶事宋建平王景素景素謀反昶先去之及敗坐繫獄瑀詣臺陳請得免罪由是知名司徒竟陵王子良引爲府行參軍領揚州部傳從

事時建康令沈徽孚恃勢傲瑀瑀以法繩之衆憚其強
子良薨瑀復事始安王遙光令瑀專知州獄事湖熟縣
方山埭高峻冬月公私行侶以爲艱明帝使瑀行修之
瑀乃開四洪斷行客就作三日便辦揚州書佐私行詐
稱州吏不肯就作瑀鞭之四十佐歸訴遙光遙光曰沈
瑀必不在鞭汝覆之果有詐明帝復使瑀築赤山塘減
材官所量數十萬帝益善之爲建德令教人一丁種十
五株桑四株柿及梨栗女子丁半之人咸懽悅頃之成
林入梁爲尚書駕部郎兼右丞以母憂去職起爲餘姚
令縣大姓虞氏千餘家請謁如市前後令長莫能絕自
瑀至非誦詠無所通縣南又有豪族百家子弟縱橫遮
相庇廕百姓甚患之瑀召其老者爲石頭倉監少者補
縣僮皆號泣道路自是權右屏跡後爲蕭穎達長史瑀
性倔強每忤穎達穎達銜之天監八年因入谷事辭又
激厲穎達作色曰朝廷用君作行事耶瑀出謂人曰我
死而後已終不能傾側面從是日於路爲人所殺多以
穎達害焉子績累訟之遇穎達尋卒事不窮竟績乃布
衣蔬食終其身

東治

卷之三十六

七

光緒堂

合浦太守陳奉遷修

陳修字奉遷東陽人起家爲穀城令遷合浦太守大著
治聲嘗以喪紀之治適書於鄉使民知習卒於官合浦
民懷其德護喪歸葬執紼行數千里無一人言疲者既
葬哭奠而後去

具令孔琇之

孔琇之會稽山陰人尚書令靖之孫著作郎靈運之子
有吏才事齊爲具令有小兒年十歲偷刈隣家稻一束
琇之付獄案罪或諫之琇之曰十歲便能爲盜長大何

東帝

卷之三十六

八

光緒堂

所不爲卒論如律一縣肅然遷尚書左丞又以職事知
名後兼左戶尚書廷尉卿出爲臨海太守在任清約罷
郡還獻乾姜二千斤齊武帝嫌其少及知琇之清乃歎
息出監典興郡尋拜太守政稱清嚴隆昌元年遷晉熙
王冠軍長史江夏內史行郢州事明帝欲令殺晉熙琇
之辭不許欲自引決友人陸閑諫之琇之不從遂不食
而死

永嘉太守范子玄述魯

丘師施附

范述魯字子玄一字頴彥吳郡錢塘人也幼好學從徐

杭呂道惠受五經略通章句道惠曰此子必爲王者師
齊文惠太子竟陵文宣王幼時齊高帝引述曾爲之師
友起家宋晉熙王國侍郎遷太子步兵校尉帶開陽令
述曾爲人蹇謬在官多所諫諍太子與竟陵深相器重
號爲周舍齊明帝卽位爲永嘉太守政務清平不尚威
猛民俗便之所部橫陽縣山谷險峻爲逋逃所聚前後
二千石討捕莫能息述曾下車開示恩信凡諸凶黨隨
負而出編戶屬籍者二百餘家自是商旅流通居人安
業勵志清白不受餽遺徵爲遊擊將軍郡送故舊錢二
萬

卷之三

光緒堂

武帝踐祚以爲太中大夫述曾平生所得俸祿皆以分
施及老壁立無資以天監八年卒注易文言及雜詩賦
數十篇後有吳興丘師施亦以煮鰯稱罷臨安縣還惟
有數篋簿書並是倉庫券帖賞時以比述曾

山陰令丘公信仲孚

丘仲孚字公信靈鞠從兄也少好學讀書常以中宵鐘
鳴爲限靈鞠常稱爲千里駒齊永明初爲國子生王儉
曰東南之美復見丘生舉高第未調還鄉里家貧乃結

羣盜爲之計劫掠三吳仲孚聰明有智略羣盜畏服所
行皆果故亦不發爲于湖令有能名太守呂文鬱當世
倖臣陵詆屬縣仲孚獨不爲屈明帝卽位爲曲阿令會
稽太守王敬則反乘朝廷不備反間至而前鋒已屈曲
阿仲孚鑒長岡埭瀉瀆水以阻其路敬則軍至遇瀆水
涸果頓兵不得進遂敗仲孚以拒守功遷山陰令居職
甚有聲稱百姓謠曰二傅沈劉不如一丘前世傅琰父
子沈憲劉玄明相繼宰山陰並有政績言仲孚皆過之
齊末政亂頗有賊賄爲布司所舉將見收竊逃還會稽
不問梁武帝踐祚復爲山陰令仲孚長於撥煩善適惟
變吏人敬服號稱神明政爲天下第一後爲衛尉卿恩
遇甚厚遷豫章內史在郡更勵清節頃之卒贈給事黃
門侍郎喪將還豫章老幼號哭攀送車輪不得前所著
有皇典二十卷南宮故事百卷又撰尚書具事雜儀行
於世

卷之三十六

光緒堂

吳郡太守沈仲倫君理弟君高附

沈君理字仲倫吳興人父僧晏梁左戶尚書父巡少府
卿君理美丰儀博涉有識鑒陳武帝鎮南徐州巡遣君

理致謁深見器重尚會稽長公主及帝受禪拜附馬都尉封永安亭侯爲吳郡太守時兵革未寧百姓荒弊君理總集士卒修飭器械以幹理見稱累遷左戶尚書爲東陽太守以父艱去職歷位太子詹事吏部尚書宣帝以君理女爲皇太子妃贈爵望蔡縣侯位侍中尚書右僕射卒贈翊左將軍開府儀同三司謚曰貞憲弟君高字季高少知名性剛直有吏能位衛尉卿平越中郎將都督廣州刺史甚得人和卒謚祁子

都陽內史陸師卿襄

東治

卷之三十六

士

光緒堂

陸襄字師卿揚州別駕開之第四子起家著作佐郎昭明太子聞襄業行啓武帝引與游處除太子洗馬遷中書舍人並掌管記書爲揚州中從事以父終此官同辭不許聽與府司馬換廨居之復爲太子家令以母憂去職襄年已五十毀頓過禮太子憂之日遣使詠諭大通七年出爲都陽內史先是郡人鮮于琮服食修道法常大出採藥拾得五色幡旒又於地中得石璽竊怪之琮先與妻別室望琮所處常有異氣益以爲神大同元年遂結門徒殺廣晉令王筠號上願元年署置官屬其黨

轉相誑惑有衆萬餘人將出攻郡襄先已率人吏修城隍爲備及賊至破之生獲琮時隣郡豫章安成等守宰案其黨與因求貨賄不得其實或有善人盡室罹禍襄郡枉直無滯人作歌曰鮮于抄後善惡分人無橫死賴陸君又有彭李二家先因忿爭遂相誣告襄引入內室不加責誚但和言解喻之二人感恩深自悔咎乃爲設酒食令其盡飲同載而還因相親厚人又歌曰陸君政無怨家聞既罷警共車在政六年郡中大寧擢爲度支尚書侯景圍臺城以襄直侍中省城陷還吳一夜憂憤而卒襄弱冠遭家禍釋服猶若居憂終身蔬食布衣不聽音樂口不言殺害五十年侯景平追贈侍中封餘干縣侯

隋 共二人

益陽令蔣景倩邵

傅柔附

蔣邵字景倩發之浦江人爲益陽令擁虎却蝗民蒙其惠遷洪撫二州刺史時同邑傅柔字仲席令宜城無爲而治謳歌載路官終鄂州刺史同邑而有二節吏一時仕路以爲楷模

東治

卷之三十六

士

光緒堂

唐 其八人

道州刺史厲文才 係乾曜附

厲文才東陽人貞觀初為道州刺史南土未靖賊寇猖獗臨郡基月羣盜悉平甚著威愛改容州刺史雅好山水每興至獨往若不知有簪組在身者未幾竟解綬歸孫乾曜尚有祖風

魏州司馬孔廣成昌寓 子祖安附

孔昌寓字廣成越州山陰人梁侍中休派之六世孫也貞觀中以對策高第歷魏州司馬有之狀帝為不置刺

史市

卷之三十六

十

光緒堂

史為政三年璽書褒美進膳部郎中子祖舜字奉先官監察御史以累下除成武令矩馴於庭人以比漢之魯中牟父子相繼為循吏說者謂山陰孔氏家傳有宦譜廬州刺史羅珣

羅珣會稽人寶應初詣闕上書授太常太祝曹王臯領江西制襄節度使署珣幕府遷副使臯卒軍亂劫府庫珣取首惡十餘人斬以徇環棘庭中俾投所劫庫物一日皆滿乃貫餘黨召為奉天令中官出入輦道吏緣以犯禁珣榜笞之雖死不置自是屏息懼廬州刺史修學

官政教簡易有芝草白雀之祥再遷京兆尹請減平糶半以常賦克之人賴其利以老疾求解徙太子賓客累封襄陽縣男卒諡曰夷

建州刺史李德新頻

李頻字德新壽昌人少秀悟工屬辭於詩尤所長舉進士遷武功令畿民多籍神策軍吏以其橫類假借不敢繩以法頻至有神策士尚君慶通賦六年不送頻即械送獄盡條宿惡請於尹殺之豪滑大驚屏息奉法縣大治有六門堰者廢廢五百五十年方歲飢頻發官廩庸

東

卷之三十六

十

光緒堂

民浚渠按故道斷水溉田穀以大稔懿宗嘉之擢侍郎史守法不阿徇累遷都官員外郎表乞建州刺史既至以禮法治下更布條教時政亂盜興而建賴頻以安卒官喪歸父老相與扶柩葬永樂州為立廟梨山歲祀之東海尉阮孝郡詵

阮詵字孝郡奉化人通開元禮教梁春秋不徒習其辭動有程法海右士舉襲其淳風父敬為太子右贊善大夫舉進士一不第即以父任為大廟齋郎歷臨黃東海尉東海有父子異居者子不為養詵使人問之對曰無

以奉也遺之肉米且以其禮資之其子卒悔悟克孝尋調婺州洪曹叅軍累遷大理評事先是胡湘好鬼歲取室女爲人性積以成俗女之父母亦惑於巫言聽命恐後訛乃命縛老巫數輩若將就屠者衆皆叩頭祈哀乃杖巫長而遣之期後不悛悉以巫赴令令當向祀宜得厚福邑里蒙化積習遂除後以員外司勳尚書郎挂冠歸里與里中謝徵士果臺二三名士徜徉以終

玉山縣丞周玄都諡

周諡字玄都奉化人歷官玉山縣丞州牧庶其材每使

吏部

卷之三十六

十五

沈碧堂

雅勸疑獄諡飲水勵操夙夜檢勘以副知已遂以苦心遭疾卒

五代 共六人

知睦州吳正臣程 父峻附

吳程字正臣山陰人父峻大順中登進士累官禮部尚書程初以父蔭不事苦學或謂程曰觀子骨法與羣儒類但恨他日登將相不長談論耳程遂勤學錢錫選婚於士俗以女妻之元璠襲國命程知睦州深達治體與民休息時雖重歛而程結以恩信民皆樂輸無怨言尋

拜丞相授威神節度使軍政嚴肅卒諡忠烈

温州刺史錢儼

錢儼吳越王之子初爲威武軍節度使移温州刺史洞曉政術吏不敢欺政尚寬惠民悅慕之後移蘄州民有攜家從之者號隨使戶

湖州刺史沈韜文 父攸附

沈韜文吳興人父攸常州刺史韜文性介潔好學能屬文吳越時爲元帥府典謁叅畫軍務有所裨益出牧鄉郡以爲湖州刺史以清白自勵雖時當侵攘不爲習俗所移親戚閭里皆帖然服其不私

東部

卷之三十六

十六

沈碧堂

明州刺史黃晟

黃晟鄞人時盜賊熾起授晟爲散騎常侍明州刺史討平隣寇保護鄉井境內以安晟尤能體士江東儒彥多依之築其居號曰措大營

宋 共五十九人

溇州守胡子正則

胡子正少個儻負氣初與越間不設貢舉儒風爲息則獨蒐經史屬文辭及歸宋遂登端拱二年第踐更

中外凡四十七年。初爲僉書貝州節度觀察判官公事。命行河北路省去民冗後幾十萬數守潯州虎爲患則禱之。城墮翌旦得死虎於廟中提舉江南銀銅場鑄錢監按永豐監得匿銅數十萬斤咸以羨餘籍之不復坐主吏活宜州重辟九人奏減福唐官田數百頃估鈔領三司使不以刻下爲功福唐前郡將被訟去官事連其所延蜀儒龍昌期及則下車昌期械至則釋之而見以賓禮自以俸金償其所當入官錢則爲風義臨事得法外意輕財尚施不爲私積世多稱之則本癸人凡再牧

東治

卷之十

七

沈居堂

杭州加兵部侍郎致政退居西湖與交親笑歌浩如也。卒年七十七葬錢唐初則守陳州范仲淹爲倅則以國士遇之故其卒也仲淹寶銘其墓

永嘉令仰仁讓

仰仁謙吳興人以太子舍人知永嘉廉慎有容撫民如子時錢氏方歸疆土仁謙始爲邑令政事一新人爲改觀。

常熟丞郭慎求三益

郭三益字慎求海鹽人與父琢皆舉進士三益爲常熟

丞才高有器識常平使者調蕪湖常秀潯青龍江分地程役三益所部前期告辦使者留其人使助他邑三益曰非法也使勤者助役何以警惰竟引歸後累官刑部尚書同知樞密院事

湖南安撫王敬素絲

王絲字敬素蕭山人真宗時舉進士任興國軍司理辯重辟十有一人郡稱神明秋滿除台州軍事判官州少井人病之絲陶土爲筒引山泉入城每五里一穴以濟行者旋判衢州有惠政外臺移領婺州衢州人爭於境

東治

卷之十

六

光緒堂

上曰我州一鑑何爲見奪至婺雪民冤抑民爭有隊而祀之拜御史會湖南蠻叛攻郡縣詔絲安撫湖南至則咨察利病而前帥立重賞以誅蠻人一級萬錢士卒往往成樵餉者以爲功絲下令得賊首者必指其地以爲質其可擒者當生致之是自無任戮者終尚書兵部員外郎

海州盛使君京子遵甫孫仲孫附

盛京餘杭人咸平元年登進士第歷官諫議大夫出守江寧以老乞便郡詔移海州天資仁厚不忍以法繩下

而吏民化服亦不忍欺在官民愛護去民思仕終工部
侍郎後十年子遵甫以光祿丞通判海州歲早發公私
糴粟以廩民全活甚衆又設方略捕奸盜發輒得又四
十餘年遵甫之子仲孫以朝奉大夫守海州基年大治
邦人有盛使君家兒世世循吏之稱

溫州守石聖咨牧之

石牧之字聖咨新昌人第進士試校書郎移天台令有
能名時王安石知鄞陳古靈知仙居號江東三賢最後
知溫州有母訟子逆者牧之爲勸諭卒成孝子溫城時

東治

卷之三十六

九

光碧堂

有海寇牧之募壯士時訓練寇不敢犯爲民興利刻碑
溫人甚德之所著有往生錄易論解雜文歌咏共七卷
真定守沈子謙本

沈本字子謙崇德人第進士宰石城汀寇猖獗邑豪熊
子開溫老虎等爲寇鄉導巡尉司妄指同姓者捕之木
察其非是破械使捕子開等邑境遂安權守真定民有
以田多賦少告訐其仇者本謂東西無疆界冒占者衆
不可勝詰亟懲遣之有建議籍民所據官田爲屯可以
富國經制司委州根據株連六七百家本曰此事行則

變生矣亟以前牘上之議遂寢邊民大悅

洪州推官錢德循適

錢適字德循浦江人自少強敏記問過人登熙寧九年
進士調洪州推官守將王韶出樞府出威重異常僚屬
不敢仰視會有疑獄適正色爭之至怒詈不少奪後卒
如通議遷通判越州吏挾守爲奸留難訟者常數百人
通攝府事纔二日獄爲一空權殿中侍御史出提舉湖
北常平典利除害發奸擿伏風采凜然人畏之如神明
尋進中丞爲言者所論出知外郡歷滁宣秀越四州浮

東治

卷之三十六

三

光碧堂

沈者父之大觀初復故職以疾致仕家居十餘年修築
三大湖以利鄉民民德之宣和二年方臘陷婺城適避
兵蘭谿靈泉寺爲盜所害事聞贈太中大夫

順昌令俞仲寬傳

從子克附

俞偉字仲寬鄞人宰劔南之順昌閩人生子多者皆不
舉建劍尤甚偉作戒殺子文召父老列坐廳下以俸置
醪醴親酌之使歸勸鄉人活者以千計生子多以俞爲
字朝廷爲立法行之一路偉嘗被差他郡還邑有小兒
數百迎於郊邵使者聞於朝降詔獎諭進秩再任許出

粟以賑其暮而貧者從子克字公達以著作佐郎遷檢正後除天章閣待制知慶元府時環州有田與夏國相連終克任檄所部以時耕種虜不敢犯屬羌山夷嘯聚背叛克授第二將張守約籌筭且招且討有亡入夏國者三百戶克又遣守約羅兵塞上夏人亟歸亡者條上勸賞買馬之法騎馬頓增慶兵素玩恩克繼以法軍始肅然未幾暴卒

知海門縣沈興宗起

沈起字興宗鄞人慶曆二年進士第調滁州判官監真

東坡

卷之三十六

三

光緒堂

州倉聞父病委官歸侍以喪免有司劾其擅去終喪薦書應格當遷仁宗曰觀過知仁今由父疾致罪何以厚風教而勸人子乃特遷之知海門縣縣負海地卑潮間冒民田舍民徙以避弃其業起爲築隄百里引江水灌溉其中田益闢民相率來歸立祠以報御史中丞包拯舉爲監察御史京東歲飢盜起除提點刑獄至期開首贖法携其伍盜內自賒援轉相束縛惟恐後改開封府判官爲湖南轉運使凡羽毛筋革舟楫竹箭之材多出所部取於民無制吏挾爲姦起會其當用自竄商人質

易所省十六七召爲三司鹽鐵副使遷陝西都轉運使慶州兵變起討平之入知吏部流內銓奉使契丹位著乃與夏使等起曰彼陪臣耳不當與王人齒辭不就列遂陞東朝使者自是遂爲定制拜天章閣待制知桂州時交趾歲時侵擾起治舟師習水戰銳意攻討交趾故與內地貿易悉禁止之邕州守蘓緘力陳不便起劾緘沮議徙知潭州後交趾大舉兵陷欽邕蘓白四州起坐首議遷失計謫鄂州團練使未幾徙越又徙秀州卒

監洪州茶場沈嚴

東坡

卷之三十六

三

光緒堂

沈嚴德清人大中祥符八年蔡齊榜進士初監洪州武寧茶場兼領縣事吏畏其廉民懷其愛及卒貧不能葬太守滕元發爲葬於德清之永和鄉范仲淹銘其墓轉運判官周敦夫師厚

周師厚字敦夫鄞人皇祐五年進士仕至朝散郎荆湖南路轉運判官時役法方行師厚言四方風俗不同役有勞逸輕重不宜槩賦朝議是之章惇聞溪峒蠻擾辰沅二州議輸常平粟以備邊師厚持不可曰溪瘴靜擾無常常平歲入有程當使邊卒廣屯田爲便卒從其議

西安令鄭光遠榮

鄭榮字光遠壽昌人幼聰敏有才思力學不厭七歲能綴文登天禮三年進士第天聖初奉使契丹嚴毅威重虜深敬憚之使回真宗曰使於四方不辱君命今見其人矣授崇寧令以外艱去服闋起知衢之西安廉能才幹深得民心卒官民撫極攀號護其喪還葬爲立去思亭於境上

知安吉縣陳安國輔

陳輔字安國象山人登嘉祐二年進士知安吉縣活流

東市

卷之二十

重

光碧堂

民千餘人會攝他縣民遮道乞留使者王介曰安吉寧可無陳令耶卒反之朝廷以戶高下分爲七十五等輸役錢翰林沈括察訪二浙俾輔掌其事遂以其法行浙東輔少貧刻意問學夜置足水中以警寢蚤以文詞擢場屋東明劉溫奇之使其子槩師焉後熙試禮部第一益有名以薦知中州丞相呂大防范純仁欲用輔竟以疾卒

知邵武軍袁容直轍

子灼附

袁轍字容直鄞人登嘉祐六年進士第少以詞賦得名

始試於鄉再試開封皆第一嘗言于公治獄多陰德使我持三尺獄寧有冤者乎爲尉建安令杭州南新青州錄事參軍所治獄無不盡其情部使者二十人交薦之知邵武軍條鹽法利害以便民奏減其課郡人祠之徙處州未幾告老所著有韻類一百卷行於世子灼進士第官至尚書倉部郎中守婺州武臣曹宗姻黨數犯法灼械於獄斃之宗怒鐫其秩後爲倉部以清心省事安不忘危爲言甚切直黜知泗州

知杭州沈文通邁

東市

卷之二十

重

光碧堂

沈邁字文通錢塘人以蔭爲郊社齋郎舉進士廷唱第一大臣謂已官者不得先多士乃以邁爲第二通判江寧府歸奏本治論仁宗曰近獻文者率以詩賦豈若此十篇之書爲可用也除集賢校理修起居注遂知制誥坐事出知越州徙杭州爲人踈雋博達明於吏治令行禁止民或貧不能葬給以公錢嫁孤女數百人倡優養良家子者奪歸其父母善遇僚案皆甘樂傾盡爲之耳目刺間巷長短纖悉必知事來立斷禁捕西湖魚鰲故人居湖上蟹夜入其籬間適有客會宿相與食之且詣

府遵迎語曰昨夜舍解美乎客笑而謝之小民有犯法情稍不善者不問法輕重輒判爲兵姦得所息召知開封府遷龍圖閣直學士治如在杭州蚤作視事逮午而畢出與親舊還往從容燕笑沛然有餘暇士大夫交稱其能拜翰林學士判流內銓丁母憂英宗閱其去黃金百兩仍命扶喪歸葬廬墓下服未竟而卒年四十世容惜之

監司何子溫琬

何琬字子溫龍泉人皇祐進士七歷監司神宗疏其名

東坡

卷之三十六

幸

光緒堂

於屏曰政事何琬文章葉濤除龍圖閣學士王荊公燕東坡有詩倡和

上元令元厚之絳

元絳字厚之錢塘人登進士第調江寧推官攝上元令民有號王豹子者豪占人田略男女爲僕妾有欲告者則殺以滅口絳捕置於法甲與乙被酒相毆擊甲歸附夜爲盜斷足妻稱乙告里長執乙詣縣而甲已死絳勸其妻曰歸治而夫喪乙已伏矣陰使信謹吏迹其後望一僧迎笑切切私語絳命取僧焚縣下詰妻姦狀卽吐

實人問其故絳曰吾見妻哭不衰且與傷者共席而孺無血汚是以知之安撫使范仲淹表其才擢知永新縣

豪子龍聿謔少年周整飲博以技勝之計其貲折取上腴田立券久而整母始知之訟於縣縣索券爲証則母手印存弗受又訟於州於使者擊登聞鼓皆不得直絳至母又來訴絳視券呼謂聿曰券年月皆印上是必得周母他贗尾印而撰爲契續之耳聿駭謝卽日歸整田轉知海門擢江西轉運判官知台州大水冒城民廬蕩析絳出庫錢卽其處作室數千區命人自占與期三歲償費流者皆復業又甓其城因門爲牌以禦湍漲後人守其法入爲度支判官儼智高反以直集賢院爲廣東轉運使軍食有餘以功遷工部郎中歷進翰林學士知開封府拜三司使參知政事坐子者寧累罷知亳州乞改額明年加資政殿學士以太子少保致仕絳所至有威名而無特操少儀矩然工於文辭爲流輩推許雖在中書而番夷書詔猶出其手卒年七十六贈太子少師謚曰章簡

三司鹽鐵副使錢載陽暄

東治

卷之三十六

幸

光緒堂

錢暄字載陽惟演之子任郎官知開撫官三州有治績除少府監又知鄧州爲三司鹽鐵副使時勾考諸路通租兩浙轉運使當坐負暄因對從容爲言逋租不入以頻年飢故今使者被罪必亟歛恐民不堪惟稍寬乃可集得免出知鄆州除寶文閣待制卒暄素好學通達治體所至不爲赫赫名而旣去見思十二子內景孫封康國公尚仁宗女許國大長公主生榮國公忱忱生恭政端禮端禮孫左丞相象祖自有傳

姚洵令姚舜徒孽

東治

卷之三十六

主

光碧堂

姚孽字舜徒慈谿人登熙寧九年進士第歷尉掾以考第薦章應格改秩爲桃源宰承虐政後訊民之疾苦而振雪之郡將怙威凌僚吏屬邑悉苦孽毅然詳論郡將爲之少戢旁郡有訴不平必丐於部使者付孽決之鄉有虎患以文請諸社越三日虎仆祠旁秦課爲天下第一部使者舉孽學行優異才能顯著以應元符之詔賜對稱旨除提舉成都府路常平等事陞齊上諭以卿任桃源有愛民之心退謁丞相論蜀道利政乞以義倉之儲置吏立法收養鰥寡老幼死給衣裳官爲歛葬歲荐

飢間有遺兒諸雇婢乳之丞相爲奏行賜除並龍圖閣知夔州興學校勸農桑有古循吏風卒之日夔民罷市聚哭於牙門外計開桃源民卽孽生祠爭出錢聚僧道薦奠其爲民所思如此

判潮州沈次仲造

沈造字次仲縉雲人以進士歷官通判蕪直不阿一心民事故隨在有美頌初知漳浦海寇作亂將及境聞造有政聲卽引去曰毋驚沈公及判潮時有韓山神歲湏男女以祭歷政畏憚之修饗不敢後時造焚其廟毀像得巨地發而烹之凶祀遂絕議者以方韓昌黎之驅鯪云造卒潮民相率聚哭祠下三日始去工書善文章有文集二十卷胡權評其書似歐陽率更而清勁過之

循州守周文之彥質

周彥質字文之江山人以進士第歷官循州守治民以教化爲本民以訟至庭者先諭以禮義然後折其是非無不涕泣悔罪而去久之民以訟爲耻蒲鞭遂懸而不試彥軼以默化名其堂官終發運使所著有齊峯集行於世

福建路運判韋子駿驥

韋驥字子駿錢塘人生而警敏年十七以文謁王安石大奇之曰吾行江南入吳越見文士惟子與並顧行耳由是名藉甚每一賦成學者傳誦登進士第累遷至屯田員外郎主少府監簿以薦擢利州路運判移福建時年飢議請賑貸驥曰闕去京師往反數千里今民朝不及夕上書待報是冠冕從容以救焚溺也乃檄州縣發廩而請違法之罪於朝闕寇阻險爲數州患吏畏怯爭言宜招納驥曰是爲民稔患耳因處畫斬捕方略咸就捕帥內肅然召爲主客郎中出爲夔路憲知明州提舉洞霄官卒年七十三驥秀眉水骨樂易靜退孝友蕪平文章淋漓復以政事彰聞幸德勵行有宿儒循吏之風有文集二十卷賦二十卷

將樂令陳君益撫

陳撫字君益郵人元祐三年進士紹聖間宰南劍之將樂敦崇學校獎進士類政尚愷悌先是邑民家舉一子富室不過二子餘悉棄之撫至諭以天性申以令甲犯者窮治自茲民無不舉子者男以陳名女以陳氏後卒

於官邑人祠而祀之遇旱禱雨輒應隣境淫雨亢暘乞靈祠下咸遂所祈部使者請於朝賜廟額曰旌福

知新昌縣劉德霖滂

劉滂字德霖武義人自少誦說輒能屈其師登大觀已丑進士調知新昌縣縣俗嗜聞令到輒移病去以他吏攝之滂臨以誠未幾稱治雖旁邑訟不能決者多請就滂決之蔡京與滂祖爲布衣交滂至京師京曰吾故人子孫耶除勅令所刪定官欲挽滂爲黨會常璩書詩屏間京疑其訕已屬滂踪跡之且遷官滂曰此胡爲及我

東治

卷之三十六

辛

光緒堂

哉京聞之不悅滂亦拂衣去坐是十年不調建炎中起知建昌軍舊守威權不立兵習驕悍邀求無度滂至一以法繩之兵不勝憤持戟入市掠人物即拒者刺傷之滂捕繫追償兵遂爲變滂與母妻皆被害滂好學善屬文與人交始終如一聞有急傾財赴之居官疾惡如仇毅然不可回奪以及於難朝廷旣詠始亂者復用御史言褒滂爲朝請大夫

知秀州姚令則憲

姚憲字令則嵊人以父舜明任補海鹽丞惠利及人後

監奏進院知秀州土豪錢安國舍匿亡命爲奸盜州縣莫敢詰憲會之并其支黨悉置於法焚其巢穴州里大安浙西大水民飢憲請輸粟萬斛以濟又自提點刑獄知平江府羣盜毛昫等出沒海道憲設方略殲其衆除兩浙轉運判官進叅知政事後以端明殿學士知江陵每得盜不妄殺人稱長者

廣帥周勉仲自強

周自強字勉仲江山人守棘寺三十年由刑部侍郎帥廣先是仕嶺南者歿其妻若女多不能自存或流落爲

東治

卷之三十六

主

光緒堂

人婢妾自強奏請官爲嫁之又置接濟庫計口給錢米使其子孫得出嶺南且慮不能久乃以已俸買田三十頃聞於朝刻石著其事至今遵行之衣冠之後始無流落者

知海陵趙公舉汝能

趙汝能字公舉系出濮鄆第進士知海陵歲歉民嘯聚爲亂人情洶洶能曰是非巡尉可辦卽部勒土兵設方略擒捕百餘人其黨潰散歸罪渠魁餘悉末減作舒斬諸司多以滯訟委之剖析平允知麟州與學教士士

風丕變官至朝散大夫知臨安府壽八十卒能清心寡欲蒞官廉平遇事剛決有仁者之勇

仙居縣尉薛彥益朋龜

薛朋龜字彥益鄞人政和八年進士授仙居縣尉值歲飢道殣相望剽掠四起朋龜請於郡發粟賑之民多所全活而弭盜有法境內悉平改楚州司錄適靖康之變楚師勤王者歸道州境郡守薄其稿輒鼓噪爲亂朋龜急走軍中諭以禮法隨發府金犒之軍始帖服不敢譁任滿擢奉議郎去民遮道留之曰微薛公我其魚肉矣

東治

卷之三十六

主

光緒堂

知成都蕭德起振

蕭振字德起平陽人登重和進士第調婺州兵曹婦翁許景衡赴闕因餞行請曰公至朝廷願勿見薦今執政多私其親宜爲時革弊景衡然之高宗幸維揚東南震恐一日發卒數百挾刀斬儀門入振亟往諭以禍福衆

遂定秩滿數年不調執政交薦召拜監察御史以親老求去章七上遂得外補未幾召爲太常少卿遷工部侍郎以講和異議謫知台州起知成都府適軍儲缺奏乞留對羅米八萬斛以足軍食總計者弗便媒孽於朝再謫池州遂代其任既而專用羅織摭其民民愈恩振事聞亟遣振往成都父老聞之歎呼載道以治最加敷文閣學士卒於官

上虞令陳宜之炳

陳炳字宜之崇德人嘗令上虞有西溪湖潴水利及三鄉中廢爲田叅政張綱嘗浚復勒石紀其事歲久豪右復據之夏大旱民持綱所刻石請復湖豪右撓沮之炳奮曰令寧以罪去必不忍畏避強禦委棄三鄉民命也卒浚復之百姓歌曰前復湖張叅政後復湖陳縣令與我衣食全我命除提轄文思院炳恬退雅正居官務行所學興利除害以身任之有退庵文集十五卷

三山幕莫叔方琮

子若忠若晦若冲附

莫琮字叔方仁和人建炎亂避地崇德因家焉以特科歷四明三山幕性行端傍趾詭隨五子元忠若晦似之

若冲若拙俱第進士世比燕山五寶元忠字子直知義烏歲歉勸分賑之判德安撫惠貧民新學造士滿去人皆思之居鄉率同志令辟當路請沒官田增學庾爲養士費又謂齒尚於鄉倫明於學歲時必造學官習長幼之儀鄉黨尊異之若晦字子明守宜春蠲遺舉墜後守嚴州有虎患若晦示恩信於民虎遂遠去陞湖廣南庾提舉若冲字子謙知吉安興江有聲除司農簿輪對時用事者議開邊若冲諫沮之出知岳州兵荒盜起督捕賑發境內帖然知全州漕司檄解軍糧州處湘源壤高易涸客舟裝糧糧絕不至若冲遂發官帑造船搬運率先諸郡明年靖江暴水民賴舟以濟最聞除大理丞丐祠歸有語溪文集十卷行於世

知袁州王與道師心

王師心字與道金華人登政和八年進士調海州沐陽縣尉收剽賊宋江境上詔改承奉郎知長沙縣政事詳明累遷太府丞進樞工部侍郎克賀金國生辰使還除知袁州時秦檜方用事監司郡守皆爭獻羨餘以希進師心獨取以代貧民逋租改知衢州通判遷知洪州克

江南西路安撫使轉運判官張常許前帥張宗元所與
張浚詩言於朝欲并中傷之詞所連及者百餘家師心
隨宜救庇多賴以免會檜死事息召還除戶部侍郎奏
宜塞侍門開言路生財不如節用上勞問其涯且曰卿
以不附秦檜故去國久朕知卿未嘗忘也遷作吏部尚
書兼侍讀浙東水災克兩浙安撫使寬道債振乏絕民
不流亡改福建路安撫使時虜將渝盟師心晝夜憂念
至忘寢食條上求人才通下情擇將帥等事言甚剴切
乾道初以左奉議大夫致仕卒諡莊敏

吏治

卷之三

李

光緒堂

隆興府司法劉方叔鎮

李父祖向兄銓附

劉鎮字方叔樂清人李父祖向深究經旨爲學者所推
與鎮及其兄銓相繼登紹興第時稱石肝三劉鎮有心
明恕守法不苟嘗任隆興府司法獄有重囚九人於已
具將論報鎮獨察其冤重行訊問果得其情告於郡憲
免之移武義水築溪塘數百丈瀦洩淮流民食其德收
秋知長溪政績尤著遷通判隆興府卒

知長洲虞賓

虞賓餘姚人舉進士知長洲縣縣多大姓黠吏亂法亡

度賓其鉏之皆屏息自保無敢橫虐侵民無不藏部使
者猶董宿負賓閣文移不省及去縣民立石頌之終翰
林承旨

知臨安汪汝直思溫

弟思齊附

汪思溫字汝直鄞人登莫儔榜進士授雄州教授調餘
姚令築隄浚湖民信愛之欽宗以諸王就傳擇除贊讀
思溫與弟思齊並命除吏部員外郎出守三衢時有自
稱祁王過郡府史請避郡治以舍思溫不許未幾柔福
帝嬖過縣將械尉思溫亦不許亡何而二人皆坐詐冒

吏治

卷之三

李

光緒堂

一時以思溫爲有識遷司農太府少卿知臨安浙江以
漁舟濟人中流頭楫以邀重鑑風暴至輒沉溺而善泗
者利其錢物以登岸思溫悉捕繫論殺更爲大舟擇不
如式者悉汰之時相秦檜嘗以故人屬薦舉思溫曰使
可薦誠不待相言不才相言無益也有旨督政府檜欲
以相府儀制稍異執政府益持不可檜怒罷去食祠祿
凡十有八年官直顯謨閣以終壽八十一

知侯官程喬仲棹

程棹字喬仲松陽人資稟粹和局度史曠文史之外無

他嗜好事繼母以孝聞初官通判司理妖民黨陸以左道具獄推究其誣誤者數百人改知侯官事新學官日與博士弟子講學習射彬彬向風嘗守廬州政尚簡靜置平糴倉以濟民飢擢廣東西路憲使凡所舉刺不市恩不避怨而獎誘後進尤拳拳焉故其卒也執筆作諄者數十百人

通判典國軍蔣仲可行簡

蔣行簡字仲可永嘉人器度凝審登紹興第主仙游簿四川制幹滁州倅監明州市舶務改官知海鹽縣治有

吏治

卷之十

七

光緒堂

聲還朝袁平生著書五十篇號樞言上之通判典國軍值大旱疫從一馬二卒齋藥療民知峽州常德府湖北提舉沅辰澧靖四川安撫諸司舉異績召對不果用知處州時悍侂胄傾趙汝愚謫貶至死行簡痛其冤因驟感疾不起

知武康范茂寬溶

范溶字茂寬賢良浚之兄以祖任爲郊社齋郎歷司理士曹知歷陽武康二縣推通判饒州添補執吏事於決獄尤詳明三爲刑官再治邑皆以平恕稱在澧淵日有

毆婦人傷甚者四十九日而婦人死曰破骨法限五十日而創傷卒不踰月今四十九日矣脫不破骨能無冤乎生固不容剔剔以辨今死且腐骨可驗也驗之實止創傷遂得不死武康父老訴前令定物力濫故數錢千百十餘萬科輸不前欲更之吏白板已上郡須三載可改曰是因吾民一日不可可三年乎正除其十之二繼列其弊白於郡追易前板民以爲利及在饒州值旱災徇走郡祠竭力禱雨因得疾而卒

知衡州王剛夫琰兄瑛附

吏治

卷之十

七

光緒堂

王琰字剛夫其先臨川人父榕來爲諸暨令遂家焉琰敏悟絕人博洽墳典由分寧尉累遷知衡州所至有聲胡銓嘗薦之有曰治經有行亞西漢之名儒惻惻無華實東都之循吏識者以爲確論兄瑛字寶臣知通州行業與琰齊名時以爲二難

象山簿趙德老彥逾

趙彥逾字德老鄞人紹興三年進士授象山簿以治才稱性介潔視食墨若警事至卽決獄無冤滯嘗於縣東南史家涇開河渠千餘丈以利漚溉民甚德之因名爲

主簿河後守蜀尤多善政。饋遺不入公府。將出蜀。盡以俸餘聚九縣之族。分給之。李心傳誌紹興以來蜀帥可名者數人。彥愈與焉。後守鄉郡。以親文殿學士終於家。

知浦城朱藻

朱藻。縉雲人。初官漢中簿。兼尉。南渡以來。夷陵之士鮮有登第者。藻爲考官。所取皆名士。向學者始衆。知浦城縣。積逋以緡計。十餘萬。郡吏迫以輸期。藻曰。與其橫歛於民。寧得罪於郡。即日罷歸。先是邑有黠寇。前令莫敢誰何。藻至。悉置於法。邑民快之。爲立生祠。官終煥章閣待制。

卷之三十六

光緒堂

知宿松徐彥才良能

徐良能。字彥才。蘭谿人。紹興五年進士。歷知宿松。安吉二縣。皆有惠政。其在宿松。撫流亡。勸勸課。不以土產供饋遺。前政私增俸。給盡削去之。吏白舊例所當得。則曰。比賦也。欲以此餌我邪。聞者皆服其廉。及爲安吉。則竭水以賑。艱食之民。除水災之賦。民爲之肖像祀於學宮。及刻石以紀其政。去之日。民爭致餽。一無所受。待次家貧。至出產以給食。處之泰然。爲御史檢法官。除太常博

士拜監察御史。遷殿中侍御史。給事中。封蘭谿縣開國男。久居言職。凡所開陳。皆當上意。後以疾在告。除龍圖閣待制以終。

知江陰貝聖美欽世

貝欽世。字聖美。上虞人。紹興中進士。授西安尉。調武康丞。居官廉介。太守王十朋表薦之。改知江陰。浚運河。數十里。溉田無算。而民不知勞。事聞。詔增秩。授建康簽判。以疾卒於家。

知零都黃退翁邦彥

黃邦彥。字退翁。縉雲人。知零都縣。治有政聲。民甚德之。吏以治盜請。邦彥曰。以民視民。何忍爲盜。作廉寬公勤四銘。刻於邑治。以勸後人。盜風遂息。立朝議。論忠鯁。不畏強禦。人多忌之。官至國子博士。轉知興化軍。陞授官講。朝散大夫。其廉潔之操。自筮仕。以至宦成。如一日。

監登聞檢院袁君載采

袁采。字君載。西安人。登進士第。四宰劇邑。以廉明剛直稱。諭民繩吏。皆有科條。著爲三志。終監登聞檢院。祝禹圭目其行。曰。廉而近介。公而過剛。勤而苦節。當時以爲

實錄

知江陰徐希顏綱

子龜年逢年附

徐綱字希顏崇德人初爲太學生柄國者方主和議綱率同舍疏六事乞斬誤國賊臣不報直聲振於天下已而謁選歷官江陰令適旱飢流移四集綱條畫利害請臺郡發廩分場便糶全活甚衆人除提轄文思院著邊防兵政十六事歷進忘者沮之未及行綱益以八事復上進又寢不報力丐祠倅湖州子龜年逢年皆舉進士龜年字朋老宰江寧專務德化歲飢制帥黃文昌委以知溫州改徽州所著有澹軒文集

休寧宰陳元和曦

孫大震玄孫伯鼎附

陳曦字元和鄞人紹興八年進士除休寧宰政尚清儉守法不阿改國子正置講議司日夕與諸生論天下國家事必懇懇言其治已治人之要甲子高宗幸太學召對語曰今學者言卿講說訓導可以爲師朕欲觀卿之

東治

卷之三十六

聖

先碧堂

兩浙名賢錄卷之二十六終

東治

卷之三十六

聖

先碧堂

道至於有成職對曰陛下若後興太學此帝王盛德事也上喜擢給事中居六載彈劾不避惟要上嘗謂侍臣曰惟陳曦言事最誠實後自知制誥知濠州政稱第一呂好問薦其才召拜翰林學士上疏言四鎮五帥之材上許之卒於官孫大震玄孫伯鼎俱登翰林時人稱爲祖孫三學士云

兩浙名賢錄卷二十七目次

吏治

宋二

知臨江張少微著

慈谿令林懿文叔豹

提舉常平劉公實類

知鎮江陳安行居仁

父齊附

知處州汪懷忠侍舉

知黃州何德獻介

知興化軍潘德鄰時

知邵武蔡子明開

弟開附

知華亭劉頤翁俱

知蕭山顧冲

遂安令王伯倫時敘

知績溪王木叔柝

吏治目次

卷之二十七

光緒堂

知循州錢文叔文

知江州陳益之謙

知會稽王季嘉時會

知仁和莫漳

浙東檢察唐進道閣

金華簿彭子復仲剛

提點刑獄羅宗之仲舒

蕭山令趙善濟

水鄭承議附

烏程尉應自得雋

知海鹽劉全之銓

知餘姚施武子宿

黃岩尉楊子美上休

吉州司理杜敬叔思恭

知新昌鮑清卿滿

知臨安潘君高說友

知慶元林和叔大中

遂寧守曹器遠叔遠

徐午尉桂慶協萬榮

南陵簿洪叔毅琰

子寧祖附

臨海令陳仲宏之綱

兄附

判通州李謙仲大有

嘉興通判胡達卿朝穎

宜春丞喻伯經侶

刻令史子由定之

知潯州陳元凱舜舉

福建提舉徐恭先恩

知臨安趙德成立夫

知睦州王元敬必

知南昌樓元齡大年

知橫州陳正之大紀

知嘉興孫守叔夢觀

知建康馬華甫光祖

知於潛吳君友舜龍

福建轉運使鄭山甫如岡

知侯官項無欲公悅

知撫州程應辰士龍

吏治目次

卷之二十七

光緒堂

知睦州李伯韶鏞

知崑山項德潤公澤

知崇安趙立夫必愿

知安吉陳道初淳祖

子淳源附

台州郡曹唐識通聞

通判袁州徐文之塚

安吉丞王謙父揭

知建平施德懋

衢州倅范叔端士表

知新昌周正輔備

守建昌木德遠天駿

知太平程子爽塏

知台州許肖說子良

知興國趙應甫逢龍

知華亭楊廷潤瑾

父瞻正弟瑾附

諸暨簿童行簡居易

武進丞趙安行若恭

知福州陳叔方昉

知德興楊君寶珏曾孫恕附 曠令陳子微著

青田丞王約之從儉

元

知海寧臧夢解 廬陵薄范煥章文中

温州路總管夏若水 龍溪尹趙敬叔大訥

知蕪州凌懋翁 判諸暨柯自牧謙

沂州同知彭允誠廷堅 施容州判官陳宏父達大

松陽令孫以誠德潤 武康令沈夢麟

都轉運經歷王止善艮 紹興治中金君澤德潤

吏治目錄

卷之二十七

三

光碧堂

知餘姚葉敬常恒

知辰州陳中叔琰見宣子附

知鄞縣許具瞻廣大

知上虞韓自行諫

處州路總管凌信翁德

知慈谿陳文昭麟

知餘姚汪辰良文璟

兩浙名賢錄卷二十七目次終

兩浙名賢錄卷之二十七

東海徐象梅仲和氏謨

禹杭嚴嗣御印持氏閱

吏治

宋二共八十一人

知臨江張少微著

張著字少微龍水人崇寧中進士初知永康縣有能名

歷官提轄京東漕權貴爲奸俾民入錢給符而漁著劾

秦弛禁民得其利留貳天府未幾國步艱難駕駐揚州

東寧

卷之二十七

一

光碧堂

因罷歸紹興中再守臨江平易近民戶口增七萬餘部

使者以治最聞時御史劾舉江南不法官吏至千餘人

悉送著案情與法參輕重無不當其罪兵荒民鮮習儒

者著建學以造士有校文講藝之風時縉紳多趨權貴

而著獨有守當靖康之難不污僞命人尤以爲難上將

用著而以鯁直性時相竟出知鈞州終

慈谿令林懿文叔豹

林叔豹字懿文永嘉人建炎初爲慈谿令廉明勁直高

宗南巡勅戒衛士毋肆苛擾以撓賢令時聞虜寇至境

邑人驚避有武悍之徒百十爲羣乘勢抄劫爲民害叔豹應其狀捕而斬之於是遠近知畏遂絕剽掠之患處破明州僞立蒞安義爲守虜退叔豹率鄉兵入城杖死安義一郡獲安高宗駐蹕臨安多其才召拜監察御史以風力稱

提舉常平劉公實穎

劉穎字公實西安人歷官兵部郎官紹興間提舉浙西常平還澱山湖以泄吳淞江二水禁民侵築毋使逼塞大流民田穎之又奏補種本廢園田二事不果行就遷提刑以洗冤澤物爲任間請獄察不應繫者縱遣之御史以介僻劾罷卒官寶謨閣直學士

知鎮江陳安行居仁

父膏附

陳居仁字安行鄞人父膏爲御史時四明有僧法恩謀不軌得其籍從附者餘萬人朝議將屠城膏力爭之止殲其魁而在籍者俱獲免居仁登紹興二十一年進士第丞相虞允文見而奇之欲俾習兵法居仁謝曰立事功宜先定大計若大言無益也居仁嘗言慶赦之弊適足患奸猾而小民不與言願放下戶丁稅以寬民力上

從之歷知鄂州福州建寧鎮江諸郡政績多爛然可紀爲鎮江時有僧結廬江濱地與江陰相犬牙居仁察其奸利命尉掩其室得盜魁數人立夷其居後以華文閣直學士終謚文懿

知處州汪懷忠待舉

汪待舉字懷忠衢州人紹興中知處州爲政寬厚曲盡下情民有爭訟呼之使前而寃曲直不以屬吏故庭無留事鞭朴罕用百姓以詩頌之曰官舍却如僧舍靜吏人渾似野人閒時部民嘗有以酒飲客者客醉且卧空舍中主人慮其去又從而鑄之客夜酒渴索漿不可得則取花瓶木飲之次旦啓鑰客已死矣其家訟於官待舉寃其一時舍中所有物惟瓶浸旱蓮而已試以飲極刑囚果死訟乃白其明察如此

知黃州何德獻

何倫字德獻太師冀國公平之曾孫也學通經史以歷調福州古田簿時方弱冠遇事通解攝縣事取滯獄決遣之輕重得情吏民驚服改臨安於潛縣縣豪徐衡武斷鄉曲陵轢長吏莫敢誰何倫至拒不與通衡屏氣退

聽不敢復有所短長治以最聞遷通判廬州就差知黃
州黃多盜桴鼓夜鳴僧乃連鄉舍保伍盡破其根株窟
穴盜無所舍奔走北境除荆湖南路提舉茶鹽事秩滿
就除轉運判官吏民益信會盜發廣西陷藤潯高化四
郡都督左僕射張浚舊知湖湘雅知僧治狀奏白何僧
前治黃聯保伍而盜平息有戢亂才今謀帥宜莫如僧
遂除直秘閣經略安撫廣南西路兼提舉兵馬事盜聞
風解散僧撫摩瘡痍之民奉宣寬大之詔剔蠶除瘴府
賦用克繕甲勵兵軍容克壯一路賴以保障者二十餘
年東治 卷之二十七 光碧堂

知興化軍潘德鄰時

潘時字德鄰金華人少受業於仲父良貴力學不倦以
良貴任爲登仕郎調分宜簿改通直郎差提舉雜買務
皇城邏卒挾恃干紀按治其罪不少貸出知興化軍歲
飢募客舟予錢轉糴而寬其期莫有喻其意者既而糴
者得以其間往返一再然後及期則糴價以久自平而
民不飢人乃服其有謀提舉浙西茶鹽改提點湖南刑
獄除直秘閣知廣州兼安撫廣南東路所部地接彬桂

汀漳四州之民歲一踰嶺貿易折閱卽相聚爲盜大羣
或至數千人時入境適捕其魁八人卽斬以徇進直徽
猷閣知潭州安撫湖南飛虎軍驕橫不可制有恃醉挾
刃傷人者案軍法誅之遂帖然再遷左司郎中以疾辭
歸卒其治郡先教化而於訟獄期會無不謹務施念而
於出納纖細無所遺爲部使者廢置不避權門舉劾不
憚大吏至典方面養威持重務存大體治兵訓士禁奸
除暴無一不可爲法有所張弛必先究其利害本末然
後出令耻爲姑息小惠以掠其虛譽謂權酷茶鹽非古
法不忍盡以律令從事其愛民如子馭吏如僮僕接僚
屬如賓友惜官帑如私財治家如公事事有不便於文
法輒以身任之不以累其下是以人樂爲盡力所至稱
治嘗自謂吾之爲治主於寬而不使有寬之名輟以嚴
而不使有嚴之迹惟其綱維總攝而脉絡流通是以坐
是羣吏而我常無爲也當時號稱精吏道而寬猛得宜
大小中度者無有能出其右既病起居莊敬如常時顧
諸子誦魯子易簣時語而絕朱子誌其墓

知邵武蔡子明開弟闕附

徐開字子明其先仙游人祖材通判平江始家崇德父
熙孝感令以廉平聞開第進士幸德清值軍興征調縣
爲不擾及去民攀留之知邵武郡初官租石帶糴四斗
備賑後爲民患開請罷帶糴遇荒輸官價視時高下俾
民自糴患遂已除漕司兼知岳州縣軍營田九軍一日
而畢不輟一人又區畫管佃軍國兩利改漕江西屬郡
早捐漕計以濟民賴不飢有畏齋集十五卷弟闢字子
正博通六經居太學以直諫號太學御史及第後果衣
纁持斧爲執法大夫彈劾不避權貴有埋輪折檻之風

吏治

卷之二十七

木

光緒堂

官終國子監祭酒

知華亭劉碩翁侯

劉侯字碩翁象山人登紹興三十年進士第知華亭邑
版賦率實諸豪家民由是撓政前令多敗侯乃治酒
政損關征不三月課入自倍逋賦以償剖決若神豪民
歛手並海有泰山塩鐵蚌港三堰不治被旨督作早夜
露處淮田六萬畝陞倅紹興府帥使朱熹雅敬之委以
諸暨蕭山荒政活民十餘萬知興國軍陞特乞免蕭山
廢田之稅以時省繕華亭海堰禁避兵胥吏擾沿海民

刑事皆施行改知岳州東宮引見言事光宗見其儀矩
雍容音吐明暢注目首肯悉爲報可至郡覈四邑常賦
外免其版帳鑿密者其目凡八歲減一萬一千有奇奏
定爲令除廣東倉時四明大飢請移粟五萬斛浮海賑
之鄉邦賴以濟南海驛道至真陽達江陵多窮荒復嶺
乃改闢大道八百里置六鋪築七庵募人居之無復蛇
虎暴客之患命南雍梅辰等州作義家瘞暴骨遷福建
憲除直秘閣召除尚書禮部郎中卒所至有遺愛民立
生祠祀之聞訃相與聚泣祠下俱爲人風格清整篤於
孝友其至誠若與神契華亭水不可食禱於晉井而泉
溢賑荒謁官娥祠衆舟皆膠而候獨濟淮南虎白日爲
暴禱南臺神一夕虎皆去人以爲奇

知蕭山顧冲

顧冲錢塘人淳熙中爲蕭山令到任適歲旱湘湖水利
不均民爭不已冲乃度地勢高下放泄後先勒定時刻
約束甚嚴又禁侵湖爲田者雖勢家巨室必操三尺鎗
之并酌舊議少損八鄉以益許賢一鄉民始得其平其
他善政多類此

遂安令王伯倫時敘

王時敘字伯倫奉化人第乾道五年進士歷嚴州遂安縣令時郡守責過於十年之外徵符甚急時敘謂從事曰邦侯素不困疲瘵之民何遽變更果爾罪去誠甘之守知不可奪遂已綰修陸游爲郡日縣上所斷大族爭訟狀僚屬咸會陸以遂安狀銜袖口適得一好文字爲諸公誦之且誦且喜曰使諸邑皆如遂安吾輩可以臥治及卒陸誄之曰學道愛人正心誠意惻惻無華儒雅飭吏子之自著古人何愧其爲名流所重如此有文集

東坡

卷之二十七

八

光碧堂

二十卷藏於家

知績溪王木叔楠

王楠字木叔永嘉人登乾道進士第調婺州推官漕司增本州上供米三萬斛守以下不敢爭楠獨移書新守言其不可守以間遂免知績溪縣江以東茲邑欽重民貧鑿山壘畝乾瘠大半楠積錢買田爲塘六十八場六浚舊陂百頃而歲以稔告知江陰軍開蔡涇渠港五百里漕輓流通民受其賜召爲吏部郎歷司業秘書少監知贛州先禮教而後刑罰贛士在元符黨籍有四楠語

之曰汝州多正人若此將百世稱之後生可不勉民感此意犯法日稀奉祠歸里卒楠平生不崇虛譽性務實業自謂義理所到雖百折必往或以勢見屈雖萬鈞不愛也故所至輒能自立以就功名至今稱爲良吏

知循州錢文叔文

錢文字文叔吳越王之裔居崇德洲錢里第進士尉當塗有捕獲功例得進秩力辭之知萬載縣有異政趙汝愚薦可大用不果除知循州興學校重風俗豈弟宜民三載報治文爲人言溫氣和所居不蔽風雨餽粥不給晏如也

東坡

卷之二十七

九

光碧堂

知常州陳益之謙

陳謙字益之永嘉人登乾道第教授寧國府以薦除國子錄選刊定官孝宗將內禪謙條大事以獻出通判江陰從知常開孟潰均溉民田扶善抑惡民奉之如神明除湖北提舉改提刑辰州徭掠辰沅岡邵四郡謙提軍構其巢穴陷八十餘峒徙成都路提刑造李永壩鼎州繩橋皆施便巧以便行者褒禮耆彥蜀人愛敬擢湖廣總領進寶謨閣待制京西湖北宣撫副使坐事罷久之

起知江州尋奉祠卒

知會稽王季嘉時會

王時會字季嘉時敏之弟與兄同年第進士自迪功郎七遷至湖南運管賜緋魚袋嘗知會稽值歲祲潦郡方督已蠲之賦甚急時會持不可守不聽乃袖告身易服立庭中守爲奪氣民賴以紓修社倉之政以備凶歉立保伍之法以察不孝不弟游惰不逞者風俗爲之一變會嘗永阜陵吏抱文檄如林環案立時會省去其十之七餘不可已者召民給錢粟與期民不知役而事悉集

史記

卷之二十七

十

光緒堂

少銳意經學於易尤精及病革猶強起拱手端坐無情

容顧家人曰吾學易晝夜之理甚明遂卒

知仁和莫漳

莫漳歸安人歷官平江守初知仁和時有出入德壽宮者恃勢虐害善良漳擒撻之高后怒考宗謫漳一級未幾復撻一豪惡再謫一級居數月平江缺守宰臣進擬

孝宗曰朕有其人遂除漳

浙憲監察使唐進道閩

唐閱宇進道山陰人舉進士兩浙歲飢詔以閱爲兩浙

檢察使時州縣賑濟勸民減價而糶豪右往往開糶閱奏儲粟之家宜勿限以價勿計以數則趣利之徒將傾困競售不待低昂而價自平民飢不相保小兒遺棄道路國法三歲以下許異姓收育閱請雖及十歲權聽民鞠養以爲己子孝宗可之於是全活甚衆

金華簿彭子復仲剛

彭仲剛字子復平陽人登乾道進士第初主金華簿衢州大水監司命仲剛覆視而後賑仲剛曰覆而後賑防吏之欺將使民實得食也恐待覆而民不食死矣監司

東治

卷之二十七

十一

光緒堂

感悟卽出米恣所爲賑之民賴以活移臨海令民愛信之如父母召爲勅令所刪定官遷國子監丞出知全州減郡費寬商稅輸租得自槩量無斛面擇學師長其子弟而親執經講說曰此古人所以富庶而教之也丁外艱民哭扶其柩至境外數十里曰何時復此太守乎服除知濠州尋遷提舉浙東常平命下卒

提點江東刑獄羅宗之仲舒

羅仲舒字宗之慈谿人以春秋登王容榜進士第授安慶教授調常德學政修舉陞宜教郎知宜興縣遷太學

博士陸對稱旨遷秘書郎時寶王來歸議舉慶典仲舒
言三邊未靖不宜重費累遷至福建提舉常平茶鹽會
大水編筏救溺以萬計仍發粟賑之改提點江東刑獄
縣吏獻議於韶守更鬻鹽法而官專其利舟運不通民
數月不得鹽仲舒責吏曰奪民而絕其利者汝罪也督
而流之饒人爲之語曰前葛後羅一臺二妙葛爲叅知
政事羅也歷官國子司業上章告老紹定初拜宗正少
卿以直顯謨閣致仕

蕭山令趙善濟 丞鄭承議附

東治

卷之二十七

七

光緒

趙善濟四明人乾道中令蕭山頑民徐彥明獻計恩平
郡王欲以湘湖爲田善濟力爭之得寢歲早九鄉人多
爭水構訟集議繕修湖防至今賴焉時有丞鄭承議者
不畏強禦朱統制在縣縱牧卒侵刈鹽場草鹽司奏其
事榜許格捕卒刈草如故亭戶捍之致殺傷其四人朱
尉吏以毆擊論死者八人獄成令已署案次及丞鄭責
吏由榜既許人格捕殺之罪輕今以他事論死民甚冤
不得書我名吏惶懼退易前案八人皆免死

而程尉應自得係

應係字自得昌國人六歲能詩登紹熙四年進士第調
烏程尉議毀淫祠獨存徐孺子廟隣邑有沈氏兄弟訟
財郡檄係按實係委曲開諭適沈有子魁鄉薦因賦詩
傲之有云嘉木灌萊春意好可憐不種紫荆花兄弟感
悟其爭遂息官至文林郎

知海鹽劉全之銓

劉銓字全之樂清人進士隆興中知海鹽大水害稼被
檄檢傷放秋苗數萬斛貧不能輸者請於朝得停閣勸
富人發廩賑飢民無耕資貸於郡給之學舍久廢徹主
租二百斛倡修之政務慈和飭以儒術耻於近名而顧
名之甚遠至今猶稱循吏云

知餘姚施武子宿

施宿字武子長興人慶元初知餘姚縣其爲政務大體
與廢舉墜不事細謹尤加意風教市田置書教誨學者
姚北瀕海歲役民修堤民甚苦之宿更築石隄建莊田
二千畝以備修隄之役功與前令謝景初同稱

黃巖尉楊子美王休

楊王休字子美象山人幼肄業僧舍雪積其背而不自

乾道中舉進士仕爲黃岩尉有豪民植奸黨號三油王休捕得之具罪狀於府黜徙他郡人稱爲鉄面少府遷南康軍判官時朱熹守郡事悉委之獨經界賦以黜民困後守洋州全州大興學校考商於險塞以備邊絕餽遺惟軍用得取於公帑除益利路轉運判官金州大災悉發庫錢賑之兼提點刑獄大修樓閣鑿鬼愁灘堰墓顧山分西城漢陰二利三邑馬湖以便民禁漢嘉西門石梁蜀民德之積官至吏部侍郎卒於家

吉州司理杜敬叔思恭

東

卷之二十七

十四

光緒堂

杜思恭字敬叔上虞人登淳熙進士歷吉州司理平反冤獄發粟賑飢民受其惠官滿代去遞留者以千計終平樂令時名士陸游周必大楊萬里並以國士期之至表薦於朝曰學貫六經文師兩漢可備著述惜未用卒知新昌鮑清卿瀟

鮑瀟字清卿永嘉人登乾道進士第教授處州興化軍湖北運幹知新昌縣倅涿州知潮州乞祠知融州復奉祠而終積階朝散大夫瀟智識精敏行事超卓永思陵復土瀟主新昌頓逝中貴與衛士輩求索紛雜他邑失

魂魄奔命瀟取少有所執籌籤削之潮運河立曰大行在道率士悲隕小縣排設既一一應法而誅責不已吾創兩目蹈此水爲百姓請命衆大驚謝過民免橫歛葬水心銘其墓

知臨安潛君高說友

潛說友字君高縉雲人由進士歷官知南康軍浙東安撫使兩浙轉運使知臨安府才器宏大善馴繁治劇時臨安爲京都凡宮臺財用廟堂意爲民訟之曲直物價之低昂皆囿於審度之內先任是官者多以曠職去說友處之裕如以戶部侍郎轉尚書官至端明殿學士縉雲郡伯出知平江

東

卷之二十七

十五

光緒堂

知慶元林和叔大中

林大中字和叔永康人舉進士歷官侍御史以忤韓侂胄出知慶元城南民田每患潮溢不可種大中捐公帑伐石築隄民不知役而蒙其利郡忽訛言夜有妖大中謂此必黠賊所爲立捕黥之人情遂安乞祠得請已乃爲言者論列罷歸卒

遂安守曹器遠叔遠

育叔遠字器遠，瑞安人。登紹熙第，爲國子錄，以忤韓侂
胄罷。通判涪州，歷四川廳節，後守遂寧。時嘗卒莫簡，苦
餉臣侵刻，因脫巾稱亂，勢張甚，遂入境，輒戒其徒毋肆
暴。曰：「此江南好官，員也不可犯。」尋入朝，爲工部郎，出知
袁州。以太常少卿召，除權禮部郎，遇事獻替，多所裨益。
終徽猷閣待制，謚文肅。管編永嘉諸議者，謂有史才，今
行於世。

餘于尉桂夢協萬榮

桂萬榮字夢協，慈谿人。登慶元進士，授餘于尉。餘于故

東治

卷之二十七

本

光碧堂

夢豪右一，以紀律繩之。御小民以慈愛，于弟獲訓，迥者
耻爲不善，秩滿民爲乞留，調建康司理。時相欲招致之，
啖以京官，固辭就職。差主管戶部架閣，除武學博士，轉
宗學。上方需用力，求外補，通判平江。時守朱在政尚嚴，
刻以塩課，拘繫甚衆。榮具書告在，不從。乃挾行床與所
拘人同寢。在媿，即委縱遣焉。陞守南康。先是，軍士驕悍，
至則帖服，檢吏姦者浮費，征稅以法。民幸其利進，直秘
閣，遷尚書右郎，屢疏乞老。奉祠崇禎，壽九十卒。榮嘗築
室東山之麓，號石坡書院，讀書其中，取古人資於折獄。

名類成棠陰比事行於世

南陵簿洪叔毅琰

子寧祖附

洪琰字叔毅，淳安人。登紹熙進士第，主南陵簿。攝縣事，
歲旱，郡官屢畝不以實，飢民殍聚。琰從容麾散，尋遷肝
胎司法。青平山盜起，琰致渠魁斬之，盜即潰。改清江決
獄如神，人咸服之。奉仙都祠，十年卒。子寧祖補合肥尉，
改光州。時金將亡，寧祖屢出奇計，勝之人服其才。
略改京官，宰德安。魏了翁督師江淮，辟入幕府卒。

海陵令陳仲宏之綱

兄之經弟之純附

東治

卷之二十七

本

光碧堂

陳之綱字仲宏，崇德人。與兄弟之經之純同舉進士之
綱宰海陵，修捍海堤，民蒙其施。之經字仲綸，教授德安，
會有邊警，與諸生習兵法，虜果入寇，郡將命奉檄求援，
夜，鎧城以出。至郭，告宣司發兵二千人，又倍道星馳，達
行在所，得兵符，調江池孟師齊等軍赴援，虜遁去。陳攻
守得失，軍政繆戾數十事，請加賞罰，以肅軍旅。時皆壯
之。之純字仲誠，紹熙間，作資時朴議二十篇，以進。縣令
奚士達請典鄉校，教人勤懇，官至臨安宰，以疊幹稱。
判通州李謙仲大有

李大有字謙仲東陽人登慶元二年進士第判通州民田歲苦旱大有相地勢鑿五狼山石麓引江入河以溉之自是歲以稔告而商船亦竟達城下諸貨網聚爲通州無窮之利攝郡事吏持案白事例錢合自支送大有判曰有例可送無法可支悉却之入朝主管官誥院改太常寺主簿遷博士卒於官大有與弟大同極相友愛內外數百指猶同堂共食無間言寧宗爲大書怡怡堂三字以旌之

嘉興通判胡達卿朝穎

東治

卷之三十七

本

光緒堂

胡朝穎字達卿淳安人登乾道進士第歷武昌令通判嘉興時宰相鄭清之家奴暴橫朝穎執置諸法移書謝云以天子之命官撓宰相之奴僕罪當避位清之得書以聞帝喜曰得一佳士矣除守岳州兼湖北提刑至官謂其地爲東南上游非諸生坐嘯之地乃精士類厚公蓄嘗以道學不明詞章隘陋爲歉慨然自信其獨見而躬行之諸生及門者皆超然拔於流俗之表有靜軒集三卷武昌雜詠西湖百韻詩餘各一卷

宜春丞喻伯經偁

喻偁字伯經義烏人登慶元進士第調宜城尉時金人犯淮府檄令尉餉軍由歷陽達鍾離鍾離乃敵衝要法當以重兵護糧護不滿千人令畏縮不敢前偁奮不顧難遂行卒致餉於濠羨餘弗私遷慶元觀察推官調隆興復爲宜春丞宜春地接贛吉吏珥筆成風民善訟偁忤忤諒直聽必以情民退無後言凡訴臺部者必曰得宜春丞一聽死無憾改奉議郎簽書鎮南軍節度判官廳公事改章服陞朝奉郎遂請祠歸築室夫人峯下曰蘆隱所著有蘆隱類稿五十卷隨類錄二百卷

東治

卷之三十七

本

光緒堂

劉令史子由定之

史定之字子由丞相浩之孫也嘉定間令剡清訟治蠶奸黨屏息孝正疆界判定稅籍宿弊一時盡洗嘗捐俸以代民輸奏蠲和買絹四百餘疋築城修學百廢具興治爲一時最詳李宿旂撰治績記

知漳州陳元凱律舉

陳舜舉字元凱崇德人第進士歷知漳州重教養清淨化民民以無擾啊寇起傍郡相戒勿犯漳州清太守邦人德之祀於學宮改知宜州宜民亦祀之如漳

福建提舉徐恭先愿

徐愿字恭先，昌國人。少游太學，文章爲儕輩所重。登開禧元年進士第，居官介潔，落事以勤。後除福建提舉，適黃勇寇發，衆皆縮頸退避，愿獨晏然無懼。婉言撫諭，寇頓首請罪。事平入爲司兼都漕，愿嘗受業於袁熒之門，故文學政事卓絕一時。

知臨安趙德成立夫

趙立夫字德成，樂清人。登開禧第，調龍泉簿，再中法科。由評事累遷大理寺正，出知湖州，改嚴州，儲粟備荒，最

東治

卷之二十七

丰

光緒堂

聲上徹，召爲刑部，進太府卿，兼知臨安府。首以循理二字諭俗，人對理宗語之曰：京師細民當一意撫摩，使常在春風和氣中，遂於府西建春和樓，推廣德意，奉祠去。起爲浙西提刑，兼守平江，有旨和羅立夫奉詔，羅二百萬斛不擾而辦。二年復以戶部侍郎兼京尹，郡民間之皆喜曰：我輩又在春風和氣中矣。尋除刑部尚書，繼以論罷。起知婺州，引疾授龍圖閣待制，提舉萬壽宮，進寶謨閣直學士。卒，立夫性敦厚，仁恕，嘉熙大飢，日粥數千人，數月不倦。病者療之，死者瘞之，杜簞聞之曰：趙德成

活人手也。

知睦州王元敬必

王必字元敬，金華人。淳祐元年以朝奉郎知睦州。先是嘉熙四年夏秋大旱，野無青草，及是春民食枵腹，不給路殍相枕籍，必下車首扇，厨傳節浮費，一意救荒。乞米於朝，勸分於鄉，民賴全活者數十萬已。而修州學，行鄉飲，新釣臺書院，羣子弟之秀者而躬訓之，變枵腹爲含哺而絃歌之聲，作於飢饉之餘，考吏治者至今以爲不可及。

東治

卷之二十七

丰

光緒堂

知南昌樓元齡大年

樓大年字元齡，義烏人。登嘉定癸未進士，調青陽尉。尋知嘉興青龍鎮，擢遂安縣令，改知南昌，爲政先教化而後刑罰。建利去病，若嚆矢然。縣民夜行爲仇家毆死，事覺，賂其甥來就辟，甥自陳殺民狀，甚悉。大年疑之，亟命丞往驗，承受賄，使焚屍以滅迹。大年怒，聞於府，屬錄事覆實。錄事復受賄，如丞。大年正色抗辨，錄事爲引去。上之憲臺，令觀察推定重讞。事始白，民敬之如神。遷通判吉州，提點刑獄李迪以大年廉慎，命錄一道滯囚大年

隨重輕而疏裁之抱成案就迺言咸聽未幾攝郡事江東大姓查氏以父遺書據幼弟資產幾六十萬弟長訴之縣州歷二十年不解迺曰非清白吏如大年者不足以寃此以其事下大年舉張詠決子婿爭財故事爲例命歸其弟人以爲允換承議郎提領戶部犒賞所主管文字尋陞朝奉郎卒於官

知橫州陳正之大紀

陳大紀字正之永嘉人第慶元元年進士調邵陽縣尉遷廣州歸德鹽場陟來賓縣令轉廣州兵鈴陞樞知

東治

卷之十七

主

光碧堂

州改知昌化軍知橫州秩滿適妖賊侯廣李藍六作亂鬱林桂州並爲盜區廣右騷然當諸司環視却立之時大紀慨然以平寇爲已任奉檄即行節制飛虎摧鋒兩軍號令嚴肅動中事機親冒矢石與士卒同甘苦既開諭賊徒散其黨與禽其渠魁訖事僅五閱月入朝奏對召試閣門舍人以平賊功轉兩官主管建昌堡都觀連知雷州懷慶府主管華州雲臺觀引年致仕歸大紀爲人樂易好施與鄉里或值歲歉則傾廩以濟士論推其有序德云

知嘉興孫守叔夢觀

孫夢觀字守叔慈谿人寶慶二年進士調浙西提舉司幹辦公事尋通判嚴州歷知嘉興府所至布衣蔬食躬行節儉蠲租稅省刑罰有古循吏之風

知建康馬華甫光祖

馬光祖字華甫東陽人寶慶二年進士調新喻主簿歷官直徽猷閣知太平州累遷戶部尚書歷陳京師艱食和糴增價海道致寇三害加寶章閣直學士沿江制置使江東安撫使知建康始至官即以常例公用器皿錢

東治

卷之十七

主

光碧堂

二十萬緡支犒軍民減租稅養鰥寡孤疾無告之人屬縣稅折收絲綿絹帛倚閣除免以數萬計興學校禮賢才辟召僚屬皆極一時之選拜端明殿學士知江陵府既去而建康之民思之不已帝聞令再知建康士女相慶光祖益思寬養民力興廢起壞知無不爲蜀除前政逋負錢百餘萬漁利稅課悉罷減建平糴倉以利小民公田法行光祖遺書賈似道言其非便乞不及江東必欲行之罷光祖乃可召起行在遷提領戶部財用兼知臨安府浙西安撫使會歲飢榮王府積粟不發光祖謁

王。王辭以故。及三往。客次。王不得已見焉。光祖厲聲曰。天下孰不知大王子爲儲君。大王不於此時收人心乎。王以無粟辭。光祖探懷中帖曰。某庄某倉若干。王無以辭。得粟活民甚多。再以沿江制置江東安撫使。知建康郡。民爲建生祠六所。尋拜叅知政事。樞密院事。以金紫光祿大夫致仕。卒。謚莊敏。

知於潛吳君友舜龍

吳舜龍字君友。永嘉人。登紹定第。教授處州。知於潛縣。能以清約裕癘瘵。邑人有知縣只飲於潛水之舉。擢監

吏治

卷之二十七

音

光緒堂

察御史。徙秘書少監。出爲浙西提刑。奉命處囚。按歷所至。舉無冤枉。以大理卿召。尋奉祠卒。舜龍氣宇質朴。心事坦夷。無疾聲厲色。一榻蕭然。惟書冊筆硯自娛而已。福建轉運使鄭山甫如岡。子思問附。

鄭如岡字山甫。莆田人。以父汝諧蔭。歷官新淦金華。令守衢。發二州江東提刑。福建轉運使。一以簡靜爲治。入爲吏部侍郎。紹定六年。劾寇猖獗。聲撼永嘉。繼告竭。如岡移書廟堂。通浙東港禁。及置惠民倉。民感其德。相率繪像事之。封開國男。子思問用祖蔭。知武義縣。有活

民政聲聞大著。歷官兵部侍郎。封縉雲郡侯。

知侯官項無欲公悅

項公悅字無欲。永嘉人。出仕所至。有政聲。初調閩縣。簿再調福清縣。簿邑有七賢之誼。公悅居其首。改無爲軍司理。讞閔忘寢食。閩士爲空制司有屯租。帥檄委收。舊例解面加廳輪者。不勝病。公悅一去之。且條陳弊事十餘。帥器重。特薦於朝。留再任。改秋知侯官。治加恢拓。庭無朴聲。會歲旱。禱雨瑞澤。潭潭在萬山頂。披棘徒行。烈日中。數十里下山。驟雨隨注。兩晝夜。歲稔。而公悅病。賜

吏治

卷之二十七

音

光緒堂

知撫州程應辰士龍

程士龍字應辰。慈谿人。登吳潛榜。進士第。主句容簿。時歲飢。督濟有方。老弱賴以全活。知仙居。遷知臨江軍。多善政。民爲立祠。除國子監丞。遷右曹郎。改知撫州。謹刑。患民城中有夜半殺人者。逮繫至六七人。獄成。士龍疑之。俾臨川宰密察之。得其辟捕之一。訊而服。民作平冤

歌頌爲神明云

知睦州季伯韶鑄

季鑄字伯韶括蒼人父衍官淮西安撫使以父澤補將仕郎歷任隨地有聲淳祐十二年知睦州時大水被九州闔闔爲壑壞公私廬舍無數民苦溺且飢鑄既至虛已問俗首蠲私苗十六方請於朝寬京府權糴之令發廩分賑捐抽解場木予被水之家未幾頓復舊觀民忘昏墊進浙東道提舉知紹興改任兩浙轉運使終戶部侍郎鑄篤實縝密愛民利國交際士大夫每舉事中節人皆以爲不可及

卷之二十七

主

光緒堂

知崑山項德潤公澤

項公澤字德潤瑞安人九歲中童科弱冠登紹定壬辰進士第初任龍溪尉再丞長洲改知崑山縣積俸資買田二頃以克學廩復買田計米若干石以給四鄰親爲文勒諸石以防湮沒陰德在人至今猶頌之不喪官終中奉大夫吏部郎中歸老於家復置義莊義田以贍其族自號曰雪坡老人

知崇安趙立夫必愿

趙必愿字立夫以大父汝愚遺表補承務郎銓監平江

糧料院調常熟丞嘉定七年舉進士知崇安縣剖判如流吏不能困修學政立催科法列戶名爲三等以三期爲約足者旌之未足者寬以趣之踰暮不納者里胥程督之民皆感悅願輸華胥吏鬻鹽之弊擅發光化社倉活飢民帥怒逮吏欲懲之必愿曰芻牧職也吏何罪東擔俟譴帥無以詰而止力主義役之法鄉選善士任以推排入資買田助役則免有產之家有感化者出已田以倡遂徧行一邑上下便之臺府以聞下其式八郡四十八縣役滿民共立祠刻石援湖廣總所幹辦公事除克兩浙運司主管文字歷知全常台處四州一循大父之政端平元年以直秘閣知婺州遷太府丞歷官戶部侍郎權戶部尚書忤丞相史嵩之乞免官乞祠皆不許淳祐五年以華文閣學士知福州卒贈銀青光祿大夫必愿平易以近民忠信以厚俗惻怛以勤政才周器博心平量廣而又蚤聞家庭忠孝之訓師友正大之言故所立卓然可稱云

知安吉陳道初淳祖

子深源附

陳淳祖字道初瑞安人登嘉熙第知錢塘以治最聞除提轄榷貨務上萬言書論時事忤宰相出通判徽州以選知南康軍撫治有功除秘書郎遷著作郎兼吏部郎浙西水以倉節兼知安吉州張邱有方列城按堵移福建提刑召爲吏部郎遷司農少卿兼左司時柄臣賈似道每以周公自擬淳祖譏之似道聞之怒免所居官久之起爲湖南轉運副使卒于涿源字直翁善文翰丰神散朗有晉宋風

台州郡曹唐識通聞

史治

卷之二十七

王

光碧堂

唐開字識通山陰人以陰授將仕郎爲台州郡曹治獄恕而有執不屈意阿上指稍不如法輒請去太守劉光以是賢之聞儒術立身其爲吏務在愛民而不爲姑息初罷臨海令以母高年求丞上虞以便侍養時人稱其爲孝

通判袁州徐文之瑒

徐瑒字文之嚴陵人紹定三年通判袁州下車歲當大歉穀價日騰瑒首議發廩委吏抄城內外下戶八千七十九家合寓公大家官司排日出糶未幾准省劄攝守

草孽荒政益不飽獎義糶罰開糶傾州儲倉以濟常平力懇外臺通融米禁全活飢民不知其幾貧者給蠲病者給藥死者給槥收養嬰孩至數百民深德之列肆且且爲焚香祈福他如擊豪強杜請謁假神以惑衆斂財者盡斥去之甫一考擢守建昌去之日傾城士民夾轂焚香而送之出境後返競立生祠肖像以祀之香火之盛迄今不衰

安吉丞王謙父揭

史治

卷之二十七

王

光碧堂

王揭字謙父鄞人登嘉定進士第授安吉丞攝令長興損俸賑水災民賴以不飢再攝新城斥餘財五萬緡代貧民賦遷國子正將作監主簿時丞相史嵩之專政乞補外以避通判婺州御史劉晉之誣衢州掾處因受賕刑獄使者不直之命揭審實揭卒白焉士民莫不稱允晉之雖怒終亦不敢加害晉之蓋史相黨人也後攝郡去之日以羨財數十萬籍於官改秘書丞後守徽州郡廩亡三月之儲暨解去粟支一年帛萬匹所宜得錢復以助少府用遷吏部郎中兼崇政殿說書嘗預修四朝史與服志六卷其手筆也識者以爲有良史才

知建平施德懋

施德懋會稽人。端平間進士。知建平。以操幹聞。位歲飢。多方拯扶。全活甚衆。縣故有學士。以無養失業。德懋奏置田五百畝。招徠俊秀。躬教飭之。士類聿興。如中州。建平之盛。文學德懋之力也。至今祠之學宮。說者以其功與胡文定等。

衢州倅范叔端士表

范士表字叔端。蘭谿人。丞相鍾之從子。嘉熙戊戌。以別院並選登第。由廣濟簿。歷宰湘鄉。以治行聞。倅於祐。又

東市

卷之二十七

手

光緒堂

粹於衢。適郡民有囂衆爲亂者。守懼。委印去。人心大震。老弱星散。奔進士表攝郡。協僚佐集謀。盡爲備禦。計登城撫勞。益兵誅討。越半旬。元惡授首。妖黨鼠竄。十萬生靈賴以全活。軍民雷動。惟呼曰。我輩若無范權州。皆爲魚肉矣。司封郎中杜夔炎誌其墓。稱士表恭而禮。仁而勇。庶而能。洗手奉公。不可干以私。有全活衢郡之功。而賞不酬勞。祿不及德。公論憾之。

知新昌周正輔備

周備字正輔。安吉人。寶祐中。知新昌。剛正明敏。不畏強

禦。時相丁大全引用汚吏。預令州縣上供。備舉手告天曰。備頭可斷。決不爲新昌開此例。上命督責愈急。備終不變。當時咸以頌。令目之。其後他州縣被害。積五六年不已。而新昌以備故。獨免。秩滿。攝監察御史。忌者譏臺臣劾去。公論惜之。

守建昌木德遠天駿

木天駿字德遠。瑞安人。登嘉熙第。教授永州。發明張南軒之學。以淑諸生。課講嚴整。士論允愜。再調福建。帳司知閩縣。閩劇邑。號難治。有政聲。後守建昌。郡人包恢居

東治

卷之二十七

手

光緒堂

政府。族子倚勢不道。漁獵小民。天駿入境。投牒相繼。逮至縣。竄之。邦人作去思錄。紀其事。知饒州。久之。除大宗丞。通攝考功。諸曹卒。

知太平程子爽塏

程塏字子爽。崇德人。以進士歷州郡。所至興學。好士。以名義爲重。軍民愛戴。積官浙西提點刑獄。知太平。發公帑代民輸折絲帛錢五十餘萬。作浮淮堂。以處進士擢其俊秀者。躬自訓督之。士風爲之興起。官終權吏部尚書。端明殿學士。卒。謚清毅。

知台州許肖說子良

許子良字肖說東陽人嘉熙進士第調主餘姚簿未上用宰相喬行簡薦歷太學博士請外出知饒州改知台州樊森相仍負上供錢三百餘萬子良務爲節縮凡典例所宜得者亦謝去居半載郡計裕如子良聽訟據案與兩造相爾汝以察其情情既得卽決遣之同僚與吏無所容其私皆忌之吏白每歲以錢折米二萬斛子良又不許而禁卒有不便者於是嗾其毆獄吏以抵之且相與出危言子良知墮計卽委印去子良性情清介不

東治

卷之二十七

聖

光碧堂

知典國趙應甫逢龍

趙逢龍字應甫鄞人刻苦自修問學淹博登嘉定十六年進士第歷知典國信衢衢袁五州提舉湖南廣東福建茶鹽常平清心苦節日坐公堂事至卽次撫諭惻怛恒以天理民彝爲言民不忍欺常廩外一介不取民賦有通負悉爲代輸斥羨餘爲平糴本後除將作監權宗

正少卿兼侍讀凡道德治理之要縷縷爲上陳說致仕家居四方學士多從之葉夢鼎自宰相出判慶元執弟子禮尤謹謂師門庠廨欲市其隣居以拓之逢龍曰隣里相安一旦驚擾彼雖勉從我寧不媿鄉人稱其厚德知華亭楊廷潤瑾父晞正弟瑾附

楊瑾字廷潤餘姚人父晞正篤厚君子刻意教瑾及瑾弟瑾皆進士瑾初試餘干尉移監華亭稅從嘉興守趙與憲主抄掠田園詭隱畢露遂攝華亭罷其縣民積通及胥吏白納錢酒稅無藝之征吏民請於朝願以爲

東治

卷之二十七

聖

光碧堂

令從之於是修經界立義役前令所不能辦者皆次第舉行之華亭父老謂自有邑以來未之見也遷判平江送者填道終大理卿直寶謨閣學問操履文章政事當世推重之

諸暨簿童行簡居易

童居易字行簡慈谿人登嘉定己未進士第補登仕郎時朝議欲使諸路置買并益司除擬已定居易爲屬官叩光範門歷陳利害命遂寢相國趙葵聞闔淮東以居易攝天長簿時諸路多屯兵每歲索熟制闔下令禁民

採取民失其利居易惻然上書乞弛其禁制閭從之旁
九郡皆獲免丙申冬虜攻城急邑令與主將不協軍民
疑阻危在旦夕居易力爲陳解捍防備至城賴以全調
諸暨簿境有惡少攻剽爲姦尉莫能致居易以計悉擒
之民乃安堵謠曰童主薄威如虎愛百姓擒賊扈上績
課最轉宣義郎知奉寧移判夔州遷太學博士率以身
教學者仰之以言曾子忤旨出判吉州陞中順大夫知
德慶府夷獠雜居民悍難化居易撫以豈弟之政三載
民樂嘒桑門不夜闔獄四屢空尋上章乞歸居杜洲之
東渚

卷之二十七

光緒堂

演學者多從之稱杜洲先生

武進丞趙安行若恭

趙若恭字安行太府卿時詰之子年二十以門功補廬
安新城尉遷蘄州司理轉常州武進丞攝宜興令宜興
豪猾周辛與其黨樂大五環所居爲城以棧塹坑出入
二十年不輸公賦吏累捕之乃決水漂棧捕者死竟不
獲恭曰是可縱乎卽白府選甲士焚其居獲辛等二十
餘人獄成讞於朝戮之以能改浙西提刑司幹官獄有
吳良晉嫂已而嫂繼死吏進牘夜讞風滅燭然之又滅

恭怪之輟而寐夢一老姥謂曰妾吳良嫂也冀理冤獄
明日核其事乃良兄正通婦妻憤而繼正以妻先三日
嘗與良晉陰遷妻尸掛良戶外因坐良恭白諸提刑良
得脫屬舉進士復舉刑法銓當除大理評事賈似道嫉
之出爲福建提刑司檢法平反莊綰等獄二十餘召爲
大理評事添差通判泉州時方就試宏詞未上會元兵
至臨安秀王爲察訪使辟主管機宜文字仍俾率師守
台州及城陷憤鬱不世圖欲復之未幾以病卒

知福州陳叔方昉

史記

卷之二十七

章

光緒堂

陳昉字叔方兵部侍郎峴之子以父任入官知蒲城縣
盜起隣郡措置得宜迄不犯境繼而老弱阻飢極力賑
救境內以安真德秀薦之朝召赴都堂與劉克莊等號
端平八士遷司農丞出知寶慶府未上除入宗正丞進
直煥章閣樞密副承旨權吏部侍郎丐去知福州重士
愛民威惠兼至蠲宿逋却例冊去郡之日帑庾克初閩
人論良牧必以昉爲首召爲工部侍郎景定初以寶章
閣待制知建寧府屬邑產禾一本四十餘穗人以爲善
政所感除吏部尚書引年拜端明殿學士提舉秘書省

進藏資政殿致仕卒諡清惠

知德興楊君寶珏曾孫恕附

楊珏字君寶鄞人登紹定進士第授上虞尉調贛州教授先是學計盡於前官廩餼不給乃捐私橐以助庠校一新改知饒州德興縣縣多奸民肆爲跋扈前令率墮其機穽八年之間去者五人飲氣死者一人珏言於監司設法追捕服其辜奸爲屏息邑居四山之僻民多艱食珏乃節用積錢一百萬置米千斛貯之顯惠倉歉時出之以平市價進朝奉大夫召對稱旨轉朝議大夫出

吏治

卷之二十七

三

光緒堂

知寶慶府會行公田法下郡邑珏曰政以利民不利而行如吾民何不奉令御史朱雍孫劾之免官歸郡民莫不悲泣珏爲人剛明正直不附權貴始終廉介貧至鬻器以自給裕如也曾孫恕字仲如篤學力行歷官憲司知事宋祚將危以忠義自勵不食數日赴菱塘而死

陳令陳子徵著

陳著字子徵奉化人登文天祥榜進士相國吳潛等以著才可大用相繼薦於朝時賈似道當國諷其及門著曰寧不登朝不爲此態遂出授福安令改知嵒宗室外

戚有居嵒者持一邑權前令率以譴去缺令者十有七年又有豪貴布兇徒於僻地剽繫行人役於家及造白契占人田產者著至政教並舉獨持風裁諸豪乃歛戢民賴以安在嵒四年代者至民乞留不得祖帳遮道數十里民不忍舍因易嶺名曰陳公嶺以識去思代者李興宗謂著何以教我著曰義利明而取予當教化先而獄賦後識大體而用小心愛細民而公巨室如是而已累官監察御史知台州

青田丞黃約之仁儉

吏治

卷之二十七

三

光緒堂

黃仁儉字約之奉化人初主淳安簿淳安俗獷悍歲時競渡多殺傷尉懼而在告仁儉攝事處之帖然不譁轉監台州支塩倉攝郡幕給軍衣有紕薄者羣卒攘臂以駭坐上皆失指仁儉徐呼其長諭以禍福羅拜曰黃佛子言敢不聽遷青田丞時永嘉遣海船籍篙師爲兵乞取家屬小人乘勢指怨家妻女爲家人帥司檄使覈實得免人咸德之仁儉書法甚精源流二王而道勁似歐陽率更真草行書皆見於世至今石刻猶有存者元共二十人

知海寧臧慶解

臧慶解慶元人宋末進士第末官而宋亡至元中以薦授知海寧州剛直廉慎門無私謁凡差役皆當貧富而吏無所高下戶口增田野闢政平訟簡爲諸州縣最時江陰飢江浙行省委慶解賑之慶解不爲文具皆躬至其地人給以米所活四萬五千餘人事聞除同知桂陽路總管府事轉奉議大夫廣西肅政廉訪副使故事烟瘴之地行部者多不至而慶解獨遍歷按貪官奸吏八十餘人遷江西肅政廉訪副使有臨江路總管李調素

吏治

卷之二十七

吏

光緒堂

廬陵簿范煥章文中

范文中字煥章定海人幼失怙事母克孝大德中民飢盜起文中手縛渠魁十數人歸於有司餘黨竄伏中書奏授慈谿鳴鶴巡檢陞歙縣主簿尋調廬陵習俗詳健素稱難治民蕭甲與子殺人以誣怨家劉乙文中覈實

遂置甲於法而籍其家豪右無不讐服先是被郡檄推稅於江陵者幸浮其估而利其畸文中承命痛絕前弊得羨錢六萬餘緡悉還於官以廉能遷吳江州判官擢知沙縣造義倉以備凶荒崇儒學以興禮讓年七十致

辭而歸

溫州路總管夏若水

夏若水錢塘人世祖至元二十九年授溫州路總管初至郡歲歉糴米艱民賴以濟雪冤獄創永嘉書院朝命造征爪哇船若水慮更胥病民令民備材躬董其役

吏治

卷之二十七

吏

光緒堂

民咸德之

龍溪尹趙敬叔大訥

趙大訥字敬叔浦江人起家譯賣掾調泉州錄事大盜起寧都衆之無賴男子嘯衆應之遂謀來攻城大訥作柵以禦其衝盜爲引去遷興化錄事轉龍溪尹俗尚鬼

疊石作屋奉紫衣神黥民將爲奸利必牲犬以祭大訥

投神江中投石以修孔子廟庭縣多山畝洞獠官稍侵

之輒弄兵暴掠至煩大將出屯經年不解大訥調禦得

術服從如良民邑大姓怙勢殺人郡守受其財出之大

訥抱案詣府歷指其奸守怒陰中以他罪大訥略無所
懾改永春俄遷永嘉永嘉計口賦鹽民以爲病大訥建
請令富商轉售之民皆稱便州城枕大江水暴岸善崩
大訥列植巨木先以箕芒殺浪勢然後實土以石甃之
岸凡數千尺得不壞進知永新州州民素豪勢出守吏
上聞大訥至皆畏服不敢吐氣鵠湖羅陂皆羣盜藪時
出爲過客患大訥用苛計翦其渠魁餘黨奔散鄉飲酒
之禮久廢大訥講而行之賓主就位獻酬有節揖拜有
容觀者歎悅在官二年告老歸大訥性剛直不憚大吏

吏治

卷之二十七

卑

光緒堂

知蘆州凌懋翁

凌懋翁歸安人任秘書郎出知蘆州實心愛民卽撫兩
僚如赤子廣西蠻寇寇懋翁帥衆禦之寇望見曰此凌
知州也額手而去總帥遂命入他峒招諭幸皆款服與
試江西時稱得人仕至翰林直學士

判諸暨柯自牧諫

柯諫字自牧天台人判諸暨治獄多平反賦役有困民
者力爭於上而除之嘗捕蝗境上有相率爲淫祀者取
土偶人踣而鞭之以示民曰此不能與命吏共禦災祀
之何益明日毀其祠蝗忽飛去後遷江浙儒學提舉

沂州同知彭允誠廷堅

彭廷堅字允誠瑞安人登至正乙酉第授益都沂州同
知毀牛皇神祠驅隣郡上馬賊免橫急徵歛民甚安之
十年除建寧崇安尹其蒞政如沂州時民咸服其威信
鉅山寇周良犯閭闔獨不敢窺崇安境明年以靖土功

吏治

卷之二十七

卑

光緒堂

耀建寧路同知江西寇熾廷堅定建陽平蒲城進薄邵
武設雲梯火駁急攻賊不能支追殲其渠魁尋以克復
功陞福建副帥分鎮邵武又下建寧降其衆未幾盜侵
政和行臺檄廷堅討之時鎮撫萬戶岳煥隸麾下縱兵
爲暴廷堅治其事煥懼乃使部卒爲賊突入左右皆潰
遂遇害年四十三葬崇安民巷哭如喪父母故行部御
史廡其狀爲誅首謀上其事贈中奉大夫福建道宣慰
使都元帥謚忠愍

施容州判官陳宏父達大

陳達大字宏父浦江人少好學儻有大志時邑里初附山谷強橫嘯聚爲寇達大計執其渠魁餘黨解散郡上其功試施容州判官遷平陽所至治績爛然民皆愛戴以病免歸卒

松陽令孫以誠德潤

孫德潤字以誠錢塘人由江浙行省掾史仕爲處州松陽令先是縣籍失實力役無稽民困於徭役適郡符下縣德潤欣然力行計畝均役之法於是以方田擬其頃畝以土會等其硲沃以出貢賦定徭役籍既具適南北

吏治

卷之二十七

聖

光緒

多事征歛旁午縣惟按籍征之民大悅錄其事刻於石

武康令沈夢麟

沈夢麟吳興人至正間由婺州學正遷武康令以儒術緣飾吏治不尚刑罰民愛若父母而吏亦懾服無軌法者所著有花溪集

兩浙都轉運經歷王止善良

王良字止善諸暨人尚氣節讀書務明理以致用不苟事言說歷官處州錄事判官准東宣慰司辟爲令史以庶能稱又辟江浙行省掾史會朝廷復立諸市舶司良

建言若買舊有之船以付舶商則費省而工易集且可絕官吏侵欺拮克之弊中書省報如良言凡爲船六艘

省官錢五十餘萬緡歷建德尹除兩浙都轉運鹽使司經歷紹興路總管王克敬以計口食鹽不便嘗言於行省未報而克敬爲轉運使集議欲稍損其額以紓民力沮之者以爲有成籍不可改良毅然曰民實寡而強賦多民之錢今死徙已衆矣顧重改民籍而輕棄民命乎且浙右之郡商賈輻輳未嘗以口計也移其所賦散於商旅之所聚實爲良法於是議歲減紹興食鹽三十六

吏治

卷之二十七

聖

光緒

百引遷紹興海道漕運都萬戶府經歷紹興之官糧人海運者十萬石城距海十八里歲令有司拘民船以備短送吏胥得並緣以虐民及至海次主運者又不卽受有折缺之患良執言曰運戶既有官賦之直何復爲是紛紛也乃責運戶自載糧入運船運船爲風所敗者當覈實除其數移文往返連數歲不絕良取吏牘披閱卽除其糧五萬二千八百石鈔二百五十萬緡運戶乃免於破家遷浙江行省檢校官有詣中書訴松江富民包隱田土爲糧一百七十餘萬石宜立官府糾察收追之

中書移行省議遣官驗視而松江衛當十九良至松江條陳曲折以破其詭妄言其不過欲竦朝廷之聽而報宿怨且冀創立衙門爲徽名爵計耳萬一民心動搖患生不測豈國家培養根本之策哉良言上事遂寢除江西行省左右司員外郎在任歲餘以中憲大夫准東道宣慰副使致仕辛年七十一

紹興路治中金君澤德潤

金德潤字君澤浦江人爲人忠靖恪勤手不釋卷歷官紹興路治中酷惡豪強所至屏迹人稱健吏

吏治

卷之二十七

忠

光碧堂

知餘姚葉敬常恒

葉恒字敬常鄞人判姚有幹局籌畫久遠姚有捍海堤潮汐決嚙海益內侵民最苦之恒更築石堤二千四百餘丈自是遂無海患至正間錄恒海堤功追封仁功侯立廟祀之

知辰州陳中叔琰

兄宣子附

陳琰字中叔東陽人武舉進士第二時母兄宣子由太學內舍同年登進士第一門兩科人以爲榮琰仕殿步兩司裨贊非一端平間召試後省除閤門舍人出知辰

州撫綏軍民安輯溪洞終於郡治有太平十議雜著春秋三傳

知鄞縣許具瞻廣大

許廣大字具瞻天台人舉進士授慶元路昌國州判官再授武義縣尹俱以廉能聞至正九年調知鄞縣平差徭辨獄訟禮耆德獎後進歲旱禱雨輒應民歌頌之稱爲許父

知上虞韓自行諫

韓諫字自行天台人至正末知上虞時方軍興善取供億民不擾而用亦不乏時有以夏蓋三湖獻長鎗軍者諫言於督軍郎中得寢均西溪湖田定四等賦民咸利之畏壘之祠至今不絕

東澤

卷之二十七

忠

光碧堂

處州路總管凌信翁德

凌德字信翁杭人至元間以懷遠大將軍爲處州路總管連年值旱德乃露頂跣足行烈日中所祈雨每輒應有以詩頌之者曰雨向心中得雲從脚下生郡人愛戴之如父母

知慈谿陳文昭麟

陳麟字文昭永嘉人少貧窶爲吏年三十始立志讀書
 登至正甲午第授承事郎慶元路慈谿縣尹撫摩窮困
 斥逐豪強民被其惠時適里古思在越禿堅帖木兒在
 餘姚皆以能名與麟號浙東三傑僧法因交結臺省麟
 以事置之法御史大夫納麟改置南行臺於越其子安
 安與僧素交視篆初卽令其徒訴冤移文逮麟甚急麟
 揚言曰臺官天子耳目天下之事多有可理者今江南
 諸道大半淪喪宜思振臺綱而肅風紀何獨左袒奸髡
 而輕逮天子執法之吏乎納麟媿而止會方國珍據慶
 元開府威勢日熾屬邑皆奉承恐後麟在慈谿獨與之
 抗糾集義勇民咸樂爲用然寡不能勝衆卒爲國珍所
 執欲殺不果羈縻於岱山海島上尋徙置城中朝廷屢
 除行戶部主事應奉翰林文字温州路遂安知州自承
 事郎屢遷至中順大夫秘書監丞不赴內附後適閩感
 瘴卒

知餘姚汪辰良文璟

汪文璟字辰良常山人初判餘姚號爲應平擢翰林編
 修詔擇循良復以文璟知是州任德弛刑細弱安利有

豪武斷海濱文璟按治其罪然不爲束濕務爲長者化
 導之修舉庠序之教誘進諸生身課其業歲早徒跣禱
 於山川者凡七日得雨有秋海寇竊發官兵厭境文璟
 從容應之百姓晏如及去任懷思不置元末兵亂文璟
 避地餘姚因家焉代文璟知姚者爲郭文煜政治與文
 璟並稱民並祠祀之

兩浙名賢錄卷之二十七終

東治

卷之二十七

里七

光緒堂

兩浙名賢錄卷二十八目次

吏治

明一

太平府同知汪漢文

籍世

洪縣知縣趙伯和

福建左叅議鄭仲持

登州府知府周斌

湖廣僉事鄭好仁

莆田縣知縣董仁仲

桂陽丞姚伯良

安州知州王恩祖

饒陽尹郭德茂

德安丞馬源清

扶溝令陳聚奎

寧津縣知縣朱逢吉

吏治目次

卷之二十八

一

光緒堂

巡按御史鮑克禮

濰州知州吳德基

武進縣主簿朱仲安

德化令應錫祥

獻縣知縣高本中

建昌府知府盧希正義

平涼知府何子文

陝西叅政吳好德

上元令錢伯英

星子令朱悅道

知清江胡秉誠

英山知縣王漢章

雷州守常士昌

附 孫麟

南平令朱守恒

新喻知縣洪鈞

常熟縣知縣柳敬中

邳州知州陳朝陽

父雷

吉安府知府朱仲智

鹽城令王叔珩

祥符令楊文益

杞縣知縣黃元輔

文昌主簿錢謙伯

柘城令周尚德

知泗州王孟暉

石首令方自新

叅政邢景賜

父沂成濟 邢儼附

山西僉事呂升章

廣東僉事杜季璋

刑部郎中王瑄

漢陽守徐信古

閩縣知縣嚴伯宜

子珊 附

河南僉事祝存禮

當塗知縣張廷瞻

蕪州知府朱仲高

興化知縣呂邦用

江寧知縣張大本

吏治目次

卷之二十八

二

光緒堂

潛山知縣俞友謙

臨江推官孫克正

貴溪知縣徐士宗

孫綬 附

餘干知縣蔡用嚴

平陽知縣謝蘭瑾

鄧州知州楊彥禮

刑部郎中周安

江西僉事顧與推

睢陽丞尤堯卿

河南叅政宋廷珪

知袁州姚敏學

江西巡撫趙日新

知安肅駱道升

河南叅政余天祥

邵陽知縣何廷蘭

伏羌知縣李用光

刑科給事朱惟純

子宗岳 附

山西叅議秦維翰

吉安知府陳有源本深 隨州知州仲惟正子謹附

瀘州判馮孟英傑 永清知縣章增

賓州知州俞大雅得儒子附 江陵知縣張德和愷

徐州吏目王宗憲紀 松江府知府葉拱辰冕

安溪縣知縣潘靖 雲南叅議張翰英居傑

潛江知縣陳志行敏政子附 廣東叅政劉有融煒

常德府知府朱廷儀縉 宜興知縣宗必彰顯子附

崖州知州徐廷振琦 濱州知州王惟準均

閩縣知縣張士昭倬 東昌府知府徐琅

吏治目次 卷之二十八 三 光緒堂

廣西叅議甄克修完 蒙城縣知縣方宗淵源

廣東巡撫楊信民誠 廣西按察使江元勛勛

汀州通判吳廷用桓子照附 開封府知府金尚德文

高州知府曹廷遜謙 廬州知府朱廷用鏞曾孫孫附

欽州知州陳德溫淳弟英子附 孫從子珏孫侑附

濟縣知縣葉廷衡衡 秦和丞孫景暉暉

銅陵知縣陳良金鏐 寧國府知府沈士彝性

廣西叅政錢文煥奐 涇州知州劉克剛佩

鎮江府知府林一鶚鶚 潮慶僉事邵叔璋琮孫棟棟附

贛州知府姜廷器璉 高密縣知縣蕭月光昱

平原知縣王宗元愷 知合州金崇厚祺

嘉定知縣王用仁術 淮安通判李誠之文昭

武平縣知縣徐端 鳳陽知府章元進銳

莆田丞朱孟瑜瑾子附 南陵知縣沈德元元

廬江縣知縣梅江 應天府尹吳文英雄

興化府知府王存敬弼 建寧府知府張用載大輪

兩浙名賢錄卷二十八目次終

吏治目次 卷之二十八 四 光緒堂

兩浙名賢錄卷之二十八

東海徐象梅仲和氏諱

當湖陸深原嗣長氏閔

吏治

明一 共一百三十七人

太平府同知汪漢文縉世

汪縉世字漢文鄞人宋尚書大猷五世孫洪武初署行

都督府掾授太平府同知推誠馭下吏民不忍欺事恒

先期而集嘗有三虎踞林岡距城不五里白晝啖人民

吏治 卷之二十八 十 光緒堂

患焉縉世走檄驅之虎即遁去秩滿陞湖廣按察司副

使振肅憲紀姦欺多所擿發然以寬濟明亦未嘗巧為

鈎距以入人罪論者以是賢之

琪縣知縣趙伯和頃

趙頃字伯和縉雲人洪武初耿再成駐兵黃龍山引為

參謀後知羅江縣民俗犢悍推誠慰撫卒化其心遷琪

縣嘗旱蝗頃持耗苗禱於城隍請身當其災以塞為吏

無狀之咎忽有靈鵲銜苗而去頃吏大雨蝗滅歲以稔

告所著有稟鶴集

福建布政司左叅議鄭仲持湜

鄭湜字仲持金華浦江之義門也洪武十四年奸人誣

告其家以交通賊臣事甚危湜兄弟二十五人而五人

為湜之兄仲兄湜先以事在京吏逮捕急四兄欲行湜

奮曰有弟在其忍使兄陷刑辟自請吏請行至京兄瀟

迎謂曰吾家長當任其罪弟無與湜曰兄年耄弟當任

其責非兄罪二人相爭入獄既而太祖聞之召二人

至殿前勞勉之即赦其罪賜湯沐酒食詔拜湜布政司

叅政吏部奏叅政無缺員特設叅議之官以處之遂授

吏治 卷之二十八 二 光緒堂

中順大夫福建布政司左叅議賜冠帶襲衣湜治福建

吏民熟湜家聲相誠勿犯豪將病民者湜與之爭可否

無不畏服南靜縣民為亂誑誤者數千百人部曲多掠

其煩女為奴湜皆言於諸將縱遣去兵不敢譁商有二

人劇盜殺其一而取其財其一人得脫鳴於官捕盜在

獄驗屍無有不肯承湜夜取盜鞫訊因縛置於庭驅吏

案下俾聽其語夜半盜顧庭空無人果私語始知其沉

屍井中明日詰盜以沉屍處盜驚服問人神其政明年

入覲以疾卒於京邸年五十有六湜少奇警受學於宋

太史漁漁稱其長才姿貌魁偉識度宏卓負氣敢爲其事長待人理財御下皆有方所創條教皆可爲子弟法去其死二十年而正學方孝儒誌其墓

登州府知府周斌

周斌錢塘人洪武初知登州九年陞州爲府遂遷知府登並海民瘠斌撫綏有方民日熙阜勸學崇教使海陬僻壤興於禮義者斌之力也

湖廣按察司僉事鄭好仁士原父邦彥附

鄭士原字好仁葵之浦江人父邦彥字昌國好學有高

吏治

卷之二十八

三

光緒堂

志強敏絕出窮經爲文有聲縉紳間嘗舉進士不令即絕不萌仕進意開門授徒學者聞其講說各克然若有待喜編書手自校讐與旨疑義無不曉析望之溫雅可愛炙其言論愈久而益深至其分別賢不肖善惡可否之際凜如也是以君子樂與之遊而小人異趣者畏之而弗敢怨生四子士原其長也剛直有才氣於學無不該貫國朝有天下之四年由進士授奉訓大夫同知懷慶府事懷慶治一州五縣兵後民若籍者僅三萬家士原至官招徠

以有恩平賦稅簡追逮禁吏不得

爲奸召其耆耄告以法意使力作敦本越三年流連四

歸田野墾闢戶與稅增十餘倍河南諸衛軍糧月給鹽

十之三各府役車夫赴河東鹽司輦致民困於道路原

獨牒懷慶衛俾軍自輦鹽衛挾重臣勢令役民如各府

行中書省下府衛雜議士原持不可曰吾郡民寡而事

煩與諸府異使月爲軍運鹽盡驅吾民父子兄弟踵接

河東之途猶不給也其何以爲生且設軍以衛民奈何

役疲民以奉驕卒衛官不能屈皆舉手曰請如同知議

民至今便之考滿除湖廣按察司僉事荆襄之卒先是

乘亂多掠民女婦爲妻妾或脅爲奴往時部使者雖知

其故而畏武臣莫敢究其事士原至民拜馬前號泣訴

立呼諸衛官俾還所掠於民士原精練果敢操持勁正

吏畏其威而強有力者聞其風亦莫敢犯之數千里間

貪猾屏息若臨其家會斷刑安陸府死囚有稱冤者時

獄已上御史臺奏報矣士原察其視之語果不同因

悉其冤狀御史大夫怒曰何物夕麼敢沮格我事大衛

之既而空印事起遂劾懷慶吏誣士原與知士原與辨

不勝遂自誣服輸作江浦明年徙儋真又三年徙京師

以不勝作卒年僅四十有七兩屬士民聞之無不家奠而尸哭者

莆田縣知縣董仁仲

董仁仲金華人洪武初知莆田縣蒞政精勤而持之以公於民一毫無所取公庭鞭朴懸而不用民大悅服卒於官貧不能歸葬民相與營葬於邑之西劉山

桂陽丞姚伯良驥

姚驥字伯良以字行先洛人大父君義知鄞遂家焉伯良性寡默刻志於學洪武中由上舍生授郴州桂陽丞

東

卷之二十八

五

光緒堂

桂陽俗靡多訟尹嘗謂曰何以化之伯良曰居上不貪則斷合理而民訟息時時諭民曰富由儉得貧自奢來食以時用以禮則財可豐不三年訟簡而俗尚純儉士嘉其能詔請京師賜楮鑑勅命山西按察司事發奸隨伏治號神明年三十八卒於官所著有芸憲稿

安州知州王思祖

王思祖仁和人洪武初為安州同知尋進知州在州十餘年為政廉平公慎簡易近民民初甫聽兵馬學草創凡學校社稷壇壝多所創建撫循綏靖民不告勞手

植柏數千章至今民蔭其樹而思之不啻甘棠也卒於官子孫貧不能歸因家於安遂為安州人

饒陽尹郭德茂楨

郭楨字德茂黃岩人洪武初為饒陽尹勸農桑興學校均田賦平力役表節義毀淫祠三年而邑以大治以從兄故坐免遷者察於途囊無長物惟所著書與詩文稿一篋爪髮一束以聞上嘉其清賜紗幘銀帶寶鈔以旌之所著有易說雜評暢軒稿數十卷門人私謚曰貞成先生

東

卷之二十八

六

光緒堂

德安丞馬原清瀛

馬瀛字原清東陽人幼有志操博通經史洪武初官德安丞招徠流離撫綏痼瘵民戴之如父母既而調丞壽陽德安人相隨之任者數百家有候卒於廢寺中得瘞金五百兩以獻瀛命簿錄其數於官帑後歷遷山西按察司副使在官獄詳明民無冤滯以親老謝政詔進一階致仕卒鄉人為傳其事於謚曰孝廉

扶溝令陳聚奎

陳聚奎字聚奎慈谿人洪武中官扶溝令修舉廢墜除革

姦姦。暇則入學官與諸生講解經史。親加收校。尋嗣山西之屯留。土壤饒瘠。民多流竄。與爲出公帑錢輸其通租。流民相率來歸。以憂去。服闋。收都督府都事。成祖念京縣政煩。特授上元令。與蒞政。其月縣以大治。一日。蘄州匠錢氏婦有外私。謀殺其夫。請縣告給門禁。出其喪。既去。與憑几而寐。夢一男子。訴被妻殺。言甚痛切。覺亟追婦。一鞠具伏。人以爲神。遷審理正。再遷刑部主事。仁宗監國時。知興賢。深眷愛之。及卽位。與奏事。仁宗曰。此非上元陳知縣乎。卽擢興騰府長史。

東治

卷之二十八

七

光碧堂

寧津縣知縣朱逢吉

朱逢吉。崇德人。洪武初。應求賢詔。爲中書掾。嘗軸有食。橫者衆附之。逢吉獨不屈。及敗。無所汙。聲譽大起。嘗陳用賢五事。授寧津縣知縣。有異政。民愛戴之。勒碑頌德。陞湖廣僉事。坐事。謫關中教授。未幾。起陝西僉事。進大理寺丞。同修國史。尋命視撫湖水利。及巡北京屯田所。議皆軍國大計。及卒。囊無遺錢。

巡按御史鮑克禮忠

鮑忠。字克禮。鄞人。剛介有爲。以明經。授定海學訓導。洪

武九年。應直言詔。疏治道十策。稱旨。擢監察御史。巡按廣東。平反連州府冤獄七十二人。事畢欲起。忽有白衣人訴冤狀。追之不得。既而見一白鳥。遠憲臺飛鳴。數四。忠疑之。以爲前所見白衣人托以控冤也。命左右密置筆楮於東北。方坐。至二鼓。取之。果得冤狀。云其妻某氏有外私。輒被謀殺。明日如狀往按之。得其情人稱神明。離州知州吳德基履。

東治

卷之二十八

八

光碧堂

謝事以歸。其在南康日。民有王璦輝。仇里豪羅玉成。集衆相攻。圍獄連千餘人。履一言而使之釋。憾安化土豪多糾民爲兵。既盡降。有萬夫長易俊。原者獨負固不服。江陰侯吳良將出兵討捕。履謂未有反狀。請以計致俊。原侯從之。民得免於兵禍。後知離州。來守欲責民償宿驢之孽。息履謂國家富極四海。豈少數匹驢耶。守乃止。由東民願以牛羊代秋稅。官從其言。履與民計。謂牛羊有死。瘠患不如納粟。便獨收民粟。後他縣牛羊遷陝西。民驅走二千里。皆破家而離。獨無患。其爲政類如此。朱

學士昂瀛爲之傳

武進縣主簿朱仲安

朱仲安蕭山人中洪武庚午鄉試授河南鞏縣學訓導因言事遷武進縣簿以善政聞太祖遣行人賞幣旌之有正已幸物庶能愛民之語進知縣永樂初拜監察御史扈駕北征有功遷湖廣按察副使改交趾坐逮謫山東御史奉勅考察會都御史缺上命署院事尋巡按貴州河南居官廉重臨事必存大體聲稱甚長以學行見知仁廟一日顧侍臣曰朱仲安御史中勉楚朕甚重之勅賜寶楮爲道里費使歸焚黃宣德初遷河南按察使人覲課爲十三道風紀之最進通議大夫卒於官

德化令應錫祥履平

應履平字錫祥奉化人洪武庚辰進士授泉州德化令興廢舉墜平易近民考績至部試文優而貌寢不錄於冢宰私題部門云爲官不用好文章只要鬚鬚與胖長更有一般堪笑處衣裳襤得硬綳綳闕者以問冢宰曰必應履平也覆其文果優卽陞吏部稽勲郎兼署考功

卷之二十八

九

先聖堂

獻縣知縣高本中復亨

文選事遷守常德吏治益著陞貴州按察使奉勅同兵部尚書王驥平蠻將軍將福帥師征麓川有功陞雲南左布政使時有太監奉命監造剔漆器皿進用供費百出民不能堪履平諭其將訖工別造私物畧疏欽造數完或且止或加造奉旨造畢起送部檄至履平懷之中道馳入太監怒叱之對曰奉旨請回京出文以視遂解一方倒懸平居履道坦坦而解紛應變裁決如流敷歷中外垂五十年才名德望朝野著聞

東治

卷之二十八

十

先聖堂

高復亨字本中山陰人洪武中詔爲總戎掌書記改知河間獻縣事招集流亡百姓咸歆思之坐累謫鍾離未幾復起知諸城諸城故密地密人廢學久復亨至始樹學延儒教化大行時比之文翁治蜀云

建昌府知府盧希正義

盧義字希正淳安人洪武中舉進士累官刑部郎中出知建昌府以誠確愛民民稱盧慈悲然寬而不縱豪強有所犯不少貸且曰今不慈悲矣秩滿民借留復任九年載當遷以疾辭歸橐無餘資吏部侍郎洪璵嘗寄詩有

袍笏賣來供國賦詩書留得當山田之句識者以爲實錄

平涼府知府何子文士英

何士英字子文蘭谿人洪武中以人材授知平涼府親老乞歸忤旨謫蕪州判官臨民廉謹再乞歸養永樂初起知平涼府編氓相慶以爲重得慈父母會上有較郡庾虧數千石士英方自劾民爭輸之如數考滿去父老避留載道安府以詩送行有前任只留琴與鶴此行惟有影和身之句御屏記蕪吏十八人士英居其首陞兩淮鹽運使先是民苦部差督鹽課者所至苛擾及歲課孽生馬駒倍納不足士英一切奏罷之遭母喪歸吏部察義以其廉能奏欲奪情堅辭終制起復蒞前職始終一節致仕歸卒

陝西叅政吳好德福

吳福字好德鄆人洪武庚辰進士授禮科給事中奉勅撫安四川軍民悉心綏懷夷獫向義懷金寶爲贊皆拒不受陞江西按察司僉事遷禮部員外郎陞陝西叅政先是寧夏鹽池禁嚴斗粟易鹽三兩奏許民納課官量

東治

卷之二十八

十一

沈碧堂

東治

卷之二十八

十一

先賢堂

上元令錢伯英仁傑

錢仁傑字伯英餘姚人通經術寡言自可洪武初召拜上元縣令是時干戈甫定伯英能以敦俗興化爲急不替月而四郊有弦誦之聲太祖嘉之有袍笏之賜嚴人事有未備耳命乃在天夫何意衆皆服其識量

星子令朱悅道文

朱文字悅道義烏人少從王禕游學博才瞻剛方而少許可洪武六年舉明經授知星子縣廉介自持興學勸農務爲休息先是星子貢茶文特疏奏星子山高風冷春意來遲艱於採茶上可其奏遂罷茶貢人食其惠後陞贛州府同知盡心撫綏秩滿民遮道請留至今贛人祠祀不衰人以比朱邑桐鄉

知清江胡秉誠季本

胡季本字秉誠餘姚人起家太學生授建昌府經歷推知清江有惠愛改新淦清江之民與新淦爭乃新命已下卒知新淦新淦號多事喜訟季本爲之纔一年縣庭清肅時出郊問民所疾苦相慰勞如家人父子卒於官百姓廟像而祀之

英山知縣王漢章旭

王旭字漢章餘姚人強學力行隱居教授學者多從之游洪武中以茂才召拜英山知縣縣舊多虎患旭至禱

吏治

卷之二十八

志

光碧堂

於神虎輒避去在官興學勸農民親愛之如父母

雷州守常士昌

孫麟附

常士昌海鹽人懋之裔孫也洪武中以賢良辟爲雷州守永葵自持有古循吏風孫麟成化辛丑進上授兵部職方司主事進郎中時虜寇火篩內侵畿甸震恐大司馬獨倚麟爲重凡條議奏疏皆出麟手陞河南參政時有党雄之亂麟次第削平不煩朝廷一旅陞福建布政司使人覲時以不餽逆瑾逮繫錦衣獄旋釋晉應天府尹有惠政官終禮部右侍郎

南平令朱守恒孟常

朱孟常守守恒餘姚人洪武中鄉貢任南平令最有體要縣遭漁課久不能償孟常奏蠲之江西南兵掠木過南平飢餓瀕死孟常出粟以賑所全活甚衆時遣中官刻期督木至南平期迫而木未集榜笞苛急衆心駭亂孟常力爲安撫夜有神見夢於中官曰若第去朱令在何患事不濟中官覺而焚之悉以付孟常孟常從容處之事濟而民不擾

新喻知縣洪鈞

吏治

卷之二十八

志

光碧堂

洪鈞新城人洪武中領鄉薦禮闈副榜授新喻知縣開塘利民瑞蓮並蒂調屯留縣尤以德爲政芝草產於堂柱陞銅仁守調長沙府露凝冰花呈瑞於府橋士民賦詩頌之謂瑞彰厥德致仕卒

常熟知縣柳敬中

柳敬中慈谿人初舉明經授登封縣學教諭陞常熟縣知縣釐務精敏興植墜廢崇儒敬士開闢田野孔氏子孫有流落邑中者貧不能給敬中曰此守土責也爲娶妻築室宣化門外給產養之又得范文正裔孫復爲築

室膳以飲食。製衣巾具束。修遣入邑庠。其教名教。厚風俗。類如此。永樂初。以憂去。服闋。史民詣闕請復任。陞植州府同知。為政平易。民甚宜之。今祀於學宮。

邳州知州陳朝陽葵 父雷附

陳葵字朝陽。其先邳人。父雷有經濟才。元季為人所誣。謫淮北戍。疏謁高皇帝。一見奇之。即欲用為兵部尚書。廷臣言其太峻。姑試以民事。擢知仁和縣。尋卒。葵少孤。食貧。即母家以養。舅氏余伯熊有識鑒。見葵勤苦。憫之。曰。此兒當有時名。乃教以儒業。葵發憤自樹聲。稱以

東治

卷之三十

十一

光緒堂

彰五軍斷事張元宜。薦於朝。上召見。親問政事。得失。及民間利病。稱旨。拜惠安知縣。改山東單縣。皆著能績。永樂五年。詹事府丞陸中善薦其才可大受。遷邳州知州。凡九年。利澤深厚。民戴之不啻父母。

吉安知府朱仲智

朱仲智。永康人。洪武中。以人材舉。授吉安知府。寬厚。廉潔。剴革吏弊。禮賢愛民。民其戴之。被召。改重慶知府。吉安人思慕不已。後得蘭芳繼之。其為政太類仲智。吉安稱賢守者。必曰朱蘭。

塩城令王叔珩珩

王珩字叔珩。會稽人。少力學。有志事功。洪武中。陳時務十策。有裨治道。授塩城令。典華利獎氏甚德之。永樂初。遷刑部主事。不就歸。

祥符令楊文益添

楊添字文益。西安人。居家孝友。練達世務。元末。隱居不仕。洪武辛未。以人材徵。授道州巡司。機察軍兵。揭糞事。上識稱旨。進建功郎。監榷羅源。永樂初。詔求賢良。閩省舉添以應。陞河南祥符縣知縣。明察內敏。清操冰蘗。薄

東治

卷之三十

十六

光緒堂

賦。緩刑士民。稱便。先是。強民李四漢。援附權貴。挾勢害民。添按捕而誅。鋤之。四漢計脫去。令奸屬捧赦書直至公堂。開視之。乃胡元條例也。添乃詰執元惡。及諸醜類。平訊之。盡得其諸所奸利狀。請於朝。悉流之塞外。四境肅然。民為之歌。曰。吾人植楊侯力。鋤強梗。辨冤抑。民以安。眾足食。天道公。世其職。宦成之日。居功益謙。欲追踪卓魯。以展其蘊。會貴戚稍不法。添屢加裁抑。竟被誣謫。丹巴縣。尋卒於官。後仲子儀知鄧州。道經祥符。父老。繼拜如添生還。

杞縣知縣黃元輔牌

黃隣字元輔諸暨人性簡重工文詞居鄉持重洪武初徵爲翰林院典籍遷御史以老出知杞縣道民興學政事雅茂一時稱爲儒史尋告歸嘗手編縣志後多本之以簡核名

文昌主簿錢謙伯遜

錢遜字謙伯山陰人性至孝母卒廬墓洪武中以薦授寧夏水利提舉吏日修河防賁邊餉既還大將何福奏遜特有功拜孟津知縣蓋盡心民事改知弋陽坐累謫

吏治

卷之二十八

十七

光緒

戊復以薦對策稱旨授文昌主簿文昌居海島夷俗悍戾遜宣布德意化行嶺海間遜狀貌魁梧言行詳定夷險一節雖歷危變卒能以功名終素工詩有遜齋集二十卷

柘城令周尚德弘

周弘字尚德慈谿人古學敦行洪武中以懷才抱德薦拜柘城令在縣九載寬厚廉謹愛民如子試暴橫節用度一邑大治民爲立祠祀之後吳江趙寬慕其人拔視柘城臨祠再拜贊曰生以名賢稱死以名賢祀若周公

者台無間然矣

知泗州王孟暉

王孟暉諸暨人初知泗州奉公約已教民耕作飭勉諸士視其雅慤者傾身禮之最聞擢知肇昌坐謫謫瓊州府同知緝紳投荒裔者多跂足待滿而已暉獨盡心修職所行無一事不中人情者又喜廉察有風岸瓊人至今稱之

石首令方自新

方自新諸暨人洪武中以孝行舉授齊安驛丞擢石首令在邑以寬化民有愬告進而兒女語之民至牽令襁

卷之二十八

十八

光緒

相爾汝勿加咄叱會民負逋上官督責旁午掠無完膚自新憫之召耆老富民諷諭之乃先出俸爲士民倡竟得米萬餘石爲民代輸餘九百石儲爲義廩自是飢荒有賑流徙復歸者三百戶石首仍夷俗不知喪禮自新爲陳孝感之義戒以法制民乃遵其教洪武三十年上遣使覈海內徵需實數郡縣皆得罪石首舊蹟無稽自新亦就逮父老相率走京師請貸不報竟隸作所明年廷臣言石首有異政所坐甚輕上特宥之

超拜鄖陽守郡遭旱蝗通租十餘萬石民至死無以償乃上疏乞入楮幣代租上從之上津竹山二縣土瘠而民貧科繇乃與壯縣商自新爲奏減租稅之半未幾中原構兵中使四出督轉輸括兵器問閭閻動自新以郡當痼瘡之餘不忍重困請自繫中使初愠而終義之凡所賦得減他郡考績比上至龍江卒鄖陽人哀之如喪慈父

河南恭政邢景陽旭 父沂成濟縣人

邢旭字景陽金華人父沂從范祖幹游以詞翰知名與

史

卷之二十八

光緒堂

邢倪成瀾俱嗜吟咏互相唱和號山中三詩友旭學於家庭登永樂二年進士累官河南恭政適歲旱涉修舉荒政民賴以安奏免二程子孫徭役賜田土正統初陞四川布政革弊除奸撫養軍民恩威並著夷酋王永壽董敏失和治兵交攻朝廷遣帥討之旭卽身詣其寨諭以禍福皆釋甲待罪請遣子入質進馬謝恩師遂不戰解還未幾致仕卒蜀人追思惠政立碑成都

山西僉事呂升章升

呂升字升章山陰人洪武中鄉貢典教漢陽以薦擢江

西僉事號有風裁永樂戊子改山西境多虎患升爲檄告神虎卽就捕以憂去復改福建僉事按部至建寧螟害稼升仰天祝之雷雨驟作螟盡死宣德初遷大理少卿升兩爲會試同考官所舉皆一時名士年七十致仕至九十二年

廣東僉事杜季璋瑄

杜瑄字季璋東陽人由永樂鄉薦入太學會詔選有學行者補侍從授兵科給事中立朝評議陞廣東按察司僉事治獄平允民稱不冤嘗巡海道邏卒獲賊船內四十餘人俱飢困瀕死議者欲棄於海瑄曰不可恐誤無辜也令飲食之明日俱甦詢之乃寧波追賊軍船遺風飄墮南海耳遂移文歸之陞陝西副使以疾乞身歸

東治

卷之二十八

光緒堂

刑部郎中王瑄

王瑄長興人登永樂乙未陳循榜進士歷官按察使初爲刑部郎中時會囚越獄有數十輩辟獨不去堂訊之曰王郎中必不枉我又理刑直隸賑恤流亡修復水利民多德之

漢陽守徐信古述

徐述字信古建德人永樂中由稽勲主事擢守漢陽首

新學校勸課農桑公明有守吏民懷服值歲歉民艱於租諭開市得穀數十萬代民輸之民以不困時有虎傷人爲文禱於神虎卒就捕人以神明太守稱之外艱民勿忍去既去思之如失父母歷官福建鹽運使致仕卒吏部以其治最進中議大夫贊治尹

國縣知縣嚴伯宜祿

子珊附

嚴祿字伯宜開化人自少好學洪武中以薦除太僕羣牧官三歲罷羣牧收國子監掌饌晨夕會饌祿執事惟

吏治

卷之二十八

主

光緒

謙簿正器皿分屬膳夫具有條緒應用弗失以是雖千百人萃七箸絕無譁者自祭酒至六館之士皆稱之故其才名以刺劇聞永樂初用薦陞國縣知縣縣在會府臨其上者貴重且衆而朝命之使及海南諸蕃國貢獻往來宿頓供億之繁應接奔走無寧斯須祿從容應辦如在掌候時事集而民不擾閭閻舊十倍他邑民不克堪力言於庶平其賦民到於今頌之改知縣縣愛其民與閭等尤篤意於興學民其稱無幾卒於官子珊乙未進士翰林庶吉士授刑部主事贈祿如其官

河南僉事祝存禮戒

祝戒字存禮蘭谿人洪武乙亥以詩經貢入大學尋授刑部主事詳刑必依律條參以經義時稱平允歷陞河南按察司僉事嘗鞠疑獄不能決忽庭中鬼物作聲戒命之曰惟爾聲所指乃哀鳴前導引戒至古井傍投入之遂得其骸寃乃雪外艱服除改監察御史刷卷三法司其中回曲必條分縷析而直之無隱再調湖廣並事憲度一如河南陞福建副使凡賦役貢稅之重者悉爲民請命一時出之水火以老乞致仕歸儲書數千卷日以教訓子孫爲事稍暇則召宗族故舊道遶於長林曲水間優游泉石復十餘年以無疾逝戒初受學於董心傳每過其門必下車一日沉醉徑過里許仍返駕徒步如初君子稱其有禮

吏治

卷之二十八

主

光緒

當塗知縣張廷瞻崑

張崑字廷瞻上虞人舉永樂辛卯鄉試授宣城教諭陞當塗知縣當塗在畿內號劇縣賦繁役重崑爲之裁省求其敝弛而更張之暇日從二卒循行鄉落視其作業以懲勸其勤惰灼灼然如家人父子嘗奉憲檄攝廣德

州事出其緒餘甫閱月而州治流民占復者以千數擢
南京雲南道監察御史以風力稱二載陞鎮江府知府
鎮江密邇當塗務尤簡以崑才治之事不勞而理民不
待喻而自化未幾以憂去起知泉州泉大而民驚崑稍
濟以猛毀尼僧廬舍百餘區即其地改建社學里豪王
大觀結黨數十人爲州里患侵漁公賦有司莫敢何問
崑檄致之庭下數其罪杖殺之一郡稱快而大觀子稠
竟仇崑潛走京師誣崑他事時適入覲聞之即自詣獄
上命廷臣按其事至泉泉人頌太守賢者溢達道而其
吏治

卷之二十八

圭

光緒堂

事果証奏

上即日釋崑移知荊州而竄稠黨於北徽

崑治荆無異於泉而政尤嚴明九載考績乞身歸歸四
年以疾卒崑自爲校官以至治劇邑典方州操履三十
年如一日所至以教化爲先事至立斷吏無所售其欺
兩造具備一言折服卽素稱詭誕者不敢逞其辭故卒
無嚴刑峻罰而惠愛常周於百姓當塗之民至今思之
遇崑鄉人必談其善政至壹壹不已且問我公安否何
如有繼以泣者

蘓州知府朱仲高勝

朱勝字仲高湯溪人永樂初由舉人授刑部主事歷員
外郎郎中出知武昌府未幾調蘓州所至政績爛然種
人歌頌總政十善流傳中外奉勅褒嘉超授江西左布
政使卒於官

興化知縣呂邦用童

呂童字邦用新昌人永樂中以貢知興化縣宋范文正
嘗令是邑流韻猶存童至務自砥礪旌異節除宿弊百
廢具舉豪吏積奎鄧信交通巨璫視令丞若僚佐童舍
忍歲餘一旦盡發其奸奏而磔諸市境內肅然日與民

吏治

卷之二十八

圭

光緒堂

治溝洫修鄉校在任十三年始終若一日部餉東南事
竣還縣以瘁卒民號痛朝夕莫如喪考妣與文正並事
名宦童有識鑒一見高文懿穀於童稚中卽以宰輔期
之穀終身執弟子禮爲童銘墓述其惠政甚悉

江寧知縣張大本得中

張得中字大本郵人永樂初以茂才徵歷政地官奉勅
往山西教民樹藝適大比因就試中式尋登魯察榜進
士授刑部主事收工部擢爲應天江寧令京師亦縣機
務繁劇前令率繩之以法得中更以公恕簿書期會米

鹽細故必躬親之民有犯法當流者其母訴乞留養得
中曰民頑犯法固可罪也母老失養尤在所矜寧失不
經以爲孝道勸卒杖而遣之有隸於公所貧困莫支者
卽弛其役且遺之衣食每丁夜而起丙夜而息未嘗樹
赫赫之聲而民安其政以薦脩永樂大典書成還職
年四十六以疾卒得中性嗜書自起家至歷官無日不
親筆硯所著有思牧集書圖櫛英

潛山知縣俞友謙益

俞益字友謙臨安人登永樂甲申進士第爲翰林庶吉

吏治

卷之二十八

主

光緒堂

士預修永樂大典授靖安知縣有惠政改潛山大興學
校造士多爲聞人秩滿當去邑民千數請闕乞留再任
卒於官室如懸磬至無以爲歛吏民哀慕而助給之始
克襄事皆白衣引柩送歸葬於縣東之靈鳳原尚書王
直表其墓

臨江推官孫克正景名

孫景名字克正富陽人孫鍾之後永樂戊戌進士授福
建道監察御史改揚州府推官調臨江折獄詳慎有瑞
蓮生於治事廳之沼陞涿州知州蝗不入境調潁州典

學校恤流通麥秀至三五岐人歌頌之卒於官

貴溪知縣徐士宗 孫授軒附

徐士宗山陰人永樂中知滕縣再令貴溪以惠政得民
歲甲午邑大水士宗奏蠲田租三之二又請以租折輸
布民田之汚者盡除其租有婦人訟其夫爲仇家所害
士宗鞠之無驗忽有蚱蜢飛集几案士宗祝曰爾有冤
當集仇人身已而果然因始伏辜境內稱爲神明進廣
信通判仍知貴溪縣事在縣幾二十年既去民祠祀之
後百數十年貴溪徐貞明來令山陰猶爲樹坊曰循良
世澤蓋貴人之見思如此而士宗孫綬及軒皆以貢起
家故稱世澤云

餘干知縣蔡用嚴胃

蔡胃字用嚴鄞人永樂乙酉中浙江鄉試入太學以薦
授宜春令復改餘干愛民如子有干憲度者必論使自
新未嘗輕有笞罵清修苦節薦饑雖臘不納室中梁
一版書數帙而已御下和易而不貸於惟貴以故不諧
於郡時吏部尚書郭璉巡撫江西郡言胃徵科無法考
下當去民相率走百里外聲胃寬且言數十年來未有

蕭公愛民如我。蔡父者尚書奉命來奈何斥之。愼車下。璉歎曰。吾行縣多矣。未有一民頌其令者。有令如此。郡言詐也。復行百里。還餘干。更考。曹最遂以貪斥。其郡貳。曹爲人。閭略有雅度。余從鄉先生烏斯道游。少長侍父遊宦武昌。適楊士奇遊學。相與討論。切磨故學。行。嘔然出於時流。

平陽知縣謝廷蘭璉

謝璉字廷蘭。鄞人。舉永樂丙戌進士。授刑部主事。歷員外郎。郎中。持法平允。遷知平陽縣。平陽俗尚武悍。璉至。

東序

卷之二十八

主

光緒堂

戒其屬曰。治民在順其恒性而已。順則不擾而民安。由是所部帖然。尋丁外艱。民以借寇爲請。上可之。秩滿陞廣西按察使。寬獄多所平反。軍民畏服。年五十七卒於官。璉魁梧。倜儻。政聲卓異。尤長於詩文。所著有螭濡集若干卷。

鄧州知州楊彥禮儀

楊儀字彥禮。祥符令添之子。以國子生中應天鄉試。任河南鄧州知州。學術正大。以禮化民。有爭訟者。必諄諄勸諭。使相感悔。不得已然後用刑。爲政不苟。立規設法。

刑部郎中周安

遠過常情。務追古之循吏。在任未久。卒民哀思之。至今周安仁和人。由國子生授刑部主事。進郎中。盡心獄事。低氣平心。以求其情。刑不施而人自服。陞江西按察司副使。卒。歷官二十餘年。而家無尺寸之增。人服其廉。江西僉事顧與權異。

顧與字與權。慈谿人。永樂壬辰進士。文皇帝親選方

面重臣。授與江西按察司僉事。公廉仁恕。巡歷所至。訪察幽隱。民間銖兩之奸。必達人以青天目之。後還山東。

東序

卷之二十八

主

光緒堂

參議恪守清白。終始不渝。卒於官。大理卿夏時正稱之曰。俸無十金之積。可方古之廉吏。

駐陽丞尤堯卿夔

尤堯字堯卿。嘉興人。永樂初徵授睢陽縣丞。蝗移備邑。徬邑移文曰。願如法撲捕。毋縱入境。夔及牘曰。蝗非家畜。敝邑豈能縱之。苟有德政。召和弭災。蝗將遠去。幾苟不德。蝗亦復至。敢讓隣耶。傍邑媿服。

河南參政宋廷圭琰

宋琰字廷圭。奉化人。永樂乙未進士。選庶吉士。侍皇太

子監國南京十九年召修大典書成授中書舍人宣德初遷禮部主事以親老乞歸省未逾月驛召還京正統改元選入史館修宣宗實錄未幾以外艱去服闋轉吏部考功主事入直內府九年遷河南右叅政時汝陽旱蝗琰往治之額天自咎蝗弭而歲轉豐稔歷官兵部侍郎蒞事南京逾月卒琰性溫雅居家以孝友聞歷仕四十餘年所至輒擅能聲恒以文自娛有拙庵學言集藏於家

知袁州姚敏學文

東治

泰之二十人

光

光

姚文字敏學崇德人登永樂乙未進士第歷知慶遠徑種雜處難馴易動文一以至誠待之無不感服改袁州將代百姓數千人伏關借寇仍聽守袁卒父老率其子弟會哭於庭皆失聲文平生清苦自持歟歷中外幾四十年一介不妄取當時以爲廉吏

江西巡撫趙日新新

趙新字日新富陽人永樂初由國子生授工部主事權吏部郎中精敏辨決長於運籌督儲轉餉茂著勞績擢榮右侍郎巡撫江西綜核吏治使百司無廢務慮軫窮

閩勸宜德意以佐民急臨事籌畫每中機宜長於合變至以漕淮之舟運西江之粟兵農兩利民甚便之近世稱督撫之良者擬之於文襄肅愍云官終吏部尚書

知安肅駱道升仕隆

駱仕隆字道升武康人永樂癸未中浙江鄉試會試以註誤謫戍冀州未幾應詔以明經薦至京師上親試合三千七百人得張龍等僅十名而仕隆名次第六奉勅採木四川十載始竣事歸出知安肅肅明勤恪吏民畏懷九載擢保定府通判父老周原等赴闕奏留得旨加俸仍視縣事復五年擢知秦州九載致仕歸秦之父老相率送至家三日咸涕泣別去道隆歷官二十餘年生產僅具饘粥古有介士庶幾近之

河南叅政余天祥麟子洵孫杲附

余麟字天祥鄆人舉永樂癸卯鄉試授主客司主事轉儀制進郎中有言襲封孔子緒非嫡系議奪之命往勸麟曰聖公襲爵非一世嫡庶誠難辨倘勘不實將何據易之衆議遂寢進主客郎中適河南河溢特授左叅政往治之至則度水勢築隄防雨甚奏功詢民間疾苦而

賈之。登吏治。洗墨樹。凡六年。眾口譽為循良。陞本省左布政使。時中貴執柄。麟不能隨時俯仰。遂乞骸骨。歸。子洵字允清。五品京官。子克國。子生。遂舉正統戊午順天鄉試。歷官刑部員外郎。郎中。陞福建按察副使。改湖廣。復改陝西。撫治漢中。陞右叅政。轉右布政使。歿。歷三省。賢聲大著。孫果字懷明。以貢授常州府學訓導。以身率士。上十事於朝。不報。遂致仕。人謂其克世家學云。

邵陽知縣何廷蘭永芳

東治

卷之二十八

主

光緒堂

明年成進士。洪熙改元。預修兩朝實錄。書成。授湖廣邵陽縣知縣。持身肅謹。勤於撫字。其年大治。適歲飢。勸富民出粟。分給存活。不可數計。召拜監察御史。出按山東。暨直隸。蘓松常鎮。所至明憲紀。以糾奸慝。貪墨望風解綬。時倭寇東南。邊海諸邑日受焚掠。永芳嚴為之備。倭不敢犯。朝廷嘉之。降璽書褒諭。復按江西風裁。益厲豪右。為之歛迹。陞河東鹽運使。少保于謙察其才。薦陞河南按察使。施設適宜。民懷其惠。尋致仕卒。

伏羌知縣李用光貴昌

孫居義附

李貴昌字用光。餘姚人。永樂中進士。初知伏羌縣。羌故無城多寇。時時攘竊為民患。貴昌為計度募民城之。改知江寧時。上每北狩。眾務聚雜。貴昌料理精敏。事辦而民不勞。尚書蹇義薦為吏部主事。扈駕至燕。卒於邸。孫居義領鄉薦。為劍州學正。庶介自持。長於古學。所著有文則文斷五倫贊。矮庵等集。

刑科給事朱惟純純子宗岳附

東治

卷之二十八

主

光緒堂

部考上。上拜刑科給事中。奉命檢閱福建帑藏。清弊祛姦。吏奸無所容。繼以飭軍政。使遼陽按視管壘。奏益軍士衣糧。邊人至今德之。終廣西右叅政。子宗岳繼其業。為學官。所著有如夢集。

山西叅議秦維翰岳

秦岳字維翰。慈谿人。舉永樂丁酉鄉試。卒業太學。拜兵部武選主事。轉職方。進郎中。調刑部。宅心平恕。不事嚴刑。而犯者輒得其情。人以不冤。陞山西布政司右叅議。督理糧儲。時水旱相仍。有司催科逾迫。而逋積愈多。岳

曰暑雨艱食民方怨咨急之使倍償以償是轉之溝壑耳况歲且有秋乎因屬其耆老而諭之民大悅越三月鞭朴不施而適積以清丁內艱去服闋調廣東以疾卒於官岳性寬厚樸實無驕矜伎求之行嘗大書勤儉公耐諫和六字以自警有加以非禮者弗較益禮遇之以是稱為長者居父母喪足跡不入城府不事干謁義不容辭者則曰若事費若干我能助之謁人吾不能也自奉儉樸以清約終

吉安知府陳有源本深

東治

卷之二十八

聖

光緒堂

陳本深字有源鄞人舉永樂戊子鄉試授刑部主事遷員外郎郎中出知吉安府政尚寬平作典士類愛小民如赤子而獨以除盜去姦為急誅鋤橫暴不少貸時樂安魯子良聚眾萬餘殺太監山僧據險為寇本深以地逼永豐督千戶王業率兵往禦寇果侵境大破之擒其渠魁以獻安福有豪民彭搏肆暴於鄉有司莫能治乃密聞而籍其家九載秋滿吏民相率走闕下奏留之特加正三品祿進階正議大夫贊治尹治吉安如故未幾以老乞身歸在任凡十八年初本深蒞郡政舉大綱不

屑苛細比巨豪既殲屬邑順治益濶陳法網與民休息每晨伐鼓出堂上坐堂吏白無事即鼓而休癢間有訟訴輒呼至榻前折其曲直而遣之亦不受狀久之士人有嘉慶肅之舉輒就燕罷則左右互携果餌遇坊市小兒則投而啗之往往擁其輿蓋屏前民有舉女者漸見其長已乃及笄笑而言曰穉中兒已字矣尚能留此耶去志遂決吉人至今思慕之

隨州知州仲惟正端子瑾順附

東治

卷之二十八

書

光緒堂

仲端字惟正海鹽人舉永樂辛卯鄉薦赴禮部不就乙榜卒業成均授隨州知州恤困窮達幽枉民日以安通寇丁朝龍聚眾流劫至是詣庭待罪端別首從治之皆頓額心服去宣德庚戌進階奉直大夫調廣德端一以治隨者治之民安而頌聲作秩滿赴調眾擁留幾不得行致仕歸從容家園謝絕人事益以樸素自任望之如太古遺民卒年七十七子二長瑾教授於鄉以古耕次順自太學官汀州訓導皆循謹有父風

瀘州判馮孟英餘

馮傑字孟英金華人永樂中貢入太學時方營建考選

管工授瀘州判官佐政。應平民與從化召拜監察御史。巡按福建奏減銀課。巡兩淮奏寬鹽課。繡斧所臨民咸被德。景泰初廣東盜起州縣騷動。朝論以傑歷練老成陞授廣東按察司使隨方撫討。未幾盜平致仕歸。

永清知縣章增

章增遂安人。宣德間由太學生授永清知縣。值歲累歉增設法賑濟民感其惠。邑有鐵河久塞水利不通。荒田五百餘頃增爲浚之。自是田闢而歲登。民歌之曰鐵河穿田有年。桃花洞聚寇千餘人。自昔負固爲患。增請於

東治

卷之二十八

主

光緒堂

朝曲宥其罪。皆帖服爲編氓。未幾改知華亭。永清民數千狀其政績乞留弗獲。居華亭六年以疾卒。

賓州知州俞大雅得儒

子齊附

俞得儒字大雅。郵人。登永樂辛卯進士第。選入兵科。改庶吉士。授行在監察御史。時西南夷朝貢至境。俞得儒往蒞其事。惟以庭實上貢。其他珍異悉貯之公帑。弗獻。時論以爲知體。辛丑詔直言。乃與給事中柯運各率同官。歷陳六卿曠官事。上命六卿與該官論難而諫官十不得一。遂出得儒知賓州。柯知安福縣。賓故隸南粵。

介在邕柳。人多稅令梗化者。得儒至修其政。教風俗。正變。宣德丙午交趾不庭。總戎檄之督餉。民弗知勞而兵食俱足。師至浮梁江得儒建議用藤纜布橋而渡。用是大捷。扶蒲論奏廣西副使李立食暴事。李謫戍雲中。而得儒遂乞老以歸。子澤天順丁丑進士。歷官四川僉事。

江陵知縣張德和愷

張愷字德和。郵人。宣德中以太學生補江陵知縣。遷工部主事。進常州府知府。命下而卒。愷始爲江陵時王爵校卒見令坐不起。卽啓王杖而遣之。王爲不法。張甚愷。

東治

卷之二十八

主

光緒堂

白守曰王不可繩以法而吏又不得問。宜密聞於朝。請上治之。遂與守列上其事。朝廷察王所爲果不法。遂廢錮終身。邑人快之。守未嘗以屬吏待愷。常呼曰大尹。時朝命總兵都憲征交趾。所過州縣官無不遭譴者。遶江陵愷以馬肉餉軍。一軍咸喜。總帥奇之。欲試愷倉卒日。瞞行。牌立取火爐及架數百。愷卽命木工以方漆。車鋸半脚。卽其中坐鐵鍋。燃火。又取竹束火燎數千。愷卽過收民家葦簾應之。又取馬槽千餘。愷卽命針工并各戶婦人以綿布縫成槽。綴槽口以繩。用木椿張其四角。銅

馬良便卷收前路足用三事皆應酬於倉卒總帥服其才智遷工部主事周文襄忱巡撫南畿例以戶部督運文襄特奏忱同行每到州縣輒先言忱不可犯松守欲嘗惶以美綾三百疋置舟中來迎比登舟見之悉以綾封庫欲舉劾守懇所得免由是守長皆自重犯法惶於吏治精敏果幹論事機張健閉卽有隱奸目所指取必得其情故豪民猾吏不敢有所觸犯獄無繫囚稍積數人卽決遣之從子叅政琦嘗論著懷事爲詳云

徐州吏目王宗憲紀

吏部

卷之二十八

七

光緒堂

王紀字宗憲海鹽人正統壬戌由歲貢授徐州吏目徐當孔道酬應百出幕官職卑務猥鮮克見所長紀能以計智束約吏民雖劇後無不立辦吏民稱其居僻爲南宅聞命令自南宅下者則心服力赴惟恐後由是大有聲譽出守長上時都御史王竑巡撫南甸值歲飢流民蔽道率告於州州長欲上請紀曰若然必將求民於溝壑矣卽毅然身任其責發而後聞全活者甚衆都御史大奇之方首列薦劾會外報歸服闋赴吏部奏罷海鹽民兵蠲免徐州冗稅俱報可紀欣然曰吾事畢矣遂稱

疾致仕歸優游桑梓十有五年而卒

松江府知府葉拱辰冕

葉冕字拱辰上虞人砥之曾孫正統中進士歷知松江府廉明公恕民畏愛之時歲屢不登冕悉力賑救賴以全活者甚衆郡有殿山湖其半屬崑山界湖隄壞彼此莫肯修冕一體視之爲築隄萬餘丈藉人愧之累遷右副都御史致仕初冕在松江樂其土風旣解官買地秀野橋之西居之歿葬北錢里

安溪縣知縣潘靖

吏治

卷之二十八

羊

光緒堂

潘靖金華人正統初知安溪縣恤窮獨抑豪右逋逃者來歸強慢者懾服邑嘗大侵靖禮諭巨室各輸所餘以賑貧乏而民不知飢卒於官邑人痛之如喪慈父

雲南叅議張翰英居傑

張居傑字翰英上虞人正統中舉於鄉司訓章丘召拜吏科給事中知無不言皆切時務歷雲南叅議江西叅政所在有幹濟風譽赫然以最遷山西左右布政使卒

潛山縣知縣陳志行敏政

子良器附

陳敏政字志行其先湖州長興人後卜居仁和登宣德

丁未進士初授潛江知縣爲政廉平不肯奉勸慎密四民樂業賢聲蔚起再轉至南康府知府宅心公正輔善抑強後社倉修石限建白鹿書院百廢具興郡人德之從祀周濂溪朱晦菴二先生祠子良器官至應天府尹

廣東參政劉有融煒

劉煒字有融慈谿人登正統乙未進士歷戶科都給事中屢上封事劾奸秩貪人憚其直每忝朝議一二言即次同時林聰疏事有條煒論事簡截時以林聰手劉煒口月之遷廣東參政分隸惠潮地險多寇煒至設方略

東治

卷之二十八

五

光緒堂

與民約東就令簡嚴盜聞輒解散時四境皆盜區無完郡獨煒所部晏然無警民甚安之留四載不代移守南韶賊輒不敢犯界成化改元王師徇兩廣韶當師衝百兩軍需皆煒區畫晝夜靡懈觸瘴癘卒民皆爲之巷哭

常德府知府朱廷儀縉

朱縉字廷儀餘姚人正統中舉進士拜南臺御史以剛直見推閣禁兵悉識其材卹勇怯賞罰明信士卒屬心出爲常德守求其利害廢置所宜日月辨治之張弛稱便在郡六年政平民和考最天下卒於官民立祠祀之

宜興知縣宗必彰顯

子佑附

宗顯字必彰鄞人正統九年舉人任宜興知縣辨察民冤一介不取人呼爲宗青天改大興陞南京都察院經歷以不樂進取遂致仕家居貧不能自給在宜興時幾四十餘未有子士民聚禱於萃祠遂得子因名佑登庚戌進士主考徐溥拆卷見佑名大聲言曰有天理有天理衆愕然溥曰此我清庶父母宗公子也天報不爽如此後宜興治縣有崇後令苦之或曰宗公正直益設神位以鎮之崇遂息佑字元吉任刑部主事陞員外郎顯徽績學以詞翰名守制早卒竟無子

東治

卷之二十八

五

光緒堂

崖州知州徐廷振琦

徐琦字廷振諸暨人正統中舉人初授崖州知州崖民多黎戴竹笠于垂髻來見琦委曲論以服用當從中國爲易方巾直領之製簡率俊秀使趨於學教以昏禮俗爲之變在崖九年改道州知州政役報最居七年致仕琦四歲而孤十五補弟子員遊宦幾二十年歸老好禮敦義人稱長者

濱州知州王惟準均

王均字惟準青田人正統丙子舉於鄉丁丑試前一
日聞父訃卽徒跣號奔喪聲徹晝夜聞者悲之時士
中亦有冒服售第者或謂之曰盍少忍圖一榮捷均泣
曰是可忍孰不可忍也服闋謁選得濱州知州屬歲大
旱民無種子流離滿道均躬履村落貸種給耕又力請
於朝得銀萬兩民賴以濟歷官九年宦囊如洗父老攀
留繪分耕圖以贈

閩縣知縣張士昭倬

張倬字士昭山陰人正統間鄉舉分教崑山時年尚少

史治

卷之二十八

聖

先賢堂

爲師儒益嚴禮範事之有裨風化者必毅然主行之權
知閩縣縣當寇亂之餘倬起類葺廢政漸以舉憂勤致
疾卒於官邑民莫哭者相屬不絕倬自少穎悟篤學爲
文學秦漢詩備諸家體裁所著有毅齋集二十卷筆錄
十卷

東昌府知府徐琅

徐琅衢之開化人正統戊辰進士任刑部主事陞東昌
府知府柔和平持法不阿政尚寬平勤恤民隱課民
墾閒田不避權貴東昌故安置降虜千餘戶奉詔伐安

南有功驕橫擾民官不能制琅具疏以聞得旨調發民
皆感悅立石頌德陞山東右叅政卒至今士大夫稱道
不置其故老語及有流涕者

廣西叅議甄克修完

甄完字克修新昌人舉進士授刑部主事進員外郎出
爲廣西叅議廣西故百粵地夷獠雜處多瘴癘戍兵死
者相籍完奏易以土人又建議管田於近地省轉輸之
半時同邑楊信民爲廣東叅議兩人名位相埒信民赫
赫有聲完獨以豈弟得民景泰初轉湖廣叅政進河南

史治

卷之二十八

聖

先賢堂

左布政使屬水旱相仍民多流殍完至發倉賑貸奏蠲
夏稅民因稍蘇其任方岳前後二十年皆有惠政及民
朝廷遣大臣按行天下考察獨甄完所治不復考因使
少保于謙諭其受知眷如此居官清儉始終不渝自布
政乞骸骨歸卒於家

蒙城縣知縣方宗源淵

方淵字宗源淳安人明尚書瞻詞添試場屋弗利每遇
門人先着鞭必喜形於色若已有之人有難之者輒引
范魯公語曰賦命有疾徐青雲難力致非矯也素性如

此後以太學生授鳳陽蒙城令慈祥堂第一以愛民爲主其廳事四壁編書先正格言以自警民多德之秩滿引年致仕卒於家所著有龜雀山人吟稿二卷貽晒稿三卷

廣東叅議楊信民誠

楊誠字信民以字行新昌人永樂庚子鄉試授工科給事中使江西整飭軍伍宿弊盡洗正統癸亥遷廣東左叅議雷化高燕諸郡盜起信民用計招捕獲其渠魁餘黨悉平以誣逮繫已巳秋英廟北狩詔釋信民守白

東治

卷之二十八

聖

光緒堂

羊口以備虜而廣東賊黃肖養越獄倡亂省城洶洶廣人乞還信民詔拜左僉都御史往撫之比至則廣州已被圍數月信民開城發廩給木牌縱民出入遣使齎檄入肖養營無諭肖養素感服信民威德卽大宴約日投降信民單騎出城賊衆皆倒旗羅拜肖養泣下跪訴信民安坐諭以禍福投降者以千萬計越五日信民復單騎往降者益衆未幾董都督統大軍來賊遂中變景泰元年三月五日有大星隕城外無何信民暴卒廣人奔走號泣舉城縞素肖養聞之撫膺大痛以身投地曰吾

屬無生望矣賊衆皆哭山谷俱震事聞遣官諭祭謚恭惠其後董都督以大軍勦賊所過輒屠之廣民呼天淚血益思信民不置相率走京師奏請立祠祀之制曰可廣西按察使江元勛

江勛字元勛奉化人景泰五年進士擢河南道監察御史兩命巡按山東湖廣山東苦飢民多流亡乃設法賑貸田野安生湖湘旱澇相仍穀價騰湧民不堪命而內臣銜命將啓局造紙聞者洶洶助秉燭草疏奏罷之比還京總臺委看詳三法司事適有吉祥構難天子震怒憲臣奉行天討勛侃侃持正盡心諷諭獄詞數千宇下筆立就諸大臣深器之擢廣西按察使蠻峒弗靖連歲發兵搗其巢穴勛謀畫撫綏朝夕靡懈斥貪去暴綱紀肅然以內艱歸先是勛爲御史嘗薦其里人汪綸袁勛以明經授訓導勛屢過勛門未嘗入謁子弟以爲言勛曰此吾所以舉勛也其識量如此服未闕避疾而卒

東治

卷之二十八

聖

光緒堂

汀州通判吳廷用桓

子照素附

吳桓字廷用鄞人父江正統間江右從實京師桓侍行遂以順天籍中景泰癸酉鄉試選汀州府通判嘗攝

守事。剖決如流。庭無滯訟。上杭阻山爲固。溪南民多反側。桓撫以恩威卒服其化。已而朝廷遣重臣巡視民訛。傳剿之輒嘯聚欲亂。桓卑車往諭。衆遂帖然。時遷長沙縣學治城上。杭大役屢作而不幸民一錢丁憂服闋改常州職專督賦賦戶長歲贖千金爲壽名分例錢桓堅却之秩滿當遷常民詣關上書請留之陞本府同知九年加四品俸又五年別蠶登好吏墨如洗時宜興山崩暴水墊溺溺死者衆桓卽發倉濟之又捐俸爲儀勸富民出粟以賑靖江濱海風濤蝕田額稅無辦躬爲優實

史治

卷之二十八

望

先碧堂

以新漲沙田米補之郡亢旱不雨桓徒跣詣橫山龍祠致禱以不職自咎歸甫及門而雨歲乃有秋以病乞骸骨進階中憲大夫常州府知府致仕歸三年以疾終子照崔山縣知縣季子杰宿松縣學訓導俱以淳德稱

開封府知府金尚德文

金文字尚德麗水人監察御史愷之子弱冠登景泰辛未進士第選翰林庶吉士詞藻翰墨稱重文苑出守開封剖斷獄訟不避權勢奉勅審理南畿刑獄受誣得雪者以沉香木刻像祠之又上便民十事詔頒行天下以

爲定式所著有好生錄履素閒吟等書

高州知府賈廷選謙

賈謙字廷選會稽人景泰初領鄉薦授潮州同知更徙韶州所至以廉幹稱遷高州郡守徃獵出沒剽掠民不聊生謙撫綏合宜羣夷戢服至有迎拜道左乞田輸稅以自齒於編氓者高人至今祠祀之

廬州知府朱廷用鏞

曾孫孫炎附

朱鏞字廷用仁和人景泰辛未進士授南京兵部主事歷郎中出知廬州時合肥僧殺其師匿服喪舒城民

史治

卷之二十八

望

先碧堂

婦以奸殺其夫六安民殺從弟皆誣坐他人鏞始至開成案逮治考竟燕得實因改坐焉御史劉忠魏乘知狀驚以爲神舉奏旌異陞廣西布政司叅政適鬱林賊起督撫統兵往征命鏞紀功已汎諸賊黨師還感疾遂致仕歸深居簡出屏絕塵事日以方書自娛平生氣岸甚高於人少許可士多尊慕之魯孫孫炎任寧州知州居鄉建議有捍禦功

欽州知州陳德溫淳

弟英子瑞從子玘孫侃附

陳淳字德溫鄞人幼有雋才九歲作長松賦景泰癸酉

舉於鄉授知欽州蒞政廉明時靈山民有死獄株連數百人會大暑牢戶皆滿淳止繫當罪者數人餘皆出之守大怒淳引法力爭竟不能屈舊有義倉儲穀二萬餘石積爲豪強所侵悉徵理之適大侵民賴以活撫按賢之以廉州知府會薦命未下而卒弟英字廷賢金成化壬辰進士知廬陵民歌三異拜監察御史以風力聞子瑞字鳳儀成化丁未進士授中書舍人陞刑部郎用法平恕慮因兩廣多所平反情罪尤麗者威富莫能奪觸瘴暴卒人多傷之英從子玘字國祥嘉靖壬辰進士授

史治

卷之二十八

卑七

光緒堂

刑部主事歷官監察御史瑞子侃字應和嘉靖丙戌進士拜刑科給事中歷官太僕寺少卿始玘與侃未第時同業郡庠以文學德行相師友比在臺諫俱以剛直名談者以爲一門之盛

濟縣知縣葉廷衡

葉衡字廷衡平陽人博學有孝行以文章召名當時景泰中授濟縣知縣操守廉潔民呼爲葉青天濟當孔道膠訟全集衡發奸摘伏吏不敢欺時有盜于貢墓者逮數十人衡以計鞠之一訊而服人稱其神濟地密邇彰

德守將不戢士卒恣其爲暴衡奏請其指揮三人百戶十人由是軍衛警服民始獲安臺臣交章薦之以老謝歸自號宜休居士所著文曰宜休集

泰和丞孫景暉

孫暉字景暉海寧人景泰壬申以賢良方正薦授江西泰和縣縣丞邑素多豪大家暉奉職循理不爲威屈嘗親定徭役旦夕令下請託不及行人稱爲霹靂手指其牒爲鐵板榜文言其公平允當不可更易也擢博白縣知縣韓襄毅雍征大藤峽暉從行多著勞績超授溇州

史治

卷之二十八

卑八

光緒堂

桐城知縣陳良金鏐

陳鏐字南金慈谿人領景泰七年鄉薦授桐陵令政尚寬厚愛民如子民亦愛之知父姓至馭吏則執法不回清慎終始如一後引年歸憂慙然遺子孫以清白惟以山水文籍自娛人稱爲樂泉先生

寧國府知府沈士彝性

沈性字士彝會稽人景泰辛未進士授雲南道監察御史嘗出按邊關代還見畿內多隙胡即疏言此屬不諳畊種惟仰給縣官類多貧窮濫逸往者連虜入寇有乘機剽掠或叛去者蓋夷狄豺狼也豺狼非可馴之物夷狄豈服義之人西晉之事蓋可鑒矣今貴州苗蠻未靖宜遣隨征事平就留居彼既可弭前日叛去之患又可免後日意外之虞兵部燧其言會苗平不果行識者惜之英廟復辟首陳六事已而郡守員缺命公卿會舉

吏治

卷之二十八

吳元

光緒堂

賢能者任之性遂出守寧國刻剔姦弊一以惠利為本訟至立斷固無繫囚令行禁止吏民悅服尤加意學校勸課士子公暇即引諸生入後堂親為講授諸生有苦日用不足者隨家貧富量撥田畝為讀書費至今守為定法其自為學勤勵不輟每夜張燈讀書至三鼓或疑其過性曰仕而優則學學所以為臨政之資也吾安敢自逸哉在治八年政為畿內諸郡最末幾以父憂去性至孝友初聞父病便欲弃官比聞計哀慟幾絕即日

上道歸治喪盡禮與力既襄事而弟死性益哀病竟

以是得疾疾殆歎曰修短有數死何足惜第恨不得畢忠孝於君親耳言不及他而逝

廣西叅政錢文煥與

錢與字文煥鄞人正統丙辰進士授戶科給事中陞廣西叅政時桂林義寧有警或議轉餉隣邑以給士與曰因糧於敵法也一戰而克則敵之儲固我之糧也不若給之以貲則民不擾而兩利矣議者謂焉潯州老監寇起以單騎諭平之尋陞湖廣左布政使內艱服闋補廣西民額手相慶曰不圖復見我錢叅政都御史韓雍征大藤峽會歲侵以軍餉為憂與措置得宜上下克給凡所俘獲尤極詳諫得活者甚眾力請致仕歸善養生之術以高年終

吏治

卷之二十八

辛

光緒堂

涇縣知縣劉克剛侃

劉侃字克剛嘉善人景泰初領鄉薦授涇州知州政尚寬簡朔方歲事征討涇當要衝大將提兵必道涇侃措置有方雖供億百出而民不擾都御史馬文昇嘉其績入劉廷高交章論薦擢守延平延平地僻民淳侃以清靜為理政有餘閒時與寮案賓客游泳唱酬有

府倅恃才凌轢。佩置弗校。未幾倅沒。撫恤其家。歸其喪。時稱長者。侃素廉約。言及貪者。輒赧顏。兩赴官。皆甯產以行。及謝病歸。囊無長物。授徒自給。足不入城市。自稱曰樂間公。

鎮江府知府林一鶚

林鶚字一鶚。太平人。景泰二年進士。初爲御史。時言官得志。輒妄言。捫捩中傷人。益交結橫。其鶚獨持大體。略細故。裕陵復位。盡左遷諸言事。頃俄挾勢。鶚張者簡諸守正。持大體者爲大郡知府。鶚得鎮江。比辭召見。賜

東治

卷之二十人

手

光緒堂

飲食楮幣。諭所以擢用意。鶚至郡。汲汲與利除害。不出一言。暴前人短。鎮江漕河孔道。往經孟瀆險。議鑿河七里港。引金山上流通丹陽。避孟瀆。鶚言迂遠多石。又壞民廬墓。按京口開甘露壩。故迹稍深。浚通舟。春夏啓閘。秋冬渡壩。道里近。功力省。又不損民壤地。利甚便。竟停役。從鶚言。未幾更劇治蘇州。鶚一切簡靖。卽有建革必審。嚴再三。其人重鶚名。旦夕責效。頗笑守迂緩已而見其深思曲算。圖久遠利。卽又稱於太守康濟才也。起拜江西按察使。平反冤獄。必據律不肯輕重。輕徇上下意。

廣信有妖賊。妄稱天神。百姓驚疑。有潛附之者。鶚榜糾其魁事。遂解。否且用兵。或起大獄。歷兩布政使。歲飢。奏減民田租十五萬石。成化六年陞南刑部侍郎。服闋補北未幾卒於官。貧無以爲歛。黃文毅謝文肅二公經紀歸。其喪嘉靖二十二年。御史趙大佑上鶚節行。贈刑部尚書。謚恭肅。

湖廣僉事邵叔璋

孫振振子諱附

東治

卷之二十人

手

光緒堂

武岡諸縣初燬於兵。琮至竭。力撫綏。築城建縣。士民悅之。又運奇設策。擒孝感巨寇李善境內帖然。陟四川按察司副使。俗喜告訐。而琮聽斷精敏。庭無留獄。未幾致政歸。徜徉湖山。足跡不入公府。人高其賢。孫振仕至福建副使。子諱質。有王父風。

贛州知府姜廷器

姜璉字廷器。蘭谿人。天順庚辰進士。授山東寧海州知州。陞贛州守。丁內艱。改永平。卒歷官。通敏有治績。嘗太書榜公堂云。治官事如家事。以民心爲己心。時稱良吏。

所著有疑香稿、喪禮書、咏史詩、藏於家。

高密縣知縣蕭用光

蕭昱字用光，山陰人。天順壬午魁鄉試，授貴溪令。以簡易慈愛爲政，民甚德之。丁內艱，服闋補高密。初，民困於征輸，皆相率亡去。昱至，緩征發賑，流徙漸歸。客地富沙河下，湮漫流殺，像昱治塘浚渠，取南人水耕法教民。濱海爲田，立均徭九等例，兩臺取其貳，頒之通省。政暇親課諸生，期望集耆老於庭，導民孝弟。卒於官，民傾邑哭送。有及淮而返者，兩邑皆祠祀之。子鳴鳳，自有傳。

東海

卷之二十八

五

光緒堂

平原縣知縣王宗元

王愷字宗元，定海人。領成化辛卯鄉薦，授薊州學正。遷平原令，遇旱愷齋戒禱雨，雨輒應。禾稼以登，齊俗多盜，有麥商夜經村寺被劫，陳於縣愷故匿其事。除令販豆者利以然，巨其中夜過寺門復劫去，令捕兵易服就寺僧貨豆，中有熟者。待訊而服，自是盜賊屏跡。稱爲神明，後惟要以非法相強悍。去國法不可撓，遂求致仕家居三十餘年，自稱樂休居士，有樂休集四十卷。

知合州金崇厚

金祺字崇厚，麗水人。父忠以言事謫戍遼陽，祺年十二上疏乞代，不允。及聞父死，徒步走數千里扶柩歸葬。以孝稱，登成化甲辰進士，授知合州。有殺一家六人者，獄經七年不決，祺承檄往鞠之。是夕夢一老媼拜橋下，指水曰：「刀在此處。」明日果於水中得刀，出示罪人不訊而服。人謂具政歷衡州知府，進階中大夫。所著有避名稿、茅齋集。

嘉定知縣王用仁

東海

卷之二十八

五

光緒堂

王衛字用仁，慈溪人。成化丁未進士，授嘉定知縣。吏事精敏，民隱洞然。縣故有積荒之田千餘頃，賦每責辦於里胥，衛招撫流移計口授畝，給種與牛。於是流民復業，賦有所出，潮海介蟲害，稼術爲文驅之，其害遂息。而歲更有秋，召拜監察御史。風采凝峻，聲稱赫然。劾壽寧侯張鶴齡飲酒不敬，無人臣禮，權貴震懾。奉命查盤兩廣悉心勞瘁，卒於梧州。督學使者黃如金作三王祠於嘉定，以祀名宦，衛爲之首。

淮安通判李誠之文昭

李文昭字誠之鄧人登成化庚子鄉薦授淮安通判飭已愛民上下安之適歲大飢道殣相望乃說守長屬察各捐俸入井公私得米數千石昭親爲粥分哺之活人以萬計沐陽有腴田數千頃故有溝澮久之不理墮高堙庫旱潦俱病昭爲疏導賑民獲其利考最遷南寧同知飭已愛民一如淮安以薦遷潯州知府已而命下乃得重慶未行况村土官黃文昌猖亂乃單騎往諭降之既以馳驅勞瘁感瘴卒時論謂昭生以忠誠報國死以清白貽家

東泅

卷之二十八

王

光緒堂

武平縣知縣徐端

徐端瑞安人成化間由太學生授武平縣知縣民俗喜聞訟而不尚詩書端改建學宮於夾壇之地銳意作興訟者至每從容譬諭俟其自改未嘗輒加鞭朴人皆化服健訟之風頓息先是邑多水潦蕩析民居端爲築大隄數里以禦之始免鰥寡之患卒於官士民多有爲之行服者

鳳陽府知府章元進銳

章銳字元進鄞人成化壬辰進士官刑部主事進郎中

剖析滯獄法比精於老吏出守鳳陽會有羣爲巫覡者吏捕當以反逆銳庶知其寃用左道惑衆律誅其首而釋其餘孝皇御極應詔陳言上鳳陽軍民利病及天下時政十八事多議行者壬子旱蝗罪已雪禱雨輒澍復奏蠲稅三之二陞湖廣布政司叅政會錦田苗僮反山多瘴癘當事者憚不行銳獨蒙犯霜刃以孤軍深入平之竟感疾卒於臨武將屬纊猶囑從吏某事如何某事如何言不及私盡瘁王事蓋逮死不忘云

莆田丞朱孟瑜瑾子陳附

東泅

卷之二十八

王

光緒堂

朱瑾字孟瑜海鹽人成化乙巳授莆田丞勤恭輔令採覈災傷督清驛傳嘗攝縣事恤民潔獄不使穢病拘繫者甫有平海蒲葭二軍儲每蒞出納大孟注水投水以浮沉決去取時有貴豪子造巨舶通島夷爲奸利臺臬檄瑾往按竟敗舶致之法不少徇子陳將應浙試莆士私告曰邑博程檄典浙文衡幾會弗可失辭曰有命微倖匪吾願也未幾謝政歸更號半陶陳卒起家歲貢終汀州司訓

南陵縣知縣沈德元元

沈元字德元慈谿人成化間以進士知南陵縣值歲大侵民洶洶不保元發帑藏勸富民出粟賑之民賴以安召拜監察御史出按淮陽不瑱屑細務獨持大體陞湖廣僉事武昌故多大獄元閱案每至夜分假寐輒興務得其情人目之爲一路臯陶按部至長沙以勞瘁卒長沙士民痛元以死勤事請之當路俎豆學宮

廬江縣知縣梅江

梅江宣城梅聖俞之裔宋南渡始居嘉興江登成化已丑進士第始授廬江令典刑剔蠹政聲籍甚士民尸祝

吏治

卷之二十八

五七

光緒堂

之擢南道監察御史時儲位未定大臣莫敢言江首疏力請上嘉納賜緞金身服已奉命清戎兩廣寬恤部伍招撫流移遷四川僉事決疑獄數十事蜀人以梅鏡稱之

應天府尹吳文英雄

吳雄字文英雄其先仁和人自其大父始居京師成化戊戌進士授刑部主事遷員外郎郎中程河南按察司副使會使入缺多留獄雄至攝司事盡取而決之獄爲之空轉湖廣按察使時歲旱城中多火災雄請而雨火

滅連三歲旱禱輒雨楚人歌之彬州蠻侵掠居人有司蒐捕之窮詰其黨欲盡致之死雄以爲此孱弱小醜無能爲必喜事者爲之張皇耳第取其首惡誅之餘無所問拜應天府尹初視事日集僚佐堂上令吏執籍出籍金一一點視之曰政貴謹始也果亡銀若干疑雄密察之即得盜者一府以爲神先是給路引者納入銀以供堂餐尹多目取之雄獨籍之官或以爲煩明年兵部下令收諸路引錢歸之京師以備邊用衆益服其廉明壬戌南畿旱應天爲甚而總漕者亟征兌運米淮曰民病已甚不可重擾輒奏止之又請兩淮所貯綱米三十餘萬石以賑飢者全活以億萬計甲子秋監鄉試以積勞成疾會當入覲兼程行比至潞河疾劇卒年五十有六雄爲人簡直居官廉謹奉法棘棘不阿臨事能斷權奸擊惡推見至隱而心一主於惠愛嘗讀趙廣漢傳歎曰構會吏民以賊無辜是豈爲民父母之道宜其見刑也至龔黃傳則口爲吏者當如是矣

興化府知府王存敬嗣

王弼字存敬黃岩人以進士知溧水三年績最人爲刑

部主事轉員外郎出守興化。或為弼難弼曰：第視之既至，則曰是故秉禮之鄉，視深易與，則盡出古意為之。律身必端，布令必信，制度必節，祀典必嚴，科貢必厚，部幸節必舉，必旌飲射宗儀，禮登降拜跪盡日無惰容，俗婚喪過修，俠子事賭博家為落，乃設牌正副，定中式書勸戒文，使時開諭弗變，伺舉以懲五伯攝人狐假為虐，乃立限批明書期日，授訟者自付被論執，就理後期有咎，民得無擾賦稅更徭吏胥多舞智弼身自處分使受成，案無所與事也。直杜絕養濟院居河上流，先是欲遷輒格不行，弼擇鴈壇之右立屋園井廁，視舊特軒敞，悉故屋焚之，平其地立射圃，端午競渡長訟耗費，禁者乏要領，迄未能息，弼使自手實盡市以修橋梁，私匿者逮及社人無縱獎源頤塞公牘，蔡委笑語指揮，每旦日視事，日中則庭無留人，坐公堂閱古書宿弊清汰而利所宜興，無復後遺獄訟衰止盜賊屏息，治理書天下最蕭百餘年之守宜未有先者，故弼安於蕭而蕭若不可一日無弼者，德者感，罪者愧，無怨去而思來而喜，病而禱而而祠而碑，請衣冠而葬，風謠盈耳，哭者聲必哀，盡

卷之二十八

李

先哲叢書

焉實弘治戊午十月也，弼形短無中人而神觀英爽，明炳幾先，迥脫凡累，隱然古君子自期，天下視為國器，作餘能自力為詩清硬，嘔奇歸然獨露風骨，在刑部時人稱小翰林云。

建寧府知府張用載大輪

張大輪字用載，東陽人，少師事章楓山先生，有志聖賢之學，舉正德甲戌進士，釋褐工部主事，三載報政，忽臺父病心動告急歸，抵家而父已屆，續猶得親視飯含，以缺人以為孝，感起服補刑部主事，轉郎中，訊囚得活者數百人，擢建寧府知府，部中有酗酒殺兄者，行賄有司又不決，大輪至立置之，法時早久，即時雨，澍說者以比東漢孟嘗，古田寇作，當道持首鼠計，撫無決計，大輪獨馳檄曉以禍福，應時解散，不煩寸兵而地方以寧，尤溪二大姓構訟踰三十年，結營閉死者百餘人，大輪奉檄單騎馳往，不數語而兩家之難解，即請臺伏罪曰：非張太守幾不得復為良民，更知常州擢福建按察副使，江西參政，干旄所指，輒著靖亂之畧，以母喪歸，竟以不勝喪卒。

卷之二十八

李

先哲叢書